

Him Yaaim Me God

Au New Testament

This Bible is copyrighted by Wycliffe Bible Translators (Wycliffe.org) and is printed with permission by the Digital Bible Society (dbs.org) for non-commercial use.

This Bible is available for free download in a variety of digital formats at dbs.org/bibles.

MATYU	4
MAK	44
LUK	66
JON.....	104
APOSEL.....	131
ROM.....	166
1 KORIN.....	185
2 KORIN.....	205
GALASIA	218
EFESAS.....	226
FILIPAI	232
KOLOSI	237
1 TESALONAIKA.....	242
2 TESALONAIKA.....	246
1 TIMOTI	249
2 TIMOTI	255
TAITAS.....	259
FAILIMON.....	262
HIBRU	264
JEMS.....	280
1 PITA.....	285
2 PITA.....	290
1 JON.....	293
2 JON.....	298
3 JON.....	299
JUT.....	301
REVELESEN.....	303

MATYU

Menmen mekre tiwei ik

Hir mit ne weiwik miutip ne Jisas

r 1:1-17

r*

Him me Maria wine Jisas

r 1:18-2:23

r*

Him me Jon Baptais

r 3:1-12

r*

Jon Baptais kikir Jisas

r 3:13-17

r*

Seten kakri han ke Jisas

r 4:1-11

r*

Jisas katip him yaaim keit Galili

r 4:12-18:35

r*

Jisas ken Jerusalem katip him yaaim

r 19:1-25:46

r*

Mit nenep Jisas kaa

r 26:1-27:66

r*

Jisas pike kekrit maain mit nirek

r 28:1-20

r*

Niuk me maamrer ne weiwik me Jisas

(Lu 3:23-38)

1 †Menmen im hi hewisim hiram niuk me maamrer yapirwe ne weiwik miutip me Jisas Kraiss, kerek hirak nepenyek ke mitik iuwe Devit, hirak nepenyek hak ke maam nipu kiau Ebrahim.

² Ebrahim kine Aisak.

Aisak kine Jekop.

Jekop kine Juda ketike heiyuwerer nirak, kikrek tirak.

³ ††Juda kiwaai ketike Tema hire wine Peres ketike Sara.

Peres kine Hesron.

Hesron kine Ram.

⁴ Ram kine Aminadap.

Aminadap kine Nason.

Nason kine Salmon.

⁵ *Salmon keit Rehap hire wine nikan kire Boas.

Boas hirak keit Rut hire wine nikan kire Obet.

Obet kine Jesi.

⁶ ††Jesi kine Devit hirak mitik iuwe king.

Devit kine Solomon. Nipaa Solomon miye pirak hire mite pe mitik Yuraia. Yuraia epei kaa, Devit ketiwe hire mite pirak.

⁷ ††Solomon kine Riaboam.

Riaboam kine Abaisa.

Abaisa kine Esa.

⁸ Esa kine Jihosafat.

Jihosafat kine Joram.

Joram kine Usaia.

† 1:1 Jen 22:18; 1Kro 17:11 †† 1:3 Jen 38:29-30; Rut 4:18-22

‡ 1:5 Rut 4:13-17 †† 1:6 2Sml 12:24 †† 1:7 1Kro 3:10-16

⁹ Usaia kine Jotam.
 Jotam kine Ehas.
 Ehas kine Hesekaia.
¹⁰ Hesekaia kine Manasa.
 Manasa kine Emos.
 Emos kine Josaia.
¹¹ †Josaia kine Jekonaia ketike kikrek nirak. Me wi im, mit ne Babilon netike mit ne Isrel nenapan, hir neriyei mit ne Isrel neri nen wit kir.
¹² ††Hir nari mit ne Isrel nen wit kir eik, Jekonaia kine Sialtiel.
 Siatiel kine Serababel.
¹³ Serababel kine Abaiat.
 Abaiat kine Elaiakim.
 Elaiakim kine Eso.
¹⁴ Eso kine Sedok.
 Sedok kine Ekim.
 Ekim kine Elaiat.
¹⁵ Elaiat kine Eliesa.
 Eliesa kine Matan.
 Matan kine Jekop.
¹⁶ Jekop kine Josep, mitik kerek keit mite Maria kerek wine mitik Jisas, kerek mit nenewek Mitik Iuwe ek Krai.
¹⁷ Nipaa wi Ebrahim kepu ere mite wine Devit, haiu mewenhis maamrer hir nar hiswiyen tekyaaat (14). Me wi Devit kepu ere mite wine Jekonaia, wi kerek mit ne Babilon neriyei mit ne Isrel neri nen wit kir, haiu mewenhis maamrer hir nar hiswiyen tekyaaat (14). Me wi im ere Maria wine Jisas kerek God kehimitanek hirak kikaap haiu mit kaktaihis, haiu mewenhis maamrer hir nar hiswiyen tekyaaat (14).

Him me Maria hire wine Jisas (Lu 2:1-7)

¹⁸ †Menmen im hiram him me Jisas Krai miye pirak winaak ek. Jisas miye pirak Maria ap wetike Josep neitan wen au. Hir nehimiteni weinim te hire wertei hire nepei wepitu wentar God Himin Yaaik kau kekrerep kewis nikan kekere tu kire te hire wawinaak. ¹⁹ Hire wawine nikan te mitik kire Josep han kitet hirak ap kiwaai ketikerep te hire wepitu. Hirak mitik yaaik ap hanhan kakwepyapir hirak han kitet hire wiriak enum kaknipiye yink enuk te hirak kare kakipakinep kaksuwererep wauno. ²⁰ Josep han kitet mite pirak Maria kerek epei wetu, te hirak kiwaai kityak te mitik ensel ke Mitik Iuwe God kan ketpiwek, "Ti nepenyek hak ke maam nipu kit Devit ti ap enaain ti etikerep eyitan eyintar nikan kekere tu ke mite pit God Himin Yaaik kewisik kekrerep hire wepitu. ²¹ ††Hire sip newenep wawine nikan te ti ewis niuk mirak Jisas entar hirak kakikaap mit nirak ne Isrel, hirak kakisak menmen mir enum."
²² Menmen im mamnen mamises him kerek nipaa Mitik Iuwe God katip mit profet em. Hiram matip mar im: ²³ ††Yi mit miyapir eyimtau im em. Maain mite nihan wawitu wawine nikan te mit naninewek niuk

mirak Emanyuel." Haiu meweikin niuk mirak men him maiu haiu matip, 'God kau ketikewai.'

²⁴ Wanewik epei au, Josep kekrit hirak kises menmen kerek mitik ensel nepei ketpiwek hirak kiwaai kityak kirem, te hirak keit Maria hir neitan. ²⁵ ††Hir neitan te hirak ketikerep niran au ere hire sip newenep hire wine nikan. Hire winaak epei au, Josep hirak kewis niuk mirak Jisas.

Mitikit wikak te wit hak tertei iuwe hirakit tan tatir Jisas

2 Jisas miye pirak winaak keit wit Betlehem keit provins Judia. Maain kike mitikit hakit tir saur metike hir, wit kirakit keit yanimin kerek wepni kokai kan, hirakit tinaaiwir wit kirakit ten tiun wit Jerusalem, hirakit titehi mit tar ik: ² ††"Nikan kike kerek miye winaak maain hirak kakre Mitik Iuwe King kakinin naanmampre mit ne Isrel, hirak keik? Haiu mir saur kirak kerek keteiknai miye wine mitik maain hirak kakre Iuwe. Hiram mir meke wepni kokai kan, te haiu man mamwenipi niuk mirak." ³ Mitik iuwe King Herot hirak kemtau him kerek mite wine nikan, hirak han enuk kentar hirak han kitet maain hirak kakikrehir kirak. Mit yapirwe ne wit Jerusalem hir nepirpir niran nentar Herot hirak han enuk. ⁴ Mitik Herot kenine mit iuwe ne pris netike mit ne Skraip kerek nertei him me Moses natip mit em, hirak kitorhi, "Mit profet natip mite wawine Mitik Krai kerek God kehimitanek kaknen hire wawinaak wawit nein?" ⁵ Hir mit newenhi netpiwek, "Hire wawinaak kakit wit Betlehem ke provins Judia kentar im em nipaa mitik profet Maika kewis him me God mau tiwei mar im:

⁶ †Yi mit ne wit Betlehem yeit provins Judia. Yi iuwe yar ke mit ninin naanmipre mit ne Isrel. Yi yire iuwe yentar maain mitik hak kekere nimin ke yi mit, hirak kakre mitik iuwe kakinin naanmampre mit nai ne Isrel."

⁷ Hir netpiwek epei au, te mitik Herot kenine mitikit kerek tir saur hirak kisawin kitiwekithi me wi mar-
 menum te hirakit tir saur kerek kir keteikin mite wine nikan kerek maain hirak mitik iuwe. ⁸ Epei au, hirak keriuwetet ten Betlehem hirak ketpiwekit kar ik, "Yi eino eyin eyineitniwek ere yi einapinek, te yi pike einen eyitpo te hi anen awen ninip ewenipi niuk mirak."

⁹ Hirakit temtau him me Herot epei werek, te hirakit ten. Te saur kerek nipaa hirakit tirek hirak kir kepu kentar wit kerek Jisas miye winaak kiwaairi en.

¹⁰ Hirakit tir saur (o hir) kau kentar wit te hirakit han yaaik iuwe. ¹¹ ††Hirakit tinik ten winak nimin ein tir nikan Jisas ketike miye pirak Maria. Epei au, hirakit tewen ninip tine han kirakit yaaik teriuwerek tatip hirak nikan yaaik. Epei au, hirakit tewep tanik mirakit tewetiwek menmen weinim. Hirakit tewetiwek menmen yaaim gol, metike frankinsens (hram menmen mire smok smel), hram metike mir (hram menmen minin yaaim mire yeirep, semi o kipna). ¹² Maain

† 1:11 2Kin 24:12-16; 2Kro 36:10; Jer 27:20 †† 1:12 Esr 3:2 †
 1:18 Lu 1:27, 35 †† 1:21 Lu 1:31, 2:21; Ap 4:12 †† 1:23 Ais 7:14

††† 1:25 Lu 2:21 ††† 2:2 Nam 24:17 † 2:6 Mai 5:2; Jo 7:42
 †† 2:11 Sam 72:10-15; Ais 60:6

hirakit tityak tir God Haai hirak ketpiwekit, "Yi ap pike eino eitip Herot menmen yi epei yirem." Te maain hirakit tinaaiwir wit Betlehem hirakit pike titet yayiwe hak hirakit pike ten wit kirakit eik.

Josep ketike mite nikan nirir nen Isip

¹³ Mitikit wikak epei ten, Josep kityak kir ensel hak ke God ke witaan kan ketpiwek, "Ti ekrit ehit nikan ketike miye pirak eri erir enaaiwir in ek ti eno Isip. Yi eiyu en ek ere hi etpi te yi enaaiwir wit ik e. Herot kinkatin nikan kakikip kaki." ¹⁴ Josep kiwaai kir ensel epei au, hirak kekrit ke witaan ketike miye nikan hir ninaaiwir wit ik nen Isip. ¹⁵ †Hir nepu Isip ere maain Herot kaa. Menmen im epei man mar ke Mitik Iuwe God ketpim te mitik profet Hosia kewisim mau tiwei. Hiram matip, "Hi epei enine Nikan kai kan kinaaiwir Isip."

Herot katip mit nirak hir naninep nikerek hirakit teit wit Betlehem

¹⁶ Maain Herot kertei mitikit wikak te wit wepni kokai kan en hirakit epei temitiwekpin, hirakit ap pike tan au, hirak han enuk wisenuk. Hirak nipaa ketpiwekit te hirakit pike tatnen tatpiwek, te hirakit ap pike tan au. Te hirak kesiuwe mit nanino wit Betlehem naninep nikerek hirakit wen kike tar tito mar wiketerem mar ke nipaa mitikit kerek tises saur tan tetpiwekem me wi saur hirak kinin kir keteiknor mite wine nikan ik. ¹⁷ Mar im him nipaa profet Jeremaia kewisim mau tiwei hiram epei man. Hiram matip mar im:

¹⁸ ††Hir mit nemtau him me miyapir nikit neit wit Rama. Hir nemtau hir nikit him iuwe him iuwe. Nepeny-erer ne Resel nikit nikerek nir. Hir mit miyapir nanrekyyi nanweni han yaaik taau nentar nikerek nir ap nau en au. Hir naa."

Josep ketike mite nikan ninaaiwir Isip nan Isrel

¹⁹ Herot epei kaa, Josep keit Isip. Witaan ham Josep kiwaai kityak kir mitik ensel hak kiutip ke God kan kirek kewepyapir hirekes. ²⁰ †Hirak kewepyapir hirekes ketpiwek kar ik: "Ti ekrit pike ehit nikan ketike miye pike eri eno wit ke Isrel. Mitik Herot nepei kaa te mit nirak ap te naninep nikan ik au." ²¹ Ensel ketpiwek epei au, hirak kekrit keit nikan ketike miye pirak ker ken Isrel. ²² Hirak ker ken Isrel, hirak kemtau Herot nikan kirak Akeleas kekrehir ke haai kirak kiriak menmen mirak naanmipre mit ne Judia, te hirak kinapen pike kaknen kaku wit Betlehem. Hirak kiwaai kityak ke witaan kir ensel ke God ketpiwek hirak kakno wit hak kaku en. Te Josep kinaaiwir Judia ken provins Galili. ²³ ††Hirak ken provins Galili ken kau wit hak kike mit newek Nasaret. Mar im him nipaa mit profet newisim mau tiwei me Mitik Krai hiram epei man. Him matip, "Hir mit naninewek mitik ke wit Nasaret."

Jon Baptais kerek kikir mit nekre tipar hirak katip mit him me God

(Mk 1:2-8; Lu 3:1-18; Jo 1:19-28)

3 †††Tito yapirwe epei men, hir wen nepu wit Nasaret. Me wi im mitik John kerek kikir mit nekre tipar hirak kan kau wit weinik ke Isrel kerek mit ap newi en. Hirak keriuwet kamel tepnek mirak mau yink kirak, hirak keit yink miram kamir mire waai keyim ketepenem mau mamin kirak. Hirak kaam wise metike manu nikim miram me yaank weinim. Menmen meiyam au. Hirak kire mitik enuk kerp weinim. Hirak katip mit him me God. Hirak ketpor kar ik: "Yi eiweikin sip eiwet menmen enum, hi akiri eikre tipar yi eiyises him yaaim me God eiyintar menep te haiu mamin God kakirkeik hirak kakininai naanmamrai." John hirak mitik ik kerek nipaa profet Aisaia katip maain hirak kaknen. Hirak katip kar ik:

"Ti ik ek ap mit nei newik, mitik hak kinap katip kar ik: "Yi einetit yayiwe me Mitik Iuwe, yi eiriakek yaaik akirek te hirak kakisesim werek."

⁵ Me wi im hir mit ne Jerusalem netike mit han nau nerer wit wit me provins Judia netike mit wit kir menep mani Jodan, hir nan nanir Jon. ⁶ Hir newepyapir menmen enum nipaa hir niriakem epei au, te Jon ken kikiri nekre mani Jodan.

⁷ †John kir mit iuwe yapirwe nises him me Farisi netike him me Sadyusi. Mit in hir mit iuwe natip mit han hir enises him me Moses markeik. Hir nan te John kakikiri te hirak kinin ketpor, "Yi enun yire nikerek ne manpen o yenmik. Yenmak te yi han kitet yi yaain hi akiri te yi yairir yainopin yaikeipin menmen enum God maain kakriakem skelim mit enun kakiwaanki kakriuw-erem a? ⁸ Yi eiyinin eiweikin sip eiwet menmen enum yi eiriak menmen yaaim eiteiknaiyem, haiu mamirtei yi yaain te maain hi akiri eiyiriuwe tipar. ⁹ †Yi ap han ekitet yi ap eiweikin sip eiwet menmen enum eiyintar yi nepenyerer ne Ebrahim, te God kaktip yi nikerek nirak au! Hi hetpi God yaaik te kakweikinhis nan im mamre mit hiram mamikrehir ke yi nepenyerer ne Ebrahim. ¹⁰ ††In ek God kewis hine me yerepi miwaai nu nun miram, te nu ap mamine nikim yaaim hirak kakman kakwirem mamikre si. ¹¹ ††Hi hikir mit neriuwe tipar hentar hir neweikin sip newet menmen enum. Mitik hak kiutip kakikaru kaknen hirak kire Mitik Iuwe kinina hi au weinik. Maain hirak kaknen hirak kakweti yi mit menmen wik. Hirak kakweti God Himin Yaaik kaktike si. Hirak kewet mit menmen im hiram mar ke ¹² †††hirak keses rais mekre sar. Hirak kesesim epei au, hirak kaktewewim hiram haas miram mamno pin, hirak kakit rais kakwisim mamikre winak. Te hirak kakriep haas weinim kakwirem kakisiyem."

†† 3:1-4 Mt 4:17; Mk 1:15 ††† 3:1-4 Ais 40:3 ††† 3:1-4 2Kin 1:8 § 3:7 Mt 12:34, 23:33; Ro 2:5; Rev 6:16-17 †† 3:9 Jo 8:33, 39; Ro 2:28-29, 4:12 ††† 3:10 Mt 7:19; Lu 13:6-9; Jo 15:6 †† 3:11 Jo 1:26-27, 33; Ap 1:5, 13:24-25 ††† 3:12 Mt 13:30

† 2:15 Hos 11:1 †† 2:18 Jen 35:19; Jer 31:15 † 2:20 Eks 4:19
†† 2:23 Ais 11:1, 53:2; Lu 2:39; Jo 1:45-46

Jon kikir Jisas kekre mani

(Mk 1:9-11; Lu 3:21-22)

¹³ Maain wi ham, Jisas kinaaiwir provins Galili ken mani Jordan kewepyapir hirekes kitehi Jon te hirak kakikirek. ¹⁴ Te Jon hanhan kewenek hirak ketpiwek kar ik: "Ti henmak te ti han hitauhi te hi akirit? Ti iuwe hi au weinik. Hiram yaaim te ti ekira." ¹⁵ Jisas keremiriwekem ketpiwek, "Me in ek ti hiriakem emir ke hi hituthiyem hentar hawir ewises menmen him me God mau tiwei hiram matip menmen." Hirak katip epei au, Jon kewenhi kikirek. ¹⁶ Hirak kikirek epei au, Jisas kinaairwir tipar kehini kinu ken pin eik, te nepni hiremes mewep mire weipir hirak kir God Himin Yaai kekiuwe kan main main kire hore tapi hirak kenterik. ¹⁷ Epei au, God katip him hiram meke nepni man matip mar im: "Ik ek hirak Nikan kai hi hanhan heriuwerek. Hirak kenipa hi han yaaik."

Seten kari han ke Jisas te hirak kises him mirak au

(Mk 1:12-13; Lu 4:1-13)

4 ¹ Jon kikir Jisas epei au, God Himin Yaai keriyaak ken yaank weinik mit ap newi, te Seten kari han kirak. ² Hirak kau en 40 witaan ere 40 wanewik, hirak ap kaam menmen au. Hirak ap kaam menmen au, te ninpi maak. ³ Hirak ninpi maak te Seten enuk kewisesik kan kakri han kirak. Hirak kan ketpiwek kar ik: "Ti Nikan ke God ti etip nan im emweikin emre bret te ti ehim." ⁴ Jisas ap kises him mirak au, hirak ketpiwek kar ik: "Hi ap ariakem antar him me God mau tiwei hiram matip, 'Mit miyapir ap te nankaap hiras nanu nanriuwe menmen weinim hir nanim au. Hir enises him me God te hir nanu werek.'"

⁵ Hirak katip epei au, Seten keriyaak keiyik ken wit Jerusalem kerek mit nehimitanek wit ke God. Hirak keiyik ken kewisik kerp kentir winak siup ke winak ke God. ⁶ Hirak kerp kentir winak siup ke winak ke God, Seten ketpiwek kar ik: "Ti Nikan ke God ti ehitikir ehiun ti. Ti ap te hahi au ehintar him me God nipaa mit newisim mau tiwei matip, 'God kaktip mit nirak ensel me ti. Hir hismamrut te ti ap enamu hit mit ewenem mamniu nan taau.'" ⁷ Jisas ketpiwek, "Hi ap ariakem antar him me God mau tiwei matip mar im: 'Yi mit miyapir ap eiri han ke Mitik Iuwe God ki te hirak kakikepi au emit!'"

⁸ Hirak katip epei au, Seten keriyaak keiyik ken miniu (o neiyip) kau niu keteikniwek wit yapirwe me mit newi metike menmen miram yaaim. ⁹ Hirak keteikniwekem, hirak ketpiwek, "Ti ewen ninip ewenipi niuk mai hi iuwe te hi ewetit menmen yapirwe im te ti ehinin naanmamprewem." ¹⁰ Jisas pike ketpiwek, "Ti enopin ekeipno. Hi ap ariakem au antar him me God au tiwei matip mar im: 'Yi mit miyapir eiwenipi niuk me Mitik Iuwe ki God kerekek, eiriak menmen mirak. Menmen

ham em au emit.'" ¹¹ Jisas katip epei au, Seten kirir kinaiwirek. Te Ensel hir nan nekepik.

Jisas kinin kiriak menmen keit provins Galili

(Mk 1:14-15; Lu 4:14-15)

¹² Maain Jisas kemtau mit natip mit han nari Jon neiyik nen newisik kekre winak enuk kentar hirak kene mitik iuwe King Herot. Hirak kemtewek nepei au, hirak kinaaiwir wit ik pike ken provins Galili. ¹³ Hirak ap kau wit Nasaret au. Hirak kinaiwirek ken kau wit Kapaneam kerek kirapit menep wan ke Galili, nipaa mit ne weiwik me Sebyulan ketike Naftalai hir newi. ¹⁴ Hirak kau in te him me God nipaa profet Aisaia kewisim mau tiwei hiram mamnen. Nipaa hirak kewis him im:

¹⁵ Wit ke Sebyulan ketike wit ke Naftalai menep wan iuwe keit pinak ke mani Jordan, ti mau provins Galili mit ap ne weiwik me Isrel newi.

¹⁶ Mit miyapir kerek newi en hir nire mit kerek nau ne witaan toto, te in ek hir nir si iuwe merhihe. Mit kerek nau enum ninaain hir nani hir nar ke mit kerek nau wit toto enum im. Te in ek wanewik epei kan."

¹⁷ Me wi im Jisas katip mit him mirak, hirak katip, "Yi mit miyapir eiweikin sip eiwet menmen enum iyintar menep haiu mamir mamirkeik te God kakinin naanmamprai haiu mit."

Jisas kenine mitikit tekyait (4) tatisesik

(Mk 1:16-20; Lu 5:1-11)

¹⁸ Jisas kitet tenhaan menep wan eik ke Galili, hirak kir mitikit wik tariyakit ten tewir hepin iuwe tekin saauk. Niuk mirakit Saimon (niuk ham Pita) ketike nikik kirak Endru. ¹⁹ Jisas kiret te hirak ketpiwekit, "Yi wiketeret yi eiyisisa. Nipaa yi yari saauk. Te in ek hi ateikni yi yarkeik te yi eiri han ke mit hir nanises God." ²⁰ Hirak ketpiwekit epei au, in ek hirakit tinaaiwir menmen mirakit te hirakit tisesik. ²¹ Hirak kepno kike kir mitikit wiketeret hakit Jems ketike nikik kirak Jon, hirakit nikerek hirakit te mitik niuk mirak Sebedi. Hirakit tetike haai tau bot kirakit tekerwo hepin. Jisas keninewekit, ²² te hirakit wasenum tinaaiwir haai kirakit ketike menmen mirakit hirakit tisesik.

Jisas kepno kewepyapir him mirak kikaap mit miyapir yapirwe ninap te hir nire yaain

(Lu 6:17-19)

²³ Hirak keninewekit epei au, hirak ken kerer wit wit me provins Galili kewepyapir him mirak kekre winak mit nererik nekine him me Moses hirak katip him yaaim me God kinin naanmipre mit, hirak kikaap mit miyapir kerek ninap o yink kir enuk, hir nire yaain.

²⁴ Hirak kikaap mit miyapir hir nire yaain te him me menmen Jisas kiriakem men merer wit wit me provins Siria. Te hir yapirwe newi nari mit miyapir ninap o yink

† 3:16 Jo 1:32 †† 3:17 Sam 2:7; Ais 42:1; Mt 12:18, 17:5; Lu 9:35 † 4:1 Hi 2:18; 4:15 †† 4:2 Eks 34:28 †† 4:3 Jen 3:1-7 ††† 4:4 Diu 8:3 ††† 4:6 Sam 91:11-12 § 4:7 Diu 6:16 §† 4:10 Diu 6:13

§†† 4:11 Hi 1:6, 14 §† 4:12 Mt 14:3; Mk 6:17; Lu 3:19-20 §†† 4:13 Jo 2:12 §† 4:15 Ais 9:1-2 §† 4:17 Mt 3:2 §†† 4:19 Mt 13:47 §†† 4:20 Mt 19:27 §§§ 4:23 Mt 9:35; Mk 1:39; Ap 10:38 18 4:24 Mk 6:55

kir enuk hir neriyei neri nen Jisas. Mit miyapir han hir ninap his hit enum, han en hir neperper nani, han en herwe mersisi te Jisas kekepi hir nire yaain. ²⁵ †Hir mit yapirwe nisesik. Mit in hir ne wit Jerusalem provins Judia, Galili, wit Dikapolis ketike ti me mani Jodan pinak ein.

Jisas kerp miniu (o neiyip) katip mit miyapir him mirak

5 Jisas kir mit miyapir nisesik, hirak kinu miniu (o neiyip) ken kau ke nimin. Mit nirak disaipel hir nan nau netikerek. ² Hir nau netikerek, hirak kewep him ketpor him im:

Jisas katip nenmak te mit hir han yaaik nanu (Lu 6:20-23)

³ ††Eiyimtau. Mit miyapir kerek hir nertei hir ap nises God werek werek hir han yaaik nanu nanintar God kaknen kakini naanmampror. ⁴ †God kenip mit miyapir kerek in ek hir nikit hir nanu werek nentar God kakikepi. ⁵ †Mit miyapir kerek hir newenin han kir ke menmen, hir han yaaik nanu nanintar hir nanit menmen God nipaa ketpor hirak kakwetirem.

⁶ ††Mit miyapir kerek hir hanhan iuwe nises menmen God han yaaik hir nanisesim, hir han yaaik nanu. God kakikepi hir nanu werek nanisesik.

⁷ ††Mit miyapir kerek hir hanhan neriuwe mit nekepi hir han yaaik nanu nanintar maain God hanhan kakri-uweri kakikepi.

⁸ ††Mit miyapir kerek hir han kir yaaik ap niriak menmen enum, hir han yaaik nanu nanintar maain hir nantike God nanu nanit.

⁹ †Mit miyapir kerek hir newen mit han kir te hir nankiyan nanu nanit hir han yaaik nanu nanintar God kaktip hir nikerek nirak.

¹⁰ ††Mit miyapir kerek mit han nanip nentar hir nises menmen God ketpor hir enisesim, hir han yaaik nanu. Maain hir nantike God naanmampre menmen yapirwe.

¹¹ ††Mit hir netpi enum nerekyi enum naniwep newenini him menmen nanintar yi yises him mai, yi han yaaik yayu. ¹² ††Yi han yaaik yayu yayintar maain God kakweti menmen yaaim iuwe kakit wit kirak. Yi yayit menmen im yayintar nipaa mit niriak enum nenep mit profet nipaa newepyapir him me God, te hirak kakwetir menmen yaaim iuwe mamit wit kirak.

Mit nises God hir nire sol metike si (Mk 9:50; Lu 14:34-35)

¹³ ††Yi mit yi yikaap mit ne ti ap nises menmen enum mire sol mikaap sak naan hirak ap mamnin waswas. Te sol meweikin mire tipar ap mamtin him yi eiriak mekam te hiram pike tokim? Taauye! Yi eiwirem mamno witeik te mit miyapir nanintiram, hiram enum.

† 4:25 Mk 3:7-8 †† 5:3 Ais 57:15 † 5:4 Ais 61:2-3; Rev 7:17 †† 5:5 Sam 37:11 †† 5:6 Ais 55:1-2 ††† 5:7 Je 2:13 ††† 5:8 Sam 24:3-4, 51:10, 73:1; Jo 3:2-3 † 5:9 Hi 12:14; Je 3:18 †† 5:10 1Pi 3:14 ††† 5:11 1Pi 4:14; Je 1:2 †† 5:12 2Kro 36:16; Ap 7:52; Hi 11:32-38; Je 5:10

¹⁴ †††Yi yikaap mit ne ti nises God yire si mekepi me witaan yitet yayiwe. Yi yire wit kerek mit nau niu. Hirak ap te kisawin taau, kau yaain mit miyapir nirek yanimin. ¹⁵ ††Mit miyapir ap neksiu si nisawinek kinik tikenup o newisik kinik yeno au. Hir newisik kentar yeno te hirak kiriyor kekre winak te hir kerek nau nekrerek nir menmen. ¹⁶ ††Mar im menmen yi yiriakem hiram mire si. Mit nirem hiram yaaim te hir nanwenipi niuk me Haai kiau God kerek kau keit wit kirak.

Jisas katip me him lo me God

¹⁷ †††Yi ap han ekitet hi han ehiwaank him me God Moses ketike mit profet nipaa newisim mau tiwei. Hi ap han ehiwaankem au. Hi han ariak menmen nipaa hir netpi hiram mamnen. ¹⁸ ††Hi etpi werek. Him mei kike me Moses o me mit profet hiram ap te mamiwaank mamit ere ti mamtike nepni hiram mamwep mamiwaank mamit. Me wi im menmen yapirwe hiram epei au mamisi mamit. ¹⁹ †††Mit kerek neweikin sip newet him mei kike me him me Moses metike him me mit profet, hir nanri han ke mit te hir nanisesi, mit in niuk mir meit wit ke God hiram weinim. Te mit kerek hir nises him me God werek werek neteikin mit han hir enisesim, maain niuk mir meit wit ke God hiram iuwe. ²⁰ Hi hetpi werek. God katip menmen yaaim yi yisesim yiriakem ap te mamnin menmen mit ne Farisi netike mit iuwe ne Skraip kerek ninin nertei him me Moses natip mit em hir niriakem, yi ap eitike God eiyu hirak naanmamri. Hi hetpi menmen im hentar mit ne Farisi netike mit ne Skraip hir ap te nanu nantike God taau!

Jisas katip menmen me mit hir han enuk (Lu 12:57-59)

²¹ ††Nipaa ere in yi yemtau him me God Moses kewisim mau tiwei hiram matip, 'Yi mit ap einep mit han te hir nani au emit! Mitik kerek kenep mitik hak kaki, mit neiyik nanino mitik iuwe gavman.' ²² ††Te hi hetpi. Mitik kerek han enuk keriuwe kirak yinak, mit neiyik nanino nanir mit iuwe. Mitik kerek katip kirak yinak enum ketawinek, hir neiyik nanino nanir mitik iuwe gavman. Keimin katip kirak yinak enum katip hirak mitik enuk keweikin sip kewet God, te hirak naanempre hirekes te God ap kakwirek kakno si.

²³ ††Wi ham ti eno winak iuwe ke God ewenipi niuk mirak ewetiwek menmen mit enwisim emintar kinaan me nan (alta), te ti eket han menmen enum ti hiriak kit yinak em, ti ewis menmen mit emwaai en, ti ehinin eno etike kit yinak yi yewepnak yatip ere yi yekiyakit yau. Epei au, ti pike enen ehit menmen mit ewepwarem ewet God em ewenipi niuk mirak heriuwerem.

²⁵ ††Mitik hak han enuk keriuwit hanhan keryit kakno mitik iuwe gavman kakitpiwek kakiswut him, ti etik-

††† 5:14 Jo 8:12, 9:5; Fl 2:15 †† 5:15 Mk 4:21; Lu 8:16, 11:33 †† 5:16 Ef 5:8-9; 1Pi 2:12 ††† 5:17 Mt 3:15; Ro 3:31, 10:4 ††† 5:18 Lu 16:17, 21:33 ††† 5:19 Je 2:10 18 5:21 Eks 20:13, 21:12; Lev 24:17; Diu 5:17 19 5:22 1Jo 3:15 20 5:23-24 Mk 11:25 21 5:25 Mt 6:14-15, 18:34-35

erek eitipakit menmen ere yi han yaaik eiyu, o au en, yi yinapin mitik iuwe, hirak kakiswut him te mitik iuwe gavman kakriuwetit ti eno his me mit hir naanmipre winak enuk, te hir nanwisit ekikrerek. ²⁶ Ti ehu en ere ti pike ewetiwek pewek emrer mirak ere werék, o au en, ti ehu ehít.

Jisas katip menmen me mit miyapir nariyan his neweninem

²⁷ †Nipaa ere in yi yemtau him me God Moses kewisim mau tiwei hiram matip, 'Yi ap eiriyen his eiweninem au emit!' ²⁸ ††Te hi hetpi. Mitik kerek kir mite naanmirewe hirak hemkre menepam hanhanep, hirak epei kiwaai ketikerep kekere han kirak. ²⁹ †Menmen ti hirem heriuwe nanamir kit ke his yaaim mari han kit ti hiriak menmen enum, ti eketim ewirem. Ti eket nanamir kit te ti ehu werék eno wit ke God hiram yaaim. Hiram enum te ti nanamir kit hirak kepu werék te kakri han kit te God kakwirít ti eno si. ³⁰ His mit yaaim em hiram mises han kit miriak menmen enum, ti ehít hine eremir ewirem. Ti eremir his ewirem te ti ehu werék eno wit ke God hiram yaaim. His mit yaaim mepu werék te ti hiriak menmen enum ti eno si hiram enum.

Jisas katip menmen me mitik kesiuwe mite piutip wauno hirak kakit peiyap
(Mt 19:9; Mk 10:11-12; Lu 16:18)

³¹ ††Nipaa ere in yi nepei yemtau him me God Moses kewisim mau tiwei matip, 'Mitik kerek kesiuwe mite pirak wauno waunaiwirek, hirak kakwetiwe tiwei hiram matip nipaa hire mite pirak te in ek au hirak kepirep wen.' ³² ††Te in ek hi etpi. Mitik kerek kepir mite pirak winaiwirek, te hire ap wiriak menmen enum wetike mitik hak au, hirak kenipep weweikin sip wewet him me God, me wi hire pike wawit mitik keiyak. Mitik kerek ketikerep hir nanitan, hirak keweikin sip kewet him me God ketikerep.

Jisas katip menmen me mit hir natip God hir nanises menmen

³³ †††Nipaa ere in yi yemtau him me God Moses kewisim mau tiwei matip, 'Yi ap eiweikin sip eiwet him nipaa yi yatip God. Au, yi eiyisesim.' ³⁴ ††† †Te hi hetpi. Yi ap eitip him ham me menmen me God mamkaap him mi yi yatip mit em te yi eiyisesim au emit! Yi ap eitip 'Tru antap' au emit eiyintar hirak wit ke God. Yi ap eitip menmen me ti mamkaap him mi yi yatip mit em au emit eiyintar ti hiram mire yeno me God hirak kewis hit mentiram. Yi ap eitip menmen me wit Jerusalem mamkaap him mi yi yatip mit em au emit eiyintar hirak wit kerek Mitik Iuwe God kau ketike mit. Yi yatip mar im yi yatip niuk me God. Hiram enum emit! ³⁶ Yi ap

† 5:27 Eks 20:14; Diu 5:18 †† 5:28 2Pi 2:14 ‡ 5:29 Mt 18:8-9; Mk 9:43-47; Kl 3:5 †† 5:31 Diu 24:1-4; Mt 19:7; Mk 10:4 †† 5:32 1Ko 7:10-11 ††† 5:33 Eks 20:7; Lev 19:12; Nam 30:2; Diu 23:21 ††† 5:34-35 Ais 66:1; Mt 23:22; Ap 7:49; Je 5:12 § 5:34-35 Sam 48:2

eitip menmen me paan ki mamkaap him yi yatip mit em au emit eiyintar yi ap te eiriak paan kei kiutip o yapirwe mau hesnu ki mamre hike o nipiak taau. God kerekek kakriakem te hiram mire ti atip niuk me God. ³⁷ ††Yi yatip mit yi eiriak menmen yi eitip, 'O, hi ariakem,' o 'Au, hi hinapen.' Yi eitip him meiyam mamkaap him mi te hir nertei yi eiyisesim, hiram menmen enum meke Seten man. Menmen im enum emit!

Jisas katip menmen me mit hir nanip nerer mir
(Lu 6:29-30)

³⁸ †††Nipaa ere in yi yemtau him me God Moses kewisim mau tiwei hiram matip, 'Mitik keketut nanamir kit ti eketiwek kirak. Mitik kenektinut yehes kit, ti enektiniwek kirak.' ³⁹ ††Te in ek hi hetpi yi ap te einep mit mamrer me menmen mi enum nipaa hir nerekiyem au emit! Mitik kitep ken tekep pinam, ti eteikniwek pinam hirak ekitep ekwim. ⁴⁰ †††Mitik kerek keryit kakno mitik iuwe gavman kakmitetpin kakit-piwek enum me menmen yaaim ti hiriakem, te hirak kakit pewek mei mit ti ewetiwekem emriuwe tanik. ⁴¹ Mit iuwe ne gavman nan nanitihi yi einenor menmen mir eiyim eino menep in, yi ap han enuk eikepi eiyim eino menep in au emit. Yi eiyim eino yanimin. ⁴² Mitik kerek kituthi me menmen mit, ti ewetiwekem. Mitik kerek hanhan kakri menmen mit me wi im te maain hirak pike kakwetut mei mirak mamrerim, ti eweniwekhi ewetiwekem.

Jisas katip me mit hir hanhan neriuwe mit enun nepan nir
(Lu 6:27-28, 32-36)

⁴³ ††Nipaa ere in yi yemtau him me God Moses kewisim mau tiwei hiram matip, 'Yi hanhan yeriuwe ni yinan, te yi han enuk yeriuwe mit enun nepan ni.' ⁴⁴ ††Te hi hetpi yi hanhan yeriuwe mit enun nepan ni, yi eiyitehi God hirak ap skelim mit kerek nerekyi enum, hirak ekrekryor menmen yaaim. ⁴⁵ †††Yi yiriak menmen mar im te yi eiriak menmen eiyir ke haai ki God keit wit kirak hirak kiriakem. Hirak kenip wepni kir kikaap mit yaain netike mit enun niriak enum. Hirak kiriak hawi kan kikaap mit yaain, mit au enun. ⁴⁶ Yi mit hanhan yeriuwe mit kerek hanhan neriuwi te mit han au, yi han kitet God kakweti menmen yaaim a? Taauye! Mit enun nari pewek me takis hir niriak menmen mar im. Hiram menmen weinim. ⁴⁷ Yi mit yenine mit han ni yinan hir yaain te mit han au yi han kitet God kakweti menmen yaaim a? Taauye! Mit ap ne weiwik me Isrel ap nises God hir niriak menmen im. Hiram menmen weinim. ⁴⁸ †††Yi yiriak mit ni enun nepan yaain, te yi yaain eiyir ke Haai ki God keit wit kirak hirak yaaik.

§† 5:37 Je 5:12 ††† 5:38 Eks 21:24; Lev 24:20; Diu 19:21 †† 5:39 Lev 19:18; Jo 18:22-23 ††† 5:40 1Ko 6:7 †† 5:43 Lev 19:18 †† 5:44 Eks 23:4-5; Lu 23:34; Ap 7:60; Ro 12:14, 20; 1Ko 4:12 ††† 5:45 Ef 5:1 ††† 5:48 Lev 19:2; Diu 18:13

Jisas katip menmen me mit nikaap mit han ap netenen menmen au

6 †Yi naanempre hiras te yi ap eiriak menmen yaaim te mit nanri nanwenipi niuk mi nantip yi yaain au emit. Yi yiriak menmen mar im te Haai ki God keit wit kirak kau niu hirak ap kakweti menmen yaaim menterim taau. ² Wi yi eiwet mit kerek hir netenen menmen auri eiwetir menmen, yi ap eiwepyapir menmen yi yiriakem au emit! Mit enun newisesik hir newet mit menmen, hir newepyapirem neit yayiwe o nekre winak kerek mit nekine him me Moses nekerek, te mit nanir menmen hir niriakem nanwenipi niuk mir nanri- uwerem. Hi hetpi werek, maain God ap kakwetir menmen mamrerim kakit wit kirak kakintar mit nepei netpiwek him yaaim me menmen hirak kiriakem. ³ †Yi eiyses menmen mir au emit! Yi eiriak menmen eikaap mit, te yi eiriakem eisawinem te mit ni yinan o mit han ap te nanirem taau. ⁴ Yi eiriakem eisawinem te Haai ki God kerek kir menmen yi yisawin yiriakem, hirak kakweti menmen yaaim mamrerim.

Jisas katip menmen me mit nitehi God

(Lu 11:2-4)

⁵ †Wi kerek yi yitehi God menmen yi ap eiriakem eiyr ke mit enun newisesik hir niriakem. Hir hanhan nerp nekre winak kerek mit nekine him me Moses nekerek, o hir nerp yayiwe nitehi God menmen te mit naniri han kitet hir yaain nanwenipi niuk mir. Hi hetpi werek, maain God kakwetir menmen mamrerim kakit wit kirak taau. ⁶ †Wi kerek yi yitehi God menmen, yi eino haau ke winak iyepet weipir eiyrtehi God kerek mit ap nirek, yi eitiwekhi menmen. Te maain Haai ki God kerek kir menmen yi yisawin yiriakem hirak kakweti menmen yaaim mamrerim.

⁷ †Yi yitehi God menmen, yi ap eitip him weinim yapirwe eiyr ke mit ap nertei God nerer wit wit ap ne Isrel hir niriakem au emit. Hir han kitet God kakimtau menmen mir kakintar hir netpiwek neriuwe him yapirwe nokim nokim. ⁸ †Yi ap eiyses menmen hir niriakem eiyrtehi Haai ki God nepei kertei menmen yi yaitiwem te maain yi yayu werek.

⁹ †Yi eitiwekhi menmen yi eitip yayir ik: 'Haai kiau God, ti kerek heit wit kit heven, ti niuk mit iuwe te ti enip mit hir nanwenipi niuk mit.

¹⁰ †Hiau mituthi te ti enen ehinin naanmamprai hiau mit, te hiau mit yapirwe emises han kit mamir ke mit ensel neit wit kit heven hir nises han kit.

¹¹ Petepin ti ewetai menmen mei te hiau mamim.

¹² †Ti esak menmen enum hiau miriakem mamir ke hiau mesak menmen enum me mit nerekyeyem hiau matip, Hiram menmen weinim.

¹³ †Ti ap ewis menmen enum mamri han kiau hiau mamriak enum au emit! Ti naanemprai me menmen enum.'

¹⁴ †Eiyimtau. Yi eiyses menmen enum mit nerekyeyem yi ap han ekitetim, yi eitip hiram menmen weinim, te Haai ki God hirak kakisak menmen enum mi. ¹⁵ Yi ap eisak menmen enum me mit nerekyeyem au, te Haai ki God ap kakisak menmen enum mi.

Jisas katip menmen me mit hir ninpi maan nanu

¹⁶ †Wi kerek yi yinaain menmen ninpi mamiwei te yi eiyrtehi God menmen, yi ap eiwen toni emu ninaan mi eiyr ke mit enun newisesik niriakem au emit! Hir newen toni mau ninaan mir te mit yapirwe naniri hir han kitet hir yaain hir newenipi niuk mir menterim. Hi hetpi werek, maain God ap te kakwenipi niuk mir taau. ¹⁷ Wi kerek yi yinaain menmen yi ninpi miwei te yi eiyrtehi God menmen, yi ap eiwen toni waniu (o wein) au emit! Yi eikir eiwepep paan te mit han ap nertei yi ninpi miwei yitehi God. Te God Haai ki kerek mit ap nirek au, hirak kertei menmen yi yisawin yiriakem, te maain hirak kakweti menmen yaaim menterim.

Jisas katip menmen me mit nanit pewek yapirwe

(Lu 12:33-34)

¹⁹ †Yi ap eiri menmen mei yapirwe me ti im naanemprewem meit winak ki au emit! Mesik, metike wesiun merermirir laplap, ni o heiniut mamwim te menmen mamwepep, o mit enun naninen nanwep winak nankintip menmen im. ²⁰ †Au, yi yiriak menmen yaaim te God kakweti menmen mirak yaaim meit wit kirak. Menmen hirak kakwetaiyem, mesik, wesiun o heiniut maminterim ap te mamiwaank menmen im au, mit enun ap te naninen nantiwem taau. ²¹ Menmen mit han kitet hiram mamkepi nanu werek, han kir kakisesim. Te yi han ekitet menmen me ti au emit! Menmen me God keremem.

Jisas katip menmen me nanamir hirak kire si

(Lu 11:34-36)

²² "Nanamir ki hirak kire si kakikaap yink ki. Nanamir ki yaaik te yi yayir menmen werek werek. Han ki hirak kire nanamir. Yi han kitet menmen yaaim, yi eiyses God werek werek. ²³ Te nanamir ki hirak enuk toto te yi ap eiyr menmen werek werek au. Han ki kekere yink ki hirak kises menmen enum, hiram mire toto, te menmen im mekrerek hiram mamriwaank.

Jisas katip menmen me mit han ekitet God-menmen me ti au emit

(Lu 16:13)

²⁴ "Mitik ap kakises menmen wik werek werek au. Hirak hanhan mitik kiutip, hirak kaknapen keiyak. Hirak kakikaap mitik kiutip, hirak kakweikin sip kakwet keiyak. Yi han ki kakinke kakintar pewek ap te yi eiyses God werek werek au.

† 6:1 Mt 23:5 †† 6:3 Mt 25:37-40 † 6:5 Mt 23:5; Lu 18:10-14
 †† 6:6 2Kin 4:33 †† 6:7 1Kin 18:26-29; Ais 1:15 ††† 6:8 Mt
 6:32 ††† 6:9 Jo 17:6 † 6:10 Mt 7:21; 26:39; Lu 22:42 †† 6:12

Mt 18:21-35 ††† 6:13 1Kro 29:11-13; Mt 26:41; Lu 22:40; Jo
 17:15; 2Te 3:3; 2Ti 4:18; Je 1:13 †† 6:14 Mk 11:25-26 ††† 6:16
 Ais 58:5-9 †† 6:19 Je 5:1-3 †† 6:20 Mt 19:21; Lu 18:22; Kl 3:1-2

**Jisas katip menmen me mit han kitet menmen
mamkepi nanu werek**
(Lu 12:22-31)

²⁵†Te hi hetpi. Yi ap han kakitet yapirwe me menmen yi yayim te yi yayu werek, o menmen yi eimir emu yink ki au emit! Han ki kinin menmen yi yayim, yink ki kinin klos yi yaimir. God keweti yink ki ketike han ki kekrerek te yi eiyisesik. Hirak naanmampri me menmen te yi eiyu werek werek. ²⁶††Yi eiyir hore hiram meniuwe men in men ein. Hiram ap mamir ni mei o meket tekete mei men mewisim mekre weisaak au. Te Haai ki God hirak naanmiprewem. Yi yinin hore yapirwe te God naanmampri. ²⁷ Mitik kei kiutip kekere nimen ke yi mit han kitet yapirwe te kakriak menmen mamkepi hirak kaku wi meiyam o tito yapirwe a? Taauye!

²⁸††Yi ap hanhan yeriuwe menmen yi eimir au emit. Yi yayir timen hiram mewo meit yayiwe. Hiram ap mekerwo laplap o mesikek yiwaap au. ²⁹†Te hi hetpi. Nipaa mitik iuwe King Solomon hirak kamir klos mirak yaaim, te klos mirak ap yaaim mar ke timen im au. ³⁰ God kerek hirak kenip yenkis timen weinim hiram mire yaaim. Te hiram mepu petepin, teipmen hiram mami te mit nanisiyem. Yi yinin timen te God naanmiprewem werek werek hirak naanmampri. Yi ap yises him me God werek werek au. ³¹ Te yi ap han ekitet emir im: 'Maain hi ehit menmen mamtike tipar mamit nein te hi hahim o hi ehit klos mamit nein te hi emir? Menmen mar im au emit.' ³²††Yi ap han kitet menmen im au eiyintar mit ap ne weiwik mi Isrel kerek ap nises God hir hanhan neriuwe menmen im wisenum. Yi ap han ekitet menmen eiyir ke hir han kitetim eiyintar God hirak Haai ki nepei kertei menmen yapirwe yi eitiwem te yi eiyu werek werek. ³³††Te yi mit miyapir yinin hanhan eiyises God hirak kinin naanmampri te hirak kakrekyi yi yaain. Yi yiriak menmen im te God naanmampri me menmen meiyam te yi eiyu werek. ³⁴†††God naanmampri me menmen meiyam yi eiyu werek, te yi ap hanhan eiriuwe menmen teip hekrit hiram mamnen. Menmen teiyip hekrit hiram mamnen, yi ap yaiwenem taau. Hiram mamnen. Te yi han ekitet me menmen enum petepin epei man naanempre hiras me menmen im.

Jisas katip menmen me mit skelim mit han
(Lu 6:37-38, 41-42)

⁷†††Yi ap skelim mit me menmen hir niriakem te God ap skelim yi mit me menmen me yi yiriakem taau. ²†Yi ap skelim mit eiyintar God skelim yi mit kakriuwe menmen yi yiriak mit han em. Menmen yi yiriak mit han em, God kakrekyiyem kakinterim. ³ Ti henmak te ti hir kit yinak menmen kike mire yenkis yehes mekre nanamir kirak te ti hanhan ekiniwecem

† 6:25 Fl 4:6; 1Ti 6:6-8; Hi 13:5; 1Pi 5:7 †† 6:26 Mt 10:29-31; Lu 12:6-7 † 6:29 1Kin 10:4-7; 2Kro 9:3-6 †† 6:32 Mt 6:8 †† 6:33 1Kin 3:10-14; Sam 37:4, 25; Ro 14:17 ††† 6:34 Eks 16:4, 19; Mt 6:11 ††† 7:1 Ro 2:1; 1Ko 4:5; Je 4:11-12 † 7:2 Mk 4:24

mamnopin mamkeipniwek nanamir kirak, te ti ap hanhan ekin menmen wisenum mire nu heneik mekre nanamir kit a? ⁴ Hiram enum te ti atip kit yinak, 'Ti ewisa hi ekinut menmen mekre nanamir kit emnopin emkeipin nanamir kit,' te ti menmen wisenum mamsonut nanamir kit te ti ap ehir ein ein werek werek taau. ⁵ Ti mitik enuk ewenin him. Ti ehinin naanempre nanamir kit te maain ti ekaap kit yinak eriuwe nanamir kirak. Hiram mar im: Ti ehinin eweikin sip ewet menmen enum mekre han kit te ti ehu werek. Maain ti ehu werek te ti ekaap kit yinak ekweikin sip ekwet menmen enum mirak kike.

⁶††Yi ap eitip mit enun han kir enuk kire samiyak him yaaim me God au emit! Yi eiriakem hiram mamir ke mitik kewir hore haam metike pitau (o yini) o menmen yaaim miwaai ti, sak mamnen mamintirerim mamiwaankem. Hiram mamintirerim mamiwaankem nepei au, hiram mamweikin mamwir nikin mamiwep.

**Jisas katip menmen me mit hir nanitehi God menmen
werek werek**
(Lu 11:9-13)

⁷†††Yi eiyitehi God menmen te hirak kakwetiye. Yi eiyineitin menmen me God te yi eiyirem. Yi eiyirp weipir eiket teruk te God kakikeiswiye. ⁸††Hi hetpi werek. Mit kerek nitehi God menmen hirak kakwetirem. Mit kerek naninantin menmen me God hir nanirem. Mit kerek nerp weipir neket teruk, te God kakikeisworek.

⁹††Mitik hak kekere nimen ke yi mit, nikan kirak kakitewekhi me niu o bret, hirak ap kakwetiwek nan te hirak kakim au. ¹⁰ O nikan kirak kakitehi haai me saauk, hirak ap kakwetiwek miniu han enuk (o neyip han) o manpen siurp (o yenmik siurp) enuk te kakim taau. ¹¹†††Yi mit kerek yi enun yi yertei yewet nikerek ni menmen yaaim. Te Haai ki God kerek keit wit kirak Heven hirak yaaik wisenuk kakikaap mit kerek nanitiwekhi me menmen yaaim hirak kakwetirem hiram mamkepi.

¹²†††Te hi hetpi. Yi eiyinin eiriak mit miyapir menmen yaaim yi hanhan te hir pike nanrekyiyem. Menmen im hi hetpi yi eiriakem hiram mises menmen yapirwe mitik Moses ketike mit profet hir newisim mau tiwei hiram matip yi eiyisesim.

**Jisas katip him me weipir kike mit nanitetik te hir nanu
werek werek**
(Lu 13:24)

¹³††Yi eiyitet weipir kike eiyintar ya weipir ke wit si enum hirak kihi iuwe, yayiwe kipirak, mit miyapir yapirwe nitetik. ¹⁴††Te weipir kerek mit miyapir nanitetik te hir himin kir kaku werek, hirak au kihi kike, ya enuk kike, mit miyapir niutip niutip keriyen nanitetik.

†† 7:6 Mt 10:11 ††† 7:7 Jer 29:13-14; Mk 11:24; Jo 14:13-14, 15:7, 16:23-24 †† 7:8 Je 1:5; 1Jo 3:22, 5:14-15 ††† 7:11 Je 1:17 †† 7:12 Mt 22:39-40; Lu 6:31; Ro 13:8-10 †† 7:14 Jo 10:7, 9; Ap 14:22

Jisas katip him me mit profet enun nemipin

(Lu 6:43-44, 13:25-27)

¹⁵†Yi mit miyapir yi naanempre hiras me mit profet enun nemipin. Hir naninen nanmitipin nanriuwe him mir te yi han kitet hir mit yaain God keriuweti nan netpi menmen. Te han kir enuk hir nemipin nanriwaank me menmen me God yi yisesim. ¹⁶††Yi eyirtei hir yaain o enun nanriuwe menmen hir nanriakem. Nu teketuk ap te mamri mamir ke hinaan nikim au. Waai wakn ap te mamri mamir ke tuwaan au. ¹⁷ Nu yaaim hiram mamri nikim yaaim. Nu enum ap mire yaaim te mamri nikim yaaim au. Enum keremem. ¹⁸ Nu yaaim ap te mamri nikim enun au. Nu enun ap te mamri nikim yaaim taau. ¹⁹†Nu mei enun ap mine nikim yaaim, mit nanman nanwirem mamno si. ²⁰††Te hi hetpi werek. Yi eyirtei mit kerek profet enun nemipin neriuwe menmen hir niriakem.

²¹††Yi ap han kitet mit yapirwe kerek nenewa hi Mitik Iuwe yaaik, hir nanre nikerek ne God. Au, hir mit miyapir kerek nises menmen Haai kai God hirak hanhan hir nanisesim, hir keriyen hir nikerek nirak. ²²††Wi maain God kakinke mit, hir yapirwe naninen nanitpo, 'Mitik Iuwe Yaaik. Haiu epei mekrehir kit haiu matip mit him me God, haiu mepir herwe enun men mekeipin mit, haiu miriak menmen yaaim yapirwe nipaa mit ap nirem, haiu mikaap mit ninap o his hit enun ere hir nire yaain.' ²³†††Hir nanitpo menmen im te hi tewen ehitpor, 'Hi hepitari yi neimin. Yi ap ne God au. Yi mit enun yiriak enun yi einopin eikeipno!'

Jisas katip him me mitikit wik time winak wik.

(Lu 6:47-49)

²⁴†Mit miyapir kerek nemtau him mai hir nanisesim hir nanir ke mitik yaaik kime winak kirak kau kentir nan. ²⁵ Maain hawi kan mani kiniu nime yuwerep miniu wisenum te winak kewen au. Hirak mitik kimaak kentir nan. ²⁶ Mit kerek nemtau him hi hetpim hir ap nanisesim hir nanir ke mitik kime winak kiwaai ti kire tenhaan. ²⁷ Maain hawi kaknen, mani kiniu, nime yuwerep miniu, te winak kewen. Winak kewen mani kakip keiyik ken."

Mit han kir kekrit keriuwe menmen Jisas ketporem

²⁸††Jisas katip him mirak epei au, mit miyapir yapirwe kerek nemtau menmen hirak ketpim, hir han kekrit neriuwerem. ²⁹ Hir han kekrit neriuwerem nentar hirak ap ketpor kar ke mit iuwe ne skraip kerek ninin nertei him me Moses natip mit em. Au, hir nises him me mit iuwe ne nipaa ein netporem. Te Jisas ketpor kar ik au. Hirak ketpor kar ke Mitik Iuwe God keriuwetek kan ketpor him mirak.

† 7:15 Mt 24:4, 24; Ap 20:29; 2Pi 2:1 †† 7:16 Ga 5:19-22; Je 3:12 † 7:19 Mt 3:10; Lu 3:9; Jo 15:6 †† 7:20 Mt 12:33 †† 7:21 Mt 21:31; Lu 6:46; Ro 2:13; Je 1:22, 25 ††† 7:22 Jer 14:14 ††† 7:23 Sam 6:8; Mt 10:33, 13:41-42; 2Ti 2:19 † 7:24 Je 1:22 †† 7:28 Mk 1:22; Lu 4:32; Jo 7:46

Jisas kikaap mitik enuk lepro mau yink kirak hirak kire yaaik

(Mk 1:40-44; Lu 5:12-14)

8 Jisas kinaaiwir miniu (o neiyip) kekiuwe kan kesiyen, te mit yapirwe nisesik. ² Hirak kekiuwe ken kesiyen, mitik kerek enuk lepro mau yink kirak ek kan kerek kewen ninip kau menep hit mirak, hirak han kitet hirak iuwe, hirak ketpiwek kar ik: "Kai Iuwe, ti han kit ti ekepa hi are yaaik." ³ Hirak katip epei au, Jisas kesiuwe his metenenik hirak katip, "Hi han kai ekepit ti ere yaaik." Hirak katip epei au, wasenum mitik enuk lepro mewik hirak kire yaaik. ⁴††Hirak kire yaaik, Jisas ketpiwek, "Ti ap eno etip mit han menmen hi herekyutem au emit! Ti eno winak ke God eteikin mit pris yink kit ewepwar menmen mar ke him me Moses mau tiwei metput ti hirakem. Ti hirak menmen im te hir nanirtei God kekepit ti hire yaaik."

Jisas kikaap wok mitik ke mitik iuwe ke ami

(Lu 7:1-10)

⁵†Maain Jisas ken kiun wit Kapaneam, mitik iuwe ke ami ke wit Rom kewenyipirek kitiwekhi him iuwe kar ik: ⁶ "Kai Iuwe, mitik kirak menmen mai hirak kinap kiwaai winak eik. His hit mirak epei au maa meit, yink kirak kekek wisenum." ⁷ Jisas kewenhi ketpiwek, "Hi tewen anen akepik te hirak kakre yaaik."

⁸ Te mitik iuwe ke ami ketpiwek, "Mitik Iuwe, hi ap yaaik te ti enen enik winak kai. Ti atip him weinik kerekek te menmen enun mamnopin mamkeipin mitik kerek kirak menmen mai hirak ekre yaaik. ⁹ Hi hises him me mitik hak hirak kinina hirak iuwe naanmiprau. Te hi hirekes naanmipre mit nai hi hinini. Te hi hatip mitik keiyak kiutip: 'Ti eno,' hirak kakno. Hi hatip keiyak: 'Ti enen,' hirak kaknen. Te hi atip mitik kerek kirak menmen mai em: 'Ti eriak menmen eim,' te hirak kirakem. Hi hertei ti atip him mit ehirp in, hirak kakre yaaik." ¹⁰††Jisas kemtau him kerek mitik ik ek ketpim, hirak han kekrit kekrit keriuwerem. Te hirak katip mit miyapir kerek nisesik, "Hi ap nipaa hir mitik kei ke Isrel katip him mar im kises God werek werek kar hirak kisesik au. Hirak kiutip kerekek."

¹¹††Jisas wen katip: "Hi hetpi werek. Mit miyapir yapirwe naninen nanrer wit wit nanises him mai werek te hir nanu yeno nanim menmen nantike Ebrahim, Aisak, tetike Jekop nanu nanit wit kerek God kewiyen. ¹²††Te mit miyapir kerek nipaa miyerer nir ninen hir ne Isrel hir ap nanisisa au, te maain God kakipiri nanino wit enuk toto te hir nankit nanine han enuk nanineken yehes mir nanu en."

¹³ Jisas ketpor epei au, hirak katip mitik iuwe ke ami ke Rom kerek kinin naanmipre mit han en, "Ti eno. Menmen mamnen mamir ke ti han kitet hiram mamnen." Hirak katip epei au, waswas wok mitik kirak hirak kire yaaik.

††† 8:4 Lev 14:1-32; Mt 9:30; Mk 7:36; Lu 17:14 ††† 8:5 Jo 4:46-47 ††† 8:10 Mt 15:28 †† 8:11 Sam 107:3; Lu 13:28-29 †† 8:12 Mt 22:13, 25:30; Lu 13:28

Jisas kikaap Pita mite pirak miye pire

(Mk 1:29-31; Lu 4:38-39)

¹⁴ †Maain Jisas kan winak ke Pita eik, hirak kir Pita maam pirak kerek wine mite pirak hire wiwaai yeno winap yink sisi. ¹⁵ Jisas ken ketenen his mire, te hire winap yink sisi epei au, hire wire yaaip. Te hire wekrit wiriak menmen me Jisas kakim.

Jisas kikaap mit miyapir yapirwe

(Mk 1:32-34; Lu 4:40-41)

¹⁶ Maain hinkewi, hir mit han neithis mit miyapir yapirwe kerek herwe enum mau mekre han kir, hir neriyei nan nir Jisas. Hirak kepir herwe enum im kriuwe him hirak ketpim, hirak kikaap mit miyapir kerek ninap te hir nire yaain hir nanu werek. ¹⁷ ††Hirak kiriak menmen im te him nipaa God katip Aisaia kewisim mau tiwei hiram nepei man. Him im matip mar im: "Hirak kepir menmen enum merekyei haiu minap en te haiu mire yaain."

Him me mitik hanhan kakises Jisas

(Lu 9:57-60)

¹⁸ In ek Jisas kir mit miyapir yapirwe nisesik neweikniwek te hirak katip mit nirak, "Haiu mit han emno wan pinak ein emnaaiwir mit in." ¹⁹ Hirak ketpor epei au, mitik hak ke skraip kerek ninin nertei him me Moses natip mit em, hirak katip Jisas, "Hi apino wit kerek ti epnoriyen." ²⁰ †Jisas ketpiwek, "Miyak ke niu hiram miwaai mekre nu herkip. Hore hiram mime yaank mau niu. Te hi Mitik ke wit ke Mitik Iuwe ap winak kei kepu te hi eno ewaai ekrekek. Hi ap ewetut menmen au. Ti henmak te ti hanhan ehisisa?" ²¹ ††Mitik disaipel hak katip Jisas, "Mitik Iuwe, ti ewisa hi ehinin ano ewis haai kai kerek kaki kakikre hei, te hi pike anen eisesit." ²² ††Te Jisas ketpiwek, "Au ti ehisisa. Mit kerek ap nises him mai hir enwisik kakikre hei."

Jisas katip te nime iuwe kerek miniu hiram maa (o matin) meit

(Mk 4:36-41; Lu 8:22-25)

²³ Hirak katip epei au, Jisas kehin kiniu ken kekere bot. Mit disaipel nirak hir nisesik. ²⁴ †††Hir nau nekere bot epei au, hir nerekir wan. Te yuwerep miniu miriak wan sir miniu misawin bot, te Jisas hirak kiwaai. ²⁵ Hirak kiwaai hir nan nekotitek netpiwek, "Mitik Iuwe ekepei! Bot epei kaknatin kakikre tipar kakno ti eik te haiu ma-mi." ²⁶ †††Jisas ketpor, "Yenmak te yi yinapen? Yi mit ap han kitet menmen yaaim mai iuwe au a?" Hirak ketpor epei au te hirak kekrit katip kewen yuwerep te wasenum nime metike wan tipar mehihe miwaai meit. ²⁷ Te mit neperper natipan, "Hirak mitik ik ek hirak kire keimin te nime metike wan memtau him mirak te hirak katip yuwerep metike nime te hiram mewire miwaai meit?"

† 8:14 1Ko 9:5†† 8:17 Ais 53:4 † 8:20 2Ko 8:9†† 8:21 1Kin 19:20 †† 8:22 Jo 5:25 ††† 8:24 Sam 4:8 ††† 8:26 Sam 89:9; Mt 14:31, 16:8

Jisas kikaap mitikit wik kepir herwe enum mekre han kirakit

(Mk 5:1-17; Lu 8:26-37)

²⁸ Jisas ken kiun wan pinak ein, hirak ti ke mit ne wit Gadara. Hirak kiun ein, mitikit wik herwe enum mau mekret kenipet hirakit tau tekere herwe hei te hirakit tan tewenyipir Jisas. Hirakit enukit tetaritari han ken sip tiriak enum te mit miyapir ninaain hirakit tatnip te hir ap nanitet yayiwe kerek hirakit tewi en taau. Hirakit tewenyipirek hirakit ²⁹ ††tinap tenine tar ik: "Nikan ke God, kenmak te ti han heraiwaank. Wi ap epei man wen au te ti han arekyei menmen enum heperei mamno wit enuk kerek menmen mamwep!" ³⁰ Sak ham yapirwe maam menmen meit yanimin kike eik, ³¹ te herwe enum mitehi Jisas, "Ti ehipirei, te eriuwetei emno emikre sak yapirwe eim e." ³² Jisas ketpor, "Yi eino." Te hiram menke mirir men mekre sak, te sak yapirwe keremem metaritari mirir men menke matin miniu (o neiyip) kerekere ere men mekre wan iuwe eik, tipar mekiuwe him yipir miram hiram maam tipar maa meit.

³³ Epei au, mit kerek naanmipre sak em nirir nen wit iuwe nen natip mit han netpor menmen epei man metike menmen me mitikit wiketeret nipaa herwe mersiset. ³⁴ Hir netpor epei au, mit miyapir ne wit iuwe nan nanwen yipir Jisas. Hir nirek hir nineinik te hir nitiwekhi him iuwe eknaaiwir wit kir, te hirak ekno wit hak.

Jisas kikaap mitik hak his hit enum

(Mk 2:1-12; Lu 5:17-26)

9 ††Mit natip epei au, Jisas kehin kiniu ken kekere bot kerekir wan ken wit kirak eik. ² Hir mit han neit mitik hak his hit mirak epei maa meit, hir neiyik nan hirak kiwaai yeno. Jisas kiri hir han kitet hirak iuwe kakikaap mitik ik kakere yaaik, te hirak katip mitik kerek his hit maa meit em, "Kai yinak, ti enakin tokim. In ek hi esak menmen enum mit ti hiriakem." ³ Jisas katip menmen im epei au, mit han ne skraip, kerek ninin nertei him me Moses natip mit em, hir natipan nar ik: "Mitik ik e hirak katip enum kekerehir ke God katip hi esak menmen mit enum." ⁴ †††Jisas kertei menmen hir han kitetim netpim te hirak ketpor, "Kenmak te yi han kitet yekere han ki hi nepei hatip enum a?" ⁵ Hi hatip mitik kiwaai kentar kinaan, 'Hi esak menmen enum nipaa ti hiriakem, hiram mamno,' yi yepitari hi hatip werek auye. Te hi hatip mitik, 'Ti hekrit etenen yeno eyim eno,' hirak kakikrit yeno, yi eyirtei hi hatip werek te hi esak menmen enum me yi mit. Hi hetpi mekam te yi han ekiteta? ⁶ †††Hi atip mitik ik har ik, 'Ti ekrit eno,' te yi eyirtei hi Mitik ke wit ke Mitik Iuwe han ti ik e God kewisa hi ahisak menmen enum mit niriakem?" Hirak ketpor epei au, hirak katip mitik kerek his hit mirak maa meit em, "Ti ekrit ekin yeno mit eyim eno winak kit eik." ⁷ Hirak katip epei au, mitik ik hirak kekrit ken

§ 8:29 Mk 1:24; Lu 4:34, 41 †† 9:1 Mt 4:13 ††† 9:4 Mt 12:25; Lu 9:47; Jo 2:25 †† 9:6 Jo 17:2, 5:8

winak kirak eik. ⁸ Mit miyapir yapirwe hir nir menmen im hir neperper han kekrit neriuwerem. Hir nertei God kewis Jisas kikaap mit neriuwe menmen mirak iuwe, te hir newenipi niuk me God.

Jisas kenine Matyu
(Mk 2:13-17; Lu 5:27-32)

⁹ Jisas kinaaiwir wit ik kerek, hirak kakno, hirak kir mitik hak niuk mirak Matyu kau winak kerek mit nari pewek me takis neitai en. Te Jisas ketpiwek, "Ti ehisisa eriak menmen mai." Hirak katip epei au, Matyu kekrit kinaaiwir menmen mirak kisesik.

¹⁰ Maain Jisas kau yeno me winak kirak eik ek kakim menmen, te mit enun kerek nari pewek me takis em hir netike mit han enun nises menmen enum nau winak nanim menmen netike Jisas ketike mit narak disaipel. ¹¹ Hir mit han ne Farisi, kerek han kitet hir ninin mit han nises him me Moses, hir nir menmen im hir nitehi disaipel nar ik: "Kenmak te Mitik Iuwe ki kaam menmen ketike mit enun kerek nari pewek me takis netike mit enun nises menmen enum em?"

¹² Jisas kemtau him im te hirak katip him tok piksa mar im: "Mitik kinap hirak dokta kaku kaktikerek. Mitik hak han kitet hirak yaaik auye! ¹³ Yi eino han ekitet him hi ehitpiyem hiram mau tiwei me God. Hiram matip, 'Hi ap hanhan yi yaiwepwar samiyak menmen yaiwetewem au. Hi hanhan yi eiriak mit miyapir yaaim.' Hi ap han henine mit kerek han kitet hir mit yaa in te hir enweikin sip enwet menmen enum enisisa au. Hi han hari han ke mit kerek hir nertei hir enun. Te hir enisisa."

Jisas katip him ham yaa im mamikrehir ke him me nipaa ein
(Mk 2:18-22; Lu 5:33-39)

¹⁴ Maain mitik Jon disaipel narak nan nirek nitiwekhi, "Haiu metike mit ne Farisi me wi ham haiu minain menmen te haiu ninpi mewe haiu mitehi God. Te mit disaipel nit au. Hir nenmak?" ¹⁵ Jisas ketpor him tok piksa mar im: "Mitik hak kerek kakit mite ep hirak eku ektike narak yinan te hir han yaaik. Maain wi mamnen te mitik kerek keit mite ep hirak kaknaaiwir mit narak, te hir han enuk ninpi mamni nanit.

¹⁶ "Ap mitik keiyak keremir laplap kerek yaa im niman em kekerwewim mamu enum tokim kerek mewep em. Hirak kakriakem mamir em te maain hirak kakikemyetit, yaa im niman em mamuwep enum tokim em te mamuwep wisenum. ¹⁷ Ap mitik keiyak keit tipar wain yaa im miram keiyim kewenem mekre meme yink miram kerek epei enum tokim em au. Hirak kakriakem mamir keremem te nap mamniu mamnan yink miram te meme yink mamwep mamriuwe nap mirak o tiwerpek mirak te tipar mamno ti. Au, mit nanwenem mamikre yaa im wen petep hiram mamu werek werek."

† 9:11 Lu 15:2, 19:7†† 9:13 Hos 6:6; Mt 12:7‡ 9:14 Lu 18:12‡† 9:15 Jo 3:29

Jisas kikaap niki pe mitik iuwe; hirak kikaap mite wetenen laplap mirak
(Mk 5:22-43; Lu 8:41-56)

¹⁸ Jisas wen ketpor him im keremem, mitik hak iuwe kerek kinin naanmipre mit han ne Isrel, hirak kan kewen ninip menep hit me Jisas kitiwekhi kar ik: "Hi niki pai in ek epei waa wiwaai weit, te ti enen ewis his mit emu yink kire te hire wawikrit wawu." ¹⁹ Hirak katip epei au, Jisas ketike mit disaipel narak nekrit nisesik nen.

²⁰ Mite hap piutip winen hemkre hekrit hekrit ere tito hiswiyen wik (12) hire wisewik. Mekre han kire hire watip, "Hi hewis his emintar laplap mirak, te hi are yaaip." Mite kerepew weke sip ke Jisas wan wewis his wetenen laplap hir miram kerek Jisas kamir em.

²² Jisas keweikin kiwaai nan kirep. Te hirak ketpiwe, "Pai yina yaaip ti enakin tokim. Ti han kitet hi iuwe te hi akepit ti hire yaaip." Jisas katip epei au, waswas hire wire yaaip. ²³ Jisas kan ere kiun winak ke mitik iuwe kerek kinin naanmipre mit. Hirak kipuon ein, hirak kir mit neremim heurek em netike hir mit miyapir yapirwe nesikeyaanmi nikit niki pirak nepei waa. ²⁴ Jisas kiri hirak ketpor kar ik: "Yi einopin eikeipniwe ap eikitep au emit! Hire ap waa au. Hire wiwaai kerepew." Hirak ketpor kar ek, te hir yapirwe nenwesisek enum wisenum. ²⁵ Hir nan nepir mit miyapir netpaan nen epei au, te Jisas kinik ken haau niki wiwaairiyen ketenen his mire te hire wekrit. ²⁶ Him me menmen im em kerek Jisas kikaap niki ip e men merer wit wit.

Jisas kikaap mitikit wiketeret nanamir toto tetike mitik han aurek katip him werek werek au

²⁷ Jisas kinaaiwir wit kerek ek ken. Hirak kitet yayiwe te mitikit wiketeret kerek nanamir toto tisesik teninewek tatip, "Ti nepenyek ke Devit, ti hanhan heriuwawir." ²⁸ Jisas ken kinik ken winak, te mitikit wiketeret nanamir toto ten tirek. Jisas ketpiwekit, "Yi wiketeret yekre han ki yatip hi te werek arekyi yi eire yaaikit?" Hirakit tatip, "Ti Mitik Iuwe te ti werek." ²⁹ Te Jisas kewis his menterwekit nanamir kirakit hirak katip: "Hi erekyi yi yaaikit hentar yi han kiteta." ³⁰ Te nanamir kirakit kir. Jisas ketpiwekit him manp kar ik: "Yi wiketeret naanmipre hirekses te mitik keiyak kakirtei menmen im em au." ³¹ Hirakit ten wit eik tises menmen hirak ketpiwekitem au. Hirakit ten terer wit wit tatip mit menmen Jisas kerek yiwekitem.

³² Hirakit tepno te mit han neit mitik enuk han aurek, herwe kau kekrerek neiyik nan Jisas. ³³ Kewaai meruri Jisas kepir herwe enum, mitik enuk han aurek kewepnak katip, te mit nerp en hir han kekrit neriuwerek, hir natip, "Ap nipaa mitik ap kiriak menmen kar ik keit wit kiau Isrel." ³⁴ Te mit han ne Farisi natip, "Mitik

‡ 9:20-21 Mt 14:36 ‡† 9:22 Mk 10:52; Lu 17:19 ‡‡ 9:24 Jo 11:11 § 9:27 Mt 20:29-34 §† 9:29 Mt 8:13 §†† 9:30 Mt 8:4 §‡ 9:32 Mt 12:22 §†† 9:33 Mk 2:12 §† 9:34 Mt 12:24; Mk 3:22; Lu 11:15

iuwe Seten kerek kinin naanmipre herwe yapirwe, hirak kikaap Jisas kepir herwe im e."

Jisas hanhan keriuwe mit miyapir yapirwe ne Isrel

³⁵ †Epei au, Jisas ken kerer wit iuwe wit kike ken kekre winak kerek mit hir nererik nekine him me Moses mau tiwei. Hirak ken en katip him yaaim me God kaknen naanmipre mit. Hirak kikaap mit miyapir yapirwe hir ninap his hit enum, nanamir toto, menmen ham te hir nire yaain. ³⁶ ††Hirak kir mit miyapir nererik nau en, te hirak han tewenini kentar hir nepu enum han kekrit nina-pen menmen ham nire sipsip mitik ap naanmiprewem. ³⁷ †Hirak kiri epei au, hirak katip mit disaipel nirak kar ik: "Mit in hir nire menmen mau ni epei yaaim te ap mit nei nepu te hir nanino nantiwem. ³⁸ †Yi eiyitehi haai ke ni im te hirak kakriuwet mit nanikr-erem te hir nanithis mit miyapir nanri han kir te hir enisesik."

Niuk me mit aposel nar hiswiyen wik (12)

(Mk 3:13-19; Lu 6:12-16)

10 †Jisas kenine mit nirak disaipel nar hiswiyen wik (12), hir nan nererik. Hir nan nererik, hirak kewetir menmen mirak iuwe hir nekrehir kirak nanino nanipir herwe enum nankaap mit miyapir hir ninap his hit enum nanamir toto, menmen ham te hir nanire yaain.

² Im em hiram niuk me aposel nar hiswiyen wik (12) nirak. Saimon kerek niuk mirak ham Pita, hirak kinin ketike nikik kirak Endru. Hirakit tetike Jems ketike nikik kirak Jon hirakit nikerek hirakit te Sebedi. Hirakit tetike Filip, Batolomyu, Tomas, Matyu kerek keitit pewek me takis. Hir netike Jems itai kirak, hirak nikan ke Alfias, Tadius, Saimon kerek kises him me mit Selot. Hir netike Judas ke wit Keriot, mitik kerek kewepyapir Jisas te hir mit enun neiyik nen nakip. Mit in keriyen hir mit nirak aposel.

Jisas keriuwet mit nirak aposel nar hiswiyen wik (12), hir nirak menmen

(Mk 6:7-13; Lu 9:1-6)

⁵ †Jisas keriuwet mit in nar hiswiyen wik (12) nen, hirak kinin ketpor him im: "Yi ap eino eiyu eitike mit ap ne weiwik me Isrel o mit nau nerer wit wit ke Sameria. ⁶ ††Au, yi eino mit ne Isrel keriyen. Hir mit miyapir han hir nire sipsip mitik ap naanmipror te hiram mirir misawin meit yaank. ⁷ ††Yi wen eino ein yi eiwepyapir him im: 'God menep hirak kakteiknai kakirkeik te hirak kakinin naanmamrai haiu mit.' ⁸ †Yi eikaap mit miyapir ninap hir enire yaain, yi eikian mit miyapir naa te hir pike nanikrit. Yi eikaap mit miyapir lepro mewa hir enire yaain. Hi eweti menmen mai iuwe im hiram weinim te yi eiyim eikaap mit han eiriuerem, yi ap te eiyit pewek mamrerim au emit.

† 9:35 Mt 4:23; Mk 1:39 †† 9:36 Nam 27:17; 1Kin 22:17; Esi 34:5; Sek 10:2; Mt 14:14; Mk 6:34 † 9:37 Lu 10:2 †† 10:1 Mk 6:7; Lu 9:1 †† 10:5 Ap 13:46 ††† 10:6 Jer 50:6; Mt 15:24 ††† 10:7 Mt 3:2, 4:17; Lu 10:9, 11 † 10:8 Ap 20:33

⁹ ††Yi ap eitenen pewek mei mamikre tanik mi au emit! Yi ap eitenen tanik iuwe yi eiwis menmen mekr-erem au. Yi ap eiyit teipe o samiyak o hine yipo henmik au. Yi eiyihis eino eiyintar yi mit kerek yiriak menmen me mit han, hir enkepi naanempri me menmen.

¹¹ "Ewaai meruri yi eino wit iuwe o kike, yi eino eiyineitin mitik hak yaaik hanhan naanempri me menmen. Yi eiyu eitikerek ere yi pike einaaiwir wit.

¹² ††Ewaai meruri yi eino winak ke mitik hak, yi eitip mit en eiyir ik: 'God kaku kaktikewi naanmampr.' ¹³ Mit miyapir in hir yaain te him mi mamu mamtikeri God kakikepi, o au en, him nipaa yi yetporem hiram pike mamu mamtikewi te God ap kakikepi. ¹⁴ ††Yi eino te mit han ap naanmampr me menmen o ninapen nanimtau him mi yaaim yi yetpim, te yi einopin eikeipin winak o wit kir, yi einepewi toni waniu (o win) mau hit mi eiteiknor God han enuk keriuweri. ¹⁵ ††Hi hetpi werak. Maain wi God skelim mit, hirak God kaknep mit miyapir enun nipaa nau Sodom ketike wit Gomora kaknip kike. Te mit miyapir kerek nanweikin sip nanwet him mi, maain God kaknip iuwe kaknepi.

Menmen enum yapirwe maain mamnen

¹⁶ ††Yi eiyimtau. Hi ariuweti yi eino eiyikre nimin ke mit enun eiyir ke mitik hak kaksuwe sipsip hak kakno kakirp nimin ke nepere enum me yaank. Hiram hanhan mamkip mamik. Yi naanempri hiras me menmen yi eiriakem eiyir winini naanmipre hiremes me wi mit nanmip hiram mirir. Yi eiriak menmen yaaim eikaap mit eiyir ke tipar nemnok mamkaap mit. ¹⁷ ††Te yi naanempri hiras me mit enun. Hir nantihis naniswi yi eino eiyir kaunsil kir, te hir nanit nipin neiyik naniwep nanit winak kerek mit nekine him me Moses nekerek. ¹⁸ ††Hir nantihis nanri nanino ninaan me mit iuwe o mit ne gavman nanintar yi yisisa. Te yi eiwepyapir him mai yaaim eitip mit iuwe nantike mit ap ne weiwik me Isrel eitpor him mai. ¹⁹ ††Maain hir nantihis nanri yi eino eiyirp ninaan me mit, yi p einapen han ekitet menmen yi eiyitpim maamkaap yink ki au emit! Wi im mamnen God kakweti him mirak yaaim. ²⁰ †Te God Himin Yaaik kakweti him mirak yaaim te hirak kakikepi yi eitip him mirak. Him mi au.

²¹ ††Heiyuwerer nanwepyapir kikrek hir nansiuweri te mit naninip nani. Haai kakwepyapir nikan kirak kaksuwerak te mit nankip kaki. Nikerek nanwepyapir miye haai nir, te mit naninip nani. ²² †Mit yapirwe hir nanineini nanintar yi yisisa, te neimin hir nanisisa ere hir mit naninip hir nani, maain hi etorhis hir nanu nantikewa. ²³ †Maain hir mit nerekyi enum neit wit hak, yi eirir eino wit hak yaaik eiwi. Hir mit en nanrekyi enum neit wit hak yaaik yi yewi, te yi pike eirir eino wit hak.

† 10:9-10 Lu 10:4 †† 10:9-10 Nam 18:31; Lu 10:7; 1Ko 9:14; 1Ti 5:18 †† 10:12 Lu 10:5-6 ††† 10:14 Lu 10:10-12; Ap 13:51, 18:6 †† 10:15 Jen 18:20-19:28; Mt 11:24; 2Pi 2:6; Ju 7 †† 10:16 Lu 10:3; Jo 10:12; Ap 20:29; Ro 16:19 ††† 10:17 Mt 24:9 ††† 10:18 Ap 25:23, 27:24 ††† 10:19 Lu 12:11-12 18 10:20 Jo 14:26; 1Ko 2:4 19 10:21 Mai 7:6; Mt 10:35 20 10:22 Mt 24:9, 13; Jo 15:18-21 21 10:23 Mt 16:28

Hi hetpi werek yi ap eino eirer wit wit mit ne Isrel newi en ere hi Mitik ke wit ke Mitik Iuwe hi pike enen.

²⁴† Sumatin hak ap te kakirtei menmen kakinin tisa kirak au. Wok mitik ap te kakinin mitik kerek hirak kerekwiwek menmen mirak. ²⁵†† Au, mit sumatin o wok mitik hir han yaaik menmen enum naniwaanki nanir ke menmen enum naniwaank tisa kir o mitik iuwe kir. Mit epei nenewa hi Bielsebul hiram niuk mei enum me Seten, te hi hire Haai. Maain yi mit kerek yisisa yi yire nikerek nai, hir nanewi him enum enum.

Mit hir ap ninapen mit han au- hir naninapen God (Lu 12:2-7)

²⁶† Te yi ap einapen mit au. Menmen yapirwe in ek hiram misawin meit, maain mit nanirteiyem hiram mamnen mamu yaain. Menmen hi hisawin hetpiyem yi maain eyirp wit iuwe eiwepyapirem eitip mit em. ²⁸†† Yi ap einapen mit kerek naniwep yi yayi eyintar hir ap te naninepi himin ki au. Yi einapen hirak God kerek kakiwep epei au, hirak kakwir himin ki kakno si tatik-neni.

²⁹† Yi mit han ki yi eiwir pewek kiutip yi eyit hore wiketeri. Hire hore peiyap ap te wawi waunatin wawaai ti, te Haai kiau ap kerteiyek au. Hirak kertei ye! ³⁰ God epei kertei paan marmenum miwapin paan hesnu ki. ³¹†† Te yi ap einapen menmen au. Yi yinin hore yapirwe, te God Haai kiau hirak naanempri werek werek.

Him me mit newepyapir hir nises him me Jisas (Lu 12:8-9)

³²††† Mit miyapir kerek nerp ninaan me mit han nanwepyapir hir nises him mai, te maain hir nanirp ninaan me Haai kiau, hi etpor hir yaain nises him mai, hir mit nai. ³³††† Neimin au, te hi au.

Jisas kan kakinke mit (Lu 12:51-53, 14:26-27)

³⁴† Yi ap han kitet hi han enip mit te hir enkiyan enu enit. Au, hi han ehinkeri. ³⁵§ Hi han enip nikan ketike haai hirakit enukit tepan, o niki wetike miye pire, o yani wetike miye pire hir enun nepan. ³⁶ Mit miyapir ne weiwik me mitik hak hir netikerek nanir ke mit enun nepan.

³⁷†† Mit miyapir kerek hir ninin hanhan miye haai o nikerek nir te hir ap hanhan werek neriuwa au, hir ap yaain te nanisisa nanimtau him mai au. ³⁸††† Mit miyapir kerek hir ninapen menmen enum mamnen mamnip nanintar hir nises him mai, hir ap yaain te hir nanisisa au. ³⁹ Mit miyapir kerek neweikin sip newet him mai nanintar mit naninip, maain hir ap te nanu nantike God au. Neimin mit hir naninip nanintar hir nisisa, maain hir nantike God nanu nanit.

† 10:24 Lu 6:40; Jo 13:16, 15:20 †† 10:25 Mt 9:34, 12:24; Mk 3:22; Lu 11:15 † 10:26-27 Mk 4:22; Lu 8:17 †† 10:28 Je 4:12 †† 10:31 Mt 6:26, 12:12 ††† 10:32 Rev 3:5 ††† 10:33 Mk 8:38; Lu 9:26; 2Ti 2:12 § 10:35 Mai 7:6 §† 10:37 Diu 33:9 §†† 10:38 Mt 16:24-25; Mk 8:34-35; Lu 9:23-24, 17:33; Jo 12:25

Mitik kakriak menmen yaaim, maain God kakwetiwek menmen yaaim (Mk 9:41)

⁴⁰†† Mit miyapir kerek hir nantihis naanmampri hiram mamir ke hir nantauhis naanmamprou. Hir kerek nantauhis naanmamprou, hiram mamir ke hir naanmampre hirak God kerek keriuweta hi han in. ⁴¹ Mit miyapir kerek naanmipre mitik profet nanintar hirak profet kerekek, maain God kakwetir menmen yaaim miutip nantike mitik profet. Neimin naanmampre mitik yaaik kises him me God nanintar hirak mitik yaaik kerekek, maain God kakwetir menmen yaaim miutip nantike mitik yaaik. ⁴²††† Mit miyapir kerek hir nankaap mit miyapir weinin kerek nisisa nanrekyor menmen kike yaaim miutip, maain God kakwetir menmen yaaim."

Jon Baptais keriuwet mit disaipel han nen nir Jisas (Lu 7:18-35)

11 Jisas katip mit nirak disaipel nar hiswiyen wik (12) epei au, hir ninaiwirek nen nerer wit wit. Hir ninaiwirek te Jisas kinaaiwir wit kerek hirak kewi, hirak ken katip mit kerek nau nirapit wit kirak ik hirak ketpor him mirak. ²† Me wi im Jon Baptais kepu kekere winak enuk. Hirak kau kekerek, hirak kemtau menmen Jisas kiriakem, te hirak keriuwet mit disaipel nirak nen nir Jisas. ³†† Hir nen nepitir niun Jisas hir nitiwekhi nar ik: "Ti hirekes mitik kerek Jon katip ti enen o haiu mamimerir mitik keiyak?" ⁴ Jisas kewenhi ketpor, "Menmen yi epei yan yirem, o yi yemtehem, yi eino eitip Jon em. ⁵††† Mit miyapir nanamir enum toto, hi enipi hir pike nir ein ein. Mit miyapir his hit enum, hir nire yaain nen ein nen ein. Mit miyapir hir lepro mewi, hir yink kir yaaik. Mit miyapir hir nikip toto, hir nire yaain nemtau menmen werek werek. Mit miyapir epei naa, hi hikian hir pike nekrit nau. Hi atip mit miyapir kerek netenen menmen au, hi hetpor menmen im hiram menmen God katip mitik hirak kaknen kakriakem. ⁶††† Mit han kerek hir han kiteta hi mitik kerek God keriuweta hi han, maain hir han yaaik nanu."

⁷†††† Hirak ketpor epei au, mit ne Jon pike nen. Hir epei nanino, Jisas katip mit menmen me Jon. Hirak ketpor, "Nipaa yi yen yir Jon yi han kitet yi yayir mitik kire mekak? Hirak mitik keweikin han yapirwe kire niyen (o tupne) nime metitiwem hiram miririr a? Taauye! ⁸ Te yi yen yayir mekam? Yi yir mitik keriuwet klos yaaim a? Au, mit kerek keriuwet klos yaaim hir nau winak ke mit iuwe gavman. ⁹ Im em au, te yi yen yayir mekam? Yi yen yir mitik profet a! Hiram werek, te hi hetpi, yi yir mitik hirak kinin profet. ¹⁰†††† Hirak mitik kerek nipaa tiwei me God mitik kewisim matip hirak kaknen. Him matip mar im:

§† 10:40 Mk 9:37; Lu 10:16; Jo 13:20; Ga 4:14 §†† 10:42 Mt 25:40 §† 11:2 Mt 14:3 §† 11:3 Mal 3:1; Mt 3:11; Jo 1:15 §†† 11:5 Ais 35:5-6, 61:1 §§† 11:6 Mt 13:57, 26:31 §§§ 11:7 Mt 3:5 18 11:10 Mal 3:1; Mk 1:2; Jo 3:28

'Hi ariuwet mitik kai kakinin kaknen kaktip him mai. Hirak kakimani han ke mit yapirwe te hir nanimtau him mit.' ¹¹ Hi hetpi werék. Jon Baptais hirak kinin mit miyapir yapirwe kerek nipaa ere in miyerer nir ninen. Te neimin hir mit weinin hir nanises him me God maain hir nanu nantike God nanit en te hir naninin Jon kerek wi hirak kau ti ik e.

¹² †Nipaa wi Jon kinin kewepyapir hirekes katip mit menmen, nipaa ein ere in God kewepyapir hirak kakinin naanmampre mit miyapir. Te mit kerek nenehan nenapan niriakan enum hir neweikin sip newet menmen enum hir nises him im. ¹³ Menmen im epei man mentar him nipaa Moses kewisim mau tiwei metike him mit profet newisim mau tiwei hiram matip me Jon kaknen kaktip mit him im. ¹⁴ ††Te yi han kitet hi hatip werék, hi etpi Jon hirak mitik ik Ilaija nipaa yi yekinaak kau tiwei hirak epei kaknen. ¹⁵ Neimin hir nemtau him mai hir han ekitetim werék werék. ¹⁶ Hi ewis mit miyapir nau ti in ek hir nire mekam? Hir nire nikerek neninehan neit maket nemitetpin hir natip,

¹⁷ †Haiu miriak tukin menep wekinp, te yi ap yirire au. Haiu menep tukin mitik hirak kaa te yi ap yan yikitek au.' ¹⁸ †Hi hatip menmen im hentar Jon kewepyapir hirekes wi ham hirak ninpi maak, hirak ap kaam tipar si enum au. Mit iuwe nirek te hir natip, 'Herwe kersisek hirak han enuk.' Hir ap han yaaik neriuwerék nisesik au. ¹⁹ ††Hi Mitik ke wit ke God hi han hewepyapir hirekes hi etike mit haiu maam menmen maam tipar. Mit iuwe nira hir natip, 'Eiyirek! Hirak kaam menmen iuwe yeunim, hirak kaam tipar si enum ere ketaritari. Hirak ketike mit enun nari pewek me takis netike mit han enun hir neryeiyan nen.' Menmen God ketpawir hi etike Jon hawir wisese te yi ap han yaaik yeriuwawir yisesawir au. Menmen hawir wiriakem hiram meteikin mit God kertei menmen werék werék."

Jisas han tewenin mit ne wit ham hir ap nises him mirak

(Lu 10:13-15)

²⁰ Hirak ketpor epei au, te Jisas kene mit nau nerer wit wit kerek hirak nipaa kiriak menmen yapirwe kikaap mit keriuwerem. Hirak keneri kentar hir ap neweikin sip newet menmen enum hir nises him mirak au. ²¹ †Hirak katip kar ik: "Yi mit miyapir yau wit Korasin yetike mit miyapir ne wit Betsaida! Maain God kakriwaank! Menmen yi yira hi hiriakem heit wit ki, nipaa mit profet niriakem neit wit Taia ketike wit Saidon, te hir waswas nanweikin sip nanwet menmen enum nanwen toni mamantar yink kir nanteikin God hir yink enuk. Te yi mit yi ap yiriakem au. ²² ††Hi hetpi werék. Maain wi kerek God skelim mit, hirak kaknep mit ne Taia netike mit ne Saidon kaknip kike, te yi mit au hirak kakiwep iuwe. ²³ ††Yi mit ne wit Kapaneam. Yi han kitet God kaktip yi yaain a? Au, God kaktip yi mit enun kak-

† 11:12 Lu 16:16 †† 11:14 Mal 4:5; Mt 17:10-13; Mk 9:11-13
‡ 11:18 Mt 3:4 †† 11:19 Mt 9:14; Lu 15:1-2 †† 11:21 Jna 3:6
††† 11:22 Ais 23; Esi 26:1-28:26; Joe 3:4-8; Emo 1:9-10; Sek 9:2-4
††† 11:23 Jen 19:24-28; Ais 14:13-15; Ju 7

wiri yi eino si. Hi hiriak menmen yaaim heit wit Sodom kerek nipaa hirak kepu kar ke hi epei hiriakem heit wit ki, te hir neweikin sip newet menmen enum te God ap kanip kaknepi wit weinik au. Hir wen nepu. ²⁴ †Hi hetpi werék. Maain wi kerek God skelim mit, hirak kaknep mit ne Sodom kaknip kike, te yi mit miyapir au, hirak kakiwep iuwe."

Mit kerek nises him me Jisas hir nanu werék

(Lu 10:21-22)

²⁵ ††Me wi im Jisas katip kar ik: "Haai ti kerek Mitik Iuwe ke nepni metike ti, hi han yaaik heriuwit hentar ti hisawin menmen mit yaaim te mit iuwe nepitariyem. Ti epei ewepyapirem heteikin mit weinin em. ²⁶ Hi han yaaik heriuwit hentar ti hanhan hises han kit te ti hiriakem mar im. ²⁷ †††Haai kai ti epei eweto menmen mit yapirwe te hi naanmiprewem. Mit ap nertei han ke hi Nikan kit. Ti Haai kai kerekek. Mit ap nertei han kit au. Hi Nikan kit hetike mit kerek hi ewepyapir han kit eteiknorek.

²⁸ †††Yi mit miyapir kerek yi yiriak menmen iuwe yises God, te yi han ki enuk yentar yi yisesik werék werék au. Yi einen eiyises him mai te hi akepi yi eiyisesik werék werék. ²⁹ †††Yi einen eiyises him mai te hi eteikni menmen. Yi eiyisisa eiyintar hi ap hire mitik atip him tokik au. Hi ewenin han kai atip mit him yaaim. Yi eiyisisa te yi han yaaik, yi yayu werék werék. ³⁰ ††Menmen hi ahithi yi eiyisesim eiriakem, hiram yaaim. Te yi ap han enuk yayisesim au. Yi han yaaik eiyu."

Mit ne Farisi nitehi Jisas me menmen mit nirak niriakem me wi Sabat

(Mk 2:23-28; Lu 6:1-5)

12 ††Maain wi ham Sabat Jisas ketike mit nirak disaipel neremir (o nitet ninin ke) ni kerek wit yehes miram mewim. Mit nirak hir ninpi maan te hir nerpesis yehes miram newenwohisem naam. ² †††Mit han ne Farisi niri niriak menmen im te hir natip Jisas, "Ei ti emtewem! Mit nit disaipel hir niriak menmen me wi Sabat kerek him me Moses meriuwesisem." ³ †††Jisas ketpor kar ik: "Yenmak te yi ap yertei menmen werék werék nipaa Devit kiriakem me wi hirak ketike mit nirak hir ninpi maan. ⁴ †††Hirak ken kekere winak kerek mit newepwar God menmen, hirak keit bret mitik hetpris kewetiwekem. Mit epei newet God em te hirak ketike mit nirak hir naam. Him me God Moses kewisim mau tiwei matip mit pris keriyen hir nanim. Mit han au. ⁵ ††Te yi yenmak te yi ap yertei menmen werék werék mekre him me Moses yi yekinaam a? Wi Sabat yapirwe miutip miutip mit pris hir niriak wok nenep samiyak nesiyem newet God em. Hir ap nau yain yain nar ke him me Moses matip mit enisesim te God katip mit pris hir yaain. Menmen im me God minin him me

§ 11:24 Mt 10:15; Lu 10:12 †† 11:25 1Ko 1:26-29 ††† 11:27 Mt 28:18; Jo 1:18, 3:35, 10:15, 17:2; Fl 2:9 †† 11:28 Jer 31:25 ††† 11:29 Jer 6:16 †† 11:30 1Jo 5:3 †† 12:1 Diu 23:25 ††† 12:2 Eks 20:10 ††† 12:3 1Sml 21:1-6 ††† 12:4 Lev 24:5-9 18 12:5 Nam 28:9-10

Moses me wi Sabat. ⁶†Hi hetpi werek. Menmen kau in hirak kinin winak iuwe ke God. ⁷††Yi yertei him werek werek God kewisim mau tiwei, te yi ap yatip enum yene mit kerek niriak menmen enum au. Him me God matip mar im: 'Hi hanhan te yi hanhan yeriuwe mit. Menmen im minin samiyak yi yamip yesiyem yewetewem.' ⁸Hi hetpi hi Mitik ke wit ke God hi Iuwe naanmipre menmen mit ne wi Sabat hir niriakem."

Me wi Sabat Jisas kikaap mitik his enum hirak kire yaaik

(Mk 3:1-6; Lu 6:6-11)

⁹Jisas ketpor epei au, hirak kinaaiwir wit ik, hirak ken winak hak kir kerek hir nererik nekine him me Moses metike him me mit profet newiyen. Hirak ken en, ¹⁰‡mitik kiutip kau winak ek hirak his mirak miutip enum maa. Mit han en hir hanhan nesiuwe Jisas me menmen him me Moses metpim, te hir nitiwekhi nar ik: "Him me Moses haiu misesim me wi Sabat meri-uwesis mitik kakikaap mitik kinap o au?" ¹¹††Te Jisas ketpor, "Me wi Sabat mitik keiyak ke yi mit hirak sipsip kirak kiutipen kerekek kakinke kakikre hei, hirak kakno kakikinik kakwisik kakit wit eik a?" ¹²‡‡Haiu mit minin sipsip hiram au menmen weinim. Te haiu me wi Sabat mamkaap mit te hir nanire yaain." ¹³Hirak katip epei au, hirak katip mitik his enum, "Ti esiuwe his mit." Hirak kesiuwe his miutip mirak te his mire yaaim mar ke his mirak pinam. ¹⁴‡‡‡Hirak kiriakem, te mit en ne Farisi hir nen witeik hir nisawin natipan nimenipinek narkeik te hir naninep Jisas kaki.

Jisas kiriak menmen me God kises menmen mau tiwei kerek nipaa mit profet netpim

¹⁵‡‡‡Jisas kertei menmen hir hanhan nanrekyiwekem te hirak kinaaiwir wit eik e. Mit yapirwe hir ninap hir nisesik te hirak kekepi hir nire yaain. ¹⁶§Te hirak ketpor him iuwe hir ap entip mit han menmen hirak kerek- yorem au emit. ¹⁷Hirak ketporem te menmen nipaa mitik profet Aisaia ketpim kewisim mau tiwei mam- nen. Him im hiram matip,

¹⁸§††"Mitik ik hi hehimitanek hirak kiriak menmen mai. Hi hanhan heriuwerek, hirak kenipa hi han yaaik. Hi tewen ariuwet Himin kai Yaaik kaku kakikre han kirak te hirak kakikepi kakno kaktip mit nerer wit wit menmen yaaim hi arekyorem ahisak menmen enum mir.

¹⁹Hirak kaktike mit han ap nanitpepan, hirak ap te kaknip him iuwe o kakirp yayiwe kaktip mit him mirak au.

²⁰Hirak ap kakiwaank mit miyapir hir nises God yaaik kike nire niyen me mani hiram maa nime miniu mamweninem. Mit miyapir hir nire si metnen kike maain hiram mami, hirak kakikepi hir nanu werek.

Hirak kakikepi ere wi hirak kakinin menmen enum te him hirak kaktip mit em, hiram mamnen.

²¹Te mit miyapir nerer wit wit ap ne weiwik me Isrel, hir enises him mirak nanu naninkikwek ere maain hirak kakne kaktorhis."

Mit natip Bielsebul kikaap Jisas kepir herwe enum

(Mk 3:20-30; Lu 11:14-23; 12:10)

²²§†Maain hir mit han neit mitik enuk herwe kenipek nanamir toto, hirak kemesisiwek him ap katip au. Hir neiyik nan Jisas te hirak kepir herwe enuk ken, hirak kire yaaik kir ein ein, katip werek werek. ²³Mit miyapir yapirwe hir nirek, hir han kekrit natip nar ik: "Yi han kitet mitik ik hirak Kraiss ik Nepenyek ke Devit kerek ni- paa God katip hirak kakriuwetek kaknen?" ²⁴§††Te mit han ne Farisi hir nemtau mit natip menmen mar im hir nemnorem natip nar ik: "Hirak ap Nepenyek ke Devit au. Hirak kepir herwe enum kentar mitik iuwe ke her- we hirak Bielsebul hirak kekepik kepirem."

²⁵Jisas kertei menmen hir han kitetim te hirak ketpor kar ik: "Mit nau wit iuwe hir newep nau ke nimin nen- tar menmen, te mit in ap nepu werek werek au. Mit ne weiwik miutip o nikerek ne mitik kiutip hir newep nau ke nimin nentar menmen te hir ap nepu werek werek naanmipre wit kir au. Hir naninke hasini naniwaank hiras. ²⁶Seten hirak kekepa hi epir herwe mirak te hirak kewep kau nimin. Karkeik te hirak kaku werek werek a? Taau! ²⁷Yi yatip hi hepir herwe hentar Bielse- bul kekepa. Hirak kekepa hi hepir herwe te mit han ne yi mit, neimin nekepi te hir nepir herwe mekre han ke mit? Seten a? Au! Hir ap nepir herwe nentar Seten kekepi au. God kerekek. Te menmen hir niriakem meteikin yi yetpo enum me Seten kekepa. Au, God kerekek kekepa. ²⁸§†God Himin Yaaik kerekek kekepa hi hepir herwe mamnopin mamkeipin. Menmen im meteikni God epei kan kau menep kakinini naanmam- pri.

²⁹§††"Hi wen etpi him ham. Mitik hak kakno kakikintip menmen me mitik iuwe hirak kakinin kakriak mekam? Hirak kakinin kaksenkek his hit me mitik iuwe. Hirak kaksenkikwek his hit mirak, hirak kakikintip menmen mirak keiyim kakno. ³⁰§††Neimin hir ap nisisa hir nar ke mit enun nepan nai. Neimin hir ap nekepa haiu mamri han ke mit nanises God hir nar ke mit enun nepir mit nanises menmen enum heriyai heriyai.

³¹§†††Te hi hetpi, menmen yapirwe mit niriakem o menmen enum hir netpim hir newepyapirem neweikin sip newetiwek maain God kakisakem. Te mit miyapir kerek hir natip enum me God Himin Yaaik, God ap te kakisak menmen im au. ³²Mit miyapir kerek hir natip enum me hi kerek Mitik Iuwe keriuweta hi han, maain God kakisak menmen enum hir netpim. Te neimin hir natip enum me God Himin Yaaik, God ap kakisak men- men enum hir natip in o maain. Hir nanit wit kirak yaaik au.

† 12:6 Mt 12:41-42; Lu 11:31-32 †† 12:7 Hos 6:6; Mt 9:13 ‡ 12:10 Lu 14:3 ‡† 12:11 Lu 14:5 ‡†† 12:12 Mt 10:31 ‡††† 12:14 Jo 5:16 ‡††† 12:15 Mk 3:7-10 § 12:16 Mt 8:4; Mk 3:12 † 12:18 Mt 3:17 ††† 12:18 Ais 42:1-4

§† 12:22 Mt 9:32-33 ††† 12:24 Mt 9:34, 10:25 † 12:28 Ap 10:38; 1Jo 3:8 †† 12:29 Ais 49:24; 1Jo 4:4 ††† 12:30 Mk 9:40; Lu 9:50 ††† 12:31 1Ti 1:13; Hi 6:4-6, 10:26

Him me nu enum mari mine nikim miram enum
(Lu 6:43-45)

³³ †Nu mei hiram yaaim te hiram mamri mamine nikim miram yaaim. Nu mei enum te hiram mamri mamine nikim miram enum. Mit nir nu nikim miram hir natip, 'Nu im hiram yaaim', o au en, hir natip, 'Nu im hiram enum mesine'. ³⁴ ††Yi mit enun nikerek ne manpen Seten. Yi ap eitip him ham yaaim eiyintar yi mit enun. Mit natip him nises menmen mekre han kir. ³⁵ Mitik yaaik katip menmen yaaim kentar han kirak yaaik. Mitik enuk katip menmen enum kentar han kirak enuk. ³⁶ Hi hetpi menmen im hentar maain wi kerek God skelim yi mit, hirak kakitih me menmen enum miutip miutip nipaa yi yetpim. ³⁷ Maain God kakitih me menmen miutip miutip yi nipaa yetpim. Te him mi hiremes maain mamteikin God yi yire mit yaain o au enun."

Mit han nitiwekhi hirak kirak menmen kakteknor God
keriuwetek kan kekepik kirak menmen yaaim nipaa
mit nirem au
(Mk 8:11-12; Lu 11:29-32)

³⁸ †Hirak katip epei au, mit han ne Skraip, kerek ninin nertei him me Moses natip mit em, hir netike mit ne Farisi, kerek han kitet hir ninin mit han nises him me Moses, hir natip nar ik: "Mitik Iuwe, haiu hanhan ti hirekes eriak menmen yaaim nipaa mit ap niriakem au."

³⁹ ††Te Jisas ketpor kar ik: "Yi mit miyapir kerek yitauhi hi ariak menmen yaaim nipaa mit ap niriakem, yi mit miyapir enun ap yises God au. Hi ap ateikni menmen yi yitauhiyem au. Hi ateikni menmen hiram mei me mitik profet Jona nipaa kau ti keremem. ⁴⁰ †Nipaa saauk wisenuk ke wan eik kekes Jona hirak kekere tu kirak ere wi wikak. Te hi Mitik kerek Mitik Iuwe keriuweta hi han in, hi hahu akre hei ehit ninin ere wi wikak. ⁴¹ ††Maain wi God skelim yi mit, mit nipaa nau neit Nineva nanirp nantike mit nau ti in. Hir nanirp nantike mit in hir nantip, 'Yi mit enun.' Hir nantip nanir ik nanintar nipaa Jona katip mit en him me God te hir neweikin sip newet menmen enum nises him me God. Mitik Iuwe kinin Jona hirak kau in te yi ap yeweikin sip yewet menmen enum au. ⁴² ††Maain wi God skelim yi mit, mite iuwe kwin hire nipaa naanmipre mit nau wit Siba, hire wawirp wautike mit miyapir nau ti in. Hire wawirp wautike mit miyapir nau ti in ek hire wautip, 'Yi mit miyapir enun.' Hire wautip menmen im wawintar nipaa hire winaaiwir wit kire wen hit nokim (o yanimin) te wemtau him yaaim mitik iuwe King Solomon ketpim. Mitik Iuwe kinin King Solomon hirak kau in te yi ap yeweikin sip yewet menmen enum yemtau him mirak au.

† 12:33 Mt 7:16-20 †† 12:34 Mt 3:7, 15:18, 23:33; Lu 3:7 †
12:38 Mt 16:1; Lu 11:16; Jo 6:30; 1Ko 1:22 †† 12:39 Mt 16:4 ††
12:40 Jna 1:17 ††† 12:41 Jna 3:5 ††† 12:42 1Kin 10:1-10; Mt 12:6

Him me herwe enuk nipaa kinaaiwir mitik hirak pike
kan
(Lu 11:24-26)

⁴³ "Wi kerek herwe enuk kenke kinaaiwir mitik, hirak kepno ein ein kerekir wit tipar aurek, hirak kinkatin wit hak te hirak kakwi. Hirak kinketniwek kinketniwek hirak ap kinapinek au. ⁴⁴ Te hirak han kitet kar ik: 'Hi ap hinapin wit yaaik au, te hi pike eno wit kai kerek nipaa hi hewik.' Hirak pike kepno wit kirak, hirak kir winak herwe keiyak kewik au. Hirak yaaik kire mitik keripep waniu yaaim. ⁴⁵ †Hirak kerek epei au, hirak ken kinkatin herwe enum mar hispinak wik (7) mininek. Epei au, hirak ketikeri nanino winak eik e nanu nanit. Nipaa mitik hirak herwe kewik han enuk kike, te in ek hiram herwe mamiwaank han kirak enuk. Menmen mamir im mamnen mamnep mit nau ti im."

Jisas miye pirak wetike kikrek nirak nanino nanirek
(Mk 3:31-35; Lu 2:19-21)

⁴⁶ †Jisas wen katip mit menmen mirak, te miye pirak wetike kikrek nirak nan nanirek. Hir nerp witeik hanhan netpiwek menmen. ⁴⁷ Hir nerp en, mit han nerp en netpiwek nar ik: "Emtewek. Miye wetike kikrek nit nan nanrit nanitput menmen." ⁴⁸ Jisas keweniwekhi katip, "Peimin hire miye pai. Neimin hir nire kikrek nai?" ⁴⁹ Hirak kesiuwe mit nirak disaipel his hirak katip, "Eiyiri. Mit miyapir in hir nire miyerer nai netike kikrek nai. ⁵⁰ ††Neimin hir nises menmen Haai kai keit wit kirak hirak hanhan hir nanisesim, hir nire kikrek nai, yenterer nai o miye pai."

Him me mitik kamir nikim mekre ni
(Mk 4:1-9; Lu 8:4-8)

13 Me wi im keremem, Jisas kinaaiwir winak ketpaan ken wit eik ken kau menep wan eik. ² †Hirak kau en, mit miyapir yapirwe nererik menep menep nersis Jisas. Te hirak kinu ken kekere bot kau en, hir mit miyapir nerp tenhaan nau pin eik. ³ Jisas ketpor menmen yapirwe me tok piksa mar im. Hirak katip: "Mitik hak ken kamir nu nikim mekre ni mirak. ⁴ Te mitik kewirem mau ni, nikim ham menke miwaai yayiwe kerek wit yaain te hore man maam. ⁵ Yehes ham menke mentar nan kerek ap ti mei iuwe menterim em, te hiram mewo wasenum mentar ti kike kentar nan. ⁶ Wepni kan kir kenterim te hiram ap mewir nekenik men ti eik au. Hiram me weiwei te maa meit. ⁷ Nikim ham menke miwaai waai kerek tiktik mewim em, te waai keremem tiktik mewim em miniu miwapin em. Te hiram mewo werek werek ap mari au. ⁸ Nikim ham menke miwaai ti yaaik nipaa mitik kewenek te hiram mewo mari yaaim. Ham mari 100, ham mari 60, ham mari 30. ⁹ Mit miyapir kerek nemtau him mai hir han ekitetim werek werek!"

§ 12:45 2Pi 2:20 †† 12:46 Mt 13:55 ††† 12:50 Jo 15:14; Ro 8:29 †† 13:2 Lu 5:1-3

Jisas kewepyapir kenmak te hirak katip mit miyapir menmen keriuwe tok piksa

(Mk 4:10-12; Lu 8:9-10)

¹⁰ Hirak ketpor epei au, mit disaipel nan nitehi Jisas, “Ti henmak ti hetpor him tok piksa?” ¹¹ †Jisas ketpor, “God epei keteikni menmen hirak kakriakem te kakinin naanmipre yi mit. Hirak keteikni yarkeik te yi eire nik-erek nirak yi eiyisesik. Te mit in en au. ¹² ††Mit han kerek netenen menmen ham me God, hirak kakwetir meiyam yapirwe te hir nantiwem yapirwe. Te mit han kerek ap netenen menmen iuwe ninapen him mirak, menmen kike hir epei netenenim mamiwaank mamit. ¹³ †Hi hetpor menmen meriuwe tok piksa hentar hir nir menmen te hir ap nertei menmen. Hir nikip memtau, te hir ap nertei menmen hi hetpim werek werek au. ¹⁴ ††Him ham nipaa mitik profet Aisaia ketpim hirak kewisim mau tiwei hiram epei man mentar menmen mit miyapir in hir niriakem. Hiram matip:

‘Yi yayimtau him yeteipim yeteipim te yi yayirtei menmen werek werek au. Yi yayir menmen yaiteipim yaiteipim te yi yayir menmen werek werek au.

¹⁵ Hir nanirem werek werek au nentar han ke mit miyapir in en epei au ketaritari, hir nemesis nikip mir epei au ninapen nanimtau him. Te hir ninapipi nanamir kir ap nir menmen hi hiriakem. Hir ap niriak menmen im te hir nanir menmen hi hiriakem nemtau menmen mai werek werek, han kir enisisa te hi akepi hir enire yaain.’

¹⁶ ††Te yi han yaaik eiyu. Nanamir ki epei kir menmen werek werek. Nikip mi epei memtau menmen werek werek. ¹⁷ Hi hetpi menmen werek werek. Mit profet yapirwe netike mit yaain nipaa hanhan nanir menmen yi epei yira hi hiriakem, te hir ap nirem au. Hir hanhan nanimtau menmen yi epei yemtau hi hetpim te hir ap nemtewem. Au, hir epei naa.

Jisas kewepyapir him mirak me mitik kamir rais nikim

(Mk 4:13-20; Lu 8:11-15)

¹⁸ “Yi eiyimtau hir o as me tok piksa me mitik kewir rais nikim miram mau ni. ¹⁹ Mit yapirwe nemtau him me God kakinin naanmipre mit te hir ap nerteiyem werek werek au, hir nire nikim miwaai yayiwe. Maain Seten kaknen kakikre han kir kapihir him kerek epei God kewisim mekrerek. ²⁰ Nikim ham minatn miwaai ti kike mentar nan, im em hiram mire mit han wasenum nemtewem han yaaik neriuwerem. ²¹ Te hir nire nikim keremem ap mine nekenik men ti eik au te mamu kike. Maain hiram pike mami. Mar im em te mit neiyen nemtau him me God nisesim. Maain kike mit han neneri nerekyor enum nentar hir nisesim, te hir wasenum neweikin sip newetiwe. ²² ††Nikim ham menke mekre waai kerek enum tiktik mewim em, hiram mire mit nemtau him im te menmen enum me

† 13:11 1Ko 4:1 †† 13:12 Mt 25:29; Mk 4:25; Lu 8:18, 19:29
‡ 13:13 Diu 29:4 †† 13:14 Ais 6:9-10; Jo 12:40; Ap 28:26-27 ††
13:16 Lu 10:23-24 ††† 13:22 Mt 6:19-34; Lu 12:16-21; 1Ti 6:9-10,
17

ti ik ek metike pewek hir hanhanem hiram minin him me God. Mit nar ik ek ap te nanriak menmen yaaim nanises God werek werek au. ²³ Nikim menke mekre ti yaaik hiram mar ke mit nertei him me God nemi mekre han kir. Te hiram mine wit mari yehes yapirwe, ham mar 100, ham mar 60, ham mar 30, te hir niriak menmen yaaim yapirwe.”

Jisas katip him tok piksa me yenkis enum mente mau ni

²⁴ Jisas ketpor him tok piksa ham. Hirak katip: “Menmen God kiriakem hiram mire mitik hak kewir wit nikim mitet ni mirak. ²⁵ Maain witaan mit miyapir niwaai, mitik enuk kirak kepan kan kewir yenkis yehes miram enum mitet ni kerek hirak epei kewir wit nikim mewi en, te hirak ken. ²⁶ Maain wit kerek hir epei newirem em mau ni eim mire iuwe mamine nikim, te hir nir yenkis enum keremem metikerem. ²⁷ Mit niriak menmen me mitik iuwe hir nen netpiwek nar ik: ‘Mitik iuwe ti nepei hamir wit yehes mekre ni mit im e. Ti hamir menmen yaaim te menmen im enum meke nein man te hiram mewo in?’

²⁸ Hirak kewenhi ketpor, ‘Mitik hak enuk kepan kan kamir menmen enum mekre nimin me menmen yaaim.’ Hir nitiwekhi, ‘Ti hanhan haiu emno emkete-tim?’ ²⁹ Te hirak keweni ketpor, ‘Hi hinaain yi eiketetim emnopin. Yi yaiket menmen yaaim mamtikerem. Au emit! ³⁰ †††Yi eiwisim emu ere maain hiram emi. Te hi etip mit kerek nanremir nanir ik: ‘Yi eiyinin eiremir menmen enum eisenkekim emriuwe waai. Maain haiu mamisiyem. Yi eiremir menmen enum epei au, te yi eino eiremir nikim yaaim eiwisim emikre winak kai.’”

Jisas katip him me nu mastet nikim miram metike yis

(Mk 4:30-32; Lu 13:18-21)

³¹ Jisas ketpor him tok piksa hirak katip, “Menmen God kiriakem hiram mire nu mastet nikim miram. Mitik hak ketiwem kamir mau ni mirak. ³² Nu mastet nikim hiram ap iuwe mar ke nikim me menmen ham em. Au, hiram kike enum. Te maain hiram mau ni mamniu mamre iuwe maminin menmen kerek mau ni em, hiram mamre nu te hore mamnen mamwis yaank mamu heneik miram. Mar im mit in kerek nises him mai hir nire niutip niutip. Te maain hir nanire yapirwe.”

³³ Jisas pike ketpor him ham. Hirak katip, “Menmen God kiriakem hiram mire yis mite weiyim wen wenipem metike flaua weweiknenim mekre sar mau him ere hiram nap minanem miniu wisenum.”

Jisas katip mit keriuwe him tok piksa keremem

(Mk 4:33-34)

³⁴ Jisas katip mit miyapir menmen yapirwe keriuwe him mire tok piksa. Hirak ap ketpor him meiyam au. Hirak ketpor tok piksa keremem. ³⁵ †Hirak katip kar ik te menmen nipaa mitik profet ketpim kewisim mau

tiwei, hiram mamnen mamir ke nipaa hirak ketpim.

Him im hiram matip,

“Hi awep him atip mit tok piksa. Hi atip menmen nipaa hi God hiriak ti ere in mit ap nerteiyem au.”

Jisas kewepyapir tok piksa me yenkis enum katip mit disaipel nirak em

³⁶ Jisas katip mit miyapir menmen epei au, hirak kinaaiwir mit miyapir hirak kinik ken winak. Hirak kinik ken winak, mit nirak disaipel nan nitiwekhi, “Ti etpei werek menmen me yehes enum mekre ni.”

³⁷ Jisas kewenhi ketpor, “Mitik kerek kamir yehes yaaim mekre ni hirak hi kerekek. Mitik Iuwe God keriuweta hi han ti ik. ³⁸ †Ni eim hiram ti ik ek. Yehes yaaim hiram mire mit miyapir nises him me God. Yehes enum hiram mire mit miyapir nises him me Seten.

³⁹ Mitik enuk kepan kerek kamir yehes enum hirak Seten. Wi mit hir nan newen yehes hiram mire wi God skelim mit. Mit kerek nen newen yehes hir ensel.

⁴⁰ ††Mamir ke mit neit yehes enum nesenkekim neiyim nan newirem mekre si, te maain wi menmen mamnen mamir im God skelim yi mit. ⁴¹ †Te hi Mitik ke wit ke Mitik Iuwe hi asiuwe mit ensel nai nanino nanrer wit wit me ti kerek hi naanmampre mit miyapir hir naninke menmen enum mari han ke mit en. Hir naninke menmen enum metike mit han kerek niriak menmen enum. Te hi enkerem emnopin emkeipin wit kerek Mitik Iuwe naanmiprewem. ⁴² ††Te hir nanwir mit miyapir enun nanino nanikre si kerek hir naninepip nanineknen yehes mir. ⁴³ ††Me wi im mit miyapir kerek yaain en nanu wit yaaik God kakwetir menmen mirak iuwe kakikepi te hir nanir nanre wepni nanit wit kirak. Mit neimin nemtau him mai hir han ekitetim!

Him tok piksa me mitik kinkatin bokis pewek mekremer misawin mekre ti

⁴⁴ †††Menmen me God hiram yaaim mire okis pewek mekremer mit nipaa hir mit nisawinem mekre ni ham. Maain mitik hak kiutip kinapinem, hirak pike kisawinem mekre hei, hirak han yaaik, te hirak ken keit menmen mirak yapirwe keiyim ken kesiuwerem men mit, hirak keit nan mererim, hirak keiyim ken kewirem keiyim katin ni keremem.

Him tok piksa me mitik kir pewek winak yaaik

⁴⁵ “Menmen me God hiram yaaim mire mitik hak kerek kinkatin pewek winak hirak kinkatin kerek yaaim yaaim em, keiyim ken kesiuwerem men mit te kakit moni mamrerim. ⁴⁶ Hirak kir pewek winak kerek yaaik ek, te hirak ken kesiuwe menmen mirak keiyim ken kesiuwerem men mit, hirak keit moni mererim, hirak keiyim ken kewirem keit winak yaaik kerekek.

Him tok piksa me hepin

⁴⁷ †††Menmen God kiriakem hiram mire hepin mit hir newirem mekre wan neiyim nanri saauk metike menmen ham yapirwe. ⁴⁸ Hepin kenempet keriuwerem, te hir neriyaam man miwaai pin eik. Te hir nau nekorirem newis saauk yaaim em mekre tikenup ham, enum em hir newirem men. ⁴⁹ Me wi kerek maain God skelim mit ne ti ik ek, hiram mampar ik. Mit ensel ne God naninen naninke mit enun kerek nises menmen enum me nimin me mit yaain nises menmen yaaim. ⁵⁰ †Te hir nanwiri nanino nanikre si iuwe. Me si im em hir naninepip nankit nanineknen yehes mir naneitaiyen.”

Him me mitik keit menmen yaaim wen petep, metike menmen enum tokim.

⁵¹ Te Jisas kitorhi, “Yi yertei him yapirwe hi epei hetpiyem?” Hir newenhi natip Jisas, “Kai Iuwe, haiu merteiyem.” ⁵² Te Jisas ketpor, “Mar keremem te mit skraip kerek nertei him me Moses natip mit em, hir epei nertei him hi hewepyapirem, hir nire mitik haai ke winak iuwe. Hirak ken kinik winak kirak kekin menmen yaaim petep metike menmen enum tokim keiyim kan kikaap mit kewetirem. Hir newepyapir him me God nipaa hirak katip mit profet em metike him mai yaaim.”

Hir mit ne Nasaret neweikin sip newet Jisas

(Mk 6:1-6; Lu 4:16-30)

⁵³ ††Jisas katip him tok piksa im epei au, hirak kinaaiwir wit ik ken. ⁵⁴ †††Hirak pike ken wit kirak eik ken katip mit him me God kekre winak kerek hir nererik nekine him me Moses neitai en. Hirak ketpor werek te hir nekrit nehinhin natip, “Keimin ketpiwek him yaaim hirak ketpeiyem? Keimin kekepik te hirak kiriak menmen yaaim kikaap mit keriuwerem kepir herwe kiriak mit kerek ninap hir nire yaain? Hirak mitik weinik kar ke haiu mit in. ⁵⁵ ††Mitik ik ek nikan ke mitik kerek kime winak kerekek. Maria hire miye pirak kerep. Jems ketike Josep, Saimon Judas hir kikrek nirak keriyen. ⁵⁶ Yenterer nirak hir nau netikewai. Menmen yapirwe im em hirak ketiwem meke nein man?” ⁵⁷ †††Hir natip narik te han kir enuk neriuwerek hir neweikin sip newetiwek nentar hir ap nertei karkeik te hirak kiriak menmen im yaaim. (Hir han kitet hirak mitik kerekek. Mitik Iuwe au.) Te Jisas ketpor, “Mit profet niuk mir iuwe mau merer wit wit, te mit neit wit kirak netike mit ne weiwik mirak, hir ap han kitet hirak iuwe au.”

⁵⁸ Hirak ap kiriak menmen yapirwe kikaap mit his hit enum metike menmen ham keit wit eik ek kentar hir ap han kitet hirak mitik kerek God keriuwetek kan au.

† 13:38 1Ko 3:9; 1Jo 3:10 †† 13:40 Mt 7:19; Jo 15:6 † 13:41 Mt 24:31, 25:31-46; Mk 13:27 †† 13:42 Mt 8:12 †† 13:43 Dan 12:3 ††† 13:44 Mt 19:29; Lu 14:33; Fl 3:7

††† 13:47 Mt 22:9-10 † 13:50 Mt 13:42; Lu 13:28 †† 13:53 Mt 7:28 ††† 13:54 Jo 7:15 †† 13:55 Lu 3:23; Jo 6:42 ††† 13:57 Jo 4:44

Jon kerek kikir mit neriuwe tipar epei kaa

(Mk 6:14-29; Lu 3:19-20, 9:7-9)

14 Me wi im, mitik iuwe gavman Herot ke provins Galili kemtau menmen Jisas kirkakem. ² Te mitik Herot katip mit kerek niriak menmen mirak, "Hi han kitet ik hirak mitik Jon kerek kikir mit neriuwe tipar em. Hirak kaa te in ek hirak pike kekrit te menmen wisenum manpenum mau his mirak, te hirak kirkak menmen yaaim im. ³ ††Nipaa Jon katip Herot, "Ti heit mite ip ep. Menmen im e hiram ap yaaim au." Te Herot han enuk ketenen Jon kesenkekik keriuwe sen ain kewisik kekere winak enuk kentar Herot epei keit Herodias, mite pe Filip, Herot nikik kirak. ⁵ †Herot hanhan kaknep Jon kaki, te hirak kinaain mit miyapir. Hir han kitet Jon hirak mitik profet ke God.

⁶ Maain wi ham miutip, mit han nen nau netike Herot han kitet wi kerek nipaa miye winaak ek. Me wi im niki pe Herodias wirire wen werp nimin ke hir mit. Te herot hanhanep wisenum. ⁷ Hirak hanhanep wisenum te hirak katip mite kerep kar ik: "Hi hetput werek. Menmen ti hanhan ehitauiyem, hi ewetitem." ⁸ Miye pe niki ip ep watip niki pire weriuwe him, te hire watip, "Ti erekir teruk ke Jon kerek kikir mit en ewisik ekikre tikenu eiyik enen ewetewek in ek, te hi hertei hirak kaa."

⁹ Hire watip war ik, te mitik iuwe eik ek hirak han enuk. Hirak kinapen kakrekiwekem te hirak yink enuk kentar mit nau naam menmen netikerek nemtau menmen hirak ketpiwerem. Te hirak katip mit nirak enwetiwe menmen im emnen. ¹⁰ ††Herot keriuwet mitik ken winak enuk te hir mit en nerekir teruk ke Jon neit ein te timir kewen kekret. ¹¹ Epei au, hir neit paan kirak kekere tikenu neiyik nan newet niki ep ek. Hire wetiwek epei au, hire weiyik wen wewet miye pire rek. ¹² Mit disaipel ne Jon nerteiyek, hir nan neit herwe yink kirak neiyik nen newisik kekere hei. Hir newisik epei au, hir nen natip Jisas menmen enum mit niriak Jon em.

Jisas kewet mit nar 5,000 menmen hir naam

(Mk 6:30-44; Lu 9:10-17; Jo 6:1-13)

¹³ Jisas kemtau him me mir hir nenep Jon keremem, hirak kehin kiniu ken kekere bot kerekir wan ken wit weinik kerek mit ap newi au. Te mit yapirwe nemtau Jisas ken, hir neke ti ninaaiwir wit kir nisesik nen.

¹⁴ ††Jisas epei kau bot keiyik ken ere epei kiun wit kerek hirak hanhan kakno. Hirak kinaaiwir bot kenke ken ti, hirak kir mit miyapir yapirwe nisesik nan. Te hirak han tewenini kikaap mit han kerek ninap, his hit enum em.

¹⁵ Hinkewi epei man, te mit disaipel nirak nan natip Jisas, "Wit ik ek enuk weinik ap mit newik. Te wi epei men witaan kaknen. Ti eriuwet mit miyapir yapirwe nanino enrer wit wit kerek menep ek te hir hiras enwir pewek enit menmen mir nanim." ¹⁶ Jisas ketpor, "Haiu ap te mamriuweti enino au emit. Yi eiwetir menmen enim me yi hiras." ¹⁷ Hir neweniwekhi netpiwek, "Haiu

ap metenen menmen mei yapirwe au. Haiu meit bret hispinak (5), saauk wiketerem im em keremem."

¹⁸ Jisas katip, "Eikinim eiyim einen in."

¹⁹ ††Hirak katip mit miyapir yapirwe nau yenkis nau ti. Epei au, hirak kekin bret hispinak (5) keremem metike saauk wiketerem hirak kirkiam naan men niu nepni eim, hirak kitehi God katip hirak han yaaik keriuwe menmen im. Epei au, hirak kewep bret keremem hirak kewet mit disaipel nirak em, te hir neweiknim newet mit miyapir yapirwe rem. ²⁰ ††Hir naam nen nen ere tu iuwe. Te hir disaipel neit yinam kerek epei naam em nemi mekre wapnake ere wapnake hiswiyen wik (12) menempetit meriuwerem. ²¹ Hir mit kerek naam menmen hir yapirwe nar 5,000 mit. Hir ap newenhis miyapir netike nikerek nau netikeri au.

Jisas kitet wan keke niu ken

(Mk 6:45-52; Jo 6:15-21)

²² Jisas kewtir menmen epei au, hirak katip mit nirak disaipel nehin ninu nen nekre bot naninin nanino wan pinak ein te hirak kaku kakriuwet mit miyapir yapirwe nanino. Epei au, hirak kakisesi. ²³ †Jisas keriuweti nen te hirak hirekes kiniu miniu (o neiyip) ken kakitehi God menmen. Nepei hinkewi kakere witaan hirak kiutip kerekere kepu. ²⁴ Bot hirak epei ken wan niminiuwe eik, te nime miniu meke bot paan kirak te wan sir miniu mamuwere bot. ²⁵ Epei menep wanewik hiram wen toto, Jisas keriuwe hit mirak keke niu kitet wan ken kakir mit nirak disaipel. ²⁶ ††Hir nerek keriuwe hit mirak keke niu kitet wan te hir neperper, hir natip, "Hirak herwe." Te hir nenepip nenine him iuwe. ²⁷ Wasenum Jisas kenine ketpor, "Yi ap einapen. Yi einakin tokim. Hi kerekere han. Hi ap herwe auye!"

²⁸ Pita kewenhi ketpiwek kar ik: "Kaiu Iuwe, ti hirekes te ti etpo hi eriuwe hit mai eitet wan anen arit."

²⁹ ††Jisas katip, "Ti enen." Te Pita kinaaiwir bot keriuwe hit mirak kitet wan ken kakir Jisas. ³⁰ Pita kir nime miniu te hirak kinapen, hirak kaknatin kakno kakim tipar kakikere wan. Te hirak kenine, "Kaiu Iuwe ekepa!" ³¹ ††Wasenum Jisas kewis his ketenen Pita, hirak ketpiwek, "Ti ap han kiteta hi Iuwe au? Ti henmak te ti heit han wik wik?" ³² ††Nepei au, hirakit wiketeret tiniu tau bot te nime maa meit. ³³ ††Hir mit kerek nau bot en nir menmen im, hir newenipi Jisas natip, "Haiu mertei werek ti Nikan ke God."

Jisas kikaap mit miyapir ninap neit Genesaret

(Mk 6:53-56)

³⁴ Hir epei nerekir wan nen pinak ein niun ti ke Genesaret. ³⁵ Hir mit ne wit ik ek hir nertei hirak Jisas te hir nesiuwe him men merer wit wit kerek menep menep ek, hir neithis mit kerek ninap ek neri nan. ³⁶ ††Hir neri nen epei au, hir ninap natip him iuwe nitiwekhi hirak ekwisi hir hiras enwis his entenen yink kirak o laplap

† 14:3-4 Mt 11:2 †† 14:3-4 Lev 18:16, 20:21 ‡ 14:5 Mt 21:26 †† 14:10 Mt 17:12 †† 14:14 Mt 9:36

††† 14:19 Mt 15:35-39; Mk 8:6-10 ††† 14:20 2Kin 4:44 § 14:23 Lu 6:12, 9:28 §† 14:26 Lu 24:37 ††† 14:29 Jo 21:7 §† 14:31 Mt 8:26 §†† 14:32 Mk 4:39 §† 14:33 Mt 27:54; Jo 1:49 §† 14:36 Mt 9:20-21; Mk 5:27-28; Lu 8:44

hir mirak. Hir mit miyapir kerek newis his netenen laplap hir miram netike mit netenen yink kirak, hir yapirwe nire yaain.

Him lo me God hiram minin him me maamrer
(Mk 7:1-13)

15 Hirak Jisas wen kepu wit Genesaret, mit han ne farisi netike mit skraip kerek ninin nertei him me Moses natip mit em, hir ninaaiwir Jerusalem nan nir Jisas nitiwekhi menmen. ² †Hir natip, "Nenmak te hir mit disaipel nit niriak menmen ap nises menmen kerek nipaa maamrer niau niriakem? Hir nanim menmen hir ninin nekemyet his. Te mit disaipel nit au."

³ Jisas kewenhi ketpor, "Yenmak te yi ap yises menmen me God te yi yises him nipaa mit kerek yi yisesi hir newetiyem netpiyem a? ⁴ †Nipaa God katip, "Yi eiyimtau him me miye haai ni te maain yi naanmam-pri. Mitik kerek katip enum ke menmen miye haai nirak, yi mit eikip kaki." ⁵ Te yi yises him im au. Yi yatip, "Mitik keiyak ketenen pewek o menmen kakikaap miye haai nirak, te hirak katip miye haai, "Hi epei hehimitan im em te hi ewet God em. Hi ap naanempri eriuwerem au." ⁶ Yi yatip hiram werek hirak ap ekikaap miye haai nirak neriuwerem au.' Me menmen mar im yi yerekir him me God yeriuwe him ham me maamrer ni yi yises-im. ⁷ Yi mit enun yemipin. Mitik profet Aisaia nipaa kehimiteni werek me wi hirak katip him me God kar ik. Hirak katip,

⁸ †Mit in en hir hanhan newenipi niuk mai neriuwe him mir, te han kir au nisisa werek werek au.

⁹ Menmen hir netpim newenipi niuk mai neriuwerem hiram au enum menmen weinim. Menmen hir natip mit hir enisesim hiram ap him mai au. Him mir weinim."

Menmen enum miriak han ke mitik enuk
(Mk 7:14-23)

¹⁰ Jisas ketpor epei au, hirak kenine mit miyapir nan nirek, hirak ketpor, "Yi eiyirteiyem han ekitetim werek werek! ¹¹ †Menmen kerek mit hir nanim menip God katip hir mit enun au. Menmen mit netpim hiram menip God katip hir mit enun."

¹² Hirak ketpor nepei au, mit nirak disaipel nan natip Jisas, "Ti hertei mit ne Farisi nemtau him ti hetpim em te hir han enuk neperper?"

¹³ †Jisas kewenhi katip, "Haai kai kau wit kirak Heven hirak menmen mirak mau ni. Menmen kerek hirak ap kamir au, hiram mewo weinim, maain hirak kakiketim mamriuwe nekenik miram mamno. ¹⁴ †Yi eiwisi enu en. Hir nire mit nanamir enuk toto, te hir nanteikin mit han kerek nanamir toto en yayiwe hir enisesim te hir nanir God. Te nanamir toto kakteikin mitik hak nanamir toto yayiwe, hirakit wiketeret tatinkewin tatikre wi."

¹⁵ Pita kewenhi katip Jisas, "Ti ewepyapir him me tok piksa, te haiu emimtewem." ¹⁶ Jisas katip, "Yi ap han kewi au a? Yi yire mit han en a? Yi ap yertei menmen kerek mitik hirak kewisim mekre him hiram men mekre ninpi tiwaak te maain hirak kakno kaknerem mamikre hei? ¹⁸ †Te menmen mekre han ke mit, maain hir netpim, im hiram menip God katip mit hir enun. ¹⁹ †Menmen kerek metpaan meke han ke mitik hiram mar im: han kitet menmen enum, kenep mit naa, kari miyapir his kewenem, kekintip menmen, kewenin him, katip kenip mitik hak yink enuk. ²⁰ Menmen im em hiram menip God katip mitik ik hirak enuk. Mitik ap kekemyet his wen au, te hirak kakim menmen, hiram ap te mamnip God kaktip mitik kar ik hirak enuk au."

Mite pe Kenan hire wises him me Jisas werek werek
(Mk 7:24-30)

²¹ Jisas kinaaiwir wit Genesaret te hirak ken ti ke wit Taia ketike Saidon. ²² Mite hap pe Kenan kerek wau wit eik kerekek, hire wan weniniwek him iuwe wetpiwek, "Mitik Iuwe ti Nepenyek ke Devit, ti han etwenina. Herwe enum mewaank niki pai." ²³ Te Jisas ap kewenhi ketpiwe menmei au. Hir mit disaipel nan nirek netpiwek, "Mite ip ep hire wenine wenine wisesai wan. Ti ekepiye te hire wauno."

²⁴ †Jisas ketpor, "Au, God keriuweta te hi han hikaap mit kerek ne weiwik miutip me Isrel, hir nire sipsip nisawin neit yaank. Mit han au." ²⁵ Hirak katip epei au, mite kerepew wan wewen ninip werp hit me Jisas watip, "Kai Iuwe, ti ekepa." ²⁶ Jisas ketpiwe tok piksa kar ik: "Hiram enum te haiu mamkin menmen me nikerekek mamwirem mamno mamwet nepere rem, hiram mamim." ²⁷ Mite watip, "Kai Iuwe, ti hatip werek. Haiu enun mire nepere. Te nepere hiram mekorir menmen kerek miye haai nir naam hiram minatin miwaai yeno kerek hir naam menmen menterim." ²⁸ †Hire watip war ik te Jisas ketpiwe, "Mite ti eises him me God werek werek. Menmen ti hanhan em hiram mamnen." Hirak katip epei au, waswas mite niki pire hire wire yaaip.

Jisas kikaap mit yapirwe nire yaain

²⁹ †In ek Jisas kinaaiwir Taia ketike Saidon te hirak ken kitet menep wan ke Galili. Hirak ken kiniu miniu (o neiyip) ken kau nu ein. ³⁰ Mit miyapir yapirwe nan nererik nirek, hir neithis mit kerek hit enum o han kir enuk, hemik meweikin, han auri netike menmen ham yapirwe hir neri nan nirek. Hir newisi niwaai menep hit me Jisas te hirak kerekyorem hir nire yaain. ³¹ †Hir mit miyapir nir menmen im te hir han kekrit hir han kite-tim nentar hir nir mit kerek han auri en natip, hemik min em mire yaaim. Mit nanamir toto en hir nir ein ein werek werek. Mit kerek hit enum hir nitet ein ein. Hir

† 15:2 Lu 11:38 †† 15:4 Eks 20:12, 21:17; Diu 5:16 † 15:8 Ais 29:13 †† 15:11 Mt 12:34 †† 15:13 Jo 15:2 ††† 15:14 Mt 23:16, 24; Lu 6:39; Ro 2:19

‡‡‡ 15:18 Mt 12:34 § 15:19 Jen 8:21; Ga 5:19-21 §† 15:24 Mt 10:6 §†† 15:28 Mt 8:10, 13 §† 15:29 Mk 7:31 §†† 15:31 Mk 7:37

nir menmen im te hir newenipi God ke mit ne Isrel neriuwerem.

Jisas kewet mit 4,000 menmen hir naam
(Mk 8:1-10)

³² Jisas kekepi epei au, hirak kenine mit disaipel nirak nan, hirak katip, "Hi hanhan heriuwe hir mit miyapir ein en. Wi wikak epei men hir nau netikewa te hir menmen me nanim em au. Hi hinapen esiuweri nipi mamn nanino te hir nani nanitin yayiwe." ³³ Te hir mit disaipel natip Jisas, "In en ap mit nei newi. Te haiu mamit menmen mamoke nein te mamwet mit yapirwe rem te hir nanim?" ³⁴ Jisas kitorhi, "Yi yetenen bret marmenum?" Hir natip, "Haiu metenen bret hispinak wik (7), saauk kike kiutip kiutip." ³⁵ Hir netpiwek epei au, Jisas katip mit miyapir hir nanu ti.

³⁶ Jisas kekin saauk metike bret hispinak wik (7), hirak kitehi God em kewepim kewet mit nirak disaipel em, hir newet mit yapirwe rem. ³⁷ Hir yapirwe naam ere tu iuwe, te hir neit yinam kerek mit ap naam te hir nemi mekre wapnake mar hispinak wik (7). ³⁸ Hir mit naam menmen hir nar 4,000, te hir ap newenhis nikerek miyapir nau netikeri au. ³⁹ Jisas keriuwet mit miyapir nen. Hirak keriuweti nen, hirak kehin kiniu kekere bot ketike mit nirak disaipel, hir nerekir wan nen ti ke mit nau neit Magadan.

Mit nitehi Jisas kiriak menmen keteiknor God keriuwetek kan

(Mk 8:11-13; Lu 12:54-56)

16 ^{††}Hir mit ne Farisi netike mit ne Sadyusi kerek han kitet mit epei naa ap pike nanikrit nanu au, hir nan niri Jisas. Hir nanmitiwekpin nanri han kirak me ekriak menmen yaaim ekikaap mit ekriuwerem te hir nertei God keriuwetek kan. ² Te Jisas ketpor, "Hinkewi epei man yi yatip nepni mire ninim te teipmen hiram wepni yaaik. ³ Yi yekrit yatip, 'Napi mire nipiak wepni kire ninik, hauwi kaknen.' Yi yir menmen mau nepni te yi yertei werek werek mekam mamnen. Te yi ap yertei werek werek han kitet menmen God kiriakem me wi im a? ⁴ Yi mit miyapir yapirwe enun, yi ap yises God werek werek au! Yi yitauhi hi hirak menmen yaaim te yi eiyrtei God keriuweta hi han te hi ap ariak menmen te yi yayirem au. Hi eteikni menmen me Jona kerek nipaa kaa kekere saauk tu mirak. Wi wikak epei au, hirak pike kekrit kau." Hirak keptor epei au, hirak kinaiwiri ken.

Him tok piksa me yis me Farisi netike Sadyusi

(Mk 8:14-21)

⁵ Hir mit disaipel nau bot nerekir wan nanino, te hir han kaa ap neit niu metikeri neiyim nen. ⁶ Jisas ketpor tok piksa kar ik: "Yi naanempre hiras yi einopin yis me Sadyusi netike mit ne Farisi." ⁷ Te hir hiras han kitet natipan nar ik: "Hirak ketpim kentar haiu ap meit bret mei meiyim man metikewai." ⁸ Jisas kertei menmen hir

† 15:32 Mt 14:14-15 †† 16:1 Mt 12:38; Lu 11:16; Jo 6:30 †† 16:4 Mt 12:39; Lu 11:29 †† 16:6 Lu 12:1

netpim te hirak katip, "Yi mit in en ap han kiteta hi Iuwe naanempri au. Yenmak te yi yatip haiu ap meit bret mei au? ⁹ Yi ap yertei menmen werek wen au a? Te yi ap han ekitet bret mar hispinak (5) mit nar 5,000 hir naam, te wapnake mar hiswiyen wik (12) yi yemi mekrerem? ¹⁰ Te yi ap han ekitet bret hispinak wik (7) kerek mit nar 4,000 hir naam, te wapnake mar hispinak wik (7) yi yemi mekrerem a? ¹¹ Yenmak te yi ap yertei hi ap hetpi menmen me bret. Yi naanmamre hiras me him me mit ne Farisi netike mit ne Sadyusi." ¹² Hirak ketpor epei au, hir nertei hirak ap ketpor naanmipre hiras me yis me bret au. Hirak ketpor hir naanmipre hiras hir ap nises him me Farisi netike him me mit ne Sadyusi, kerek hir natip mit enisesim.

Pita kewepyapir Jisas hirak Mitik God keriuwetek hirak Krai

(Mk 8:27-30; Lu 9:18-21)

¹³ Maain me wi Jisas ken ti menep wit Sisaria Filipai hirak kitehi mit disaipel nirak, "Hir mit miyapir hir natip hi Mitik ke wit ke Mitik Iuwe, hi keimin?" ¹⁴ Hir natip, "Mit han natip ti Jon kerek kikir mit neriuwe tipar. Mit han natip ti profet Ilaija kerek nipaa kau ti. Mit han natip ti Jeremaia o mitik profet hak nipaa nepu ti." ¹⁵ Te Jisas ketpor, "Yi han kitet hi keimin?"

¹⁶ Saimon niuk mirak ham Pita hirak kewenhi ketpiwek, "Ti Nikan ke God kerek kaku kakit tipmain tipmain enum eik. Ti Mitik Krai kerek hirak keriuwetit ti anen ti ekaap haiu mit etaihis."

¹⁷ Jisas ketpiwek, "Saimon nikan ke Jona, God han yaaik keriuwet. Ap mitik kei ke ti ik ek keteiknut him im em au. Haai kai God kau wit kirak hirak keteiknut menmen im. ¹⁸ Hi hetput, ti Pita ti hire teinik. Ti ekaap mit miyapir yapirwe nanises him mai. Te menmen ham meke Seten mamnen hiram ap te maminini au. ¹⁹ Te maain hi ewisit ti ekrehir kai. Ti atip menmen mit miyapir kerek nanises him mai hir nanriakem. Menmen ti hetpor hiram werek hir nisesim. God keit wit kirak kaktip hiram yaaim. Menmen ti hetpor hiram enum hir ap te nanisesim nanu ti im, God kakit wit kirak kaktip, ti hetpor werek werek." ²⁰ Jisas katip mit disaipel kewirnak kekteni ap te enwepyapirek entip mit han hirak Krai, Mitik kerek God keriuwetek kan kikaap mit ne ti.

Jisas katip hirekes kaki te pike kakikrit

(Mk 8:31-9:1; Lu 9:22-27)

²¹ Me wi im ere maain Jisas katip mit disaipel nirak hirak kakno wit Jerusalem, te mit iuwe ninin naanmipre mit netike mit iuwe ne pris, mit nertei him me Moses nanrekyiwek enum yink kirak kakikrek hir nankip kaki. Hirak kaki kakwaai ere wi wikak, te hirak pike kakikrit.

‡‡ 16:9 Mt 14:17-21 ‡‡‡ 16:10 Mt 15:34-38 ‡‡‡ 16:14 Mt 14:1-2; Mk 6:14-15; Lu 9:7-8 § 16:16 Jo 6:69 †† 16:17 Mt 17:5; Ga 1:15-16 ††† 16:18 Jo 1:42; Ef 2:20 †† 16:19 Mt 18:18; Jo 20:23 ††† 16:20 Mt 17:9; Mk 9:9

²² Hirak ketpor epei au, Pita keithis Jisas keyiyik ken pin eik te hirak kenerek kentar hirak katip hirak kaki. Hirak ketpiwek, "Ti kiau Iuwe kerekek taau. Menmen ti hetpim hi hanhan God ap te kakwisim mamnen taau." ²³ Jisas keweikin katip Pita, "Seten ti eno sip kai enopin. Ti hanhan hari han kai enuk. Ti ap han kitet menmen mar ke God han kitetim au. Ti han kitet menmen mar kerek mit keriyen han kitetim."

²⁴ Hirak ketpiwek epei au, Jisas katip mit disaipel nirak, "Mit kerek hanhan nisisa, hir enwenin han kir me menmen hir hanhanem, te hir ap ninapen te nani nanir maain hi hahi entar nu tentarakit. ²⁵ Mit kerek hanhan nani au, nanu werek, maain mit in himin kir kakiwaank. Te mit kerek nisisa ap ninaain mit naninip nani naninterik, te maain himin kir kaku werek. ²⁶ Mitik hak ketenen menmen yapirwe kerek aku ti ik ek te hirak ap kises God au, maain hirak kaki te himin kirak kakiwaank. Te menmen yapirwe kerek nipaa hirak ketenenim mau ti ik mamkepik te God kaktip hirak yaaik mamirkeik a? Taau! Te hirak kakit mekam keyim kakikaap himin kirak kaku werek kakit wit ke God a? Taauye! ²⁷ Maain hi Mitik Iuwe ke wit ke Mitik Iuwe, hi pike anen ariuwe menmen iuwe me Haai kai merhihe mire si. Te mit ensel nirak naninen nantikewa me wi hi pike anen. Me wi im hi ariak mit miyapir ne ti ik ek menmen yaaim o menmen enum mampar kerek nipaa nau ti ik ek hir niriakem. ²⁸ Hi hetpi werek. Mit han kerek neperp in en ap epei naa te hir ninin nanir hi Mitik ke wit ke Mitik Iuwe, hi anen ariuwe menmen mai Iuwe te hi ehinin naanmamre mit."

Yink ke Jisas keweikin his kire menmen keit wit ke God
(Mk 9:2-13; Lu 9:28-36)

17 Wi hispinak kiutip (6) epei men, Jisas keithis Pita ketike mitikit wik Jems ketike nikik kirak Jon. Hirak keryei keru ken miniu (o neiyip) hak enuk kau niu ein. Hirakit keriyen tepu. ² Hirakit tepu en, yink ke Jisas keweikin his kire hak, hirakit tirek teriwe nanamir. Te ninaan mirak mir mire wepni kir, laplap mirak mir mire si merhihe. ³ Moses ketike Ilaija wiketeret tinaaiwir wit ke God tan te hirakit disaipel wikak tir mitikit wiketeret tatip tetike Jisas. ⁴ Pita kir menmen im te hirak katip Jisas, "Haiu mau in hiram yaaim. Te ti hanhana, hi aime weisaak mei mamriri mamwaai in. Ham hiram mit, ham me Moses, ham me Ilaija."

⁵ Hirak wen ketpim, napi kire hike kewen kan kiwapini. Te mitik hak katip kekere napi kewen kan katip kar ik: "Mitik ik hirak Nikan kai yaaik. Hi hanhan heri-uwerek. Yi eiyimtau him mirak eiyisesim!"

⁶ Te hirakit mitikit disaipel temtau him im keremem, hirakit tewen ninip tewis ninaan miwaai ti, te hirakit tepirpir wisenum. ⁷ Jisas kan menep kiret ketenenikit ketpiwekit, "Yi eiyikrit. Yi ap einapen!" ⁸ Te hirakit tekrit

terenaan ap tir mitik keyiak. Au, hirakit tir Jisas kerekek. ⁹ Hir ninaaiwir miniu (o neiyip) te hir wen nekiuwe nepno, Jisas ketpiwekit him manp, "Menmen im yi epei yirem ap te yi pike eitip mit han em. Hiram mamikre (o mamriau) han ki ere maain hi Mitik ke wit ke Mitik Iuwe hi hahi, hi pike ekrit ahu." ¹⁰ Hirak ketpiwekit epei au, hirakit mitikit disaipel tirak titiwekhi, "Nenmak te mit nertei him me Moses natip Ilaija kakinin kaknen, te maain mitik kerek God keriuwetek kakikaap haiu mit kaktaihis hirak kakisesik?" ¹¹ Jisas ketpiwekit, "O, hiram werek. Ilaija hirak kakinin kaknen kakriak menmen yapirwe mamre yaaim. ¹² Te hi hetpi, Ilaija epei kan, te hir mit ap nerteiyek au. Hir nises han kir te hir nerekiwek enum. Mar im te hir nanrekyau hi Mitik ke wit ke Mitik Iuwe, hir nanrekyau menmen enum nanrewaank." ¹³ Jisas katip kar ik, te hirakit mitikit disaipel tertei hirak katip ke Jon kerek kikir mit nekre tipar keremem.

Jisas kikaap nikan hak herwe enum mekreker hirak kire yaaik

(Mk 9:14-29; Lu 9:37-42)

¹⁴ Hir nen ere niun mit miyapir yapirwe en, mitik hak ken kir Jisas kewen ninip kerp hit mirak. ¹⁵ Hirak katip, "Mitik Iuwe, ti hanhan heriwe nikan kai. Hirak enuk ketaritari te yink kirak au enuk. Wi yapirwe hirak kaa kenke kekere si, kekere tipar. ¹⁶ Hi epei etiwekhis heiyik han mit disaipel nit, te hir ap niriakere kire yaaik."

¹⁷ Jisas katpor, "Yi mit miyapir yau ti in en ap yises him me God werek werek au. Te han ki ap yaaik. Wi marmenum te hi ehu ektikewi te yi yises God werek werek? Yi eitiwek his eiyik einen in." Hir neiyik nan newisik keit Jisas. ¹⁸ Epei au, Jisas kene herwe enum keremem, te hiram minaiwir nikan kerekek men, te wasenum hirak kire yaaik.

¹⁹ Maain mit disaipel nirak neit winak hir nitehi Jisas netpiwek, "Haiu menmak te haiu ap mamkaap nikan kike kerekek mampir herwe enum mamno?"

²⁰ Jisas ketpor, "Yi ap yises God werek werek au, te yi ap yepir herwe ik au. Hi hetpi werek, yi yises him me God werek im e mire nu mastet nikim mirak, te yi eitip miniu (o neiyip) ik ek, 'Ekrit eno pinak ein en,' te hirak kakikrit kakno. Yi yises God werek te menmen yi yiriakem hiram mampar keremem mamnen." ²¹ [Te ap menmeiyam me yeiyim yayipir herwe im em taau. Yi ninpi miwei eiyu eiyit me yi eiyitehi God menmen, te yi eiyipir herwe im keremem.]"

Jisas pike katip keteipim me hirak kaki te maain kakikrit

(Mk 9:30-32; Lu 9:43-45)

²² Maain Hir nariyan nitet Galili te Jisas katip mit disaipel nirak: "Maain hir mit nanriuweta hi Mitik ke wit ke Mitik Iuwe hi ano his me mit enun. ²³ Te hir

† 16:24 Mt 10:38; Lu 14:27 †† 16:25 Mt 10:39; Lu 17:33; Jo 12:25 † 16:26 Mt 4:8-9 †† 16:27 Sam 62:12; Pro 24:12; Mt 25:31; Ro 2:6; Rev 22:12 †† 17:2 2Pi 1:16-18 ††† 17:5 Diu 18:15; Sam 2:7; Ais 42:1; Mt 3:17; Mk 1:11; Lu 3:22

‡‡‡ 17:9 Mt 16:20 § 17:10 Mal 4:5 †† 17:12 Mt 11:14, 14:10 ††† 17:13 Lu 1:17 §† 17:17 Diu 32:5, 20; Jo 14:9 ††† 17:19 Mt 10:1 †† 17:20 Mt 21:21; Mk 11:23; Lu 17:6; 1Ko 13:2 †† 17:23 Mt 16:21

naniyep hahi. Me wi wikak hirak God pike kakikoya hi pike ahikrit ahu are mitik." Hir nemtau menmen hirak kepiwekitem, te hir han enuk.

Mit nitehi Pita pewek me takis

²⁴ †Jisas ketike mit nirak disaipel epei nen niun wit Kapaneam. Mit kerek neit pewek me takis me winak ke God hir nan nitehi Pita, "Mitik Iuwe kit hirak kewir pewek me takis me winak ke God a?" ²⁵ Pita hirak ketpor, "O hirak Mitik Iuwe kiau kepwirem." Hirak katip epei au, hir nen ninik winak eik ek te Jisas kitehi Pita, "Pita ti han kitet mekam? Mit iuwe naanmipre mit ne ti hir nari pewek me takis me nikerek nir o me mit han?" ²⁶ Pita ketpiwek, "Mit nirak au. Mit han keriyen." Jisas ketpiwek, "Te mit ne mitik Iuwe ap nanwir pewek a? Te hi ap te hewir pewek a! Haiu nikerek ne God te haiu ap mamwir pewek naanmampre winak kirak au. ²⁷ Hiram yaaim te hi ap hewir pewek hirak mit han enuk neriuwerem. Te ti eno wan ewir strin huk mewik ere ti eri saauk eknen tenhaan ik. Te saauk hak kerek epei ti heriyaak kinin kan tenhaan ik ek, te ti etenenik ewep him kirak te ti ehir pewek mau mekrerek. Ti eiyim eno ewirem ewet mit pewek me takis mawir."

Mit miyapir kerek God katip hir iuwe nimin ke mit miyapir han kerek hir nisesik

(Mk 9:33-37; Lu 9:46-48)

18 ††Me wi im mit disaipel nan nir Jisas netpiwek, "Keimin hirak kinin mit han te hirak kire iuwe ke mit miyapir kerek nises him me God?"

² Hir netpiwek, te Jisas kenine nikan hak kan te hirak kewisik kerp nimin ke mit yapirwe. ³ †Epei au, hirak katip, "Hi hetpi him werek. Yi ap eiweikin sip eiwet menmen yi yisesim yi eiyises God eiyir ke nikerek kike hanhan nises him me miye haai nir, te yi ap eiyu eiyir ke mit ne weiwik me God. Taau! ⁴ ††Mitik kerek kewenin han kirak ke menmen yapirwe hirak hanhanem, te hirak kises menmen miutip kar nikan ik ek kisesim, hirak kinin mit han ne weiwik miutip me God, hirak kakises God werek werek. ⁵ ††Te mit kerek naanempre mitik kiutip kire nikan ik nentar hir nises him mai, hiram mar ke hir nekepa.

Menmen enum mit niriakem nari han ke mit neriuwerem

(Mk 9:42-48; Lu 17:1-2)

⁶ "Te mitik hak kiutip kakri han ke mit weinin hir nire nikerek kike in te hir nises menmen enum ap nises him mai au, hiram yaaim te hir mit han enwenkek nan iuwe kiutip eku timir kirak te hir enwerek ekno ekikre wan nimin iuwe ein kaki te maain God ap kakikip kakiwaankek wisenuk ke menmen im. ⁷ Menmen enum mamwiwaankek mit miyapir nau ti nanri han kir te hir nanises menmen enum. Hekrit hekrit menmen enum mari han ke mit miyapir yapirwe, te maain God

† 17:24 Eks 30:13, 38:26 †† 18:1 Lu 22:24 † 18:3 Mt 19:14; Mk 10:15; Lu 18:17 †† 18:4 Mk 10:43-44 †† 18:5 Mt 10:40; Lu 10:16; Jo 13:20

kakiwaankek mit o miyapir kerek niriakem nari han ke mit miyapir han neriuwerem.

⁸ ††"Yi yiriak menmen enum eiriuwe his o hit mi, yi eiremir eiwirem emno. Hiram yaaim yi his hit miutip te yi eitike God eiyu werek. Hiram enum te his hit wik mamu te hir nanri yi eino eikre si enum kerek mamu mamit tipmain tipmain enum eik ap te mami au. ⁹ Nanamir ki kir menmen kakri han ki me menmen enum, te yi eiketik eiwirek ekno. Hiram yaaim yi nanamir kiutip kaku te yi eiyu werek eitike God. Hiram enum yi nanamir wik te hir nanwiri yi eino eikre si enum me hel, wit kerek God kakiwaankek mit keriuwerem.

Him tok piksa me sipsip kirir kisawin keit yaank

(Lu 15:3-7)

¹⁰ ††"Yi naanempre hiras werek werek te yi ap han ekitet mitik kei weinik kerek kises him mai. Hi hetpi werek. Mit ensel kerek naanmipre mit miyapir nisisa hir nanino nanir Haai kai God kakit wit kirak, hir naniswi him me menmen enum yi yiriakem. ¹¹ ††[Yi ap yerekyor enum yentar hi Mitik ke wit ke Mitik Iuwe hi han hinhatin akepi ahithis mit miyapir nises menmen enum te hir nanises him mai.]

¹² "Yi han kitet mekam? Mitik hak kewis 100 sipsip te sipsip hak kiutip kirir kisawin keit yaank, te hirak ap te kakinkakitniwek pike kaknanek o au? Hirak kakwis 99 sipsip mamirp miniu eik hirak kakno kakinkaktin hak kiutip epei keit nein eik. ¹³ Hi hetpi werek. Maain hirak kinapinek epei au, hirak han yaaik wisenuk kenterik, te hirak han yaaik kike keriuwe 99 sipsip ap meit nein ek kentar hiram mepu werek. ¹⁴ Mar im Haai ki God kau wit kirak Heven kinapen mitik keiyak kiutip ke yi nikerek kike nirak kakweikin sip kakwetiwiek kakiwaankek hirekes.

Yi mit eikaap mitik hak kerek keweikin sip kewet him yaaim kises menmen enum.

¹⁵ ††"Te mitik kit hirekes kerekjut menmen enum ti eno ehirek te ti eteikniwek menmen enum hirak kiriakem. Hirak kemtau him mit kisesim keweikin sip kewetiwek, te ti epei hetiwiek his kinaaipis menmen enum. ¹⁶ ††Te hirak ap kemtau him mit, ti ehit his mitik keiyak kiutip o wiketeret, te yi eiriyaakit eino. Mar im te yi wikak eiwepyapir menmen hirak kiriakem kesiuwek him. ¹⁷ ††Te hirak ap kemtau him mi, te yi eitip mit han ne weiwik me God. Te hirak ap kemtau him mir te yi einerek mitik enuk hanhan kises menmen enum. Yi eiyipirek ap eitikerek yiriak menmen ham au."

¹⁸ ††Jisas katip, "Hi hetpi werek menmen yapirwe enum yi ap yesakem meit ti ik ek, keremem te God ap kakisakem kakit wit kirak. Menmen yi yesakem yayit ti ik ek, te God kakisakem kakit wit kirak.

¹⁹ ††"Te hi hetpi werek. Mitikit wiketeret te ti ik yi han kipirakit me menmen miutip te yi yitehi God em, Haai kai God kau wit kirak kakrekuyiem. ²⁰ ††Hirak

††† 18:8 Mt 5:29-30 ††† 18:10 Hi 1:14 § 18:11 Lu 19:10 †† 18:15 Lev 19:17; Lu 17:3; Ga 6:1 ††† 18:16 Diu 19:15; Jo 8:17

kakrekuyem yi eitiwem eiyintar yi mitikit wik o wikak yi yererik yentar yi yisisa yi eiyirtei God te hi ahu atikewi ekre nimin hi akepi."

Him tok piksa me mitik hirak ap hanhan keriuwe mitik hak nipaa kari menmen mirak

²¹ Jisas katip epei au, Pita kan kir Jisas ketpiwek, "Mitik iuwe, kai yinak hirak kakrekuyo menmen enum te hi akepi anke menmen enum mirak emno emkeip-niwew mamirmenum? Ti arekyewem mar ke hispinak wik (7) hiram werek?" ²² Jisas ketpiwek, "Hi ap hetput are mamir hispinak wik (7) au. Hi hatip ti ekepi enke menmen enum kerek hirak kiriakemem ere yapirwe mar ke 490. ²³ Menmen haiu mit kerek mises God haiu miriakem hiram mire menmen mitik iuwe ke gavman hirak kiriakem. Hirak katip hirak kakit pewek yapirwe nipaa mit kerek niriak menmen mirak hir netiwem weinim te hir ap pike newetiwewem mererim wen au. ²⁴ Hirak kiriak menmen me mit netiwem weinim ap epei newetiwew pewek mererim wen au, hir neithis mitik hak neiyik nan. Nipaa hirak ketenen pewek me mitik ik mar 10 milion kina te hirak ap kewetiwewem mererim wen au. ²⁵ Te hirak ap ketenen pewek iuwe mar im te kakwetiwewem mererim au. Te mitik iuwe katip hir anithis mitik ketike mit nikerek netike menmen mir ham yapirwe hir nesiuwerem nanit nan mamrerim me menmen nipaa hirak ketiwem weinim me mitik iuwe ik. ²⁶ Hirak katip epei au, te mitik kerek kiriak menmen me mitik iuwe kewen ninip kitehi katip mitik iuwe kar ik: "Ti hanhan heriuwa, wen ewisa pewek hi hewetut menmen yapirwe mit nipaa hi heriyaam." ²⁷ Te mitik iuwe hanhan keriuwerek kerek nipaa hirak ketiwem weinim em meit, hirak ketpiwek hiram menmen weinim te hirak kinaiwirek ken.

²⁸ "Maain mitik kerek kiriak menmen me mitik iuwe ketpaan ken wit eik, te hirak kir mitik wariyakit kirak kerek nipaa hirak kewetiwew pewek mar 100 kina, te hirak kewetiwewem mererim au. Te hirak ketenenik kir enum kau teruk kirak ketpiwek, 'Ti eweto pewek emrer mai kerek nipaa ti hetiwem.' ²⁹ Hirak ketpim nepei au, te wariyakit kirak kewen ninip kau kitiwewki ketpiwek him iuwe kar ik: 'Ti hanhan heriuwa te ti hewisa ere maain te hi pike ewetitem.' ³⁰ Te hirak kinapen. Hirak ken kewerek kekere winak enuk kaku kakit ere maain hirak kakrer pewek nipaa hirak ketiwem.

³¹ "Te hir mit wariyan nirak nir menmen hirak kerekwiwekem hir han enuk neriuwerek. Te hir nen newepyapir menmen enum hirak kiriakem natip mitik iuwe kir em. ³² Hir netpiwek epei au, te mitik iuwe kenine mitik kerek nipaa kiriak menmen en ketpiwek kar ik: 'Ti mitik hiriak menmen mai, ti enuk! Nipaa ti hikit hetpo te hi han teweninit me menmen nipaa ti hetiwem em. ³³ Hi nipaa han teweninit. Henmak te ti ap han tewenin wariyakit kit a?' ³⁴ ††Te mitik iuwe kirak han enuk keriuwerek te hirak kesiuwerek ken mit

‡ 18:17 1Ko 5:13 ‡† 18:18 Mt 16:19; Jo 20:23 ‡† 18:19 Mk 11:24; Jo 15:7; Je 1:5 ‡† 18:20 Mt 28:20; Jo 14:23 † 18:22 Lu 17:4 †† 18:34 Mt 5:25-26

kerek niriakem menmen enum naniwaankek te hirak kaku kakit ere mamrer menmen kerek nipaa hirak ketiwem. ³⁵ †Te han ki, yi eikaap ni yinan me menmen enum hir nepei niriakem. Te Haai kai kau wit kirak Heven kakriakem mampar keremem me yi. Haai kai kau wit kirak Heven kakrekuyi menmen mamir im. Te yi eikaap ni yinan me menmen enum hir nerekyiyem yi eiyitpor hiram menmen weinim. Yi han kitet menmen werek werek!"

Jisas katip him me mitik mite epei neitan hir ninaai-wiran

(Mk 10:1-12; Lu 16:18)

19 Jisas katip him me menmen epei au, hirak kinaiwir Galili ken ti ke provins Judia keit pinak ke mani Jordan ein. ² Hirak ken en, mit miyapir yapirwe nisesik. Te hirak kikaap mit miyapir kerek ninap hir nire yaain.

³ ††Hirak keit ein, hir mit ne Farisi nan nanmitiwewpin nanri han kirak natip, "Him me Moses haiu misesim matip hiram yaaim te mitik akipir mite pirak hire wauno waunaiwirek me menmen miutip o yapirwe hire wiriakem hirak kineinim o au?"

⁴ ††Te hirak kewenhi ketpor, "Yi yenmak te nipaa yi ap yertei werek him im em mau tiwei yi yirem a? Hiram matip God nipaa kiriak menmen yapirwe, nipaa enum eik hirak kime mitik ketike mite. ⁵ †††God kiriak mite keriuwe hirepit ke mitik te hirak katip, 'Mitik kaknaai-wir miye hai nirak hirak kaku kaktike mite pirak, te hir wik nankiyan nanu nanit.' ⁶ Te hir ap pike nire hire o hirak wik wik au. Hir nire yink kiutip kerekek. Menmen kerek God epei kehimitanem miutip, yi mit ap te yayinkerem."

⁷ †††Te hir mit ne Farisi netpiwek, "Te kenmak Moses kewis him hiram matip, "Mitik kakwis tiwei kaktip kakinmak te hirak kakinke mite hirak kakwetiwerek te kakinkerep wauno?"

⁸ Jisas ketpor, "Moses kewisi yi yayipir miyapir ni kentar yi han ki enuk ap yises him me God werek werek au. Nipaa enum eik God ap hanhan keriuwe mit hir nises miyapir nir ninaaiwiri nanino au. ⁹ ††Hi hetpi him mar im em. Mite pe mitik hak ap nipaa wiriak menmen enum wiwaai wetike mit han, te hirak kikipirep wauno kakit mite hap, mitik kar ik hirak kewaank hirekes kire mitik enuk kari miyapir his kewenem."

¹⁰ ††Te hir mit disaipel nirak hir netpiwek, "Menmen nimin ke mitik ketike mite pirak hiram mar im, te mitik kakit mite au emit. Hirak eku weinik kerekek."

¹¹ Te Jisas ketpor kar ik: "Ap te mit miyapir yapirwe nantenen him im em taau. Hir keriyen kerek God kakikepi hir nantenenim hanhan nanisesim. ¹² Mit han ap te nanit miyapir nentar miyerer nir nipaa ninen te hir ap yaain te hir nanwaai nantike miyapir. Nepir kerekek mit han nipaa nekin menmen me mit han te

‡ 18:35 Mt 6:15; Mk 11:25; Ef 4:32; Kl 3:13 †† 19:3 Mt 16:1 †† 19:4 Jen 1:27, 5:2 ††† 19:5 Jen 2:24; Ef 5:31 ††† 19:7 Du 24:1-4; Mt 5:31 ‡ 19:9 Mt 5:32; 1Ko 7:10-11 ‡† 19:10 1Ko 7:1-2, 7-9

hir ap te nanit miyapir nanwaai nantikeri au. Te han en han kitet nanises menmen me him me God nanriak menmen mirak keremem te hir ninapen nanit miyapir. Mit kerek hir han kitet him im hiram yaaim hir nanises-im."

Jisas han yaaik kewis his mentar nikerek kike
(Mk 10:13-16; Lu 18:15-17)

¹³ Hirak katip epei au, hir mit han neit his nikerek han kike neri nan, hir hanhan natip Jisas te hirak ekwis his eminteri te ekitehi God kakrekoyor menmen yaaim. Te hir mit disaipel neneri. ¹⁴ †Hir neneri, Jisas katip, "Yi ei-wis nikerek kike en hir naninan in. Yi ap eiweni au emit! Mit miyapir kerek nises God hir han yaaik nanu nanir nikerek in e." ¹⁵ Hirak kewis his menteri. Hirak kiriak menmen im epei au, hirak kinaaiwir wit ik ken wit hak.

Him me mitik pipiak ketenen menmen yapirwe
(Mk 10:17-31; Lu 18:18-30)

¹⁶ Wi ham mitik hak yaaik kan kir Jisas ketpiwek kar ik: "Mitik Iuwe Yaaik hi ariak mekam yaaim eiyisesim te hi hahit himin yaaik te hi hahu hahit tipmain tipmain enum eik?"

¹⁷ ††Jisas ketpiwek, "Kenmak te ti hitauhi me menmen mekam yaaim? God kiutip kerekek hirak Yaaik. Te ti hanhan hahit himin yaaik ehu etike God, te ti ehises him kerek God kewet Moses em mit enisesim."

¹⁸ ‡Te mitik kitiwekhi, "Hi ehises him lo me Moses mekam?"

Jisas ketpiwek, "Ti ehises him mar im: 'Ti ap enep mit hir nani. Ti ap hetike mite pe mitik hak yi eiriran au emit! Ti ap ekintip menmen me mit han. Ti ap ewen him etip mit han. ¹⁹ Ti emtau him me miye haai nit eisesim naanmamror me menmen, ti hanhan eriuwe mit miyapir han ehir ke ti hanhan hirekes.'"

²⁰ Te mitik pipiak ketpiwek, "Him im em hi epei hises-im. Te hi ehises mekam ham?"

²¹ ††Jisas ketpiwek, "Ti hanhan are yaaik te ti eno esiuwe menmen mit yapirwe ehit pewek emrerim te ti ewet mit enun ap netenen menmen mei em. Ti eriak menmen im, ti hetenen menmen yapirwe hahu wit ke God. Ti hiriak menmen im epei au, ti enen ehisisa."

²² Mitik pipiak kemtau him im, hirak kinaaiwir Jisas han enuk ken kentar Jisas ketpiwek hirak kesiuwe menmen mirak mamno. Hirak ketenen menmen yapirwe.

²³ Hirak epei ken, Jisas katip mit disaipel nirak, "Hi hetpi werek. Menmen yapirwe mit netenenim hiram mewen (o mesenek) han kir te hir ap nises him me God waswas au. ²⁴ Hi pike hetpi heteipim. Kamel hiram ap te mamnik hei ke nil ke nekerwo laplap neriuwerek ek taau. Hiram hei kike. Mitik ketenen pewek yapirwe hirak ap te kakises God taau kire kamel ap te kakises hei. Hirak kiriak menmen au kentar pewek hirak kete-

nenim hirak han kirak kenke kenterim te kakisesik werek werek taau."

²⁵ Mit disaipel nirak nemtau him im em hir nehinhin te hir han kekrit nitiwekhi, "God ap kakithis mitik kar ik au, te neimin ne haiu mit mamu mamtikerek? Taauye!"

²⁶ ††Hir natip epei au, Jisas kirapror ketpor, "Mit ap nankaap hiras nanu nantike God au. Menmen mit netenenim mamkepi au. God kerekek kakikepi."

²⁷ Hirak katip epei au, Pita ketpiwek, "Haiu epei minaaaiwir menmen mai yapirwe te haiu misesit. Maain haiu mamit mekam?"

²⁸ ††Jisas kewenhi ketpor, "Hi hetpi menmen im! Hi Mitik ke wit ke Mitik Iuwe maain hi hahu yeno mai iuwe naanmampre mit me wi yaaim maain mamnen, te yi mit kerek yisisa yi yayu yeno yaipar ke hi ik ek. Yi skelim mit ne weiwik yapirwe me Isrel. ²⁹ †††Hir mit miyapir niutip niutip kerek ninaaiwir winak o menmen mir, kikrek nir, yenterer, miye haai o nikerek nir o ti kir, hir ninaaiwirem nentar hir nises menmen nipaa hir netenenim, maain hir nanit yapirwe mamir ke 100. Te hir nantike God nanu nanit tipmain tipmain enum eik. ³⁰ §Mit miyapir kerek in ek hir niuk mir iuwe, hir maain nanire mit weinin. Mit miyapir yapirwe in ek hir nire mit weinin, maain hir nanire mit iuwe.

Him me mit niriak menmen naanmipre ni me tipar wain.

²⁰ §††Menmen God kiriakem me haiu mit hiram mar ke mitik ketenen ti iuwe. Hekrit enum eik hirak ken kakithis mit nanriak menmen naanmipre ni me waai wain mirak. ² Hirak katip ketike mit han nanriak menmen naanmipre ni me tipar wain mirak. Te hirak han yaaik keriuweri te hir nanit pewek iuwe miutip me wi im em. Epei au, hirak keriuweti nen ni me waai wain mirak eim. ³ Maain wepni epei kehin kinu kan, hirak ken kir mit han nerp weinin neit wit maket. ⁴ Hirak katip mit han in en, 'Yi eino eiriak menmen eipeit ni wain eim, te hi eweti pewek iuwe miutip mampireri keriyen.' ⁵ Te hir nen. Wepni kau nimin iuwe kewen ken, hirak ken kari mit han keprer kerekek nipaa hirak kiriakem.

⁶ "Hinkewi hirak ken kir mit han au nerp neit ap niriak menmen. Te hirak ketpor, 'Yenmak te yi yerp weinim petepin in ere hinkewi ik ek?'

⁷ Hir netpiwek, 'Ap mitik kei kewetei menmen haiu mamriakem.' Hirak ketpor, 'Yi eino ni me tipar wain mai em eiriak menmen.'

⁸ §††Epei hinkewi, te haai ke ni wain katip mitik iuwe naanmirpe mit niriak menmen hirak ketpiwek, 'Ti enine mit niriak menmen naninen te ti ewetir pewek. Ti ewet mit kerek nan ne hinkewi pewek eninin. Maain ti ewet mit kerek nepei ninin nekriteik nan ek nikaru. Te ti ewetir pewek mipiram.'

⁹ "Hir mit kerek nan niriak menmen neit ni wain em ne hinkewi hir neit pewek kiutip. ¹⁰ Epei au, mit kerek

† 19:14 Mt 18:2-3 †† 19:17 Lev 18:5; Lu 10:28 ‡ 19:18 Eks 20:12-16; Lev 19:18; Diu 5:16-20; Ro 13:9 †† 19:21 Mt 6:20; Lu 12:33; Ap 2:45, 4:34-37

‡† 19:26 Jen 18:14; Jop 42:2 ††† 19:28 Dan 7:9-10; Mt 25:31; Lu 22:30; Rev 3:21 ††† 19:29 Hi 10:34 § 19:30 Mt 20:16; Lu 13:30 §† 20:1 Mt 21:33 §†† 20:8 Lev 19:13; Diu 24:15

ninin niriak menmen meit ni wain em, hir nan te hir han kitet hir nanit pewek yapirwe maminini, te au, hir netiwem mipiram keremem. Pewek kiutip. ¹¹ Hir netiwem, te hir nene mitik kerek ke ni keremem. ¹² Hir natip nar ik: 'Mit in en hir nan nikaru. Hir niriak menmen kike keremem, te ti ewetir pewek mipiram mepir ke haiu metiwem. Haiu epei miriak menmen iuwe me hekrit eik ere wepni kiman si kawai meriuwerem.'

¹³ "Hir natip nar ik te hirak katip mitik hak kiutip ke hir mit en. Hirak katip, 'Kai yinak hi ap herekyut enum. Nipaa ti ewenhi hiram werek te ti hiriak menmen ehit pewek kiutip a?' ¹⁴ Ti ehit pewek kit kiutip te ti eno. Pewek kiutip hi epei ewetitem, mar keremem te hi hanhan ewet mit pewek kerek nikaru en em. ¹⁵ Mekam! Yi han kitet hi hiriak menmen hises han kai mamriuwe pewek mai im em o au a? Hi ehisesim ye! Hi hiriak menmen yaaim me menmen im em yi au han enuk yeriua a? Haai ke ni ik hirak katip kar ik. ¹⁶ †Te hi Jisas hetpi. Hir mit kerek in ek hir mit weinin, maain hir iuwe. Mit kerek in ek hir iuwe, maain hir nanire mit weinin."

Jisas katip keteipim ere wikak me hirak kaki te pike kakikrit

(Mk 10:32-34; Lu 18:31-33)

¹⁷ Jisas kakniu kakno Jerusalem, te hirak keit his mit disaipel nar hiswiyen wik (12) hir netikerek nen. Hir nitet yayiwe nen, te Jisas ketpor kar ik: ¹⁸ ††Eiyimtau. In ek haiu mamno Jerusalem. Te hirak mitik kerek kakriuweta hi Mitik ke wit ke Mitik Iuwe hi eno his me mit iuwe pris netike mit ninin nertei him me Moses. Te hir nanmitetpin nantip hi enuk te hi ahi. ¹⁹ †Te hir nansi-uwa hi ano his me mit ap ne weiwik me Isrel, hir nanit-po enum me nanrekya u yink enuk, hir nanwaai nipin menmen naniyep te nanweneka ehu nu tentarakit. Me wi wikak, hi pike ekrit hahu."

Jems ketike Jon miye pirakit witehi Jisas te hirakit tatre iuwe

(Mk 10:35-45)

²⁰ Me wi im Sebedi mite pirak weithis nikerek tire Jems ketike Jon hire weri wan Jisas. Hire wewen ninip witiwekhi hirak kakrekyiwe menmen yaaim. ²¹ †Jisas ketpiwe, "Ti hanhan mekam?" Hire watip, "Maain ti are Mitik Iuwe King naanmamprai haiu mit. Me wi im hi hanhan ti atip nikerek tawir wiketeret it tatu menep tatitikewit naanmampre mit tatkitewit. Hak kakno his henkik, hak kakno his yaaim tatit wit kerek mit iuwe newi. Hiram werek o au?" ²² †Hire watip warik, te Jisas ketpiwe, "Auye! Yi ap yertei menmen werek werek yi yitauhiyem. Hiram werek te yi yayises menmen enum yayir ke hi ehisesim eiwis menmen enum mamnen mamiwep a?" Hirakit tatip, "Hawir te wawisesim."

²³ Te Jisas ketpiwekit, "Hiram werek te yi wiketeret yayises menmen hi ehisesim te mamrewaank. Te

† 20:16 Mt 19:30; Mk 10:31; Lu 13:30 †† 20:18 Mt 16:21, 17:22-23 ‡ 20:19 1Ko 15:4 †† 20:21 Mt 19:28; Lu 22:30 †† 20:22 Mt 26:39; Jo 18:11

keimin hirak kaku kakinke kakno his henkik mai, keimin kakno his yaaim mai, him im em hirak ap him mai te hi etpiyem au. Yeno keremem hiram me mit han kerek Haai kai God kiriakem te mit han nanwim."

²⁴ Hir mit disaipel han nar hiswiyen (10) nemtau menmen hirakit titehi Jisas em keremem, hir han enuk neneret. ²⁵ ††Te Jisas keninor hir nan nanirek, te hirak katip, "Yi yertei hir mit iuwe ne weiwik ham hir natip mit hir weinin te hir iuwe ninini. Te hir mit iuwe keriyen natip him manp enuk te hir mit miyapir nises him kir me menmen hir netpim. ²⁶ ††Te menmen enum mar im ap emirp nimin me yi mit au. Mitik keimin kakre iuwe nimin ke yi mit, te hirak ekpar mitik kiriak menmen yaaim me kakikepi. ²⁷ Mitik kerek hanhan kakre iuwe ke yi mit, te hirak ekpar mitik weinik kiriak menmen mi. ²⁸ †Hirak kiriak menmen ekpar hi Mitik ke wit ke Mitik Iuwe kerekek hi ariakem. Hi ap han te mit nanrekya menmen mai nankepa au. Hi han ariak menmen me mamkaap mit, te hi enaaiwir yink kai hahi akaap mit miyapir yapirwe ahisak menmen enum hir niriakem."

Jisas kikaap mitikit wiketeret kerek nanamir toto

(Mk 10:46-52; Lu 18:35-43)

²⁹ Hir natip epei au, hir ninaaiwir wit Jeriko nen, te mit miyapir yapirwe nises Jisas. ³⁰ ††Hir nepno te mitikit wiketeret kerek nanamir toto tau yayiwe. Hirakit temtau him mit natip me Jisas kitet yayiwe kakno, te hirakit tinap tatip tenine him iuwe, "Mitik Iuwe ti Nepenyek ke Devit kerek God kewetit menmen mirak iuwe. Ti han etweninawir." ³¹ Mit miyapir hir natip him iuwe te hirakit tekintip wire wire. Au, hirakit tinap tatip iuwe tar ik: "Mitik Iuwe ti Nepenyek ke Devit, ti han etweninawir."

³² Jisas kerp keninewekit katip, "Yi wiketeret yi hanhan hi arekyi mekam?"

³³ Te hirakit tatip Jisas, "Mitik kai Iuwe hawir hanhan ti erekyawir nanamir mawir mamre yaaim te hawir wawir ein ein."

³⁴ Te Jisas han teweninet kewis his mau nanamir mirakit, te wasenum hirakit tir ein ein werek werek. Te hirakit tisesik ten.

Jisas ken Jerusalem kire mitik iuwe king kinin naanmipre mit

(Mk 11:1-11; Lu 19:28-40; Jo 12:12-19)

21 Hir epei nen menep wit Jerusalem, hir niun wit Betfasi kerek menep miniu (o neiyip) niuk mirak wit Oliv. Hir neit ein te Jisas kakriuwet mitikit disaipel wiketeret. ² Te hirak ketpiwekit kinin: "Yi eino wit kike eik ek te yi yayir menep in en. Te wasenum yi yayir donki (hire wire hos) hir mit nesenskekiye weriwe waai werp nu, nikan kire ketikerep. Yi eisiupani eiyiriyei eiyin einen eiwetori. ³ ††Te mitik hak kakitpi menmen me yi wiketeret, te yi eitip eiyir ik: 'Mitik kawir iuwe

††† 20:25 Lu 22:25-26 ††† 20:26 Mt 23:11; Mk 9:35; Lu 9:48 § 20:28 Lu 22:27; Fl 2:7; 1Ti 2:6 †† 20:30 Mt 9:27, 15:22 ††† 21:3 Mt 26:18

kakriak menmen ham kakriuwere. Maain hirak kakriak menmen kakriuwere epei au, hirak kaksiuw-
erem pike mamnen."

⁴ Menmen im man te hiram mises menmen kerek ni-
paa profet netpim em. Hiram matip mar im:

⁵ "Yi eitip mit miyapir nau wit Saion emir ik:

'Eiyir mitik Iuwe ki kaknen kakri. Hirak ap mitik katip
him tokim au.

Hirak kau donki keteikin mit hirak naanmipri werek
werek. Hirak keiyik kan.

Hirak kau donki kike, nikan kerek miye pirak hire
winaak."

⁶ Te mitikit disaipel wiketeret ten tises menmen
kerek Jisas epei ketpiwekit em. ⁷ Hirakit teithis donki
miye wetike nikan kire, te hirakit tewis laplap saket
mirakit menterik, te Jisas kau sip kirak. ⁸ "Te hir mit
miyapir yapirwe newis laplap saket menmen miwaai
yayiwe. Mit han neremir nu heneik newisim miwaai
yayiwe nesisiwek neriuwerem. ⁹ "Te hir mit miyapir
nininek, hirak ketike han nisesik hir nikaru nan ninap
nenine,

"Kai yaaik ik hirak Nepenyek ke Devit. Haiu hanhan
God kakriak menmen yaaim ke mitik ik kan kakikrehir
kirak. Hirak yaaik te haiu emwenipi niuk me God."

¹⁰ Jisas ken Jerusalem, te mit miyapir neit wit iuwe
eik, hir nehinhin neriuwerek te hir natip, "Mitik ik ek
hirak keimin?"

¹¹ "Te mit miyapir kerek nen ek natip, "Hirak profet
Jisas, mitik ke Nasaret keit provins Galili."

**Jisas kepir mit kerek nesiuwe menmen neiyim nanit
pewek neit winak iuwe ke God natip him mirak
newiyen**

(Mk 11:15-19; Lu 19:45-48; Jo 2:13-22)

¹² Te Jisas kinik ken winak iuwe ke God tempel kerek
mit natip mit han him me God nekrerek ek. Te hirak
kepir mit kerek nesiuwe menmen nanit pewek mamri-
uwerem em. Hirak kewir yeno mir kerek hir newis
pewek menterim metike yeno me mit kerek hir ne-
siuwe hore newet mit em hir newi. ¹³ "Hirak kirkakem
epei au, hirak katip, "Tiwei me God matip mar ik: 'Mit
nanrer wit wit nankine winak kai nenewek winak kerek
mit nanitehi God menmen nanikrerek.' Te yi yiriak
kire winak ke mit enun nekintip menmen newik."

¹⁴ Jisas kepeit winak tempel kerek mit natip mit han
him me God nekrerek, te mit han nanamir toto netike
mit ninap enum nan nirek, te hirak kerek yire yaain.

¹⁵ Te hir mit iuwe ne pris netike mit iuwe nertei him me
Moses natip mit em, hir nir menmen yaaim Jisas
kirkakem kikaap mit, te hir nemtau nikerek nenine neit
ein natip nar ik: "Haiu emwenipi niuk me nepenyek ke
Devit," te hir han enuk. ¹⁶ "Hir han enuknetpiwek, "Ti
hemtau him kerek hir netpim em a?"

Te Jisas ketpor, "O, hi hemtewem. Yenmak te yi ap
han kitet menmen yi epei yekinaam me menmen im a?"

† 21:5 Ais 62:11; Sek 9:9 †† 21:8 2Kin 9:13 † 21:9 Sam
118:25-26 †† 21:11 Mt 21:46 †† 21:13 Ais 56:7; Jer 7:11 †††
21:16 Sam 8:2

Hirak katip, 'Ti God hewep han ke nikerek kike netike
han kerek nau sinipau naam nim te hir natip newenipi
niuk mit hiram iuwe.'" ¹⁷ Hirak katip nepei au, hirak ki-
nairi keit wit iuwe ik, hirak ken kau Betani me witaan
ik ek.

Jisas katip nu fik keweivei kaki

(Mk 11:12-14, 20-24)

¹⁸ Hekrit enum eik, Jisas pike ken wit iuwe eik te hirak
ninpi maak. ¹⁹ "Te hirak kir nu fik hak kiutip keit yayi-
we, te hirak ken kirek. Te hirak ap kir nikim mei mewik
au. Hirak keperp weinim. Te hirak katip nu fik, "Ti ap
hari eine nikim meiyam au." Te wasenum nu fik kewe-
wei kaa.

²⁰ Hir disaipel nirek te hir nehinhin. Hir natip, "Ken-
mak te nu fik keweivei kaa waswas?"

²¹ "Jisas ketpor, "Hi hetpi werek. Yi yises him me God
werek werek, yi ap han kitet God kakikepi o au, te
maain yi yairiak menmen mamir ke epei yi yira hi
hirkakem me nu fik ik ek. Te menmen im keremem au.
Yi yaitip miniu (o neiyip) ik, 'Ti eket eno ekre wan', te
hirak kakises him kerek yi epei yetpiwek ek hirak ka-
kno kakikre wan. ²² "Yi yises God werek werek yi eiy-
itiwekhi me menmen, maain hirak kakrekuyem."

**Mit iuwe nitehi Jisas keimin ketpiwek hirak katip mit
him me God**

(Mk 11:27-33; Lu 20:1-8)

²³ "Jisas pike kan winak iuwe ke God katip mit him
mirak. Hirak wen ketpim, mit iuwe pris netike mit iuwe
kerek ninin naanmipre mit ne Isrel nan nituwekhi narik:
"Keimin kehimitanut te ti hatip mit him im?"

²⁴ Jisas ketpor, "Hi hitihi menmen miutip. Yi eiyit-
pewem werek, te hi hetpi keimin kehimitena hi hatip
mit him im. ²⁵ Keimin kehimitan Jon hirak kikir mit neri-
uwe tipar? God kehimitanek o hirak kises han kirak?"

Hir hiras natipan nar ik: "Haiu emitpiwek mekam
werek? Haiu mamitpiwek God kehimitanek hirak
kirkakem, te hirak kakitpei, 'Yenmak te yi ap yises him
me Jon a?' ²⁶ "Haiu matip Jon kises han kirak kirkakem,
haiu minapen mit nanrekyei enum nanintar hir han
kitet John hirak mitik iuwe profet. ²⁷ Hir ninaain mit te
hir ap natip Jon hirak mitik weinik. Te hir natip Jisas,
"Haiu au mepitari keimin kehimitenek kirkakem."

Hir natip epei au, Jisas ketpor, "Yi ap yetpo werek
menmen me Jon, te hi ap etpi keimin kehimitena hi
hirkak menmen im."

Him tok piksa me nikerek wiketeret te mitik hak

²⁸ "Jisas katip, "Yi han kitet mekam? Nipaa mitik hak
kine nikerek hirakit wik. Hirakit epei tire iuwe, wi ham
haai ken nikan iuwe mitik ketpiwek kar ik, 'Petepin hi
hanhan ti eno eriak menmen naanmipre ni me waai
wain mai.' ²⁹ Hirak katip haai kirak kar ik: 'Hi au hi-
napen.' Maain hirak keweikin han kirak ken ni me haai

††† 21:19 Lu 13:6 † 21:21 Mt 17:20; Lu 17:6; 1Ko 13:2; Jo
14:12 †† 21:22 Mt 7:7-11; 18:19; Jo 14:13-14 ††† 21:23 Jo 2:18
‡ 21:26 Mt 14:5, 21:46 ††† 21:28 Lu 15:11

kirak kiriak menmen. ³⁰ Haai ken kitehi nikan kike ek, 'Ti tewen eno ni mai eriak menmen naanemprewem.' Nikan nikik ek kewenhi katip, 'Hi eno', te hirak ap ken ni eim au. ³¹ Yi han kitet keimin ke nikerek wiketeret kises him me haai?"

Hir netpiwek, "Nikan iuwe mitik kerekek."

Jisas ketpor, "Hi hetpi werek. Mit enun newenin his mit hir ninin neweikin sip newet menmen enum nises him me God. Te yi mit iuwe au! ³² Hir nenmak? Yi yises him me God werek werek au yentar Jon kan keteikni menmen yi yayisesim te yi ap yises him mirak au. Te mit enun neitit pewek me takis netike miyapir kewenek nari mit his newenem, hir keriyen nises him mirak. Yi epei yiri hir nises him mirak te yi ap yeweikin han yisesik. Au, yi yeweikin sip yewetiwek yau weinin."

Him tok piksa me mit kerek naanmire ni me waai wain me mitik hak

(Mk 12:1-12; Lu 20:9-19)

³³ Jisas wen ketpor kar ik: "Yi eiyimtau him tok piksa ham im. Mitik iuwe ketenen ti mei kamir waai wain nikim mirak epei au. Hirak kime niwa keweikniwem kekin hei kewis yemti wisenuk kekrerem te ketepen waai wain nikim tipar miram mekrerek. Epei au, hirak kime kinaan kau niu naanmire ni mirak. Epei au, hirak kehimitan mit hir naanmirewem. Te hirak kinaai-wir wit ik ken wit hak keit yanimin. ³⁴ Maain waai wain nikim epei maa, hirak keriuwet mit nirak kerek niriak menmen mirak em hir nen neit nikim pinam mirak neiyim naninen. ³⁵ Mit naanmire ni em nerekyor enum. Hak ek hir nakip, hak ek hir nakip kaa, hak ek hir newir nan nakip hemkre maain mekiuwe yink kirak. ³⁶ Maain kike, mitik iuwe kesiuwe mit han nirak yapirwe nan ninin kerek nipaa hirak keriuweti nan. Hirak keriuweti nan te mit kerek naanmire ni nerekyor enum mar ke nipaa hir niriak mit han em. ³⁷ Epei au, mitik iuwe kesiuwe nikan kirak kikaru kan hirak han kitet kar ik: 'Hir nanimtau him me nikan kai.' ³⁸ Mit kerek naanmire ni me mitik iuwe, hir nir nikan kirak kan hir hiras netpepan natip nar ik: 'Ik ek hirak nikan ke mitik iuwe. Haiu emkip te haiu emit ti kirak ik ek.' ³⁹ Te hir natip epei werek, hir netiwekhish neiyik nen ninaaiwir ni nakip kaa. ⁴⁰ Maain mitik iuwe ke ni im hirak kaknen kakrekyor mekam?"

⁴¹ Hir newenhi netpiwek, "Hirak kaknen kaknep mit enun en epei au, hirak kakwis mit han naninen naanmamre ni mirak mit in hir yaain nanwetiwerek menmen yinam mirak kerek hiram epei mekiute."

⁴² Jisas ketpor, "Yi yemak te yi ap yertei werek werek him me God mau tiwei nipaa profet newisim? Hiram matip,

'Teinik yaaik kerek mit nime winak hir ninapen newisim miwaai, God kehimitanek hirak kinin teinik ham mit epei namir.

Mitik iuwe God kerekek kiriak menmen im haiu han kitet hiram yaaim.' ⁴³ Te hi hetpi menmen yaaim me God nipaa hirak kewetiyem yi ap yisesim werek werek, te hirak keriyaam mamnopin hirak kakwet mit han em hir yaain nanises menmen God hanhan hir niriakem neriuwerem. ⁴⁴ Neimin hir neweikin sip neweto hir naniwaank nanir ke min kaknatin kakintar teinik hiram mereprir. Maain hi arekyor enum hir naniwaank nanit nanir ke teinik kaknatin kakintar menmen hirak kaksesi tikip tikip mamre niutip."

⁴⁵ Hirak katip epei au, mit iuwe ne pris netike mit han ne Farisi nemtau him me Jisas hir nertei hirak katip him tok piksa im keneri keriuwerem. ⁴⁶ Hir nerteiyem epei au, hir hanhan netiwerek his naniriyaak neiyik nanino nanwisik kakikre winak enuk, te hir niriakem au. Hir ninaain mit yapirwe kerek nererik nemtau him me Jisas hir naninip nanintar hir han kitet Jisas hirak mitik iuwe profet.

Jisas katip mit tok piksa me mitik ketike mite nanitan haai kemani menmen kakwet mit nanrerik em

(Lu 14:16-24)

22 Jisas pike katip mit miyapir him keriuwe tok piksa.

² Hirak ketpor, "Menmen God kiriakem kenine mit ne ti hir nanises him mirak hiram mar ke mitik iuwe kinin naanmire mit hirak kemani menmen keiyim kinkik mit kakintar nikan kirak ketike mite nanitan. ³ Nipaa hirak kehimitan mit han naninen nanim menmen nantikerek. In ek hirak keriuwet mit nirak han hir nanino nanininor nantip mit hir naninen nanim menmen nantikeri. Te hir ap ninapen. ⁴ Hir au ninapen, te hirak kenine mit nirak han ketpor, 'Yi eitip mit kerek nipaa hi etpor naninen nanim menmen eiyitpor hi epei hemani menmen nepei au, te hir eninen enim. Hi epei enep bulmakau neniun yapirwe metike samiyak ham yaaim.' ⁵ Mit en nen netpor menmen epei au, te hir neweikin sip newetirem nises menmen mir. Mitik hak ken ni mirak, mitik hak ken stua kirak. ⁶ Mit han en nepu hir netenen mit kerek mitik keriuweti nan, hir nerekyor enum nanip naa. ⁷ Hir nerekyor enum nanip naa, mitik iuwe han enuk wisenuk keriuweti te hirak keriuwet mit nirak ne ami hir nen nenep mit in enun kerek nenep mit nirak, hir nanip nenepi nesi wit kir. ⁸ Hir nanip nenepi epei au, mitik iuwe kenine mit niriak menmen mirak, hirak ketpor, 'Hi epei hemani menmen epei au, te mit kerek hi nipaa kehimitenor hir naninen hir au enun. ⁹ Te yi eino eirer yayiwe yi eiyir mit yapirwe nan nitet yayiwe yi eiyitpor hir eninen enim menmen hi emaniyem.' ¹⁰ Hirak ketpor epei au, mit nirak hir nen nerer yayiwe nari mit kerek hir niri nitet yayiwe en. Mit han yaain, mit han au enun, te hir neri nen winak kerek mitik ketike mite hir nanitan neitai en, ere hir nau neneises winak nenepik.

¹¹ "Hir nau neneises winak nenepik, mitik iuwe kan kakir mit kerek nau nererik nipaam menmen mirak.

† 21:32 Lu 3:12, 7:29-30 †† 21:33 Ais 5:1-2; Mt 25:14 †
21:35 Mt 22:6 †† 21:38 Mt 27:18 †† 21:39 Hi 13:12 ††† 21:42
Sam 118:22-23; Ap 4:11; Ro 9:33; 1Pi 2:6-8

††† 21:44 Dan 2:44-45 § 21:46 Mt 21:26 §† 22:4 Mt 21:36
§†† 22:6 Mt 21:36

Hirak kan kiri, hirak kir mitik kiutip ap hanhan keriuwe mitik iuwe hirak keriuwet klos yaa'im me mit hir nani-tan au. Hirak kan ketpiwek, ¹² 'Kai yinak. Harkeik te ti hitit naan mit nai naanmirau weipir te ti hinik han nimin in a?' Mitik hirak ap ketpiwek menmen au. Hirak yink enuk kau en kenesnin paan. ¹³ †Te mitik iuwe naanmipre mit hirak kenine mit niriak menmen mirak ketpor: 'Yi eiyit mitik ik eisenkikiwek his hit eiwirek ekno wit eik toto enuk. Hirak kakikit kaknakin yehes mirak kakine han enuk kaku kakit.'" ¹⁴ Jisas ketpor him im epei au, hirak ketpor: "Hirak kikit kinakin yehes ken-tar God kenine mit yapirwe nanisesik, te hirak kehimitan mit niutip niutip keriyen hir naninen nanu nantik-erek."

Mit hanhan nari han ke Jisas newisisik nitiwekhi me pewek me takis

(Mk 12:13-17; Lu 20:20-26)

¹⁵ ††Jisas ketpor him epei au, wi im mit ne Farisi ninai-wirek hir nimenipinek newisiwekek neriuwe him ham. ¹⁶ Hir nimenipinek newisiwekek epei au, hir neriuwet mit hir han nises him mir, hir netike mit kerek nises him me Herot hir nan nanri han kirak nitiwekhi, "Mitik Iuwe tisa, haiu mertei ti mitik yaaik hatip menmen yaa'im me God werek werek. Ti han kitet mit yapirwe hir nipiran te ti ap ewis kiutip kakri han kit me men-men. ¹⁷ Te haiu hanhan ti etpai han kit. Hiram yaa'im te haiu mamwir pewek me takis mamwet mitik iuwe ke Rom naanmiprai mamwetiwekem o au?"

¹⁸ Te Jisas kertei han kir enuk te hirak ketpor, "Yi mit enun yewisisik. Yi yenmak te yi hanhan yewisisewek a? ¹⁹ Yi eiyit pewek yi yewirem yewet mit ne gavman em me takis eiyim einen." Hirak ketpor, te hir nen neit pewek miutip neiyim nan neteikniwekem. ²⁰ Hir neiyim nan neteikniwekem, te hirak kitorhi ketpor, "Ninaan me keimin metike niuk mirak mewik?"

²¹ †Hir natip, "Me mitik iuwe Sisa keremem."

Te hirak ketpor, "Te yi eiwet God menmen mirak."

²² Hirak ketpor epei au, hir han kekrit neriuwe men-men hirak epei ketpor nentar hir ap te nanwisesik au. Te hir ninaiwirek hir nen.

Mit nitehi Jisas me mit hir naa hir pike nanikrit

(Mk 12:18-27; Lu 20:27-40)

²³ ††Me wi im keremem, mit han ne Sadyusi hir nan nir Jisas. Mit in hir ap han kitet mit epei naa hir pike nanikrit taau. ²⁴ ††Hir nan nitiwekhi nar ik: "Mitik Iuwe Tisa, him nipaa Moses kewisim mau tiwei matip, 'Mitik kaki kaknaaipis mite pirak, te hire ap wine nikerek nei au, maain nikik kirak kaktiwe te hire wawine nikerek nei nanikrehir ke haai kir.' ²⁵ Nipaa mit ne haai kiutip hir nar hispinak wik (7), hir nepu in. Nikan iuwe mitik keit mite te hirak kaa ap kine nikerek wen au. Hirak nikik kirak niminek hirak ketiwe. ²⁶ Hirak ketiwe hirak kaa, te hirak ap kine nikerek au. Hir nepir kerekek ere

† 22:13 Mt 8:12, 25:30; Lu 13:28 †† 22:15 Mk 3:6 ‡ 22:21 Ro 13:7 †† 22:23 Ap 23:8 †† 22:24 Diu 25:5

hirakit tipaa ap tine nikerek nei au. ²⁷ Hirakit tipaa ere tepnepik, mite pirakit wipaa wipkaru. ²⁸ Maain wi kerek mit pike nanikrit nanu, hire waure mite pe keimin? Hire nipaa wau wetike mikan tire tar hispinak wik (7)."

²⁹ Hir natip epei au, Jisas ketpor kar ik: "Yi mit yatip enum yentar yi yepitari him me God, yi ap yertei God hirak manp enuk wisenuk te hirak kakises han kirak kiriak menmen yapirwe. ³⁰ Me wi God kakikian mit hir nanu, hir ap nanit miyapir au. Hir nanu weinin nanir ke mit ensel neit wit ke God.

³¹ "Te menmen yi nepei yetpim me mit pike nanikrit yentar yi ap han kitet hir pike nanikrit. Hi hetpi men-men im. Yi yenmak te yi ap yertei menmen yi yek-inaam mau tiwei me Moses God ketpiyem a? ³² ††Hirak katip, 'Hi God ke Ebrahim, Aisak ketike Jekop.' Hirak God ke mit hir himin kir kepu keriyen." ³³ Mit yapirwe nerp menep nemtau menmen hirak ketporem, hir han kekrit hir han yaaik neriuwe him mirak.

Jisas katip mit ne Farisi him lo me God hiram iuwe minin

(Mk 12:28-31; Lu 10:25-28)

³⁴ Maain kike, mit ne Farisi nemtau Jisas katip werek kinin him kerek mit ne Sadyusi nitiwekhiyem, teir yink enuk, hir nekintip ninaiwirek. Te hir nan nekiyan nau niutip nimenipinan natip. ³⁵ Epei au, mitik kiutip kekre nimin ke hir mit, hirak ke mit ne Skraip, hirak kan katip Jisas kininek ketpiwek, ³⁶ "Mitik Iuwe Tisa, him mekam hiram minin him ham nipaa Moses ketike profet newisaiyem mau tiwei matip?"

³⁷ †††Jisas keweniwekhi ketpiwek, "Yi hanhan Mitik Iuwe ki God yeriuwe han ki ketike me menmen yapirwe mekre yink ki. ³⁸ Him im hiram iuwe minin him ham mau tiwei nipaa Moses ketike Profet newisaiyem.

³⁹ †Him ham iuwe misisem hiram mepir ke him minin em, hiram mipiram. Hiram matip, 'Yi hanhan mit han o ni yinan yar ke yi hanhan yeriuwe hiras.' ⁴⁰ Mit nanises menmen wik im te hiram mamkepi hir nanises him yapirwe werek werek nipaa Moses ketike mit profet hir newisim mau tiwei."

Jisas kitehi mit ne Farisi him me Mitik Krais kerek God kakriuwetek kaknen

(Mk 12:35-37; Lu 20:41-44)

⁴¹ Mit ne Farisi wen nekiyan nau niutip, Jisas kitorhi kar ik. ⁴² †Hirak katip, "Yi han kitet mekam me Mitik Krais kerek God kakriuwetek kaknen kakikaap mit ne ti? Hirak Nepenyek ke keimin?"

Hir netpiwek, "Hirak kakre Nepenyek ke Devit."

⁴³ Jisas kitorhi keteipim, "Hirak kakre nepenyek ke Devit kerekek, kenmak te God Himin Yaaik kikiak han ke Devit kene Krais hirak Mitik Iuwe kirak? Devit ketpim kewisim mau tiwei mar im:

⁴⁴ †††Mitik Iuwe God katip Mitik Iuwe kai Krais kar ik: "Ti ehu yeno im menep his yaa'im kerek mit iuwe newi.

††† 22:32 Eks 3:6; Mt 8:11 ††† 22:37 Diu 6:5 § 22:39 Lev 19:18; Mt 7:12; Ro 13:9-10; Ga 5:14 †† 22:42 Jo 7:42 ††† 22:44 Sam 110:1; Mt 26:64; Ap 2:34-35

Ti ehu in ere hi anep mit enun nepan ni anip anepi.”

⁴⁵ Devit kene Krai hīrak Mitik Iuwe kirak, karkeik te hīrak kenewek nepenyek kirak kerekek? Taau. Hīrak Nepenyek ke Devit te hīrak kenewek hīrak Nīkan ke God!”

⁴⁶ Hīrak katip epei au, mitik hak kekre nīmīn ke hīr mit yapirwe ap te newenhi au. Me wī im ere maain hīrak mitik hak kekre nīmīn ke hīr mit hīrak kaknen kakitiwekhi hīm meiyam kike au. Hīr yīnk enuk nī-napen.

Jisas katip mit hīr ap enises menmen mit ne Skraip netike mit ne Farisi hīr nīriakem

(Mk 12:38-39; Lu 11:43, 46, 20:45-46)

23 Maain Jisas katip mit miyapir kerek nererik nau netike mit nīrak disaipel hīrak ketpor kar ik: ² Mit ne Skraip kerek ninin nertei hīm me Moses natip mit em, hīr netike mit ne Farisi, mit iuwe hīr nehimiteni hīr natip mit hīm me Moses ir enisesim. ³ †Te yi eimtau menmen hīr netpiyem yi eiysesim. Te yi ap eiyses menmen hīr nīriakem au emit! Hīr natip hīm ham te hīr ap nisesim au. Hīr nises hīm ham. ⁴ Hīr neriuwe hīm mir kerek hīr netpiyem yi eiysesim hīram mar ke hīr neit menmen nīmenum neneipetitem newisim mau yapir ki yi yeremime. Te hīr ap nankepi nanit menmen nīmenum yi yerermime au. Hīr ap te nanises hīm enum nīpaa hīr netpiyem yi eisesim taau. ⁵ ††Hīr nīriak menmen yapirwe te mit kerek nīrem hīr nantip hīr mit yaain. Hīr nīme ni newis hīm me prea mekre tanik miram mau maat metike his mir, te mit nīrem hīr natip hīr yaain. Hīr nīme ni nokim newisim neselaplap kerek hīr newisim mau yīnk mir me wī hīr nitehi God menmen, te mit nīrem hīr natip hīr yaain. ⁶ ††Hīr hanhan nanu yeno mit nehimitanem me mit iuwe nan-wim neit winak kerek mit nererik nekine hīm me Moses neitai en nekre winak ke mit me wī hīr nererik naam menmen. ⁷ Hīr hanhan mit miyapir hīr nīri neit maket, hīr nanwenipi niuk mir natip hīr mit iuwe, hīr nenewor, ‘Mit nīu iuwe tisa.’

⁸ Yi ap eiwis mit hīr nenewi yi mit iuwe Tisa au emit! Yi yapirwe yire ni yinan keriyen, mitik kiutip hīrak Mitik Iuwe God hīrak Tisa ki. ⁹ Yi ap eine mitik hak kiutip kau ti ik enewek ‘Mitik Haai Iuwe’ au ekī! Yi ap enewek Mitik Haai Iuwe ki eiyyintar Mitik Haai Iuwe kiutip kerekek kepu. Hīrak God kekrekerekek kerek kepu wit kirak Heven. ¹⁰ Yi ap eiwis mit hīr nenewi yi Mit Iuwe au emit eiyyintar Mitik Iuwe kiutip ki hi Mitik kerek God kehimitena hi han akepi yi mit atihis. ¹¹ ††Keimīn hanhan niuk mirak iuwe kekre nīmīn ke yi mit hīrak kakwenīn han kirak kakisesi kakikepi kakriak menmen. ¹² ††Mit kerek han kitet hīr yaain ninin mit han, maain God kakiwaank niuk mir hīram menmen weinim. Mit kerek hīr newenīn han kir han kitet hīr weinīn, maain God kaknīp niuk mir hīram iuwe.

Jisas kene mit Farisi netike mit ne Skraip hīr newisesik

(Mk 12:40; Lu 11:39-42, 44, 52, 20:47)

¹³ “Yi mit ne Farisi yetike yi mit kerek yinīn yertei hīm lo me Moses yatip mit em. Maain God kakiwep kakriwaank kakintar yi enun yewisesik. Yi yar ke mit enun neiyepet weipir ke mit hīr nanino nīmīn. Yi ap hanhan yises hīm me God werēk werēk au, te yi yewen mit miyapir kerek hanhan nanises God werēk werēk. ¹⁴ [Yi mit ne Farisi yetike yi mit kerek yatip mit hīm me Moses. Maain God kakiwep kakriwaank kakintar yi enun yewisesik. Yi yemitetpin miyapir kerek mit epei naa, yi yemitopin yeit menmen mir mekre winak kir te maain yi yitehi God yerp nīnaan me mit, yi yisawin menmen enum yi yīriakem yeriuwe prea im te yi yenip mit hīr han kitet yi yaain.]

¹⁵ “Yi mit ne Farisi yetike yi mit kerek yi yinīn yertei hīm lo me Moses yatip mit em. Maain God kakiwep kakriwaank kakintar yi mit enun yewisesik. Yi yīriak menmen ham yapirwe te yi yari han ke mitik kiutip kakises hīm mi. Maain hīrak kises hīm mi, yi yenipek hīrak kakre nīkan ke Seten kakno si tatiknenik, kinīn yi mit enun hīrak ap kises God kakir ke yi mit.

¹⁶ †††Maain God kakiwep kakriwaank yi mit enun yar ke mit nanamir toto eiyyintar yi ap yeteikīn mit han yayiwe kirak werēk werēk au. Yi yemitopin. Yi yatip, ‘Mitik hak kerek katip, “Hi tewen ariak menmen. Hi ap te ewisiyek au hi atip werēk. Hi ekine winak iuwe ke God kakihimitenau hīm mai.” Yi yatip, ‘Hīrak kaktip kakir ik, hīrak ap te kakises hīm mirak au menmen weinim.’ Yi yatip, ‘Mitik hak katip, “Hi tewen ariak menmen. Hi ap te ewisesik au. Hi atip werēk. Hi ekine gol mekre winak iuwe ke God te hi hatip werēk.” Yi yatip, ‘Hīrak katip hīm im, hīrak ekises menmen hīrak ketpim em.’ ¹⁷ Yi mit enun han auri. Mekam hīram iuwe minīn? Mekam au hīram kike mikaru? Gol miwaai mekre winak ke God o winak ke God kerek kīriak gol hīram yaaim me God. Winak ke God kerekek kinīn! ¹⁸ Yi wen yatip, ‘Mitik kerek kekine kīnaan keit winak ke God hīram mehimitan hīm mirak hīrak katip hīrak kakisesim. Maain hīrak ap kakisesim te hīram menmen weinim. Te mitik kerek kekine menmen mit hīr newisim mentar kīnaan, hīr natip ‘Tru antap’, hīram mamihimitan menmen hīrak ketpim hīrak kakisesim, te hīrak kakisesim, o au en, hīrak mitik enuk.’ ¹⁹ Yi mit nanamir toto! Mekam hīram iuwe minīn a? Menmen mit newisim miwaai mentar kīnaan newepwarem newet God, o kīnaan hirekes kerek kīriak menmen im mit newet God em hīram yaaim? Kīnaan keremem hīram minīn. ²⁰ Mitik kerek kekine kīnaan hīram mehimitan menmen hīrak ketpim, hīrak kekine kīnaan metike menmen mewim hīram mehimitan hīm mirak. ²¹ Mitik kerek kekine winak iuwe ke God kakihimitan menmen hīrak ketpim hīrak kakisesim, hīrak kekine winak ketike God kerek Hīmīn kirak kewik hīrakit tehimitan hīm hīrak ketpim. ²² †††Mitik kerek kekine wit ke God kakihimitan menmen hīrak ketpim, hīrak

† 23:3 Mal 2:7-8 †† 23:5 Eks 13:9; Nam 15:38-39; Diu 6:8; Mt 6:1 † 23:6 Mt 6:5; Lu 14:7 †† 23:11 Mt 20:26; Mk 9:35; Lu 22:26 †† 23:12 Jop 22:29; Pro 29:23; Esi 21:26; Lu 14:11, 18:14

††† 23:16 Mt 15:14 ††† 23:22 Ais 66:1; Mt 5:34; Ap 7:49

kekine wit ke God kerekek au. Hirak kekine God kerek kau wit kirak hirak kakihimitan menmen hirak katip hirak kakisesim.

²³ ††† Yi mit ne Farisi yetike yi mit kerek yinin yertei him lo me Moses yatip mit em. Maain God kakriwaank kakintar yi mit enun yewisik. Yi yewep menmen mi yapirwe mar hiswiyen (10) te maain yi yewet God menmen mi miutip me menmen hiswiyen (10). Yi yises menmen kike im te yi yeweikin sip yewet him iuwe me God ham im. Yi ap yises menmen yaaim, yi ap hanhan mit miyapir han au, yi ap yises menmen yi yetpim au. Yi yiriak menmen iuwe im metike menmen kike me yewet God menmen te yi yaain. Te au, yi yinapen! ²⁴ Yi mit enun yire mit nanamir toto yeteikin mit han yayiwe ke God. Yi hanhan yayises menmen kike me him me God te yi han kaa yayises menmen mirak iuwe.

²⁵ ††† Yi mit ne Farisi yetike yi mit kerek yinin yertei him lo me Moses yatip mit em. Maain God kakriwaank kakintar yi mit enun yewisik. Han ki hirak kire wenkepye metike kap kerek mit nekemyetit neke wit te hiram menmen enum mewim meke nimin hir ap nekemyetit au. Han ki enuk keit nimin kentar menmen yi yisesim yi yetiwem yeriuwe menmen enum yi yiriakem yeriyaam yises han ki. ²⁶ Yi mit ne Farisi yi han auri. Yi yar ke mit enun nanamir toto. Yi eiynin eiyses menmen yaaim mekre han ki te maain menmen yi yairiakem hiram mamre yaaim. Menmen im hiram mamre mit nekemyet wenkepye metike kap neke nimin, neke wit.

²⁷ †† Yi mit ne Farisi yetike yi mit yatip mit han him me Moses. Maain God kakriwaank kakintar yi mit enun yewisik. Yi han ki yar ke hei herwe maa mit newisim mekrekek. Hir namir timen meweikniwek te mit nanin nanirem hir han kitet hei hirak yaaik. Te menmen enum mire herwe hemik paan minin mekrekek.

²⁸ †† Mar im mit miyapir niri hir han kitet yi mit yaain yises him yaaim. Te yi mit enun. Menmen enum misawin mekre han ki. Menmen me yi yewisik ek, metike menmen ham enum enum.

Jisas katip God kakriwaank mit ne Farisi netike mit natip mit han him me Moses

(Lu 11:47-51)

²⁹ † Yi mit ne Farisi yetike yi mit kerek yi yinin yertei him lo me Moses yatip mit em. Maain God kakriwaank kakintar yi mit enun yewisik. Yi yeses hei kerek mit profet nipaa nau ti hir naa hemik mir miwaai mekrekerem. Hiram metike hei mei me mit yaain nipaa naa hemik mir miwaai mekrekerem. ³⁰ Yi yatip yar ik: 'Nipaa haiu mepu ti wi mit profet hir nepu netike maamerer nau, haiu ap te manip mar ke maamerer nau niriakem taau.' ³¹ †† Te yi yeriuwe him im yi yetpim yewepyapir yi nepenyerer ne mit kerek nipaa nenep mit profet hir naa. ³² Hi hetpi. Yi yayises menmen enum nipaa maamerer ni hir niriakem ere yi enun yayir ke hir enun. ³³ ††† Yi mit enun yar ke manpen (o yenmik). Yi mit enun

† 23:23 Lev 27:30; Mai 6:8 †† 23:25 Mk 7:4 † 23:27 Ap 23:3 †† 23:28 Lu 16:15 †† 23:31 Ap 7:52

nepenyerer ne mit enun nire manpen. Yi yarkeik yi han kitet yi ap eino si tatikneni a? Taauye!

³⁴ ††† Te hi hetpi. Maain hi ariuwet mit profet nantike mit nertei him me God werek werek netike mit nanwepyapir him mai yaaim. Mit han ne mit in yi yainip yeiwenkeki nanu nu tentarakit. Mit han yi yainip yairi-uwe nipin yayit winak kerek yi yekine him me Moses yekrerem. Yi yaipiri naninaaiwir wit ik yi yayinyei hir nanrir nanino nanrer wit wit. ³⁵ † Yi eiriak menmen im te God kakrekyi enum kakiwep kakrer paan ki. Hirak kakiwep kakintar kakrer paan ki me mit yapirwe yaain naa, me wi hemkre me mitik yaaik Ebel mewen ere me mitik profet Sekaraia, nikan ke Berekaia, kerek maamerer ni hir nakip kaa kekere nimin ke kinaan metike winak iuwe ke God. ³⁶ Hi hetpi werek. Menmen im enum yapirwe mamnen yi mit miyapir kerek yi en ek yau ti yayiyantar menmen hi nepei hetpiyem yi yairiakem.

Jisas kikit mit miyapir ne wit Jerusalem

(Lu 13:34-35)

³⁷ †† Yi mit miyapir ne Jerusalem, wit kerek mit newi hir nenep mit profet. Hir nenep mit kerek God keriuweti nan niri. Wi yapirwe hi hanhan naanmipri me menmen enum har ke suware naanmipre nikim mire minik yapir mire. Te yi au yinapen. ³⁸ †† Yi eiymtewem. Maain wit ki hirak kaku weinik mit miyapir ap nanwi au. ³⁹ †† In ere maain yi mit miyapir ne Jerusalem ap pike nanira meiyam au ere yi eitip, 'God naanmamre kakikaap Mitik ik Krai kerek kekere hir kirak hirak keriuwetek kan in.'

Jisas katip mit nanwep winak iuwe ke God nanwirek

(Mk 13:1-2; Lu 21:5-6)

24 Jisas kinaaiwir winak iuwe ke God ken witeik, mit narak disaipel newenyipirek te hir nan-teikniwek winak yaaim yapirwe me winak iuwe ke God. ² †† Hir neteikniwekem, te hirak ketpor, 'Hi hetpi werek. Yi yir menmen yapirwe im a? Maain wi mamnen te nan kerek mit nime winak meriuwerem, hirak ap te mamwaai mamintereram au. Mit naninen nanwepim te hiram yapirwe maminke mamwaai ti.'

Jisas katip menmen enum mamnen

(Mk 13:3-13; Lu 21:7-19)

³ Jisas wen kau miniu (o neiyip) mit nenewek wit Oliv, mit narak disaipel keriyen nan nitiwekhi natip, 'Ti etpai wi kerek menmen im enum mamnen, metike mekam mamnen mamteiknei wi im epei man te ti enen ewepyapir hirekes te menmen God kakriakem hiram epei au.' ⁴ Jisas kewenhi ketpor, 'Yi naanmamre hiras ap eiwis mit han hir nanwisesiyek.' ⁵ †† Ap eiwis mit han hir nanwisesiyek nanintar hir yapirwe naninen nanmitipin nanikrehir kai nantip, 'Hi kerekek hi Krai kerek

††† 23:33 Mt 3:7, 12:34; Lu 3:7 ††† 23:34 Ap 7:52; 1Te 2:15; Mt 10:23 § 23:35 Jen 4:8; 2Kro 24:20-21; Hi 11:4 †† 23:37 Ap 7:59; 1Te 2:15 ††† 23:38 1Kin 9:7-8; Jer 12:7, 22:5 †† 23:39 Sam 118:26; Mt 21:9 ††† 24:2 Lu 19:44 †† 24:5 Mt 24:23-24; Jo 5:43; Ap 5:36-37; 1Jo 2:18

God kehimitena hi anen akaap mit.' Hir nanwis mit miyapir yapirwe nanriuwe him mir. ⁶ Maain yi eiyimtau mit neit menep hir nenepan, yi eiyimtau him me mit hir neit yanimin hir nenepan, te yi ap einapen au emit! Menmen im hiram emnen te wi hi anen awepyapir hirekes nepei man wen au. ⁷ †Mit ne weiwik miutip hir netike mit ne weiwik ham hir naninepan. Mit kerek nau ti menep in nantike mit neit yanimin hir naninepan. Mit nerer wit wit ninpi mamin nanintar hir menmen mau ni au. Ti mamrer wit wit mamtanik. ⁸ Menmen im kerek mamnen hiram mamre mite hire tu himir ketniniwe iuwe te hire wawine nikan. Mit miyapir nau ti menmen im mamnen mamikrit mamri-waank.

⁹ ††Me wi im mit nantihis yi yaino winak enuk te mit naniwep yayi o yink ki hir naniwaankem. Mit nanrer wit wit han enuk nanriuwi nanineini nanintar yi yises him mai. ¹⁰ Wi im mamnen, mit yapirwe nanweikin sip nanwet him mai. Hir nanwepyapiran, han enuk nanriuwehan. ¹¹ †Me wi im, mit profet enun newisesik hir yapirwe naninen nanri han ke mit miyapir yapirwe nanwisorek nanriuwe him mai. ¹² Me wi im mit miyapir nanises han kir nanriak menmen enum yapirwe te mit miyapir yapirwe hir ap hanhan nanriuwehan wisenum au, kike keremem. ¹³ ††Te mit miyapir kerek nanisisa werek werek ere hir nani, maain hi atorhis hir nanu nantikewa. ¹⁴ ††Mit miyapir hir nanwepyapir him yaaim me God kakinin naanmamre mit, hir nanitpim nanrer wit wit te mit nanirtei menmen yaaim God kirkakem. Hir nanwepyapirem epei au, maain wi mamnen te hi anen awepyapir hirekes te menmen God kakriakem hiram epei au.

Maain menmen enum mamnen ti ik

(Mk 13:14-23; Lu 21:20-24)

¹⁵ †††Maain yi yayir menmen enum mamiwaank winak iuwe ke God mamirp mamikre nimin kerek hiram ap te mamno nimin au kerek nipaa profet Daniel katip hiram mamnen (yi mit kerek yekine menmen im, yi han kitetim werek werek). ¹⁶ Te yi mit yapirwe kerek yi yepu provins Judia, yi yairir yaino miniu o neiyip eisawin eyit ein. ¹⁷ †††Mit miyapir kerek nau wepni neit witeik, hir ap pike nanino nimin winak nanit menmen mir mekrerek au emit! Hir nanrir waswas nanino. ¹⁸ Mit miyapir kerek neit ni mir, hir ap pike nanino witeik nanit menmen klos au emit! Hir nanrir waswas nanino. ¹⁹ Maain wi menmen im mamnen, miyapir naninan nikerek kike wen nau sinipau hir naniwaank nanintar hir ap te nanrir waswas au. ²⁰ Yi eiyitehi God te yi ap eirir me hawi hitan o wi Sabat au emit eiyintar yi ap te eirir waswas au. ²¹ †Me wi im menmen enum mamnen mamiwaank mit miyapir nau ti. Menmen mar im ap man nipaa God kinin kewis ti ere in. Maain menmen enum mar im ap pike mamnen taau. ²² God ap te

† 24:7 2Kro 15:6; Ais 19:2 †† 24:9 Mt 10:22; Jo 15:18, 16:2 † 24:11 Mt 24:5, 24; 1Jo 4:1 †† 24:13 Mt 10:22 †† 24:14 Mt 10:18, 28:19 ††† 24:15 Dan 9:27, 11:31, 12:11 ††† 24:17 Lu 17:31 † 24:21 Dan 12:1; Joe 2:2; Rev 7:14

kakremir wi menmen enum im mamu ti te mit miyapir yapirwe nani. Au, God han kitet mit miyapir kerek hirak kehimiteni hir nises him mirak te hirak kakremir wi menmen im mamu ti.

²³ ††Maain me wi im mitik hak kakitpi, 'Yi eiyirek. Mitik Iuwe Krais hirak kepu in!' O 'Hirak kau keit pinak ein!' Hirak kakitpi him mamir im yi ap yayisesim au emit! ²⁴ †††Hi hetpi. Maain mit enun newisesik nanino nantip hir Krais o hir mit profet hir nanwepyapir hiras. Hir nanriak menmen iuwe nipaa mit niriakem au, te hir nanri han ke mit miyapir kerek nises him me God. Te hir ap nanisesim taau. ²⁵ Yi eiyimtau. Hi hinin etpi menmen im. Maain menmen im mamnen yi eiyirteiyem.

²⁶ ††Maain mit hir nanitpi nanir ik: 'Yi einen eiyirek! Hirak kau wit weinik mit ap newi au!' Te yi ap eino au emit! ²⁷ †††Yi yir nepni mewenin meke wepni kokai kan ere kewen ken. Kakir eik te maain yi eiyir hi mitik ke wit ke Mitik Iuwe hi pike anen. Mit miyapir yapirwe nanra.

²⁸ ††Wit kerek mitik herwe kiwaairi, hore tepre mamnen mamkip mamkinenik mamik. [Marim im maain mit yapirwe nau ti hir enun enun, hi pike anen etike mit ensel hi skelim hir mit hi ahiwaanki.]

Maain Mitik Iuwe Krais kaknen

(Mk 13:24-27; Lu 21:25-28)

²⁹ ††Maain wi menmen enum epei man mau ti, wepni kakweikin kakre witaan, wenke ap te kakir au, hir mau nepni maminkike, menmen iuwe mau nepni hiram mamtanik. ³⁰ †††Menmen im epei au, te menmen mamu nepni mamteikin mit hi mitik ke wit ke Mitik Iuwe hi awepyapir hirekes, te mit miyapir ne weiwik yapirwe nerer wit wit nankit nanra hi hau hentir napi heriuwe menmen mai iuwe metike menmen mai yaaim merhihe hi anen. ³¹ †††Hi anen, te God kaktenwo taur. Kaktenwo taur, hi heriuwet mit ensel nai hir nanino nanrer wit wit kerek mit miyapir hi hehimiteni hir nises him mai hir nanwiyen, hir nanri naninen nantikewa mamu niutip.

Nu hinaan kikaap mit nanhimitan wi Krais pike kaknen

(Mk 13:28-31; Lu 21:29-33)

³² "Hi eteikni menmen heriuwe nu fik. Maain wi kerek heneik mirak hiram maminsiunen, te yi eiyirtei menep te wepni yaaik. ³³ Mar im, maain yi eiyir menmen hi etpiyem hiram epei man, te yi eiyirtei hi menep te hi pike anen. ³⁴ †††Hi hetpi werek. Mit miyapir kerek nepu ti in ek, hir ap te nani ere menmen yapirwe im mamnen. ³⁵ †††Nepni mamtike ti mamiwaank mamit te him mai ap te mamiwaank au emit! Hiram mamu mamit

† 24:23 Mt 24:5, 11 ††† 24:24 Diu 13:1-3; 2Te 2:9; Rev 13:13-14 †† 24:26 Lu 17:23-24 ††† 24:27 Mt 24:37-39 †† 24:28 Lu 17:37 †† 24:29 Ais 13:10, 34:4; Esi 32:7; Joe 2:10, 31; 2Pi 3:10; Rev 6:12-13 ††† 24:30 Dan 7:13; Sek 12:10; Mt 26:64; Rev 1:7 ††† 24:31 Ais 27:13; 1Ko 15:52; 1Te 4:16 †††† 24:34 Mt 16:28 18 24:35 Mt 5:18

tipmain tipmain enum eik, te menmen hi nepei hetpim hiram mamnen.

Mit ap nertei wi kerek Krai pike kaknen ti ik au
(Mk 13:32-37; Lu 17:26-30, 34-36)

³⁶† Mit miyapir nau ti o ensel neit wit ke God o hi mitik iuwe ke wit ke mitik iuwe, haiu yapirwe ap mertei wi kerek God kakriuweta hi pike anen ti. God kiutip kerek kertei. ³⁷†† Wi kerek hi Mitik ke wit ke Mitik Iuwe hi pike anen ti, hiram menmen mamnen mamir ke nipaa wi mitik Noa kau ti ik. ³⁸ Me wi hawi ap epei man miwapi ti wen au, mit miyapir nises menmen mar ke nipaa hir niriakem. Hir naam menmen, neitan, nesiuwe yenterer nantike mit han hir nanitan ere wi Noa ken kau kekere sip. ³⁹† Hir mit miyapir hir ap nertei menmen enum mamnen ere tipar miniu manip meri men hir naa. Mar im maain hi Mitik ke wit ke Mitik Iuwe hi pike anen, te mit miyapir ap nanmeriyau hi anen au. ⁴⁰ Maain wi hi pike enen, mitikit wiketeret tatu ni mirakit. Hi ehit his mitik kiutip kaknen, kiutip au hi ewisik kaku kakit ni eim. ⁴¹ Maain miyapir wik hir nenepip tiu, hi ehit his piutip, peiyap hi au ewisiye wawu wawit yaank eik. ⁴²†† Yi naanmipre hiras te yi yises God werek werek yayintar yi yepitari wi kerek hi Mitik Iuwe ki hi pike anen. ⁴³†† Yi han kitet menmen im. Mitik kerek kau winak kertei witaan kerek mitik enuk kekintip menmen kaknen, te hirak naanmamre winak kirak ap kakwis mitik enuk kaknen kekintip menmen mirak. Te hirak au kepitari. Mar im wi kerek mit nepitariyem, hi pike anen ti ik. ⁴⁴ Te yi mit eiyises God werek werek eiyintar hi Mitik ke wit ke Mitik Iuwe hi pike anen me wi yi ap yerteiyem.

Jisas katip him tok piksa ke mitik yaaik ketike mitik enuk
(Lu 12:42-46)

⁴⁵ “Yi mit keriyen yi yire mitik yaaik kertei menmen werek werek te mitik iuwe kirak kewisik hirak kire mitik iuwe naanmamre mit miyapir kerek niriak menmen me mitik iuwe, hirak kakwetir menmen me wi hirak kehimitanem hir nantiwem. ⁴⁶ Maain mitik iuwe kirak nipaa kinaaiwir wit, hirak pike kaknen kakir ke mitik kiriak menmen nipaa hirak kehimiteniwekem, hirak han yaaik kakriuwerek te hirak wok mitik kirak kaku werek werek. ⁴⁷†† Hi hetpi werek werek. Maain hirak kaknen kakirek kises menmen yaaim, hirak kakihimitanek hirak naanmamre menmen mirak yapirwe. ⁴⁸ Mitik ik au, hirak enuk kinapen kises menmen me mitik iuwe, hirak kaktip hirekes, ‘Mitik iuwe kai ken yanimin ap pike kaknen waswas au.’ ⁴⁹ Hirak kaktip kakir ik, te hirak kaknenp mit miyapir kerek niriak menmen me mitik iuwe kirak, hirak kakno kaktike mit enun netaritari naam tipar si enum, hirak kaktikeri nanim. ⁵⁰ Maain mitik iuwe kirak kaknen me wi hirak ap han kitet hirak kaknen, te hirak kemeriyiwek au.

⁵¹†† Mitik iuwe kaknen hirak kaknep mitik ik wisenuk kakiwaankek kaksiuwerek kakno wit kerek mit enun newisesik newi en. Mit neit in hir nine han enuk nikit ninakin yehes.

Jisas katip him tok piksa me miyapar nihan nar hiswiyen

25 ⁵²† Maain wi kerek hi mitik ke wit ke Mitik Iuwe pike anen, God kakwis mit miyapir nanino wit kirak kakir ke miyapir nihan nar hiswiyen (10) kerek neit lam mir nen nemerir mitik pipiak kaknen kakit his mite pirak. ² Miyapir hispinak (5) hir nertei menmen werek werek miyapir hispinak (5) au hir netari netari menmen. ³ Miyapir netaritari hir neit lam neiyim nan te hir ap neit tipar mei te nanwenem mamikre lam au. ⁴ Miyapir hir nertei menmen werek werek te hir neit lam metike tipar mei te nanwenem mamikre lam mir. ⁵ Hir epei nan nemerir mitik ik kaknen te hirak ap kan waswas au. Hirak ap kan waswas au te hir nanamir menen hir niwaai.

⁶ “Hir niwaai ninatin, wi nimir hir nemtau mitik hak kenine katip, ‘Mitik pipiak kaknen kakithis mite pirak, yi eino eiwenyipirek eiwisik yayiwe yi eitiwekhis eiyik eimen.’ ⁷ Miyapir nemtau menmen im, te hir nekrit newen tipar mekre lam hir neweiknim merhihe mir te hir neiyim nen. ⁸ Te miyapir enun netaritari natip miyapir han yaain en nar ik: ‘Yi eiwetei tipar mei mi te haiu emwenem emikre lam maiu, te haiu emtikewi emno. Lam maiu tipar epei au mesi te hiram mami.’ ⁹ Te miyapir han en netpor, ‘Haiu ap metenen tipar yapirwe te haiu mamweti mei au emit! Au kike. Haiu mamweti tipar mei kike, te maain haiu lam maiu yapirwe mami. Yi eino eiyit mei eiyit winak kerek mit nansi-uwerem nanwet mit em hir enweti mei.’ ¹⁰ Hir netpor epei au, miyapir netaritari nen nanit tipar mei. Hir neit ein, mitik pipiak kan kiun winak eik kan kiun winak eik, hir miyapir kerek nemeriyiwek hir netikerek nen nimir en, hir neiyepet weipir.

¹¹†† Maain miyapir han en pike nan nenine natip, ‘Mitik iuwe, mitik iuwe, ti ekeisiuwai weipir.’ ¹²†† Hir neninewek te hirak ketpor, ‘Hi hetpi werek. Hi ap hertei yi neimin. Yi ap nai yinan au.’ ¹³†† Te Jisas ketpor kar ik: ‘Yi naanempre hiras te yi eiyises God werek werek eiyintar yi yepitari wi hi Mitik ke wit ke Mitik Iuwe hi anen.

Him tok piksa me mitikit wikak teit pewek me mitik iuwe kirakit
(Lu 19:11-27)

¹⁴†† Maain menmen God kakriak mit miyapir em te hir nantikerek nanu nanit wit kirak hiram mamir ke mitik iuwe kakno yanimin. Hirak kakno yanimin te hirak kenine mitikit tirak wikak hirak kehimitanet hirakit naanmamre menmen mirak. ¹⁵†† Hirak han kitet tarkeik te hirakit tirak menmen te hirak kewetiwekit

† 24:36 Ap 1:7; 1Te 5:1-2 †† 24:37 Jen 6:5-8 † 24:39 Jen 6:13-7:24; 2Pi 3:6 †† 24:42 Mt 25:13 †† 24:43 Lu 12:39-40; Rev 3:3, 16:15 ††† 24:47 Mt 25:21, 23

††† 24:51 Mt 8:12 § 25:1 Lu 12:35; Rev 19:7 †† 25:11 Lu 13:25, 27 ††† 25:12 Mt 7:23 †† 25:13 Mt 24:42; Lu 12:40 ††† 25:14 Mk 13:34 † 25:15 Ro 12:6

menmen mar im. Mitik kiutip kertei werek, hirak kewetiwek 5,000 pewek. Mitik hak hirak kewetiwek 2,000 pewek. Mitik hak au kertei kike, hirak kewetiwek 1.000 pewek. Hirak kiriak menmen mar im epei au, hirak ken. ¹⁶ Hirak ken yanimin, mitik kerek ketenen 5,000 pewek ken waswas kewir pewek mirak te hirak keyim kari pewek 5,000 meiyam man metikerem (mire kas mani). ¹⁷ Hirak mitik hak kerek ketenen 2,000 pewek, hirak ken kewirem keyim kari pewek 2,000 ham man metikerem kar ke mitik hak epei kiriakem. ¹⁸ Mitik hak au. Hirak ken witeik kekin hei keit 1,000 pewek nipaa mitik iuwe kewetiwekem, hirak ki-sawinem mekrerek kiwapinem miwaai meit.

¹⁹ "Maain wenke yapirwe epei men, mitik iuwe pike kan kitiwekithi me pewek kerek hirak nipaa kewetiwekitem. ²⁰ Mitik kerek nipaa keit 5,000 pewek, hirak kan kewetiwek pewek ham metikerem ketpiwek kar ik: 'Mitik iuwe, ti nipaa eweto 5,000 pewek im, te hi hiriak menmen heriuwerem hi hari 5,000 pewek ham man metikerem.' ²¹ †Mitik iuwe kewenhi ketpiwek, 'Ti hiriak menmen yaaim, ti kai yaaik. Ti naanempre werek werek menmen kike im te hi ewetit menmen yapirwe te ti naanmamprewem. Ti enen ehu etikewa han yaaik.' ²² Hirak ketpiwek epei au, mitik hak kerek ketenen 2,000 pewek hirak kises mitik kerek ketenen 5,000 pewek kinin kan kir mitik iuwe, hirak kisesik kan katip, 'Mitik iuwe, nipaa ti eweto 2,000 pewek, te hi hiriak menmen heriuwerem, hi hari 2,000 pewek ham man metikerem.' ²³ Mitik iuwe kewenhi katip, 'Ti hiriak menmen yaaim ti kai yaaik. Ti naanmpre werek werek menmen kike im te hi ewetit menmen yapirwe te ti naanmamprewem. Ti enen ehu etikewa han yaaik.' ²⁴ Hirak katip epei au, mitik kerek ketenen 1,000 pewek hirak kikaru kan katip kar ik: 'Mitik iuwe, hi hertei ti mitik enuk hatip him tokim tokim. Ti atip mit hir namir ni mit, te maain ti ehit menmen yeunim. Ti atip mit hir newen rais hir newis haas miram miwaai han, hir newis nikim miwaai han. Ti au hetiwem yeunim ewisim meit winak kit. Hir au. ²⁵ Hi hertei ti mitik enuk har ke hi hetpim te hi hinapen hewir pewek mit ewaankem. Hi hetiwem heiyim hen hewisim mekre hei. Ehirem. Hi epei heit menmen mit ewetitem im em.' ²⁶ Mitik iuwe ketpiwek kar ik: 'Ti mitik enuk hau yain yain. Ti epei hertei hi hatip mit hir namir ni mai te hi ahit menmen yeunim. Ti hertei hi hatip mit nanwen rais hir nanit nikim miram mamwaai, te hi atiwem yeunim ewisim emikre winak kai a? ²⁷ Te henmak te ti ap hewis pewek mai mekre his me mit hir naanmpre benk te maain hi han hi pike ahit pewek mai mamtike pewek meiyam kike mamtikerem? ²⁸ Yi mit nai yerp menep, yi eiyyit pewek me mitik ik, yi eiwet mitik kerek ketenen 5,000 pewek em. ²⁹ ††Yi eiwetiwewek pewek eiyyintar mitik kerek kiriak menmen keriuwe menmen hirak ketenenim hirak kakit meiyam mamtikerem. Te hirak ketenen menmen yapirwe. Mitik kerek ap kiriak menmen keriuwe menmen kike hirak ketenenim, maain hi ariyaam

† 25:21 Mt 24:45-47; Lu 16:10 †† 25:29 Mt 13:12; Mk 4:25; Lu 8:18

etiwem hirak kaku weinim. ³⁰ †Yi eiyyithis mitik enuk ik eiyyik eiwirek ekno wit enuk toto kerek mit nau en hir han enuk nikit ninakin yehes.'

Maain hi Mitik ke wit ke Mitik Iuwe skelim mit miyapir ne ti

³¹ ††"Maain wi hi Mitik ke wit ke Mitik Iuwe hi pike anen ariuwe menmen mai iuwe merhihe mamtike mit ensel, hi ehu yeno mai yaaim me Mitik Iuwe. ³² †Mit ensel ne God hir nanithis mit miyapir nanrer wit wit ne ti hir nanrerik nanu nantikewa menep ninaan mai. Hir nanu, te hi ahinkerik han nanino in, han nanino ein nanire mit hir nenke sipsip metike meme. ³³ ††Hi awis mit miyapir yaain nire sipsip hir nanino his yaaim mai, hi awis mit miyapir enun nire meme hir nanino his henkik mai. ³⁴ Epei au, hi Mitik Iuwe atip mit miyapir kerek nerp his yaaim mai etpor har ik: 'Yi mit miyapir kerek Haai kai God hirak kerekyi yaaim, yi einen eiyyit menmen yaaim mi kerek God nipaa kime ti metike nepni wen au, hirak kehimiteni yi etiwem. ³⁵ ††Hi ninpi meiyote te yi yeweto menmen mi hi haam. Hi him niu enuk (o mar kewen kikau him) te yi yeweto tipar hi haam. Hi hire mitik ke wit hak yi yeratayi yi epei yetauhis yerya yen winak ki. ³⁶ Hi klos au te yi epei yewetewem. Hi hinap te yi naanmirau ere hi hire yaaik. Hi hen hekre winak enuk te yi yan yira yekepa yeriuwe menmen.'

³⁷ "Hi atip menmen im epei au, hir mit miyapir yaain hir nanitauhi, 'Mitik Iuwe, nipaa haiu ap mirit ti ninpi mito, te haiu mewetiti menmen mei au. Nipaa haiu ap mirit ti him niu enuk (o mar kewen kikau him) te haiu mewetiti tipar mei au. ³⁸ Nipaa haiu ap mirit ti hire mitik ke wit hak au te haiu metuthis merit men nimirin winak kaiu au, o haiu ap mewetiti klos mei au. ³⁹ Nipaa haiu ap mirit ti hinap te haiu ap mekepit ere ti yaaik au, o ti hekre winak enuk haiu men mirit au.'

⁴⁰ †Te hi Mitik Iuwe ewenhi etpor, 'Hi hetpi werek. Wi kerek yi epei yikaap mit nai yinan in kerek nises him mai, hiram mar ke yi yerekyewem.'

⁴¹ ††"Hi etpor epei au, hi eweikin atip mit miyapir nau his henkik mai etpor, 'Yi mit miyapir enun kerek God kerekyi enum yi einopin eikeipno, yi eino si kerek ap te mami au. Hiram mamu mamit tipmain tipmain enum eik. God epei kemani si im me Seten ketike mit ensel nirak. ⁴² Yi eino si enum eiyyintar nipaa hi ninpi meiyote yi ap yeweto menmen mei au. Hi him niu enuk (o mar kewen kikau him) te yi ap yeweto tipar mei hi hahim au. ⁴³ Nipaa hi hire mitik ke wit hak te yi ap yekepa yerya yan winak ki au, o hi klos au te yi ap yeweto mei au. Hi hinap te yi ap yekepa hi hire yaaik au. Hi hen hekre winak enuk te yi ap yan yira yekepa yeriuwe menmen mi au.'

⁴⁴ "Hi etpor epei au, te hir nanitauhi nanitpo, 'Nipaa haiu ap mirit ti ninpi mito o ti him niu enuk (o mar

‡ 25:30 Mt 8:12 †† 25:31 Mt 16:27, 19:28; Rev 20:11-13 †† 25:32 Esi 34:17; Ro 14:10 ††† 25:33 Lu 12:32 ††† 25:35 Ais 58:7 § 25:40 Pro 19:17; Mt 10:42, 18:5; Mk 9:41 §† 25:41 Mt 7:23; Ju 7; Rev 20:10

kewen kikut him), o ti hire mitik ke wit hak, o ti klos au, o ti hinap, o ti hen hekre winak enuk te haiu ap mekepit au.'

⁴⁵ "Te hi Mitik Iuwe etpor, 'Hi hetpi werek. Nipaa yi ap yikaap mit nai yinan weinin kerek nises him mai, yi yar ke yi ap yekepa au.' ⁴⁶ †Hi etpor epei au, mit miyapir enun hi ariuweti hir nanino wit enuk kerek hir naniwaank nanit tipmain tipmain enum eik."

Mit iuwe ninin naanmipre mit nimenipinan naninep Jisas kaki

(Mk 14:1-2; Lu 22:1-2; Jo 11:45-53)

26 Jisas katip ketike mit keriyen epei au, hirak katip mit disaipel nirak. ² †Hirak katip, "Yi yertei wi wiketerem mepeit te wi me haiu mamim menmen me Pasova hiram mamnen. Te mitik hak kakwepayapir te mit enun nantauhis hi Mitik ke wit ke Mitik Iuwe nanwengkike ehu nu tentarakit."

³ Me wi im hir mit iuwe ne pris netike mit iuwe ne kausil nen nererik nau winak ke mitik iuwe Pris niuk mirak Kaiafas. ⁴ Te hir nimenipinan menmen newen him Jisas te hir nisawin nantenenik nanriak (naniriyaak neiyik) nanino nansiuwe him enum te hir nankip kaki. ⁵ Te hir natip, "Haiu ap emriak im em wi kerek mit miyapir nererik naam menmen em, te hir han kekrit naninepip nansikeyaanmi nanintar hir han kitet Jisas hirak Mitik Iuwe profet, hir ninapen hirak kaki."

Mite niuk mire Maria wewen tipar sanda minin yaaim mire semi yeirep mentar paan ke Jisas

(Mk 14:3-9; Jo 12:1-8)

⁶ Jisas kau keit wit Betani keit winak ke mitik kerek nipaa his hit minwo niuk mirak Saimon. ⁷ †Hirak kau winak ek, mite hap piutip wan wirek. Hire wetenen min tipar me nu nad nekenpi mirak minin yaaaim mekreerek. Hire wewir pewek iuwe mererim. Te hire wan wewen tipar im minin yaaim mentar paan ke Jisas kerek hirak wen kaam menmen kau yeno kerek mit naam menmen menterim. ⁸ Hir mit disaipel nir menmen im, te hir han enuk. Hir natipan, "Wenmak te mite ip wewen tipar minin yaaim em mentar Jisas men weinim? ⁹ Te haiu emsiuwe tipar minin yaaim im emno mit han enwir pewek emrim emtiwem te haiu emit pewek yapirwe emwet mit enun ap netenen menmen em."

¹⁰ Jisas kertei him hir netpim, te hirak ketpor, "Yi yemak te yi yene mite ip einipiye yink enuk. Hire epei werekyo menmen yaaim. ¹¹ †Wi yapirwe mit enun netenen menmen au hir nanu nantikewi te yi eikepi. Te hi au, hi ap ehu atikewi wi yapirwe. ¹² Mite ip hire wewen tipar minin yaaim em mentar yink kai, hire wiriak menmen im weses yink mai me hi eno ekre herwe hei. ¹³ Hi hetpi him werek. Nerer wit wit kerek mit nanwepayapir him mai nantip nitem, hir nantip menmen mite ip werekewem te hir han kitetim han teweninep."

† 25:46 Dan 12:2; Jo 5:29 †† 26:2 Eks 12:1-27; Mt 20:18; Lu 24:7 ‡ 26:7 Lu 7:37-38 †† 26:11 Diu 15:11

Judas kewenhi katip kaksiuwe Jisas kakno his me mit iuwe ne pris

(Mk 14:10-11; Lu 22:3-6)

¹⁴ ††Me wi im keremem, mitik hak ke hir mit 12 disaipel niuk mirak Judas ke wit Iskeriot, hirak ken kir mit iuwe ne pris. ¹⁵ ††Te hirak katip, "Yi eiweto mekam te hi awepyapir Jisas asiuwerek aknen his mi?" Hirak ketpor epei au, hir newetiwek 30 kina. ¹⁶ Me wi im, hirak han kitet wi meiyam te hirak kakwepayapir Jisas kakno his mir.

Jisas kaam menmen me wi Pasova ketike mit disaipel nirak

(Mk 14:12-21; Lu 22:7-14, 21-23; Jo 13:21-30)

¹⁷ ††Me wi im mekrit minin te mit nererik nanim bret me wi Pasova me yis ap mekrerem au (mentar hir han tewenin nipaa God kenep mit ne Isip), hir mit disaipel nan nir Jisas netpiwek, "Ti hanhan neinan te haiu mamimani menmen te haiu mamim me Pasova?" ¹⁸ †Jisas katip, "Yi einowit iuwe Jerusalem te yi einowit mitik hak kiutip te yi eiypiwewek, 'Mitik Iuwe kaiu katip: Wi mai hi hahi epei man menep. Hi hahim menmen me pasova atike mit disaipel nai mamu winak kit.'" ¹⁹ Hirak katip epei au, mit disaipel niriakem nar ke Jisas epei ketpiwewekitem, te hirakit temani menmen me Pasova.

²⁰ Hinkewi Jisas kan kau yeno ketike mit disaipel nirak nar hiswiyen wik (12). ²¹ Hir naam menmen nau, hirak katip, "Hi hetpi him werek, mitik hak kiutip ke yi mit in en, hirak kakwepayapir kakriuweta hi ano his me mit enun." ²² Hirak katip epei au, hir han enuk te mitik kiutip mitik kiutip hir nitiwewekhi, "Kai Iuwe hi a?" ²³ †Jisas katip, "Mitik ik ek kerek ketikewa waam menmen mekre tikenu im hirak kakwepayapir. ²⁴ Hi mitik ke wit ke Mitik Iuwe, hi ano hahi apar ke nipaa tiwei me God epei matip ek. Te mitik ik kerek kakwepayapir hi mitik ke wit ke Mitik Iuwe hirak kakine han enuk kakiwaank. Te miye pirak ap winaak au, hirak yaaik. Te hirak ap kakiwaank hirekes kakriuwe menmen im." ²⁵ Hirak katip epei au, Judas mitik kerek kakwepayapirek, hirak kitehi Jisas, "Mitik Iuwe kai, hi a?" Jisas ketpiwek, "Ti hirekes kerek ek."

Jisas kewet mit disaipel nirak niu bret metike wain hir naam me han etweninek

(Mk 14:22-26; Lu 22:15-20; 1Ko 11:23-25)

²⁶ †††Hir wen naam menmen nanu en, Jisas kekin bret kitehi God katip hirak yaaik. Epei au, hirak kewepik kewet mit disaipel nirak em hir nanim, te hirak katip, "Yi yetiwem yayim hiram mamir ke yink kai." ²⁷ Hirak katip epei au, hirak kekin tipar wain mekre hesnu hak, te hirak kitehi God keriuwerem, te hirak kewetirem katip, "Yi yapirwe eiym im em. ²⁸ ††Im em hiram hemkre mai mamwen te God kakises him mirak te

‡† 26:14 Jo 11:57 ††† 26:15 Sek 11:12 ††† 26:17 Eks 12:14-20 § 26:18 Mt 21:3 †† 26:23 Sam 41:9 ††† 26:26 Mt 14:19 †† 26:28 Eks 24:8; Jer 31:31-34; Sek 9:11; 1Ko 10:16; Hi 9:20

kakisak menmen enum me mit miyapir yapirwe. ²⁹ Hi hetpi werek. In ek ere maain hi ap te hahim tipar wain taau ere maain hi ektikewi mamim wain petep mamit wit ke Haai kai God."

³⁰ †Hir naam menmen epei au, hir nine henye ham. Epei au, hir nen witeik nen ere niu niun miniu (o neiyip) niuk mirak wit Oliv.

Jisas katip Pita hirak kakweikin sip kakwetiwek

(Mk 14:27-31; Lu 22:31-34, Jo 13:36-38)

³¹ ††Hir nipiun miniu (o neiyip niuk mirak) wit Oliv, Jisas ketpor, "Yi kerek yises him mai yi yainaiwira me witaan im em. Tiwei me God matip, 'Hi anep mitik kerek naanmipre sipsip em te hiram emrir eminke asin asin o heriyai heriyai. ³² †Hi hahi, te maain hi pike akrit hi ahinini ano provins Galili." ³³ Pita ketpiwek, "Hir yapirwe naninaiwirit nanrir nanintar mit han nantuthis nanitep, te hi taauye! Hi ahu atikewit!" ³⁴ ††Jisas ketpiwek, "Hi hetput him im werek. Me witaan im em Suware ap matip wen au, ti eraupakin wikak etip mit ti epratari hises him mai au." ³⁵ ††Pita ketpiwek, "Hi hahi atikewit, te hi ap aritpakin taau!" Hirak katip te mit disaipel yapirwe natip nepir kerekek.

Jisas kitehi God menmen keit Getsemani

(Mk 14:32-42; Lu 22:39-46)

³⁶ †††Hir natip epei au, Jisas ken ketikeri nen ti hak mit nenewek wit Getsemani. Hir niun en, hirak ketpor, "Yi eiyu in en, hi ano pinak ein ehitehi God menmen." ³⁷ Hirak keithis Pita ketike nikerek wiketeret te Sebedi, Jems ketike Jon tariyakit ten. In ek, hirak han kirak enuk kekrit kekrit. ³⁸ †††Jisas ketpor, "Han kai enuk ere hi hahi. Yi eitikewa eiyu in han tewenina." ³⁹ †Te hirak ken kike kenke kiwaai ti kitehi God, "Haai kai, hiram werek ti ehit menmen enum mamnen hiram emnopin emkeipno. Hi ap ehises han kai au, emit! Hi ehises han kit."

⁴⁰ Hirak kitehi God epei au, Jisas kan kir mitikit disaipel. Hirak kiret tiwaai. Hirak kekotitit katip Pita, "Yenmak te yi ap yayu yeitikewa mei kike han tewenina a? ⁴¹ ††Yi naanmamre hiras eiyitehi God kakikepi te menmen enum me mamri han ki mamnen mamriwaank. Yi han ki hanhan kises menmen me God te yink ki au kinapen menmen enum."

⁴² Hirak ketpiwekit epei au, Jisas pike ken keteipim kitehi God menmen katip, "Haai kai, te menmen enum im ap te mamnopin mamkeipno te hi ehises menmen im. Te ti ehises han kit kerekek." ⁴³ Jisas pike kan kiret tiwaai teit. Hirakit nanamir mekses te hirakit tiwaai. ⁴⁴ †††Jisas pike kinaiwirit, hirak ken kitehi God wikak. Hirak kitehi God me menmen hirak epei kitiwekhiyem.

⁴⁵ Maain hirak pike kan kir mitikit disaipel tirak hirak kekotitit kitiwekithi, "Yi wen yiwaai a? Eiyimtau! Wi epei man te mitik kakwepyapir hi Mitik ke wit ke Mitik

Iuwe hi ano his me mit enun nises menmen enum. ⁴⁶ ††Yi eiyikrit. Haiu emno. Yi eiyir mitik kerek kawepyayapir epei kan."

Judas kewis Jisas ken his me mit enun nepan nirak

(Mk 14:43-50; Lu 22:47-53; Jo 18:3-12)

⁴⁷ Jisas wen katip kerp, Judas mitik hak ke mit 12 disaipel nirak, hirak kan. Mit yapirwe netikerek nan netenen nu mir paap yoki metike hine me his. Hir mit iuwe ne pris netike mit iuwe ne kaunsil ne Isrel hir neriuweti nan. ⁴⁸ Mitik Judas kerek kakwepyapir ek nepei katip mit enun him im: "Yi yaira hi heiyewewik emiwek tekep mirak em, hirak kerekek mitik yi hanhan eitenenik. Yi eitiwekhis." ⁴⁹ Hirak kiun en, hirak kan Jisas wasenum katip, "Hi epei han Mitik Iuwe." Te hirak kemiwek tekep. ⁵⁰ Jisas ketpiwek, "Kai yinak, menmen ti erekyewem em, ti erekyewem wasenum." Te hir nan menep hir newis his netenenik.

⁵¹ ††Hir neteninek, te mitik hak kiutip kerp ketike Jisas hirak keiyim kari hine ke his kirak, keiyik kenep mitik kiriak menmen me mitik iuwe ke pris keremirawek nikip mirak minatin. ⁵² ††Te Jisas ketpiwek, "Ti pike ewis hine ke his ekikre nirak keriyen ekit! Mit yapirwe nenepan neriuwe hine me his te mit han naninip nanriuwe hine me his mir hir nani. ⁵³ Ti ap hertei hi te enine haai kai God, Te wasenum hirak kakweto mit ensel yapirwe naninin 70,000 mit ne ami a? ⁵⁴ Te hi eriakem mamir im keremem, te him me God mamnen mamirkeim a? Taauye! Tiwei ke God katip menmen mamnen te hiram mamnen mampar keremem."

⁵⁵ ††Hirak katip Pita epei au, Jisas katip mit yapirwe keriyen, "Yi yan yaitauhis, yi yetenen hine metike nu mar ke yi yaitenen mitik enuk kekintip menmen enum yaisenkekik a? Wi yapirwe hi hau hekre winak iuwe ke God hi hatip mit miyapir him me God te yi ap yetenina au. ⁵⁶ †††Menmen im epei man te him me nipaa mit profet newisim mau tiwei, hiram mamnen." Hirak katip epei au, te mit disaipel nirak ninaaiwir Jisas nirir nen.

Hir nenke Jisas kerp ninaan me mit ne kaunsil

(Mk 14:53-65; Lu 22:54-55, 63-71; Jo 18:13-14, 19-24)

⁵⁷ Hir mit netenen Jisas, te hir netiwek his neiyik nen winak ke mitik hak hetpris Kaiafas. Mit han ninin nertei him lo me Moses hir netike mit iuwe ne kausil hir nererik nau neit en. ⁵⁸ Pita kisesik ken, te hirak au keit yanimin. Hirak epei ken kekere niwa keweikin ti ke mitik hetpris winak kirak kiwaairiyen. Hirak kinik ken kau ketike mit naanmipre wit. Hirak hanhan kakir menmen mei mamnen.

⁵⁹ Hir mit iuwe ne pris netike mit iuwe ne kaunsil ninatin mitik keiyak te kakmitopin Jisas me menmen enum hirak kiriakem te hir nankip kaki. ⁶⁰ Mit yapirwe nan neweniwek him netpiwek enum. Te hir ap epei ninapin mekam enum hirak kiriakem te hir nankip kaki. Maain mitikit wiketeret tan, ⁶¹ †††te hirakit tatip, "Mitik

† 26:30 Lu 22:39; Jo 18:1 †† 26:31 Sek 13:7; Jo 16:32 † 26:32 Mt 28:7, 16 †† 26:34 Mt 26:69-75 †† 26:35 Mt 26:56; Jo 11:16 ††† 26:36 Jo 18:1 ††† 26:38 Jo 12:27 † 26:39 Mt 6:10; Hi 5:7-8 † 26:41 Mt 6:13; Hi 2:14, 4:15 ††† 26:44 2Ko 12:8

‡ 26:46 Jo 14:31 ††† 26:51 Jo 18:26 †† 26:52 Jen 9:6; Rev 13:10 †† 26:55 Lu 19:47, 21:37 ††† 26:56 Mt 26:31; Jo 16:32

ik nipaa katip hirak kakwep winak iuwe ke God te pike kakimaak me wi wikak keremem."

⁶² Mitik iuwe ke pris kerp katip Jisas, "Ti ap ewenhi hatip him mei au a? Tenmak te hirakit tewenut him me menmen enum a?" ⁶³ Te Jisas ap katip him mei au. Te mitik iuwe hetpris ketpiwek, "Hi hituthi hekrehir ke Mitik Iuwe God kerek kaku kakit tipmain tipmain enum eik, ti etpeiyem. Ti Mitik Iuwe Kraiss Nikan ke God o au?"

⁶⁴ †Jisas ketpiwek, "Ti hirekes kerekek epei hetpim. Te hi hetpi. In ek ere maain yi eiyir hi Mitik ke wit ke Mitik Iuwe hi ahu his yaaim me God Iuwe kerek mit iuwe newiyen. Maain hi ahu nepni pike anen in."

⁶⁵ †Jisas katip kar ik te mitik iuwe hetpris kewep laplap mirak keteikin mit God han enuk te hirak katip, "Hirak katip enum ketawin God kerekyiwewek yink enuk. Haiu ap te emnine mit neiyen naninen nanwepyapir him ham nipaa hirak ketpim au emit! Hirak epei katip enum ketawin God. Yi epei yemtewem. ⁶⁶ †Te yi han kitet mekam?" Hir newenhi netpiwek, "Hirak kiriak menmen enum te hirak eki."

⁶⁷ †Hir natip epei au hir nenikin timank men ninaan me Jisas hir nakip. Mit han newis laplap nisawin nanamir kirak nakip nesiuwek tekep, ⁶⁸ hir nitiwekhi natip, "Ti Mitik Iuwe, ti atip him me profet in ek. Ti ewepyapir keimin kitep."

Pita kepakin Jisas kiune katip hi au hepitariyek

(Mk 14:66-72; Lu 22:56-62; Jo 18:15-18, 25-27)

⁶⁹ Pita kau wit eik kekere niwa ke winak. Te mite hap kerek wiriak menmen em wan wirek watip, "Ti ik ek nipaa hau hetike Jisas ke provins Galili." ⁷⁰ Te Pita kiune katip kerp menep ninaan me mit yapirwe en, "Ti henmak te ti etpo menmen im? Hi hepitariyek." ⁷¹ Hirak ketpaan ken witeik kau winak hinp ek. Te mite hap wirek hire watip mit miyapir yapirwe en kerek nerp menep en war ik: "Mitik ik ek nipaa kau ketike Jisas ke Nasaret." ⁷² Te Pita kiune katip him manp, "Hi hetpi hitehi God kehimitan him mai mitik ik ek hi au hepitariyek." ⁷³ Maain kike, mit han nerp en nan natip Pita, "Hire watip werek. Ti mitik kiutip me mit kerek nises Jisas. Teruk kit keweputyapir merp yaain ti mitik ke Galili." ⁷⁴ Te in ek Pita katip him iuwe, "God kaknen kakiyep te hi ap hetpi werek. Hiram werek te hi ap hertei mitik ek ek au." Hirak katip epei au, suware katip. ⁷⁵ †Suware katip epei au, Pita han kitet him kerek nipaa Jisas ketpim em kar ik: "Suware ap katip wen au, te ti hatip wikak ti ap herteiya." Te Pita ken witeik hirak kikit wisenum kentar hirak yink enuk hirak katip hirak kepitari Jisas.

Hir neithis Jisas neiyik nen mitik iuwe ke gavman Pailat

(Mk 15:1; Lu 23:1-2; Jo 18:28-32)

²⁷ Epei wanewik, mit iuwe ne pris netike mit iuwe ne kaunsil ne mit miyapir ne Isrel hir nimenipin natip te naninep Jisas kaki. ² Te hir nesenkekik keriuwe waai neiyik nan nanwet mitik iuwe gavman ke Rom Pailat ek.

Mitik Judas kikiap hirekes kaa

(Ap 1:18-19)

³ †Maain Judas kerek kewepyapirek, hirak kertei mit iuwe neiyik nen newet Gavman ek, hirak yink enuk keriuwe menmen hirak kiriakem te hirak pike ken kewet mit iuwe pris netike mit iuwe ne kaunsil 30 pewek me silva im. ⁴ Hirak kewetirem, hirak katip, "Hi epei hises menmen enum hi hewepyapir mitik ap kiriak enum au yaaik, te hirak kaki." Te hir natip, "Hiram ap menmen maiu au. Hiram menmen mit ti hiriakem." ⁵ Te mitik Judas kewir 30 pewek silva im men miwaai winak iuwe ke God eik, te hirak kinaiwiri ken keit waai keiyik kikiap hirekes kau teruk hirak kaa.

⁶ Hir mit iuwe ne pris nekin pewek im keremem, hir natip, "Im em hiram pewek me mamnep mitik kaki. Haiu ap emwisim emtike pewek me winak iuwe ke God au emit!" ⁷ Te hir natip nitet han kiutip me pewek keremem. Hir neiyim natin ti ke mitik kerek kime min kewiyen. Hir neit ti keremem nehimitanek me hir nanwis herwe miwaairi en me mit ne yanimin kerek nan nanir Jerusalem. ⁸ Mar keremem te in hir newep niuk me ti kerek nenewek 'Ti hemkre kerekek.' ⁹ †Mar im him ham nipaa God ketpim mitik profet Jeremaia kewisim mau tiwei epei man. Hiram matip, "Hir neit 30 pewek me silva, hir Isrel nipaa nehimitanem natip pewek me nanithis mitik ik ek. ¹⁰ Mit pris nesiuwe pewek me silva im hir neiyim natin ti ke mit newi nime min mar ke nipaa kai iuwe God ketpowem."

Hir newis Jisas kerp ninaan me mitik iuwe gavman ke Rom niuk mirak Pailat

(Mk 15:2-5; Lu 23:3-5; Jo 18:33-38)

¹¹ Hir newis Jisas kerp ninaan me mitik iuwe gavman ke Rom. Te mitik iuwe gavman kitiwekhi, "Ti Mitik Iuwe King kir ke Isrel?" Te Jisas katip, "Ti hirekes hatip har kerekek." ¹² †Hir mit iuwe ne pris netike mit iuwe ne kaunsil ne Isrel neweniwek him natip hirak kiriak menmen enum. Hirak ap kiriak menmen im enum au te hirak ap pike katip him mei kike au. Hirak kekintip wire kau keit. ¹³ Mar keremem te Pailat ketpiwek, "Ti ap hertei him yapirwe kerek hir netputem em a?" ¹⁴ †Te Jisas ap kewenhi katip him mei miutip men pailat au. Mar keremem te mitik iuwe gavman ke Rom han kitetim.

‡† 26:61 Jo 2:19-21 † 26:63 Ais 53:7; Mt 27:12 †† 26:64 Sam 110:1; Dan 7:13; Mt 24:30 ‡ 26:65 Mt 9:3; Jo 10:33; Ap 14:14 †† 26:66 Lev 24:16; Jo 19:7 †† 26:67 Ais 50:6, 53:5 ††† 26:75 Mt 26:34

‡‡† 27:3 Mt 26:14-15 § 27:9 Sek 11:12-13; Jer 32:6-9 †† 27:12 Ais 53:7; Mt 26:63 ††† 27:14 Jo 19:9

Pailat kewenhi katip mit narak enwenkek Jisas eku nu tentarakit

(Mk 15:6-15; Lu 23:13-25; Jo 18:39-19:16)

¹⁵ Wi yapirwe me tito miutip miutip mitik iuwe gavman kesiupan mitik kekre winak enuk ken. Mitik kerekek kaksuwerek kakno witeik. ¹⁶ Me wi im mitik hak enuk kau en keit winak enuk niuk mirak Barabas. ¹⁷ Hir mit miyapir nererik nau in ek, te Pailat kitorhi ketpor, "Yi hanhan hi asiupan keimin ekno his mi? Hi esiwu Barabas o Jisas hir nenewek Kraisa?" ¹⁸ Hirak Pailat kertei hir mit iuwe ne pris netike mit iuwe ne kaunsil hir hemkre menepam han enuk neriuwe Jisas nentar mit miyapir hanhanek, te hir newepyapirek nar kerekek kerp ninaan mirak kakikip kaki. ¹⁹ Pailat kau yeno me mitik masistret kerek hirak skelim mit nerp ninaan mirak em, te mite pirak wesiuwek him mau tiwei watip, "Ti ap eriak menmeiyam me mitik eik kerekek. Hirak ap kirkak menmei enum au. Witaan hi hiyak hirek te hi hiwaai enum henterik." ²⁰ Hir mit iuwe ne pris netike mit iuwe ne Isrel nari han ke mit miyapir te hir eninap entip Pailat kaksupan Barabas, te hir eninap Jisas kaki. ²¹ Te mitik iuwe gavman pike kitorhi ketpor keteipim, "Mitikit it et yi hanhan hi enaairwir keimin ekno yi mit?" Hir natip, "Barabas." ²² Pailat kitorhi kar ik: "Te hi hiriak Jisas mekam, kerek mit nenewek Kraisa?" Te hir yapirwe natip, "Yi eiwenkekik eku nu tentarakit." ²³ Pailat kitorhi katip, "Hirak kenmak? Hirak kirkak mekam enum a?" Te hir au ninap nenine him iuwe, "Eiwenkekik eku nu tentarakit." ²⁴ Mitik Pailat kertei in ek hirak kakitpim au, te mit en nesikeyaanmi naninepan naniriuwerek. Te hirak kekin tipar keiyim kekemeyet his mirak keit ninaan me mit miyapir yapirwe keteiknor hirak kinapen kakikip. Te hirak katip, "Hi ap hertei mekam enum hirak kirkakem, te hi anep mitik ik kaki. Hiram menmen mi keremem." ²⁵ Te mit miyapir newenhi netpiwek, "Ti akip kaki. Hiram ap menmen mit te God han enuk kakriuwit. Maain hirak han enuk kakriuwai haiu mite metike nikerek nau." ²⁶ Hir natip menmen im nepei au, te Pailat kesiupan Barabas ken his mir. Te hirak katip mit narak niwaai nipin nenep Jisas te hirak kesiuwerek ken his me mit ne ami te hir enwenkekik eku nu tentarakit.

Mit ne ami hir natip enum nitetnaan Jisas

(Mk 15:16-20; Jo 19:2-3)

²⁷ Pailat kesiuwe Jisas ken his me mit ne ami ne gavman, hir neithis Jisas neiyik nen winak ke gavman, te hir mit soldia keriyen nan nererik hir yapirwe neweikniwek en. ²⁸ Te hir nenemtin laplap mirak, te hir nemriwek laplap ham mire ninim. ²⁹ Hir nime waai wiwir tiktik mewik ek kire teperiye, te hir nankiuniwek kaku paan. Te hir newetiwek niyen nun kirak ketenenik ken his yaaim mirak nemitetpin natip hirak mitik iuwe.

† 27:18 Jo 11:47-48, 12:19 †† 27:21 Ap 3:14 ‡ 27:24 Diu 21:6-9; Mt 27:4 †† 27:25 Mt 23:35; Ap 5:28 †† 27:28 Lu 23:11

Te hir newen ninip menep hit mirak netpiwek enum nitetiweknaan natip, "Ti yaaik Mitik Iuwe King ke mit ne Isrel." ³⁰ †† Te hir nenikin timank menterik, hir nekin niyin kerekek neiyik nenep paan kirak yapirwe. ³¹ Hir netpiwek nitetiweknaan enum epei werek, te hir nenke laplap mekeipniwek. Te hir pike nemiriwek laplap mirak hirekes, te hir netiwek his neiyik nen nanwenkekik kaku nu tentarakit.

Hir newenkek Jisas kau nu tentarakit

(Mk 15:21-32; Lu 23:26-43; Jo 19:17-27)

³² Hir nitet yayiwe nen, te hir nir mitik ke Sairini niuk mirak Saimon. Te hir natip him iuwe hirak nenipek kaknan nu tentarakit ke Jisas kakikepik. ³³ Hir nan niun wit hak niuk mirak Golgota kerek haiu meweikin him haiu menewek 'Wit Paan Hesnu.' ³⁴ †† Hir nipiun ein hir newet Jisas tipar wain epei neweiknim metike marasin enum me wekwai te hirak kakim. Hirak kininem, te ap kaam au kinapen. ³⁵ Hir epei newenkekik kau nu tentarakit, hir neretit satu me nein nanit saket mirak me hir hiras. ³⁶ Hir neretit satu epei au, hir nau ti naanmiprewek. ³⁷ Mau niu merp paan kirak hir newis him im em kerek nipaa hir nenkerek kerp ninaan me mitik iuwe em. Hir newisim mar im: IK EK HIRAK JISAS MITIK IUWE KING KE MIT MIYAPIR NE ISREL. ³⁸ †† Menep Jisas hir newenkek mitikit wiketeret enukit raskel tekintip menmen. Hir newenkek hak kau his yaaim, hak kau ken his henkik. ³⁹ †† Hir nepu en, hir mit miyapir nan nen hir netpiwek enum neweikniwek nenesisek, hir netpiwek nar ik: ⁴⁰ ††† Ti mitik kerek ewep winak tempel iuwe ke God ek te ti pike eimaak me wi wikak keremem, ti ekaap hirekes! Ti atip ti Nikan ke God te ti enaairwir nu tentarakit te ti enatin enen ti." ⁴¹ Mar im hir mit iuwe ne pris netike mit ninin nertei him lo me Moses netike mit iuwe ne Isrel hir netpiwek enum nitetiweknaan. Hir natip, ⁴² ††† Hirak nipaa kikaap mit han, te hirak ap kikaap hirekes. Hirak mitik iuwe ke Isrel a? Hirak eknaairwir nu tentarakit te haiu emises him mirak. ⁴³ †† Hirak katip, 'Hi hises him me God hi Nikan ke God.' Te God hanhan keriuwerek te ekikepik in ek." ⁴⁴ Mar im mitikit wiketeret kerek enukit raskel kerek tekintip menmen em newenkekikit tau nu tentarakit tetike Jisas tau menep hirakit tatip Jisas enum.

Jisas epei kaa keit

(Mk 15:33-41; Lu 23:44-49; Jo 19:28-30)

⁴⁵ †† Wepni kau nimin, witaan toto man miwapin ti eik ek ere hinkewi. ⁴⁶ ††† Menep hinkewi, Jisas kinap kenine him iuwe kar ik: "Eli, Eli, lema Sabaktani?" Hiram him Hibu mar im em: "Haai kai, Haai kai God, henmak te ti nepei heweikin sip eweto hinairwira?" ⁴⁷ Te mit han nerp menep hir nemtewek te hir ap nerteiyek werek au, te hir natip, "Mitik ik ek hirak kenine Ilaija."

††† 27:30 Ais 50:6 ††† 27:34 Sam 69:21 § 27:35 Sam 22:18 §† 27:38 Ais 53:12 §†† 27:39 Sam 22:7, 109:25 §† 27:40 Mt 26:61; Jo 2:19 §†† 27:42 Jo 11:50 §† 27:43 Sam 22:8; Jo 5:18 §† 27:45 Emo 8:9 §†† 27:46 Sam 22:1

⁴⁸ †Wasenum mitik hak kesiukin ken keit mosong o nik me wan eik, te hirak kewisim mekre wain epei mesine, hirak kewisim mau niyen nun kesiuwe Jisas em ekim.

⁴⁹ Te mit han natip, "Ti ewetiwekem wen au emit! Haiu mamir te hirak Ilaija kaknen kakikepik o au!" ⁵⁰ Jisas pike kinap kenine hisiuwe te hirak keruiwet himin kirak ken kekeipniwek, hirak kaa.

⁵¹ ††Hirak kaa, te laplap iuwe mau winak iuwe ke God (tempel) ek mewep pinam pinam mau niu ein en ere miun ti eik, mire wiketerem. Te God keteikin mit Jisas kewep yayiwe keruiwe yink kirak te mit nanitiwekhi menmen. Ti kitanik nan iuwe mewep, ⁵² te herwe hei mikaisiu te mit miyapir yapirwe kerek nises God nipaa epei naa, in ek hir pike nekrit. ⁵³ Hir ninaaiwir herwe hei maain, Jisas pike kekrit epei au, te hir nen wit yaaik iuwe Jerusalem. Te mit yapirwe hir niri. ⁵⁴ Mitik iuwe ke ami ketike mit nirak nau netikerek nau naanmipre Jisas hir nir ti kitanik, te hir nir menmen yapirwe man, hir ninapen wisenum hir natip, "Hiram werék. Mitik ik ek hirak Nikan ke God."

⁵⁵ †Miyapir yapirwe nepu, hir nipaa nises Jisas ninaaiwir provins Galili nan nankepek neruiwe menmen. Hir miyapir keriyen nerp yanimin kike hir nirek. ⁵⁶ ††Mite hap pe hir miyapir en hire Maria pe Magdala. Hap ep hire Maria, miye pe Jems wetike Josep. Hire wetike Miye pe nikerek wiketeret te Sebedi, Jems ketike Jon.

Mit newis Jisas herwe yink kirak kekre hei ke nan
(Mk 15:42-47; Lu 23:50-55; Jo 19:38-42)

⁵⁷ Maain hinkewi, mitik hak kiutip ketenen nan yapirwe ke wit Arimatia, kerek niuk mirak Josep, hirak kan wit kerek Jisas kaa. Hirak nipaa kire mitik disaipel ke Jisas kises him mirak. ⁵⁸ ††Hirak ken kir pailat te hirak kitiwekhi hirak kakit herwe yink ke Jisas. Te Pailat katip mit nirak hir newetiwek Jisas yink kirak. ⁵⁹ Josep hirak keit Jisas yink kirak kesenekik keruiwe laplap yaaim me hike. ⁶⁰ †††Hirak kesenekik keruiwe laplap me hike, hirak kewisik kekre han kerek mit epei nekupin hei minik nan me Josep. Hirak kewisik kekre han nepei au, hirak katip mit hir neweiknen nan wisenuk kiwapin him kirak. Hir newisik kiwapin him ke hei epei au, hir nen. ⁶¹ Mit niriak menmen im, Maria pe Magdala wetike Maria hap, hir nau ti neit en menep hei.

Mit ne ami nan naanmipre hei kerek Jisas yink kirak kiwaai kekrek.

⁶² Teipmen, wi kerek mises wi mit nemani menmen me Pasova, mit iuwe ne pris netike mit ne Farisi hir nen nanir Pailat. ⁶³ †††Hir nen nanir Pailat hir nitiwekhi netpiwek nar ik: "Mitik iuwe, haiu mit han kitet him ham im nipaa mitik enuk kewenin him hirak ketpim. Hirak katip, 'Wi wikak epei au, hi pike ekrit ehu.'" ⁶⁴ Te haiu hanhan ti atip mit han nit hir naanmamre him ke hei kerek Jisas yink mirak miwaai mekretek, me wi wikak. Te mit nirak disaipel hir ap naninen nanri yink

† 27:48 Sam 69:21 †† 27:51 Eks 26:31-33; Hi 10:19-20 †
27:55 Lu 8:2-3 †† 27:56 Mt 20:20 †† 27:58 Diu 21:22-23 †††
27:60 Ais 53:9 ††† 27:63 Mt 12:40, 16:21; Jo 2:19-20

kirak nantip mit hirak epei kekrit. Hir nanriak menmen im, te hiram minin him enum nipaa hirak ketpim me hirak Mitik kerek God kehimitanek kaknen kakikaap mit." ⁶⁵ Pailat kewenhi ketpor kar ik, "Yi eiyit his mit han ne ami eino naanmamre hei ik werék werék kerek yi yerteiyem." ⁶⁶ †Hirak katip epei au, hir nen newis waai neruiwes his hei. Nepei au, hir newis mit han ne ami hir nerp en naanmire herwe hei im.

Jisas kekrit kinaaiwir herwe hei
(Mk 16:1-10; Lu 24:1-10; Jo 20:1-18)

28 Maain wi Sabat epei au, menep kakre wanewik me wi Sande, Maria pe wit Magdala wetike Maria hap hir nen nanir hei kerek mit newis Jisas kekrek. ² Hir nen nanir hei waswas ti kitanik kentar ensel ke Mitik Iuwe God kinaaiwir wit kirak kekiuwe kan ti keweikin nan kenkerek kerek kiwapin him ke hei. Hirak keweikin nan kenkerek epei au, hirak kau kenterik. ³ †Ninaan mirak merhihe mire nepni mewenin, klos mirak hiram mire hike mar ke surp wepni yaaik hirak kewep. ⁴ Ensel hirak kau kenterik, mit han ne ami kerek naanmipre hei ke herwe kekrek, hir nirek hir nepirpir wisenum nenkewin niwaai ti nar ke herwe epei maa.

⁵ Te ensel katip miyapir wik kar ik: "Yi ap einapen au emit! Hi hertei yi yinyatin Jisas kerek mit newenekik kau nu tentarakit hirak kaa. ⁶ ††Hirak ap kaa kiwaai in au. Hirak epei kekrit kar ke nipaa hirak ketpim. Yi einen in eiyir wit kerek nipaa hir newisik hirak kiwaai. ⁷ ††In ek yi eino waswas eitip mit nirak disaipel hirak nepei kekrit kinini kakno provins Galili. Yi eino en te yi eiyirek ekit en. In ek hi nepei hetpi him mai,"

⁸ Hirak ketpor epei au, miyapir in ninaaiwir hei ik nepirpir hir han yaaik nesuknen nen nantip mit nirak disaipel. ⁹ Hir wen nesuknen nitet yayiwe, Jisas kewenyipiri kewisik yayiwe hirak ketpor, "Yi nepei yan?" Hirak ketpor nepei au, hir nan menep neiyewo hit mirak newenipiyek. ¹⁰ †††Hir neiyewewik epei au, hirak ketpor kar ik: "Yi ap einapen au emit! Yi eino eitip nai yinan hir enino provins Galili, te hir nanira nanit en."

Mit ne ami nen natip menmen hir nirem

¹¹ Miyapir wen nitet yayiwe nepno, mit han ne ami kerek naanmipre herwe hei, hir nen wit Jerusalem natip mit iuwe ne pris menmen epei man. ¹² ††Hir netpor epei au, mit iuwe ne pris netike mit iuwe ne kausil hir nimenipin natip. Epei au, hir newet mit ne ami pewek nari han kir neruiwerem netpor nar ik: "Mit han naninen nanitih me Jisas herwe yink kirak yi eimitorpin eiyitpor wi nimen yi yiwaai, mit disaipel nan nekin yink kirak neiyik nen. ¹⁴ Maain him im mamno mitik iuwe gavman te hirak kerteiyem, haiu mamno mamitpiwek te hirak ap han enuk au, te hirak ap kakrekki enum kakinterim." ¹⁵ Hir netpor epei au, mit ne ami

§ 27:66 Dan 6:17 §† 28:3 Mt 17:2; Ap 1:10 §†† 28:6 Mt 12:40, 16:21 §† 28:7 Mt 26:32 §†† 28:10 Hi 2:11 §† 28:12-13 Mt 27:64

nen nises him mir natip mit yapirwe him im. Te nipaa ein ere in mit yapirwe ne Isrel hir han kitet him im.

Jisas katip mit disaipel narak menmen hirak hanhan hir enisesim

(Mk 16:14-18; Lu 24:36-49; Jo 20:19-23)

¹⁶ †Miyapir wik nen natip disaipel nar hiswiyen kiutip (11) menmen Jisas ketpor epei au, hir nitet yayiwe ke Galili kerek Jisas ketpor hir enino enirek. ¹⁷ Hir nen ein nir Jisas, hir newenipiyek. Te mit han ap han kitet hirak Jisas hirekes au. Hir han kitet hirak herwe kerekek.

¹⁸ ††Hir newenipiyek, hirak kan menep ketpor menmen.

† 28:16 Mt 26:32, 28:7, 10 †† 28:18 Dan 7:14; Mt 11:27; Jo 13:3; Ef 1:20-22

Hirak katip kar ik: "God epei keweto menmen mirak iuwe te hi hinin naanmamre menmen yapirwe meit wit kirak ketike menmen yapirwe me ti metike nepni. ¹⁹ †Te yi eino eirer wit wit eiri han ke mit miyapir yapirwe hir enises him mai. Yi eikiri enriuwe tipar me niuk me God Haai, hi God Nikan wetike God Himin Yaaik. ²⁰ ††Yi eit-eiknor hir enises him yapirwe hi nepei hetpiyem. Yi eiyimtau. Wi im ere wi maain God kakiwaank ti im mamit, hekrit hekrit hi ahu atikewi."

Mepir keremem

‡ 28:19 Ap 1:8 †† 28:20 Jo 14:23; Ap 18:10

MAK

Menmen mekre tiwei ik

Him me Jon Baptais

r 1:1-8

r*

Jon kikir Jisas keriuwe tipar

r 1:9-11

r*

Seten kakri han ke Jisas

r 1:12-13

r*

Jisas katip him yaaim keit Galili

r 1:14-9:50

r*

Jisas ken Jerusalem katip him yaaim

r 10:1-13:37

r*

Mit newenkek Jisas kaa

r 14:1-15:47

r*

Jisas pike kekrit mit nirek

r 16:1-18

r*

Jisas pike ken wit Heven

r 16:19-20

r*

Jon kerek kikir mit neriuwe tipar hirak katip mit him me God

(Mt 3:1-12; Lu 3:1-18; Jo 1:19-28)

1 Him im hiram him yaaim me Jisas Kraiss God Nikan kirak. ² Nipaa Aisaia kewepyapir him me God hirak kewisim mau tiwei hiram matip mar im: "God katip mitik hirak kehimitanek kar ik: 'Hi ariuwet mitik kai kaktip him mai kakininit kakno kaknetit yayiwe.'

³ Mitik hak keit wit weinik mit ap newik hirak kinap katip hisiuwe kar ik: 'Yi eiriak yayiwe yaaim me Mitik Iuwe te hirak kakisesim werek.'

⁴ Hirak mitik niuk mirak Jon. Hirak kikir mit neriuwe tipar. Hirak kan kepu yaank weinik kewepyapir him me God katip kar ik: "Yi kerek yi eiweikin sip eiwet menmen enum, yi einen in hi akiri te God kakisak menmen enum yi yiriakem." ⁵ Hir mit nerer wit wit ne provins Ju-

dia, hir netike mit yapirwe ne wit Jerusalem hir nan nirek. Hir newepyapir menmen enum hir niriakem, te Jon kikiro nekre mani Jodan.

⁶ Jon kamir tepnek me kamel mit niriakem mar ke laplap, hirak kamir yink ke kamel kire henpen kau tu. Hirak kaam weise metike manu nikim meit yaank.

⁷ Hirak katip mit miyapir him kar ik: "Maain mitik hak kakikrehir kai. Hirak Mitik Iuwe kinina. Hi ap Mitik Iuwe har ke hirak au. ⁸ Hi epei hikiri yekre tipar, te maain hirak kakwis God Himin Yaaik kakikre han ki."

Jon kikir Jisas

(Mt 3:13-17; Lu 3:21-22)

⁹ Me wi im Jisas kinaaiwir wit Nasaret keit provins Galili hirak kan kiun mani Jodan. Hirak kan kiun mani Jodan, Jon kikirok keriuwe tipar. ¹⁰ Hirak kinaaiwir tipar kehin kinu ken tenhaan eik, Jon kir nepni hiremes mewep mire weipir, God Himin Yaaik kire hore tapi

† 1:2 Mal 3:1; Mt 11:10 †† 1:3 Ais 40:3 ‡ 1:4 Ap 13:24, 19:4

‡† 1:6 2Kin 1:8; Mt 11:8 ‡† 1:7 Ap 13:25

kekiuwe kan kewik. ¹¹ †Te Mitik Iuwe keit God katip him hiram meke nepni man matip mar im: “Ti Nikan kai hi hanhanit. Hi han yaaik heriuwit.”

Seten kari han ke Jisas

(Mt 4:1-11; Lu 4:1-13)

¹² ††Wasenum, God Himin Yaaik keriuwet Jisas hirak ken yaank weinik. ¹³ †Hirak kepu ein me wi 40, te Seten kari han kirak. Jisas ketike miyak me yaank nepu ein. Mit ensel ne wit ke God hir nan nekepik.

Jisas katip mit miyapir him me God keit Galili

(Mt 4:12-17; Lu 4:14-15)

¹⁴ ††Maain mit han newis Jon kekere winak enuk ke gavman. Me wi im Jisas kan provins Galili katip mit miyapir him me God. ¹⁵ ††Hirak katip kar ik: “Wi epei man menep te God kakinin naanmampri yi mit miyapir ne ti. Yi eiweikin sip eiwet menmen enum yi eiyimtau him me God eiyisesim.”

Jisas kenine mitikit tekyaait (4) hirakit tatisesik

(Mt 4:18-22)

¹⁶ Jisas keke ti kesiurir wan ken pin, hirak kir Saimon ketike nikik kirak Andru. Hirakit tewir hepin iuwe men mekre wan. Hekrit hekrit hirakit tari saauk. ¹⁷ ††Jisas ketpiwekit kar ik: “Yi eitikewa haiu mamno, hi eteikni menmen te yi eiri han ke mit hir nanises him mai.” ¹⁸ Wasenum hirakit tinaaiwir hepin mirakit, hirakit tisesik.

¹⁹ Jisas ken kike, hirak kir Jems ketike nikik kirak Jon, hirakit nikerek hirakit wik te mitik niuk mirak Sebedi. Hirakit tau bot kirakit tekerwo hepin mirakit. ²⁰ Hirak keninewekit, te hirakit tinaaiwir haai kirakit hirak kau kekere bot ketike mit han kerek hir nekepik nekerwo hepin, hirakit ten tises Jisas.

Jisas kepir herwe enuk kenepin kekeipin mitik hak

(Lu 4:31-37)

²¹ †Hirakit tisesik, te hir nen niun wit Kapaneam. Hir nepu wit Kapaneam, maain wi Sabat epei man, hirak Jisas ken winak kerek mit nererik nekine him me Moses neitai, hirak katip mit miyapir him mirak. ²² ††Hir nemtau him mirak, te hir han kekrit neriuwe menmen hirak ketpim. Hirak ap ketpor kar ke mit kerek ninin nertei him me Moses netpim. Au, hirak katip kar ke Mitik Iuwe Krai kerek God keriuwetek kan kekepi kerekek.

²³ Me wi im, mitik enuk herwe kau kekere hirak kepu winak ik. ²⁴ ††Hirak kinap katip kar ik: “Jisas ke wit Nasaret, ti han herekyei mekam a? Ti han te hewep a? Hi herteiyit. Ti Mitik Yaaik Iuwe ke God.” ²⁵ Te Jisas kenerek ketpiwek kar ik: “Herwe enuk ti ekintip wire wire ti enepin ekeipin mitik ik etpaan eno.” ²⁶ ††Jisas katip kar ik, herwe enuk ketenenik te hirak keperper

kenepir him iuwe, herwe ketpaan kenpin kekeip-niwek. ²⁷ Mit miyapir nir menmen im hir nepirpir nitehiyan nar ik: “Mekak ik. Hirak ketpai him ham yaaim. Hirak kire Mitik Iuwe hirak katip herwe enun hir nemtau him mirak hir nisesim.” ²⁸ ††Te waswas hir mit miyapir natipan menmen Jisas kiriakem te mit nerer wit wit neit provins Galili hir nertei Jisas.

Jisas kikaap pita maam pirak hire yaaip

(Mt 8:14-15; Lu 4:38-39)

²⁹ Jisas kinaaiwir winak eik e, hirak ketike mit nirak nen winak ke Saimon ketike Andru. Jems ketike Jon hirakit ten tetikeri. ³⁰ Saimon maam pirak (miye pe mite pirak) hire winap wiwaai yeno hire yink sisi. Hir natip Jisas hire winap. ³¹ Te Jisas ken kirep ketenen his mire kika hire wekrit werp, hirak ketpiwe kar ik: “Ti hinap epei au.” Te yink sisi epei au, hire yaaip. Hire yaaip te hire wemani menmen hir nanim.

Jisas kikaap mit miyapir yapirwe hir nire yaain

(Mt 8:16-17; Lu 4:40-41)

³² ††Maain wepni kewen ken, hir mit nerer wit wit neriyei mit miyapir hir ninap, hir netike mit miyapir han kerek herwe mekreri, hir neriyei nen nir Jisas. ³³ Mit miyapir yapirwe ne wit iuwe ik nen nererik nau menep wepir ke winak. ³⁴ ††Jisas kikaap mit miyapir kerek hir ninap te hir pike yaain. Mit han hirak kepir herwe enum menpin mekeipnor. Hirak katip herwe hir ap enwepyapirek hirak keimin au emit! Hir nerteiyek hirak Nikan ke God.

Jisas kiriak menmen kerer wit wit ke provins Galili

(Lu 4:42-44)

³⁵ ††Hekrit enum eik hirak kekrit ketpaan ken yaank weinik kitehi God, te hirak ketikerek tewepnak. ³⁶ Maain, Saimon ketike mit han nepu netikerek, hir nen nisesik. ³⁷ Hir nen ninapinek hir netpiwek nar ik: “Mit miyapir yapirwe hir nan ninetnut.” ³⁸ Hirak ketpor kar ik: “Emit! Haiu wen emno wit ham menep te hi hatip mit miyapir him mai heitai en.” ³⁹ ††Te hirak ken heriyai heriyai me provins Galili, hirak katip mit miyapir him mirak keit winak kerek mit nererik nekine him me Moses neitei. Hirak kepir herwe enum mau mekre mit miyapir hiram menpin mekeipnor.

Jisas kikaap mitik enuk lepro mewik hirak kire yaaik

(Mt 8:1-4; Lu 5:12-16)

⁴⁰ Mitik enuk lepro mewik hirak kan kewen ninip kitehi Jisas kar ik: “Mitik Iuwe, ti hanhan eriuwa te ti ekepa hi are yaaik.” ⁴¹ Jisas hirak hanhanek te hirak kewis his menterik ketpiwek kar ik: “Hi hanhan ti are yaaik.” ⁴² Hirak katip epei au, in ek lepro menke menpin mekeipniwek hirak kire yaaik. ⁴³ Jisas ketpiwek him manp te hirak keriuwetek ken wasenum. ⁴⁴ †††Jisas ketpiwek kar ik: “Ti emtewem. Ti ap etip mitik hak men-

† 1:11 Sam 2:7; Ais 42:1; Mt 12:18; Mk 9:7 †† 1:12 Mt 9:13

‡ 1:13 Sam 91:11-13 †† 1:14 Mk 6:17 †† 1:14 Jo 1:43 †††

1:15 Mt 3:2; Ga 4:4 ††† 1:17 Mt 13:47 § 1:21 Mt 4:13 †† 1:22

Mt 7:28-29 ††† 1:24 Mk 5:7 †† 1:26 Mk 9:26

§†† 1:28 Mt 4:24 †† 1:32 Mt 4:24 †† 1:34 Mk 3:11-12

§§† 1:35 Mt 14:23; Mk 6:46 §§† 1:39 Mt 4:23, 9:35 §§§ 1:44

Mk 3:12, 7:36; Lev 14:1-32

men im. Au, ti eno eteikin mitik pris yink kit. Te ti ewetiwek menmen nipaa Moses ketpai haiu mamwet God em, te mit hir nanirtei ti pike ere yaaik." ⁴⁵ Te mitik ik kemtau him me Jisas au. Hirak kewepyapirem heriyai heriyai, te maain Jisas ap kakno kakitet witeik au. Hirak kiriakem te mit nanirek hir han yaaik nanirp nanweikniwek. Te hirak kerp pin eik, mit nerer wit wit hir nan nanirek.

Jisas kikaap mitik his hit enum hirak kire yaaik

(Mt 9:1-8; Lu 5:17-26)

2 Maain wi ham, hirak pike kan wit Kapaneam. Mit en nertei hirak pike kan kepu winak kirak. ² Hir nertei hirak kepu, te hir yapirwe nen nererik ere winak kenempet keriuweri. Mit han nerp ya wepir menep hir nemtau Jisas ketpor him me God. ³ Hirak wen ketpor him, mitikit tekyaaait ten tekerir mitik kiwaai kentar kinaan. Hirak his hit maa tupe tupe meit. Hirakit tan tatir Jisas tewep mit yapirwe nerp neiyepet wepir, te hirakit ap tatno nimin taau. Te hirakit tehin tiniu leta me winak pinak ein. ⁴ Hirakit tehin tiniu winak ten niu ein, hirakit tenke toni kiwapin winak siup kerek Jisas hirak kerp ketin ni en. (Mit ne juda hir newis toni kiwapin winak siup. Nipin au. Wit hirak tenhaan weinik, hir niu auri.) Hirakit tenke toni ere kihi wisenuk kepeit, hirakit tinaaiwir kinaan kerek mitik kiwaai kekrerem men ti. ⁵ Jisas kertei hirakit tetike mitik kiwaai kinaan han kitet hirak kakikepik, hirak ketpiwek kar ik: "Mitik, hi esak menmen enum mit hiram mamno."

⁶ Hirak katip kar ik, te mit han kerek ninin nertei him me Moses natip mit miyapir em, hir nau neit en hir han kitet nar ik: ⁷ †"Ko! Kenmak hirak katip kar ik? Hirak katip enum kekrehir ke God. Hirak kire God te hirak ketpim a? God kerekek kakisak menmen enum mamno. Mit taauye!" ⁸ Jisas kertei kekre han kirak hir han kitet nar ik, te hirak ketpor kar ik: "Yi ap han ekitet menmen mekre han ki mar im au emit! ⁹ Hi atip mitik kiwaai kentar kinaan, 'Hi esak menmen enum nipaa ti hiriakem hiram mamno,' yi yepitari hi atip werek auye. Te hi atip mitik, 'Ti ekrit etenen yeno eiyim eno, hirak kakikrit kakno, yi eiyirtei hi atip werek te hi esak menmen enum me yi mit. Hi etpi mekam te yi han ekiteta?' ¹⁰ Hi tewen etpiwek har ik: 'Ekrit eno,' te yi eiyirtei hi Mitik ke wit ke Mitik Iuwe hi esak menmen enum yi mit ne ti yi yiriakem." ¹¹ Hirak ketpor epei au, hirak katip mitik kiwaai kekre kinaan kar ik: "Ti ekrit etenen kinaan mit eiyim eno witeik." ¹² Hirak katip epei au, te mitik kehin kekrit ketenen kinaan mirak kewepi ken witeik. Mit nirek, te hir nepirpir newenipi God Hirak Iuwe, hir natip nar ik: "Haiu mir menmen yaaim mar im nipaa ein auye."

Jisas kenine Livai hirak kisesik

(Mt 9:9-13; Lu 5:27-32)

¹³ Maain Jisas pike kitet tenhaan ken wan ke Galili, mit nen nererik te hirak ketpor him me God. ¹⁴ †Hirak wen kitet tenhaan hirak kir Livai, hirak nikan ke mitik

Alfias, hirak naanmipre winak ke mit hir newir pewek me takis. Jisas kerek ketpiwek kar ik: "Ti etikewa hawir wariyakit wauno te ti ehises him mai." Livai kekrit kisesik ketikerek ten.

¹⁵ Maain Jisas kau winak ke Livai. Mit yapirwe enun kerek hir neit takis nekintip pewek ham nisawinem, hir nen netike mit kerek niriak menmen enum hir naam menmen netike Jisas ketike mit nirak disaipel kerek nises him mirak. ¹⁶ †In ek mit han nepu, niuk mir Farisi, hir ninin nises him me Moses. Mit han nepu niuk mir Skraip. Hir ninin nertei him me Moses natip mit em. Hir nir Jisas ketike mit naanmipre pewek me takis netike mit kerek hir niriak enum, hir yapirwe newepnak nekiyan naam menmen. Hir mit Skraip natip Jisas disaipel nirak nar ik: "Kenmak hirak kipaam menmen ketike mit nari pewek me takis netike mit niriak menmen enum a?" ¹⁷ Jisas kemtau him mir, te hirak ketpor kar ik: "Mit ninap nanino nanir mitik dokta. Mit hir manpenun neit taau. Hi epei han ti hari han ke mit hir niriak enum. Mit kerek hir han kitet hir yaain au."

Jisas katip me him ham yaaim

(Mt 9:14-17; Lu 5:33-39)

¹⁸ Maain wi ham mit nises him me Jon netike mit ne Farisi hir han tewenin menmen me God yaaim, te hir nanit ninpi nanu. Mit han niri te hir nan nir Jisas nitiwekhi nar ik: "Mit ne Jon netike mit ne Farisi hir nanit ninpi nanu. Nenmak te mit nises him mit niriakem au?" ¹⁹ Jisas ketpor tok piksa kar ik: "Mit nanit ninpi nanu nantike mitik epei keit mite a? Taauye! Hir han yaaik nanim menmen nantikerek. ²⁰ Maain wi ham hir mit han hir nantiwekhis neiyik nanino, te hir mit nirak nanit ninpi rek nanu."

²¹ Hirak wen ketpor tok piksa kar ik: "Mit hir ap nekerwo laplap ham kike yaaim mentir ham enum tokim au. Hir nekerwewim, maain hir nankemyet laplap hiram mamno mamre kike mamri laplap tokik mamwepim. ²² Mit hir ap newen tipar wain wen petep mekre meme hiyei tokim auye! Hir nanwenem te wain tiwerpek mamniu, hiyei tokim mamwep te wain mamwen mamno ti, hiyei enum mamwep mamit. Au, mit newen wain wen petep mekre meme hiyei wen yaaim nimnam."

Him me wi Sabat

(Mt 12:1-8; Lu 6:1-5)

²³ †Maain wi sabat ham, Jisas hirak ketike mit disaipel nirak hir nen nitet ni ham. Mit nirak newen wit yehes miram nehish newenem hir naam. ²⁴ Mit ne Farisi kerek ninin nises him me Moses hir natip Jisas nar ik: "Ko! Nenmak te mit nit niriak menmen im enum a? Nipaa God kewet Moses him lo me wi Sabat, te haiu metput me mit nit hir newen wit yehes au emit."

²⁵ †Jisas hirak ketpor kar ik: "Yi ap han kitet werek menmen yi yekinaam me him me maam kaiu Devit a?"

† 2:5 Lu 7:48 †† 2:7 Ais 43:25; 1Jo 1:9 ‡ 2:14 Jo 1:43

†† 2:16 Mt 11:19; Lu 15:1-2 †† 2:23 Diu 23:25 ††† 2:25 1Sml 21:1-6

Nipaa hirak ketike mit narak ninpi maan te hir naam menmen nar ke haiu mit in ek epei maam. Te yi wen yepitari hir niriak enum au, yaa'im ye! ²⁶ †Abaiata hirak wen mitik hetpris naanmipre winak ke God, hirak Devit ketike mit narak nen winak eik ninin ein naam bret tokim mit newisim me God miwaai mensiu kinaan menep. Mit naanmipre menmen me God, hir keriyen naam bret tokim mirak. Mit han au. Him me Moses matip emit, te hirak Abaiata kewet Devit ketike mit narak em hir naam. ²⁷ ††God kinin kiriak mit. Hirak hanhahi, hirak kehimitan wi sabat hiram mamkaap mit keriyen. ²⁸ Hi Mitik ke wit ke Mitik Iuwe hi Mitik Iuwe, hi hinin menmen me wi sabat."

Me wi Sabat Jisas kikaap mit his enum

(Mt 12:9-14; Lu 6:6-11)

3 Maain Jisas pike ken winak kerek mit nererik nekine him me Moses neitai en. Mitik enuk his miutip meweikin hirak kau ein. ² †Mit han hir nipirek hirak kakikepik me wi Sabat te hir nenerek nansiuwek him nanriyaak kakno winak enuk. ³ Jisas katip mitik his enuk kar ik: "Ti enen in." ⁴ ††Hirak epei kan, Jisas katip mit kar ik: "Me wi Sabat him me God kerek Moses kewisim mau tiwei hiram mewisai haiu miriak menmen yaa'im o enum? Haiu emkaap mit o haiu emnip?" Hir au nekintip neit. ⁵ ††Hirak kiwaanaan kiri kemtaantiwo han enuk kentar hir mit han toenuk. Hirak katip mitik his enum kar ik: "Ti esiuwe his emnen." Hirak kesiuwehis mirak te his pike mire yaa'im. ⁶ ††His mire yaa'im te mit ne Farisi hir nen witeik nen nererik netike mit kerek nises him me mitik iuwe King Herot, hir nimenipin Jisas nankip.

Mit yapirwe nises Jisas

⁷ Jisas ketike mit disaipel narak hir nen wan eik. Mit yapirwe ne provins Galili hir nisesik nen nererik netike mit ne Provins Judia, ⁸ †††Idumia, wit yapirwe ke mani Jordan pinak ein, wit Taia, wit Jerusalem ketike wit Saidon. Hir yapirwe nemtau menmen Jisas epei kiriakem, te hir nan nanirek. ⁹ †Hir epei nan, Jisas katip mit narak kar ik: "Yi yayit bot eiyik einen eiteninek te mit ap nanipira hi ankewin hir nanintirira." ¹⁰ ††Nipaa Jisas kikaap mit miyapir yapirwe ninap hir nire yaain, te in ek mit yapirwe ninap newep mit hir nan nerp menep newis his mentar Jisas, te hir nire yaain. ¹¹ †††Hirak ken kitet ein ein, herwe enun nirek nitehir nau ti nenepip nar ik: "Ti Nikan ke God." ¹² ††Te Jisas ketpor him manp hir ap nanwepyapirek au emit!

Jisas hirak kehis mit disaipel nar hiswiyen wik

(Mt 10:1-4; Lu 6:12-16)

¹³ Maain Jisas kehis mit kerek hirak hanhani keninor hir nan nisesik netikerek nen nau miniu (o neiyip) kentir ein. ¹⁴ Hir nau ein, hirak kehis mit hiswiyen wik (12)

† 2:26 Lev 24:5-9 †† 2:27 Diu 5:14 † 3:2 Lu 13:14 †† 3:4 Lu 14:3 †† 3:5 Jo 11:33, 12:40 ††† 3:6 Mt 22:15-16 ††† 3:8 Mt 4:25 § 3:9 Mk 4:1; Lu 5:1-3 †† 3:10 Mt 14:36 ††† 3:11 Lu 4:41 §† 3:12 Mk 1:34

hirak kewep niuk kenewor niuk mir "Aposel." Hekrit hekrit hir netikerek nanriyan nanisesik nanimtau him mirak. Maain hirak kakriuweti nanino nantip mit miyapir him mirak. ¹⁵ Maain hirak kakriuweti kakwisi hir nepir herwe enun nanino nankeipin mit. ¹⁶ †††Im em hiram niuk me mit hirak ketorhis keriyeti netikerek: Saimon (hirak kewis niuk mirak ham Pita), ¹⁷ ††Jems, ketike nikik kirak Jon, hirakit nikerek te Sebedi (Hirak kewis niuk mirakit wik Boanesis kentar hirakit tatip him iuwe mire nepni mewenin). ¹⁸ Hirak wen kehimitan Andru, Filip, Batolomyu, Matyu, Tomas, Jems hirak nikan ke mitik Alfias, Tadias, Saimon Selot, ¹⁹ hir netike Judas ke wit Iskeriot kerek kewepyapir Jisas te mit enun nepan narak neiyik nen nakip.

Mit natip Bielsebul kikaap Jisas kepir herwe enun nekeipin mit

(Mt 12:24-32; Lu 11:14-23, 12:10)

²⁰ ††Jisas kehis mit hiswiyen wik (12) epei au, hirak ken winak kirak eik. Hirak ken winak, mit yapirwe nererik winak kirak te hirak ketike mit disaipel narak ap te nanim menmen taau. ²¹ †††Maain miye pirak wetike kikrek tirak hir nerteiyek, hir nen nare nantiwekhis nanriyaak neiyik nanino nir ein nentar hir han kitet hirak han ken sip hirak ketaritari. ²² †††Mit kerek ninin nertei him lo me Moses natip mit miyapir em, hir ninaaiwir wit Jerusalem nekiuwe nan natip nar ik: "Herwe enuk niuk mirak Bielsebul hirak kersis Jisas te hirak Seten kewis Jisas hirak kinin herwe enun kepiri nanino nankeipin mit." ²³ Jisas kertei menmen hir netpim te hirak kenine mit ein hir nan nerp menep in, hirak ketpor tok piksa kar ik: "Seten kenmak te hirak kepir herwe narak nekeipin mit a? Taauye! ²⁴ Mit ne wit hak hiras naninepan, te hir nankiyan nantike mit han ne wit hak naninepan taauye! ²⁵ Mit ne weiwik miutip hiras naninepan te hir nanirkeik te hir nankiyan nanu nanit? Au, hir naniwaank hiras. ²⁶ Seten hirekes kepir herwe narak nankeipin mit, hir naninke hasini naniwaank hiras. ²⁷ Hi hinin Seten hi epir herwe narak nekeipin mit, hiram mar ke mitik hak kinin kakno kakwep weipir kaksenek mitik enuk yehes enum o mitik iuwe, te hirak kakit menmen mirak meit winak eik keiyim kakno.

²⁸ "Hi etpi werek. Menmen enum mit niriakem metike him enum hir netpim hirak God kakisakem han ekite-tim au. ²⁹ Te mit natip enum me menmen God Himin Yaaik kiriakem, hirak ap te kakisakem taau! Hiram mamu mamit tipmain tipmain enum eik." ³⁰ †††(Jisas katip him im kentar mit han ne Jerusalem hir natip nar ik: "Herwe enuk kersisek kekepik te hirak kepir herwe enun nekeipin mit.")

Neimin hir ne weiwik me Jisas

(Mt 12:46-50; Lu 8:19-21)

³¹ ††Hirak katip epei au, Jisas miye pirak wetike kikrek tirak nan nerp witeik neninewek. ³² Mit nau neit ninin

§†† 3:16 Jo 1:42 §† 3:17 Lu 9:54 §† 3:20 Mk 6:31 §†† 3:21 Jo 10:20 §§† 3:22 Mt 9:34, 10:25 §§§ 3:30 Jo 10:20

nemtau hir neninewek, hir netpiwek nar ik: "Miye pit wetike kikrek nit hir nerp witeik neninut." ³³Jisas ketpor kar ik: "Neiyin hir nire miye wetike kikrek nai?" ³⁴Hirak kiwaanaan kir mit nau menep te hirak katip: "Mit in hir nire miye wetike kikrek nai. ³⁵Mit kerek nemtau him me God nisesim, hir keriyen nire miye wetike kikrek o yenterer nai."

Jisas katip tok piksa me mitik kamir wit yehes mau ni
(Mt 13:1-9; Lu 8:4-8)

4 [†]Jisas pike ken wan ke Galili kerp tenhaan eik katip mit him me God. Hirak kepu ein, mit yapirwe nan nererik nanimtau him mirak. Hir nerp menep menep nersis Jisas, te hirak ken kau bot kiwaai kentar wan menep tenhaan. Mit yapirwe nau tenhaan nemtau him mirak. ²^{††}Hirak ketpor tok piksa kar ik:

³"Yi eiyimtwem! Hirak mitik hak ken kewir yehes meit ni mirak. ⁴Hirak wen kewirem, ham menke miwaai yayiwe, hore meniuwe man maam. ⁵Yehes ham hiram menke miwaai ti kentar nan mewo waswas mekre ti kike. ⁶Maain, wepni iuwe kan kamip, hiram meweiwei maa keremem. ⁷Yehes ham menke miwaai ti kerek nipaa waai enum tik tik mewiyen. Maain, waai enum tik tik pike mewo miwapinem, te hiram ap mari au. ⁸Yehes ham menke miwaai ti yaaik nipaa mitik kewenek. Hiram mewo iuwe mari yapirwe. Ham mari 30, ham mari 60, ham mari 100." ⁹Jisas katip him mirak mikaru mar ik: "Neimin yi yertei him mai werek werek yi han ekitetim werek werek."

Kenmak Jisas katip tok piksa
(Mt 13:10-17; Lu 8:9-10)

¹⁰Maain, mit yapirwe epei nen, Jisas hirak kepu weinim ketike mit hiswiyen wik nirak (12) netike mit han disaipel kerek nemtau him mirak keriyen. Hir nepu nitiwexhi him me nipaa hirak ketpim. ¹¹Te hirak ketpor kar ik: "God kewisi yi yertei menmen me hirak kinin naanmipre menmen karkeik. Nipaa God ap kewepyapirem, te mit hir nerteiyem au. Hi etpim hisawinem te yi mit keriyen yertei menmen me God. ¹²[‡]Mit han toenuk au. Hi etpim hisawinem hetpor te 'hir enir menmen te hir ap nerteiyem, hir nemtwem te hir nerteiyem au. Hir nertei te hir neweikin han newet God em, God kakisak menmen enum hir niriakem. Hir nepitari menmen te hirak kakisak menmen enum mir au.'

Jisas kewepyapir him me tok piksa
(Mt 13:18-23; Lu 8:11-15)

¹³"In ek yi yepitari menmen im hi etpiyem hisawinem, te maain yi eiyirtei menmen ham hi etpiyem hisawinem mamirkeik? Taauye! Hi are ewepyapir im em, te maain yi eiyirtei him me God werek werek.

¹⁴Yehes miwaai yayiwe hiram mar ke mit hir nemtau him me God, te Seten kan keweiknor han kir hir han kaa him mirak. ¹⁶Yehes menke miwaai ti kike kentar

18 3:31 Mk 6:3; Jo 2:12; Ap 1:14 † 4:1 Mk 3:7-9; Lu 5:1-3 ††
4:2 Mt 13:34; Mk 4:33-34 ‡ 4:12 Ais 6:9-10; Jo 12:40; Ap 2:26-27

nan hiram mar ke mit nemtau him me God hir han yaaik. ¹⁷^{‡†}Yehes nekenik kike mewo mepu, maain wepni kamip hiram meweiwei maa hiram mire mit. Mar im hir nepu han yaaik, te maain mit hir han neneri newepnaki, hir han enuk naninaaiwir him me God mamit. ¹⁸Yehes miwaai ti nipaa waai tiktik mewo miwapin yehes hiram mar ke mit hir nemtau him me God. ¹⁹^{‡†}Te hir han kitet menmen yapirwe. Hir han yaaik nanit pewek yapirwe, hir hemkre menepam neriuwe menmen heriyai heriyai ere han kir kenke kenterim. Him me God mepu mekre han kir au, hir han kaa rem meit. ²⁰Yehes miwaai ti yaaim mari yapirwe, hiram mar ke mit nemtau him me God hir nisesim niriak menmen yaaim. Mit han kike, mit han iuwe, mit han wisenum."

Him me si mit nisawinek kekre sar
(Lu 8:16-18)

²¹^{‡††}Jisas hirak pike ketpor kar ik: "Yi yayit si te yi eisawinek ekikre sar o eknik yeno a? Taauye! Yi eiwisik ekintar yeno eku niu ekir. ²²^{‡††}Menmen yapirwe misawin meit, maain hiram pike mamu yaain mit nanirteiyem. Menmen ham yapirwe mit hir nehanem, maain hiram mamu yaain mit nanirteiyem. ²³Keiyin kakirtei, hirak kakimtwem."

²⁴[§]Hirak wen ketpor kar ik: "Menmen yi eiyimtwem yi han ekitetim werek werek. Mar ke yi han kitet mit netike menmen hir niriakem, maain mar im God han kakiteti yi mit kakrekiyem, te hirak kakriyaam wisenum. ²⁵^{§†}Mitik hak ketenen menmen, te God kawetiwewek menmen ham mamtikerem hiram yapirwe. Mitik hak au ketenen menmen kike, menmen mirak kike God kakriyaam mamno mamkeipniwek mamiwaank mamit."

Tok piksa me yehes mewo

²⁶Jisas wen katip: "Menmen God kiriakem kakri han ke mit te hir nanisesik, hiram mar ke mitik kamir yehes mau ni. ²⁷^{§††}Witaan o wanewik hirak kiwaai o kiriak menmen, yehes mewo. Hirak kirem mewo, te hirak kepitari karkeik te hiram mewo. ²⁸Ti hirekes kenip yehes mewo men mine tiwei, maain heneik mewim hiram mamri mamine nikim miram. Mitik au, ti erekek kenip menmen mewo. ²⁹^{§†}Maain yehes me nenhep maa, mitik kaknen kakwenem."

Tok piksa me nu mastet
(Mt 13:31-32; Lu 13:18-19)

³⁰Jisas wen ketpor kar ik: "Hi etpi menmen God kiriakem kakri han ke mit kakriuwere hiram mire mekam? Hi etpi him im. ³¹Yehes me nu mastet men ti mewo hiram kike kike. (Hiram mar ke God kinin naanmipre mit, te maain hir yapirwe nanirtei menmen mirak.) ³²Maain, hirak mastet nikik kakwo kakre iuwe, hirak kinin menmen mit namir mau ni eim, hirak ken

†† 4:17 Mt 26:31 ‡† 4:19 Mt 19:23-24 ‡†† 4:21 Mt 5:15
‡†† 4:22 Mt 10:26; Lu 12:2 § 4:24 Mt 7:2 §† 4:25 Mt 13:12
§†† 4:27 Je 5:7 §† 4:29 Joe 3:13; Rev 14:15

niu kakwirir heneik mewik, te hore mamnen mamwik mamwis yaank mentar heneik mirak."

Jisas katip mit him tok piksa keremem
(Mt 13:34-35)

³³ Jisas katip mit yapirwe tok piksa mar im ere hirak keremir yinam au meit mentar hir ap nerteiyem wen au. ³⁴ Hirak katip tok piksa mar im katip mit yapirwe rem keriyen. Te hirak ketike mit nirak nepu weinim, hirak kewepyapir menmen nipaa hirak ketpim kisawinem.

Jisas katip te yuwerep katin kike kike keit
(Mt 8:23-27; Lu 8:22-25)

³⁵ Maain hinkewi menep kakre witaan, Jisas katip mit nirak kar ik: "Hau emno emrekir wan emno pinak ein." ³⁶ Hirak ketpor, te hir netikerek wen nau bot ninaaiwir mit yapirwe nerp تنهاان. Mit nau bot ham netikeri nen. ³⁷ Hir wen nepno ein, yuwerep kiniu kan keriuwet wan te tipar kehinhin kekere bot. ³⁸ Jisas kiwaai kinatin kekere bot sip kirak kewis paan kentar yeno tap mirak. Mit nirak nan nekotitek netpiwek nar ik: "Haai, ti ap han kitetai au a? Hau wan kiniu kakwep te hau mami." ³⁹ Te Jisas kekrit katip wan yuwerep kewenek kar ik: "Hihe enuk ewaai ehit!" Hirak katip epei au, yuwerep katin kike kike, wan hihe enuk kiwaai keit. ⁴⁰ Te Jisas katip mit nirak kar ik: "Yi yenmak te yi yinaain a? Yi ap han kiteta wen au a?" ⁴¹ Hir nemtau him mirak, hir ninaain natipan main main nar ik: "Mitik ik hirak keimin? Hirak mitik kerek? Hirak kertei kewen yuwerep wan hihe enuk kiwaai keit."

Jisas kepir herwe enuk kenpin kekeipin mitik
(Mt 8:28-34; Lu 8:26-29)

5 Hir nau bot nerekir wan nen pinak ein, hir niun ti ke wit ke mit ne Gerasa. ² Jisas hirak kenke kinaaiwir bot kiun تنهاان ken pin eik, mitik hak kerek herwe enuk kersisek hirak kinaaiwir herwe hei kinik miniu (o neiyip), hirak kan Jisas. ³ Mitik ik hekrit hekrit kepu kekere herwe hei kinik miniu (o neiyip). Mit han hir ap nenke sen nesenkekik neriuwerem in ek au. ⁴ Hir nipaa nesenkekik neriuwe sen mau his hit mirak, te hirak au kari me his ketnim, hirak kewir nan kenemtin me hit. Mit han hir nepitari niriak menmen te hirak kire yaaik kau keit, taau. ⁵ Hekrit hekrit witaan wepni, hirak kepu kepeit kepikere herwe hei kinik miniu (o neiyip), hirak kenepip kenep hirekes keriuwe nan kerekir yink kirak.

⁶ Hirak kir Jisas keperp ein, hirak kesiukin ken kewen ninip kitehir kewenipiyek kerp menep, ⁷ hirak kenepip katip kar ik: "Ti Nikan ke Mitik Iuwe ti henmak te!" ⁸ Herwe kinapen kentar Jisas nipaa ketpiwek kar ik: "Ti herwe enuk enke enepin ekeipniwek." ⁹ Jisas kitiwekhi kar ik: "Ti ekine hirekes." Herwe katip, "Hi niuk mai mit yapirwe hentar hau herwe yapirwe mersisek." ¹⁰ Hirak kitehi Jisas him iuwe te hirak ap kakriuweti naninaaiwir wit ik au ekit!

¹¹ Sak yapirwe meit miniu (o neiyip) eik maam menmen.

¹² Herwe nitiwekhi nar ik: "Ti eriuwetai hau mamno mamikre sak." ¹³ Jisas hirak kewenhi te hir netpaan nirir nekeipin mitik ik, hir nen nekere sak. Sak yapirwe mar 2,000 hiram mirir mekiuwe miniu (o neiyip) men mamin wan tipar mekiuwe him yipir hiram maa meit.

¹⁴ Mit kerek naanmipre sak hir nirir nen natip mit ne wit iuwe, mit ne wit kike me menmen im epei man. Hir nemtau menmen im, hir nan nanir menmen mit hir epei netporem. ¹⁵ Hir nan nir Jisas ketike mitik nipaa herwe nersisek. Mitik ik hirak kau ti han yaaik, hirak epei keriuwet klos, te hir mit ninapen. ¹⁶ Mit naanmipre sak wen netpor menmen hir epei nirem me mitik enuk ketaritari ketike sak. ¹⁷ Hir nemtau menmen im, hir nitehi Jisas him iuwe hirak kaknaaiwir wit kir.

¹⁸ Hir nitiwekhi nar ek, te hirak ken kau bot. Hirak mitik nipaa herwe nersisek kitehi Jisas, te hirak ketikerek tatno. ¹⁹ Te Jisas ketpiwek kar ik: "Au, ti ehu in eno wit me mit nit eteiknor etpor menmen Mitik Iuwe hirak kerekjutem han teweninit kekepit." ²⁰ Te hirak ken wit mar hiswiyen (10) niuk miram Dikapolis, hirak katip kewepyapir menmen Jisas kerekwiwekem. Mit en nemtewem hir nepirpir han yaaik han kitetim.

Jisas kikaap mitik iuwe niki pirak wetike mite hire winen hemkre
(Mt 9:18-26; Lu 8:40-56)

²¹ Jisas pike ken kau bot ketike mit nirak, hir nerekir wan nen pinak ein. Jisas kenke kinaaiwir bot pike ken kiun تنهاان eik, mit yapirwe nerp nererik neweikniwek kerp en. ²² Hir nerp nererik neweikniwek kerp en, mitik hak kerek naanmipre winak kerek mit nererik nekine him me Moses neitai, niuk mirak Jairas, hirak kan kenke kitehir kiwaai hit me Jisas, ²³ hirak katip him iuwe kar ik: "Niki pai nepi menep wawi waunatin wauno. Ti enen etikewa euno ti ewis his menteriyete hire aure yaaip hire pike wawikrit wawu." ²⁴ Hirak ketpiwek, te Jisas ketikerek ten ein.

Hirak tetike mit disaipel nirak nen en, mit yapirwe nisesi nen nerp neweikin Jisas. ²⁵ Mite piutip wises Jisas wetikeri, hire winap hekrit hekrit winen hemkre me tito mar hiswiyen wik (12). ²⁶ Hire nipaa wen wir mit dokta yapirwe, hire wewir pewek wewetorem weiyim watin hirehes ere hiram epei au mesi. Te hir nertei nekepye au. Hire wen winap winen hemkre. ²⁷ Hire wemtau mit natip menmen Jisas hirak kiriakem, te hire wisesik. ²⁸ Hire han kitet war ik: "Hi awis his mentar laplap mirak kerek, te hi pike are yaaip." ²⁹ Hire wesiuwe his wewisim mentar laplap mirak, hemkre kire katin keit, hire wire yaaip. Te hire wertei hire winen hemkre epei au keit. ³⁰ Jisas hirak kertei menmen mirak yaaim iuwe minaiwirek men mikaap neimin, te hirak keweikin kiwaainaan kitehi mit kar ik: "Keimin ketenino laplap mai?" ³¹ Mit nirak disaipel netpiwek: "Ko! Mit yapirwe neweikninit. Kenmak te ti hitorhi me

† 5:2 Mk 1:23 †† 5:7 Mk 1:24

‡ 5:20 Mt 4:25; Mk 7:31 †† 5:23 Mt 8:3; Mk 7:32 †† 5:27 Mk 6:56; Mt 14:36 ††† 5:30 Lu 6:19

laplap mit a?" ³² Au, Jisas wen kiwaainan kakir keimin keteniwek laplap. ³³ Mite ip wertei hire epei wire yaaip, te hire wepirpir wan wenke witehir wiwaai hit me Jisas wewepyapir menmen hire wiriakem. ³⁴ †Te Jisas ketpiwe kar ik, "Mite, ti han kiteta hi ekepit, te ti ere yaaip. Nipaa ti hinap te in ek ti epei ere yaaip."

³⁵ Hirak wen ketpiwe, mitik Jairas mit nirak nan netpiwek nar ik: "Niki pit epei waa, henmak te ti eriyaam ektan Jisas? Ti ewisik kakno?" ³⁶ Te Jisas kemtewem hirak katip mitik Jairas kar ik: "Ti ap enaain au. Ti han ekiteta kerekek." ³⁷ Hirak kewis Pita, Jems ketike nikik kirak Jon tetike mitik ik keretet, hirakit ten ein. Hirak kewen mit han au, hir nerp in. ³⁸ Hirakit ten tipiu winak ke mitik ek, hirak Jisas kir mit hir nikitep ne-sikeyaanmi. ³⁹ ††Hirak ken winak ke nimin ein, hirak ketpor kar ik: "Yenmak te yi yikitep? Hire ap waa au, hire wiwaai kerep." ⁴⁰ Hir nemtewek katip kar ik te hir nenwesisek enum enum nen. Te hirak keriuweti nen wit eik. Hirak ketike miye haai nire nen netike Pita, Jems, Jon neit haau me niki wiwaai weitaen. ⁴¹ †Hirak keteniwe his kiutip ketpiwe him me mit ne Isrel kar ik: "Talita kumi." Haiu meweikin him haiu matip mar ik: "Niki kike hi hetput ti ekrit." ⁴² Hire wekrit wasenum witet ein ein. (Nipaa ein hire wepu tito mar hiswiyen wik (12).) Hir mit nirep hire witet ein ein hir nenemyiwe naan natip: "Ko!" ⁴³ ††Jisas ketpor him iuwe te hir ap nanwepyapirek au emit. Epei au, hirak ketpor hir nanwetiwe menmen te hire wawim.

Mit ne wit Nasaret neweikin sip newet Jisas

(Mt 13:53-58; Lu 4:16-30)

6 Jisas kinaaiwir wit ik ek ken kiun wit kirak eik. Mit nirak hir nisesik. ² ††Hirak ken kiun witeik, maain wi sabat ham, hirak ken kekere winak kerek mit nekine him me Moses neitai en, hirak katip mit miyapir him me God. Hir nemtewek, hir nehinhin natip nar ik: "Keimin ketpiwek him im te hirak ketpaiyem? Karkeik te hirak kertei menmen im? Hirak kiriak menmen yaaim nipaa haiu ap mirem au. ³ ††Mitik ik ek hirak kime winak kerekek. Hirak nikan ke Maria. Hirak heiyi-uwe ke Jems, Josep, Judas tetike Saimon. Yenterer nirak nau in netikewai. Hirak Mitik Iuwe au. Hirak mitik weinik kepir ke haiu mit keriyen." Te hir han toenuk neriuwerek nineinik. ⁴ ††Jisas ketpor kar ik: "Mitik hak katip mit menmen God keteikniwekem, niuk mirak iuwe men heriyai heriyai merer wit wit. Te niuk mirak ap iuwe keit wit kirak, o weiwik miutip mirak o miye haai kikrek o yenterer nirak au." ⁵ †Hirak ap kiriak menmen yaaim yapirwe nipaa mit ap nirem au, te hirak kewis his mentar mit ninap kekekpi hir nire yaain manpenuk neit. ⁶ Hirak kenke kekreri kentar mit in ap han kitetik.

Jisas keriuwet mit aposel nirak nar hiswiyen wik (12)

(Mt 10:5-15; Lu 9:1-6)

⁷ ††Hirak kari mit hiswiyen wik nirak (12) nau hirak ketpor menmen. Hirak ketpor menmen, hirak kenkeri keriuweti nire wik wik nen nerer wit wit. Hirak kewisi hir nekrehir kirak nepir herwe enun nanino nankeipin mit. ⁸ ††Hirak ketpor him iuwe te hir ap nanit menmen yapirwe neiyim nanino au emit! Pewek o wapnake o menmen au. Paap kerekek te hir neke ti neriuwerek. ⁹ Hir neriuwet su, te saket wik au emit, miutip kere-
mem. Hirak ketpor kar ik: ¹⁰ "Me wi yi yaino yayu yayikre winak hak, yi ap yayim menmen eirer winak ham au emit. Winak kiutip kerekek ere yi yainaiwir wit yaino wit hak. ¹¹ ††Mit ne wit hak ap neriyi mit naanmampri yayit winak kir nanimtau him mi au, yi einaaiwir mit in einepеп toni waniu (o win) mau hit mit, te yi yeteiknor hir niriak enum." ¹² Hirak ketpor epei au, hir mit nirak nen natip mit miyapir han him me God me hirak katip mit hir nanweikin sip nanwet menmen enum. ¹³ ††Hir nepir herwe enun yapirwe nekeipin mit, hir newen wel mentar mit ninap, te hir nire yaain.

Mit nenep Jon kerek kirkir mit, hirak kaa

(Mt 14:1-12; Lu 3:19-20, 9:7-9)

¹⁴ ††Mitik iuwe King Herot kinin naanmipre mit ne Isrel, hirak kertei menmen Jisas kiriakem kentar Jisas niuk mirak iuwe te mit hir nertei menmen hirak kiriakem hir netpim nerer wit wit. Te Herot kemtewek. Mit han natip nar ik: "Jon kerek kikir mit neriuwe tipar hirak nepei kaa, te hirak pike kekrit kepu. Mar im te hirak kiriak menmen yaaim nipaa haiu mit ap mirem au." ¹⁵ Te mit han natip nar ik: "Hirak Jisas ik hirak Ilaisa kerekek." Mit han natip: "Au, hirak kire mit profet nipaa natip him me God newepyapirem natip mit em." ¹⁶ Herot kemtewem, hirak han kitet kar ik: "Hirak Jon nipaa hi eriuwet mitik hak ken kerekir teruk kirak paan kewen keket, hirak pike kekrit kau keit."

¹⁷ ††Nipaa Jon hirak epei katip Herot kar ik: "Ti hewaank Herodias mite pe nikik kit ti hetiwe. Menmen im hiram ap yaaim au, hiram enum!" Herot han enuk keriuwet mit nirak hir netenen Jon nesenkekik newisik kekere winak enuk kentar mite pe Herot nikik kirak niuk mirak Filip, hirak herot ketiwe. ¹⁹ Herodias hire han enuk ware waunep Jon, te hire taau. ²⁰ Herot kinaain Jon. Hirak kertei Jon mitik yaaik kises him me God. Te Herot naanmiprewek. Wi kerek herot kemtau him mirak hirak kinaain. Te hirak wen pike hanhan kakimtau him mirak kakteipim kerekek.

²¹ Maain wi ham Herodias hanhan wemirir Herot mitik kire hirak kaknep Jon. Wi im Herot han kitet wi nipaa miye pirak winaak, te hirak kemani menmen kakwet mit nirak ne gavman netike mit kerek naanmipre mit ne ami netike mit niuk mir iuwe neit provins Galili hirak kakwetir menmen hir nanim. ²² Hir naam epei

† 5:34 Mk 10:52; Lu 7:50, 17:19 †† 5:39 Jo 11:11 † 5:41 Lu 7:14 †† 5:43 Mk 1:44, 7:36 †† 6:2 Jo 7:15 ††† 6:3 Jo 6:42 ††† 6:4 Jo 4:44 § 6:5 Lu 4:40

§† 6:7 Lu 10:1 §†† 6:8 Lu 10:4-11 §† 6:11 Ap 13:51 §†† 6:13 Je 5:14 §† 6:14 Mt 16:14; Mk 8:28 §† 6:17-18 Lev 18:16 §†† 6:17-18 Lev 18:16

au, Herodias niki pîre wan wirire winor henye. Hir mit han yaaik iuwe neriuwewep, te Herot ketpiwe kar ik: "Ti itauhi me menmen ti hanhanem, te hi tewen ewetitem. ²³ †Menmen mekam ti itauhiyem hi ewetitem. Ti itauhi me menmen hi naanmiprewem te hi enke pinam ewetitem hi wen hetenen pinam."

²⁴ Hirak katip epei au, hire wen witeik witehi miye pîre war ik: "Hi ehitiwekhi mekam?" Hire miye wetpiwe war ik: "Ti ehitiwekhi me mitik kakno kaknep mitik Jon Baptais kerek kikir mit neriuwe tipar hirak kakweto paan kirak." ²⁵ Hire pike wan waswas wetpiwek him iuwe war ik: "In ek ti eweto paan ke Jon ekikre tikenu." ²⁶ Herot kemtau him im, hirak han enuk. Te nîpaa hirak ketpiwe him iuwe, mit yapirwe nemtewek. Te hirak kinapen kaknep Jon, te hirak yink enuk katip mite auye. ²⁷ Te hirak kesiuwe mitik ken kerekir Jon teruk kirak kekre winak enuk. ²⁸ Hirak kewis paan kirak kekre tikenu hirak pike keiyik kan kewet mite rek. Hire wen witeik wewet miye pîre paan ke Jon.

²⁹ Maain mit ne Jon nertei hirak epei kaa, hir nen winak enuk neit yink kirak neiyik nan newisik kekre hei.

Jisas kewet mit nar 5,000 menmen hir naam

(Mt 14:13-21; Lu 9:10-17; Jo 6:1-13)

³⁰ ††Mit aposel ne Jisas pike nan netpiwek menmen hir niriakem natip mit miyapir em. ³¹ †Hirak ketpor kar ik: "Yi eitikewa haiu mamno wit weinik mamu mamit ein." Hirak katip kar ik kentar mit yapirwe nan netpor wanewik ere witaan, te hir ap nau naam menmen taau. ³² Hir hiras nau bot nepno wit weinik.

³³ Te mit yapirwe ne wit yapirwe niri hir nen, hir nerteiri hir neimin, te hir mit miyapir nesiuknen ninin nen wit weinik eik ek nemeriyor hir naninen. ³⁴ †Jisas kenke kinaaiwir bot ken kiun tenhaan kerp ti eik, hirak kir mit yapirwe nererik in, hirak hanhani kentar hir nire sipsip mit naanmiprewem au, hiram mamno heriyai heriyai menmen mamimip mamiwaankem. Hirak katip keteiknor menmen me God yapirwe. ³⁵ †Maain menep kakre witaan hirak wen ketpor him, mit disaipel nirak nan netpiwek nar ik: "Wit weinik ik ek, nepei au kakre witaan. ³⁶ Ti eriuweti enino enrer wit wit enit menmen enim." ³⁷ Hirak Jisas ketpor, "Yi hiras eiwetir menmen hir nanim." Te hir pike netpiwek, "Haiu emno emwir pewek mar 200 kina mamit menmen a? Taauye! Haiu ap meit pewek mei yapirwe au!" ³⁸ Jisas kitorhi kar ik: "Menmen marmenum mepeit in? Yi eino eiwenhisem." Hir epei nen newenhisem, hir pike nan netpiwek nar ik: "Bret hispinak (5) metike saauk wik me wan mepeit in keremem."

³⁹ Hirak epei kertei, hirak katip mit disaipel nirak: "Yi eitip mit hir eninke hasini enu yenkis eim." ⁴⁰ Hirak ketpor kar ek, te hir nenkeri hasini hasini nau nitet yenkis, mit han nar 100, mit han nar 50. ⁴¹ Te hirak ketenen bret metike saauk mau his mirak, hirak kikiamaan men nepni eim kitehi God katip hirak yaaik. Epei au, hirak kewep bret kewet mit disaipel nirak em. Te hir

netiwem neiyim nen newet mit miyapir em. Epei au, hirak pike keit saauk kewetirem hir neiyim nen newet mit miyapir em hir naam. ⁴² Mit miyapir yapirw naam ere tu iuwe, ham au mepeit. Te mit disaipel neit menmen yinam miwaai em kerek mit hir naam au, hir nemi mekre wapnake mar hiswiyen wik (12) ere mau him. ⁴⁴ Hir mit yapirwe nar 5,000 mit keriyen hir nererik naam menmen.

Jisas ken kitet tipar keke niu

(Mt 14:22-23; Jo 6:15-17)

⁴⁵ In ek Jisas katip mit disaipel nirak him manp te hir eninin enu bot enino enrekir wan eniun pinak ein enmeriyiwek enit wit Betsaida. Hirak kakriuwet mit hir nanino heriyai heriyai nanrer wit mir eim. ⁴⁶ ††Hirak Jisas keriuweti hir nen, te hirak ken miniu (o neiyip) kitehi God, hirakit tewepnak. ⁴⁷ Maain witaan man, bot ke mit wen kerekir wan ke nîmin, hirak Jisas kerp ti kepu weinik. Hirak kir mit nirak hir neiyik newen tipar iuwe neriuwet bot ken, te nime miniu meriuwet bot ap ken kiun pinak ein au. ⁴⁸ Menep wanewik, Jisas hirak kitet wan keke niu ken. Hirak kakno kaksipaap mit nau bot, ⁴⁹ ††te hir nirek kitet wan keke niu ken, hir han kitet hirak herwe. ⁵⁰ Te hir ninaain nenepip. Hir nenepip te hirak ketpor kar ik: "Yi han tokik eiyu. Hi Jisas kerekek hi han. Te yi ap eineina au." ⁵¹ †Hirak ketpor epei au, hirak kehîn kinu ketikeri nau bot. Te nime matin meit. Hir nirek, te hir nepirpir iuwe. ⁵² †Hir ap han kitet menmen me bret kerek hirak kiriakem kewet mit em hiram meteiknor hirak Mitik Iuwe. Au, han kir wen toenuk. Mar im te hir nepirpir.

Jisas kikaap mit miyapir hir nînap neit Genesaret

(Mt 14:34-36)

⁵³ Hir nerekir wan ere hir niun tenhaan ken pin eik. Hir ninaaiwir bot nerp tenhaan mit yapirwe hir nir ninaan me Jisas hir nerteiyek hirak keimin. Te hir nen heriyai heriyai ⁵⁵ nerer wit wit hir nenerir mit nînap neri nen newisi niwaai nentar yeno, hir ninani neri nen wit kerek hir nemtau Jisas kewiyen. ⁵⁶ Jisas ken kerer wit kike o wit iuwe, hir mit newis mit nînap hir nau yaain menep yayiwe, hir nitiwekhi te hir newir his netenen klos mirak. Mit kerek newir his netenen klos mirak, hir pike nire yaaik.

Jisas kene mit kerek hir nises him me maamrer, ap nises him me God au

(Mt 15:1-9)

7 Mit han ne Farisi kerek ninin nises him me Moses, hir netike mit han kerek ninin nertei him me Moses natip mit miyapir em, hir ninaaiwir wit Jerusalem nen nererik neit wit eik nanir Jisas. ² ††Hir nir mit disaipel han kerek nises him me Jisas hir nîpaam menmen te hir ninin nekemyet his mir au. ³ (Mit miyapir ne Isrel hir niutip niutip nises him me maamrer te mit ne Farisi hir nisesim iuwe. Hir nekemyet his

† 6:23 Est 5:3, 6, 7:2 †† 6:30 Lu 10:17 † 6:31 Mk 3:20 †† 6:34 Mt 9:36 †† 6:35 Mk 8:1-9

††† 6:46 Mk 1:35; Lu 5:16, 6:12, 9:28 ††† 6:49 Lu 24:37 † 6:51 Mk 4:39 †† 6:52 Mk 8:17 ††† 7:2 Lu 11:38

au, te hir nanim menmen au. ⁴†Hir nanino wit nanit menmen mit nesiwerem meit maket, hir nantiwem pike naninen wit eik hir ninin nanmir au, te hir nanim menmen au. Hir nises him meiyam me maamrer mar im. Hir nekemyet wa hesnu, min me toni, wenkepye, sar metike min me ain. Au, hir ap te nanim menmen taau!)

⁵ Hir mit ne Farisi netike mit kerek ninin nertei him me Moses natip mit miyapir em, hir nitehi Jisas nar ik: "Nenmak mit hir nises him mit, te hir ap nises him me maamrer? Hir naam menmen neriuwe his enum hapik mewim." ⁶††Jisas ketpor kar ik: "Nipaa Aisaia hirak katip him me yi mit kerek yewenin him. Hirak kewis him mau tiwei mar im:

'Mit in newenanipi neriuwe him mir, te han kir kisisa au.

⁷ Hir nitehir newen ninip nine henye newenipi niuk mai weinim. Hir natip mit miyapir him mir hiram mar ke him me God.' ⁸ "Yi yeweikin sip yewet him me God, te yi yises him weinim mit keriyen hir netpiyem."

⁹ Hirak wen ketpor, "Yi yertei werek werek eiweikin sip eiwet him me God te yi eiyses him mi. ¹⁰ †Nipaa Moses kewis him mau tiwei katip kar ik: 'Yi naanmampre miye haai ni eiwenipi niuk mir eikepi, maain yi naanmamprai. Neimin hir nene miye haai nir nanre newirpaan newepik, hir mit han naninip nani nanit.'

¹¹ Te yi mit yatip mitik hak kaktip miye haai hirak menmen hirak maain kakwetirem kakikepi, te hirak kehimitanem kakwet God em, ¹² te maain yi yeriuwesisek hirak ap kakwet miye haai em kakikepi kakriwerem au. ¹³ Mar im yi yewenin him me God yeriuwe menmen maamrer netpiyem yi yisesim yatip mit em. Yi mit yiriak menmen yapirwe enum mar im."

Menmen mit niriakem menip God hirak katip hir enun
(Mt 15:10-20)

¹⁴ Jisas pike kenine mit miyapir yapirwe hirak ketpor kar ik: "Yi mit miyapir yapirwe, yi nikip emnep eiymtau him mai, yi han ekitetim! ¹⁵ ††Menmen mit nanim mamno tu kir hiram ap menip God kaktip mit hir enun au. Menmen mekre han ke mit hiram meweikin han kir hiram menip God hirak kaktip mit hir enun. ¹⁶ Neimin hir enirtei hir nanimtwem."

¹⁷ Maain hirak epei kinaaiwir mit hirak ken winak ken nimen ein, mit hirak nises him mirak hir nitiwekhi me him nipaa hirak ketpim. ¹⁸ Hirak kenemyor naan ketpor kar ik: "Yi wen yepitariyem yar ke mit ein a? Yi yepitari menmen hiram mamno him ke mit hiram menip God hirak kaktip mit hir enun taauye! ¹⁹ Menmen hiram mamno mamike tu kerekek maain mit hir nanino naninerem mamno mune ne heim." (Me him im Jisas katip hirak keteiknai menmen yapirwe me ti hiram yaaim te haiu mamim.) ²⁰ Hirak wen katip, "Menmen enum mekre han ke mit hiram menip God kaktip hir enun. ²¹ ††Menmen mekre han ke mit meit nimen hiram menipi hir han kitet enum, hir nisesan niriran,

hir nekintip menmen o hir nenep mit nani. ²² Hir nari miyapir ne mit han his newenem niwaai netikeri, hir hemkre menepam enum nanit menmen, hir niriak menmen enum meit wit wit heriyai heriyai, hir newenin him, hir nenke perke enum o paan tokik nekitet naan, hir han enuk neriuwe mit hir ninini neit menmen yapirwe, hir netpi nisesi, hir han kitet hir iuwe ninin mit han. Menmen im metike menmen ham enum. ²³ Menmen im yapirwe meit nimen mekre han man hiram menip God hirak kaktip mit hir enun."

Mite pe Finisia witehi Jisas hirak kakepiye
(Mt 15:21-28)

²⁴ Maain Jisas hirak kekrit kinaaiwir wit ik, hirak kepno ken hin me wit Taia. Hirak ken kiun ein, hirak ken kepu winak hak kinapen hir mit en nertei hirak kepu winak eik, te hir nemtewek. ²⁵ In ek, mite hap niki pire herwe enuk kersisep, hire wemtau mit natipan me Jisas. Te hire wen wenke wiwaai ti menep hit me Jisas. ²⁶ Mite ip hire pe Isrel au. Hire miye pire wina (o winiye) weit provins Sairo Finisia. Hire witehi Jisas hirak kakipir herwe kaknopin kakikepin niki pire.

²⁷ Te Jisas katip hirak kakinin kakikaap mit ne Isrel, te hirak ketpiwe tok piksa kar ik: "Nikerek hir eninin enim menmen. Hiram enum te haiu mit mamkin menmen me nikerek mamwirem mamno mamwet nepere rem." ²⁸ Te hire wetpiwek, "Ti atip werek Mitik Iuwe, te nepere mekorir menmen me nikerek minatin miwaai ti."

²⁹ Hirak ketpiwe, "Ti atip werek ik, te ti pike eno witeik. Hirak herwe epei kenke kenpin kinaaiwir niki pit." ³⁰ Hire pike wen witeik, hire wir niki pire wiwaai yeno, hire wertei herwe epei kenke kenpin kekeipniwe.

Jisas kikaap mitik enuk ap katip au, nikip toto

³¹ ††Maain Jisas kinaaiwir wit ke Taia keit ein, hirak ken kewep nimen ke wit Saidon hirak ken menep hin me wit hiswiyen (10) hirak ken ere kiun wan ke provins Galili. ³² ††Mit han neit mitik hak neiyik nen neteikin Jisas ek. Mitik ik hirak nikip toenum katip werek au. Teruk enuk kemerhin (o kemarkik). Hir natip Jisas him iuwe, te hirak kakwis his maminterik kakikepik.

³³ †Hirak Jisas ketiwekhis keriyaak keiyik ken ketikerek tekiyakit tinaaiwir mit yapirwe nererik neit ein. Te hirak kewis histuwak mirak mekre nikip mirak, hirak kenikin timank men nin kirak. ³⁴ ††Te hirak kikiam naan men niu kekin han ketpiwek kar ik: "Efata." Haiu meweikin him haiu matip, "Ti nikip mit emnep emtau menmen." ³⁵ Hirak nikip mirak menep, teruk kerek kemerhin (o kemarkik) epei au, hirak katip werek werek. ³⁶ ††Hirak Jisas ketpor him iuwe te hir enwepyapir menmen im emit! Hirak kehimitenorem katip hir ap enitpim au emit! Te hir newepyapirem iuwe nerer wit wit heriyai heriyai. ³⁷ ††Mit in han kekrit wisenum hir natip nar ik:

† 7:4 Mt 23:25 †† 7:6 Ais 29:13 ‡ 7:10 Eks 20:12, 21:17; Diu 5:16 †† 7:15 Ap 10:14-15 †† 7:21 Ga 5:19-21

††† 7:31 Mt 15:29-31 ††† 7:32 Mk 5:23; Lu 4:40, 13:13 § 7:33 Mk 8:33 †† 7:34 Mk 6:41; Jo 11:41 ††† 7:36 Mk 1:43-45 §† 7:37 Ais 35:5

"Hirak epei kiriak menmen yapirwe yaa'im. Hirak wen kiriak mitik ik nipaa nikip to enum, hirak nikip menep kemtau him."

Jisas kewet mit nar 4,000 menmen hir naam
(Mt 15:32-39)

8 In ek mit yapirwe nererik nan, hir ap neit menmen mei te nanim au. Te Jisas hirak kenine mit disaipel nirak ketpor kar ik: ² "Hi hanhan heriuwe mit in. Hir nau netikewa me wi wikak, te in ek menmen hiram epei au mesi hir ninpi maan." ³ Hi eriuweti nanit ninpi nanino nir ein te hir ninpi mamim naninkewin nanwaai yayiwe. Mit han hir neke yanimin nan." ⁴ Mit nirak netpiwek nar ik: "Haiu mamwetir menmen hir nanim mamirkeik? Wit ik ek hirak weinik." ⁵ Jisas hirak kitorhi kar ik: "Menmen marmenum mepeit?" Hir natip, "Menmen hispinak wik(7)."

⁶ Hirak katip him iuwe te mit miyapir yapirwe hir nanu ti. Te hirak ketenen bret hispinak wik (7), hirak kitehi God em katip hirak yaaik. Te hirak kewenin bret kewet mit disaipel nirak em hir nenkerem newet mit yapirwe rem. ⁷ Hir mit disaipel nirak wen netenen saauk ham kike. Te Jisas kitehi God em, hirak kewet mit nirak em ketpor hir enwet mit han em. Hir newetirem. ⁸ Hir mit yapirwe naam menmen ere tu iuwe. Mit disaipel nirak nen neit menmen yinam wen mepeit, hir neiyim nen nemi mekre wapnake hispinak wik (7) mau him. ⁹ Mit miyapir nar 4,000 hir epei naam menmen im. Hir epei naam, hirak keriuweti nen. ¹⁰ Hirak keriuweti nen, hirak ketike mit disaipel nirak hir nehin ninu nau bot, hirak kerekir wan ken kiun hin me distrik Dalmanuta.

Mit Farisi nitehi Jisas hirak kakriak menmen hir nanirem
(Mt 16:1-4; Lu 12:54-56)

¹¹ In ek mit han ne Farisi kerek hir ninin nises him me Moses hir nan netike Jisas newepnak. Hir nenerek nitiwekhi hirak kakriak menmen kakteiknor hirak God keriuwetek kan ti ik. Hir hanhan nanri han kirak. ¹² Jisas kekin han ketpor kar ik: "Yenmak yi mit yitauhi te hi ariak menmen hi eteikni God keriuweta hi han a? Hi hetpi werek. Hi ap te eteikni yi mit ne ti menmen mar im taau." ¹³ Hirak katip epei au, hirak kinaiwiri kehini kau bot ketike mit nirak, hirak kerekir wan kakno pinak ein.

Tok piksa me him me mit ne Farisi netike him me mitik iuwe King Herot
(Mt 16:5-12)

¹⁴ Hir mit disaipel nirak neit bret au, hir han kaa rem. Kiutip kiwaai kekere bot kepeit kerekek. ¹⁵ Bot hirak wen kerekir wan, hirak Jisas katip him iuwe ke him enum mit newepyapirem natip hiram yaa'im metike menmen mit ne mitik iuwe King Herot niriakem. Hirak ketpor, "Naanempre hiras. Yi einopin eikeipin yis me

† 8:2 Mk 6:34-44 †† 8:11 Mt 12:38 † 8:12 Lu 11:29 †† 8:15 Lu 12:1

mit ne Farisi metike yis me mit ne Herot." ¹⁶ Te hir natipan nar ik: "Haiu han kaa bret te hirak kenai ketpaiyem." ¹⁷ Jisas kemtau hir natipan, te hirak ketpor kar ik: "Yenmak te yi yatip yi han kaa bret a? Yi ap han kitet menmen werek werek wen au a? Han ki au to enuk a?"

¹⁸ "Yi nanamir kewi te yi yir menmen au. Yi nikip mewi, te yi yemtau menmen au. Yi han kaa menmen im a?" ¹⁹ Nipaa ein hi ewepep bret mar hispinak (5) me mit nar 5,000, yi yeit yinam mekre wapnake mau him marmenum a?" Hir netpiwek, "Haiu memi mar hiswiyen wik (12)." ²⁰ Hirak ketpor kar ik: "Me bret hispinak wik (7) me mit nar 4,000 yi yeit yinam yemi mekre wapnake mau him marmenum a?" Hir netpiwek, "Haiu meit hispinak wik (7)." ²¹ Hirak ketpor, "Yi wen yepitari a? Hi ap heni me bret au. Hi hetpi yi einopin ap eiyises him enum mit ne Farisi natip mit hir enisesim."

Jisas kikaap mitik ke Betsaida hirak nanamir toto

²² Maain hir nen niun wit Betsaida. Hir mit han nari mitik nanamir toto hir neiyik nan nir Jisas, hir nitiwekhi him iuwe te hirak kakwis his maminterik. ²³ Jisas keteninwek his kariyaak ken kinaaiwir wit ken kerp pin eik. Hirak kenikin timank men nanamir kirak, hirak kewis his menterik. Te hirak kitiwekhi kar ik: "Ti hir menmen o au?" ²⁴ Hirak mitik kiwaainaan kir ein ein katip, "Hi hir mit neke ti o hi hir nu waai?" ²⁵ Hirak Jisas pike kewis his mentar nanamir kirak. In ek hirak mitik kir himin naan menmen hirak kirem werek werek yaa'im. ²⁶ Hirak nanamir yaaik te Jisas kare kaksuwarek kakno, hirak ketpiwek kar ik: "Ti ap eno wit Betsaida eik, au emit! Ti eno nit en kerekek."

Pita kewepyapir Jisas hirak mitik Krai God kesiuwerek kan ti
(Mt 16:13-20; Lu 9:18-21)

²⁷ Maain Jisas ketike mit disaipel nirak nen nerer wit wit me Sisaria Filipai. Hir wen nepno hirak kitehi mit nirak kar ik: "Mit hir nenewa hi keimin?" ²⁸ Mit nirak hir netpiwek nar ik: "Mit han natip ti Jon kerek kikir mit nekre tipar ti pike hekrit heke herwe hei han. Mit han natip ti profet Ilaija ti hinaaiwir wit ke God hekiuwe han ti ik e. Mit han natip ti mitik profet hak nipaa natip him me God newepyapirem natip mit em, ti pike hekrit heke herwe hei han." ²⁹ Hirak Jisas kitorhi, "Te yi han kitet hi keimin?" Hirak Pita ketpiwek, "Ti Mitik Krai kerek God kehimitanit kerek ti ekepai haiu mit keriyen." ³⁰ Jisas ketpor him iuwe, "Yi ap eiwepyapir hi keimin au emit!"

‡‡ 8:17 Mk 6:52 ‡‡‡ 8:18 Jer 5:21; Esi 12:2; Mk 4:12; Ap 28:26
‡‡‡ 8:19 Mk 6:41-44 § 8:20 Mk 8:6-9 §† 8:23 Jo 9:6 §††
8:26 Mk 7:36 §‡ 8:28 Mk 6:15 §†† 8:29 Jo 6:68-69 §† 8:30 Mk 9:9

Jisas katip maain hirak kaki hirak pike kakikrit

(Mt 16:21-28; Lu 9:22-27)

³¹ In ek, hirak kinin ketpor kar ik: "Maain hi Mitik ke wit ke Mitik Iuwe hi yink kai kakiyewo iuwe. Haairer netike mit iuwe pris kerek newet God menmen me mit, hir netike mit ninin nertei him lo me Moses, hir nanineina te hir naniyep hi hahi. Te maain wi wikak, hi pike ekrit ehu." ³² Jisas katip him kepakin menmen au, hirak kewepyapirem. Te Pita ketpiwek keriyaaq keiyink ken pin eik hirak kenerek ketpiwek kar ik: "Ti han kitet menmen mar im au emit." ³³ Jisas keweikin kir mit disaipel nirak han te hirak kene Pita ketpiwek kar ik: "Seten ti enopin ekeipno. Ti ap han kitet menmen har ke God han kitetim au. Ti han kitet menmen har ke mit keriyen."

³⁴ Maain Jisas kenine mit yapirwe netike mit disaipel nirak. Hir nan nererik nau, te hirak ketpor kar ik: "Neimin hir hanhan nanisisa nanimtau him mai, hir hanhan hiras au. Hir ap nehinhin eninaain menmen enum mamnen mamriwaank nentar hir nises him mai." ³⁵ Neimin niriak ek au, te hir nare nanu nanit menmen yapirwe, maain hir maain nani. Te neimin nani nanintar him mai hir nisesim, hir nantikewa nanu nanit. ³⁶ Mitik hak keit menmen yapirwe me ti te himin kirak hirak kakiwaank, mamirkeik te hiram mamkepik hirak kaktike God tatu werek a? Taauye! ³⁷ Mitik kakwet God mekam te hirak kakwetiwek himin hak yaaik kirak a? Taauye! ³⁸ Neimin ne yi mit yi yink enuk ap eitip mit enun ne ti ik yi yises him mai, maain me wi hi Mitik ke wit ke Mitik Iuwe hi heit menmen me Haai merhihe mewepna, hi anen eharp ti hetike mit ensel nai, hi eweikin sip ewet yi mit."

⁹ Jisas ketpor kar ik: "Hi etpi werek. Mit han nepu nepeit in hir nani wen au, te hir nanir menmen iuwe God kiriakem mamnen hirak keiyim naanmampre mit kakriuwere." "

Mit disaipel nir yink ke Jisas hirak keweikin kire menmen ham

(Mt 17:1-13; Lu 9:28-36)

² Maain wi hispinak kiutip (6) epei men, hirak Jisas keithis Pita, Jems, Jon tetikerek ten miniu (o neiyip) kau niu ein. Hirakit tepu weinim. Mit han au. Hirakit tirek keweikin his keit in. ³ Laplap mirak merhihe mire hike, te hir mit ne ti hir ap te niriakem mar im taauye. ⁴ Hirakit tir Ilaija ketike Moses, hirakit maam nipu te nipa ein, hirakit wik tetike Jisas tewepnak. ⁵ Hirak Pita kir menmen im te hirak katip Jisas kar ik: "Haai, haiu mau in hiram yaaim. Haiu mamwep weisak wikak. Kiutip kit, kiutip ke Moses, kiutip ke Ilaija." ⁶ Hirak Pita katip him in kentar hirakit tinaain te Pita kepitari him mekak hirak ketpiyem, te hirak ketpi him im o him eim. ⁷ Hirak katip epei au, napi kiwapini, hirakit temtau him me God meke napi man matip mar im: "Hirak

Nikan kai ik hi hanhanek. Nikip emnep yi eiyimtau him mirak." ⁸ Hiram matip epei au, napi kewep ken hirakit terenaan waswas tir mitikit wik au. Hirakit tenep teit pike ten wit ke God. Jisas kerekek hirak kepu.

⁹ Hirakit tekiuwe miniu (o neiyip) Jisas kewenet ketpiwekit hirakit ap tewepyapir menmen hirakit epei tirem au emit ere maain hirak Mitik ke wit ke Mitik Iuwe hirak kaki pike kakikrit kaku. ¹⁰ Hirakit temtau him mirak hirakit tepakinek. Te hirakit titehiyakit menmen Jisas ketpiwekitem me maain hirak kaki pike kakikrit kaku. ¹¹ Te hirakit titiwekhi tatip tar ik: "Nenmak mit ninin nertei him lo me Moses hir natip Ilaija kakinin kaknen, te maain Mitik Krai kkaru kaknen?" ¹² Jisas ketpiwekit, "Hirak Ilaija kakinin kaknen pike kakriak menmen ere werek. Te nenmak hir mit ne nipa ein newis him mau tiwei me hi Mitik ke wit ke Mitik Iuwe hi yink kakiyewo iuwe, mit hir nanitetaunaan a? ¹³ Te hi hetpi werek. Hirak Ilaija epei kan, te mit hir nerekiwek nises han kir mar ke nipa mit newisim mau tiwei. Hirak Jon kerekek."

Jisas kikaap nikan hirak kepir herwe enuk kenpin kekeipniwek

(Mt 17:14-21; Lu 9:37-43)

¹⁴ Hirak ketpiwekit epei au, hirakit tan tir mit disaipel nirak han. Hirakit tir mit yapirwe nan nererik neweiknor. Mit disaipel hir netike mit hir ninin nertei him lo me Moses hir nenehan me menmen. ¹⁵ In ek hir mit nir Jisas kan te hir han kekrit han yaaik nen natip nar ik: "Ti epei han." ¹⁶ Hirak ketpor, "O hi epei han." Te hirak kitorhi, "Yi yenehan yektaan mekam?" ¹⁷ Mitik kiutip ke hir yapirwe hirak ketpiwek kar ik: "Haai, hi epei hari nikan kai heiyik han. Hirak herwe enuk kersisek kewek teruk. ¹⁸ Me wi hirak kersisek, hirak kewirek kiwaai ti, hirak nikan kenikin mar tiwerpek, hirak kenip yehes mirak kikir kikir, yink kererwo. Hi hitehi mit disaipel nit hir nanipir herwe kakno, te hir taauye!"

¹⁹ Jisas hirak kemtau him im te hirak keneri kar ik: "Yi mit miyapir kerek yi ap han ekitita? Wi marmenum hi ehu emeryi te yi han ekitita? Ehit nikan eiyik enen."

²⁰ Hir neiyik nan hirak herwe enuk kir Jisas. Herwe enuk kir Jisas, hirak han enuk kersis nikan kenipek kenke kiwaai ti. Nikan keweikin heriyai heriyai, hirak kenikin mar tiwerpek.

²¹ Jisas kitehi haai kirak kar ik: "Wi marmenum hirak kirak kar ik e?" Haai kirak ketpiwek, "Nipa hirak nikan kike ere in. ²² Hekrit hekrit hirak herwe kersisek te hirak kewirek kekere si o kekere wan tipar te hirak kaknep hirekes kaki. Ti iuwe ti hertei epi herwe eik, te ti hanhanai ekepik." ²³ Jisas hirak kenerek kar ik: "Ti henmak ti atip te hi hertei a? Keiyin han kitita hirak kakriak menmen yapirwe." ²⁴ Waswas haai kitehi Jisas him iuwe, "Hi han kitetit iuwe au, kike keremem. Ti ekepa te hi han ekitetit iuwe." ²⁵ Jisas kir mit yapirwe nesiuknen nan nererik neweikniwek nanirek, hirak

† 8:34 Mt 10:38-39 †† 8:35 Lu 17:33; Jo 12:25 ‡ 8:38 Mt 10:33 †† 9:1 Mk 13:30 †† 9:7 Mt 3:17; 2Pi 1:17-18; Diu 18:15; Ap 3:22

††† 9:9 Mt 12:16; Mk 8:30 ††† 9:12 Mal 4:5; Sam 22:1-18; Ais 53:3 ‡ 9:13 Mt 11:14 ‡† 9:23 Mt 21:21; Mk 11:23 ‡†† 9:24 Lu 17:5

kene herwe enuk ketpiwek kar ik: "Ti herwe enuk her-sisek hewek teruk hemesisiwek nikip paan toto, hi het-put him iuwe ti etpaan eno ekeipniwek ap pike eno ekrerek au ekrit. Ti enopin." ²⁶ †Hirak herwe kekere nikan hirak kenepip pike kenep nikan, hirak kaa keperper, hirak herwe kenpin kekeipniwek ken. Hirak nikan kiwaai kire mitik epei kaa, te mit yapirwe natip, "Hirak epei au kaa." ²⁷ †Te Jisas keriyiwek his men niu kari nikan hirak kekrit.

²⁸ †Maain hirak ken winak nimin ein, hir mit disaipel nirak nitiwekhi nar ik: "Menmak te haiu ap mepirek ken au a?" ²⁹ †Jisas hirak ketpor, "Yi yepir herwe enuk kar ik yeriuwe menmen ham au. Prea keremem."

Jisas katip keteipim hirak kaki, maain hirak pike kakikrit

(Mt 17:22-23; Lu 9:43-45)

³⁰ ††Maain hir ninaaiwir wit ik, hir nen nitet yayiwe neke nimin ke provins Galili, te hirak kinapen mit yapirwe hir nanirteiyek. ³¹ †Hirak kinapen kentar hirak hanhan katip mit disaipel nirak him mirak. Hirak ketpor kar ik: "Hi Mitik ke wit ke Mitik Iuwe mit han hir nanriuweta hi eno his me mit enun hir naniyep hi hahi. Maain, wi wikak, hi pike ahikrit hahu." ³² ††Hir han kitet him mirak hir nepitariyem. Te hir ninaain nanitiwekhi me menmen hirak ketporem.

Keimin hirak kire mitik iuwe

(Mt 18:1-5; Lu 9:46-48)

³³ †Hir newepnak epei au, hir nen niun wit Kapaneam. Hir epei nen winak nimin ein, hirak kitorhi kar ik: "Ni-paa haiu wen mipitet yayiwe, yi yatipan mekam?"

³⁴ ††Hir au nekintip nentar nipaa hir natipan me hir hiras keimin ke hir hirak kinini iuwe. ³⁵ ††Jisas kau yeno kari mit hiswiyen wik nirak (12), hirak ketpor kar ik: "Mitik hak kakinin mit han, hirak ekikaru ekikriak menmen mir weinin." ³⁶ †Hirak kari nikan kewisik kerp keit nimin. Hirak keiyewewik ketpor, ³⁷ †††Mit neimin kerek hir nikaap mitik kiutip kar ke nikan ik nentar hir nises him mai, hirak kar ke hir nikaap mitik kerekek au. Hir nekepek ketikewa. Mit kerek nekepa, hir nekepa kerekek au. Hirak kar ke hir nekepa hetike Mitik Iuwe kerek keriuweta hi han ti ik."

Neimin hir nirak menmen mar ke haiu miriakem, hir nau yinan

(Lu 9:49-50)

³⁸ †Hirak Jon ketpiwek kar ik: "Mitik Iuwe, haiu mir mitik hak kepir herwe enum kekine niuk mit, te haiu meriuwesisek kentar hirak kises him mit ketikewai au. Haiu mit keriyen." ³⁹ ††Jisas ketpor kar ik: "Yi yeriuwesisek au ekrit! Mitik kerek kiriak menmen yaaim iuwe kekine niuk mai, hirak ap te kaktip enum me hi waswas taau." ⁴⁰ †††Neimin hir nirak menmen mar ke

haiu miriakem, hir nau yinan. ⁴¹ ††Hi hetpi werek. Mit han nekepi, hir neweti tipar mei yi yayim yentar yi yises him me hi Kraiss, God hirak ap han kaa menmen im au. Maain hirak kakwetir menmen yaaim.

Menmen enum mitik hak kiriakem mamiwaank him mitik hak kisesim

(Mt 18:6-9; Lu 17:1-2)

⁴² †"Mitik hak kakriak nikan hak ke nikerek yapirwe in hir han kitita kar ik, te hirak keweikin han kirak te hirak kakriak enum, hirak yaaik te mit han hir nankaaip nan kariyiwewik teruk hir nanwirek kakno kakikre wan kaki te maain hirak ap kakriak menmen ham enum te God han enuk wisenuk kakiwaankek kakikre si. ⁴³ ††Ti hirak menmen enum heriuwe his mit te ti eremir meiyam pinam ewirem. Ti eremir meiyam pinam ewirem hiram enum kike mentar ti ap eriak menmen enum ti etike God yi eiyu eyit tipmain tipmain enum eik. Te ti his mit wik mepwit ti eriak menmen enum ere ti eno si tatiknenit te ti ehu en tipmain tipmain enum eik, hiram menmen enum iuwe. ⁴⁴ [Ti eno wit enuk ik, henek hiram mamik yink ki hirak kaki au, si mami au mamu tipmain tipmain enum eik.] ⁴⁵ †Ti hirak menmen enum heriuwe hit mit, te ti eremir meiyam pinam ewirem. Ti hit miutip keremem mepwit hirak enum kike. Ti etike God yi eiyu eyit tipmain tipmain enum eik. Te ti hit mit wik mepwit ti eriak menmen enum ere ti eno si tatiknenit ti ehu tipmain tipmain enum eik, hiram enum wisenum. ⁴⁶ [Ti eno wit enuk ik, henek hiram mamik yink ki hirak kaki au, si mami au mamu tipmain tipmain enum eik.] ⁴⁷ ††Ti hirak menmen enum heriuwe nanamir kit, te ti eket keiyak ewirem. Ti nanamir keiyak kiutip kepwit hirak enuk kike. Ti hetike God yi eiyu eyit tipmain tipmain enum eik. Te ti nanamir wik kepwit te ti hirak menmen enum ere ti eno si tatiknenit ti ehu tipmain tipmain enum eik, hiram enum iuwe. ⁴⁸ ††Ti eno wit enuk ik, 'henek hiram mamik yink ki hirak kaki au kaku, si mami au mamu tipmain tipmain enum eik.' ⁴⁹ †Sol (o siyak) mamno mamikre menmen mamnipem hiram yaaim mamtin him. Mar im menmen enum kerek mewaank mit, hiram mamkepi yi yayir ke mit yaain. ⁵⁰ †††Sol hiram menmen yaaim. Hiram merekir nin au, hiram enum mire tipar harik, te yi yarkeik eiriakem te hiram pike mamrekir nin a? Taauye! Yi yire sol (o siyak) yi han kitet menmen yaaim te yi eitike mit han yi eikiyan eiyu eyit."

Jisas katip him me mit hir nepir miyapir nir

(Mt 19:1-12; Lu 16:18)

10 †Maain Jisas kinaaiwir wit Kapaneam hirak ken kiun hin me provins Judia. Te hirak ken kerekir mani Jodan ken pinak kerek wepni kekai kan. Hir mit yapirwe ne wit yapirwe pike nan nererik nanirek. Hirak pike ketpor kar kerek nipaa ein hirak kiriakem. ² †Hir mit han ne Farisi kerek ninin nises him me Moses, hir

† 9:26 Mk 1:26 †† 9:30 Jo 7:1 † 9:31 Mk 8:31, 10:32-34 †† 9:32 Lu 18:34 †† 9:34 Lu 22:24 ††† 9:35 Mt 20:25-27; Mk 10:43-44 ††† 9:37 Mt 10:40 † 9:38 Nam 11:27-29 †† 9:39 1Ko 12:3 ††† 9:40 Mt 12:30; Lu 11:23

§† 9:41 Mt 10:42 §†† 9:43 Mt 5:30 †† 9:47 Mt 5:29 §† 9:48 Ais 66:24 §†† 9:50 Mt 5:13; Lu 14:34; Kl 4:6; Ro 12:18; 1Te 5:13

nan niun Jisas newisesik, hir nitiwekhi nar ik: "Him lo me maamrer hiram mewis mitik hak kepír mite pirak hire wauno waunaiwirek o au?"³ Jisas hirak kinin ki-torhi him ham kar ik: "Him me Moses hiram matip mekam?"⁴ Hir natip, "Him me Moses mewis mitik hirak kewis tiwei kakwet mite pirak ek, te hirak kakkirep wauno."⁵ Jisas ketpor kar ik: "Hirak Moses kewis him im mentar yi mit enun han to enuk.⁶ Nipaa enum eik God kiriak ti ketike menmen yapirwe, hirak kewis mitik ketike mite pirak.⁷ Mar ik te mitik hak kakanaiwir miye haai nirak, hirak kaktike mite nanu nanit,⁸ hir nankiyan nanu nanir ke yink kiutip. Hir wik au, hir nire niutip.⁹ Te mitik mite God kerekyor hir neitan, hir mit han ap te nanriuwetep wauno waunaiwirek taau."

¹⁰ Maain hir mit nirak netikerek nau winak neit nimin ein, hir nitiwekhi me menmen im.¹¹ Te Jisas ketpor kar ik: "Mitik hak kepír mite pirak kakit mite hap, hirak kiriak enum me mite winin nipaa hirak ketiwe.¹² Mar keremem, mite piutip waunaaiwir mitik kire wawit mitik hak, hire wiriak enum me mitik kinin nipaa hire wetiwek."

Mit neit nikerek kike neri nan nir Jisas

(Mt 19:13-15; Lu 18:15-17)

¹³ Mit han neriuwet nikerek nir nanir Jisas te hirak kakwis his maminteri kakitpor him yaim. Te mit disaipel nirak hir neneri.¹⁴ Jisas kir menmen im, hirak han enuk katip mit disaipel nirak kar ik: "Yi eiwis nikerek hir naninen in. Yi ap eiweni au emit! Hir mit kerek God hirak naanmipror hir nar ke nikerek in. Hir hanhana.¹⁵ Hi hetpi werek. Mit kerek hir hanhan God hirak naanmampri, hir nanises him mirak nanir ke nikerek in hir nises him me miye haai nir, o au en, hir ap te nanu nantike God taau!"¹⁶ Hirak katip epei au, hirak kewis his mirak menteri hirak ketpor him mirak yaaim.

Him me mitik kerek keit menmen yapirwe

(Mt 19:16-30; Lu 18:18-30)

¹⁷ Menep te Jisas kaknaaiwir wit ik kakno, mitik hak kesiuknen kan kir Jisas kewen ninip kitiwekhi kar ik: "Mitik Iuwe Yaaik. Hi ariak mekam te hi ehít himin yaaik hi etike God hawir ewu tipmain tipmain enum eik?"¹⁸ Jisas ketiwekhi kar ik: "Ti henmak te ti atip hi Mitik Iuwe yaaik a? Hirak God kiutip kerekkek hirak Mitik Iuwe Yaaik.¹⁹ Ti hertei him God ketpaiyem. Ti ap enep mit nani au, ti ewaai etike miyapir ne mit han au. Ti ap ekintip menmen me mitik hak au. Ti ap ewises mit han ek au. Ti naanempre miye haai nit ekepi."²⁰ Hirak katip Jisas kar ik: "Mitik Iuwe, hi hisesim, hi kike ere in."²¹ Jisas kipirek hirak hanhanek ketpiwek kar ik: "Menmen miutip wen meweninit ti hises him me God werek werek. Ti eno esiuwe menmen yapirwe mit ti ewet mit em weinim, te maain menmen mit yaaim mamu wit ke God. Ti esiuwerem epei au, ti enen

† 10:4 Diu 24:1-4; Mt 5:31 †† 10:5 Jen 1:27, 5:2 ‡ 10:7 Jen 2:24; Ef 5:31 †† 10:11 Mt 5:32; 1Ko 7:10-11 †† 10:15 Mt 18:3 ††† 10:19 Eks 20:12-17; Diu 5:16-20, 24:14; Je 5:4 ††† 10:21 Mt 10:38, 6:20; Mk 8:34

ehisisa."²² Mitik hirak kemtau him im, hirak han kekrit pike ken hirak kine han enuk kentar hirak ketenen menmen yapirwe kinapen kakwet mit em weinim.

²³ Jisas kiwaainaan katip mit disaipel nirak kar ik: "Hiram hat tru te mit kerek netenen menmen yapirwe te hir nanwis God naanmipri."²⁴ Hir mit disaipel nirak nemtau him mirak, hir nehinhin neriuwerem, te hirak wen ketpor, "Pipep nai, hi hetpi. Hiram hat tru te mit hir nanino wit ke God nanu nantikerek."²⁵ Hirak miyak kamel (hirak iuwe kire hos) kakno kakitet hei me tik mit nekerwo menmen neriuwerem hirak ap hat wok iuwe mar ke mit netenen menmen yapirwe hir hanhan nanises him me God te hirak naanmampri."²⁶ Mit disaipel nirak nemtau him im, te hir han kekrit nitehiyan nar ik: "Hiram him mar im, te neimin hir nantike God nanu nanit hirak naanmampri a? Taauye!"²⁷ Jisas kipiri ketpor, "Hir mit ne ti ap te nanriak menmen miutip hir nankaap hiras, te hir nanit himin yaaik hir nantike God nanu. God kerekkek. Hirak God kertei menmen yapirwe hirak kakriakem kakikaap mit kakriuw-erem."

²⁸ Pita hirak ketpiwek kar ik: "Hiau minaaiwir menmen yapirwe misesit."²⁹ Jisas hirak katip, "Hi hetpi werek. Mit miyapir kerek ninaaiwir witeik, o heiyiuwe o kikrek o yenten o miye haai o nikerek nir nentar hir nisisa hetike him mai yaaim, hir nanu ti nanit 100 witeik,³⁰ heiyiuwerer, kikrek, yenterer miyerer haairer, nikerek nir netike ti meiyam. Te hir mit nanrekyor enum enum nanintar hir nises him mai. Maain, hir nanit himin yaaik hir nantike God nanu nanit tipmain tipmain enum eik.³¹ In ek mit kerek hir ninin, maain hir nankaru. In ek hir mit kerek hir nikaru o hir mit weinin, maain hir iuwe naninin mit han."

Jisas katip wikak hirak kaki, te maain hirak pike kakikrit

(Mt 20:17-19; Lu 18:31-34)

³² Hir wen nitet yayiwe nepno wit Jerusalem, Jisas kinini ken. Mit disaipel nirak hir nertei mit iuwe neit Jerusalem hir hanhan nankip kaki, te hir han kekrit. Mit miyapir han kerek nisesik, hir ninaain. Jisas hirak pike kerp kemerir mit disaipel nirak nar hiswiyen wik (12), hirak ketpor menmen maain mit neit Jerusalem hir nanrekyiwekem.³³ Hirak ketpor kar ik: "Nikip emnep yi eiyimtau! Haiu mamno Jerusalem. Hi Mitik ke wit ke Mitik Iuwe, mit iuwe pris kerek newet God menmen me mit, hir nantike mit ninin nertei him lo me Moses, hir nantauhish hir nehimitena hi hahi, hir nanriuweta hi eno his me mit han hir ap ne Isrel, te hir naniyep hi hahi.³⁴ Hir nanititaunaan hir naninikin ti-mank mamintera, hir nanwaai nipin naniyep. Hir naniyep hi hahi, te maain wi wikak epei men, hi pike hahikrit hahu."

§ 10:23 Mk 4:19; 1Ti 6:17 †† 10:27 Jop 42:2; Mk 14:36 ††† 10:31 Mt 20:16; Lu 13:30 †† 10:33 Mk 8:31, 9:31

Jems ketike Jon hirakit hanhan tatre mitik iuwe

(Mt 20:20-28)

³⁵Jems ketike Jon hirakit nikerek hirakit te mitik niuk mirak Sebedi hirakit ten tirapit Jisas tetpiwek tar ik:

"Mitik Iuwe, hawir hanhan (o weikikit) menmen hawir wituthiyem." ³⁶Hirak ketpiwekit, "Hi herekyi mekam?"

³⁷Hirakit tetpiwek tar ik: "Ti ewisawir maain ti naanmampre mit, hawir wautikewit hawir waukepit naanmampre mit hawir wawu menep his yaaim metike his henkik mit." ³⁸Hirak ketpiwekit kar ik: "Yi yepitari yi yitauhi menmen wisenum. Yi te eiwis menmen enum mamnen mamiwep mamir ke menmen enum hiram mamnen mamiyep o au?" ³⁹Hirakit tewenhi tar ik: "O, hawir werteyem." Jisas ketpiwekit, "Maain menmen enum mamiwep mamir ke hiram mamiyep." ⁴⁰Te hi ewisi yi eitikewa naanmampre mit te yi yau menep his yaaim o his henkik mai au. Hi taau. Mit han kerek God Haai kehimiteni, maain hir keriyen nanu ein nantikewa naanmampre mit."

⁴¹Hir mit disaipel han nar hiswiyen (10) nemtewem, hir han enuk neriuwe Jems ketike Jon. ⁴²Te Jisas hirak kari mit disaipel nirak ketpor kar ik: "Yi yertei mit kerek ninin mit naanmipror hir nenipi hir enises han kir.

⁴³Te yi ap eiriak menmen emir im au emit. Keimin ke yi hiras kakre iuwe kakinini, te hirak kakriak menmen mi. ⁴⁴Keimin ke yi hiras hanhan kakinini kakre mitik iuwe, te hirak ekriak menmen mi weinim. ⁴⁵Hi Mitik ke wit ke Mitik Iuwe hi ap han te hir mit nanriak menmen mai au, taauye! Hi han te hi ariak menmen me mit hi akepi. Hi hahi te hi akepi yi mit ne ti yapirwe. Hi akepi atihis te God kakiwep au. Hirak kaktip yi yaain."

Jisas kikaap mitik hak nanamir toto

(Mt 20:29-34; Lu 18:35-43)

⁴⁶Hir nen niun wit Jeriko. Maain Jisas epei kaknaaiwir wit ik kaktike mit nirak, hir nitet yayiwe netike mit yapirwe. Hirak mitik Batimias nanamir toto hirak nikan ke Timias, hirak kau yayiwe kitehi mit nanwetiwep pewek me menmen hirak kakim. ⁴⁷Hir mit netpiwek Jisas ke wit Nasaret epei kan, te hirak kinap keninewek kar ik: "Jisas ti Nepenyek ke maam nipu iuwe Devit, ti han etwenina ekepa." ⁴⁸Hir mit yapirwe nenerek netpiwek hirak kekintip, te hirak au. Hirak kinap keninewek him iuwe ham kar ik: "Nepenyek ke Devit, ti han etwenina ekepa." ⁴⁹Jisas hirak kerp ketpor kar ik: "Eninewek eiyik einen." Te hir nenine mitik ik nanamir toto hir netpiwek nar ik: "Ti han yaaik ehu. Ekrit. Hirak epei keninut." ⁵⁰Hir netpiwek te hirak kenke saket kewirem miwaai ti, hirak kin kekrit kerp ken kiun Jisas. ⁵¹Jisas kitiwekhi kar ik: "Ti hanhan hi erekyut mekam?" Mitik enuk nanamir toto ketpiwek kar ik: "Mitik Iuwe, ti ekepa hi ahir ein ein." ⁵²Jisas ketpiwek, "Ti eno we. Ti epei han kiteta hi ekepit, te ti ehu werek." In ek kerekek hirak kir ein ein kisesik ken yayiwe eik.

† 10:38 Mk 14:6; Lu 12:50 †† 10:39 Ap 12:2; Rev 1:9 ‡
10:42 Lu 22:25-26 †† 10:43 Mt 23:11; Mk 9:35 †† 10:45 1Ti 2:5-6
‡‡† 10:47 Mt 9:27, 15:22 ‡‡‡ 10:52 Mk 5:34

Jisas ken wit Jerusalem kire mitik iuwe king

(Mt 21:1-11; Lu 19:28-40; Jo 12:12-19)

11 Maain hir epei nen menep wit Jerusalem, hir nerp wit Betfasi menep miniu (o neiyip) mit newek neiyip ke nu Oliv. Te Jisas hirak keriuwet mitikit disaipel tirak wik, ²hirak ketpiwekit kar ik: "Yi eino wit kike pinak eik e. Yi eirekir wit kau nimir kike, te yi eiyir donki nikik (hirak kire hos) mit hir nekaaip waai kau teruk kirak kiyau nu. Mit hir nau sip kirak wen au. Yi ei siupanek eiyik einen. ³Mit han hir nanitihi, 'Yi yiriak menmen im yenmak?' te yi eiyitpor eiyir ik: 'Hirak Mitik Iuwe kiau kare hanhanek kaktiwek.' Yi eiyitpor eiyir ek, te hir nanisiuwerek kaknen waswas." ⁴Te hirakit ten tir hos nikik keit weipir ke winak, te hirakit tesiupanek. ⁵Mit han nerp menep nitiwekithi nar ik: "Yi yenmak te yi yesiupan donki ik ek?" ⁶Hirakit tetpor menmen nipaa Jisas ketpiwekit, te hir newisikit hirakit teiyik ten. ⁷Hirakit teit donki teriyaak teiyik ten Jisas. Hir mit disaipel nirak newis saket mir (hiram mire laplap) miwaai menterik. Te Jisas kewik. ⁸Hir mit yapirwe newis saket miwaai ti nesese yayiwe neriuwerem. Mit han hir neremir nu heneik neiyim nen newisim miwaai yayiwe kerek hir netiwem me ni me yayiwe pinak pinak. ⁹Hir mit han ninin nen netike mit han nisesik hir ninap natip nar ik:

"Hiau emwenipi God. Mitik ik hirak kekrehir ke God te hiau hanhan God hirak kakrekiwek yaaim naanmamprewek.

¹⁰God kakikaap mitik ik hirak menep kakinin naanmamprai hiau mit kar ke nipaa maam nipu kiau Devit kinin naanmire maamer nau. God hirak yaaik iuwe!"

¹¹Jisas hirak ken kiun wit Jerusalem hirak ken kinik winak iuwe ke God ein. Epei hinkewi, te Jisas kerenaan kir menmen, hirak pike ken wit eik, hirak ketike mit disaipel nirak nar hiswiyen wik (12) hir pike nen wit Betani.

Jisas katip nu fik hirak ap kakine nu nikim meiyam au

(Mt 21:18-19)

¹²Teip hekrit, hirak kinaaiwir wit Betani, Jisas ninpi maak kepno. ¹³Hirak kir nu fik kerp yanimin ein, te hirak ken kakir nu nikim mari mewik o au. Tiwei weinim keremem. Hirak ap wepni yaaik wen au. ¹⁴Te hirak ketpiwek kar ik: "Maain ti ap ari eine nu nikim meiyam au." Mit disaipel nirak nemtewek hirak katip.

Jisas ken winak iuwe ke God kepir mit kerek nesiuwe menmen

(Mt 21:12-17; Lu 19:45-48; Jo 2:13-22)

¹⁵Hir nen niun wit Jerusalem, Jisas hirak ken kekere winak iuwe ke God. Te hirak kepir mit kerek nesiuwe menmen neit pewek mererim. Epei au, hirak kepir mit kerek neit menmen newet God em nekre winak iuwe ke God. Hirak keweikin kinaan me mit enun hir nekre-hir pewek me mit ne wit ham. Hirak keweikin yeno me

mit enun hir nesiuwe hore tapi men mit pris kerek newet God em. ¹⁶ Hirak ap kewis mit hir ninan menmen meit winak iuwe ke God nimin ein, au! ¹⁷ †Epei au, hirak ketpor him kar ik: “Yi ap yertei him mau tiwei me God matip mar ik: “Yi yertei winak kai hirak kire winak ke mit ne wit yapirwe hir naninen nanwenanipi nani-tauhi menmen nanit nimin a? Te yi mit yiriakek kar ke winak ke mit enun nekintip menmen.”

¹⁸ ††Hir mit iuwe Pris kerek ninin naanmipre pris han, hir netike mit hir ninin nertei him me Moses, hir nemtewek te hir nimenipin Jisas nankip nanirkeik. Hir nineinik nentar mit yapirwe hir han yaaik nanimtau him me Jisas. ¹⁹ Maain menep witaan, Jisas hirak ketike mit disaipel nirak hir ninaaiwir wit nen.

Mit kerek hir han kitet God nitiwekhi menmen, hir nantiwem
(Mt 21:20-22)

²⁰ †Wanewik hir pike nanino wit Jerusalem, hir nesi-paat nu Fik. Hirak keweimei kaa. ²¹ Hirak kerek te Pita han kitet menmen Jisas nepip ketpim. Te hirak ket-piwek kar ik: “Mitik Iuwe, nepip ti hatip nu fik ik enum, te hirak epei kaa.” ²² Hirak Jisas katip mit disaipel nirak kar ik: “Yi han kitet God. ²³ ††Hi etpi werek. Mit han nan-tip miniu (o neiyip) ik, ‘Ekrit eno emin wan eik,’ hir ap han kitet wik au, hir han kitet menmen hiram mamnen mamir ke nipaa hir natip, menmen mamnen mamir im e. ²⁴ ††Te hi hetpi werek. Menmen yi yitehi God em, yi han kitet yi eitiwem, maain yi eiyit menmen mamir im. ²⁵ †††Me wi yi eiyirp winak ke God, yi eiyitehi God me menmen, yi eiyirtehi mitik hak yi han enuk eiriuwerek, yi ap han ekitetim emit, te Haai kit God keit wit kirak hirak kakisak menmen enum yi yiriakem hirak ap han ekitetim au. ²⁶ Yi wen han ekitetim, te God ap kakisak menmen enum yi yiriakem, au emit!”

Mit iuwe nitehi Jisas keimin keriuwetek hirak kiriak menmen im
(Mt 21:23-27; Lu 20:1-8)

²⁷ Hirak katip epei au, hir pike nan Jerusalem. Hirak keke ti kitet winak ke God keit nimin ein, mit iuwe kerek ninin mit pris kerek newet God menmen, hir netike mit ninin nertei him lo me Moses, hir netike mit kerek hir niuk mir iuwe, hir nen nir Jisas. ²⁸ Hir nitiwekhi nar ik: “Keimin keriuwetit ti hiriak menmen heit in?”

²⁹ Jisas hirak ketpor kar ik: “Hi itih menmen ham. Yi yayitpo te hi etpi keimin keriuweta hi han hiriak menmen im. ³⁰ Hirak keimin keriuwet Jon hirak kikir mit neriuwe tipar? Hirak God o Jon hirekes han kitetim?”

³¹ Hir natipan nar ik: “Haiu mamtip God hirak keriuwetek han in, te hirak kakitpai, ‘Yenmak te yi yemtau him mirak au?’ ³² Haiu mamtip hirekes han kitetim keremem, te hir mit in nanweikin sip nanwetai.” (Hir mit iuwe ninaain mit nererik nan nentar hir mit yapir-

† 11:17 Ais 56:7; Jer 7:11 †† 11:18 Mk 14:1; Lu 22:2 ‡ 11:20 Mk 11:14 †† 11:23 Mt 17:20; Lu 17:6 ‡‡ 11:24 Mt 7:7 ††† 11:25 Mt 5:23, 6:14-15

we han kitet God keriuwet Jon te hirak katip mit him mirak.) ³³ Hir natipan epei au, hir natip Jisas nar ik: “Haiu ap merteyek au.” Te Jisas hirak ketpor, “Yi eiyit-po keiminek au, te hi ap te etpi keimin keriuweta hi han hiriak menmen im. Taauye!”

Him me mit enun naanmipre ni me waai wain nikim
(Mt 21:33-46; Lu 20:9-19)

12 †††Jisas wen kepu winak iuwe ke God, hirak katip mit miyapir en him mire tok piksa kar ik: “Nipaa mitik hak kamir ni me waai wain nikim. Hirak kime niwa me nan keseniuwem, hirak kekin hei kewis yemti iuwe, te hirak kakintirer wain tipar, hiram mamikiuwe hei miram. Epei au, hirak kime kinaan iuwe nokim, te mit hir nanwim nanir mit enun naninen nankintip menmen. Hirak kewis mit han hir naanmiprewem. Hir naanmiprewem, hirak ken wit hak yanimin. ² Maain wain nikim miram mewinki, hirak haai ke ni im e hirak keriuwet mitik kirak ken kakir mit nipaa naanmipre ni mirak, hirak kakit nikim me waai im. ³ Te hir mit netenenik nakip pike nesiuwerek kehik ken. ⁴ Maain haai ke ni im hirak pike keriuwet mitik hak, te hir nenep paan kirak nerekiwerek enum. ⁵ Maain hirak keriuwet mitik hak, te hir nakip kaa. Te hirak keriuwet han, hir niriakem narek narek. Mit han hir naa, mit han au. ⁶ †Hirak wen ketenen kiutip, hirak nikan kirak. Maain hirak kesiuwerek kikaru ken. Hirak han kitet kar ik: “Hir nanimtau him mirak.” ⁷ Hir mit nirek te hir natipan nar ik: “Ik ek kakit menmen me haai kirak. Haiu emkip kaki te haiu mamit menmen me haai kirak. ⁸ ††Hir natip nar ek, hir netenenik nakip kaa, hir newir yink kirak keit witeik.

⁹ †Hirak mitik kerek kamir ni hirak kakriak mekam? Hirak kaknen kaknep mit enun in nani, hirak kakwis mit han naanmampre ni mirak. ¹⁰ †††Yi ap yertei werek werek him me God mit nisesim mau tiwei hiram matip mar im:

‘Nu teinik kerek mit nime winak hir nineinik, hirak kerekek kaku kakre teinik mitik.

¹¹ God hirekes kiriakem, te haiu mit han kitet hiram yaaim.”

¹² Hir mit iuwe ne Isrel neit winak iuwe ke God nansi-uwe mit nantenen Jisas te hir ninaain mit yapirwe nererik neit ein. Hir nertei hirak kesiuwor him keriuwe him tok piksa im em. Te hir ninaiwirek nen.

Mit nitehi Jisas me mit hir nanwir pewek me takis
(Mt 22:15-22; Lu 20:20-26)

¹³ ††Maain mit iuwe neriuwet mit han ne Farisi kekek ninin nises him me Moses netike mit kerek nises him me Herot te hir nan nanri han ke Jisas. ¹⁴ Hir nan niun Jisas hir nitiwekhi nar ik: “Mitik iuwe, haiu mertei ti mitik yaaik. Ti atip werek, ti han kitet haiu mit yapirwe mipiran. Ti ewepyapir him me God hatip haiu mit miyapir em keremem. Te ti etpai. Him me Moses kewi-

††† 12:1 Ais 5:1-2 § 12:6 Mt 3:17 §† 12:8 Hi 13:12 §†† 12:10 Sam 118:22-23; Ap 4:11 §‡ 12:13 Mk 3:6

sai haiu mamwir pewek me takis mamno mitik iuwe ke Rom niuk mirak Sisa o au? Haiu emwirem o au?"

¹⁵ Jisas hirak kertei hir newenin him nanri han kirak neriuwerem, te hirak ketpor kar ik: "Yi yenmak te yi yaiwisewek yairi han kai a? Yi yayit pewek kei kiutip eiyik einen hi ehirek." ¹⁶ Hir newetiwek neiyik nan newetiwekem, hirak kirem. Te hirak ketpor kar ik: "Ninaan me keimin im e? Keimin niuk mirak mewik?" Hir natip nar ik: "Mitik Iuwe Sisa kerekek." ¹⁷ †Te Jisas hirak ketpor, "Yi eiwet Sisa pewek me takis mirak, te eiwet God menmen mirak." Hir nemtewek, hir han kekrit neriuwerek.

Mit nitehi Jisas me mitik kaa maain kakikrit

(Mt 22:23-33; Lu 20:27-40)

¹⁸ †Maain kike mit han nises him me Sadyusi hir nan. Hir han kitet mit hir naa maain hir pike nanikrit au. Hir nen niun Jisas nitiwekhi nar ik: ¹⁹ †Mitik Iuwe, Moses hirak kewis him mar im: 'Mitik hak kaki, te mite pirak wepu, hire wine nikerek wen au, mitik heiyiwe o nikik kaktiwe, hir naniyewan hire wawine nikerek ne mitik epei kaa.' ²⁰ Nipaa mit hispinak wik (7) ne haai kiutip hir nepu. Hirak iuwe mitik keit mite, te hirak kaa ap kine nikerek nei au. ²¹ Maain niminek ketiwe hirak kaa ap kine nikerek nei au. ²² Hir narek narek kike yiu ketiwe kaa. Maain mite ip hire waa. ²³ Maain hir mit yapirwe pike nanikrit nanu, hire waure mite pe keimin? Hir mit hispinak wik (7) nipaa epei netiwe ye!"

²⁴ Jisas ketpor kar ik: "Yi yetari menmen yentar yi yepitari him me God metike menmen mirak iuwe. ²⁵ Maain, hir mit pike nanikrit, hir nanit miyapir au. Miyapir nanit mit au. Hir nanu nanre mit ensel ne wit ke God.

²⁶ †Ne mit hir pike nanikrit, yi ap yekine him Moses kewisim me nu tiwei hirak si taak ap kaa a? Hirak God katip Moses kar ik: 'Hi God ke Ebrahim, Aisak tetike Jekop.' ²⁷ Hirak God ke mit epei naa neit au. Hirak God ke mit hir nepu. Hir naa neit au, hir nepu. Yi yepitari a?"

Him me God mit naninin nanisesim

(Mt 22:34-40; Lu 10:25-28)

²⁸ Mitik kiutip ke mit kerek hir ninin nertei him me Moses natip mit em, hirak kan kemtau mit hir natipan nenehan, hirak kertei Jisas ketpor werek werek. Te hirak kitiwekhi kar ik: "Him mekam hiram iuwe minin him yapirwe nipaa God kewet Moses em hirak kewisim te haiu emisesim?" ²⁹ †Jisas ketpiwek kar ik: "Him hiram iuwe minin him ham hiram im: 'Yi mit ne Isrel nikip emnep eiyimtau! Mitik Iuwe God hirak kiutip kerekek.' ³⁰ Yi hanhan Mitik Iuwe God eiriuwe han ki ketike himin ki.' ³¹ †Him mises him ham minin hiram im: 'Yi hanhan eiriuwe mit han nar ke yi hanhan hiras.' Him wik im minin, him ham yapirwe hiram mikaru."

³² †Mitik ik kerek kertei him lo me Moses, hirak katip kar ik: "Mitik Iuwe ti atip werek. Ti atip hirak God hirak kiutip. Hirak kerekek kepu. Han au. ³³ †Haiu hanhan Mitik Iuwe God keriuwe han kai mamir ke haiu hanhan hiras, te im minin menmen haiu si tatim mamwet God em o menmen haiu mewepwarem mewet God em."

³⁴ Hirak katip epei au, Jisas hirak kertei hirak mitik katip werek, te hirak ketpiwek kar ik: "Ti han kit yaaik te ti hises him me God werek werek."

Hirak katip epei au, mit han hir ninaain nanitiwekhi menmen ham.

Jisas kitehi mit hir han kitet KraiS hirak keimin

(Mt 22:41-46; Lu 20:41-44)

³⁵ Jisas wen katip keit winak iuwe ke God, hirak kitehi mit kar ik: "Nenmak mit kerek hir ninin nertei him lo me Moses hir natip Mitik KraiS kerek God kehimitanek hirak Nepenyek ke Devit kerekek? ³⁶ †Nipaa God Himin Yaaik kikiak han ke Devit te hirak kewis him mau tiwei kar ik: 'Mitik Iuwe God katip Mitik Iuwe kai KraiS kar ik: "Ti hau menep his yaaim mai ere hi enep mit enun nepan nit hi ehinini." ' ³⁷ †Devit hirak hirekes kenewek Mitik Iuwe kirak. Te hirak karkeik hirak kire Nepenyek ke maam nipu kirak Devit kerekek a?" Te mit miyapir yapirwe hir han yaaik nemtau him mirak.

Jisas kene mit kerek ninin nertei him lo me Moses

(Mt 23:1-36; Lu 11:37-54, 20:45-47)

³⁸ Jisas hirak wen katip mit miyapir him mirak hirak ketpor kar ik: "Yi naanmampre hiras me mit kerek hir ninin nertei him me God. Hir nare nanino ein ein, hir neriuwet saket yaaim nokim me mit kerek hir netenen pewek yapirwe netike mit hir nertei menmen iuwe. Hir han yaaik te mit miyapir nanitpor, 'Haai, ti epei han?' neit wit maket kerek mit nesiuwe menmen. ³⁹ Hir nanu yeno ne mit niuk mir iuwe neit winak ke God, hir nanu yeno ne mit niuk mir iuwe neit winak ke mit hir nanim menmen. ⁴⁰ Hir newises miyapir kerek mit hir epei naa. Hir nari winak mir metike menmen mir yapirwe. Hir prea yapirwe hir newises mit ek te mit yapirwe natip hir yaain. Maain God hirak kaknip wisenum!"

Mite enu menmen aurep hire wewet God menmen

(Lu 21:1-4)

⁴¹ †Jisas katip epei au, hirak ken kir tikenup mire bokis me mit hir newir pewek mekrerem newet God em. Tikenup mire bokis miwaa ein, hirak Jisas kau kereptim keit in. Hirak kir mit yapirwe newir pewek mekrerem. Mit han netenen pewek yapirwe newir pewek yapirwe. ⁴² Mite piutip menmen aurep hire wetenen pewek kike, te hire wewir pewek wik mire toea miutip. ⁴³ †Jisas hirak kenine mit disaipel nirak hirak ketpor kar ik: "Hi etpi werek. Mite ip hire wewir pewek hiram minin pewek me mit kerek hir newir pewek yapirwe mekrerem. ⁴⁴ Hir newir pewek ham

† 12:17 Ro 13:7 †† 12:18 Ap 23:8 † 12:19 Diu 25:5 †† 12:26 Eks 3:2, 6 †† 12:29 Diu 6:4-5 ††† 12:31 Lev 19:18; Ga 5:14; Ro 13:9; Je 2:8

‡‡‡ 12:32 Diu 4:35; Ais 45:21 § 12:33 Diu 6:5; 1Sml 15:22; Hos 6:6 §† 12:36 Sam 110:1 §†† 12:37 Lu 19:48 §† 12:41 1Kin 12:9 §†† 12:43 2Ko 8:12

mekre tikenuw mire bokis, te meiyam wen mepeit winak mir. Hir newirem nanit menmen. Te hire au. Hire wetenen pewek wik wewirem epei au, hire wawu weinim. Hire wawit menmen wawim taauye! Meiyam meit winak kire au."

Jisas katip mit naniwaank winak iuwe ke God
(Mt 24:1-2; Lu 21:5-6)

13 Jisas hirak kinaaiwir winak iuwe ke God kakno witeik, hirak mitik hak disaipel kirak ketpiwek kar ik: "Mitik Iuwe ehirem. Nan im yaaim. Winak im yaaim." ² Jisas ketpiwek kar ik: "Ti ehir winak yapirwe im e? Maain nan im mit han naninen hir nanwenem mamwaai ti weinim."

Jisas katip maain menmen enum mamnen
(Mt 24:3-14; Lu 21:7-19)

³ Hir nen nau miniu (o neiyip) mit nenewem neiyip me nu Oliv hiram menep winak iuwe ke God pinak ein. Te Pita, Jems, Jon, tetike Andru hirakit tan menep titiwekhi him tar ik: ⁴ "Ti etpai me wi God kehimitan menmen im hiram mamnen. Mekam maminin mamnen te haiu mamirtei God kakriakem?" ⁵ Jisas ketpor him mirak mar im: "Yi naanmampre hiras te hir mit nanwisiyek au. ⁶ Mit yapirwe hir naninen nanikrehir kai nantip mit miyapir ne ti nanir ik: 'Hi Mitik Iuwe Kraiskerek God kehimitena hi han kerekek.' Hir nanwisorek hir nanisesi. ⁷ Maain yi eiyimtau him me mit hir nantip mit hir naninepan menep o mit naninepan yanimin, yi ap han ekikrit ein ein au emit. Menmen im maminin mamnen te wi epei mamnen wen au. ⁸ Mit ne weiwik ham hir netike mit ne weiwik ham hir naninepan. Mit ne wit hak nantike mit ne wit hak hir naninepan. Ti kaktanik heriyai heriyai. Hawi au te ni meiyam mami mamit menmen au. Menmen enum im maminin mamnen te maain God skelim mit me menmen enum hir niriakem. Hiram mar ke mite weteiken. Maain hire wawine nikan.

⁹ "Yi naanmampre hiras me menmen im e. Maain hir mit nantihis naniryi yi yaino winak ke kaunsil. Hir nanit nipin naniwep yayit winak ke God. Yi yayirp yayit winak ke kaunsil me gavman nantike mit han ninin naanmipre wit heriyai heriyai yayintar yi yises him mai. Te yi eiyitpor menmen mai. ¹⁰ Yi eiyitpor him mai maminin, te mit nerer wit wit hir nanimtewem. Te maain wi enum mamnen. ¹¹ Maain yi eiyirp winak ke kaunsil yi han ekitet yapirwe him mekam yi eiyitpor au emit! Menmen God Himin Yaaik kakitpiyem kakwetiye, yi eiyitpim. Menmen me han ki au. Taauye! ¹² Heiyiuwerer nanwet mit enun kikrek hir hir naninip nani. Haairer nanwet mit enun nikerek hir, nikerek han nanwet mit enun haairer o miyerer hir mit naninip nani. ¹³ Maain mit yapirwe hir han enuk nineini nanintar yi yises him mai. Te neimin nanu nanit nanisisa ere hir nani, maain

hi etorhis hir nanu nantikewa haiu mamu mamit wit ke God.

Maain menmen enum enum mamnen
(Mt 24:15-28; Lu 21:20-24)

¹⁴ "Maain yi yayir menmen enum mamiwaank wit mamtike mitik hirak kakirp wit kerek God keruwesisek. (Mit kerek nekine tiwei ik nikip emnep yi han ekitet menmen im werek werek.) Yi mit miyapir yayu provins Judia me wi im yi eirir eino einiu miniu o neiyip. ¹⁵ Mitik kerek kau kentar winak siup, hirak ekikiuwe eknen ekirp ti, hirak ap kakno winak nimir ein kakit menmen au emit! Hirak ekir ekno waswas kerekek. ¹⁶ Mitik hak keit ni hirak pike kakweikin kakit saket mirak au, emit! Hirak kakir waswas kerekek. ¹⁷ Miyapir kerek hir nepitu o miyapir hir newet nikerek nim hir naam, menmen im enum mamnen mamiwaanki. ¹⁸ Yi eiyitehi God te menmen im mamnen wi me hawi hitan au emit! ¹⁹ Maain me wi eim, hir mit menmen mamiwaanki iuwe. Nipaa wi God kewis ti ketike nepni ere in, menmen ap mewaank mit nanir ke menmen im mamiwaanki au. Wi eim epei man, maain menmen mamiwaank mit nanir im taauye! ²⁰ God hirak keremir wi im au, te mit yapirwe hir nani naninektin te wit weinik. Te hirak keremir wi yinam me mit nipaa hirak kehimiteni hir nirak, hir nises him mirak hirak kakikepi.

²¹ "Maain wi eim e, te mitik hak kakitpi kakir ik: 'Eiyirek, hirak Mitik Kraiskerek keit in.' O mitik hak kakitpi, 'Hirak kerp ein.' Yi ap eiyimtau him im au emit! ²² Mit enun tawewai (o newenin him) naninen nanitpi, 'Hi Mitik Kraiskerek' o hir nantip, 'Hi mitik profet hi ewepypir menmen me God.' Hir nanriak mit menmen yaaim nipaa hir nirem au mamit nepni o nanit ti. Hir nanriakem te hir nare nanri han ke mit God kehimiteni hir nirak, hir nanwisorek nanises him mir, te hir au taau. ²³ Yi naanmampre hiras. Maain menmen mamnen mamir ke hi epei etpiyem.

Maain hi Mitik ke wit ke Mitik Iuwe hi pike anen
(Mt 24:29-31; Lu 21:25-28)

²⁴ "Maain wi im, menmen enum mamiwaank mit epei au, wepni kakir iuwe au, hirak kakweikin kakre witaan, wenke ap te kakir taau. ²⁵ Hir hiram mau nepni hiram maminke, menmen eim meit nepni hiram mamtanik. ²⁶ Menmen im epei man, te hir mit nanira hi Mitik ke wit ke Mitik Iuwe hi anen ewepypir hirekes akre napi ke nepni. Menmen me haai merhihe mewepna, hi anen ehinin naanmampre mit. ²⁷ Hi esiuwe mit ensel ne wit ke God hir nanino nanrer wit wit nanithis mit miyapir hi ehimiteni hir nises him mai.

† 13:2 Lu 19:44 †† 13:6 Jo 5:43 † 13:8 Ais 19:2; 2Kro 15:6 †† 13:9 Mt 10:17-20 †† 13:11 Lu 12:11-12 ††† 13:11 Mt 10:19-22 ††† 13:13 Jo 15:18-21

§ 13:14 Dan 9:27, 11:31, 12:11 † 13:15 Lu 17:31 ††† 13:17 Lu 23:29 †† 13:19 Dan 12:1; Joe 2:2; Rev 7:14 ††† 13:22 Diu 13:1-3; Rev 13:13 † 13:24 Ais 13:10; Rev 6:12-14, 8:12 † 13:26 Rev 1:7 †† 13:27 Mt 13:41

Nu fik meteiknai menmen me wi maain menmen mamnen

(Mt 24:32-35; Lu 21:29-33)

²⁸ "Nu fik hiram meteikni menmen me wi maain menmen mamnen. Maain wi kerek heneik miram hiram mamsiunen, yi eiyirtei menep te wepni yaaik. ²⁹ Mar nu im, maain yi yayir menmen im hi hetpiyem hiram mamnen, yi eiyirtei hi Mitik ke wit ke Mitik Iuwe menep te hi pike anen. ³⁰ Hi hatip werek. Mit miyapir in ek nepu nepeit, hir ap te nani ere menmen im hi hetpiyem hiram mamnen. ³¹ Nepni metike ti mamwep mamweikin mamre nime mamiwaank mamit te him mai au mamu mamnen mamir ke hi hetpim.

Mit hir ap nertei me wi menmen im mamnen au

(Mt 24:36-44; Lu 17:26-30, 34-36)

³² "Me wi menmen im mamnen, mit hir nepitariyem, mit ensel ne wit ke God hir nepitariyem, hi Mitik ke wit ke Mitik Iuwe hi epitariyem. God Haai kerek hira kerteiyem. ³³ ††Yi naanmampre hiras. Yi yepitari wi menmen im mamnen. ³⁴ Menmen mamnen mamir ke mitik iuwe hak kakno yanimin. Te mit nirak nepitari wi mekam hira pike kaknen. Hira kehimitan mit hir naanmipre winak kirak, hira katip mitik hira naanmipre wepir ke niwa ke wit kirak. Hira ketpiwek him iuwe hira naanmiprewerek werek werek. ³⁵ †Te yi mit naanmamre hiras werek werek. Yi yepitari wi me Haai ke winak hira pike kaknen. Hira kaknen witaan o wi ninin o wanewik toto o wepni o hinkewi, yi yepitariyek. ³⁶ Yi naanmipre hiras te hira kaknen wasenum kakri yi yaiwaai yi ap yayises him mirak au. ³⁷ Menmen hi hetpiyem, hi hetpiyem mamno mit miyapir yapirwe. Yi yapirwe naanempre hiras! Yi yepitari wi mekam hi Mitik ke wit ke Mitik Iuwe hi pike anen."

Mit nime nipin natip hir naninep Jisas

(Mt 26:1-5; Lu 22:1-2; Jo 11:45-53)

14 †Wi wik mepeit ere wi mit hir han tewenin wi Pasova kerek nipaa God kenep mit ne Isip hir naa te mit ne Isrel au. Mit hir newis yis mekre bret mir me wi im au. In ek hir mit pris iuwe kerek ninin mit pris han kerek newet God menmen me mit, hir netike mit hir ninin nertei him lo me Moses hir nererik nime nipin Jisas nisawin nemitiwekpin nantiwekhis nankip kaki. ² Hir natip nar ik: "Wi haiu wen han tewenin menmen me wi Pasova, haiu ap te mamtiwekhis mamkip au. Haiu mamriakem te mit yapirwe hir nantikewai haiu mamnepan."

Maria wewen sanda mekiuwe paan ke Jisas

(Mt 26:6-13; Jo 12:1-8)

³ †Me wi im Jisas hira keit wit Betani hira kepu winak ke Saimon nipaa lepro mewik. Hira wen kepu

yeno kaam menmen, mite piutip hire wan wetenen min tipar me nu nad nekenpi mirak minin yaaim mekreerek. Mit hir newir pewek yapirwe me menmen im. Hire weket him mirak wewen tipar mentar paan kirak. ⁴ Hir mit han nepu en hir natipan main main han enuk nar ik: "Wenmak te hire wewen tipar im wewenem weinim?" ⁵ Hire wewen tipar im au, te mitik hak kaksiuwerem kakit 300 kina kakwet mit enum menmen auri, hir nantiwem." Hir han enuk te hir nenerep. ⁶ Te Jisas keneri katip kar ik: "Yi eiwisiye ewit! Yi yenmak te yi yerekiwe enum. Hire werekyo menmen yaaim. ⁷ ††Hir mit enun netenen menmen auri, hekrit hekrit hir nau netikewi. Wi ham yi han ki yi eikepi. Te hi ap ehu etikewi me wi yapirwe, te yi yairekyo menmen yaaim au. ⁸ ††Mite ip hire hanhan wiriakem hire epei werekyewem. Hire weremani maain mit hir nanwisa hi awaai ehikre hei. ⁹ Hi hetpi werek. Wit heriyai heriyai kerek mit hir nanimtau him yaaim mai, mit hir nanirtei menmen mite ip hire werekyewem, hir han kitetim hir han teweninep."

Judas katip mit iuwe ne Isrel hira kakikepi hir nanithis Jisas

(Mt 26:14-16; Lu 22:3-6)

¹⁰ Jisas katip epei au, Judas ke wit Iskeriot hira mitik kiutip ke mit disaipel hiswiyen wik (12) kerek nises him me Jisas, hira ken witeik. Hira ken kiun mit iuwe ne pris kerek newet God menmen me mit, hira kewepyapir Jisas kakwetirek. ¹¹ Hir mit en nerteiyek, hir han yaaik, hir natip Judas hir nanwetiwerek pewek mamrerim. Hira kinaiwiri ken han kitet hira kakwetirek kakirkeik.

Jisas ketike mit disaipel nirak naam menmen me Pasowa

(Mt 26:17-25; Lu 22:7-14, 21-23; Jo 13:21-30)

¹² †Maain wi miutip me wi mit hir ap newis yis mekre bret au, wi me Pasowa kerek hir nenep sipsip mar ke nipaa mit hir nenep sipsip te God kenep maamrer au, Jisas mit nirak nitiwekhi nar ik: "Ti are eriuwetai haiu mamno nein te haiu emrutmani menmen me wi Pasowa?" (Wi Pasova hira wi mit hir han tewenin God hira kenep mit ne Isip te maamrer ne Isrel au.) ¹³ Te Jisas hira keriuwet mitikit wik te mit disaipel nirak hira ketpiwekit kar ik: "Yi yaino wit Jerusalem yi eiyir mitik hak keremime min tipar mekreerek, hira kaksipeti. Te yi eiyisesik. ¹⁴ Yi eiyisesik einowinak kerek hira kakno kakirerek, yi eiyitehi mitik ke winak ik eiyir ik: 'Mitik Iuwe kawir hira kituthi haau meiyam miutip meit ninin weinim te haiu mit disaipel nirak mamtikerek emu mamim menmen kerek me wi Pasowa mamwi?' ¹⁵ Te hira kakteikni haau miutip weinim kau niu kerek yeno metike kinaan mekreerek. Ein e yi eiraimani menmen te haiu mamim." ¹⁶ Hira ketpiwekit menmen te hirakit ten wit Jerusalem, hirakit tir menmen mar ke nipaa Jisas ketpiwekitem. Te hirakit

† 13:32 Ap 1:7 †† 13:33 Mt 25:13-14 † 13:35 Lu 12:36-38
†† 14:1 Mk 11:18; Hi 11:28 †† 14:3 Lu 7:37-38

††† 14:7 Diu 15:11 ††† 14:8 Jo 19:40 § 14:12 Eks 12:6, 14-20

temani menmen me Pasova wi hir han tewenin nipaa God kenep maamer nir au.

¹⁷ Maain hinkewi, hirak Jisas ketike mit disaipel nar hiswiyen wik (12) hir nen winak. ¹⁸ Hir wen naam menmen nau yeno em, Jisas hirak ketpor kar ik: "Hi hetpi werek. Mitik hak kiutip (o mitik keiyak) ke yi mit yi yaam menmen yetikewa hirak kakwepayapir hi eno his me mit enun." ¹⁹ Hir nemtewek, hir han kekrit nine han enuk, hir niutip niutip nenepepan nitiwekhi ere hir nepnepik hir nitiwekhi nar ik: "Hi ewepityapir o au?" ²⁰ Hirak ketpor kar ik: "Hirak mitik kiutip ke yi mit hiswiyen wik (12), hirak kiutip kaam menmen mekre sak kerepta. ²¹ Hi Mitik ke wit ke God hi ano hahi ahir ke him me God mau tiwei hiram metpim. Te hirak mitik kerek kakwepayapir hirak kakiwaank hirekes. Nipaa miye pirak ap winaak te hiram yaaim. Te hire epei winaak te in ek hirak kakiwaank hirekes."

Jisas kewet mit disaipel nirak komunion hir naam

(Mt 26:26-30; Lu 22:15-20; 1Ko 11:23-25)

²² Hir wen naam menmen, Jisas keit bret kitehi God katip hirak yaaik. Te hirak kewepik kewet mit ek ketpor kar ik: "Yi eitiwek eiyik. Ik hirak yink kai." ²³ Hir naak, mar keremem te hirak keit wa hesnu tipar wain mekre erek, hirak kitehi God katip hirak yaaik. Te hirak kewetirek hir naam tipar wain mekre wa hesnu. ²⁴ Te hirak ketpor kar ik: "Im em hiram hemkre mai. Hi enip him ham yaaim kontrak mamike wit ke God mamnen. Hemkre mai mamwen te hi akaap mit miyapir ariuw-erem. ²⁵ Hi hetpi werek. Hi ap pike ehim tipar wain ere wi maain hi ehim tipar wain yaaim nimnam mamit wit ke God." ²⁶ Hirak katip epei au, hir nine henye. Hir nine henye, te hir nen witeik ninaaiwir wit Jerusalem, hir ninu nen miniu (o neiyip) ke nu Oliv.

Jisas katip Pita maain hirak kakweikin sip kakwetiwek

(Mt 26:31-35; Lu 22:31-34; Jo 13:36-38)

²⁷ In ek Jisas ketpor kar ik: "Maain kike yi yainaipisa. Him me God hiram matip mar im: 'Hi God hi enep mitik naanmipre sipsip, hiram mamrir mamno heriyai heriyai.' ²⁸ Maain, God hirak kakikoya hi pike ekrit, hi ehinini hi ano provins Galili." ²⁹ Pita ketpiwek him iuwe kar ik: "Hir mit in naninapisit nanrir te hi au. Taauye!" ³⁰ Jisas ketpiwek kar ik: "Hi hetput werek. Witaan ik ek, suware kaktip wik wen au, ti eraupakin wikak atip mit hi epitari hirak keimin." ³¹ Te Pita katip him iuwe, "Hi hahi etikewit hi hahi, te hi aritpakin au. Taauye!" Hir mit nirak yapirwe natip narek.

Jisas kitehi God menmen keit ni Getsemani

(Mt 26:36-46; Lu 22:39-46)

³² Hir natip epei au, hir nen wit ni meitai niuk mirak Getsemani. Jisas hirak katip mit nirak kar ik: "Yi eiyu in hi eno ehitehi God." ³³ Hirak keit Pita, Jems tetike Jon, hirakit tetikerek ten wit hak. In ek Jisas hirak menmen

menepiwek hemkre, hirak kine han enuk. ³⁴ Te hirak ketpiwekit kar ik: "Hi hine han enuk ere hi hahi. Hi hanhan hirekes wisenum." ³⁵ Hirak ken kike kiwaai ti kitehi God te menmen enum im mamsiurerek mamno.

³⁶ Hirak kitehi God kar ik: "Haai kai ti hertei hiriak menmen yapirwe. Ti esiuwe menmen enum im mamno emnopin emkeipo. Te hi hises han kai au, han kit."

³⁷ Hirak katip epei au, hirak ken kir mitikit tirak tip-waai. Te hirak kene Pita kar ik: "Saimon ti hiwaai a? Ti ap epu naanmipre mit naninen me wi kike au a? ³⁸ Yi naanmipre mit naninen. Yi eiyitehi God te hirak Seten ap te kakinini yi eiweikin sip eiweto. Yi han ki yaaik, te yink ki au kinapen kaki kaktikewa." ³⁹ Hirak katip epei au, Jisas pike ken ein kitehi God menmen kerek nipaa hirak kitiwekhiyem. ⁴⁰ Hirak pike ken kiun mitikit tirak, te hirakit au pike tiwaai nanamir mekses. Hirakit kekrit tepitari tetpiwek mekam taauye. ⁴¹ Hirakit yink enuk hirak pike ken kan hirak ketpiwekit kar ik: "Yi wen yiwaai yinatin a? Epei werek emit! Eiyirek! Wi epei man te hi Mitik ke wit ke Mitik Iuwe hirak mitik hak kakwepayapir hi eno his me mit han nanrekyo enum hir nan-tenina. ⁴² Eiyikrit haiu emno. Yi eiyirek! Mitik kewepayapir epei kan keit in."

Mit enun nan neithis Jisas

(Mt 26:47-56; Lu 22:47-53; Jo 18:3-12)

⁴³ In ek hirak wen katip, Judas hirak kan. Hirak mitik kiutip ke mit disaipel nar hiswiyen wik (12). Hirak ketike mit yapirwe hir netenen hine metike paap yoki. Hir mit iuwe ne Pris kerek newet God menmen me mit, hir netike mit ninin nertei him lo me Moses, hir netike mit iuwe ne Isrel, hir nesiuwe mit in nan. ⁴⁴ Nipaa hirak mitik Judas kerek kewepayapirek hirak ketpor kar ik: "Hirak mitik kerek hi eiyewewik emiwek tekep mirak, yi eitiwekhis eitenenik eiriyaak eiyik eino."

⁴⁵ Judas kan kiun Jisas hirak katip kar ik: "Mitik Iuwe." Te hirak keiyewewik. ⁴⁶ Te hir mit han nan neithis Jisas netenenik.

⁴⁷ Te mitik kiutip kirak kerek kerp menep hirak ketenen hine ke his nokik, te hirak kiwaai hine kesipe nikip me mitik hak enuk eik. Mitik iuwe ke mit pris kerek newet God menmen me mit, mitik kirak kiriak wok mirak weinim, hirak mitik ik ke Jisas hirak kesipe nikip mirak. ⁴⁸ Hirak Jisas kene mit han enun ein ketpor kar ik: "Yi epei yan yetauhis eiriuwe hine metike paap yoki yar ke yi yeithis mitik enuk kekintip menmen a?

⁴⁹ Hekrit hekrit hi etikewi haiu mepu winak iuwe ke God hi ewepayapir him mai. Te yi yetauhis auye! Yi yiriak menmen im te him me God mit newisim mau tiwei hiram mamnen mamir em." ⁵⁰ Hirak katip epei au, hir mit disaipel nirak hir ninaiwirek nirir nen.

Mitik pipiak hak kiutip hirak kirir ken

⁵¹ Mitik pipiak hak kiutip kerek kises Jisas, hirak kamir laplap mire hike misanu traup mirak. Hir mit han nan-

† 14:18 Sam 41:9 †† 14:24 Eks 24:8; Sek 9:11; Jer 31:31-34; 1Ko 10:16; Hi 9:20 ‡ 14:27 Mk 14:50; Sek 13:7 †† 14:28 Mt 28:16; Mk 16:7 †† 14:31 Jo 11:16 ††† 14:32 Jo 18:1

‡‡‡ 14:34 Jo 12:27 § 14:36 Ro 8:15; Ga 4:6; Mk 10:38; Jo 6:38 §† 14:38 Lu 11:4; Mt 6:13 §†† 14:49 Lu 19:47, 21:37; Jo 18:20 §§ 14:50 Mt 26:31

tiwekhis, ⁵² te hirak kehiresiuri kenemtin laplap mirak hirak ke puk weinik kirir ken.

Jisas kewepyapir hirekes keit kaunsil
(Mt 26:57-68; Lu 22:54-55, 63-71; Jo 18:13-14, 19-24)

⁵³ Hir mit nari Jisas nen niun mitik iuwe hetpris kinin naanmipre mit pris kerek newet God menmen me mit. Mit iuwe pris yapirwe newet God menmen me mit, hir netike mit niuk mir iuwe, hir netike mit hir ninin nertei him lo me Moses, hir nererik nau ein nemeriyiwek. ⁵⁴ Hirak Pita ketepik yanimin, hirak ken kekere niwa ke winak ke mitik iuwe kinin mit pris han. Hirak ketike mit kerek naanmipre winak enuk hir nau si neminin his hit men si.

⁵⁵ Hir mit pris iuwe kerek newet God menmen me mit, hir netike mit han ne kaunsil hir ninatin mit nesiuwe him Jisas, te hir nankip kaki, te hir ninapin menmen enum hirak ketpim au. ⁵⁶ Mit yapirwe nesiuwe him Jisas neweniwek him te him mir ap mipiram au. ⁵⁷ Mit han nerp newenin him natip nar ik: ⁵⁸ "Haiu memtewek hirak katip, 'Hi ewep winak iuwe ke God mit nimaak, te maain wi wikak hi pike eimaak mit ap te nanimaak taau.'" ⁵⁹ Him me mit in hiram ap mipiram au.

⁶⁰ Hirak mitik iuwe hetpris kerek kinin naanmipre mit kerek newet God menmen me mit, hirak kerp kekreri kitehi Jisas kar ik: "Ti pike etpai au a? Nenmak te hir mit in neswut him a?" ⁶¹ "Jisas hirak kekintip ketpor au. Mitik iuwe hetpris hirak pike kitiwekhi kar ik: "Ti mitik Kraisk kerek God kehimitenit, ti Nikan ke Mitik Iuwe kerek haiu mewenipiyek o au a? Ti etpai!" ⁶² "Jisas hirak ketpiwek kar ik: "Hi hirekes kerekek. Maain yi eiyir hi Mitik ke wit ke Mitik Iuwe hahu menep his yaaim me God kerek hirak Iuwe tokik keit, hi anen ekre nap me nepni." ⁶³ Mitik iuwe hetpris hirak kepipir kari saket mirak kewepim katip hisiuwe kar ik: "Menmak te haiu mamri mit han nansiuwek him a?" ⁶⁴ "Yi epei yemtau hirak katip enum kekrehir ke God. Yi han kitet mekam a?" Hir yapirwe natipan nar ik: "Hirak kiriak enum hirak eki."

⁶⁵ In ek mit han nenikin timank menterik, hir newepniwek ninaan meriuwe laplap, te hir nakip neriuwe his mir nititiweknaan natip nar ik: "Keimin kitep a? Ti profet te ti etpai." Mit han hir naanmipre weipir nen niwaaihis nenepiwek tekep.

Pita kepakin Jisas katip hi hepitariyek
(Mt 26:69-75; Lu 22:56-62; Jo 18:15-18, 25-27)

⁶⁶ Hirak Pita wen kepu witeik keit niwa ke winak, mite piutip wiriak menmen me mitik iuwe hetpris, ⁶⁷ hire wan wir pita kau si keminin his hit men si. Hire werp menep wetpiwek war ik: "Ti hirekes hetike Jisas ke wit Nasaret yi epei yariyakit." ⁶⁸ Te Pita kiune him katip, "Henmak te ti hitauhi menmen im? Hi hepitariyek." Hirak katip epei au, hirak ken kerp ya weipir. Te suware katip. ⁶⁹ Mite wen wipirek pike watip mit han

nerp menep war ik: "Hirak mitik kises him me Jisas kerekek." ⁷⁰ Pita pike kiune him katip, "Hi hepitariyek." Maain kike, mit hir nerp menep natip nar ik: "Ti hises him mirak kerekek. Ti hirekes mitik ke provins Galili." ⁷¹ Pita katip him iuwe ketpor kar ik: "Hi epitari mitik hak yi yitauhiyek au. Hi atip werek au, te God hirak kaknen kakiyep." ⁷² "Hirak katip epei au, hirak suware pike katip. Te Pita hirak han kitet menmen Jisas nipaa ketpiwek kar ik: "Maain suware katip wik wen au, ti tewen eraupakin wikak." Hirak han kitetim te hirak kine han enuk kikit.

Hir nesiuwe him Jisas kerp ninaan me mitik iuwe gavman Pailat

(Mt 27:1-2, 11-14; Lu 23:1-5; Jo 18:28-38)

15 ¹ "Wanewik toto, mit iuwe pris kerek newet God menmen me mit, hir netike mit iuwe hir netike mit ninin nertei him lo me Moses, hir netike mit han yapirwe ne kaunsil hir han kitetim natipan. Epei au, hir nesenkek Jisas his mirak neriyaak neiyik nen newet mitik iuwe gavman Pailat ek. ² Pailat hirak kitiwekhi kar ik: "Ti Mitik Iuwe King ke mit ne Isrel o au?" Jisas ketpiwek kar ik: "Hirak him mit." ³ Mit iuwe pris kerek newet God menmen me mit, hir nesiuwe him Jisas yapirwe. ⁴ Te Pailat kitehi Jisas kar ik: "Ti pike etpor au a? Hir neswut him yapirwe." ⁵ "Jisas kekintip, te Pailat han kekrit keriuwerek.

Mitik Pailat katip mit hir nanwis nil emu his me Jisas
(Mt 27:15-26; Lu 23:13-25; Jo 18:39-19:16)

⁶ Tito yapirwe nipaa ein me wi im mit hir nehismenmen me Pasova hir nitehi Pailat hirak kakikaisiu weipir ke mitik hak nipaa hirak ken kekere winak enuk. ⁷ Mitik hak niuk mirak Barabas hirak kepu winak enuk ketike mit enun yapirwe nipaa hir netike mit ne gavman hir nenapan, hir nenep mitik kiutip kaa. ⁸ Hir mit yapirwe nen niun Pailat nititiwekhi hirak kakriak menmen nipaa ein hirak kipriakem. ⁹ Hirak ketpor kar ik: "Yi han yaaik te hi eweti Jisas Mitik Iuwe ke Isrel hirak kaknen?" ¹⁰ Hirak kertei mit iuwe pris kerek newet God menmen me mit hir epei newetiwek Jisas nentar hir hemkre menepam han enuk neriuwerek. ¹¹ Hir mit pris nikiak han ke mit yapirwe te hir nitehi Pailat ke Barabas. Jisas au. ¹² Pailat pike kitorhi kar ik: "Hi eweti Barabas, te hi ariak mekam heriuwe mitik yi eiwis niuk mirak Mitik Iuwe King ke Isrel a?" ¹³ Hir pike natip nar ik: "Ti ewenkek Jisas ekintar nu tentarakit." ¹⁴ Pailat ketpor kar ik: "Hi henmak? Hirak kiriak mekam enum?" Te hir wen ninap nenine his iuwe natip nar ik: "Ti ewenkekik ekintar nu tentarakit." ¹⁵ Pailat hanhan kakriak mit hir han yaaik. Te hirak kewetir mitik Barabas. Hirak katip mit mirak hir naninep Jisas nanriuwe nipin. Hir nakip neriuwe nipin, Pailat hirak keriuwetek ken mit soldia nirak te hir nanino nanwenkek Jisas kakintar nu tentarakit.

† 14:58 Jo 2:19-21 †† 14:61 Mk 15:5; Lu 23:9 † 14:62 Sam 110:1; Rev 1:7 †† 14:64 Jo 19:7

‡ 14:72 Mk 14:30 †† 15:1 Lu 22:66 ††† 15:5 Ais 53:7; Mk 14:61 § 15:11 Ap 3:13-14, 13:38

Mit soldia hir nitetnaan Jisas

(Mt 27:27-31; Jo 19:2-3)

¹⁶ Mit soldia ne ami hir neit niman winak ke mitik iuwe, hir nari Jisas neiyik nen haau hak. Hir nenine mit han, ¹⁷ †te hir neriuwet Jisas saket mire yiwir, hir nime wiwir tiktik enuk newisik keweikin paan kirak. ¹⁸ Hir nerp netpiwek nar ik: "Haai, Mitik Iuwe King ke Isrel, ti epei han." ¹⁹ Epei au, hir nenep paan kirak neriuwe niuk, hir nenikin timank menterik, nitehir nemipin newenpiyek. ²⁰ Hir nititiweknaan nenwesisek ere werek, hir neriuwetek (o neresiwek) saket mire yiwir, hir pike newis saket mirak menterik, hir neiyik nanino nanwenkekik kakintar nu tentarakit.

Mit newenkek Jisas kau nu tentarakit

(Mt 27:32-44; Lu 23:26-43; Jo 19:17-27)

²¹ ††Mitik hak niuk mirak Saimon hirak haai ke Rufas ketike Aleksanda, hirak ke wit Sairini, hirak kepnen ni menep. Hir mit soldia hir neit nu tentarakit neiyik ni-maasik hirak ekikerir nu ik ke Jisas.

²² Hir nari Jisas neiyik nen niun wit niuk mirak Golgota. Haiu meweikin him haiu matip "Wit Paan Hesnu". ²³ Hir newet Jisas tipar wain marasin mekrerem, te hirak yink kirak kekek au. Hirak kinapen te hirak kaam au. ²⁴ †Hir mit newenkekik kentar nu tentarakit, hir neit menmen mirak neretit satu neiyik nir menmen hir nantiwem.

²⁵ Wen hekrit iuwe wepni kehini kiniu kan, hir newenkekik. ²⁶ Hir newis him mentar nu nenmak hir newenkekik nesiuwerek. Hir neiyim nen newisim mau men paan kirak. Him im matip mar ik: "IK EK HIRAK MITIK IUWE KING KE ISREL." ²⁷ Hir newenkek mitikit enukit raskel wik tiriak enum tetikerek. Hirak mitik kau ken ke his yaaim, mitik hak kau ken ke his henkik. ²⁸ ††(Mar im him me God nipaa mit newisim mau tiwei hiram epei man. Hiram matip mar im: "Hir han kitet hirak kire mitik enuk raskel kiriak menmen enum.")

²⁹ ††Mit kerek hir nan nen ein hir nititiweknaan netpiwek nar ik: "Ko! Ti mitik kerek ti ewep winak iuwe ke God ti pike eimaak me wi wikak?" ³⁰ Ti ekaap hirekes ek-iuwe nu tentarakit ehirp ti." ³¹ Mar im mit iuwe pris kerek newet God menmen me mit, hir netike mit ninin nertei him lo me Moses, hir nititiweknaan natipan nar ik: "Hirak kikaap mit han, te hirak kikaap hirekes taauye!" ³² Ti Mitik God kehimitenit ti Mitik Iuwe ke Isrel, ti ekiuwe ehirp ti, te haiu mamrit han kitetit." Mitikit hir newenkekik tau niu tetikerek, hirakit tetpiwek enuk tetikeri.

Jisas nepei kaa

(Mt 27:45-56; Lu 23:44-49; Jo 19:28-30)

³³ †††Wepni kan kau niman iuwe ere hinkewi, witaan toto miwapin wit yapirwe. ³⁴ †††Nepei hinkewi Jisas kenepip him iuwe katip kar ik: "Eloi Eloi Lama Sabak-

† 15:17 Lu 23:11 †† 15:21 Ro 16:13 † 15:24 Sam 22:18
 †† 15:28 Ais 53:12 †† 15:29 Sam 22:7, 109:25; Mk 14:58; Jo 2:19
 ††† 15:33 Emo 8:9 ††† 15:34 Sam 22:1

tani?" Haiu meweikin him haiu matip mar im: "God kai God kai. Kenmak te ti hinaiwira eweikin sip eweto?"

³⁵ Mit han nerp menep hir nemtewek hir natip nar ik: "Eiyimtewek. Hirak kenine Ilaija." ³⁶ †Mitik kiutip kesiuknen ken ein keit mosong o nik me wan eik (hiram mire wum nikik), hirak kewis tipar wain mesine mekrerek, hirak kewisik kentar niyen pike kan kewetiwekek kakimisek katip kar ik: "Haiu mamir te Ilaija kaknen kaknektin Jisas kakwisik kakirp ti o au."

³⁷ ††Jisas kenepip miutip him iuwe, hirak kaa. Hirak kaa, laplap iuwe miwapin ya weipir me mit nehimitan em me God meit winak iuwe ke God meit niman ein hiram mewep pinam pinam mau niman mau niu ein ere men miun ti eim. ³⁹ Hirak mitik iuwe kerek naanmipre mit soldia han, hirak kerp menep kir Jisas hirak kaa, hirak katip kar ik: "Mitik ik hirak Nikan ke God."

⁴⁰ †††Miyapir han netikerek nerp ein, te hir nerp yanimin. Maria pe wit Magdala wetike Salomi, hir netike Maria miye pe Joses ketike nikik kirak Jems hir nerp ein. ⁴¹ Hir miyapir in nises Jisas me wi hirak kau keit provins Galili, hir newetiwek menmen hirak kaam. Miyapir han yapirwe nipaa netikerek nan nen wit Jerusalem nerp ein.

Mit newis Jisas kekere hei iuwe kewen kinik keit miniu (o neiyip)

(Mt 27:57-61; Lu 23:50-55; Jo 19:38-42)

⁴² Maain petko matip, Josep ke wit Arimatia kan kir Pailat kentar hirak mitik iuwe hak ke kaunsil. Hirak kemerir God kaknen naanmipre mit. Hirak ap kinaain au, te hirak ken kir Pailat kitiwekhi ke herwe yink ke Jisas. ⁴⁴ Pailat han kitet kar ik: "Jisas epei kaa? Ko!" Te hirak kenine mitik iuwe soldia kerek naanmipre mit soldia han, hirak kitiwekhi me Jisas epei kaa o au. ⁴⁵ Mitik eik ketpiwek Jisas epei kaa, te Pailat kewis Josep kakithis herwe yink kirak. ⁴⁶ Josep hirak kewir pewek keit laplap yaaim mire hike, hirak kenke Jisas yink kirak kewir laplap keweiknenik kewapinek kewisik kekere hei ke nan iuwe. Epei au, hirak keriuwet nan iuwe keiyepet hei him kirak. ⁴⁷ Maria pe wit Magdala wetike Maria miye pe Joses, hir nir wit Josep kewis Jisas kiwaairi.

Jisas pike kekrit

(Mt 28:1-8; Lu 24:1-12; Jo 20:1-10)

16 Maain wi Sabat hiram epei men, Maria pe wit Magdala wetike Salomi, hir netike Maria miye pe Jems, hir neit menmen yaaim minin neiyim nen nanir Jisas nanwen yink kirak. ² Wepni kewep kan hekrit iuwe me wi Sande te hir nen hei kirak. ³ Hir nepnen hir natipan nar ik: "Keimin kakinkawir nan kiwapin weipir kihi kentar nan hirak nimenuk?" ⁴ Hir nen menep ein hir nikaamna niran keit pinak ein. Nipaa mitik hak keweiknik keriuwetek ken pin ein. ⁵ Hir nen nipiun hei eik, hir nen nitetik nen niman ein. Te hir nir mitik pipiak kau yeno me pinak me his yaaim. Hirak kamir laplap

§ 15:36 Sam 69:21 †† 15:37-38 Hi 10:19-20 ††† 15:40 Lu 8:2-3

nokim yaaim hiram mire hike. Te hir nehinhin han kekrit neriuwerek.

⁶ Hirak ketpor kar ik: "Yi ap einaain au. Yi yinyatin Jisas ke wit Nasaret kerek hir mit newenekik kau nu tentarakit. Hirak epei kekrit kau. Hirak kepu in au. Yi eiyir yeno nipaa hir newisik kiwaairi. ⁷ †In ek yi eino eitip Pita ketike mit disaipel han Jisas ketpor kar ik: 'Hi ehinini ano provins Galili.' Maain yi eiyirek eiyit ein eiyir ke nipaa hirak epei ketpi."

⁸ Hir miyapir nen witeik nimir nen ein, hir nepirpir iuwe han kekrit neriuwerek. Hir natip mit him au. Hir ninaain nekintip nen.

Maria pe wit Magdala hire wir Jisas

(Mt 28:9-10; Jo 20:11-18)

⁹ †[Me wi Sande hekrit enum eik, Jisas kekrit kinaai-wir hei. Hirak kekrit kau wanewik, hirak kinin kewepyapir hirekes me ninaan me Maria pe wit Magdala. Nipaa hirak kepir herwe enum mar hispinak wik (7) mekrerep hiram metpaan men minaiwirep. ¹⁰ Hire epei wir Jisas, te hire wen watip mit nipaa netikerek hir nariyan. Hir wen han teweninek nikitek. ¹¹ Hire wen wetpor hire wirek hirak kepu, te hir nemtau him mire au.

Mitikit disaipel wik tir Jisas keit yayiwe

(Lu 24:13-35)

¹² Maain mitikit wik tirak ten wit hak tirek, te hirak keweikinhis hirekes kire mitik hak. ¹³ Hirakit nepei terteyek, hirakit pike ten tatip mit disaipel han nirak, te hir nemtau him mirakit au.

Jisas katip mit disaipel nirak menmen hir enisesim

(Mt 28:16-20; Lu 24:36-49; Jo 20:19-23)

¹⁴ †Maain, hir mit disaipel nirak hiswiyen kiutip (11) nau naam menmen, Jisas kan keneri kentar hir han to enuk nepu, hir ap nemtau him me mit nipaa nepei nir Jisas. ¹⁵ †Hirak ketpor kar ik: "Yi eino heriyai heriyai eir-er wit wit kerek mit miyapir newi, yi eiwepyapir him yaaim mai, mit yapirwe nanimtwem. ¹⁶ †Neimin nanimtau him mai nanisesim, yi eikiri. Maain God kaktorhis, hir mit miyapir nirak. Neimin nemtau him nanisesim au, God han kitet menmen enum hir niriakem skelim mit kakinterim. ¹⁷ ††Mit kerek hir nises him mai, hir nanriak menmen im nankinau niuk mai. Hir nanpir herwe enum hiram mamno, hir natip him ham nipaa hir nerteyem au. ¹⁸ †††Hir nantenen manpen o yenmik o hir nanim menmen enum menep mit, hir ap te nani au, hir nanu werek. Hir nanwis his mamintar mit hir ninap, te maain hir nanre yaain."

God keithis Jisas ken wit kirak Heven

(Lu 24:50-53; Ap 1:9-11)

¹⁹ †Mitik Iuwe Jisas ketpor epei au, God ketiwekhis ken wit kirak. Hirak ken kau menep his yaaim me God. ²⁰ ††Maain mit disaipel nirak hir nen heriyai heriyai ner-er wit wit mit miyapir newi, hir newepyapir him me Jisas. Mitik Iuwe Jisas hirak kekepi hir niriak menmen yaaim kerek nipaa kerek mit nirem au. Te mit hir nertei him im mit netporem hiram yaaim.]

Mepir keremem

‡ 16:14 1Ko 15:5 †† 16:15 Ap 1:8 †† 16:16 Ap 2:38, 16:31, 33 ††† 16:17 Ap 2:4, 10:46, 8:7 ††† 16:18 Lu 10:19; Ap 28:3-6, 4:30, 5:16 § 16:19 Ap 2:33-34, 7:55-56; Ef 1:20; 1Pi 3:22 † 16:20 Ap 14:3; Hi 2:3-4

† 16:7 Mt 26:32; Mk 14:28 †† 16:9 Lu 8:2

LUK

Menmen mekre tiwei ik

Him me nikerek Jon ketike Jisas

r 1:5-2:52

r*

Jon Baptais katip mit him me God

r 3:1-20

r*

Jon kikir Jisas keriuwe tipar

r 3:21-38

r*

Seten kakri han ke Jisas

r 4:1-13

r*

Jisas katip him yaaim keit Galili

r 4:14-9:50

r*

Jisas ken Jerusalem katip him yaaim

r 9:51-21:38

r*

Mit newenkek Jisas kaa

r 22:1-23:56

r*

Jisas pike kekrit mit nirek

r 24:1-49

r*

Jisas pike ken wit Heven

r 24:50-53

r*

Luk kewis him im men mitik Tiofilas

1 †Kai yinak Tiofilas. Mit yapirwe hir nepei newis menmen kerek epei man metin ke ninin ke haiu mit, kerek haiu misesim. ² ††Hir newis menmen kerek mit nipaa ninin epei nir menmen im newepyapirem hir netpaiyem. ³ Mitik iuwe, hi Luk hi hertei werek menmen yapirwe epei mekrit man ere in. Te hi han kitet hiram yaaim hi hewisut tiwei ik ek hetput menmen werek werek epei man. ⁴ Hi hiriakem te ti ertei menmen werek werek kerek nipaa hir mit epei netpiyem.

Ensel ke God katip Sekaraia hirak kakine nikan niuk mirak Jon

⁵ †Nipaa me wi mitik King Herot hirak kire mitik iuwe naanmipre mit ne provins Judia, mitik pris niuk mirak Sekaraia kepu. Hirak ke weiwik me pris niuk mir Abaisa. Hirak mite pirak niuk mire Ilisabet, hire pe weiwik ham me pris han. Hir nepenyerer ne maam nipu kiutip Eron. ⁶ Hirak ketikerep nau werek werek nises God. Hir nises him me Mitik Iuwe God werek werek nipaa hirak kewet Moses em. ⁷ Hir ap nine nikerek nei au nentar Ilisabet hire enu tenmin (o rumaa). Hire wetike Sekaraia epei enun ne mit. ⁸ Wi ham Sekaraia wen kiriak menmen kire mitik pris keit winak ke God. Hirak weiwik mirak hiram wi mir te hir nanwensi kuri nanwet

† 1:1 Ap 1:1 †† 1:2 Jo 15:27

‡ 1:5 1Kro 24:10

God em. ⁹ †Hirak kiriakem kentar hir nises menmen nipaa mit pris netpim hir neretit satu God kehimitanek hirak kakno kakikre winak iuwe ke God hirak kaktene si keiyim kakisi kuri tiwei mamintar kinaan newenipi God neriuwerem. Hirak ken en kesi kuri tiwei. ¹⁰ Hirak kesi kuri tiwei, mit yapirwe ne Isrel nererik nau wit eik nitehi God menmen. ¹¹ Hirak keit nimin en, mitik ensel keke wit ke Mitik Iuwe God kan kerp kenke ken his yaaim me kinaan kerek Sekaraia kewis menmen minin mire kuri tiwei hiram miwaai menterim. Hirak kewepyapir hirekes te Sekaraia kirek. ¹² Mitik Sekaraia kirek, hirak han kepipir hirak kinaain, ¹³ te mitik ensel ketpiwek kar ik: "Sekaraia, ti ap hinapen au emit! God kemtau menmen ti epei hitiwekhiyem, te mite pit Ilisabet tewen wawine nikan hirak kei. Yi yaiwisiwek niuk mirak Jon. ¹⁴ Ti etike mite pit han yaaik eiyu. Mit yapirwe nanirek hir han yaaik nanintar miye hire winaak. ¹⁵ ††Hirak maain God han kitet hirak kakre mitik iuwe kakinin mit han nisesik. Hirak ap te kakim tipar wain o tipar si enum au emit! Me wi miye winaak wen au, God Himin Yaaik kaku kakikre han kirak kakneisesik. ¹⁶ Hirak te kakikaap mit yapirwe ne Isrel nanweikin sip nanwet menmen enum hir pike nanises him me God kir. ¹⁷ †Hirak kakinin mitik iuwe kakno kakrer wit wit kaktip him me God kakriuwe menmen iuwe kakri han ke mit kakir nipaa mitik Ilaija ketpim. Hirak kakikaap haairer nantike nikerek nir nanu han kiutip. Hirak kakweikin mit enun nises menmen enum te hir pike nanises menmen mit yaain nisesim. Hirak kakikaap mit nanises mitik iuwe, hir nanu naanmeriyiwewek hirak kaknen kaktorhis."

¹⁸ ††Mitik ensel katip epei au, mitik Sekaraia kitiwekhi kar ik: "Harkeik te hi ertei menmen im ti hetpewem hiram werek? Hi epei enuk he mitik te mite pai hire epei enu we mite." ¹⁹ ††Hirak ensel kewenhi ketpiwek, "Hi ensel Gebriel hi herp ninaan me God hiriak menmen mirak. Hirak keriuweta hi han hetput him yaaim im e. ²⁰ †††In ek ti ap atip him mei taau ere wi menmen mamnen hi epei hetputem hentar ti ap han kitet him mai. Ti ap atip him mei ere wi me menmen im God kehimitanem hiram mamnen."

²¹ Ensel ketpiwek menmen, mit wen nemerir Sekaraia keit nimin en hir nanirtei kenmak te hirak kepeit winak iuwe ke God. ²² Sekaraia ketpaan kan, hirak ap ketpor, te hir nertei hirak epei kepu kityak kir menmen keit winak nimin en. Hirak ap kaktip him mei miutip te hirak kewir his ketpor keriuwerem. ²³ Wi hirak kiriak menmen kekere winak ke God epei au, mitik Sekaraia pike ken winak kirak.

²⁴ Maain wi ham mite pirak Ilisabet wetu, te hire ap winaaiwir winak wenke hispinak (5) ere hire tu iuwe miyapir nertei hire wetu. Hire watip, ²⁵ †††In ek Mitik Iuwe God kekepa mar im. Hirak epei kepri menmen kenipa yink enuk me ninaan me mit miyapir hentar nipaa hi hine nikerek au."

† 1:9 Eks 30:7 †† 1:15 Nam 6:3 † 1:17 Mt 17:11-13; Mal 3:1, 4:5-6 †† 1:18 Jen 18:11 †† 1:19 Dan 8:16, 9:21; Hi 1:14 ††† 1:20 Lu 1:45 ††† 1:25 Jen 30:23

Ensel ke God katip mite Maria maain hire wawine Jisas

²⁶ Me wenke kar hispinak kiutip (6) mite Ilisabet wepitu, God keriuwet ensel Gebriel ken wit niuk mirak Nasaret keit provins Galili. ²⁷ †Hirak kaktip mite nihan niuk mire Maria. Haai kire kehimitenep wautike mitik niuk mirak Josep, hirak nepenyek ke maam nipu kir Devit. ²⁸ Ensel ke God kan kirep ketpiwe kar ik: "Ti han yaaik ehu. Han yaaik ke God kau ketikewit. Hirak God ketikewit kakrekuyut yaaim." ²⁹ Mite Maria wemtau him im kerek ensel ketpim te hire han kekrit han kitet war ik: "Kenmak hirak ketpo kar ik?" ³⁰ Te ensel ketpiwe, "Ti ap enapen Maria. God han yaaik keriuwit kakrekuyut yaaim im e. ³¹ ††Maain ti ehitu te ti eine nikan, ti ewis niuk mirak Jisas.

³² †††Hirak kakre Mitik Iuwe mit naninewek Nikan ke God hirak Mitik Iuwe. God kakriakek kakre Mitik Iuwe naanmamre mit kakre nipaa maam kirak Devit. ³³ Hirak naanmamre mit ne Isrel kerek hir nepenyeker ne mitik Jekop kerek nipaa enum eik hirak kepu. Hirak naanmamre mit hirak kaku kakit tipmain tipmain enum eik. Menmen mirak ap te mamesi taau."

³⁴ Mite Maria watip ensel ke God war ik: "Hi ap hiwaai hetike mitik hak au. Mamirkeik te hi ahitu?"

³⁵ ††Ensel ke God kewenep ketpiwe, "God Himin Yaaik kaknen kaku kakinterit kakriuwe menmen iuwe me God. Mit nankinaak hirak Nikan yaaik ke God nanintar God Himin Yaaik kewis nikan yaaik ik kekere tu kit maain ti einaak.

³⁶ "Ti han kitet menmen God kiriak wekeni pit Ilisabet em. Mit nipaa natip hire enu tenmin (o rumaa) ap te wawine nikerek au. Te hire hirehes weriuwet wenke hispinak kiutip (6) hire nikan kewiye. Te hire epei we mite. ³⁷ †††Ap te menmen mei miutip te God ap kakriakem taau."

³⁸ Maria watip, "Hi hire mite hanhan hises menmen God hanhan kakriakem, te menmen mamnen mamir ke ti epei hetpim." Hire watip epei au, Ensel ke God kinaiwirep ken.

Maria wen wir Ilisabet wetikerep nau en

³⁹ Ensel ke God kinaiwirep, wi ham kike Maria wemmani menmen wekrit waswas wen wit menep miniu (o neiyip) yapirwe me provins Judia. ⁴⁰ Hire wen winak ke mitik Sekaraia, hire watip Ilisabet, "Ti yaaip." ⁴¹ ††Ilisabet wemtau Maria watip hire yaaip te nikan kekere tu kehini kekerep. God Himin Yaaik kau kekere han ke Ilisabet keneisesye, ⁴² ††te hire watip weriuwe him iuwe, "God kakrekuyut ti han yaaik ehinin miyapir han. God kakriak yaaim ke nikan ti ehinaak. ⁴³ Hi mite weiniye te hi han yaaik menmen iuwe im man hi, te Mitik Iuwe God miye pirak wan wira. ⁴⁴ Hi hemtau him mit epei au, te nikan kekere tu kai han yaaik kehini. ⁴⁵ †††Ti han

§ 1:27 Mt 1:16, 18; Lu 2:5 †† 1:31 Ais 7:14; Mt 1:21-23 ††† 1:32 Ais 9:7; 2Sml 7:12, 13, 16; Dan 7:14; Mai 4:7 †† 1:35 Mt 1:20 ††† 1:37 Jen 18:14 †† 1:41 Lu 1:15 †† 1:42 Diu 28:4 ††† 1:45 Lu 1:20

yaaik iuwe hentar ti hises him kerek God ketpim.
Maain God kakriak menmen hirak nipaa ketputem.”

Maria wine henye wentar hire han yaaik weriuwe God

⁴⁶ †Maria watip,
“Hi han kai yaaik ewenipi niuk me Mitik Iuwe God.
⁴⁷ Hi han yaaik hentar maain God kakikepa kaktauhish. Hi mite hiriak menmen mirak hi enu weiniye, ⁴⁸ †te hirak hanhan keriuwa. Te in ek ere maain mit yapirwe nantip God kerekya hi han yaaik iuwe, ⁴⁹ hentar menmen iuwe hirak kerekewem. Niuk mirak yaaim iuwe. ⁵⁰ †Hirak hanhan keriuwe mit kerek hir nisesik newenipiyek, me mit nipaa ein nepu ere in. ⁵¹ †Hirak kiriak menmen keriuwe menmen mirak iuwe, hirak keiyim kepir mit kerek enun hanhan hiras niriak menmen mir enun hir nen. ⁵² †Hirak kepir mit iuwe naanmipre mit, hirak kewisi hir nau weinim, te hirak kewis mit weinin hir nire iuwe. ⁵³ †Hirak epei kewet mit enun nau weinim nipi maan kewetir menmen wisenum ere tu iuwe, te hirak keriuwet mit netenen menmen yapirwe ne his nen. ⁵⁴ †Hirak kises him kerek nipaa katip maamrer niau yem. Hirak kan kakikaap mit nirak ne wit Isrel. ⁵⁵ †Hirak han kitet keriuwe Ebrahim nipaa kau ti ketike nepenyerer in ek nepu ti. Hirak kerekyor yaaim tipmain tipmain enum eik, kar ke nipaa hirak ketpim.”

⁵⁶ Hire watip menmen im epei au, mite Maria wau wetike Ilisabet ere wenke wikak. Maain wenke wikak epei man men, hire pike wen wit kire eik.

Ilisabet wine nikan Jon

⁵⁷ Wi epei man te mite Ilisabet weteiknen, hire wine nikan. ⁵⁸ Mit nire nau menep netikerep hir netike paaprer nire nemtau God kerekwiwe yaaim hire wine nikan te hir nan nirep han yaaik netikerep. ⁵⁹ †Maain nikan kire kepu wi hispinak wikak (8), hir nerekir yink kirak, hir nanwis niuk mirak Sekaraia kakrerir haai kirak. ⁶⁰ †Te miye pirak watip, “Au, hi ewis niuk mirak Jon.” ⁶¹ Te hir netpiwe, “Ap te paap o tete o keimin niuk mirak mar em te ti ewisik kakrerim taau!” ⁶² Te hir natip nitehi haai kirak neriuwe his main main, “Ti ewis niuk me nikan ik ek kakrar keimin?” ⁶³ Hirak Sekaraia kitorhi nanwetiwewek tiwei te kakwis niuk mamwik. Hir newetiwewekem te hirak kewis menmen im mewim: “Niuk mirak Jon.” ⁶⁴ Hir wen han kekrit natip me menmen im, Sekaraia han kewep katip kewenipi niuk me God. ⁶⁵ Te mit netikerek nau menep hir nepirpir te him me menmen im men merer wit wit meit miniu (o neiyip) me Judia. ⁶⁶ Te neimin kerek nemtewem hir han kitetim nitehiyan, “Te nikan ik e maain kakriak mekam?” Mit nertei God kau ketikerek kewetiwewek menmen mirak iuwe.

Him Sekaraia katip ke menmen maain mamnen

⁶⁷ Jon haai kirak Sekaraia God kewis Himin kirak yaaik kekre han kirak te hirak katip menmen maain mamnen. ⁶⁸ †Hirak katip kar ik:

“Hiau emriak menmen emwenipi niuk me Mitik Iuwe God ke Isrel. Hirak epei kan kakikepai hiau mit nirak hiau mamnaaiwir menmen enum hirak kaktaihis. ⁶⁹ †Hirak God kewetei Mitik Iuwe manpenuk kakikepai te kaktaihis, hirak ke weiwik me Devit hirak mitik kiriak menmen me God. ⁷⁰ Hirak kewetiyek kar ke nipaa enum eik hirak katip mit nirak profet menmen hir newisim mau tiwei newepyapir maamrer nai yem. Hiram matip menmen im. ⁷¹ †God katip hirak kakikepai kaktaihis mamkeipin mit enun nepan hir han enuk ninaain hiau mit. ⁷² †Nipaa hirak katip maamrer nai hirak maain kakrekyei yaaim kakises him nipaa hirak ketpim. ⁷³ †Nipaa hirak ketike maam kiau Ebrahim hirakit tekiyakit tau teit, God ketpiwewek hirak kakikaap nepenyerer nirak. In ek hirak kakises menmen nipaa hirak ketpim, hirak kenipai hiau mit in e mamkeipin mit nepan niau te hiau ap mnaain au. Hiau emisesik mamriak menmen mirak. ⁷⁵ †Me wi yapirwe hiau mau ti ik, hirak kehimtenei hiau yaain prar prar.”

⁷⁶ †Sekaraia epei ketpor, hirak kemunaan katip nikan kirak kar ik:

“Maain mit nantip ti mitik profet kerek ewepyapir him me God iuwe kinin menmen yapirwe. Ti kerek ek ehinin eno etip mit eninaaiwir menmen enum emit enmerir Mitik Iuwe kaknen. ⁷⁷ †Ti tewen atip hiau mit nirak ne Isrel hirak kakisak menmen enum hiau miriakem hirak kaktaihis. ⁷⁸ †God kiriak menmen im kentar hirak yaaik hanhan keriuwai hiau mit. ⁷⁹ †Mitik Iuwe kirak hirak kire wepni kewep kan kir krusai hiau mit ne ti ik te hirak kaknaaiwir wit ke God kaknen kaktip hiau mit han kiau enuk toto metari him me God kakitpai him mirak yaaim. Hiau mau enum mnaain mami te hirak kaknen kakteiknai yayiwe kirak yaaik te hiau mamu werek werek.”

⁸⁰ †Maain nikan Jon kiniu kire iuwe, han kirak tokik ap te kinapen mit au. Hirak kepu wit weinik mit newi au ere maain wi hirak kewepyapir hirekes katip mit ne wit Isrel him me God.

Maria wine Jisas

(Mt 1:18-25)

2 Me wi keremem Ilisabet wine Jon, mitik iuwe Sisa Ogastas kesiuwe him men katip mit miyapir nerer wit wit gavman ne Rom naanmipror hir eninen enwis niuk mir emu tiwei. ² Me wi im mit newisor niuk mir mau tiwei, mitik iuwe Sairinias hirak kire mitik iuwe gavman naanmipre mit ne provins Siria. ³ Hir mit yapirwe niutip niutip pike nen wit kir kerek nipaa

† 1:46 1Sml 2:1-10 †† 1:48 Lu 1:25, 11:27 ‡ 1:50 Sam 103:13, 17 †† 1:51 2Sml 22:28 ‡ 1:52 Jop 12:19, 5:11; Sam 147:6 ††† 1:53 1Sml 2:5; Sam 34:10, 107:9 ††† 1:54 Ais 41:8; Sam 98:3 § 1:55 Mai 7:20; Jen 17:7, 18:18, 22:17 †† 1:59 Jen 17:12; Lev 12:3; Lu 2:21 ††† 1:60 Lu 1:13

§ 1:68 Sam 41:13, 72:18, 106:48; Lu 7:16 ††† 1:69 Sam 18:2 †† 1:71 Sam 106:10 †† 1:72 Jen 17:7; Lev 26:42; Sam 105:8-9, 106:45 ††† 1:73-74 Jen 22:16-17; Mai 7:20 ††† 1:75 Ta 2:12-14 ††† 1:76 Ais 40:3; Mal 3:1; Mt 3:3 18 1:77 Jer 31:34 19 1:78 Ais 60:1-2 20 1:79 Ais 9:2, 58:8; Mt 4:16 21 1:80 Lu 2:40; Mt 3:1

maamrer nîr ninin newiyen te hir enwis niuk mir mau tiwei emit. ⁴ Mitik Josep kinaaiwir wit Nasaret keit provins Galili hirak ken provins Judia keit wit niuk mirak Betlehem kerek nipaa mitik iuwe Devit miye pirak winaak keitai en. Josep ken en kentar hirak hirekes nepenyek kei ke Devit. ⁵ Hirak ken kakwis niuk mirak mamtike niuk me mite pirak Maria kerek nipaa hir epei nehimitan te hir nanitan. Hire epei nikan kekre-erep. ⁶ Hir neit wit Betlehem, wi epei man te hire weteiknen wawine nikan. Hire wine nikan kire iuwe mitik, hire weit laplap weiyim weweiknenik wewisik kekre tikenuw iuwe kerek hir newet bulmakau menmen mekreker. Hir newisik kekreker nentar winak pasenda kerek mit nererik niwaaari en nipaa mit yapirwe nipwaaari nererim te yeno meiyam ap weinim meit au. Mit niwaaari rem nererim nenemtin te hir nen niwaaari weisaak ke bulmakau, hire wine nikan weitai.

Ensel hir natip mit naanmipre sipsip me mite wine nikan

⁸ Menep wit ik kerek mite Maria wine nikan, mit han neit ni naanmipre sipsip ne witaan. ⁹ Hir naanmipre sipsip ne witaan, ensel kiutip ke Mitik Iuwe kewepyapir hirekes menmen iuwe me God merhihe miriusor te hir ninaain nepirpir iuwe. ¹⁰ Hir nepirpir iuwe, ensel ketpor kar ik: "Yi ap einaain au emit! Hi epei han etpi him yaaim mamnip mit nerer wit wit han yaaik nanu. ¹¹ Me witaan ik ek mite wine nikan weit wit ke Devit niuk mirak Betlehem. Hirak mitik God kehimitanek hirak Mitik Iuwe kakikaap mit kaktorhis. ¹² Menmen im hi hetpiyem mamteikni hi hemitipin au. Yi yayir nikan miye wenke laplap weweiknenik keriuwerem kiwaaari wewisik kekre tikenuw ke bulmakau naam menmen mekreker, hirak kiwaaari." ¹³ Wasenum ensel nire yapirwe ne wit ke God hir newepyapir hiras nerp netike ensel, hir nine henye newenipi niuk me God natip him im:

¹⁴ ††"Haiu hanhan yi mit eiwenipi niuk me God. Yi mit miyapir yau ti yi eikiyan eiyu eiyit eiyintar God han yaaik keriuwi."

Mit naanmipre sipsip nen nîr Jisas

¹⁵ Ensel nine henye epei au, hir nen nekeipnor pike nen wit ke God, te mit kerek naanmipre sipsip en natipan, "Sis, haiu emno wit Betlehem emir menmen epei man, kerek Mitik Iuwe God ketpaiyem." ¹⁶ Te hir nesuikin nen ninapin Maria wetike Josep, hir nîr nikan kiwaaari kekre tikenuw. ¹⁷ Mit kerek naanmipre sipsip hir nirek epei au, hir netpor menmen ensel epei nan netporem me nikan ik e. ¹⁸ Mit yapirwe kerek nemtau him mit naanmipre sipsip netporem, hir han kitet menmen im epei man. ¹⁹ ††Maria han kaa menmen au. Hire wewisim mekre han kire, hekrit hekrit hire han kitetim. ²⁰ Mit naanmipre sipsip pike nen nîr ein newenipi God natip hirak yaaik iuwe nentar menmen ensel net-

porem metike menmen hir nirem hiram mar ke ensel epei netporem.

Hir newis niuk me Jisas

²¹ ††Wi hispinak wikak (8) epei man te Maria wine nikan, te hir neiyik nen nerekir yink kirak. Hir newis niuk mirak Jisas. Niuk im Ensel katip Maria em nipaa hire ap wepitu wen au.

Simion ketike Ana nîr Jisas keit winak iuwe ke God

²² ††Maain wi epei man te him me Moses Mau tiwei matip mite waukir te God kaktip hire yaaip. Me wi im Maria wetike Josep ninan Jisas neiyik nen wit Jerusalem newet God ek. ²³ ††Hir nen Jerusalem newet God ek nentar him nipaa God kewet Moses hirak kewisim mau tiwei matip mar im: "Nikerek hirakit iuwe mitikit miyapir ninakit hir mit nehimitanek hirakit te God." ²⁴ ††Hir nen newet mitik pris menmen kakwet God em nises him God kewet Moses em kewisim mau tiwei matip mit enwet God hore nimanp wik o tapi wik wen tipniu. ²⁵ ††Mitik kiutip kau Jerusalem niuk mirak Simion. Hirak mitik yaaik kises God werek werek. Hirak kemerir Mitik God kehimitanek kaknen kakikaap mit ne Isrel. God Himin Yaaik kau ketikerek. ²⁶ Hirak keteikniwek ap te kaki ere hirak kakir Mitik Iuwe Kraiskerek God kehimitanek kaknen kakikaap mit. ²⁷ God Himin Yaaik kikiak han kirak te hirak ken winak iuwe kerek mit nererik newenipi niuk me God. Maain miye haai ne nikan Jisas neiyik nen winak iuwe ke God eik e nanwet God menmen him me Moses mau tiwei metpim. ²⁸ Simion kir nikan kir hirak kinanek kewenipi God katip kar ik:

²⁹ "In ek Mitik Iuwe God ti epei hises him nipaa ti epei hetpewem, te ti ewisa hi mitik hi hiriak menmen mit, hi han yaaik hahi. ³⁰ ††Hi han yaaik hahi ehintar hi epei hir Mitik ti kehimitanek hirak kakikaap haiu mit ne Isrel. ³¹ Ti epei hiriak menmen im merp nimin me mit miyapir yapirwe nerer wit wit. ³² ††Hirak kakre wepni (o yanm) kir kakteikin mit yayiwe, hirakkakteikin mit miyapir ap ne weiwik me Isrel amirkeim te hir enises him me God. Hirak Mitik Iuwe kakinin naanmampre haiu mit ne Isrel, te mit miyapir nerer wit wit hir nantip nanir ik: 'God epei kiriak menmen yaaim.'"

³³ Josep ketike Jisas miye pirak hir nemtau menmen Simion katip me nikan te hir nepirpir han kitetim.

³⁴ ††Hir nepirpir, Simion kitehi God kakrekoyor yaaim katip Maria miye pe Jisas kar ik:

"God kehimitan Nikan ik e kaknip mit han yapirwe ne Isrel naniwaank nanit. Mit han yapirwe au, God kaktorhis nanu werek. Hirak kire Mitik God kakteikin mit han kirak keriuwerek te mit yapirwe hir nantikerek naninehan nanweikin sip nanwetiwewek. ³⁵ Te hirak kakwepyapir menmen mit han kitetim. Maain menmen enum mamir ke mit newir yipo nenep mitik, mit nan-

† 2:5 Lu 1:27 †† 2:14 Lu 19:38 ‡ 2:17 Lu 2:10-12 †† 2:19 Lu 2:51

‡ 2:21 Lu 1:31, 59 ††† 2:22 Lev 12:1-8 ††† 2:23 Eks 13:2, 12, 15 § 2:24 Lev 12:8 §† 2:25 Ais 40:1, 49:13 §†† 2:30 Ais 52:10; Lu 3:6; Ta 2:11 §‡ 2:32 Ais 42:6, 49:6 §†† 2:34 Ais 8:14; Mt 21:42-44; 1Ko 1:23; 1Pi 2:8

rekyiwek enum mamrekir han kit te mamwetit han enuk."

³⁶ Mite piutip niuk mire Ana hire wepu en. Hire mite profet hire wewepyapir him me God. Hire niki pe mitik Fanyuel, hirak ke weiwik me maam nipu kirak Asa. Hire we mite enu, hire wepu wetike mitik kire tito mar hispinak wik (7). ³⁷ †Maain tito mar hispinak wik (7) epei au, hirak kaa te nipaa ere in 84 tito epei men, hire wepu weiniye. Witaan wanewik hire wewenipi niuk me God, hire wepu menep winak iuwe ke God winaiwirek au. Me wi ham hire ninpi maau wepu, hire watip God menmen. ³⁸ †Josep ketike Jisas miye Maria hir wen nepu winak iuwe ke God newet God menmen, mite ip e wan wewenipi niuk me God wepir ke Simion kewenipiyek. Hire watip mit neit Jerusalem kerek hir nemberiyewek kaknen kakikaap mit ne Isrel hire wetpor me nikan ik e.

Josep ketike Maria neithis Jisas pike nen wit Nasaret

³⁹ †Hir niriak menmen him me Moses matip hir nanisesim epei au, hir pike nen provins Galili hir nau wit kir Nasaret. ⁴⁰ †Nikan kiniu kire iuwe hirak manpenuk kepu hirak kertei menmen werek werek wisenum God kerekiyewek yaaim.

Nikan Jisas kepu winak iuwe ke God keit wit Jerusalem kitehi mit iuwe menmen.

⁴¹ †Tito miutip miutip miye haai ne Jisas nen wit Jerusalem me wi Pasova kerek mit ne Isrel nererik naam menmen han tewenin wi God kenep mit ne Isip te hir au, hirak keriyei ninaaiwir Isip. ⁴² Maain Jisas hirak 12 tito epei au, hirak ketike miye haai nen Jerusalem nises menmen me wi Pasova mar ke nipaa hir niriakem. ⁴³ †Wi me Pasova epei au, hir pike nanino, te Jisas wen kepeit wit Jerusalem. Te Josep ketike Jisas miye pirak au netariyek. ⁴⁴ Hir han kitet hirak epei kinin ken ketike mit nir han te hir nen ere witaan. Witaan, hir ninetniwek nitet mit nir ne wit eik o paaprer nirak te hir ap ninapinek au. ⁴⁵ Te hir pike nen Jerusalem nen ninetniwek neit en. ⁴⁶ Jisas hirak kepeit wit Jerusalem ere wi wikak, hir ninapinek keit winak iuwe ke God kau ketike mit iuwe nertei him me Moses natip mit miyapir em. Hirak kemmau him mir hirak kitorhi menmen. ⁴⁷ Hir mit kerek nemtau menmen hirak kewenhiyem kerteiyem hir han kekrit natip hirak nikan kertei iuwe. ⁴⁸ Miye haai nirak nirek, hir han kekrit. Te miye pirak witiwekhi war ik: "Nikan kai, ti henmak te ti herekyawir menmen mar im: Haai kit ketikewa hawir winwetnut wikip. Hawir wikip ere hawir winepnit." ⁴⁹ †Hirak kewenhi ketpor kar ik: "Yi yenmak te yi yinyetno? Yi yepitari hi ehises menmen me Haai kai heit winak kirak au a?" ⁵⁰ Hir ap nertei mekam hirak katip hiram me Haai kirak God. ⁵¹ †Hirak ketpor epei au, hirak ketikeri nen wit Nasaret, hirak kises him mir. Te miye pirak wemi han him mirak mekre han kire.

† 2:37 1Ti 5:5 †† 2:38 Ais 52:9 † 2:39 Mt 2:23 †† 2:40 Lu 1:80, 2:52 †† 2:41 Eks 12:24-27, 23:14-17; Diu 16:1-8 ††† 2:43 Eks 12:18 ††† 2:49 Jo 2:16 † 2:51 Lu 2:19

⁵² †Maain Jisas kire iuwe hirak manpenuk enuk keit hirak kertei wisenum. God ketike mit nau ti hir han yaaik neriuwerek.

Mitik Jon Baptais kerek kikir mit hirak katip mit miyapir him me God

(Mt 3:1-12; Mk 1:2-8; Jo 1:19-28)

3 Tito hiswiyen hispinak (15) epei men me Taibirias Sisa hirak kerek naanmipre mit nau ti ik. Me wi im mitik iuwe Pontias Pailat naanmipre mit ne provins Judia, mitik iuwe King Herot naanmipre mit nau provins Galili. Niki kirak Filip naanmipre mit nau provins wik niuk mirakit Ituria ketike Trakonaitas. Mitik iuwe Laisenias naanmipre Abilini. ² †Mitik Anas ketike Kaiapas hirakit wik naanmipre mit pris han neit winak iuwe ke God keit Jerusalem. Me wi im em Sekaraia nikan kirak Jon keit wit weinik mit ap newi. Me wi im God ketpiwek kewetiwek him mirak. ³ †Epei au Jon ken kerer wit wit menep mani Jodan. Hirak kewepyapir him katip mit enweikin sip enwet menmen enum te hirak kakikiri nanriuwe tipar te God kakisak menmen enum mir mamno. ⁴ †Menmen im epei man mar nipaa mitik Aisaia hirak kewepyapir him me God hirak kewisim mau tiwei hiram matip mit neweikin sip newet menmen enum hiram mire mit newep yayiwe. Hiram matip mar ik:

"Mitik keit wit weinik mit ap newik hirak kinap katip, 'Yi einetit yayiwe ke Mitik Iuwe yi eiriakem yaaik akirak te hirak kakisesim werek.

⁵ Yi eiwep ti mitit eiwir meri emwapin kerek kinatin keit ek ere ekirak. Yayiwe kerek keweikin yi eiriakem ere ekirak te yayiwe kerek keweikin o hei mekreker, yi eiriakem ere emiram.

⁶ †Mit miyapir nerer wit wit nanir mitik kerek God kehimitanek hirak kakikaap haiu mit kaktaihis."

⁷ †Hir mit miyapir yapirwe nan nir Jon te hirak kakikiri. Hirak keneri ketpor, "Yi mit enun yire manpen o yenmik yi yewisesik. Keimin ketpi yi einen hi akiri te yi eirir einopin eikeipin menmen enum God kakriakem maain mamnen a?" ⁸ †Yi eiyinin eiriak menmen te hiram mamteikin mit yi epei yeweikin sip yewet menmen enum nipaa yi yiriakem. Te yi ap yaitipan yayir ik: 'Haiu mit in hirak Ebrahim hirak maam nipu kaiu, te haiu ap mamweikin sip mamwet menmen enum au. Haiu mire mit nirak, te maain God kaktaihis.' Menmen im taau! Hi hetpi. God hirak kakweikin nan im kakriakem mamir ke nepenyerer ne Ebrahim mamkrehiri yi mit enun. ⁹ †In ek hine ke yerepi epei kiwaai menep nu nekenpi te God kakremir nu ham kerek ap mine nikim yaaim, niman mamwen te mit nirak hir nanwirem mamkre si. Yi mit in yi yire nu ap mine nikim au!" ¹⁰ Hirak ketpor kar ik, mit yapirwe nitiwekhi, "Te haiu mamriak mekam te mamteikin haiu meweikin sip mewet menmen enum?" ¹¹ Jon hirak ket-

† 2:52 1Sml 2:26; Pro 3:4; Lu 1:80 †† 3:2 Lu 1:80 †† 3:3 Ap 13:24; 19:4 ††† 3:4 Ais 40:3-5 † 3:6 Lu 2:30-31; Ta 2:11 †† 3:7 Mt 12:34, 23:33 ††† 3:8 Jo 8:33, 39 ††† 3:9 Mt 7:19; Jo 15:6

por, "Keimin kerek naanmipre sak wik, hirak ektike keimin kerekek au, hirakit etwepim etwetakit. O keimin hirak ketenen menmen yapirwe ekwet keimin hirak menmen au rek." ¹² †Mīt han kerek nari pewek me mīt nanwet gavman em hīr nan nīr Jon te hirak kakiri te hīr nitiwekhi, "Mītik tisa, haiu mamriak mekam?" ¹³ Hirak ketpor, "Yi eiyyit pewek empar kerek mīt ne gavman epei netpim. Yi ap eiyyinēnem eiri meiyam au emīt!" ¹⁴ Mīt ne Ami nitiwekhi, "Haiu mamriak mekam?" Hirak ketpor, "Yi ap einēp mīt eiri menmen mīr au emīt! Yi ap eisiuwe hīm weinim au emīt! Yi han yaaik eiyu eiriuwe menmen mīt iuwe newetiye." "

¹⁵ Mīt miyapir yapirwe han kekrit, te hīr mīt nitehi nekre han kir nar ik: "Jon hirak Mītik Iuwe krais kerek God kehimitanek kaknen kakikaap mīt o au?" ¹⁶ ††Te mītik Jon ketpor yapirwe, "Hi hikri heriuwe tipar kerem em. Te hirak mītik kerek wisenuk kinina maain kakikaru kaknen hirak yaaik kire Mītik Iuwe, hi au hīre mītik weinik. Hi ap werek hīriak menmen mirak kiutip taau. Maain hirak kaknen hirak kakwis God Hīmīn Yaaik kaku han ki kakre si hirak si tatim menmen enum mi ere yi yaain. ¹⁷ Hirak kire mītik keses rais mekre sar. Hirak kesesim epei au, hirak kaktēnwewim hīram haas miram mamnopīn hirak kakit rais kakwisim mamikre winak. Hirak kakwisim mamikre winak, hirak kakriep haas kakwīrem mamikre si hīram mamirhīhe ap te mami au."

¹⁸ Jon katip hīm ham me kakikiakyor han kir me wi hirak kewepyapir hīm yaaim me God.

Mītik iuwe King Herot kewis Jon kekre winak enuk

¹⁹ †Maain Jon katip kene mītik ke gavman King Herot kentar hirak keit Herodia, mīte pe nīkik kirak. Hirak kenerek kenterik ketike menmen ham enum hirak kīriakem. ²⁰ Te Herot pike kīriak menmen enum. Hirak kewis Jon kekre winak enuk.

Jon kīkīr Jisas keriuwe tipar

(Mt 3:13-17; Mk 1:9-11)

²¹ Herot kewis Jon kekre winak enuk wen au, Jon kīkīr mīt miyapir yapirwe. Hirak kīkīr mīt miyapir yapirwe epei au, Jisas kan te Jon kīkīrek ketikeri. Hirak Jisas wen kitehi God menmen, te nepni hīremes mewep mīre weipir. ²² ††Nepni hīremes mewep mīre weipir, God Hīmīn Yaaik keke nepni kan keweikinhis kire hore tapi hirak kenterik. God katip hīm iuwe mekiuwe man matip mar im: "Ti Nīkan kai yaaik. Hi han yaaik wisenuk heriuwit."

Niuk me maamrer ne weiwīk me Jisas

(Mt 1:1-17)

²³ ††Me wi Jisas kekrit kīriak menmen mirak, hirak kepu tito mar 30. Mīt miyapir han kitet Josep kine Jisas, te hirak au. God kerekek. Im em hīram niuk me maamrer ne weiwīk mirak:

Hilai nīpaa kine Josep.

²⁴ Matat kine Hilai.

Livai kine Matat.

Melkai kine Livai.

Janai kine Melkai.

Josep kine Janai.

²⁵ Matataias kine Josep.

Emos kine Matataias.

Neam kine Emos.

Eslai kine Neam.

Nagai kine Eslai.

Meat kine Nagai.

²⁶ Matataias kine Meat.

Semen kine Matataias.

Josek kine Semen.

Joda kine Josek.

²⁷ ††Joanan kine Joda.

Resa kine Joanan.

Serababel kine Resa.

Sialtiel kine Serababel.

Nerai kine Sialtiel.

²⁸ Melkai kine Nerai.

Edai kine Melkai.

Kosam kine Edai.

Elmadam kine Kosam.

Ea kine Elmadam.

²⁹ Josua kine Ea.

Jorim kine Josua.

Eliesa kine Josua.

Jorim kine Eliesa.

Matat kine Jorim.

Livai kine Matat.

³⁰ Simion kine Livai.

Juda kine Simion.

Josep kine Juda.

Jonam kine Josep.

Elaiakim kine Jonam.

³¹ ††Melia kine Elaiakim.

Mena kine Melia.

Matata kine Mena.

Netan kine Matata.

Devit kine Netan.

³² †Jesi kine Devit.

Obet kine Jesi.

Boas kine Obet.

Salmon kine Boas.

Nason kine Salmon.

³³ ††Aminadap kine Nason.

Admin kine Aminadap.

Anai kine Admin.

Hesron kine Anai.

Peres kine Hesron.

Juda kine Peres.

³⁴ ††Jekop kine Juda.

Aisak kine Jekop.

† 3:12 Lu 7:29 †† 3:16 Ap 13:25 † 3:19 Mt 14:3-4; Mk 6:17-18 †† 3:22 Mt 17:5; Lu 9:35; Jo 1:32; 2Pi 1:17 †† 3:23 Lu 4:22; Jo 6:42

††† 3:27 1Kro 3:17, 19; Esr 3:2 ††† 3:31 2Sml 5:14 § 3:32 1Sml 16:1, 13; Rut 4:17-22 †† 3:33 Jen 29:35 ††† 3:34 Jen 21:3, 25:26

Ebrahim kine Aisak.
 Tera kine Ebrahim.
 Neho kine Tera.
³⁵ Serak kine Neho.
 Riyu kine Serak.
 Pelek kine Riyu.
 Iba kine Pelek.
 Sila kine Iba.
³⁶ †Kenan kine Sila.
 Afaksat kine Kenan.
 Sem kine Afaksat.
 Noa kine Sem.
 Lemek kine Noa.
 Metusala kine Lemek.
³⁷ Inok kine Metusala.
 Jeret kine Inok.
 Mahalalil kine Jerot.
 Kenan kine Mahalalil.
³⁸ ††Inos kine Kenan.
 Set kine Inos.
 Adam kine Set.
 God kerekek kime Adam.

Seten kari han ke Jisas

(Mt 4:1-11; Mk 1:12-13)

4 God Himin Yaaik hirak kikiak Jisas han kirak te keneisesik hirak kinaaiwir mani Jodan. Hirak keriyaak ken yaank weinik mit ap newi. ² †Hirak kepu en wi mar 40, Seten kari han kirak. Hirak ap kaam menmen mei kises wi kerek hirak kepu wit weinik ek au. Me wi yapirwe em, hirak ninpi maak. ³ Hirak ninpi maak kepu en wi mar 40, te Seten ketpiwek kar ik: "Ti Nikan ke God te ti etip nan ik ekweikin ekre bret."
⁴ †Jisas ketpiwek, "Him me God mau tiwei matip, 'Mitik kaku werek te hirak ap kakim menmen metike ti-par weinim keremem au."
⁵ Epei au Seten keriyaak keiyik ken miniu (o neiyip) iuwe kau niu ein, waswas hirak keteikniwek ti kerer wit wit mit newiyen. ⁶ †Hirak ketpiwek kar ik: "Hi awetut wit im yapirwe metike menmen mir iuwe ti naanmammewem te ti ehiti niuk mit iuwe. Nipaa God kewetewem te hi han kai hi ewet mitik kerek hi hanhanek ewetiwekem. ⁷ Ti ewen ninip hitehir ewenaunipi hi iuwe te hi ewetutem." ⁸ ††Jisas pike ketpiwek kar ik: "Him me God mau tiwei matip haiu mit emwenipi God kaiu, hirak iuwe kerek ek, haiu emises menmen mirak. Han en au."
⁹ Hirak ketpiwek kar ek, Seten keriyaak keiyik ken wit Jerusalem kewisik kentir winak siup ke winak iuwe ke God ketpiwek kar ik: "Ti Nikan ke God te ti ehitikir ehin eno ti eik. ¹⁰ ††Ti ap hahi au antar him me God mau tiwei matip, 'God katip mit ensel nirak hir maain his mamprut.
¹¹ Hir naninanit nanriuwe his mir te ti ap enkewin antar nan enamu hit mit ewenem mamniu nan taau."

† 3:36 Jen 11:10-26 †† 3:38 Jen 4:25-5:32 ‡ 4:2 Hi 4:15
 †† 4:4 Diu 8:3 †† 4:6 Mt 28:18 ††† 4:8 Diu 6:13-14 †††
 4:10 Sam 91:11-12

¹² †Jisas ketpiwek kar ik: "Him me God mau tiwei matip: 'Yi mit ap eiri han ke Mitik Iuwe ki God te kakikepi au ekit!'"

¹³ †Seten kari han ke Jisas keriuwe menmen ham ham epei au, hirak kisesim au, hirak kinaiwirek ere maain wi ham.

Jisas kinin kiriak menmen mirak keit provins Galili

(Mt 4:12-17; Mk 1:14-15)

¹⁴ God Himin Yaaik kekere han kirak keneisesik kekepek te hirak pike ken provins Galili. Him me menmen Jisas kiriakem men merer wit wit in. ¹⁵ Hirak katip mit miyapir him kekere winak kerek mit nau nererik nekine him me Moses, te hir newenipi niuk mirak natip hirak yaaik.

Mit neit wit Nasaret neweikin sip newet Jisas

(Mt 13:53-58; Mk 6:1-6)

¹⁶ Maain Jisas kipiun wit Nasaret kerek nipaa hirak kewik ere iuwe. Me wi Sabat hirak ken kekere winak kir kerek hir nekine him me Moses en, hirak ken kar nipaa hirak kiriakem, hirak kekrit nekine him me God. ¹⁷ Mitik kewetiwek tiwei nipaa mitik Aisaia hirak profet kewisim, hirak kenke tiwei kinapin him hiram matip mar im:

¹⁸ ††Himin Yaaik ke Mitik Iuwe God kekere han kai kentar hirak kehimitena hi ewepyapir him yaaim mamno mit enun nau weinim. Hirak keriuweta hi atip mit har ik: 'Menmen meteneni te hi asiupeni.' Hi akaap mit kerek nanamir toto te hir enir ein ein. Mit hir han enuk neriuwe menmen enum te hi arekyor han kir yaaik kakrihis me menmen im.

¹⁹ Hirak keriuweta te hi awepyapir him me tito im God kakriak mit menmen yaaim kakikepi."

²⁰ Hirak kekinaam epei au, hirak keiyepet tiwei, hirak pike kewet mitik kerek naanmiprewem hirak pike kau yeno. Epei au, mit yapirwe nekre winak eik e hir nipirek.

²¹ Hir nipirek, hirak ketpor kar ik: "Petepin him mau tiwei yi yemtau hi ekinaam hiram epei mamnen."

²² †Hir yapirwe netpiwek nar ik: "Him im yaaim?" Te hir han kitet him yaaim hirak ketpim hir natipan nar ik: "Hirak nikan ke Josep kerek ek."

²³ ††Hirak ketpor kar ik: "Hi hertei maain yi hanhan eiyitpo him im kerek nipaa mit netpim nar ik: 'Mitik ti ahikaap mit hir ninap te ti ikaap hirekes. Menmen haiu memtau ti epei hiriakem meit wit Kapaneam ti eriakem in meit wit kit haiu mamirem.'" ²⁴ †Hirak wen ketpor, "Hi hetpi werek. Mit ne wit ke mitik profet hir ap nemtau him mirak nanisesim au. ²⁵ ††Hi hetp werek. Nipaa enum eik miyapir yapirwe neit Isrel mikan nir naa hir nepu weinim. Me wi im Ilaija kitehi God keiyepet hawi keit menep ere tito wikak wenke hispinak kiutip (6) te menmen ap mewe mau ni au. ²⁶ †††God

‡ 4:12 Diu 6:16; 1Ko 10:9 †† 4:13 Hi 2:18, 4:15 ††† 4:18 Ais 6:1-2, 58:6 †† 4:22 Lu 3:23; Jo 6:42 ††† 4:23 Mt 4:13; Jo 2:12 †† 4:24 Jo 4:44 †† 4:25 1Kin 17:1, 7, 18:1; Je 5:17 ††† 4:26 1Kin 17:8-16

ap keriuwet Ilaija ken kikaap miyapir ne Isrel kerek mikan nir naa ek au. Hirak keriuwetek ken kikaap mite kereperek kerek mitik kire kaa ek, hire weit wit Sarefat ke wit iuwe Saidon. Hire ap pe weiwik me Isrel au.

²⁷ †Nipaa enum eik me wi mitik profet hak niuk mirak Ilaisa kau ti, mit yapirwe ne Isrel lepro mewi, te hirak ap kekepi hir nire yaain au. Hirak kikaap mitik Neman ke wit Siria kerekek, ap ke weiwik me Isrel. Yi yire mit nipaa nepu en, neweikin sip newet mitik kir Ilaija. In ek yi yeweikin sip yeweto, te hi anaiwiri.”

²⁸ Mit yapirwe hir neit winak eik e nemtau him im hir han enuk neriuwerek wisenuk nentar hir nertei hirak keneri keriuwe him im. ²⁹ Hir nekrit neiyik nen nepirek kenpin me wit. Hir neriyaak neiyik nen miniu kerek wit kir kiwaairi, te hir nanwirek kakinkewin kaki. ³⁰ Au, God kenipi han kir toenuk te hirak keke ti kewepi nimin ken kinaiwiri ken.

Jisas kepir herwe enuk kekrek han ke mitik

(Mk 1:21-28)

³¹ ††Jisas kinaaiwir wit Nasaret ken, hirak kekiuwe ken kiun Kepeneam, wit hak ke provins Galili. Me wi Sabat hirak katip mit miyapir him me God, ³² †Te hir han kekrit han yaaik neriuwe him hirak ketporem nentar hirak ketpor kar ke Mitik Iuwe God keriuwetek kan ketpor him mirak iuwe. ³³ ††Mitik hak kau winak kerek mit nererik nemtau him me Moses mit nekinaam, herwe enuk ke Seten kekrek. Te hirak kinap katip him iuwe kar ik: ³⁴ ††Ti henmak te ti han herekyei enum Jisas ke Nasaret? Ti han awep eraiwaank mamit. Haiu mertei ti keimin. Ti Mitik Iuwe God kehimitenit enen akaap mit.”

³⁵ Jisas kenerek katip, “Ti ekintip enke enopin ekeipniwek.” Herwe enuk kewir mitik kerekek kan kiwaai ti kekrek nimin ne mit yapirwe. Hirak ketpiwek kar ik, te hirak herwe enuk kinaiwirek, te hirak ap kewaank au. ³⁶ Mit yapirwe nirek hir han kekrit natipan nar ik: “Him im mekam? Hirak ketpor keriuwe him mirak hiram iuwe te herwe mekrerek hiram minapen mirir mekeipniwek.” ³⁷ Te him me menmen Jisas kiriakem men mit nerer wit wit nirapit Kapaneam.

Jisas kikaap Pita maam pirak

(Mt 8:14-15; Mk 1:29-31)

³⁸ Jisas kikaap mitik enuk tipir kekrek, hirak kekrit kinaaiwir winak kerek mit nau nererik nekine him me Moses mekrerem, hirak kinik ken winak ke Saimon. Saimon maam pirak (miye pe mite pirak) hire winap wisenum yink sisi te hir nen netpiwek netiwekhis kan kakirep. ³⁹ Hirak ken kerp menep yeno mire kerek mite hire winap wiwaaiyem em, hirak katip menmen enum, te hiram menke mekeipniwe. Wasenum hire wekrit te hire wewetir menmen wekepi.

Jisas kikaap mit miyapir yapirwe hir nire yaain

(Mt 8:16-17; Mk 1:32-34)

⁴⁰ In ek wepni kewen ken te mit pike nepno ein ein nentar wi Sabat hiram epei au, te hir neimin nir yinan ninap neriuwe menmen enum enum hir netorhis neri nan, hirak Jisas kewis his mentar hir mit miyapir yapirwe kekepi hir nire yaain. ⁴¹ ††Herwe enum hiram menke mekeipin mit han menepip mar ik: “Ti Nikan ke God kerekek.” Au, hirak keneri ketpor te hir ap pike nekrit natip nentar hir nertei hirak Mitik Kraiskerek God kehimitanek kaknen kakikaap mit.

Jisas ken kiriak menmen keit wit yapirwe

(Mk 1:35-39)

⁴² Maain teip hekrit, Jisas kinaaiwir wit ik ken wit weinik katip God menmen. Hirak ken wit weinik kitehi God menmen, mit ninetniwek ere hir ninapinek, hir newenek natip te hirak ektikeri enu enit. ⁴³ ††Au, hirak ketpor, “Hi are ano herer wit wit awepyapir him mei yaaim me mit enwis God naanmamror. God keriuweta te hi awepyapirem.” ⁴⁴ †Te hirak ken kinaiwiri kewepyapir him me God kekrek winak kerek mit nau nererik nekine him me Moses nerer wit wit neit provins Judia.

Pita kises him Jisas ketpim te hirak keit saauk yapirwe

(Mt 4:18-22; Mk 1:16-20)

⁵ ††Wi ham mit miyapir yapirwe nises Jisas neriuwetan nerp menep nanimtau him me God hirak kakitporem kerp wan ke Genesaret. ² Hirak wen katip him, hirak kir sip wiketerem miwaai tenhaan. Mit kerek newir hepin nankin saauk, hir ninaaiwir sip nen neke-myet hepin mir. ³ Hirak ken kau kekrek sip me Saimon. Hirak kenine Saimon kitiwekhi hirak kakriuwet sip mamno tipar kike. Te hirak kau kekrek sip wen ketpor menmen mirak.

⁴ ††Hirak katip epei au, hirak katip Saimon kar ik: “Ti ehu sip eno wan kerek kesikekrek, ti etike mit nekepi yi eiwir hepin emikiuwe wan kerekek te yi eiyit saauk.” ⁵ Saimon ketpiwek kar ik: “Mitik Iuwe, haiu mewir hepin me witaan ere wanewik te haiu ap mari saauk mei au. Ti hetpo te hi ewirem emno nimin ein.” ⁶ Hirak ketpor, hir newirem men nimin ein epei au, hir nari saauk yapirwe ere hepin mamwep, ⁷ te hir nenine nir yinan neit sip ham naninen nankepi. Hir nan nekepi neriyaam newisim mekre sip ere mau him te sip wik menep te mamnatin mamikre wan. ⁸ Saimon Pita kir menmen im epei au, hirak kewen ninip kerp ninaan me Jisas ketpiwek kar ik: “Ti Mitik Iuwe enaiwira. Hi mitik enuk ap hises him me God werak au.” ⁹ Hirak ketike mit kerek netikerek hir han kekrit nentar saauk yapirwe hir netiwem. ¹⁰ ††Saimon Pita ketike wariyakit tirak Jems ketike Jon nikerek te mitik Sebedi hirakit tetikerek han kekrit. Jisas katip Saimon, “Ti ap enaain

† 4:27 2Kin 5:1-14 †† 4:31 Mt 4:13; Lu 4:23 † 4:32 Mt 7:28-29; Jo 7:46 †† 4:33 Mt 8:29; Mk 5:7; Lu 8:28 †† 4:34 Jo 6:69

††† 4:41 Mt 8:29; Mk 3:11-12 ††† 4:43 Lu 8:1 † 4:44 Mt 4:23 †† 5:1 Mt 13:1-2; Mk 3:9-10, 4:1 ††† 5:4 Jo 21:3-8 †† 5:10 Mt 13:47

au. In ere maain ti eri mit eninen enisisa." ¹¹ †Jisas ketpiwekit epei au, hir mit han nekepikit nari sip neiyim nen tenhaan, hirakit tinaiwirem tisesik.

Jisas kikaap mitik enuk lepro mewik

(Mt 8:1-4; Mk 1:40-45)

¹² Wi ham Jisas keit wit hak kerek mitik enuk lepro mewik hirak keitai en. Hirak kir Jisas hirak kan kenke kiwaai ti kitehi Jisas kar ik: "Ti han kit ti erekyo te hi yaaik." ¹³ Jisas kewis his menterik katip kar ik: "Hi hanhan ti are yaaik." Wasenum lepro epei menke mekeipniwek hirak kire yaaik. ¹⁴ †Jisas ketpiwek him manp kar ik: "Ti ap atip mit menmen im au emit. Ti eno eteikin pris yink kit, ti ewetiwek menmen hirak kakwet God em mamir ke him me Moses mekre tiwei metpim. Menmen im mamteikin mit ti yaaik." ¹⁵ Hirak katip mit hir ap nanwepyapir menmen hirak kerekyorem, te menmen hirak kiriakem, mit nerer wit wit nemtewem te hir yapirwe nan nanimtau him mirak o hir nan te hirak kakikepi te hir yaain manpenun enu. ¹⁶ †Wi yapirwe hirak kipnaaiwir mit hirak ken wit weinim mit ap newi, hirak prea kitehi God menmen.

Jisas kikaap mitik hak his hit enum

(Mt 9:1-8; Mk 2:1-12)

¹⁷ Wi ham, hirak kewepyapir mit menmen, mit han ne Farisi kerek ninin nises him me Moses, hir netike mit han ne Skraip kerek newis menmen me him me Moses mau tiwei natip mit em, hir nau en. Hir ninaaiwir wit Jerusalem, han ninaaiwir wit yapirwe me provins Galili ketike provins Judia, hir nan nanimtau him mirak. Menmen iuwe me Mitik Iuwe God metikerek mekepik te hirak kakikaap mit ninap o his hit enum te hir nanre yaain. ¹⁸ Mit han nan ninan mitik hak his hit tupe mekiuwerem epei maa meit, hir ninanek kekere kinaan kiwaai yeno neiyik nan. Hir neiyik nanoke nein te hir nanino nimin nanwisik kiwaai hit me Jisas. ¹⁹ Hir ninatin au nentar mit yapirwe nerp neiyepet ya wepir ke winak te hir ninu winak siup nen niu ein, hir nenke toni kiwapin winak siup, hir nesiuwe mitik neriuwe waai kau yeno ken kiwaai ti kekreri nimin ke mit netike Jisas. ²⁰ †Jisas hirak kertei hir han kitet hirak kakikaap mitik ik, hirak ketpiwek kar ik: "Hi esak menmen enum ti hiriakem hiram mamno."

²¹ †Mit ne Skraip netike mit ne Farisi hir nitehiyan natipan nar ik: "Mitik ik hirak keimin te hirak katip enum, hirak kekrehir ke God? Keimin kakisak menmen enum haiu mit miriakem? Mit au, God kerekek." ²² Jisas kertei hir natipan menmen te hirak ketpor, "Yi yenmak yi han kitet menmen mekre han ki mar em?" ²³ Hi atip mitik kiwaai yeno kar ik: "Hi esak menmen enum ti hiriakem mamno," te yi yepitari hi atip werek o au. Te hi etpiwek: "Ti hekrit etenen yeno eiym eno," te yi eyirtei hi atip werek te hirak kakikrit kakno. Au en, hirak wen kakwaai yeno. ²⁴ ††Hi hemipin ap hesak

menmen enum mirak au, hi ap te akaap mitik ik kakre yaaik taau. Hi tewen atip mitik ik har ik: 'Ti ekrit eno,' te yi yayirtei hi Mitik ke wit ke Mitik Iuwe hi yaaik te hi herp ti, hi esak menmen enum mit niriakem mamno." Hirak ketpor epei au, hirak katip mitik enuk his hit tupe mekiuwerem epei maa meit, hirak ketpiwek kar ik: "Ti ekrit etenen yeno mit eiym eno nit ein." ²⁵ Hirak katip epei au, mitik enuk kekrit waswas te hir mit yapirwe nipirek hirak keit yeno kerek nipaa kiwaaiyem, hirak keiyim ken nirak ein kewenipi niuk me God. ²⁶ Hir mit miyapir yapirwe han kekrit newenipi niuk me God nenterik, hir natip nar ik: "Petepin haiu mir menmen nipaa mit ap nirem mar im au."

Jisas kenine Livai hirak kakisesik

(Mt 9:9-13; Mk 2:13-17)

²⁷ Hirak kikaap mitik epei au, maain hirak ketpaan ken witeik ken kir mitik kerek keit pewek me takis me mit hirak kewet gavman em. Niuk me mitik ik hirak Livai. Hirak kau winak kerek kari pewek me mit keitaak. Jisas ketpiwek, "Ti ehisisa enen." ²⁸ Mitik Livai kerek kari pewek me mit hirak kinaaiwir menmen mirak yapirwe kekrit kises Jisas.

²⁹ Maain Livai kiam Jisas menmen iuwe keit winak kirak. Hirak kari mit han enun ne mit kerek nari pewek me mit newet gavman em, hir netike mit han hir nererik nau nekre winak kirak naam menmen netikeret. ³⁰ ††Mit ne Farisi netike mit Skraip kerek nertei him me Moses natip mit miyapir em, hir nises menmen me Farisi, hir nan natip nene mit disaipel kerek nises Jisas. Hir natip nar ik: "Yenmak te yi yetike mit enun nari pewek me mit, hir netike mit han niriak enum, yi yetikeri yaam menmen metike tipar? Menmen im au enum emit!" ³¹ Jisas kewenhi ketpor kar ik: "Neimin kerek yaain hir ap nari mitik dokta kakikepi au. Neimin kerek ninap hir keriyen nari mitik dokta kakikepi. ³² Hi ap han enine mit kerek han kitet hir nire yaain te hir enweikin sip enwet menmen enum au. Hi han enine mit kerek nertei hir enun niriak enum keriyen."

Jisas katip mit him yaaim mamikrehir me him nipaa mit nisesim

(Mt 9:14-17; Mk 2:18-22)

³³ Hir wen nitiwekhi nar ik: "Mit disaipel ne mitik Jon ap naam menmen me wi yapirwe te hir nitehi God menmen. Mit nises him me Farisi hir netikeri ap naam menmen au. Te mit nit hekrit kekrit hir naam menmen. Hir nenmak?" ³⁴ †Jisas kewenhi ketpor, "Mit nau netike mitik ketike mite epei neitan te hir ap naam menmen a? Taauye! Hir nanim ye!" ³⁵ Te maain wi mamnen mit han nantiwek his kaknaaiwir mit nirak yinan. Me wi im mit nirak nineiniwek menmen ap te nanim au. Hir han teweninek."

³⁶ Jisas ketpor him tok piska mar im. Hirak katip, "Mitik hak ap kakwep laplap mirak yaaaim kekerwewim mamu enum tokim au. Keimin kakriak menmen im,

† 5:11 Mt 19:27 †† 5:14 Mk 7:36; Lu 8:56; Lev 14:1-32 †
5:16 Mk 1:35 †† 5:20 Lu 7:48 †† 5:21 Lu 7:49; Ais 43:25 †††
5:24 Jo 5:8

††† 5:30 Lu 15:1-2 § 5:34 Jo 3:29

hirak kakiwaank mirak yaaim em. Te laplap yaaim kerek epei kewepim kekerwewim mau tokim em ap te mamiram au mentar ti ekemyet, hiram mamweikin his mamre kike. ³⁷ Mitik keiyak ap te kakwen tipar wain wen petep mamikre yink me meme epei enum tokim au. Hirak kakriakem te maain tiwerpek me wain mamniu mamwep yink me meme enum tokim te hiram mamwen, tipar mamno ti. ³⁸ Au, wain tipar wen yaaim emwenem emikre yink me meme wen yaaim weiwei. Tokim au emit! ³⁹ Mitik keiyak kaam wain enum tokim hirak katip hiram yaaim. Hirak kinapen tipar wain wen petep. Hirak kaktip enum tokim em hiram minin.”

Mit ne Farisi nene Jisas nentar mit nirak ap nises menmen me wi Sabat
(Mt 12:1-8; Mk 2:23-28)

6 [†]Me wi Sabat, Jisas ken keremir ni ham wit nikim mewim ketike mit nirak hiswiyen wik (12). Me wi Sabat, mit niriak menmen au, hir nau weinim. Mit disaipel nirak neit nikim me wit (hiram mire rais), hir nehish newenem nekinenim naam. ² ^{††}Te mit han ne Farisi hir natip neneri nar ik: “Yenmak te yi yiriak menmen kerek him me Moses meriuwesisem te yi ap eiriakem me wi Sabat a?” ³ [‡]Jisas keweni ketpor, “Yi epei yekine menmen nipaa maam nipu kiau Devit ketike mit nirak hir niriakem me wi kerek hir ninpi maan. Te yi ap han kitetim yerteyem werek werek au a? ⁴ ^{†††}Hirak ken kinik winak ke God kerek mit newenipi God neit nimin en. Mitik iuwe pris kewetiwekem kekin bret kerek newisim nehimitanem me God, hirak kaam kewet mit kerek netikerek kewtir meiyam hir naam. Him me Moses matip mit pris keriyen nanim bret im e. Mit han au. Mitik hetpris kewis maam nipu kiau Devit kiriak menmen im ap kenerek au, te yi yenmak yena yatip hi hiriak enum a?” ⁵ Hi Mitik ke wit ke Mitik Iuwe hi yaaik te hi atip mit menmen hir enriakem me wi Sabat. Hi hinin menmen maamrer netpim te yi eiysesim me wi Sabat.

Me wi Sabat Jisas kikaap mitik his enuk hirak kire yaaik
(Mt 12:9-14; Mk 3:1-6)

⁶ Me wi Sabat ham, Jisas ken kekere winak kerek mit nererik nekine him me Moses, hirak kewepyapir him me God. Mitik hak kau en, hirak his yaaim mirak enum meweikin, hemik weinik. ⁷ ^{††}Mit han ne Skraip newepyapir him me Moses netike mit han ne Farisi naanmipre Jisas te hir nanirek kakriak menmen kakikaap mitik ik his enum kaki wi Sabat kerek hir neriuwesisem, te hir nantip nansiuwek him nankip kaki. ⁸ ^{†††}Hirak kertei han kir, hirak katip mitik kerek his mirak meweikin ketpiwek kar ik: “Ene ehirp in.” Hirak kekrit kan kerp in. ⁹ Jisas ketpor kitorhi, “Him me Moses matip haiu mamriak yaaim o enum mami wi Sabat? Haiu mamriak mitik kinap kaku o kaki me wi Sabat a?” ¹⁰ Hirak naanmenteri mit yapirwe. Hirak naanmenteri, hirak katip mitik ik kar ik: “Ti esiuwe his

mit.” Hirak kiriakem te his mirak mire yaaim mipiram. ¹¹ Jisas kekepik, te mit hir neperper nine han enuk wisenum natipan nime nipinek menmen hir nanriak Jisas em enum.

Jisas kehimitan mit aposel nar hiswiyen wik (12)
(Mt 10:1-4; Mk 3:13-19)

¹² Me wi im, Jisas kiniu ken miniu (o neiyip) kitehi God menmen. Witaan ere wanewik hirak kitiwekhi menmen. ¹³ ^{†††}Wanewik, hirak ken kenine mit yapirwe kerek nises him mirak, hirak kehimitan mit hiswiyen wik (12) hirak kewepor niuk mir kenewor kare “Aposel” nirak, maain hir enriak menmen mirak. ¹⁴ Hirak kehimitan Saimon kerek hirak kewis niuk mirak ham Pita. Hirak ketike nikik kirak Endru. Hirak kehimitan Jems, Jon, Filip, Batolomyu, ¹⁵ Matyu, Tomas, Jems hirak nikan ke mitik Alfias, Saimon kerek niuk mirak ham Selot, hir netike ¹⁶ Judas, nikan ke mitik hak Jems, hirak ketike Judas Iskeriot kerek maain kakwepyapir Jisas te mit enun nepan nirak neiyik nen nakip.

Jisas kewepyapir him me God hirak kikaap mit ninap
(Mt 4:23-25)

¹⁷ Epei au, Jisas ketike mit nirak nekiuwe miniu (o neiyip), hir nen wit kipirak netike mit yapirwe nises him mirak. Hir netike mit yapirwe nerer wit wit me provins Judia netike mit ne Jerusalem netike mit ne wan menep wit iuwe Taia ketike Saidon, ¹⁸ hir nan nanimtau him me Jisas, hir nan te hirak kakikepi. Mit han kerek hiram herwe mekreri hir nan, te Jisas hirak kekepi kepirem. ¹⁹ Mit yapirwe hanhan nanwis his mamwik nanintar menmen mirak iuwe meit nimin mamno mamkaap mit te hir nanire yaain.

Jisas katip him me mit hir han yaaik, him me mit hir han enuk
(Mt 5:1-12)

²⁰ Jisas kerenaan kir mit nirak nisesik hirak ketpor kar ik:

“Yi mit enun menmen auri. Yi han yaaik eiyu eiyintar God naanmamri.

²¹ [§]Yi mit miyapir kerek hanhan eiyses him me God Iuwe, yi han yaaik eiyu eiyintar maain yi eiysesik werek eiyu werek eiyir ke mit kerek hir ninpi maan hir naam menmen ere tu iuwe.

²² ^{§†}Yi han yaaik eiyu te hir mit han enuk neriuweri hir nanimtaantiwo hir neweikin sip newetiyem hir netpi nisesi nentar yi yisisa hi Mitik ke wit ke Mitik Iuwe. ²³ Nipaa enum eik maamrer nir niriak mit profet enum te God kakwetir menmen yaaim iuwe kakit wit kirak. Maain mit nanrekyi enum nanir ke nipaa maamrer nir niriak profet em. Maain wi menmen enum im mamnen, yi einakin tokim han yaaik eiyu eiyintar maain God kakweti menmen yaaim mirak kakit wit kirak.

† 6:1 Diu 23:25 †† 6:2 Jo 5:10 ‡ 6:3 1Sml 21:1-6 †† 6:4 Lev 24:5-9 †† 6:7 Lu 13:14, 14:1 ††† 6:8 Lu 5:22, 9:47

††† 6:13 Jo 6:70 § 6:21 Rev 7:16-17; Sam 126:5-6; Ais 61:3 §† 6:22 Jo 15:19, 16:2; 1Pi 4:14

²⁴ †“Yi mit in ek yi yetenen menmen yapirwe te maain yi han enuk eiyu eiyintar yi ap yayit menmen yaaim meit wit ke God au.

²⁵ “Yi mit in ek yi tu iuwe han enuk eiyu eiyintar maain yi ninpi mamiwei. Yi mit in ek yenwesis, maain yi han enuk eiyu eiyintar maain yi yaikit.

²⁶ “Nawaai meruri mit netpi yi yaain yi naanmamre hiras eiyintar menmen im ap meteikin yi yatip yaaim au. Nipaa maamrer ne mit in enun hir natip mit profet enun nemipin hir yaain. Te hir yaain au. Hir enun ye!

Yi hanhan mit enun nepan

(Mt 5:38-48)

²⁷ †“Yi mit kerek yemtau him mai hi hetpi har ik: ‘Yi hanhan mit nepan, yi yairiak yaaim me mit hir han enuk neriuwi. ²⁸ †Mit kerek newen henye netpi enum te yi yetpor him yaaim. Hir mit kerek nerekyi enum, yi eiyitehi God ekrekyor yaaim. ²⁹ Mitik kerek kakitep kaknemtinut nikip, ti ewisik pike ekitep ekno nikip pinam. Mitik hak kaknen kakri saket kit, ti ap etenen siot au. Ti ewisik hirak ektiwek ektikerek. ³⁰ Neimin nitih menmen yi eiwetirem, te yi ap pike yetpor hir enwetiye au emit! ³¹ †Yi eiyinin eiriak mit menmen yi hanhan maain te mit nanrekyiyem.

³² “Yi hanhan mit keriyen kerek hir hanhani, yi han kitet God kaktip yi yaain? Taau. Hiram menmen weinim. Mit enun nises God au, hir niriak menmen mar im. ³³ Yi eiriak yaaim mit keriyen kerek nerekyi yaaim, yi han kitet menmen im hiram iuwe te God kaktip yi yaain? Taau. Hiram menmen weinim. Mit enun nises God au hir niriak menmen mar im. ³⁴ Yi eiwet mit menmen kerek yi han kitet maain hir pike enwetiye, yi han kitet menmen im hiram iuwe te God kaktip yi yaain a? Taau! Hiram menmen weinim. Mit enun newet mit han menmen te hir pike nantiwem. ³⁵ †Yi hanhan mit nepan eirekyor yaaim, eiwetir menmen te ti ap han kitet pike eiwit menmen au emit! Yi eiriak menmen im te God kakweti menmen yaaim. Yi yeteikin mit yi yaire nikerek ne God yentar God kiriak yaaim kikaap mit enun nises han kir hanhan hiras, hir netike mit yaain. ³⁶ Yi eikaap mit eirekyor yaaim eire Haai ki God kiriakem.

Yi ap skelim mit han eitip yi yaain te hir mit enun au emit

(Mt 7:1-5)

³⁷ †“Yi ap skelim mit me menmen hir niriakem te God ap skelim yi mit me menmen yi yiriakem taau. Menmen enum mit nerekyiyem, yi eitip hiram menmen weinim. Te God han yaaik keriuwi kakisak menmen enum mi mamno. ³⁸ †Yi eiwet mit menmen te God kakweti menmen ere mau him te mamihinhin. Mamirkeim yi eiwet mit menmen, hiram mamir ke God maain kakwetiye.”

³⁹ †Jisas ketpor him tok piksa im e. Hirak katip, “Mitik nanamir toto ap te kakteikin mitik hak kerek nanamir toto tatriyakit tatitet yayiwe. Hirak kakriak menmen mar im te hirakit tatinkewin tatikre wi. ⁴⁰ †Nikan sumatin kau skul ap kakirtei menmen kakinin mitik tisa kirak. Te maain hirak kakirtei menmen epei werek te hirak kakre tisa kirak kerek ek. ⁴¹ Ti henmak te ti hipir menmen mire yenkis yehes mekre nanamir ke kit yinak te ti ap hertei nu mire heneik mau mekre nanamir kit a? Ti ehinin eweikin sip ewet menmen enum te maain ti yaaik te ti atip kit yinak menmen enum hirak kiriakem.

Nu enum ap mine nikim yaaim au

(Mt 7:17-20, 12:33-35)

⁴³ “Nu yaaim ap mine nikim enum au, nu enum ap te mine nikim yaaim au. ⁴⁴ Mit nir nikim me nu ham, hir nertei hiram tuwaan o hinaan. Mit ap nenep tapir mau nu miyak herpe au. Hir ap newen hinaan nikim mari mau sirpit au. ⁴⁵ Mit hir nar nu im. Mitik yaaik kiriak menmen yaaim kentar menmen yaaim mau han kirak. Him me mit mewepyapir menmen mekre han kir.

Him me mit nime winak

(Mt 7:24-27)

⁴⁶ †“Yi yenmak yi yatip hi Mitik Iuwe te yi ap yises him mai au a? ⁴⁷ Mitik kerek kaknen kakimtau him mai kakisesim, hirak kakre mitik kime winak. Mitik ik kekin hei kime winak kentar nan keit miniu (o neiyip). Maain mani kakniu kaknep winak te ap keket winak au kentar mitik kimaak yaaik kime winak kentar nan keit miniu (o neiyip). ⁴⁹ Mitik kerek kaknen kakimtau him mai kakisesim au, hirak kakre mitik kime winak kekin hei kau tenhaan menep mani. Hirak kimaak kau tenhaan, maain mani kakniu kaknep winak kakwenek, hirak keiyik kakno kakiwaankek.”

Jisas kikaap mitik hirak kiriak menmen me mitik iuwe ke ami

(Mt 8:5-13)

7 Jisas katip menmen im epei au, hirak ken wit Kapaneam. ² Hirak ken wit Kapaneam, mitik iuwe ke ami ke wit Rom kepu Kapaneam, hirak han tewenin mitik kerek kiriak menmen mirak, hirak kinap menep te kaki. ³ Me wi im hirak kemtau Jisas kikaap mit, hirak keriuwet mit iuwe ne Juda nau wit eik te hir nanitiwekhi kaknen kakikaap mitik ik. ⁴ Hir nan nir Jisas nitiwekhi him iuwe netpiwek, “Mitik ik hirak yaaik te ti enen ekepik. ⁵ Hirak han tewenin haiu mit ne Isrel hirak kime winak kaiu kerek haiu mau mererik mekine him me Moses.”

⁶ Hir natip epei au, Jisas ketikeri nen. Hir menep te hir nipiun winak kirak eik, mitik iuwe ke ami keriuwet nirak yinan newenyipiri netpiwek, “Mitik Iuwe ti ap enen au emit! Hi ap yaaik te ti enen enik winak kai au. Ti Mitik Iuwe hi au weinik. ⁷ Hi han kitet hi ap yaaik te

† 6:24 Je 5:1 †† 6:27 Pro 25:21; Ro 12:20 † 6:28 Ro 12:14
 †† 6:31 Mt 7:12 †† 6:35 Lev 25:35-36 ††† 6:37 Mt 6:14 †††
 6:38 Mk 4:24

§ 6:39 Mt 15:14 †† 6:40 Mt 10:24-25 ††† 6:46 Mal 1:6; Mt 7:21

hi enen erit au. Hi hertei ti atip him keremem te mitik kai pike kaku werek kentar ⁸ hi har ke ti. Hi ehises him me mit niau ne ami ninina. Hi hinin naanmipre mit ne ami han. Hi atip mitik ik, 'Ti eno,' te hirak kakno. Hi atip mitik eik, 'Ti enen,' te hirak kaknen. Hi hatip mitik kerek kiriak menmen mai, 'Ti eriak menmen im,' te hirak kakriakem. Ti atip enen menmen enum mekre yink ke mitik kai te hiram eminke emrir emkepniwek."

⁹ Jisas kementewek katip karik, hirak han kekrit han yaaik, hirak keweikin katip kar ik: "Hi etpi hi ap hertei mitik kiutip ke mit ne weiwik me Isrel hirak han kitet him me God kar ke mitik ik kisesim au." ¹⁰ Jisas katip epei au, hirak keriuwet mit kerek mitik iuwe ke ami keriuweti nan nirek, te hir pike nen winak kirak, hir nir mitik kiriak menmen mirak hirak pike kire yaaik.

Jisas kikiak mitik pipiak kaa keit wit Nen

¹¹ Maain wi ham Jisas ken wit niuk mirak Nen. Mit nirak nises him mirak netike mit han yapirwe nen netikerek. ¹² Hirak ken kiun ya weipir ke niwa ke wit eik epei au, hirak kir mit ninan herwe kentar kinaan nanwisik kakikre hei. Herwe kaa, hirak nikan ke mite kerek nipaa mitik kire kaa. Mit yapirwe ne wit nikitek nen. ¹³ †Mitik Iuwe Jisas kir miye pirak wikitek, hirak han teweninep ketpiwe kar ik: "Ti ap ekitek au emit! Ekin-tip!" ¹⁴ ††Hirak kan kewis his mentar yeno te hir mit nianek neiyik nerp neit. Te hirak katip mitik pipiak kar ik: "Hi hetput ti ekrit." ¹⁵ †Hirak katip epei au, herwe kerek kaa hirak kekrit kau, hirak katip. Te Jisas keriuwetek pike ketike miye pirak nen. ¹⁶ ††Hir nepirpir newenipi niuk me God natip nar ik: "Mitik profet iuwe epei kan kau niman ke haiu mit. God epei kan kakikaap haiu mit miyapir nirak." ¹⁷ Mit newepyapir menmen Jisas kiriakem men merer wit wit me provins Judia ketike wit menep.

Jon keriuwet mitikit disaipel wiketeret ten tir Jisas

(Mt 11:2-19)

¹⁸ Mit disaipel ne Jon netpiwek menmen yapirwe Jisas kiriakem. Te hirak kari mitikit wik tirak, ¹⁹ ††keriuwetet ten Mitik Iuwe Jisas te titiwekhi, "Ti Mitik Iuwe kerek God katip kaknen ek o haiu mamimerir mitik keiyak?" ²⁰ Mitikit te Jon epei ten tir Jisas hirakit titiwekhi tarik: "Jon kerek kikir mit keriuwetawir te hawir wituthi, 'Ti Mitik Iuwe Krai kerek God keriuwetit o haiu mamimerir keiyak maain kaknen?'"

²¹ Me wi im Jisas kikaap mit hir ninaap hir nire yaain. Hirak kikaap mit han kepir herwe mekre han kir hir nire yaain. Hirak kikaap mit nanamir toto te hir nir ein ein. ²² ††Hirak kewen Jon mitikit tirak ketpiwekit, "Yi pike eino eitip Jon menmen yi yirem, menmen yi yemtehem. Mit nanamir toto hi ekepi te hir nir ein ein. Mit kerek perku enum hir neke ti nen werek werek. Mit lepro mawi, yink kir kire yaaik. Mit nikip toto enum hir nemtau. Mit epei naa hi hikian nekrit nepu. Hi atip mit

enun menmen au, hi eweporyapir him yaaim me God. ²³ Mit kerek hir han yaaik neriuwe menmen hi hiriakem han kiteta, hi Mitik God keriuweta hikaap mit, hir han yaaik enu."

²⁴ Hirak ketpiwekitem, mitikit Jon keriuwetet epei ten, Jisas katip mit yapirwe in me Jon. Hirak ketpor kar ik: "Yi yen yayir mekam yayit wit weinim a? Yi yir menmen weinim mire niyen (o keneiken) nime metitwem, ²⁵ o au en, yi yen yayir mekam a? Mitik keriuwet klos yaaim? Au, mit narik hir nau werek werek hir nepu winak ke mit iuwe gavman keriyen. ²⁶ ††Im au, te yi yen yayir mekam a? Mitik profet? Yi epei yir mitik profet, te hi etpi werek. Hirak Jon kinin mit profet. ²⁷ †Jon hirak mitik kerek him me God mau tiwei matip mar im:

'Eiyimtehem! Hi ariuwet mitik kai kaktip him kakininik kakno kaktip mit, ti Mitik hi God hehimitenut ti enen, te hir enweikin sip enwet menmen enum nanmeriyut.' ²⁸ Hi hetpi me wi Jon kiriak menmen, hirak mitik iuwe epei kinin mit yapirwe kerek miyapir nipaa ninen. Te in ek hir mit kerek niuk mir kike hir nises God hirak naanmipror, maain hir nanu nantike God nanit en hir naninin Jon kerek wi hirak kau ti ik e."

²⁹ †Hir mit weinin netike mit kerek hir nari pewek me takis newet mit iuwe ne gavman em, hir yapirwe nemtau him Jisas ketpim me Jon, hir natip, "Him me God hiram yaaim." (Hir keriyen nises him me God kehimitanorem, hir newis Jon kikir neriuwe tipar. ³⁰ ††Hir mit ne Farisi kerek naanmipre him me Moses netike mit ne Skraip kerek newepyapir him me Moses, hir au. Hir neweikin sip newet menmen God hanhan hir nanisesim mamkepi te hir ap newis Jon kikir neriuwe tipar au.)

³¹ Jisas wen ketpor kar ik: "Hi atip mekam te hi eteikni mit nau ti ik ek hir neweikin sip newet God hir nire mekam? Hi hetpi. ³² Hir nire nikerek netike miye haai nen maket nesiuwe menmen mir, nikerek han nenine nikerek han netpor,

'Haiu miriam tukin mine henye te yi yipire au. Haiu memipin menep tukin han tewenin herwe kaa, te yi yikitek au. (Haiu miriak menmen ham ham te yi ap han yaaik yeriuwerem au.) Yi mit han yi yire nikerek in.'

³³ Hirak Jon kerek kikir mit neriuwe tipar kan nipi maak kepu, hirak ap kaam wain tipar si enum, te yi yatip herwe kekrerek. ³⁴ †Hir Mitik ke wit ke Mitik Iuwe epei han haam menmen metike wain tipar si enum te yi yatip, 'Eiyirek! Hirak kaam menmen yapirwe kaam tipar yapirwe. Hirak ketike mit nari pewek me takis netike mit niriak enum, hirak ketikeri nariyan niriak menmen.' ³⁵ Menmen God kiriakem mit kerek nisesim nertei hiram yaaim."

Jisas keit winak ke Saimon ke Farisi

³⁶ ††Mitik kiutip ke mit Farisi kitehi Jisas kaktikerek tatim menmen tatit winak kirak, te hirak ketikerek ten taam menmen teit winak kirak eik. ³⁷ †Mite hap weit

† 7:13 Lu 8:52 †† 7:14 Lu 8:54 † 7:15 1Kin 17:23; 2Kin 4:36
†† 7:16 Lu 1:68, 19:44 †† 7:19 Sam 40:7; Mal 3:1; Rev 1:8 ††
7:22 Ais 35:5-6, 61:1; Lu 4:18

††† 7:26 Lu 1:76 § 7:27 Mal 3:1 §† 7:29 Lu 3:12 §†† 7:30
Mt 21:32 §† 7:34 Lu 15:2 §†† 7:36 Lu 11:37 §† 7:37 Mt 26:7;
Mk 14:3; Jo 12:3

wit ik ek, hire enu wiriak enum. Hire wertei Jisas kaam menmen keit winak ke mitik ke Farisi, te hire weit min tipar minin yaaim mekrerem weiyim wan. ³⁸ Hire wen werp sip ke Jisas menep hit mirak, witehir wikit wan ketnen kentar hit mirak te hire weit paan kire nokik weiyik wesiunen hit mirak. Hire weiyewiwewek hit te hire wewen tipar sanda kerek yaaim minin em menterim.

³⁹ Mitik hak ke Farisi ik ek nipaa kenine Jisas ken kaam menmen ketikerek hirak kir menmen im, hirak katip kekere han kirak, "Mitik ik hirak kire profet, te hirak epei kertei mite ip ep hire peimin hire wire mekap te hire wetenenik, hire wire mite enu wiriak menmen enum."

⁴⁰ Jisas kertei han kirak te hirak ketpiwewek kar ik: "Saimon, hi ami hetput menmen." Saimon kewenhi kar ik: "Mitik Iuwe, ti etpo." ⁴¹ Jisas katip, "Nipaa mitikit wik tari pewek me mitik hirak kewetiwekitem, te pike tatwetiwekitem kiutip hirak kari 500 kina. Hak au 50 kina kerem em. ⁴² Maain hirakit ap tetenen pewek te hirakit pike tatwetiwekem, hirak katip hiram menmen weinim. Te ti han kitet keimin ke mitikit wik hirak han teweninek wisenuk a?"

⁴³ Saimon katip, "Mitik nipaa kari pewek iuwe, hirak han teweninek wisenuk." Jisas ketpiwewek, "Ti atip werek."

⁴⁴ Jisas kiwaai naan kir mite ip e, hirak katip Saimon, "Ti epei hir mite ip a? Ti heninau te hi han winak kit. Ti ap eweto tipar te hi ekemyet hit mai ehises menmen me maamer niau au. Te hire wekemyet hit mai weri uwe wan ke nanamir kire, hire wesiunenim weri uwe paan kire. ⁴⁵ Nipaa hi han winak kit ti ap heiyewowa au, te hire weiyewo hit mai kerek nipaa hi hiwaai yeno ere in. ⁴⁶ †Ti ap hewis tipar minin yaaim kike mau paan kai au. Te hire wewen tipar minin yaaim wisenum mau hit mai. ⁴⁷ Hi hetput, hire han tewenina. Menmen im meteikin mit hire han yaaik wentar hi epei hesak menmen enum mire yapirwe, hiram epei men. Mitik kerek ap kertei werek God kesak menmen mirak hiram iuwe, maain hirak han tewenin God kike." ⁴⁸ Jisas katip mite ip kar ik: "Menmen enum mit, ti nipaa hiriakem, hi epei esakem." ⁴⁹ Mit han nau yeno eim naam menmen netikerek hir han kitetim mekre han kir, "Hirak han kitet hirak keimin te hirak kesak menmen enum mit niriakem a? Hirak God a?" ⁵⁰ †Au, Jisas wen ketpiwe kar ik: "God kekepit kentar ti han kiteta. Ti han yaaik eno."

Miyapir han nises him me Jisas

8 †Maain wi ham Jisas ken wit iuwe, wit kike kewepyapir him yaaim me God naamamre mit. Mit nirak nar hiswiyen wik (12) netikerek nen. ² †Miyapir han kerek nipaa Jisas kekepi ninap o kepir herwe mewu menpin, niuk mir im: Maria kerek niuk ham Magdala kerek nipaa Jisas kepir herwe hispinak wik (7). ³ Hire wetike Joana kerek mite pe mitik Susa, mitik iuwe naanmipre menmen meit winak ke mitik

† 7:44 Jen 18:4 †† 7:46 Sam 23:5 ‡ 7:48 Lu 5:20-21 ††
7:50 Lu 8:48, 17:19, 18:42 †† 8:1 Lu 4:43 ††† 8:2 Mt 27:55-56;
Mk 15:40-41; Lu 23:49

iuwe gavman King Herot. Hire wetike Susana, miyapir han yapirwe naanmipre Jisas ketike mit nirak nisesik hir naanmiprewewek neriuwe menmen mir.

Jisas katip him tok piska ke mitik kamir menmen

(Mt 13:1-9; Mk 4:1-9)

⁴ Mit nerer wit wit nan nir Jisas. Jisas kir mit yapirwe nererik nerp menep, hirak ketpor him tok piska mar im: ⁵ "Mitik hak ken kewir rais yehes meit ni mirak. Hirak wen kewirem, ham menke miwaai yayiwe, mit nan nentiraam, hore meniuwe man maam. ⁶ Yehes ham menke miwaai ti kike kentar nan. Hiram mewo te hiram maa mentar tipar au. ⁷ Yehes ham menke miwaai ti waai enum tiktik enum mewiyen. Yehes metike waai enum mewo mipiram te waai enum miwapinem te hiram ap mari au. ⁸ Yehes ham menke mekre ti yaaik nipaa mitik kewenek hiram mewo yapirwe mine nikim mar 100." Hirak Jisas wen katip kinap him iuwe, "Keimin ekimtau him mai nikip emnep hirak han ekitet menmen hi epei hetpim."

Jisas kewepyapir kenmak te hirak katip mit him tok piska

(Mt 13:10-17; Mk 4:10-12)

⁹ Hirak katip epei au, mit nirak kerek nises him mirak nitiwekhi nar ik: "Ti ewepyapir him nipaa ti hetpim." ¹⁰ †Jisas ketpor kar ik: "God kewisi yi yertei han kirak te hirak naanmamre mit. Te mit han en hi hetpor heri uwe tok piska te hir nir menmen hir nepitariyem, hir nemtau him te hir ap nisesim werek au."

Jisas kewepyapir menmen me tok piska

(Mt 13:18-23; Mk 4:13-20)

¹¹ †Him me tok piksa hiram im: Rais yehes hiram him me God keremem. ¹² Yehes miwaai yayiwe hiram mire mit nemtau him me God te Seten kan kari him yaaim mau han kir mamno te hir ap nises him mirak, te hirak God ap kakikepi kaktorhis au. ¹³ Yehes miwaai ti kike kentar nan hiram mire mit nemtau him me God hir han yaaik hir nire nekenik kike mau pin. Hir han kitet him me God kike keremem, te him mamno han kir au mire yehes nekenik kike mau pin. Maain wepni kakmip hiram mamweiwei. Maain Seten kaknen kakri han kir te hir nanweikin sip nanwet him me God. Him mirak mekre han kir mami. ¹⁴ Yehes menke miwaai ti enuk kerek waai tiktik mewiyen, hiram mire mit nemtau him me God te hir hemkre menepam neriuwe pewek o menmen mir, hir hanhan nises menmen han kir katip hiram yaaim, te hiram meiyepet han kir te hir ap nises God werek werek au. ¹⁵ Yehes menke miwaai ti yaaim ham mire mit nemtau him yaaim me God. Hir nemi mekre han kir yaaik, hir nisesim ere hir nises God werek werek niriak menmen yaaim mire rais mari yapirwe.

††† 8:10 Ais 6:9-10 § 8:11 1Pi 1:23

Mit hir ap nisawin si kinik sar au

(Mk 4:21-25)

¹⁶ †Mitik ap keksiu si kisawinek kekre sar o kewisik kinik yeno au. Hirak kewisik kau yaain te mit naninen nimin in nanirek. ¹⁷ ††Menmen yapirwe misawin meit te maain hiram mamu yaain mit nanirem. Menmen yapirwe misawin meit te maain God kakwepyapirem kakteikin mit em. ¹⁸ †Menmen yi yemtewem yi naanempre hiras te yi yemtewem werek, yi han ekite-tim werek werek. Keimin ketenen him yaaim kisesim, maain God kakwetiwek him ham yaaim. Keimin han kitet kerek hira ketenen him ham hira kisesim, menmen hira han kitet hira kerteiyem, God kakriyaam mamno mamkeipniwek mamiwaank mamit."

Jisas miye pirak wetike kikrek nirak naninen nanirek

(Mt 12:46-50; Mk 3:31-35)

¹⁹ Miye pe Jisas wetike kikrek nirak nan nanirek te hir ap nanwep mit yapirwe nanirek. ²⁰ Mit han netpiwek, "Miye pit wetike kikrek nit nerp wit eik nanrit." ²¹ Te Jisas kewenhi ketpor, "O, hi hemtau. Te hi hetpi, mit kerek nemtau him me God nisesim, hir nire miye wetike kikrek nai."

Jisas katip kewen yuwerep pike matin meit

(Mt 8:23-27; Mk 4:35-41)

²² Wi ham Jisas ketike mit nises him mirak hir nen nau nekre sip. Te hirak ketpor, "Haiu mamno wan pinak ein." Hirak ketpor, te hir nepno. ²³ Hir nepno, Jisas kiwaai kinatin keit, yuwerep kiniu kekiuwe miniu (o neiyip) kan. Yuwerep kekiuwe miniu (o neiyip) kan te wan tipar kehin kekre sip, sip menep mamiwer mamri-uweri nanikre wan te hir nani. ²⁴ Mit nirak nen nekotitek netpiwek nar ek: "Mitik Iuwe, Mitik Iuwe, haiu menep te mami." Jisas kekrit katip kewen yuwerep ketike wan, hiram mewire meit. ²⁵ Te hirak ketpor, "Yenmak yi yinaain te yi ap han kiteta werek werek au a?" Te hir han kekrit hir ninaain natipan nar ik: "Mitik ik hirak iuwe, menmen iuwe mewik te hirak katip yuwerep wan hiram mewire miwaai meit."

Jisas kikaap mitik herwe enum mekrerek

(Mt 8:28-34; Mk 5:1-20)

²⁶ Sip merekir wan ere mipiun ti ke wit Gegesa. Gegesa kiwaai wan keit pinak ein te Galili kiwaai keit pinak in. ²⁷ Jisas kenke ken kiun tenhaan eik, mitik ke wit iuwe kewenyipirek. Mitik ik herwe mekrerek me wi yapirwe hirak ap kamir laplap au. Hirak kau winak au, hirak kepu han kinik miniu (o neiyip) han kerek mit newis herwe maa mekrerem. ²⁸ Wi yapirwe herwe merekiwek han ken sip, mit naanmiprewek hir newenkekik neriuwe sen ain mau his hit mirak te hirak keremir te herwe meriyaak meiyik men wit weinim mit

ap newi. Jisas katip herwe enum him manp te hirak kepirem mamno. Jisas wen ketpiwek hirak kenepip kenkewin kiwaai ninaan mirak hirak katip him iuwe mar im: "Jisas ti Nikan ke God Wisenuk. Ti henmak herekyo menmen im? Hi hituthi ti ap herekyo menmen im au emit!"

³⁰ Jisas kitehi herwe kar ik: "Ti ekine niuk mit." Hiram matip mar im: "Niuk maiu mit yapirwe mentar haiu yapirwe mekrerek." ³¹ Herwe mitiwekhi te hirak ap kakriuwetem mamno hei enuk.

³² Sak yapirwe merp miniu (o neiyip) menep maam menmen te herwe nitiwekhi hirak ekwisim mamno mamikre sak im. Jisas kewenhi herwe hiram mamno. ³³ Jisas kewenhi herwe te hiram metpaan mekeipin mitik, hiram men mekre sak. Te sak mesiukin mekiuwe tinpi (o neiyi) me miniu (o neiyip) men mamn wan te tipar mekiuwe him yipir, hiram maa meit.

³⁴ Hir mit naanmipre sak nir menmen im, hir nirir nen natip mit ne wit iuwe, mit ne wit kike netporem.

³⁵ Hir netporem, hir mit ne wit nesiukin nen nanir menmen hir nepei netporem me sak. Te hir nan nir Jisas ketike mitik kerek Jisas kepir herwe mekeipniwek hirak kau menep hit me Jisas. Hirak han yaaik epei kamir laplap te hir ninaain. ³⁶ Mit kerek epei nir Jisas kepekik hir natip mit ne wit karkeik Jisas kikaap mitik nipaa herwe mekrerek. ³⁷ Te mit nerer wit wit me Gegesa hir nan nitehi Jisas kaknawiri kakintar hir nineinik wisenum, te Jisas ken kau sip kakno pinak ein. ³⁸ Hirak kau sip kakno, mitik kerek Jisas kepir herwe menke menpin mekeipniwek kitehi Jisas him iuwe kak-tikerek tatno, te Jisas keriuwetek ketpiwek, ³⁹ "Ti pike eno nit en ewepyapir atip mit menmen yaaim iuwe God kerekjutem." Hirak ketpiwek, te hirak pike ken nirak en kewepyapir katip mit yapirwe neit nirak en menmen Jisas kerekiwekem.

Jisas kikaap Jaires niki pirak wetike mite kerek wetenen klos mirak

(Mt 9:18-26; Mk 5:21-43)

⁴⁰ Jisas pike ken kerekir wan ken pinak ein, te mit yapirwe hir han yaaik neriuwerek nentar hir nermeriyiwek pike kerekir wan kaknen en. ⁴¹ Hirak kiun ein, mitik niuk mirak Jaires ken menep. Hirak mitik iuwe ke winak kerek mit nau nererik nekine him me Moses ein. Hirak kan kenke kiwaai hit me Jisas kitiwekhi him iuwe kar ik: "Ti enen winak kai." ⁴² Hirak kitiwekhi kentar hirak kine niki piutipen, hire tito hiswiyen wik (12). Hire winap menep te wawi. Jisas kepno ketikerek, mit yapirwe nisesik neweikniwek.

⁴³ Mite hap kerek winen hemkre tito hiswiyen wik (12) hire wisisik. Hire wewir pewek mire epei mesi, te mit nekepye werek werek au. ⁴⁴ Hirak kepno, hire wisisik weke sip kirak wan wetenen hir me saket mirak, te wasenum hire hemkre katin keit. ⁴⁵ Jisas kitehi katip, "Peimin wetenina?" Te hir yapirwe niune natip nar ik: "Hi au. Hi au." Pita katip, "Haiu mit yapirwe mewei knut merp menep menep. Ti henmak te ti hatip him mar im?" ⁴⁶ Au, Jisas katip, "Mite hap hire wetenina. Hi

† 8:16 Mt 5:15; Lu 11:33 †† 8:17 Mt 10:26; Lu 12:2 ‡ 8:18 Mt 25:29; Lu 19:26

hertei menmen mai iuwe epei minaiwira mikaap mite peiyap." ⁴⁷ Mite wertei Jisas kertei menmen hire wiriakem, te hire weperper wan wewen ninip wiwaai menep hit me Jisas, hire wewepyapir hirehes me ninaan me mit yapirwe markeim te wasenum hirak kekepiye hire wepu werek werek. ⁴⁸ Hire wepu werek werek, te Jisas ketpiwe kar ik: "Mite ti han kiteta te God kekepit ti hire yaaip. Ti han yaaik eno."

⁴⁹ Jisas wen katip him im, mitik hak ke winak ke mitik iuwe Jaires kan ketpiwek kar ik: "Niki pit epei waa. Ti henmak ti eriyaam ektan Jisas? Ti ewisik kakno." ⁵⁰ Jisas kemtewek hirak katip Jaires kar ik: "Ti ap enaain au. Ti han ekiteta te hire wawu werek." ⁵¹ Hirak kipiun winak, te hirak kewis mit han netikerek nanino nimin winak au. Pita, Jems, Jon netike miye haai hir keriyen nen nimin. ⁵² Mit yapirwe ein nikitep hir han teweninep, te Jisas ketpor, "Yi ap eikitep au emit! Hire ap waa, hire wiwaai kerep ep." (Hirak ketpim kentar hirak hanhan kakikia.) ⁵³ Hir nemtewek hir nenwesisek nentar hir nertei hire epei waa weit. ⁵⁴ Hir nenwesisek te Jisas keteniniwe his mire keninewe him iuwe kar ik: "Niki ti ekrit." ⁵⁵ Himin kire pike kan kekrerep te wasenum hire wekrit. Jisas katip miye haai hir enwetiwe menmen hire wawim. ⁵⁶ Miye haai nire, hir han kekrit, te hirak ketpor him manp te hir ap nantip mit menmen hirak kiriakem au emit!

Jisas keriuwet mit nirak hiswiyen wik (12) niriak menmen mirak

(Mt 10:5-15; Mk 6:7-13)

⁹ Jisas kenine mit nirak disaipel hiswiyen wik nirak (12) kewisi hir nekrehir kirak ninin herwe hir nankaap mit ninap te hir nire yaain. ² Hirak keriuweti hir nen nanwepyapir God kinin naanmamre mit. Hirak keriuweti nankaap mit miyapir ninap. ³ Hirak kinin ketpor, "Yi ap eiyit menmen kerek yi yeiyim yaino au. Menmen au, pewek au, laplap meiyam au, tanik metike paap au. Yi yewi yiriak menmen mi, ⁴ maain yi yaino wit mit hir newisi yewi, yi yau winak kiutip kerekek ere yi einaaiwir wit. ⁵ Yi eipiun wit mit ap nanimtau him mi, yi einaaiwir wit eik, yi einepep toni waniu mamu hit mi te eiteiknor God han enuk kakri- uweri." ⁶ Hirak ketpor epei au, mit nirak ninaiwerek nen nerer wit wit newepyapir natip him yaaim me God, hir nikaap mit ein hir ninap.

Herot kemtau him mit hir netpim me Jisas

(Mt 14:1-12; Mk 6:14-29)

⁷ In ek mitik iuwe gavman King Herot hirak naan- mipre mit ne provins Galili, hirak kemtau menmen epei man, hirak han kitetim kentar mit han natip Jon kerek kikir mit neriuwe tipar nipaa kaa te in ek hirak pike kekrit kepu. ⁸ Mit han natip, "Ilaija profet ke nipaa hirak pike kan." Mit han natip, "Mitik profet hak ke nipaa profet yapirwe nipaa ein te God kikiak hirak epei kan."

† 8:48 Lu 7:50 †† 8:52 Lu 7:13 † 8:54 Lu 7:14 †† 8:56 Mk 7:36; Lu 5:14 †† 9:4 Lu 10:4-11 ††† 9:5 Lu 10:11; Ap 13:51 ††† 9:7 Mt 16:14; Mk 8:28; Lu 9:19

⁹ Herot kekere han kirak han kitet, "Nipaa hi herekir teruk ke Jon hirak kaa. Hirak keimin hi hemtau hirak kiriak menmen im e?" Hirak hanhan kakirek.

Jisas kewet mit nar 5,000 menmen hir naam

(Mt 14:13-21; Mk 6:30-44; Jo 6:1-13)

¹⁰ Maain mit nirak aposel nipaa keriuweti nen, hir epei nan netpiwek menmen hir niriakem. Te hirak kinaaiwir mit yapirwe hirak keithis mit nirak hiswiyen wik (12) ketikeri keriyen hir nen wit Betsaida. ¹¹ Hir nen en, mit yapirwe nerteiyek, hir nisesik nen ein te hirak han yaaik keriuweri ketpor God kakinin naanmamre mit, hirak kikaap mit ninap te hir nire yaain. ¹² Hinkewi, mit nirak nar hiswiyen wik (12) nan netpiwek, "Ti esiuwe mit enino te hir nanino wit metike ni mit newi hir enit menmen hir enwaai en. Wit ik ek hirak wit weinik ap menmen mewi au." ¹³ Te Jisas ketpor kar ik: "Yi hiras eiwetir menmen hir nanim." Hir newenek netpiwek, "Haiu metenen bret hispinak (5), saauk wiketeret mit epei niam kerem em. Ti hanhan te haiu mamno mamit menmen mamwet mit em? Taauye! Hir mit enun yapirwe!" ¹⁴ Hir natip menmen im nentar mit keriyen yapirwe hir 5,000 mit neit ein keriyen. Hir ap newenhis miyapir nikerek au.

Jisas katip mit nirak, "Yi eiriak mit nererik nau nire 50 in 50 ein niran ere hir enu ti werek." ¹⁵ Mit nirak niriakem nar hirak ketpim, hir newen mit nau ti. ¹⁶ Te Jisas keit bret hispinak (5), saauk wiketeret kikiamnaan katip God hirak yaaik, te hirak kewepim kewet mit nirak em te hir nanwetirem. ¹⁷ Mit yapirwe naam ere tu iuwe. Mit nirak neit menmen mit naam au, hir neit hause (o wanpnake) mar hiswiyen wik (12) neiyik nemi yinam kerek miwaai em.

Pita kewepyapir Jisas hirak Mitik God kehimitanek

(Mt 16:13-19; Mk 8:27-29)

¹⁸ Wi ham Jisas hirak kitehi God menmen, mit nirak nau netikerek neit wit weinik. Hir nau en, hirak kitorhi kar ik: "Mit natip hi keimin?" ¹⁹ Hir newenhi natip, "Mit han natip ti Jon Baptais kerek nipaa kikir neriuwe tipar, pike kekrit kepu. Mit han natip ti profet Ilaija ke nipaa. Mit han natip ti mitik profet hak ke nipaa ein mit profet yapirwe nepu te God kikiak katip hirak kaknen." ²⁰ Te Jisas hirak kitorhi kar ik: "Yi han kitet hi keimin?" Pita ketpiwek, "Ti Mitik Kraiss nipaa God kehimitenit ti enen ekepai haiu mit."

Jisas katip maain hirak kaki te pike kakikrit

(Mt 16:20-28; Mk 8:30-9:1)

²¹ Jisas katip him manp te hir ap newepyapir hirak Mitik God kehimitanek kerekek au emit! ²² Hirak wen katip, "Hi Mitik ke wit ke Mitik Iuwe, mit iuwe ne Isrel nantike mit ne Skraip nantike mit iuwe naanmipre winak iuwe ke God hir nanweikin sip nanweto, hir naniyep hi hahi. Maain wi wikak God kakikoya hi pike akrit hahu."

§ 9:9 Lu 23:8 §† 9:19 Lu 9:7-8 §†† 9:20 Jo 6:68-69 §† 9:22 Lu 9:44, 18:32-33

²³ Hirak katip epei au, Jisas katip mit nirak yapirwe kar ik: "Mitik kerek kakisisa hirak ekwenin han kirak me menmen hirak hanhan kakriakem, hirak hekrit hekrit han kitet, 'Hi hahi entar hi hisesik hiram menmen weinim te hi ehisesik.' ²⁴ Keimin ap kisisa kentar hirak wen hanhan kises han kirak, maain hirak kaki hirak ap kaku werek kaktike God au. Te keimin katip kar ik: 'Hi ap hepu hises han kai hiram menmen weinim, te hi hises him me God,' mitik ik kaku werek kakit tipmain tipmain enum eik. ²⁵ Mitik hak kakit menmen yapirwe me ti im te hirak kewaank menmen me kaku werek. Menmen me ti ik mamkepik kaku kaktike God mamirkeik a? Taauye! ²⁶ Keimin hirak yink enuk kinapen kakisisa hetike him mai yaaim, hi anapen hirak kaku kaktikewa. Maain me wi hi Mitik ke wit ke Mitik Iuwe hi pike anen ariuwe menmen yaaim God Haai kakwetewem, hi etike mit yaain nirak ensel, hi hinapen mitik kar ik kaku kaktikewa au. ²⁷ Hi hetpi werek. Mit han neit in hir nani au ere hir epei nir menmen iuwe God kakriakem naanmamre mit kakriuw-erem."

Jisas keweikinhis kar ke Mitik ke wit ke Go

(Mt 17:1-13; Mk 9:2-8)

²⁸ Maain wi hispinak wikak (7) epei au, Jisas ken kiniu miniu (o neiyip) ken kaktip kaktike God. Hirak keithis Pita, Jems, Jon tetikerek ten. ²⁹ Hirak wen kitehi God menmen, ninaan mirak meweikinhis merhihe, klos mirak merhihe mire nepni mewenin. ³⁰ Waswas mitikit wiketeret tan tetikerek tewepnak. Hirakit Moses ketike Ilaija. ³¹ Hirakit tetike menmen iuwe me God merhihe yaaim man, hirakit tetike Jisas tatip me menmen Jisas kakriakem, kises han ke God Haai, kaki kakit wit Jerusalem. ³² In ek Pita ketike mitikit tau tetikerek hirakit tiwaa tinatin te hirakit tekrit tir Jisas kerhihe yaaim, hirak ketike mitikit wik terp en. ³³ Hirakit mitikit wiketeret tatnaaiwir Jisas tatno, Pita katip Jisas, "Kaiu Iuwe, hiram yaaim te haiu mau in ek. Haiu emime weisaak emir wikak: Hak kit, hak ke Moses, hak ke Ilaija." ³⁴ Hirak wen katip him im e, napi kiwapini te hirakit wikak tinapen napi kiwapinet. ³⁵ Hirakit temtau God katip keke napi kar ik: "Ik ek hirak nikan kai, nipaa hi hehimitanek. Yi eiyimtau him mirak!" ³⁶ Hirakit temtau him matip epei au, hirakit tir Jisas kiutipen kerek kepu. Hirakit tekintip wire wire. Hirakit ap tatip mit neiyin me wi im Jisas ken ketikeri menmen hirakit epei tirem au.

Jisas kepir herwe mekeipin nikan kike

(Mt 17:14-21; Mk 9:14-29)

³⁷ Maain teipmen hir nepei nekiuwe miniu (o neiyip) nan, hir mit yapirwe nan nir Jisas. ³⁸ Mitik hak kenine kekere mit yapirwe hirak katip kar ik: "Mitik Iuwe, hi hithuthi iuwe te ti enen ehir nikan kai. Hirak nikan kai kiutip kerek ek. ³⁹ Herwe keweikin han kirak te waswas

hirak kenepip hirak keperper kaa, hirak teknek mar tiwerpek kekesis him, herwe merekiwek enum ere hemkre meneises yink kirak, hirak kinapen kinaiwirek au. ⁴⁰ Hi hitehi mit nit te hir nepirek taau."

⁴¹ Jisas kewenhi katip, "Yi mit han ki enuk yi han kitet menmen iuwe me God werek werek au. Hi hinapen hepu hetikewi wi yapirwe." Hirak katip mitik eik kar ik: "Ti ehit nikan kit eiyik enen." Hirak katip, te mitik ik keiyik kepnen. ⁴² Nikan kepnen, herwe kewerek ken ti, hirak keperper. Jisas kene herwe enuk kepirek kekeipniwek, nikan kire yaaik, te hirak keriuwet nikan ken haai kirak. ⁴³ Mit yapirwe han kekrit nentar menmen iuwe yaaim me God hir epei nirem.

Jisas katip keteipim maain hirak kaki

(Mt 17:22-23; Mk 9:30-32)

Hir wen han kekrit neriuwe menmen im, hirak Jisas katip mit nirak kar ik: ⁴⁴ Yi han ekitet menmen werek werek hi in ek etpiyem. Hi Mitik ke wit ke Mitik Iuwe God, maain mitik hak kakwisa hi eno his me mit enun hir nantenina." ⁴⁵ Te hir ap nertei werek menmen hirak ketporem nentar hirak ap kekepi werek te hir nerteiyem. Hir ninaain pike nanitiwekhiyem.

Mit ne Jisas natipan mitik keimin ke hir mit hirak kinin mit han

(Mt 18:1-5; Mk 9:33-37)

⁴⁶ Jisas mit nirak hir natipan nenehan keimin ke hir mit hirak kinin. ⁴⁷ Jisas kertei menmen hir han kitetim, te hirak keit nikan kewisik kerp menep hirekes hirak ketpor kar ik: ⁴⁸ Keimin kikaap mitik kiutip kar ke nikan kike ik e kentar hirak kisisa, hirak kekepa. Keimin kekepa hirak kar ke hirak kikaap hirak Mitik Iuwe kerek keriuweta hi han. Keimin hirak han kitet hirak weinik ke yi mit, hirak kire iuwe kinini."

Keimin hirak kire mitik kepan ke yi mit, hirak ki yinak yaaik

(Mk 9:38-40)

⁴⁹ Mitik Jon katip Jisas kar ik: "Mitik Iuwe, haiu mir mitik hak kepir herwe kekrehir kit te haiu metpiwek hirak kakriakem au kentar hirak ke haiu mit au." ⁵⁰ Jisas ketpiwek, "Yi ap yeremiriwek menmen mirak hirak keriakem au emit! Keimin hirak ap mitik kepan ke yi mit, hirak ki yinak yaaik yiriak menmen miutip."

Mit ne wit kike ne Sameria ninapen nankaap Jisas

⁵¹ Maain wi menep mamnen te Jisas kakno wit ke God, hirak han ekitet hirak kakno wit Jerusalem. ⁵² Hirak keriuwet mit han ninin nen niun wit kike ke provins Sameria hir nen ninatin winak newis menmen neiyim nemeriyiwek. ⁵³ Au, mit in ap nekepik nentar hir nertei hirak kakno Jerusalem kakwenipi God, te hir nineinik. ⁵⁴ Jems ketike Jon terteyek, hirakit tatip tar

† 9:23 Mt 10:38; Lu 14:27 †† 9:24 Mt 10:39; Lu 17:33; Jo 12:25
‡ 9:26 Mt 10:33; Lu 12:9; 2Ti 2:12 †† 9:31 Lu 9:22, 13:33 ††
9:32 Jo 1:14; 2Pi 1:16-18 ††† 9:35 Lu 3:22

‡‡‡ 9:44 Lu 9:22 § 9:45 Lu 18:34 §† 9:46 Lu 22:24 §††
9:48 Mt 10:40; Lu 10:16; Jo 13:20 §† 9:50 Mt 12:30; Lu 11:23 §††
9:51 Mk 10:32 §† 9:53 Jo 4:9 §† 9:54 2Kin 1:9-16

ik: "Mitik Iuwe, ti hanhan hawir wari si emoke wit ke God emnen si etin mit o au?"⁵⁵ Te Jisas hirak keweikin keneret.⁵⁶ Hirak keneret, te hir epei nen wit hak.

Mit han nanises Jisas

(Mt 8:19-22)

⁵⁷ Hir wen nitet yayiwe nanino Jerusalem, mitik hak katip Jisas kar ik: "Hi tewen aisesit epno nein kerek me ti epnori en."⁵⁸ Jisas ketpiwek, "Miyak miwaai mekre nu herkip, hore miwaai mekre yaank mir, te hi Mitik ke wit ke Mitik Iuwe hi wit aure te hi ewaairi au. Ti ehisisa te ti ewaai nein?"⁵⁹ Jisas katip mitik hak, "Ti ehisisa." Te hirak ketpiwek, "Mitik Iuwe, ti ewisa hi ehinin eno ewis haai kai kerek menep kaki kakikre hei, te maain hi ehisesit."⁶⁰ Jisas ketpiwek, "Ti ewis mit kerek nisisa au hir enwis mit kerek naa, te ti eno ewepypir him me God naanmamre mit."

⁶¹ †Mitik hak katip, "Mitik Iuwe, hi tewen ehisesit te hi ehinin eno atip miye haai kikrek nai hi enaiwiri."⁶² Jisas ketpiwek, "Mitik kerek hirak kises him me God te hirak hanhan menmen enum nipaa hirak kisesim, hirak ap te kakises menmen me God werak werak au. Mitik ik kire mitik kamir rais keriuwe paap hihe, hirak kiwaainaan mentar sip kirak hirak kamir kewaankem."

Jisas keriuwet 70 mit han nen niriak menmen mirak

10 †Jisas katip mit epei au, hirak kehimitan 70 mit han, hirak keriuweti nininek nen hirak kenkeri wik wik nerer wit wit kerek hirak menep te kaknen.² †Hirak ketpor kar ik: "Han ke mit hirak kire menmen mau ni epei mewinki te mit ap yapirwe nantiwem mamisi. Yi eiyitehi Haai ke ni te hirak kakriuwet mit yapirwe te hir nanino nanri han ke mit hir nanisesik. Menmen im hiram mire mit nanino ni nanit menmen mewinki ere mamisi.³ †Yi eino hi eriuweti yire sak nikim mamno yaank nepere kimaam kakmip. Te hi heriuweti yi yaino eitip mit him mai te God naanmamri.⁴ †Yi ap eiyit tanik yinak o tanik me nemi niu mekrerem, hiram metike su mei au emit! Yi eisipat mit yayit yayiwe eitikeri eiwepnak au emit. Yi yayitpor him kike te yi yaino keriyen.⁵ Winak kerek yi yinik ek, yi eitip mit neimin nau winak ik ek, 'Hawir hanhan God kakrekryi yaain eiyu werak werak.'⁶ Mitik yaaik kepu in te him yaaim mi mamri han ke God kakikepik, o au en, God kakikepik kaku werak werak au.⁷ †Yi eipau winak kiutip kerekkek, eipaam menmen eipaam tipar kerek hir newisiyem. Yi ap eiwir nan eiwetirem eiyintar yi yiriak menmen mamkepi te hir naanmamri menmen. Yi ap eiyu eirer winak winak au.

⁸ †Yi eino wit hak te hir nantihis, yi yayno yayim menmen yaitikeri yaipaam menmen hir naninkiyem.⁹ Yi eikaap mit ninap neitai en, te yi eiyitpor, 'God kerek wisenuk menep naanmamre haiu mit ne ti.'¹⁰ Te neimin yi yaino wit kir hir ap nantihis au, yi yaino eiyirp yayiwe kir eiyitpor,¹¹ †Waniu me ti me wit ki ik mau hit maiu te haiu pike mesiunenim men yi hiras meteikni

† 9:61 1Kin 19:20 †† 10:1 Mk 6:7 † 10:2 Mt 9:37-38; Jo 4:35 †† 10:3 Mt 10:16 †† 10:4 Mt 10:7-14; Mk 6:8-11; Lu 9:3-5 ††

God han enuk keriuwi. Te hawir wetpi te yi yertei menmen im. Wi epei man menep te God naanmamre haiu mit.'¹² †Hi hetpi wi maain mamnen God skelim mit ne menmen enum, mit ne Sodom God kakiwaanki kike, te God kakiwaank mit in au wisenum.

Mit ne wit hir ap nises him yaaim au, hir naniwaank hiras

(Mt 11:20-24)

¹³ ††Yi mit ne Korasin God kakriwaank. Yi mit ne wit Betsaida God kakriwaank eiyintar menmen yaaim God kerekryiem, te yi ap yeweikin sip yewet menmen enum. Yi epei yipirem yisisa au. Te nipaa God kiriak menmen mar im meit wit ke Taia ketike Saidon mit nirem, te hir waswas namir laplap enum newen toni te hir neteikin God hir neweikin sip newet menmen enum. Te yi au.¹⁴ Maain God skelim mit, hirak kakriak mit ne wit Taia ketike Saidon kakrekryor menmen enum kike, te yi mit yeit Korasin ketike Betsaida au iuwe.¹⁵ Yi mit ne Kapaneam, yi han kitet God katip yi yaain a? Au, maain God kaktip yi enun yire menmen weinin."

¹⁶ †Hirak katip mit nirak, "Keimin kemtau him mi, kemtau him mai. Keimin keweikin sip kewetiyem, hirak kar ke hirak keweikin sip kewetewem. Keimin keweikin sip keweto, hirak kar ke hirak keweikin sip kewet God kerek keriuweta hi han ti ik."

Hir mit 70 hir han yaaik pike nan

¹⁷ Maain mit 70 han yaaik pike nan natip Mitik Iuwe, "Nipaa haiu matip mekrehir ke ti herwe metike menmen ham yapirwe hir nemtau him maiu, haiu minini."¹⁸ †Jisas kewenhi ketpor, "Hi epei hir Seten hirak kire nepni mewenin hirak keke nepni ken ti kentar menmen yi yiriakem.¹⁹ †Hi epei heweti menmen mai iuwe te yi yinin Seten. Yi yayintirer manpen siurp (o yenmik) yehes enum mamtike mispenepnam (o nikipinepnam) te hiram mamiwep, yi ap yayi au.²⁰ †Yi ap han yaaik wisenuk eiyintar herwe nemtau him mi au. Yi han yaaik wisenuk eiyu eiyintar niuk mi God kewisim mau weiwik miutip mirak te yi yire mit nirak."

Jisas han yaaik katip God hirak yaaik

(Mt 11:25-27, 13:16-17)

²¹ ††Me wi miutip keremem God Himin Yaaik kiriak Jisas han yaaik. Jisas katip kar ik: "Haai kai ti Mitik Iuwe ke wit kit ketike ti ik. Hi hetput ti yaaik hentar ti epei hi sawin menmen mit me hir mit iuwe kerek han kitet hir nertei menmen werak werak, ti epei heteikin mit weinin em. Ti epei hiriak menmen im hises han kit kerekkek.²² ††Ti Haai kai Iuwe God epei heweto menmen mit yapirwe. Mitik keiyak ap kertei hi Nikan kit hi

10:7 1Ko 9:6-14; 1Ti 5:18 ††† 10:8 1Ko 10:27 § 10:11 Ap 13:51, 18:6 §† 10:12 Mt 10:15, 11:24; Jen 19:24-25 §†† 10:13 Mt 11:21-23 §† 10:16 Mt 10:40; Lu 9:48; Jo 5:23 §†† 10:18 Jo 12:31; Rev 12:8-9 §† 10:19 Jen 3:15; Sam 91:13; Mk 16:18 §† 10:20 Mt 7:22; Eks 32:32; Fl 4:3; Rev 3:5 §†† 10:21 1Ko 1:26-28 §§† 10:22 Jo 3:35, 10:15

han kai hirak kar ke kit au. Ti God Haai kerekek herteiyek. Mitik keiyak ap kertei ti Haai kai hirak kire han kai han kit au. Hi Nikan kit kiutip kerekek, hetike mit in en hi eweputyapiri." ²³ †Hirak katip epei au, hirak keweikin kir mit nirak disaipel ketpor main main kar ik: "Yi han yaaik eiyu eiyintar menmen hi hiriakem yi yirem. ²⁴ ††Hi etpi nipaa enum eik mit profet yapirwe kerek newepyapir him me God, hir netike mit kerek naanmipre mit ne wit Isrel, hir hanhan nanir menmen yi epei yir hi hiriakem, te hir au. Hir hanhan nanimtau menmen yi epei yemtewem hi hetpim te hir au. Hir epei naa."

Jisas katip him me mitik ke Sameria han tewenin kakikaap mitik kerek mit nepan nakip

²⁵ †Wi ham mitik kerek kinin kertei him me Moses kewepyapirem hirak kekrit kan katip kewises Jisas keriuwe him me Moses. Hirak kan katip Jisas kar ik: "Mitik Iuwe. Hi eriak mekam te hi ehue etike God tipmain tipmain enum eik?" ²⁶ Jisas ketpiwek, "Him me God Moses kewisim mau tiwei matip mekam? Ti etpo mekam ti han kitetim." ²⁷ ††Hirak kewenhi ketpiwek, "Ti hanhan Mitik Iuwe God kit wisenuk heriuwe han kit, han ekitetik herkit hekrit. Ti hanhan mit han o nit yinan har ke ti hanhan hirekes." ²⁸ ††Jisas ketpiwek, "Hiram werak. Ti eriak menmen im te ti etike God yaikiyakit yayu tipmain tipmain enum eik."

²⁹ Mitik yink enuk kentar Jisas kenerek te hirak kewen tapin te hirak kitehi Jisas kar ik: "Keimin ti hatip hi han kitet hirak kai yinak?" ³⁰ Jisas kewenhi ketpiwek, "Nipaa mitik kiutip kinaaiwir wit Jerusalem kekiuwe ken wit Jeriko. Mit enun nisawin nakip nari menmen mirak, ninaiwerek kiwaai yayiwe maain hirak kaki, hir nirir. ³¹ Me wi im mitik pris kerek kewet God menmen me mit, hirak kekiuwe yayiwe eik, hirak kirek te kesipatek ken yayiwe pinak ein kepno. ³² Maain kike, mitik ke weiwik me Livai kerek naanmipre winak iuwe ke God, hirak kan kir mitik kiwaai keriyen, te hirak kesipatek ken yayiwe pinak ein kepno.

³³ "Maain mitik kiutip ke mit yapirwe ne Sameria kerek ninapen mit ne Isrel, hirak kerekek kekiuwe yayiwe ken. Hirak kir mitik kiwaai, hirak hanhan keriuwerek. ³⁴ Hirak ken kirek kewen tipar me nu oliv metike wain hiram mipre marasin menterik. Te hirak kemsiwiek his hit. Epei au, hirak kinanek ere kewisik kentar hos pirak, hirak keiyik ken winak kerek mit nererik niwaai ek, hirak naanmiprewiek. ³⁵ Teipmen, hirak keit pewek wik kewet mitik ke winak em, hirak ketpiwek, 'Ti naanmiprewiek ere hirak pike yaaik. Maain hi pike enen hi ewetit nan emrer mit kerek ti ewirem eiyim ekepek heriuwerem.'

³⁶ "Keimin ke mitikit wikak hirak kire kirak yinak ke mitik ik kerek mit enun nakip?" ³⁷ Mitik Skraip kerek kewepyapir him me Moses hirak katip, "Hirak mitik

kerek kekepek kerekek." Jisas ketpiwek, "Ti eno eriak menmen yaaim mamir im."

Jisas ketike mit nirak disaipel nen nir Mata wetike Maria

³⁸ Jisas ketike mit nirak disaipel nepno, hir nipiun wit hak mite piutip niuk mire Mata wau en, te hire weryei nen winak kire, nanit menmen nanim. ³⁹ ††Mata kikir pire Maria, hire wau menep hit me Jisas wawimtau menmen hirak ketpim. Hire ap wikaap Mata wemani menmen. ⁴⁰ Mata han enuk wentar menmen yapirwe hire wauriakem me naanmamre mit te hire wan watip Jisas war ik: "Mitik Iuwe ti han kitet hiram menmen weinim kikir pai winaiwira wemtau him mit te hi hirehes hiriak menmen iuwe im e? Ti etpiwe hire eunen eukepa." ⁴¹ Jisas ketpiwek, "Mata, tewisiye ewit! Ti hanhan menmen yapirwe ti hiriakem. ⁴² ††Menmen miutip te ti ap etiwem, Maria epei weit menmen im yaaim, te ti ap eriye te hire waunaiwirem au. Hire ewu ewimtau him hi hetpim."

Jisas keteikin mit nises menmen mirak hir enitehi God menmen emirkeik

(Mt 6:9-15, 7:7-11)

11 †Wi ham Jisas kitehi God menmen keit wit hak. Hirak kitehi God menmen epei au, mitik hak ke mit disaipel kerek nises him mirak nitiwekhi, "Mitik Iuwe, eteiknai menmen me prea te haiu mamitehi God menmen mamir ke Jon epei keteikin mit kerek nises him mirak." ² Jisas ketpor kar ik: "Yi eiyitehi God menmen emir im. Yi eitip,

'Haai, haiu hanhan niuk mit mire iuwe te ti enip mit hir nanwenipi nuik mit. Wi mamnen te ti naanmamre haiu mit.

³ Ti petepin ewetei menmen emim har ke nipaa ti eweteiyem hekrit hekrit.

⁴ Ti esak menmen enum haiu miriakem ap han ekitetim emir ke haiu hiras matip menmen mit nerekyeyem hiram menmen weinim, haiu han ekitetim au emit!

Ti ap ewis menmen enum mamri han kaiu."

⁵ Jisas katip mit nirak, "Mitik kiutip ke yi mit ke nimin hirak kakno winak ke kirak yinak, hirak kakitpiwek, 'Ti eweto niu mei wikak. ⁶ Kai yinak hak keke yanimin kan kira, te hi ap etenen menmen mei au, te hi ewetiwekem.' ⁷ Hirak keit nimin kakwenuthi kakitput, 'Hi epei heiyepet weipir, nikerek nai niwaai netikewa, hi ap te akrit awetut menmen taau.' ⁸ ††Hi etpi hirak ap kakikrit kakwetut menmen kentar mitik hirak kit yinak au, te hirak kakikrit kakwetit menmen kentar ti hitiwekhi yapirwe me menmen. ⁹ Hi hetpi, yi eiyitehi God menmen te hirak kakwetiyem. Yi yinyatin menmen te yi yainapinem. Yi yeretit weipir te hirak kikeiswi weipir kirak. ¹⁰ Hi hetpi menmen im hentar keimin kitehi God menmen, hirak kakwetiwiekem. Keimin kinkatin

† 10:23 Mt 13:16-17 †† 10:24 1Pi 1:10 † 10:25 Mt 22:35-40; Mk 10:17; Lu 18:18 †† 10:27 Diu 6:5; Lev 19:18 †† 10:28 Lev 18:5; Ro 10:5; Ga 3:12

††† 10:39 Jo 11:1, 12:2-3 ††† 10:42 Mt 6:33 † 11:1 Lu 5:33 †† 11:8 Lu 18:5

menmen kaknapinem. Keimin keretit God kekeisiwek weipir.

¹¹ "Keimin ke yi mit hirak kire haai te nikan kit kitiwekhi saauk te ti ewetiwek manpen siurp o miniuhan (neiyip han) te hirak kakim a? Taau! ¹² O hirak kituthi suware yinu, te ti ewetiwek mispenepnam (o nikinpenepnam) a? Taau! ¹³ Te yi mit enun yi yertei yewet nikerek ni menmen yaaim, te God Haai ki keit wit kirak kakinin menmen yi yewet nikerek em. Hirak kakwet Himin kirak Yaaik kakno mit kerek hir nitiwekhi me hirak."

Mit natip Seten Bielsebul kikaap Jisas kepir herwe
(Mt 12:22-30; Mk 3:20-27)

¹⁴ Maain Jisas kepir herwe kekere mitik kerek han enuk him kitapu. Te hirak kenip mitik hirak kau kekre erek hirak him kitapu. Herwe kinaiwirek, mitik enuk hirak katip, te mit yapirwe han kekrit neriuwe menmen im. ¹⁵ †Au, mit han natip, "Hirak kepir herwe kentar Bielsebul hirak wisenuk kinin herwe hirak kekepek kepirek." ¹⁶ ††Mit han hanhan Jisas kakriak menmen nipaa hir niriakem taau, kakteiknor hirak mitik kerek God kehimitanek kaknen kakikaap mit. ¹⁷ Au, Jisas kertei menmen hir han kitetim, te hirak ketpor kar ik: "Wit kiutipen mit newi hir hiras nenapan te mit ne wit hak naninip nani naninepi. Iuwe mitik ketike kike tenepakit te hirakit tatiwaank weiwik mirakit. ¹⁸ Yi yatip Seten Bielsebul kekepa hi hepir herwe mirak te yi yatip hirak ketike herwe mirak nenapan. Seten kiriak menmen im, karkeik te hirak kaku werek naanmipre menmen mirak werek werek a? Taauye! ¹⁹ Hi hepir herwe hentar Bielsebul kekepa, te keimin kikaap mit kerek nises him mi hir nepir herwe a? Mit nises him mi naniteikin yi ap yatip werek werek nentar hi hepir herwe neriuwe niuk me God. ²⁰ †Te hi hepir herwe heriuwe menmen iuwe me God. Menmen im hi hiriakem meteikni God epei kan menep kakinin naanmamri yi mit. ²¹ Mitik iuwe keit yipo henmik naanmipre wit kirak, menmen mirak mepu werek. ²² ††Te mitik hak hirak manpenuk kinin mitik ik, hirak ketikerek tenepakit, hirak kinaiwirek hirak kakri yipo henmik mirak kerek mitik nipaa han kitet hiram mamkepek, hirak kakriyaam mamtike menmen mirak yaaim mamno, hirak kakinkerem kakwet nirak yinan em. ²³ †Keimin hirak ap kekepa kari mit nanisisa, hirak kar ke mitik kepan kakiwaank mit nai nisisa, hir nanwep nanrir ein.

Herwe enuk pike kaknen kaku mitik han kirak
(Mt 12:43-45)

²⁴ "Wi kerek herwe enuk kaknaaiwir mitik, hirak kakno wit tenhaan weinik kakinkatin nein te hirak kakwi, o au en, hirak kaktip, 'Hi pike enen nai kerek nipaa hi hewiyen.' ²⁵ Hirak kaknen, hirak kakir han ke mitik kipre winak miyapir niri pep menmen nikin nakirke mekre winak. ²⁶ ††Hirak kipirek, te hirak kakno kakithis

† 11:15 Mt 9:34, 10:25 †† 11:16 Mt 12:38 † 11:20 Eks 8:19
†† 11:22 Kl 2:15 †† 11:23 Lu 9:50 ††† 11:26 Jo 5:14

herwe ham hispinak wik (7) hiram enum mininek, te hiram mamtikerek mamnen mamu mitik kerek ek. Nipaa hirak mitik kire enuk te in ek au mamiwaankek."

Menmen mit enisesim te hir han yaaik enu

²⁷ ††Jisas katip menmen im epei au, mite piutip pe mit yapirwe hire watip him iuwe war ik: "Peimin hire winit wewetut nim hire han yaaik wepu." ²⁸ †Te Jisas kewenhi katip, "O, hire han yaaik. Te neimin nemtau him me God nisesik, hir han yaaik kir kakinin miye pai."

Mit han hanhan nanir menmen yaaim Jisas kakriakem
(Mt 12:38-42; Mk 8:11-12)

²⁹ ††Mit yapirwe nan neweikin Jisas, hirak wen katip kar ik: "Mit miyapir nau ti in e, hir enun hir nitauhi hi ariak menmen yaaim eteiknor God han yaaik keriuwa. Te hi eteiknor menmen yaaim yapirwe au. Menmen miutip me mitik Jona kerek nipaa God kekepek kepu kekere tu ke saauk me wi wikak. ³⁰ Nipaa Jona hirak kiwaai kekere saauk tu kirak me wi wikak, te God keteikin mit ne Nineva menmen mirak iuwe keriuw-erem. Mar im hi Mitik ke wit ke Mitik Iuwe hi eteikin mit in menmen mar im eteiknor menmen iuwe me God. ³¹ †††Me wi God skelim mit, mite iuwe naanmipre mit ne wit Siba, hire wautip yi enun wentar nipaa hire weke yanimin wan wemtau him yaaim mitik iuwe King Solomon ketpim. Hi hinin mitik iuwe Solomon te yi ap yemtau him mai au. ³² ††Maain wi God skelim mit, mit enun ne Nineva nantip yi enun yinini nentar nipaa hir nemtau Jona kewepyapir him me God, hir neweikin sip newet menmen enum. Hi hinin profet Jona, te yi ap yeweikin sip yewet menmen enum, te yi yises him mai au.

Nanamir hirak kire si keteikni menmen
(Mt 5:15; 6:22-23)

³³ †††"Mitik hak ap keksiu si te kakwisik kaksawinek kaknik winak, o kaknik tikenu. Au, hirak ekirp yaain te mit neimin naninen nimin hir enir si mamir. ³⁴ Nanamir kit hirak kire weipir. Nanamir kit naanmipre menmen yaaim te ti han kitet menmen yaaim, o au en, ti nanamir kit naanmipre menmen enum ti han ekitet menmen enum hemkre menepam heriuwerem. ³⁵ Te yi naanempre hiras te nanamir ki hirak kire weipir hirak ap ekwis menmen enum mamu mamikre han ki. ³⁶ Mitik han kirak werek, hirak han kitet menmen werek werek. Te hirak kertei werek werek menmen God kiriakem keteikniwekem. Hirak kire mitik han kirak kire si kir keteikniwek menmen."

††† 11:27 Lu 1:28, 42, 48 § 11:28 Lu 8:15, 21 †† 11:29 Mt 16:4 ††† 11:31 1Kin 10:1-10 †† 11:32 Jna 3:5-10 ††† 11:33 Mk 4:21; Lu 8:16

Jisas kene mit Farisi netike mit ne Skraip

(Mt 23:1-36; Mk 12:38-40; Lu 20:45-47)

³⁷ †Jisas katip him mirak epei au, te mitik hak ke Farisi kitiwekhi, "Ti enen winak etikewa ewim menmen." Hirak ketpiwek, hirak ketikerek tariyakit ten. ³⁸ ††Hirakit tariyakit ten, mitik ke Farisi kehinhin kentar Jisas hirak ap kises him me maamrer nir, hirak ap kekemyet his mirak te kakim menmen taau. ³⁹ Mitik Iuwe Jisas ketpiwek, "Yi mit ne Farisi yekemyet sar wenkepye mi au werek, te yi ap yiriak han ki keit nimin yaaik au. Hirak enuk kises menmen enum mire hemkre menepam me menmen o yi yetike miyapir yiriran. ⁴⁰ Yi yetaritari mit! Hirak God kerek kerekyi yink ki hirak kiriak han ki ketikerek. ⁴¹ Yi eiwet mit menmen mi yapirwe mekre sar o wenkepye hiram mamkepi te menmen mekre han ki hiram yaaim. ⁴² †Yi mit ne Farisi menmen enum mamnen mamiwep mamintar yi yewet God menmen meiyam kike me menmen yapirwe yi yetiwem yaaim te yi ap yiriak mit yapirwe menmen mipiram au. Yi ap han tewenin God werek werek au. Yi eiynin eiriak mit yaaim mipiram, yi hanhan God, menmen im metike menmen me yi eiwet God menmen kike me menmen yapirwe, hiram yaaim iuwe. Te yi au yinapen.

⁴³ "Yi mit ne Farisi menmen enum mamiwep mamintar yi hanhan yayu yeno yaaim me mit iuwe yayit winak kerek mit nererik nekine him me Moses. Yi hanhan mit nanitpi nanwenipi niuk mi nanit maket, wit kerek mit nererik nesiuwe menmen mir.

⁴⁴ "Yi mit ne Farisi menmen enum mamiwep mamintar yi enun yire hei ke herwe kekrerek mit ap neri-uwesisek au. Menmen yaaim mit hir niri yi yiriakem, hiram misawin menmen enum mekre han ki mire meri miwapin hei enuk keriuwe herwe enuk kinin kekrerek. Maain mit han nises menmen yi yetporem hir enriakem te hir nepitari hir nises menmen enum mar ke yi mit yiriakem."

⁴⁵ Mitik ke mit Skraip katip Jisas kitiwekhi, "Mitik Iuwe, ti atip menmen im ti enai metikeri." ⁴⁶ Jisas kewenhi ketpiwek, "Yi mit ne Skraip menmen enum mamiwep mamintar yi yewis him ham weinim mamtike him yaaim me God, te mit ap nanisesim werek werek taau. Yi yenip mit hir nanisesim te yi ap eiysesim au."

⁴⁷ "Menmen enum mamiwep mamintar yi yeses herwe hei mikaap mit han tewenin mit profet kerek nipaa maamrer keriyen hir nanip. ⁴⁸ Yi hiras yeteikin yi yertei menmen enum maamrer ni nipaa niriakem, yi han yaaik yeriwerem yentar yi naanmpre herwe hei im e.

⁴⁹ "God kertei menmen im te nipaa hirak katip him mar im: 'Hi tewen ariuwet mit profet nantike mit aposel nanino mit ne Isrel. Han hir nanrekyor enum, mit han hir naninip.' ⁵⁰ Te God kaknep yi mit ne Isrel yau ti ik kar ke hirak kaknenp maamrer ni kerek nipaa hir nenep profet yapirwe naa me nipaa enum eik ere in. ⁵¹ ††Nipaa Ebel hirak profet kinin kaa hemkre mirak

mewen ere mitik profet kikaru Sekaraia kaa kerp nimin kinaan kerek mit newis menmen me God mewik metike winak iuwe ke God. God kakriak mit ne Isrel nau in enum enum kakinterim.

⁵² "Yi mit ne Skraip menmen enum mamiwep. Yi yertei him me God te yi yeweikin him mirak mire menmen ham. Yi yinapen yises him mirak werek werek eiyyintar yi hanhan mit naninen nanitih markeik te hir enises God werek werek. Yi enun yar ke mit yeiyepet weipir menmen mau meit nimin. Maain mit naninen nanim menmen yi ap eiwisi nanino nimin nanim menmen au. Hir nanu nanit."

⁵³ Maain Jisas kinaaiwir winak ik ken witeik, mit ne Farisi hir han enuk nitwekhi menmen yapirwe ⁵⁴ ††nemeriyiwek hirak kaktip menmen enum te hir nansi-uwek him nankip.

Yi naanempre hiras me him mit enun nemipin hir netpim

(Mt 10:26-27)

12 ††Mit miyapir yapirwe nerp menep menep te hir nentireran, Jisas katip mit disaipel nirak kinin kar ik: "Yi naanempre hiras te yi ap eiyses him me mit ne Farisi. Hiram enum mire sak haak. Hi atip hir mit enun nemipin, hir newirnak nekteni te hir nises han kir.

² ††Menmen yapirwe kerek misawin, maain God kakwepyapirem te mit nanirem nanirteiyem. ³ Maain him kerek yi epei yetpim me witaan te God ke wepni kakwepyapirem mit nanimtwem. Menmen kerek yi yatip mit han em yi yisawin yekre winak, maain God kakwepyapirem kakit wit eik te mit neit wit nanimtwem.

Jisas katip keimin kerek mit nanineinik

(Mt 10:28-31)

⁴ "Hi hetpi nai yinan, yi ap einapen mit au emit! Hir nenep mitik yink kerekek, te maain hir ap te nanriak menmen meiyam taau. ⁵ Hi hetpi eteikni keimin kerek yi eineinik. Yi einapen God. Hirak kakiwep epei au, hirak enuk manpenuk te kakwiri yaino si enum. Hi hetpi, yi eineinik.

⁶ Hore kike hispinak (5) mit newir pewek wik nantiwem. Hore kike mit namip hiram menmen weinim te God epei kertei hiram maa. ⁷ †God epei kertei menmen iuwe, hirak kewenhis kertei paan marmenum miwapin paan hesnu ki. Te yi ap einaain menmen au. God katip yi himin ki hirak menmen iuwe kinin hore. Hore hiram menmen weinim ap himin kewim au. God hanhan hore, te hirak hanhani mit wisenum naanmamri."

Him me mit hir natip hir nises Jisas

(Mt 10:19-20, 32-33, 12:32)

⁸ Jisas wen katip, "Hi etpi nai yinan, mit niutip niutip neimin newepyapir hiras nisisa nerp ninaan me mit miyapir yapirwe, te hi Mitik ke wit ke Mitik Iuwe maain hi ewepyapir mit in me ninaan me mit ensel ne God, hi atpor hir nikerek ne God keriyen. ⁹ ††Te neimin hir

† 11:37 Lu 7:36, 14:1 †† 11:38 Mt 15:2 †† 11:42 Lev 27:30
†† 11:51 Jen 4:8; 2Kro 24:20-21

‡ 11:54 Lu 20:20 †† 12:1 Mt 16:6 ††† 12:2 Mt 10:26; Lu 8:17 ‡ 12:7 Lu 12:24, 21:8; Ap 27:34 †† 12:9 Lu 9:26

nepakin hir nisisa me ninaan me mit, maain hi Mitik ke wit ke Mitik Iuwe apakini hir ne God nerp ninaan me mit ensel ne God.

¹⁰ ^{††} Mit neimin niutip niutip natip netawin hi Mitik ke wit ke Mitik Iuwe, hi asak menmen enum mir. Neimin kerek natip neratawin God Himin Yaaik, God Haai ap te kakisak menmen mir taau. Hiram mamu mamit.

¹¹ ^{††} Mit maain nansiuwe him nanintar yi yises him mai, hir nantorhis nanri nanino winak kerek mit nererik nekine him me Moses neitai, o yi yayirp ninaan me mit iuwe gavman netike kaunsil, te yi ap hanhan menmen te yi yayitpim te yi eikaap hiras au. ¹² Yi hanhan em au eiyintar me wi eim God Himin Yaaik kakwis menmen mamikre han ki te yi eiyitporem."

Jisas katip tok piksa me mitik iuwe ap kises God au

¹³ Mitik kiutip ke mit yapirwe nerp en katip Jisas kar ik: "Mitik Iuwe ti atip heiyiwe kai te hirak ekweto menmen mei me menmen haai kawir kaa kewisim miwaairi, maain hawir ewinkerem ewetakit." ¹⁴ Jisas ketpiwek, "Mitik keimin kehimitena te hi ehinke menmen mi a?" ¹⁵ [†] Hirak keweikin katip mit yapirwe, "Naanempre hiras te yi ap hemkre menepepam me menmen yapirwe. Menmen yapirwe mitik kentenenim ap te mamkepik kaku au."

¹⁶ Jisas ketpor him tok piksa mar im: "Mitik hak iuwe kamir ni hiram matin yapirwe. ¹⁷ Te hirak han kitet kar ik: 'Hi ariak mekam? Hi menmen yapirwe te hi ewisim emwaai nein? Winak au.' ¹⁸ Hirak katip, 'Hi are ariak menmen im. Hi ewep winak ketike weisaak me teket te hi ehime ham wisenum minin im te hi ewis menmen mamwaai weisaak mamtike menmen mewo meit ni eim, hiram mamno mamwaai mamikre weisaak kerem em. Hi ariak menmen im, te ¹⁹ hi atip hirekes, Ti epu werek werek menmen meiyam yapirwe mepeit me tito yapirwe. Ti ehu ehim menmen ehim tipar si enum ehu han yaaik.' ²⁰ Au, God ketpiwek kar ik: 'Ti etaritari mitik! Witaan ik ek ti hahi, himin kit kakno, te menmen mi yapirwe ti epei hetiwem hewisim miwaai meit, maain keimin kaktiwem a? Ti au!' ²¹ ^{††} Keimin keit menmen yapirwe kakikaap hirekes, te hirak ap kises menmen God hanhan hirak kakisesim, hirak enuk kar ke mitik eik e."

Yi han kitet God kakikepi kerek

(Mt 6:25-34)

²² Jisas katip mit nirak disaipel kar ik: "Yi eiyises menmen God hanhan yi eiyisesim, te hi hetpi menmen im: yi ap han ekitet karkeik eiyit pewek eiwirem eiyit menmen yi yayim o menmen yi eimir emu yink ki au emit! ²³ Himin ki kepu werek, hirak kinin menmen yi eiyim. Yink ki kaku werek werek kakinin menmen yi yamir. ²⁴ ^{††} Yi yayir hore tepre. Hiram ap mamir ni meket teket au. Hiram mime winak te mewis menmen mekrerem au, te God kewetir menmen. God han kitet yi iuwe yinin hore, hiram au menmen weinim. ²⁵ Mitik keiyak

† 12:10 Mk 3:28-29 †† 12:11 Mk 13:11; Lu 21:12-15 † 12:15 1Ti 6:9-10 †† 12:21 Mt 6:19-20 †† 12:24 Sam 147:9; Lu 12:7

hirak han kitet kakriak menmen te hirak kaku wi meiyam o tito yapirwe au. ²⁶ Yi ap eiriak menmen kike mar im au, te yi yenmak han kitet menmen ham te yi yayu werek werek a? Au emit!

²⁷ "Yi yayir timen miwaai yayiwe. Hiram mewo, hiram ap mesikek yiwaap mekerwo menmen au. Te hiram yaaim mir minin mitik iuwe King Solomon hirak ketenen menmen yapirwe. Hirak nipaa ap kamir menmen mau yink kirak yaaim minin timen im au. Te timen hiram menmen weinim. ²⁸ God kerek keriak menmen im hiram yaaim te hiram petepin mepu teipmen mami, te mit nantiwem neiyim nanwirem mamikre si. Timen im hiram menmen weinim, te God kakweti menmen yi yaimir mamu yink. Yi ap han kitet God werek werek au. ²⁹ Yi ap han kitet yapirwe yi yayit menmen o tipar te yi yayim ere tu iuwe au emit! ³⁰ Mit nerer wit wit ap nises God hir han kitet menmen mar im. God hirak Haai ki kertei yi yayit menmen im te yi eiyu. ³¹ Te yi yinin eiyises menmen God hanhan yi eiyisesim, te hirak kakweti menmen mamkepi yi yayu werek werek."

Yi hanhan yaiwis menmen yaaim mamu wit ke God

(Mt 6:19-21)

³² ^{††} Yi mit nai yire sipsip, yi ap einaain menmen au eiyintar God Haai ki kakwisi yi eiyinin naanmamre mit me menmen mirak. ³³ ^{††} Yi yesiuwe menmen yapirwe kerek yi yetenenim yayit pewek mererim eiwet mit weinin m. Mar im yi yaiwis menmen yaaim mamkepi mamwaai wit ke God. Hiram mamu mamit te mit enun nekintip menmen o wesiuk mamnen mamiwaank menmen mi mamit en au emit! ³⁴ Menmen ti hanhanem, han kit ekitetim.

Mit naanempre menmen me mitik iuwe hir enmeriyiwek

³⁵ [†] Yi eimir laplap tokim keremem, yi eiyit waai eiyik eitepenem eiyiksiu si, yi eiyu eimerir menmen mamnen. ³⁶ ^{††} Yi yayre mit nemerir mitik iuwe kir kaknen kakike wit kerek mite wetike mitik neitan neitai ein ek, hirak kaknen wit kirak te hir naninkiwek weipir wasenum kerek hirak kan keretitek. ³⁷ ^{†††} Te mitik iuwe kaknen kakri mit niriak menmen mirak ap niwaai au, te mit keriyen hir han yaaik. Hi etpi te hirak kakmir laplap tokim mirak hirak kakitpor nanu yeno kerek naam menmen menterim, te hirak kaknen kakwetir menmen hir nanim kakir ke wok mitik kir. ³⁸ Te hirak kaknen kaki wi nimin suware kenep enum, hirak kir mit niriak menmen mirak hir nepu, hir han yaaik nanu. ³⁹ ^{†††} Yi eiyirtei menmen im e. Mitik ke winak epei kertei wi kerek mitik enuk kekintip menmen kaknen, te hirak ap kakwisik kakwep weipir kakno nimin kekin menmen mirak au. ⁴⁰ Yi yire mitik eik e. Yi eimeriyo hi Mitik ke wit ke Mitik Iuwe hi pike anen me wi yi yepitari hi anen."

††† 12:32 Lu 22:29; Rev 1:6 ††† 12:33 Lu 18:22 † 12:35 Eks 12:11; Mt 25:1-13; 1Pi 1:13 †† 12:36 Mk 13:33-36 ††† 12:37 Jo 13:4 †† 12:39 Mt 24:43-44; 1Te 5:2

Jisas katip him tok piska me mitik yaaik mitik enuk
(Mt 24:45-51)

⁴¹ Jisas katip epei au, Pita kitehi Jisas, "Ti hetpei keriyen him im o haiu mit yapirwe?" ⁴² Te Jisas kewenhi katip, "Hi hetpi yi yapirwe. Yi han kitet keimin kiriak menmen me mitik iuwe, hirak yaaik kemtau him kisesim? Hirak mitik kerek mitik iuwe kirak kakwisik kakinin naanmamre mit han kerek niriak menmen me mitik kiutip kerek ek, hirak kakinin kakwetir menmen yaaim nanim me wi hirak kewetirem. ⁴³ Maain mitik iuwe kaknen kakir mitik kiriak menmen mirak hirak wen kiriakem, te hirak han yaaik keriuwerek, te mitik kerekek han yaaik. ⁴⁴ †Hi hetpi werek. Hirak kakwisik naanmamre menmen mirak yapirwe. ⁴⁵ Mitik hak kiriak menmen me mitik iuwe kirak kaktip, 'Mitik iuwe kai ap te kaknen waswas,' te hirak kaknep mit han kerek niriak menmen me mitik iuwe kerek ek, kaknep miyapir kerek niriak menmen me mitik iuwe kerekek, neiyewewan, kaam menmen metike tipar si enum. ⁴⁶ Te mitik iuwe kerekek maain hirak kaknen me wi hirak ap kermeriyiwerek au. Hirak han kaa pike kaknen keremem. Hirak au ketari, te hirak kakrekiwerek enum kakiwaankek kaksuwerek kakno kaktike mit han kerek niriak menmen mirak ap nises him mirak werek werek au.

⁴⁷ ††Mitik kerekek kemtau him me mitik iuwe kirak, te hirak ap kises him mirak, hirak mitik iuwe kirak kakikip wisenum kakriuwe nipin. ⁴⁸ Te hirak keimin ap kertei werek werek menmen mitik iuwe kirak hanhan hirak kakriakem, hirak kiriak menmen enum, te mitik kirak kakip kakriuwe nipin au kike. Mit kerek God kewetir menmen yapirwe, maain hir pike enwet God em. Mit neimin kerek neit menmen yapirwe me mit, maain hir pike enwetirem yapirwe."

Jisas kan kakinke mit miyapir nanwep pinan nanino in, nanwep pinan nanino ein
(Mt 10:34-36)

⁴⁹ Jisas wen katip, "Hi han hewir si meit ti ik, te hi hanhan si emirhihe waswas, ⁵⁰ †te hi ahinin ahiwaank wisenum hahi. Han kai enuk heriuwe menmen mamrewaank ere hiram epei au. ⁵¹ Yi han kitet hi epei han te hiriak mit nankiyan nanu nanit a? Au, hi epei han te hi ewep mit miyapir han naninepan nanintar him mai. ⁵² In ek ere maain mit ne winak kiutip nar mit hispinak (5) hir naninke. Mitikit wikak tatkit mitikit wiketeret naninehan naninepan nanintar him mai. ⁵³ ††Mit naninkehan. Haai kaktike nikan kirak tatnehakit tatnepakit. Miye wautike niki pire naninehan naninepan. Mite wautike yani pire naninehan naninepan nanintar him mai."

Mit nertei menmen me ti o nepni te hir nepitari menmen me God
(Mt 6:2-3; Mk 8:11-13)

⁵⁴ Hirak katip disaipel nirak epei au, hirak katip mit miyapir yapirwe kar ik: "Yi epei yir napi meke wit kerek wepni kewen ken keremem, waswas yi yatip, 'Hawi kaknen.' Maain hirak kaknen. ⁵⁵ Yi yemtau nime weni-tuk meke wepni kokai kan te yi yatip, 'Wepni sisi iuwe kaknen.' Maain hirak kaknen. ⁵⁶ Yi mit enun yemipin. Yi yertei menmen me ti o nepni. Yi yenmak te yi yetari menmen God in ek kiriakem a?

Yi eitike mit kerek nansiuwi him yi eikiyan eiyu
(Mt 5:25-26)

⁵⁷ "Yi yenmak te yi ap han kitet menmen yaaim te yi yiriakem a? ⁵⁸ Mitik hak kesiuwe him kerwit (o kerwetit) te ti eno ehir mitik iuwe ke gavman. Ti eno kot hitet yayiwe, ti etpiwerek te yi eikiyakit eiyu, o au en, hirak kakirit eno kot, maain mit nanwirit eno winak enuk. ⁵⁹ Hi etput, ti ehu ere ti ewir pewek eiyim etnik."

Mitik ap keweikin sip kewet menmen enum hirak kaki

13 Me wi im, mit han nepu en hir natip Jisas nar ik: "Mit han ne Galili nen winak ke God nenep samiyak mir newepwarem nanwet God em, te mitik iuwe gavman Pailat kesiuwe mit nirak ne ami nen nanip, hemkre mir meweiknenim metike miyak miwaai kinaan." ² †Jisas kewenhi ketpor kar ik: "Yi han kitet mit hir naa nar ik, menmen im meteiknai mit in ne Galili hir niriak menmen enum minin mit han ne provins Galili a? Taauye! ³ ††Hi etpi werek. Yi ap eiweikin sip eiwet menmen enum yi yayi yayir ke mit ein ne provins Galili epei naa. ⁴ Yi yertei mit hiswiyen hispinak (15) naa neit tipar me wit Siloam nentar winak nokik kewen kanip? Yi han kitet menmen enum hir niriakem hiram minin menmen enum mit han ne wit Jerusalem niriakem a? Taauye! ⁵ Hi etpi werek. Yi ap eiweikin sip eiwet menmen enum yi yayi yayir ke mit in."

Jisas katip him tok piksa me nu ap kine nikim au

⁶ ††Hirak wen ketpor him tok piksa hirak katip kar ik: "Nu hinaan kewo keit ni me mitik hak. Hirak ketpaan ken kakir nikim au, hirak kuwaau (o kiwaau). ⁷ †Hirak kuwaau (o kiwaau) au, hirak katip mitik kerek naanmipriwerek ni mirak kar ik: 'Ahirem! Tito wikak hi han hen hir nu hirak ap kine nikim au. Ti ekan nu eik ek eknepin. Hi hinapen hirak kaku ti ik e kari nan ti.' ⁸ ††Te mitik naanmipre ti kerekek katip mitik iuwe, 'Ewisik akirek me tito im e, hi awep wi aweikniwerek awir waniu (o win) mamwetiwerek. ⁹ Maain hiram mamine nikim hiram yaaim, o au en, ti ekan eketik eknepin ekikeipin.'"

† 12:44 Mt 25:21, 23 †† 12:47 Je 4:17 † 12:50 Mk 10:38-39; Mt 26:38; Jo 12:27 †† 12:53 Mai 7:6

‡ 13:2 Jo 9:2 †† 13:3 Sam 7:12 †† 13:6 Mt 21:19 § 13:7 Lu 3:9 † 13:8 2Pi 3:9, 15

Me wi Sabat Jisas kikaap mite winap hire sip kire kin

¹⁰ Me wi Sabat, Jisas keit winak kerek mit nererik nekine him me Moses, hirak kewepyapir him me God. ¹¹ Me wi im, mite hap wepu. Tipir kaaup te hire winap tito hiswiyen hispinak wikak (18). Hire sip kire kin te hire ap wekrit wen werek werek au. ¹² Jisas kirep, te hirak keninwe ketpiwe kar ik: "Mite hi hepír menmen enum mewit mamno mamnopin mamkeipnut, te ti ere yaaip." ¹³ Hirak kewis his mirak menteriye, hire wekrit wenhi hirehes wekrit werp, hire wewenipi niuk me God. ¹⁴ Mitik kinin naanmpre winak ik e, hirak han enuk kentar Jisas kikaap mite me wi Sabat, te hirak katip kar ik: "Wi hispinak kiutip (6) haiu mamriak menmen. Yi einen in me wi eim te God kakikepi te yi yayu werek. Me wi Sabat emit!" ¹⁵ Jisas pike ketpiwek, "Yi mit enun yewisesik. Yi mit niutip niutip me wi Sabat yaino yaisiupan bulmakau o hos yairiyaam mamno mamim tipar. ¹⁶ Mite ip e kerek hire nepenye pe Ebrahim kerek Seten kerekiwe enum te hire winap tito hiswiyen hispinak wikak (18). Hire winin sak mi te hi ekepye herekiwe yaaime me wi Sabat." ¹⁷ Mit han kerek nipaa natip menmen enum, hir yink enuk nekintip nentar hirak katip him im. Te mit yapirwe han yaaik neriuwe menmen iuwe yaim hirak kiriakem.

Him me nu mastet nikim miram

(Mt 13:31-33; Mk 4:30-32)

¹⁸ Jisas pike katip, "Menmen God kiriakem hiram mire mekam? Te hi eninem mamtike mekam mamiram? ¹⁹ Hiram mire nu mastet nikim mirak kike enum. Mitik hak ketiwem kamir mau ni mirak. Maain hirak ken niu kire nu iuwe, hore hiram menuwe meke niu mewis yaank mewik." ²⁰ Jisas pike katip, "Hi enin menmen God kiriakem mekre han kiau hiram mamtike mekam mamiram? ²¹ Hiram mire yis mite hap wewisim metike plaua, hire weweiknenim ere werek. Maain plaua miniu wisenum."

Jisas katip ke weipir kike

(Mt 7:13-14, 21-23)

²² Jisas katip epei au, hirak ken wit iuwe wit kike kewepyapir him me God te hirak karpino Jerusalem. ²³ Mitik hak ketpiwek, "Mitik Iuwe, maain God kakithis mit niutip niutip keriyen nanu nantikerek o au?" Jisas katip mitik ik ketike mit yapirwe kar ik: ²⁴ "Yi naanmamre hiras te yi eino eitet weipir kike ek. Hi hire weipir. Mit yapirwe hir hanhan nanino nantikerek nanino nimin ein te hir au. ²⁵ Maain mitik ke winak kerek kakikrit kakiyepet weipir, te yi yayirp wit eik yairetit weipir yaitip, 'Mitik Iuwe, ekaisiu weipir.' Hirak kakitpi, 'Hi ap ertei yi neimin.' ²⁶ Te yi yayitpiwek, 'Haiu nipaa maam menmen maam tipar metikewit, te ti herp yayiwe kiau eik ek ewepeu him.' ²⁷ Te hirak kakitip, 'Hi hetpi, hi ap hertei yi neimin. Yi eiyinka eikeipno

† 13:14 Lu 6:7; Jo 5:16; Eks 20:9-10; Diu 5:13-14 †† 13:15 Lu 14:5 ‡ 13:16 Lu 19:9 †† 13:24 Fl 3:12 ‡† 13:25 Mt 25:10-12 ††† 13:27 Sam 6:8

yi mit enun yiriak menmen enum.' ²⁸ Te maain yi eiyir Ebrahim, Aisak, Jekop netike mit profet nanu nantike God te yi au eiyit wit eik yaykit yainakin yehes. ²⁹ Mit naninen nanke wepni kokai kan, han naninen nanke wepni kewen ken o nanoke pinak nanoke pinak naninen nanu yeno nanit wit ke God nanim menmen iuwe. ³⁰ Mit han kerek in ek hir mit weinin ek maain hir naninin mit iuwe han. In ek hir mit iuwe te maain hir nanre mit weinin."

Jisas kikit Jerusalem kentar mit nises him mirak au

(Mt 23:37-39)

³¹ Hirak wen ketpim, mit han ne Farisi hir nan netpiwek, "Yi eino eikeipin! In ek mitik Herot hanhan kakitep!" ³² Jisas ketpor, "Yi eino eitip manpen mawenekin Herot petepin, teipmen, tepin hi epi herwe enum, hikaap mit ninaap hir pike nire yaain. Me wi wikak menmen mai epei au. Menmen mai epei au, hi ehuehit. Herot kakiyep au ere hi hiriak menmen epei au. ³³ Te hi wen ano ehitet yayiwe petepin, teipmen, tepin. Hi profet ke God ap ahi ehit wit hak au. Wit Jerusalem kerekek.

³⁴ "O mit miyapir ne Jerusalem! Nipaa God keriuwet mit profet hir newepyapir him mirak te yi yanip naa. Wi yapirwe hi hanhan hari yi mit yererik hi naanmpiri har ke suware wari nikim minik yapir mire, te yi au yinapen. ³⁵ In ek God keweikin sip kewet wit ki, yi hiras naanmprewem. Hi etpi werek, yi eira au ere yi yaitip, 'God kiriak yaime kakikaap mitik hirak keriuwetek kaknen kakikrehir ke God.'"

Jisas kikaap mitik kinap yink kinwo hirak kire yaaik

14 ¹ Me wi Sabat, Jisas ken kaam menmen keit winak ke mitik iuwe ke Farisi. Hir mit nau en naanmprewek te hirak kiriak menmen. ² Mitik hak his hit mirak minwo hirak kerp menep kirapit Jisas. ³ Jisas katip mit ninin nertei him me Moses natip mit em hir netike mit ne Farisi kerek ninin nises him me Moses, hirak kitorhi kar ik: "Him me Moses mamwisai haiu mit mamkaap mit ninap me wi Sabat o au?" ⁴ Hir ap newenhi au, wire wire neit, te Jisas keit mitik kekepik ere werek, hirak kesiuwerek ken. ⁵ Hirak kesiuwerek ken, hirak keweikin kitorhi kar ik: "Hos mi o bulmakau mi maminke mamikre hei me wi Sabat, yi eiriyaak eiketik me wi Sabat o au?" ⁶ Hir ap newenwekhi netpiwek menmen au. Hir yink enuk.

Mitik ap han ekitet hirekes mitik iuwe au emit

⁷ Jisas epei kir mit yapirwe kerek naninen nanim menmen, hir nau yeno yaime me mit iuwe te hirak ketpor tok piksa mar im. ⁸ Hirak katip, "Wi kerek mitik hak hirak kenini einen eiyim menmen me nikan kirak kakit mite, yi ap eiyu yeno yaime me mit iuwe, te mitik iuwe akininit eknen. ⁹ Hirak eknen te mitik kerek nikan

‡†† 13:28 Mt 8:11-12 ‡ 13:29 Sam 107:3; Lu 14:15 †† 13:30 Mt 19:30 ††† 14:1 Lu 11:37 ‡† 14:3 Lu 6:9 ‡†† 14:5 Mt 12:11; Lu 13:15 †† 14:6 Mt 22:46 ‡† 14:7 Mt 23:6 ‡†† 14:8 Pro 25:6-7

kirak kakit mite, hirak kaknen kakitpi, 'Yi eiyinke eino ein, eiweis mitik iuwe ik hirak ekwim.' Hirak kiriak menmen im te yi yink enuk eiyintar yi eiyu yeno weinim.
¹⁰ Im em emit! Mitik ketpi yi einen eiyim menmen yi eiyu yeno weinim me mit, te maain mitik nipaa ketput yi einen eiyim, hirak kaktihis kakitpi kakir ik: 'Nai yinan, yi einen eiyu yeno me mit iuwe newim,' te mit en nipaa hirak netikewi yayim menmen hir han kitet yi iuwe.
¹¹ †Mitik kerek han kitet hirekes mitik iuwe, God kakriakek hirak mitik weinik."

Jisas katip mit nanine neimin naninen nanim menmen

¹² Nepei au, Jisas katip mitik kerek nipaa ketpiwek kaknen kakim, hirak ketpiwek kar ik: "Maain ti enine mit naninen nanim menmen iuwe, ti ap enine paaprer o haairer o nikerek o kikrek o nit yinan netenen menmen iuwe au emit! Ti ap eriakem ehisesim ehintar maain hir pike nanwetut menmen mit mamrerim.
¹³ ††Maain ti hemani menmen, ti enine mit enun menmen auri o mit his hit nanamir enum. ¹⁴ †Ti eriak menmen mar im te God maain kakrekuyut yaaim kakintar mit in enun te hir ap pike nanwetutem mamrerim. Maain God kakwetutem me wi kerek maain hirak kakikian mit kerek nire yaain hir pike nanikrit nanu nantikerek."

Jisas katip him tok piksa me mit naam menmen iuwe (Mt 22:1-10)

¹⁵ ††Mitik kiutip kau kinaan kaam menmen kemtau menmen Jisas katip, hirak ketpiwek kar ik: "Mit nau kinaan neit wit ke God nanim menmen hir han yaaik nanu." ¹⁶ Jisas ketpiwek, "Nipaa ein mitik kemani menmen kenine mit yapirwe naninen. ¹⁷ Wi epei man te hirak kakwet mit menmen. Hirak keruwet mitik kirak kakniror kakitpor kar ik: 'Hi epei emani menmen te yi einen eiyim eitikewa.' ¹⁸ Hirak kitorhi, te hir yapirwe natip, 'Hiau ap te mamno au.' Mitik hak katip, 'Hi epei hewir pewek heiyim hatin ti, te hi eno ahirek te hi hanhan ti ap han enuk heriuwe hi ap enen taau.' ¹⁹ Mitik hak katip, 'Hi epei hewir pewek etin bulmakau hiswiyen (10) me mamwen ti te hi ano ahirem eninem te hi hanhan ti ewisa hi ehu in ehim menmen mit au.'
²⁰ ††Mitik hak katip, 'Hi epei heit mite te hi ap anen au.'
²¹ "Te mitik kerek kiriak menmen mirak, hirak ken ketpiwek. Epei ketpiwek, hirak han enuk ketpiwek kar ik: 'Ti eno waswas erer yayiwe me wit ehithis mit kerek his hit nanamir mire enum, kerek nau yayiwe ek e.'
²² Maain mitik hirak epei kan ketpiwek, 'Mitik Iuwe, menmen ti etpewem hi epei hiriakem, te yeno ham wen mepeit weinim.' ²³ Mitik iuwe katip mitik kerek kiriak menmen mirak kar ik: 'Ti eno ehitet yayiwe iuwe, ehitet ya ke yaank, ya meke nimin te winak kai eknepet ekriuwe mit miyapir. ²⁴ Hi etput werek. Ap nei kerek nipaa hi heniror naninen nanim menmen nantikewa au.'"

Mitik ekinin han ekitet werek werek te hirak ekises

Jisas
(Mt 10:37-38)

²⁵ Mit miyapir yapirwe nen nises Jisas te hirak keweikin ketpor kar ik: ²⁶ †††Mitik kerek kaknen kakisisa hirak hanhan kinin kemtau him me miye haai nirak, mite o nikerek nirak, hirak ap kakises him mai taau. ²⁷ †††Mitik kerek kisisa te kinaain menmen enum mamnen mamkip, hirak ap te kakises him mai werek werek au.

²⁸ "Keimin ke yi mit hanhan kakime winak iuwe nokik, hirak wen eku han ekitet hirak ketenen teket mei o niu mei kakwet mit kerek nankepek nanime winak kirak ere naninepek. ²⁹ Hirak epei kekin hei kamir teinik kewis tapin, te hirak ap kime winak kenterim wen au kentar hirak pewek kike hiram epei au mesi, te mit kerek naninen nanirek nanitetiweknaa naniniuwesisek. ³⁰ Hir nantip nar ik: 'Mitik ik kakime winak te hirak ap kakimaak ere werek au.'

³¹ "Mitik iuwe kerek naanmipre mit yapirwe en kakno kaktike mit yapirwe nirak 10,000 nanino naninepan nantike mitik iuwe hak ketike mit nirak yapirwe nar 20,000. Hirak wen eku han ekitet hirak manpenuk te kakirp kakinin mitik hak ik kaktike mit nirak o taau. ³² Au en, mitik hak ek wen kepeit yanimin, hirak kakriuwet mit nirak nanino nanwenyipirek nanitiwekhi me mekam hir enriakem te hir enkiyan enu enit. ³³ Te keimin hirak ap ekinin han kitet werek werek ekweikin sip ekwet menmen mirak, hirak ap te kakises him mai taau.

Sol tokim ap matin him au, mit nanwirem (Mt 5:13; Mk 9:50)

³⁴ "Sol hiram menmen yaaim, te hiram tokim ap matin him mamirmeim te hiram pike emtin him? Taauye! ³⁵ Mit ap newirem te mamkaap ti au. Hiram mamwaank ti. Hir nanwirem mamno mune me bulmakau mamkaap menmen meit ni eim mamwo taau. Mit nanwirem mamitet yayiwe weinik. Nikip emnep eiyimtewem!"

Jisas katip him tok piksa me sipsip kirir keit pin (Mt 18:12-14)

15 Wi ham, mit enun kerek nari pewek me takis, hir netike mit han enun nises menmen enum, hir nan menep nanimtau him me Jisas. ² †Mit han ne Farisi netike mit nertei menmen me Moses newepyapir mit em, natipan nene Jisas nar ik: "Hirak hanhan kari mit enun kaam menmen ketikeri." ³ Te Jisas kewenhi ketpor tok piksa im e:

⁴ †††Mitik kiutip ke yi mit kewis sipsip yapirwe, hak kinaiwir mitik ik kirir keit yaank te hirak kaknawirem mamu weinim, hirak kakinkakitniwek ere kerek epei kirir ek hirak kaknapinek. ⁵ Hirak kaknapinek, hirak kektin hipi han yaaik kakriuwerek. ⁶ Hirak kektin hipi

† 14:11 Mt 23:12; Lu 18:14 †† 14:13 Diu 14:29 ‡ 14:14 Jo 5:29 †† 14:15 Lu 13:29 †† 14:20 1Ko 7:33

††† 14:26 Lu 18:29 ††† 14:27 Lu 9:23 § 15:2 Lu 5:30 †† 15:4 Esi 34:11, 16; Lu 19:10

kaknan ek kakir ik kakiun wit, hirak kaknine nirak yin nan netike mit ne wit kirak kakitpor, 'Yi han yaaik eitikewa. Hi epei hinapin sipsip kerek nipaa kirir keit yaank eik.'⁷ Hi hetpi mit ensel neit wit ke God hir han yaaik kike keriyen neriuwe mit yaain hir nau werek werek. Te hir han yaaik wisenuk neriuwe mitik enuk kiutip keweikin sip kewet menmen enum. Hir han ehitet yayiwe iuwe, ehitet ya keyaaik iuwe nar ke mitik hirak han yaaik kentar sipsip kirak hirak kinapinek."

Jisas katip tok piksa me pewek minatin

⁸ "Mite peimin wetenen pewek hiswiyen (10), te kiutip kinatin keit, hire weksiu si wiripep winak ere hire winapinek. ⁹ Hire epei winapinek, hire wenine nire yin nan netike miyapir ne wit kire eik, hire wetpor war ik: 'Yi han yaaik eiyu eitikewa eiyintar hi hinapin pewek kerek nipaa kinatin.' ¹⁰ Hi hetpi mar im. Mit ensel ne God hir han yaaik iuwe neriuwe mitik hak kiutip keweikin sip kewet menmen enum."

Him me nikan pipiak kinaaiwir haai kirak

¹¹ Jisas wen ketpor kar ik: "Mitik hak kine nikerek hirakit wikereret. ¹² Kike katip haai kirak, 'Haai enkaau menmen mei in ek maain ti hahi ti ewetewem.' Nepei au, haai kirak kenke menmen mirak kewet nikerek tirak em. ¹³ 'Maain wi ham, kike kesiuwe ti keit pewek mererik keiyim kakno wit iuwe yanimin ein. Hirak kenke menmen mirak kewirem keiyim katin menmen enum. ¹⁴ Hirak kewir pewek keiyim katin menmen enum ere pewek nan epei au mesi hirak kau weinim. Hirak kau weinim, hawi au te ni merer wit wit mewa au, maa meit te mit menmen auri, hir ninpi maan. ¹⁵ Hirak ninpi maak te hirak ken kiriak menmen me mitik ke wit ik e, hirak kesiuwerek kakno naanmamre sak mirak. ¹⁶ 'Hirak hanhan kakim nu weki nikim mit newet sak em kentar hirak menmen au ap mei mau te hirak kakim au.

¹⁷ "Hirak epei kertei hirak kau enum enum hirak han kitet hirekes katip kar ik: 'Mit yapirwe niriak menmen me haai kai, hir neit menmen werek te hi au ninpi meiyu, hi hau in hahi hentar hi menmen au. ¹⁸ 'Hi pike eno ahir haai kai hi etpiwek, 'Haai, hi epei eweikin sip ewet God hi herekyut enum. ¹⁹ Hi ap yaaik te hi hire nikan kit au. Ti ewisa hi are mit niriak menmen mit.' ²⁰ Hirak han kitet kar ik, te hirak kekrit kakno kakir haai.

"Hirak kan kitet yanimin, haai kirak kirek, hirak hanhanek kesiukin ken keiyewewik, kemwek tekep kises menmen me maamrer hirak keteikniwek hirak han yaaik keriuwerek. ²¹ Nikan katip haai kar ik: 'Haai ye! Hi epei eweikin sip ewet God hi herekyut menmen enum. Hi ap yaaik te ti enewa hi nikan kit au.' ²² Te haai keremirwek him katip mit niriak menmen mirak ketpor kar ik: 'Yi eino waswas eiyit laplap yaaim emiriyiwekem eiyit pitau eiyinwikem eiriuwetiwek su

emu hit. ²³ Eiyit bulmakau kerek wa kewik eikip eiyik te haiu emim han yaaik emu. (Haai kiriak menmen im keteikin nikan kirak hirak wen hanhan hirak kire nikan kirak.)²⁴ 'Haiu mamriakem mamintar nikan kai hirak kar ke mitik kaa. Te in ek haiu minapinek epei kekrit kau.' Hir niriak menmen han yaaik neriuwerem naam.

²⁵ "In ek heiyiuwe kirak keit ni eim. Hirak pike kaknen winak eik hirak kemtau mit niriak nine henye. ²⁶ Hirak kenine mitik ke mit niriak menmen me haai kirak, hirak kitiwekhi kar ik: 'Yi mit ein yi yiriak mekam?' ²⁷ Hirak kewenhi kar ik: 'Nikik kit epei kan te haai kit kenep bulmakau wa kewik niak naak neiyik niriak nenar nikik kit pike kan kepu werek, haai hirak han yaaik.' ²⁸ 'Hirak kemtewek epei au, hirak kine han enuk. Haai kirak ketpaan kan, hirak ketpiwek kari han kirak te hirak kinapen kakno winak nimin ein. ²⁹ Hirak katip haai kirak, 'Hi epei hiriak menmen mit tito yapirwe, ap wi miutip te hi eweikin sip ewet him mit au. Te ti ap eweto sak meme kiutipen te hi etike nai yinan mamkip mamik meiyik mamrire au. ³⁰ Te nikan kit enuk kerek nipaa kewir pewek kerek nipaa ti ewetiwekem, hirak ketike miyapir enun nari mit his neweninem neiyewewan, hirak epei kan in, te ti enep bulmakau yaaik wa kewik ekip ewetiwekek.'

³¹ "Haai ketpiwek, 'Nikan kai, ti hekrit hekrit epu etikewa. Menmen yapirwe mai hiram menmen mit. ³² Te haiu han yaaik emu emim menmen emrire emintar nikik kit hirak kar ke mitik epei kaa. Te in ek hirak pike kekrit kepu. Hirak kire sipsip kepir keit yaank, te in ek haiu minapinek.'"

Mitik enuk naanmipre menmen me mitik hak kertei kiriak menmen mamkaap hirekes

16 Jisas katip mit disaipel nirak kar ik: "Mitik hak ketenen pewek menmen ham yapirwe, hirak kewis mitik hak naanmipre menmen mirak. Mit han nan netpiwek, 'Mitik kerek naanmipre menmen mit hirak kewir pewek mit menep epei mamesi.' ² Hirak kemtewek, hirak ketpiwek kar ik: 'Hi epei hemtau ti hiriak enum. Ti ewiso tiwei eteikno menmen ti epei hiriakem entar ti ap wen naanmipre menmen mai au.' ³ Te mitik kemtau menmen me mitik iuwe kerek hirak han kitet hirekes katip kar ik: 'Mitik iuwe kai kakinka kakriuweta hi ano entar hi hiriak enum heriuwe menmen mirak. Hi ariak mekam? Hi ap manpenuk te hi ewep wi au. Hi yink enuk ehu yayiwe eHITEHI mit nanweto pewek au. ⁴ Hi epei han kitet ariak menmen ham te mit hir anira entauhis ano winak kir hir naanemprau. Te maain hi epei henke ekeipin menmen nipaa ein hi naanmiprewem hi ehu werek.' ⁵ Te hirak kenine mit yapirwe niutip niutip nan kerek nipaa neit menmen me mitik iuwe kirak weinim. Hir ap newetiwek nan mererim wen au, te hirak katip mitik kerek kinin kan kar ik: 'Ti nipaa heit menmen marmenum me mitik iuwe kai?' ⁶ Hirak ketpiwek kar ik: 'Hi nipaa heit dram me tipar mar 100.' Mitik naanmipre menmen ketpiwek, 'Ehu in ehit tiwei ik ti ewis nipaa ti

† 15:13 Pro 29:3 †† 15:16 Pro 23:21 † 15:18 Sam 51:4; Jer 3:12-13

†† 15:24 Ef 2:1, 5, 5:14 †† 15:28 Lu 15:2

heit 50 dram kerem em.' ⁷ Mitik hak kan hirak kitiwekhi kar ik: 'Nipaa ti heit mekam?' Hirak ketpiwek, 'Nipaa hi heit 100 bek rais kerem em.' Hirak ketpiwek, 'Ti ehu in ehit tiwei ik ewis menmen mire 80 bek rais kerem em.'

⁸ ¶Maain mitik iuwe kirak kan katip mitik enuk kirak kerek naanmipre menmen, hirak ketpiwek hirak mitik enuk weise tipar kertei menmen werek werek kari han ke mit te maain mit ein naanmamriwek." Jisas wen katip, "Mit ne ti ap nises God hir ninin mit nises him me God me naanmipre menmen mir yapirwe.

⁹ ¶Hi wen hetpi werek. Yi han kitet yayit menmen mi eikaap mit eiriwerem te maain yi yayi yaino wit ke God hirak kakitpi yi yayu yaitikerek yayintar yi yiriak menmen yaaim a? Taauye!

¹⁰ ¶Mitik keimin hirak naanmipre menmen kike werek werek, te maain hirak naanmamre menmen wisenum werek werek. Te hirak mitik kerek kemipin me menmen kike, maain hirak kakmipin me menmen iuwe. ¹¹ Yi ap naanmipre pewek werek werek me ti ik e, te keimin kakwisi yi naanmamre him yaaim me God? Taauye! ¹² Te yi ap naanmipre menmen me mit han werek werek, te God ap te kakweti menmen kerek yi yaitenenim taau!

¹³ ¶Mitik kiriak menmen me mitik hak ap te kakriak menmen me mitikit wiketeres taau. Te hirak han tatwenin hak, hak au kakneinik. O hirak han kekrit keriuwe hak, han ap kekrit keriuwe hak. Yi han ki kakinke kakintar pewek ap te yi eiyises God werek werek taau."

Him me Moses metike menmen me God

(Mt 11:12-13)

¹⁴ ¶Mit ne Farisi hanhan pewek, hir nemtau menmen Jisas ketpim, te hir netpiwek enum nanwesisek. ¹⁵ ¶Te Jisas ketpor, "Yi keriyen yiriak menmen yari han ke mit yeriuwerem te hir han kitet yi yire yaain yinin mit han. Te God kertei han ki. Menmen mit han kitet hiram yaaim, God han kitet hiram enum weininim.

¹⁶ ¶Him me Moses metike him me mit profet, hiram mepu naanmipri ere wi Jon kerek kikir mit neriuwe tipar hirak kan kewepyapir him ham yaaim me God. Me wi eim ere in haiu mewepyapir him im yaaim me God naanmamre mit.

¹⁷ ¶Maain nepni mamtike ti ik mamno mamiwaank mamit. Te him ham kike me him yaaim yapirwe Moses nipaa kewisim ap te mamit taau! Mamir keremem mamu mamit.

Jisas katip him me mitik kinaaiwir mite kakit mite hap

(Mt 5:31-32; 19:9; Mk 10:11-12)

¹⁸ ¶Mitik kerek kepir mite pirak kakit hap, hirak kire mitik enuk kari mite his kewenem. Keimin keit mite nipaa winaiwir mitik kire, hirak kire mitik enuk kari miyapir his kewenem.

† 16:8 Ef 5:8; 1Te 5:5 †† 16:9 Mt 6:20; Lu 14:14 † 16:10 Lu 19:17-26 †† 16:13 Mt 6:24 †† 16:14 Mt 23:14 ††† 16:15 Mt 23:28; Lu 18:9-14; Pro 21:2 ††† 16:16 Mt 11:12-13 § 16:17 Mt 5:18 §† 16:18 Mk 10:11-12; 1Ko 7:10-11

Him me mitik ketenen pewek yapirwe ketike Lasaras

¹⁹ "Nipaa mitik ketenen pewek yapirwe kepu. Hirak kewir pewek yapirwe keit klos yaaim iuwe. Hekrit hekrit hirak kau werek, keriuwet klos yaaim, kaam menmen yaaim. ²⁰ Mitik enuk weinik niuk mirak Lasaras kepu. Hirak mit nirak neriyaak neiyik nan newisik kiwaai ya weipir ke niwa ke winak eik.

²¹ ¶Hirak kemerir mit nanit menmen mit newirem nipaa mau kinaan ke mitik iuwe hiram menke. Hirak kau en nepere mepnen meswiwek (o mesiuwewik) wikes meriuwe nin miram.

²² "Maain mitik weinik ek kaa, mit newisik kekre hei te ensel ne God ninan himin kirak ken kau ketike mitik Ebrahim teit wit kirak kewik. Mitik ketenen menmen yapirwe kaa, te mit newisik kekre hei. ²³ Mitik ketenen menmen yapirwe hirak kekre si enum, menmen merekyiwek han enuk yink mirak mekek. Te hirak kikiamnaan kir Ebrahim keit yanimin kau niu ein ketike mitik Lasaras tekiyakit tau. ²⁴ Te hirak kinap kenine, 'Maam Ebrahim, ti han ekiteta esiuwe Lasaras ekwis tipar emintirau nin kai te nime wenina. Hi au si teknina heit wit enuk ik e.'

²⁵ "Te Ebrahim katip, 'Nikan, ti han ekitet nipaa ti etenen menmen yapirwe kerek nipaa ti hau ti eik, Lasaras hirak kau enuk te wikes makip, hirak kaam menmen enum. In ek hirak kau werek werek te ti au enuk yink kitewo. ²⁶ Hi hanhan akepit te menmen mewenina. Wi iuwe kau nimin nipaa God kewisim kerekirai. Te neimin in nanino ein taau. Mit ein ap te nanrekir wi kerekek naninen nanirei taau.'

²⁷ "Mitik ketenen pewek yapirwe katip, 'Hi hituthi ti eriuwet Lasaras kakno winak kerek haai kai nipaa kewik. ²⁸ Ti atip Lasaras hirak kakno kaktip kikrek nai hispinak (5) hirak kakwepyapir ekitpor hir enweikin sip enwet menmen enum te hir ap aninen entikewa enu wit ik kerek hi yink keiyewo heitai.'

²⁹ "Te Ebrahim katip, 'Hir netenen him me Moses mau tiwei metike him mit profet newisim mau tiwei. Ewisi hir enises him mir.' ³⁰ Mitik ketenen pewek yapirwe katip, 'Au, hir ap nanisesim au. Haai Ebrahim mitik hak kerek nipaa kaa ti eriuwetek ekno ekitpor, te hir enweikin sip enwet menmen enum.' ³¹ ¶Ebrahim ketpiwek, 'Hir ap nanimtau him me Moses ketike profet au, te hir ap te nanimtau him me keimin kerek nipaa kaa hirak pike kekrit kakno kakitpor taau.'"

Menmen enum mari han ke mitik kises him me God

(Mt 18:6-7, 21-22; Mk 9:42)

17 Jisas katip mit nirak disaipel, "Menmen enum me mamri han ke mit hir nisesim mamriwaank, hiram mamnen. Te keimin kakriak menmen enum kakri han ke mit, maain hirak God kakiwaankek kakir ke hirak kiriakem. ² Hiram yaaim te mit nankaaip nan keriyiwek teruk, hir nanwirek hirak kakno kakikre wan kaki kakit, te hirak kakriak mitik kerek kises him mai

§†† 16:21 Mt 15:27 §† 16:31 Jo 11:44-48

hirak kakweikin sip kakises menmen enum. Hirak kaku kakriak enum, maain hirak kaknen kakir God hirak enuk wisenuk.

³†Yi naanempre hiras hekrit hekrit yi eiyises menmen yaaim keremem. Kit yinak kerekyut enum ti enerek. Hirak yink enuk keriuwe menmen enum hirak kerekyutem, hirak ketput, 'Ti yaaik hi herekyut enum,' te ti hetpiwek him yaaim mar im: 'Hiram menmen weinim.' ⁴ Hirak ke wi miutip hirak kerekyut enum me hispinak wik (7), te hirak yink enuk keriuwerem, hirak pike kaknen kakitput, 'Ti yaaik hi herekyut enum,' te ti etpiwek, 'Hiram menmen weinim.' Hirak kiriak karek karek ere hispinak wik (7), ti etpiwek, 'Hiram menmen weinim,' ti eriweksak menmen enum."

Jisas katip menmen me mit enises him me God

⁵††Mit aposel natip Jisas, "Ti ekepai te haiu emisesit emirp han tokik." ⁶‡Jisas katip, "Yi eiyises God werek werek kike yi yire nu mastet nikum hiram kike te maain hiram mamwo ere wisenum. Yi eiyisesik eiyir ek te yi yaitip niuwaine ik e, hirekes kakiket kakriuwe puk mirak, te hirak kakimtau him mit kakno kakikir hirekes kakikre wan eik kakirp kakit.

Menmen mitik kiriak menmen me mitik hak kakisesim

⁷"Te keimin ke yi mit hirak ketenen mitik kerek kiriak menmen mirak kire kewen ti me ni o naanmipre sipsip mirak. Maain hirak kaknaaiwir ni kaknen winak ti etpiwek, 'Ti enen ehu yeno wasenum ehim menmen?' Hirak taau! ⁸ Au, ti etpiwek har ik: 'Ti emir laplap tokim erekyo menmen mai miwaai eiyim emeriyo ere hi ehim menmen, ehim tipar. Te maain ti ehim menmen, ehim tipar mit.' ⁹ Hirak katip mitik kerekyiwek menmen mirak, hirak yaaik kentar hirak kemtau him mirak kerek hirak ketpiwek em? Au, hiram menmen weinim. ¹⁰ Yi yar ke mitik eik kiriak menmen keremem. Yi epei yiriak menmen God ketpiyem yiriakem, yi han ekitetim emir im: 'Haiu mit weinin keriyen, haiu epei miriak menmen keremem God ketpeiyem.'"

Jisas kikaap mit hiswiyen (10) kerek lepro mewi

¹¹‡Jisas kepno Jerusalem kitet yayiwe kewep provins Galili ketike provins Sameria. ¹²††Hirak kare kakno wit kike, mit hiswiyen (10) lepro mewi hir newenyipirek newisik yayiwe eik, hir nepir nenpin nekeipniwek. ¹³ Hir nepir nenpin nekeipniwek, hir ninap nenine Jisas netpiwek, "Jisas Mitik Iuwe, ti han etweninei." ¹⁴†††Jisas kiri ketpor, "Yi eino eiteikin mitik pris kerek kewet God menmen keit winak kirak, yi eiteikniwek yink ki." Hirak ketpor, hir nepno, wasenum lepro epei mekeipnor men te yink kir kire yaaik. ¹⁵ Hir nertei hir nire yaain, mitik kiutip ke mit en pike kan katip him iuwe kewenipi niuk me God. ¹⁶ Hirak kan kenke kiwaai hit me Jisas ketpiwek, "Ti yaaik." Hirak mitik ke wit Sameria. ¹⁷ Epei

au, Jisas katip, "Hi epei hikaap mit hiswiyen (10) lepro mewi. Mit hispinak tekyaaik (9) neit nein a? ¹⁸ Kenmak te mitik ik ke wit hak hirak kerekek pike kan kewenipi niuk me God? Mit ne Isrel au ninapen a?" ¹⁹†††Jisas ketpiwek kar ik: "Ti ekrit eno. Ti epei hire yaaik hentar ti han kiteta."

Jisas katip ke wi maain hirak pike kaknen

(Mt 24:23-28, 37-41)

²⁰‡Mit han ne Farisi nitehi Jisas mewaai meruri wi mamnen te God kakinin naanmamre mit. Hirak kewenhi ketpor kar ik: "Mit ap nanir menmen im me God mamnen au. ²¹††Ap te mitik keiyak kaktip, 'Eiyir menmen God kiriakem keit in ek o meit ein e.' Au, hiram mau ke nimin ke yi mit, te yi ap eiyirem eiyir ke yi eiyir nu o menmen taau."

²² Hirak katip mit ne Farisi epei au, hirak keweikin katip mit nirak disaipel keriyen kar ik: "Wi mamnen te yi hanhan hi hahu etikewi wi miutip kerekek mar ke in ek hi Mitik ke wit ke Mitik Iuwe hau hetikewi, te maain hi ehu etikewi au. ²³†††Mit han maain nanitpi nanir ik: 'Eiyirek! Krai pike kan.' o 'Eiyirek in.' Te yi ap eiyitpaan eino eiyirek au emit! Hir nemipin. ²⁴ Mipre nepni mewenin iuwe mir merer wit wit mau yaain, mamir im e te hi mitik ke wit ke Mitik Iuwe me wi hi pike enen, mit yapirwe nanira hi hahu yaain. ²⁵††Te hi ehinin hahi, mit ne ti in ek enweikin sip enweto.

²⁶†††Maain wi hi Mitik ke wit ke Mitik Iuwe pike anen, menmen mamu mamir ke wi nipaa Noa kau ti. ²⁷††Mit yapirwe nipaam menmen nipaam tipar si enum, haairer nesiuwe nikerek hiram (o hiran) nir te mit netike miyapir neitan, netenenan his ere wi Noa ken kekre sip mirak, wan tipar kiniu kenep mit hir naa ere nenepik o nesi. ²⁸††Wi hi pike enen hiram mamir ke wi nipaa Lot kau ti. Mit ein naam menmen metike tipar si enum, hir newir pewek neiyim neit menmen o nesiuwe menmen mir neit nan mererim, hir namir ni me winak, hir nime menmen. ²⁹ Me wi Lot kinaaiwir wit Sodom, God keriuwet si metike nan sisi minin enum menep mit menepi neit ein. ³⁰ Me wi hi Mitik ke wit ke Mitik Iuwe maain hi pike enen ewepyapir hirekes, mit nanriak menmen hi epei hetpiyem.

³¹††††Me wi eim, keimin kentir winak siup ap te kakikiuwe kaknen kakinin kakit menmen mirak yaaim mekre winak kirak au. Hirak kakrir kerek ek. Mitik kerek keit ni mirak, hirak kirem, hirak ap te kaknen winak kakit menmen ekit. Hirak kakrir kerek ek. ³²†††Yi han ekitet Lot mite pirak. Hire weweikin werp wir wit Sodom te God kaaup keweikniye hire weweikin wire nan.

³³††††Mitik keimin hanhan naanmamre hirekes, hirak ap kises him me God, maain hirak kaku kaktike God au. Keimin kerek ap hanhan naanmipre hirekes te maain hirak kaki kakintar hirak kises him mai, God kakitwekhis kaku kaktikerek.

† 17:3 Mt 18:15 †† 17:5 Mk 9:24 ‡ 17:6 Mt 17:20, 21:21
†† 17:11 Lu 9:51-52, 13:22 ‡† 17:12 Lev 13:45-46 ‡†† 17:14
Lev 14:2-3; Lu 5:14

††† 17:19 Lu 7:50 § 17:20 Jo 3:3, 18:36 †† 17:21 Mk 13:21
§†† 17:23 Lu 21:8 §† 17:25 Lu 9:22 §†† 17:26 Jen 6:5-12 §†
17:27 Jen 7:6-23 §† 17:28 Jen 18:20, 19:25 §§† 17:31 Mt
24:17-18 §§† 17:32 Jen 19:17, 26 §§§ 17:33 Lu 9:24

³⁴ "Hi hetpi. Me witaan keremem hi pike enen, mitikit wiketeret tatwaai yeno miutip, kiutip hi etiwekhis kaknen kaktikewa, au kiutip kakwaai yeno kakwaai kakit.

³⁵ Miyapir wiketeri nehish newen niu. Hap piutip hi etiwehis wawu wautikewa. Hap ep au, wawu wawit en. [³⁶ Mitikit wiketeret tatit ni eim. Mitik hak hi etiwekhis heiyik kaknen, hak au kaku.]"

³⁷ "Mit narak disaipel nemtau menmen im hirak ketpor, hir nitiwekhi, "Mitik Iuwe, menmen im mamit nein?" Jisas ketpor tok piksa ik: "Herwe kaa kiwaairi te hore tepre mamno mamwik mamkinenik mamik."

Jisas katip him tok piksa me mite weiniye wetike mitik masistret

18 ¹ Jisas katip mit narak him tok piksa kakikepi hir enirtei te hir enitehi God hekrit hekrit, hir ap eninapen. ² Hirak katip kar ik: "Nipaa mitik masistret kau wit hak kiutip, hirak ap kises God, ap hanhan mit au. ³ Mite hap weiniye nipaa mitik kire kaa hire wau wit kiutip wetike masistret, hire wen wan wir masistret ik wetpiwek war ik: 'Mitik hak enuk kan kerekyo enum. Ti ekepa.' ⁴ Nipaa enum eik masistret ap kekepye ere maain hirak han kitet menmen im hirak katip, 'Hi ap hinapen God au, hi ap hanhan mit. ⁵ Hi akaap mite weiniye hentar him hire wetpewem te hire ewu werek o au en, hire waunen hekrit hekrit te waurekya han enuk eriuwepem."

⁶ Jisas wen katip, "Yi eiyimtau him me mitik masistret enuk ketpim, yi han ekitetim. ⁷ In ek yi han ekitet God kakikaap mit narak kakimtor him mir kerek hir ninap nanitiwekhi ekikepi witaan wanewik o au? Te hirakkakikepi waswas o au? ⁸ Hi etpi, God kakikepi kakimtau him mi kakriakem wasenum. Te maain hi Mitik ke wit ke Mitik Iuwe hi pike enen ti, mit hir han ekiteta nanitehi God menmen nanmeriyo o au?"

Him tok piksa me mitik ke Farisi ketike mitik enuk kari pewek me mit ne takis

⁹ Jisas hirak wen katip him tok piksa im e me mit kerek han kitet hiras hir niriak menmen yaaim, te ninaain han en niriak menmen enum. ¹⁰ Hirak katip kar ik: "Mitikit wiketeret tiniu ten winak iuwe ke God hirakit titehi God menmen. Hak ke mit ne Farisi, hak ke mit nari pewek me takis me mit. ¹¹ Mitik ke Farisi kerp hirekes kitehi God kar ik: 'God, hi han yaaik heri-wit hentar hi ap enuk har ke mit han au. Hi ap enuk o sampeine hari pewek me mit, hises menmen enum o etike mite wiriran au. Hi ap har mitik ik enuk kerek kari pewek me takis me mit au. ¹² Me wi wik me wik miutip miutip, hi au hit nipi hau te hi hituthi menmen. Hi pewek mei man hi ewepim ewetut pinam kike, hi ehit pinam kerek mepeit en.' ¹³ Hirak katip kar ik, te mitik enuk kari pewek me mit me takis, hirak keit winak ke God kerp yanimin, hirak ap kikiamnaan men niu wit ke God au. Hirak yink enuk kiwaai his kewen

† 17:37 Jop 39:30 † 18:1 Ro 12:12; Kl 4:2; 1Te 5:17 † 18:5 Lu 11:7-8 † 18:11 Lu 16:15 † 18:12 Jen 14:20; Mt 23:23 † 18:13 Sam 51:1

han pank kirak katip God, 'Ti hanhan heriuwa. Hi mitik enuk hiriak menmen enum.'

¹⁴ Jisas katip, "Hi hetpi, mitik ik ek enuk kari pewek me mit, hirak kinaaiwir winak ke God hirak God katip hirak yaaik. Te mitik hak eik au. Mitik kerek han kitet hirak yaaik kinin mit han, God kaktip hirak weinik. Te mitik kerek hirak han kitet hirak weinik, God kakrekyiwewek kaktip hirak yaaik iuwe."

Jisas kewis his mentar nikerek kitehi God naanmamror (Mt 19:13-15; Mk 10:13-16)

¹⁵ Mit han neit nikerek kike nir neri nan Jisas te hirak ekwis his eminteri ekitehi God naanmamror. Te mit disaipel nir miye haai nir hir natip neneri nar ik: "Jisas epei kikaap mit yapirwe hir ninap. Nikerek kike hir weinin. Yi einopin!" ¹⁶ Te Jisas kenine nikerek kike eninen enirek, hirak katip mit disaipel narak, "Yi eiwisi hir eninen. Yi ap eiweni eiyintar mit hir nanises him me God hir han ekitet God nanir ke nikerek han kitet him me miye haai netpim. ¹⁷ Hi hetpi werek. Neimin ap nises him me God nanwisik naanmamprini nanir ke nikerek hir nises him me miye haai nir, hir ap nanit menmen God kakwetirem taau."

Him me mitik iuwe kinin mit ketenen menmen yapirwe (Mt 19:16-30; Mk 10:17-31)

¹⁸ Mitik kiutip ke mit iuwe ne Isrel kan kitiwekhi kar ik: "Mitik Yaaik kerek ti hertei menmen ewepyapirem, hi eriak mekam te hi ehit himin yaaik hi ehu etike God tipmain tipmain enum eik?" ¹⁹ Jisas ketpiwek kar ik: "Henmak te ti etpo hi yaaik? Ti hertei ti atip hi hire keimin te ti atip hi yaaik a? Mitik kiutip kekere nimin ne yi mit miyapir hirak yaaik au. God kiutip kerekkek. ²⁰ Hertei him lo Moses nipaa kewisim. 'Yi ap eitike miyapir kerek epei neit mit yi ap eiriran au emit! Yi ap einep mit nani. Yi ap eisawin eiyit menmen me mit han. Yi ap eimipin eiwenin him mitik hak. Yi eiyises miye haai ni eiyimtau him mir.'" ²¹ Mitik kerek ketenen menmen yapirwe ketpiwek, "Nipaa kerek hi hire nikan kike ere in ek hi epei hises him me God Moses kewisim mau tiwei." ²² Jisas kemtau menmen im, hirak ketpiwek, "Ti wen eriak menmen ham miutip ti ap hisesim. Ti etenen menmen yapirwe. Ti eno esiuwe menmen mit ehit pewek mamrerim ti ewet mit enun weinin em. Epei au, ti enen eisisa. Ti eriakem te God kakwetut menmen yaaim mirak kakit wit kirak." ²³ Mitik ketenen menmen yapirwe kemtau him im, hirak han enuk kentar hirak ketenen menmen yapirwe. Hirak kinapen kakwet mit em. ²⁴ Jisas kirek, hirak han enuk te hirak katip, "Amirkeik te mit netenen menmen yapirwe hir enwis God kinini naanmamri hir nises him mirak. Taauye! ²⁵ Miyak kamel (hirak kire hos) kakno kakitet pewek kiji taau. Mitik kerek wen ketenen menmen yapirwe kakno kakises him me God kakwis God kinin naanmamriwek taauye!" ²⁶ Te mit nemtau him im, hir nitiwekhi, "Te keimin God kaktiwekhis kaku kaktik-

‡ 18:14 Mt 23:12; Lu 14:11 § 18:17 Mt 18:3 † 18:18 Lu 10:25 † 18:20 Eks 20:12-16; Diu 5:16-20 † 18:22 Mt 6:20

erek kaku kakit? Taauye!" ²⁷ †Jisas kewenhi ketpor, "Menmen mit ap nanriakem, hiram menmen weinim God hirak kakriakem."

²⁸ Te Pita katip, "Haiu epei minaiwir wit kiau, menmen maiu misesit." ²⁹ †Jisas ketpor kar ik: "Hi hetpi im e. Neimin ninaaiwir wit kir o ninaaiwir miyapir nir o kikrek nir o miye haairer o nikerek nir nentar hir nises him me God, ³⁰ hir nanit menmen yaaim yapirwe me wi hir nau ti ik e. Maain God skelim mit, hir nanu nanit nantikerek tipmain tipmain enum eik."

Jisas katip keteipim hirak kaki maain pike kakikrit
(Mt 20:17-19; Mk 10:32-34)

³¹ ††Jisas keithis mit disaipel nirak hiswiyen wik (12) kerik ken ketpor, "Eiyimtau! Haiu mamno wit Jerusalem menmen yapirwe mit profet nipaa newisim mau tiwei me hi Mitik ke wit ke Mitik Iuwe hiram mamnen. ³² †Te hir nanriuweta hi ano his me mit enun ap ne Isrel hir nanrekya enum, nanititonaan, nanitpo enum, naninikin timank mamnawa. ³³ Hir naniyep nanriuwe nipin, hi ano te mit nanwenkeka hahu nu tentarakit hi hahi. Me wi wikak hi pike akrit ehu." ³⁴ ††Mit disaipel ap nertei menmen werék werék au. Te menmen kerek hirak ketpim au misawin ap meke yaain au. Te hir ap nertei menmen werék werék Jisas ketpim au.

Jisas kikaap mitik nanamir toto
(Mt 20:29-34; Mk 10:46-52)

³⁵ Jisas kan menep wit Jeriko, mitik kerekek nanamir toto kau menep yayiwe kenine mit miyapir nanwetiwék nan te kakit menmen kakim. ³⁶ Mitik nanamir toto kemtau mit yapirwe nan nanino, hirak kitehi mit han kar ik: "Mit niriak mekam?" ³⁷ Hir netpiwék, "Jisas ke wit Nasaret kan kesipetit ken." ³⁸ ††Hir netpiwék te mitik nanamir toto kinap katip, "Jisas Nepenyek ke Devit. Ti han etwenina." ³⁹ Te mit kerek ninin ek nenerek netpiwék, "Ekintip wire wire!" Te hirak pike kinap yapirwe kenine hisiuwe, "Nepenyek ke Devit, ti han ekepai naanmiprai, te ti han etwenina." ⁴⁰ Jisas kemtewék hirak kerp ketpor, "Eiyithis mitik nanamir toto eiyik einen." Hir neiyik nan, hirak kan menep, Jisas kitiwékhi kar ik: ⁴¹ "Ti hanhan hi erekyut mekam?" Mitik nanamir toto katip, "Mitik Iuwe, hi hanhan nanamir kai pike ekiupan te hi ahir menmen werék werék." ⁴² †††Hirak katip epei au, Jisas ketpiwék, "Ti esiupan nanamir ehir menmen. Ti han ekiteta te hi hekepit ti hire yaaik." ⁴³ Wasenum hirak kir menmen werék werék kises Jisas kewenipi God. Mit yapirwe nirek, hir newenipi God nentar hir han yaaik neriuwerek.

Him me Sakias

19 Jisas kepno kitet wit Jeriko kesipatek kepno. Mitik iuwe niuk mirak Sakias hirak kepu wit ik. Hirak kinin naanmipre mit kerek hir nari pewek me mit ne takis newet gavman em. Hirak ketenen menmen

yapirwe. ³ Mitik ik hirak kare kakir Jisas hirak keimin. Hirak mitik kike yinak te ap kakir Jisas kentar mit yapirwe nerp menep menep nesoniwék. ⁴ Te hirak kesiuknen kinin mit yapirwe ken kinu nu fik kau niu (hirak kire tapir kup) hirak kakir Jisas kentar hirak kakno kaksipaap nu ik e.

⁵ Jisas kan kerp nu ik e kikiamnaan kir Sakias ketpiwék kar ik: "Sakias, ekiuwe wasenum enen. Hi etput, hi petepin atikewit wauno winak kit ek." ⁶ Sakias kekiuwe wasenum kan ti, hirak han yaaik keriuwe Jisas kekrek han kirak, hirak keriyaak ken winak kirak. ⁷ †††Hir mit yapirwe nirek, hir natipan ninan yipir newirek hir natip nar ik: "Jisas kakno winak ke mitik enuk kiriak menmen enum." ⁸ †Maain keit winak eik, Sakias kekrit kerp katip Jisas, "Mitik Iuwe emtau! Hi ewet pewek o menmen mai pinam mamno mit enun winen menmen auri. Te hi nipaa emipin mit han ekinortip pewek mir, hi pike ewetirem mamrer mir kerek nipaa hi etiwem miutip, hi ewetirem tekyaaait." ⁹ ††Jisas katip te mit nau en nemtewék. Hirak katip kar ik: "Petepin mitik ik epei keweikin sip kewet menmen enum. Hirak hirekes nepenyek ke Ebrahim kentar in ek hirak kises God werék werék. Hirak kises God werék werék kentar ¹⁰ †††hi Mitik ke wit ke Mitik Iuwe, hi han te hi hinhatin mit hir newaank hiras nar mitik ik, te hi ekepi etorhis."

Jisas katip him tok piksa ke mit naanmipre pewek me mitik hak
(Mt 25:14-30)

¹¹ Jisas katip him tok piksa men mit kerek nemtewék katip Sakias menmen. Hirak katip him im kentar in ek hirak epei menep kakiun wit Jerusalem kaki. Te hir mit han kitet natip epei menep te God kaknen kakriuwe menmen mirak iuwe yaaim kakinin naanmamre mit. ¹² †Te Jisas katip kar ik: "Nipaa mitik hak iuwe kepu. Hirak kakno wit hak keit yanimin te mit han nanwisik kakre iuwe naanmamre mit neit ein. Maain hirak pike kaknen wit kirak ik. ¹³ Menep hirak kakno, hirak kenine mit hiswiyen (10) nekepek niriak menmen mirak, hir nan. Hir nan, hirak kewtir pewek mar 20 kina miutip miutip. Epei au, hirak ketpor, 'Eiyimtau menmen. Yi yayit pewek im em, hiram mamri meiyam mamkiterem mamwaai ere iuwe, te hi pike anen.'

¹⁴ †††In ek, mit han ne wit kirak, hir nineinik te hir nesiuwe mit han nikaru nen natip nar ik: 'Haiu minapen mitik ik kakre iuwe naanmamrai.'

¹⁵ "Maain mitik iuwe epei naanmipre mit pike kan, wasenum hirak kenine mit kerek niriak menmen mirak em kerek nipaa neit pewek, hirak keriyeyiri hir nan nerp ninaan mirak, hirak kitorhi me pewek nipaa hirak kewetirem, te hir neit pewek meiyam mamtikerem o au. ¹⁶ Mitik hak kiutip kinin kan katip, 'Mitik iuwe, me pewek nipaa ti ewetewem mar 20 kina, hiram mari ham mire 200 kina.' ¹⁷ ††Mitik iuwe ketpiwék kar ik: 'Ti yaaik, ti mitik erekyau menmen mai yaaim. Ti yaaik

† 18:27 Mk 14:36 †† 18:31 Lu 24:44 † 18:32 Lu 9:22, 44
†† 18:34 Mk 9:32 †† 18:38 Mt 15:22 ††† 18:42 Lu 7:50

††† 19:7 Lu 5:30, 15:2 § 19:8 Eks 22:1; Nam 5:6-7 §† 19:9
Ap 16:31-34; Lu 13:16 §†† 19:10 Lu 15:4; Jo 3:17; 1Ti 1:15 §†
19:12 Mk 13:34 §†† 19:14 Jo 1:11 §† 19:17 Lu 16:10

naanmiprau menmen kike mar im werek, te hi ewisit naanmamre wit iuwe mar hiswiyen (10) im e.'

¹⁸ "Hirak epei ken, mitik hak kerek kiriak menmen mirak ek kan katip, 'Mitik iuwe, me pewek nipaa ti ewetewem mar 20 kina, hiram mari ham mire 100 kina.' ¹⁹ Hirak katip epei au, mitik iuwe king katip me mitik ik kar ik: 'Ti naanmamre wit mar hispinak (5).'

²⁰ "Hirak epei ken, mitik hak kiriak menmen mirak kan katip, 'Mitik iuwe, im em hiram pewek mit nipaa ti ewetewem. Hi hisawinem mekre wa hitin. ²¹ Hi hineinit hentar ti menmen kerek mit han nimaam. Ti ewenkek menmen kerek nipaa ti ap emir em au, mit han namir.'

²² "Mitik iuwe king ketpiwek, 'Ti mitik eriak menmen mai, ti enuk! Hi pike ehit him mit ti etpim me hi, hi pike enit eriuwerem. Ti hertei hi mitik enuk atip him tokik tokik ari menmen ap mai ewenkek menmen kerek hi ap epei hamir au mit han. ²³ Henmak te ti ap ewisa pewek mei mekre benk? Te hi ehit meiyam kike weinim mamtikerem wi kerek hi pike han in a?' ²⁴ Te mitik iuwe king katip mit kerek nerp ein en, 'Eiyit pewek emkeipniwek eiwirem te yi eiwet mitik hak kerek ketenen 200 kina eiwetiwekem.'

²⁵ "Hir netpiwek, 'Mitik iuwe mitik eik epei ketenen 200 kina, ekit.'

²⁶ "Mitik iuwe katip kar ik: 'Hi etpi mit kerek netenen menmen hiram yapirwe, te maain hirak mitik iuwe kakwetir meiyaam. Te mit kerek ap netenen menmen yapirwe au, menmen kike kerek hir netenenim, mitik iuwe kaktiwem mamkeipnor. ²⁷ In ek mit nai nepan ninaain hi hire mitik iuwe naanmamror, yi eitorhis einen in yi einip te hi ahiri.'"

Jisas ken Jerusalem kakre mitik iuwe naanmamre mit
(Mt 21:1-11; Mk 11:1-11; Jo 12:12-19)

²⁸ Jisas katip him im epei au, hirak kinin kinu kakno wit Jerusalem. ²⁹ Hirak kan menep ke wit Betfasi ketike wit Betani keit miniu (o neiyip) niuk mirak oliv. Epei au, Jisas keruwet mitikit disaipel wik tinu ten. ³⁰ Hirak ketpiwekit kar ik: "Yi einu wit eik yi eiyir donki nikik (hirak kire hos) mit nekeipik kerp kerek mit niutip niutip ap nipaa newik wen au. Yi eisiupanek eiriyaak eiyik einen in e. ³¹ Te mit han nanitih, 'Yi yenmak te yi yesiupan ek,' te yi eiyitpor, 'Mitik iuwe hanhan kaktiwek.'"

³² "Hirakit ten ten ere tinapin menmen mar ke Jisas nipaa ketpiwekitem. ³³ Tinapinek o, hirakit wen tesiupan hos, mit kerek naanmipre hos netpiwekit, "Yi yenmak te yi yesiupanek?" ³⁴ Hirakit tatip, "Mitik iuwe kawir kakwik."

³⁵ Hir newenhi te hirakit tari hos eik teiyik ten Jisas, hir yapirwe newir saket (hiram mire laplap) mentar hos sip kirak, te hir nekin Jisas newisik kewik. ³⁶ Jisas kewik kepno, hir mit nepno netikerek nenepew saket newisim minin miwaai yayiwe neteikin hir newenipiyek han yaaik neriuwerek. ³⁷ Jisas kan menep wit Jerusalem kerek yayiwe kiun wank kekiuwe ken miniu Oliv ek, mit disaipel nirak yapirwe nererik menep menep hir han

† 19:26 Mt 13:12; Lu 8:18 †† 19:32 Lu 22:13 ‡ 19:36 2Kin 9:13

yaaik newenipi God nine henye newep him iuwe nentar menmen yaaim hir epei nir Jisas kiriakem. ³⁸ "Hir natip nar ik:

"God naanmamre Mitik Iuwe kerek naanmamre haiu mit, hirak kakikrehir God. God hanhan keruwei haiu mit. God hirak kakit niuk iuwe."

³⁹ Te mit han ne Farisi kerek naanmipre him me Moses nekre mit yapirwe en natip Jisas, "Mitik Iuwe, ti atip mit disaipel nit wire wire nentar hir natip God keruwetit te ti han ti ik. Hiram enum." ⁴⁰ Jisas kewenhi ketpor, "Hi etpi, hir nekintip wire wire, nan hiremes kerek miwaai yayiwe mamnap mamtip mamwenipi niuk mai."

Jisas kikit Jerusalem kentar mit neweikin sip newetiwek

⁴¹ "Jisas epei kan menep wit Jerusalem, hirak kirek, hirak kikit mit nau wit eik. ⁴² "Hirak katip, "Hi hanhan te yi mit petepin yertei menmen eitiwem me yi eiyu werek werek, te in ek yi ap yerteiyem taau. ⁴³ Maain wi mamnen te mit ni enun nepan naninen nanweikni hir naniyepeti mit naninke yinan hesini naninke yinan hasini. ⁴⁴ "Te hir naninen naniwep yi mit miyapir naniwaank wit ki. Ap te nan mei miutip mamu kerek nipaa mepu ek taau. Menmen im mamnen mamintar yi ap yertei wi God kan te kakikepi."

Jisas ken winak iuwe ke God kepir mit nesiuwe menmen neit ein

(Mt 21:12-17; Mk 11:15-19; Jo 2:13-22)

⁴⁵ Maain wi ham Jisas ken winak iuwe kerek mit nererik natip him me God neitai en, hirak kene mit kerek nesiuwe menmen mire sipsip o hore menmen ham mit namip nanwet God em, hirak kepiri nen. ⁴⁶ "Hirak ketpor kar ik: "Him nipaa God ketpim mit newisim mau tiwei mar im: 'Winak kai mit netpim hirak ke hir nanino nanitehi God menmen naneitak.' Te yi yeweiknik kire winak ke mit enun nekintip menmen newik."

⁴⁷ "Epei au, hekrit hekrit Jisas katip mit miyapir him mirak keit winak iuwe ke God kerek ek. Te mit iuwe pris newet God menmen me mit, hir netike mit ne Skraip kerek natip mit miyapir him me Moses, hir netike mit iuwe ninin mit, hir nimenipin Jisas hanhan nankip kaki. ⁴⁸ "Te hir ap niriakem au nentar hir mit yapirwe nemtau him mirak ap te naninaaiwir him meiyam miutip au. Hir hanhan netikerek neit winak iuwe ke God eik.

Mit iuwe nitehi Jisas: Keimin kewisit ti ewepyapir him me God?

(Mt 21:23-27; Mk 11:27-33)

20 Wi ham, kerek Jisas kepeit winak iuwe ke God keit Jerusalem kerekek, hirak katip mit miyapir him yaaim me God, mit han pris iuwe kerek newet

†† 19:38 Sam 118:26; Lu 2:14 ††† 19:41 Jo 11:35 †††† 19:42 Ais 6:9-10; Mt 13:14; Ro 11:8 ††††† 19:44 Lu 1:68, 21:6 § 19:46 Ais 56:7; Jer 7:11 §† 19:47 Lu 21:37, 22:53; Jo 18:20 §†† 19:48 Mt 21:46; Mk 14:1-2; Lu 20:19

God menmen me mit, hir netike mit ne Skraip kerek natip mit miyapir him me Moses, hir netike mit iuwe hir naanmipre mit ne Isrel hir nan. ² Hir nan hir nitiwekhi, "Ti etpai, keimin kehimitenit te ti han hiriak menmen im? Keimin ketput hiram yaaim te ti hiriakem?" ³ Jisas kewenhi ketpor, "In ek hi hitihi yi eiyitpewem. ⁴ Mitik Jon, God keruwetek kan hirak kikir mit neriuwe tipar ketpor hir enweikin sip enwet menmen enum o Jon hirekes han kitetim kiriakem?" ⁵ Hir natipan han kitetim mar im: "Haiu mamtip me God, te hirak kaktip, 'Hiram meke God man te yi yenmak ap yises him me Jon?' ⁶ Te haiu mamtip Jon hirekes han kitetim kiriakem, mit yapirwe in en nanwir nan nanwep nanintar hir han kitet Jon hirak profet, God keruwetek kan kewepyapir him mirak." ⁷ Te hir newenhi natip Jisas nar ik: "Haiu ap mertei menmen Jon ketpim meke nein man?" ⁸ Te Jisas ketpor, "Mar keremem te hi ap hetpi keimin keruweta hi hiriak menmen."

Jisas katip him tok piksa me mit enun naanmipre ni me waai nikim wain
(Mt 21:33-46; Mk 12:1-12)

⁹ Hirak ketpor epei au, Jisas katip mit him tok piksa im: "Mitik kiutip kamir wain nikim mau ni kewis mit han naanmiprewem. Maain hir nanit ham, hirak kakit ham. Epei au, hirak kinaaiwir wit kirak ken kakit wit hak ere maain tito yapirwe. ¹⁰ Me wi kerek hir nanit waai nikim mewinki kerem em, hirak keruwetek mitik kerek kiriak menmen mirak kakno kakir mit kerek naanmiprewem, hir enwetiwek ham pinam. Te mit kerek naanmipre ni keremem nakip nenipek yink enuk nesuwerek kan ap ketenen menmen mei au. ¹¹ Maain hirak pike keruwetek mitik hak ken te mit naanmipre ni keremem hir nakip nenipek yink enuk nesuwerek pike kan ap ketenen menmen mei au. ¹² Hirak pike kan ap ketenen menmen au, hirak keruwetek wok mitik hak kepno, te mit naanmipre ni hir nakip kaa hir newirek kenpin. ¹³ Hir newirek kenpin, mitik ke ni hirekes katip, 'Hi ariak mekam te hi ehit menmen mai pinam? Hi hertei. Hi esiuwe nikan kai nipaa hi hinaak kiutip kerek ek. Hirak ekno te hir han ekitetik enwetiwek menmen.' ¹⁴ Hirak keruwetek ken ni eim, te mit kerek naanmiprewem nirek hir natipan, 'Ik ek hirak nikan kirak hirekes kerek ek. Haiu emkip te haiu mamit ni me waai wain hiram maiu.' ¹⁵ Te hir nepirek kaknopin ni me waai nikim kerem em, hir nakip. Mitik hirekes ke ni keremem ekriak mekam me mit naanmipre ni mirak? ¹⁶ Hi hetpi hirak eknen eknep mit kerek naanmipre ni eim, hirak pike ekwet han em naanmipre ni me waai keremem." Mit hir nemtau him im hir natip, "Taau! Emit! Mit kerek naanmipre ni ap te nanriak enum marim auye!"

¹⁷ Jisas kiri ketpor kitorhi kar ik: "Menmen im ap te mamnen taau, kenmak him me God mau tiwei matip mar im:

'Teinik kerek nipaa mit kerek nime winak ek nineinik nenkerek newisik kiwaai?' ¹⁸ Mit neimin niutip niutip kerek neweikin sip neweto hir nar ke mit hir nerewo teinik ek hirak kakrenirir kike kike nanriwaank. Teinik kakinke kakintar neimin hirak kaksesi tikip tikip mamre niutip. (Hi kerekek hire teinik ik. Keimin ap kises him mai kakiwaank hirekes.)" ¹⁹ Mit hir natip mit miyapir him me Moses netike mit iuwe pris kerek ninin mit han, hir hanhan in ek nanithis Jisas nankip nentar hirak katip mit him weinim tok piksa me hir mit iuwe keriyen. Te hir ninapen mit miyapir yapirwe nererik menep menep, te hir netiwekhis nanip au.

Mit nan nitehi Jisas menmen me nanwet gavman pewek me takis

(Mt 22:15-22; Mk 12:13-17)

²⁰ Te hir nemerir wi te nantiwekhis. Hir nehimitan mit enun nemipin hir nire yaain te hir naninen nanmipin Jisas nantiwekhi menmen te hir nanwisik kakno his me mitik iuwe Gavman ke Rom. ²¹ Hir nan natip Jisas, "Kaiu Iuwe, haiu mertei menmen ti etpim ewepyapirem hiram yaaim. Haiu mertei ti ap hinaain mit iuwe o mit neimin weinin. Hiram menmen weinin ti etpor him yaaim me God keremem. ²² Ti etpei hiram yaaim werek te haiu emwet mitik iuwe naanmipre mit ne Rom netikewei pewek me takis o au?" ²³ Te Jisas kertei kekere han kirak hir nemipin te hirak ketpor, "Yi yenmak te yi yitauhiyem a? ²⁴ Yi eiteikno pewek kei kiutip. Himin metike niuk me keimin im em?" Hir newenhi, "Mitik iuwe Sisa kerek naanmipre mit ne Rom ek." ²⁵ Te Jisas katip, "Yi eiwet mitik iuwe naanmipre mit ne Rom menmen lo metpim. Te yi eiwet God menmen him me Moses keremem metpim." ²⁶ Hir ap nemtau him mei enum hirak ketpim te hir nanriyaak me nanamir me mit neiyik nanino au. Te hir nekintip wire wire neit, hir han kekrit neriuwe him mirak.

Mit nitehi Jisas menmen me mit nani pike nanikrit

(Mt 22:23-33; Mk 12:18-27)

²⁷ Mit han pris hir nises him me Sadyusi, hir nan Jisas. Hir keriyen han kitet mit epei naa ap te pike nanikrit taau. Hir nitiwekhi nar ik: ²⁸ Mitik Iuwe, mitik Moses kewisai him lo im em: 'Mitik kaa kinaaiwir mite pirak te nikerek au, mitik kerekek nikik o heiyiwe kirak ekit mite pirak weiniye kerep te hire pike ewine nikerek enikrehir ke mitik nipaa kaa ek e.' ²⁹ Nipaa mitik ketike kikrek narak hispinak kiutip (6) ne haai kiutip hir nepu. Heiyiwe kir keit mite. Maain hirak kaa, te hirak ap epei kine nikerek nei wen au. ³⁰ Te nikik kirak kerek niminek ek ketiwe te hirak kaa ap epei kine nikerek au. ³¹ Nimnek ketiwe te menmen mar im me hirakit hispinak wik (7), hir naa te ap hir nine nikerek nei au. ³² Hir naa, maain mite hire waa. Maain wi God kakikian mit nanikrit, mite ip e pe mitik keimin ke mit hispinak wik (7)?"

† 20:4 Mk 4:1-5 †† 20:5 Mt 21:32 † 20:9 Ais 5:1 †† 20:10 2Kro 36:15-16 †† 20:17 Sam 118:22

††† 20:18 Ais 8:14-15 ††† 20:19 Lu 19:47-48 § 20:20 Lu 11:54 † 20:22 Ro 13:6-7 ††† 20:28 Diu 25:5

³⁴ Hir nitiwekhi epei au, Jisas kewenhi ketpor, "Mit miyapir in ek hir neitan. Haairer ne miyapir nihan hiram, hir nesiuwe nikerek nir nanino nanit pewek nanmerayi. ³⁵ Te mit netike miyapir kerek hir yaain en nentar hir newis God naanmipri, hir nani te maain God kakikian hir nanikrit nanu te maain hir ap pike nanitan taau. ³⁶ †Hir nanire mit ensel nentar hir ap te nani au. Hir nanu nanre nikerek ne God nanintar hir naa hir pike nanikrit. ³⁷ ††Mitik Moses katip keteiknai werek kerek mit naa maain nanikrit nanu. Him me God mau tiwei Moses kewisim matip menmen me wi hirak kir si taak nu ap kaa au, hirak katip ke Mitik Iuwe, 'Hirak God ke Ebrahim, God ke mitik Aisak, mitik Jekop kerek nipaa enum eik nepu.' ³⁸ †Menmen im meteiknai hirak God ke mit hir naa au. Hir nepu. Haiu mit in han kitet mit epei naa, te God katip au hir himin kir kepu. Hir ninaaiwir yink kir kaa kerekek te nanit yink hak yaaik."

³⁹ Mit han ne Skraip kerek newepyapir him me Moses newenhi natip, "Mitik Iuwe, ti epei atip werek." ⁴⁰ Hir yink enuk ninaain nanitehi Jisas menmen meiyam au.

Jisas kitehi Sadyusi him me mitik God kehimitanek kakikaap haiu mit
(Mt 22:41-46; Mk 12:35-37)

⁴¹ Jisas ketpor, "Nenmak mit kerek natip mit miyapir him me Moses natip Mitik Kraik kerek God kehimitanek hirak nepenyek ke Devit kerekek a? ⁴² ††Hirak nepenyek kirak kerekek au kentar Devit hirekes katip mau tiwei Sam kar ik:

'God hirak katip Mitik Iuwe kai:

Ti ehu etikewa har ke mit iuwe, ⁴³ ere maain hi enep mit nit enun nepan epei au nesi.' ⁴⁴ Devit kene nepenyek kirak "Mitik Iuwe kai." Markeik te Mitik Iuwe God kehimitanek kaknen kakikaap mit hirak kakre nepenyek ke Devit kerekek a?" Jisas katip menmen im keteikin mit hirak kire God.

Jisas katip mit naanmamre hiras me menmen mit kerek newepyapir him me Moses hir nisesim
(Mt 23:1-36; Mk 12:38-40; Lu 11:37-54)

⁴⁵ Mit yapirwe nererik nemtewek, Jisas katip mit nirak disaipel menmen im: ⁴⁶ "Yi naanmamre hiras me mit iuwe newepyapir him me Moses. Hir nanino ein ein neweikin laplap saket nokik kerek meteikin mit hir nises God, hir han yaaik nantipan neiyewowan nanirp wit maket kerek mit nererik nesiuwe menmen. Hir hanhan nanu yeno mit nehimitanem me mit iuwe neit winak kerek mit nererik nekine him me Moses, o winak mit nererik naam menmen neriuwe mit han. ⁴⁷ Hir hanhan nisawin nanri menmen, winak o ti me miyapir mit nir epei naa nesiupani. Hir epei nari menmen, te hir nanino winak ke God hir nemipin nitehi God menmen neteikin mit yapirwe hir yaain. Maain God kakiwaanki wisenum nanintar hir nemipin niriak enum."

Mite weiniye nipaa mitik kire kaa, hire wewet God menmen
(Mk 12:41-44)

²¹ Jisas kerenaan kir mit netenen menmen yapirwe hir newir pewek yapirwe mekre tikenu miwaai winak iuwe ke God. ² Hir newirem, Jisas kau kir mite weiniye nipaa mitik kire kaa hire wewir pewek kike wik mepno mekre tikenu kerekek. ³ †Hire wewirem epei au, Jisas katip, "Hi hetpi, mite weiniye ip e nipaa mitik kire kaa, hire wewir pewek mekre tikenu hiram minin mit han. ⁴ Mit han en hir newis ham kerek epei nenkerem men, pinam au meit, te hir newet God em. Te hire wetenen pewek mei yapirwe au, te hire wewisim wenepim kerek hire wetenenim me weiyim wawim menmen."

Jisas katip winak iuwe ke God maain mit naniwaankek kakit
(Mt 24:1-2; Mk 13:1-2)

⁵ Mit han hir natip menmen me winak iuwe ke God hirak yaaik nan yaaim mire teinik mit newen ninaan mewik, menmen ham yaaim mit newisim neiyim neses winak neriuwerem. Te Jisas ketpor, ⁶ ††"Hiram menmen im yi yirem, maain wi mamnen te ap nan kei kiutip kaku taau, te menmen meiyam miutip miutip mamu mamintereram taau. Mit nanwirem mamno ti heriyai heriyai."

Jisas katip menmen maain mamnen mamiwaank mit
(Mt 24:3-14; Mk 13:3-13)

⁷ Hir mit en nitiwekhi nar ik: "Mitik Iuwe, me wi mekam te menmen im mamnen? Menmen mekam mamnen mamteiknei wi epei menep te menmen im mamnen?" ⁸ Jisas ketpor, "Yi naanmamre hiras te mit ap nanmitipin. Mit yapirwe naninen nanikrehir kai, hi Mitik God kehimitana hi akaap mit. Hir niutip niutip naninen nantip, 'Hi epei han,' o 'Wi epei man menep te ti kakiwaank kakit.' Yi eiyimtau him im eiyisesim au emit! ⁹ Maain yi eiyimtau mit naninepan wisenum yi ap einapen eipirp au emit! Menmen ham yapirwe mamnin mamnen keremem te wi eik enum epei man menep wen au."

¹⁰ Jisas wen katip, "Mit ne wit hak iuwe kiutip nantike mit han ne wit hak iuwe naninepan, gavman han nantike gavman han naninepan. ¹¹ Menmen enum mamnen ti. Ti kaktanik kakrer wit wit, hawi au, te menmen mamwo au. Mit miyapir nipi mamin. Menmen enum mamkrit mamnen te yi yainap. Menmen enum mamtike menmen ham iuwe me nepni mamir te yi yayirem.

¹² †††Menmen im maain mamnen te im minin mamnen. Mit hir nanwepiyapir me menmen yi yiriakem, nanrekyi enum te naniswi yi yaino mit kerek naanmipre winak kerek mit nekine him me Moses, o mit iuwe, o gavman te hir nanriwaank yaino winak enuk

† 20:36 1Jo 3:1-2 †† 20:37 Eks 3:2-6 † 20:38 Ro 14:8-9
†† 20:42 Sam 110:1

†† 21:3 2Ko 8:12 ††† 21:6 Lu 19:44 ††† 21:12 Mt 10:18-20; Lu 12:11-12

yaiyintar yi yises him mai. ¹³ Im em hiram wi yaa'im te yi eiwepyapir him yaa'im me God. ¹⁴ Yi ap eiwinin han ekitet menmen yi eitip mit iuwe em naanmampre hiras au emit! Yi ap eiriakem eiyyintar ¹⁵ thi eweti him mai yaa'im yi yaiyirtei menmen werek werek te mit kerek hir nepan ni en ap te nanwepiyapir nanweni him me ninaan me gavman ke menmen yi yetpim.

¹⁶ Mit enun nantike miye haai ni, o kikrek ni, yenterer ni, o ni yinan, hir nanriuweti yaino mit enun nepan, hir naniwep yi mit neiyen. ¹⁷ Mit yapirwe nanineini nanintar yi yises him mai. ¹⁸ Te God naanmamre himin ki yi eiyyu werek werek. ¹⁹ Yi han tokik eiyyu eiyyises him mai te mit naniwep yi yayi, maain himin ki kaku werek werek yi yayu yaitikewa.

Jisas katip maain mit naniwaank wit Jerusalem
(Mt 24:15-21; Mk 13:14-19)

²⁰ Maain wi kerek yi eiyyir mit ne ami enun nepan naninen nanweikin wit Jerusalem, te yi eiyyirtei wi epei man menep te mit naniwaankek. ²¹ Te neimin nau provins Judia enrir enino miniu (o neiyip) enu enit en. Neimin kerek nau wit Jerusalem hir enino eninopin. Neimin kerek nerer wit kirapit menep Jerusalem ap pike eninen wit kir iuwe ek enu enit en au emit! ²² Wi im hiram wi God kakriak mit enum kakintar menmen enum hir niriakem mar ke nipaa him me God mau tiwei metpim mamnen. ²³ Maain me wi im hir miyapir nanine nikerek hir han enuk, hir nantike miyapir ninan nikerek kike newetir nim nanintar hir ap nanrir waswas au. Menmen im enum mamnen mamiwaanki. Menmen enum mamnen mit nanu ti ik e, God kakriak mit ne Isrel enum enum. ²⁴ Mit han hir mit enun naninip nanriuwe hine me his, hir nan-torhis nanriyei nanino nanrer wit wit nanriak menmen me mit han. Te mit kerek hir ap ne weiwik me Isrel au, nanu wit Jerusalem naanmamriwek ere wi kerek God kewis mit nanweikin sip nanwet menmen enum hiram epei au.

Maain Mitik ke wit ke Mitik Iuwe hirak pike kaknen
(Mt 24:29-31; Mk 13:24-27)

²⁵ Maain menmen yapirwe mamu nepni mamir im: Hiram wepni, hir, wenke mamweikin his mamre menmen ham, mit nanrer wit wit han toenuk naninapen nanimtau wan sir mewenin wan kakniu. ²⁶ Mit yapirwe nanir menmen im han kakitet menmen meiyam enum mamnen ti ik te hir han toenuk nanpirpir naninkewin nanwaai naninatin. Menmen iuwe mau nepni maminke mamnaaiwir wit mir mamnen in, mamno ein. ²⁷ Te in ek yi eiyyir hi Mitik ke wit ke Mitik Iuwe hi anen akre napi etike menmen mai iuwe mamtike menmen mai yaa'im mamrehihe. ²⁸ Menmen im enum mamikrit mamnen, yi han ekitet hi Mitik Iuwe menep

hi anen akepi etihis, te yi ap einaain au emit! Yi han yaaik eiyyu eiyyit."

Menmen mamu nepni mamteikin Jisas menep te pike kaknen mamir ke nu fik keteiknai menmen
(Mt 24:32-35; Mk 13:28-31)

²⁹ Hirak ketpor epei au, Jisas ketpor him tok piksa ham im: "Yi han ekitet nu fik kerek hirak kire nu hamis ketike nu ham. ³⁰ Wi yi eiyyir nu heneik miram maminsi-unen, yi eitip, 'Wepni yaaik epei te kaknen.' ³¹ Mar im yi yapir menmen im me nepni o wan hiram mamnen mamir ke hi epei hetpiyem, te yi eiyyirtei God menep te kaknen naanmamre mit miyapir ne ti.

³² "Hi hetpi werek. Mit nau ti in ek ap nani ere wi mamnen te menmen yapirwe hi hetpim mar im hiram mamikrit mamnen. ³³ Maain nepni mamtike ti ik mamiwaank mamit te him mai taau, mamu mamit tip-main tipmain enum eik.

Jisas katip mit disaipel nirak hir naanmamre hiras me wi God kaknen naanmamre mit

³⁴ Yi naanmamre hiras ap han ekitet yayim menmen yapirwe, tipar si enum, o menmen me ti, ni mi o sak o menmen im au emit! Hekrit hekrit yi han ekite eiriak menmen im keremem te wi hi Krais pike enen, yi ap yemeriya werek werek au. Wi im mamnen mamwepiyapir mit yapirwe nau ti nerer wit wit hir ap nises God nanir ke miyak ketari tirpe kakikip. ³⁵ Naanmamre hiras eiyyitehi God hekrit hekrit te yi eiyyir han tokik me menmen enum me wi enum mamnen te maain yi wen eiyyises him mai yi yaa'in te yi eiyyu eitike-wa hi Mitik ke wit ke Mitik Iuwe."

³⁷ Me wepni, Jisas ken winak iuwe ke God hirak kewepiyapir him mirak katip mit em. Me witaan, hirak kiniu miniu (o neiyip) Oliv ken kiwaai ein. ³⁸ Wanewik hekrit, hir mit miyapir nanpino winak iuwe ke God nanimtau him mirak.

Mitik Judas katip kakwet Mitik Iuwe Jisas kakwisik kakno his mir

(Mt 26:1-5, 14-16; Mk 14:1-2, 10-11; Jo 11:45-53)

22 ²² Wi epei man menep kerek mit ne Isrel han tewenin wi kerek nipaa God kari maamrer nir nanaiwir wit Isip, hirak ken kenep mit newiyen. Wi im hir nekinaam Pasova, hir ap newis yis mekre bret au. ² Mit iuwe pris netike mit ne Skraip kerek natip mit miyapir him me God kerek Moses kewisim mau tiwei, hir han kitet mamirkeik te hir naninap Jisas nanintar hir nanapen nanriyaak kakit wit yaa'in te mit kerek nises him mirak hir naninip.

³ Te Seten kan kari han ke Judas kerek mit nenewek "Mitik ke wit Keriot," kerek hak kiutip ke mit disaipel hiswiyen wik (12). ⁴ Seten kari han kirak te Judas ken katip mit iuwe pris netike mit iuwe naanmipre polis ne winak iuwe ke God, hirak ketpor ekirkeik te hirak ek-

† 21:15 Ap 6:10 †† 21:16 Mt 10:21-22 † 21:18 1Sm 14:45; Lu 12:7 †† 21:19 Hi 10:36 †† 21:22 Diu 32:35; Jer 5:29, 46:10; Hos 9:7 ††† 21:23 1Ko 7:26 ††† 21:24 Esr 9:7; Sam 79:1; Ais 63:18; Ro 11:25; Rev 11:2 § 21:25 Sam 46:2-3, 65:7-8; Rev 6:12-13 §† 21:27 Dan 7:13; Mt 26:64; Rev 1:7 §†† 21:28 Ro 13:11

§† 21:33 Lu 16:17 §†† 21:34-35 Mt 24:48-50; Mk 4:19; Lu 17:27; 1Te 5:3 §† 21:36 Mk 13:33; Rev 6:17 §† 21:37 Lu 19:47 §†† 22:1 Eks 12:1-27 §†† 22:2 Lu 20:19 §§§ 22:3 Jo 13:2, 27

wetir Jisas kakno his mir. ⁵ Hir nemtewem, te hir han yaaik natip nanwetiwew pewek. ⁶ Judas kewenhi pewek te hirak han kitet ekirkeik te hirak kakwepyapir Jisas kakwet mit iuwe rek, te mit yapirwe nepu au hir nani-tariyek.

Mitikit wiketeret te mit disaipel temani menmen tiriakem me wi Pasova

(Mt 26:17-25; Mk 14:12-21; Jo 13:21-30)

⁷ Wi epei man te mit ne Isrel nanim bret yis mekr-erem au. Me wi ik hir mit eninsep sipsip enir ke him me Moses mau tiwei metpim, hir nanim me wi Pasova han tewenin God kikaap maamrer nir nipaa ninaaiwir Isip. ⁸ Me wi im Jisas keruwet Pita ketike Jon ten ketpiwekit, "Yi eino eiraimani menmen eiriakem me wi Pasova te haiu mamim." ⁹ Hirakit titiwekhi, "Ti hanhan hawir waumani menmen wawit nein?" ¹⁰ Jisas ketpiwekit, "Eiyimtau. Yi eino wit iuwe ek yi yayir mitik keremime min tipar mekrerem. Yi eisesik einik eino winak kerek hirak kaknik kakno kakikrerek." ¹¹ Te yi eitip mitik hirekes ke winak kar ik: 'Mitik iuwe kawir ketput, Ti eweto haau meiyam em te hi etike mit disaipel nai mamim menmen me Pasova mamwi.' ¹² Hirak kakteikni haau yaaim mau niu ein epei newis menmen mekrerem. Yi eiyit menmen eiwisim emwaai haau im e." ¹³ Hirak katip epei au, hirakit ten tinapin menmen kerek epei Jisas ketpiwekit em, te hirakit tiriak menmen miwaai werek werek te hir nanim menmen me Pasova.

Jisas kewet mit nirak disaipel Komunion hir naam, te hir han teweninek

(Mt 26:26-30; Mk 14:22-26; 1Ko 11:23-25)

¹⁴ Hirakit temani menmen epei werek, Jisas ketike mit aposel nirak nar hiswiyen wik (12), hir nan nau neweikin nanim menmen. ¹⁵ Hir nau en, Jisas ketpor, "Hi hanhan iuwe me hi hahim menmen im me Pasova etikewi maminin te maain hi hahi. ¹⁶ Hi hanhan ehim menmen im entar hi etpi, hi ap te ehim menmen meiyam mar im ere maain God kaknen naanmamri yi mit nai."

¹⁷ Jisas ketpor epei au, hirak kekin wa hesnu keriuwe tipar wain, hirak kitehi God ketpiwek kar ik: "Ti yaaik." Epei au, hirak katip, "Yi eiyit tipar mekre wa hesnu ik ek, eiwenem emrer yi mit. ¹⁸ Hi hetpi ap te hi pike ehim tipar wain im me wi im ere maain God kaknin kaknen naanmamri yi mit." ¹⁹ Epei au, hirak kekin bret kerek ek, hirak kitehi God ketpiwek, "Ti yaaik," te hirak kewepik kewetirek katip, "Ik ek hirak kire yink kai. [Hi hahi te akepi. Yi yaitiwem yayim han etwenin menmen hi ariakem." ²⁰ Hir naam epei au, mar keremem hirak kewetir wa hesnu tipar wain mekrerem, hirak ketpor, "Mar im tipar wain hi ewenem mekre wa hesnu ik e, hiram hemkre mai mamwen mamkepi yi mit te God kakwet him kontrak ham mirak yaaim me yi eitikerek eikiyan eiyu han kiutip.] ²¹ Yi eiyimtau! Hirak mitik

kerek maain kakwepyapir epei kau ketikewai kaam menmen. ²² Hi Mitik ke wit ke Mitik Iuwe hi hahi ahir ke nipaa God epei katip, te mitik kerek kakwepyapirek, hirak kakiwaank hirekes." ²³ Hir nemtewek epei au, hir nekrit nitehiyan ne hir hiras keiminak maain kakriak menmen im e.

Hir mit disaipel natip nenehan nare keimin hirak mitik iuwe kinin

²⁴ Maain mit disaipel natip nenehan me hir keimin hirak kakinin ne hir hiras. ²⁵ Hir nenehan menmen im te Jisas ketpor, "Mit iuwe ne mit ap ne weiwik me Isrel, hir naanmipre mit en, hanhan mit nenewor nir yinan. ²⁶ Te yi au. Keimin ke yi mit hirak kakinin, hirak han ekitet hirak kire mitik weinik, hirak han ekitet hirak kire mit nitet yayiwe hirak kkaru. ²⁷ Yi han kitet keimin wisenuk kinin. Mitik kau yeno kaam menmen o mitik kerek kemani menmen kekinem kewet mitik kau yeno em? Mitik kau yeno kerek ek.

²⁸ "Yi keriyen epei yetikewa me menmen enum epei man merewaank. ²⁹ Te hi eweti menmen yi naanmamrewem yayir ke haai kai epei kewetewem hi naanmiprewem. ³⁰ Te yi yayim menmen mamtike tipar yayu yeno mai yaitikewa. Yi yayu yeno me mit iuwe yi skelim mit ne weiwik hiswiyen wik (12) me Isrel."

Jisas katip Pita maain hirak kakweikin sip kakwetiwew

(Mt 26:31-35; Mk 14:27-31; Jo 13:36-38)

³¹ Jisas ketpor epei au, hirak katip Pita, "Saimon, Saimon, emtewek! Mitik enuk Seten, God epei ketpiwek te hirak kakmitipin me menmen kakri han ke yi mit. Hirak kakriakem kakir ke mitik kerek keit rais nikim keses haas kewis nikim yaaim mamwaai in, kewir haas men ein. ³² Te hi epei hitehi God kakikepit ti Saimon te ti ehises him yaaim ap te menmen mamiwaankem. Maain te ti pike eweikin ehisisa, ti ekaap nit yinan in."

³³ Pita katip keremiriwew him kar ik: "Mitik Iuwe, hi ap hinaain te hawir wauno winak enuk hi hahi etikewit." ³⁴ Jisas ketpiwek, "Pita, hi hetput. Suware ap te kaknep enum wen au ere ti epei atip wikak te ti ap erteiya au."

Jisas katip disaipel hir naanmamre hiras enintar wi enum epei man

³⁵ Jisas katip Pita epei au, hirak katip disaipel nirak yapirwe kar ik: "Nipaa me wi hi heriuweti yi yen ap yeit tanik kike o tanik iuwe me nikin nakirke metike su, mit neweti menmen mei o au? Yi ninpi miwei o au?" Hir newenhi natip, "Haiu meit menmen werek." ³⁶ Jisas katip, "Te in ek, yi neimin yeit tanik kike o tanik iuwe au, yi eitiwem. Yi neimin ap yeit hine me his au en, yi eisiuwe saket te yi eiyit kei ki. ³⁷ Hi hetpiyem entar yi han tokik eiyu me menmen enum mamnen eiyir ke mitik ketenen hine keyik kaknep mit enun nepan. Him me God mau tiwei nipaa mit newisim hiram matip me

†† 22:24 Lu 9:46 ††† 22:25 Mt 20:25-27; Mk 10:42-45 §
22:26 Mt 23:11; Mk 9:35 §† 22:27 Jo 13:12-15 ††† 22:29 Lu
12:32 §† 22:30 Mt 19:28 §†† 22:35 Lu 9:3, 10:4 † 22:36 Lu
22:49 §† 22:37 Ais 53:12; Lu 22:52

† 22:7 Eks 12:1-27 †† 22:13 Lu 19:32 † 22:16 Lu 13:29
†† 22:19 Lu 24:30 †† 22:21 Sam 41:9; Jo 13:21-22

hi mar ik: 'Mit iuwe nanwisik kaki kaktike mit enun niriak enum.' Menmen mekre tiwei nipaa mit newisim me hi, hiram mamnen mamirek." ³⁸ Hirak katip epei au, mit disaipel natip, "Mitik Iuwe, ehir im em. Haiu metenen hine me his wik." Hirak kewenhi katip, "Hiram werek. Emit. Yi yepitari him mai."

Jisas prea kitehi God menmen keit miniu o neiyip niuk mirak wit Oliv

(Mt 26:36-46; Mk 14:32-42)

³⁹ †Hir natip epei au, Jisas ken witeik kinaaiwir wit Jerusalem, hirak ken miniu (o neiyip) Oliv kepik ke nipaa hirak kiriakem. Mit disaipel nirak nisesik nen. ⁴⁰ Hirak kan wit ik epei au, hirak ketpor, "Yi eiyitehi God te menmen enum Seten kakrekoyorem hiram ap te mamnen mamiwep taau." ⁴¹ Hirak ketpor epei au, hirak kinaiwiri ken ere yanimin ein kire mit newir nan, hirak kewen ninip kau ti kitehi God menmen. ⁴² ††Hirak katip, "Haai, ti han kit te ti ehit menmen im enum emkeipno. Ap han kai, au. Ti han kit ti eriakem." ⁴³ [Mitik ensel keke wit ke God kan kirek kekepik han tokik kepu.] ⁴⁴ Jisas han toenuk keriuwe menmen te hirak kitehi God hisiuwe, siuwan mirak meweikinhis mire hemkre metnen men ti. ⁴⁵ Hirak kitehi God epei au, hirak kekrit pike kakno kakir mit disaipel tirak. Au, hirakit tiwaai tentar hirakit han enuk teriuwe menmen enum mamnen. ⁴⁶ Hirak kitorhi ketpor, "Yenmak te yi yiwaai a? Yi eiyikrit eiyitehi God ekikepi te Seten ap kakrekyi enum taau."

Mit nan neithis Jisas

(Mt 26:47-56; Mk 14:43-50; Jo 18:3-12)

⁴⁷ Jisas wen ketpor menmen im, mitik niuk mirak Judas kerek mitik kiutip ke mit disaipel hiswiyen wik (12), hirak kinin mit yapirwe kan kerp ninaan me Jisas te keiyewewik kemiwew tekep (kises menmen me maamerer nir.) ⁴⁸ Te Jisas ketpiwew, "Ti eriuwe menmen im me hawir weiyewewakit hiram mire hawir hirekses te ti ewisa hi Mitik ke wit ke Mitik Iuwe hi eno his me mit enun nepan a?"

⁴⁹ †Mit disaipel kerek nerp en netikerek nertei menmen mamnen hir nitiwekhi, "Mitik Iuwe, haiu emnep mit mamriuwe hine me his maiu o au?" ⁵⁰ Mitik disaipel kiutip kiwaai hine ke his kenep mitik kiriak menmen me mitik iuwe pris, hirak keremir nikip me his yaaim mewen meket. ⁵¹ Au, Jisas katip keremiror him kar ik: "Epei au werek. Eiwisik." Hirak keit nikip pike kemtin mau paan kirak epei werek te mitik kire yaaik.

⁵² ††Jisas kerekyiwewekem mire yaaim, hirak kitehi mit iuwe pris netike mit naanmipre polis kerek naanmire winak iuwe ke God, hir netike mit iuwe ne kaunsil, hir nan nantiwekhis, hirak ketpor, "Yi yenmak te yi yan yetike hine me his o paap yoki te yi yan yetauhis yaire yi yayithis mitik enuk kerek kekintip menmen a?"

⁵³ ††Hekrit hekrit hi epeu etikewi hi heit winak ke God eik ek, te yi ap eitauhis eiwisa ekre winak enuk ke gav-

man au. Te in ek hiram wi mi te yi yairiak menmen enum. Seten in ek kare kakinina."

Pita kepakin Jisas katip kisesik au

(Mt 26:57-58, 69-75; Mk 14:53-54, 66-72; Jo 18:12-18, 25-27)

⁵⁴ ††Hirak katip epei au, hir netiwewekhis neriyaak neiyik nen nekre winak ke mitik iuwe hetpris. Pita kisesi wen keit yanimin. ⁵⁵ Hir mit ne polis niman si nau menep ke winak iuwe eik ek. Epei au, mit nererik nau si, Pita kan kau ketikeri. ⁵⁶ ††Hirak kau ketikeri, mite piutip wirek kau si em, hire wenemiyiwewek naan watip, "Hirak mitik ik ek ketike Jisas." ⁵⁷ Hirak keremiriwe him kepakinek katip, "Mite hi epitariyek." ⁵⁸ Maain kike, mitik hak kirek te hirak ketpiwewek, "Ti kiutip ke mit yi yisesik." Te Pita keremiriwewek him katip, "Mitik hi ap hisesik taau." ⁵⁹ Maain kike, mitik hak katip him manp, "Hi atip werek! Mitik ik nipaa ketikerek kentar hirak katip kire mitik ke provins Galili, kar ke Jisas ketpim." ⁶⁰ Au, Pita keremiriwewek him katip, "Mitik, hi epitari mekam ti etpewem." Pita wen ketpim, suware kenep enum. ⁶¹ †Suware kenep enum, Jisas kerenaan kir Pita. Pita hirak keket han nipaa Jisas ketpiwewek me him im, "Suware ap kaknep enum wen au, ti eraupakin wikak." ⁶² Hirak han kitet menmen im te hirak ken wit eik kikit wisenum.

Mit nitetnaan Jisas nakip

(Mt 26:67-68; Mk 14:65)

⁶³ Mit kerek naanmire Jisas hir nititiweweknaan nakip. Hir newenkikiwewek nanamir neriuwe laplap nitiwekhi, "Keimin kitep a? Ti profet ti ewepyapirek." ⁶⁵ Hir netpiwewek him enum me niriakek yink enuk.

Jisas kewepyapir hirekes keit kaunsil

(Mt 26:59-66; Mk 14:55-64; Jo 18:19-24)

⁶⁶ Wanewik epei kan, mit iuwe naanmipre mit ne Isrel, hir netike mit iuwe naanmipre mit pris, hir netike mit ninin nertei him me Moses natip mit miyapir em, hir nererik nau winak ke kaunsil te hir nari Jisas kan kerp nimin. ⁶⁷ ††Hirak kan kerp nimin, hir nitiwekhi, "Ti hetpei ti Mitik kerek God kehimitenut kakirwetit ti enen ti ik o au?" Hirak ketpor, "Hi hetpi te yi ap yisisa him mai taau. ⁶⁸ Hi ehitihi menmen te yi ap yayitpowem taau. ⁶⁹ †††In ek ere maain hi Mitik ke wit ke Mitik Iuwe ehu etike God iuwe wawinin naanmamre mit." ⁷⁰ ††Hir yapirwe nitiwekhi, "Ti atip ti Nikan ke God a?" Hirak kewenhi katip, "Hi Nikan ke God hepik yi yetpim." ⁷¹ Hir natipan, "Haiu ap mamri mit han te nanwepyapir him enum nipaa hirak ketpim taau. Haiu epei memtau menmen enum hirak in ek ketpim."

Hir nesiuwe him Jisas kerp ninaan me mitik iuwe Pailat

(Mt 27:1-2, 11-14; Mk 15:1-5; Jo 18:28-38)

23 Mit ne kaunsil nemtau him me Jisas epei au, mit yapirwe nekrit nari Jisas neiyik nen mitik iuwe

††† 22:54 Sam 31:11; Lu 22:33 ††† 22:56 Ap 4:13 § 22:61 Lu 22:34 †† 22:67 Jo 10:24, 3:12, 8:45 ††† 22:69 Ap 7:56 †† 22:70 Lu 4:3, 9

† 22:39 Lu 21:37; Jo 18:1 †† 22:42 Mt 6:10 † 22:49 Lu 22:36 †† 22:52 Lu 22:37 †† 22:53 Jo 7:30, 8:20; Kl 1:13

gavman Pailat. ² †In ek hir newepyapirek natip, "Hiau minapen mitik ik ek hirak kariyeinaan mit niau ne Isrel, hirak ketpor ap emwetir pewek me takis emno mit ne gavman ke Rom, hirak katip hirak hirekes Krai, hirak Mitik Iuwe kinin mit." ³ ††Pailat kitiwekhi, "Ti Mitik Iuwe king hinin naanmipre mit ne Isrel a?" Jisas kewenhi katip, "Ti hirekes hetpim me hi kerekek." ⁴ Epei au, Pailat keweikin katip mit iuwe pris netike mit yapirwe, "Hi ap hertei menmen enum hirak kiriakem te hi atip hirak enuk. Au, hirak yaaik." ⁵ Te hir newep him natip him iuwe, "Hirak hirekes kiriak mit han kekrit kekrit neriuwe him hirak ketporem. Hirak kinin kiriakem keit provins Galili, ken kerer wit wit ke provins Judia te in ek hirak epei kan Jerusalem."

Hir newepyapir Jisas nerp ninaan me mitik iuwe gavman Herot

⁶ Mitik Pailat kemtau him mir im hirak kitorhi, "Hirak mitik ik ek ke Galili a?" Hir netpiwek, "O, hirak hirekes ke Galili." ⁷ †Hirak kertei Jisas hirak ke mit kerek Herot naanmipror neit provins Galili, hirak keriuwetek ken kirek. Me wi im, Herot kan kau wit Jerusalem me wi kike keremem.

⁸ ††Mitik Herot hirak han yaaik kakir Jisas kentar hirak epei kemtau menmen me Jisas. Te hirak nipaa kemeriyiwek kaktip kakirek. Hirak hanhan kakir Jisas kakriak menmen mit nipaa nirem au kakikaap mit kakriuwere. ⁹ Te Herot kitehi Jisas yapirwe, te Jisas ap kewenhi katip him mei miutip au. ¹⁰ Te mit iuwe ne pris netike mit newepyapir him me Moses nekrit nerp natip him manp nesiuwe him Jisas. ¹¹ Hir nerp nesiuwe him Jisas, mitik Herot ketike mit hirak ne ami natip Jisas enum, nitetiweknaan nerekyiwek enum. Hir nemriwek laplap yaaim kerek mit iuwe namir te hir pike neriuwetek ken kakir mitik Pailat. ¹² Me wi im keremem Herot ketike Pailat tekiyakit tau tentar Pailat keriuwet Jisas ken kirek. Hirakit nipaa tire mitikit enukit tepan.

Mitik Pailat katip mit nanwis nil emu his me Jisas

(Mt 27:15-26; Mk 15:6-15; Jo 18:39-19:16)

¹³ Mitik Pailat kenine mit iuwe ne pris, mit iuwe ne kaunsil netike mit yapirwe, ¹⁴ te hirak ketpor, "Yi epei yari mitik ik ek yeiyik yan, yi yatip hirak kari han ke mit In ek, hi epei hitiwekhi me ninaan me yi mit yapirwe, te hi ap hinapin hirak kiriak menmen enum kerek yi yetpewem em au. ¹⁵ Herot kinapinek te hirak kiriak enum au. Te hirak kesiuwerek kan in. Mitik ik ap kiriak menmei enum te hirak kaki au. ¹⁶ Hi atip mit nai nantenenik nanwaai nipin nankip te hi esiuwerek kakno." ¹⁷ (Me wi Pasova mitik Pailat kinaaiwir mitik kiutip kerek nipaa kau kekere winak enuk ek, hirak kakno mit neitei en.)

¹⁸ Mit yapirwe nererik en natip, "Einep Jisas. Enaaiwir mitik Barabas eknen ektike haiu mit, har ke nipaa me wi Pasova ti hinaaiwir mit han." ¹⁹ (Barabas nipaa hir

newisik kekere winak enuk me menmen enum hirak kiriakem. Hirak ketike mit iuwe ne gavman nenapan te hirak kenep mitik kaa.) ²⁰ Mitik Pailat hanhan kaknaaiwir Jisas kakno, te hirak pike kenine mit yapirwe ketpor kar nipaa hirak ketpim. ²¹ Te hir ninap natip, "Ewisik eku nu tentarakit! Ewisik eku nu tentarakit!" ²² Mitik Pailat pike ketpor ere wikak kar ik: "Te hirak kiriak mekam enum te hi akip a? Hi ap hinapin menmen enum hirak kiriakem te hi akip hirak eki! Hi hanhan mit nai nantenenik nanwaai nipin nankip te hi esiuwerek kakno!" ²³ Te hir ninap nenke natip him iuwe te hirak akwenkek Jisas ekintar nu tentarakit. Hir ninap narek ere Pailat kises him mir. ²⁴ Te Pailat katip Jisas kaki kakre mit hanhanek. ²⁵ Hirak kinaaiwir mitik kerek hir hanhanek, kerek nipaa kekere winak enuk kentar hirak ketike mit ne gavman nenapan, hirak kenep mitik kaa. Te hirak kesiuwe Jisas ken kaki kar ke mit hanhanek.

Mit newenkek Jisas kau nu tentarakit

(Mt 27:32-44; Mk 15:21-32; Jo 19:17-27)

²⁶ Mit ne ami ne Rom hir neithis Jisas neiyik nen. Hir nepno, hir newenyipir mitik niuk mirak Saimon, hirak ke wit Sairini, kerek kan keke wit kirak yanimin. Hir netiwekhis newis nu kenterik hirak kekerir nu keiyik kises Jisas. ²⁷ Mit yapirwe nisesik netike miyapir nei kerek nikitek netikeri nen. ²⁸ Hir nikitek te Jisas keweikin ketpor, "Miyapir ne Jerusalem. Yi ap eiyikta au emit! Yi eikit hiras eitike nikerek ni eiyintar mit nanriwaank." ²⁹ ††Hi hatip him im te wi maain mamnen te mit nantip,

'Hiram yaaim me miyapir tenmin,
o miyapir kerek ap nine nikerek en,
o miyapir ap newet nikerek nim,
hir han yaaik enu.' ³⁰ †††Me wi eim mit nantip hir hanhan miniu (o neiyip) o wank kakwen kakinteri. ³¹ †††Hir mit ne Rom neiyep te hi hiriak menmen enum au, te maain hir nanrekyi mekam me menmen enum mit in niriakem? Hir nanriwaank yayit."

³² Hir neithis mitikit hakit wik, hirakit enukit tiriak menmen enum tenep mit, naniksip tatkitte Jisas. ³³ Hir epei nan menep wit kerek mit nenewek "Paan Hesnu," hir newenkekik kau nu tentarakit, te mitikit enukit raskel, hak kau kenke ken his yaaim, hak kau kenke ken his henkik. ³⁴ †Jisas kau kentar nu tentarakit, hirak katip, "Haai, ti han ekitet menmen im au emit! Ehisak menmen enum hir nerekyewem. Hir ap nertei hi keimin te hir nerekyewem." Hir mit ne ami nenke laplap newetan nentar hir neretit satu o sak hemik. ³⁵ ††Mit yapirwe nerp en nipirek, te mit iuwe ne kaunsil ne Isrel natip Jisas enum hir natip, "Hirak kikaap mit miyapir han te hirak Mitik God nipaa kehimitanek kakikaap haiu mit, emwisik hirak ekikaap hirekes kakinke kakirp ti te hirak kaki au." ³⁶ †††Te mit ne ami nan nirek netpiwek enum, te hir newen tipar wain

† 23:2 Lu 20:25 †† 23:3 1Ti 6:13 † 23:7 Lu 3:1 †† 23:8 Lu 9:9

‡‡ 23:29 Lu 21:23 ††† 23:30 Hos 10:8; Rev 6:16 ‡‡‡ 23:31 1Pi 4:17 ‡ 23:34 Ais 53:12; Mt 5:44; Ap 7:60; Sam 22:18 †† 23:35 Sam 22:7-8 ††† 23:36 Sam 69:21

enum minin hir newetiwekem. ³⁷ Hir newetiwekem hir netpiwek, "Ti mitik iuwe naanmipre mit ne Isrel te ti ahikaap hirekes enke nu ik ehirp ti." ³⁸ Hir netpim nentar mitik iuwe ke gavman kewis him im mau nu tentarakit mau niu mentar paan ke Jisas. Hiram matip mar im: "HIRAK MITIK IUWE KING NAANMIPRE MIT NE ISREL."

³⁹ Mitik ke mitikit hakit kerek epei newenkekikait tau nu tentarakit tetike Jisas Tatip enum kar ik: "Ti Mitik Iuwe Krai, te ti ekepawir wautikewit." ⁴⁰ Te mitik hak ek kemtewek, hirak katip kenerek, "Hawir menmen enum wetikerek mipiram, te ti enapen atip enum te maain haiu mami God kakwep wisenum a? ⁴¹ Menmen im enum mit nerekyawirem me menmen enum hawir wiriakem te hawir wawi wawinterim, hiram werek. Mitik ik ek au, kaki weinim kakintar hirak ap kiriak menmen enum au, menmen yaaim." ⁴² †Te hirak katip Jisas, "Ti han etwenina Jisas, maain me wi ti naanmire mit." ⁴³ Jisas ketpiwek, "Hi hetput im e. Petepin ti etikewa ehu wit yaaik kerek mit yaain epei naa, himin kir kewi."

Jisas epei kaa

(Mt 27:45-56; Mk 15:33-41; Jo 19:28-30)

⁴⁴ ††In ek hirak wepni kau nimin iuwe, te God †† kenip wepni kaa ap te kir au, te witaan miwapin ti ik merer wit wit ere wepni kewen ken hinkewi ik e. ⁴⁵ †Wepni wen ap kir te wit toto, laplap kerek nipaa mit nimian mekre winak iuwe ke God ek miwapin haau hak holi tru mit nehimitanek ke God, hiram mewep wiketerem. Mar im God keteikin mit Jisas kaa kakinke wepir te mit hekrit hekrit nanitehi God nanit ninaan mirak.

⁴⁶ ††Menmen im man epei au, Jisas kinap kenine him iuwe, "Haai, hi esiuwe himin kai kaknawir yink kai te hi hahi." Hirak katip epei au, hirak kaa.

⁴⁷ Te mitik iuwe naanmipre mit han nar 100 ne ami, hirak kir menmen im Jisas kiriakem, hirak kewenipi God katip, "Hi hertei hirak mitik yaaik kiriak menmen enum au."

⁴⁸ ††Mit yapirwe kerek nererik nerp ein e nir menmen im, hir pike nen nir ein newen toni nikitek.

⁴⁹ ††Hir neimin kerek nertei Jisas werek werek netike miyapir kerek nises Jisas neit Galili, hir nerp yanimin nir menmen me Jisas kaa.

Mit newis Jisas kekere hei iuwe kewen kinik keit miniu (o neiyip)

(Mt 27:57-61; Mk 15:42-47; Jo 19:38-42)

⁵⁰ ††Mitik hak niuk mirak Josep, hirak ke wit Arimatia kerek wit kiutip ke Isrel. Hirak mitik yaaik katip menmen yaaim werek werek, kemerir God kaknen naanmamre mit. Hirak mitik kiutip ke mit ne kaunsil te hirak ap han yaaik keriuweri me menmen enum hir natip nanriak Jisas em. ⁵² Hirak ken winak ke mitik iuwe Pailat kitiwekhi ekwetiwek yink ke Jisas kerek

epei kaa. Hirak kewenhi epei au, ⁵³ te Josep kesiupan herwe yink ke Jisas kau nu tentarakit ken ti. Hirak kewenkekik keriuwe laplap yaaim meweiwei, te hirak kinanek keiyik ken kewisik kinik han nipaa mit nekinik kekere nan ke miniu (o neiyip) kerek nipaa ap mit newis nei nekrerek wen au. ⁵⁴ Hiram me wi Fraide kerek mit hir nemani nekre menmen, te wi Sabat epei mamikrit. ⁵⁵ †Te miyapir kerek nipaa nises Jisas neke Galili nan, hir netike Josep nen nir hirak kewis Jisas yink kirak kekere hei ke miniu (o neiyip) markeik. ⁵⁶ †Epei au, hir pike nen wit eik niriak menmen minin yaaim te neiyim naninen nanwisim mamu yink kirak te hirak ap kaknin waswas au. Epei au, hir nau neit nar ke him me Moses mau tiwei metpim ere wi Sabat hiram epei au.

Jisas pike kekrit

(Mt 28:1-10; Mk 16:1-8; Jo 20:1-10)

24 Wi Sande, wanewik kesiupan toto eik, miyapir nen hei kerek han kewen kinik nipaa mit newis Jisas kekere, hir neit menmen yaaim minin te nanwisim mamu Jisas yink kirak kerek nipaa hir niriakem. ² Hir nen nir nan kerek keiyepet him ke hei ek mit nepei nenkerik kenpin kekeipin him ke wepir ke hei. ³ Hir ninik nen nimin, te hir ninetniwek ap ninapin yink ke Jisas kekere hei kiwaai au. ⁴ ††Hir nerp en han kitet me menmen im, te wasenum mitikit wik teriuwet laplap mire hike terp menep tetikeri. ⁵ †Hir miyapir nnapen wisenum te hir nitehir newen ninip nau ti te mitikit hirakit tetpor, "Yenmak te yi yan yinyatin mitik pike kekrit kepu yeit wit ke mit hir epei naa newisi neitai a? ⁶ Hirak ap keit in au. Hirak epei kekrit. Yi han ekitet menmen nipaa hirak ketpiyem me wi hirak wen kepu provins Galili. Hirak katip kar ik: ⁷ ††Hi Mitik ke wit ke Mitik Iuwe, mit han nanwisa hi eno his me mit enun nises menmen enum te hir nanwenkika hahu nu tentarakit hi hahi. Te maain hi pike ahikrit ehu are mitik me wi wikak."

⁸ Hirakit tatip epei au, miyapir han kitet menmen me him nipaa hirak ketpim, ⁹ †te hir ninaaiwir herwe hei pike nen. Mite kerep ep niuk mire Maria pe Magdala, Joana wetike Maria miye pe Jems, hir netike miyapir han natip him im men mit aposel nar hiswiyen kiutip (11) netike mit han, hir netpor menmen hir epei nirem. ¹¹ Te mit aposel natip nekre han kir menmen miyapir netpim hir nemipin, te hir ap nemtewem nisesim au. ¹² Te mitik Pita kekrit kesiukin ken hei kerek nipaa mit newis Jisas keitai. Hirak ken en, hirak kitehir kir laplap weinim. Hirak ap kir menmeiyam au, te hirak pike ken wit eik han kitet menmen epei man.

Mitikit wiketeret tir Jisas teit yayiwe ken Emeas

(Mk 16:12-13)

¹³ Me wi kerek Pita kir hei weinik keremem, mitikit wiketeret ten wit hak kiutip mit nenewek Emeas. Hirak yanimin kike kire 11 kilomita ke Jerusalem. ¹⁴ Te hirakit

† 23:42 Mt 16:28 †† 23:44 Emo 8:9 ‡ 23:45 Eks 26:31-33, 36:35 †† 23:46 Sam 31:5; Ap 7:59 †† 23:48 Lu 18:13 ††† 23:49 Sam 38:11, 88:8; Lu 8:2-3 ††† 23:50-51 Lu 2:25, 38

§ 23:55 Lu 23:49 †† 23:56 Eks 12:16, 20:10; Diu 5:14 ††† 24:4 Ap 1:10 †† 24:5 Lu 2:9 ††† 24:7 Lu 9:22, 17:25 †† 24:9-10 Lu 8:2-3

teke ti tatipakit me menmen epei man keremem.

¹⁵ †Hirakit wen tetpim han kitetim, Jisas hirekes kisesikit kan kewenyipiret. ¹⁶ Hirakit tirek te hirakit ap terteyek hirak keimin kentar hirak kenipiwekit han kirakit ap terteyek au.

¹⁷ †Jisas ketpiwekit, “Yi yewepnak yatip mekam yi yeke ti yepno?” Te hirakit terp teit tenep naan mekiuwe.

¹⁸ †Mitik hak niuk mirak Kliopas kitiwekhi, “Mit miyapir yapirwe nerer wit wit han nererik neit Jerusalem me wi im. Te ti kiutip kerekek ap hertei menmen im nipaaseik epei man a?” ¹⁹ †Jisas kitiwekhi, “Mekam epei man?”

Hirakit tetpiwek tar ik: “Menmen epei man mewaank Jisas ke wit Nasaret. Mitik ik hirak profet, hirak kiriak menmen nipaa mit ap te niriakem. Hirak mitik yaaik kewepyapir him yaaim, te God ketike mit han kitet hirak yaaik iuwe. ²⁰ †Mit naitu iuwe ne pris netike mit iuwe ne kaunsil newisik ken gavman te hir newenkekik kentar nu tentarakit hirak kaa. ²¹ †Te haiu hanhan hirak kiutip kerekek kakikepai haiu mit miyapir ne Isrel kaktaihis keriyen. In ek hiram wi wikak menmen im nepei man. Menmen im epei man metike menmen ham im. ²² †Miyapir han naitu nerekyei haiu han kekrit. Wanewik hir nen nanir hei kerek mit newisik kiwaairi en. ²³ Te hir ap ninapin yink kirak au. Hir pike nan natip hir nau nityak nir mitikit ensel tetpor, ‘Hirak epei kekrit kire mitik.’ ²⁴ †Hir natip epei au, mit han ne haiu mit nen nir hei kerek mit newisik kekrerek mepir ke miyapir netpim te hir ap ninapinek au.”

²⁵ †Te Jisas keneret ketpiwekit, “Yi han auri. Yenmak te yi ap yises menmen yapirwe profet netpim a?”

²⁶ †Mekam? Yi ap yertei Krai kerek God kehimitanek kaknen kakikaap mit, hirak ekinin eki pike kakikrit te maain hirak kakit niuk iuwe me God a?” ²⁷ †Te Jisas ketpiwekitem werek werek menmen tiwei me God metpim me hirekes. Hirak kekrit keit tiwei Moses kewisim, hirak kewepwekityapir him ere hirak ketpor him mit profet netpim newisim mau tiwei me hirekes.

²⁸ Hirakit tan menep ke wit kerek hirakit tatnori, te Jisas kemipin kare kakno yanimin. ²⁹ Te hirakit tewenek kerp tetpiwek, “Ehu etikewawir (o etikawir). Wepni epei kakwen kakno witaan.” Te hirak ken kau ketikeret.

³⁰ †Jisas kau ketikeret tatim menmen. Hirak kekin bret katip God hirak yaaik, te hirak kewepik kewetiwekitek.

³¹ Hirak kikiak han kirakit hirakit terteyek, te hirak keweikin his kire nime keit, hirakit ap tirek au. ³² Hirakit tatipakit, “Han kawir kekrit kerek hirak ketpawir witet yayiwe ketpawir werek werek him me God mau tiwei.”

³³ Hirakit tatipakit epei au, hirakit tekrit wasenum pike ten Jerusalem. Hirakit tir mit disaipel hiswiyen kiutip (11) nererik netike mit han. ³⁴ †Te hir netpiwekit

† 24:15 Mt 18:20, 24:19; Mt 21:11 †† 24:21 Lu 1:68, 2:38, 19:11; Ap 1:6 † 24:22 Lu 24:1-11 †† 24:24 Jo 20:3-10 †† 24:25 Lu 24:44 ††† 24:26 Lu 9:22; Ap 3:13, 17:3; Jo 13:31 ††† 24:27 Diu 18:15; Sam 22:1-21; Ais 53 † 24:30 Lu 22:19 †† 24:34 1Ko 15:4-5

nar ik: “Haiu metpi werek. Mitik Iuwe pike kekrit kepu. Saimon epei kirek kepu.” ³⁵ Te mitikit wiketeret tetpor menmen werek werek kerek epei man meit yayiwe eik. Hirakit tetpor markeik hirakit tertei Jisas kewep bret kewetiwekitek.

Hir mit disaipel nir Jisas

(Mt 28:16-20; Mk 16:14-18; Jo 20:19-23; Ap 1:6-8)

³⁶ ††Hirakit wen tetpor him im, wasenum Jisas hirekes kerp ketikeri ketpor, “Yi eiyu werek werek.” ³⁷ †Te hir ninapen nepirpir nentar hir han kitet hir nir herwe. ³⁸ Te hirak ketpor, “Yenmak te yi han toenuk a? Yenmak te yi han kiteta hi herwe a?” ³⁹ Eiyir pap me hei mau his hit mai. Hi hirekes kerek ek. Eirirauhis, te yi eiyirtei hi hirekes. Herwe ap te naan o hemik kewik kar ke epei yi yira auye!” ⁴⁰ Jisas ketpor him im epei au, hirak keteiknor his hit mirak. ⁴¹ †Hir ap te nanisesim nentar hir han yaaik wisenuk te hirak kitorhi, “Yi yeit menmen mei te yi yeweto mei ehim o au?” ⁴² Hir newetiwek saauk hak kiutip kerek epei si taak. ⁴³ †Hirak kekinik kaak, hir nirek. Hirak kaak epei au, hirak ketpor, “Menmen im nipaa hi epei hetpiyem kerek hi wen hepu hetikewi hiram im: ‘Menmen yapirwe kerek nipaa Moses ketike mit profet hir newisim mau tiwei metike him mau tiwei Sam hiram mamnen.’” ⁴⁵ Epei au, hirak kerekyor han kir kewep te hir nanirtei him me God mau tiwei werek werek. ⁴⁶ †Te hirak ketpor, “Im em hiram him nipaa mit newisim mau tiwei: ‘Mitik God kehimitanek Mitik Iuwe Krai eki te pike kakikrit me wi wikak.’” ⁴⁷ †Yi mit nai yeit wit Jerusalem yi yaino yairer wit wit yatip mit miyapir him yaaim te hir nanweikin sip nanwet menmen enum God kakisak menmen enum mir kakintar menmen hi hiriakem. ⁴⁸ †††Yi epei yir menmen im te yi yaiwepyapirem. Hi hirekes eriuweti menmen nipaa Haai kai katip hirak kaksuwarek kaknen, te yi wen eiyu wit iuwe ik ek eimerir menmen iuwe me wit ke God mamikiuwe mamnen mamwi.”

God kari Jisas kiniu ken wit kirak

(Mk 16:19-20; Ap 1:9-12)

⁵⁰ Jisas katip epei au, hirak keriyei nen ninaaiwir wit Jerusalem, hir nen wit Betani. In ek hirak kikiam his mirak kitehi God naanmamror. ⁵¹ Jisas wen kitehi God naanmamror, hirak ken kinaiwiri kiniu ken wit ke God. ⁵² †Epei au, hir newenipiyek. Hir wen newenipiyek hir pike nepno wit Jerusalem han yaaik iuwe. ⁵³ Hekrit hekrit hir nen winak iuwe ke God newenipiyek.

Mepir keremem

††† 24:36 1Ko 15:5 †† 24:37 Mt 14:26 ††† 24:41 Jo 21:5 †† 24:43-44 Lu 18:31, 24:27 †† 24:46 Ais 53; Hos 6:2 ††† 24:47 1Ti 3:16 ††† 24:48-49 Jo 15:27; Ap 1:8 ††† 24:48-49 Jo 14:16, 15:26, 16:7; Ap 1:4 18 24:52 Jo 14:28, 16:22

JON

Menmen mekre tiwei ik

Jon Baptais katip mit him me God

r 1:19-34

r*

Jisas kehimitan mit disaipel narak

r 1:35-51

r*

Jisas katip mit him me God

r 2:1-12:50

r*

Jisas katip mit disaipel him mirak

r 13:1-17:26

r*

Mit newenkek Jisas kaa

r 18:1-19:42

r*

Jisas pike kekrit mit nirek

r 20:1-31

r*

Jisas ketike mit disaipel neit Galili

r 21:1-25

r*

Nipaa enum eik mitik kiutip kepu kakwetai him yaaim

1 †Nipaa enum eik, God kiriak ti wen au, mitik kiutip kepu kerek kakwetai him yaaim. Hirak kau ketike God, hirakit tau niutip tipirakit. ² Menmen mepu wen au, hirak kau ketike God. ³ ††God katip mitik ik, te hirak kewis menmen yapirwe kerek mepu, hirak kiriakem. Menmen meiyam miutip ap te hiremes mekrit au. Hirak Haai ke himin hak yaaik kikaap mit hir nanu nanit tipmain tipmain enum eik. ⁴ †Hirak kikaap mit nertei God, hir nanu werek nanir ke si mir te mit hir nanir yayiwe. ⁵ ††Him me mitik ik hiram mire si mirius ein ein. Menmen enum mire witaan toto mekre han ke haiu mit ap te mamininem mamiwaankem taau.

⁶ ††God keruwet mitik kakwepyapir menmen im, hirak itai kai niuk mirak Jon. ⁷ Hirak kan katip mit me mitik ik. Hirak yaaik kire si mir, te mit yapirwe nemtau him me Jon, hir nanises mitik ik. ⁸ ††Hirak hirekes ap

† 1:1 Jo 17:5; 1Jo 1:1-2; Rev 19:13 †† 1:3 1Ko 8:6; Kl 1:16-17; Hi 1:2 † 1:4 Jo 5:26 †† 1:5 Jo 3:19 †† 1:6 Mt 3:1; Lu 1:13-17, 76, 3:2 ††† 1:8 Jo 1:20

mitik ik au. Hirak kan katip mit him me mitik ik yaaik kire si mir.

⁹ †††Mitik ik hirak kire si, hirak kan ti. Hirak kikaap mit miyapir kerek nepu te hir nertei God. ¹⁰ †Nipaa God kiriak ti keruwerek, te mitik ik kan kau ti. Mit nau ti nepitari mitik ik hirak Mitik Iuwe kiriak menmen im au. ¹¹ Hirak kan ti kerek nipaa hirak kiriakek, te mit narak en ne weiwik me Isrel neweikin sip newetiwek. ¹² ††Te mit han kerek nemtewek nisesik, hirak katip hiram werek te hir nire nikerek ne God. ¹³ †††Hir ap nire nikerek ne God nentar miye haai ninen au. Hir nikerek ne God nentar God kehimiteni hir narak.

¹⁴ †††Mitik ik kan ti keit yink kar ke haiu mit. Haiu mirek hirak Mitik Yaaik kire God, hirak kerekyei haiu mit menmen yaaim, hirak katip him kemipin au. Hirak kiriak menmen im yaaim kentar hirak Nikan kiutip kerekek God kiriakek, te hirak mitik kar ek. ¹⁵ †††Jon kewepyapirek katip mit kar ik: "Mitik ik hirak mitik nipaa hi hetpiyek har ik: 'Hirak kikaru kakwepyapir him

††† 1:9 Jo 8:12; 1Jo 2:8 § 1:10 Jo 1:3, 17:25; Kl 1:16 †† 1:12 Ga 3:26 ††† 1:13 Jo 3:3-6; Je 1:18; 1Pi 1:23 †† 1:14 Ga 4:4; Fl 2:7; Hi 2:14; Ais 60:1-2; Lu 9:32; Jo 2:11 ††† 1:15 Jo 1:27, 30; Mt 3:11

te hirak iuwe kinina kentar nipaa miye wina wen au, hirak kepu ketike God.”

¹⁶ †Hau mit meit menmen yaaim me God mentar mitik ik ketenen menmen mirak yapirwe kewetaiyem keteipim keteipim. ¹⁷ †Nipaa God kewet Moses him lo mirak hirak kewetaiyem hau emisesim o au en, hau mami. Te Jisas Krais kerekek kerekeyi yaaim kewetai him mirak ham yaaim. ¹⁸ †Mitik kiutip keiyak ap kir God au. Mitik kiutip kerekek hirak hirekes kire God kau ketikerek menep, hirak epei kewepyapirek keteik-naiyek te hau mertei God hirak kire mekak.

Jon Baptais

(Mt 3:1-12; Mk 1:2-8; Lu 3:2-18)

¹⁹ Wi ham mit iuwe naanmipre mit ne Isrel hir neruwet mit pris netike mit han ne weiwik miutip me Livai kerek hir nikaap pris niriak menmen, hir nan nitehi Jon nar ik: “Ti hatip ti keimin?” ²⁰ †Hirak kepakin au hirak kewepyapirem ketpor kar ik: “Hi ap Mitik God kehimitena hi akaap mit ne Isrel au.” ²¹ †Hir pike nitiwekhi, “Ti ap Mitik God kehimitenut ti ekepai hau mit ne Isrel au, te ti keimin? Ti mitik profet Ilaija o au?” Hirak ketpor: “Hi ap Ilaija au.” Hir nitiwekhi neteipim: “Ti mitik profet hau memeryut ti enen o au?” Hirak katip: “Hi mitik profet ik au.” ²² Hir netpiwek: “Te ti keimin? Mit kerek neruwetai hau man in hanhan nanirtei ti atip mit ti keimin. Te ti etpai.” ²³ †Jon ketpor kar ik: “Hi mitik ik ek. Hi mitik herp wit tenhaan weinik mit ap newi hi hinap hatip, ‘Yi mit einetit yayiwe eiriakem yaaim te Mitik Iuwe kakitetik kaknen.’” Nipaa profet Aisaia hirak kewis him im mau tiwei.

²⁴ Mit ne Farisi kerek ninin nertei him me Moses hir nisesim, hir keriyen neruwet mit in nan nitehi Jon menmen im. ²⁵ †Te mit in hir nitehi Jon, “Ti ap Mitik God kehimitenut ti ekaap hau mit ne Isrel, ti Ilaija au, ti mitik hau memeryut au, ti henmak te ti hikir mit miyapir neriuwe tipar a?” ²⁶ Itai kai Jon ketpor, “Hi hikir mit neriuwe tipar weinim, te mitik kiutip kerp nimin ke yi mit yi yepitariyek. ²⁷ †Hirak kisisa, te hirak Mitik Iuwe kinina, hi hire mitik enuk weinik.” ²⁸ †Menmen im man meit wit Betani meit menke men pinak ein ke mani Jordan kerek Jon kikiri keitai en.

Jisas Nikan kire Sipsip ke God kaki kakisak menmen enum mau

²⁹ †Maain wi ham itai kai Jon kir Jisas kaknen kakirek hirak katip, “Eiyirek! Mitik ik ek hirak kire Sipsip ke God. Hirak keruwetek kan in kaki kakikrehir ke hau mit te hirak kakisak menmen enum hau miriakem. ³⁰ †Hirak mitik kerekek kerek nipaa hi etpiyek kerek maain kikaru kakisisa kaknen, hirak Mitik Iuwe kinina kentar nipaa hirak kinina kepu ketike God me wi miye ap

† 1:16 Kl 2:10 †† 1:17 Eks 34:28; Ro 6:14, 10:4 † 1:18 Eks 33:20; Jo 6:46; 1Ti 6:16; 1Jo 4:12; Mt 11:27 †† 1:20 Jo 3:28 †† 1:21 Mt 11:14; Diu 18:15, 18; Jo 6:14, 7:40; Ap 3:22 ††† 1:23 Ais 40:3 ††† 1:25 Mt 21:25; Jo 1:33 † 1:27 Jo 1:15; Ap 13:25 † 1:28 Mt 3:6; Jo 10:40 ††† 1:29 Jo 1:36; Ais 53:6-7; 1Pi 1:18-19 †† 1:30 Jo 1:15

wina wen au. ³¹ Nipaa hi ap hertei hirak kakre keimin, te hi hikir mit har ik ek te hi eteikin yi mit ne Isrel yi eiyirtei hirak keimin.”

³² ††Jon katip him im em me menmen hirak kirem. Hirak katip, “Hi hir God Himin Yaaik kenke keke nepni kan kire hore tapi kan kenterik. ³³ †Hi nipaa hepitari God kehimitanek hirak mitik kerek kakikepai, te God keruweta hi akiri eiriuwe tipar em, hirak ketpo, ‘Ti ahir God Himin Yaaik kakinke kaknen kakikre mitik, mitik ik kerekek kakwet mit God Himin Yaaik kaku kakreri.’” ³⁴ †Hi epei hirek, te hi etpi hirak Nikan ke God.”

Jisas keithis mitikit disaipel tekyait (4)

³⁵ Teipmen, itai kai Jon wen kepeit mani Jordan ketike mitikit disaipel wiketeret. ³⁶ ††Hirak kir Jisas kan ken te hirak katip, “Mitik ik hirak Sipsip ke God. Hirak keruwetek kan kaki kakikaap hau mit.” ³⁷ Mitikit wik temtau Jon katip kar ik, te hirakit tises Jisas ten tetikerek. ³⁸ Jisas keweikin kiret tisesik, te hirak kitiwekithi, “Yi yayir mekam?” Hirakit tetpiwek, “Rabai, ti hau heit nein?” (Hau meweikin him Rabai hiram matip Mitik Iuwe tisa.) ³⁹ Hirak katip, “Einen eiyirem.” Te hirakit tetikerek tariyakit ten tir wit kerek hirak kewiyen, te hirakit ten en tetikerek ere witaan (Hiram epei hinkewi te hirakit tetpiwek menmen im.)

⁴⁰ ††Mitik hak niuk mirak Endru hirak nikik ke Saimon Pita hirak mitik kiutip ke mitikit wiketeret hirak kemtau him me Jon te hirak kises Jisas. ⁴¹ ††Wasenum, mitik Endru kinaaiwir Jisas ken kinapin heiyiuwe kirak Saimon, hirak ketpiwek, “Hawir epei winapin Mitik Iuwe Mesaia.” (Hau meweikin him Mesaia hau matip Krais, Mitik kerek God kehimitanek kakikaap hau mit.) ⁴² †Hirak ketpiwek epei au, Endru keithis Saimon keiyik ken kir Jisas. Jisas kirek, hirak ketpiwek, “Ti Saimon nikan ke Jon. In ek hi eweikin niuk mit mamre Sifas.” (Hau meweikin him hiram matip, “Pita” o “Nan”).

Jisas kenine Filip ketike Nataniel hirakit tisesik

⁴³ †Wi ham Jisas kekrit kakno provins Galili. Hirak han kikit kakno en te hirak kinapin mitik Filip ketpiwek kar ik: “Ti enen eisisa!” ⁴⁴ Filip hirak ke wit Betsaida, wit ke Endru ketike Pita. ⁴⁵ †Te Filip kinapin Nataniel hirak ketpiwek, “Hau epei minapin mitik kerek nipaa Moses kewisim mau tiwei mirak, hirak ketike mit profet newisim mau tiwei. Hau epei minapinek, hirak Jisas, nikan ke Josep ke Nasaret.”

⁴⁶ †Nataniel ketpiwek, “Menmen mei miutip yaaim ap te mamike Nasaret mamnen auye!” Filip kewenhi ketpiwek kar ik: “Ti eno ehirek.”

⁴⁷ †Jisas kir Nataniel kan kakirek, hirak katip, “Eiyirek. Hirak mitik ke Isrel ap kempin au.”

††† 1:32 Mt 3:16 †† 1:33 Lu 3:2-3 †† 1:34 Mt 3:17, 17:5, 27:54 ††† 1:36 Jo 1:29 ††† 1:40 Mt 4:18-20 ††† 1:41 1Sml 2:10; Sam 2:2; Jo 4:25 18 1:42 Mt 16:18; Mk 3:16 19 1:43 Mt 8:22; Mk 2:14 20 1:45 Diu 18:18; Ais 7:14, 9:6; Jer 23:5; Esi 34:23 21 1:46 Jo 7:41, 52 22 1:47 Sam 32:2

⁴⁸ Nataniel ketpiwek, "Ti harkeik te ti herteiya?" Jisas ketpiwek, "Filip keninut wen au, hi hirit kerek ti hau hinik nu fik ek."

⁴⁹ †Nataniel ketpiwek kar ik: "Ti Mitik Iuwe, ti Nikan ke God kerekek. Ti Mitik Iuwe ehinin naanmamrai haiu mit ne Isrel."

⁵⁰ Jisas ketpiwek, "Hi hetput hi hirit hau hinik nu fik te me menmen in ti han kiteta hi Mitik Iuwe a? Hi hetput maain ti ehir menmen iuwe minin menmen im em."

⁵¹ ††Te Jisas ketpor, "Hi hetpi werek. Yi maain yayir wit ke God kakwep te yi eiyir mit ensel ne God naniniu nanikiuwe nanintar hi Mitik ke wit ke Mitik Iuwe."

Mitik hak keit mite te Jisas keweikin tipar weinim hiram mire wain

2 †Wi wikak epei men, mitik ketike mite nanitan nanit wit Kena keit provins Galili. Jisas miye pirak hire wepeit en. ² Te Jisas ketike mit disaipel narak natip nanino naniri nanitan. ³ †Maain hir naam tipar wain mir epei au, Jisas miye wetpiwek war ik: "Hir naam tipar wain epei au mesi."

⁴ †Jisas ketpiwe, "Ti ap etpo menmen hi ehisesim. Hiram ap menmen mit. Au, hiram menmen mai. Wi ap man wen au te hi hewepyapir hirekes hi keimin."

⁵ Te Jisas miye pirak watip mit kerek niriak menmen me mit en, "Yi eiriak menmen eiyises him mirak kerek hirak ketpi ek."

⁶ ††Mit ne Isrel newis him lo mau tiwei matip hir nanin nankemyet his te hir nanim menmen. Me menmen im hir newis min iuwe mar hispinak kiutip (6) (hiram mire heurek nun) hiram mepu. Hiram iuwe te mamtenen tipar yapirwe (Mar ke heurek hiswiyen hiswiyen hiswiyen (30)). ⁷ Te Jisas katip mit en, "Yi eiwen tipar emikre min." Te hir newen tipar mekrerem ere mau him. ⁸ Epei au, hirak ketpor, "Yi eiwen tipar mei eiyim eino eiwet mitik naanmipre menmen me neitan em." Hirak katip epei au, hir neiyim nen newet mitik ek em. ⁹ Hir neiyim nen newetiwekem, hirak kaam tipar mei kike kerek Jisas keweikin his em mire tipar wain, hirak kepitari mit neit tipar wain im neit nein. (Te mit kerek nimian (o ninin) tipar im em hir nerteiyem.) Te hirak kenine mitik kerek keit mite ep hirak ketpiwek kar ik: ¹⁰ "Mit yapirwe newet mit tipar wain yaaim, hir ninin nanim, te maain hir netaritari, hir newetir tipar yaaim kike. Te ti au! Ti etenen tipar wain yaaim ti ewet mit em emakaru."

¹¹ †††Menmen im hiram menmen iuwe Jisas kinin kiriakem. Hirak kiriakem keit Kena hirak wit kike ke provins Galili. Ik ek keteikin haiu mit disaipel narak menmen iuwe God kewetiwekem, te haiu han kitet hirak Mitik God keriuwetek kan kakikepai haiu mit.

¹² †Epei au, Jisas ketike miye pirak kikrek tirak netike mit disaipel narak nen wit Kapaneam nau en wi ham.

Jisas kepri mit nesiuwe menmen neit pewek neit winak iuwe ke God keit Jerusalem (Mt 21:12-13; Mk 11:15-19; Lu 19:45-46)

¹³ ††Wi Pasova menep mamnen te mit ne Isrel han tewenin nipaa God kenep mit ne Isip, te maamrer nir au. Me wi im Jisas ken wit iuwe Jerusalem. ¹⁴ Hirak ken kekere winak iuwe ke God, hirak kir mit kerek nesiuwe bulmakau metike sipsip, hore nimanp nanit pewek mamrerim. Hirak kir mit in netike mit han nau yeno hir neit pewek me mit nerer wit wit newetir pewek ham yaaim me Isrel. ¹⁵ Hirak kir menmen im, Jisas keit waai kiriakem kire nipin kiwaaiyek kenep sipsip bulmakau. Mit nau yeno netenen pewek hirak kepri nen witeik. Hirak kepri nen wit eik, hirak kenke kinaan keit pewek mir kewirem mesikenik miwaai ti. ¹⁶ ††Hirak katip mit kerek nesiuwe hore kar ik: "Yi eikinim eiyim eino wit eik. Hi hinapen yi yiriak winak ke Haai kai enuk kire winak maket mit neiyik neisuwe menmen neitak."

¹⁷ ††Haiu mit disaipel narak han kitet him nipaa haiu mekinaam mau tiwei me God hiram matip mar im: "Hi hanhan iuwe me naanmamprut winak kit kaku werek werek."

¹⁸ †††Hirak kiriak menmen im epei au, hir mit iuwe ne kaunsil ke Isrel nan netpiwek, "Ti eriak menmen iuwe manmen emteikin God kewisit te ti han hepri menmen im meit winak iuwe kirak ik ek."

¹⁹ †Jisas ketpor kar ik: "Yi yaiwen winak ke God ik ek, te wi wikak hi pike eimaak."

²⁰ Hir pike netpiwek, "Me 46 tito mit nime winak iuwe ke God ik ek. Te ti hatip ti pike eimaak me wi wikak keremem a? Taauye!"

²¹ ††Jisas ap katip me winak ke God. Au, hirak katip me yink kirak. ²² †††Te maain mit nenep Jisas kaki, God kikiak hirak kekrit kepu, haiu mit disaipel narak meket han him nipaa hirak ketpim, te haiu mises him nipaa God kewisim mau tiwei. Hiram metike him me Jisas.

Jisas kertei han ke mit yapirwe

²³ †††Jisas wen kepu Jerusalem me wi Pasova, wi kerek mit han tewenin God kenep mit ne Isrel au, mit ne Isip keriyen. Me wi im mit yapirwe nisesik nentar menmen yaaim iuwe hir nirek hirak kiriakem. ²⁴ Te Jisas ap kenta tau him hir netpiwekem kisesim au. Hirak ap kewisi hir nehimitanek mitik iuwe king kir naanmipri au, kentar hirak kertei menmen mit ne ti hir hanhanem. ²⁵ ††††Hirak epei kertei werek werek menmen mekre han ke mit ne ti ap mitik hak te kakininek kertei han ke mit te hirak ketpiwekem au.

Jisas ketike Nikodimas tewepnak

3 ¹⁸ Mitik niuk mirak Nikodimas kepu. Hirak mitik hak ke mit ne Farisi kerek hir ninin nises him me Moses. Hirak mitik iuwe hak ke mit kerek ninin naan-

† 1:49 Mt 14:33, 16:16, 27:42; Mk 3:11; Jo 12:13 †† 1:51 Jen 28:12 † 2:1 Jo 1:43 †† 2:3 Jo 19:26 †† 2:4 Jo 7:30, 8:20 ††† 2:6 Mk 7:3-4 ††† 2:11 Jo 1:14, 4:54, 11:40; Lu 9:32 § 2:12 Mt 4:13

§† 2:13 Eks 12:1-17; Jo 6:4, 11:55 §†† 2:16 Lu 2:49 §† 2:17 Sam 69:9 §†† 2:18 Mt 21:23 §† 2:19 Mt 26:61, 27:40; Ap 6:14 §† 2:21 1Ko 6:19 §†† 2:22 Jo 12:16, 14:26 §†† 2:23 Jo 7:31 §†† 2:25 Mk 2:8 18 3:1 Jo 7:50, 19:39

mipre mit ne Isrel. ² Witaan ham hirak kan kir Jisas ketpiwek kar ik: "Mitik luwe, haiu mertei God keriuwetit ti han ti heteiknai menmen. God kekepit ti hiriak menmen. Mit neiyen ap te nanriak menmen iuwe mamir ke ti hiriakem taau!" ³ Jisas ketpiwek kar ik: "Hi hetput him im em hiram yaaim. Mitik ap kakweikin yaaik kakir ke nikan miye winaak ek, hirak ap te kaku kaktike God taau!"

⁴ Nikodimas kitiwekhi kar ik: "Markeik te mitik nepei enuk ke mitik hirak pike kakre mitik pipiak. Hirak pike kaku kakikre tu ke miye pirak te hire pike wawinaak?"

⁵ Jisas kewenhi ketpiwek kar ik: "God ap te kakinin naanmampre mit ere mit han nankiri nanriuwe tipar, God Himin Yaaik kakriak himin kir hirak yaaik. ⁶ Mitik kerek miye winaak, hirak kire mitik kerekek. Mitik God Himin Yaaik kakriakek himin kirak hirak yaaik, hirak kire God. ⁷ Ti ap han kekrit epipir entar him im hi hetputem me yi yapirwe God Himin Yaaik ekrekyi himin ki hirak kakre yaaik. ⁸ Nime miniu mepno in mepno ein. Yi yemtau hiram matip, te yi ap yertei hiram meke nein man, te mamno nein. God Himin Yaaik hirak kire nime. Haiu mepitari karkeik hirak kiriak menmen kikaap mit au."

⁹ Nikodimas kitiwekhi kar ik: "Mamirkeik te menmen im em manmen?"

¹⁰ Jisas ketpiwek, "Ti mitik iuwe tisa ti hertei menmen yapirwe hinin mit ne Isrel, te ti ap hertei menmen im au a? Menmen mit! ¹¹ Hi hetput werak. Haiu matip menmen haiu epei merteiyem, haiu matip menmen haiu epei mirem. Te yi yeweikin sip yewet menmen haiu metpiyem. ¹² Hi nepei hetpi menmen me ti im e te yi ap han kiketim yisesim au. Te hi hetpi me menmen me wit ke God, mamirkeik te yi yayimtau menmen hi etpiyem me wit ke God yi yayisesim a? Taauye! ¹³ Mitik keiyak ap nipaa ken wit ke God heven au. Hi Mitik ke wit ke Mitik luwe kerekek, hi hinaaiwir wit kirak hekiuwe han ti ik e. ¹⁴ Nipaa Moses kikiak manpen kau niu keit wit weinik mit ap newi. Mar im, mit nanwenkika hi Mitik ke wit ke Mitik luwe nanwisa antar nu tentarakit. ¹⁵ Te mit yapirwe kerek nises God, hir nanu nantikerek tipmain tipmain enum eik.

¹⁶ God hanhan mit ne ti ik iuwe te hirak keriuwet nikan kirak kiutip kerekek kan ti ik. Te neimin kerek nanisesik, hir ap nani au. Hir nanu nanit nantike God tipmain tipmain enum eik. ¹⁷ God ap kesiuwe hi Nikan kirak hi han ti ik skelim mit au. Hi han hahi akaap mit ne ti ik. ¹⁸ Neimin nisisa hi Nikan ke God ap te God skelim hir nanino si au. Te neimin kerek ap nisisa hi Nikan ke God ehu, hirak God epei skelim mit in nentar hir ap han kitet he Nikan kiutip kerekek kirak ahisak menmen enum hir niriakem. ¹⁹ God skelim mit kakir ik. Him mai yaaim mire wepni kir, hi han ti ik hetekin mit menmen me God. Te hir hanhan menmen

enum me ti hiram mire witaan toto. Menmen yaaim em me God au. Hir hanhan menmen enum me ti nentar hir niriak menmen enum enum. ²⁰ Neimin hir niriak menmen enum hir nire mit enun nepan ne menmen yaaim me God. Te hir ap naninen nanises hi Nikan ke God nanitar hir ninapen hi ewepyapir menmen enum hir niriakem. ²¹ Te neimin hir hanhan nanriak menmen yaaim, hir naninen hi Nikan ke God kerek him mai yaaim hiram mire wepni te hir nanteikin mit yapirwe hir niriak menmen yaaim God katip hir enriakem."

Jon kewepyapir Jisas hirak keimin

²² Jisas katip Nikodimas epei au, Jisas ketike mit disaipel nirak ninaaiwir Jerusalem nen wit hak kike ke Judia. Hirak kau en ketikeri wi ham, hir nikir mit miyapir neriuwe tipar. ²³ Jon hirak kikir mit neriuwe tipar menep ti niuk mirak Inon, hirak menep wit Selim. Hirak kikir mit in kentar tipar yapirwe meitai. Mit nen nanirek te hirak kiki. ²⁴ (Mitik iuwe King Herot ap kewis Jon kekere winak enuk ke gavman wen au.)

²⁵ Mit disaipel han ne Jon netike mitik hak ke Isrel hir nenehan nentar menmen me nikir mit neriuwe tipar nises him mit ne Isrel nipaa nisesim. ²⁶ Te hir nen Jon nitiwekhi nar ik: "Mitik luwe, ti han kitet mitik kerek nipaa ketikewit yeit mani Jodan yeit pinak eik, kerek ti hatip him mirak em? Hirak epei kikir in ek, te mit yapirwe nanino nanirek."

²⁷ Jon ketpor, "God keit wit kirak Heven ap keriuwet mitik kiutip menmen hirak ap kaktiwem au. ²⁸ Yi hiras yertei him mai kerek nipaa hi hetpim. Hi hatip har ik: 'Hi ap Kraisa au. God keriuweta te hi hinin han hewepyapirek.' ²⁹ Mitik kerek kakit mite hire mite pirak. Jisas hirak kire mitik ik. Mit nises him mirak hir nire mite pirak. Mitik kerek wariyakit kirak kemtewek hirak kaknen ketpiwek menmen, hirak han yaaik kar ke in ek hi han yaaik iuwe. Te hi ap yink enuk hentar mit yapirwe nisesik au. In ek hi han yaaik iuwe. ³⁰ Hirak kakre Mitik luwe keit niuk iuwe, te hi au hi hire mitik weinik."

³¹ Jisas kerek keke wit ke God kan ti ik hirak kinin mit. Keimin hirak ke ti ik hirak mitik kerekek, hirak han kitet menmen me ti ik. Hirak kerek ke wit ke God hirak hirak kinin menmen yapirwe. ³² Hirak kewepyapir him me menmen hirak epei kirem, menmen hirak apeki kemtewem. Hirak kewepyapirem katip mit em te mitik keiyak ap kemtewem kisesim au. ³³ Mitik kerek hirak kemtau kises him mirak hirak keteikin mit han God hirak katip him yaaim. ³⁴ Mitik kerek God keriuwetek hirak kakwepyapir him me God kentar hirak kewetiwek Himin kirak Yaaik keneises han kirak kekepik kiriakem. ³⁵ God Haai hanhan Nikan kirak, te hirak kewetiwek menmen yapirwe meit his mirak.

† 3:2 Mt 22:16; Jo 9:16 †† 3:3 Mt 18:3; 1Pi 1:23 † 3:5 Esi 36:25, 27; Ta 3:5 †† 3:6 Sam 51:5; Jo 1:13 †† 3:8 Ekl 11:5 †† 3:11 Jo 3:32, 8:26 ††† 3:12 Lu 22:67 § 3:13 Pro 30:4; Ro 10:6 §† 3:14 Nam 21:9; Jo 8:28, 12:32 §†† 3:15 Jo 20:31 §† 3:16 Ro 5:8, 8:32; 1Jo 4:9-10; Jo 3:36, 10:28 §†† 3:17 Lu 19:10; Jo 5:22, 12:47; Ap 17:31 §† 3:18 Jo 3:36, 5:24 §† 3:19 Jo 1:5, 9, 8:12

§§† 3:20 Ef 5:11-13 §§† 3:22 Jo 4:1-2 §§§ 3:24 Mt 4:12 18 3:26 Jo 1:26-34 19 3:27 Jo 19:11, 1Ko 4:7, Hi 5:4 20 3:28 Jo 1:20, 23; Mt 11:10 21 3:29 Mt 9:15 22 3:31 Jo 8:23; 1Jo 4:5 23 3:32 Jo 3:11 24 3:34 Jo 1:32; Ap 10:38 25 3:35 Mt 11:27; Jo 5:20, 10:17

³⁶ †Neimin nises nikan ke God nanit himin yaaik kaku kakit tipmain tipmain enum eik. Neimin neweikin sip newet him me nikan ke God, hir ap te nanu nanit au. God han enuk kakriuwari.

Jisas ketike mite pe Sameria hir newepnak

4 ††Me wi im mit ne Farisi kerek ninin nises him me Moses nemtau him ham mar im: "Jisas keithis mit yapirwe te hirak kikiri ninin Jon." ² Te Jisas hirekes ap kikir mit au. Hir mit disaipel nirak keriyen nikiri. ³ Jisas kertei menmen mit ne Farisi hir nemtewem, te hirak kinaaiwir provins Judia hirak pike kepno provins Galili. ⁴ †Te yayiwe hirak kitetik ek ken kerekir provins Sameria.

⁵ †Te hirak ken wit hak iuwe ke Sameria niuk mirak Saika. Wit ik hirak menep ti me ni kerek nipaa enum eik Jekop epei kewet nikan kirak Josep em. ⁶ Hei ke mit hir nanmian tipar keit in kerek nipaa maam ke Isrel hirak kekinik. Jisas hit mekek te hirak kau menep hei kerekek. Wepni nepei kan kau nimumiwe. ⁷ Jisas kau en, mite hap pe Sameria wan waumian tipar. Te Jisas kitiwehi, "Ti eweto tipar mei ehim." ⁸ (Hir mit disaipel ne Jisas epei nen wit eik nanwir pewek nanit menmen me hir nanim.) ⁹ †Mite pe Sameria wewenhi watip, "Ti mitik ke Isrel, hi mite pe Sameria. Kenmak te ti hitauhi tipar te ti ehim a?" (Mit ne Isrel ap te nanit menmen me Sameria mire tikenup wenkepwe kerek naam menmen nekrerem em au. Hir han kitet God kaktip hir enun naninterim.)

¹⁰ ††Jisas ketpiwe, "Ti ertei werek menmen God kakweti yi mit em, ti hertei hi keimin hi hituthi, 'Ti eweto tipar mei ehim', te ti etpo, 'Ti eweto tipar mei yaaim mamu mamit tipmain tipmain enum eik.'" ¹¹ Mite watip war ik, "Mitik Iuwe, ti ap heit menmen me tipar. Hei ke tipar ik hirak kesikekre. Te ti ehit tipar yaaim mamkaap haiu mit mamu werek tipmain tipmain enum eik ehit nein?" ¹² ††Nipaa maam nipu kiau Jekop kewetei hei ik. Hirak nipaa ketike nikerek, sipsip, bulmakau mirak, hir naam tipar im em. Ti are iuwe hinin maam kiau Jekop?" ¹³ Jisas kewenhi katip, "Mit yapirwe nanim tipar im em maain hir pike him niu enuk (o mar kakwenkikor him) nanim tipar meiyam. ¹⁴ †Te neimin nanim tipar kerek hi ewetirem, maain hir ap te hir pike him niu enuk (o mar kakwenkikor him) au. Tipar kerek hi ewetirem hiram mamre tipar mamikre han kir mamu mamit mamkaap mit nanu werek werek tipmain tipmain enum eik."

¹⁵ Hire pike witiwekhi war ik: "Mitik Iuwe, ti eweto tipar mei im em. Te hi ap pike him niu enuk (o mar kakwenkikor him) au. Te maain hi ap pike anen in amian tipar mei au."

¹⁶ Jisas ketpiwe, "Ti eno enine mitik kit te ti pike enen in."

¹⁷ Mite watip, "Hi ap heit mitik au." Jisas ketpiwe, "Ti hatip ti mitik au. Ti atip werek. ¹⁸ Nipaa ti heit mikaan nar hispinak (5). In ek mitik ti hau hetikerek hirak ap mitik kit. Ti epei hatip werek."

¹⁹ †Hire wetpiwek, "Mitik Iuwe, hi hertei ti hire mitik profet. ²⁰ ††Maamrer nai ne Sameria nises God newenipiyek neit miniu (o neiyip) ik ek. Te haiu emwenipi God emeitak. Te yi mit ne Isrel yatip wit iuwe Jerusalem hirak yaaik kerekek. Wit hak au."

²¹ Jisas ketpiwe, "Mite, ti ehises him mai. Maain wi ham mamnen te yi mit ne ti yaiwenipi niuk me Haai kai yayit miniu (o neiyip) ik au, o yayit wit iuwe Jerusalem au."

²² †Jisas ketpiwe, "Yi mit ne Sameria ap yertei werek keimin yi yisesik yewenipiyek. Haiu mit ne Isrel mertei werek keimin haiu misesik mewenipiyek. Menmen God hirak kiriakem keithis mit miyapir hir nisesik, hirak kewetaiyem. ²³ Wi epei mamnen menep te mit kerek hir yaain nises God Haai, hir nanwenipiyek neriuwe han kir. Te mit nar ik God Haai hanhan hir enisesik enwenipiyek. ²⁴ ††God hirak Himin Yaaik kerekek. Hir mit hir newenipi niuk mirak, hir enises menmen yaaim enwenipiyek enriuwe himin kir yaaik."

²⁵ †Te mite wetpiwek, "Hi hertei maain mitik Mesaia kerek God kehimitanek kaknen, hir mit nenewek Kraiss, maain hirak kaknen hirak kakitpai menmen yapirwe."

²⁶ †Jisas ketpiwe kar ik: "Hi kerekek hi atip etikewit hi Kraiss."

²⁷ Hirak katip kar ek, hir mit disaipel nirak hir nirek katip ketike mite hap, hir han kitet yapirwe. Te in ek mitik keyak ap kitiwehi kar ik: "Ti ehit mekam?" O hir nitiwekhi, "Kenmak te ti hatip hetikerep?"

²⁸ Hire winaaiwir heurek ke tipar mire, hire pike wen wit iuwe eik, te hire wen watip mit yapirwe. ²⁹ Hire wetpor, "Yi einen eiyir mitik ik. Hirak ketpo menmen yapirwe kerek hi nipaa hiriakem. Hirak mitik Mesaia kerek God kehimitanek kakikaap haiu mit?" ³⁰ Hire wetpor, te hir ninaaiwir wit ek nen nanir Jisas.

³¹ Mite wen wit kire eik, mit disaipel natip Jisas, "Mitik Iuwe, ti ehim menmen."

³² Te Jisas ketpor, "Hi menmen mai yi ap yerteyem hi hahim."

³³ Mit disaipel nirak hiras natip nar ik: "Mitik keyak ketiwek menmen keyim kan o?"

³⁴ ††Jisas ketpor, "Menmen mai mar im: Hi hises him me Haai hirak nipaa keriuweta te hi han. Hi ariak wok mirak enemtin hiram mar ke menmen hi ahim." ³⁵ ††Yi mit yatip yar ik: "Wenke tekyaaait (4) ere wi mamnen te haiu mamket menmen mau ni. Hi hetpi. Yi eiwaainaan heriyai heriyai eiyir ni werek werek. Teket epei me yaaim te yi eiketim mamnen. ³⁶ Mitik hirak kerek epei keit menmen, hirak keit pewek hiram mamu werek. Hiram mar ke hirak kari han ke mit hir enises him me God te hir enu enit tipmain tipmain enuk eik. Mitik

† 3:36 Jo 3:16-18; 1Jo 5:12; Lu 3:7 †† 4:1 Jo 3:22, 26 † 4:4 Lu 9:52 †† 4:5 Jen 33:19; Jos 24:32 †† 4:9 Esr 4:1-5, 9:1-10:44; Lu 9:52-53 ††† 4:10 Jo 4:26, 7:37-38; Rev 21:6 ††† 4:12 Jo 8:53 § 4:14 Jo 6:35

§† 4:19 Jo 7:40, 9:17; 1Ko 14:24-25 §†† 4:20 Diu 12:5-14; Sam 122:1-5 §† 4:22 2Kin 17:29-41; Ais 2:3; Ro 9:4-5 §†† 4:24 2Ko 3:17; Ro 12:1; Fl 3:3 §† 4:25 Jo 1:41 §† 4:26 Mk 14:61-62; Jo 9:37 §†† 4:34 Jo 6:38, 17:4 §†† 4:35 Lu 10:2

kerek kamir ni hirak ketike mitik kerek keit menmen me ni hirakit han yaaik tekiyakit. Mit han natip mit him me God netike mit hir nari han ke mit hir nises him me God hir nire mitikit wik it. ³⁷ Mar ek te him im hiram yaaim. 'Mitik kiutip kamir menmen, maain mitik hak kakiketim.' ³⁸ Nipaa hi eriuweti yi yen yari han ke mit hir nises him me God yar ke mitik kakit menmen epei me yaaim meit ni eim. Nipaa yi ap yen yetpor menmen, te yi yikiak han kir te hir nanises him me God. Mit han keriyen niriak menmen im. Te in ek yi yikaap mit hir nanises him me God."

³⁹ Maain mit yapirwe ne wit kike Saika ke provins Sameria nises Jisas nentar hir nemtau him me mite hire epei wetpor, "Hirak ketpo menmen yapirwe nipaa ein hi hiriakem." ⁴⁰ Te mit ne Sameria nan nir Jisas hir netpiwek eku ektikeri. Te hirak kau ketikeri neit wit eik wi wik.

⁴¹ Mit han yapirwe hir nemtau him mirak te hir nis-esik.

⁴² †Te hir natip mite, "In ek haiu memtau him mirak te haiu misesim. Haiu ap misesim mentar menmen nipaa ti etpaiyem au. Haiu hiras memtewem te haiu han kitet hirak Mitik Kraiss kerek God keriuwetek kaknen kakikaap haiu mit miyapir ne ti."

Jisas kikaap nikan ke mitik iuwe ke gavman

⁴³ ††Wi wik epei au, Jisas kinaaiwir wit ik hirak ken Galili.

⁴⁴ Jisas hirekes epei katip, "Mitik profet niuk mirak iuwe meit wit kirak au." ⁴⁵ ††Te wi Jisas epei ken kiun provins Galili, mit nau en netpiwek, "Ti yaaik ti han." Hir netpiwekem nentar hir hiras nipaa nen nir menmen me wi Pasova neit Jerusalem me wi mit nererik han tewenin God nipaa kenep mit ne Isip hir naa. Te hir epei nir menmen yaaim hirak kiriakem keit ein. ⁴⁶ ††Epei au, Jisas pike ken wit Kena ke provins Galili, wit kerek nipaa hirak keweikin tipar weinim mire tipar wain. Mitik iuwe ke gavman keit Kapaneam kau in. Nikan kirak hirak kinap. ⁴⁷ †††Hirak kemtau Jisas epei kinaaiwir provins Judia kan Galili, te hirak ken kirek kitiwekhi eknen ekikaap nikan kirak kinap. Nikan kirak epei menep kaki. ⁴⁸ †††Jisas ketpiwek, "Yi ap yir menmen iuwe hi ariakem, te yi ap eiyimtau him mai eiyisesim au."

⁴⁹ Mitik iuwe ke gavman ketpiwek, "Mitik Iuwe, ti es-iukin, o au en, nikan kai kaki."

⁵⁰ Jisas ketpiwek, "Ti eno! Nikan kit kaku werek." Mitik ik kemtau him me Jisas kisesim te hirak kinai-wirek ken. ⁵¹ Hirak kepno winak kirak, mit kerek nerekiwek menmen hir nan newenek yayiwe hir netpiwek, "Nikan kit epei kire yaaik."

⁵² Hirak kitorhi, "Kewaai meruri nikan kai hirak kire yaaik?" Hir netpiwek, "Nepip wepni kau niminiuwe hirak yink sisi epei au meit." ⁵³ ††Te haai kertei me nepip wepni kau niminiuwe, Jisas ketpiwek nikan kaku

werek. Te hirak ketike mite nikerek nirak hir nises him me Jisas.

⁵⁴ †††Menmen im hiram menmen yaaim wik hirak kiriakem me wi hirak kinaaiwir Provins Judia ken kiun provins Galili.

Jisas kikaap mitik hak kinap hirak kire yaaik keit wan werweik ke Betesda

5 Jisas kikaap nikan ke mitik iuwe epei au, wi ham kerek mit ne Isrel nererik naam menmen epei man. Te Jisas pike ken Jerusalem. ² Meit Jerusalem menep wepir iuwe ke sipsip, wanwerweik iuwe kiwaairi. Mit natip him Hibru hir nenewek Betesda. Menep wan werweik kerek mit newep weisaak hispinak (5) te mit ninapen wepni o hawi te hir nisawin newim. ³ Mit miyapir yapirwe kerek hir ninap hir niwaairi. Hir mit han nanamir toto, mit han his hit min enum, mit han his hit epei maa. ⁴ Wi ham mitik ensel ke Mitik Iuwe God kenke kan wan kerek te hiram tipar mitanik. Tipar mitanik nepei au, mitik kinin kakikwe kakno kakikre tipar, hirak kakre yaaik. ⁵ Mitik kiutip kau weisaak nipaa hirak kinap ere 38 tito. ⁶ Jisas kir mitik ik kipwaa en, hirak kertei hirak kinap kiwaa wi yapirwe, te Jisas ketpiwek kar ik: "Ti hanhan ti pike are yaaik a?"

⁷ Mitik ik kerek kinap hirak ketpiwek, "Mitik Iuwe, kerek tipar miririr, hi ap mit nei nekina newisa hekre tipar au. Hi hirekes eno, mit han hir ninatin nan ninina."

⁸ †Jisas ketpiwek, "Ti ekrit ehrip ehrit yeno mit eiyim eno." ⁹ ††Wasenum hirak mitik kinap ek hirak kire yaaik. Hirak keit yeno mirak keiyim ken.

Wi im hiram wi Sabat. ¹⁰ ††Mit iuwe ne Isrel nir mitik ik kemerir yeno mirak te hir nenerek netpiwek, "Petepin hiram wi Sabat. Wi im em ti ap emerir yeno mit emit!" ¹¹ Hirak kewenhi ketpor, "Hirak mitik kerekya hi hire yaaik ketpo, 'Ekin yeno mit eiyim ekrit eno.'"

¹² Hir nitiwekhi, "Keimin hirak ketput ti ekin yeno mit eiyim ekrit eno a?" ¹³ Mitik kerek Jisas kekepik ap kertei hirak keimin kentar Jisas kinaiwirek ken ek, mit yapirwe nererik neit wit eik e.

¹⁴ †Maain Jisas kinapinek keit winak iuwe ke God hirak ketpiwek, "Ti epei hire yaaik. Ti ap pike hanhan ehises menmen enum te menmen ham iuwe enum mamnen mamwit." ¹⁵ Hirak ketpiwek epei au, mitik ik ken katip mit iuwe ne Isrel kar ik: "Mitik kerek kerekya hi yaaik hirak Jisas."

¹⁶ †††Hirak ketpor Jisas kekepik te mit iuwe ne Isrel hir ninin niriak Jisas enum nentar hirak kikaap mitik enuk kinap iuwe hirak kire yaaik me wi Sabat (kerek mit niriak menmen au. Hir nau weinim.) ¹⁷ †††Hir natip Jisas enum nenerek, te hirak ketpor, "Hekrit hekrit Haai kai kiriak menmen, te hi ariakem har ke hirak kiriakem."

¹⁸ †††Him im kerek Jisas ketpim miriak mit iuwe ne Isrel han enuk iuwe te hir hanhan naninep Jisas kaki. Hir hanhan nankip kentar hirak kikaap mitik ke wi Sabat

† 4:42 1Jo 4:14 †† 4:43 Jo 4:40 † 4:44 Mt 13:57 †† 4:45 Jo 2:23 †† 4:46 Jo 2:1-11 ††† 4:47 Mt 8:5-6 ††† 4:48 Jo 2:18; 1Ko 1:22 † 4:50 Mt 8:13; Mk 7:29 † 4:53 Ap 16:14-15, 31

††† 4:54 Jo 2:11, 23 †† 5:8 Mt 9:6 ††† 5:9 Jo 9:14 † 5:10 Nia 13:19; Jer 17:21; Lu 13:14 †† 5:14 Jo 8:11 ††† 5:16 Mt 12:14 ††† 5:17 Jo 9:4 ††† 5:18 Mt 26:4; Jo 7:1, 30, 10:30, 33

kerekek au. Hir han enuk nankip nanıtar hirak katıp God hirekes Haai kirak, te hirak kiriak hirekes iuwe kire God Haai.

God kehimitan nıkan kirak hirak iuwe kiriak menmen mirak

¹⁹ †Mit iuwe ne Isrel nenerek, te Jisas ketpor, “Hi etpi him yaaim! Hi Nikan ap te hi hirekes ariak menmen mei weinim me han kai au. Hi hiriak menmen mamir ke hi hir Haai kai kiriakem. Haai kai kiriak menmen, hi herteiyem te hi hiriakem. ²⁰ ††Haai hirak hanhan keriuwa hi Nikan kirak, hirak keteikno menmen iuwe hirak kiriakem. Maain hirak kakteikno menmen iuwe minin menmen hi epei hiriakem te yi yapırwe han kakikrit kakriuwere. ²¹ †Hiram mar ke Haai kikian mit kerek epei naa ek te hir pike nekrit nau, te hi nikan kirak ehises han kai awis himin yaaik kaku kakikre han ke mit kerek hi hanhan hewisik kakikre han kir. ²² ††Haai kai hirekes ap skelim mit au. Hirak kewisa hi Nikan kirak hi ekrehir kirak hi skelim mit. ²³ ††Te mit yapırwe nanwenipi niuk me hi Nikan mamir ke hir newenipi niuk me Haai kai. Mit kerek ap newenipi niuk me hi Nikan, hir ap nanwenipi niuk me Haai kai kerek keriuweta hi han in.

²⁴ †††“Hi hetpi him yaaim. Neimin nemtau him mai hir nisesim, te hir nanises him me hirak kerek keriuweta hi han in, te hir nanit himin yaaik kaku kakit tipmain tipmain enum eik. Hi ap te skelim mit au. Hir nepei ninaaiwir menmen enum, hir neit himin yaaik nanu werek. ²⁵ †††Hi hetpi him yaaim. Wi kerek nipaa God kehimitanem hiram epei man, te mit nipaa naa hir nanimtau him me hi Nikan ke Mitik Iuwe God. Te neimin nanimtewem, hir nanit himin yaaik nanu werek. ²⁶ §God Haai hirak kaki au. Hirak Haai ke menmen mamkaap menmen yapırwe mamu mamit. Te hirak keweto hi Nikan kirak menmen te hi ap hahi au. Hi hetenen menmen im te hi akaap mit miyapır te hir nanu nanit tipmain tipmain enum eik. ²⁷ ††Hirak kewisa hi Iuwe hi skelim mit hentar hi Mitik ke wit kirak. ²⁸ Yi ap han kekrit ke menmen im epei au emit. Wi mamnen te mit kerek nipaa naa mit newisi nekre hei nanimtau him me hi Nikan ke Mitik Iuwe. ²⁹ †††Te hir naninaaiwir hei, hir nanitpaan naninen witik. Neimin kerek nipaa niriak menmen yaaim e, hir nanikrit nanu nanit. Te mit nipaa niriak enum, hir nanikrit nanino si enum.

Menmen mewepyapır Jisas hirak mitik God keriuwetek kan

³⁰ †††“Hi ap hiriak menmen hises han kai au. Menmen hi hemtau God ketpewem te hi hisesim skelim mit ariuwere. Hi skelim mit werek werek hentar hi ap hises han kai. Hi hises han ke God kerek keriuweta te hi han

ti ik e. ³¹ †††Te hi kerekek etpi menmen me hi hirekes yi han kitet hi hemipin. ³² ††Mitik kiutip kepu kewepyapır him mai. Hi hertei him im hiram matip mit me hi hiram him yaaim. ³³ Yi nipaa yesiuwe mit hir nen nir Jon nitiwekhi menmen, te hirak ketpi him im me hi hiram yaaim. ³⁴ †††Hi ap han kitet yapırwe me mitik hirak kewepyapır niuk mai au. Hi hetpiyem te yi eiyirteiyem eiyises him mai te God kakikepi yi eiyu eitikerek eiyu werek werek. ³⁵ Jon hirak kire si keteikni yayiwe, hirak keteikni menmen me God. Me wi hirak kepu yi hanhan yisesik. ³⁶ †††Menmen ham minin him nipaa Jon ketpim me hi. Hiram im. Menmen yaaim haai kai ketpo hi hiriakem. Menmen ham nipaa hi hiriakem, hiram meteikin mit miyapır te hir nertei Haai kai God keriuweta te hi han in. ³⁷ †††Haai kerek keriuweta hi han in, hirak kewepyapır ketpi hi keimin. Te yi ap yemtau him mirak au. Yi ap nipaa yir ninaan mirak au. ³⁸ ††††Him mirak ap mau mekre han ki. Yi ap yemtau him me hirak Mitik Iuwe kerek keriuweta hi han ti ik. ³⁹ ††††Yi han kitet him me God mau tiwei, yi yekinaam te yi han kitet hiram mamkepi yi eiyu eitike God, God kakweti himin yaaik te yi eiyu tipmain tipmain enum eik. Te him im yi yekinaam hiram matip me hi! ⁴⁰ Te yi yinapen eiyimtau him mai te hi akepi yi eiyit himin yaaik te yi eiyu eiyit tipmain tipmain enum eik. ⁴¹ Hi ap hanhan mit nanwenipi niuk mai nantip hi yaaik. Hiram menmen weinim. ⁴² Te hi hertei yi mit yi yire mekak. Yi ap hanhan God yekre han ki au. ⁴³ †††††Hi han hekrehir ke Haai kai, te yi ap yises him mai au. Mit han ne ti hir naninen netpi hir mit iuwe, yi yemtau him mir yisesim. Te yi ap yemtau him mai au! ⁴⁴ †††††Yi mit hanhan yaiwenipiyan niuk mi, te yi yinapen Mitik Iuwe kiutip hirak God hirak kakwenipi niuk mi kakitpi yi yaain. Yi han kitet menmen im hiram weinim. Yi ap hanhan hirak kaktip yi yaain, te yayırkeik te yi hanhan eiyises him mai? ⁴⁵ †††††Yi ap han ekitet hi esiuwi him hatip Haai kai me menmen yi yiriakem. Au, him kerek Moses kewisim mau tiwei kerek yi yekinaam han kitet hiram mamkepi te God kaktip yi yaain, hiram mamsiuwi him. ⁴⁶ †††††Yi yises him me Moses werek werek, te yi eiyises him mai yentar hirak kewis him me hi. ⁴⁷ †††††Te yi ap yises him Moses kewisim mau tiwei, te yi ap eiyises menmen hi hetpiyem au!”

Jisas kewet mit yapırwe nar 5,000 menmen hir naam (Mt 14:13-21; Mk 6:30-44; Lu 9:10-17)

6 Jisas ketpor menmen im epei au, hirak ken kerekir wan iuwe ke Galili (kerek mit nenewek niuk ham Wan ke Taibirias). ² Mit yapırwe nises Jisas nentar hir nipaa nir menmen iuwe hirak kiriakem kikaap mit ninaap. Mar ik te hir nisesik. ³ Jisas ken kiniu miniu wank ken kau ketike mit disaipel nırak. ⁴ †††††Wi Pasova man menep. Hiram wi kerek mit ne Isrel

† 5:19 Jo 5:30, 8:28 †† 5:20 Jo 3:35 † 5:21 Ro 4:17; Ef 2:5; Jo 11:25 †† 5:22 Jo 3:17; 5:27; 9:39; Ap 10:42 †† 5:23 Fl 2:10-11; 1Jo 2:23 ††† 5:24 Jo 3:15-18, 8:51; 1Jo 3:14 †††† 5:25 Mt 8:22; Ef 2:5-6 § 5:26 Jo 1:4 †† 5:27 Jo 5:22 ††† 5:29 Dan 12:2; Mt 16:27; Jo 6:40; Ap 24:15 §† 5:30 Jo 5:19, 6:38

§†† 5:31 Jo 8:13-14 §† 5:32 Jo 5:36-37; 1Jo 5:9 §† 5:34 Jo 1:19-34, 3:27-30 §†† 5:36 Jo 3:2, 10:25, 38; 14:11 §†† 5:37 Mt 3:17; Jo 5:32, 8:18 §§§ 5:38 Jo 6:29 18 5:39 Lu 24:27, 44; Ap 13:27; 2Ti 3:15-17; 1Pi 1:10-11 19 5:43 Mt 24:5 20 5:44 Jo 12:43 21 5:45 Diu 31:26-27 22 5:46 Diu 18:15; Ap 3:22 23 5:47 Lu 16:31 24 6:4 Jo 2:13

nererik naam menmen han tewnin wi nīpaa God kenep mit ne Isip, kikaap mit ne Isrel. ⁵ Jisas kerenaan kir mit miyapir yapirwe nan nirek. Te hirak katip Filip, "Haiu mamit niu o bret mamit nein te haiu mamwet mit miyapir em hir nanim?" ⁶ (Jisas katip mitik Filip him im em te hirak kakri han kirak kakises mekam. Jisas epei kertei menmen hirekes kakriakem.)

⁷ Filip kewenhi ketpiwek kar ik: "Haiu mewir 200 kina mamit niu o bret meriuwerem hiram ap werek te mit in nanim kike kike au." ⁸ Disaipel ke Jisas niuk mirak Endru, hirak nikik ke Saimon Pita hirak katip Jisas kar ik: ⁹ "Mitik pipiak ik e keit bret bali mar hispinak (5) metike saauk wik. Te hiram ap iuwe me mit yapirwe nar ik."

¹⁰ Jisas ketpor, "Yi eiwen mit miyapir enu ti. Yenkis yapirwe meit in." Te mit 5,000 hir yapirwe keriyen nererik nau yenkis keremem nau ti.

¹¹ Hir nau ti epei au, te Jisas keit bret keiyim kitehi God, te hirak kewenem keketim kewet mit nirak em hir newet mit miyapir em. Epei au, hirak keit saauk kewepim kewetirem kar ke nepei ein hirak kewetir bret bali, te hirak kewet mit menmen mar ke hir hanhanem. ¹² Hir epei naam tu iuwe, Jisas katip mit disaipel nirak kar ik: "Eikinen yinam yinam mit ap naam. Hi hinapen hir nanwisim mamu ti. Yi ap eiwis mei kike mamu au." ¹³ Hirak katip epei au, hir nekoririm (o nekurerim) ere epei au mesī, te hir nemi mekre tanik mar hiswiyen wik (12) meke bret hispinak (5) nīpaa Jisas ketiwem kewet mit em hir naam. ¹⁴ Mit miyapir nir menmen yaaim Jisas kiriakem te hir natip, "Hiram him yaaim. Mitik ik hirak profet ik ek kaknen ti." ¹⁵ Jisas kertei hir hanhan nantenenik nanihimitanek hirak mitik iuwe king kir hirak kaku kakinin naanmīpror. Te hirak kinaiwiri hirak kerekek pike ken miniu (o neiyip) eik.

Jisas ken kitet wan keke niu

(Mt 14:22-23; Mk 6:45-52)

¹⁶ Me hinkewi disaipel ne Jisas hir nekiuwe nen wan eik.

¹⁷ Hir nehin ninu nekre bot newik nerekir wan nanino pinak ein. Hir nen Kapaneam. Nepei au witaan, te Jisas ap kan kiunor wen au. ¹⁸ In ek nime iuwe miniu te wan kewenin iuwe.

¹⁹ Hir neit niu mirak neiyik nari wan ere 5 o 6 kilomita nau niman, hir nir Jisas kitet wan kitet tipar keke niu ken menep bot. Hir nirek te hir ninaain. ²⁰ Te Jisas ketpor, "Hi kerekek han. Yi ap einaain." ²¹ Hirak ketpor te hir han yaaik netiwekhis kiniu ketikeri nekre bot. Te wasenum bot kepno menep wit hir hanhan naninori.

Hir mit miyapir ninatin Jisas

²² Hekrit eik, mit miyapir hir wen nepeit wan pinak eik, hir nertei nepip bot ap keyiak kepu au. Kiutip kerekek kepu, Jisas ap kau ketike disaipel au. Hir disaipel keriyen nekre bot ik ek te hir nen. ²³ Te bot ham

† 6:14 Diu 18:15; Jo 5:46 †† 6:15 Jo 18:36; Mt 14:23 † 6:23 Jo 6:11

me Taibirias man menep wit kerek Jisas kewetir bret hir naam newi. ²⁴ Mit yapirwe nir Jisas hirak ap ketike mit disaipel ap nau, te hir nehin nekre bot hak, hir nen Kapaneam ninetniwek.

Jisas hirak kire bret yaaik kikaap mit hir nanu werek

²⁵ Maain mit ninapin Jisas keit wan pinak ein epei au, hir netpiwek, "Mitik Iuwe, hewaai meruri te ti han in a?"

²⁶ Jisas kewenhi ketpor, "Hi hetpi werek. Yi yinyetno yentar yi epei yaak bret ere tu iuwe. Yi ap han kitet menmen yaaim iuwe hi hiriakem au. ²⁷ Yi ap hanhan yayit menmen me yayim keremem hiram mamiwaank au ekit! Yi hanhan eiyyit menmen yaaim hiram mire menmen me yi eiyyim, hiram mamkepi te yi yayit himin yaaik ke kaku kakit tipmain tipmain enum eik. Menmen im hi Mitik ke wit ke Mitik Iuwe awetiyem hentar God Haai kiriak menmen keteikin mit hirak keriuweta hi hiriak menmen mirak."

²⁸ Hirak ketpor him im, te hir nitiwekhi natip nar ik: "Haiu emriak mekam te haiu emriak menmen God han yaaik keriuwerem?"

²⁹ Jisas kewenhi ketpor, "Menmen yi yiriakem God han yaaik keriuwerem hiram im. Yi eiyyises him me hi Mitik kerek God keriuweta hi han ti ik."

³⁰ Hir newenhi natip, "Ti eriak mekam iuwe te haiu emirem te haiu emises him mit a? ³¹ Maamrer nau naam menmen niuk miram mana neit wit weinik mit ap newi en. Him me God matip Moses kewetir menmen meke wit ke God hir naam."

³² Jisas ketpor, "Hi hetpi werek. Moses kewetir menmen au. Haai kai kewetirem. Menmen me nīpaa hiram ap bret yaaim mamkaap himin ki au. In ek Haai kai kerekek keweti menmen yaaim me wit kirak, hiram yaaim mire bret mamkaap himin ki kaku werek. ³³ Bret God kewetiyek ek, hi Jisas kerek heke wit ke Mitik Iuwe han hi bret ik. Hi aweti himin yaaik kaku kakikri tipmain tipmain enuk eik." ³⁴ Hir nitiwekhi nar ik: "Mitik Iuwe, ti ewetai bret kit eknen in ere tipmain tipmain enum eik."

³⁵ Jisas ketpor, "Hi hirekes hire bret hikaap mit nanu nanit himin yaaik. Hir neimin nanisisa te hir ap ninpi mamīn. Neimin hir nanisisa ap te him niu enuk (o mar kakwenkikor him) hanhan nanim tipar mei au. Neimin hir nanisisa ap te him niu enuk (o mar kakwenkikor him) hanhan nanim tipar mei au.

³⁶ Hi hetpi yi epei yira te yi ap yises menmen hi etpiyem.

³⁷ Mit neimin kerek Haai kai God kewetauri, hir naninen nanisisa. Hi ap te aweikin sip ewet neimin kerek naninen nanisisa au. ³⁸ Hi hinaaiwir wit ke God te hi hises han kai au. Hi hises han ke hirak Mitik Iuwe kerek keriuweta hi han ti ik e. ³⁹ Hirak kerek keriuwe-

†† 6:26 Jo 6:11-12 †† 6:27 Jo 4:14; 6:48-58 ††† 6:29 Jo 3:23 ††† 6:30 Mt 16:1; Jo 2:18 § 6:31 Eks 16:14-15; Nam 11:7-9; Sam 78:24 †† 6:34 Jo 4:15 ††† 6:35 Jo 4:14, 6:48-58 †† 6:36 Jo 20:29 ††† 6:37 Jo 17:6-8; Mt 11:28 †† 6:38 Mt 26:39; Jo 4:34 †† 6:39 Jo 10:28-29, 17:12

ta hi han ti ik hirak hanhan menmen im. Hirak hanhan hi ap hinaaiwir mitik kiutip ke mit yapirwe hirak epei keriuweti au. Hi akian mit miyapir yapirwe nanikrit nanu me wi maain God skelim mit. ⁴⁰ †Menmen im Haai kai God hanhanem hiram im: Neimin nira hi Nikan kirak, hir nisisa nanimtau him mai, hir nanit himin yaaik kaku kakit tipmain tipmain enum eik, te hi akian nanu nanit me wi maain God skelim mit."

⁴¹ Hirak katip epei au, mit ne Isrel natipan nen Jisas nentar hirak katip him im: "Hi bret kerek heke wit ke God hi han in." ⁴² ††Te hir natip, "Mitik ik hirak kerekek nikan ke Josep. Haiu mertei miye haai nirak. Kenmak te hirak katip hirak keke wit ke God kan a?"

⁴³ Jisas kewenhi ketpor, "Yi ap eitip einahan me yi hiras emit! ⁴⁴ †Mitik kiutip ap te kakisisa ere God Haai kerek keriuweta hi han hirak kakri han kirak. Hi akiak hirak kakit himin yaaik ke kaku kakit me wi maain God skelim mit. ⁴⁵ ††Mit profet newis him im mau tiwei hiram matip mar im: 'Mit yapirwe te God kakitpor menmen kakikepi werek werek.' Mit neimin niutip niutip kerek epei nemtau him me Haai kai God te hir nanisisa. ⁴⁶ ††Mitik kiutip ke mit yapirwe ap te kir God Haai ek au. Hi Mitik kerek God keriuweta hi han ti ik ek, hi kerekek epei hirek. ⁴⁷ †††Hi hetpi werek. Hirak keimin kises him mai kakit himin yaaik ke kaku kakit tipmain tipmain emum eik. ⁴⁸ †††Hi hirekes kerekek hire bret, hi akaap mit nanu nanit tipmain tipmain enum eik. ⁴⁹ Maamrer ni nipaa naam menmen mana God kewetirem neit wit weinik mit ap newi, te hir ap nepu au. Hir epei naa. ⁵⁰ Hi Mitik kerek hinaaiwir wit ke God han ti ik ek hi hire bret mikaap mit nanu. Neimin nisisa hir nani au. Hir nanu tipmain tipmain enum eik. ⁵¹ Hi hire bret akaap mit nanu nanit tipmain tipmain enum eik. Hi heke wit ke God han. Mit kerek nanim bret im hir nanu nanit tipmain tipmain enum eik. Bret im hiram yink kai kerek hi hewet mit ne ti hir nanim te hi akepi hir nanit himin yaaik."

⁵² Menmen im hirak ketpor menop mit ne Isrel nenehan natipan him me hir hiras, hir natip nar ik: "Mitik ik kakirkeik te hirak kakwetei naan me yink kirak haiu mamik a? Taauye!"

⁵³ Jisas ketpor, "Hi hetpi werek. Yi ap yayik yink kai ke hi Mitik ke wit ke Mitik Iuwe, o yi ap yayim hemkre mai, te yi ap yayit himin yaaik kakikri. ⁵⁴ Neimin nanik yink kai o nanim hemkre mai, hir nanit himin yaaik. Te hi akian hir mit kerek nipaa naa, hir pike nanikrit nanu nanre mit me wi maain God skelim mit. ⁵⁵ Yink kai hirak menmen yaaik kire samiyak kakikepi. Hemkre mai hiram mire tipar yaaim mamkepi. ⁵⁶ †Neimin naak yink kai ketike hemkre mai, hir nau netikewa nises him mai, te hi hau hekre han kir ⁵⁷ God kerek hirak Haai ke menmen yapirwe mepu, hirak keriuweta hi han, hirak kenipa hi ahu tipmain tipmain enum eik. Neimin nanik yink kai hir nanu nanit nanriuwerek. ⁵⁸ Hi hirekes hi hire bret keke wit ke God kan. Bret ik hirak ap kire

menmen nipaa maamrer ni nipaa naam au. Hir naam ere hir ne mit te hir naa. Neimin nanik bret ik hirak yaaik kakikepi te hir nanu nanit tipmain tipmain enum eik." ⁵⁹ Jisas katip mit menmen im keit winak kerek mit nererik nekine him me Moses neitai en neit wit Kapaneam.

Jisas katip him yaaim mamkaap mit nanu tipmain tipmain enum eik

⁶⁰ Mit yapirwe kerek nipaa nises him mirak nemtau menmen im epei au, hir natip, "Him im hiram enum merekyei han enuk. Neimin nanu nanimtau him mamir im a? Taauye!" ⁶¹ Jisas epei kertei kekere han kirak hir mit disaipel nirak natipan menmen im hirak ketpor kar ik: "Him mai merekyei te yi han enuk a? ⁶² ††Maain yi eyir hi Mitik ke wit ke Mitik Iuwe hi pike hiniu eno wit kerek nipaa hi hewik, te yi han enuk yeri-uwa wisenum a! ⁶³ †††Yi mit hiras ap te eikaap hiras te yi yayu tipmain tipmain enum eik taau. God Himin Yaaik kerekek kakikepi. Him im hi epei hetpim em, hiram mamkepi himin ki te yi yayu tipmain tipmain enum eik. ⁶⁴ ††Te mit han ne yi mit ap yisisa au." (Jisas epei kertei wi kerek hirak kehimitan mit disaipel nirak, keimin ap kakisesik kakwepyapirek kakwet mit enun nepan ek hir neiyik nanino nankip.) ⁶⁵ †††Jisas wen katip, "Nipaa hi hetpi ap mitik keimin kisisa ere God Haai kakri han kirak hirak kakisisa." ⁶⁶ Hirak katip epei au, mit yapirwe nipaa nisesik neweikin sip newetiwek. ⁶⁷ Hir neweikin sip newetiwek, hirak katip mit disaipel nirak nar hiswiyen wik (12) kitorhi kar ik: "Yi eikeikin sip eitikeri einaiwira a?"

⁶⁸ Saimon Pita keweniwekhi ketpiwek kar ik: "Mitik Iuwe, haiu mamno keimin? Ti kerekek hetpei him mamkepei te haiu mamu tipmain tipmain enum eik. ⁶⁹ ††In ek haiu hiras keriyen merteyit ti keimin haiu misesit. Ti Mitik kerek God kehimitenit ti akaap haiu mit."

⁷⁰ Jisas ketpor kar ik: "Hi hirekes hehimitan yi mit yar hiswiyen wik (12), te mitik hak kiutip ke yi mit hirak enuk kire Seten." ⁷¹ Hirak katip ke Judas nikan ke Saimon ke wit Iskeriot. Hirak mitik kiutip ke mit hiswiyen wik (12), maain hirak kakwepyapir Jisas kakwet mit enun ek.

Jisas kikrek nirak ap han kitet hirak Kraiss

7 ††Menmen im epei au, Jisas ken kerer wit wit me provins Galili hirak kinapen kakno kakrer wit wit me provins Judia kentar mit iuwe nare nankip. ² †††Wi epei man menep te mit ne Isrel nanrerik nanim menmen nau nekre weisaak mir, hir newet God menmen mei me ni mir. ³ Jisas kikrek nirak nemipin netpiwek, "Ti enaaiwir wit ik e eno Judia, te mit kerek nises him mit eninen enir menmen yaaim ti eriakem. ⁴ Mitik kerek hanhan mit nanirteiyek ap te kakriak menmen kaksawinem au. Hirak kakriakem kakrer wit wit te mit

† 6:40 Jo 11:24 †† 6:42 Mt 13:55 † 6:44 Jo 6:65 †† 6:45 Ais 54:13 †† 6:46 Jo 1:18 ††† 6:47 Jo 3:15-16 ††† 6:48 Jo 6:35, 58 † 6:56 Jo 15:4-5; 1 Jo 3:24

† 6:62 Jo 3:13; Ap 1:9-11 ††† 6:63 2Ko 3:6 †† 6:64 Jo 13:11 ††† 6:65 Jo 6:44 †† 6:69 Mt 14:33, 16:16; Mk 1:24; Jo 1:49 †† 7:1 Jo 5:18 ††† 7:2 Lev 23:34

yapirwe enirem. Ti ariak menmen im yaaim, ti eno wit Jerusalem eteikin mit iuwe rem.”⁵ †(Kikrek narak natip menmen im nentar hir ap han kitet hirak Krai kerek God kakriuwtek kaknen kakikaap mit au.)

⁶ ††Te Jisas ketpor kar ik: “Wi mai ap epei man te hi awepyapir hirekes hi Mitik Iuwe kerek God keriuweta hi han ti ik. Wi yi han kitetim yi yaino, te yi eino wit Jerusalem eitike mit eiyim menmen. ⁷ †Mit ne ti ik ek hir ap han enuk neriuwa au. Te hir han enuk neriuwa nentar hi hewepyapir menmen enum hir niriakem. ⁸ Yi eino eitikeri eiyim menmen. Hi au, hi ehu in me wi ham hentar hi ap ewepyapir hi Mitik God kehimitena wen au.”⁹ Hirak ketpor epei au, hirak wen kepu provins Galili.

Jisas ken kau ketike mit kerek nererik naam menmen nekre weisaak

¹⁰ Jisas kikrek narak nen netike mit han nererik naam menmen epei au, Jisas kepno. Hirak ap ketike mit yapirwe nen au. Hirak kerekkek ken kau kire mitik kisawin. ¹¹ ††Mit iuwe ne Isrel ninatin Jisas neit wit kerek hir nererik naam menmen neitai ein. Hir nitehiyan, “Hirak keit nein?”

¹² Neit ein ek, mit yapirwe newepnak natipan me Jisas. Mit han natip hirak yaaik, mit han au natip hirak enuk kari han ke mit yapirwe hir nises him mirak.

¹³ ††Ap mit nei natip nerp yaain menmen me Jisas nentar hir ninapen mit iuwe ninin naanmipre mit ne Isrel hir nanimtwem te hir neneri.

¹⁴ Wi wikak epei men kerek mit nererik naam menmen, te Jisas ken winak iuwe ke God keit Jerusalem, hirak katip mit him mirak kerp yaain ketpor menmen.

¹⁵ †††Mit iuwe ne Isrel nehinhin natip, “Mitik ik weinik kertei menmen mau tiwei karkeik? Nipaa hirak ap ken skul te mit iuwe tisa neteikniwek menmen au.”

¹⁶ †††Jisas kewenhi ketpor, “Menmen hi etpiyem hiram ap mai au. Hiram him me hirak kerek keriuweta te hi han ti ik. ¹⁷ Neimin hir nises menmen God hanhan hir nisesim, hir nanirtei him hi hetpiyem hiram me God o him hi hirekes han kitetim etpiyem. ¹⁸ †Keimin hirak katip mit menmen hirak han kitetim hirak hanhan mit nanwenipi niuk mirak keremem. Keimin hanhan kakwenipi niuk me mitik kerek keriuwetek, hirak kakises menmen yaaim kempin au. ¹⁹ ††Moses nipaa keweti him mirak mau tiwei te keimin ke yi mit hirak kisesim werek werek? Taauye! Te yi yenmak yi yayiep hi hahi yentar yi yatip hi ap hises him me Moses werek werek au a?”

²⁰ †††Mit en hir nitiwekhi nar ik: “Neimin hir hanhan nanitep te ti hahi a? Herwe enuk kersisit te ti han ken sip te ti hatip menmen mar im!”

²¹ †††Jisas ketpor, “Hi hiriak menmen miutip yaaim me wi Sabat te yi han kekrit han enuk yeriuwa. ²² †††Nipaa

† 7:5 Mt 13:55; Ap 1:14 †† 7:6 Jo 2:4, 7:30 † 7:7 Jo 15:18 †† 7:11 Jo 11:56 †† 7:13 Jo 9:22, 12:42, 19:38, 20:19 ††† 7:15 Mt 13:54; Lu 2:47 ††† 7:16 Jo 12:49, 14:10 † 7:18 Jo 5:41, 8:50 †† 7:19 Ap 7:53; Ro 2:21-24 ††† 7:20 Jo 8:48, 52, 10:20 †† 7:21 Jo 5:16 ††† 7:22 Lev 12:3, Jen 17:9-13

Moses ketpi yi yerekir yink ke nikerek hirakit ti. (Nipaa maaamrer ninin niriak menmen im. Moses au.) Yi yerekir yink ke nikerek hirakit ti me wi Sabat te yi yises him me Moses. ²³ ††Yi yiriak menmen im me wi Sabat, te yi yises him me Moses werek werek. Te yi yenmak yi han enuk yeriuwa yentar hi hikaap mitik kinap hirak kire yaaik me wi Sabat a? ²⁴ ††Yi ap han ekitet menmen hi etpiyem eiyintar yi han kitet hi heremir him yi yisesim. Yi han ekitet menmen werek werek te yi eiyirtei menmen hi hetpiyem hiram yaaim.”

Mit han natip Jisas hirak mitik Krai

²⁵ †††Mit han nau Jerusalem natip, “Mit iuwe ninin naanmiprai hir hanhan naninep mitik ik kaki. ²⁶ Te yi eiyirek. Hirak katip mit menmen mirak keit wit yaaik me ninaan mir, te mitik hak ap kesiuwek him au. Mit iuwe han kitet mitik ik hirak Mitik Krai kerek God keriuwetek kaknen kakikaap haiu mit o au a? ²⁷ †††Karkeik te hirak Mitik God kehimitanek kaknen kakikepai a? Haiu mertei mitik ik ek wit kirak. Maain wi Mitik Krai kerek God kehimitanek kaknen in, haiu mit ap te nanirtei hirak keke nein kan au!”

²⁸ †††Jisas keit winak ke God katip him iuwe kar ik: “Yi han kitet yi yertei hi keimin, yi yertei wit hi hewik. Te yi yepitari hi ap han weinim au. Mitik kerek hirak keriuweta hi han ik, hirak kerekkek kepu, te yi au yepitariyek. ²⁹ Hi hertei ek werek werek entar hi nipaa hau hetikerek hirak keriuweta hi han ti ik e.”

³⁰ †††Hirak katip menmen im epei au, mit iuwe hanhan nantiwek his nanwisik kakikre winak enuk ke gavman. Hir ap netiwek his nentar wi kerek maain hirak kaki hiram ap epei man wen au. ³¹ †††Mit yapirwe ne mit kerek nemtau him mirak hir nisesik. Hir natip nar ik: “Maain Mitik Krai kerek God kehimitanek hirak kaknen ap te kakinin menmen yaaim iuwe mitik ik kiriakem taauye! Mitik ik hirak Krai!”

Mit iuwe neriuwet mit polis nan nanithis Jisas nanwisik kakikre winak enuk

³² Mit ne Farisi kerek ninin nertei him me Moses hir nisesim, hir nemtau mit natipan nar ik me Jisas, te hir netike mit iuwe pris neriuwet mit naanmipre winak ke God en hir nan nanit his Jisas. ³³ ††Hir epei nan, Jisas katip, “Hi wen hahu hatikewi wi ham, te maain hi pike ano hahu atike hirak kerek nipaa keriuweta hi han ti ik e. ³⁴ †††Maain yi yayinyayitno te yi ap yainepya au. Hi ano wit kerek yi ap te yayisisa yainen taau.”

³⁵ Hirak katip epei au, mit iuwe ne Isrel natipan nar ik: “Hirak kakno nein te haiu ap mamnapinek a? Hirak kakno kakrer wit wit me mit ap ne weiwik me Isrel kerek mit han nai ne Isrel newiyen te hirak kaktip mit ne weiwik me Grik him me God a? ³⁶ Kenmak te hirak katip menmen im: ‘Maain yi yayinyaitno te yi ap

† 7:23 Jo 5:8-10, 16 †† 7:24 Lev 19:15; Ais 11:3-4; Jo 8:15 ††† 7:25 Jo 5:18 ††† 7:27 Jo 7:41, 9:29 ††† 7:28 Mt 11:27; Jo 8:55 18 7:30 Jo 7:44, 8:20, 13:1 19 7:31 Jo 2:23, 8:30, 10:42, 11:45, 12:11, 42 20 7:33 Jo 13:33 21 7:34 Jo 8:21, 13:36, 17:24

yainepya au. Hi ano wit kerek yi ap te yaisisa yainen taau?"

Jisas hirak kire tipar yaaim mamkaap mit nanu werek

³⁷ †Me wi mikaru me mit hir nererik naam menmen, hiram wi iuwe epei man, Jisas kekrit kerp katip keriuwe him iuwe kar ik: "Keimin him niu enuk (o mar kewenkikiwek him) kaknen kakira te kakim tipar mei." ³⁸ ††Menmen im hiram mar ke him me God metpim. Hiram matip, "Keimin kisisa, te menmen yaaim mamu mamit maain mire hitik meke han kirak mamnen witeik." ³⁹ †Jisas katip him im me God Himin Yaaik kerek neimin nisesik, te hir nantiwew kaku kakikre han kir. Me wi im God Himin Yaaik ap kan wen au kentar Jisas ap kaa pike kekrit ken wit ke God keit menmen iuwe wen au.

Mit newep hasini pinan pinan nentar him me Jisas

⁴⁰ ††Mit yapirwe nererik menep menep nemtau Jisas, hir natip him mar im: "Mitik ik ek hirak kire mitik profet hirekes kinin kaknen me wi menep Mitik Kraiskaknen." ⁴¹ ††Mit han natip hirak kerek Mitik God kehimitanek keriuwetek kaknen ek. Te mit han natip, "Mitik kerek God keriuwetek kaknen ap te mitik kei ke provins Galili taau!" ⁴² ††Tiwei me God matip, "Mitik God keriuwetek kaknen hirak nepenyek ke mitik Devit. Te mite wawinaak kakit Betlehem kerek wit nipaa Devit kewi en." ⁴³ ††Te hir mit yapirwe nererik newep nau ninin pinan en han kitet him ham, pinan natip han kitet him ham me Jisas. ⁴⁴ †Hirak katip menmen im epei au, mit han hanhan nantiwewhis nanwisik kakikre winak enuk ke gavman. Te hir ap netiwewhis nentar wi kerek maain kaki ap man wen au.

Mit iuwe ninin naanmipre mit ne Isrel ap nises Jisas au

⁴⁵ Menmen im epei au, mit in naanmipre winak ke God ninaaiwir Jisas pike nen natip mit iuwe pris ninin naanmipror, netike mit ne Farisi. Te hir netpor, "Yenmak te yi ap yetiwewhis yeiyik yan in a?" ⁴⁶ Te mit in ne winak iuwe ke God netpor, "Mit nei ap nipaa natip nar ke mitik ik ek hirak katip."

⁴⁷ Te mit ne Farisi neneri netpor nar ik: "Hirak kari han ki ketike mit miyapir en a?" ⁴⁸ Yi ap yir mitik kei kerek kinin naanmipri ek o haiu mit ne Farisi mises him mirak au! ⁴⁹ Mit yapirwe in en ap nertei him lo me Moses nisesim werek nar ke haiu mit au. Te God kakriwaank kakit ninaan mirak me wi maain hirak skelim haiu mit ne ti." ⁵⁰ Nikodimas kerek nipaa ke witaan ken kir Jisas hirak mitik kiutip ke hir mit ne Farisi hirak ketpor, ⁵¹ "Him lo maiu hiram matip haiu mit iuwe eminin mamintau him mitik hirak ketpim, mamir menmen hirak kirakem, te maain haiu matip hirak yaaik o enuk.

Haiu emimtau him mirak werek, te haiu emirtei menmen hirak kirakem werek werek."

⁵² Te hir nenerek netpiwek, "Ti enuk ke Galili har ke mit en a? Ehir tiwei me God werek werek te ti ertei mitik profet kei ap te kaknen in hirak ke provins Galili auye!"

Him me mite wari mitik his wewenem

8 [Hir natip epei au, hir mit yapirwe kerek nererik hir nen wit kir, te Jisas ken miniu (o neiyip) mit newek wit Oliv. ² Teipmen wen hekrit enum eik, Jisas ken winak iuwe ke God. Te mit yapirwe nenerik neweikniwek nau ti te hirak ketpor him. ³ Mit iuwe ninin nertei him lo me Moses natip mit em, hir netike mit ne Farisi neit his mite kerek epei wetike mitik hak hir niriran hir neiyip nan. Hir netpiwe werp ninin ke ninaan me mit. ⁴ Hir natip Jisas nar ik: "Mitik luwe, mite ip ep epei wari mitik hak his wewenem te mit han niri. ⁵ Him lo Moses keweteiyem matip mite wiriak menmen enum mar im haiu emwir nan mamip wawi. Te in ek ti atip mekam?"

⁶ Hir natip him mar im me nanri han ke Jisas te hir nesiuwek him nantiwew his kakno winak enuk. Te hir ap nanmitiwewpin au. Hirak kertei, te hirak kitehir kenke his tiwak kirak kewis him miwaa ti.

⁷ Te hir au nerp nitiwewkhi menmen. Jisas kekrit kari hirekes werek te hirak ketpor, "Mitik keimin kiutip ke yi mit kerek ap kises menmen enum kirakem au, hirak ekinin ekwir nan ekip." ⁸ Hirak katip epei au, hirak kitehir kewis him meriuwe histuwak kirak mau ti. ⁹ Te hir nemtau him Jisas ketpor kar ik, hir nenepep nire ne kiutip kiutip nen witeik. Mit iuwe niutip niutip ninin netpaan, hir mit han weinin nikaru ere hir ninaaiwir Jisas kiutip kepeit ninin ein ketike mite kerepep weperp. ¹⁰ Jisas kekrit kerp kari hirekes te hirak ketpiwe, "Hir mit neit nein? Ap kei kiutip kerp in te hirak kaksiwut him me menmen enum ti hiriakem?"

¹¹ Mite wewenhi watip, "Mitik luwe hir epei nen. Ap kei kiutip kerp in au."

Jisas ketpiwe, "Hi ap te heswut him me menmen im enum ti hiriakem taau. Ti enaaiwir in eno, te ti ap pike eriak menmen enum au emit!"

Jisas kirak kire wepni kir ke ti ik ek

¹² Jisas pike katip mit nisesik kar ik: "Hi hir hire wepni ke ti ik ek. Keimin kisisa kemtau him mai, hirak ap kakises menmen enum mire witaan toto taau. Hirak kakises menmen mai yaaim mir mire wepni te hirak kakit himin yaaik kaku kakit."

¹³ Mit ne Farisi natip Jisas, "In ek ti etpim me ti hirekes. Menmen im ti etpim hiram menmen weinin meteiknai ti keimin au."

¹⁴ Jisas ketpor kar ik: "Au, menmen hi hirekes eriakem hatip me hi hirekes hiram yaaim werek hentar hi hertei hi eke nein han te hi ano nein. Te yi ap yertei hi heke nein han o hi pike ano nein. ¹⁵ Yi skelim hi te yises menmen enum me ti. Yi ap yertei werek menmen

† 7:37 Lev 23:36; Ais 55:1; Jo 4:10, 14 †† 7:38 Ais 58:11; Sek 14:8 † 7:39 Jo 16:7, 20:22; Ap 2:4 †† 7:40 Diu 18:15; Jo 6:14; Ap 3:22 †† 7:41 Jo 4:29, 1:46, 7:52 ††† 7:42 2Sml 7:12; Sam 89:3-4; Mai 5:2; Mt 2:5-6 ††† 7:43 Jo 9:16 † 7:44 Jo 7:30

me hi hiriakem te yi wen yeswo him. Te hi ap skelim mitik kiutip kerekek kar ik au. ¹⁶ Te hi kitet mit nanirp ninaan mai me menmen hir niriakem hiram te yaaim werek mentar hi ap hirekes kiutip skelim hir mit me menmen im. Haai kai God kerek keriuweta hi han in hirak kau ketikewa kekepa hawir wiriak menmen im. ¹⁷ Hiram him lo mi matip mitikit wiketeret tatip menmen miutip hirap yaaim werek mentar hirakit tatip him miutip mipiram. ¹⁸ Hi hetpi me hi hirekes hi Mitik ke wit ke Mitik luwe. Haai kai kerek keriuweta hi han in hirak ketikewa hawir wewepyapir hi keimin."

¹⁹ Hir mit en nitiwekhi, "Haai kit keik?"

Jisas ketpor, "Yi ap yertei hi keimin te yi yepitari Haai kai. Yi yerteiya te yi yayirtei Haai kai." ²⁰ Jisas ketpor him im keit winak iuwe ke God, keit haau kerek mit newis pewek mekre bokis newet God em miwaai en. Te mit nei ap newirek kekere winak enuk nentar wi mirak hirak kaki ap epei man wen au.

Yi ap te eitikewa yaino wit kerek hi anori en taau

²¹ Jisas pike ketpor keteipim, "Hi ano ehit en ehit (o ano auwesi ehit). Te yi maain yayinyaitno te yi yayi yeriuwe menmen enum yi yiriakem. Te yi ap eino nein kerek hi ano en taau."

²² Te mit iuwe ne Isrel natip, "Hirak katip kar ik, 'Yi ap yaino wit kerek hi ano taau.' Him im hirak ketpim mire hirak kaknep hirekes kakit nein te haiu ap mamno mamtikerek?"

²³ Jisas kewenhi ketpor, "Yi mit yi ne ti ik ek keriyen. Te hi au hi ke ti ik au. Hi ke wit kau niu. ²⁴ Mar kere-mem te hi etpi yi yayi yeriuwe menmen enum mau mekre han ki. Yi ap yerteiya hi Mitik God keriuweta hi han ti ik e. Te yi yaino si yayintar menmen enum yi yiriakem."

²⁵ Hir nitiwekhi, "Ti keimin?"

Jisas kewenhi ketpor, "Hi epei hetpi him menmen nipaa ein ek, wi kerek hi hinin hewepiyapir him God ketpewem. ²⁶ Menmen yapirwe yi yiriakem te hi etpiyem skelim yi mit ariuwereh ahir ke mitik masistret hirak kiriakem. Te hi ap ariakem in ek au. In ek hi etip yi mit ne ti him me Mitik luwe kerek hirak keriuweta hi han in hirak yaaik hirak ketpewem te hi epei hemtewem. Hi ariak menmen im keremem. Menmen ham au."

²⁷ Hir ap mertei menmen hirak ketporem me Haai kirak God ek au. ²⁸ Te hirak ketpor, "Maain te yi eiriak hi Mitik ke wit ke Mitik luwe yewerikika hahu nu tentarakit, te yi yayirtei hi keimin hi hirekes. Te maain yi eiyirtei hi ap hiriak menmen me hi hirekes au. Hi hetpi menmen miutip kerek epei Haai kai ketpewem.

²⁹ Hirak kerek keriuweta hi han ti ik hirak kepu ketikewa. Hirak ap kinaiwira hi kiutipen hepup. Au, hekrit hi hemtau menmen mirak hisesim te hirak han yaaik keriuwa." ³⁰ Mit yapirwe nemtau him me menmen Jisas ketpim, te hir nisesik.

Jisas katip him me mit nau werek, mit au nau enum

³¹ Jisas katip mit ne Isrel kerek nemtau him mirak nisesik kar ik: "Yi yises him mai hi epei hetpiyem yi yire mit disaipel nai. ³² Yi yayirtei him yaaim werek, te him yaaim im mamkepi yainepim yaikeipin menmen enum, yar ke mitik epei ketpaan kinaaiwir winak enuk."

³³ Mit han en natip, "Haiu nepenyerer ne mitik Ebrahim. Haiu ap nipaa mire mit niriak menmen weinim me mitik hak kerek naanmiprai au. Ti henmak te ti atip him im em, 'Yi yayu yaaim werek yainopin yaikeipin menmen enum yar ke mitik epei ketpaan kinaaiwir winak enuk a?"

³⁴ Jisas ketpor, "Hi hetpi werek. Yi mit yapirwe kerek yi yiriak menmen enum yi yar ke mit nekre winak enuk ke menmen enum yi yisesim hirak mewenkeki mari han ki yi ap te einaiwirem au. ³⁵ Mit kerek nepu nekre winak enuk ap te nanises han kir nanriak menmen au. Te mitik kerek kepu witeik hirak kepu kepeit en kises han kirak kiriak menmen. ³⁶ Te hi Nikan ke God hi herekyi yi eire yaain einopin eikeipin menmen enum, te yi eiyu werek werek. ³⁷ Hi hertei yi nepenyerer ne Ebrahim. Te yi yayiyep yayintar yi ap yemtau him mai yisesi. ³⁸ Hi hetpi menmen nipaa Haai kai epei keteiknewem, te yi yiriak menmen kerek nipaa haai ki hirak ketpiyem."

Jisas katip mit haai kir hirak Seten

³⁹ Hir newehi netpiwek, "Haai kiau hirak Ebrahim." Jisas ketpor, "Yi nikerek ne Ebrahim hiras, te yi yairiak menmen yaaim mamir ke hirak kiriakem. ⁴⁰ Te menmen hi epei hetpiyem hiram him yaaim werek hi hemtewem meke God man. Te yi wen hanhan yaitip yayiyep. Ebrahim hirak kinapen menmen im. ⁴¹ Yi yiriak menmen kerek haai ki kiriakem."

Hir nenerek natip, "Miyerer nau ap niwaai netike mit han te hir ninaiu nar ke ti au. Haiu Haai kiau kiutip God hirekes."

⁴² Jisas ketpor, "God hirak Haai ki hirekes, te yi han tewenina. Hirak keriuweta hi heke wit kirak han te hi hau in ek. Hi ap hises han kai hinaaiwir wit te hi han ti ik auye! Haai kai keriuweta. ⁴³ Yi yenmak te yi ap yertei menmen hi epei hetpiyem a? Yi yepitariyem yentar yi ap yau werek werek yemtau him mai. ⁴⁴ Yi nikerek ne haai ki Seten, te yi hanhan yayises menmen enum mirak. Nipaa enum eik wi kerek hirak kinin kau ek, hirak enuk kenepep mit naa. Hirak ap pike kire yaaik mei kike au, kentar hirak ap katip him yaaim mamkaap mit au. Hirak enuk kemipin mit kari han kir mekrerek. Hekrit hekrit hirak enuk kemitetpin, hirak haai ke mit hir nemitetpin. ⁴⁵ Hi hetpi him yaaim ap hemipin au, te yi ap yisisa yentar menmen hi nepei hetpim me Seten. ⁴⁶ Keimin kiutip ke yi ektip menmen hi epei hiriakem hiram enum? Hi hetpi him yaaim te yi yenmak yi ap han kiteta? ⁴⁷ Mit kerek hir nikerek ne

God hir enimtau him me God. Te yi ap nikerek ne God au yentar yi ap yemtau him mirak."

Ebrahim miye pirak winaak wen au, hi hininek hepu

⁴⁸ Mit iuwe ninin naanmipre mit han ne Isrel hir netpiwek, "Nipaa haiu matip werek. Ti hirekes mitik enuk ke wit Sameria herwe kewit te ti han ken sip."

⁴⁹ Jisas kewenhi ketpor kar ik: "Hi herwe ap mekra au. Hi hewenipi niuk me Haai kai keremem, te yi au yetpo enum ap yewenipi niuk mai au. ⁵⁰ Hi ap hiriak menmen te mit nantip hi yaaik iuwe au. Maain God kakteikin mit hi yaaik iuwe, hirak han ekitet menmen hi hiriakem. ⁵¹ Hi hetpi werek. Neimin nises him mai, hir ap te nani au. Hir nanu nanit tipmain tipmain enum eik."

⁵² Mit iuwe ne Isrel netpiwek, "In ek haiu mertei herwe enum mersis han kit te ti han ken sip. ⁵³ Mitik Ebrahim ketike mit profet kerek newepyapir him me God natip mit em, hir epei naa. Te ti hatip neimin nises him mit te hir nanu nanit tipmain tipmain enum eik. Ti iuwe hinin Ebrahim ketike mit profet a? Ti han kitet ti keimin a? Ti han kitet ti hire God a?"

⁵⁴ Jisas katip kar ik: "Hi hirekes hewenipi niuk mai hiram menmen weinim. Hi au Haai kai kerek yi yatip yi yisesik yewenipiyek hirak kewenipi niuk mai. ⁵⁵ Yi yatip yi yerteiyek, te ti yisesik au. Hi herteiyek hisesik. Hi hatip hi hepitariyek, te hi mitik enuk hemipin har ke yi mit. Au, hi herteiyek, hi hises him mirak. ⁵⁶ Maam ki Ebrahim hanhan kakir wi kerek hi anaaiwir wit ke Mitik luwe eweikin hire mitik anen hahu ti ik atike yi mit. Hirak epei kerek te hirak han yaaik."

⁵⁷ Mit iuwe ne Isrel netpiwek, "Ti ap epei enuk he mitik wen au, ti epei hir Ebrahim a? Taauye!"

⁵⁸ Jisas ketpor, "Hi hetpi werek Ebrahim miye pirak winaak wen au, hi kerek hepu."

⁵⁹ Hirak katip epei au, mit neit nan nanwirem nankip. Au, Jisas kiune hirekes hirak kinaaiwir winak iuwe ke God ketpaan ken witeik.

Him me mitik nanamir toto Jisas kekepik kire yaaik

9 Jisas keke ti kepno, hirak kir mitik hak kerek miye winaak hirak enuk nanamir toto. ² Mit disaipel nirak nitiwekhi nar ik: "Mitik luwe, neinin niriak enum te miye pirak winaak te hirak nanamir toto? Hirekes o miye haai nirak?"

³ Jisas ketpor kar ik: "Mitik ketike miye haai ap niriak enum au. Hirak nanamir toto kentar God kiriak menmen yaaim kakriuwerek kakteikin mit em. ⁴ Haiu emriak menmen me God kerek keriuweta hi han. Haiu emriakem me wi hirak kimat haiu mamriakem. Haiu emriakem emintar maain wi mamnen te mit ap te nanriak menmen mar im au. ⁵ Hi wen hepu ti ik ek, hi hire si mir meteikin mit yapirwe yayiwe, hi heteiknor menmen me God."

⁶ Hirak katip menmen im epei au, hirak kenikin timank men ti keweiknim mire toni, hirak kewisim mau nanamir ke mitik eik. ⁷ Hirak kewisim epei au, hirak

ketpiwek, "Ti eno ekir ekre wan niuk mirak Siloam." (Haiu meweikin him im haiu matip 'Mit neriuwetem men.'). Jisas ketpiwek epei au, hirak ken kekemyet ninaan te hirak pike kan kir ein ein werek werek.

⁸ Hirak epei kan, te mit nau menep nirapitek netike mit han nirek nipaa kau ti ek kitehi mit me pewek, hir natipan nar ik: "Mitik ik nipaa kau ti kitehi mit nanwetiwewek pewek. Mitik ik o au a?" Mit han en, hir natip, "Mitik ik ninaan mirak mar ke mitik hak eik kau ti."

⁹ Mit han natip, "Mitik ik kerek nipaa kau ti kitehi mit pewek." Au, mit han natip, "Hirekes au. Hirak ninaan mirak mire mitik kerek nipaa nanamir toto ek." Hirak ketpor, "Au, hi mitik hirekes kerek nipaa nanamir toto."

¹⁰ Hirak ketpor, te hir nitiwekhi, "Ti harkeik te nanamir kit yaaik te ti hir ein ein a?"

¹¹ Hirak ketpor kar ik, "Mitik ik hir nenewek Jisas kenikin timank mau ti keweiknenim ere mire toni, te hirak kewisim mau nanamir kai te hirak ketpo kar ik: 'Ti eno ekemyet ninaan emikre wan niuk mirak Siloam.' Epei au, hi hen hekemyet ninaan mai te nanamir kai kire yaaik hi hir ein ein werek werek." ¹² Hirak katip epei au, hir nitiwekhi, "Hirak keit nein?" Hirak katip, "Hi hepitariyek."

Mit ne Farisi nitehi mitik me menmen Jisas kiriakem

¹³ Hir mit neithis mitik ik kerek nipaa nanamir enuk toto ek hir neriyaak ketikeri nen nir mit ne Farisi kerek ninin nises him me Moses. ¹⁴ Wi kerek Jisas kewis toni kau mitik nanamir toto te hirak nanamir yaaik kesiu-pan kir ein ein werek werek, hirak kiriak menmen im me wi Sabat kerek mit ap niriak menmen au. ¹⁵ Hirak ketikeri nen nir mit ne Farisi, hir nitiwekhi pike kakitpor karkeik te hirak in ek kir ein ein. Hirak kewenhi katip, "Mitik hirak kewen toni kau nanamir kai, hi hekekyet te hi hir ein ein." ¹⁶ Mit han ne Farisi natip, "God keriuwet mitik ik au kentar hirak kiriak menmen me wi Sabat ap kises him me Moses au." Mit han natip, "Mamirkeik te mitik enuk kakriak menmen yaaim mamir im?" Hir mit newep nau nimin. Pinan natip Jisas enuk, han pinan natip hirak yaaik.

¹⁷ Mit ne Farisi nitehi mitik neteipim nar ik: "Ti han kitet mekam me mitik kerekjut nanamir? Hirak yaaik?" Hirak ketpor, "Hirak mitik profet kerek." "

¹⁸ Mit iuwe ne Isrel nertei mitik ik au, te hir ap han kitet nipaa hirak nanamir enuk toto, te in ek hirak kir ein ein. Hir nemtau him mirak au ere hir nitehi miye haai nirak. ¹⁹ Hir nitorhi nar ik: "Ik ek hirak nikan kit kerek nipaa yi yinaak ek, hirak nanamir toto? Karkeik te hirak kir ein ein?"

²⁰ Miye haai nirak netpor, "Haiu mertei ik ek nikan kawir kerek hawir winaak hirak nanamir toto, hawir werteyek. ²¹ Hawir wepitari hirak karkeik te hirak kipir ein ein. Yi eiyyitiwekhi. Hirak epei kire iuwe. Hirak kirekes kakitpiyem." ²² Miye haai nirak natip nar ik nentar hir ninaain mit iuwe ne Isrel. Mit iuwe nipaa natip keimin katip Jisas hirak Mitik Krai kerek kaknen kakikaap haiu mit, hir ap nanweniwekhi kaknen winak kerek mit nererik nekine him me Moses neitai au.

²³ Miye haai nīrak nertei menmen im te hīr netpor, “Hīrak epei iuwe, te yi eiyitiwekhi em.”

²⁴ Mit iuwe pike nari mitik kerek nīpaa nanamir toto ek hīrak kan te hīr netpiwek nar ik: “Ti ewenipi niuk me God, te ti atip werek. Haiu mertei mitik ik ap kises God werek werek o au. Ti ewepyapirek hīrak enuk.”

²⁵ Hīrak ketpor kar ik: “Hi hepitari mitik ik hīrak yaaik o enuk. Menmen miutip hi hertei. Nīpaa hi nanamir toto, te in ek hi hīr ein ein werek werek.”

²⁶ Hīr pike nitiwekhi, “Hīrak kerekjut mekam? Hīrak karkeik te hīrak keniput nanamir kit kire yaaik?”

²⁷ Hīrak ketpor kar ik: “Hi epei hetpiyem, te yi ap yisesim werek werek au. Yi yenmak te yi hanhan yayimtwem yaiteipim a? Yi hanhan yayisesik yi yayir disaipel nīrak a?”

²⁸ Hīrak katip epei au, hīr han enuk netpiwek enum nar ik: “Ti kerek hises him mirak. Haiu auye! Haiu mises him me Moses! ²⁹ Haiu mertei God katip Moses him mirak, te mitik ik weinik haiu mepitari keimin keriuwetek kan.”

³⁰ Mitik keneri ketpor kar ik: “Menmen im yaaim menipa hi heniuwesis. Yi yepitari keimin keriuwetek hīrak kan, te hīrak kekepa kiriak nanamir kai kire yaaik.

³¹ Haiu mertei God hīrak kemtau him me mit enun hīr nitiwekhi menmen au. Hīrak kemtau him keremem me mit yaain hīr niriak menmen God hanhan hīr nisesi.

³² Nīpaa God kewis ti ere in haiu ap memtau mitik hak kikaap mit nanamir enum toto, te hīr nir ein ein werek werek au. ³³ God ap keriuwet mitik ik te hīrak ap kakriak menmen werek werek taauye!”

³⁴ Hīr mit nemtaantiwo nenerek nar ik: “Nīpaa miye pit winit ti enuk mitik weinik, te ti han kitet ti mitik iuwe hetpai menmen me God a?” Hīr netpiwek epei au, hīr nepirek ken witeik.

Mit ap nises him me Jisas hīr nire mitik nanamir toto

³⁵ Jisas kemtau hīr epei nepirek ken witeik, te hīrak kinketniwek. Hīrak kinapinek epei au, hīrak kitiwekhi kar ik: “Ti kerek hises him me mitik ke wit ke Mitik luwe o au?”

³⁶ Mitik ik kitiwekhi kar ik: “Mitik luwe, ti etpo hīrak keimin te hi hises him mirak.”

³⁷ Jisas ketpiwek, “Ti epei hirek hīrak kerek in ek hīrak ketput menmen.”

³⁸ Hīrak pike katip Jisas kar ik: “Mitik luwe, hi han kitet ti Mitik ke wit ke Mitik luwe.” Te hīrak kewen ninip kewenipi niuk mirak.

³⁹ Te Jisas katip, “Hi han ti ik te hi hewepyapir neimin nises God, neimin hīr au. Hi han akaap mit netari him me God te hīrak kakrekpor han kitet hīr nanamir toto te hīr nanisesik nanirteiyek werek werek. Hi han te neimin hīr han kitet hīr epei nertei him me Moses werek werek, hi heteiknor hīr ap nises God werek werek au. Hīr nire mit enun nanamir toto.” ⁴⁰ Mit han ne Farisi nerp netikerek nemtau menmen hīrak ketpim, hīr netpiwek nar ik: “Ti ap han kitet haiu nanamir toto metike mit yapirwe weinin au a?”

⁴¹ Jisas ketpor, “Yi yepitari hi keimin te God ap han kitet menmen yi yerekyewem hīram enum iuwe au. Kike. Te in ek yi yatip yi yertei menmen me God werek werek, te menmen enum mekre han ki hīram emu emit!”

Him me Jisas naanmipre sipsip

10 “Hi hetpi werek werek. Mitik kerek ap kitet ya weipir kakno niwa ke sipsip au, hīrak kiniu niwa keke han kerekir ken nimin ein, hīrak mitik enuk kekintip menmen. ² Te mitik kerek kitet ya weipir hīrak mitik ke naanmipre sipsip. ³ Mitik kerek kekiwo niwa kau ya weipir kire mitik ik, hīrak kewisik ken nimin hīrak kakno nimin te sipsip mamimtau him mirak, hīrak kekine niuk me sipsip miutip miutip, hīrak keriyaam keiyim kakno wit eik. ⁴ Hīrak kari sipsip mirak hīrak kinin kakno. Sipsip hīram misesik mentar hīrak keninewem (o keninorem), hīram memtau tonik mekre nikip te hīram misesik. ⁵ Te mitik hak taau. Hīram mineinik mirir mentar hīram ap memtau tonik mekre nikip kire mitik kerek naanmiprewem (o naanmiprorem) au.”

⁶ Jisas katip mit ne Farisi him im, te hīr ap nertei menmen werek werek hīrak ketporem me hirekes au.

Jisas katip hirekes kire mitik naanmipre sipsip

⁷ Mit netari menmen hīrak ketpim te Jisas pike katip kar ik: “Hi hetpi werek werek hi hirekes hire weipir ke sipsip. Hi hikaap mit hīr nire sipsip hīr nanises him me God. ⁸ Mit yapirwe nīpaa ninin nan naanmipre mit ne Isrel hīr mit enun nire mit nekintip menmen. Mit hīr nire sipsip ne God ap nises mit in au. ⁹ Hi hire ya weipir. Neimin nisisa hīr nire sipsip naninen nimin niwa, te hīr nanu werek maain nanino witeik naninantin yenkis yaaim nanim. ¹⁰ Mitik enuk kekintip menmen kaknen te kakit menmen kaknep sipsip kakiwaank menmen. Hi au hi han te hīr nani au. Hīr nanu werek werek nanir ke God hanhan hīr nanwim.

¹¹ “Hi hire mitik yaaik naanmipre sipsip hi hahi akaap sipsip nai te hīr nanu werek werek. ¹² Mitik kerek naanmipre sipsip kakit pewek mamrerim, hīram ap sipsip mirak. Hīrak kir nepere iuwe ke yaank kaknen, hīrak kinnaan kirir te nepere iuwe ke yaank kemiyei sipsip ken kiyaau kiutip kakip, te hīram ham mirir mewep ein mewep ein. ¹³ Mitik kar ik kirir kentar hīrak ap hanhan sipsip au. Hīrak naanmiprewem kakit pewek mamrerim keremem. ¹⁴ Hi hire mitik yaaik naanmipre sipsip. Hi hertei werek werek mit neimin hīr nire sipsip nai, hīr nerteiya nisisa. ¹⁵ Hi hetike Haai kai werteiyakit mar im. Hi hertei mit nire sipsip nai, hīr nerteiya. Hi hetike sipsip nai hanhan meriuwehan te hi hahi akepi. ¹⁶ Mit han nire sipsip nai, hīr nepu, te hīr ap ne weiwik me mit nai ne Isrel au. Hi tewen haryei nantike mit han in te hīr nemtau him mai nanisisa. Maain hīr nanre weiwik miutip te hi kiutip naanmampror.

¹⁷ “Haai hīrak hanhan keriuwa hentar hi hanhan hahi akaap mit te hi pike akrit. ¹⁸ Mitik hak ap te kakiyep te hi hahi au. Hi han kai kerekkek. God ketpo menmen im

te hi ariakem. Hirak katip werek te hi hahi, maain hirak kakwisa hi pike akrit hahu."

¹⁹ Mit iuwe ne Isrel en hir newepan nau nimin pinan, han kitet menmen im, pinan au han kitet menmen ham nentar him mirak. ²⁰ Mit yapirwe natip, "Herwe kau kekrek, te hirak han ken sip hirak ketaritari katip menmen im em. Yi yenmak te yi yerp in yemtau him mirak a?"

²¹ Mit han natip him mirak ap him me mitik kerek herwe kau kekrek han kirak au. Herwe ap te kiriak mitik nanamir toto enuk ek te hirak kire yaaik kir ein ein werek werek au.

Mit iuwe ne Isrel neweikin sip newet Jisas

²² Jisas katip menmen im meit wit Jerusalem me wi mit nererik han tewenin nipaa mit nepir menmen enum mekre winak ke God, hir pike nikaisiu weipir, te hir pike nanino nimin newenipi niuk me God. Me wi im hiram mire hawi hitan. ²³ Jisas ken kitet winak iuwe ke God keit haau mit nenewem 'Hinp ke mitik iuwe King Solomon.' ²⁴ Hirak wen kepu en, mit iuwe ne Isrel neweikniwek nitiwekhi, "Wi marmenum te ti heteiknai haiu mamirteiyek. Ti etpai werek werek. Ti Mitik God kehimitanit ti akepai haiu mit o au?"

²⁵ Jisas ketpor, "Hi epei hetpi te yi ap han kitet him mai werek werek au. Menmen yaaim hi hiriakem heriuwe menmen iuwe me Haai kai hiram mewepayapir hi keimin. ²⁶ Yi ap yises him mai yentar yi ap yire sipsip nai au. Nipaa hi hetpiyem! ²⁷ Sipsip nai hir nanimtau him mai hi herteiri niutip niutip hir nisisa. ²⁸ Te hi ekepi te hir nanu nantikewa tipmain tipmain enum eik, hir nani au. Mitik hirak ap te kakri mit sipsip nai te hir ap nanises him mai naniwaank taau. ²⁹ Haai kai kerek kewetau mit in hirak kinin menmen yapirwe. Mitik hak ap kakri mit nisesik te hir nanweikin sip nanwetiwek naniwaank taau. ³⁰ Hi etike Haai kai hawir wekiyakit wepu niutip."

³¹ Hirak katip menmen in epei au, mit iuwe ne Isrel pike neit nan te hir nankip. ³² Jisas kitorhi, "Hi epei hiriak menmen yapirwe me ninaan mi hises menmen Haai kai kehimitena hi hiriakem. Me mekam miutip te yi eiwir nan yayiyep a?"

³³ Mit iuwe ne Isrel netpiwek, "Haiu mamitep me menmen yaaim ti hiriakem au. Haiu mamitep mamintar ti atip enum, ti hire mitik kerekrek, te ti hatip ti hirekes hire God."

³⁴ Jisas katip, "Him me God mau tiwei hiram matip mar im: ³⁵ 'Hi atip yi yire God.' Haiu mertei him me God mau tiwei hiram yaaim ap mamweikin matip him ham taau. God katip mit kerek hirak kewetir him mirak hir nire God. ³⁶ God Haai kehimitena hirak keriuweta te hi han hau ti ik ek te yi yenmak yatip hi hatip enum hentar hi etpi hi Nikan ke God a?"

³⁷ "Hi ap hiriak menmen Haai kai kehimitena, te yi ap eyises him mai au emit!

³⁸ Te hi hiriak menmen me Haai kai. Yi yinapen han ekitet him hi hetpiyem me Haai kai keriuweta hi han ti ik yentar hi mitik kerekrek. Te yi han ekitet menmen hi

hiriakem te yi yayirtei werek werek han ekitet Haai kai God ketikewa hawir wekiyakit wepu han kiutip."

³⁹ Hirak katip menmen im epei au, hir pike nan-tiwekhis nanwisik kakikre winaik enuk, te hirak kinai-wiri ken.

⁴⁰ Hirak kinaiwiri pike ken kerekir mani Jordan ken ki-un wit kerek nipaa Jon kikir mit, hirak kewiyen. ⁴¹ Mit yapirwe hir nan natip, "Jon ap kiriak menmen yaaim kikaap mit enun hir nire yaain kar ke mitik ik kiriakem. Te menmen hirak ketpei me mitik ik ek hiram yaaim werek." ⁴² Mit yapirwe nau en, hir han kitet hirak Mitik Kraiss kerek God kehimitanek kaknen kakikaap haiu mit.

Mitik Lasaras epei kaa

11 Mitik hak kiutip niuk mirak Lasaras, hirak kau wit Betani. Betani hirak wit kerek Maria wetike heiyouwe pire Mata newi en. ² (Nipaa mite Maria ip ep wewen tipar yaaim minin yaaim mire natin kipna em mentar hit me Mitik luwe Jisas. Epei au hire pike wenke paan kire pike weiyik wesiuniniwekem. Mite ip e hire yenten kire Lasaras. Hirak kinap.) ³ Hirak Lasaras kinap te Maria wetike Mata hir nesiuwe him men Jisas netpiwek, "Kit yinak Lasaras nepei kinap wisenum. Ti enen ekepi te hirak kakre yaaik." ⁴ Jisas kemtewem, hirak katip, "Lasaras kinap keremem ap te kaki herwe enuk kakno kakisine kakit au. Menmen im man te mit nanwenipi niuk me God, mit nanwenipi niuk mai hi Nikan ke God."

⁵ Jisas han tewenin Mata wetike kikire pire, netike yenten kir Lasaras. ⁶ Jisas kemtau him me Lasaras kinap, te hirak wen kepu wit kerek hirak kepwi en ere wi wiketerem. ⁷ Epei au, hirak katip mit disaipel nirak, "Haiu pike emno provins Judia."

⁸ Te mit disaipel newenek natip, "Mitik luwe, ti hanhan pike eno wit kerek nipaa ein mit nau en nanwir nan nanitep a? Ekit haiu emu in!"

⁹ Jisas katip kar ik: "Ap 12 aua me hekrit ere hinkewi a? Te mitik kakno kakitet yayiwe ap te kakrewo menmen kakinkewin kentar hirak wepni kir kan ti ik ek, hirak kir yayiwe hirak kitetik. ¹⁰ Te hirak kakno kaki witaan, hirak kakrewo menmen te kakinkewin kentar ap wepni kir keteikniwek menmen werek werek."

¹¹ Jisas katip him im em epei au, hirak pike ketpor keteipim kar ik: "In ek Lasaras epei kiwaai keit, te hi pike eno akotitek kakikrit kaku."

¹² Mit disaipel netpiwek nar ik: "Mitik luwe, hirak kiwaai, te hirak maain pike kakre yaaik. Te haiu emu in a?"

¹³ Jisas ketpor me Lasaras hirak epei kaa, te hir han kitet hirak keptor hirak kiwaai kerekrek.

¹⁴ Mar keremem te Jisas ketpor werek werek kar ik: "Lasaras epei kaa. ¹⁵ Te hi han yaaik hi ap hau hetikerek kerek wi hirak kaa kentar maain hi hekepik yi eyirtei God keriuweta hi han. In ek haiu emno emirek."

¹⁶ Mitik Tomas hir nekine niuk mirak ham nenewek Didimas, hirak katip mit disaipel han ne Jisas kar ik:

"Tis, haiu emno emtike Mitik luwe te haiu mami mamtikerek."

Jisas kan kir Lasaras yentenrer narak hir newepnak

¹⁷ Maain Jisas kan, mit netpiwek nar ik: "Wi tekyaaait Lasaras kaa, hir newisik kiwaai kekere han kewen kinik."

¹⁸ Wit Betani ap yanimin ke wit iuwe Jerusalem. Au menep kire 3 kilomita. ¹⁹ Te mit miyapir yapirwe ne Isrel epei nan Betani nanir Mata wetike Maria, hir enwenor han kir yaaik nentar yenten kir Lasaras epei kaa. ²⁰ Mata wemtau Jisas kaknen, hire wen te wawiyenpirek wawit yayiwe eik. Te Maria au wepu winak eik.

²¹ Mata wan watip Jisas, "Mitik luwe, nipaa ti epei enen ehu in te yenten kai ap te kaki taau. ²² Te hi hertei God in ek kakwetit menmen kerek ti hitiwekhiyem heriuwerem em."

²³ Jisas jetpiwe, "Yenten kit tewen kakikrit kaku kakre mitik."

²⁴ Mata wewenhi watip, "Hi hertei maain hirak kakikrit me wi kerek God kehimitenem skelim mit."

²⁵ Jisas ketpiwe, "Hi Haai ke mit pike nanikrit nanu. Hi Haai ke mit nanit himin yaaik. Neimin nises him mai, hir nani, te maain hi pike akian nanu nanit. ²⁶ Neimin kerek nau nisisa hir keriyen nanit himin yaaik nanu nanit tipmain tipmain enum eik. Ti han kitet him mai hisesim o au?"

²⁷ Mata wewenhi war ik: "O Mitik luwe, hi hises him mit. Hi hisesit hentar hi hertei ti Nikan ke God, ti Mitik kerek God kehimitenit ti han ti ik e."

Jisas kikit kerwe kaa

²⁸ Mata watip him im epei au, hire pike wen wenine kikir pire Maria. Hir wik hasini hire wetpiwe main main war ik: "Mitik luwe epei kan kitauhi hi hetput ti eno ehirek." Hire wetpiwe epei au, hire wen wiriak menmen. ²⁹ Maria wemtau him im em, hire wesiukin wasenum wen wawir Jisas. ³⁰ Jisas ap epei kan kiun wit ik wen au. Hirak wen kepeit wit kerek Mata epei wen wirek kewiyen. ³¹ Mit miyapir ne Isrel neit winak kir enwenin han kire hir nir Maria hire wesiuknen wasenum wen, te hir nisesiye. Hir natip, "Hire waunine herwe hei te hire waukitek."

³² Te Maria epei wan wiun wit kerek Jisas kewiyen, hire wirek wenke wiwaai hit mirak wewenpiyek. Hire watip, "Mitik luwe, nipaa ti epei enen in ne, te yenten kai ap te kaki au."

³³ Jisas kirep wikit, te mit miyapir ne Isrel kerek epei netikerep hanhan ek hir nipkitek, hirak han enuk te hirak han kirak kekrit. ³⁴ Te hirak kitwehi kar ik: 'Yi yewisik kiwaai nein?"

Hir natip, "Mitik luwe enen ehirek."

³⁵ Jisas han teweninek kikitik. ³⁶ Mit han en ne Isrel natip, "Eiyirek, hirak hanhanek wisenuk."

³⁷ Te mit han natip, "Hirak nipaa kirak mitik kerek nanamir toto hirak kir ein ein ek a? Hirak ap te kakikaap Lasaras kaa au a?"

Jisas kikiak Lasaras kekrit kepu

³⁸ Jisas han enuk han kekrit, te hirak ken han kerek mit epei newisik kiwaairi en. Han ik kerekek nipaa hir nekinik kekere nan hir newis nan keiyepet him kirak.

³⁹ Jisas katip, "Yi eiyinke nan ik eknepin."

Mata yenten kire kerek kaa ek, hire watip, "Mitik luwe, hirak epei kaa ere wi tekyaaait epei men, te hirak epei kinin enuk. Ti ap ekeisiuwek ekit!"

⁴⁰ Jisas ketpiwe, "Hi hetput ti ehises him mai te ti tewen hahir menmen iuwe me God mamnen." ⁴¹ Hirak katip epei au, hir nenkre nan ken pin, Jisas kikiamnaan katip, "Haai ti yaaik ti epei emtau menmen hi hituthiyem. ⁴² Hi hertei me wi yapirwe ti hemtau him mai, te hi hatip him im em hentar mit in en, te hir nanirte ti heriuweta hi han ti ik ek."

⁴³ Hirak kitehi God menmen im epei au, hirak kenine him iuwe kar ik: "Lasaras, ti etpaan enen witeik." ⁴⁴ Te mitik kerek kaa ek hirak ketpaan kan witeik. His hit mirak hir newenkekim meriuwe laplap kerek nipaa hir neiyim newisik ek, te laplap ham mewenkikiwek ninaan mirak. Jisas ketpor, "Yi eisiupeniwek laplap einaiwirek ekno."

Mit iuwe ne Isrel nimenipinan natipan naninep Jisas kaki

(Mt 26:1-5; Mk 14:1-2; Lu 22:1-2)

⁴⁵ Mit miyapir yapirwe ne Isrel kerek epei nan nir Maria, hir nir menmen Jisas kirakem, te hir han kitet hirak Mitik kerek God keriuwetek kan ti ik. ⁴⁶ Au, mit han pike nen natip mit ne Farisi me menmen Jisas epei kirakem.

⁴⁷ Te mit ne Farisi netike mit iuwe ne pris netike mit ne kaunsil hir nererik natip nar ik: "Haiu emriak mekam? Hirak epei kirak menmen iuwe mar im! ⁴⁸ Te haiu mamwisik kakriak menmen mampar im, te mit yapirwe nanisesik. Mit nanisesik, te mit iuwe ne wit Rom nansiuwe ami naninen nanwen winak iuwe ke God hir naniwaankai haiu mit ne Isrel!"

⁴⁹ Mitik hak niuk mirak Kaiafas, kerek me tito im hirak hetpris kinin pris yapirwe, hirak ketpor, "Yi hiras ap yertei menmen mei kike taau! ⁵⁰ Yi ap yertei werek hiram yaaim te mitik kiutip ik kaki, haiu mit yapirwe ne weiwik me Isrel au."

⁵¹ Hirak ap katip im em me han kirak. Au, hirak mitik het pris kerek kinin naanmipre mit en me tito im em, te hirak katip him kire profet kar ik ek: Jisas kaki kakikaap mit ne Isrel keriyen. ⁵² Hir keriyen au, hirak kaki te kakri mit miyapir nire nikerek yapirwe ne God nau nerer wit wit naninen nanire mit ne weiwik miutip. ⁵³ Me wi in ere maain, mit iuwe ne Isrel nimenipin naninep Jisas. ⁵⁴ Mar keremem te Jisas ap ken kitet yayiwe yaaik ke mit ne Judia. Hirak kinaiwiri hirak ken yaank weinik mit ap newi en, ken wit hak niuk mirak Efraim. In ek hirak kau ketike mit disaipel narak.

⁵⁵ Wi me mit ne Isrel nererik nanim menmen han tewenin nipaa God kenep mit ne Isip, hiram epei man menep. Wi me mit nererik nanim menmen wen au, hir

mit miyapir ninaaiwir wit kir niniu nen wit Jerusalem me nanwet pris menmen te God kaktip hir yaain, nanir ke him me Moses ketpim. ⁵⁶ Hir yapirwe nipiun wit Jerusalem, hir ninatin Jisas. Hir neit winak iuwe ke God nimin ein, hir nitehiyan natipan, "Yi han kitet mekam? Hawir han kitet hirak ap te kaknen in kakim menmen kaktike mit miyapir in taau." ⁵⁷ Mit iuwe pris netike mit ne Farisi epei natip mit neimin nertei Jisas keit nein, te hir eninen nanitpor te mit iuwe nanino nantiwek his nankip.

Maria wewen tipar minin yaaim mentar hit me Jisas
(Mt 26:6-13; Mk 14:3-9)

12 Maain wi ham Jisas pike kan wit Betani, wit kerek Lasaras kewiyen. Hirak mitik kerek Jisas kikiak te pike kekrit. Me wi im, wi hispinak kiutip (6) wen mepu ere mit nererik nanim menmen me Pasova. Me wi im mit hir han tewenin nipaa God kenep mit ne Isip, te hir Isrel au. ² Mit en hir epei neman menmen me Jisas kakim neit wit kir eik. Mata wikaap mit kerek newetir menmen. Mitik Lasaras kau ketike Jisas tekiyakit taam menmen. ³ Te mite niuk mire Maria, hire yenten pe Lasaras wekin min tipar me nu nad minin mekrerem me mit hir newir pewek iuwe nantiwem, hire wewenem mentar Jisas hit mirak. Epei au, hire wesiunenim meriuwe paan kire. Tipar yaaim minin mekre winak au han iuwe kewen. ⁴ Mitik disaipel hak kiutip ke Jisas niuk mirak Judas ke Iskeriot, kerek maain kakwepyapir Jisas kakno his me mit iuwe ne Isrel, hirak katip, ⁵ "Nenmak te mit ap neit tipar yaaim minin im em nesiuwere nanit pewek mererim mar 300 kina te hir enwet mit enun ap netenen menmen enwetirem?" ⁶ Hirak ap han tewenin mit enun ap netenen menmen au. Hirak enuk kekintip menmen. Hirak naanmipre tikenup kerek Jisas ketike disaipel nirak newis pewek mekrerek ek te hirak kekinenim kisawinem. ⁷ Hirak katip kenerep, te Jisas ketpiwek, "Ewisiye ewirp! Hire wetenen menmen im wiriakem me maain hi hahi hir mit nanwisa akre hei. ⁸ Mit enun netenen menmen au hir nanu nantikewi hekrit, te hi au. Wi ham hi anaiwiri."

Hir mit iuwe pris natip naninep Lasaras kaki

⁹ Mit yapirwe ne Isrel nemtau Jisas keit wit Betani, te hir nen en nanirek. Hir ap nanir Jisas kiutip kerekek au. Hir nanir Lasaras kerek Jisas kikiak kaa ek pike kekrit kau. ¹⁰ Te mit iuwe pris nimenipin naninep Lasaras ketike Jisas. ¹¹ Mit yapirwe neweikin sip newet him me mit iuwe ne Isrel hir nises Jisas, nentar menmen Jisas kiriakem.

Jisas ken wit Jerusalem kire mitik iuwe king
(Mt 21:1-11; Mk 11:1-11; Lu 19:28-40)

¹² Maain wi ham hekrit, mit yapirwe kerek epei nan nererik nanim menmen me wi Pasova kerek hir han tewenin God kenep mit ne Isip, hir nemtau Jisas kak-

nen wit Jerusalem. ¹³ Te hir neit wapnake neiyim nen newenyipirek neit yayiwe eik. Te hir ninap natip, "God ti yaaik. Haiu emwenipi niuk me mitik ik kan kakikrehir ke ti Mitik luwe God.

Ti akaap mitik ik naanmamre haiu mit ne Isrel." ¹⁴ Jisas kinapin donki (hirak kire hos), te hirak kewik kar ke him me God mau tiwei metpim mar im:

¹⁵ "Yi mit yau wit Saion, yi ap einapen!

In ek Mitik luwe ki kaknen kakri kau donki wen yaaik kipniu."

¹⁶ Mit disaipel nirak ap nertei nenmak hir niriak menmen im ere maain Jisas kaa pike kekrit ken wit ke God kakit niuk iuwe. Maain hir han kitet menmen nipaa tiwei me God metpim, hir nertei nenmak hir nerekiwek im em.

¹⁷ Mit yapirwe kerek nipaa nau netike Jisas me wi kerek hirak kenine Lasaras nipaa hirak kaa te hirak kekrit kekre herwe hei kan. Mit in nir menmen im, te hir nen newepyapir menmen hirak kiriakem. ¹⁸ Mar keremem te hir mit yapirwe nen newenyipir Jisas. Hir nemtau Jisas kiriak menmen iuwe mar im. ¹⁹ Te hir mit ne Farisi nesiuwehan him natipan nar ik: "Yi ei yiri! Menmen haiu miriakem ap te mamwenek taau! Mit yapirwe ne ti ik nisesik."

Mit han ne Grik hanhan nanir Jisas

²⁰ Mit han ne weiwik me Grik nan Jerusalem netike mit han ne Isrel, te hir nererik naam menmen han tewenin wi nipaa God hirak kenep mit ne Isip. ²¹ Hir nan nir mitik Filip (hirak ke wit Betsaida keit provins Galili), te hir natip, "Mitik iuwe haiu hanhan mamir Jisas mamitpiwek menmen." ²² Filip ken katip Endru, te hirakit wiketeret ten tatip Jisas.

²³ Jisas ketpiwekit, "Wi ape menep man te hi Mitik ke wit ke Mitik luwe, God kakweto niuk mirak yaaim iuwe hi etiwem. ²⁴ Hi hetpi him werek. Yehes kei kiutip ke rais kinatin kiwaai ti au, te yehes kiutip kerekek kaku. Yi eikir ekikre ti, te kakine nikim yapirwe. Mar im hi hir mit nanwisa akre hei. Maain hi akrit hi akaap mit yapirwe nanises him me God. ²⁵ Neimin hanhan nanises han kir naniwaank hiras. Neimin ap nises han kir nau ti ik ek, hir nises han ke God, te maain han kir kaku werek werek tipmain tipmain enum eik. ²⁶ Mit neimin nanriak menmen mai hi hiriakem, te hir enisisa hir nani nanir ke hi hahi. Wit kerek hi hewiyen te mit niriak menmen mai hir nanwiyen. Te Haai kai kakwis niuk mir iuwe kentar hir nisisa.

Hir mit enwenipi niuk me hi Mitik ke wit ke God

²⁷ In ek han kai kekrit kehinhin te hi atip mekam? Te hi atip Haai hi anaaiwir menmen im mamnen mamiyep? Au, mar keremem te hi han hau ti ik e.

²⁸ Haai, ti enip niuk me mit emre iuwe!" Jisas katip kar ik te him meke nepni man matip mar ik: "Hi henip niuk mai mire iuwe, te hi pike ariakem mamre iuwe."

²⁹ Te mit yapirwe nerp menep nemtau him kerekek, te hir natip, "Nepni mewenin." Mit han au, natip, "Mitip

ensel ke God ketpiwek." ³⁰ Jisas ketpor, "Him em ap man me menmen mai mamkepa au. Hiram man te mamikepi yi eiyirtei God keriuweta hi han ti ik e. ³¹ In ek, wi epei man, te God skelim hir mit nau ti ik ek me menmen enum nipaa hir niriakem. In ek hirak kakinin Seten kerek naanmipre menmen enum me ti. ³² Te maain mit nanwenkika hi ahu nu tentarakit, te hi ari han ke mit yapirwe nanisisa." ³³ (Jisas katip him im keteikin mit karkeik te hirak kaki.)

³⁴ Te mit yapirwe pike newenhi natip nar ik: "Hir haiu misesim nipaa mit newisim mau tiwei hiram matip mitik kerek God kehimitanek kakikaap mit en te hirak kaku kakit tipmain tipmain enum eik. Ti henmak te ti hatip mitik ke wit ke Mitik luwe mit han hir nanwenkekik hirak kaki? Keimin hirak Mitik ke wit ke Mitik luwe God a?"

³⁵ Jisas kewenhi ketpor him tok piksa kar ik: "Wepni kakir kike kau nimin ke yi mit. Yi eiyitet yayiwe me wi wepni (o yanm) kir, te yi eiyu werek, te witaan ap mamsawin yayiwe. Maain hi anaiwiri ano, yi eiyir mitik kerek ke witaan kakno kepitari yayiwe hirak ken nein. ³⁶ Yi eiyisisa hi hire wepni (o yanm) wi hi hepu in, te maain yi yire mit yi eiyises menmen yaaim."

Mit yapirwe ne Isrel ap nises him me Jisas

Jisas katip menmen im epei au, hirak ken kisawin hirekes kenpin kekeipnor. ³⁷ Hir mit nipaa nirek kiriak menmen iuwe kikaap mit ninap hir nire yaain, te hir ap han kitet hirak Mesaia, mitik kerek God keriuwetek kan ti au. ³⁸ Hir ap nisesik, te him nipaa mitik profet Aisaia ketpim kewisim mau tiwei mamnen mar im:

"Mitik luwe, neimin nises him maiu? Mit auye!
Mitik luwe keteikin menmen mirak iuwe men neimin?
Mit yapirwe!"

³⁹ Te mit ap nisesik nentar him nipaa Aisaia pike kewisim mau tiwei mar im:

⁴⁰ "God hirak kesor nanamir (o naan) kir te hirak tokik kepu, hirak kenipi te hir han toenuk.

Te hir ap nir menmen werek werek au, hir ap nertei menmen werek werek.

Hir nertei menmen werek werek, te hir nanisesik te hirak kakikepi hir nire yaain, te hir au."

⁴¹ Mitik profet Aisaia katip menmen im kentar hirak kir Jisas keit niuk mirak iuwe te hirak kewepyapirek.

⁴² Me wi im, mit iuwe ne Isrel yapirwe hir nises Jisas. Hir ninapen mit ne Farisi, te hir ap newepyapir hir nises Jisas. Hir natip te mit ne Farisi nanipiri naninepin nankeipin winak kerek mit nererik nekine him me Moses neitai. ⁴³ Hir hanhan iuwe mit nantip hir yaain, te hir hanhan kike God hirak kakitpor hir yaain. Hiram menmen weinim.

Maain Jisas skelim mit nanit wit ke God kakriuwe him nipaa hirak katip mit em

⁴⁴ Jisas katip him iuwe kar ik: "Neimin nisisap ap nisisa hi kiutip kerekek au. Hirak kises Mitik luwe kerek keriuweta hi han ti ik e. ⁴⁵ Neimin nira, te hiram mamir

ke hir nir Mitik luwe kerek keriuweta hi han ti ik e. ⁴⁶ Hi han ti ik ek, hi hire wepni kir. Mit neimin niutip niutip kerek nisisa, hir ap nanu enum nanir ke mitik ke witaan kau auye! ⁴⁷ Neimin nemtau him mai te ap nisesim, hi ap skelim hir mit au. Hi ap han ti skelim mit nau ti ik ek au. Hi han te hi akepi. ⁴⁸ Mitik keimin ke yi mit keweikin sip keweto ap kemtau him mai, maain menmen mekam skelim mitik ik a? Me him kerek nipaa hi hetpiyem, hiram skelim mitik ik me wi kerek God skelim mit. ⁴⁹ Menmen im hiram werek mentar hi ap hises han kai hetpim au. Haai kerek keriuweta hi han ketpo him te hi ewepyapirem. ⁵⁰ Hi hertei him hirak ketpim mamriak mit nanu werek tipmain tipmain enum eik. Menmen hi hetpiyem hiram menmen Haai kai ketpewem."

Jisas kekemyetit hit me mit disaipel nirak

13 Wi me mit nererik nanim menmen me Pasova kerek hir han tewenin God kenep mit ne Isip teipmen mamnen. Jisas kertei wi mirak epei man te hirak kaki kaknaaiwir ti ik, te hirak pike kakno kakir God Haai. Hekrit hekrit hirak han tewenin mit nirak yaain nau ti ik ek. (Hirak han tewenini ere maain hirak kaki.) Te in ek hirak kakteiknor hirak han tewenini wisenum. ² Jisas ketike mit disaipel nirak naam menmen. Seten epei kakri han ke Judas, nikan ke Saimon ke wit Iskeriot, te hirak kakwepyapir Jisas kakwet mit enun ek. ³ Jisas kertei Haai kirak God epei kewetiwek menmen iuwe werek, hirak kertei hirak kan keke wit ke God, te hirak pike kakno kakirek. ⁴ Te Jisas kekrit kekeipin yeno kerek hir naam menmen menterim em, kenemtin laplap saket men, te hirak kakir laplap taul nokik mau mamir mirak. ⁵ Epei au, hirak kewen tipar mekre tikenuk kekemyetit mit disaipel nirak hit hiyap mir. Hirak kesiuunenim keriuwe taul kerek kakir kau mamir mirak em, kire mitik enuk weinik kiriak menmen me mit iuwe nirak.

⁶ Jisas ken kakir Saimon Pita, te hirak Pita ketpiwek, "Mitik luwe, ti henmak te ti hekemyetit hit mai?"

⁷ Jisas kewenhi ketpiwek kar ik: "In ek ti ap hertei menmen in ek hi hiriakem. Te maain ti tewen erteiyem."

⁸ Pita katip Jisas, "Ti ap te ekemyetau hit mai taauye!"

Te Jisas pike ketpiwek, "Hi ap akemyetit hit, te ti ap har ke mitik disaipel kai taau!"

⁹ Saimon Pita kewenhi katip kar ik: "Mitik luwe, ti ap ekemyetit hit mai keremem au. Ti akemyetit his metike paan."

¹⁰ Jisas katip, "Keimin kisisa hirak kire mitik kerek epei kikir, hirak yaaik prar prar, te hirak ap pike kakikir hirekes. Au, me hit miutip keremem, hirak ekikirem. Yi yapirwe yi yaain yire mit epei nikir prar prar neit. Kiutip kerekek au. Hirak kire mitik hapik mewik." ¹¹ Jisas epei kertei keimin kerek maain kakwepyapirek kakno his me mit enun, te hirak katip mit nirak, "Yi mit han ki kire mit epei nikir prar prar. Te kiutip au han kirak enuk kire mitik ap kikir hapik mewik."

¹² Jisas epei kekemyetit hit mir epei au, te hirak pike keruwet saket mirak mire laplap, te hirak pike kau yeno. Hirak kau yeno, hirak kitorhi, "Yi yertei hi henmak te hi epei herekiyiem o au? Hi hetpi. ¹³ Yi yenewa hi Mitik luwe enuk hi ewepiyapir him. Hiram werek te yi yenewa mar im yentar hi hirekes luwe kerekek. ¹⁴ Hi Mitik luwe ki hewepiyapir him, te hi hekemyeti hit. Yi yises menmen hi herekiyiem, yi eikemyetit hit me ni yinan, yar ke mitik enuk weinik kirak menmen me mitik iuwe kirak. ¹⁵ Hi epei ateikniyem te yi eiysesim empar kerek hi epei herekiyiem. ¹⁶ Hi hetpi werek. Mitik kiriak menmen me mitik hak, hirak ap te kakininek me menmen taau! Mitik kerek keruwet mitik hak katip mit him mirak, hirak iuwe kininek. ¹⁷ In ek yi yertei menmen ti hetpiyem werek yi eiysesim eiriakem. Hiram mamkepi te yi han yaaik eiyeu.

¹⁸ "Hi ap hatip me yi yapirwe. Hi hertei neimin kerek hi nipaa hehimiteni en. Te him mau tiwei me God em matip menmen mamnen mamir im:

'Mitik kere hi hewetiwek menmen hirak kaam, hirak kerekyo enum.'

¹⁹ In ek hi hetpi menmen in. Maain menmen im mamnen mamiyep, te yi eiyrtehi hi Mitik ik kerek God keruweta hi han akaap mit ne ti. ²⁰ Hi hetpi him werek! Keimin hirak kakithis mit naanmampror kerek hi heruweti nanino ek, hirak kakir hirak kaktauhisi. Keimin kaktauhisi naanmiprau, hirak kakir ke hirak kakithis Mitik luwe kerek keruweta hi han in."

Jisas katip Judas maain kakwepayapirek te mit enun nankip

(Mt 26:20-25; Mk 14:17-21; Lu 22:21-23)

²¹ Jisas katip him im epei au, hirak han enuk kekere han kirak, te hirak kewepiyapir ketpor him im. "Hi hetpi werek, Mitik kiutip ke yi mit hirak maain kakwepayapir kakime yipir mit enun hir naniyep."

²² Te mit disaipel niutip niutip niwaainan niran. Hir nepitari hirak katip mitik keimin. ²³ Mitik disaipel kiutip hi John hirekes kerekek Jisas hanhana, hi hau hirapit Jisas menep. ²⁴ Saimon Pita kitauhi keriuwe his katip, "Ti hitiwekhi hirak katip ke keimin."

²⁵ Pita kitauhi epei au, hi mitik disaipel ik ek henke hau hirapit Jisas hitiwekhi, "Mitik luwe, keimin kakriak menmen im?"

²⁶ Jisas ketpo kar ik: "Hi hatip bret ik ek kerek hi awisik ekre min tipar mekrerek, te hi ewet mitik kere kakriak menmen im em." Hirak katip epei au, hirak kewet Judas nikan ke Saimon ke wit Iskeriot bret ik hirak kaak. ²⁷ Judas keit bret ik kaak epei au, Seten kan kari han kirak, te Jisas ketpiwek kar ik: "Ti eno waswas eriak menmen ti hanhan eriakem." ²⁸ Haiu mit kerek mekiyan maam menmen em ap mertei mekam Jisas ketpiwekem. ²⁹ Haiu mit disaipel mertei Judas ketenen pewek maiu mekre tanik, te haiu mit han kaiu han kitet Jisas ketpiwek kakno kakwir pewek keiyim kakit menmen me haiu mamim, o hirak ketpiwek hirak kakno kakwet mit kerek ap netenen menmen kakwetir

pewek mei. ³⁰ Te Judas keit bret wasenum, hirak ketpaan ken witeik. In ek hirak witaan toto.

Jisas katip mit narak him ham yaaim hir enisesim

³¹ Judas epei ken witeik, Jisas katip, "In ek hi Mitik ke wit ke Mitik luwe ahit niuk iuwe me menmen hi ariakem akaap mit. Te in ek God kakit niuk iuwe kentar menmen hi ariakem. ³² God kakit niuk iuwe, te hirak kakteikin mit hi Mitik ke wit kirak kakteiknor hi niuk mai iuwe. Hirak kakriakem waswas. ³³ Nikerek nai hi ap te hahu ti ik ek atikewi wi yapirwe. Maain yi yayin yayitno te hi hetpi him im em. Hi epei heptip mit iuwe ne Isrel em mar im: 'Yi ap te yaino wit kerek hi anori en.' ³⁴ Hi etpi him ham yaaim yi eiysesim. Yi han etweninan eiyr ke han tewenini, te yi han etweninan emit ek keremem. ³⁵ Yi han teweninan, te hir mit nerer wit wit nanri nantip yi disaipel ne hi Jisas.

Jisas katip Pita kakweikin sip kakwetiwek

(Mt 26:31-35; Mk 14:27-31; Lu 22:31-34)

³⁶ Saimon Pita kitiwekhi kar ik: "Mitik luwe ti eno nein?"

Jisas ketpiwek, "Ti ap ehisisa eno wit kerek hi anori en. Te maain ti ehisisa."

³⁷ Pita kitiwekhi, "Mitik luwe ti henmak te hi ap ehisisit in ek a? Hi epei hanhan hahi akepit."

³⁸ Jisas kewenhi katip, "Ti werek te ti hanhan hahi akepa a? Hi etput him werek. Suware ap te kaknep enum wen au, te ti ehiune atip wikak ti herteiya au."

Jisas hirak kire yayiwe te mit nanisesik hir nanino God Haai

¹⁴ Jisas wen katip kar ik: "Yi ap han enuk te yi han ekiket menmen au emit! Yi yises God, te in ek yi eiysisisa. ² Winak ke Haai kai haau yapirwe mekrerek. Hi ehinin ano etnini wit kakmeriri. Hi etpiyem mentar menmen im mepu. Au hi ap te etpiyem. ³ Maain hi epei hetnini wit epei au, te hi pike anen atihis yainen, te yi eiyeu wit kerek hi hewiyen. ⁴ Yi yertei eiyses menmen te yi eino wit kerek hi enori en."

⁵ Mitik Tomas katip Jisas, "Mitik luwe, haiu ap mertei nein ti enori en. Emirkeik te haiu emirkeik te haiu emirtei yayiwe kakno keriyen a?"

⁶ Jisas ketpiwek, "Hi hire yayiwe, te mit nanir God. Hi Haai ke him yaaim, hi Haai ke menmen mamkaap mit nanit himin yaaik kaku kakit tipmain tipmain enum eik. Neimin nanino Haai kai God ek, te hir nanisisa nanre hir nitet yayiwe. ⁷ In ek yi epei yerteiya. Te yi yayirtehi Haai kai God. Te in ek ere maain yi yerteiyek, yi nepei yirek."

⁸ Mitik Filip katip Jisas, "Mitik luwe, to eteiknai God Haai, te haiu han yaaik emu."

⁹ Jisas ketpiwek, "Nipaa enum eik hi epei hau hetikewi wi yapirwe, te in ek Filip, yi wen au yepitari menmen? Neimin epei nira, te hir epei nir Haai kai. Ti henmak te ti hitauhi, 'Eteiknai God Haai hirak kire mekak a?' ¹⁰ Filip ti ap hertei Haai kai God ketikewa

hawir wekiyakit wau niutip? Menmen hi hetpiyem hirak ap him mai au. Haai kerek kau kekere han kai hirak kerek kises han kirak kiriak menmen mirak. ¹¹ Yi eiyises him hi etpiyem kerek hi etpi hi hetike Haai kai God hawir wekiyakit wau niutip. Te him im au yi eiyir menmen kerek hi hiriakem hikaap mit ninap his hit enum nire yaain, te yi eiyirtei hi etike Haai kai hawir wekiyakit wau niutip. ¹² Hi hetpi him werak. Mit neimin nanisisa, hir nanriak menmen iuwe mamir ke hi hiriakem. Menmen hir nanriakem hiram maminin menmen mai mamintar hi ano ahir Haai kai ehu etikerek esiuwe God Himin Yaaik kaknen kakikaap yi mit. ¹³ Te hi eweti menmen kerek yi eiyitehi God em meriuwe niuk mai iuwe. Hi ewetiyem, te mit nanwenipi niuk me God Haai nanintar menmen hi arekiyem. ¹⁴ Yi eiyitauhi menmen heriyai heriyai eiriuwe niuk mai iuwe, te hi ariakem ewetiyem.

Jisas katip hirak kaksuwe Himin Yaaik ke God kaknen

¹⁵ “Yi hanhana, te yi eiyises him hi hetpiyem. ¹⁶ Hi tewen ehetehi Haai kai kakweti keiyak kaknen kakikepi kaku kaktikewi tipmain tipmain enum eik. ¹⁷ Hirak God Himin Yaaik kaktip mit him yaaim kakikre han kir. Hirak ap kaku han ke mit ne ti kentar hir ap nirek nerteiyek. Te yi eiyirteiyek eiyintar hirak kaku kaktikewi kaku kakikre han ki. ¹⁸ Maain wi hi ano wit ke Haai kai, hi ap enaiwiri te yi yayu weinim eiyir ke nikan miye haai aurek. Au, hi pike anen. ¹⁹ Wi epei menep te mit ne ti ik ek ap te pike nanira au. Te yi eiyira. Maain yi yayi yi pike yayikrit yayu eiyintar hi hahi hi pike akrit ehu. ²⁰ Maain hi pike ekrit ehu, yi eiyirtei hi etike Haai kai God hawir wekiyakit wau niutip. Yi eiyirtei hi hetikewi haiu mekiyan mau niutip.

²¹ Mit neimin nertei him mai nisesim, hir keriyen hanhana. Te Haai kai hanhani kentar hir hanhana. Te hi hanhani heteiknor hekere han kir hi hau hetikeri.”

²² Mitik Judas hak (ap mitik Judas ke wit Iskeriot au) hirak katip, “Mitik luwe, ahirkeik te ti anen eteiknai hirekes, te mit yapirwe ne ti ik ek au a?”

²³ Jisas ketpiwek, “Mit neimin hanhan nanises him mai, te Haai kai hanhani. Te Haai kai ketikewa hawir wawu wawikre han kir. ²⁴ Mit neimin ap hanhana ap nanises him mai au. Him kerek hi epei etpiyem em ap mekre han kai man au. Hiram menmen me Haai kai kerek keriuweta te hi han ti ik ek, hiram man. ²⁵ “Hi hepu hetikewi te hi epei hetpi him im em. ²⁶ God Himin Yaaik kakikepi, God Haai kaksuwerek kaknen kakintera kakteikni menmen yapirwe te kakikepi han tewenin him kerek nipaa hi epei hetpiyem.

²⁷ “Hi are eneiwiri te hi han yaaik kai kaku kakikri. Hi han yaaik kai hi ewetiyem, hiram mamre han yaaik ke mit ne ti ik ek netiwem au. Yi ap han kekrit einaain menmen mamnen au emit! ²⁸ Yi epei yemtau hi hetpi hi epei eneiwiri ano. Te hi pike anen ari. Yi hanhana, te yi han yaaik hi pike ano ahir Haai kai kentar hirak iuwe kinina kakikepi iuwe te yi eiriak menmen yapirwe. ²⁹ Hi epei hinin hetpi menmen im em in ek me wi menmen ap mamnen wen au. Te maain hiram mamnen, yi

eiyirtei hi Mitik kerek nipaa God hirak keriuweta hi han ti ik ek. ³⁰ Hi ap hatip hetikwei yapirwe hentar mitik enuk Seten hirak iuwe kinin naanmipre mit miyapir ne ti ik e kaknen kaktauhis. Hirak ap kinina au. ³¹ Te hi ewisik hirak kaktauhis, te mit yapirwe ne ti ik ek, hir enirtei hi hanhan Haai kai God, hi hiriak menmen yapirwe hirak ketpo hi hiriakem. Eiyikrit, emnaaiwir wit ik haiu emno.”

Hi hire waai yaaim hikaap mit

¹⁵ Jisas katip, “Hi hire waai yaaim. Haai kai God hirak kire mitik naanmipre waai mekre ni. ² Mit nisisa hir nire nu heneik mari. Neimin hir ap nisisa werak werak, hir nire nu heneik ap mari, te Haai kai kakremir. Nu heneik mari mine nikim, Haai kai keremir yinam ere hiram yaaim te tito ham hiram mamri mamu menep menep. ³ Yi epei yaain yentar him mai hi hetpiyem hiram mau mekre han ki. ⁴ Yi eiyisisa, te hi ehu ekre han ki. Nu heneik ap mau waai, hiram mamri mamine nikim au. Yi mit ap yisisa, te yi ap yiriak menmen yaaim au.

⁵ “Hi hire waai, yi yire heneik mai. Neimin hir nisisa, hi hahu akre han kir, hir nanriak menmen yaaim. Yi ap yisisa, te yi yiriak menmen yaaim au. ⁶ Neimin ap nisisa, God keriuweti nen nire mit neket heneik enum newirem miwaai ti meweimei meit. Maain hir nanit heneik mar im nanwirem mamno si, si tatim. ⁷ Yi yisisa, him mai mau mekre han ki merekyi yi yisesim, maain yi eiyitehi God menmen yi hanhanem, te hiram mamnen mamir ke yi yitwekhiyem. ⁸ Yi yiriak menmen yaaim, te mit nanwenipi niuk me Haai kai, te yi yeteikin mit yi mit disaipel nai yi yisisa. ⁹ Hi hanhan eriuwi har ke Haai hanhan keriuwa. Yi yewisa hi wen naanempri hanhan heriuwi. ¹⁰ Yi yises him mai, te yi yewisa hi wen naanmipri hanhan heriuwi har ke hi hises him me Haai kai, te hirak naanmiprau hanhan keriuwa.

¹¹ “Hi epei etpi menmen im te menmen menipa hi han yaaik mamu maikre han ki, te yi han yaaik iuwe. ¹² Hi hetpi him im yi eiyisesim. Yi hanhan yeriuwehan eiyir ke hi hanhan heriuwi. ¹³ Mitik hak ap kiriak menmen han kakinin kakteikin mit hirak hanhan keriuwi wisenum, te hirak kaki te kakikepi. ¹⁴ Yi yises menmen hi epei etpiyem, yi yire nai yinan. ¹⁵ In ek, hi ap atip yi yire mit niriak menmen mai weinim au, hentar mit nirak nar ik hir netari menmen mitik kir kiriakem. Au, hi atip yi nai yinan yentar hi epei etpi menmen yapirwe Haai kai ketpewem. ¹⁶ Yi ap yehimitena yi yisisa au. Hi hehimiteni yi yisisa, yi eiriak menmen yaaim, te menmen im mamu mamit. Yi yiriak menmen im, te Haai kakweti menmen menmeiyam yi yitwekhiyem kakintar yi yisisa. ¹⁷ Te hi etpi him mai im: Yi hanhan mit han.

Mit ne ti maain nanre mit enun nepan netike mit nises him me Kraiss

¹⁸ "Mit ne ti hir nineini, te yi han ekitet nipaa hir nineina. ¹⁹ Yi mit yi yises menmen me ti im e te mit ne ti hanhan neruwi nar ke hir hanhan hiras. Au, hi hehimiteni yi yisisa, te yi ap ne ti au, hir mit ne ti nineini. ²⁰ Yi han ekitet menmen hi hetpiyem. Mitik kiriak menmen me mitik iuwe kirak ap kininek au. Nipaa hir mit nerekiyo menmen enum, te hir nanrekyi menmen enum. Nipaa hir mit han nises him mai, te maain hir nanises him mai. ²¹ Hir nanrekyi menmen im enum nanintar yi yisisa. Hir ap nertei God kerek keruweta hi han, te hir nisesik au. ²² Hi ap han hetpor menmen, hiriak menmen yaaim te mit nanweikin sip nanwet God hiram menmen enum kike. Au, hi epei etpor menmen hiriak menmen yaaim, te in ek hir neweikin sip newet God te hirak kaktip hir niriak menmen enum iuwe hirak kakiwaanki. ²³ Neimin nineina ap nisisa, hir ninaain Haai kai ap nisesik au. ²⁴ Hi ap hiriak menmen menmeyam kerek nipaa mit niriakem au, te hir neweikin sip newet God, hir niriak menmen enum kike. Te hir epei nir menmen iuwe hi hiriakem, hir neweikin sip newet God hir nineina hetike Haai kai. ²⁵ Menmen im hir niriakem epei man, te him mau tiwei hir nisesim hiram mamnen mamir ke him nipaa mit netpim hiram mamnen. Him im matip mar im: 'Hir nineina nentar menmen au weinim keremem.'

²⁶ "Maain, hirak kerek kakikaap mit, hirak kaknen. Hirak God Himin Yaai katip him yaaim, hirak keke wit ke God kaknen. Hirak kaknaaiwir Haai, hi eriuwetek kaknen yi mit, hirak kakwepyapir menmen mai kakitpiyem. ²⁷ Yi yetikerek yi yaitip mit me menmen mai yentar nipaa wi kerek hi hinin ewepyapir him mai, yi yetikewa haiu mariyan."

16 Jisas katip, "Hi epei hetpi him im em te yi ap einaaiwir him mai yayises menmen ham enum. ² Te hir mit nanipiri yi yainepin winak ke God kerek hir nererik nekine him me Moses nekrerem. Maain wi mamnen te mit han kitet hir naniwep te hir nankaap God. ³ Hir nanrekyi menmen enum mar im nentar hir ap nertei hi hetike Haai kai God, hir ap nisisawir au. ⁴ Hi epei hetpi him im te maain win mamnen me hir nanrekyi menmen mar im, yi han ekitet nipaa hi epei hetpiyem.

Menmen God Himin Yaai kakriakem

"Nipaa hi ap hetpi menmen in ek hi are etpiyem hentar hi wen hepu hetikewi. ⁵ Te in ek hi han hahir Haai kai kerek keruweta hi han in. Te ap keimin ke yi mit hanhan yitauhi, 'Ti eno nein.' ⁶ Te in ek hi epei hetpi, te yi epei han enuk kekere han ki. ⁷ Te hi hetpi werek. Hirak yaai kakikepi te hi ano hahintar hi ap ano, te Himin Yaai kerek kakikepi ek ap te kaknen kaku kaktikewi taau. Hi ano, te hi eriuwetek kaknen kaku kaktikewi. ⁸ Te maain hirak kaknen hirak kakteikin kaktip mit ne ti ik ek ap naniartei hir nises menmen enum, ap

nertei mekam yaaim, te God skelim. ⁹ Hirak kakteikin mit hir niriak enum nentar hir ap nisisa. ¹⁰ Hirak kakteiknor mekam yaaim iuwe kakintar hi ano ahir Haai kai hirak Himin yaai kakikrehir kai. Te yi ap pike eiyira au. ¹¹ Hirak kakteikin mit God skelim mit ne ti nises menmen enum kakintar God epei skelim mitik Seten kerek kinin naanmipre ti.

¹² "Hi him yapirwe mepu te hi ap etpiyem hentar in ek yi ap yayirteiyem werek au. ¹³ Maain God Himin Yaai kerek katip him yaaim kaknen, hirak kakteikni menmen yapirwe yaaim. Hirak ap te kaktip menmen me han kirak au. Nipaa hirak kemtewem, te hirak kakitpiyem te maain hiram mamnen. ¹⁴ Hirak kakwenipi niuk mai kentar menmen kerek hi hetpim, hirak kaktiwem kakitpiyem kekere han ki. ¹⁵ Menmen yapirwe me Haai kai God hiram mai. Mar keremem, te hi hatip God Himin Yaai kakit him mai te hirak kakitpiyem kakikere han ki.

In ek yi han enuk eiyu, te maain yi han yaai

¹⁶ "Maain kike yi ap yayira au. Maain wi ham yi pike eiyira."

¹⁷ Mit han ne mit disaipel nirak nitehiyan nar ik: "Mekam im hirak ketpaiyem katip, 'Maain yi ap yayira au, maain wi ham yi pike eiyira.' Him im metike him ham im e: 'Hi hentar hi eno ahir Haai.' Kenmak te hirak ketpim?" ¹⁸ Hir natipan nar ik: "Mekam him hirak katip: 'Me wi kike?' Haiu mepitari him im!"

¹⁹ Jisas kertei hir hanhan nitiwekhi me menmen in te hirak ketpor, "Yi yitehiyan menmen hi etpim me maain kike yi ap yayira, maain wi ham yi pike eiyira a?" ²⁰ Hi etpi werek. Maain yi yayikta wisenum han tatwenina, te mit ne ti hir han yaai iuwe. Yi han enuk eiyu te maain yi han yaai iuwe. ²¹ Mite sip newenep weteiknen weri uwe nikerek hire han enuk wenterim. Maain hire wine nikerek hire ap han kitet menmen im mewo au. Hire han yaai wentar hire wine nikerek. ²² In ek yi han enuk yentar hi hahi, te maain hi pike ekrit ari, te yi han yaai eiyu. Mitik keiyak ap te kakri menmen im yaaim mau mekere han ki au.

²³ "Maain wi eim mamnen, te yi ap eiyitauhi me menmen. Hi etpi werek, yi eiyitehi Haai me menmen in ek, te hirak kakwetiyem yeriuwe niuk mai iuwe. ²⁴ Nipaa ere in yi ap yitehi God me menmen yentar yi yeriuwe niuk mai iuwe. Yi yitiwekhi menmen yi yaitiwem, te hirak kakrekyi han yaai iuwe.

Jisas epei kinin menmen enum me ti

²⁵ "Hi epei hetpi him mei mire tok piksa, te maain wi mamnen te hi etpi eriuwe menmen im au. Hi etpi eriuwe him yaaim me God Haai, te yi eiyirteiyem werek werek. ²⁶ Maain wi eim mamnen yi yitehi God yeriuwe niuk mai iuwe. Hi ap hitiwekhi menmen me yi mit au ²⁷ hentar Haai kai God hirekes hanhani kakimtau menmen mi yi yitiwekhiyem. Hirak hanhani kentar yi hanhana, yi yertei hi hinaaiwir Haai hi han ti ik. ²⁸ Nipaa hi

hinaaiwir Haai hi han ti ik e. In ek, hi hinaaiwir ti ik pike ano ahir Haai."

²⁹ Mit disaipel narak netpiwek nar ik: "In ek ti atip werek. Ti ap atip him tok piksa au. ³⁰ In ek haiu mertei ti hertei menmen yapirwe, te haiu mituthi menmen ti hetpim hiram yaaim au. Haiu mertei ti hinaaiwir God ti han ti eik mentar menmen im ti etpaiyem."

³¹ Jisas ketpor, "In ek yi han kitet yi yertei hi hinaaiwir God han in. ³² Te wi epei man te mit nanripir yi eirir eino ein ein, te hi kiutipen kerekek ehu. Hi kerekek ehu au. God kau ketikewa. ³³ Hi epei etpi menmen im te yi yetikewa emkiyan han kiutip emu, te yi han yaaik eiyu. Mit ne ti nanrekyi menmen enum, te yi han tokik eiyu. Hi epei hinin menmen enum mit ne ti hir nisesim."

Jisas kitehi God kakikaap mit narak nisesik

17 Jisas katip menmen im epei au, hirak kikiamaan katip kar ik: "Haai, wi epei man. Ti ewenipi niuk mai, hi Nikan kit heriuwe menmen ti herekyewem, te hi ewenipi niuk mit. ² Ti epei heweto him mit ti atip hiram yaaim werek, te hi ewet mit miyapir ne ti hewetir himin yaaik te hir nanu werek tipmain tipmain enum eik. ³ Mit nertei ti, ti God kiutip kerekek, ti etikewa hi Jisas Kraais, Mitik kerek ti heriuweta hi han, hir enirteiyawir enisisawir. Neriuwe menmen im hir nisesim, hiram mamkepi hir nanu werek tipmain tipmain enum eik. ⁴ Hi heteikin mit miyapir niuk mit iuwe heit ti ik e. Hi epei hiriak menmen ti ehimitanem hi hiriakem. ⁵ Haai, ti pike eweto niuk mai iuwe kerek nipaa ti kepu wen au, hi hetenenim hau hetikewit.

⁶ "Hi epei hewepyapir hatip mit kerek ti ewetori ne ti ik e, hetpor ti hire mekam. Hir mit nit te ti ewetori hir epei nises him mi. ⁷ In ek hir nertei menmen yapirwe hi hiriakem, nipaa ti ewetewem hi hiriakem. ⁸ Hi epei hetpor him nipaa ti etpewem, te hir nisesim. Hir nertei ti heriuweta hi heke wit kit hekuwe han in.

⁹ "Hi hituthi ti ekaap mit in. Hi ap hituthi ti ekaap mit nises menmen me ti au. Hi hituthi ti ekaap mit kerek ti ewetori hentar hir mit nit. ¹⁰ Menmen yapirwe hi hetenenim hiram mit. Menmen yapirwe ti hetenenim hiram mai. Mit nanirtei niuk mai iuwe nentar menmen mit nai in niriakem. ¹¹ In ek, hi anen arit. Maain hi ap hahu ti ik, te hir nanu ti ik e. Haai Kai Yaaik, ti naanmampror eriuwe niuk mit iuwe, niuk im kerek nipaa ti ewetewem, te mit in nantikewit nankiyan han kiutip nar ke ti etikewa hawir wekiyakit han kiutip. ¹² Wi kerek hi hau hetikeri hi naanempror heriuwe menmen iuwe mit. Hir yapirwe nepu werek te kiutipen au kerek hirak kakiwaank hirekes, te him mit kerek mit hir newisim mau tiwei mamnen mamir ke nipaa mit newisim. ¹³ In ek hi enen arit. In ek hi hatip him im hi hau ti te hir nemtau him hi hetputem hir nanit han yaaik kai iuwe kaku kakikri. ¹⁴ Hi epei hetpor him ti etpewem. Mit miyapir nau ti hir nineini nentar mit in hir ap nises menmen me ti nar ke hi ap hisesim. ¹⁵ Hi ap hituthi ti etorhis hir ninaaiwir ti ik ek au. Hi hituthi te ti naanempror, te mitik enuk Seten ap kakiwaanki. ¹⁶ Hir ap nises

menmen me ti mit nisesim nar ke hi ap hisesim au.

¹⁷ Ti ehimiteni hir mit nit neriuwe him yaaim mit hi etporem. Him mit hiram yaaim. ¹⁸ Hi heriuweti nen mit miyapir ne ti niriak menmen mai nire nipaa ti heriuweta hi hen mit miyapir ne ti hiriak menmen mit. ¹⁹ Hi ehimiteni hir nisesit werek werek neriuwe him yaaim mit hi etporem.

²⁰ "Hi hituthi me mit in keriyen au. Hi hituthi ti akaap mit miyapir nanises him mit nanitar him hir mit in nanitporem te hir nanimtwem. ²¹ Haai, hi hanhan hir yapirwe nankiyan nanu han kiutip, nar ke ti etikewa hawir wekiyakit wau han kiutip. Hi hanhan hir han kiutip nanisisawir te mit miyapir nau ti nanirtei ti heriuweta hi han in. ²² Hi epei ewetir niuk mai iuwe kerek nipaa ti ewetewem, te hir enu han kiutip nanir ke ti etikewa hawir wekiyakit wau han kiutip. ²³ Hi hahu ekre han kir har ke ti hau ekre han kai, te hir nekian nanu han kiutip te mit miyapir ne ti nanirtei ti heriuweta hi han ti ik. Ti hanhan heriuweri har ke ti hanhan heriuwa.

²⁴ "Haai, ti epei heweto mit in hir nai. Hi hanhan hir naninen nanu nantikewa nanu wit kerek maain hi hahu en, te hir nanirtei niuk mai iuwe. Niuk mai iuwe im me wi ti hiriak ti wen au, ti hanhan heriuwa ti ewetewem. ²⁵ Haai Kai Yaaik. Mit ne ti ap nerteiyit nisesit werek werek au. Hi kerekek. Mit in hir nertei ti heriuweta hi han. ²⁶ Hi epei hetpor me ti, hi wen etporem te ti hanhani har ke ti hanhana, hi ehu ekre han kir."

Mit nan neithis Jisas neiyik nen

(Mt 26:47-56; Mk 14:43-50; Lu 22:47-53)

18 Jisas kitehi God menmen epei au, hirak kinaaiwir wit ketike mit disaipel narak hir nerekir hitik Kidron. Ni miutipen mepu in te Jisas ketikeri nen nau en. ² Mitik Judas hirak enuk kewepyapir Jisas kertei ni ik ek kentar nipaa me wi yapirwe Jisas ketike mit disaipel narak nererik nau en. ³ Judas keit mit ne ami han netike mit kerek naanmipre winak iuwe ke God kerek mit iuwe pris netike mit han ne Farisi hir neriuweti nanino, hir yapirwe netike Judas nen ni im em. Hir netenen yipo henmik, hir nemsu si nen. ⁴ Jisas kertei menmen yapirwe mit nanrekyiwekem, te hirak kinin ken katip, "Yi yinyatin keimin?"

⁵ Hir netpiwek, "Haiu man minmatin Jisas ke wit Nasaret mamtiwekhis."

Hirak ketpor, "Hi hirekes Jisas."

⁶ Judas mitik enuk kewepyapir Jisas kerp ketikeri.

⁷ Jisas ketpor, "Hi hirekes Jisas," te mit en hir pike neriuwet nen nenke niwaai ti.

Hir nen nenke niwaai ti, Jisas kitorhi keteipim, "Yi yinyatin keimin?"

Hir netpiwek neteipim, "Haiu man minmatin Jisas ke wit Nasaret mamtiwekhis."

⁸ Jisas pike ketpor, "Hi epei hetpi hi hirekes Jisas. Yi epei yan yetauhis te yi eiwis mit nai in nanino." ⁹ Hirak katip menmen im, te him nipaa hirak ketpim mamnen

mampir em. Nipaa hirak katip, "Haai, mit kerek ti ewe-tauri, hi ap hinaaiwir keiyak au."

¹⁰ Saimon Pita ketenen hine ke his, hirak keketik kekre paus kirak kiwaaiyek keremir nikip me mitik niuk mirak Malkas, kerek kirak menmen me mitik pris iuwe. ¹¹ Jisas katip Pita kar ik: "Ti pike ewis hine ke his kakno paus kirak. Hi are ewis mit nanrekiyo menmen Haai kai kehimitan hir nanrekiyewem naniyep nanre-waank."

Mit nari Jisas nen nir mitik iuwe Anas

¹² Mit ne ami netike mitik iuwe kir, hir netike mit kerek naanmipre winak iuwe ke God, hir neithis Jisas nesenkek his mirak, ¹³ hir neiyik ninin nen nir mitik Anas. Hirak kenine Kaiafas yenik kirak. Kaiafas me tito im hirak kire mitik iuwe kinin pris han yapirwe. ¹⁴ Hirak Kaiafas kerekek nipaa katip mit ne Isrel hiram yaaim te mitik kiutip kaki kakikrehir ke haiu mit yapirwe.

Pita kepakin Jisas katip hi epitariyek

¹⁵ †Hir neit Jisas neiyik nen ein, Saimon Pita ketike hi disaipel hak wises Jisas. Mitik pris iuwe kinin pris han yapirwe hirak kertei mitik disaipel hak, te hirak ken kerp ke nimin ke niwa keweikin winak. ¹⁶ Pita au hirak kerp menep ya weipir ke niwa keit witeik. Hi mitik disaipel kerek mitik iuwe pris kerteiyek, hi pike hen witeik hatip mite werp naanmipre ya weipir te hire weithis Pita weiyik wen nimin. ¹⁷ Mite kerek naanmipre weipir eik watip Pita, "Ti ik e mitik hises him me Jisas o au?" Pita ketpiwe, "Hi au." ¹⁸ Nime menep mit niriak menmen me mitik iuwe pris, hir netike mit kerek naanmipre winak iuwe ke God te hir niman si nerp neweikniwem nekinin yink kir. Pita ken kerp ketikeri kekinin yink kirak.

Mitik iuwe hetpris kitehi Jisas menmen

(Mt 26:59-66; Mk 14:55-64; Lu 22:66-71)

¹⁹ Mitik nipaa hirak hetpris kitehi Jisas ke mit hir nis-esik, kitiwekhi me him hirak katip mit em. ²⁰ ††Jisas ketpiwek kar ik: "Hekrit hekrit hi hepu wit mit nererik, hi hatip mit miyapir menmen. Hi heit winak kerek mit nererik nekine him me Moses o hepu winak tempel ke God wit kerek mit ne Isrel nererik, hi hewepyapir him mai. Hi ap hisawin hatip menmen meiyam au. ²¹ Te henmak te ti hitauhi menmen? Ti hitehi mit kerek nemtau him mai. Ti hitorhi hi atip mekam. Hir nertei him mai."

²² †Jisas katip menmen im epei au, mitik ke polis kerp menep kiwaai his kakip kesiniwek kar ik: "Ti ap atip mitik pris iuwe enum mar im au emit."

²³ Jisas ketpiwek kar ik: "Hi atip enum ti atip mit in hiram mekam, o au en, hi atip werek ti henmak te ti eiyepe a?"

²⁴ Hir nitehi Jisas epei au, hir nipaa nesenkikiwek his neriuwe waai hiram wen mepu, mit neriuwetek ker-

† 18:15 Jo 20:3, 21:20; Mt 26:58 †† 18:20 Mt 26:55; Jo 7:26
‡ 18:22 Ap 23:2; Jo 19:3

uwerem ken kir mitik hak hirak pris iuwe niuk mirak Kaiafas.

Pita pike kepakin Jisas katip hi hepitariyek

(Mt 26:71-75; Mk 14:69-72; Lu 22:58-62)

²⁵ Pita wen keperp si kekinin yink kirak, te mit han netpiwek nar ik: "Ti etike mit han yises him me Jisas o au?"

Pita kepakinek ketpor kar ik, "Hi au."

²⁶ ††Mitik kiutip kirak menmen me mitik pris iuwe, hirak ke weiwik me mitik kerek Pita keremir nikip mirak, hirak kitiwekhi kar ik: "Nipaa hi herp ni eim, hi hirit ti herp hetikerek yeit ein o au?" ²⁷ ††Pita au kiune keteipim katip kar ik: "Ti hira au." Hirak katip epei au, suware katip.

Mit nesiuwe Jisas ken kir mitik ke gavman Pailat

(Mt 27:1-2, 11-14; Mk 15:1-5; Lu 23:1-5)

²⁸ Hir mit neithis Jisas ninaaiwir winak ke Kaiafas, hir nesiuwerek ken winak ke mitik iuwe gavman. Hirak wanewik. Mit iuwe ne Isrel hir ninapen nanino winak ke gavman nentar hir nanino nanikre winak ke mitik ap ke weiwik me Isrel, him me Moses matip hir enun ne ninaan me God nar ke mitik hapik mewik. Te hir ap nanim menmen me wi Pasova kerek mit nererik han tewenin God kenep mit ne Isip. ²⁹ Hir ninapen nanino nimin, te mitik gavman Pailat ken witeik kitorhi kar ik: "Yi yesiuwe him mitik ik yentar mekam a?"

³⁰ Hir netpiwek nar ik: "Mitik ik ap kirak menmen enum au, haiu ap te meriyaak man in au."

³¹ ††Pailat ketpor kar ik: "Yi hiras yetiwekhis yesiuwerek kakno kaunsil ni te yi yesiuwek him yises menmen mi nipaa maamrer netpim yi yiriakem me mitik kirak enum."

Hir netpiwek nar ik: "Mit iuwe ne Rom ap newisai haiu mamnep mit hir nani." ³² †††(Menmen im epei man te hiram mises him kerek nipaa Jisas katip kakirkeik te hirak kaki.)

³³ Pailat katip epei au, hirak pike ken nimin winak. Hirak kenine mit nanit Jisas neiyik naninen menep. Epei au, hirak kitiwekhi kar ik: "Ti Mitik Iuwe King hinin naanmampre mit ne Isrel o au?"

³⁴ Jisas kitiwekhi kar ik: "Ti hirekes han kitetim o ti hemtau mit han netputem?"

³⁵ †Pailat ketpiwek kar ik: "Ti han kitet hi mitik ke weiwik me Isrel a? Hi au. Mit ne weiwik me Isrel netike mit iuwe pris nir netuthis neriuwetit ti han in. Ti hiriak mekam?"

³⁶ Jisas ketpiwek, "Hi ap ehinin naanempre mit ne ti in ek au. Hi naanempre mit in, te mit kerek nisisa hir nankepa nantikeri naninepan, te hir ap nantauhis. Au, hi ehu in ehinin naanmipre mit au."

³⁷ ††Hirak katip epei au, Pailat kitiwekhi kar ik: "Ti mitik iuwe ehinin mit a?"

†† 18:26 Jo 18:1, 10 †† 18:27 Jo 13:38 ††† 18:31 Jo 19:6-7; Ap 18:15 ††† 18:32 Mt 20:19; Jo 3:14, 12:33 † 18:35 Jo 1:11
‡† 18:37 1Ti 6:13; Jo 3:32-33, 8:47

Jisas ketpiwek, "Ti atip hi Mitik Iuwe. Miye pai wina hi herp ti te hi hiriak menmen im miutip. Hi hatip mit him yaa'im. Neimin nises him yaa'im hir nanimtau him mai."

³⁸ Pailat kitiwekhi, "Him yaa'im hiram mekam?"

Pailat katip kewis mit nanwenkek Jisas kau nu tentakakit

(Mt 27:15-31; Mk 15:6-20; Lu 23:13-25)

Hirakit tatip epei au, Pailat pike ken witeik katip mit ne Isrel kar ik: "Hi ap hertei menmen enum hirak kiriakem, te hi akip kaki au. ³⁹ Me tito miutip tito miutip hi hises menmen nipaa yi yiriakem. Me wi Pasova hi esiupan mitik enuk kiutip kau kekere winak enuk kakenen yi mit. Yi hanhan hi esiupan Mitik Iuwe ke Isrel ik e o au?"

⁴⁰ Hir ninap netpiwek nar ik: "Hirak au. Haiu hanhan ti esiupan Barabas." (Mitik Barabas hirak mitik enuk kenep mit naa hirak kekintip menmen.)

19 Hir mit en ninap natip menmen epei au, mitik Pailat keit Jisas ken niman katip mit nirak ne ami hir nanwaai nipin nankip. ² Hir nakip epei au, hir neit waai nekepen nimaak kire teperiye nekiun kau paan kirak. Epei au, hir neit laplap mire yiwir neri-uwetiwekem nar ke mit iuwe ne gavman neriuwetem, te hir nan nititiweknaan natip, ³ Haiu hanhan mitik iuwe king kinin naanmipre mit ne Isrel kaku tipmain tipmain enum eik." Epei au, hir niwaai his nakip.

⁴ Epei au, hirak Pailat pike ken witeik katip mit en kar ik: "Yi eiyimtau. Hi etiwekhis eiyik enen witeik te yi yertei hi epitari menmen miutip hirak kiriakem te hirak kaki kakinterim." ⁵ Hirak katip epei au, Jisas ketpaan kan witeik keriuwe waai nekepen kau paan kirak laplap mire yiwir mau yink kirak. Jisas kan witeik, Pailat katip, "Yi eiyirek. Hirak mitik ik e."

⁶ Mit iuwe pris netike mit kerek naanmipre winak iuwe ke God nirek, hir ninap natip nar ik: "Yi eiwenkekik eku nu tentarakit. Yi eiwenkekik eku nu tentarakit." Hir ninap natip, te Pailat ketpor, "Yi yaiwiwekhis eiwenkekik eku nu tentarakit. Hi epitari menmen enum hirak kiriakem, te hirak kaki kakinterim."

⁷ Mit iuwe ne Isrel natip nar ik: "Him lo mekre tiwei haiu misesim hiram matip hirak eki ekintar hirak katip hirak Nikan ke God."

⁸ Pailat hirak kemtau him im, te hirak kinaain wisenum kentar Jisas katip hirak Nikan ke God.

⁹ Hirak kari Jisas keiyik kan winak iuwe eik kentar hirak han kitet Jisas hirak Nikan ke God. Te hirak kitiwekhi kar ik: "Ti ekine wit kit keik." Jisas au, kekintip keit. ¹⁰ Pailat ketpiwek, "Ti henmak te ti etpo au? Ti epitari hi iuwe te hi esiupenit o hi ewenkekik ehu nu tentarakit a?"

¹¹ Jisas ketpiwek, "Ti iuwe hinina hentar God kewisit ti hiriakem. Mitik kerek keriuweta hi han hau his mit

hirak kiriak menmen enum wisenum. Ti au hiriak enum kike."

¹² Pailat kemtau him im hirak han kitet karkeik te hirak kaksipan Jisas. Au, mit ne Isrel netpiwek nar ik: "Ti esiupanek ti ap ekaap mitik iuwe Sisa keit Rom. Keimin katip hirak mitik iuwe kinin mit, hirak mitik enuk kepan ke Sisa."

¹³ Pailat kemtau him im, hirak keithis Jisas keiyik ken witeik kau yeno ke mitik iuwe masistret keit wit niuk mirak "Ya nan" (Mit ne Isrel nekine wit ik "Gabata")

¹⁴ Wi im hiram wi mit ne Isrel neman menmen me wi Pasova kerek hir hantewenin nipaa God kenep mit ne Isip te hir mit ne Isrel au. Wepni kau niman iuwe, te Pailat ketpor kar ik: "Yi eiyir mitik iuwe king ki ik e."

¹⁵ Hir pike ninap netpiwek, "Akip! Akip! Ti ewenkekik eku nu tentarakit."

Pailat kitorhi, "Mekam? Yi hanhan hi ewenkek mitik iuwe king ki eku nu tentarakit a?"

Mit iuwe pris pike netpiwek nar ik: "Sisa kerekek hirak mitik iuwe kaiu. Mit han au." ¹⁶ Hir natip menmen im epei au, Pailat kewet mit nirak ek te hir netiwekhis neriyaak nen newenkekik kaku nu tentarakit.

Mit hir newenkek Jisas kentar nu tentarakit

(Mt 27:32-44; Mk 15:21-32; Lu 23:26-43)

¹⁷ Mit ne ami nirak hir netiwekhis, hirak kekerir nu kirak hirak keiyik ken wit niuk mirak "Wit Herwe Paan" kerek mit ne Isrel nenewek "Wit Golgota." ¹⁸ Hir newenkekik keit ein. Hir newenkek mitikit wiketeret tentar nu tentarakit tetikerek. Kiutip kau ken his yaa'im kiutip kau ken his henkik, Jisas kekere niman. ¹⁹ Pailat kewis him mau menmen katip mit nirak hir newisik kentar nu tentarakit. Him mirak matip mar im: "IK JISAS KE NASARET, MITIK IUWE KE ISREL." ²⁰ Mit yapirwe ne Isrel nekine menmen im nentar wit kerek Jisas mit newenkekik kau nu tentarakit hirak menep wit iuwe Jerusalem. Him hir newisim mekre him me mit ne Isrel, him me mit Grik metike him me mit ne Rom.

²¹ Mit iuwe pris ne Isrel nen natip pailat nar ik: "Ti ap ewis mitik iuwe king ke Isrel au. Ti ewis mitik ik katip hirekes mitik iuwe king ke Isrel."

²² Pailat pike ketpor kar ik: "Menmen hi nepei ewisim emirem emu!"

²³ Mitikit te ami tewenkekik epei au, hirakit tekyaaait teit Jisas klos mirak tenkerem tetetakitem. Hir neit laplap saket nokim mirak kerek mire miutip hir mewim au. ²⁴ Te mitikit te ami tatip tar ik: "Haiu ap mamwepim au. Haiu emretit satu eiyik emwirem te haiu emirem emirte keimin kaktiwem, ti o hi." Hirakit tiriak menmen im, te him me God mau tiwei nipaa mit profet newisim hirak mamnen. Him im matip mar ik: "Hir mit nenke klos mai newetan. Hir neretit Satu me laplap nokim mai." Te mitikit te ami tiriak menmen im.

²⁵ Jisas miye pirak werp wetikewa hi Jon kerek Jisas hanhan keriuwa. ²⁶ Te hirak katip miye pirak, "Mite, nikan kit kerp in kereptit." ²⁷ Nepei au, hirak katip hi

† 19:2 Lu 23:11 †† 19:3 Jo 18:22 ‡ 19:4 Jo 18:38 †† 19:6 Jo 18:31 †† 19:7 Lev 24:16; Jo 5:18, 18:31 ††† 19:9 Mt 26:62-63, 27:12; Lu 23:9 ††† 19:11 Jo 10:18; Ap 2:23; Ro 13:1

§ 19:12 Lu 23:2; Ap 17:7 §† 19:24 Sam 22:18 §†† 19:25 Mt 27:55-56 §† 19:26 Jo 13:23

mitik disaipel kirak har ik: "Ip e hire miye pit." Me wi ik Jisas ketpim ere maain, hire wen wau wetikewa wau weit winak kai.

Jisas kaa

(Mt 27:45-56; Mk 15:33-41; Lu 23:44-49)

²⁸ Jisas katip epei au, hirak kertei hirak kiriak menmen yapirwe epei au kerek nipaa mit profet newisim mau tiwei. Menmen miutip keremem mau tiwei. Hirak hanhan hiram mamnen mamir nipaa mit newisim, te hirak katip, "Hi him niu enuk (o mar kewenkika him) ehim tipar mei." ²⁹ ††Min kiutip kepu tipar si enum mekrerek. Mit en neit mosong nikiam newenem mekre tipar nesenekim mentar nu heneik ke nu hisop (hiram mire mapik) hir neriuwetem men him mirak. ³⁰ Jisas kaam tipar si enum. Epei au, hirak katip kar ik: "Menmen God katip hi hiriakem hiram epei au." Hirak katip epei au, hirak kitehir kaa keriuwet himin kirak ken.

Mitik ke ami kan kewir yipo kenepir hirepit me Jisas

³¹ †Mit iuwe ne Isrel nen nitehi Pailat hirak kaksiuwe mit nirak nanwen hit nian ne mit nau nu tentarakit hir nani waswas nentar ik ek wi kerek mit nemani menmen me wi Sabat. Hir ninapen mit en wen nanu nanit nanintar nu tentarakit ne wi Sabat nentar Sabat im hiram wi Pasova mekrit, hiram wi yaaim holi iuwe. ³² Hir nitehi Pailat epei au, hirak keriuwet mit hir nen newen hit me mitik ke his yaaim, mitik ke his henkik kerek hir newenkekik tau nu tentarakit tetike Jisas. ³³ Hir nan nir Jisas hirak epei kaa, te hir ap newen hit mirak. ³⁴ Mitik kiutip ke mit ne ami hirak kewir yipo kirak kakip kenepir hirepit me Jisas te tipar metike hemkre mewen. ³⁵ ††(Hi mitik kerek hi hir menmen im hi hewisim mau tiwei te yi eyirtei Jisas hirak Nikan ke God. Menmen hi hewisim hiram yaaim. Hi ap hemipin au. Hi atip werek.) ³⁶ ††Menmen epei man mire him me God mau tiwei nipaa mit profet newisim hiram matip. Him im matip mar im: "Mit ap nanwen hemik mei mirak miutip au." ³⁷ †††Him ham mau tiwei matip mar im: "Mit nanir mitik kerek nipaa hirnewir yipo nankip nenepir hirepit."

Mitikit tewis Jisas herwe yink mirak mekre han kewen kinik

(Mt 27:57-61; Mk 15:42-47; Lu 23:50-56)

³⁸ †††Mit niriak menmen im epei au, mitik Josep ke wit Arimatia kitehi Pailat hirak kakinke Jisas herwe yink kirak keit nu tentarakit. Josep hirak kises him me Jisas, te hirak kepakinem kentar hirak kinaain mit iuwe ne Isrel. Pailat kewenhi, te hirak ken keit yink kirak keiyik ken. ³⁹ ††Mitik Nikodimas kerek nipaa ken kir Jisas ke witaan ken ketike Josep, hirak keit 50 kilo me tipar me nu

† 19:28 Sam 22:15 †† 19:29 Sam 69:21 † 19:31 Diu 21:22-23 †† 19:35 Jo 21:24 †† 19:36 Eks 12:46; Nam 9:12; Sam 34:20 ††† 19:37 Sek 12:10; Rev 1:7 ††† 19:38 Jo 7:13, 12:42 † 19:39 Jo 3:1-2

wik minin yaaim. ⁴⁰ Hirakit teit Jisas herwe yink kirak, hir nesenekik mekre laplap yaaim metike nu tipar. Mar im mit ne Isrel nemani herwe yink ke mit, hir newisik kekere han. ⁴¹ Wit kerek mit newenkek Jisas kau nu tentarakit, ni mepu menep han kewen kinik kepu kerek herwe ap mei miwaai mekrerek ap nipaa ein au. ⁴² Te hirakit tewis Jisas herwe yink kirak kekerek tentar wi im hiram wi kerek mit nemani menmen me wi Sabat. Wi ham mepeit te hirakit tintatin wit hak tewisik kekerek au.

Jisas pike kekrit kepu

(Mt 28:1-8; Mk 16:1-8; Lu 24:1-12)

20 Wi Sande hekrit enum hirkiwo, Maria pe Magdala hire wan han kerek mitikit tewis Jisas kekerek. Hire wan wirek, hire wir nan kerek nipaa keiyepet him ke han eik, mit nenkerek kenpin kekeipin hei eik. ² ††Hire wirek epei au, hire wirir wen wir Saimon Pita ketike hi mitik disaipel hak kerek Jisas hanhana. Hire wetpawir war ik: "Hir mit epei neit yink ke Mitik Kaiu Iuwe kekere han eik, hir neiyik nen newisik kiwaai nein te hawir miyapir ap winapinek au." ³ Hire watip epei au, Pita ketikewa hawir winaiwiri wen han eik e. ⁴ Hawir wesiuknen te hi mitik hak eik hinin Pita hen hir han eik. ⁵ Hi hitehir herenaan hir laplap miwaai te hi ap hen nimin en au. ⁶ Saimon Pita kikaru kan kewenayipir. Hirak ken kekere han eik kir laplap yaaim miwaai en. ⁷ †††Hirak kir laplap nipaa hirakit mitikit wik tewisim teiyim teweikin paan ke Jisas keriuwerem. Hiram ap miwaai metike laplap ham au. Hiram miutipen miwaai ham, hirak Jisas keweiknenim miwaai meit. ⁸ Pita ken nimin en epei au, hi mitik disaipel hak kerek hi hinin han hiun han kewen kinik eik, hi hisesik hir menmen te hi hertei Jisas pike kekrit. ⁹ ††Nipaa ere wi im em, mit wen nepitari him me God mekre tiwei hiram matip mar im: "Hirak pike kakikrit kaku kakit." ¹⁰ Hawir wirek epei au, hawir pike wen nawir en.

Jisas hirak kewepyapir Maria pe Magdala hirekes

(Mk 16:9-11)

¹¹ Maria wan werp han werp witeik witehir wiwaanaan wikitek. Hire wikitek, hire witehir were-nan. ¹² Te hire wir mitikit ensel wik teriuwet laplap me hike tau yeno kerek nipaa Jisas herwe yink kirak kiwaairi, kiutip kau yeno paan, kiutip kau yeno me hit. ¹³ Hirakit titiwehi tar ik: "Mite, ti henmak te ti hikit?" Hire wetpiwekit, "Mit epei neit herwe yink ke Mitik Iuwe kai neiyik nen wit hak, te hi hepitari hir newisik keit nein." ¹⁴ †††Hire watip epei au, hire weweikin wir Jisas kerp menep te hire wepitari hirak Jisas. ¹⁵ Jisas kitiwehi kar ik: "Mite ti henmak te ti hikit? Ti hinhatin keimin?"

Hire han kitet hirak mitik kerek naanmipre ni, te hire wetpiwek, "Mitik, ti heit yink kirak hewisik kiwaai wit hak ti etpau te hi ano etiwek."

† 20:2 Jo 13:23 ††† 20:7 Jo 11:44 †† 20:9 Ap 2:24-32; 1Ko 15:4 ††† 20:14 Lu 24:16; Jo 21:4

¹⁶ Jisas ketpiwe, "Maria."

Hire weweikin wikiamnaan wirek, te hire wenke him me Isrel wetpiwek war ik: "Rabonai." Hiram matip tisa.

¹⁷ Jisas ketpiwe kar ik: "Ti ap etenina au emit. Hi ap han hir Haai kai wen au. Ti eno atip nai yinan mit disaipel har ik: 'Hi ano ahirek kerek hirak Haai kai, Haai ki, God kai, God ki.'"

¹⁸ Hirak katip epei au, Maria pe Magdala pike wen watip mit disaipel me menmen hire watip, "Hi epei hir Mitik Iuwe." Te hire wetpor him kerek hirak nepei ketpiwerem.

Jisas kewepyapir haiu mit disaipel nirak hirekes

(Mt 28:16-20; Mk 16:14-18; Lu 24:36-49)

¹⁹ Witaan me wi Sande, haiu mit disaipel haiu mererik meiyepet weipir, te mit ap nirai mentar haiu minaan mit iuwe ne Isrel nantaihis naniwep. Haiu wen mepeit en, Jisas kan kokninai kerp nimin ketpai, "Yi han yaaik eiyu." ²⁰ Hirak ketpai epei au, hirak keteiknai his mirak nipaa mit nekenpet nil mekre his mirak, keteiknai hirepit kerek mitik ke ami kakip kenepor keriuwe yipo. Haiu mit disaipel mirem, haiu han yaaik iuwe mentar haiu mertei Mitik kaiu Iuwe pike kekrit. ²¹ Jisas pike ketpai, "Yi han yaaik eiyu. Hi heriuweti yi yepno yiriak menmen mai yar ke Haai kai keriuweta hi han ti ik e." ²² Hirak ketpai epei au, hirak ketenwawai ketpai kar ik: "Yi eiyit God Himin Yaaik. ²³ Yi yesiuwe menmen enum mau mekre han ke mit ap han kitetim, hiram mamno, o au en, hiram mamu han kir mamu mamit."

Jisas kewepyapir Tomas hirekes

²⁴ Wi kerek Jisas kan kewepyapir haiu mit disaipel nirak hirekes, mitik kiutip Tomas kepu ketikewai au. Niuk mirak ham Didimas. ²⁵ Maain, haiu mit disaipel haiu mirek haiu metpiwek mar ik: "Haiu epei mir Mitik Iuwe Jisas." Au, Tomas ketpai, "Hi ap hir pap mekre his o heriuwet his mai mamno mitet pap me hirepit mirak, hi ap han kitet hirak kepu au."

²⁶ Maain wi hispinak wikak (8) epei au, haiu mererik meit nimin hir neiyepet weipir, Tomas kau ketikewai. Haiu meiyepet weipir te Jisas hirak kan kokninai kerp nimin ke haiu mit miyapir ketpai kar ik: "Yi han yaaik eiyu." ²⁷ Epei au, hirak katip Tomas kar ik: "Ti ewis histuwak kit eknen in ehir his mai. Epei au ti eriuwet his mamnen mitet hirepit mai. Ti ap eweikin sip eweto au. Ti eisisa!"

²⁸ Tomas ketpiwek kar ik: "Ti Mitik Iuwe kai, ti God kai!"

²⁹ Jisas ketpiwek, "Ti han kitet hi pike hekrit hentar ti hira a? Neimin ap nira te hir han kitet hi pike hekrit, hir nininit."

Jon katip kenmak hirak kewis tiwei ik.

³⁰ Jisas kiriak menmen yapirwe yaaim ham kikaap mit han. Haiu mit disaipel epei mirem te hi ap hewisim mekre tiwei ik. ³¹ Menmen hi hewisim im hi hewisim, te yi mit kerek yekine tiwei ik, yi yertei Jisas hirak mitik Krais kerek God keriuwetek kan ti ik kikaap haiu mit ne ti. Hirak nikan ke God yi eiyisesik yi yayit himin yaaik eiyu eitikerek eiyintar hirak Mitik Iuwe ik kerek nipaa God ketpaiyem.

Jisas kewepyapir haiu mit disaipel mar hispinak wik hirekes

21 ¹ Maain wi ham Jisas kewepyapir haiu mit disaipel nirak hirekes keit wan Taibirias. Hirak kiriakem kar ik. ² Saimon Pita, Tomas (kerek niuk mirak ham Didimas), Nataniel ke wit Kena ke provins Galili, hawir nikerek hirakit wik te mitik Sebedi, haiu metike disaipel wik hakit te Jisas. Haiu mererik mau meit. ³ Haiu mererik mau meit, Saimon ketpai kar ik: "Hi are ano hahu bot ewir hepin ehit saauk mei." Hirak katip, te haiu metpiwek, "Haiu mamno mamtikewit." Haiu men mau bot men mewir hepin witaan ere wanewik, te haiu meit saauk mei miutip au.

⁴ Wepni kewep kan, Jisas kerp tenhaan menep tipar, te haiu mit disaipel ap mertei hirak Jisas au. Haiu han kitet hirak mitik hak. ⁵ Hirak ketpai kar ik: "Yi pipep, yi yeit menmen o au?" Haiu matip, "Ap saauk mei au." ⁶ Hirak katip kar ik: "Yi eiwir hepin mi emno his yaaim mekre tipar te yi eiyit saauk mei." Hirak katip epei au, haiu mewir hepin mekre tipar, te haiu ap pike meriyaam meriuwe saauk yapirwe miwaa mekremerem. ⁷ Hi mitik disaipel kerek Jisas hanhana hi hatip Pita, "Mitik Iuwe Jisas eik e." Pita kemtewek, te hirak keriuwet saket iuwe miwapin yink kirak. (Hirak keriuwet saket kentar hirak kenke klos mirak te kakit saauk.) Hirak keriuwetem epei au, hirak kehin kamin tipar kari wan ken kiun Jisas. ⁸ Haiu mit disaipel han nau bot man tenhaan mari hepin saauk mekremerem mau niu. Haiu meit yanimin au. Haiu menep tenhaan mire 90 mita keriyen.

⁹ Haiu man merp tenhaan, haiu mir si miwaa meit ein, saauk mekre si metike bret mei. ¹⁰ Haiu epei man merp ein, te Jisas ketpai, "Yi eiyit saauk mei mekre hepin yi epei yetiwem eiyim einen." ¹¹ Hirak katip, te Saimon Pita ken kerp kekere bot kari hepin keiyim kan tenhaan. Saauk iuwe mar 153 miwaa mekre hepin, te hiram mewep saauk mirir au.

¹² Epei au, Jisas ketpai kar ik: "Yi einen eiyim." Keiyak ke haiu mit en ap kitewekhi hirak keimin kentar haiu yapirwe mertei hirak Mitik Iuwe Jisas. ¹³ Haiu merp, te Jisas kan keit bret keiyim kan kewetaiyem.

¹⁴ In ek haiu mit haiu mir Jisas meteipim wikak me wi nipaa Jisas kaa pike kekrit kepu ere in.

† 20:17 Ro 8:29; Hi 2:11-12 †† 20:19 Jo 19:38 † 20:20 Jo 19:34, 16:22; 1 Jo 1:1 †† 20:21 Jo 17:18 †† 20:23 Mt 18:18 †† 20:24 Jo 11:16, 14:5, 21:2 ††† 20:26 Jo 20:19-20 † 20:29 1 Pi 1:8

‡ 20:30 Jo 21:25 ††† 20:31 Jo 3:15; Ro 1:17; 1 Jo 5:13 †† 21:1 Jo 6:1 ††† 21:2 Jo 1:45-51, 20:24 †† 21:4 Jo 20:14 †† 21:5 Lu 24:41 ††† 21:6 Lu 5:4-7 ††† 21:7 Jo 13:23; Mt 14:29 ††† 21:11 Lu 5:6 18 21:13 Jo 6:11 19 21:14 Jo 20:19, 26

Jisas kitehi Pita menmen

¹⁵ †Haiu mit maam menmen epei au, Jisas katip Saimon Pita, "Saimon ti nikan ke Jon, ti hinin mit in hanhana hi o au?" Pita ketpiwek kar ik: "O Mitik Iuwe, ti hertei hi hanhan ti." Jisas ketpiwek, "Te ti naanmampre mit nanisisa ti har ke mitik naanmipre sipsip mai."

¹⁶ ††Jisas kitiwekhi keteipim, "Saimon ti nikan ke Jon, ti hanhana hi o au?" Pita ketpiwek keteipim, "O Mitik Iuwe, ti hertei hi hanhan ti." Jisas ketpiwek, "Ti naanmamre mit nanisisa ti har ke mitik naanmipre sipsip mai."

¹⁷ †Jisas pike kitiwekhi keteipim, "Pita, nikan ke Jon, ti hanhan hi o au?" Pita yink enuk kentar Jisas pike kitiwekhiyem wikak, te hirak pike ketpiwek kar ik: "Mitik Iuwe ti hertei menmen yapirwe. Ti hertei hi hanhan ti." Jisas ketpiwek keteipim kar ik: "Ti naanmamre mit nanisisa ti har ke mitik naanmipre sipsip mai."

¹⁸ ††"Hi hetput werék. Nipaa ti pipiak ti heit tanik kit ti hises han kit hen in hen ein. Maain ti he mitik, ti eriuwet his mit, mitik hak kaksenekim kakriuwe waai keiyik kakiryit ti eno wit kerek ti hinapen enori."

¹⁹ (Jisas katip menmen im kewepyapir karkeik te maain Pita kaki kakwenipi niuk me God.) Epei au, Jisas ketpiwek kar ik. "Ti ehisisa."

† 21:15 Jo 1:42; Mt 26:33 †† 21:16 Ap 20:28; 1Pi 5:2 ‡
21:17 Jo 13:38, 16:30 †† 21:18 2Pi 1:14; Mt 16:24-25; Mk 1:17; Jo 13:36

Jisas katip ke hi mitik disaipel kerek hirak hanhana iuwe

²⁰ ††Pita keweikin kerenaan kira hi mitik disaipel kiutip herp sip kirak kerek Jisas hanhana. Hi mitik disaipel kerek nipaa hepu yeno hetike Jisas wirapitakit hi hitiwekhi har ik: "Mitik Iuwe, keimin kewepityapir ti eno mit enun?" ²¹ Pita kira hirak kitehi Jisas kar ik: "Mitik Iuwe, mekam mamnen mitik ik?"

²² ††Jisas ketpiwek, "Hi hanhan hirak kaku ere hi pike anen, hiram menmen mit au. Ti ehisisa."

²³ Te him epei mekrit te mit nises him me Krais natip hi mitik disaipel ik ek hahi au. Te Jisas ap katip hi ap hahi au. Hirak katip, "Hi hanhan mitik ik kaku ere hi pike anen, hiram menmen mit au."

²⁴ †††Hi kerekek hi disaipel hi atip me menmen im, hi ewisim mau tiwei. Yi yertei menmen hi hetpim, hiram him yaaim, hi ap emipin au. ²⁵ †Jisas kiriak menmen yapirwe ham. Mit hir nanwisim mamu tiwei ham, hi han kitet ti im haiu mit mewim ap ketenen tiwei yapirwe mar im taau.

Mepir keremem

‡‡ 21:20 Jo 13:23-25 ††† 21:22 Mt 16:28 ††† 21:24 Jo 19:35
§ 21:25 Jo 20:30

APOSEL

Menmen me tiwei ik

Mit hir nau nemerir wi hir nantip mit him me Jisas

r 1:1-26

r*

1. Jisas katip mit disaipel menmen

r 1:1-14

r*

2. Mitik kekrehir ke Judas

r 1:15-26

r*

Mit newepyapir him me Jisas neit Jerusalem

r 2:1-8:3

r*

Mit newepyapir him me Jisas neit Judea ketike Sameria

r 8:4-12:25

r*

Mitik Pol katip mit him me Jisas

r 13:1-28:31

r*

1. Namba wan taim Pol ken kerer wit wit

r 13:1-14:28

r*

2. Mit nererik natip neit Jerusalem

r 15:1-35

r*

3. Namba tu taim Pol ken kerer wit wit

r 15:36-18:22

r*

4. Namba tri taim Pol ken kerer wit wit

r 18:23-21:16

r*

5. Pol kekre winak enuk keit wit Jerusalem, Sisaria ketike wit

r 21:17-28:31

r*

Jisas katip kaksuwe God Himin Yaaik kaknen kakikaap mit

1 †Kai yinak Tiofilas, nipaa hi Luk hewiswut tiwei hak me menmen Jisas hirak kirakem metike him hirak ketipim kewepyapir mit em, ² †ere wi God ketiwekhis keiyik ken wit kirak. God ketiwekhis wen au, Jisas hirak wen kepu ti, hirak katip mit nirak kerek nipaa hirak kehimiteni hir aposel hir nanwep yapir him

† 1:1 Lu 1:1-4 †† 1:2 Mk 16:19; Lu 24:49-51

mirak. Hirak ketpor him nipaa God Himin kirak Yaaik ketpiwekem. ³ †Jisas hirak kaa pike kekrit nepei au, me wi 40 hirak keteiknor hirak hirekes kepu keriuwe menmen yapirwe hirak kirakem. Hirak kewepyapir hirekes ketpor menmen me God kakinin mit naanempror. ⁴ †Hirak wen kepu ketikeri, hirak ketpor him manp te hir ap naninaaiwir wit Jerusalem au. Hirak katip kar ik: “Yi eiyit in ere God Himin kirak Yaaik kerek nipaa God Haai kai katip kakriuwetek hirak kaknen. Nipaa hi het-

‡ 1:3 Lu 24:36-49; Ap 10:41 †† 1:4 Lu 24:49; Jo 14:16-17; Ap 2:33

piyem. ⁵†Nipaa Jon kikir mit neriuwe tipar keremem. Te maain wi ham God kakweti yi mit Himin kirak Yaaik kaknen kaku kakikre han ki, hirak kakikepi yi einaaiwir wit Jerusalem eiwepyapir him me God.”

⁶††Mit aposel wen nererik nepu, hir nitiwekhi nar ik: “Mitik Iuwe me wi im te ti ehu wit Isrel ehinin naan-mamprai haiu mit ne Isrel a?” ⁷†Hirak kewenhi ketpor kar ik: “Hiram ap menmen mi te yi eiyrtei wi te menmen im mamnen au. God Haai hirekes kimat wi im kises han kirak. Te menmen im hi hetpiyem te yi eiyrteiyem. ⁸††Maain God Himin Yaaik kaknen kakwi yi yayit menmen mirak iuwe mamkepi, yi yaino wit Jerusalem eiwepyapir him mai. Im em epei au, yi yaino provins Judia. Im em epei au, yi yaino wit iuwe Sameria metike wit yapirwe, yi eiwepyapir him mai.”

Jisas kinaaiwir ti ken wit ke God

(Mk 16:19-20; Lu 24:50-53)

⁹††Hirak ketpor him im epei au, hir wen nirek, hirak God keriyaa kinaaiwir ti ken niu, napi kiwapinek hir nirek nepei au. ¹⁰†††Hir wen nereweknaan keit nepni, mitikit wik terp tekiteri klos mirakit hiram mire hike. ¹¹†††Hirakit tetpor tar ik: “Yi mit ne Galili yi yemak yi yereweknaan keit nepni? Mitik eik Jisas hirekes yi yirek hirak kinaiwiri ken wit ke God, maain hirak pike kaknen kakir ke in ek yi yirek hirak ken nepni.”

Mit aposel nehimitan mitik hak kekrehir ke mitik Judas nipaa kaa

¹²§Hirakit tatip epei au, hir aposel ninaaiwir miniu (o neiyip) niuk mirak wit Oliv, hir nen wit Jerusalem. Hirak ap yanimin au. Hirak menep kar ke mit ne Juda me wi Sabat hir neke ti nanino. Hirak kire 1 kilomita. ¹³§†††Hir nipiun Jerusalem, hir nan winak kerek nipaa hir newik. Hir ninik nen haau nimin ein mekre winak kau niu. Hir mit in: Pita, Jon, Jems, Andru, Filip, Tomas, Batolomyu, Matyu, Jems hirak mitik hak nikan ke mitik Alfias, Saimon kerek kises him me mit Selot, hir netike Judas nikan ke Jems, Maria, miye pe Jisas wetike kikrek nirak, hir netike miyapir han. Hir yapirwe nau haau ik e. Wi yapirwe hir nererik neit in, hir nitehi God menmen. ¹⁵Maain wi ham mit 120 hir nises him me Krai, hir nererik nau haau iuwe, Pita kekrit ketpor kar ik: ¹⁶§†Nai yinan, nipaa God Himin Yaaik kenip mitik iuwe King Devit hirak kewis him mau tiwei me mitik Judas kerek nipaa kewepyapir Jisas kerp nein te hir mit enun netiwekhis. Him im nepei man mar ke nipaa Devit kewisim hiram mamnen. ¹⁷Nipaa Judas hirak ketikewai. Jisas kehimitanek kiriak menmen ketikewai. ¹⁸§††(Mitik ik keit ti mei keriuwe pewek hirak nipaa ketiwem me menmen enum hirak kiriak Jisas em. Hirak keit ti, hirak kerp kau niu kenkewin ken ti tu kewep nimp meket men witeik hirak kaa.” ¹⁹Mit yapir-

† 1:5 Mt 3:11 †† 1:6 Lu 24:21 ‡ 1:7 Mk 13:32 †† 1:8 Mt 28:19; Lu 24:48; Ap 2:32, 3:15, 5:32; Ef 3:16 †† 1:9 Jo 6:62 ††† 1:10 Lu 24:4 ††† 1:11 Mt 26:64; Lu 21:27; Rev 1:7 § 1:12 Lu 24:50-53 §† 1:13-14 Mt 10:2-4 ††† 1:13-14 Jo 7:5 §† 1:16 Sam 41:9 §†† 1:18 Mt 27:3-10

we neit Jerusalem nemtau Judas kaa karkeik te hir nekine ti ik mekre him mir hir natip Akeldama. Him im hiram matip mar im: “Hemkre mekiuwe ti.”)

²⁰§†Him mau tiwei nipaa Devit kewisim hiram Sam. Him im matip mar im, ‘Winak kirak kaku weinik, mitik hak ap kakwik ekit. Mitik hak kakikrehir kirak kakriak menmen nipaa hirak kiriakem.’

²¹§†Sis, haiu mamihimitan mitik hak kaktikewai mamwepyapir Mitik Iuwe Jisas hirak pike kekrit. Haiu mamihimitan mitik kerek kekitewai men ein nipaa Mitik Iuwe Jisas kekitewai haiu men me wi Jon kewepyapir him me God hirak kikir mit ere God keithis Jisas keyiyik ken wit kirak.” ²³Pita katip epei au, hir nehimitan mitikit wik. Josep kerek mit hir nekinaak Banabas o Jastas, hirak kekite Mataias. Hirakit wik keretet. ²⁴§††Hir nehimitan wik et, hir nitehi Mitik Iuwe God nar ik: “Mitik Iuwe ti epei hertei han ke mit yapirwe te ti eteiknai keimin ke mitikit wik it ti ehimitanek ²⁵hirak kakikrehir ke Judas. Judas hirak keweikin sip kewet menmen im me God hirak kaa epei ken wit kerek nipaa ti God ehimitanek hirak kaknori. Hirak kakikrehir kirak te hirak kakriak menmen kakir ke haiu mit aposel.” ²⁶Hir nitehi Mitik Iuwe God menmen nepei au, hir nen vot keimin kakikrehir ke Judas. Hir nen vot nepei au, hir nehimitan Mataias hirak kakikrehir ke Judas, hirak kaku kaktike mit aposel nar ke hiswiyen kiutip (11).

God Himin Yaaik kekiuwe kan kau kekere mit

²§†Mewaai meruri wi Pentikos epei man, kerek mit nererik newet God menmen ham me ni mir, mit kerek nises him me Krai hir nererik nau winak kiutip. ²Hir nererik nau winak, wasenum menmen mesikeyaanmi meke nepni man mire yuwerep miniu ma mekre winak, hiram mesikeyaanmi (o mesikewari) wisenum meit winak mit newik. ³§§Hiram mesikeyaanmi wisenum meit winak eik, hir mit en nir menmen mire si mekinen nin kike kike mau merer mit hiras yapirwe nau winak. ⁴††Hir yapirwe God Himin Yaaik kewi kinini naanmipror, hir natip him ham him ham hir netariyem, kerek God Himin Yaaik kenipi niutip niutip hir netpim.

⁵Me wi im mit ne weiwik miutip ne Isrel hir nises him me God nitiwekhi menmen, hir nau nerer wit wit, hir nan nau wit Jerusalem nanises menmen me wi Pentikos. ⁶Mit yapirwe in hir nemtau menmen mesikeyaanmi (o mesikewari) meit winak ke aposel newik, te hir nesiuknen nan nererik, hir han kir kekrit kekrit kentar hir nemtau mit nises him me Krai natip him mir. ⁷†Hir nehinhin nemtau menmen im te hir natipan nar ik: “Mit in hir natip him maiu te hir ne Galili keriyen, ⁸te haiu markeik haiu niutip niutip memtau him maiu me nipaa ein miye haai nau netpim neit wit kaiu eik?” ⁹††Haiu mit yapirwe merer

§† 1:20 Sam 69:25, 109:8 §† 1:21-22 Jo 15:27 §†† 1:24 Jo 2:25 §§† 2:1 Lev 23:15-21; Diu 16:9-11 §§§ 2:3 Mt 3:11 18 2:4 Ap 4:31, 10:44-46, 19:6; Mk 16:17 19 2:7 Ap 1:11 20 2:9 2Ti 1:15

provins mar im em. Haiu ne wit Patia, Midia, Ilam, Mesopotemia, Judia, Kapadosia, Pontas, Esia, ¹⁰ Frisia, Pamfilia, wit iuwe Isip, wit me Libia menep Sairini. Haiu mit han ne wit iuwe Rom haiu mau in, ¹¹ haiu mit han ne weiwik miutip me Isrel, haiu mit han au weiwik miutip ham. Haiu mit han ne wit Krit o Arebia, te haiu mit yapirwe memtau menmen iuwe God kiriakem kerek mit in hir netpaiyem neriuwe him maiu.” ¹² Han kir katip te hir nitehiyan natip nar ik: “Mekam im hiram epei man?” ¹³ Au, mit han hir nitetnaan natip, “Mit in naam tipar si enum wain keremem, te hir netaritari.”

Pita kewepyapir him me God

¹⁴ Te Pita kekrit ketike mit aposel hiswiyen kiutip (11) hirak katip him iuwe katip kar ik: “Yi mit ne Judia yetike mit yi yau wit Jerusalem, yi nikip emnep eyimtau menmen im hi etpiyem me menmen im epei man. ¹⁵ Yi han kitet mit in hir naam tipar si enum hir netaritari. Hir au, hirak weni hekrit wepni kewep kan kerekek. Witaan te mit hir naam tipar si enum netaritari. ¹⁶ Menmen im yi yemtehem hiram menmen nipaa profet Joel hirak ketpim kar ik:

¹⁷ †Hi God me wi kerek Mitik Iuwe Krai epei kaknen kaku ti, hi hirekes ariuwet Himin kai Yaaik kaknen mit yapirwe. Nikerek hirakit tetike nikerek hiram (o hiran) ni hir nanwepyapir him mai, yi mit pipep yi wen yepu yityaak, yi enun ye mit yi eiwaai eyityak eyir menmen mai. ¹⁸ Me wi ham im mit han nai o miyapir han nai hir niriak menmen mai hi eriuwet Himin kai Yaaik kaknen te hir nanwepyapir him mai.

¹⁹ Me wi eim, hi ariak menmen nipaa yi yirem mau nepni o mau ti mar im au. Hi ariak si metike si tiwekre hemkre hiram mamnen.

²⁰ Wepni kakir au, wenke hirak kakweikin his kakre yiwir menep wi yaaim Mitik Iuwe Krai pike kaknen ti ik.

²¹ ††Te mit miyapir niutip niutip kerek nenine Mitik Iuwe nanitehi Krai kakikepi, hirak kakikepi kaktorhis.’ Profet Joel katip him im.

²² ††Yi mit ne Isrel yi eyimtau him im me Jisas ke Nasaret. Yi yertei Jisas kiriak menmen yaaim yapirwe, hirak kikaap mit his hit enum keriuwe menmen iuwe God kewetiwekem. God keteikni hirak keriuwet Jisas kan keriuwe menmen hirak kewis Jisas kiriakem, yi mit epei yirem. ²³ ††Nipaa God kertei mekam mamnen te hirak han kitet te kaksuwe Jisas kakno his me yi mit. Yi yeriyaak yeiyik yen yewis mit enun newenkekik kau nu tentarakit hirak kaa. ²⁴ ††Hirak kaa, te God kikiak hirak kepu kesupaneke kinaaiwir wit mit epei naa himin kir kewi. Hirak God kinin menmen menip mit nani hir han enuk nentar Jisas kaki kaku kakit taau. Au, God nipaa katip kakikiak Jisas kekere hei yink kirak ap te kakisine au. ²⁵ ††Him me God nipaa Devit kewisim mau tiwei matip menmen im:

‘Hekrit hekrit hi hipir Mitik Iuwe menep. Hirak kau ketikewa te hi ap han kirira keriuwe menmen au.

† 2:17 Joe 2:28-32 †† 2:21 Ro 10:13 † 2:22 Jo 3:2 †† 2:23 Ap 4:28; 1Pi 1:20 †† 2:24 Ap 3:15 ††† 2:25 Sam 16:8-11

²⁶ Hi han yaaik hentar menmen im. Menmen hi hetpim meteikin mit hi han yaaik. Hi hire mitik kerekek te hi han tokik ehu ehantar

²⁷ †††ti God ap ewis himin kai kaku wit ke mit naa himin kir kewi au. Ti ap ewisa hi Mitik kerek nipaa ti ehimitena hi hiriak menmen mit, ti ap ewisa hi hahi awaai akre herwe hei te yink kai kaknin taau.

²⁸ Ti epei heteikno menmen hi tewen ariakem te hi ehu ehit. Ti ehu etikewa te hi han yaaik wisenuk.’ Devit epei katip him im:

²⁹ ††Nai yinan hi hetpi menmen te yi eyirteiyem me maam nipu kaiu Devit. Hirak kaa mit newisik kekere hei kiwaai keit. Haiu mertei hei kirak wen kiwaai ketike haiu mit, te him nipaa Devit kewisim hirak katip ke hirekes au, mitik hak. ³⁰ ††Nipaa Devit wen kepu, hirak kire profet hirak kertei menmen maain God kakriakem kentar God ketpiwekem. God katip hirak kaknip nepenyek kirak hak hirak mitik iuwe king kire Devit, hirak kakinin haiu mit naanmamprai. ³¹ †††Devit hirak kertei menmen God kakriakem te hirak kewis him mau tiwei me Mitik God kehimitanek hirak Krai maain hirak kaki pike kakikrit. Hirak kewis him hiram matip:

‘Hirak God ap kinaiwirek keit wit ke mit hir naa himin kir kewi, hirak yink kirak kakisine au.’ ³² †††God epei kikiak Mitik ik Jisas pike kekrit kepu. Haiu mit in epei mirek. ³³ ††††God kikiak Jisas pike kekrit kau, hirak kau ketike God kinin naanmipre menmen yapirwe. God kewetiwek Himin Yaaik kar ke nipaa hirak ketpim, te in ek menmen yi yirem yemtehem hiram God Himin Yaaik hirak keriuwetek kan haiu mit, hirak kiriakem. ³⁴ †††Devit hirekes ap ken wit ke God au, mitik hak. Devit kewis him mau tiwei hiram matip:

‘Mitik Iuwe God katip Mitik Iuwe kai Krai “Ti ehu menep etikewa ehinin naanmipre menmen ere hi enip mit enun nepan nanises him mit.”’ ³⁶ †††Pita wen katip kar ik: “Yi mit ne Isrel, yi eyirtei menmen im werek werek. Mitik ik Jisas kerek yi yewenkekik kau nu tentarakit, God hirak kenipek hirak Mitik Iuwe hirak kehimitanek hirak Krai.”

Mit miyapir hir neweikin han nises him me Krai, hir Aposel nikiri

³⁷ †††Mit epei nemtau menmen Pita ketpim, him merekir han kir han enuk natip Pita kekite mit aposel han netpor nar ik: “Nai yinan, te in ek haiu emriak mekam?”

³⁸ †††Pita kewenhi katip kar ik: “Yi yapirwe niutip niutip eiweikin sip eiwet menmen enum haiu mamikri yayikre tipar mamkine niuk me Jisas Krai te hirak kakisak menmen enum yi yiriakem te hirak kakweti God Himin Yaaik. ³⁹ ††††Nipaa God katip kaksuwe God Himin Yaaik kaknen yi mit yaitike nikerek ni, mit yapir-

††† 2:27 Ap 13:35 § 2:29 1Kin 2:10; Ap 13:36 †† 2:30 2Sml 7:12; Sam 89:3-4, 132:11 ††† 2:31 Sam 16:10 †† 2:32 Ap 13:36 ††† 2:33 Mk 16:19; Ap 1:4, 7:55-56; 1Pi 3:22 †† 2:34-35 Sam 110:1 †† 2:36 Ap 5:30-31 ††† 2:37 Lu 3:10, 12; Ap 16:30 ††† 2:38 Lu 24:47; Ap 3:19 ††† 2:39 Ais 57:19

we hir nau neit nerer wit wit kerek God kakn̄nor hir nanisesik."

⁴⁰ †Pita ketpor him ham yapirwe kari han kir keriuw-erem, hirak katip kar ik: "Yi eikaap hiras einopin eikeipin menmen enum mamnen mamnep mit enun in nipaa nenep Jisas." ⁴¹ ††Mit yapirwe hir nemtau him Pita ketporem te hir newisi nikiri. Me wi im e God kari 3,000 mit hir netike mit aposel hir nises him me Krai.

Menmen yaaim mit ne weiwik miutip me God n̄riakem

⁴² †Mit in han kir kekrit hir hanhan nemtau him me mit aposel, hir netike mit nau han kiutip nikaapan, hir nekiyan naam menmen han tewenin menmen Jisas kiriakem, hir nekiyan nitehi God me menmen. ⁴³ ††Mit aposel hir n̄riak menmen yaaim yapirwe nikaap mit ninap hir nire yaain te mit yapirwe hir han kekrit neriuwe menmen. ⁴⁴ ††Mit kerek hir nises him me Krai hir nekiyan nau neit, hir han kitet menmen yapirwe hir netenenim, hiram me mit, hiras au. ⁴⁵ Hir nesiuwe ti mir o menmen mir nanit nan mererim. Hir neit pewek im hir nenkerem newet mit neimin netenen pewek au, hir neiyim nen nanit menmen. ⁴⁶ †††Hekrit hekrit hir nen nekiyan nau niutip neit winak iuwe ke God keit Jerusalem, hir nekiyan nau naam menmen nerer winak mir han tewenin menmen Jisas kiriakem. Hir han yaaik naam menmen mir. ⁴⁷ †††Hir newenipi niuk me God, hir mit han yaaik neriuweri. Hekrit hekrit Mitik Iuwe God kari han ke mit hir nisesik, te hir nererik nekiyan nau neit neriuwe mit kerek hir ninin nises God.

Mitik hak hit enum Pita kekite Jon tekepik hirak kire yaaik

3 ¹ Wi ham hinkewi Pita ketike Jon tariyakit ten winak iuwe ke God. Hinkewi in ek mit nererik nitehi God menmen. ² ††Mitik hak kerek hit enum nipaa miye winaak ere in, hekrit hekrit mit ninanek newisik kau menep ya weipir niuk mirak "Yaaim" hiram ya weipir ham me winak iuwe ke God, hirak kau en kitehi mit miyapir kerek nanino n̄min hirak ketpor hir nanwetiwek pewek mei me menmen. ³ Hirak kir Pita ketike Jon epei tatno winak n̄min ein, hirak kitiwekithi ke pewek mei ke menmen. ⁴ †††Hirakit tirapiriwew, Pita ketpiwek kar ik: "Ti erawir." ⁵ Hirak mitik kikiamnaan kiret hirak han kitet kar ik: "Hirakit tatweto menmen." ⁶ ††Pita ketpiwek kar ik: "Hi hetenen pewek mei au, te menmen hi heteninem hi ewetutem. Hi hetput ekrehir ke Jisas Krai nipaa ke wit Nasaret, ti ekrit eke ti eno." ⁷ Hirak katip epei au, hirak ketenen his yaaim mirak keriyaak kekrit kerp. Wasenum hit metike hitpar mirak mire yaaim. ⁸ †††Hirak keh̄n kekrit kerp hirak keke ti ketikeret ten winak ke God. Hirak keke ti, keh̄n kiniu ketikir kewenipi niuk me God. ⁹ Mit yapirwe en n̄rek

† 2:40 Diu 32:5; Fl 2:15 †† 2:41 Ap 2:47, 4:4, 5:14 † 2:42 Ap 20:7 †† 2:43 Ap 5:11-12, 6:8 †† 2:44 Ap 4:32-35 ††† 2:46 Lu 24:53 ††† 2:47 Ap 2:41, 6:7, 11:21, 24 § 3:1 Ap 10:3, 9, 30 †† 3:2 Jo 9:1; Ap 14:8 ††† 3:4 Ap 14:9 §† 3:6 Ap 3:16, 4:10, 16:18 §†† 3:8 Ap 14:10; Jo 5:14

keke ti kewenipi niuk me God. ¹⁰ Hir nertei hirak mitik hit enum kerek nipaa kau ya weipir niuk mirak "Yaaim" ke winak iuwe ke God, hirak hekrit hekrit kitehi mit me menmen. Hir nerteiyek te hir neh̄nh̄n han kitetim nar ik: "Mekam epei man mekepik te hirak kire yaaik?"

Pita keit winak iuwe ke God kewepyapir menmen God kiriakem

¹¹ Mitik ik nipaa hit enum kewen Pita ketike Jon, mit yapirwe nitehiyan menmen im neh̄nh̄n nepirpir nesuikin nen winak hinp niuk mirak "Hinp ke Solomon." ¹² Pita kir menmen ik hirak kewenhi mit ketpor kar ik: "Yi mit ne Isrel. Yenmak yi yeh̄hin yentar menmen im? Yi yenmak te yi yirapirawir han kitet hawir yaaikit wiriak menmen im meriuwe menmen iuwe mawir te mitik ik nipaa hit enum hirak kire yaaik? ¹³ ††Hirak God ke maam n̄pu kiau Ebrahim, Aisak, Jekop, hir netike maamrer n̄iau nipaa hir nikaru nepu, hirak kenip Mitik Jisas kerek kiriak menmen mirak, kenipek hirak Mitik Iuwe. Yi epei yeriuwetek ken mitik iuwe gavman Pailat, hirak kinin naanmiprai haiu mit mau wit Isrel, hirak hanhan kare kaksipuan Jisas te yi yeweikin sip yewetiwek yatip Jisas hirak mitik enuk. ¹⁴ †††Yi epei yeweikin sip yewet Mitik Yaaik kerek God keh̄min-tanek hirak kises him mirak. Yi au hanhan mitik iuwe Pailat kaksipuan mitik enuk nipaa kenep mitik kaa, hirak ken yi mit, ¹⁵ †††te yi yenep mitik hirak keteikin mit menmen mamkepi te hir nanu nantike God. Au, yi yakip kaa te God kikiak Jisas pike kekrit kepu. Hawir epei wirek. ¹⁶ Hawir wises him me Jisas te menmen iuwe me Jisas kenip mitik ik, kerek yi yerteiyek, hirak yaaik. Jisas hirak kenip mitik ik yaaik kentar hirak kekepai haiu misesik te menmen iuwe mirak man mikaap mitik ik te yi epei yipirek, hit mirak tokim meit.

¹⁷ †††In ek nawir yinan, hi hertei yi yetike mit iuwe ninini naanmipri yiriak menmen im enum yenep Jisas yentar yi yetari hirak keimin. Yi han kitet hirak mitik kerekek. ¹⁸ †††God nipaa enum eik kenip mit profet hir newis him mau tiwei, hir newepyapir Mitik God keh̄mitanek hir mit han mit naniwaankek. God kiriak menmen im epei man meriuwe menmen enum yi nepei yiriak Jisas em.

¹⁹ †††Yi eiweikin sip eiwet menmen enum, yi eiyses God hirak kakisak menmen enum yi yiriakem. ²⁰ Te Mitik Iuwe kakweti menmen kaknip han ki kaku werek werek, hirak kakriuwet Mitik hirak keh̄mitanek hirak kaku kaktikewi. Mitik ik hirak Jisas. ²¹ Hirak eku ekit wit ke God ere wi mamnen God kaknip menmen pike mamre yaaim. Nipaa God katip mit profet me menmen im te hir newisim mau tiwei newepyapirem.

²² †††Nipaa Moses hirak katip kar ik: 'God hirak Mitik Iuwe kakit mitik kiutip ke weiwik mi, hirak kakwisik kakre mitik profet kaksiuwerek kakwepyapir menmen me God kakir ke hirak keriuweta hi han. Yi nikip em-

§† 3:13 Eks 3:6, 15; Mt 22:32; Ap 2:23, 7:32; Lu 23:13-25 §† 3:14 Mk 15:6-15 §†† 3:15 Ap 1:8, 2:32, 4:10, 5:30 §†† 3:17 Lu 23:34; 1Ti 1:13 §†† 3:18 Lu 24:27, 44, 46 18 3:19 Ap 2:38 19 3:22 Diu 18:15, 18-19; Ap 7:37

nep eiyimtau him hirak ketpiyem. ²³ Mit kerek nemtau him mirak nisesim au, hirak God kakpiri ne weiwik me Isrel kaknip nani.' ²⁴ Nipaa mit profet yapirwe hir newepyapir him me God. Samyuel kekite profet hir nikaru nekrehir ke Moses, hir natip me wi im e. ²⁵ †Him God ketpim kewet mit profet em, hir newepyapirem hiram me yi mit in. Yi eiyit menmen nipaa God katip kakwet maamer ni em. Nipaa hirak katip Ebrahim kar ik: 'Hi eriak yaaim me mit yapirwe nau ti heriuwe nepenyek kit.' ²⁶ ††Te God kehimitan mitik kiriak menmen mirak hirak kinin ken yi mit ne weiwik me Isrel kerekyi yaaim kenip yi mit niutip niutip yeweikin sip yewet menmen enum."

Mit iuwe newis Pita kekite Jon tekre winak enuk

4 †Pita kekite Jon wen terp en hirak Pita wen katip mit menmen, te mit pris kerek newet God menmen me mit, hir netike mitik iuwe kepten ke polis kerek naanmipre winak ke God, hir netike mit ne Sadyusi kerek han kitet mit naa hir pike nankrit nanu au, hir nan nanithis Pita ketike Jon. ² †Hir nine han enuk neriuweret nentar hirakit tewepyapir him tatip mit em, hirakit tatip Jisas kaa hirak pike kekrit kepu te mit hir nisesik hir nani, maain hir pike nankrit nanu. ³ ††Hir netiwekithis ne hinkewi newisikit tekre winak enuk teit in ere wanewik. ⁴ †††Te mit yapirwe nemtau him me God Pita ketpim, hir nisesim. In ek, mit neit Jerusalem hir nises him me God, hir nar ke 5,000.

Mit iuwe kotim Pita kekite Jon teit winak ke kaunsil

⁵ Wanewik, mit iuwe pris netike mit iuwe ne kaunsil netike mit ninin nertei him lo me Moses, hir nererik neit Jerusalem. ⁶ Hir netike Anas, kerek kinin naanmipre mit pris, hirak ketike Kaiafas, Jon, Aleksanda tekite mit yapirwe ne weiwik me mitik iuwe Anas, hir nan nererik nau winak iuwe eik. ⁷ †††Hir nari Pita ketike Jon neiyit nan newisikit terp ninin, hir nitiwekithi nar ik: "Keimin kekepi te yi epei yenip mitik hit enum hirak kire yaaik? Yi yekine niuk me keimin te yi yekepik?" ⁸ ††God Himin Yaaik kan kau kekere han ke Pita te hirak ketpor kar ik: "Yi mit iuwe yinin naanmipre haiu mit ne Isrel yetike yi mit iuwe ne Kaunsil, ⁹ yi yare yitawirhi me menmen yaaim hawir wenip mitik ik hit mirak enum. Yi hanhan yayirteitei markeik te hawir wenipmitik ik kire yaaik. ¹⁰ ††Hi hatip te yi mit in yetike mit yapirwe ne wit kiau Isrel yi eiyirteitei te mitik ik kerp ninaan mi hirak kire yaaik keriuwe menmen iuwe me Jisas Kraiss nipaa ke wit Nasaret kerek yi yewenkekik kau nu tatarakit hirak kaa, te God kikiak pike kekrit kepu. ¹¹ †††Him me God mau tiwei matip tok piksa me Jisas mar im.

'Hirak kire teinik yaaik, te yi mit yime winak yi yineinik yi han kitet hirak enuk yi yepirek. Yi yepirek te God hanhanek kenipek hirak kire teinik mitik hirak ketenen

† 3:25 Jen 22:18; Ga 3:8 †† 3:26 Ap 13:46 † 4:1 Lu 22:4, 52
†† 4:2 Ap 23:8 †† 4:3 Ap 5:18 ††† 4:4 Ap 2:41, 5:14 ††† 4:7
Mt 21:23 § 4:8 Mt 10:19-20; Ap 7:55 §† 4:10 Ap 3:6, 13-16
§†† 4:11 Sam 118:22; Mt 21:42; 1Pi 2:4, 7

winak siup.' ¹² ††Hirak kerekek kakikaap mit ne ti. Neijan taau. Haiu mit ne ti merer wit wit God ap kewe-tai niuk ham te haiu emisesik te hirak kaktaihis taau. Jisas Kraiss kerekek."

¹³ Hir epei nemtau Pita ketike Jon hirakit tatip him iuwe hirakit tinaain au, hir nertei hirakit ten skul au, hir han kekrit kekrit me menmen im. Hir nertei nipaa hirakit tau tekite Jisas. ¹⁴ Hir hanhan netpiwekit menmen enum neneret te hir nir mitik kerp ketikeret hirak kire yaaik te hir nekintip nerp neit. ¹⁵ Hir nekintip nerp neit o, hir netpiwekit tatno witeik tinaaiwir haau hir newim. Hirakit tatno. Nepei au, hir mit ne kaunsil hir natipan natip nar ik: ¹⁶ †††"Haiu mamriak mitikit it mekam? Mit yapirwe nau wit Jerusalem epei nertei mitikit wik hirakit tiriak menmen ik yaaik te haiu ap mepakinet taau. ¹⁷ ††Haiu emitpiwekit emneret hirakit ap tatwepyapir him me Jisas tatip mit em te menmen im me Jisas mamno mit han au emit!" ¹⁸ Hir natipan epei au, hir neniniwekit neriyaakit tan, hir netpiwekit him manp te hirakit ap tatwepyapir tatip mit him me Jisas.

¹⁹ Au, Pita ketike Jon tewenhi tetpor tar ik: "Yi han ekitet God hirak han kitet mekam yaaim hawir ewisesim. Him mi o him mirak. ²⁰ Te hawir ewepyapir menmen hawir wirem, menmen hawir wemtau hirak ketpim. Hawir wekintip au."

²¹ Mit ne kaunsil wen netpiwekit him manp neneret. Nepei au, hir neriuwetet ten wit eik. Hir ap ninapin menmen enum te hir naksip nentar mit yapirwe newenipi niuk me God me menmen hirakit tiriakem. ²² Mitik kerek hirakit tekepik hirak kire yaaik, hirak kinin 40 tito kau ti.

Mit nises him me Kraiss nitehi God kakikepi ap ninaain newepyapir him mirak

²³ Hir neriuwetet ten epei au, Pita ketike Jon pike ten hirakit yinan tetpor menmen mit iuwe pris netike mit iuwe ne kaunsil netpim. ²⁴ ††Hir nemtewek epei au, mit hir nitehi God natip nar ik: "Mitik iuwe God ti epei hewis nepni mekete ti, wan eik, menmen yapirwe mewim. ²⁵ †††Nipaa Himin kit Yaaik hirak kenip maam kiau Devit kewis him mau tiwei hiram matip mar im: 'Nenmak mit ap ne weiwik me Isrel hir han enuk wisenuk? Nenmak hir nimenipin natip weinim me naninep Mitik Iuwe God.

²⁶ Mitik Iuwe kinin naanmipre mit nerer wit wit hir neit yipo henmik nopen menmen mir hir nan nererik naninep Mitik Iuwe God ketike Mitik hirak kehimitanek hirak Kraiss.'

²⁷ †††Menmen epei man. Mitik iuwe gavman King Herot ketike mitik iuwe gavman Pailat hirakit tetike mit ne weiwik me Isrel mit han au, ne weiwik ham, hir yapirwe nimoryipir neit wit Jerusalem nenep mitik yaaik kiriak menmen mit kerek nipaa ti ehimitanek hirak Kraiss. ²⁸ ††††Hir nererik niriak menmen mar ke ni-

§ 4:12 Mt 1:21 §†† 4:16 Jo 11:47 §† 4:17 Ap 5:28-29, 40
§† 4:24 Eks 20:11; Nia 9:6; Sam 146:6 §†† 4:25 Sam 2:1-2 §§†
4:27 Mt 27:1-2; Lu 23:7-11; Ap 3:13 §§§ 4:28 Ap 2:23

paa ti hanhan heriuwe menmen mit iuwe enipem hiram mamnen. ²⁹†Te in ek Mitik Iuwe God ti emtau menmen enum hir netpaiyem me hir nanwep. Ti ekepai haiu ap minaan te haiu mamtip mit miyapir him yaaim me Jisas. ³⁰Ti eteikin mit iuwe enun ti enip mit hir ninap o his hit enum ti enipi hir enire yaain, ti ekepai haiu emnip menmen yaaim emikrehir ke mitik Jisas hirak kiriak menmen mit.”

³¹††Hir nitehi God menmen epei au, haau ke winak hir nererik nau neit nimin ein, hirak kitanik, God Himin Yaaik kan kau kekere han kir kekepi te hir newepyapir him yaaim me God hir ap ninaain au.

Mit nises him me God hir nekiyan nau han kiutip

³²*Mit yapirwe hir nises him me God nekiyan nau han kiutip. Mitik kiutip kari pewek menmen au. Hir mit yapirwe han kitet nare menmen me mit niutip niutip hiram menmen me haiu mit yapirwe. ³³††God kikaap mit aposel keriuwe menmen mirak iuwe te hir natip werek werek newepyapir him me Jisas hirak kaa God kikiak pike kekrit kepu. Mit yapirwe han kitet hir yaain iuwe. ³⁴††Mitik kiutip ke mit in yapirwe hirak ap mitik ketenen menmen auri me menmen yapirwe au. Neimin hir netenen ti o winak hir nesiuerem nanit pewek mererim te hir neit pewek neiyim nan ³⁵newet mit aposel em te hir nenkerem newet mit miyapir netenen menmen au hir newetir em te hir nau werek werek. ³⁶†††Me wi im, mitik kiutip niuk mirak Josep hirak ke weiwik me Livai, hirak nipaa miye pirak winaak keit wit Sairas kerek wan kimaak keketik, hirak kepu ketike mit en. Aposel nekine niuk mirak ham me him Grik Banabas. Niuk im hiram matip mar im: “Mitik kikaap mit nises him me God.” ³⁷Hirak kerekek kesiuwe ti mirak ham keit pewek mererim keiyim kan kewet mit aposel em.

Him me Ananias ketike mite pirak Sapaira

5 Banabas hirak kewet mit aposel kewetir pewek kenemtin me ti mirak te mitik hak au. Niuk mirak Ananias. Hirak mite pirak Sapaira. Hirak kesiuwe ti mirak ham keit pewek mererim. ²††Te hirak kenke meiyaam pinam kisawinem, hirak kewet mit aposel pinam hirak ketpor kar ik: “Pewek im hi ewetiyem hiram keremem. Hi ap etenen meiyam au.” Mite pirak epei wertei han kirak hire watip: “Hiram werek.” ³†Pita kitiwekhi kar ik: “Ti henmak te ti hewis Seten kari han kit te ti hewis God Himin Yaaik ti epei henke ham pinam hisawinem?” ⁴Nipaa ti etenen ti hiram mit. Ti epei hesiuwerem heit pewek mererim, hiram mit. Ti henmak te ti han kitet hiriak menmen enum mar im hisawin pewek pinam. Ti ap hewisai haiu mit keriyen meriuwerem au. Ti hewis God ek.” ⁵††Ananias kemmau him im epei au, hirak kenkewin kaa. Hirak kenkewin kaa, mit kerek nemtau menmen im hir nepirpir iuwe. ⁶Hir nepirpir iuwe, hir mit pipep neit

† 4:29 Ef 6:19 †† 4:31 Ap 2:4 ‡ 4:32 Ap 2:44 †† 4:33 Ap 2:47 †† 4:34 Ap 2:45 ††† 4:36 Ap 11:22-26, 13:2-3 ††† 5:2 Ap 4:34-35 ‡ 5:3 Jo 13:2 † 5:5 Ap 2:43

laplap neiyim nan nesenkekik keriuwerem hir neiyik nen newisik kekere hei.

⁷Maain, mite pirak wetari menmen im epei man, te hire wan in. ⁸Pita kitiwehi kar ik: “Ti hetike mitik kit yi epei yeit nan im keremem me ti yi yesiuwerem o?” Hire wewenhi watip war ik: “Keremem.” ⁹††Pita ketpiwe kar ik: “Ti hetike mitik kit yi yenmak te yi han kitetan yi yewenin him God Himin Yaaik te hirak kakyiwep au? Mit kerek epei newis mitik kit kekere hei, hir pike naninen nantuthis nanrit nanino.” ¹⁰Hirak katip epei au, mite ip e hire wenkewin waa. Wenkewin waa, pipep nan nimin in nirep hire waa, te hir ninanep neiyip nen newisiye wiwaa menep hei ke mitik kire. ¹¹Mit ne weiwik miutip me God kerek nises him me Krai neit Jerusalem netike mit han kerek nemtau menmen im, hir nepirpir wisenum.

Mit aposel niriak menmei menmei yaaim mirakel nikaap mit enun ninap o his hit enum

¹²††Mit aposel niriak menmen yaaim mirakel mekre nimin ke mit neiyim nikaap mit neriuwerem. Mit yapirwe kerek nises him yaaim me Krai hir nererik nau han kiutip neit winak iuwe ke God neit pinak niuk mirak “Hir ke mitik Solomon.” ¹³Mit kerek ap nises him me Krai hir ninapen netikeri nau nererik, te hir han kiteti hir mit yaain. ¹⁴†††Mit miyapir yapirwe neweikin sip newet menmen enum nises God, hir nererik netike mit miyapir nipaa nises God. ¹⁵Mit neit ein nir menmen yaaim aposel niriakem, te hir neit mit ninap neri nen newisi niwaa wit eik nentar yeno te Pita keke ti kakno in o ein kakwis his mamintar mit ninap o au en wepni kir kenep himin kirak kentar mit ninap te hir nanre yaain. ¹⁶††Mit yapirwe nerer wit wit menep Jerusalem hir ninan mit ninap netike mit herwe enum manip mekrehan kir ken sip te hir neri nan te Pita kekepi hir yapirwe niutip niutip nire yaain.

Ensel kikaap mit aposel ninaaiwir winak enuk

¹⁷††Mitik iuwe hetpris ketike mit han kerek niriak menmen netikerek, hir netike mit ne Sadyusi kerek han kitet mit nani pike nanikrit au. Hir yapirwe han mekpep neriuwe mit aposel nentar menmen hir niriakem ¹⁸te hir nen netorhis newisi nekre winak enuk me nanamir ke mit yapirwe. ¹⁹†††Hir newisi nekre winak enuk nepu nepeit, te Ensel ke God ke witaan kan kikaisiu weipir ke winak enuk keriyei nen wit eik ketpor kar ik: ²⁰“Yi eino eiyirp winak iuwe ke God eitip mit miyapir him me hir enises menmen ham yaaim hir nanu werek.” ²¹Hir nemtau him mirak epei au, wanewik mit aposel nen nekre winak iuwe ke God natip mit miyapir him yaaim. Me wi im, mitik iuwe hetpris ketike mit kerek niriak menmen netikerek hir nenine mit iuwe ne Isrel netike mit han ne Kaunsil hir nererik nau winak nemtau him. Hir nau en, hir nesiuwe mit nanino winak enuk te nantihis naninen.

††† 5:9 1Ko 10:9 †† 5:12 Ap 2:43, 14:3 ††† 5:14 Ap 2:41, 21:20 †† 5:16 Ap 19:11-12 †† 5:17 Ap 4:1-3, 6 ††† 5:19 Ap 12:7-10

22 Hir nen ein te hir ap niri nekre winak enuk au, te hir pike nan natip nar ik: ²³ "Hiau men miun winak enuk epei au, haiu mir weipir nepei au nekepetek kik (o pes enum keit), mit nerp weipir naanmiprewek te haiu mikaisiu weipir minmatin mit hir nepu au."

²⁴ Kerek mitik kinin naanmipre mit plisman ke winak iuwe ke God hirak ketike mit iuwe pris nemtau menmen im, hir han kitet karkeik te hir netpaan nen wit eik. ²⁵ Hir wen han kitet menmen im mitik hak kan katip kar ik: "Nikip emnep eiyimtau menmen im. Mit kerek nipaa yi yewisi nekre winak enuk hir nau neit winak iuwe ke God newepyapir menmen natip mit miyapir em." ²⁶ Hirak katip epei au, mitik kinin naanmipre plisman ketike mit plisman nirak epei nen ein netorhis neri nan. Hir nanip au nentar hir ninaain mit yapirwe en nanwir nan naninip.

Mit aposel hir ap ninaain newepyapir him me God neit winak ke kaunsil

²⁷ Hir netorhis neri nan newisi nerp nekre nimin, mit ne kaunsil neweiknor, mitik iuwe pris kinin pris han, hirak kitorhi kar ik: ²⁸ "Nipaa haiu metpi him manp yi ap yewepyapir him me Jisas nepei ketpim te yi epei yatip him im merer wit wit ere mit yapirwe ne Jerusalem epei nemtewem nenepim. Yi hanhan yaitip haiu mit in menep Jisas hirak kaa."

²⁹ Pita ketike aposel han newenhi natip, "Hiau emis es him mi au, him me God keremem. ³⁰ Yi epei yenep Jisas hirak kaa kentaru tentarakit te God ke maamrer nau nipaa ein naa, hirak kikiak Jisas hirak pike kekrit kepu. ³¹ God kikiak keriyaak kan ketikerek tau. Hirak kau menep his yaaim kerek mit iuwe newiyen. Hirak kire mitik iuwe kinin mit hirak kakikaap mit ne Isrel te hir enweikin sip enwet menmen enum te hirak kakisak menmen enum hir niriakem. ³² Haiu mewepyapir menmen im. Himin Yaaik kerek God kewet mit ek te hir nisesik, hirak kewepyapir menmen im."

Mitik Gameliel katip kaunsil te hir ap naninep mit aposel nani au emit

³³ Mit ne kaunsil nemtau him im nepei au, hir nine han enuk wisenuk hir han kitet naninep aposel naninip naninepi. ³⁴ Au, mitik kiutip ke kaunsil niuk mirak Gameliel hirak mitik ke Farisi kerek hir ninin nises him lo me Moses, hir mit han kitet hirak iuwe, hirak kerp ninaan me kaunsil katip mit hir nansiuwe aposel nanino wit eik nanino nanikre haau ham. ³⁵ Hir epei nen wit eik, hirak katip mit ne kaunsil kar ik: "Yi mit ne weiwik me Isrel. Yi han ekitet werek werek menmen yi hanhan yairiak mit in em. ³⁶ Nipaa mitik Tiudas kekrit katip hirak mitik iuwe, te mit 400 nererik nisesik. Au, mit nakip kaa te mit nipaa nisesik noknin nanino. ³⁷ Me wi nipaa mit newis niuk me mit yapirwe mekre tiwei me gavman, mitik Judas ke wit iuwe Galili kari

† 5:26 Mt 14:5 †† 5:28 Ap 4:18; Mt 27:25 ‡ 5:29 Ap 4:19 †† 5:30 Ap 3:15 †† 5:31 Ap 2:33-34; Ef 1:20; Hi 2:10, 12:2 ††† 5:32 Ap 1:8 ††† 5:33 Ap 7:54 § 5:34 Ap 22:3 †† 5:36 Ap 21:38 ††† 5:37 Lu 2:1-2

han ke mit hir nisesik te hir mit han nakip kaa, mit kerek nisesik hir noknin nanino. ³⁸ Te in ek hi hetpi me menmen me mit in. Yi ap eiriak enum me mit in au, eiwisi enit. Menmen im hir nisesim hiram han ke mit keremem te hiram mami mamit. ³⁹ Au en, menmen im God hirekes kiriakem, te yi ap eiyinin mit in me menmen au, eiyintar yi eiyirtei yi yetike God yenapan hirak kakikepi." Hirak katip epei au, mit ne kaunsil nises him mirak.

Mit aposel hir han yaaik mit nerekyor enum nentar hir ne Kraiss

⁴⁰ Hir nesiuwe mit nen neithis aposel neri nan, hir natip plisman nanip neriuwe nipin. Hir nanip neriuwe nipin, hir neriuweti nen netpor him manp te hir ap pike nantip mit him kerek nipaa Jisas epei ketpim, au meit. ⁴¹ Aposel ninaaiwir winak ke kaunsil han yaaik nentar hir nertei God han kitet hir yaain te hir mit han nanip nentar hir nises him me Jisas. ⁴² Hekrit hekrit neit winak iuwe ke God kekite winak ke mit hir wen natip mit miyapir him yaaim me Jisas kerek hirak Mitik God kehimitanek kakikaap mit nantike God nanu.

Hir nehimitan mit hispinak wik (7) nikaap mit aposel

6 Maain wi ham, mit nises him me Kraiss hir nire yapirwe. Mit nises him me Kraiss kerek natip him Grik, hir nemtaantiwo neriuwe mit nises him me Kraiss hir natip him Hibru. Mit natip him Grik hir natip nar ik: "Mit ap newet miyapir han kerek mikaan nir naa epei ninaiwiri, mit han ap nekepi newetir menmen ninpin werek au." ² Te mit aposel hiswiyen wik (12) nenine mit yapirwe nises him me Kraiss netpor nar ik: "Hiau mit aposel emwet mit miyapir pewek me ninpin menmen meiyam te haiu ap mewepyapir him me God au emit. ³ Te nau yinan yi yinyatin mit hispinak wik (7) hir mit yaain God Himin Yaaik kau han kir hir nertei menmen werek werek haiu mehimiteni hir naanmipre menmen im. ⁴ Hir enriak menmen im te haiu mehimitan hiras haiu hekrit hekrit mitehi God menmen, haiu matip mewepyapir him me Kraiss."

⁵ Mit miyapir yapirwe hir han yaaik neriuwe him me mit aposel te hir nehimitan mit hispinak wik (7). Hir nehimitan Stiven, hirak mitik kises him me God iuwe, God Himin Yaaik kau kekere han kirak iuwe. Hir nehimitanek kekite Filip, Prokoras, Naikena, Taimon, Pamenas, hir netike Nikolas, kerek nipaa ke wit Antiok. Hirak ap ke weiwik me Isrel te hirak nipaa keweikin sip kewet menmen enum kises him me Moses. ⁶ Hir neit mit in neriyei neri nen mit aposel. Hir nitehi God ke mit in, hir ner neit mit in neriyei neri nen mit aposel. Hir nitehi God ke mit in, hir newis his mau paan kir niutip niutip nehimiteni niriak menmen hir nipaa netpim. ⁷ Mit miyapir neiyen yapirwe neit Jerusalem nemtau him me Kraiss, hir nisesim. Mit pris hir newet

§ 5:40 Ap 4:18 §†† 5:41 Mt 5:10-12; 1Pi 4:13 †† 5:42 Ap 9:22, 17:3 †† 6:1 Ap 4:35 §†† 6:3 1Ti 3:7 §§† 6:5 Ap 8:5 §§§ 6:6 Ap 13:3, 14:23 18 6:7 Ap 2:41, 16:5

God menmen me mit, hir yapirwe nises him yaaim me Kraiss.

Mit han ne Isrel neithis Stiven neriyaak neiyik nen kaunsil

⁸ †Hirak Stiven kerek kises him me Kraiss, God kerekewek yaaim, kewetiwek menmen iuwe mirak te hirak kiriak menmen yaaim mirakel kikaap mit kerek hir ninap o menmen yapirwe manip te hir nire yaain. ⁹ Te mit han netikerek nenehan. Mit in hir ne winak kerek mit nererik nekine him me Moses nekrerek. Niuk me winak ik hiram Friman kentar mit nipaa nepu enum niriak menmen nanit pewek mererim au, te in ek hir ninaaiwir menmen im. Mit in hir ne wit Sairini, wit Aleksandria, Silisia ketike provins Esia, hir netike Stiven nenehan. ¹⁰ ††Hir nenehan te God Himin Yaaik kikaap Stiven hirak kertei menmen wisenum te mit en ap natip menmen nininek taau. ¹¹ †Hir han enuk newet mit han pewek te hir nan newepyapir Stiven natip nar ik: "Hiau memtewek hirak katip enum me Moses ketike God." ¹² Mar im hir nari han ke mit yapirwe hir han enuk hir netike mit iuwe ne kaunsil netike mit ninin nertei him lo me Moses hir nan netiwekhis neriyaak neiyik nen winak ke kaunsil. ¹³ ††Hir neithis mit han nan nemitewekpin natip nar ik: "Hekrit hekrit mitik ik hirak katip enum me winak iuwe ke God ik ketike him lo me Moses. ¹⁴ Hiau memtau hirak katip Mitik Jisas ke Nasaret kakwen winak iuwe ke God ik e kaknip hiau mit emises him ham me him nipaa Moses kewisim kewetayem." ¹⁵ Mit yapirwe neit winak ke kaunsil nirapire Stiven nir ninaan mirak hiram mire ninaan ke mitik ensel ke wit ke God, hiram merhihe.

Stiven katip mit ne kaunsil him mirak

7 Mitik iuwe hetpris kinin mit pris han, hirak kitehi Stiven kar ik: "Menmen mit in netpaiyem nipaa ti hetpim o au?"

² †Stiven kewenhi ketpor kar ik: "Nai yinan yetike haairer, yi eiyimtau him mai. Nipaa enum eik Ebrahim hirak maam nipu kiau ken wit Heran wen au, hirak kepu wit Kaldia, God hirak yaaik kerhihe kewepyapir hirekes ³ katip Ebrahim kar ik: 'Ti enaaiwir wit kit ik e, haairer, paaprer nit, ti eno ti hak hi tewen ateiknutek.' ⁴ Hirak katip epei au, Ebrahim kinaaiwir wit ke mit ne Kaldia ken kau wit Heran. Hirak kau en ere haai kirak epei kaa te maain God kesiuwerek ken wit kerek yi mit in yewi. ⁵ ††Hirak kau en me wi eim, te God ap kewetiwek ti kei kike kiutip au. God katip Ebrahim hirak kakwetiwek ti kaktike nepenyerer nirak hir nantiwek. Wi God katip Ebrahim him im, Ebrahim ap kine nikerek wen au. ⁶ ††God katip Ebrahim him im, hirak katip kar ik: 'Nikerek ni nanu ti hak ere 400 tito. Hir nanu enum mit nanrekyor enum, hir nanre mit enun nekre winak enuk hir nanriak menmen nanit pewek mererim au. ⁷ †Maain hi anep mit kerek nanriak

† 6:8 Ap 2:43 †† 6:10 Lu 21:15 † 6:11 Mt 26:59-61 ††
6:13 Jer 26:11 †† 7:2 Jen 11:31-12:7 ††† 7:5 Jen 15:18 ††† 7:6
Jen 15:13-14; Eks 12:40 † 7:7 Eks 3:12

nepenyerer ni enum, hi anip erekyor enum te hi eriyei nepenyerer ni naninaaiwir wit enuk ek naninen ti ik nanises him mai nanwenanipi.' ⁸ ††Hirak katip epei au, God kewet Ebrahim him hirak kakisesim me hirak kerekir yink kirak keteikin mit hirak kises God hirakit tekiyakit tau teit. Maain hirak kine nikan kirak Aisak. Hirak kepu me wi hispinak wikak (8), haai kirak kerekir yink kirak. Maain hirak Aisak kire iuwe, hirak kine Jekop, te hirak kerekir yink kirak. Maain Jekop kire iuwe hirak kerekir yink ke nikerek hiswiyen wik nirak (12). Hir maamrer nipu nau.

⁹ †††Maain hir nire iuwe hir han menepep nikik kir Josep te hir nesiuwerek ken his me mit nanino Isip hir neit pewek mererik. Josep kiriak menmen keit pewek mererim au, te God kau ketikerek naanmiprewek. ¹⁰ ††God kekepik keriuwe menmen enum yapirwe epei man mit nerekiwekem. Wi kerek Fero mitik iuwe ke wit iuwe Isip kari Josep kan kerek, God kekepik hirak katip him yaaim kertei menmen werek werek. Fero epei kerek hirak kehimitanek hirak kinin naanmipre wit iuwe Isip ketike winak yapirwe me mitik iuwe Fero.

¹¹ †††Maain wi man ti hawi au te ni mir mewa au maa meit wit Isip kekite wit Kenan. Menmen im mewaank mit yapirwe, maamrer nipu nau ninatin menmen au. ¹² ††Maain Jekop kentaui menmen meit wit Isip, hirak keriuwet nikerek, hir maamrer nipu nau, hir ninin nen Isip nanit menmen. ¹³ ††Maain hir pike nen neteipim te Josep kewepyapir hirekes ke heiyiuwerer nirak kerek hir han kitet nipaa ein hirak kaa. Marik Fero kertei Josep heiyiuwerer nirak, haai kirak hir nepu. ¹⁴ †††Josep katip heiyiuwerer nirak kar ik: 'Yi eitip haai kai hirak ketikewi, miyapir ni nikerek ni yi einen eiyu wit Isip.' Mit miyapir hir yapirwe nar ke 75 mit. ¹⁵ †††Epei au, Jekop ketike nikerek nirak nepenyerer nirak nekiuwe nen Isip nau en ere hirak ketike nikerek nirak, kerek maamrer nipu nau, hir ne mit hir naa. ¹⁶ †††Nepenyerer neit herwe yink neiyik nen wit Sikem hir newisim mekre han kerek nipaa Ebrahim kewir pewek ketnik ke mit ne weiwik miutip me mitik Hemo.

¹⁷ ¹⁸ ††Wi epei man menep kerek God kakises him nipaa hirak katip Ebrahim em me kakwetiwek ti me wit Kenan, mit haairer ne weiwik maiu hir nire yapirwe neit wit Isip. ¹⁸ Hir nire yapirwe ere mitik Fero hak kinin naanmipre Isip. Hirak ap kises menmen nipaa Josep kiriakem au kineinim kentar nipaa enum eik Josep kaa. ¹⁹ ¹⁹Hirak kewises maamrer nau, hirak kewaanki. Hirak kenipor hir newir nikerek hemkre tu nen wit eik te hir au nani. ²⁰ ²⁰Me wit im e, Moses miye pirak hire winaak hirak yaaik wetpen. Miye haai naanmiprewek neit winak ere wenke wikak. ²¹ ²¹Wenke wikak o, miye haai nirak newisik keit wit eik nises him me mit iuwe ninin naanmipre Isip. Hirak kaa au. Niki pe mitik iuwe Fero hire wirek weriyaak wetiwekhis naanmiprewek hirak

† 7:8 Jen 17:9-14 ††† 7:9 Jen 37:11, 28, 39:1-3, 21-23 ††
7:10 Jen 41:37-44; Sam 105:21 ††† 7:11 Jen 41:54 †† 7:12 Jen
42:1-5 †† 7:13 Jen 45:1-4, 16 ††† 7:14 Jen 45:9-11 ††† 7:15
Jen 46:1-7, 49:33 ††† 7:16 Jen 23:2-20, 33:19; Jos 24:32 18 7:17
Eks 1:7-8 19 7:19 Eks 1:10-22 20 7:20 Hi 11:23; Eks 2:21
7:21 Eks 2:3-10

kire nikan kire. ²² Mit ne Isip neteikniwek menmen yapirwe hir nerteiyem te hirak kire mitik iuwe katip him yaaim kiriak menmen yaaim kertei menmen yapirwe.

²³ "Maain Moses kepu 40 tito epei au, hirak kare kano kakir nirak yinan ne weiwik miutip mirak me Isrel. ²⁴ Hirak ken en kir mitik ke Isip kiriak mitik ke Isrel menmen enum te hirak Moses kekepek kenep ke Isip kakip kaa. ²⁵ Hirak han kitet mit ne weiwik miutip mirak nanirtei God kehimitanek te hirak kakikepi hir naninaaiwir Isip te hir au netari. ²⁶ Wi ham hirak kir mitikit wik te weiwik miutip mirak tenepakit te hirak kerek sir ketpiwekit kar ik: 'Emit! Yi mitikit yi te maam kiutip. Yi ap te yi yiriakakit enum emit!' ²⁷ Au, hirak kerek kiriak keiyak enum keriuwet Moses ken ketpiwek kar ik: 'Ti enopin. Keimin kehimitenut ti mitik iuwe naanmamprai erehirawir hawir wenepakit me menmen?' ²⁸ Ti han kitet ti eiyep har ke nepip ti enep kei ke Isip a?' ²⁹ "Moses kemtau menmen mitik ketpiwekem, hirak han kitet mitik iuwe kakimtau hirak kenep mitik ke Isip kaa te hirak kinaain kinaaiwir Isip kirir ken yanimin kipiun wit Midian kau en. Hirak kau en o, hirak kine nikerek hirakit wik.

³⁰ "Hirak kepu wit Midian kau en ere 40 tito. Wi ham, ensel ke God kisawin kekere nu, hirak kenip si metnen mau nu keit wit tenhaan weinik menep miniu (o neiyip) Sainai. Hirak kewepyapir hirekes kekere nu kerek Moses kerek si metnen mewik. ³¹ Moses kerek si metnen mewik, te hirak kehinhin ken menep kakirek. Hirak ken menep kakirek, hirak kemtau God ketpiwek. ³² Hirak ketpiwek kar ik: 'Hi God ke maamrer nipu nit. Hi God ke Ebrahim, Aisak, Jekop.' Moses hirak kepirpir kinapen kikiamna kerek au. ³³ Mitik Iuwe God ketpiwek kar ik: 'Ti eket su mit. Ti ik ti herp en, hirak ti holi hi hehimitanek hirak kai hentar hi hewik. Hi hanhan ti han ekitita. ³⁴ Hi epei hir menmen enum mit nirak mit ne weiwik miutip mai neit Isip. Hi hemtau him mir hir natip nenepip te hi han akepi. Ti enen in ewisa hi heriuwetit ti eno Isip.'

³⁵ "Moses hirak mitik kerek mit ne Isrel nipaa netpiwek nar ik: 'Keimin kehimitenut ti naanmamprai erehirai hai mit menahan menapan me menmen? Taau!' Hirak kerek God keriuwetek ken naanmipri, ensel ke God kekere nu sitaak hirak kekepek. ³⁶ "Hirak kekepek, hirak Moses keriyei mit ninaaiwir Isip, hirak kiriak menmen yaaim iuwe mirakel nipaa mit nirem au keit wit Isip ketike Wan kire Yiwir, ketike wit tenhaan weinim ere 40 tito. ³⁷ "Moses kerek hirak katip mit ne Isrel kar ik: 'God hirak kakweti mitik hirak profet kakir ke hi hirak keriuweta, hirak ke yi mit te yi yayimtau him mirak.' ³⁸ "Moses nipaa kepu ketike mit ne Isrel nererik nau wit tenhaan weinim, kerek mit newi au. Hirak kepu ketike maamrer nau netike ensel kerek ketpiwek keit miniu (o neiyip) niuk mirak Sainai. Hirak

keit him me God hiram mamkaap mit nanu nanit tipmain tipmain enum eik hirak kewetaiyem.

³⁹ "Au, maamrer nai nineinik nises him mirak au. Hir neweikin sip newetiwek, nekere han kir hir hanhan pike nanino Isip, ⁴⁰ te hir natip Eron nar ik: 'Ti eime menmen mire bulmakau hiram mamir ke God kaiu hiram maminin mamno naanmamprai. Haiu mepitari Moses hirak kerek keriyai meit Isip kerai kan, hirak kepeit miniu (o neiyip) o hirak keit neiyin o mekam makip. Ekit en ekit!' ⁴¹ Me wi im hir nime nu mire bulmakau, hir nenep samiyak neit hemkre neiyim nehinek, nemaneyek naam teipe menmei menmei minewek neiyim nirire. ⁴² "Hir nemaneyek nirire o, God keweikin sip kewetir kewisi hir newenipi hir mau nepni. Him God hirak kewet mit profet em hir newisim mau tiwei matip mar im:

'Yi mit ne Isrel. Me 40 tito yi ap yenep samiyak yeit hemkre yeiyim yehinem au. Yi yewet tipir ham em.

⁴³ Yi yinan weisaak me yink me meme me tipir Molok kerek. Hi au. Yi yinan menmen mire me tipir Refan yi yiriakem. Im em hiram mire ninaan mau teinik mi yi yaamaa yewenipi niuk mir. Hi au. Te maain hi tewen eriuwet mit nepan ne wit Babilon hir naninen nantihis nanri nanino yi eisipat wit kir yi eino ein.'

⁴⁴ "Maamrer nau neremime weisaak kir neit wit tenhaan weinim mit ap newi. Weisaak ik keteiknor hirak God kau ketikeri. Hir epei nimaak kar ke nipaa God katip Moses keteikniwek han kirak hirak kimaak. ⁴⁵ "Maain nikerek nir neit weisaak kir ke haairer te hir netike Josua neiyik nen, hir nari ti ke mit ap ne weiwik me mit ne Isrel. God kepir mit in nen naa te mit ne Isrel nekrehir kir. Weisaak kir kepu keit wit Isrel ere wi Devit naanmipre mit en. ⁴⁶ "God hanhan Devit te Devit kitiwekhi kakime winak ke God kerek maam nipu kaiu Jekop kewenipiyek. ⁴⁷ "Au, Solomon, Devit nikan kirak hirak kime winak eik e.

⁴⁸ "God hirak mitik iuwe ap kepu winak mit nimaak. Au, mitik profet Aisaia kewis menmen im:

⁴⁹ "Mitik Iuwe God hirak katip kar ik: "Nepni hiram mire yeno kai hi hau en, hi hinin naanmipre menmen, ti hiram mire tapin hi hewis hit menterim. Te yi yayime winak karkeik te hi ehun? ⁵⁰ Hi ehun wit karkeik? Hi hirekes epei hewis menmen yapirwe."'

⁵¹ "Yi mit enun nikip paan tokini. Yi yire mit enun ap yises him God ketpiyem. Yi yar ke maamrer ni. Yi yetikeri ap yises him me God Himin Yaaik au. ⁵² "Yi eikine niuk me mitik profet kiutipen ke mit profet yapirwe kerek nipaa ein nepu te maamrer ni ap nerekyor enum. Taauye! Hir nenep mit en kerek nipaa newepyapir him natip Mitik Yaaik Krai God kehimitanek hirak kaknen kakikepai. Yi hiras epei yenep mitik ik. ⁵³ "Yi keriyen yeit him me God ensel kewetiyem te yi ap yisesim au."

† 7:24 Eks 2:11-15, 21-22 †† 7:29 Eks 18:3-4 ‡ 7:30 Eks 3:10 †† 7:36 Eks 7:3, 14:21; Nam 14:33 †† 7:37 Ap 3:22 ††† 7:38 Eks 19:3; Diu 5:5, 9:10; Ap 7:53

‡‡ 7:39 Nam 14:3 § 7:40 Eks 32:1-6, 23 † 7:42 Jer 19:13; Emo 5:25-27 ††† 7:44 Eks 25:40 †‡ 7:45 Jos 3:14-17, 18:1, 23:9 ††† 7:46 2Sml 7:1-16; Sam 132:1-5 † 7:47 1Kin 6:1, 14 †‡ 7:49 Ais 66:1-2 †‡† 7:51 Eks 32:9; Jer 9:26; Ais 63:10 †‡‡ 7:52 Kro 36:16; Mt 23:31 †‡‡ 7:53 Ap 7:38; Ga 3:19; Hi 2:2

Mit newir nan nenep Stiven hirak kaa

⁵⁴ †Mit ne kaunsil nemtau him Stiven epei ketpor, hiram merekiror han hir han enuk neriuwerek yehes matin mekeipepam. ⁵⁵ ††Stiven kerek God Himin Yaaik kau kekra han kirak iuwe hirak kikiamnaan kir menmen iuwe me God, hirak kir Jisas kerp God his yaaim mirak kerek mit iuwe nerpai. ⁵⁶ †Stiven kirek, hirak katip kar ik: “Yi eiyimtau. Hi hir nepni mewep hi hir wit ke God kau yaain. Mitik Jisas, hirak Mitik ke wit ke God hirak kerp his yaaim mirak.”

⁵⁷ Hirak katip menmen im epei au, hir mit yapirwe ninaap nenepip nemesis nikip ninapen nemtau him im, hir nesiuknen nererik neweikniwek netenenik ⁵⁸ ††neriyaak ken wit eik ere ninaaiwir niwa ke wit Jerusalem, hir newir nan nakip. Mit nipaa newepyapirek nenke saket mir nokim newisim miwaai hit me mitik pipiak hak niuk mirak Sol, hirak naanmipre saket mir te hir nenep Stiven. ⁵⁹ ††Hir wen newir nan nakip, hirak Stiven kitehi God katip kar ik: “Mitik Iuwe Jisas ti ehiti himin kai.” ⁶⁰ †††Hirak kitehir kewen ninip kinap him iuwe, “Mitik Iuwe ti ap han ekitet menmen enum hir nerekyewem.” Hirak katip menmen im epei au, hirak kaa. Mitik Sol hirak han yaaik hir nakip kaa.

Sol kare kakiwaank mit miyapir nises him me Kraiss

8 †††Me wi im mit neit Jerusalem newaank mit miyapir kerek nises him me Kraiss. Mit yapirwe hir nises him me Kraiss ninaaiwir Jerusalem nirir nen nau nerer wit wit neit provins Judia kekite provins Sameria. Hir mit aposel au, hir wen nau neit Jerusalem. ² Mit han nises him me God werek, hir neit Stiven herwe yink kirak nen newep hei newisik, hir nikitek him iuwe. ³ †Hir nikitek te Sol kare kakiwaank mit miyapir nises him me Kraiss. Hirak ken kerer winak winak kari mit miyapir ken kewisi nen nekre winak enuk.

Mit newepyapir natip him yaaim me Kraiss neit provins Sameria

⁴ Mit nises him me Kraiss kerek nipaa nirir ninaaiwir Jerusalem nen ein ein natip mit miyapir him me Kraiss. ⁵ ††Mitik niuk mirak Filip ken wit Sameria katip mit ne mitik Kraiss kerek God kehimitanek kan kikaap mit. ⁶ Mit miyapir yapirwe hir han kiutip newis nikip nises menmen hirak ketpim nentar hir nir menmen yaaim hirak kirakem keiyim kikaap mit. ⁷ †††Hirak kepir herwe enum hiram menepip menpin mekeipin mit, hirak kikaap mit hit maa o mit hit enum hir nire yaain, ⁸ te mit neit ein han yaaik nepu.

⁹ Mitik hak niuk mirak Saimon hirak kau wit Sameria. Nipaa ere wi Filip kan hirak ketenwo henpin, kewen hawi menmei menmei marim te mit miyapir neit Sameria hir han kir kekrit. Hirak kewenipi hirekes hirak

iuwe. ¹⁰ Mit yapirwe neit Sameria, mit iuwe, mit weinin, hir nemtau him mirak nisesik. Hir natip nar ik: “Mitik ik hirak ketenen menmen me God iuwe hirak kire God.”

¹¹ Mit en hir nisesik iuwe nentar me wi yapirwe hirak kenipi hir han kir kekrit keriuwe menmen hirak kirakem. ¹² Te maain Filip kan katip mit miyapir him me God kakinin naanmampre mit, ketpor him me Jisas Kraiss, mit miyapir yapirwe hir neweikin sip newet Saimon, hir nises him im te Filip kikiri. ¹³ Saimon hirkes kises him me Kraiss, Filip kikirek. Epei au, hirak kises Filip menep menep kire wariyakit kirak, hirak kir menmen yaaim iuwe hirak kirakem kikaap mit keriuwerem te hirak han kirak kekrit.

¹⁴ Mit aposel neit Jerusalem nemtau mit ne Sameria nises him me God, hir neriuwet Pita kekite Jon hirakit ten Sameria. ¹⁵ Hirakit ten tiun Sameria, hirakit titehi God te God Himin Yaaik kaku han ke mit in, ¹⁶ tentar God Himin Yaaik ap kan kewi wen au. Filip kikiri kekine niuk me Jisas kerekek. ¹⁷ ††Pita ketike Jon tewis his mirakit mewi te God Himin Yaaik kan kau han kir.

¹⁸ Saimon kir aposel tewis his mirakit mau mit God Himin Yaaik kan kewi, te hirak katip kakwet Pita kekite Jon pewek ¹⁹ ketpiwekit kar ik: “Yi yenipa hi hertei menmen im te hi ewis his mamu mit, God Himin Yaaik kakwi.”

²⁰ Pita kewenhi kar ik: “Hi hanhan ti hetike pewek mit yaino si tatikneni yentar ti han kitet ewir pewek ehiti menmen yaaim me God hirak kewet mit en em weinin. ²¹ †††Menmen im hiram menmen mit au, nentar God kir han kit hirak yaaik au. ²² Ti eweikin sip ewet menmen im me ti han kitetim, ehitehi God kakisak menmen enum ti han kitetim. ²³ ††Hi hertei ti han enuk hemkre menepam heriuwe menmen haiu miriakem. Menmen im enum mau mekre han kit meteninit mar ke waai mesenek mitik hak his mirak keit winak enuk.”

²⁴ Saimon katip Pita kekite Jon: “Yi eiyitehi God ke hi te menmen ti hetpim ap mamnen mamrewaank.”

²⁵ Pita ketike Jon tatip menmen hirakit terteyem me Jisas Kraiss, hirakit tetpor him me God. Epei au, hirakit pike tepno Jerusalem, hirakit ten tatip mit miyapir him me God terer wit wit me provins Sameria ere hirakit tipiuon wit Jerusalem.

Filip katip mitik ke Itiopia him yaaim me Kraiss

²⁶ Pita ketike Jon epei ten, ensel ke Mitik Iuwe God kan katip Filip kar ik: “Ti hekrit ekiuwe eno ere ti epiun yayiwe kepno Jerusalem ere wit Gesa.” Nipaa mit nises yayiwe ik te in ek au. ²⁷ †††Filip kemtewek epei au, hirak kekrit ken. Me wi im mitik hak hirak mitik iuwe ke wit Itiopia pike kakno wit kirak kitet yayiwe ik kepno. Mitik ik mitik iuwe naanmipre pewek me mite iuwe mit nekine niuk mire nenewe Kwin Kandes, hire pe kantri Itiopia. Hirak ken wit Jerusalem kewenipi God te hirak pike kau karis kirak kepnen. Hirak kepnen hirak kekine tiwei nipaa profet Aisaia kewisim. ²⁹ God Himin Yaaik

† 7:54 Ap 5:33 †† 7:55 Mt 22:44; Ap 2:33-34, 5:31 † 7:56 Kl 3:1 †† 7:58 Ap 22:20 †† 7:59 Sam 31:5; Lu 23:46 ††† 7:60 Lu 23:34 ††† 8:1 Ap 7:58, 8:4, 11:19 § 8:3 Ap 9:1, 13, 22:4, 26:9-11 † 8:5 Ap 6:5 †† 8:7 Mt 10:1

§ 8:17 Ap 19:6 §†† 8:21 Sam 78:37 §† 8:23 Hi 12:15 §† 8:27-28 Ais 56:3-7 §†† 8:27-28 Ap 9:22, 17:3

katip Filip kar ik: "Ti eno menep karis im ti etikerek eino." ³⁰ Hirak katip epei au, Filip kesiuknen ken menep kemtau mitik ek kekine him mau tiwei nipaa profet Aisaia kewisim. Filip kitiwekhi kar ik: "Ti hertei hir o as me menmen ti ekinaam o au?"

³¹ †Mitik iuwe eik kewenhi kar ik: "Markeik te hi erteiyem? Mitik ketpo menmen te hi erteiyem. Ti enen etikewa ewu in ti ewepyapir menmen te hi erteiyem."

³² ††Him mitik hirak kekinaam hiram mar im:

"Hirak kire sipsip mit neriyaak nakip hirak ketikeri nenapan au. Hirak kire sipsip mit nime tepnek mirak hirak katip him enum au, hirak kekintip.

³³ Hir nenipek yink enuk, hir nanriyaak kakno kot mit nankepik au. Keimin kakwis niuk me nikerek nirak mamu tiwei? Hirak mitik hak ap kakwisim kakintar hir nankip kaki, hirak ap kaku ti kakine nikerek au."

³⁴ Mitik iuwe kitehi Filip kar ik: "Ti etpo profet katip keimin? Hirak hirekes o mitik hak?"

³⁵ Filip ketpiwek menmen, hirak katip me him ek hirak kekinam te hirak ketpiwek him yaaime Jisas.

³⁶ †Hirakit tepno yayiwe tipiuon wit heipno miwaairi te mitik iuwe katip, "Ahirek! Tipar mei miwaai in. Ap menmen mei meiyepeta te ti ekira au."

³⁷ [Filip kewenhi, "Hi ekrit te ti hises Jisas Kraisis heriwe han kit." Hirak kar ik: "Hi han kitet Jisas hirak Nikan ke God kerekek."]

³⁸ Hirakit tatip epei au, mitik iuwe katip mitik naanmipre karis hiram merp, te hirak ketike Filip tenke ten tipar, Filip kikirek. ³⁹ ††Hirakit tinaaiwir tipar tiniu ten, God Himin Yaaik keithis Filip keriyaak ken te mitik iuwe keranaan kinketniwek kirek au. Hirak pike kau karis kitet yayiwe han yaaik ken nirak en. ⁴⁰ ††Te God Himin Yaaik hirak kari Filip ken. Hirak keriyaak ken, te hirak keranaan kir hirekes hirak keit wit Asdot. Hirak keke ti ken kerer wit wit kewepyapir him yaaime God ere hirak kipiun wit Sisaria.

Sol keweikin sip kewet menmen enum kises him me Jisas

9 †††Filip wen kiriak menmen, mitik Sol wen katip enum kaknep mit miyapir nises him me God. Hirak ken kir mitik iuwe pris kerek kinin naanmipre pris yapirwe, ² hirak kitiwekhi kakit tiwei keiyim kakno winak me mit ne weiwik me Isrel hir nau nererik nekine him me Moses neit wit Damaskas. Tiwei ik katip hiram yaaime te Sol kir mit miyapir kerek nises him nipaa Jisas ketpim, hirak kaktorhis kakriyei kakri kaknen wit Jerusalem. ³ Hirak keit tiwei epei au, hirak ken wit Damaskas. Hirak kepno menep, si mewenin waswas moke nepni man mir meweikniwek. ⁴ Hirak kenkewin kiwaai ti kemtau mitik keit ein katip kar ik: "Sol Sol ti henmak te ti erekyo enum?" ⁵ †††Sol kitiwekhi kar ik: "Mitik Iuwe ti keimin?" Hirak ketpiwek kar ik: "Hi Jisas kerek ti herkyo enum. ⁶ Ti ekrit eno wit Damaskas.

Maain ti heit en, mitik hak kaknen kakitput menmen ti ehisesim."

⁷ Hir mit kerek netike Sol nitet yayiwe nen, hir nerp neit. Hir nemtau him te hir ap nir mitik keimin katip.

⁸ Jisas ketpiwek nepei au, Sol kekrit kesiupan nanamir te hirak ap kir menmen au. hirak nanamir toto, te mit netikerek netiwekhis neriyaak neiyik nen Damaskas.

⁹ Hir nipiuon Damaskas, me wi wikak Sol epei kir menmen au, hirak ap kaam tipar o menmen au.

¹⁰ Mitik kiutip kises him me Jisas kau wit Damaskas niuk mirak Ananaias. Hirak kepu kityak kir Mitik Iuwe Jisas kan ketpiwek menmen kar ik: "Ananaias." Hirak kekike kar ik: "Mitik Iuwe hi hepu." ¹¹ ††Mitik Iuwe ketpiwek, "Ti ekrit eno wit niuk mirak "Ya wit kipirak," ti eno winak ke Judas ti eitiwekhi ke mitik ke wit Tasas niuk mirak Sol. Hirak prea kitauhi menmen kepu ek.

¹² Hirak epei kityak kir mitik niuk mirak Ananaias kan kewis his menterik te hirak pike kakir ein ein."

¹³ ††Ananaias pike ketpim, "Mitik Iuwe, mit yapirwe netpo me mitik ik e menmen enum yapirwe hirak kiriakem me mit nises him mi neit Jerusalem. ¹⁴ †††Hirak epei kan in ketenen tiwei ke mit iuwe pris, hir natip hiram yaaime te hirak kakithis mit miyapir neimin newenipi niuk mit."

¹⁵ ††Hirak Mitik Iuwe Kraisis ketpiwek kar ik: "Ti eno kerekek hentar hi epei ehimitanek kakwepyapir him mai kaktip mit ap ne weiwik me Isrel em, hir netike mit iuwe nir netike mit han ne weiwik me Isrel. ¹⁶ †††Hi hirekes tewen eteikniwek mekam mamnen mamkip kakintar hirak kaktip mit miyapir him mai."

¹⁷ Mitik Iuwe katip epei au, Ananaias ken winak ke Sol kewik, hirak kewis his menterik ketpiwek kar ik: "Kai yinak Sol, Mitik Iuwe Jisas kerek kewepyapir hirekes keit yayiwe te ti hirek, hirak hirekes keriuweta hi han. Hirak keriuweta te hi ekepit ti pike ehir ein ein, God Himin Yaaik kaku kakikre han kit." ¹⁸ Hirak katip epei au, menmen mire saauk hiar mekre nanamir kirak minatin, te Sol pike kir ein ein. Hirak kekrit ken, Ananaias kikirek. ¹⁹ Epei au, hirak kaam menmen hirak pike manpenuk keit.

Sol katip mit him yaaime me Kraisis keit Damaskas

²⁰ Sol hirak kepu ketike mit han nises him me God neit Damaskas me wi ham. Waswas hirak ken winak ke mit ne weiwik me Isrel hir nau nererik nekine him me Moses, hirak kewepyapir him me Jisas katip mit hirak Nikan ke God. ²¹ ††Mit nemtau him mirak hir han kekrit natipan nar ik: "Mitik ik kerekek hirak keit Jerusalem kenep mit kerek nises him me Jisas a? Hirak kan in te kakithis mit kerek newenipi niuk mirak kakriyei kakri kakno kakwet mit iuwe pris en?" ²² ††Sol keriuwe him iuwe hirak ketpim kari han ke mit yapirwe keteiknor Jisas hirak Mitik Iuwe Kraisis kerek God nipaa kehimitanek te hir mit ne weiwik me Isrel nau Damaskas hir ap neminp him mirak.

† 8:31 Jo 16:13 †† 8:32 Ais 53:7-8 † 8:36 Ap 10:47 †† 8:39 1Kin 18:12 †† 8:40 Ap 21:8 ††† 9:1 Ap 8:3 ††† 9:5 Ap 5:39

§ 9:11 Ap 21:39 †† 9:13 Ap 8:3 ††† 9:14 Ap 9:1-2, 21; 1Ko 1:2 †§ 9:15 Ap 25:13, 23, 27:24; Ro 1:5 ††† 9:16 2Ko 11:23-28 †† 9:21 Ap 8:3, 26:10 †§ 9:22 Ap 17:3, 18:5, 28

²³ Wi yapirwe epei men, mit han ne weiwik me Isrel nau en nererik natipan nimenipin Sol nankip te ²⁴ mit han netpiwek menmen hir nanriakem. Witaan wanewik hekrit hekrit hir nerp ya weipir ke wit Damaskas nekiwiwek hir nankip. ²⁵ †Au, witaan hak mit kerek nises him mirak me Jisas hir netiwekhis newisik kekere wipo wisenuk hir nikaap waai ninai-wirek ken kekere hei ke han iuwe keit wit eik keweikin wit Damaskas kekiuwe kerp ti hirak kirir.

Sol keit wit Jerusalem

²⁶ †Sol kinaaiwir Damaskas epei ken wit Jerusalem, hirak kare kaku kaktike mit en nises him me Krai. Au, hir ap nemtau him mirak. Hir naineinik nentar hir han kitet hirak ap kises him me Krai. Hir han kitet hirak kan kemipin kakwenaani kakir neimin hir nises Krai hirak kakwisi nanino winak enuk. ²⁷ †Hir naineinik te mitik Banabas ketiwekhis keriyaak keiyik ken mit aposel ketpor Sol kitet yayiwe hirak kir Mitik Iuwe Jisas, hirak ketpiwek menmen. Hirak wen ketpor Sol katip mit him me Krai ketpor him manp keit wit Damaskas. ²⁸ Hirak ketpor epei au, hir newis Sol kau ketikeri te hirak ken kir ein ein keit Jerusalem katip him iuwe ketpor him me Jisas. Hirak ap kinapen au. ²⁹ Hirak ketike mit ne weiwik me Isrel kerek hir nertei him Grik, hir natipan nenehan me Jisas te hir nererik nimenipinek nankip. ³⁰ †Wi kerek mit nises him me Jisas ein nemtewek, hir neithis Sol neriuwetek kekiuwe ken wit Sisaria newisik kau sip neriuwetek ken nirak en wit Tasas. ³¹ Me wi im mit ap nenep mit nises him yaaim me Jisas te hir mit yapirwe nau neit provins Judia, Galili ketike Sameria hir nau werek werek. God Himin Yaaike kekepi hir ninakin tokim hir nari mit han nises him me Jisas Krai hir han kitet hirak yaaike.

Pita kikaap Inias hirak kire yaaike

³² Pita keke ti ken kerer wit wit. Wi ham hirak ken kir mit nises him me God neit wit Lida. ³³ Hirak ken kir mit neit wit Lida, hirak kir mitik niuk mirak Inias. Mitik ik kiwaai yeno me tito hispinak wikak (8) kentar his hit maa te hirak ap kekrit au. ³⁴ Pita ketpiwek kar ik: "Inias, Jisas kenipit ti hire yaaike. Ekrit ewen laplap ewisim emintar yeno." Hirak katip epei au, mitik kekrit waswas. ³⁵ Mit yapirwe nau wit Lida kekite wit iuwe Seron nirek hirak kire yaaike te hir neweikin sip newet menmen enun nises Mitik Iuwe Jisas.

Mite Dokas waa Pita pike kikia (o kekip) wekrit wepu

³⁶ Mite piutip niuk mire Tabita wepu wit Jopa. Me him Grik hir mit nenewe Dokas. Hekrit hekrit hire wiriak menmen yaaim hire wikaap mit enun menmen auri, hire wises him me God. ³⁷ Me wi Pita kepu wit Lida, mite ip winap hire waa. Mit miyapir han en nises menmen me maamrer nir hir nikir yink kire newisiye wiwaai wekre haau mau winak kau niu. ³⁸ Wit Lida

hirak menep kirapit wit Jopa te mit nises him me God neit ein nemtau mit natip Pita kepu Lida, te hir ne-siuwe mitikit wik ten tetpiwek tar ik: "Ti etikawir euno wit kawir waswas." ³⁹ Hirakit tatip epei au, Pita kekrit ketikeret ten. Hirakit ten tiun winak eik, hir neriyaak ken haau kau niu ein. Miyapir yapirwe kerek mikaan nir epei naa, hir nerp en nikitep. Hir nir Pita epei kan, te hir nan neweikniwek neteikniwek menmen nipaa me wi hire wepu Dokas wekerwo laplap wewet mit miyapir em neriuwetem. ⁴⁰ †Pita keriuweti nen witeik, hirak kitehir kewen ninip kitehi God me hire. Epei au, hirak kerenaan katip herwe yink kire kar ik: "Tabita ti ekrit." Hirak katip epei au, hire wesiupan naan. Hire wesiupan naan wir Pita, te hire wekrit wau yeno. ⁴¹ Hire wekrit wau yeno, Pita kikia hire wekrit werp, hirak kenine miyapir mit nir epei naa nipaa ein, hir netike mit han en nises him me God kewetir mite ip pike wan. ⁴² Mit yapirwe neit Jopa nemtau him im te hir nises him yaaim me Mitik Iuwe Krai. ⁴³ †Pita kepu wi yapirwe kau winak ke Mitik itai kirak Saimon kerek kenip yink me samiyak yaaim me yerkesi.

Ensel ke God ken kir mitik Konilias ketpiwek menmen

10 ⁵ Mitik hak niuk mirak Konilias kepu wit Sisaria. Hirak mitik iuwe ke Ami, hirak kinin naanmipre 100 mit soldia ne ami ne wit iuwe Itali keit yanimin. ² Hirak mitik ik ketike mit nau winak kirak hir han kitet God hirak iuwe te hir newenipiyek. Hekrit hekrit hirak kitehi God menmen, hirak keit pewek kewet mit ne Isrel kerek enun menmen auri kewetirem. ³ †Wi ham menep hinkewi hirak kepu kityak kir ensel kerekek ke God kan ketpiwek kar ik: "Konilias."

⁴ Hirak Konilias kirapirwek kepirpir kitiwekhi, "Mekam mitik iuwe?"

Ensel ketpiwek kar ik: "God han kitetit ti hitiwekhi hekrit hekrit ti ewet mit enun si enuni pewek herekyor yaaim. ⁵ Te in ek ti esiuwe mit han nanino wit Jopa hir naninantin mitik kerekek niuk mirak Saimon. Niuk mirak ham hirak Pita. ⁶ †Hirak kau winak ke itai kirak Saimon, kerek kenip yink me samiyak, hirak winak kirak kiwaai tenhaan menep wan eik. Hirak kakitput menmen te yi eiysesim."

⁷ Ensel ketpiwek epei au, hirak ken. Hirak ken, Konilias kenine mitikit wik tiriak menmen mirak tekite mitik ke ami kiutipen. Mitik ke ami kewenipi niuk me God, hirak hekrit hekrit kau ketike Konilias naanmipre menmen mirak me ami. ⁸ Hirak ketpiwekit menmen hirak epei kirem. Hirak ketpiwekitem epei au, hirak kesiuweret ten wit Jopa.

Pita kepu kityak kir menmen

⁹ Hirak kesiuweret ten, witaan hirakit tiwaai ya ke nimin. Wanewik hirakit tekrit tepno menep wit Jopa. Menep me wepni nimin iuwe Pita kiniu ken kau winak siup kerek kipirak ken kitehi God menmen. ¹⁰ Hirak Pi-

† 9:23 Ap 23:12 †† 9:25 2Ko 11:32-33 ‡ 9:26 Ga 1:17-19
†† 9:27 Ap 9:4, 20; 1Ko 9:1, 15:8 †† 9:30 Ap 11:25; Ga 1:21

††† 9:40 Mk 5:40-41 ††† 9:43 Ap 10:6 § 10:1 Mt 8:5; Ap 27:1, 3 §† 10:3 Ap 3:1 §†† 10:6 Ap 9:43

ta kitehi God menmen, hirak ninpi maak hirak han kitet kakim menmen, hirak wen kemeriyor hir wen niam miwaai si. Hirak kepu en hirak kepu kityak, ¹¹ †kir nepni mewep menmen mire laplap mit nikaaiip waai mewim men pinak men pinak, men yinak, men yinak, hiram mekiuwe man menep ti. ¹² Menmen yapirwe mau mekrerem. Samiyak, manpen, pewen, kirin metike hore yapirwe. ¹³ Hirak kirem, hirak kemtau mitik ketpiwek kar ik: "Pita ekrit emip ehim." ¹⁴ ††Au, Pita ketpiwek kar ik: "Auye! Hi nipaa ere in ap haam menmen im him me Moses mau tiwei meriuwesisem mar ik: 'Yi mit ne Isrel ap eiyim samiyak im au emit.'" ¹⁵ †Hirak mitik ketpiwek kar ik: "Menmen God katip hiram yaaim ti ap etip hiram enum au emit." ¹⁶ Menmen im man mar wikak. Epei au, menmen mire laplap pike miniu men nepni eim.

¹⁷ Hiram miniu men nepni eim, Pita han kitet kar ik: "Menmen im meteikno mekam?" Pita han kitetim, mitikit kerek Konilias nipaa keriuwetet tipiu Jopa titehi mit ere tinapin winak ke mitik Saimon, hirakit terp ya weipir ke niwa meweikin winak eik e. ¹⁸ Hirakit tenine titehi tar ik: "Mitik kiutip niuk mirak Saimon Pita kau in o au?" ¹⁹ ††Pita han kitet menmen hirak epei kirem, God Himin Yaaik ketpiwek kar ik: "Nikip emnep emtewek! Mitikit wikak epei tan tintetnut, ²⁰ te ti ekrit ekiuwe eno etikeret eino. Ti ap enapen han ekitet menmen au emit. Hi epei heriuwetet tan."

²¹ Hirak katip epei au, Pita kekiuwe ken kir mitikit kerek Konilias keriuwetet tan in, hirak ketpiwek kar ik: "Hi mitik yi yinyetno. Yenmak te yi yan?" ²² ††Hirakit tetpiwek tar ik: "Mitik iuwe kinin naanmpre 100 mit ne ami keriuwetei haiu man in. Hirak mitik yaaik han kitet God iuwe hirak kisesik, mit ne weiwik me Isrel hir natip: 'Hirak yaaik,' mitik ik God kesiuwe ensel kirak ketpiwek hirak kakriuwet mit han nanino nantuthis ti enen winak kirak ti etpiwek menmen." ²³ †††Hirakit tatip epei au, Pita keriyei keri kan winak ninin en, hirakit tiwaai en me witaan. Wanewik hirak kekrit ketike mit han ne wit Jopa hir nises him me God, hir netikeret nen.

Pita ken winak ke Konilias

²⁴ Hir netikeret nen ere witaan, hir niwaai. Wanewik hir nekrit nen. Me wi im hir nipiu Sisaria kerek Konilias kemerir Pita. Hirak epei kari nei ne weiwik miutip mirak, netike nirak yinan han hir nau winak. ²⁵ Pita ketikeri nare nanino ninin en, Konilias kewenyipirek keit ya weipir ke winak kenke kewen ninip kitehir menep hit mirak. ²⁶ †††Au, Pita kenipek hirak kekrit, ketpiwek kar ik: "Ti ekrit hentar hi ap God au. Hi mitik har ke ti kerek." ²⁷ Pita ketike Konilias tewepnak ten ninin en, Pita kir mit yapirwe nererik nau en.

²⁸ Hirak kir mit nau en, hirak ketpor kar ik: "Yi mit hiras yi yertei werek him haiu mit ne Isrel misesim hiram meriuwesisai mamu winak ke mit ap ne weiwik

† 10:11 Ap 11:5-17 †† 10:14 Lev 11:1-47; Esi 4:14 ‡ 10:15 Mk 7:15, 19 †† 10:19 Ap 11:12, 13:2 †† 10:22 Ap 10:1-2 ††† 10:23 Ap 10:45, 11:12 ††† 10:26 Ap 14:13-15; Rev 19:10

me Isrel mamim menmen mamtikeri au emit. Te God epei keteikno hi ap han ekitet mitik hak enuk kentar hirak ap ke weiwik me Isrel au. ²⁹ Wi kerek yi yeriuwet mitikit tan tetauhis, hi ap hatip au. Hi han kerek. In ek hi hitihi te yi yenmak yi yeriuwet mitikit tan tetauhis te hi han in?"

³⁰ †Konilias katip kar ik: "Mar ke petepin ti han in, nipaseik wi tekyaa (4) hi heit winak kai hi hitehi God menmen ere menep hinkewi. Hi wen hepu in, hi hir mitik kiutip keriuwet klos merhihe kerp ninaan mai. ³¹ Hirak ketpo kar ik: 'Konilias, God kemtau him mit ti hitiwekhi menmen. Hirak han kitet menmen yaaim ti hiriak mit enun si enuni em. ³² Ti eriuwet mit han nanino wit Jopa naninantin mitik niuk mirak Saimon Pita. Hirak kau winak ke mitik Saimon kerek kenip yink me samiyak yaaim meyerkesi, hirak winak kirak kiwaai tenhaan menep wan eik.' ³³ Hi epei hemtewek, waswas hi heriuwet mitikit wik ten tintetnut tetuthis terit tan. Ti mitik yaaik te ti etikeret epei yan in. Tis, God kau ketikewai haiu mererik te haiu mamimtau menmen God ketput ti ewepyapirem etpaiyem."

Pita katip him me Krai keit winak ke Konilias

³⁴ ††Konilias katip Pita epei au, Pita ketpor kar ik: "Hi hetpi werek. In ek hi hertei God hirak han kitet mit miyapir yapirwe nipiran kerekyor menmen miutip. ³⁵ †††Weiwik miutip keremem au. God han yaaik keriuwe mit nerer wit wit kerek newenipiyek niriak menmen yaaim nisesik. ³⁶ ††Yi yertei him God kewet haiu mit haiu nepenyerer ne Isrel kewetaiyem. God kewepyapir him yaaim katip haiu mamtikerek emu han kiutip mamintar Jisas Krai. Hirak Mitik Iuwe kinin naanmpre mit yapirwe. ³⁷ †††Yi yertei nipaa Jon katip mit menmen ketpor hir enweikin sip enwet menmen enum, hirak kikiri. Hirak kikiri epei au, Jisas kewepyapir him me God mekrit minin meit Galili men merer wit wit meit Isrel. ³⁸ ††Yi yertei Jisas ke wit Nasaret. God kehimitanek kewetiwek Himin Yaaik kirak ken kewik kewetiwek menmen iuwe mirak kakikepik. Hirak ken kerer wit wit kiriak menmen yaaim me mit, kikaap mit kerek Seten kewir menmen mirak enum menteri, kekepi hir nire yaain kentar God kau ketikerek kekepi. ³⁹ Haiu mit aposel mewepyapir menmen yapirwe hirak kiriakem kerer wit wit ke Isrel, mekite wit iuwe Jerusalem. Mit iuwe ninin naanmpre wit Isrel hir netiwekhis neiyik nen nakip newenkekik kau nu tentarakit hirak kaa. ⁴⁰ ††Au, me wi wikak hekrit enum eik, God kikiak hirak kekrit kepu hirak kewepyapir hirekes. ⁴¹ †††Mit yapirwe au. Haiu mit aposel kerek nipaa God kehimitanai haiu mewepyapir menmen mirak. Hirak kekrit kepu haiu maam tipar menmen metikerek. ⁴² †††Hirak ketpai him manp te haiu mamno mamwepyapir hirak mitik God kehimitanek hirak ske-

§ 10:30 Ap 1:10, 3:1 †† 10:34 1Sm 16:7; Ro 2:11; Ga 2:6
 §†† 10:35 Jo 9:31 §‡ 10:36 Sam 107:20; Ais 52:7; Rev 17:4
 §†† 10:37 Mt 4:12-17 †† 10:38 Mt 3:16; Lu 4:17-20 §‡ 10:40
 1Ko 15:4-7 §§† 10:41 Jo 14:19, 22-24, 15:27; Ap 1:8; Lu 24:42-43
 §§‡ 10:42 Ap 17:31; 2Ti 4:1; 1Pi 4:5

lim mit nipaa naa, mit wen nepu. ⁴³ †Mit profet yapirwe nipaa newis him mekre tiwei mewepyapir him me mitik ik. Hir natip mit miyapir kerek nisesik, God kakisak menmen enum hir niriakem kakintar menmen yaaim Jisas kerekyaayem.”

Mit ap ne weiwik me Isrel God Himin Yaaik kan kewi

⁴⁴ †Pita wen ketpor him mirak, God Himin Yaaik kan kau han ke mit miyapir kerek nemtau him Pita ketporem. ⁴⁵ Mit ne weiwik me Isrel, kerek nises him me God nan netike Pita, hir nehinhin natip nar ik: “God epei kesiuwe Himin kirak Yaaik kan kau haiu mit ketike mit in kerek ap ne weiwik me Isrel.” ⁴⁶ †Hir natip menmen ik nentar hir epei nemtau mit in natip him ham hir hiras nepitariyem newenipi niuk me God hirak iuwe neriuwe him im. Pita katip him iuwe kar ik: ⁴⁷ †“God Himin Yaaik kan kau han ke mit in kar ke nipaa hirak kan kau haiu mit. Keimin kaktip te mit in ap haiu mamkiri mamriuwe tipar au a? Auye!” ⁴⁸ †Hirak katip epei au, hirak ketpor hir nikiri neriuwe tipar nekine niuk me Jisas. Hir nikiri epei au, hir mit en nitiwekhi hirak kau ketikeri me wi ham.

Pita katip mit nises him me God neit Jerusalem me menmen hirak kiriakem

11 Mit aposel netike mit kerek nises him me God neit provins Judia nemtau mit ap ne weiwik me Isrel epei nises him yaaim me God. ² Ewaai meruri Pita pike kan wit Jerusalem, mit kerek natip mit nises him me God nerekir yink kir hir nitiwekhi nenerek ³ †natip nar ik: “Ti henmak te ti hau hetike mit ap ne weiwik me Isrel, yi yekiyen yaam menmen? Hiram au emit.”

⁴ Au, Pita kewepyapir ketpor menmen yapirwe epei man kerek God kiriak Konilias em. ⁵ †Hirak katip kar ik: “Hi hepu wit Jopa, hi hepu ein hi hitehi God menmen, au hi hityak hir menmen mire laplap mekiuwe man, hir newir waai neriyaam nen yinak nen yinak, nen pinak nen pinak mekiuwe man merp menep hi herpai. ⁶ Te hi hir samiyak, manpen, pewen, kirin metike hore mei me yaank mekrerem. ⁷ Hi hir samiyak mekrerem, hi hemtau mitik ketpo kar ik: ‘Pita ti ekrit enep mei ehim.’ ⁸ Hi hewenhi har ik: ‘Mitik iuwe auye. Nipaa ere in hi ap haam menmen im kerek him me Moses meriuwesim mar im: Yi mit ne Isrel ap eiyim samiyak im.’ ⁹ Mitik keit nepni pike ketpo kar ik: ‘Menmen God katip hiram mire yaaim, ti ap etip hiram enum au emit.’ ¹⁰ Menmen man marim ere mar wikak, te hiram pike miniu men nepni. ¹¹ Hiram pike men nepni, mitikit wikak kerek mitik ke Sisaria keriuwetet, hirakit ten terp winak hi hewik. ¹² God Himin Yaaik ketpo hi ap han ekitet menmen au. Hi eno etiket kerekek. Mitikit hispinak kiutip (6) terp in tetikewa hirakit tetikewa mariyan men wit Sisaria haiu men mekre winak ke mitik Konilias. Haiu men winak ke mitik Konilias, ¹³ hirak ketpai hirak kir ensel kerp winak

† 10:43 Ais 33:24, 53:5-6; Jer 31:34; Dan 9:24 †† 10:44 Ap 11:15, 15:8 † 10:46 Ap 2:4, 19:6 †† 10:47 Ap 8:36 †† 10:48 Ap 2:38 ††† 11:3 Ap 10:28; Ga 2:12 ††† 11:5 Ap 10:9-48

kirak ketpiwek kar ik: ‘Ti esiuwe mitik kakno wit Jopa kakinkatin mitik niuk mirak Saimon Pita. ¹⁴ †Hirak kaknen kaktip him mamkaap ti etike mit miyapir nau winak ki yi eiyises him me God te maain God kaktihis.’ ¹⁵ †Hi han kekrit hare etpor menmen, au God Himin Yaaik kan kau kekere han kir kar nipaa kan kau haiu mit in. ¹⁶ ††Hirak kan kewi, hi han kitet him nipaa Mitik Iuwe Kraiss katip. Hirak katip kar ik: ‘Jon kikir mit keriuwe tipar te hi tewen esiuwe God Himin Yaaik kaknen kaku yi mit.’ ¹⁷ Haiu mertei nipaa haiu mises him me Mitik Iuwe Jisas Kraiss, hirak kesiuwe Himin kirak yaaik. In ek God epei kewet mit ap ne weiwik me Isrel menmen yaaik ik nipaa hirak kewetaiyem. Hi keimin te hi hatip God ekite? Taauye!”

¹⁸ †Mit en nemtau him Pita ketpim, hir ap wen nenerek au. Hir newenipi niuk me God natip nar ik: “God epei kewis mit ap ne weiwik me Isrel hir nanweikin sip nanwet menmen enum te hir nanu nanit nantikerek nanir ke haiu mit in.”

Mit kerek nises him me Kraiss neit Antiok hir niriak menmen

¹⁹ ††Me wi mit nenep mitik Stiven hirak kaa, mit naniwaank mit miyapir kerek nises him me God. Au, hir nirir. Han nirir nen menep, han au nen yanimin ere hir niun wit Finisia, wit Saipras, wit Antiok natip mit ne Isrel nau en keriyen him yaaim me Kraiss. ²⁰ Mit han kerek nises him me God hir ne wit Saipras ketike provins Sairini, hir nen wit Antiok newepyapir him yaaim me Mitik Iuwe Jisas, hir natip mit ne Isrel netike mit ap nei ne Isrel netporem. ²¹ †Mitik Iuwe God kekepi te mit yapirwe nemtau him neweikin sip newet menmen enum hir nises Mitik Iuwe Kraiss.

²² †Mit ne weiwik me God neit Jerusalem nemtau him me menmen im epei man, te hir nesiuwe Banabas ken wit Antiok kir menmen. ²³ ††Hirak ken kiri, hirak kir God kerekyor yaaim, hirak han yaaik keriuweri hirak ketpor him manp te hir wen enises Mitik Iuwe ekikre han kir iuwe. ²⁴ ††Banabas hirak mitik yaaik, God Himin Yaaik kau kekere han kirak iuwe, hirak kises God werek werek, te mit yapirwe nises him me Mitik Iuwe Kraiss.

²⁵ †††Mit yapirwe nises him me Kraiss te Banabas ken wit Tasas kinkatin Sol. ²⁶ ††Hirak kinkatin Sol ere kinapinek keriyaak pike keiyik ken wit Antiok, hirak pike ken wit Antiok kau en tito kiutip, hirakit tau en tekite mit ne weiwik me God teteikin mit yapirwe menmen, tetpor him me God. Hir neit wit ik e, mit han ninin nekine niuk me mit nises him me Kraiss, hir mit Kristen.

²⁷ ††Me wi im, mit han profet kerek newepyapir him me God, ninaaiwir wit Jerusalem nekiuwe nen wit Antiok. ²⁸ ††Mit nan nererik nemtau him me God, mitik kiutip ke mit in niuk mirak Agabas hirak kekrit kerp nimin hir mit nau nererik en, God Himin Yaaik ket-

§ 11:14 Ap 16:31 †† 11:15 Ap 2:4 ††† 11:16 Ap 1:5 †† 11:18 Ap 13:48, 14:27 ††† 11:19 Ap 8:1-4 †† 11:21 Ap 2:41 †† 11:22 Ap 4:36 ††† 11:23 Ap 13:43, 14:22 ††† 11:24 Ap 2:41, 6:5 ††† 11:25 Ap 9:30 18 11:26 1Pi 4:16 19 11:27 Ap 13:1, 15:32 20 11:28 Ap 21:10

piwek te hirak kewepyapir menmen im: Maain wi mamnen te hawi ap kaknen kakrer wit wit au, menmen mamu ni ap mamwo au mami. (Menmen im epei man me wi mitik iuwe gavman ke Rom Klodias hirak kinin naanmipre mit.)²⁹ Mit nises him me God en han kitet hir niutip niutip nenke pewek mir nanisiuwerem mamno wit Judia kerek hawi ap kan keit ein menmen me ni ap mewo au. Hiram maa.³⁰ †Hir nenkerem nemanियem, hir newet Banabas ketike Sol pewek im hirakit teiyim ten tewet mit iuwe ninin naanmipre mit ne God neit Jerusalem, tewetirem.

Mitik iuwe gavman King Herot kenep Jems kaa kewis Pita kekre winak enuk

12 Me wi im mitik iuwe gavman King Herot kinin naanmipre mit neit Isrel, hirak kewaank mit han ne weiwik me God.² Hirak keithis Jems, Jon nikik kirak, katip mit ne ami nirak hir nerekir teruk kirak kewen keket.³ †Hirak kaa, hirak Herot kertei mit ne Isrel han yaaik neriuwe menmen hirak epei kiriakem, hirak wen kiriak menmen enum. Hirak keithis Pita kewisik kekre winak enuk me wi mit nererik han tewenin menmen, hir naam bret yis mekrerem au.⁴ Hirak kewis Pita kekre winak enuk, mit ne ami naanmiprewek. Hir mit nar 16 hir nenkehan nire tekyaaik tekyaaik (4) naanmipre Pita witaan wanewik witaan wanewik. Herot han kitet wi mit nererik han tewenin menmen hir naam menmen epei au, hirak kaksipupanekekakno witeik mit yapirwe nanirek hir nantip nare nankip.⁵ †Mit ne ami wen naanmipre Pita, te mit miyapir yapirwe ne weiwik me God hir nitehi God iuwe te kakikepik.

Ensel keithis Pita keriyaaik ken kinaaiwir winak enuk

⁶ †Witaan wi miutip mitik King Herot kaknen kakithis Pita kakno wit mit yapirwe nanirek nankip, me witaan ik Pita kiwaai kekre mitikit wik te ami ketin ke nimin, hir newis sen me ain wik mewik, mari hispinam me ami ek, pinam mari ami ek. Mit ami han naanmipre ya weipir ke winak enuk eik e.⁷ Hir naanmipre ya weipir, ensel ke God kerp en kire si merhihe meit haau ek. Hirak mitik ensel kewis his mau yapir ke Pita kekotitek ketpiwek kar ik: "Ti ekrit waswas." Hirak epei ketpim, sen menke minaaiwir his mirak.⁸ Hiram minaaiwir his mirak, Ensel pike ketpiwek kar ik: "Ti enke klos mit tokim eriuwet su mit." Pita kiriakem epei au, ensel ketpiwek kar ik: "Ti eriuwet saket kit ti eisisa enen."⁹ Pita kisesik kinaaiwir winak enuk ken wit eik. Hirak kepitari menmen ensel kiriakem hiram werek o au. Hirak han kitet hirak kiwaai kityak.¹⁰ †Hirakit tinaaiwir weipir ke han ke nimin. Epei au, hirakit tinaaiwir weipir ke han ke wit eik ere tiun weipir wisenuk ke ain ke niwa kikaisiu ke wit Jerusalem. Weipir eik au tokik keit te hirekes kikaisiu, hirakit ten wit eik. Hirakit tekiuwe ya, ensel keweikin his kire nime kinaiwirek,

¹¹ Ensel kinaaiwir Pita, hirak kertei mekam epei man te hirak katip kar ik: "Hi hertei werek. God kesiuwe ensel kirak ketauhis keriya hi hinaaiwir menmen Herot ketike mit ne Isrel han kitet nanrekewem."¹² †Hirak han kitet menmen im ere werek, hirak ken winak ke Maria, miye pe mitik Jon Mak, mit yapirwe nererik neit ein hir nitehi God me Pita.¹³ Pita kan kerp weipir ke winak keit witeik keretit weipir keket teruk. Mite niuk mire Roda hire wiriak menmen weit pewek im au, hire wan wawir keimin keretit weipir keket teruk.¹⁴ Hire wen menep witehi war ik: "Ti keimin?" Hirak kekike tonik mekre nikip mire hire wertei hirak Pita. Hire wertei hirak Pita, hire han yaaik wesiuknen wen ein wikaisiu weipir au, watip mit en war ik: "Pita kerp witeik."¹⁵ †Hir newenuwehi nar ik: "Ti hetaritari." Au, hire weptip yapirwe war ik: "Hirak kerp witeik." Hir natip nar ik: "Au, hirak au, himin kirak kerekek."

¹⁶ Hir wen natipan, Pita wen keretit weipir te hir nare nanino nanirek. Hir nikaisiu weipir nirek hir nehinhin.¹⁷ †Hir nehinhin nesike yaanmi, Pita kikiam his kesiyor hirak katip kar ik: "Yi eikintip." Epei au, hirak ketpor karkeik Mitik Iuwe God ketiwekhis keriyaaik kan kinaaipis winak enuk ke gavman. Hirak ketpor menmen im epei au, hirak ketpor kar ik: "Yi eino eitip Jems ketike nau yinan han him im hi epei hetpiyem." Hirak ketpor epei au, hirak kinaaiwir wit ik kirir ken wit hak kisawin kau en.

¹⁸ †Maain wanewik epei man, mit ne ami neit winak enuk hir nekrit han enuk wisenuk hir natip nitehiyan nar ik: "Pita ken neiyin?"¹⁹ Mitik iuwe King Herot kesiuwe mit ne ami han hir ninetniwek nietniwek au. Hir ninetniwek au, Herot kitehi mit kerek naanmipre Pita hir nepitari menmen te hirak han enuk katip mit ne ami han nantorhis neriyei neri nanino naninip nani. Epei au, Herot kinaaiwir provins Judia kekiuwe ken wit Sisaria.

Mitik iuwe King Herot kaki

²⁰ †Mitik iuwe King Herot kepu wit Sisaria, hirak han enuk keriuwe mit ne wit Taia ketike wit Saidon. Hir nerteiyek in ek hirak kaknen te hir mit han nan nererik nen nanir King Herot. Hir nipiun ein, hir ninin natip mitik niuk mirak Blastas kerek naanmipre menmen me winak ke King Herot, hir netpiwek menmen hir hanhan menmen me nipaa hir netike King Herot han enuk neriuwehan hiram nepei werek emit. Hir netpiwek epei au, hir nen nir King Herot nitiwekhi enkiyan enu enit nentar hir neit menmen me wit King Herot naanmiprewem.

²¹ Me wi hirak nepei kimat, mitik iuwe Herot keriuwet laplap me mitik iuwe hirak keyim kakir mit, hirak kan kau yeno mirak me gavman katip mit him mirak.

²² Hirak katip epei au, mit hir ninap natip nar ik: "Hirak katip kipre God kerekek. Kire mitik au."²³ †Wasenum hirak mitik ensel ke God kenip Herot hirak kinap ken-

† 11:30 Ap 12:25 †† 12:3 Ap 4:3 † 12:5 Je 5:16 †† 12:6 Ap 5:23 †† 12:10 Ap 5:19

††† 12:12 Ap 12:25, 15:37 ††† 12:15 Ap 26:24; Mt 18:10 § 12:17 Ap 13:16, 19:33, 21:40 †† 12:18 Ap 5:22-24 ††† 12:20 1Kin 5:11; Esi 27:17 §† 12:23 Dan 5:20

tar hirak ap keweni ketpor, "Hi God au, hi mitik kerekek." Henek mire pinike maak tu kirak te hirak kaa.

²⁴†Te mit miyapir yapirwe nerer wit wit nemtau him me God hir nisesim.

²⁵††Banabas ketike Sol hirakit tewet mit neit wit Jerusalem pewek. Me wi im hawi ap kan te menmen me ni mir ap mewo au. Hirakit tewir pewek epei au, hirakit teithis Jon Mak ketikeret pike tekiuwe ten wit Antiok.

Mit ne God neit Antiok neriuwet Banabas ketike Sol tatwepyapir him me God

13 †Mit han profet kerek newepyapir him me God, hir netike mit han tisa kerek neteikin mit kerek nises him me God neteiknor menmen God hanhan hir enisesim, hir nepu netike mit kerek newenipi niuk me God neit wit Antiok. Profet netike tisa niuk mir im: Banabas, Simion, kerek mit han nekine niuk mirak ham 'Naisa' o 'Yink nipiak', hirakit tekite Lusias ke provins Sairini, maneyen kerek nipaa hirak ketike mitik iuwe King Herot kinin naanmipre mit, hirakit tekiyakit tau winak kiutip, hirak ketike mitik Sol. ²††Me wi ham, hir mit in ap naam menmen te hir nitehi God, God Himin Yaaik ketpor, "Yi yehimitan Banabas ketike Sol, hirakit tiriak menmen hi epei hehimiteniwekitem tatriakem." ³††Hirak ketpor epei au, hir wen nipi maan nepu, hir nitehi God. Hir nitehi God, hir newis his menterikit hir neriuwetet ten.

Hirakit tatip mit miyapir him me Krai teit Saipras

⁴††God Himin Yaaik keriuwetet ten wit ke wan eik niuk mirak Selusia. Hirakit ten wit Selusia, hirakit tau sip ten wit Saipras kerek wan kimaak keketik.

⁵††Hirakit tau sip ten wit iuwe Saipras, hirakit ten wit Salamis ten winak ke mit ne Isrel nau nererik nekine him me Moses en, hirakit tewepyapir him me God tatip mit em. Hirakit nipaa teithis mitik Jon Mak hirak kan kakikepikit.

⁶ Hirakit teke ti terekir wit Saipras ke nimin ten ere tipion wit pinak ein niuk mirak Pefos. Hirakit ten en tir mitik kertei ketenwo henpin ketike menmen mar im, niuk mirak Ba-Jisas. Hirak ke weiwik me Isrel, hirak katip hirak kewepyapir him God ketpiwekem, te au, hirak kemipin. ⁷ Hirak wariyakit ke Sesias Polas kerek kinik naanmipre mit nau wit wan kimaak keketik, hirak mitik kertei menmen werek werek. Mitik Sesias Polas kenine Banabas ketike Sol tan tirek tentar hirak hanhan kemtau him me God. ⁸†Hirak hanhan kemtau him me God te mitik Ba-Jisas kerek ketenwo henpin menmei menmei niuk mirak me him Grik hiram Elimas, hirak katip kekniwekit him mirakit. Hirak han kitet kakri han ke mitik iuwe gavman Sesias Polas te hirak ap kises him me God hirakit tewepyapirem. ⁹ Hirak wen kari han kirak te Sol kerek mit nenewek niuk

† 12:24 Ais 55:11; Ap 6:7, 19:20 †† 12:25 Ap 11:29-30, 12:12, 15:37 † 13:1 Ap 11:27 †† 13:2 Ap 9:15; Ga 1:15-16 †† 13:3 Ap 6:6 ††† 13:4 Ap 15:39 ††† 13:5 Ap 12:12, 13:13 † 13:8 2Ti 3:8

mirak me him Grik hir nekinaam Pol, God Himin Yaaik kau kekre han kirak hirak kepir mitik ik, ¹⁰ ketpiwek kar ik: "Ti nikan ke Seten, ti hire mitik enuk ti hinapen him yaaim. Han kit kertei werek werek menmen enum me memipin mekte menmei menmei enum te hekrit hekrit ti eweikin him yaaim me God mire him enum memipin. ¹¹††In ek Mitik luwe God kakitep te wi ham ti ap ehir menmen au. Ti nanamir toto ere wi God kehimitanem epei au mesi." Hirak katip epei au, wasenum menmen mire napi mesiwek nanamir, hirak keke ti kinkatin mitik hak kaktiwekhis kakteikniwek ya. ¹² Mitik iuwe gavman Sesias Polas kir menmen im, hirak kises him me God. Hirak han kekrit keriuwe him hirakit tetpiwek ke Mitik luwe Krai.

Hirakit tatip mit him me Krai teit wit Antiok ke provins Pisidia

¹³††Pol ketike wariyakit tirak tinaaiwir Pefos tau sip terekir wan ten wit Pega ke provins Pamfilia. Me wi im Jon Mak kinaiwired pike ken wit Jerusalem. ¹⁴ Hir ninaaiwir Pega neke ti nen wit Antiok ke provins Pisidia hirakit tau en. Hirakit tau en, me wi Sabat kerek mit nererik nekine him me Moses, hirakit ten tau tetikeri neit winak eik e. ¹⁵††Hirakit tau tetikeri neit winak eik, hirakit temtau mit nekine him Moses kewisim mau tiwei metike him mit profet nipaa newisim mau tiwei. Hir mit iuwe nekinaam epei au, hir neriuwet mitik kan kitiwekithi kar ik: "Taiu yinakit, him meiyam mepeit yi eiyipim eikaap mit eiriuerem o au?" ¹⁶††Hirakit tewehti te Pol kekrit kikiam his mirak katip kar ik:

"Nai yinan yetike mit in ap ne weiwik me Isrel yi yewenipi God. Yi yapirwe nikip emnep eiyimtau him! ¹⁷††Hirak God kerek haiu mit ne Isrel mewenipiyek, nipaa hirak kehimitan maamrer niau kerekyor hir nire yapirwe me wi hir nau wit Isip nar ke mit ne wit hak in ek hir nau netikewai. Maain God epei keriyeyiri (o keriyeyi) nen ninaaiwir Isip keriuwe menmen iuwe hirak kiriakem. ¹⁸††Me 40 tito hirak naanmipror keit yaank tenhaan weinim ap mit newi, te hirak kinaain menmen hir nerekiwekem. ¹⁹††Epei au, hirak kenep mit miyapir ne weiwik hispinak wik (7) neit wit Kenan kanip kenepi kewet mit ne Isrel ti im kar ke nipaa hirak ketpim. Him newim ere 450 tito. ²⁰††Me wi God kehimitan mit nire masistret, hir nikaap mit ne Isrel nepir mit enun nepan nanino. God kehimitan mit narik ere maain wi mitik Samyuel hirak profet kikaru hirak kinin naanmipre mit.

²¹†††Me wi im, mit ne Isrel nitehi Samyuel kehimitan mitik hirak kakre king hirak kakinini naanmampri, te God kehimitan mitik Sol nikan ke mitik Kis ke weiwik miutip me maam Bensamin. Hirak kinin naanmipre mit ne 40 tito. ²²††Maain God kepirek kehimitan Devit hirak kekrehir ke Sol. God katip ke Devit kar ik: 'Hi

† 13:11 Ap 9:8 ††† 13:13 Ap 12:12, 13:5, 15:38 †† 13:15 Ap 15:21 ††† 13:16 Ap 12:17 †† 13:17 Eks 1:7, 6:6, 12:51 †† 13:18 Eks 16:35, Nam 14:34, Diu 1:31 ††† 13:19 Diu 7:1; Jos 14:1 ††† 13:20 Het 2:16; 1Sml 3:20 †††† 13:21 1Sml 8:5, 19, 10:20-24 18 13:22 1Sml 13:14, 16:13; Sam 89:20

hertei mitik ik Devit hirak nikan ke Jesi, hirak mitik kar ke hi hanhanek kakises menmen hi hanhan hirak kakisesim.²³ †Nipaa God katip hirak kakriuwet mitik hak hirak kaknen kakikaap mit ne Isrel kaktorhis nanu werek werek. Mitik Jisas ke weiwik me maam kirak Devit, God kehimitanek hirak Krai kikaap haiu mit ne Isrel.

²⁴ ††Jisas kewepyapir menmen iuwe hirak kakriakem wen au, mitik Jon katip mit miyapir yapirwe ne Isrel hir enweikin sip enwet menmen enum te hirak kakiri.

²⁵ †Hirak Jon kiriak menmen mirak kerek God kehimitanek kiriakem. Hirak kiriakem menep epei au, hirak kitehi mit kar ik: 'Yi han kitet hi keimin?' Hi ap Mitik Krai te yi yemeriwyek kaknen. Au, yi yemtewek. Hirak kakisisa kerekak kaknen hirak Mitik luwe hi au hire mitik enuk weinik."

²⁶ Pol wen katip kar ik: "Nai yinan nepenyerer ne Ebrahim, yi yetike mit han in kerek yewenipi God. God epei keriuwetai mitik te kewepaiyapir him yaaim me hirak kakithis haiu mit. ²⁷ ††Mit nepu wit Jerusalem netike mit iuwe ninin naanmiprai hir netariyek hirak Mitik God kehimitanek hirak kan kikaap haiu mit ne Isrel. Hir netari him nipaa mit profet newisim mau tiwei me mitik ik, hiram me wi Sabat yapirwe hir nekinaam. Hir nesiuwerek ken winak ke kaunsil nesiuwe him nises menmen nipaa mit profet netpim mamnen. ²⁸ ††Hir ap ninapin menmen enum hirak kiriakem au, te hir wen neriuwetek ken mitik iuwe gavman Pailat nitiwekhi hirak kaknep Jisas hirak kaki. ²⁹ †††Hir nerekyiwek menmen yapirwe him me God mau tiwei profet newisim natip hiram mamnen. Hir nerekyiwekem epei au, hirak kaa hir newenkekik kentar nu tentarakit hirak kaa, hir newisik kekre hei ke han. ³⁰ †††Au, hirak God kikiak hirak kepu. ³¹ †Me wi yapirwe hirak kewepyapir hirekes mit nipaa ninaaiwir wit Galili nen wit Jerusalem netikerek, hir nirek. In ek hir newepyapir menmen im natip mit ne Isrel em.

³² †††Im ek haiu man metpi him yaaim me mitik Krai. Menmen nipaa God katip maamrer nau ketporem, hirak in ek kerekyei haiu nepenyerer nir kerekyeyem kentar hirak kikiak Jisas kekrit kepu. Him me menmen im mau tiwei Sam nipaa mit newisim mar im. Hiram matip:

'Ti nikan kai. Petepin hi hire Haai kit.'

³⁴ †††God katip him im me maain hirak kakikiak Jisas pike kakikrit kaku, kaki kaku kakit au. Him mau tiwei matip mar im:

'Maain hi erekyi yaaim entar him nipaa hi atip Devit hi ewetiwekem.'

³⁵ ††Devit kewis him ham mar ik:

'Hi hertei werek ti God ap ewis ti ehimitanek kakikaap mit ye yink kirak kaknin kakikre hei taau.'

³⁶ †††Devit hirak Mitik Krai God kehimitanek au. Hirak kiriak menmen God hanhan hirak kisesim, hirak kepu

me wi God kehimitanek, te hirak kaa. Hirak kaa, mit newisik kekre hei menep hei ke maamrer nirak, hirak kiwaa en kesine keit. ³⁷ Mitik Krai kerek God kehimitanek kikaap haiu mit ne Isrel hirak kiwaa kesine au. God kikiak hirak pike kekrit kepu. ³⁸ †Naiu yinan haiu metpi yi mit in yapirwe him im mentar menmen hirak Jisas kiriakem, hirak kasisak menmen enum yi yiriakem. ³⁹ ††Nipaa him me Moses yi yisesim hiram ap werek mamisak menmen enum yi yiriakem te God katip yi yaain au. In ek mit kerek nises him me Jisas, hirak kasisak menmen enum mir te God katkip hir mit yaain. ⁴⁰ Yi naanempre hiras te menmen nipaa mit profet newisim mau tiwei hiram ap manmen yi mit.

⁴¹ †††Hiram matip mar im:

'Yi mit yi yinan yipir yewirek yentar him me God. Yi han kitet yapirwe yi yayi yayiwaank hiras me menmen hi hiriakem me wi yi yepu ti, hiram menmen mitik hak kewepyapirem ketpiyem te yi ap eiysesim au.'

⁴² Pol katip epei au, hirak ketike Banabas tinaaiwir winak kerek mit nekine him me Moses eik, hirakit tepno, mit han netpiwekit me wi Sabat ham hirakit pike tatnen tatwepyapir hi mei me menmen hirakit tetpim.

⁴³ †††Mit neit winak ek nen witeik epei au, mit ne weiwik me Isrel netike han ap ne weiwik me Isrel au, hir nises him me God, hir nises Pol ketike Banabas. Hirakit tetpor tekeyor han te hir enises menmen yaaim God kiriak mit em.

⁴⁴ Me wi ham Sabat epei man, mit ne wit nen nereik winak kerek hir nekine him me Moses nekrerek eik newo ere menep wit weinik te hir nanimtau him me God. ⁴⁵ †††Me wi kerek mit ne weiwik me Isrel nir mit yapirwe nererek en, hir yink enuk neriuwerem te hir natip enum me Pol nemniniwek him mirak. ⁴⁶ †††Hir nemniniwek him mirak, Pol ketike Banabas tatip him iuwe teneri tar ik: "Yi eiyimtewen. Hiram yaaim te yi mit yinin yemtau him me God. Au, yi yeweikin sip yewetiwem, yi han kitet yi ap yaain te yi yises him im mamkaap yi yayu yaitlike God, te hawir wauno wewepyapir him me God mamno mit ap ne weiwik mi me Isrel. ⁴⁷ †††Mitik luwe God ketpawir keriuwe him mirak katip kar ik:

'Hi ehimiteni yi yire si meteikin mit ya ke witaan te yi eiteikin mit han kerek ap ne weiwik me Isrel nerer wit wit eiteiknor hir nanises him me God te hir nanu werek werek God kaktorhis.'"

⁴⁸ †††Mit miyepir ap ne weiwik me Isrel epei nemtau menmen im te hir han yaaik wisenum hir natip, "Him me God hiram yaaim wisenum." Mit miyapir kerek God nipaa kehimiteni hir nanu nanit nantikerek tipmain tipmain enum eik hir nises him mirak.

⁴⁹ Mit natip him me Mitik luwe God hiram men merer wit wit me provins ein. ⁵⁰ †††Te mit han ne weiwik me Isrel nari han ke mit iuwe ninin naanmimpre mit ne wit, hir netike miyapir iuwe han hir nises him me Moses,

† 13:23 2Sml 7:12-16; Ais 11:1 †† 13:24 Mt 3:1-2 † 13:25 Jo 1:20, 27 †† 13:27 Jo 16:3; Ap 3:17 †† 13:28 Mt 27:22-23 ††† 13:29 Mt 27:59-60 ††† 13:30 Ap 2:24 † 13:31 Ap 1:3, 8 †† 13:32-33 Sam 2:7 ††† 13:34 Ais 55:3 †† 13:35 Sam 16:10 ††† 13:36 Ap 2:29

†† 13:38 Ap 10:43 †† 13:39 Ro 10:4 ††† 13:41 Hab 1:5 ††† 13:43 Ap 11:23; 14:22 †††† 13:45 Ap 14:2 18 13:46 Ap 3:26, 18:6; Lu 7:30 19 13:47 Ais 49:6 20 13:48 Ap 11:18 21 13:50 Ap 17:4, 12

hir niriak Pol ketike Banabas enum hir nepiret tinaai-wir provins kir. ⁵¹ †Hir nepiret tinaaiwir provins kir te hirakit titanik toni waniu (o win) mau laplap mirakit teteiknor hir mit enun neweikin sip newet God. Epei au, hirakit ten wit Aikoniam. ⁵² Mit kerek nises him me God neit wit Antiok hir han yaaik nepu, God Himin Yaaik kau kekreri keneisesi.

Pol ketike Banabas ten wit Aikoniam

14 Hirakit epei tan wit Aikoniam hirakit tiriak menmen mar nipaa hirakit tiriakem teit wit Antiok ke provins Pisidia. Hirakit ten winak ke mit ne Isrel nau nererik nekine him me Moses ein eik, tatip mit him yaaim me Kraiss te mit yapirwe ne weiwik me Isrel netike mit yapirwe ap ne weiwik me Isrel nises him mirakit. ² †Mit han ne weiwik me Isrel hir ninapen nises him mirakit hir nari han ke mit ap ne weiwik me Isrel te hir ninapen mit nanises him yaaim me Kraiss. ³ †Hirakit aposel tepu en wi yapirwe, hirakit ap tinapen au. Hirakit tatip mit miyapir him me Mitik Iuwe Kraiss. Mitik Iuwe kekepikit te hirakit tiriak menmen yaaim tikaap mit miyapir ninaap o his hit enum hir nire yaain. Mit en nertei him hirakit tetpim me Jisas Kraiss epei kerekyei haiu mit haiu yaain, him mirakit hiram yaaim mentar menmen yaaim hir nir hirakit tiriakem. ⁴ Mit miyapir yapirwe ne wit ik e, hir newep nau nimin. Han pinan netike mit ne weiwik me Isrel, han pinan netike aposel. ⁵ †Mit han ne weiwik me Isrel netike mit han au, hir netike mit iuwe nir han kitet naninep hirakit aposel neriuwe nan te hirakit tati. ⁶ †Au, hirakit aposel temtewem, hirakit tirir ten wit Listra ketike Debi, hiram wit me provins Likionia, hiram metike wit ham menep. ⁷ Hirakit tepeit en tetpor him yaaim me Kraiss.

Hirakit tepu Listra ketike Debi mit newir nan nenep Pol

⁸ †Mitik kiutip keit wit Listra hit mirak enum me wi miye winaak ere in te hirak kekrit keke ti au. ⁹ †Hirak kau ti kemtau Pol katip him me God. Pol kirapirwek kertei hirak kises him me Kraiss werek te hirak kakikepik. ¹⁰ Hirak katip mitik ik him iuwe kar ik: "Ti ehin ekrit ehirp eriuwe hit mit." Hirak ketpiwek epei au, mitik kehin kekrit kerp keke ti.

¹¹ †Mit miyapir yapirwe nir menmen im Pol kiriakem, hir ninap natip neriuwe him mir Likionia, "God kenipet hirakit teweikin his tire haiu mit tekiuwe tan ti." ¹² Hir nekine Banabas hirak Sus. Hir nekine Pol hirak Hemes nentar hirak kerekek katip menmen kar ke hir han kitet Hemes ketpim. ¹³ Winak ke tipir Sus kau keit witeik kirapit ke wit iuwe eik e. Mitik pris kerek naanmipre winak ik e keit bulmakau metike timen keiyim kan kewisim meit ya weipir ke niwa. Hirak ketike mit en hanhan nenep bulmakau neit hemkre neiyim nehin teinik newenipi aposel.

† 13:51 Mt 10:14; Ap 18:6 †† 14:2 Ap 13:45 † 14:3 Mk 16:20; Ap 19:11 †† 14:5 Ap 14:19; 2Ti 3:11 †† 14:6 Mt 10:23 ††† 14:8 Jo 9:1; Ap 3:2 ††† 14:9 Ap 3:4; Mt 9:28 § 14:11 Ap 28:6

¹⁴ Ewaai meruri Pol ketike Banabas tertei menmen mit nare nanriakem hirakit tewepep klos mirakit teteikin mit hir han enuk hirakit tesiuken tewep mit tetin ke nimin ¹⁵ †tinap tatip tar ik: "Yi mit yenmak te yi yiriak menmen im e? Hawir mitikit keretet wire yi mit. Hawir epei wan wetpi him yaaim me Kraiss, te yi eiweikin sip eiwet menmen im weinim yi eiyses God hirak kepu. Hirak kerekek kiriak nepni, ti wan eik metike menmen yapirwe mewim. ¹⁶ ††Nipaa hirak kewis mit nises han kir hir newenipi God weinim memipin, ¹⁷ †te hirak nipaa ere in keteikin mit hirak kepu keriuwe menmen yaaim hirak kiriakem. Hirak ke-siuwi hawi keke nepni kan, kenip menmen mi yapirwe mewe yaaim meriuwe wi miram. Hirak keweti menmen yaaim te yi han yaaik yayu."

¹⁸ Hirakit tatip menmen im te menep hirakit ap teweni te hir nenep bulmakau neit hemkre neiyim nehinet newenipi niuk mirakit. ¹⁹ ††Mit han ne weiwik me Isrel nau wit Antiok ke provins Pisidia hir netike han ne wit Aikoniam nan nari han ke mit yapirwe neriuwe him mir, hir newir nan nenep Pol. Hir newir nan nenep Pol, hir han kitet hirak nepei kaa, te hir nari yink kirak neiyik nan newirek ken kinaaiwir wit kir kiwaai keit. ²⁰ Hirak kiwaai keit o, mit nises him me Kraiss hir nan nererik nerp neweikniwek. Hir nerp neweikniwek, hirak Pol kekrit ketikeri pike nariyaan nen wit eik. Wanewik, Pol ketike Banabas tariyakit ten wit Debi. Hirakit pike ten wit Antiok ke provins Siria.

²¹ †Pol ketike Banabas tatip mit him yaaim me Kraiss teit wit Debi te hir mit yapirwe nemtau him nisesim. Epei au, hirakit pike ten wit Listra ketike wit Aikoniam. Ten ein epei au, hirakit pike ten wit Antiok ke provins Pisidia. ²² †Hirakit tikaap mit kerek nises him me God en te hir han tokik nepu, hir wen nises him yaaim me Kraiss wisenum. Hirakit tetpor, "Haiu mit menmen enum yapirwe mamraiwaank in ek te maain haiu mamu han yaaik God kakinin naanmamprai." ²³ ††Ne mit nerer wit wit nises him me God nererik newepni niuk mirak hirakit tehimitan mit iuwe hir ninin naanmipre mit en. Hirakit ninpi makit hirakit titehi Mitik Iuwe kerek hir nisesik, hirak kakikepikit.

Pol ketike Banabas pike ten Antiok ke provins Siria

²⁴ Pol ketike Banabas teke ti ere ten tinaaiwir provins Pisidia hirakit ten tipiu provins Pamfilia. Hirakit ten wit Pega hirakit tatip mit ein him yaaim me Kraiss. Epei au, Hirakit ten wit Atelia kerek keit wan eik. Epei au, ²⁶ ††hirakit tau sip pike ten wit Antiok hak wit kerek nipaa mit nehimitenikit nitehi God naanmampruwekit me menmen hirakit in ek epei tiriakem. ²⁷ †††Hirakit tipiu Antiok epei au, hirakit tari mit ne weiwik me God en hir nererik, hirakit tetpor menmen yapirwe God kekepikit tiriakem, hirak keteikin hirak hanhan mit ap

§† 14:15 Ap 10:26; Sam 146:6 §†† 14:16 Ap 17:30 §† 14:17 Sam 147:8; Jer 5:24 §†† 14:19 Ap 17:13; 2Ko 11:25; 2Ti 3:11 §† 14:21 Mt 28:19 §† 14:22 Ap 11:23, 15:32, 18:23; Mt 7:14; 1Te 3:3 §†† 14:23 Ap 13:3 §†† 14:26 Ap 13:1-2, 15:40 §§§ 14:27 Ap 11:18, 15:4, 12

ne weiwik me Isrel hir nanisesik. ²⁸ Hirakit tatip epei au, hirakit tau tetikeri me wi yapirwe.

Mit yapirwe nises God nererik neit Jerusalem newepnak netpep menmen

15 [†]Mit han ne provins Judia nen wit Antiok natip mit nises him yaaim me Kraiss nar ik: “Yi ap yerekir yink ki kar ke nipaa Moses ketpim te God ap kaktihis yi eitikerek eiyu au.” ² ^{††}Pol ketike Banabas hirakit tetike mit in hir newepnak natip menmen im yapirwe, hir nenehan. Hir nenehan te mit ne weiwik me God en han kitet nanriuwet Pol Banabas tekite mit han en ne Antiok te hir nanino wit Jerusalem nanir mit aposel netike mit iuwe ninin naanmipre mit ne weiwik miutip me God ein nanitorhi me menmen im. ³ Mit ne weiwik me God neit Antiok neriuweti nen. Hir nepno newep provins Finisia ketike Sameria, hir natip mit en, “Yi mit ap ne weiwik me Isrel yi eiweikin sip eiwet menmen enum eiyises God.” Mit en kerek nises him me God nemtewem te hir han yaaik neriuwerem.

⁴ [†]Hir nipiun Jerusalem epei au, mit aposel, mit iuwe ninin naanmipre mit ne weiwik me God en netike mit en nises him me God nererik newenipi God, hir han yaaik neriuwe mit han nan. Pol ketike Banabas hirakit tetpor menmen yapirwe God kekepikit tiriakem. ⁵ Hirakit tetpor epei au, mit han ne Farisi kerek in ek nises God hir ninin nises him lo me Moses hir nekrit natip nar ik: “Mit ap ne weiwik me Isrel hir enrekir yink kir hir enises him nipaa Moses ketpim.”

⁶ Hir natip epei au, mit aposel netike mit iuwe ninin naanmipre mit ne weiwik me God en hir nau nererik newepnak natipan menmen im. ⁷ ^{††}Hir newepnak natipan yapirwe epei au, Pita kekrit katip, “Nai yinan, yi yertei nipaa enum eik God ke haiu mit kehimitena hi hewepyapir him yaaim me Kraiss hetpim men mit ap ne weiwik me Isrel te hir nemtewem nisesim. ⁸ ^{†††}God hirak kertei han ke mit keteiknai hirak han yaaik te mit ap ne weiwik me Isrel hir nisesik. Haiu merteyem mentar hirak kesiuwe God Himin Yaaik kewetirek kar ke nipaa hirak kewetaiyek. ⁹ ^{†††}God kiriak menmen miutip me haiu mit metike hir mit ne weiwik ham. Hirak kesak menmen enum hir niriakem mentar hir nises him mirak. ¹⁰ ^{†††}In ek yi yenmak te yi einip God han enuk keriuwe menmen me him me Moses yi han kitet mit kerek nises God hir enisesim? Menmen im hiram mire menmen miyapir neremtut hiram nimenenum, hiram mamnip han kir enum me menmen enum weinim. Nipaa maamrer nai netike haiu mit in ek ap nises menmen me Moses werek werek au. ¹¹ [§]Au, haiu han kitet God kaktaihis kakir ke hirak kakithis mit han en kakintar Mitik Iuwe Jisas Kraiss hanhanai kerekyai yaaim. Him me Moses au.”

¹² ^{§†}Pita katip epei au, Mit nekintip nau neit nemtau Banabas ketike Pol hirakit tetpor menmen yaaim me

mit his hit enum o menmen meiyam enum hir nire yaain, God kekepikit te hirakit tiriakem me mit miyapir ne weiwik ap me Isrel.

¹³ Hirakit tatip epei au, Jems katip him mirak kar ik: “Nai yinan, nikip emnep eiyimtau menmen im! ¹⁴ ^{§††}Saimon epei ketpai me wi God kinin keteiknai hirak hanhan mit ap ne weiwik me Isrel hirak kari mit han ne mit han en hir mit nirak. ¹⁵ Nipaa mit profet natip me menmen im mar ke haiu metpim. Him mau tiwei hir newisim matip mar im:

¹⁶ ^{§†}Maain hi Mitik Iuwe God hi pike anen akaap mit ne weiwik me maam kir Devit. Hir enun nire winak epei kewen te hi pike ekepi hir nanu werek nar ke winak hi pike eimaak ekirp.

¹⁷ Hi hiriak menmen im te mit ne weiwik ham nerer wit wit nanisisa, mit kerek hi hehimiteni hir mit nai.’

¹⁸ Nipaa Mitik Iuwe God kewepyapir him im ketpim.

¹⁹ “Hi Jems hi han kitet te haiu ap mamiwaank mit han ne weiwik ham hir neweikin sip newet menmen enum nises God. ²⁰ ^{§††}Haiu emwis tiwei emsiuwerem emno emitpor te hir ap nanim menmen mit han newepwar newet tipir weinim em mentar God keriuwesisem hiram enum. Im metike hir ap nariyanhis neweninem, hir ap nanim samiyak mit newers timir namip neriuwe hemkre ap mewen au hir ap nanim hemkre mei kike au. ²¹ ^{§†}Me wi Sabat yapirwe mit epei nekine him me Moses neit winak kerek mit nererik nekine him mirak. Mit nerer wit wit nekine him mirak natip mit em. Hiram ap yaaim te mit ap ne weiwik me Isrel nau netike mit ne Isrel nekre winak mit nerer ein ein neit nenipi yink enum nentar hir ap nises menmen Moses nipaa keriuwesisem.”

Mit neit Jerusalem nesiuwe tiwei ken mit ap ne Isrel

²² Hir natip epei au, mit aposel netike mit iuwe ninin naanmipre mit ne God en, hir netike mit yapirwe nises God en hir han kitet nehimitan mit han neriuweti nanino Antiok nantike Pol, Banabas. Hir nehimitan Judas, mit nekine niuk mirak ham Basabas, hirak ketike Sailas. Mit nises God in han kitet mitikit it hirakit yaaikit. ²³ Hir newis tiwei newet mit em hiram matip mar im:

“Haiu mit Aposel metike mit iuwe ninin naanmipre mit ne weiwik me God in, haiu metike mit weinin ne weiwik mirak, haiu yapirwe metpi yi yaain, yi mit yises God yi ap ne weiwik me Isrel yau wit Antiok, Siria, Silisia. ²⁴ ^{§†}Haiu memtau mit han ne haiu mit nen wit ki nari han ki keriuwe him hir netpiyem te yi han enuk. Haiu ap metpor hir nanino netpiyem au. ²⁵ Haiu memtewem, te haiu mererik matipan menmen im, haiu mehimitan mitikit wik mamriuwet tetatno yi mit. Hirakit tatno tatkite taiu yinakit yaaikit Banabas ketike Pol. ²⁶ Hir mit han natip naniksip nanintar hirakit tises him me Mitik Iuwe kaiu Jisas Kraiss, hirakit tatip mit em. ²⁷ Haiu epei meriuweti Judas ketike Sailas. Hirakit tatit-

† 15:1 Ga 5:2 †† 15:2 Ap 11:30; Ga 2:1 ‡ 15:4 Ap 14:27
 †† 15:7 Ap 10:1-43 ††† 15:8 Ap 10:44, 11:15 †††† 15:9 Ap
 10:34-35 †††† 15:10 Mt 11:30; Ga 3:10, 5:1 § 15:11 Ga 2:16; Ef
 2:5-8 §† 15:12 Ap 14:27; Ga 2:9

§†† 15:14 Ap 15:7-9 §† 15:16 Emo 9:11-12 §†† 15:20 Eks
 34:15-17; Jen 9:4; Lev 17:10-16 §† 15:21 Ap 13:15 §† 15:24 Ap
 15:1

pi tatriuwe him mirakit him mepir menmen haiu mewisim mau tiwei ik e.

²⁸ †God Himin Yaaik ketike haiu mit in haiu han kite-tim matipan te haiu ap metpi yi eiyises him me Moses yapirwe au. Eiyisesim mei kike keremem. ²⁹ ††Yi ap eiyim menmen mit newepwarem newet tipir weinim em. Yi ap eiyim hemkre au, o samiyak mit namip newers timir hemkre wen meriuwerem, yi ap eiriyahis eiweninem au emit! Yi ap eiriak menmen im haiu mewisiyem te yi eiyu werek werek mepir keremem.”

³⁰ Hir newis tiwei epei au, hir neriuwet mit nen Antiok. Hir nipiun Antiok, hir nari mit kerek nises him me Krai hir nererik hir newetir tiwei ik. ³¹ Hir neit tiwei nekinaak. Hir nekinaak, hir han yaaik neriuwe him mau tiwei. ³² †Judas ketike Sailas hirakit mitikit profet, te hirakit tetpor yapirwe tekepi hir han tokik nepu te hir nepu werek. ³³ Hirakit tepu en wi ham teit wit Antiok. Epei au, mit nises God en neriuwetet pike ten, hirakit tetpor tar ik: “God naanmampri.” [³⁴ Sailas au, hirak hanhan kepu en.]

³⁵ Pol ketike Banabas tepu Antiok me wi ham. Hirakit tetikite mit han yapirwe hir natip mit him me God newepypirem.

Pol ketike Banabas tinaapisakit

³⁶ Maain wi ham Pol katip Banabas kar ik: “Hawir pike euno ewir nawir yinan nises God nerer wit wit nipaa hawir wewepyapir him yaaim me Krai, te hawir wawirte hir nepu werek nisesim o au.” ³⁷ ††Banabas hanhan keithis Jon Mak kaktikerek tariyakit tatno, ³⁸ ††te Pol kinaain ap kaktiwekhis tariyakit tatno kentar nipaa hirak ap kepu ketikeret ere hirakit tiriak menmen epei au. Au, hirak kinaiworet keit provins Pamfilia. ³⁹ †††Hirakit tenehakit tenehakit han enuk wisenum tentar menmen im te hirakit tinaapisakit ten. Banabas keithis Jon Mak hirakit tariyakit tau sip ten wit Saipras wan kimaak keketik. ⁴⁰ †††Pol keithis Sailas tariyakit ten. Mit nises God en hir neriuwetet nitehi God naanmamprewakit. ⁴¹ Hirakit teke ti ten provins Siria ketike provins Silisia, hirakit tikaap mit ne weiwik me God ein tekepi hir han tokik enu enises God werek werek.

Mitik Timoti kepno ketike Pol Sailas

16 [§]Pol hirak ketike Sailas ten tiun wit Debi ketike Listra. Mitik kises him me God hirak kepu en, niuk mirak Timoti. Miye pirak hire wetikerek nises him me God miye pirak hire pe weiwik me Isrel te haai kirak au, hirak ke weiwik me mit Grik. ² ^{§†}Mit yapirwe nises him me God neit wit Listra, wit Aikoniam hir natip nar ik: “Timoti hirak mitik yaaik.” ³ ^{§††}Pol hanhan kaktiwekhis te hirak kerekir yink kirak kaknip mit ne weiwik me Isrel han yaaik. Hirak kiriak menmen im kentar mit nerer wit wit menep ne weiwik me Isrel nertei Timoti haai kirak hirak mitik ke Grik, hirak ap

† 15:28 Mt 23:4 †† 15:29 Ap 15:20 † 15:32 Ap 11:27, 13:1, 14:22 †† 15:37 Ap 12:12, 25 †† 15:38 Ap 13:13; Kl 4:10 ††† 15:39 Ap 4:36, 13:4 ††† 15:40 Ap 14:26 § 16:1 Ap 14:6; 2Ti 1:5 † 16:2 Fl 2:19-22 †† 16:3 Ga 2:3-5

kerekir yink kirak au. ⁴ ^{§†}Epei au, hirakit ten terer wit wit tatip mit kerek nises him me God, menmen mit aposel netike mit iuwe ninin naanmipre mit ne God neit Jerusalem hir natip mit ap ne weiwik me Isrel hir enisesim. Hirakit tetpor hir enisesim, ⁵ ^{§††}te mit ne weiwik me God neit ein hir han tokik nepu nises God werek werek. Mit han yapirwe hekrit hekrit neweikin sip newet menmen enum nises him me God.

Pol kiwaai kityak kir mitik ke provins Masedonia

⁶ ^{§†}Hirakit teke ti ten provins Frisia ketike Galesia tentar God Himin Yaaik ap kewisikit tatno provins Esia tatip mit miyapir him me Krai. ⁷ Hirakit ten ere tiun hin ke provins Misa, hirakit tare tatno provins Bitinia te God Himin Yaaik kerek Jisas kewet mit ek, hirak ap kewisikit tatno au. ⁸ Hirak ap kewisikit tatno au, te hirakit tinaaiwir Bitinia tekiuwe Misa ere tiun wit Troas. ⁹ Hirakit tiun wit Troas, witaan Pol kepu kityak kir mitik ke Masedonia kerp kitiwekhi kar ik: “Ti ehu sip enen wit kiau Masedonia ti ekepai.” ¹⁰ Pol kir menmen im epei au, (hi Luk hetikeret) haiu mewen menmen memi mekre tanik kiau haiu mare mamno provins Masedonia mentar haiu epei mertei God keninai kehimitenai mamno en mamtip mit miyapir him yaaim me Krai.

Mite Lidia wises him me God

¹¹ Haiu mau sip minaaiwir wit Troas merekir wan mesipat wit yapirwe men ere mipiun wit Samotres. Haiu mipiun wit Samotres, haiu mipiun wit Niapolis. ¹² Haiu mipiun Niapolis epei au, haiu minaaiwir sip meke ti men wit Filipai kerek nipaa mit ne wit iuwe Rom nan newik nenipek kire wit iuwe kinin wit ham me provins Masedonia. Haiu mepu wit eik wi ham. ¹³ Me wi Sabat haiu minaaiwir wit men mani menep wit. Haiu han kitet mit nehimitan wit menep tipar eik te hir natip God menmen. Haiu mau en metike miyapir keriyen nererik nau mani eik haiu mewepnak. ¹⁴ Mite piutip pe miyapir kerek nererik en nemtau him maiu, hire niuk mire Lidia. Hire wises God wewenipiyek. Hire pe wit Taiataira, hire wesiuwe laplap mire yiwir wawit pewek mamrerim. Mitik Iuwe God hirak keweikin han kire te hire wemtau him Pol ketpim hire wisesim. ¹⁵ ^{§†}Hire wetike mit miyapir neit winak kire hir nitehi haiu mit mikiri neriuwe tipar. Haiu mikiri neriuwe tipar, hire witaihi war ik: “Yi han kitet hi hises him yaaim me Krai te yi einen eiyu winak kai.” Hire wari han kiau te haiu men mau en.

Pol ketike Sailas tekre winak enuk teit wit Filipai

¹⁶ ^{§§†}Wi ham haiu mepno wit menep mani te matip God menmen, mite piutip kerek wiriak menmen me mit han, hire herwe enuk kau kekere han kire kekepye wewepyapir menmen maain te mamnen. Mit kerek naanmiprewe neit pewek yapirwe nentar menmen im.

§† 16:4 Ap 15:23-29 §†† 16:5 Ap 2:47 §† 16:6 Ap 18:23 §† 16:15 Ap 16:33, 18:8 §§† 16:16 Ap 19:24

¹⁷ †Hire wises Pol ketikewai winap watip war ik: “Mit in hir niriak menmen me Mitik Iuwe God. Hir newepyapir netpai menmen haiu emisesim te God kakisak menmen enum haiu miriakem te hirak kaktaihis.” ¹⁸ Hire wiriakem warek wi yapirwe ere Pol han enuk keriuw-erep keweikin ketpiwe kar ik: “Hi hetput hekrehir ke Mitik Iuwe Jisas ti enke enopin ekeipniwe.” Hirak katip epei au, herwe kinaiwrep kirir ken waswas.

¹⁹ Maain mit kerek naanmiprewe hir nertei herwe kenke kekeipniwe te hir ap nanit pewek mei au, hir neithis Pol ketike Sailas nerikit nen nir mit iuwe masistret neit wit niminek me wit mit nesiuwe him nererik neitai, ²⁰ ††hir nerikit nen mit iuwe masistret ne Rom natip nar ik: “Mitikit it hirakit te weiwik me Isrel, hirakit tiriak enum me haiu mit mau wit ik e.” ²¹ Hirakit tetpai menmen te hiram ap mises menmen mit nau iuwe ne Rom natip haiu emisesim au.” Haiu ap emises menmen mitikit it tetpaiyem au emit. ²² †Mit miyapir yapirwe netikeri nesiuwe him. Epei au, Mit iuwe masistret neriyiwikit klos mirakit newepim natip mit nir naninen nanwaai nipin naniksip. ²³ Hir nenke nipin naksip yapirwe. Te hir newiret tekre winak enuk, hir natip mitik naanmipre winak enuk te hirak naanempre mitikit werek werek. ²⁴ Hirak kemtau him mir im epei au, hirak kewisikit tekre haau ke nimin kewis hit mirakit kemenkekim mitet hei me nu nimenenum metenen hit me mit.

²⁵ Me wi nimin Pol ketike Sailas hirakit titehi God menmen hirakit tine henye. Mit han nekre winak enuk ek hir nemtau menmen hirakit tinaam tetpim.

²⁶ Hirakit tiriak menmen im, ti kitanik wisenum te winak enuk kiririr iuwe, waswas weipir yapirwe menke, sen hiram menke minatin men mekeipin mit yapirwe nekre winak eik. ²⁷ ††Mitik naanmipre winak enuk kekrit kerenaan kir weipir yapirwe menke, hirak han kitet mit neit nimin en nepei nirir nen witeik. Hirak keket hine kirak kare kakwirek kaknep hirekes kentar hirak kinain mit iuwe nanir mit enun epei netpaan nirir nen te hir han enuk neriuwerek nankip. ²⁸ Hirak kaknep hirekes, au, Pol kinap him iuwe kesiniwek ketpiwek, “Au emit! Ti ap enep hirekes. Haiu mirir au haiu mepu in.” ²⁹ Hirak katip epei au, mitik ik kenine mitik hak kakit si keiyik kaknen. Hirak keit si keiyik kan, hirak kesiukenen ken nimin hirak kepipir kitehir kewen ninip menep hit me Pol ketike Sailas. ³⁰ ††Te hirak pike kekrit kerp kerikit ken witeik kitiwekithi kar ik: “Hi ariak mekam te God kakisak menmen enum mai hirak kaktauhis?”

³¹ Hirakit teweniwekhi tetpiwek tar ik: “Ti ehises him me Mitik Iuwe Jisas te ti etike mite nikerek nit, God hirak kakisak menmen enum yi yiriakem.” ³² Hirakit tatip epei au, hirak ketiwekithis ten hirakit tewepyapir him me Mitik Iuwe Kraiss te hirak mitik ketike mit miyapir neit winak kirak nemtau him me God hirakit tetpim. ³³ †††Hirakit tatip epei au, hiram wen wi nimin,

mitik ik ketiwekhis ken kikir sip kirakit ere werek. Hirak kikir sip kirakit, Pol ketike Sailas tikir mitik ketike mit miyapir nirak neriuwe tipar. ³⁴ Hirakit tikiri, hirak mitik eik ketiwekithis keiyikit ken winak kirak kewetiwekit menmen taam. Hirak ketike mit miyapir neit winak kirak hir han yaaik nentar hir in ek nises him me God.

³⁵ Wanewik, mit iuwe masistret ne Rom nau wit, hir nesiuwe mit plisman nen winak enuk natip nar ik: “Yi eisiuwe mitikit wik hirakit tatno.” ³⁶ Mit natip epei au, mitik naanmipre winak enuk kan katip Pol kar ik: “Mit iuwe masistret nesiuwe him natip yi yaino witeik, yi yaino God naanmampri me menmen.”

³⁷ †††Te Pol katip mit plisman kar ik: “Mit iuwe ap ninaapin menmen enum hawir wiriakem te hir newep neit witeik mit yapirwe nirei. Hawir wire mit nau wit Rom hir ap nerekyawir menmen em mar im au nentar mit iuwe neit wit Rom newis him mau tiwei neriuwesisem. In ek hir mit in nare nisawin menmen neriuwetawir a? Taau! Hir hiras naninen in nanriuwetawir euno witeik.”

³⁸ Hirak katip menmen im epei au, mit plisman pike nen natip mit iuwe him mirak. Hir epei nemtau Pol ketike Sailas hirakit tire mit ne wit Rom hir ninaain natip nar ik: “Haiu miriak menmen enum ye.” ³⁹ †Te hir nen nir Pol ketike Sailas, hir natip nar ik: “Yi yaaikit, haiu mepitari yi yire mit ne Rom.” Hir natip epei au, hir neriyakit ten witeik nitiwekithi te hirakit tinaaiwir wit kir. ⁴⁰ Pol ketike Sailas hirakit tinaaiwir winak enuk ten winak ke Lidia. Epei au, hirakit tatip mit kerek nises him me God tetpor him mamkepi hir han tokik nanu. Hirakit tetpor him ere werek, hirakit teit menmen teiyim tatnaaiwir wit Filipai tatno.

Mit ne wit Tesalonaika nare naninep Pol ketike Sailas

17 ¹ †Hirakit tinaaiwir Filipai, hirakit ten tewep wit Amfipolis. Hirakit ten tewep wit Amfipolis tesi-patek, hirakit ten tewep wit Apolonia ten ere tipiun wit Tesalonaika kerek winak ke mit ne Isrel nererik nekine him me Moses neitai. ² Pol keit in kiriak menmen kar ke nipaa hirak kiriakem keit wit hak. Me wi Sabat hirak ken winak kir. Me wi Sabat wikak hirak ketikeri newep-nak natipan, hirak keit him me God mau tiwei ket-porem keteiknorem kar ik: ³ †††“Mitik God kehimitanek hirak Kraiss, God hirak katip mitik ik kaki pike kakikrit. Mitik ik Jisas hi ewepyapir etpiyek hirak Mitik God kehimitanek hirak Kraiss kerekek kakikaap haiu mit ne ti.” ⁴ ††Mit miyapir han ne weiwik me Isrel hir nemtau him im hir nises Pol ketike Sailas. Mit han ne Grik kerek newenipi God, hir netike miyapir iuwe yapirwe ne Tesalonaika hir nisesikit.

⁵ ††Te mit han ne weiwik me Isrel neit winak en hir ap nises him im hir yink enuk nentar mit yapirwe nises him mirakit. Hir nen ya neithis mit enun nau yain yain hir nesikeyaanmi nererik nen nari han ke mit yapirwe ne wit. Hir neweikin winak ke mitik niuk mirak Jeson

† 16:17 Mk 1:24, 34 †† 16:20 Mk 13:9; Ap 17:6; Mt 5:11 ‡ 16:22 2Ko 11:25; Fl 1:30; 1Te 2:2 †† 16:27 Ap 12:18-19 †† 16:30 Ap 2:37 ††† 16:33 Ap 15:16

††† 16:37 Ap 22:25 § 16:39 Mt 8:34 †† 17:1 1Te 2:1-2 ††† 17:3 Lu 24:26; Ap 3:18, 9:22 †† 17:4 Ap 13:50 ††† 17:5 1Te 2:14

nenke weipir ninatin Pol ketike Sailas te hir neriya kit nesiweret ten mit. ⁶ †Hir ninetniwekit ninetniwekit au, hir nari mitik Jeson ketike mit han nises Krai, neriyei nen mit iuwe masistret ninap netpor nar ik: "Mit kerek niriak enum nerer wit wit epei nan in niriak enum. ⁷ ††Mitik ik Jeson kewisi nan nau winak kirak. Hir neweikin sip newet him me mit iuwe neit Rom. Hir natip nar ik: 'Mitik iuwe king hak kinin Sisa, hirak niuk mirak Jisas.'" ⁸ Hir natip him im, hir nikiak han ke mit yapirwe neit wit, hir netike mit iuwe masistret. ⁹ Mit iuwe en nari pewek me mitik Jeson ketike mit han nises Krai te hir ap pike nanri han ke mit han neriuwe him me Krai. Hir nari pewek epei au, hir nesiupani neriuweti nen witeik.

Pol ketike Sailas ten wit Beria

¹⁰ Nepei witaan, mit in ne Tesalonaika kerek nises him me Krai hir neriuwet Pol ketike Sailas ten wit Beria. Hirakit ten ein epei au, hirakit ten winak kerek mit ne weiwik me Isrel nau nererik nekine him me Moses me wi Sabat. ¹¹ †Mit en hir yaain ninin mit ne wit Tesalonaika nentar hir nemtau him Pol ketipim, hir hanhanem. Hekrit hekrit hir nekine him me God mau tiwei te hir hanhan nanirtei menmen Pol ketipim hiram yaaim mire him nipaa God ketipim o au. ¹² ††Mit miyapir yapirwe ne weiwik me Isrel nises him me Krai. Miyapir han ne Grik hir miyapir niuk mir iuwe, hir netike mit ne Grik yapirwe nises him me God. ¹³ ††Maain mit ne weiwik me Isrel ne wit Tesalonaika nemtau Pol wen kewepyapir katip him me God kar ke nipaa hirak kiriakem keit wit Beria, hir nan nikiak han ke mit en hir han kekrit enum. ¹⁴ Hir han kekrit enum te mit nises Krai hir ninaain mit naninap Pol kaki te hir neriuwetek kakno wit yanimin ke wan eik. Sailas ketike Timoti au, hirakit tepu Beria. ¹⁵ Mit kerek neriuwet Pol nen netikerek ere hir nipiun wit Atens. Epei au, hir epei nanino nir ein, Pol ketpor kar ik: "Yi eitip Sailas ketike Timoti hirakit tatnen waswas tatwenayipir tatit wit Atens."

Pol kewepyapir him me God keit wit Atens

¹⁶ Pol wen keit wit Atens kemerir Sailas ketike Timoti, hirak han kekrit kentar hirak kir mit natin ninaan mau teinik yapirwe hiram mepu wit kir eik e. ¹⁷ ††Hiram mepu wit kir eik, te hirak ken winak kerek mit ne weiwik me Isrel hir netike mit ne Grik hir newenipi God, hirak ketikerei newepnak natipan me him me Krai. Hirak kepno en, hirak hekrit hekrit ken wit maket kerek mit nesiuwe menmen, hirak ketike mit miyapir nau en newepnak natipan him me Jisas Krai. ¹⁸ Mit han natip mit him me mitik Seno, hir netike mit han Stoik kerek hir natip mit him me mitik Epikurian, hir netike Pol newepnak natipan menmen. Hir mit han natip nar ik: "Mitik enuk wise tipar ik katip mekam?" Mit han natip nar ik: "Hirak katip menmen me God ke

mit ne wit hak." Hir natip menmen im nentar Pol ketpor him me Jisas Krai ketike him me mit epei naa pike nanikrit. ¹⁹ Te hir netiwekhis neriyaak neiyik nen kaunsil ke wit Ariopagas keit Atens. Hir netpiwek nar ik: "Hiau hanhan mamimtau him ham mit ti hatip mit em. ²⁰ Him mei ti etpaiyem hiram hiau mepitariyem te ti etpaiyem te hiau mertei werek werek." ²¹ Mit nau wit Atens netike mit ne wit ham hir nau en hekrit hekrit hir nau yain yain natip him hir hanhan nemtau him ham mit nisesim.

²² Hir nepei netpiwek, Pol kekrit kerp nimin ke mit ne kaunsil katip kar ik: "Yi mit ne wit Atens. Hi hertei yi yewenipi tipir yapirwe. ²³ Hi heke ti herekir wit ki hi hir wit wit yi yewenipi tipir, hi hir kinaan kiutip yi yekine menmen im mewik: 'Kinaan im me tipir hak hiau mit mepitari niuk mirak.' Menmen yi mit in yepitari niuk mirak yewenipiyek, hi etpi niuk mirak. Niuk mirak God.

²⁴ †††God hirak kewis ti ketike menmen yapirwe mewik. Hirak kinin naanmipre nepni metike ti te hirak ap kepu kekere winak mit nimiwekek. ²⁵ †Hirak kiriak menmen yapirwe, te mit nankepik nanriak menmen taau. Hirak hirekes kewetai hiau mit himin te hiau mepu, hirak kewetai menmen yapirwe. ²⁶ †††Hirak kiutip hirak kinai hiau mit yapirwe hiau merer wit wit mau ti. Nipaa enum eik hirak kimat wi mit nau ti hirak kehimitan wit kerek hir nanwik. ²⁷ Hirak kiriak menmen im te hiau mit minmetniwek ere minapinek misesik. God ap kerp yanimin ke hiau mit niutip niutip au.

²⁸ Hirak kekepai hiau mepu ti hiau mamno in mamno ein. Hirak kire mit han ni nertei iuwe hir nekine him o hir nine henye hir natip nar ik: 'Hiau mit hiau nikerek ne God.' ²⁹ ††Hiau nikerek nirak te hiau ap han ekitet hirak kire gol o silva o nan mit niriakem hiram mar ke God au. ³⁰ †††Nipaa mit ap nertei God au, te hirak ap katip enum me menmen hir niriakem au. In ek God katip him manp mit yapirwe nau nerer wit wit nar ik: 'Yi eiweikin sip eiwet menmen enum.' ³¹ ††God epei kimat wi hirak maain skelim mit miyapir yapirwe werek werek kakriuwe mitik hirak kehimitanek hirak kakriak menmen im. God hirak epei keteikin hiau mit yapirwe maain hirak kakriak menmen im kentar hirak kikiak mitik ik nipaa kaa hirak kekrit kepu."

³² Mit en hir nemtau Pol katip ke mitik kaa Pike kekrit kepu, mit han natip nitetnaan nenwesisek. Au, mit han netpiwek nar ik: "Maain hiau mamimtau ti etip menmen im eteipim." ³³ Epei au, Pol kinaaiwir mit ken. Mit han nen netikerek nises him me God. Mitik ke mit in nises him me God hirak mitik ke kaunsil Ariopagas niuk mirak Daionisias. Mite piutip niuk mire Damaris hire wetike mit miyapir han nises him me God.

Pol katip mit miyapir ne Korin him yaaim me Krai

18 Pol katip him me Krai keit Ariopagas epei au, hirak kinaaiwir wit Atens ken wit Korin. ² ††Hirak

† 17:6 Ap 16:20 †† 17:7 Lu 23:2; Jo 19:12 † 17:11 Jo 5:39
†† 17:12 Ap 13:50 †† 17:13 Ap 14:19 ††† 17:17 Ap 18:19

††† 17:24 1Kin 8:27; Ap 7:48 § 17:25 Sam 50:12; Ais 42:5
§† 17:26 Diu 32:8 ††† 17:26 Ais 55:6; Sam 145:18; Jer 23:23
§† 17:29 Jen 1:27; Ais 40:18-20, 44:10-17; Ap 19:26 ††† 17:30 Ap
14:16 †† 17:31 Sam 9:8, 96:13; Ap 10:42 †† 18:2 Ro 16:3

ken wit Korin, hirak kir mitik hak niuk mirak Akwila kerek nipaa miye pirak winaak keit wit Pontas. Hirak ketike mite pirak Prisila in ek ninaaiwir wit iuwe Itali nan Korin nentar mitik iuwe Klodias kerek kinin naanmipre mit katip kar ik: "Mit yapirwe ne weiwik me Isrel hir eninaaiwir wit Rom." Hirak Pol ken ³†kau winak kir kekepi nime winak laplap kentar hirak nipaa (hirak ap kises him me krais wen au) hirak kime menmen im keit pewek mererim, kar ke in hir nimaam. ⁴ Me wi Sabat yapirwe Pol ken winak ke mit ne Isrel ein kerek hir nekine him me Moses, hirak ketikeri newepnak natipan, hirak kare kakteiknor him mirak yaaim me Krais te hir enisesim

⁵††Me wi Sailas ketike Timoti tinaaiwir provins Masedonia tan wit Korin, Pol ap pike kime winak ke laplap au. Hekrit hekrit hirak katip mit ne weiwik me Isrel nau en ketpor kar ik: "Jisas hirak Mitik Krais kerek God nipaa kehimitanek kan kikaap mit ne Isrel." ⁶†Hir au nemniniwek him mirak netpiwekit enum, te Pol kitanik laplap mirak keteiknor God ap kesak menmen enum mir au mepu, hirak ketpor, "Yi yayi te yi yayi. Hiram menmen mai au, hiram menmen mi. Me in ek hi eweikin sip eweti, hi eno mit ap ne weiwik me Isrel etpor him yaaim me Krais." ⁷ Epei au, hirak kinaaiwir winak ke mit en nererik nekine him me Moses, hirak ketike Sailas, Timoti ten tau winak ke mitik hak niuk mirak Tisas Jastas. Hirak ap ke weiwik me Isrel te hirak kises him me God. Winak kirak kiwaai kirapit winak ke mit ne Isrel kerek hir nau nererik nekine him me Moses en. ⁸††Mitik niuk mirak Krispas hirak kinin naanmipre mit ne winak kerek mit ne Isrel nererik nekine him me Moses en, hirak ketike mite pirak nikerek nirak nises him me mitik iuwe Krais. Mit yapirwe nau wit Korin nemtau him me God te hir nisesim, Pol ketike Sailas tikiri.

⁹††Witaan ham Pol kiwaai kityak, Mitik Iuwe God ketpiwek kar ik: "Ti ap hinaain au. Ti wen etip mit him mai. ¹⁰†††Hi hau hetikewit, mitik kiutip ap te kakitep au kakintar mit yapirwe neit wit ik e hir nises him mai." ¹¹ Epei au, Pol kepu wit eik me tito miutip wenke mar hispinak kiutip (6), hirak katip mit miyapir him me God.

¹² Me wi im mitik iuwe ke Rom kehimitan mitik Galio hirak ap ke weiwik me Isrel, hirak kinin naanmipre provins Akaia. Hirak kire mitik iuwe gavman ke mit ne Grik, te hir mit ne weiwik me Isrel nau en nekiyan niutip neithis Pol neriyaak neiyik nen mitik iuwe Galio hir nesiuwe him netpiwek nar ik: ¹³ "Mitik ik kari han ke mit te hir ap nises him me Moses hir ap newenipi God werek werek au." ¹⁴ Pol kare kaktip him te mitik iuwe Galio katip mit en ketpor kar ik: "Yi mit ne Isrel. Mitik ik kiriak menmen enum kekintip menmen o kenep mitik kaa te hi herp hemtau menmen yi yetpewem. ¹⁵†††Au, hiram menmen me him metike niuk mei me him me Moses yi yisesim. Yi hiras eiyitpim ere werek. Hi au hi-

nepen emtau menmen weinim marim." ¹⁶ Hirak katip epei au, hirak katip mit plisman nirak hir neri nen witeik. ¹⁷ Epei au, hir mit en neithis mitik iuwe hak kinin naanmipre mit nises him me Moses hir neriyaak nen nerp witeik nakip. Mitik Galio ap han kekrit ke menmen im au, hirak katip kar ik: "Menmen weinim."

Pol pike ken wit Antiok ke provins Siria

¹⁸§Pol kepu wit Korin ketike mit nises him me God me wi yapirwe. Epei au, hirak kau sip ketike Prisila wetike mitik kire Akwila, hir nerekir wan nen provins Siria. Nipaa hir nau sip wen au, Pol katip God him me kimat wi keriuwesis menmen. Wi epei au, hirak mitik kime Pol paan kirak keit wit Senkria (keteikin mit wi hirak keriuwesis menmen me hirekes hiram epei au). ¹⁹§†Hir nipiun wit Efesas, Prisila wetike mitik kire Akwila hir nau en. Pol ken winak kerek mit nau nererik nekine him me Moses en, hirak ketike mit ne weiwik me Isrel hir newepnak natipan me him me Krais. ²⁰ Hir nitiwekhi kaku kaktikeri me wi yapirwe te hirak kewenhi au. ²¹§††Hirak ketpor kar ik: "God hanhan hi pike enen te hi enen eri." Hirak ketpor epei au, hirak kerekek kau sip kinaaiwir wit Efesas. ²² Hirak kipiun wit Sisaria epei au, hirak kinaaiwir sip ken wit eik keke ti ken wit Jerusalem en kir mit nises him me God ein. Epei au, hirak pike ken wit Antiok.

Pol pike kepno ein ein kikaap mit kerek nises him me Krais

²³ Pol kepu wit Antiok wi ham, hirak kinaaiwir mit en ken provins Galesia ketike provins Frisia kerer wit kike kike em kikaap mit kerek nises him me God han tokik nepu.

Apolos katip mit miyapir ne wit Efesas him me Krais

²⁴ Wi ham, mitik hak niuk mirak Apolos, hirak ke weiwik me Isrel, nipaa miye winaak keit wit Aleksandria, hirak kan kau wit Efesas. Hirak kertei katip him yaaim, hirak kertei him me God mau tiwei werek werek. ²⁵§†Mit nipaa neteikniwek menmen me Mitik Iuwe God te hirak han yaaik wisenum keriuwe him me God katip mit menmen yapirwe Jisas epei kiriakem. Te hirak kertei menmen me Jon kerek nipaa kikir mit keriuwe tipar weinim. ²⁶§††Hirak kan winak ke mit ne Isrel nau nererik nekine him me Moses en, hirak katip him iuwe ap kinaain mit au. Akwila ketike Prisila nemtau hirak katip epei au, hir neriyaak nen winak kir netpiwek nekepek kertei werek him me Jisas epei kan ti kikaap haiu mit hirak kaa God pike kikiak kekrit kepu. ²⁷§†Hir netpiwek menmen im epei au, Apolos han kitet kakno provins Akesia ke Grik te mit en nises him me God nekine tiwei natip mit nises God en hir naanmamrewerek. Hirak ken en, hirak kikaap mit en kerek nises him yaaim me Krais nentar God kerekyor yaaim.

† 18:3 Ap 20:34; 1Ko 4:12 †† 18:5 Ap 17:14-15, 9:22 ‡ 18:6 Ap 13:46, 51, 20:26; Lu 9:5 †† 18:8 1Ko 1:14 †† 18:9 1Ko 2:3 ††† 18:10 Jos 1:9; Ais 41:10; Jer 1:8; Jo 10:16 ††† 18:15 Ap 23:29, 25:18-19; Jo 18:31

§ 18:18 Ap 21:24 §† 18:19 Ap 17:17 §†† 18:21 Ro 1:10; 1Ko 4:19; Je 4:15 §† 18:25 Ro 12:11; Ap 19:3 §†† 18:26 Ap 19:8 §† 18:27 2Ko 3:1; Kl 4:10

²⁸ Hirak ketike mit ne weiwik me Isrel newepnak natipan te hirak keriuwe him iuwe mirak hirak keteikin mit miyapir him me mit en hiram ap yaaim. Hirak keriuwe him me God mau tiwei, hirak katip mit keteiknor Mitik Jisas kerekek hirak Mitik Kraiss kerek God kehimitanek kikaap mit.

Pol katip mit miyapir neit wit Efesas him yaaim me Kraiss

19 [†]Mitik Apolos wen kepu wit Korin, Pol kepno ken kiun provins Galesia ketike Frisia ere kipiun wit Efesas. Kipiun Efesas, hirak kir mit han nises him me Jisas. ^{2 ††}Te hirak kitorhi kar ik: "Nipaa yi yises him me Jisas God Himin Yaai kan kau kekere han ki o au?" Hir neweniwekhi nar ik: "Hiau ap memtau God Himin Yaai kepu au." ^{3 †}Pol pike kitorhi, "Hir nikri nekine niuk me keimin?" Hir natip nar ik: "Hir nikrai nekine niuk me Jon."

^{4 †}Pol katip kar ik: "Jon kikir mit kerek neweikin sip newet menmen enum, hirak katip mit ne weiwik miutip me Isrel hir enises hirak mitik kerek maain kaknen. Hirak niuk mirak Jisas, hirak Mitik Kraiss kerek God kehimitanek kikaap haiu mit." ^{5 †}Hir nemtau menmen im, hir newis Pol kiki keriuwe tipar kekine niuk me Mitik Iuwe Jisas. ^{6 ††}Hirak kiki epei au, Pol kewis his menteri te God Himin Yaai kan kau kekere han kir keneisesi hir natip him ham nipaa hir nerteiyem au, hir natip him me God. ^{7 †}Pol kikiak menmen im me mit nar ke hiswiyen wik (12).

^{8 †}Hirak kikiak menmen im epei au, Pol ken winak kerek mit ne weiwik me Isrel nau nererik nekine him me Moses. Hirak katip mit him me God, hirak ap kinaain mit au. Hirak ketpor ere wenke wikak, hirak ketikeri newepnak natipan. Hirak kare kakri han kir te hir han kitet menmen hirak ketpor me God kinin naanmipre mit. ^{9 ††}Mit han au enun han tokik hir ninapen nanisesim, hir natip enum me menmen me God mit in nisesim me ninaan me hir mit yapirwe. Hir natip enum te Pol ketike mit hir nises him mirak ninaaiwir mit en. Hekrit hekrit Pol ken winak skul ke mitik Tirinas ketike mit hir newepnak natipan him me God. ^{10 †}Hirak kikiak menmen marim me tito wik, te mit yapirwe nau provins Esia, hir mit ne Isrel, hir mit han ne weiwik ham nemtau him yaaim me Mitik Iuwe Kraiss.

Him me nikerek ne mitik Siva

^{11 †††}God kikiak menmen yaaim keriuwe Pol kikaap mit keriuwerem. ^{12 †††}Mit han neit laplap hankisip o laplap iuwe miwaai yink ke Pol hir neiyim nen mit ninap te mit han ninap hir nire yaain, mit han herwe mersisi hiram metpaan menpin mekeipnor hir nire yaain.

^{13 †}Mit han ne weiwik me Isrel hir nepno neprer wit wit nepir herwe enum mekre mit. Wi ham mit han in hir nanipir herwe nanriuwe niuk me Jisas. Hir natip

† 19:1 1Ko 3:6 †† 19:2 Ap 2:38, 8:16; Jo 7:39 † 19:4 Mt 3:1-2 †† 19:6 Ap 8:17 †† 19:9 2Ko 6:14-18; 2Ti 1:15 ††† 19:11 Ap 14:3 ††† 19:12 Ap 5:15 † 19:13 Mk 9:38

herwe enuk nar ik: "Hiau metpi mekrehir ke Jisas kerek Pol katip mit en ek. Yi einopin ekeipin mitik ik." ^{14 †}Hir nikerek hispinak wik (7) ne mitik iuwe pris niuk mirak Siva ke weiwik me Isrel, hir keriyen niriak menmen marim. ^{15 ††}Au, herwe enuk ketpor kar ik: "Hi hertei Jisas, hi hertei Pol, te yi mit yi neimin a?" ^{16 †}Mitik kerek herwe enuk kersisek kekrit kanip wisenum kerekir yink kir kewep klos mir te hirak kinini. Hir nirir ninaaiwir winak hemkre merer yink kir hir ne yink weinik nirir. ^{17 †††}Mit han yapirwe ne Isrel, mit han ne weiwik ham, hir nau wit Efesas nemtau me menmen im te hir nepirpir newenipi niuk me Jisas. ^{18 †}Mit miyapir yapirwe kerek nises him me God nan newepyapir menmen enum hir nepei niriakem. ^{19 †}Mit miyapir han, kerek netenwo henpin o marila menmei marim, hir neit tiwei mir meteiknor menmen im hir neiyim nan newirem mekre si me ninaan me mit yapirwe. Mit han newenhis pewek me mit newirem neiyim neit tiwei im hiram mar 50,000 pewek silva. ^{20 ††}Marim him me Mitik Iuwe Kraiss men merer wit wit te mit miyapir yapirwe nisesim.

Mit ne wit Efesas nesikeyaanmi nare naninep Pol

^{21 †††}Menmen im epei man, God Himin Yaai kari han ke Pol te hirak han kitet kakno provins Masedonia kaktike Akaia. Te maain, hirak kakno wit Jerusalem. Pol katip kar ik: "Hi ano wit Jerusalem epei au, te hi eno wit Rom." ^{22 ††}Pol keriuwet mitikit wik hirakit tekepik, hirakit tinin ten Masedonia, hirak wen kepu provins Esia.

^{23 ††}Me wi im, mit han neit wit Efesas han enuk nentar mit nises him me Mitik Iuwe Kraiss. ^{24 †††}Mitik hak niuk mirak Demitrias hirak kime menmen keriuwe silva. Hirak kime winak kike kike silva kire winak iuwe ke tipir niuk mire Atemis mit nen newepnipi niuk mire nekrerek. Menmen hirak kimaam hirak ketike mit han nesiuwerem men mit hir neit pewek yapirwe mererim. ^{25 †}Te hirak kenine mit nime menmen me silva netike mit han hir niriak menmen mar ke hir niriakem hir nererik, hirak ketpor kar ik: "Yi mit yi yertei haiu meit pewek me menmen metike menmen meiyam meriuwe menmen im haiu miriakem. ^{26 †††}Yi epei yir menmen, yi yemtau menmen mitik ik Pol kikiakem keit wit kiau Efesas kerekek au. Ke provins Esia Pol kari han ke mit miyapir yapirwe hir neweikin sip newet menmen, hirak ketpor kar ik: 'Menmen mit nimaam mire teinik ninaan mewik hiram ap mire God au. Hiram memipin.' ^{27 †}Menmen im Pol ketpim maain hiram mamnip mit hir han ekitet menmen haiu mit in miriakem hiram enum. Im keremem au. Winak yaai ke teinik ninaan mewik iuwe me mite paiu Atemis maain mamre niuk weinim te mit nanisesye au. Mit yapirwe neit Esia netike mit nerer wit wit newenipi niuk mire."

^{28 †}Mit yapirwe nemtau him mirak epei au, hir han enuk nenepip natip nar ik: "Atemis pe Efesas hire yaaip iuwe." ^{29 †††}Mit nerer wit wit ke wit iuwe Efesas nenepip natip. Mit han nen neithis Gaias ketike Aristakas

† 19:15 Mk 1:24, 34 ††† 19:17 Ap 5:5, 11 † 19:20 Ap 12:24 ††† 19:21 Ap 23:11; Ro 1:13 † 19:22 Ro 16:23; 2Ti 4:20

hirakit te provins Masedonia kerek tekite Pol tepno ein ein, hir neriyakit neiyit nen wit kerek mit nau nererik nemtau menmen. ³⁰ Pol hirekes hanhan kakno ein kaktip mit menmen te mit han en nises him me God newenek. ³¹ †Mit han hir mit iuwe gavman ne provins Esia kerek nire narak yinan o wariyakit narak hir nesiuwe him netpiwek hirak ap kakno kaktip mit menmen au emit.

³² Mit han neit wit mit nererik newik hir natip him ham, mit han natip him ham nentar hir yapirwe nepitari nenmak te hir nererik nau en. ³³ Mit han ne weiwik me Isrel neriuwet mitik niuk mirak Aleksanda kerp kinin kentir kinaan te mit han en han kitet hirak kerekek kinin kiriak menmen enum im. Hirak kikiam his kesinor hir enkintip enimtau menmen hirak kakitpim. ³⁴ Au, mit en nertei Aleksanda hirak ke Isrel, hir yapirwe natip nerekirowek him natip nar ik: "Atemis pe Efesas hire yaaip iuwe." Hir nenepip narek ere 2 aua.

³⁵ Maisiu kike, kuskus ke wit Efesas hirak kenip mit en nekintip nau neit hirak ketpor kar ik: "Yi mit ne Efesas. Mit yapirwe nertei wit kaiu ik e hirak wit naanmipre winak iuwe ke teinik ninaan mewik me mite iuwe yaaip Atemis wetike nan mit newenipiyek nipaa kau nepni kenke kan. ³⁶ Mitik kei ap kaktip menmen im hiram memipin au, te yi mit eikintip yi ap yiriak menmen enum waswas au emit. ³⁷ Yi epei yeithis mitikit wik it te hirakit ap tekintip menmen meit winak ke Atemis o netpiwe enum au. ³⁸ Mitik Demitrias ketike mit hir niriak menmen mirak nare nansiuwe him mitik hir enino mit iuwe masistret hir nanmerir wi hir nanimtau him me mit. Hir nansiuwe him ein, ³⁹ o au en, yi hanhan eitip him meiyam em, yi wen eimerir wi me haiu mit ne wit Efesas haiu mererik memtau him me mit iuwe ne witeik. ⁴⁰ Mit iuwe ne Rom hir nansiuwe him nantip haiu mit miriak enum mesiuwe him mesikeyaanmi. Haiu mit iuwe ap te metpor yi yenmak yi yiriak menmen marim au." ⁴¹ Hirak katip epei au, hirak kesiuwe mit en hir nen wit kir eik.

Pol keke ti kepno provins Masedonia ketike Grik

20 Mit nererik nesikeyaanmi epei au, Pol kenine mit kerek nises him me Jisas keyewewi ketpor him mamkepi nanises him me God werek werek. Te hirak kinaiwiri kakno provins Masedonia. ² Hirak ken kipiun provins Masedonia, hirak kerekir kau nimin ken kerer wit wit katip mit him mirak yapirwe mamkepi nanises him me God werek werek. Epei au, hirak ken provins Grik. ³ Hirak kepu en wenke wikak. Hirak kepu en wenke wikak, hirak kare kaku sip kakno Siria, hirak kemtau mit han hir nimenipin nankip, te hirak han kitet kakno kakitet provins Masedonia ere hirak kinaiwirek kipiun provins Siria. ⁴ ††Sopata nikan ke Piras ke wit Beria, hirak ketike Aristakas, Sekandas hirakit te wit Tesalonaika, hirakit tekite Pol tariyakit ten. Mitik Gaias ke wit Debi, Timoti, Tikikas ketike Trofimas te Es-

§‡ 19:23 2Ko 1:8 §§† 19:24 Ap 16:16 §§‡ 19:26 Ap 17:29 §§§ 19:29 Ap 20:4, 27:2; Kl 4:10; Fm 24 † 19:31 2Ti 1:15 †† 20:4 Ap 19:29, 21:29; Ef 6:21

ia, hirakit tetike Pol nariyan nen. ⁵ Hir mit ninin nen nemeriyei neit wit Troas. ⁶ Hir nemeriyei neit ein, haiu mau wit Filipai ere wi mit nererik ap newis yis mekre bret mir han tewenin menmen God kerekorem hiram epei au. Menmen im epei au, haiu minaaiwir wit Filipai mau sip ere wi hispinak (5), haiu mipiun wit Troas. Haiu men mipiun wit Troas, haiu metike mit nemeriyei mau en ere wi hispinak wik (7).

Pol kikiak Yutikas kerek hirak kaa keit wit Troas, hirak pike kekrit kepu

⁷ †Me wi Sabat me witaan haiu mit yapirwe mererik maam menmen han tewenin menmen Jisas kiriakem haiu mewenipi God. Pol katip mit en menmen. Hirak kare teipmen kakno te hirak ketpor him ere wi nimin. ⁸ Mit epei neit si yapirwe newisim mekre haau mau niu meit winak haiu mau mererik mekretek. ⁹ Mitik pipiak niuk mirak Yutikas kau windo me winak. Pol wen katip katip, hirak kinapipi kiwaai kinatin. Kiwaai kinatin o, hirak kenke kau niu ken kiun ti. Mit nekiuwe nen nikiak nirek nepei au kaa. ¹⁰ †Pol kekintip kekiuwe ken kirek, hirak kenke kenterik kesiuwewik. Epei au, hirak katip kar ik: "Yi ap han enuk au emit! Hirak kaa te in ek pike kekrit kaku." ¹¹ Hirak katip epei au, hirak ketikeri pike niniu nen winak hirak kewep niu o bret ketikeri nekiyan naam. Epei au, hirak ketikeri newepnak ere wanewik. Wanewik, Pol kinaiwiri. ¹² Pol kinaiwiri, hir neithis pipiak ik kerek nipaa kenkewin kaa Pol pike kikiak, hir nen winak mir hir han yaaik iuwe.

Pol kinaaiwir wit Troas kipiun wit Mailitas

¹³ Haiu minin men mau sip merekir wan ere mipiun wit Asos, kerek Pol katip kakwenyipi sip. Nipaa hirak ketpai menmen im kentar hirak kinapen sip, hirak hanhan keke ti kakno ein. ¹⁴ Hirak kewenaiyipi keit Asos epei au, haiu metiwekhis men mau sip minaaiwir wit Asos men ere miun Mitilini. ¹⁵ Haiu mipiun Mitilini epei au, haiu me wi ham wanewik men mesipat wit Kaios. Haiu wen men me wi ham hekrit haiu men mesipat wit Semos. Wit Semos epei au, wi ham haiu mipiun wit Mailitas. Sip miwaai meit ein. ¹⁶ Pol epei han kitet hirak kau sip ap kakno wit Efesas kentar hirak kinapen kaku provins Esia wi yapirwe. Hirak hanhan kakno waswas kakiun Jerusalem me wi Pentekos.

Pol katip him mirak men mit iuwe nises God neit wit Efesas

¹⁷ †Pol wen kepu sip keit Mailitas hirak keriuwet mitik hak katip mit iuwe ne weiwik me God neit Efesas te hir eninen Mailitas enirek. ¹⁸ ††Ewaai meruri hir mit ne Efesas epei nan, Pol ketpor kar ik: "Yi epei yertei me wi hi hinin han Esia hau hetikewi yi yertei menmen hi hisesim. ¹⁹ †††Yi yertei me wi yapirwe mit han ne weiwik me Isrel hir nimenipin natipan naniyep te hir nenip menmen im menip han kai kekrit hir newaank hiras. Hi

‡ 20:7 Ap 2:42, 46 †† 20:10 1Kin 17:21 †† 20:17 Ap 18:21 ††† 20:18 Ap 18:19, 19:10 ††† 20:19 Ap 20:3

ap ewenipi niuk mai au. Hi hiriak menmen Mitik Iuwe Krai kehimitenewem, wi ham hi hikik henterim. ²⁰ Hi ap hepakin him mamkepi me wi hi hewepyapir him me God yi yau winak ke mit kerek nekine him me Moses yi yererik en o yau winak mi miutip miutip. ²¹ Hi epei hetpi yi mit ne weiwik me Isrel netike yi mit ne weiwik ham, hi epei hetpi him manp eiweikin sip eiwet menmen enum eiyses him me Mitik Iuwe kaiu Jisas. ²² †In ek hi hises him God Himin Yaaik ketpewem te hi eno wit Jerusalem. Hi hepitari menmen mit nanrekewem nanit ein. ²³ ††Hi hertei kerek God Himin Yaaik epei ketpo merer wit wit mit nanrekewem enum nanwire akre winak enuk.

²⁴ ††Hi han kitet hi hahi te hi ehises menmen nipaa Mitik Iuwe Jisas kehimitena hi ehisesim, hiram menmen weinim. God epei kiriak mit menmen yaaim keruwe Jisas Krai te hirak kehimitena hi hetpor him yaaim me menmen im.

²⁵ ††Yi eiymtewem. Nipaa hi hen yi mit yapirwe hewepyapir him me God kinin naanmipre haiu mit. In ek hi hertei maain hi ap eri meiyam au. ²⁶ ††Te hi petepin hetpi him manp, mitik kiutip ke yi mit maain kakno si tatiknenik hiram menmen mai au. ²⁷ Hiram menmen mai au mentar hi ap heripakin him mei me menmen me God kakinin naanmamre haiu mit au. ²⁸ ††Yi naanempre hiras yetike mit kerek God Himin Yaaik kehimiteni yi naanmipri. Yi yar ke mit naanmipre sipsip yi naanempre mit ne weiwik me God. Hirak kenip mit hir ne weiwik mirak keruwe hemkre me Nikan kirak Jisas wi hirak kaa kentaru nu tentarakit. ²⁹ †††Hi hertei hi anaiwiri epei au, maain mit naninen nimen ke yi mit nanriwaank han ki nanriuwe menmen enum hir nanitpiyem. Mit in hir nanre nepere enum men nimen ke sak namip newaankem, hir naninen nanriwaank. ³⁰ †††Maain mit han ne yi mit hir nantip him mipin nanri han ke mit han ne yi mit kerek yises him me God te hir enisesim. ³¹ ††Yi naanmamre hiras me menmen im, yi han ekitet me tito wikak hi witaan wanewik hetpi him manp me menmen me God te yi eiysesim, hi hikiti hekepi wisenum.

³² †††In ek hi hitehi God hirak naanmamri te him me God hirak kakrekyi yaaim hiram mamkepi te yi eiyeu werek werek. Hirak kakweti menmen mirak yaaim hirak maain kakwet mit nirak em. ³³ †††Hi ap hemkre menepam heit pewek me yi mit o laplap mi au. ³⁴ ††Yi epei yertei hi hiriak menmen heriwe his mai hi ekerwo laplap me winak sel te hi heit pewek mererim. Hi hetike mitikit wariyakit tai naanmiprawir hiras me menmen. Yi au. ³⁵ †††Marim hi epei heteikni yi eiriak menmen iuwe te yi eikaap mit miyapir hir ap manpenun neit niriak menmen au. Yi han ekitet menmen nipaa Jisas ketpim. Hirak katip kar ik: †Yi eiwet mit menmen hiram minin mit hir nanweti menmen, te yi han yaaik eiyeu.†

† 20:22 Ap 19:21 †† 20:23 Ap 9:16, 21:4, 11 † 20:24 Ap 21:13; 2Ti 4:7 †† 20:26 Ap 18:6 †† 20:28 1Ti 4:16; 1Pi 5:2-4 ††† 20:29 Mt 7:15; Jo 10:12 ††† 20:30 1Jo 2:19 † 20:31 Mk 13:37; Ap 19:8, 10; 1Te 2:11 †† 20:32 Ap 26:18 ††† 20:33 1Sm 12:3; 1Ko 9:11-12 †† 20:34 Ap 18:3; 1Te 2:9 ††† 20:35 Mt 10:18

³⁶ ††Pol ketpor epei au, hirak ketikeri nitehir newen ninip nitehi God menmen. ³⁷ Hir nitehi God menmen epei au, hir nikitek neiyewewik netpiwek, †Ti yaaik eno e.† ³⁸ ††Pol ketpor kar ik: †Maain hi ap pike eri meiyam au,† te mit en hir han toenuk neruwerek. Hir netpiwek epei au, hir neruwetek kau sip ken.

Pol ketike wariyakit tirak tau sip tatno Jerusalem

21 Haiu metpor †Eiyu en,† te haiu mau sip minaiwiri men. Haiu minaiwiri men, haiu merekir wan metin ke nimen mesipat wit Kos. Wi ham haiu mesipat wit Ros. Haiu mesipat wit Ros, haiu men ere mipiun wit Patara. ² Haiu mipiun wit Patara, haiu menke minaiwir sip im minmatin sip ham mamrei mamno Finisia te haiu man mewim men. ³ Haiu men ere haiu mir Saipras te haiu mesipatek men pinak ke his yaaim wen mepno ere mipiun provins Siria. Haiu menke minaiwir sip meit wit Taia, wit kerek mit nau sip naninke menmen mekre sip. ⁴ †††Haiu epei men mir mit han nises him me Miiik Iuwe Krai te haiu mau metikeri me wi hispinak wik (7). God Himin Yaaik kikiak han ke mit en te hir natip Pol ap kakno wit Jerusalem. ⁵ †††Au, wi hispinak wik (7) haiu minaiwiri men. Hir mit netike miyapir nikerek nir neruwetai ere haiu men tenhaan ek. Haiu men tenhaan ek, haiu mewen ninip mitehir haiu mitehi God menmen. ⁶ Haiu meketanhis haiu metpor †Eiyu en.† Haiu metpor epei au, haiu mau sip, hir mit en pike nen witeik.

Agabas katip Pol menmen God Himin Yaaik keteikniwekem keit wit Sisaria

⁷ Haiu mau sip pike men minaiwir wit Taia men ere mipiun wit Tolemes. Haiu mipiun Tolemes, haiu men mir mit en nises him me Krai haiu mau metikeri wi miutip. ⁸ †††Wanewik haiu mit metike Pol minaiwir Tolemes men ere mipiun wit Sisaria. Haiu mipiun Sisaria, ein ek haiu mau winak ke Filip mitik kerek katip mit miyapir him yaaim me Krai. Hirak kiutip ke mit hispinak wik (7) nipaa mit nehimiteni naanmipre menmen me miyapir mikaan nir epei naa. ⁹ †††Hirak kine nikerek hiram (o hiram) tekyaa (4), hir neit mikaan wen au, hir newepyapir menmen maain mamnen.

¹⁰ †††Haiu mepu en wi ham, mitik profet niuk mirak Agabas kinaaiwir provins Judia kan Sisaria. ¹¹ †††Hirak kan Sisaria, hirak keit waai let ke Pol keyiyik kesenkek hirekes his hit mirak keruwerem. Hirak kesenkek his hit keruwerem te hirak katip kar ik: †God Himin Yaaik katip kar ik: †Mitik ke let ik e maain kakno wit Jerusalem, mit ne weiwik me Isrel nantiwekhis nansenkekik kar ik nanwet mit ne weiwik ham ek.†

¹² †††Hirak katip epei au, haiu metike mit han en metpiwek mewenek mar ik: †Ti ap eno wit Jerusalem au ekit.† ¹³ †††Au Pol kewenhi kar ik: †Yi yenmak yi yikit yari

†† 20:36 Ap 21:5 †† 20:38 Ap 20:25 ††† 21:4 Ap 20:23 ††† 21:5 Ap 20:36 ††† 21:8 Ap 6:5, 8:40 18 21:9 Ap 2:17 19 21:10 Ap 11:28 20 21:11 Jo 21:18; Ap 20:23, 21:33 21 21:12 Mt 16:22 22 21:13 Ap 20:24

han kai? Hi han kitet hiram yaaim te hi ano winak enuk kerekek au. Hi han kitet hiram yaaim te hi hatip mit miyapir him me Mitik Iuwe Jisas mit han hir naniyep hi hahi, hiram menmen weinim." ¹⁴ Haiu metpiwek metpiwek au. Hirak ketahim kewirem, haiu mekintip merp matip mar ik: "Han kit. Haiu hanhan menmen me Mitik Iuwe Kraiss hiram mamnen."

Pol katip mit iuwe ne mit ne God neit Jerusalem him mirak

¹⁵ Haiu mepu en wi ham. Epei au, haiu memani menmen maiu, haiu minaiwiri men wit Jerusalem. ¹⁶ Mit han nises him me Kraiss nau neit wit Sisaria nan netikewai, hir nen newisai neit winak ke mitik kerek haiu mamantikerek niuk mirak Neson, hirak nipaa ke wit Saipras. Hirak kises him me Kraiss nipaa enum eik ere in. ¹⁷ Maain haiu mipiun wit Jerusalem, mit en nises him me Kraiss han yaaik hir netaihis.

¹⁸ Hir netaihis haiu mau wi ham, hirak Pol ketikewai men mir Jems. Mit iuwe ninin naanmipre mit nises him me Kraiss nererik newenipiyek, hir nau netikerek.

¹⁹ Pol ketpor hir yaain, ketpor hir yaain epei au, hirak ketpor menmen God kekepik hirak kiriakem ke mit ap ne weiwik me Isrel.

Pol kemtau him me mit iuwe hirak ken winak iuwe ke God

²⁰ Pol ketpor epei au, hir newenipi niuk me God. Epei au, hir natip Pol nar ik: "Ti epei hertei mit ne weiwik me Isrel hir mit yapirwe nises him me Kraiss, hir wen nises him me Moses. ²¹ Mit han epei nemipin netpor ti epei atip mit han ne weiwik me Isrel nau nerer wit wit ke mit ne weiwik ham, hir enweikin sip enwet him me Moses, hir ap enrekir yink ke nikerek nir, hir ap enises menmen haiu mit ne weiwik me Isrel in misesim.

²² Maain mit in nanirtei ti hepu, te ti eriak mekam?

²³ Haiu metpi menmen haiu han kitetim. Mitikit tekyaa it et hirakit epei tatip God timat wi hirakit teri-uwesis menmen. ²⁴ Ti eno etikeret yi eiriak menmen him me Moses matip te God kaktip menmen im epei au, yi yaain. Ti ewir pewek me mitikit it te mitik pris kakrekwiwekitem. Epei au te hir mit enime paan kirakit. Ti eriak menmen mamir im te mit yapirwe enirtei him hir nemtewem hiram weinim, ti wen hises him me Moses. ²⁵ Me mit nises him me God hir ap ne weiwik me Isrel, nipaa haiu epei mewisor tiwei metpor hir ap enises him yapirwe nipaa Moses kewisim. Ham im keremem. Haiu han kitet hir ap nanim menmen mit newepwar menmen newet tipir em, hir ap nanim hemkre o miyak mit newers timir hemkre ap mewen au, hir ap netike mit miyapir nanriyanhis neweninem au emit." ²⁶ Hir natip epei au, Pol keithis mitikit it wi ham hirak keriyakit ten tiriak menmen him me Moses katip te God katip hirakit tire yaaikit. Epei au, hirakit ten winak iuwe ke God tatip mit pris me wi hirakit ti-

mat ere hirakit tire yaaikit te hirakit tatwet God menmen.

Mit ne Isrel neithis Pol kekere winak iuwe ke God

²⁷ Maain wi hispinak wik (7) menep epei au, hiram wi mitikit timat menmen hirakit tirakem hiram epei au mesi, mit han ne Isrel kerek nau provins Esia hir nan nir Pol kekere winak iuwe ke God. Hir nikiak han ke mit miyapir en neithis Pol ninap natip nar ik: ²⁸ Yi mit ne Isrel. Yi eikepai. Mitik ik hirak mitik kerek kepno keprer wit wit katip mit yapirwe hir mit ne weiwik me Isrel netike him me Moses, winak iuwe ke God hiram menmen weinim. In ek hirak epei keithis mitik ap ke Isrel keiyik kan kekere haau mit narik ap te nanino nimir ek au. Mit iuwe neriuwesisek, nehimitanek ne haiu mit ne Isrel keriyen." ²⁹ Hir natip menmen im nentar hir epei nir mitik Trofimas kitet wit Jerusalem ketike Pol te hir han kitet Pol ketiwekhis ten winak ke God teit nimir. Pol kiriak menmen im au.

³⁰ Mit yapirwe neit Jerusalem en nesikeyaanmi (o nesikewari) nesiuknen nan nererik neithis Pol neriyaak neiyik nen witeik. Hir neriyaak neiyik nen witeik, mit neiyepet weipir ke winak ke God.

Mitik iuwe ke ami ke Rom keithis Pol keriyaak keiyik ken winak enuk

³¹ Mit yapirwe nererik hir wen naninep Pol kaki, mit han nen natip mitik iuwe Ofisa ke ami ke Rom nar ik: "Mit yapirwe neit Jerusalem hir nenapan." ³² Hirak kemtau menmen im epei au, hirak keithis mit han ne ami ninin naanmipre mit ne ami nar 100, hir netike soldia ne ami yapirwe nesiuknen nekiuwe nen nir mit en. Hir nekiuwe nen nir mit en, hir nirek ketike mit ne ami yapirwe, hir nenep Pol au. Hir nerp neit. ³³ Mitik iuwe ke ami kan Pol ketiwekhis katip mit nirak hir nesenkekik neriuwe sen ain wik. Epei au, hirak kitorhi kar ik: "Mitik ik hirak keimin? Hirak kiriak mekam?" ³⁴ Mit han natip him ham, mit han natip him ham te hirak ap kertei menmen werek kentar mit nesikeyaanmi yapirwe te hirak katip mit nirak hir ninanek neiyik nanino winak ke ami kir. ³⁵ Hir neiyik nen ere nipiun lata me winak, mit ne ami ninanek nau niu nentar mit nesikeyaanmi (o nesikewari) yapirwe nanri Pol kaknen te hir nankip. ³⁶ Hir nisesik ninap natip nar ik: "Yi eikip kaki."

Pol katip mit kenmak hirak kiriak menmen

³⁷ Hir neit Pol nanrik nanino nimir ein, Pol katip mitik iuwe ke ami keriuwe him Grik ketpiwek kar ik: "Hi hanhan hetput menmen hiram werek?" Mitik iuwe eik ketpiwek kar ik: "Ti harkeik te ti hertei him Grik?" ³⁸ Hi han kitet ti mitik ke Isip kerek nipaa ein kari han ke 4,000 mit te hir netike gavman ne Rom nare naninepan hir neit hine me his, yipo henmik nirir nen wit tenhaan

† 21:18 Ap 15:2, 13; Ga 1:19 †† 21:19 Ap 15:12 ‡ 21:21 Ap 16:3; Ga 2:3 ††† 21:24 Nam 6:1-21; Ap 18:18 ††† 21:25 Ap 15:28-29 †††† 21:26 1Ko 9:20

‡‡‡ 21:28 Ap 6:13; Esi 44:7 § 21:29 Ap 20:4; 2Ti 4:20 ††† 21:33 Ap 20:23, 21:11 †††† 21:36 Lu 23:18; Ap 22:22 §† 21:38 Ap 5:36-37

weinim." ³⁹ Pol kewenhi kar ik: "Hi au. Hi mitik ke weiwik me Isrel, miye wina weit wit Tasas ke provins Silisia, hi mitik ke wit niuk mirak iuwe. Ti ewisa hi etip mit menmen mai o au?" ⁴⁰ Hirak kewenhi te Pol kerp kentir leta kikiamhis keweni ketpor kar ik: "Eikintip." Hir nekintip, te hirak ketpor keriuwe him me mit ne Isrel.

22 Hirak ketpor kar ik: "Nai yinan mit iuwe, mit nai ne watiu, yi eiyimtau him hi hetpiyem te yi ap aitip hi hahi." ² Hir nemtau Pol ketpor keriuwe him mir Hibru, hir nekintip wire wire te Pol wen ketpor kar ik: ³ "Hi hetpi werek. Hi ke weiwik me Isrel, miye pai wina weit wit Tasas ke provins Silisia te hi han hau in ere hi iuwe. Mitik iuwe niuk mirak Gameliel keteikno menmen markeik te hi hises him me Moses kerek nipaa maamer nai nisesim. Hi hises menmen im hises God iuwe har ke yi mit in yi yisesim. ⁴ "Hi hewaank mit enipi hir naa nentar hir nises him me Krai. Hi esenkek his hit me mit miyapir hatip mit plisman hir newiri nekire winak enuk. ⁵ Mitik iuwe pris kinin naanmipre mit pris han hirak ketike mit iuwe ne kaunsil hir nanwepyapir hi hatip werek. Nipaa hir neweto tiwei hir newisik ken mit han ne weiwik maiu neit Damaskas te hi epei hen en ehithis mit miyapir kerek nises him me Krai, hi hesenkeki heriyei heri hen Jerusalem te mit iuwe en nanip.

Pol katip mit karkeik hirak kises him me Krai

⁶ "Hi wen hepno menep Damaskas wepni kau niminiuwe, wasenum si meke nepni man mir mewenkika. ⁷ Hi henkewin hiwaa ti hi hemtau him ke mitik ketpo, 'Sol, Sol ti henmak te ti herewaank?' ⁸ Hi pike hitiwekhi, 'Mitik Iuwe ti keimin?' Hirak kar ik: 'Hi Jisas ke Nasaret kerek ti herewaank.' ⁹ Mit nan netikewa nir si te ap nemtau him ke mitik werek werek au.

¹⁰ "Hi hitiwekhi har ik: 'Mitik Iuwe ti hanhan hi eriak mekam?' Hirak kar ik: 'Ti ekrit eno wit Damaskas. Ti ehit ein te mitik kaknen kakitput menmen God kakihimitanem ti eriakem.' ¹¹ Hi ap hir ein ein hentar si epei mir iuwe hi nanamir toto te mit nan netikewa netauhish neriya haiu mariyan men Damaskas.

¹² "Mitik hak kau en niuk mirak Ananias. Hirak mitik yaaik kises him me Moses te mit yapirwe ne weiwik maiu ein hir han kitet natip hirak yaaik. ¹³ Mitik ik kan kerp kerepta ketpo kar ik: 'Kai yinak Sol, ti pike ehir ein ein.' Hirak katip epei au, wasawas hi hir ein ein te hi hirek. ¹⁴ Hirak ketpo kar ik: 'Mitik Iuwe God ke maamer nau hirak kehimitenut te ti ertei menmen hirak hanhan kakriakem, kehimitenut ti hir Mitik Yaaik kerek kiriak menmen me God, ti epei hemtau hirak ketput keriuwe him mirak. ¹⁵ Maain ti eno etip mit miyapir yapirwe ewepyapir menmen ti epei hemtewem epei hirem. ¹⁶ "In ek ti ap ehu au emit! Ti ekrit te hi ekirit. Ti enine Mitik Iuwe God ehitiwekhi te hirak kakisak menmen enum ti hiriakem.'

God kehimitan Pol kaktip mit ap ne Isrel him yaaim me Krai mamno mit ap ne Isrel

¹⁷ "Hirak ketpo epei au, hi pike hen wit Jerusalem. Hi heit winak iuwe ke God in hi hitehi God menmen. Hi hitehi God menmen, hi hepui hi hir menmen mar ke hi hitiyak, ¹⁸ "Mitik Iuwe Krai ketpo kar ik: 'Ti ekrit waswas enaaiwir wit Jerusalem entar mit miyapir in ap enimtau him ti etporem me hi.' ¹⁹ "Hi pike hetpiwek har ik: 'Mitik Iuwe, hir epei nertei hi epei hen herer wit wit winak mit nererik nekine him me Moses nekrem, hi hen en heithis mit miyapir hir nises him mit, hi hanip. ²⁰ "Nipaa mit nenep mitik kewepyapir him mit niuk mirak Stiven hi herp menep atip hiram yaaim te hir nakip kaa. Hi hetenen laplap saket me mit hir newir nan nakip. Hi etpor menmen mit hir enimtewem.' ²¹ "Au, Krai pike ketpo kar ik: 'Hiram menmen weinim. Hir ap te nanimtau him mit au. Ti eno entar hi eriuwetit ti eno yanimin ewepyapir him mai mamno mit ap ne weiwik me Isrel.'"

Mitik iuwe ke ami naanmipre Pol

²² "Mit yapirwe ein nemtau Pol ere hirak katip menmen me hirak kewepyapir him me mitik iuwe katip mit ap ne weiwik me Isrel ketporem. Hirak ketpor menmen im, hir han enuk ninap him iuwe nar ik: "Yi eikip eki. Yi ap eiwisik kaku ti au ekit!" ²³ Hir ninap newep laplap mir neteikin hir han enuk wisenuk newir toni waniu (o win) men niu. ²⁴ Hir newir toni waniu (o win) men niu, mitik iuwe ofisa ke ami katip mit nirak neithis Pol neriyaak neiyik nanino niman, hir nankip nanriuwe nipin ere hirak kakwepyapiri nenmak te mit ne Isrel en ninap nesiuwe him marim. ²⁵ "Hir netiwekhis neriyaak neiyik nen nesenkek his mirak te hir nankip. Hir nesenkek his mirak nankip, Pol katip mitik kerek naanmipre 100 mit ne ami kitiwekhi kar ik: "Him mit iuwe ne Rom hir newisim matip hiram yaaim te mit naninep mitik kerek keit tiwei yaan mewik kar ke mit ne wit Rom, te hir newisik ken winak ke masistret wen au, hirak ap katip hirak enuk au?"

²⁶ Mitik ik kentaui him im Pol ketpiwekem epei au, hirak ken kir mitik iuwe kirak hirak ofisa ke ami ketpiwek kar ik: "Ti hiriak menmen enum. Mitik eik e hirak ketenen tiwei yaan mewik kire mitik ke Rom." ²⁷ Hirak katip epei au, mitik iuwe ofisa ke ami kan kir Pol kitiwekhi kar ik: "Ti etpo ti hetenen tiwei namba mewik kar ke mit ne Rom o au?" Pol kar ik: "O, hi hetenen tiwei har ke mit ne Rom." ²⁸ Mitik iuwe ofisa eik ketpiwek, "Hi epei hewir pewek yapirwe te hi heit tiwei yaan mewik hiram matip hi hire mitik ke Rom." Pol kar ik: "Miye wina te hi hire mitik ke Rom hentar miye haai hir netenen tiwei namba mewik hir nire mit ne Rom." ²⁹ "Wasenum mit kerek nankip nanitiwekhi menmen hir nirir nokninan nenpin nekeipniwek. Mitik iuwe ofisa eik kinaain kentari hirak kertei Pol ketenen tiwei

† 22:3 Ap 5:34; Ro 10:2 †† 22:4 Ap 8:3, 22:19 † 22:16 Ap 2:21; Ro 10:13

†† 22:18 Ap 9:29-30 †† 22:19 Ap 8:3, 26:9-11 ††† 22:20 Ap 7:58, 8:1 ††† 22:21 Ap 9:15, 13:2 § 22:22 Ap 21:36 †† 22:25 Ap 16:37 ††† 22:29 Ap 16:38

kar ke mitik ke Rom, hirak kesak him lo me Rom hirak epei kesenkekik keriuwe sen. Mit iuwe ne Rom neri-uwesis mit nanriak menmen im me mit ne Rom.

³⁰ Mitik iuwe ofisa hanhan kertei werek menmen mit ne Isrel hir nesiuwe him Pol, te wi ham hirak katip mit nirak nenke sen me Pol, hirak kesiuwe mitik ken katip mit iuwe pris netike mit han en ne kaunsil nanrerik nanu. Epei au, hirak keithis Pol keiyik ken kewisik kerp ninaan me mit ne kaunsil ketpor menmen.

Pol katip him mirak men mit ne kaunsil

23 [†]Pol kerp kirapit mit ne kaunsil ketpor kar ik: "Nai yinan. Hi hertei hekrek han kai menmen me God hi hiriakem hi hisesim nipaa ere in hiram yaa'im."
² ^{††}Hirak katip epei au, mitik iuwe pris kinin nanmipre pris han niuk mirak Ananias katip mit nerp menep Pol niwaai his nesiuwek him nentar hirak katip enum.
³ [†]Pol ketpiwek kar ik: "Maain God kakitep ti hire nu mit newis pen kolta mewik te hiram nepei mesine meit nimin. Ti hau en skelim hi heriuwe him lo me Moses, te ti au heweikin sip hewet him me Moses ti hetip mit naniyep."

⁴ Mit kerek nerp menep Pol netpiwek nar ik: "Ti atip enum me mitik pris iuwe ke God."

⁵ [†]Pol katip kar ik: "Hi hertei hirak mitik iuwe pris te hi ap hetpiwek har ek au. Him me God matip mar im: "Yi mit ap eitip enum me mit hir ninin naanmipri."

⁶ [†]Pol epei kertei mit han ne kaunsil hir nises him me mit Sadyusi, mit han au hir nises him me Farisi. Hirak kertei menmen im te hirak katip kar ik: "Nai yinan. Hi mitik ke Farisi, hi nikan ke mitik ke Farisi. Petepin mit neriya hi herp ninaan me kaunsil hentar hi han kitet mit epei naa maain nanikrit nanu nanit."

⁷ Hirak katip epei au, mit ne Farisi netike mit ne Sadyusi nenehan nenterim te hir newep nau nimin pinan hasini pinan hasini. ⁸ ^{†††}(Mit ne Sadyusi han kitet mit naa hir niwaai hei, maain pike nanikrit nanu au, herwe o ensel hiram mepu au nemipin. Mit ne Farisi han kitet mit nanikrit, ensel netike herwe hir nepu. Nemipin au.) ⁹ ^{†††}Hir mit wen natipan nenehan ere wisenum, mit ne Farisi han kerek newepyapir him me Moses hir nerp natip nesiuwe him nar ik: "Hau han kitet mitik ik hirak yaaik. Hau han kitet herwe o ensel epei kan ketpiwek menmen."

¹⁰ Hir nenehan ere wisenum te mitik iuwe ofisa ke ami han kitet hir nanri Pol kaktin yinak yinak te hirak keriuwet mit nirak newep mit nen netiwekhis neiyik nanino winak ke gavman kirak.

¹¹ [§]Witaan, Mitik Iuwe Krai kan kerp menep Pol ketpiwek kar ik: "Ti han tokik ehu. Ti epei hewepyapir him mai heit Jerusalem, te ti eno wit Rom eriakem empar kerekek."

Mit nimenipin natipan naninep Pol

¹² Wanewik, mit han ne weiwik me Isrel nererik nimeyipiran natipan naninep Pol. Mit in nererik niriak menmen im hir ninin 40 mit. Hir mit nesiyeahan menmen o tipar ere hir naninep Pol neiyik nanwen han te hir nanim. ¹⁴ Epei au, hir nen nir pris iuwe netike mit iuwe ne kaunsil netpor nar ik: "Hau epei mesinehan menmen o tipar ap mamim ere hau mamnep Pol. ¹⁵ ^{§†}Te yi eitike mit ne kaunsil eiriuwet mitik kaktip mitik iuwe ofisa ke ami ke Rom kakithis Pol keiyik kaknen in. Yi eimitiwekpin yi eiyitpiwek yi hanhan yayimtau him meiyam me Pol. Au, hau epei memeriyekek mamkip hirak wen kaknen in."

¹⁶ Pol nikan suware kirak epei kemtau menmen me mit hir nimenipin naninep Pol te hirak ken winak ke mitik iuwe ofisa ke ami katip Pol em. ¹⁷ Hirak ketpiwek epei au, Pol kenine mitik iuwe kinin naanmipre 100 mit soldia ne ami, hirak ketpiwek kar ik: "Ehit pipiak ik eiyik eno mitik iuwe ofisa kit. Hirak kakitpiwek menmen."

¹⁸ Hirak katip epei au, mitik keiyik ken mitik iuwe kirak ketpiwek kar ik: "Mitik kekrek winak enuk Pol keninau kitauhi hi heit pipiak ik e eiyik enen ekrit ekintar hirak kakitput menmen."

¹⁹ Hirak ketiwekhis keiyik ken haau weinim, hirakit tekiyakit tau, hirak kitiwekhi kar ik: "Ti are etpo mekam?" ²⁰ Hirak pipiak ketpiwek keweniwekhi kar ik: "Mit iuwe ne kaunsil natip hirak werek te hir nanituthi teipmen ti ehithis Pol eiyik eno winak ke kaunsil, hir nemipin natip hir hanhan nemtau him meiyam me Pol. ²¹ Ti ap emtau him mir entar mit ninin 40 mit nesiyeahan menmen o tipar ap nanim ere hir nankip kaki. Hir nemerir ere ti etpor te ti eiyik enen." ²² Hirak ketpiwek epei au, mitik iuwe ofisa ke ami ketpiwek kar ik: "Ti ap etip mitik hak ti epei han hetpo menmen im." Hirak ketpiwek epei au, hirak keriuwetek ken.

Mitik iuwe ofisa keriuwet Pol ken mitik iuwe gavman Filiks

²³ Hirak keriuwetek ken, hirak kenine mitikit wik hirakit kepten tinin naanmipre 100 mit ne ami, hirak ketpiwekit kar ik: "Yi eiyit 200 mit soldia neke ti hir netike 200 mit nemerir yipo hir netike 70 mit ne ami nau hos, hir nanit menmen nanimaniyem, hir nanino nanithis Pol neiyik nanino. Me witaan hir nanithis pol kaktike menmen neiyim nanino wit Sisaria. ²⁴ Yi eiri hos keiyak te Pol kakwik, yi naanmampruwek eiyik (o eirik) eino ere eipiun mitik iuwe gavman Filiks." ²⁵ Hirak ketpiwekit epei au, hirak ken kewis tiwei mar im:

²⁶ "Hi Klodias Lisias hi hewis tiwei ik ken ti Filiks ti mitik iuwe ke gavman hinin naanmimpred mit. Ti yaaik. ²⁷ ^{§††}Mit ne weiwik me Isrel neiyewo mitik ik nare nankip. Hi hemtau hirak kire mitik ke Rom te hi hetike mit ne ami nai men mekepik meriyaak meiyik men.

²⁸ ^{§††}Hi hanhan hertei werek nenmak te hir nesiuwe him
^{§†} 23:15 Ap 25:3 §†† 23:27 Ap 21:30-33, 22:25-27 §† 23:28 Ap 22:30

† 23:1 Ap 24:16 †† 23:2 Jo 18:22-23 † 23:3 Mt 23:27 ††
23:5 Eks 22:28 †† 23:6 Ap 4:2, 24:15, 21, 26:5 ††† 23:8 Mt 22:23
††† 23:9 Ap 25:25 § 23:11 Ap 18:9, 19:21, 27:24, 28:16, 23

te hi heiyik hen winak ke kaunsil kir. ²⁹ †Hi han winak ke kaunsil kir, hi hemtau hirak ap kiriak menmen mei te hir nankip kaki o nanwisik kekre winak enuk. Menmen hir nesiuwek him nesiuwereh hiram menmen me him lo me Moses hir nisesim. ³⁰ ††Mitik hak kan ketpo mit han ne weiwik me Isrel nimenipin natipan te hi han kitet hi esiuwerek aknen ekrit. Hi epei hatip mit kerek nesiuwek him menmen hir nanino nanirp ninaan mit nanriuwe him.”

³¹ Hirak kewis tiwei epei au, mit ne ami nises him mirak. Hir neithis Pol neiyik ne witaan nen ere nipun wit Antipatris. ³² Wanewik, mit ne ami kerek neke ti hir pike nan winak ke mitik iuwe ofisa ke ami, hir newis mit nau hos neithis Pol neiyik nanino Sisaria. ³³ Hir neiyik nen Sisaria newet mitik iuwe ke gavman tiwei, hir neithis Pol ken his mirak. ³⁴ Mitik iuwe ke gavman kekine tiwei kitehi Pol kar ik: “Ti ke provins ke nein?” Pol ketpiwek “Hi provins kai Silisia.” Hirak kemtau hirak ke provins Silisia, hirak ketpiwek kar ik: ³⁵ “Maain mit nesiuwe him naninen, te hi emtau him mit entar hi naanmimpre mit ne Silisia ere in.” Hirak katip epei au, hirak katip mit hir naanempre Pol newisik kekre winak iuwe nipaa mitik iuwe Herot kewik hirak winak enuk ke gavman.

Mit iuwe ne Isrel nesiuwe him Pol

24 Wi hispinak (5) epei man men, mitik iuwe hetpris ke Isrel Ananias, hirak ketike mit iuwe ne kaunsil en hir netike mitik niuk mirak Tetalas kerek kertei lo me mit ne Rom hirak kikaap mit ne Isrel hir nisesim te hir nesiuwe him mit neit ninaan me mit iuwe masistret hir nan Sisaria. Hir nan Sisaria, hir nen nir mitik iuwe ke gavman Filiks te hir nesiuwe him Pol. ² Mitik iuwe kari Pol hirak kan te mitik iuwe kenine Tetalas. Hirak kenine Tetalas, hirak kesiuwe him Pol kar ik: “Ti mitik iuwe ke gavman. Ti nipaa ere in ti naanmiprai werek te haiu mekiyan mau meit. Ti hekepai ti henip yaaim mekrehir menmen nipaa haiu mis-esim enum merer wit wit. ³ Haiu mit merer wit wit han yaaik meriuwerem te haiu matip ti yaaik. ⁴ Hi hinapen erwit iuwe, te hi hituthi ti han teweninai emtau him menmen meiyam yinam haiu mamitputem. ⁵ †Haiu mertei mitik ik hirak mitik enuk kari han ke mit ne weiwik me Isrel nau nerer wit wit te hir nenehan nenapan. Hirak mitik iuwe kei ke mit kerek nises him me Jisas nipaa ke Nasaret. ⁶ ††Hirak kari mitik ap ke weiwik me Isrel ketikerek ten winak ke God iuwe keit Jerusalem, te hirak ap kises him me mit neriuwesis menmen im. Haiu metiwekhis han kitet mewepyapirek kakises lo maiu. [⁷ Au, mitik iuwe ofisa ke ami Lisias keit mit ne ami nirak hirak kewep kokninai wisenum keithis mitik ik kerik ken. ⁸ Epei au, Lisias katip neimin hir nansiuwek him hir aninen in enirit.] Ti itehi mitik ik ti hirekes ertei menmen yapirwe haiu mesiuwek him.”

⁹ Hirak katip epei au, mit yapirwe ne weiwik me Isrel neit ein nekepek natip nar ik: “Hirak katip werek, hirak ap kemipin au.”

Pol katip mitik iuwe Filiks him mirak

¹⁰ Hir natip epei au, mitik iuwe kehise kenine Pol kaknen kaktip. Pol kan kerp katip kar ik: “Hi hertei me tito yapirwe ti naanmiprai heriuwe menmen yapirwe te hi han yaaik etput menmen eteiknut hi hiriak mekam. ¹¹ ††Itehi mit in ti hertei menmen hi hetpiyem. Me wi hiswiyen wik (12) hi han wit Jerusalem ewenipi God. ¹² Mit ne Isrel ap nira hi hetike mit han mewepnak matipan meit winak ke God ein, hi ap hari han ke mit te hir han kekrit heit winak ke God o heit witeik. ¹³ Hir ap neit mitik kiutip kira hi hiriak menmen marim hir nesiuwau him.

¹⁴ †††“Hi etput menmen im. Hi ewenipi niuk me Mitik Iuwe hirak God ke maamrer niau, te hi hises him me menmen me Jisas kerek mit natip hiram enum. Hi wen hises menmen yapirwe mitik Moses ketike mit profet hir newisim mau tiwei. ¹⁵ Hi hises menmen har ke mit in me him me God, maain mit yaain nantike mit enun pike nankrit nanu nanit. ¹⁶ †††Hekrit hekrit hi hare hiriak menmen te God ketike mit miyapir yapirwe nira natip hi yaaik.

¹⁷ ††“Hi heit wit ham me tito meiyam epei au, hi heit wit Jerusalem ewet mit nai ne weiwik me Isrel pewek mei, hi are ano ewet God menmen. ¹⁸ ††Hi wen heit winak iuwe ke God ein hi hiriak menmen im me him me Moses matip hi hiriakem te God kaktip hi pike yaaik, mit han nira. Mit nau netikewa au, haiu ap mewepnak matipan au. ¹⁹ Mit han ne weiwik me Isrel hir ne provins Esia hir nepu winak ke God nira netauhis neriya. Mit en hir hiras eninen in nantip menmen mei meit ninaan mit te hir nansiuwau him, ²⁰ o au en, ti atip mit in hir natip newepyapir menmen hir nir hi hiriakem enum me wi hi herp ninaan me kaunsil. Menmen au, ²¹ †††o him miutip im. Nipaa hi herp ninaan mir hi hinap hatip har ik: ‘Mit neriya heit winak ke kaunsil ik nentar hi han kitet mit epei naa pike nanikrit nanu.”

²² ††Pol katip epei au, mitik Filiks kerek kertei werek menmen me him me Mitik Iuwe Kraiss, hirak ketpor kar ik: “Yi yemerir mitik iuwe ofisa ke ami kaknen te hi han kakitet menmen hi ehisesim.” ²³ †††Hirak ketpor epei au, hirak katip mitik kepten ke ami kinin naanmipre 100 mit, hirak naanmipre Pol te ap keriuwesis nirak yinan naninen nanwetiwerek menmen.

Filiks kewis Pol kekre winak enuk me tito wik

²⁴ Maain wi ham Filiks keit mite pirak Drusila kerek pe weiwik me Isrel. Hirak kesiuwe mitik keit Pol keiyik kan, hirak ketikerep nemtau Pol katip me mit enises him me Kraiss Jisas. ²⁵ ††Pol wen ketpor menmen me mekam yaaim, menmen me mitik kewen han kirak ke

† 23:29 Ap 18:14-15 †† 23:30 Ap 24:5-8 † 24:5 Ap 17:6
†† 24:6 Ap 21:28-30

‡ 24:11 Ap 21:17 ‡† 24:14 Ap 24:5 ‡†† 24:16 Ap 23:1
§ 24:17 Ro 15:25-26; Ga 2:10 §† 24:18 Ap 21:26-27 §†† 24:21
Ap 23:6 §† 24:22 Ap 23:26 §†† 24:23 Ap 27:3, 28:16, 30 §†
24:25 Jo 16:8

menmen yapirwe, katip menmen me wi maain God skelim mit te Filiks kepipir kinaain ketpiwek kar ik: "Epei werék. Ti pike eno. Maain han kai hi eninut ti etpo menmen." ²⁶ Hirak wen han kitet Pol kakwetiwék pewék hirak kaksipupané kakisik kakno witeik. Hirak han kitet marik te wi ham wi ham hirak keit Pol ketikerek tewepnak.

²⁷ Pol kepu en ere tito wik epei au. Tito wik epei au, Posias Festas kekrehir ke mitik iuwe gavman Filiks. Hirak Filiks hanhan kenip mit iuwe ne Isrel han yaaik neriuwerek te hirak wen kewis Pol kekrek winak enuk kepu kepeit.

Pol katip kar ik: "Mitik iuwe Sisa ke Rom kakimtau him mai"

25 Mitik iuwe Festas epei kan naanmimpre provins ke Judia wi wikak keremem, ² hirak kinaaiwir wit Sisaria ken Jerusalem, mit iuwe pris netike mit iuwe ne kaunsil nesiuwe him Pol. Hir nitehi Festas ³ hirak kakrekiyor menmen yaaim kakri Pol keiyik kaknen Jerusalem kakintar hir epei nimenipin naninep Pol nanwisik yayiwe yinak. ⁴ Festas ketpor, "Mitik Pol kepu kekrek winak enuk keit Sisaria. Hi hirekes menep te hi pike eno. ⁵ Yi eitip mit ni iuwe nanino nantikewa haiu mamno wit Sisaria. Mitik ik kiriak menmen enum te hir nansiuwek him."

⁶ Hirak ketpor epei au, hirak wen kepu ein ere wi hispinak wikak (8) o wi hiswiyen (10) epei au, hirak pike ken Sisaria. Hirak pike ken Sisaria wi ham hirak kau winak ke gavman kerek mit nesiuwe him neitai en, hirak katip Pol eknen. ⁷ Pol epei kan, te mit ne Isrel kerek neke Jerusalem nan, hir nerp nesiuwe him te hir ap neteikin werék werék Pol kiriak menmen enum im au. Hir nesiuwe him weinim. ⁸ Pol kikaap hirekes katip, "Hi ap hiriak menmen enum herekir him me mit ne Isrel o winak iuwe ke God keit Jerusalem o ke mitik iuwe Sisa ke Rom au."

⁹ Pol katip epei au, mitik Festas hanhan kiriak mit ne Isrel han yaaik neriuwerek te hirak katip Pol kar ik: "Hirak werék te ti etikewa euno wit Jerusalem te hi emtau mit nesiuwut him ein o au?" ¹⁰ Pol pike ketpiwek, "Hi herp winak ke gavman ke Rom, mit hir nemtau mit nesiuwe him menmen. In ek kerekek ti emtau him te ti etip menmen. Hi ap hiriak mit ne Isrel menmen enum au. Yi yetike mit in ne Isrel yerteiyem. ¹¹ Hi hiriak menmen enum te hi hahi ehinterim, hiram menmen weinim. Hi hahi kerekek, o au en, mit hir nesiuwe him weinim me menmen hi hiriakem, mitik ap kakriyaa kakriuweta te hi eno his mir hir naniyep hi hahi. Hi atip mitik iuwe Sisa ke Rom ekimtau him mai." ¹² Hirak katip epei au, mitik Festas ketike mit narak kerek nekepik neriuwe him mit iuwe ne Rom netpim, hir newepnak. Hir newepnak netpim nepei au, hirak katip Pol, "Nipaa ti hitehi mitik iuwe ke Rom kakimtau him mit, te in ek haiu matip ti eno Rom ehirek."

Festas kitehi mitik iuwe Agripa ke Pol

¹³ Maain wenke ham, mitik iuwe gavman Agripa ketike yenten pirak Benaisi nan wit Sisaria nanir Festas nanitpiwek hir han yaaik hirak kan kau en. ¹⁴ Hir nepu en wi meiyam, Festas katip Agripa menmen me Pol. Hirak ketpiwek kar ik: "Mitik kiutip keit in kerek nipaa hirak mitik Filiks kewisik kekrek winak enuk. ¹⁵ Hi hen wit Jerusalem, mit iuwe pris ne Isrel netike mit iuwe ne kaunsil nesiuwek him nitauhi te hi atip hirak kaki. ¹⁶ Te hi hetpor gavman me Rom ap neriuwet mitik kakno his ke mit nankip ere mit ninin nansiuwe him nanit ninaan me mitik hirak kakikaap hirekes kaktip him.

¹⁷ "Hir epei nan in hi ap hemerir wi yapirwe au. Wi ham epei au, hi hen winak ke gavman hemtau him mir, hi hatip mit nai neithis Pol hirak kan. ¹⁸ Mit kerek hanhan nesiuwe him hir nekrit te hir ap nesiuwe him me menmen enum mar ke hi han kitet nansiuerem au. ¹⁹ Hir netikerek natipan nenehan me menmen me him lo me Moses kerek hir nisesim, hiram metike him me mitik niuk mirak Jisas nipaa kaa. Au, Pol katip hirak kekrit kepu. ²⁰ Hi ap han kitet werék werék te hi hises menmen im te hi hitehi Pol hirak werék kakno wit Jerusalem haiu mamimtau him mit nesiuerem mamit en. ²¹ Au, Pol katip hirak hanhan mitik iuwe Sisa ke Rom kakimtau him mirak, hirak kaku winak enuk te haiu naanmiprewék. Hirak katip epei au, hi hatip mit niau hir naanemprewék ere hi esiuwerek kakno mitik iuwe keit Rom." ²² Hirak katip epei au, mitik Agripa katip Festas, "Hi hirekes emtau him mirak." Festas kewenhi kar ik: "Teipmen, ti emtau him mirak."

²³ Hirakit tatip epei au, wanewik mitik Agripa ketike Benasi hir neses nan, mit yapirwe newenipi niuk neriuwe menmen hir nerekiyorem. Hir nan netike mit iuwe ne ami, mit iuwe ne wit, hir nan nau winak kerek mit nererik nemtau him. Epei au, Festas katip mit narak hir nanino nanithis Pol neiyik naninen. Hir neiyik nan epei au, ²⁴ Festas katip kar ik: "Mitik iuwe gavman Agripa ti hetike mit yapirwe yan yayu in yetikewa. Yi yir mitik ik kerek mit yapirwe ne Isrel neit in netike mit ne Judia neit Jerusalem, hir nesiuwek him. Hir ninap natip nar ik: 'Haiu minapen hirak kaku. Yi eikip kaki.' ²⁵ Hi hemtau him mir te hi ap hemtau menmen hirak kiriakem te hirak kaki kakinterim au. Hirak kitehi mitik iuwe Sisa ke Rom kakimtau him mirak hi han kitet hi esiuwerek kakno. ²⁶ In ek hi ap ertei him enum me mitik ik hi ewis tiwei mamno mitik iuwe ke Rom te hi hetiwekhis kan kerp ninaan me ti mitik Agripa ti hetike yi mit yapirwe te yi eiyimtau him mirak yi eikepaa te hi ewis menmen tiwei esiuwerem mamno. ²⁷ Menmen im hi han kitet hira enum. Hi esiuwe mitik ke winak enuk kakno mitik iuwe Sisa ke Rom te hi ap ewis menmen enum hirak kiriakem mau tiwei hi ewisim hiram enum."

† 24:27 Ap 25:9 †† 25:2 Ap 24:1, 25:15 ‡ 25:3 Ap 23:15
‡† 25:7 Ap 24:5-6, 13 ‡† 25:9 Ap 24:27

‡†† 25:14 Ap 24:27 ‡††† 25:15 Jo 5:28-29 § 25:15 Ap 25:1-2
§† 25:18 Ap 18:15 §†† 25:20 Ap 25:9-12 §† 25:23 Mt 10:18;
Mk 13:9 §†† 25:24 Ap 22:22, 25:2, 7

Pol katip Agripa him mirak

26 Mitik Festas katip epei au, mitik Agripa katip Pol kar ik: "Hi hetput ti hatip ekaap hirekes." Pol kikiam his katip mit kar ik:

² "Mitik iuwe Agripa. Hi han yaaik hentar petepin hi herp ninaan mit hatip him ekaap hirekes me menmen mit ne Isrel nesiuwau him. ³ Hi han yaaik iuwe hentar ti hertei werek werek menmen haiu mit ne Isrel misesim. Ti hertei markeik te haiu mit han kitet him ham, mit han au, han kitet him ham, te hi hituthi ti ap han ekiteta waswas au. Ti emtau him mai.

⁴ "Mit yapirwe ne Isrel nertei menmen yapirwe hi hiriakem nipaa hi kike ere in, me wi hi hepu wit kerek miye wina weitai metike wi hi hepu Jerusalem. ⁵ †Nipaa ein hir nerteiya te hir han kir hir netputem. Hir nertei nipaa hi hises menmen me Farisi, menmen im hiram minin menmen ham haiu mit miriakem haiu misesim mewenipi niuk me God meriuwerem. ⁶ ††In ek hi herp in mit nesiuwau him nentar hi han kitet God kakikaap haiu mit kakir nipaa hirak katip maamrer nau em. ⁷ Mit ne weiwik hiswiyen wik (12) me Isrel hir witaan wanewik newenipi niuk me God nemerir mitik kaknen kakikaap haiu mit kakir nipaa God ketpim. Mitik iuwe Agripa, mit ne Isrel nesiuwau him nentar hi hises him me mitik kerek kakikaap haiu mit ne Isrel. ⁸ Yi mit ne weiwik me Isrel, yi yenmak te yi ap han ekitet God kikiam mit nipaa naa?

⁹ †Nipaa hi han kitet hi hises menmen yaaim hi hiriak menmen yapirwe te hi hewaank menmen me Jisas ke Nasaret kerek mit nisesik. ¹⁰ Hi hiriak menmen im heit Jerusalem. Mit iuwe pris newenhi te hi eno ewis mit yapirwe nekre winak enuk. Maain mit ne kaunsil natip hir nani, hi hewenhi hatip hiram yaaim te hir nani. ¹¹ Wi yapirwe hi hiriak mit enum nanip nekre winak ke mit ne Isrel hir nererik nekine him me Moses neitai. Hi are enipi hir enweikin sip enwet him me Krai. Hi han enuk wisenuk heriuwerei te hi hen wit yanimin enip.

Pol katip Jisas kari han kirak hirak kisesik

¹² "Me menmen im hi hen wit Damaskas. Hi hetenen tiwei me mit iuwe pris natip hiram yaaim te hi eno ein ari mit nises him me Krai. ¹³ Hi hitet yayiwe hepno hepno ere wepni kan kau niminiuwe hi hir menmen mire si iuwe minin wepni hiram meke nepni man mir meweiknina hetike mit kerek nan netikewa. ¹⁴ Haiu yapirwe menke miwaa ti, hi hemtau him ke mitik ketpo keriuwe him me mit ne Isrel netpim, hirak katip kar ik: 'Sol, Sol henmak te ti herewaank? Ti hire bulmakau kewir hit kenep paap tiknuk ke mitik kirak ti hewaank hirekes.' ¹⁵ Hi hitiwekhi, 'Mitik Iuwe ti keimin?' Hirak Mitik Iuwe katip kar ik: 'Hi Jisas kerek ti herewaank. ¹⁶ Te ti ekrit ehirp. Hi hewepyapir hirekes ti hira hentar hi hehimitenut ti eriak menmen mai. Ti eno etip mit han menmen ti epei hirem hi heteiknutem, im metike

† 26:5 Fl 3:5-6 †† 26:6 Ap 23:6, 28:20 † 26:9 Ap 8:3

menmen maain hi eteiknutem. ¹⁷ Hi naanmamprut te mit ne Isrel nantike mit han ne weiwik ham hir ap te nanitep. Hi eriuwetit ti eno mit ap ne weiwik me Isrel. ¹⁸ ††Ti etpor him mai hir nanisesim nar ke mit ninapipi hir nesiupan nanamir. Ti eweikin han kir hir ap nises menmen enum mir toto au. Hir nanises menmen yaaim me God mire wepni kir. Hir naninaaiwir Seten hir nanises God te hir enisisa hi hisak menmen enum mir hir niriakem te God kaknipi hir nanu nimin ke mit God kehimiteni hir nirak.'

Pol katip Agripa menmen hirak kiriakem.

¹⁹ "Mitik iuwe Agripa, hi epei hir menmen im meke wit ke God man te hi ap eweikin sip ewet him im. ²⁰ †Au, hi hinin hewepyapir menmen im heit wit Damaskas ketike wit Jerusalem. Epei au, hi hen herer wit wit kerek mit ne Isrel newi, wit im metike wit mit ap ne weiwik me Isrel newim. Hi hatip mit hir enweikin sip enwet menmen enum enises God, hir enriak menmen yaaim neteikin mit hir epei neweikin sip newet menmen enum. ²¹ ††Mit ne weiwik me Isrel nitauhi hi heit winak iuwe ke God hir naniyep nentar hi hiriak menmen im. ²² ††Te God epei kekepa nipaa ere petepin in ek, te hi herp in hatip him yaaim mamno mit yapirwe, hir niuk mir iuwe, hir mit au weinin. Menmen hi hetpim hiram menmen keremem nipaa mit profet netike mitik Moses katip hiram mannen. ²³ †Hir natip mitik God kehimitanek kaknen kakikaap haiu mit, hirak kaki maain God kakikaak hirak kakikrit kakinin mit yapirwe ne weiwik me Isrel, mit au ne weiwik ham, God kaktorhis hir nanu werek werek. Him yaaim im hiram mire si mamkaap mit nanir ein werek werek, hiram mamkaap mit nertei werek menmen yaaim God kiriakem."

Pol katip kari han ke Agripa te hirak kakises him me God

²⁴ Pol wen katip menmen im, mitik Festas kinap ketpiwek kar ik: "Pol ti hetaritari! Menmen yapirwe ti hen skul herteiyem hiram menipit ti enuk han ken sip." ²⁵ Pol ketpiwek, "Mitik iuwe, hi ap hetaritari au. Menmen hi hetpim hiram him yaaim me mitik kertei werek kerekek. ²⁶ ††Mitik iuwe Agripa, hi ap hinaain hetput menmen im hentar ti hertei menmen im. Ti hertei menmen im hentar menmen im epei man meit wit kike au, man meit wit iuwe mit yapirwe nirem. ²⁷ Mitik iuwe Agripa ti hises him me mit profet? Hi epei hertei ti hisesim herteiyem mekre han." ²⁸ Mitik Agripa keremiriwek him ketpiwek kar ik: "Me wi im ti han kitet ti ari han kai te hi ehises him me Jisas Krai?" ²⁹ Pol ketpiwek, "Me wi in ek o maain, hi hitehi God te ti hetike mit yapirwe nau in nemtau him mai yi eiyses him yaaim me Krai te yi eiyr ke hi te hi ap hanhan sen mewi mipre hiram miwaa his mai."

†† 26:18 Ais 35:5, 42:7, 16; Ef 2:2; Kl 1:13; Ap 20:32 †† 26:20 Mt 3:8 ††† 26:21 Ap 21:30-31 ††† 26:22 Lu 24:44-47 † 26:23 1Ko 15:20 †† 26:26 Jo 18:20

³⁰ Pol katip epei au, mitik iuwe Agripa ketike mitik gavman Festas, ketike Benasi wetike mit yapirwe nir nekrit nanino witeik. ³¹ †Hir nekrit nanino witeik, hirakit tatipakit tar ik: "Mitik ik ap kiriak menmen enum te hirak kaku winak enuk o kaki au." ³² ††Agripa katip Festas kar ik: "Mitik ik ap kitehi mitik iuwe Sisa kakimtau him mirak te ti esupaneke kakno."

Mit neithis Pol neiyik nan newisik kau sip kakno wit iuwe Rom

27 †Me wi hir mit iuwe ne gavman han kitet natipan haiu mamu sip manno Itali, hir neithis Pol ketike mit han nekre winak enuk hir newet mitik kepten niuk mirak Julias newetiwek enun in. Julias hirak kepten naanmimpre 100 mit ne ami hir soldia kerek mit nenewor "Mit ne mitik iuwe Sisa ke Rom." ² ††Haiu mit men mau sip me wit Adramitiam, menep te hiram minaiwir Sisaria mamno mamrer wit wit me wan me provins Esia. Haiu mau en epei au, hiram merekir wan men. Mitik niuk mirak Aristakas ke wit Tesalonaika ke provins Masedonia hirak ketikewai mau sip men. ³ ††Wi ham haiu mipiun wit Saidon. Julias hirak kiriak Pol yaaik kewisik ken kakir narak yinan te hir enwetiwewek menmen mei te hirak kau sip werek werek kakno. ⁴ Haiu minaiwir Saidon men Saipras. Nime miniu man mewep te haiu merekir wan men yinak in me Saipras kerek nime ap miniu meitai au. ⁵ Haiu merekir wan meperp provins Silisia ketike Pamfilia ere mipiun wit Maira keit provins Lisia.

⁶ Haiu meit ein, mitik kerek naanmimpre 100 mit ne ami kinkatin sip ham ere kir miutip me wit Aleksandria mamno Itali. Hirak kir sip epei au, hirak kewisai haiu mewim. ⁷ Haiu mewim, sip merekir wan men main main me wi ham mentar nime miniu iuwe meiyepetai te haiu mirak menmen iuwe mesipat wit Naidas. Nime meiyepetai te haiu mamno ein au, te haiu meweikin mekiuwe wit Krit kerek wan kimaak keketik kau nimin. Haiu mekiuwe pinak nime ap miniu meitai mesipat Salmoni. ⁸ Haiu men mesurir menep tenhaan haiu miriak menmen iuwe mipiun wit niuk mirak "Wan yaaik sip mamno pasis" hirak menep wit niuk mirak Lasia. ⁹ Haiu mepu wit eik wi yapirwe ere wi kerek mit ne Isrel ninapen menmen han tewenin God kakisak menmen enum hir niriakem, hiram epei man men. Hiram wi me hauwi hitan te wan sir mewenin iuwe, te Pol katip mit kar ik: ¹⁰ †††"Yi mit, hi hertei haiu mamnaaiwir wit ik mamno mamreki wan hiram ap yaaim. Au, enum. Maain sip metike menmen mekretek, wan kakiwaankem. Eim keremem au. Haiu mit han mami." ¹¹ Pol katip epei au, mitik iuwe naanmimpre 100 mit ne ami ap kises him mirak au. Hirak kentaui him me mitik kerek naanmimpre mit bos kru niriak menmen nau sip, hirak ketike mitik kerek ketenen stia ke sip keweikenik te sip mamno. ¹² Wit ik hirak ap wit yaaik te sip mamu in me hawi hitan, te mit yapirwe nau sip hanhan ninaaiwir wit nanino nereki wan ere hir nipiun

Finiks. Hirak wit keit Krit hirak yaaik ke sip mamu en misawin te ap miniu au. Hir hanhan nanu en ere hawi hitan epei au.

Nime miniu wan kewenin wisenuk

¹³ Maain nime wenituk miniu te mit han kitet hir nanises menmen nipaa hir natipanem. Hir nesiupan waai neriyaaik kan sip hir ninaaiwir wit hir nesiurir menep tenhaan, nitet Krit. ¹⁴ Haiu mepno kike, nime miniu mire yuwerep meke wit Krit man. ¹⁵ Nime miniu mire yuwerep man kerek mit nenewem "No ista" hiram menep sip te mitik ap keweikin stia ke sip werek werek au. Hiram mewep nime ke nimin mamno au, te haiu mewisim meit nime miniu meriuwetem men. ¹⁶ Haiu men ere mesipat wit Koda kerek wan kimaak keketik kau nimin. Haiu mesipat Koda ke his enkik, hirak keiyepet nime kike te haiu mari bot kike kisaisai meriyaak meriyaak ere haiu meit bot eik mewisik kiwaai kentar sip, haiu mesenekik meriuwe waai hirak kau keit. ¹⁷ Hirak kau keit, hir neit waai neiyim nenenkek sip te ap mamwep au. Hir ninaain sip mamno mamtin tenhaan me wan meperp wit iuwe Afrika mamwep te hir nesiupan laplap sel me sip newisim miwaai. Epei au, hir newis nime yuwerep meriuwetem men. ¹⁸ Yuwerep kiniu wan wen kewenin te wanewik hir nenke menmen mekre sip newirem mekre wan. ¹⁹ Wi ham epei man, hir hiras neit menmen yapirwe me sip hir nenkerem newirem mekre wan. ²⁰ Me wi yapirwe haiu ap mir wepni o hir, te nime wen miniu wisenum. Haiu han kitet maain haiu mami.

²¹ Mit nau sip ap naam menmen me wi yapirwe nentar yuwerep, Pol kerp nimin ke mit ketpor kar ik: "Yi mit, nipaa hi hetpi yi ap einaaiwir wit Krit te sip ap mamriwaank au. Te yi ap yemtau him mai. ²² †††In ek hi etpi yi han tokik eiyu. Haiu mit ap mami au. Sip keremem maminke mamkre wan. ²³ Hi hertei menmen im hentar nepip witaan God kerek hi hisesik ewenipi niuk mirak hirak keriuwet ensel mitik hak kan kerp menep ketikewa ketpo kar ik: ²⁴ ††Pol ti ap hinaain au. Ti ehirp ninaan me mitik iuwe Sisa. God kentar hirak yaaik, hirak kakwis mit yapirwe nau sip netikewit hir ap nani au." ²⁵ Yi mit ap yinaain au. Hi hises him me God, hi hertei menmen mamnen mamir ke nipaa hirak ketpewem. ²⁶ ††Nime mamriuwetai haiu mamno sip mamtin tenhaan emit wit kerek wan kimaak keketik kau nimin."

²⁷ Wi hiswiyen tekyaaait (14) epei men, hawi yuwerep miniu man meit wan eik niuk mirak Edria. Me wi nimin hiram nime meriuwet sip mepno, mit naanmimpre sip han kitet haiu epei man menep ti. ²⁸ Hir han kitet haiu epei man menep ti, te hir newir waai nesenek nan mewik mekre tipar ninin mak kiram, hiram matip 40 mita kesikekre. Maain hir pike newirem hiram matip 30 mita kesikere. ²⁹ Hir ninaain sip kerek haiu mewim mamno mamnep nan iuwe me tenhaan te hir neiyik nan iuwe tekyaaait (4), hir nesenek waai mewim, hir newirem mekre wan mikaap sip mamno main main.

† 26:31 Ap 23:29; 25:25 †† 26:32 Ap 25:11 † 27:1 Ap 25:12
†† 27:2 Ap 19:29 ††† 27:3 Ap 24:23 †††† 27:10 Ap 27:22

††† 27:22 Ap 27:10, 31 † 27:24 Ap 23:11 †† 27:26 Ap 28:1

Epei au, hir hanhan wanewik o ekiupuan waswas.

³⁰ Mit naanmipre sip hanhan ninaaiwir sip te hir neit bot kike nesiuwerek kepno kentar tipar hir newisesik natip hir nanwir waai kakri paan me sip metenenim. ³¹ †Au, Pol katip mitik kepten naanmipre 100 mit ne ami, hirak ketike mit nirak kar ik: "Mit in naanmipre sip hir nirir nanino, yi yapirwe yayi." ³² Hirak katip epei au, mit ne ami nerekir waai metenen bot kike te hirak kenterer tipar ken.

³³ Menep kaksipuan hirkiwo (o hir kaa), Pol kitehi mit nanim menmen ketpor kar ik: "Yi epei yemerir hawi yuwerep kaktin kakit me wi hiswiyen tekyaaait (14), yi ap yaam menmen au. ³⁴ ††Hi hitihi him manp yi eiyim menmen te hiram mamkepi yi manpenun eiyu te yayi au. Yi eiyu werek werek." ³⁵ †Pol katip menmen im epei au, hirak keit bret kitehi God hirak katip God hirak han yaaik keriuwerem kerp ninaan me mit. Epei au, hirak kaam. ³⁶ Hirak kipaam, hir mit en han tokik nau hir neit menmen meiyam naam. ³⁷ Haiu mit mar 276 haiu mepu sip im e. Haiu mit maam ere werek, mit newir wit (hiram mire rais), hir newirem men mekre wan te hir nikaap sip ap nimenum au.

Sip mewep meit tenhaan

³⁹ Nepei wanewik, mit naanmipre sip nir ti te hir nepitari hir neit neiyin. Hir nir wan mire tenhaan yaaim mekrerem, te hir han kitet nanino ein neriuwet sip mamtin mamit tenhaan. ⁴⁰ Hir nirem epei au, hir neremir waai nan mewim, hiram menke mekre wan, hir nesiupuan waai metenen stia. Epei au, hir nikiam laplap sel meit paan ke sip te nime mamipep meiyim mamno tenhaan. ⁴¹ Au, sip men menep tenhaan, hiram minatn meit. Sip paan kiram minatn meit ap mepno au, te wan sir mewenin menep sip mikaru mewepim. ⁴² Mit ne ami nimenipin naninep mit enun ne winak enuk hir hiras nipaa neriyei neri nanino Rom te hir ap nanri wan nanino tenhaan meit ti nirir nanino. ⁴³ Au, mitik kepten iuwe naanmipre 100 soldia ke ami hirak hanhan kikaap Pol te hirak keweni niriak menmen im. Hirak katip mit kerek nertei nari tipar hir nehin niripe tipar nerwak nanino tenhaan eik. ⁴⁴ ††Mit han au, hir netenen nu o menmen ham me sip mewep hir nenterim nanino tenhaan. Marim haiu yapirwe men mipiun tenhaan ke pin eik.

Menmen Pol kiriakem keit wit Molta

28 Haiu mipiun tenhaan ke pin eik, mit han nan netpai ti ik kerek wan kimaak keketik kau nimin niuk mirak Molta. ² ††Mit ne wit in nerekyai yaaim. Hawi epei kan, nime mewep te hir nimansi neriyei man menep mau si mewim. ³ Pol keit haak mei kakwisim mamwaai si, manpen asp (hirak kire manpen siurp) kerek kisawin kinik haak hirak ketpaan ken kentar haak miwaai si hiram sisi. Hirak ketpaan ken kenep Pol kau his mirak kemenkekik kau keit. ⁴ Mit ne wit in nir

† 27:31 Ap 27:22 †† 27:34 Mt 10:30 ‡ 27:35 Mt 15:36; 1Ti 4:4-5 †† 27:44 Ap 27:22-25 †† 28:2 2Ko 11:27

manpen siurp (o yenmik) kemenkekhis me Pol hir nati-pan nar ik: "Nipaa mitik ik kenep mitik kaa, te tipir kau ap kakwisik kaku au. Hirak kinin wan te in ek kaki."

⁵ ††Au, Pol kemiyepep his manpen (o yenmik) kenke kekere si hirak ap kinap au. ⁶ †††Mit netpepik nare te his mirak miniu o hirak kenkewin kaki. Hir netpepik netpepik, hir ap nir menmen mar ik nipaa au, hir neweikin han kir natip nar ik: "Au, mitik ik hirak kire God."

⁷ Ti menep wit kerek manpen kenep Pol hiram ti me mitik iuwe naanmipre wit wan kimaak keketik kau nimin ik e niuk mirak Pablias. Mitik ik kan ketaihis keriyei ken winak kirak, te hirak naanmirei werek werek ere wi wikak. ⁸ Haiu mepu en, Pablias haai kirak kinap yink sisi kesiuwe mune kiwaai yeno. Pol ken haau kirak kitehi God ek. Kitehi God ek, hirak kewis his meterik hirak kekepik kire yaaik. ⁹ Hirak kiriak menmen im, hir mit yapirwe ne wit wan kimaak keketik hir ninap, hir nan te Pol kiriaki yaain. ¹⁰ Pol kiriaki nire yaain, hir newetei menmen yaaim yapirwe. Maain haiu mau sip minaiwiri hir newis menmen yapirwe te haiu mamim me wi haiu mau sip mampino.

Haiu mepno ere mipiun Rom

¹¹ Wenke wikak epei au, haiu minaiwir wit Molta haiu mau sip me Aleksandria niuk miram "Tipir wik." Hir newis ninaan me tipir mit nenewem "Tipir wik" nentar ninaan me nikerek hirakit wik te tipir niuk mirak Sus tau sip paan kiram. Sip im nipaa hawi hitan, hiram mepu wit Molta. ¹² Haiu minaiwir Molta epei au, haiu merekir wan men ere mipiun wit Sairakyus. Haiu mipiun wit Sairakyus, haiu mepu en wi wikak. ¹³ Haiu minaiwir sairakyus mepno ere mipiun wit Risi-am. Wi ham miutip nime miniu mar ke wenituk te haiu men me wi wik haiu mipiun wit Pyutiolai. ¹⁴ Haiu mepu wit Pyutiolai, haiu mir mit han kerek nises him me Krai. Hir netaihis haiu mamu mamkiteri ere wi hispinak wik (7). Marim haiu mipiun Rom. ¹⁵ Mit kerek nises him me Krai neit wit iuwe Rom hir nemtau haiu mamnen, te hir nen ere mipiun wit ke maket ke Apias ketike wit niuk mirak "Winak Pasenda Wikak," hir newenaiyipir. Hir newenaiyipir epei au, Pol han yaaik kitehi God ketpiwek hirak yaaik.

¹⁶ †Me wi kerek haiu mipiun wit Rom, mit ne gavman newis Pol hirekes kau winak hak kiutip, mitik ke ami kiutip naanmiprewek.

Pol kewepyapir him me Krai keit wit Rom

¹⁷ ††Pol kau winak eik ere wi wikak, hirak kesiuwe mitik kitehi mit iuwe ne weiwik me Isrel nau en, hir eninen enrerik enimtau him me Pol. Hir nererik epei au, Pol ketpor kar ik: "Nai yinan, hi ap hiriak menmen enum me mit ne weiwik maiu o hi eweikin sip ewet menmen nipaa maamrer nai nisesim neweteiyem au, te mit ne Jerusalem hir netauh his weinim newisa hekre winak enuk neriuweta hen mit iuwe ne Rom. ¹⁸ †††Hir

††† 28:5 Mk 16:18 ††† 28:6 Ap 14:11 § 28:16 Ap 24:23 §† 28:17 Ap 25:8 §†† 28:18 Ap 26:31

mit ne gavman ne Rom nitauhi me menmen im hir nare nesiupena nentar hir nertei hi ap hiriak menmen enum te hi hahi. ¹⁹ †Au, mit iuwe ne Isrel ninapen hir nansiupena te hi hatip 'Mitik iuwe Sisa ekimtau him mai.' Hir neriuweta hi han te hi ap esiuwe him mei me menmen enum hir niriakem au. ²⁰ ††Hi hentar menmen im hi hitihi yi mit yi einen te hi hetpi menmen. Sen im mau his mai mentar hi hises him me hirak Mitik Iuwe kare mit ne Isrel yapirwe nemeriyiwek kaknen kakikaap haiu mit."

²¹ Pol katip epei au, hir netpiwek nar ik: "Haiu ap meit tiwei meke wit Judia mit nesiuerem me ti au. Naiu yinanan han ap neke Judia nan in netpai me menmen im, te hir natip ti hiriak enum au. ²² †Haiu hanhan mamimtau menmen ti han kitetim mentar haiu mertei mit nerer wit wit natip enum me mit nises him im ti hisesim."

²³ Hir natip epei au, hir nimat wi naninen nanimtau him me Pol. Wi hir nimat nanimtau menmen, mit yapirwe nan winak ke Pol kepwik. Wepni ere witaan Pol ketpor him kewepyapir him me God kakinin naanmampre mit. Hirak kare kakri han kir keteiknor Jisas hirak Mitik Krai kerek God keriuwetek kan kikaap haiu mit hirak ketpor him nipaa Moses ketike mit profet hir newisim mau tiwei. ²⁴ Mit han nises him mirak, mit han au hir ninaain. ²⁵ Hir ninaaiwir winak ke Pol hir natip naminanem neriuwe him me Pol. Hir natip naminanem nentar him Pol ketporem mikaru. Hirak katip kar ik: "God Himin Yaaik katip werek wi nipaa hirak

† 28:19 Ap 25:11 †† 28:20 Ap 24:15 ‡ 28:22 Ap 24:14

katip profet Aisaia him mirak hirak katip maamrer ni em. Nipaa hirak katip:

²⁶ ††Ti eno etip mit in ne weiwik me Isrel menmen im: Maain yi yayimtwewem yayimtwewem te yi ap yayirteiyem au. Yi eiyirem eiyirem te yi ap eiyirem werek au.

²⁷ Han ke mit in epei ken sip, hir nemesis nikip ap nemtau him hir ap nir menmen werek werek au, hir ninaipipi. Hir niriak menmen im au, te hir enir menmen neriuwe nanamir, hir enimtwewem enriuwe nikip mir, hir han kir enirtei menmen werek werek te hir enweikin sip enisisa te hi God hi ekepi."

²⁸ ††Pol katip him ham mar ik: "Hi hetpi te yi yertei werek. Him yaaime me God kakikaap haiu mit hiram epei man mit ap ne weiwik me Isrel. Hir keriyen nanimtwewem nanisesim." [²⁹ Pol katip menmen im epei au, hir mit ne weiwik me Isrel ninaaiwir winak kirak hir natipan nenehan wisenum me menmen hirak ketpim.]

³⁰ †††Pol kewir pewek katin winak ik hirak kewik ere tito wik, hirak keithis mit kerek nan nirek, ³¹ †††hirak ketpor him kewepyapir menmen me God kakinin mit kewepyapir me Mitik Iuwe Jisas Krai. Hirak ap kinaain au, hirak katip mit yapirwe, mit ap netpiwek nar ik: "Ti ap atip im au emit."

Mepir keremem

†† 28:26 Ais 6:9-10; Mt 13:14-15 †† 28:28 Sam 67:2; Lu 3:6; Ap 13:46, 18:6 ††† 28:30 Ap 28:16 ††† 28:31 Ap 28:23

ROM

Menmen me tiwei ik

Mit yapirwe hir enun nerp ninaan me God

r 1:1-17

r*

Menmen God kiriakem mamkepai te kaktaihis

r 1:18-3:20

r*

Haiu meit himin yaaik ke Krai

r 5:1-8:39

r*

Menmen God kiriak mit ne Isrel em

r 9:1-11:36

r*

Menmen mit ne weiwik me God hir nanisesim

r 12:1-15:13

r*

Pol katip menmen maain hirak kakriakem

r 15:14-33

r*

Pol katip mit ne Rom him gude mikaru

r 16:1-27

r*

Him me menmen God kehimitan Aposel Pol hirak kiriakem

1 †Hi Pol hi hewis tiwei ik ken yi mit ne wit Rom. Hi hire wok mitik ke Jisas Krai. Nipaa hirak kehimitana hi hire mitik aposel kirak hirak keriuweta hi hises menmen im keremem. Hi atip mit miyapir him yaaim me God man haiu mit.

² †Nipaa enum eik God katip hirak kaksuwe menmen mirak yaaim im mamnen. Hirak kewepyapirem katip mit profet em te hir newisim mau tiwei. ³ †Him yaaim im hiram matip me God Nikan kirak Jisas Krai Mitik kaiu Iuwe. Haiu mertei hirak kire mitik kentar miye pirak hire winaak hirak nepenyek ke mitik iuwe ke weiwik me Juda niuk mirak Devit. ⁴ †God keteiknai Jisas hirak ap kire mitik kerekek au. Himin kirak yaaik kire God. Hirak keteiknai Jisas hirak Nikan kirak keriuwe menmen iuwe hirak kerekyiwekem mar im. Hirak kikiak Jisas kekere nimin ke mit nipaa naa hirak pike kekrit kepu. ⁵ †God han tewenina kehimitena hi hire

† 1:1 Ap 9:15, 13:2; Ga 1:15 †† 1:2 Ro 15:25-26; Ta 1:2 † 1:3 Mt 22:42; Ro 9:5; 2Ti 2:8 †† 1:4 Ap 13:33

mitik aposel kirak hentar menmen Jisas Krai kiriakem. Te hirak keriuweta hi eno erer wit wit akaap Krai etip mit him mirak hir enim tewem te hir enisesim. ⁶ God kehimiteni yi mit miyapir ne wit Rom yetike mit miyapir ne wit ham yi yapirwe yi ne Jisas Krai.

⁷ ††Te hi hewis tiwei ik ken yi mit miyapir yeit wit Rom, kerek God hanhan keriuwi kehimiteni yi mit miyapir nirak. Hi hanhan God Haai kaiu ketike Mitik Iuwe Jisas Krai hirakit tatreyki menmen yaaim te yi eiyu werek.

Pol hanhan kakno kakir mit miyapir ne Rom

⁸ ††Hi ehinin etpi menmen im. Hi atip God eriuwe niuk me Jisas Krai hirak yaaik kentar mit miyapir nerer wit wit hir nemtau yi yises him me Krai. ⁹ ††God kerek hi hirak menmen mirak heriuwe han kai iuwe te hi hatip mit him yaaim me Nikan kirak, hirak hirekes kertei hekrit hekrit hi hitiwekhi me yi mit en. Hi hitehi God te hirak in ek kakikepa kakwisa hi anen ari yi mit.

†† 1:5 Ap 26:16-18; Ro 15:18; Ga 2:7-9 ††† 1:7 1Ko 1:2; 2Ko 1:1; Nam 6:25-26; Ef 1:2 †††† 1:8 1Te 1:8 § 1:9-10 Ef 1:16; Fl 1:18; 1Te 2:5, 10 §† 1:9-10 Ap 19:21; Ro 15:23, 32

¹¹ Hi hanhan anen ari yi mit hi eweti menmen yaaim God Himin Yaaik kewetaiyem te hiram mamkepi yi mit miyapir han tokik eiyu eiyit. ¹² Menmen hi hetpiyem hiram mar im. Hi akepi ariuwe menmen hi arekyiyem, yi eikepa eiriuwe menmen yi eirekyiyem te haiu emkaapan emriuwere.

¹³ †Nai yinan hi hanhan yi eiyirtei me wi yapirwe hi han kitet anen ari. Au, nipaa ere in menmen mewena te hi ap anen ari yi mit au. Hi han kitet hi hari mit miyapir han ne yi mit en yi eiyises him me God. Hi atip mit miyapir him yaaim me Krai te mit han nanisesim hiram mar ke mitik hirak kamir ni, maain menmen mamwo yapirwe. Mar im hi hanhan yi eiyisesim eiyir ke mit han hir ap ne weiwik me Isrel hir nisesim.

¹⁴ God hirak kehimitena hi atip mit miyapir him mirak. Hi eno mit hir nau werek nanir ke Grik. Hi eno mit han au nau wit enuk yaank. Hi eno mit hir nen skul nertei menmen iuwe, netike mit han au hir nau weinim nentaritari menmen im. ¹⁵ Mar keremem te hi hanhan anen yi mit miyapir ne Rom etpi him yaaim me Krai.

Him yaaim me Krai hiram Iuwe

¹⁶ ††Hi ap yink enuk heriuwe him yaaim me Krai au. Hiram menmen iuwe me God mamkaap mit miyapir kerek nemtau him mirak nisesim, hiram mamkepi God kaktorhis. Hiram minin men mit ne Isrel, maain hiram men mit hir ap ne weiwik mir au. ¹⁷ †Him yaaim me Krai meteiknai menmen yaaim God kerekyeiyem kekepai haiu mamre yaain te haiu mamtikerek mamu han kiutip. Hiram menmen im. Mit nemtau him mirak, hir nanisesim te hiram mamkrit menmen me God mamkepi, hiram mamno ere mamisi. Him me God mit newisim mau tiwei matip mar im: "Mit kerek God katip hir yaain nentar hir nemtau him nisesim, hir nantikerek nanu nanit."

Him me mit hir neweikin sip newet God.

¹⁸ ††God kerek kau wit kirak hirak keteiknai hirak han enuk keriuwe mit miyapir yapirwe kerek neweikin sip newet menmen mirak, hir niriak enum, hir nepakin him yaaim neriuwe menmen enum hir niriakem.

¹⁹ ††God epei kakiwaank mit kakintar menmen mit nanirteiyem me God hirak nipaa ein keteiknorem. ²⁰ †††Nipaa wi kerek God kewis nepni metike ti mit miyapir hir nir menmen hirak kiriakem. Mar keremem te hir nirem hir nertei menmen me God. Hir ap te nanir God kaku nanamir kir au. Hir nertei God hirak kire mekak, hir nertei hirak wisenuk manpenuk kaku kakit tipmain tipmain enum eik, te hir ap nantip God hir nepitariyek te hir ap newenipi niuk mirak au.

²¹ †††Hir ap te nantip God hir nepitariyek nanintar nipaa hir nertei God hirak keimin te hir ninapen newenipi niuk mirak, hir ap netpiwek hirak yaaik au. Hir han kitet menmen enum te han kir enuk ketari

† 1:13 Ap 19:21; Jo 15:16 †† 1:16 Sam 119:46; Mk 8:38; 1Ko 1:18, 24; Ap 13:46 † 1:17 Ro 3:21-22; Hab 2:4 †† 1:18 Ef 5:6; Kl 3:6; 2Te 2:12 †† 1:19 Ap 14:15-17, 17:24-28 ††† 1:20 Jop 12:7-9; Sam 19:1; Hi 11:3 ††† 1:21 Ef 4:17-18

menmen yaaim mire mit ne witaan nen yaank ap nemi-siu si au hir ninatin yayiwe. ²² †Hir han kitet hir nertei menmen yapirwe te hir nar ke mit enun han ken sip. ²³ ††Hir nar ke mit enun han ken sip nentar hir epei neweikin sip newet God kerek kaku kakit tipmain tipmain enum eik, hir ap newenipi niuk mirak au. Hir neweikin newenipi niuk me tipir kerek mit natin ninaan mau teinik. Hir nime nu mire mit kerek nani ek, o hore, samiyak o kirin, manpen, pewen, menmen ham.

Menmen enum mit hir niriakem

²⁴ †††Hir niriak menmen enum mar im, te God kinai-wiri te hir nau enum niriak menmen enum mar im: Hir niriakan menmen enum neriuwe yink kir, hir nises menmen han kir hanhanem. ²⁵ ††Hir neweikin sip newet him yaaim me God, hir nises him enum memitetpin. Hir newenipi niuk me menmen God kiriakem. Hir ap newenipi niuk me God kerek kiriak menmen yapirwe. Hirak kerek hirak yaaik, haiu mamwenipi niuk mirak tipmain tipmain enum eik.

²⁶ Hir neweikin sip newet God te hirak kinaiwiri hir nises menmen enum hir hanhanem. Miyapir hir ap niwaai netike mit nir au. Hir niyawan niwaai netike miyapir han. ²⁷ †††Mit hir niriak menmen nar ke miyapir niriakem. Hir ap netike miyapir nir niyawan niwaai au. Hir han kir kekrit kire si, hir hanhan netike mit han hir niyawan niwaai. Hir niyawan niwaai niriakan enum te God kerekyor enum me menmen enum hir niriakem.

²⁸ Mit miyapir hir ninapen han kakitet God ketike menmen mirak te hirak kinaiwiri te han kir kises menmen enum te hir niriak menmen yaaim au. ²⁹ Te hir niriak menmen enum heriyai heriyai. Hir hemkre menepam me menmen, hir han kitet menmen enum me mit han, hir yink enuk neriuwe mit han ninini, hir mit han nenep mit han hir naa, hir nari han ke mit hir nenke hasini, hir nemitetpinan me menmen, hir han kitet menmen enum me mit han, hir natipan nisesan me menmen. ³⁰ Hir newisesik newenin him me mit han hir ninapen God, hir nene mit miyapir han newir paan newepik, hir nar ke mit enun paan tokik natip hir nire mit iuwe ninin mit han. Hir han kitet nanriak menmen enum nipaa mit ap niriakem au. Hir ap nises him me miye haai nir au. ³¹ Hir nire mit enun han ken sip ap han kitet menmen enum maain mamnen, hir mit ap nises him mir hir netpim, hir ap hanhan neriuwe mit miyapir han o han tewenini au. ³² Hir nertei God epei katip mit miyapir kerek niriak menmen enum mar im maain hir nani, te hir wen niriakem. Hir wen niriakem keremem au. Hir nari han ke mit miyapir han te hir niriakem mar ke hir niriakem, hir netpi hir yaain.

God skelim mit werek werek kakises menmen yaaim

2 ††Yi mit keriyen ne Isrel kerek yi yesiuwe him yene mit kerek ap ne Isrel yentar menmen enum hir niriakem. Yi ap eitip God yi yaain me menmen yi

§ 1:22 Jer 10:14; 1Ko 1:20 †† 1:23 Diu 4:15-19; Sam 106:20 ††† 1:24 Ap 14:16 †† 1:25 Jer 13:25, 16:19; Ro 9:5 ††† 1:27 Lev 18:22, 20:13; 1Ko 6:9 †† 2:1 Mt 7:1-2; Jo 8:7

yiriakem au. Yi yene mit yentar menmen enum hir niriakem. ² Haiu mit ne Isrel haiu mertei God ap han ekitet mit miyapir hir neimin au. Hirak han ekitet skelim mit miyapir hir neimin nipiran me menmen enum hir niriakem keremem. ³ Yi yesiuwe him yene mit yentar menmen enum hir niriakem, te yi yises menmen enum mar ke hir niriakem, maain God skelim mit en me menmen mir enum. Te yi han kitet hirak kakitpi yi yaain a? Taauye! God skelim yi mit eitikeri! ⁴ Yi yinan yipir yewirek yentar God hirak hanhan keriuwi ap kakiwep waswas au a? Yi yepitari God hirak ap kakiwep waswas te yi eiweikin sip eiwet menmen enum a? ⁵ Yi yewenin han ki ap yeweikin sip yewet menmen enum au. Te maain wi kerek God skelim haiu mit me menmen, hirak kakises menmen mirak yaaim, hirak kakrekyi enum yapirwe. Menmen enum yi yiriakem maain hiram mamir ke mitik kewepep haak kemi ere mau niu, hiram mamirke mamkip mamiwaankek. ⁶ God tewen kakriak mit menmen yaaim o menmen enum kakintar menmen nipaa hir niriakem. ⁷ Mit miyapir kerek hekrit hekrit niriak menmen yaaim, hir hanhan God hirak kakwetir himin yaaik kaktip hir mit miyapir yaain niuk mir iuwe kakikepi hir nantikerek nanu nanit tipmain tipmain enum eik. Te maain God kakwetir menmen im kakikepi hir nantikerek nanu nanit. ⁸ Te mit miyapir han au. Hir neweikin sip newet menmen yaaim hir nises han kir enuk niriak menmen enum, maain God han enuk kakriuweri hirak kaknip kakiwaanki. ⁹ Mit miyapir kerek hir niriak menmen enum maain God kakiwaanki hir yink kir kaknen han kir enuk. God kakinin kakiwaank mit miyapir han ne weiwik me Isrel kerek niriak enum. Maain hirak kakiwaank mit miyapir han ne weiwik ham nerer wit wit kerek niriak enum. ¹⁰ Te mit miyapir kerek hir niriak menmen yaaim, maain God kakwetir menmen mirak yaaim, hir nanre mit miyapir iuwe, hir nanu werek. God kakinin kakriak mit miyapir han ne weiwik me Isrel em, maain hirak kakriak yi mit miyapir ne weiwik ham em. ¹¹ God ap han kitet mit hir niuk mir iuwe o hir au enun weinin au. Hirak han kiteti hir nipiran.

¹² Mit miyapir ap ne weiwik me Isrel hir nepitari him me God nipaa Moses kewisim mau tiwei. Hir niriak enum te God hirak kakiwaanki kakinterim weinin. Mit miyapir ne weiwik me God au. Hir nertei him me God nipaa Moses kewisim te hir niriak enum, maain God kakit him im hirak kakno mit ne Isrel skelim mit miyapir kakriuwerem kakiwaanki. ¹³ Mit miyapir kerek nemtau him me God keremem, hirak ap te kaktip hir yaain au. Mit miyapir kerek nemtewem hir nisesim, hir keriyen God kaktip hir yaain. ¹⁴ Mit miyapir ap ne weiwik me Isrel ap nertei him me God Moses kewisim. Wi kerek hir nises han kir niriak menmen yaaim mar ke him me God nipaa Moses kewisim mau tiwei hiram metpim, te menmen im meteiknai hir

nertei menmen yaaim metike menmen enum. ¹⁵ Menmen hir niriakem hiram meteiknai him nipaa God ketpim hiram mau mekre han kir. Wi ham han kir enuk keriuwe menmen enum hir niriakem. Wi ham han kir au yaaik keriuwe menmen yaaim hir niriakem.

¹⁶ Maain wi mamnen te God kaktip Jisas Krais hirak kakwepyapir menmen mau mekre han ke haiu mit yapirwe, hirak kakrekyei yaaim o enum kakinterim. Menmen im mamnen mamir ke hi hetpiyem heriuwe him yaaim me God.

Yi mit miyapir ne Isrel han ekitet him me God Moses kewisim mau tiwei hiram mamkepi te yi eiye werek.

¹⁷ Mit miyapir yi yatip yar ik: "Haiu mit miyapir ne weiwik me Isrel." Yi han kitet yi yetike God yi yekiyan yau yentar hirak keweti him mirak a? Yi yatip yewenipi niuk mi yar ik: "Haiu mit miyapir ne God." ¹⁸ Yi yertei menmen hirak hanhan yi eiysesim. Yi yertei hanhan menmen yaaim te yi yisesim. Menmen enum au. Yi hanhan eiyses menmen yaaim eiyyantar nipaa yi wen nikerek kike ere in haairer hir nepei netpi him me God. ¹⁹ Yi han kitet yi yertei him me God werek te yi eit-eikin mit nepitari menmen mirak te hir nanisesik werek werek a? Yi yire si merhihe yi eiteikin mit kerek ap nertei God hir nire mit ne witaan nanino, yi eit-eiknor yayiwe yaaik te hir enisesik a? ²⁰ Yi han kitet yi werek te yi eiteikin mit kerek hir han kitet menmen enum, yi eiteiknor menmen me God a? O yi eiteikin mit kerek nepitari menmen me God hir nire nikerek, yi eiteiknor werek menmen me God yentar yi han kitet him me Moses meteikni menmen yapirwe God kerteiyem a? ²¹ Yi yeteikin mit han menmen me God, yi yenmak te yi ap yeteikin hiras menmen a? Yi yatip mit an yar ik: "Yi ap eikintip menmen me mitik hak." Te yi eikintip menmen me mit han o au a? ²² Yi yatip, "Yi mit ap eiri miyapir ne mit han eitikeri eiriyanhis eiweninem au emit." Te yi hiras yi yiriakem o au a? Yi yinapen mit kerek newenipi niuk me tipir, te yi ap eikintip menmen hir newisim mau kinaan newepwar tipir em. ²³ Mit han ninan yipir newirek nene God nentar menmen yi mit yiriakem. Yi yewenipi niuk mi yatip God keweti him mirak, te yi ap yisesim au. Yi yeweikin sip yewetewem. ²⁴ Menmen hi hetpiyem hiram yaaim mentar him mau tiwei nipaa Aisaia kewisim hiram matip mar im: "Mit ap ne weiwik me Isrel natip enum me niuk me God nentar yi mit ne Isrel."

Yi yerekir yink te yi han kitet hirak kakikepi yi ne God Au, menmen mekre han mamkepi keriyen

²⁵ Yi yises him me Moses, mit nerekir yink ki, hirak yaaik kakikepi. Te yi eiweikin sip eiwet him mirak, hiram mar ke nipaa mit ap nerekir yink ki. ²⁶ Mit kerek ap nerekir yink kir hir nises him me God werek werek, God han kitet hir yaain nar ke mit hir nepei nerekir yink kir. ²⁷ Te maain him me God kerek mit ap

† 2:4 Ef 1:7, 2:7; 2Pi 3:15 †† 2:6 Mt 16:27; Jo 5:29; 2Ko 5:10
‡ 2:8 2Te 1:8 †† 2:9 Ro 1:16 †† 2:11 Diu 10:17; 2Kro 19:7; Ap 10:34; Ef 6:9; 1Pi 1:17 ††† 2:13 Mt 7:21; 1Jo 3:7 ††† 2:14 Ap 10:35

§ 2:16 2Ti 2:8 † 2:17 Je 2:19 ††† 2:19 Mt 15:14; Lu 18:9
§† 2:20 2Ti 3:5, 15 §†† 2:21 Sam 50:16-21; Mt 23:3-4 §† 2:24 Ais 52:5; Esi 36:20 §† 2:25 Jer 4:4, 9:25 §†† 2:26 Ga 5:6

nerekir yink kir hir nisesim, hiram mamteikin yi mit yi enun. Hiram mamteikin yi mit enun yentar yi yerekir yink ki, yi yetenen him me God Moses kewisim mau tiwei, te yi ap yisesim au. Hir netenen him me God Moses kewisim au, te hir nises menmen yaaim. ²⁸†Yi ap mit ne Isrel keriyen yentar miyerer ni nini yi ne weiwik me Isrel o yentar yi yerekir yink ki au. ²⁹††Mit miyapir hir ne weiwik me Isrel nentar hir nises God nekre han kir. Menmen im hiram mar ke God Himin Yaaik hirak kehimitenor han kir hirak ke God. Menmen im ap mises menmen Moses nipaa kewisim mau tiwei. Mit han ap nanwenipi niuk me mit nar ik, te God hanhan kakriuwere iuwe.

Menmen enum ap te maminin menmen yaaim

3 Yi han kitet mekam? Mit ne weiwik me Isrel hir ninin mit han ne weiwik ham o au? Menmen hir nisesim nerekir yink kir hiram yaaim mamkepi o au? ²†Hiram yaaim mamkepi yapirwe mar im. God kinin kewet mit ne Isrel him mirak te hir nanirtei menmen hirak hanhan hir nanisesim. ³††Mit han ne weiwik me Isrel hir ap nises him mirak, te yi ap han ekitet God ap kakises him mirak kakintar mit han neweikin sip newetiwek, au emit. ⁴†††Mit miyapir yapirwe nanweikin sip nanwet him yaaim, God kerekek au. Hekrit hekrit hirak kakises him yaaim hirak ketpim. Him me God mau tiwei Sam matip mar im:
 “Hekrit hekrit ti ehinin mit kerek hir neswut him. Hir nanirtei ti atip him yaaim keremem.”
⁵ Mit han nantip, “Menmen enum haiu mit miriakem hiram yaaim. Hiram yaaim mamkaap God kakteikin menmen hirak kiriakem hiram yaaim keremem.” Hiram yaaim te haiu matip God enuk kakintar hirak kakwep haiu mit mamintar menmen enum haiu miriakem a? (Hi hises menmen me mit ne ti hir han kitetim) ⁶ Au, hiram him enum. God ap yaaik te hirak ap te kakriak menmen yaaim o enum me haiu mit miyapir mau ti ik au emit! ⁷ Menmen enum hi hiriakem mamteikin mit God katip him yaaim keremem, hirak kakit niuk iuwe menterim, te kenmak hirak kaktip hi mitik enuk kerekek, hirak kakrekoye enum a? ⁸†††Haiu ap te mamtip haiu mamriak menmen enum te hiram mamwepyapir menmen yaaim au emit! Mit han hir nesuwai him natip, “Yi mit Kristen kerek yises him me God yi yatip enum yar ek.” Hiram yaaim te maain mit hir natip enum mar im me haiu mit, God kaknip.

God hirak katip haiu mit yapirwe enun

⁹††Te haiu han ekitet mekam? Haiu mit ne Isrel haiu minin mit han ne weiwik ham a? Au, hi nepei hetpi haiu mit miyapir yapirwe ne weiwik ne Isrel o mit miyapir han ne weiwik ham, menmen mekre han kaiu merekyei haiu yapirwe mamriak menmen enum.

¹⁰†Him im hiram yaaim mentar mit newis him me God mau tiwei Sam matip mar im:

“Mitik kei kiutip kekere nimirin ne haiu mit yapirwe ap te God kaktip hirak yaaik au. Haiu yapirwe mit enun.

¹¹ Mitik kei kiutip kekere nimirin ne mit yapirwe hirak kertei menmen hiram yaaim au. Mitik kei kiutip kekere nimirin ke mit yapirwe ap te hanhan God kau kekere han kirak au.

¹² Hir mit yapirwe nepei neweikin sip newet God, hir mit enun. Ap kei kiutip kiriak menmen yaaim au.

¹³†Menmen hir netpim meke him kir hiram enum mar ke herwe hei mit nekeisiuwek. Hir nemitetpin neriuwerek. Menmen enum hir netpim hiram mewaank mit mar ke nap mekre yehes me manpen siurp kenep mit hir nani.

¹⁴†††Menmen hir netpim meke him kir man hiram enum mar ke saukei wapik mau him ke mitik.

¹⁵††Hir waswas nenep mit hir nani.

¹⁶ Wit kerek hir nen newi, hir newaank menmen metike mit te hir han enuk.

¹⁷ Hir ap nikaap mit miyapir nekiyan nau neit au.

¹⁸†††Hir ap han kitet newenipi niuk me God hirak iuwe au.”

¹⁹ Haiu mertei him me God yapirwe mit newisim mau tiwei, hiram me mit ne weiwik me Isrel, te mit ne Isrel netike mit nerer wit wit ap te nantip God hir yaain au. God han ekitet menmen hir niriakem hirak skelim hir mit miyapir keriuwerem keremem. ²⁰†God ap kaktip mitik kiutip kekere nimirin ke haiu mit yapirwe hirak yaaik kentar hirak kises him nipaa Moses kewisim mau tiwei au. Him im hiram meteiknai haiu mit enun haiu miriak menmen enum keremem.

Mit kerek nises him me Krai, God kaktip hir mit yaain

²¹††In ek God nepei kewepyapir menmen hirak kiriakem te hirak katip mit kerek nisesik, hir nire yaain. Menmen im hiram ap menmen me him me Moses au, te nipaa enum eik him Moses ketike mit profet hir newisim mau tiwei hiram matip menmen im me God mamnen. ²²†††Menmen me God mamnen hiram im: God kaktip mit miyapir hir yaain nanintar hir nises him me Jisas Krai. God kaktip mit miyapir yapirwe kerek hir nises him me Jisas Krai hir yaain. Hirak ap han kitet hir mit miyapir ne weiwik me Isrel o ne weiwik ham au. Hiram menmen weinim. ²³†††Hiram menmen weinim mentar mit miyapir yapirwe nerer wit wit hir epei niriak enum, te God ap kakwenipiri kakitpi hir yaain au. ²⁴††††Te God kewetai haiu mit menmen mirak yaaim weinim mar im: God kerekoye haiu mit menmen yaaim hirak katip haiu yaain mentar menmen Krai Jisas kerekoyeyem me wi hirak kaa te kakikepei kaktaihis. ²⁵†††††God kehimitan Krai keriuwetek hirak kan kaa kire sipsip mit nakip nesiyek newet God ek. Hirak kaa

† 2:28 Jo 7:24, 8:39 †† 2:29 Diu 30:6; Kl 2:11; 1Ko 4:5; 2Ko 10:18 † 3:2 Sam 147:19-20; Ro 9:4 †† 3:3 Ro 9:6, 11:29; 2Ti 2:13 †† 3:4 Sam 51:4 ††† 3:8 Ro 6:1, 15 ††† 3:9 Ro 1:18-2:24, 3:23

§ 3:10 Sam 14:1-3, 53:1-3; Ekl 7:20 †† 3:13 Sam 5:9, 140:3 ††† 3:14 Sam 10:7 ††† 3:15 Pro 1:16; Ais 59:7-8 †††† 3:18 Sam 36:1 †† 3:20 Sam 143:2; Ga 2:16; Ro 7:7 ††† 3:21 Ap 10:43 †††† 3:22 Ro 1:17; Ga 2:16 †††† 3:23 Ro 3:9, 5:12 †††† 3:24 Ef 2:8; Ro 5:18 3:25 Ef 1:7

hemkre mirak mewen, te hiram mamisak menmen enum maiu me wi haiu mamises him mirak. God kiriak menmen im kakteiknai haiu mit hirak yaaik. Nipaa mit hir niriak enum, te God hanhan keriuweri, hirak ap kanip au, kentar hirak kaksuwe Jisas kaki kakisak menmen enum mir. ²⁶ In ek hirak keriuwet Jisas hirak kan kaa keteiknai hirak yaaik, hirak kesak menmen enum em haiu mit kerek mises him me Jisas, hirak katip haiu yaain.

²⁷ †Te haiu mamwenipi niuk maiu hiras a? Taauye! Haiu ap mamwenipi niuk mai mamintar haiu miriak menmen yaaim him me Moses mau tiwei matip haiu emisesim au. Haiu yaain mentar haiu mises him me Jisas Krais. Hirak kesak menmen enum maiu te haiu ap mamwenipi niuk mai au emit. ²⁸ ††Te haiu mertei menmen im. God katip mit hir yaain nentar hir niriak menmen him kerek Moses kewisim mau tiwei matip hir enisesim au. God katip hir yaain nentar hir nemtau him mirak hir nisesim.

²⁹ † ††Yi han kitet God hirak ke haiu mit ne Isrel keriyen te mit ne weiwik ham au a? Taauye! Hirak God ke haiu mit yapirwe kentar hirak kaktip mit kerek nerekir yink o mit ap nerekir yink kir, hir nire yaain nentar hir nemtau him mirak hir nisesim. ³¹ ††Haiu miriak menmen me him kerek Moses kewisim mau tiwei hiram weinim meriwe menmen in ek haiu mis-esim me Krais a? Taauye! Haiu meteikin mit him me Moses hiram yaaim mekepai haiu emises him me God.

God katip Ebrahim hirak yaaik

4 Ebrahim hirak mitik kar ke haiu mit. Hirak maam nipu ke haiu mit ne weiwik me Isrel. Te haiu mamtip hirak keit mekam keriuwe menmen hirak kiriakem? ² ††God hirak katip Ebrahim hirak yaaik kentar hirak kiriak menmen yaaim, te Ebrahim kakwenipi hirekes keriuwe niuk mirak. Te God kir Ebrahim hirak ap kewenipi hirekes keriuwe niuk mirak kentar him me God mau tiwei matip, "Ebrahim han kitet God kakises him nipaa hirak ketpiwekem te God katip hirak yaaik. God ap katip Ebrahim hirak yaaik kentar menmen hirak kiriakem au!" ⁴ ††Mitik kiriak menmen me mitik hak, maain hirak kakit pewek mamrerim. Mitik ap kakwetiwekem weinim au. Hirak kiriak menmen hirak kaktiwem. ⁵ Mit kerek nemtau him me God kerek kesak menmen enum me haiu mit, hir nisesim weinim te God kaktip mit nar ik hir yaain. Mit kerek hir han kitet menmen hir niriakem te hir nanriak God kaktip hir yaain, mit nar ik God kaktip hir au enun. ⁶ Nipaa Devit kewis him mau tiwei hiram matip me mit in ek hir han yaaik nentar God katip hir yaain. Hirak katip hir yaain nentar hir niriak menmen te hir nanriak God kaktip hir yaain au. Hir han kitet hirak kakises menmen hirak ketporem keremem. ⁷ †Him Devit kewisim mau tiwei Sam matip mar im:

"Mit kerek God epei kesak menmen enum mir nipaa hir niriakem, hir han yaaik nanu.

⁸ Mit kerek Mitik Iuwe God ap han kitet menmen enum hir niriakem, hirak kakneri kakiwaanki kakinter-im au, hir han yaaik nanu."

⁹ †Menmen yaaim im miriak mit hir han yaaik, hiram menmen me haiu mit ne Isrel keriyen o hiram me mit yapirwe a? Haiu nepei matip Ebrahim han kitet God kakises him hirak nipaa ketpiwekem, te God katip Ebrahim hirak mitik yaaik. ¹⁰ Kewaa meruri God katip Ebrahim hirak yaaik? Hirak kerekir yink kirak o wen au a? Wen au ye! ¹¹ ††Maain hirak kerekir yink kirak hirak keteikin mit God nepei katip hirak yaaik kentar hirak kises him mirak. Te in ek hirak maam nipu ke mit yapirwe kerek ap nerekir yink kir te God kaktip hir yaain nentar hir nises him mirak. ¹² ††Hirak maam nipu ke mit in netike haiu mit han kerek merekir yink kaiu. Hirak maam nipu kaiu kentar haiu merekir yink kaiu au. Hirak maam nipu ke haiu mit yapirwe kentar haiu mises him me God mar ke nipaa hirak kisesim. Hirak kerekir yink kirak wen au, hirak han kitet God kakises him nipaa hirak ketpiwekem te God katip hirak yaaik.

Mit kerek nises him me God nanit menmen nipaa hirak ketpim

¹³ ††Nipaa God katip Ebrahim hirak kakrekyiwek menmen kaktike haiu nepenyerer narak, maain haiu naanmamre mit miyapir nanrer wit wit nanu ti. Hirak ap katip Ebrahim menmen kentar Ebrahim hirak kiriak menmen yaaim kari han ke God keriuwerem au. Hirak ketpiwekem kentar hirak kemtau him me God hirak kisesim. ¹⁴ †Mit kerek niriak menmen nanriak God kaktip hir yaain, te hir nanit menmen nipaa God ketpim. Te haiu mit kerek mises him mirak weinim haiu mises menmen enum weinim ap te mamit menmen mirak au. Him im hiram yaaim te him me God haiu misesim hiram weinim, te menmen nipaa God katip kakwet Ebrahim em hiram menmen enum weinim. Him im au memitetpin! ¹⁵ ††Haiu mertei him me Moses kakriak God hirak kakiwaank mit miyapir kerek neremir him mirak hirak kewisim mau tiwei mentar hir nertei menmen hirak hanhan hir nanisesim. Him me Moses hiram nepei au mesi te haiu ap mamtip mit neremir him mirak mau tiwei au. Him ap mepu te hir neremir au.

¹⁶ ††Menmen God ketpim hirak kakwet haiu mit em haiu yapirwe mamtiwem mamintar haiu han kitet hirak kakises menmen nipaa hirak ketpim. God kakwetiwekem weinim te hirak kakrekyei menmen yaaim. Hirak kakwetai haiu nepenyerer yapirwe ne Ebrahim kakwetaiyem. Hirak kakwet mit miyapir kerek nises him me Moses kakwetirem keremem au. Hirak kakwetai haiu mit miyapir yapirwe rem kerek mises him me God mar ke nipaa maam nipu kaiu Ebrahim hirak kisesim. Maain God kakwetai menmen nipaa hirak ket-

† 3:27 1Ko 1:31 †† 3:28 Ga 2:16 † 3:29-30 Ro 10:12 †† 3:29-30 Diu 6:4; Ga 3:20; Ro 4:11-12 †† 3:31 Mt 5:17; Ro 8:4 ††† 4:2-3 Jen 15:6; Ga 3:6; Je 2:23 ††† 4:4 Ro 11:6 § 4:7 Sam 32:1-2

§† 4:9 Jen 15:6; Je 2:23 §†† 4:11 Jen 17:10-11 §† 4:12 Mt 3:9 §†† 4:13 Jen 17:4-6, 22:17-18; Ga 3:29 §† 4:14 Ga 3:18 §† 4:15 Ro 3:20, 5:13, 7:8 §†† 4:16 Ga 3:7

pim. ¹⁷†Ebrahim hirak maam ke haiu mit yapirwe kentar him me God mau tiwei matip mar im: "Hi God hi herekyit ti maam ke mit miyapir maain hir nanu nanrer wit wit." God han kitet Ebrahim hirak kire maam ke haiu mit miyapir yapirwe kerek mises him me God. Hirak kises him me God kerek hirak kikian mit kerek epei naa, hir nekrit nau, hirak katip him weinim me menmen nipaa mepu au, hiram minin mekrit mau.

¹⁸††Ebrahim han kitet God kakriak menmen nipaa hirak ketpim te hirak ap kertei karkeik te hirak kakriakem au. Hirak han kitet kar ik, te God kewisik hirak maam nipu ke mit miyapir yapirwe nau nerer wit wit. God katip Ebrahim him mar ik: "Ebrahim nepeny-erer nit maain hir nantin nanre yapirwe." ¹⁹‡Me wi im Ebrahim hirak menep 100 tito, te hirak han kitet yink kirak hirak kar ke mitik epei kaa au. Mite pirak hire we mite ap te wawine nikerek au, te menmen im ap mari han kirak te hirak katip God hirak ap te kakriak menmen nipaa hirak ketpim au. ²⁰Hirak ap han kitet God ap kakriak menmen nipaa hirak ketpim au. Hirak kises him me God kekere han kirak iuwe, hirak kewenipi niuk me God te maain hirak kakikepek hirak kakine nikan. ²¹Ebrahim hirak han kitet God hirak manp enuk kakises him me nikan nipaa hirak ketpim. ²²††Ebrahim han kitet menmen mar im te God katip hirak mitik yaaik.

²³Him me God kerek matip mar ik: "God katip hirak mitik yaaik," hiram ap matip me Ebrahim kiutip kerekek au. ²⁴††Hiram matip me Ebrahim ketike haiu mit miyapir kerek maain God hirak kaktip haiu yaain mentar haiu mises God kerek hirak kikiak Mitik Iuwe kaiu Jisas kerek nipaa kaa, hirak kekrit kau. ²⁵†††God keriuwetek hirak kan ti kaa te kakisak menmen enum haiu miriak em. God pike kikiak hirak kekrit kau, te God kaktip haiu mit miyapir yaain mamintar haiu mis-esik.

God katip haiu mit miyapir haiu yaain

5 †††Te in ek God katip haiu mit miyapir yaain mentar haiu misesik. Haiu metikerek mekiyan mau mentar menmen Mitik Iuwe Jisas Kraiss hirak kiriakem. ²‡Haiu mises him me Kraiss te hirak kerekek kekepai haiu metike God haiu mekiyan mau, God kerekyei menmen yaaim. In ek haiu han yaaik memerir menmen yaaim me God haiu mertei maain hirak kakwetaiyem. ³‡†Haiu han yaaik meriuwe menmen im kere-mem au. Haiu han yaaik me menmen enum mamnen mamraiwaank. Haiu han yaaik meriuerem mentar haiu mertei hiram mamkepai haiu han tokik emu emises him me God werek werek. ⁴Haiu han tokik emu me menmen enum mamraiwanak, te God kaktip haiu minin menmen enum. God kaktip haiu minin menmen enum te haiu emisesik emimerir te maain haiu mamit menmen mirak yaaim hirak kakwetaiyem.

† 4:17 Jen 17:5; Ais 48:13 †† 4:18 Hi 11:1; Jen 15:5 ‡ 4:19 Jen 17:17 †† 4:22 Jen 15:6 ‡† 4:24 Ro 15:4; 1Pi 1:21 ††† 4:25 Ais 53:4-5 ††† 5:1 Ro 3:24, 28, 4:24 § 5:2 Ef 2:18, 3:12 ‡† 5:3 Je 1:2-3; 1Pi 1:5-7

⁵†††Haiu emisesik emerir ke maain hirak kakwetai menmen mirak, haiu ap yink enuk mamintar haiu han kitet hirak ap kises menmen nipaa hirak ketpaiyem au. Haiu ap yink enuk mamriuwerek mamintar God keteiknai hirak han teweninai hirak keriuwet God Himin Yaaik kan kakre han kaiu, te haiu mertei maain hirak kakwetai menmen.

⁶Kraiss hirak kan ti hirak kaa me haiu mit miyapir kerek enun neweikin sip newet God. Me wi im haiu enun ap mikaap hiras haiu mire yaain, te God kises han kirak kimat wi kerek hirak keriuwet Jisas hirak kan ti kaa kakikepai. ⁷Mitik kiutip kekere nimin ke mit yapirwe ap te hanhan kakikaap mitik kerek kises menmen yaaim kakikrehir kirak kaki. Te mitik kiutip hanhan keriuwet mitik hak yaaik kikaap mit han hirak kakikepek kaki kakikrehir kirak. ⁸‡†Te God au. Hirak keteiknai haiu mit enun hirak hanhan keriuwai. Me wi haiu mit miyapir haiu wen enun, haiu miriak enum, God keriuwet Kraiss hirak kan kaa kekrehir kaiu kekepai.

⁹†††Kraiss nepei kaa hemkre mirak mewen hirak kekrehir kaiu te God katip haiu mit miyapir haiu yaain. Te in ek haiu mertei hirak manpenuk te hirak kakikepai naanmamprai me menmen enum me God maain mamnen mamnep mit miyapir enun en. ¹⁰‡†Nipaa haiu mar ke mit miyapir enun ap nises God au, Nikan kirak Kraiss kaa, hirak kenipai haiu metike God mekiyan mau. In ek, haiu metike God mekiyan mau, haiu mertei maain God kaktaihis haiu mamu mamtikerek mamintar Kraiss hirak pike kekrit kau kekepai. ¹¹God ap kaktaihis weinim keremem au. Haiu han yaaik mau meri-uwerek hirak God kaiu yaaik mentar menmen Jisas Kraiss kaiu Iuwe hirak kiriakem. Nipaa hirak kerekek kenipai haiu metike God mekiyan mau.

Him me Adam ketike Kraiss

¹²‡††Haiu mertei menmen im man. Mitik kiutip hirak kiriak menmen enum te hirak kaa. Hirak kaa te haiu mit miyapir yapirwe haiu mami mamintar haiu misesik haiu miriak enum. ¹³‡†††Nipaa God katip Moses him lo mirak hirak kewisim mau tiwei wen au, menmen enum epei man mau ti mari han ke mit hir niriak enum. God ap han kitet menmen enum kene mit kenterim au. Hirak ap katip Moses menmen me him mirak mit miyapir enisesim wen au. ¹⁴‡†††God ap kene mit kanip kentar menmen enum mir, te hir mit yapirwe, nipaa me wi Adam kau ti ere wi God katip Moses him lo mirak, hir yapirwe nire ne mit hir naa. Adam ketike mit miyapir han kerek ap neremir him me God nar ke Adam hirak kiriakem, hir yapirwe naa. Adam kerekek hirak kire mitik maain kaknen.

¹⁵Menmen enum Adam kiriakem metike menmen yaaim God kerekyeyem weinim, hiram mipiram au. Haiu mertei mit miyapir yapirwe nani nanintar menmen enum Adam kiriakem. Te haiu mertei God hanhan keriuwai haiu mit miyapir, hirak kerekyei menmen

‡†† 5:5 Sam 22:5, 25:20; Hi 6:18-19 ‡† 5:8 Jo 3:16; 1Jo 4:10 ‡†† 5:9 Ro 1:18, 2:5, 8 ‡† 5:10 Ro 8:7-8 ‡† 5:12 Jen 2:17, 3:6, 16; Ro 6:23 ‡†† 5:13 Ro 4:15 ‡†† 5:14 1Ko 15:21-22, 45

yaaim weinim kentar menmen mitik kiutip Jisas Kraiss hirak kirkakem. Menmen yaaim im hiram minin menmen enum Adam kirkakem, hiram men mikaap mit miyapir yapirwe kerek nisesim. ¹⁶ Menmen God kirkakem hiram ap mar ke menmen enum Adam kirkakem au. Mitik kiutip hirak keremir him me God, te God kenerek katip hirak mitik enuk kaki. Maain, mit miyapir han hir niriak menmen enum yapirwe, te God kerekyei menmen yaaim hirak kesak menmen enum maiu katip haiu yaain. ¹⁷ Haiu mertei mitik kiutip keremir him me God hirak kirkakem enum te haiu mit yapirwe mami. Te menmen Mitik Jisas Kraiss kiutip kerek hirak kerekyeiyem, hiram minin menmen ham enum me mitik hak eik. Haiu mit miyapir yapirwe kerek meit menmen im weinim me God, kerek hanhan keriuwai kaktip haiu yaain mentar menmen Mitik Kraiss kerekyeiyem, hirak kaknipai haiu mamit himin yaaik te Kraiss kekepai haiu emises God werék.

¹⁸ Te menmen miutip mitik hak kirkakem enum hirak kenip God katip haiu mit miyapir yapirwe enun haiu mami. Mar im, menmen miutip yaaim mitik hak kirkakem, hiram menip God katip haiu yapirwe haiu yaain, haiu mami au. Haiu mamtikerek mamu mamit. ¹⁹ Mit miyapir yapirwe God ketpor hir enun nentar mitik kiutip keweikin sip kewet him me God. Mar im mit miyapir yapirwe God kakitpor hir yaain nanitar mitik kiutip kises him me God hirak kaa kesak menmen enum maiu.

²⁰ God katip Moses him lo mirak hirak kewisim mau tiwei te hiram menip mit miyapir hir nertei werék werék menmen God hanhan hir nanisesim, te hir nineinim hir niriak menmen enum yapirwe. Maain mit miyapir hir niriak menmen enum yapirwe, menmen yaaim God kirkakem kentar hirak hanhan keriuwai, hiram minin menmen enum me haiu mit miyapir.

²¹ Haiu mit miyapir mami mamintar menmen enum (sin) kerek mau ti ik hiram mininai. Te menmen yaaim God kirkakem kaktip haiu yaain maminterim, hiram maminin menmen enum mau ti naanmamrai haiu mit miyapir mamnipai haiu mamit himin yaaik mamintar menmen Mitik Iuwe Jisas Kraiss hirak kirkakem.

Haiu maa metike Kraiss

6 Te haiu han kitet mekam? Haiu wen mamriak menmen enum te God hanhan kakriuwai wisenum kakisak menmen maiu enum a? Taauye! ² Haiu epei meweikin sip mewet menmen enum haiu mire mit naa, haiu ap te emises menmen meiyam enum au emit! ³ Hi han kitet yi epei yertei menmen im. Nipaa mit nikrai meriuwe tipar haiu mit miyapir metike Kraiss Jisas mau han kiutip, hiram mar ke haiu metike Kraiss haiu maa. ⁴ Mit nikrai meriuwe tipar hiram mar ke haiu metike Kraiss maa. God hirak yaaik hirak manp enuk, te hirak kikiak Jisas Kraiss kekere nimin ne mit epei naa, hirak pike kekrit kau. Mar im haiu mit

† 5:18 1Ko 15:22 †† 5:19 Ais 53:11 † 5:20 Ro 4:15, 7:8; Ga 3:19 †† 5:21 Ro 6:23 †† 6:1 Ro 3:5-8 ††† 6:2 1Pi 4:1 ††† 6:3 Ga 3:27 § 6:4 Kl 2:12

miyapir haiu mire mit pike nekrit nau, haiu mamises menmen yaaim keremem.

Maain haiu mamtike Kraiss mamu haiu mamit himin yaaik

⁵ Hiram mar im. Nipaa haiu metike Kraiss mau niutip, haiu maa metikerek. Te maain haiu mamtikerek mamu niutip haiu pike mamikrit mamu mamir ke in ek hirak epei kekrit kau. ⁶ Haiu mertei menmen im. Menmen nipaa haiu misesim mekre han kaiu, hiram maa metike Kraiss mau nu tentarakit. Hiram maa mau nu tentarakit te in ek God kakiwaank menmen enum mekre han kaiu kariyei haiu miriak enum, te haiu ap emises menmen enum han kai han kitetim mar ke mit emises menmen mit nir iuwe nanitporem au emit! ⁷ Yi yaa yetike Kraiss te menmen enum ap mamri han ki yi eiriak menmen enum au eiyintar yi yertei mit kerek hir epei naa, menmen enum ap te mamri han kir au.

⁸ Haiu nepei maa metike Kraiss, haiu mertei te maain haiu mamtikerek mamu mamit. ⁹ Haiu mamtikerek mamu mamit mamintar haiu mertei Kraiss nipaa kaa te God kikiak hirak kekrit kau. Hirak ap te pike kaki meiyam taau. Ap menmen mepu mamriakek (o mamrikek) hirak pike kaki taau! ¹⁰ Hirak nepei kaa, menmen enum mari han ke haiu mit ap te mamri han kirak taau! Hirak ap te pike kaki kakteipim au. In ek hirak kau te hirak ketike God tau niutip. ¹¹ Mar im yi mit miyapir yi han ekitet yi nepei yaa, te menmen enum ap pike mamri han ki au. Yi pike yekrit yetike God yau niutip yentar yi ne Kraiss.

¹² Yi ap eiwis menmen enum me ti pike maminin yink ki kerek maain yi yayi hirak kakisine au emit! Yi ap eiwisim hiram mamri han ki te yi eiyises menmen enum me han ki hirak hanhanem. ¹³ Yi ap eiwis his hit nanamir him nikip hiram mamri (o mamryi) han ki te yi eiriak menmen enum me ti au emit! Au, yi eiwet God em emtike han ki, yi eiwisik hirak kakikepi yi eiriak menmen yaaim. Yi yar ke mit naa, te God kekekyi yi yekrit yau, te yi eiwetiwék menmen mi yapirwe. ¹⁴ Yi ap eiwis menmen enum me ti pike maminini au emit eiyintar him lo ap naanmipri yi yisesim te God kaktip yi yaain au. Yi nepei yenpin yekepin menmen im. Yi yises menmen yaaim God nepei kerekyeiyem weinim, te menmen enum ap te maminini au.

Haiu emises menmen yaaim emriakem

¹⁵ Yi han kitet mekam? Haiu wen mamriak menmen enum me ti mamintar haiu menpin mekeipin him lo me nipaa, in ek haiu mises menmen yaaim God nepei kerekyeiyem weinim keremem a? Taauye! ¹⁶ Yi nepei yertei yi hiras eiwis mitik hirak naanmamri yi eiriak menmen mirak, yi eire mit nirak. Yi eiwis menmen enum me ti mamri han ki yi eiyisesim, hiram mamrekyi maain yi yayi. Yi eiwis menmen yaaim God

§† 6:5 Fl 3:10-11 §†† 6:6 Ga 5:24 §† 6:10 Hi 9:26-28; 1Pi 3:18 §†† 6:11 2Ko 5:15; Ga 2:19; 1Pi 2:24 §† 6:12 Jen 4:7 §† 6:13 Ro 4:15 §§† 6:14 1Ko 15:21-22, 45 §§† 6:15 Ro 6:1 §§§ 6:16 Jo 8:34; 2Pi 2:19

kerekyeyem hiram mamri han ki yi eiyisesim, te yi eitike God eikiyan eiyu, hirak kaktip yi yaain. ¹⁷ Nipaa yi yewis menmen enum me ti mari han ki yi yisesim yiriak menmen enum. Te maain yi yemtau him yaaim mit hir netpiyem, te yi yisesim iuwe yeriuwe han ki. Haiu emtip God hirak yaaik ekintar menmen hirak kerekyiyem. ¹⁸ †God hirak epei keriyei (o keryiyi) yi mit yi yeweikin sip yewet menmen enum me ti kerek nipaa mari han ki yi yisesim. Te in ek, yi yewis menmen yaaim me God mamri han ki yi eiyisesim. ¹⁹ Hi hetpi heriuwe him im me wok mit hentar han ki hirak ap kertei menmen me God werek werek. Nipaa yi yewis his hit mi hiram mises menmen enum me ti mar im: Yi mit yetike miyapir yairiyahis yeweninem o menmen ham enum, te hiram mire mitik kekere winak enuk hirak kiriak menmen me mitik naanmipriwek ap keit pewek mererim au. Mar ke nipaa yi yiriak menmen enum em, in ek yi eiwis his hit mi o han ki hiram emises menmen yaaim, hiram mamri ke yi eiriak menmen yaaim me mitik yaaik naanmipri me menmen.

²⁰ Nipaa yi yises menmen enum hiram mari han ki minini, yi ap yises menmen yaaim me God hiram naanmipri au. ²¹ †Nipaa yi yeit mekam yaaim me menmen enum im a? Taauye! In ek yi yink enuk yentar yi yiriakem. Menmen enum em hiram menipi yi yayi. ²² Te in ek God keriyei yi mit yi yinaaiwir menmen enum im hiram mari han ki yi yiriak enum. In ek yi yire mit ne God yi yiriak menmen me God te yi yayit menmen yaaim mamkepi yi eiyises menmen yaaim te maain yi eiyu eitike God tipmain tipmain enum eik. ²³ †Yi eiwis menmen enum mamri han ki yi eiyisesim te maain yi eiyit menmen im: Hiram mamnipi yi yayi! Te menmen yaaim God kakwetayem weinim, hiram menmen im: Haiu mamtike God haiu mamu mamit tipmain tipmain enum eik mamintar haiu mit miyapir ne Mitik kaiu Iuwe Jisas Kraisl

Tok piksa me mitik ketike mite hir neitan

7 Nai yinan, yi yertei menmen hi tewen etpiyem yentar yi yertei menmen yapirwe me him me gavman. Wi kerek mit nau ti, him im me gavman naanmipror ere hir nani, te him au meit. ² Mite piutip wetike mitik kire hir neitan, him me gavman matip mitik wen kepu himin keriuwerek, mite wawu wautikerek. Maain hirak kaki, him me gavman ap te mamwenep au. Hire wauno wawit mitik hak. ³ Mitik kire wen kepu, hire wauno wawu wautike mitik hak, him me gavman matip hire enu wekitet naan. Mitik kire kaki, hire wauno wawit mitik hak, him me gavman matip hire enu au. Hiram mewisiye hire wawises han kire.

⁴ †Nai yinan, hi hehimiteni heriuwe him im me mitik hak. Yi yaa me him lo yentar yi yetike Kraisl yi yau han kiutip. Yi yire pinak ke yink kirak. Hirak epei kaa, te hiram mar ke yi yaa yetikerek. In ek yi yetike mitik hak yi yau niutip yar ke mite mitik kire epei kaa, hire wen

† 6:18 Jo 8:32 †† 6:21 Ro 7:5, 8:6, 13; 1Pi 1:9 † 6:23 Ro 5:12, 15 †† 7:4 Ro 6:2, 11; Ga 2:19

weit mitik hak. Mitik hak kerek yi yetikerek yau niutip, hirak Kraisl kerek nipaa kaa. Hirak nipaa kaa, te God pike kikiak kekere nimin ke mit epei naa hirak kekrit kau. Te haiu mit emriak menmen yaaim me God. ⁵ †Nipaa wi haiu mises han kaiu, him lo hiram menipai haiu hanhan emises menmen enum. Menmen haiu miriakem hiram menmen enum menipai haiu mami. ⁶ ††In ek him lo hiram ap naanmamrai me menmen mentar haiu mire mit epei naa. In ek menmen haiu miriakem God Himin Yaaik kekepai haiu emisesim. Menmen me lo nipaa haiu misesim, te God kaktip haiu yaain hiram nepei au meit.

Menmen enum me ti meraiwaank

⁷ ††Haiu mamtip mekam? Haiu mamtip him me God mau tiwei hiram enum a? Taauye! Him me God ap meteikno menmen enum, hi ap hertei hiram enum au. Him me God ap metpo, "Ti ap hemkre menepam hanhan menmen me mitik hak," te hi hepitari menmen im hiram enum. Te hiram nepei meteikno hiram enum te hi yink enuk heriuwerem. ⁸ †Menmen enum me ti man mekekyo han kai te hi hanhan menmen enum yapirwe mentar him me God matip hiram menmen enum emit. Him me God ap mepu metpo menmen hiram enum, te hi ap hanhan heriuwerem au, menmen me ti hiram mau meit mar ke mitik kaa. Hi hepitari hiram menmen enum. ⁹ †Nipaa hi hepu te hi hetari menmen me him me God. Maain him me God epei man te hi hemtewem, menmen enum me ti mekekyo han kai hi hemkre menepam hanhan menmen enum yapirwe, te hi hertei hi hiriak enum, maain hi hahi. ¹⁰ ††Hi hertei him kerek God kewetayem, hirak hanhan hiram mamkepai haiu mamu werek, te hiram menipa hi hertei hi enuk maain hi hahi. ¹¹ †Menmen enum me ti man menepya mewisesik meriuwe him me God Moses kewisim mau tiwei te hi hiriak enum, maain hi hahi. ¹² ††Him Moses kewisim mau tiwei, hiram meke God man metike him matip haiu ap hemkre emnepam hanhan menmen au emit! Him im hiram yaaim, hiram meteiknai menmen God hanhan haiu mit miyapir emisesim, hiram yaaim mekepai haiu mamu werek. ¹³ Hi atip mekam? Menmen hiram yaaim menipa hi hahi a? Taauye! Menmen enum me ti menipa hi hahi. Hiram menipa hi hahi heriuwe him yaaim me God. Te him me God im hiram meteikno menmen me ti hiram menmen enum enum.

Menmen me ti merekir han kaiu haiu misesim

¹⁴ †Haiu mertei God kikaap him mirak te hi mitik enuk kerekek menmen enum me ti merekir han kai te hi hisesim. ¹⁵ ††Hi hepitari henmak te hi hiriak menmen. Menmen hi hanhan eisesim, hi hiriakem au. Hi hiriak menmen enum hi hineinim. ¹⁶ Hewaai meruri hi hiriak menmen enum hi hineinim, hiram meteikno

‡‡ 7:5 Ro 6:21 ††† 7:6 Ro 8:2, 6:4 ††† 7:7 Eks 20:17; Diu 5:21 § 7:8 Ro 4:15 §† 7:9 Je 1:15 §†† 7:10 Lev 18:5; Ro 10:5 §† 7:11 Je 3:13; Hi 3:13 §†† 7:12 1Ti 1:8 §† 7:14 Sam 51:5; Jo 3:6 §† 7:15 Ga 5:17

him me God Moses kewisim mau tiwei hiram yaaim. ¹⁷ Te in ek hi hertei hi hirekes ap hiriak menmen enum im au. Menmen enum me ti mekre han kai menipa hi hiriak enum. ¹⁸ Hi hertei han kai ap kerekya hi hirekes hiriak menmen yaaim au. Hi hanhan ariak menmen yaaim te hi hiriakem taau! ¹⁹ Hi ap hiriak menmen hi hanhan hisesim au. Hi hiriak menmen hi hineinim. ²⁰ Hi hiriak menmen hi hineinim, hiram meteikno hi hertei hi hirekes ap hiriak menmen enum im au. Menmen me ti mekre han kai menipa hi hiriak enum. ²¹ Te hi hertei menmen im mepu. Hi hanhan hiriak menmen yaaim, te menmen enum keremem hiram mau mekre han kai. ²² Hi hekre han kai hatip him me God Moses kewisim mau tiwei hiram yaaim. ²³ Te hi hiriak menmen ham mekre yink kai hiram miriak menmen ham. Hiram him ham enum im hiram metike menmen han kai katip hiram yaaim hiram menepam. Menmen im minina menipa hi hanhan hises menmen enum me ti. ²⁴ Hi mitik enuk han enuk. Keimin kakikepa te hi ehinin menmen enum menipa hi hanhan ehises menmen enum me ti mekre han kai? ²⁵ Hi han yaaik hentar God kakikepa hi ehinin menmen enum mekre han kai hentar menmen Mitik kiau Iuwe Jisas Kraiss hirak kiriakem. In ek hi hepu har ik. Hi heri-uwe han kai hi hanhan hises him me God, te menmen enum mekre han kai menipa hi hanhan eises menmen enum me ti.

Krais kesak menmen enum maiu kewetai God Himin Yaaik kan kau kekrek han kiau

8 Te in ek God ap kakwep haiu mit miyapir kerek haiu ne Jisas Kraiss kakintar menmen enum haiu miriakem au. ² God ap kakwep kakintar menmen im: God Himin Yaaik kerek kewetai himin yaaik hirak kenipai haiu ne Kraiss haiu mekiyan mau niutip keriyei haiu man minaiwir menmen enum me ti merekyei haiu miriak enum te haiu mami. ³ Han kiau enuk ke nipaa, hirak kewen him me God Moses kewisim mau tiwei hiram merekyei haiu mamre mit yaain au. Te menmen him me Moses ap merekyei haiu mit em au, God hirekes kiriakem. Hirak keriuwet nikan kirak kerek hirak kine yink kirak kar haiu mit enun ne ti ik ek, hirak kan kaa kewaank menmen enum mari han kiau menipai haiu miriak enum, te hiram epei au mesi. ⁴ Hirak kiriak menmen im te haiu mit miyapir kerek ap mises han kiau enuk au, haiu emises han ke God Himin Yaaik, haiu emises menmen werek werek him me Moses metpai haiu emisesim (te God kaktip haiu yaain).

⁵ Mit miyapir kerek hir nises han kir enuk, hir hanhan menmen enum mekre han kir kerek. Te mit miyapir kerek hir nises han ke God Himin Yaaik, hir hanhan menmen yaaim hirak ketporem. ⁶ Mit miyapir kerek hanhan nanises menmen enum mekre han kir, maain hir nani. Mit miyapir han au, hir nanises menmen God

Himin Yaaik ketporem, hir nantike God nankiyan nanu nanit te hir nanu werek. ⁷ Mit miyapir kerek nises menmen enum mekre han kir, God katip hir enun kentar menmen enum mekre han ke mit metike menmen yaaim me God hiram menepam. Hiram ap mises him kerek God ketpaiyem au, hiram mineinim. ⁸ Te mit miyapir kerek nises menmen enum mekre han kir, hir ap nanises menmen yaaim God hanhan hir nanisesim. ⁹ Yi mit miyapir ap yises menmen enum mekre han ki au. God Himin Yaaik kau kekrek han ki yi yayises menmen yaaim hirak ketpiyem. Mit kerek God Himin Yaaik kerek Kraiss keriuwetek kan ap kau kekrek han kir au, hir ap ne Kraiss au. ¹⁰ Maain haiu mit miyapir mami mamintar menmen enum mekre han kiau. Te God Himin Yaaik kerek Kraiss keriuwetek kan, hirak kau kekrek han kiau, himin kiau kaku kaktike God tipmain tipmain enum eik kakintar God katip haiu yaain. ¹¹ God kerek nipaa kikiak Kraiss Jisas kekrek himin ke mit epei naa, hirak kekrek kau, maain hirak kakikekyi yi mit miyapir maain yayi. God Himin Yaaik kerek nipaa God keriuwetek kan kikiak Jisas kerek nepei kaa, hirak kau kekrek han ki te maain God Haai kakriuwetek kakikekyi yi mit miyapir.

Himin Yaaik God keriuwetek kan hirak kenipai haiu nikerek nirak

¹² Tis, nai yinan, haiu emises menmen God Himin Yaaik hirak ketpaiyem. Haiu ap emises menmen enum mekre han kiau hiram menipai haiu hanhanem. ¹³ Yi yises menmen enum mekre han ki maain yi yayi, te God Himin Yaaik kakikepi yi eiyaank menmen enum mekre han hiram ap mamnipi yi hanhan eiysesim te yi eitike God eiyu.

¹⁴ Mit miyapir kerek newis God Himin Yaaik naan- mioror me menmen hir miriakem, hir nire nikerek ne God. ¹⁵ Himin Yaaik kerek God keriuwetek kan kau kekrek han kiau ap kenipai haiu ap pike minaa maain God kakwep au. Hirak kenipai haiu mire nikerek ne God hirak kekepai keriuwet menmen mirak iuwe te haiu niutip niutip matip God, "Ti Haai kai." ¹⁶ God Himin Yaaik hirekes ketpai himin kiau haiu mire nikerek ne God. ¹⁷ In ek, haiu mire nikerek nirak, te haiu mamit menmen God kakwetaiyem. Haiu mamtike Kraiss mamit menmen yaaim mamintar haiu mertei menmen enum mamnen mamraiwaank mar ke nipaa menmen enum man mewaank Kraiss, haiu mamit menmen yaaim me God mar ke Kraiss epei ketiwem, te haiu mamu mamre iuwe mamtikerek.

Maain haiu mit miyapir mamit menmen yaaim haiu mamu mamre iuwe

¹⁸ Menmen yaaim me Kraiss maain hiram mamnen kerek God kakwepapirem kakwetaiyem hiram mamre menmen iuwe, te hi han kitet in ek menmen enum

† 7:18 Jen 6:5, 8:21 †† 7:23 Ga 5:17; Je 4:1; 1Pi 2:11 ‡ 7:25 1Ko 15:57 †† 8:2 Ro 7:23-24 †† 8:3 Ap 13:38, 15:10; Fl 2:7; Hi 4:15 ††† 8:4 Ga 5:16, 25 ††† 8:6 Ro 6:21

§ 8:7 Mt 12:34; Jo 8:43, 12:39; Je 4:4 † 8:9 1Ko 3:16, 12:3 †† 8:10 Ga 2:20; Ef 3:17; 1Pi 4:6 †† 8:13 Ga 6:8; Kl 3:5 ††† 8:15 2Ti 1:7; Ga 4:5-6; Mk 14:36 † 8:16 2Ko 1:22 †† 8:17 Ga 4:7; Rev 21:7 ††† 8:18 Ro 5:2; 2Ko 4:17

hiram mamraiwaank hiram mire menmen weinim.
¹⁹ †Menmen yapirwe God kiriakem hiram han kir kekrit kekrit nemerir wi God hirak kakteiknor haiu nikerek nirak. ²⁰ ††Menmen kerek God kiriakem hiram mau enum mentar God kewaankem. Hirak ap hanhan keriuwe menmen im te God kiriakem. Te menmen im mepu. ²¹ †Maain God pike kaknip menmen hiram mamnaaiwir menmen enum menipem hiram mau enum, te hiram mamweikin yaaim mamu werek mamir ke haiu nikerek ne God haiu mamu mamre iuwe mamit menmen yaaim me God.

²² Haiu mertei menmen yapirwe God kiriakem hiram mepu enum mar ke miyapir hir neteiknen nanine nikerek. Nipaa ere in hiram han enuk mepu memerir God pike kakriak menmen yapirwe hiram mamre yaaim. ²³ ††Te hiram keremem au. Haiu mit miyapir kerek God Himin Yaaik kau kekere han kiau, hirak kire menmen yaaim minin me menmen yapirwe maain God kakwetaiyem, haiu metikerem mepu han enuk memerir wi kerek God kaknipai haiu mire nikerek nirak. Me wi im hirak kaknipai yink kiau hirak yaaik pike kaki taau! ²⁴ ††God epei kekepai kaktaihis kentar haiu memtaur him hirak ketpim haiu misesim, haiu memerir hirak kakwetaiyem. Haiu memerir hirak kakwetaiyem mamintar menmen haiu memerir mamtiwem hiram epei man, te haiu wen memeriuwem meiyam au. Haiu metiwem epei au. ²⁵ Te haiu ap metiwem wen au. Haiu wen memerir menmen haiu han kitet hiram mamnen, haiu maminkikiwem maminkikiwem ere hiram mamnen. ²⁶ Mar im God Himin Yaaik kekepai haiu mit miyapir kentar haiu ap mertei han ke God werek werek au. Haiu ap mertei mitehi God menmen werek werek au. God Himin Yaaik hirekes kekrehir kiau kitehi God Haai menmen keriuwe him haiu mit ap metpim au, haiu miriakem mire mitik ketnen park o han toenuk. ²⁷ †††God Haai kerek kertei han ke mit yapirwe, kewenhi menmen God Himin Yaaik hanhanem kentar hirakit tau han kiutip te hirak God Himin Yaaik kekrehir ke haiu mit ne God hirak kitehi God Haai me menmen hiram mises han ke Haai keremem.

²⁸ †††Haiu mertei menmen yapirwe God kiriakem hiram mikaap haiu mit miyapir kerek haiu hanhan meriuwe God kerek hirak kehimitenai haiu emises menmen hirak hanhan em. ²⁹ †Menmen yapirwe God kiriakem hiram mikaap haiu mit miyapir mentar haiu mit kerek God nipaa kehimitenai haiu mamisesik. Hirak kehimitenai haiu mamir ke Nikan kirak Jisas Krai te hirak kakre iuwe mitik kakikre nimin ke haiu mit miyapir haiu mamre kikrek nirak. ³⁰ Haiu mit miyapir kerek hirak nipaa kehimitenai maain haiu mamisesik, hirak kari han kiau haiu mamisesik. Haiu mit miyapir kerek hirak kari han kiau, haiu mamisesik hirak ketpai hirak kesak menmen enum maiu haiu yaain. Haiu mit miyapir kerek hirak ketpai haiu yaain, hirak kewetai menmen mirak yaaim.

Menmen Jisas Krai kiriakem hiram meteiknai God han han iuwe keriuwe haiu mit miyapir

³¹ ††Hi han kitet menmen im God hirak hanhan keriuwai kekepai mentar menmen hi nepei hetpiyem, neimin hir nanininai a? Taauye! ³² †††God hirak ap kepakin Nikan kirak au, hirak keriuwetek kan kaa kekepai haiu mit miyapir yapirwe. Te hirak kakwetai menmen yapirwe weinim mamkepai mar ke hirak kewetai Nikan kirak weinik. ³³ ††Neimin hir nansiuwe him nantip haiu mit miyapir kerek God kehimitenai haiu nirak, haiu enun a? Taauye! God hirekes epei katip haiu mit yaain. ³⁴ †††Neimin hir nantip haiu emnen emno si a? Krai Jisas au! Hirak kaa te God kikiak hirak pike kekrit kau his yaaim me God kerek mit iuwe nanwik, hirak kitehi God Haai ke haiu mit! ³⁵ Krai hirak han teweninai te mekam mamnen nimin mamremir menmen mirak ap te mamu mamtikewai mamkepai a? Mewai meruri menmen enum mamnen mamraiwaank, o menmen menipai haiu han enuk, o mit hir nenoyiyai nanwep, hiram menmen mamremir menmen mirak ap te mamu mamikrai mamkepai au a? Mewai meruri haiu nipi mewe o haiu ap metenen klos o pewek mei, o menmen enum mamraiwaank, o mit nanwep haiu mami, hiram mamremir menmen me Krai ap te mamikrai mamkepai au a? Taauye! ³⁶ ††Him me God mau tiwei Sam hiram matip mar im:

“Mit nanoyiyai haiu mit hir nanwep me witaan wanewik, hir nerekyei haiu mire sipsip kerek mit neriyei nanino nanwep. Mit nerekyeyiem nentar haiu mit miyapir kerek mises him mit em.”

³⁷ ††Au, menmen im hiram weinim. Krai hirak hanhan keriuwai te haiu maminin menmen enum im. Haiu mamu werek me menmen enum mamraiwaank.

³⁸ Haiu maminin menmen enum im mamraiwaank mamintar hi hertei hirak han teweninai te menmen ap mamnen nimin mamremir menmen mirak hiram ap te mamu mamikrai mamkepai au. Haiu wen mepu o maain haiu mami hiram menmen weinim. Ensel o tipir o herwe o menmen iuwe meit wit ke God, nepni o menmen epei man in o maain hiram mamnen, hiram ap te mamremir menmen me Krai hiram ap te mamu mamikrai mamkepai au! ³⁹ God Haai han teweninai haiu mit miyapir kentar haiu ne Jisas Krai Mitik kiau Iuwe. Te menmen mau nepni o menmen mau minik ti o menmen mei miutip nipaa God kiriakem ap te mamremir menmen mirak hiram ap te mamu mamikrai mamkepai au.

Pol han tewenin mit miyapir ne Isrel

9 Hi hatip werek hentar hi hises him me Krai. Hi ap hewisesik au. Han kai keit nimin kerek God Himin Yaaik kau kekrekrek, hirak ketpo hi hatip werek me menmen im. ² Hi han enuk, hekrit hekirt hi han tewenin mit miyapir.

† 8:19 Kl 3:4 †† 8:20 Jen 3:17-19 † 8:21 2Pi 3:13; 1Jo 3:2
 †† 8:23 2Ko 5:2-4; Ga 5:5 †† 8:24 2Ko 5:7 ††† 8:27 Sam
 139:1; 1Ko 4:5 ††† 8:28 Ef 1:11 § 8:29 Kl 1:18; Hi 1:6

§† 8:31 Sam 118:6 §†† 8:32 Jo 3:16 §† 8:33 Ais 50:8 §††
 8:34 Sam 110:1; Ap 7:55-56; 1Jo 2:1 §† 8:36 Sam 44:22; 2Ko 4:11
 §† 8:37 Jo 16:33

³ †Hi hanhan God kakweikin sip kakweto kakipira hi enaaiwir Krai hi ekrehir ke mit miyapir yapirwe ne Isrel, haiu ne maam nipu kiutip, te hir nanises him me Krai. ⁴ ††Haiu mit miyapir ne Isrel, God kehimitenai haiu nirak, hirak kenipai haiu nikerek nirak, haiu nepi mir menmen mirak yaaim merhihe. Hirak ketpai him mirak hirak kakisesim, hirak kewetai him mirak ham haiu emisesim. Haiu emirtei mwenipi niuk me God werek werek, God katip hirak kakikepai kaktaihis. ⁵ †Haiu nepenyerer ne maamrer taiu iuwe Ebrahim, Aisak, Jekop. Krai hirak kire mitik ke ti hirak nepenyek ke maamrer it. Hirak kerekek hirak God hirak naanmipre menmen yapirwe haiu emwenipi niuk mirak tipmain tipmain enum eik. Keremem.

God kehimitan mit miyapir nirak

⁶ †Hi ap hatip menmen nipaa God ketpim in ek hirak ap kisesim au. Mit miyapir yapirwe ne weiwik miutip me Isrel, God hirak ap kehimiteni yapirwe hir nirak au. ⁷ ††Hir nepenyerer yapirwe ne Ebrahim hir ap nikerek ne God nar ke maam kir nentar hir ap nises him me God. God katip Ebrahim kar ik: "Nepenyerer ne Aisak keriyen, hir nepenyerer nit. Hi hetput hir nanit menmen mei. Nepenyerer han en au." ⁸ †††Nikerek kerek Ebrahim kinen weinin, hir ap nikerek ne God au. Nikerek Ebrahim kinen kentar God hirak ketpiwewek kekepek kakini, hir keriyen nire nikerek ne God. ⁹ †††God katip Ebrahim him mar im: "Maain wi kerek hi himat hi pike anen hi akaap Sera hire wawitu hire wawine nikan."

¹⁰ †Menmen im keremem meteikni nepenyerer ne Ebrahim hir yapirwe ap nikerek ne God keriyen au. Nikerek hirakit te Rebeka hirakit te haai kiutip, hirak maam nipu kaiu Aisak. ¹¹ ††Rebeka ap wine nikerek hirakit te tire wen au, God kehimitan Jekop hirak kire nikan kirak, te Iso au. Hirakit ap tirak menmen yaaim o enum wen au, God kehimitanek te hirak kakteiknai hirak kises han kirak kehimitan mit hir nikerek nirak. Menmen hir niriakem ap mamri han kirak au. God katip Rebeka kar ik: "Maain Iso nikan iuwe mitik hirak kakises him me nikik kirak Jekop." ¹³ †††Him me God mau tiwei Malakai kewisim hiram matip mar im: "Hi hanhan iuwe heriuwe Jekop hi hehimitanek hirak nikan kai. Hi hanhan kike heriuwe Iso, hi heperek hirak ken."

¹⁴ Te haiu mamtip mekam? God hirak kises menmen hiram ap yaaim a? Taauye! ¹⁵ ††God katip Moses kar ik: "Hi han tewenin mit miyapir kerek hi hanhan akepi. Hi hises han kai hi akaap mit miyapir." ¹⁶ †††Te haiu ap mamtip God hirak hanhan keriuwe mit miyapir kentar menmen hir hanhanem o menmen hir niriakem au. God kises han kirak kehimiteni hir nirak kerekek. ¹⁷ ††Haiu mekine him me God Moses kewisim mau

† 9:3 Eks 32:32 †† 9:4 Eks 4:22; Diu 7:6, 14:1-2 † 9:5 Mt 1:1-16; Jo 1:1; Ro 1:25 †† 9:6 Nam 23:19; Ro 2:28 †† 9:7 Jen 21:12 ††† 9:8 Ga 4:23 ††† 9:9 Jen 18:14 § 9:10 Jen 25:21 §† 9:11-12 Jen 25:23 §†† 9:13 Mal 1:2-3 §† 9:15 Eks 33:19 §†† 9:16 Ef 2:8 §† 9:17 Eks 9:16

tiwei, God katip mitik iuwe Fero ke Isip menmen kar ik: "Hi hewisit ti hire mitik iuwe ke Isip te menmen im hi herekyutem, mit miyapir nanirtei hi manp enuk iuwe hir mit miyapir nerer wit wit nanwenipi niuk mai." ¹⁸ †††God hirak han tewenin mit miyapir kerek hirak hanhan kekepi, te hirak kises han kirak kenip mit miyapir han hir nanwenin han kir ke menmen.

God kewaank mit han, hirak kikaap mit han

¹⁹ Mitik kiutip kekere nimin ke yi mit ketpo kar ik: "Menmen ti hetpaiyem hiram werek, God kenmak te hirak kaktip haiu mit enun a? Keimin kakwenin God me menmen hirak hanhan kakriakem a? Taauye!" ²⁰ †††Kai yinak, ti han kitet ti iuwe te ti pike atip God me menmen hirak kiriakem a? Hause kerek mite hire wewisim me haak hiram ap mamtip mamir ik: "Ti henmak ti ap hewena hi hire kurpe a?" ²¹ †††Mite kerek weit hause hire wawises han kire waunip menmen weriuw-erem. Hire weit hause weremir, meiyam hire wewenem mire kurpe, meiyam au hire wewisim mire hause me wewis haak o heurek hire weneipetem mekrerem.

²² Menmen God kiriakem hiram mar im. Hir mit enun nire tikenup o hause hiram mewep, te God hanhan kakteikin menmen mirak iuwe hirak kakiwaank mit enun nar ik. Hirak hanhan kakiwaank mit nar ik kerek hirak ap kiriakem waswas au. ²³ †††Te hirak hanhan kakteiknai menmen yaaim mirak iuwe, hirak nepi kewetai pinam, haiu mit han haiu mire hause kurpe te hirak hanhan keriuwai. Nipaa hirak kenipai han kai te maain haiu mamre yaain mamit pinam me menmen yaaim mirak. ²⁴ Hirak kehimitan haiu mit miyapir han ne Isrel keriyen haiu mamit menmen im yaaim au. Haiu mamtike mit miyapir han ne weiwik ham, haiu yapirwe mamit menmen mirak yaaim. ²⁵ †††Mau tiwei Hosia kewis God katip kar ik:

"Mit miyapir kerek ap ne weiwik mai, hi hehimiteni hir mit miyapir nai.

Hir ne weiwik nipaa hi ap hanhan heriuweri, te in ek hi hanhan heriuweri.

²⁶ †††Maain wit kerek nipaa mit han natip hir ap mit miyapir ne God, te hir mit han nanitpor nanir ik, "Yi hiras yi nikerek ne God kerek hirak kaku tipmain tipmain enum eik."

²⁷ †††Mitik profet Aisaia kewis him me God katip ke Isrel kar ik:

"Maain mit miyapir ne Isrel hir nanine nikerek nantin yapirwe nanre tenhaan ke mani, te God kakikaap mit neiyam kike nimin ne hir mit yapirwe kaktohis.

God ap te kakmerir wi yapirwe te mit miyapir nanweikin sip nanwet menmen enum.

²⁸ Au, hirak keremir wi yinam te hirak skelim mit kakintar menmen enum hir niriakem." ²⁹ †††Nipaa Aisaia katip me menmen im. Hirak kewis him mau tiwei mirak. Hiram matip mar im:

§† 9:18 Eks 4:21, 9:12, 14:4 §†† 9:20 Ais 29:16, 45:9 §†† 9:21 Jer 18:6 §§§ 9:23 Ef 1:3-12; Ro 8:29 18 9:25 Hos 2:23 19 9:26 Hos 1:10 20 9:27 Ais 10:22-23 21 9:29 Ais 1:9

“God hirak Mitik Iuwe naanmipre mit ne ami neit wit kirak hirak ap kewis nepenyerer nai ne weiwik me Isrel hir nepu, te haiu weiwik maiu nepei au mesi mire mit miyapir nipaa nau neit wit Sodom ketike wit Gomora.”

Him yaaim me God mamkaap mit ne Isrel netike mit ne weiwik ham

³⁰ †Haiu mamtip mekam a? Haiu mamtip menmen im. Mit miyapir kerek ap ne weiwik me Isrel hir ap hanhan nanriak God hirak katip hir yaain. Te hir nemtau him mirak hir nisesim te God katip hir yaain. ³¹ ††Te mit miyapir ne Isrel kerek God kehimiteni hir mit nirak, hir au. Hir hanhan nanises him lo me Moses, te God kaktip hir yaain. Te God au, hirak keweikin sip kewetir. ³² †Kenmak te God katip hir enun hirak keweikin sip kewetir? Hirak kiriakem kentar hir ap nises him mirak weinim au. Hir han kitet hir enriak menmen yaaim te God kaktip hir yaain. Hir han enuk neriuwe Kraiss hir ap nisesik au. Hir nire mit kerek Aisaia ketpim kewis him mau tiwei mirak, hir nerewo nan naninkewin. ³³ ††Aisaia kewis him mar im:

“Yi eiyimtau. Hi God ewis mitik keit wit Saion hirak kakre nan tokik. Hirak kakiwaank mit miyapir kakintar menmen hir ninapen nanisesim nanir ke mit hir nerewo nan nenkewin. Te mit kerek hir nanimtau him mirak nanisesim, hir ap te han enuk nanriuwerek au, hirak kakikepi.”

Mit miyapir ne Isrel ap nises God werak werak au

10 Yi nai yinan, hi hanhan wisenum mit miyapir yapirwe ne weiwik mai Isrel hir nanweikin sip nanwet menmen enum te God kakikepi kaktorhis. Hi hitehi God me menmen im. ² ††Hi hertei te hi hewepyapiri hetpi hir hanhan wisenum nises God te hir ap nertei werak werak menmen hirak hanhan hir nanisesim. ³ †††Hir nertei menmen God kiriakem, te hirak katip haiu mit haiu yaain. Hir nertei menmen im me God hir nises han kir nekrehir ke menmen God kiriakem. Te hir ap hanhan nanises menmen God kiriakem te hirak kaktip hir yaain au. ⁴ †††Kraiss hirak kekrehir ke him nipaa God kewet Moses em, hiram nepei au mesi. Te mit miyapir kerek hir nanises him me Kraiss, God kaktip hir mit miyapir yaain.

God hirak hanhan pike kakithis mit miyapir yapirwe

⁵ †Moses katip menmen im me him kerek God kewetiwekem hirak kewisim mau tiwei. Hirak katip karik: “Mit miyapir kerek hir nanises him im werak werak, maain hir nanu natike God.” ⁶ †Te him me God matip menmen im me mit miyapir hir nises him me Kraiss te God kaktip hir yaain. Hiram matip mar im: “Yi ap han ekitetim emir im: ‘Neimin hir nanino wit ke God hir nanithis Kraiss neiyik naninen ti?’” ⁷ O yi ap eitip eiyir ik:

“Neimin hir nanino wit kerek mit naa himin kir kiwaairi hir nanit Kraiss neiyik naninen ti ik?” ⁸ Him me God matip mar im: “Him me God hiram mau menep mamkepi. Hiram mau mekre him mi, mau mekre han ki mentar yi yerteiyem.” Him im hiram him yaaim haiu metpiyem yi eiyisesim. ⁹ Haiu matip mit miyapir menmen mar im: “Yi eitip eiriuwe him ki yi eitip, ‘Jisas hirak Mitik Kaiu Iuwe naanemprai,’ yi han kitet eikre han ki God nepei kikiak Jisas kerek kiwaai kekre himin ke mit nepei naa, hirak pike kekrit kau, te God kaktihis.”

¹⁰ Haiu han kitet menmen me Kraiss mekre han kaiu, haiu matip meriuwe him maiu haiu misesik, te God katip haiu mit yaain, hirak kaktaihis. ¹¹ ††Him im yaaim mentar Profet Aisaia kewis him me God mau tiwei hiram matip mar im:

“Mit miyapir niutip niutip hir nises him me Kraiss, hir ap han enuk nanriuwerek au, hirak kakikepi.” ¹² ††Him im matip me mit miyapir yapirwe ne weiwik me Isrel, mit miyapir ne weiwik ham nerer wit wit. God ap han kitet me weiwik me mit au. God hirak ke haiu mit miyapir yapirwe, te hirak kakikaap mit miyapir kerek hir nises him mirak, hirak kakikepi iuwe. ¹³ †††Hirak kakikepi iuwe kakintar him me God profet Joel kewisim mau tiwei matip mar im:

“Mit miyapir kerek hir nitehi Mitik Iuwe, hirak kakikepi kaktorhis.”

¹⁴ ††Hir ap nises him me Kraiss nanirkeik te hir nanitiwekhi hirak kakikepi kaktorhis a? Hir ap nemtau him me Kraiss nanirkeik te hir nanirtei hirak kakikepi a? Mit ap netpor him me Kraiss nanirkeik te hir nanimtau him mirak a? God ap te kaksiuwe mit nanino nanitpor him me Kraiss nanirkeik te hir nanimtwewem a? Taauye! Him me God Aisaia kewisim mau tiwei matip mar im: “Mit kerek hir naninen nanitpai him yaaim me Kraiss, hir niriak menmen yaaim.”

Mit miyapir ne Isrel ap nises him yaaim me Kraiss

¹⁶ ††Mit miyapir yapirwe ne Isrel ap nises him yaaim im me Kraiss au. Mitik profet Aisaia kewis him mau tiwei matip mar im:

“Mitik Iuwe, mit miyapir niutip niutip hir nemtau him maiu hir nisesim. Mit miyapir yapirwe han en au.”

¹⁷ †††Te mit miyapir hir nises him me Kraiss nentar hir nemtwewem. Hir nemtwewem nentar mit epei nen netporem. ¹⁸ †††Hi hitehi menmen im. Mit miyapir ne Isrel hir nepei nemtau him yaaim me Kraiss im o au a? Hir epei nemtwewem ye! Him me God mau tiwei Sam hiram matip mar im:

“Him kerek mit hir netpim men merer wit wit kerek mit newi.” ¹⁹ ††††Hi pike ehitih menmen. Yi han kitet mit miyapir ne Isrel hir netari him im a? Auye! Moses kinin kewis him me God mau tiwei me menmen im hiram matip mar im:

“Maain hi God hi ehit mit miyapir hir ne weiwik ham weinim hir netari menmen mai au, hi anipi yi yink

† 9:30 Ro 10:20 †† 9:31 Ro 10:2-3 ‡ 9:32 Ais 8:14 †† 9:33 Ais 28:16; 1Pi 2:6; Ro 10:11 ††† 10:2 Ap 22:3 †††† 10:3 Ro 9:31-32 †††† 10:4 Mt 5:17; Jo 3:18 § 10:5 Ro 7:10; Ga 3:12 †† 10:6 Diu 30:12-14

††† 10:11 Ro 9:33 †† 10:12 Ap 15:9 †††† 10:13 Joe 2:32 †† 10:14-15 Ais 52:7 †† 10:16 Ais 53:1; Jo 12:38 †††† 10:17 Jo 17:20 †††† 10:18 Sam 19:4 †††† 10:19 Diu 32:21

enuk han enuk eiriueri yi hemkre menepam eiriuwe menmen hi erekyorem." ²⁰ †Profet Aisaia hirak kinapen kewepyapir him me God au. Hirak katip kar ik:

"Hi God hewis mit kerek nipaa hir ap hanhan nisisa, in ek hir nerteiya te hir nises him mai. Hi hewepyapir hirekes herp yaain te mit kerek nipaa ap nitehi mit han me hi, in ek hir nises him mai." ²¹ ††Aisaia katip him im me mit miyapir ne Isrel. Hirak katip kar ik:

"Hekrit hekrit me wi yapirwe hi God hewis his mai eninor hir nanisisa, te hir au, neweikin sip neweto, hir nena netpo enum."

God hirak hanhan keriuwe mit miyapir han ne Isrel

11 †Hi ehithi menmen. Yi han kitet God nepi keweikin sip kewet mit miyapir nirak ne Isrel a? Taau! Hi hirekes hi mitik ke Isrel, hi nepenyek ke Ebrahim, hi ke weiwik me Bensamin. Te menmen im meteikni God ap keweikin sip kewetai mit ne Isrel au. ² God ap keweikin sip kewet mit miyapir nirak kerek nipaa hirak kehimiteni hir nirak. Yi yertei him mau tiwei me God hiram matip me Profet Ilaija hirak kesiuwe him men Isrel hirak katip God kar ik: ³ ††"Mitik Iuwe, mit ne Isrel hir nenep mit profet nit, hir nari kinaan newenem me mit hir newepwar menmen newetutem. Hir mit enun nenep mit profet naa nenepi. Hi kerek hi hepu hir ninetnau naniyep." ⁴ ††God hirak ketpiwek mekam a? Hirak katip kar ik: "Hi ap heweikin sip hewet mit miyapir nar ke 7,000 hir wen nises him mai hir ap newen ninip nanwenipi niuk me tipir Bal au."

⁵ ††Mar ke nipaa God naanmipre mit kerek hir nisesik te in ek hirak kehimitan mit miyapir ne Isrel han hir nisesik nentar hirak hanhan keriuweri. ⁶ ††God kises han kirak kehimiteni hir nirak kentar hirak hanhan keriuweri weinim ap menmen hir niriakem o nisesim au. Hirak kehimiteni kentar hir niriak menmen yaaim te God ap hanhan keriuweri weinim au.

⁷ †Hi hatip menmen im. Menmen Isrel hir hanhan nantiwem neriuwe him hir nisesim, hir ap netiwem au. Te mit kerek God hanhan keriuweri kehimiteni hir mit nirak, hir keriyen netiwem. Mit han au, God kewenin han kir hir nisesik au. ⁸ ††Him me God mau tiwei mitik profet Aisaia kewisim hiram matip mar im:

"God kewenin han kir te menmen hir nirem, hir ap nisesim.

Menmen hir nemtewem, hir ap nisesim.

Hir nepu nepir kerek nipaa ere in." ⁹ ††Him me God mau tiwei Devit kewisim hiram matip mar im:

"Hi hanhan God hirak kakwis menmen kerek hir niam nanim hiram mamriwaank mamir ke tirpe menep samiyak, o mamir ke nan kiwaai yayiwe mitik kakrewekik hirak kakinkewin.

¹⁰ Hi hanhan nanamir kir toto te hir ap nir ein ein au.

Hir han kir enuk me menmen enum mamnen mamnip mamriwaanki nanir ke mite sip kin hire weremtit menmen wauno yanimin."

God kikaap mit miyapir ap ne weiwik me Isrel kaktorhis

¹¹ ††Hi pike ehithi menmen. Yi han kitet mit miyapir ne Isrel hir newaank hiras keriyen nar ke mit nentirer nan nenkewin nani me wi hir neweikin sip newet him me Kraisa? Taauye! Hir neweikin sip newet him me Kraisa te God kakikaap mit miyapir han ne weiwik ham, hirak kaktorhis. Hirak kaknip mit miyapir ne Isrel hir han enuk nanriueri nanintar menmen yaaim God kerekkyorem. ¹² Menmen enum mit miyapir ne Isrel hir niriakem menip God hirak kikaap mit miyapir han ne weiwik ham kewetir menmen mirak yaaim. Hir ne Isrel neweikin sip newet menmen yaaim me God te God kewet mit miyapir han em. Maain, mit miyapir yapirwe ne Isrel nanweikin sip nanises him me Kraisa menmen im mamkaap mit miyapir yapirwe nerer wit wit mamkepi wisenum.

¹³ In ek hi hetpi yi mit miyapir ap ne Isrel. Hi aposel kerek God keriuweta hi han yi mit miyapir ap ne weiwik me Isrel, te hi han yaaik hi hetpi yi mit him mirak. ¹⁴ Te hi mitik kiutip ke Isrel hi hari han ke mit miyapir yapirwe ne Isrel hi enipi hir han enuk hemkre menepam neriuwe menmen yaaim God kewet mit miyapir ne weiwik ham em. Te hir hanhan enises him me Kraisa te God kakikepi kaktorhis. ¹⁵ God nepi kewis yi mit miyapir ne weiwik ham ap ne Isrel yi yetikerek yekiyen yau yentar hirak nepi keweikin sip kewet mit miyapir ne weiwik me Isrel. Maain hirak pike kaktorhis hir nantikerek nankiyan nanu, yi han kitet mekam mamnen? Menmen im. Hir nanu werek nanir ke mit nipaa naa hir pike nekrit. ¹⁶ Mit hir nehimitan nu nekinpi hiram me God, te nu heneik, tiwei o nikim mirak, hiram me God. Ebrahim ketike mit profet hir yaain hir nikerek ne God. Te maain nepenyerer nir hir nanire nikerek ne God.

¹⁷ God nepi keremir heneik enum me mapik. Menmen im meteiknai God keweikin sip kewet mit miyapir han ne weiwik me Isrel. Te hirak ketihis yi mit miyapir han ne weiwik ham, yi yire mapik me yaank heneik miram, hirak keremir kemtin mau mapik me wit mekrehir ke mapik heneik nepi maa. Yi yepu yari wi miram te yi eiyu werek werek. ¹⁸ Te yi ap einan yipir eiwirek me mit miyapir ne Isrel God kepiri kar ke mit hir newen nu heneik newirem au emit! Yi ap han ekitet yi iuwe au. Yi yire nu heneik keriyen. Nu heneik ap te naanmipre nekinpi au. Hiram nekinpi em hiram naanmipre nu heneik. Hirak au, hir mit ne Isrel hir nire nu nekinpi, yi mit ne weiwik ham yi yire nu heneik.

¹⁹ Yi eitip eiyir ik: "God kepri mit miyapir enun ne Isrel kire mit newen nu heneik newirem, kewisai haiu mit miyapir ne weiwik ham haiu mekrehir kir te haiu yaain." ²⁰ Him im hiram yaaim te yi naanempre hiras me menmen im. God kepri nentar hir ap nises him

† 10:20 Ais 65:1 †† 10:21 Ais 65:2 ‡ 11:1 1Sml 12:22; Sam 94:14; Fl 3:5 †† 11:3 1Kin 19:10, 14 †† 11:4 1Kin 19:18 ††† 11:5 Ro 9:27 †††† 11:6 Ga 3:18 § 11:7 Ro 9:31 †† 11:8 Diu 29:4; Ais 29:10 ††† 11:9 Sam 69:22-23, 35:8

§† 11:11 Ap 13:46; Ro 10:19

mirak te yi yekrehir kir yi yau yentar yi yises him mirak. Te yi ap han kitet yi yaain au. Yi naanempre hiras werek werek me menmen yi yisesim te yi ap einai-wirem au. ²¹ God ap hanhan keriuwe mit miyapir ne Isrel hir neweikin sip newetiwek. Au, hirak kepiri. Hir nire mapik heneik me wit, te yi au, yi yar ke mapik heneik ke yaank. Te yi ap eiyisesik, yi han kitet hirak ap kakipiri kakriwaank a? Taauye! Hirak kakipiri kakriwaank ye! ²² In ek haiu mertei God wi ham hirak hanhan keriuwe mit, wi ham au kakiwaanki. Hirak ke-waank mit miyapir kerek ap nisesik, te yi kerek yi yisesik hirak hanhan keriuwi. Yi wen yisesik, hirak hanhan kakriui, o au en, hirak kakipiri kakir ke mit hir newen nu heneik epei maa hir newirem. ²³ Mit ne Isrel nanweikin sip han ekitet him yaaim me Kraiss, hir nanises God, hirak pike kaktorhis nantikerek nankiyan nanu nanir ke mit neremir nu heneik, hir pike nekinim nanwisim mamu heneik nipaa hir neremir, hiram mamwo. ²⁴ God kertei kiriak menmen im kentar menmen hi hetpiyem im. Yi mit ap ne weiwik me Isrel yi yire mapik heneik miram me yaank te God nepei kewisi yi yekiyan yau yetikerek yire mapik hen eik me yaank, hiram mau mapik me witeik, hiram mewo. Mit ne Isrel hir nire mapik heneik hiremes me wit te hiram menmen weinim God kaktorhis hir nantikerek nankiyan nanu nanir ke mit pike newis mapik heneik nipaa hir neremir, hiram pike mamwo.

God hanhan keriuwe mit miyapir yapirwe

²⁵ †Nai yinan, hi hanhan yi yertei werek werek him nipaa mit ap nerteiyem. Hi hanhan yi yerteiyem te yi ap han ekitet yi yertei menmen yapirwe. God nepei kenip mit miyapir han ne Isrel hir newenin han kir ere maain mit miyapir ne weiwik ham kerek God kehimiteni hir nanises him mirak hir naninen nanisesik. ²⁶ ††Maain wi im nepei au mesi, mit miyapir yapirwe ne Isrel nanises God hirak kakikepi kaktorhis. Him me God mau tiwei matip me menmen im hiram matip:

“Mitik kerek kakikaap mit hirak mitik ke wit Saion, hirak kakipir menmen enum mekre han ke nepenyerer ne maam nipu ke Jekop.

²⁷ †Wi kerek hi ahisak menmen enum mir, hi hises him nipaa hi hetpim.” ²⁸ Mit ne Isrel hir neweikin sip newet him yaaim me Kraiss, te God han enuk keriuweri, hirak kikaap yi mit miyapir ne weiwik ham. Te God kehimitan mit ne Isrel hir mit miyapir nirak hirak hanhan keriuweri kentar nipaa hirak katip maamrer taiu Ebrahim, Aisak, Jekop, hirak ketpiwekit kar ik: “Hi naanmamre nepenyerer ni erekyor yaaim.” ²⁹ Maain God pike kakrekyor yaaim kakintar hirak ap te kakweikin han kirak me mit miyapir ne Isrel kerek hirak kehimiteni hir nirak. Hirak kakikepi.

³⁰ Nipaa yi mit miyapir ne weiwik ham, yi yeweikin sip yewet him me God, te in ek God hanhan kariui kekepi kentar mit miyapir ne Isrel hir neweikin sip newet him mirak. ³¹ God hanhan keriuwi kekepi kentar

† 11:25 Ro 12:16; Lu 21:24; Jo 10:16 †† 11:26 Mt 23:39; Ais 59:20-21; Sam 14:7 † 11:27 Ais 27:9; Jer 31:33-34

hir mit miyapir ne Isrel neweikin sip newet him me God. Te in ek hirak God pike hanhan kakriueri kakikepi. ³² ††God nepei kenipai haiu mit yapirwe haiu meweikin sip mewet menmen hirak ketpaiyem. Haiu meweikin sip mewet menmen hirak ketpaiyem, te maain hirak hanhan kakriuwai haiu mit miyapir yapirwe, hirak kakrekyai menmen yaaim kakikepai.

Haiu mamwenipi niuk me God

³³ ††God kiau hirak yaaik iuwe. Menmen hirak han kitetim, menmen hirak kerteiyem, hiram yapirwe mire tenhaan me wan, hiram iuwe mesikenik. Haiu ap te mamirtei kenmak hirak kiriak menmen o markeik hirak kiriak menmen me haiu mit. Hirak kiriakem kere-mem. ³⁴ †††Hiram mire him me God mau tiwei metpim. Hiram matip mar im:

“Keimin hirak kertei menmen Mitik Iuwe God hirak han kitetim o keimin hirak kertei iuwe te hirak ekit-piwek hirak kakriak menmen im o menmen eim?”

³⁵ †††Taauye! Keimin hirak nepei kewet God menmen te hirak kakwetiwekem mamikrehir kirak a?

³⁶ †Taauye! Menmen yapirwe mepu, hirak God kerekek kiriakem. Hirak wen naanmire menmen yapirwe, hiram mau mamkepi. Haiu emwenipi niuk mirak in ere tipmain tipmain enum eik. Keremem.”

Haiu mamwet God yink kiau ketike han kiau mamir ke mit newepwar menmen newet God em

12 ¹†Nai yinan, hi hetpi him manp mar im. God nepei hanhan keriuwe haiu mit, hirak kerekyei menmen yaaim kekepai keriuwerem. Te yi eiwet God yink ki ketike han ki eiyir ke mit hir newepwar menmen newet God em. Yi eiwet God yink ki ketike han ki, yi eiyisesik eiriak menmen mirak. Te hirak han yaaik kakriui. Mar im yi yewenipi God werek werek yekre han ki. ² †††Yi ap eiyises menmen eiyir ke mit miyapir ne ti hir nisesim au emit! Yi eiwis God hirak kakweikin han ki te yi eire mit hir han kir hanhan nanises God werek werek. Te yi eiyirtei menmen God hanhan yi eiyisesim. Hiram yaaim mamnip God han yaaik, hiram mamkepi werek werek.

Haiu mamwis menmen God Himin Yaaik kewetaiyem hiram mamkepai haiu mamriak menmen

³ ††Hi hetpi menmen im hentar God hanhan keriuwa hi hiriak menmen mirak. Yi ap han ekitet yi yire mit miyapir iuwe yinin mit miyapir han au emit! Yar ke yi yises God yeit menmen God Himin Yaaik kewetiyem mamkepi yi yiriak menmen hirak kehimitenyem, te yi han kitet yi yaain o au. ⁴ †††Him im yaaim mentar haiu yink kiau kiutip te pinam miram yapirwe. Ham pinam hiram miriak menmen ham, pinam miriak menmen ham. ⁵ ††Mar im haiu mit miyapir haiu yapirwe te haiu

†† 11:32 Ga 3:22; 1Ti 2:4 †† 11:33 Ais 55:8-9 ††† 11:34 Ais 40:13; 1Ko 2:16 ††† 11:35 Jop 41:11 § 11:36 1Ko 8:6 §† 12:1 Ro 6:11, 13; 1Pi 2:5; Jo 4:24 §†† 12:2 Ef 4:23, 5:10, 17 §† 12:3 1Ko 12:11; Ef 4:7 §†† 12:4 1Ko 12:12 §† 12:5 1Ko 12:27; Ef 4:25

miŕe yink kiutip mentar haiu mises him me Kraiŕ, te haiu yapirwe niutip niutip mamkaapan.

⁶ †Menmen God kerekyeyem keweteyem hiram ap mipiram au. God nepei kewetei haiu mit han menmen mirak te haiu mewepyapir him hirak ketpeiyem, te haiu emwepyapirem mar ke haiu mises God memtau him mirak. ⁷ Haiu mit han kerek God kehimitenai haiu emkaap mit, te haiu emkepi. Hirak kehimitenai haiu mit han haiu mamtip mit menmen, te haiu emitporem. ⁸ ††Haiu mit han kerek God kehimitenai haiu matip mit him haiu mamkepi mamkiak han kir kakriuwereŕ, te haiu mamtipim mamkepi. Haiu mit han kerek God kehimitenai haiu emwet mit han menmen pinam me menmen maiu kerek haiu metenenim, te haiu emwetirem. Haiu mit han kerek God kehimitenai haiu naanmamre mit miyapir han, te haiu emisesim emriakem werek werek. Haiu mit han kerek God kehimitenai haiu mikaap mit miyapir ninap o miyapir mikan nir epei naa, te haiu emkepi werek werek.

Menmen yi yisesim te yi hanhan yeriuwehan

⁹ †Yi ap eiwisesik au. Yi hanhan yeriuwe mit. Menmen yaaim yi hanhanem. Menmen enum au, yi eineinim.

¹⁰ ††Yi hanhan yeriuwe ni yinan ne Kraiŕ yar ke yi hanhan yeriuwe ni ne winak ki. Yi han ekitet mit han hir ninini te yi eiwenipi niuk mir hir yaain.

¹¹ ††Yi ap eiyu yain yain au emit. Yi eiriak menmen yaaim me Mitik Iuwe God yeriuwe han ki iuwe.

¹² †††Yi han yaaik eiyu eimerir Mitik Iuwe Kraiŕ hirak pike kaknen. Menmen enum mamnen mamiwep, te yi han tokik eiyu. Hekrit hekrit yi eiyitehi God menmen.

¹³ †††Mit miyapir han nises him me God, hir netenen menmen auri, te yi eikepi naanempror eiriuwe menmen mi. Yi naanempre mit miyapir han ne wit hak naninen nanri.

¹⁴ †Mit kerek hir neriwaank yi ap eiyitehi God hirak kakreyor enum au emit! Yi eiyitiwekhi hirak ekikepi hir nanisesik.

¹⁵ †Mit miyapir hir han yaaik, yi han yaaik eitikeri. Hir han enuk me menmen, te yi han etwenini.

¹⁶ ††Yi han kiutip eikiyan eiyu. Yi ap han ekitet yi iuwe au emit. Yi eitike mit miyapir weinin yi eiriyan eino in eino ein. Yi ap han ekitet yi yertei iuwe yinin mit han.

¹⁷ †Mit kerek nerekyi enum, yi ap eirekyor menmen enum eiyir ke hir nerekyiyem au emit! Yi eiriak menmen mit miyapir han nertei hiram yaaim. ¹⁸ ††Yi ap einehan einapan au emit. Yi hanhan eitike mit miyapir yapirwe eikiyan eiyu. ¹⁹ ††Nai yinan, yi ap eiriak mit menmen enum eiyir ke hir nerekyiyem au emit. Yi eiwis God maain hirak kakriak mit menmen kerek han enuk kakriuwere. Yi eiwisik hirak kakriakem kakintar hirak katip him mit newisim mau tiwei mar im: "Maain

† 12:6 1Ko 12:4-11; 1Pi 4:10-11 †† 12:8 2Ko 9:7 † 12:9 1Ti 1:5; 1Pi 1:22; Emo 5:15 †† 12:10 2Pi 1:7; Fl 2:3 †† 12:11 Ap 18:25; Rev 3:15 ††† 12:12 1Te 5:17 †††† 12:13 Hi 13:2 † 12:14 Mt 5:44; Ap 7:60; 1Ko 4:12 †† 12:15 Sam 35:13 †††† 12:16 Ro 11:20, 15:5; Pro 3:7; Ais 5:21 †† 12:17 1Te 5:15 †††† 12:18 Mk 9:50; Hi 12:14 †† 12:19 Diu 32:35; Mt 5:39; Ro 13:4; 2Te 1:6-7; Hi 10:30

hi God hirekes ahiwanki arekyor enum." ²⁰ ††Te yi ap eirekyor menmen enum au emit. Mit kerek hir nerekyi enum, hir ninipi maan yi eiwetir menmen hir nanim, o hir him niu enuk (o mar kewenkikor him) yi eiwetir ti-par mei hir enim. Yi eiriak menmen mar im yi eirekyor hir yink enuk neriuwe menmen enum hir niriakem. Hiram mar ke yi yewen si yeunek mentar paan kir, ²¹ te yi ap eiwis menmen enum mamri han ki maminini au emit. Yi eiysin menmen enum eiriuwe menmen yaaim yi yiriakem.

Haiu emises him me gavman

¹³ ††Mit miyapir niutip niutip nanimtau him me mit iuwe ne gavman hir enisesim. God kehimitan gavman hir naanmipre mit miyapir nerer wit wit. God kewis mit ne gavman in ek hir nau ti naanmiprai. ² Mit kerek hir ap nises him me gavman hir netpor, hir neweikin sip newet menmen God kewisim. Hir neweikin sip newet gavman, te maain gavman hir naninip naninterim. ³ ††Mit ne gavman hir ap nepu nenip mit yaain hir nineini au. Mit kerek hir niriak enum keremem. Yi yinapen gavman hir han yaaik nanriuwu te yi ap eiriak menmen enum au. Yi eiriak menmen yaaim keremem te hir nantip yi yaain. ⁴ Hir nire mit ne God nekrehir kirak naanmamri te yi eiyu werek werek. Yi eiriak enum yi eineini eiyintar hir ap neit niuk iuwe weinin au. Hir netiwem neiyim nanriwaank nanriuwe menmen mir. Hir nekrehir ke God hir naninip mit miyapir kerek niriak menmen enum. ⁵ Te yi eiyimtau him me gavman eiyisesim. Yi ap eiyisesim eiyintar yi yineini hir naniwep keremem au. Yi eiyisesim eiyintar yi yekre han ki yertei hiram yaaim.

⁶ Yi eiwir pewek me takis eiyintar hir mit ne gavman hir nekrehir ke God, hekrit hekrit hir naanmipri te yi eiyu werek werek. ⁷ †††Te yi eiwet mit ne gavman menmen yapirwe hir nitihiyem. Yi eiwet mit ne gavman pewek me takis hir nitihiyem. Yi eiwet mit ne gavman pewek me takis me ti hir nitihiyem. Yi eiwenipi niuk me mit ne gavman hir iuwe. Yi han ekitet mit ne gavman hir iuwe yi eirekyor menmen yaaim.

Mit miyapir kerek hanhan neriuwe mit miyapir han hir nises him me God Moses kewisim mau tiwei

⁸ ††Yi eiwet mit menmen emrer mir me menmen kerek nipaa yi yetiwem. Menmen miutip mamu te yi eiwet mit em. Hiram menmen im. Yi hanhan yeriuwehan. Mit miyapir kerek hir hanhan neriuwehan, hir nises him me God nipaa Moses kewisim mau tiwei.

⁹ ††Him me God Moses kewisim mau tiwei hiram matip mar im: "Yi mit eitike miyapir yi ap eirihis mit miyapir epei neit mikan eiweninem au emit! Yi ap einep mit han hir nani. Yi ap eikintip menmen me mit han. Yi ap hemkre menepam menmen me mit han." Him meiyam mepu hiram mises him im miutip Moses kewisim. Hiram matip, "Yi hanhan eiriuwe mit miyapir han eiyir

†† 12:20 Pro 25:21-22; Mt 5:44 †††† 13:1 Ta 3:1; Pro 8:15; Jo 19:11 †††† 13:3 1Pi 2:13-14, 3:1, 3 †††† 13:7 Mt 22:21 18 13:8 Mt 22:39-40; Je 2:8 19 13:9 Eks 20:13-17; Lev 19:18

ke yi hanhan eiriuwe hiras." ¹⁰ †Mit miyapir kerek hanhan neriuwe mit miyapir han ap te nanrekyor enum taau. Te hir hanhan neriuwe mit miyapir hir nises him me God werek werek Moses kewisim mau tiwei.

Haiu emises menmen yaaim

¹¹ ††Yi hanhan eiriuwe mit miyapir han eiyyantar yi yertei in ek yi ap eire mit ne witaan niwaai au. Yi eiyykrit eiyyises God yi eiriakan werek werek eiyyir ke mit kerek ne witaan niwaai. Hir nekrit nentar nipaa haiu minin mises him me God, wi hirak pike kaknen kakikepai kaktaihis hiram wen yanimin. Te in ek wi epei man menep. ¹² †Hiram mire witaan nepei au, wanewik mamnen te haiu emweikin sip emwet menmen enum me ti im hiram mire menmen me witaan. Haiu emises menmen me God hiram mire nopen o yipo henmik haiu metiwem me wepni hiram mekepai haiu maminin menmen enum mamri han kaiu. ¹³ ††Haiu emises menmen yaaim mamriak menmen yaaim mire mit ne wepni niriakem. Haiu ap emises menmen enum me witaan mit niriakem mar im. Hir naam tipar si enum naam menmen yapirwe ere hir netaritari, hir netike miyapir nariyanhis neweninem, hir hemkre menepam me menmen yapirwe, hir nenehan nentar menmen im. ¹⁴ ††Te yi au. Yi eiyyitehi Mitik kaiu Iuwe Jisas Krai hira kakekiki naanmampru yar ke yi yeriuwet klos mau yink ki. Yi ap han ekitet eiyyises menmen enum, menmen han ki hanhanem au emit!

Haiu ap han mamnep mamntar menmen me nau yinan ne Krai hir niriakem

14 ††Yi eiwi mit miyapir kerek hir nises him me God te hir ap nertei menmen werek werek wen au, yi eiwisi hir naninen nanu nantikewi eiwenipi niuk me God. Te yi ap eitikeri einahan me menmen hir han kitet nanisesim au emit! ² ††Mit han nises God werek werek, hir nanim menmen yapirwe. Te mit han hir nises God hir ap nertei menmen mirak werek werek. Hir ninapen samiyak hir naam teket weisan keremem. Hir han kitet hir nanim sak te God han enuk kakriuwari. ³ †Yi mit miyapir kerek yaam menmen yapirwe yi ap einan yipir eiwirek ke mit kerek ninapen samiyak hir naam, teket weisan keremem au. ⁴ ††Yi han kitet yi iuwe te yi skelim menmen mit han hir nire wok mit ne Krai hir niriakem a? Mitik Iuwe Krai kerekek hirak han ekitet menmen mit nirak hir niriakem, hiram yaaim o enum. Hi han kitet hirak kaktip hiram yaaim mamntar hirak kakekiki nanises menmen yaaim. ⁵ ††Mit han hir han kitet wi ham hiram minin wi ham. Mit han au, hir han kitet wi yapirwe hiram mipiram. Yi mit niutip niutip yi han ekitet werek menmen yi eiyyisesim. ⁶ Mit neimin hir han kitet wi ham hiram, hir nises menmen im newenipi niuk me Mitik Iuwe Krai neriuerem. Mit miyapir kerek hir naam samiyak hir

† 13:10 1Ko 13:4-7 †† 13:11 Ef 5:14; 1Te 5:6-7 † 13:12 Ef 5:11, 6:11 †† 13:13 Lu 21:34; Ef 5:18 †† 13:14 Ga 3:27 ††† 14:1 Ro 15:7 ††† 14:2 Jen 1:29, 9:3 † 14:3 Kl 2:16 †† 14:4 Mt 7:1; Je 4:11-12 ††† 14:5 Ga 4:10

newenipi niuk me Mitik Iuwe Krai neriuerem nentar hir natip God hirak yaaik me menmen hirak kewetirem. Mit miyapir kerek naam teket weisan weinim, hir newenipi niuk me Mitik Iuwe Krai, hir natip God hirak yaaik me menmen hirak kewetirem.

⁷ Haiu mit ap mepu mises han kaiu, haiu ap mami mamises han kaiu au. ⁸ ††Haiu mamu me menmen haiu miriakem, te haiu mamwenipi niuk me Mitik Iuwe Krai. Haiu mami te menmen haiu miriakem hiram mamwenipi niuk me Mitik Iuwe Krai. Haiu mamu o haiu mami, haiu mit miyapir mamises han kirak mamntar haiu ne Krai. ⁹ Haiu mit miyapir ne Krai mentar Krai kaa, te hirak kakir ke Mitik Iuwe ke mit miyapir nepei naa netike haiu mit miyapir kerek wen mepu.

¹⁰ ††Yi yenmak te yi skelim ni yinan a? Yi yenmak te yi einan yipir eiwirek eiyyantar ni yinan a? Maain haiu yapirwe mamirp mamrapit God, hirak skelim haiu mit me menmen haiu epei miriakem. ¹¹ ††Him me God Aisaia kewisim mau tiwei matip mar im:

"Hi hepu, te hi Mitik Iuwe God hetpi werek. Mit, miyapir, tipir, hir nanirp nanerepta nanwen ninip nanitehir nantip nanir ik: 'Ti hirekes kerekek ti God.'"

¹² ††Tis, haiu yapirwe mamtip God menmak haiu mises menmen haiu miriakem me wi haiu mau ti, te haiu naanempre hiras. Te haiu skelim nau yinan me menmen enum hir niriakem em epei au emit!

Haiu ap mamriak menmen meiyim mamiwaank nau yinan mamriuerem

¹³ Te haiu skelim nau yinan nepei au emit! Yi han ekitet menmen im. Yi ap eiriak menmen naninip ni yinan hir nanriak menmen enum. Menmen im hiram mamir ke mitik kerewo nan kenkewin. ¹⁴ †††Hi hises him me Mitik Iuwe Jisas, te hi hertei menmen yapirwe hiram yaaim. Mitik hak han kitet menmen hiram enum te hirak ap kakisesim o kakim au emit. ¹⁵ †††Samiyak o menmen yi yayim hiram mamiwaank ni yinan han kir, te yi ap hanhan yeriuwari au. Yi ap eiwi menmen yi yayim mamnip mit miyapir kerek Krai kaa kakekiki, hiram mamiwaank menmen mir me Krai hir nisesim. ¹⁶ †††Yi ap eiwi menmen yaaim yi yisesim hiram mamnip mit han hir nantip hiram menmen enum. ¹⁷ God naanmiprai haiu misesik hiram ap menmen me tipar haiu mamim metike menmen au. Hiram menmen me God Himin Yaaik kewetaiyem haiu misesim, te haiu metike God mekiyan mau haiu han yaaik mamu. ¹⁸ Mit miyapir kerek nertei menmen me menmen mit nanim hiram menmen weinim, hir nises menmen Krai hanhanem, te God han yaaik kakriuwari, mit miyapir han nantip, "Hir yaain."

¹⁹ ¹⁸ Te haiu hanhan emises menmen mamnip haiu mit yapirwe emkiyan emu han kiutip haiu emkaapan. ²⁰ Yi ap eiyyiwaank menmen God kiriakem kekere han ke

‡ 14:8 Lu 20:38; Ga 2:20; 1Te 5:10 ††† 14:10 Mt 25:31-32; Ap 17:31; 2Ko 5:10 †† 14:11 Ais 45:23; Fl 2:10-11 †† 14:12 Ga 6:5 ††† 14:14 Ap 10:15; Ta 1:15 ††† 14:15 1Ko 8:11-13 †††† 14:16 Ta 2:5 18 14:19 Ro 12:18, 15:2

mit miyapir han yentar yi yenehan yentar menmen me yi yayim. Menmen yapirwe hiram yaaim, te yi yayim menmen hiram mamnip ni yinan hir nanises menmen enum, te menmen yi yaam hiram menmen enum.

²¹ †Samiyak o tipar si enum yi yaam o menmen yapirwe yi yiriakem hiram menip ni yinan hir nises menmen enum, te yi ap yayim o eiriakem meiyam nepei werek emit! ²² Menmen yi han kitetim me naan o tipar si enum hiram yaaim te yi yayim, yi ap eiwepyapirem eiri han ke mit han eiriwerem au emit! Hiram menmen me yi mit yetike God. Mit kerek han kir ap katip menmen hir nisesim nanim hiram enum me menmen hir han kitet hiram yaaim, hir han yaaik nanu. ²³ ††Te mit kerek han kir katip menmen im hiram menmen enum, te hir nanim, hir niriak menmen enum. Han kir nepei ketpor hiram enum te hir ap nisesik au. Hir nikiamnaan naam. Menmen mit han kitet hiram enum te nanisesim, menmen mar im hir nisesim God katip hiram enum.

Haiu emises han ke Krajs

15 Haiu mit miyapir kerek mises him me God werek werek, haiu ap emises han kaiu mamim menmen o mamriak menmen menip naiu yinan ne krajs ap nises God werek werek hir han enuk neriuwerem au emit! ² †Haiu emwen han kaiu emkepi me menmen hir han kitet hiram enum te hir enises God werek werek. ³ †Krajs hirak hirekes ap kises han kirak me menmen au. Hirak kises him me God te menmen enum man mewanke. Him me God mau tiwei Sam hiram matip me menmen mar im: "Hi Mitik Iuwe hi hekrehir ke ti God hi heriuwe menmen enum mit enun netpim me ti hiram man meiyep." ⁴ †Him me God yapirwe mit nipaa ein newisim mau tiwei hiram mamkepai haiu han tokik emu me menmen enum mamnen mamraiwaank, haiu mamerir wi haiu mamit menmen God kakwetayem. ⁵ Hi hanhan God kerek kekepai haiu han tokik mamu haiu mamriiwek kaktaihis, hirak kakikepi yi eiyises menmen Krajs Jisas kiriakem yi eikiyan eiyu. ⁶ Te yi yapirwe eire han kiutip yi eiwenipi niuk me God hirak Haai ke Mitik kaiu Iuwe Jisas Krajs.

Krajs kikaap mit miyapir ne Isrel netike mit miyapir han ne weiwik ham

⁷ ††Te yi mit miyapir en yi eiyithis ni yinan eitikeri han kiutip eiyu eiyir ke Krajs ketihis yi mit miyapir te mit nau ti nanwenipi niuk me God naninterim. ⁸ †††Yi eiyithis ni yinan eitikeri eikiyan eiyu eiyintar hi hetpi menmen im me Krajs. Hirak keweikin kire mitik kikaap mit ne Isrel kerek nerekir yink kir, hirak keteiknor God katip him yaaim hirak kakises menmen nipaa katip maam nipurer tirak Ebrahim Aisak Jekop hirak ketporem. Hirak ken kiriak menmen im keremem au.

† 14:21 1Ko 8:13 †† 14:23 Ta 1:15 † 15:2 Ro 14:19; 1Ko 9:19, 10:24, 33 †† 15:3 Sam 69:9 †† 15:4 Ro 4:23-24; 1Ko 10:11 ††† 15:7 Ro 14:1 ††† 15:8 Mt 15:24 § 15:8 Ap 3:25; Ro 11:30; Sam 18:49

⁹ Krajs kan te mit miyapir ne weiwik ham nanwenipi niuk me God me menmen im. God hirak hanhan keriuwe haiu mit yapirwe. Him me God mau tiwei Sam kerek Devit kewisim hiram matip mar im:

"Hentar menmen im hi hau nimin ke mit miyapir ne weiwik ham, hi awenipi niuk mit, hi hinut henye."

¹⁰ †Hiram him ham Moses kewisim hiram matip mar im:

"Yi mit ap ne weiwik me Isrel eitike mit miyapir ne Isrel, yi han yaaik eiyu." ¹¹ ††Him ham matip mar im:

"Yi mit miyapir ap ne weiwik me Isrel, yi eiwenipi niuk me Mitik Iuwe God. Yi yapirwe yi eiwenipiyek wisenum." ¹² ††Him me God Aisaia kewisim mau tiwei matip mar im:

"Maain nepenyek hak ke maam Jesi (hirak haai ke Devit) hirak kaknen kakir ke nu hir mit nikan, hirak pike kensunen. Hirak kaknen mit ap ne weiwik me Isrel hirak naanmamror hir nanmeriyiwek hirak kakikepi hir nanire yaain."

¹³ Hi hanhan God kerek kenipai haiu mameriyiwek hirak kakikepai kaktaihis, hirak kaknip yi han yaaik wisenum yi han ki kaku werek yi yisesik werek werek. Te God Himin Yaaik kakriuwe menmen mirak iuwe kaknipi yi eimeriyiwek ere God kakweti menmen yaaim mirak.

Pol hirak han yaaik keriuwe menmen hirak kiriakem

¹⁴ Nai yinan, hi hirekes hertei hekre han kai yi hiras yi yaain, yi yiriak menmen yaaim. Yi yertei him me God werek werek yi yertei yatip mit han ne yi hiras en yeteiknor menmen mirak. ¹⁵ ††Te hi nepei hewisi menmen ham hetpi him manp heriuwerem. Hi ap hinapen hetpiyem au. Hi hanhan hetpi menmen me hi hekeyi han ki hentar God hirak hanhan keriuwa kehimitena hi hire mitik aposel ke Jisas Krajs, hi hiriak menmen hikaap mit miyapir ap ne Isrel neriuwerem. Hi hiriak menmen har ke mitik pris hirak kiriakem. Hi hatip mit miyapir ap ne weiwik me Isrel him me God, te God Himin Yaaik kaknipi hir yaain nanir ke menmen mit pris newepwarem newet God em, hirak kehimitenor hir ne God Haai, hirak han yaaik kakriuweri.

¹⁷ Hi han yaaik heriuwe menmen hi hiriakem me God hentar hi ke Krajs Jisas. ¹⁸ ††Hi ap hatip me menmen ham au. Hi hatip me menmen Krajs kekepa hi hiriakem te mit miyapir ap ne weiwik me Isrel, hir nemtau him me God hir nisesim. Hirak kekepa keriuwe him hi hetpim, metike menmen hirak kekepa hi hiriakem mar im. ¹⁹ God Himin Yaaik kekepa hi hiriak menmen yaaim hikaap mit miyapir ninap o his hit mir enum. Te hi herp Jerusalem, hi hen yanimin ere hi hipi-un provins Ilirikam, hi hewepyapir him yaaim me Krajs, hi atip mit em. ²⁰ ††Me menmen im hi hiriakem, hi hanhan wisenuk hi hewepyapir him yaaim me Krajs hetpim heit wit kerek mit ap nemtau him me Krajs wen au. Te hi ap hiriak menmen heit wit kerek mit han

§† 15:10 Diu 32:43 §†† 15:11 Sam 117:1 §† 15:12 Ais 11:10; Rev 5:5 §†† 15:15-16 Ro 1:5, 11:13, 12:1; Fl 2:17 §† 15:18 2Ko 3:5 §† 15:20 2Ko 10:15-16

nepei netpor him. Hi hinapen ariak menmen im. Hiram mar ke hi hime winak kentar teinik mitik hak epei hekin hei yem hamir. ²¹ †Au, hi hanhan hises him me God mau tiwei nipaa Asaia kewisim mar im:

“Mit miyapir kerek mit han ap nan netpor menmen me Mitik Iuwe, hir nanirek. Hir mit miyapir kerek nipaa ap nemtau menmen mirak, hir nanirteiyem.”

Pol hanhan kakir mit ne Rom te hirak kakno wit Spen

²² ††Nipaa ere in, hi ap han hiri hentar menmen hi nepei hetpiyem. ²³ Te in ek hi hiriak menmen meit wit im nepei au. Me tito yapirwe hi hanhan anen ari. ²⁴ †Te hi han kitet hi ari hi ehu me wi meiyam atikewi. Hi ehu etikewi epei au, yi eikepa eiriuweta hi ano ein.

²⁵ ††In ek kerekek hi ano wit Jerusalem, te hi akaap mit miyapir ne God en. ²⁶ ††Hi eno Jerusalem hentar mit miyapir ne Masedonia netike mit miyapir ne provins Akaia han kitet nanisiuwe pewek mamno mamkaap mit miyapir ne God neit en, hir enun ap netenen menmen mei au. ²⁷ ††Hir hanhan nanriuwet menmen im mamkepi nanriuwere. Hir enkepi nanwetir menmen mamikrehir miram mentar menmen im. Nipaa hir mit ne Jerusalem hir newetir menmen mir yaaim me God, te in ek hir nanwetir mei mamikrehir miram nankepi nanwetir pewek mei.

²⁸ Te hi hanhan ahinin ariak menmen im. Hi hewetir pewek im kerek mit miyapir hir netiwem nesiuwere man. Epei au, te hi anen ari yi yeit yayiwe ke wit Spen. ²⁹ ††Maain wi hi anen ari, hi hertei Krai kaku kakikre han kai iuwe te hi akepi ariuwe menmen im hirak hanhan kakwetiyem.

³⁰ †Nai yinan, hi hitihi him manp hentar yi han kitet menmen me Jisas Krai metike menmen me hanhan meriuwehan God Himin Yaaik kewisim mekre han kaiu, yi yetikewa haiu mamitehi God iuwe me hi. ³¹ Yi eitiwekhi hirak naanmamrau me mit neit provins Judia hir ap nises him me God ap te hir naniyep. Yi eiyitehi God hirak kaknip hir mit miyapir narak neit wit Jerusalem hir han yaaik nanriuwe pewek hi ewetirem. ³² God hanhan hi anen ari, te hi han yaaik ehu etikewi me wi mei kike.

³³ Hi hanhan God kerek kenipai han kaiu kau werek, hirak kaku kaktikewi. Keremem.

Pol kesiuwe him gude katip mit miyapir hir yaain

16 Hi hanhan hetpi me mite paiu yina piutip niuk mire Fibi. Hire mite kerek wises him me God hire wikaap mit miyapir ne weiwik miutip me God neit wit Senkria. ² Hi hetpi me mite ip e te yi yaiwihis yayir ke mit miyapir ne God enisesim. Yi eirekyiwere eiyir ke God hanhan yi eiriakem. Yi eikepiye eiriuwe menmen hire hanhan wautiwem wawintar hire nepei wekepa hi hetike mit miyapir yapirwe.

³ ††Yi yaitip Prisila wetike mitik kire Akwila hi hetpor hir yaain. Hir niriak menmen me Jisas Krai netikewa.

⁴ Nipaa hir menep nani te hir nekepa. Hi kerekek han yaaik heriuwera au. Mit miyapir yapirwe ap ne weiwik me Isrel kerek nises him me God nerer wit wit hir han yaaik neriuwera. ⁵ ††Yi yaitip mit miyapir kerek nererik neit winak kir newenipi niuk me God neitai, yi yayitpor hi hatip hir yaain. Yi yaitip kai yinak yaaik Epinitas hirak yaaik. Hirak mitik kinin mit miyapir ne Esia, hirak kinin kises him me Krai.

⁶ Yi yaitip Maria hi hetpiwe hire yaaip. Hire wiriak menmen yapirwe wekepi weriuwera.

⁷ Yi yaitip Andronaikas ketike Junias hi hetpiwekit hirakit yaaikit. Hirakit te weiwik mai hirakit nipaa tetikewa men winak enuk. Hirakit mitikit aposel niuk mirakit hiram iuwe mit yapirwe nerteiret. Nipaa hi hises him me Krai wen au, hirakit nepei tisesim.

⁸ Yi yaitip Amplitas hi hetpiwek hirak yaaik. Hi hanhan heriuwera, hirak kai yinak ke Krai.

⁹ Yi yaitip Eban hi hetpiwek hirak yaaik. Hirak kiriak menmen me Krai ketikewai. Yi yaitip Stekis hi hetpiwek hirak yaaik, hirak kai yinak yaaik.

¹⁰ Yi yaitip Apelis hi hetpiwek hirak yaaik. Hi hemtau mit natip mit enun nerekyiwere enum te hirak kises Krai werek werek. Yi yaitip mit miyapir neit winak ke Aristobulus hi hetpor hir yaain.

¹¹ Yi yaitip Herodion kerek kai ke weiwik miutip, hi hetpiwek hirak yaaik. Yi yaitip mit miyapir neit winak ke mitik Nasisas kerek nises him me Krai, hi hetpor hir yaain.

¹² Yi yaitip Traifina wetike Traifosa hi hetpor hir yaain. Miyapir wik in hir niriak menmen iuwe me Mitik Iuwe Krai. Yi yaitip mite Pesis hi hetpiwe hire yaaip. Hire pai yaaip wiriak menmen iuwe me Mitik Iuwe Krai.

¹³ ††Yi yaitip Rufas kerek mitik yaaik kises Mitik Iuwe Krai werek werek, hirak ketike miye pirak, kerek hire wire miye pai, hi hetpor hir yaain.

¹⁴ Yi yaitip Asinkritas, Fligon, Hemis, Patrobas, Hemas netike mit han nises him me Krai nau netikeri, hi hetpor hir yaain.

¹⁵ Yi yaitip Filologas, Julia, Nerias ketike yenten pirak, Olimpas, hir netike mit miyapir han hir nises God hir nau netikeri, hi hetpor hir yaain.

¹⁶ ††Yi mit en yi yises menmen yi yiriakem, yi eiktaan his yaitip yi hiras yi yaain. Mit miyapir yapirwe ne Krai in hir nesiuwe him netpi yi yaain.

Yi einopin eikeipin mit kerek nanri han ke mit hir nenke hasini han nen pinak han nen pinak

¹⁷ †Nai yinan, hi hetpi yi naanmamre hiras me mit kerek hir nanri han ke mit te hir nenke hasini han nen pinak, han nen pinak, hir neweikin sip newet him me God nipaa mit hir netpiyem. Hir newaank mit nises him me God neriuwe him ham. Yi einopin eikeipnor.

¹⁸ ††Mit nar ik hir ap niriak menmen me Mitik Iuwe Jisas

† 15:21 Ais 52:15 †† 15:22 Ro 1:10-13 † 15:24 1Ko 16:6
 †† 15:25 Ap 19:21, 24:17 †† 15:26 1Ko 16:1; 2Ko 8:1, 9:2, 12
 ††† 15:27 Ro 9:4; 1Ko 9:11 ††† 15:29 Ro 1:11 † 15:30 2Ko
 1:11; Kl 4:3; 2Te 3:1

† 16:3 Ap 18:2, 18, 26 ††† 16:5 1Ko 16:15, 19; 2Ti 1:15 †
 16:13 Mk 15:21 ††† 16:16 1Ko 16:20; 1Pi 5:14 †† 16:17 Mt 7:15;
 Ta 3:10 †† 16:18 Fl 3:19; Kl 2:4; 2Pi 2:3

Krais. Au, hir nises menmen me han kir. Hir newises mit miyapir kerek ap han kitet hir netpor enum, hir nemitorpin nimornipin neriuwe him mir yaaim weinim.
¹⁹ †Yi yises him me God werek werek te mit nerer wit wit nemtewem. Menmen im menipa hi han yaaik heri-
 uwi. Hi hanhan yi yertei werek menmen hiram yaaim, te menmen enum mamri han ki yi eiysesim au.
²⁰ ††God kerek hirak kenipai han kiau kau werek menep te kakinin Seten te yi eiysin menmen mirak. Hi hanhan Mitik kiau Iuwe Jisas hirak kakrekyi yaaim kaku kaktikewi.

Mit han nesiuwe him natip gude me mit ne Rom

²¹ †Timoti kerek kiriak menmen ketikewa hirak ketpi yi yaain. Lusias, Jeson, Sosipata, hir ne weiwik mai, hir netpi yi yaain.

²² Hi Tetias, hi hemtau him me Pol ketpewem hi hewisim mau tiwei im, hi hirekes hetpi yi yaain yentar yi yises Mitik Iuwe.

²³ ††Mit miyapir nises him me God nererik neit winak ke mitik Gaias newenipi niuk me God. Hirak kerek naanmimprau hi Pol me menmen te hirak kerekek ket-

† 16:19 Ro 1:8; Mt 10:16; 1Ko 14:20 †† 16:20 Ro 15:33; Jen 3:15 ‡ 16:21 Ap 16:1-2, 19:22, 20:4 †† 16:23 1Ko 1:14

pi yi yaain. Erastas, hirak kuskus ke wit iuwe ik ketike kiau yinak Kwotas, hirakit tetpi yi yaain.

²⁴ (Hi hanhan Mitik Iuwe Jisas Krais kakrekyi menmen yaaim.)

Yi eiwenipi niuk me God

²⁵ ††Haiu mamwenipi niuk me God. Hirak kakikepi yi eiyses him mirak werek werek han tokik eiyu. Him im yaaim me Jisas Krais kerek hi hatip mit em, hiram nipaa God kisawinem. ²⁶ ††Te in ek hirak kewepyapirem keteiknaiyem meriuwe him mit profet nipaa newisim mau tiwei. God kerek kaku kakit tipmain tipmain enum eik nepei katip him manp te haiu mit mewepyapirem mamtip mit miyapir ne weiwik ham nerer wit wit him mirak, te hir nanimtewem nanisesim. ²⁷ †††Hi hanhan haiu mamwenipi niuk me God hirak kerekek kertei menmen yapirwe. Haiu mamwenipi niuk mirak tipmain tipmain enum eik mamintar menmen Jisas Krais kerekyaiyem.

Mepir keremem

‡‡ 16:25 Ef 1:9, 3:5, 9; Kl 1:26 ††† 16:26 Ro 1:5 †††† 16:27 1Ti 1:17; Ju 25

1 KORIN

Menmen me tiwei ik

Pol katip hirak kitehi God ke mit ne wit Korin

r 1:1-9

r*

Him me mit hir nenke hasini

r 1:10-4:21

r*

Him me mit miyapir hir niriran nisesan

r 5:1-13

r*

Menmen mit ne weiwik me God hir nanisesim

r 6:1-7:40

r*

Him me mit ne ti netike mit ne weiwik me God

r 8:1-11:1

r*

Him me menmen mit niriakem newenipi niuk eme God neit sios

r 11:2-14:40

r*

Him me God kikiak Jisas ketike haiu mit ehau kikrek nirak

r 15:1-58

r*

Him me kolekta mit ne Korin nanisiuwem mamno emit ne Judia

r 16:1-4

r*

Pol katip menmen maain hirak kakriakem

r 16:5-12

r*

Pol katip mit ne Korin him mirakru, him gude

r 16:13-24

r*

1 Hi Pol hi mitik aposel ke Jisas Krai. Nipaa God hanhan kewisa hi hire mitik aposel te hirak kehimitena hi hiriak menmen mirak. Hi Pol hetike kaiu yinak Sostenis, ² thawir mitikit wik wewis tiwei ik ken yi mit miyapir ne weiwik me God yi yau wit Korin. God kerekyi yi mit miyapir yaain yentar yi mit miyapir ne Krai Jisas keriyen. Yi yire mit miyapir ne God yentar God kehimiteni yi nirak. Mit miyapir nerer wit wit kerek newenipi niuk me Mitik Iuwe kaiu Jisas Krai, hir yaain. Jisas hirak Mitik Iuwe kir, hirak Mitik Iuwe kaiu. ³ †Hi hanhan God Haai kaiu ketike Mitik Iuwe Jisas Krai, hirakit tatreyki menmen yaaim, yi yayu werek werek.

† 1:2 1Ko 6:11; Ap 9:14 †† 1:3 Ro 1:7

Pol katip God kirak yaaik kentar hirak kikaap mit ne Korin nises him mirak

⁴ Hekrit hekrit hi han kitet yi mit yiriak menmen yaaim te hi hatip God hirak yaaik kentar menmen im. Hirak epei kerekyi menmen yaaim mentar yi mit miyapir ne Krai Jisas. ⁵ God epei keweti menmen mirak yapirwe. Yi yetiwem nipaa Krai kewetiyem, te yi yertei him me God werek, yi yetpim yewepyapirem. ⁶ Yi yeit menmen im yentar nipaa haiu man mewepiyapir him me Krai, yi yemtwem te yi yisesim werek. ⁷ ‡Yi yisesim werek werek te God ap kaksawin menmen

‡ 1:7 Lu 17:30; 2Te 1:7; Ta 2:13

yaaim ham au. Hirak kewetiyem te yi yises han kirak werek werek, yi yemerir wi kerek Mitik kiau Iuwe Jisas Krai pike kaknen kakwepyapir hirekes. ⁸ Hirak God wen kakikepi ere maain wi Jisas Krai pike kaknen kakwepyapir hirekes te God ap kaktip yi enun au yi yaain. ⁹ God kehimitenai haiu mit metike Nikan kirak Jisas Krai hirak Mitik kiau Iuwe haiu mau han kiutip. God Iuwe ik hirak yaaik ap te kakmipin au. Hirak kakises him mirak kakikepi te yi eiyu werek werek maain me wi eim.

Pol keneri hir nenke hasini

¹⁰ Nai yinan, hi etpi him manp hekrehir ke Mitik Iuwe kiau Jisas Krai. Yi eikiyan han kiutip eiyu me menmen yaaim me God yi yiriakem. Yi ap te yayinke hasini au emit. Yi eikiyan han kiutip eiyu me menmen yapirwe yi yiriakem. ¹¹ Nai yinan, hi hetpi menmen im hentar mit han nau neit winak ke mite Klowi hir nan in netpo wi ham wi ham yi epei yenehan yentar menmen. ¹² Hi hemtau mit han ne yi mit yi yatip, "Haiu mises him me Pol." Mit han ne yi mit yi yatip, "Haiu mises him me Apolos." Mit han ne yi mit yi yatip, "Haiu mises him me Sifas." Mit han yi yatip, "Haiu mises him me Krai."

¹³ Menmen yi yiriakem hiram meteikin Mitik Krai hirak kenke pinak pinak (o wik wik) a? Mekam, mit nipaa hir epei newenkika hi Pol hentar nu tentarakit hi haa me yi mit a? Nipaa mit nikri neriuwe tipar hir nekine niuk mai hi Pol te yi yire mit nai a? Taauye! Yi ne Krai Jisas.

¹⁴ Hi ap hikir mit yapirwe ne yi mit au. Hi hikir Gaias ketike Krispas keretet. Hi han yaaik hi ap hikiri yi mit yapirwe. ¹⁵ Te yi ap eitip haiu mit mises him me Pol me wi hirak kikai keriuwe tipar. ¹⁶ O, hi han kaa. Hi epei hikir mitik Stefanus ketike mit na neit winak kirak. Hi han kaa te hi hikir neiyau o au. Hi han kitetim au.

¹⁷ Krai hirak ap keriuweta hi han te hi hikir mit miyapir neriuwe tipar au. Hirak keriuweta hi han te hi hewepyapir him mirak yaaim. Hi ap hetpi him har ke mit hir nertei iuwe hir netpim te hi hari han ki heriuw-erem te yi eiysesim au. Hi hinapen henip menmen Krai keriakem kentar nu tentarakit hiram mire menmen weinim te hiram ap mamkepi au.

Menmen Krai keriakem kentar nu tentarakit keteiknai God hirak Iuwe

¹⁸ Hir mit miyapir kerek nanino nanikre si tatikneni hir natip him me Jisas hirak kaa kentar nu tentarakit hiram menmen weinim. Te haiu mit miyapir kerek God kekepai ketaihis, haiu matip him me Krai hirak kaa kentar nu tentarakit, hiram menmen iuwe God keriakem. ¹⁹ Haiu mertei him im hiram yaaim mentar nipaa mitik profet kewis him me God mau tiwei metpim mar im:

"Hi tewen ahiwaank han ke mit kerek hir newenipi hiras hir natip, 'Haiu mertei menmen yapirwe.' Hi

ahiwaank han ke mit han kerek hir natip, 'Haiu hiras mertei menmen yaaim.'" ²⁰ Te mit kerek natip haiu mertei menmen yapirwe hir ap nire God au. Hir mit enun weinin keriyen. Mit kerek nertei him lo hir newisim mau tiwei ham hir ap nire God au. Hir mit enun weinin keriyen. Mit nau ti in ek kerek netike mit han hir netpepan menmen hir ap nire God au. Hir mit enun weinin keriyen. Hir yapirwe hir mit enun weinin nentar God epei keteiknai menmen mit nau ti hir niriakem nises han kir God katip hiram menmen enun weinim.

²¹ God hirak kertei menmen iuwe han kitet hirak kaknip mit nau ti hir ap nanirteiyek nanriuwe han kir weinin taau. Hirak hanhan kakikaap mit miyapir han hir nanirteiyek werek nanriuwe him yaaim im mit han ne ti natip hiram enun weinim, haiu mewepyapirem. ²² Mit miyapir ne Isrel hir natip, "Haiu memtau him mi haiu mamisesim te yi eiynin eiteiknai menmen yaaim te haiu mamirtey God keriuweti yi yan yetpai him im." Mit han ne weiwik me Grik hir natip, "Haiu mit keriyen haiu hanhan te yi eiwepyapir menmen yapirwe te haiu emises him mi." ²³ Te haiu mit aposel au. Haiu mewepyapir him me Krai kerek mit newenkekik kau nu tentarakit. Te him maiu im menip mit ne Isrel han enuk, hiram menip mit ne Grik hir natip him im hiram enun weinim. ²⁴ Hir natip him im hiram weinin te haiu mit ne Isrel metike mit ne Grik kerek God kari han kiau, haiu mises him mirak, haiu matip Krai keriuwe menmen hirak keriakem hirak keteikin mit menmen iuwe me God, hirak keteiknor hirak kinin kertei menmen yapirwe. ²⁵ Mit han hir natip hir nertei menmen iuwe te hir natip menmen God kerteiyem hiram weinim. Au, God kinin kertei menmen yapirwe. Mit han hir natip nire mit iuwe te hir natip God hirak kere menmen weinim. Au God hirak wisenuk keriak menmen minin menmen yapirwe.

²⁶ Nai yinan, yi han ekitet yi yire mekam me wi nipaa God kari han ki yi yisesik. Yi mit han yapirwe yi yire mit iuwe o yi yertei menmen mit nau ti hir natip hiram yaaim? ²⁷ Au, yi niutip niutip keriyen. God kehimitenai haiu narak kerek mit ne ti hir natip haiu enun weinin. God kehimitenai haiu mit weinin te haiu mamriak mit ne ti kerek han kitet hir nertei iuwe hir yink enuk. God keriak menmen im te haiu mit weinin mamriak mit ne ti hir mit niuk iuwe hir yink enuk. God ap kehimiteni hir narak. ²⁸ God kari han ke mit miyapir hir ap ne weiwik iuwe hir nisesik. Mit nau ti hir ninan yipir newerek natip hir mit enun weinin, te God kekepi keriuwe menmen hirak kerek yorem hir niriak mit kerek han kitet hir ne weiwik iuwe, hir yink enuk God ap kehimiteni hir narak au. ²⁹ God keriak menmen im te maain ap te mitik kei kiutip kakirp ninaan me God hirak kaktip mitik iuwe taau. ³⁰ Haiu mit nau ne Krai Jisas mentar menmen God kerek yeiyem. God kehimitanek hirak

† 1:8 Fl 1:6; 1Te 3:13, 5:23 †† 1:9 Jo 1:3; 1Ko 10:13; 1Te 5:24 ‡ 1:10 Fl 2:2 †† 1:12 1Ko 3:4; Ap 18:24-28; Jo 1:42 †† 1:14 Ap 18:8; Ro 16:23 ††† 1:16 1Ko 16:15 ††† 1:17 Mt 28:19; Jo 4:2 § 1:18 2Ko 4:3; Ro 1:16 †† 1:19 Ais 29:14

§†† 1:20 Ais 19:12, 33:18, 44:25; Jop 12:17 §† 1:21 Mt 11:25 §†† 1:22 Mt 12:38; Ap 17:18, 32 §† 1:23 Ro 9:32; 1Ko 2:14 §† 1:24 Kl 2:3 §†† 1:25 2Ko 13:4 §§† 1:26 Mt 11:25; Jo 7:48; Je 2:1-5 §§§ 1:29 Ro 3:27; Ef 2:9 18 1:30 Jer 23:5-6; Jo 17:19; 2Ko 5:21

keteiknai God kinin kertei menmen yapirwe. HIRAK kerekek kekepai te God katip haiu mit yaain. God ke-himitanek hirak kerekyei haiu mire mit yaain, hirak ke-siupenai me menmen enum kekepai kaktaihis mamno wit ke God. ³¹†God hirak nepei kiriak menmen mar im te him mekre tiwei me God mit profet newisim hiram mamnen. Menmen im matip, “Mit kerek hir hanhan nanwenipi niuk mir, hir au nanwenipi niuk me God me menmen hirak kerekyeyem.”

Pol katip him me KraiS hirak kaa kentar nu tentarakit

2 ††Nai yinan, nipaa hi han hiri yi mit miyapir, hi hetpi God him mirak yaaim, hi ap atip heriuwe him me mit iuwe nertei menmen iuwe me ti au. ²‡Hi hekre han kai hi han kitet hi ap te etpi menmen ham au. Hi etpi him me Jisas KraiS kerekek hirak kaa kentar nu tentarakit kekepai haiu mit. ³‡‡Wi nipaa hi hau hetikewi hi ap hetpi har ke mitik iuwe au. Hi hinaain hewaank him me God te hi hepipir. ⁴‡‡Hi hetpi hewepiyapir him mai, hi ap te hetpi heriuwe him yaaim me mit iuwe nertei menmen te hi hari han ki keriuwerem au. God Himin Yaaik kirak keteikni him hi hetpiyem hiram yaaim. Hirak kiriakem keriuwe menmen iuwe hirak kekepai hi hiriakem me yi mit miyapir. ⁵Hirak kiriak menmen im te yi yertei hiram ap him weinim me mit hir natip hir iuwe keriyen au. Hiram menmen iuwe me God te yi yisesim.

God Himin Yaaik kekepai haiu mertei menmen mirak

⁶‡‡Me wi hi hetike mit aposel han haiu mau nimin ke mit, hir nertei menmen me God werek werek, haiu matip him yaaim mire mit iuwe. Him mai hiram ap him me mit iuwe nau ti ik hir naanmiprai haiu mit au. Hir nantike him mir maain naniwaank nanit. ⁷‡‡Te menmen hi hetpiyem, hiram menmen nipaa God kisawinem. Nipaa hirak ap kiriak ti ketike nepni wen au, hirak han kitet kakikepai haiu mit haiu mamu mamtikerek mamit menmen mirak yaaim, te hi hetpim. ⁸‡Ap te mitik kei kiutip ke mit iuwe hir nau ti naanmiprai haiu mit, hir nertei menmen im me God au. Hir nerteiyem te nipaa hir ap te nanit Mitik Iuwe kaiu Jisas ke wit ke God, hir nanwenkekik kaku nu tentarakit hirak kaki taau. ⁹‡Te in ek haiu mertei him nipaa ein mit profet hir newisim mau tiwei me God hiram yaaim. Hiram matip,

“God epei kiriak menmen yaaim me mit miyapir kerek hanhan God hir nanisesik.

Menmen im mit miyapir ap nirem, hir ap nemtewem, hir ap han kitet hiram mepu au.” ¹⁰‡‡God epei keteiknai menmen im hirak kiriakem keriuwe Himin kirak Yaaik. God Himin Yaaik kir menmen yapirwe. Hirak kertei menmen mau mekre han ke God Haai. ¹¹‡‡Mitik keimin kertei menmen mitik hak han kitetim a? Au, mitik hirekes himin kirak kerteiyem kerekek. Mar im,

† 1:31 Jer 9:24; 2Ko 10:17 †† 2:1 1Ko 1:17 ‡ 2:2 Ga 6:14 †† 2:3 Ap 18:9; 2Ko 10:1 ‡‡ 2:4 1Te 1:5 ‡‡† 2:6 Ef 4:13; Fl 3:15 ‡‡‡ 2:7 Ro 16:25; Kl 1:26 § 2:8 Lu 23:34; Je 2:1 ‡† 2:9 Ais 64:4 ‡†† 2:10 Mt 13:11 ‡‡ 2:11 Pro 20:27

mit hir ap nertei menmen mekre han ke God au. God Himin Yaaik kerekek kerteiyem kewepaiyapirem.

¹²‡‡†God ap kewetai haiu mit himin ke kertei menmen me ti keremem au. Hirak kewetai Himin kirak kau ketikerek te haiu mamirtei menmen yaaim God epei kerekyeyem weinim.

¹³‡‡Haiu matip menmen im God kiriakem te haiu ap matip meriuwe him mit ne ti nepei netpaiyem haiu misesim au. Haiu matip meriuwe him God Himin Yaaik ketpaiyem. Haiu mewepiyapirem matip mit kerek God Himin Yaaik kewi haiu metporem. ¹⁴‡‡Mit miyapir kerek God Himin Yaaik ap te kau kekere han kir, hir hekrit hekrit neweikin sip newet God him mirak nentar hir nepei natip hiram enum weinim. Hir ap nemtau him mirak han kitetim nentar God Himin Yaaik ap kewi kekepi hir nerteiyem au. ¹⁵‡‡†Mit miyapir kerek God Himin Yaaik kau kekere han kir, hir nemtau han kitet menmen yapirwe me God. Te mit han kerek God Himin Yaaik ap kau kekere han kir hir ap nertei werek han ke mit kerek God Himin Yaaik kau kekreri taau. Te hir nepitari menmen me God.

¹⁶‡‡‡Haiu mertei him im hiram yaaim mentar nipaa mit profet hir newisim mau tiwei me God hiram matip, “Mitik kei kiutip ke mit yapirwe ap kertei menmen God han kitetim au.

Hirak ap te kaktip God menmen kakikepek kakriuw-erem taau.” Him im hiram yaaim, te haiu mit mirak han kitet me menmen im me God mar ke KraiS hirekes han kitetim.

Pol kene mit miyapir neit Korin kentar hir nenke hasini

3 ‡‡‡‡Nai yinan, nipaa hi hau hetikewi hi ap hetpi heriuwe him hi atip mit kerek God Himin Yaaik kau kekere han kir au. Yi yire nikerek ne God te hi hetpi heriuwe him hi atip mit ap God Himin Yaaik kau kekere han kir hentar yi yire nikerek me menmen KraiS keteikin mit em hir enisesim. ²‡‡‡Menmen hi nepei hetpiyem hiram mire nim. Him mai hiram ap mire menmen mit miyapir iuwe nanim mentar han ki ap kitet him yaaim im werek werek au. Nipaa ere in yi yarek yarek. ³‡‡‡Yi ap han kitet him yaaim im werek werek wen au yentar yi yises han ki ke nipaa ein. Hi hertei menmen im hentar yi yetike ni yinan yi hemkre menepam menmen yenehan yenterim. Te hi hertei yi wen yises han ki ke nipaa yar ke mit enun God Himin Yaaik ap kau kekere han kir au. ⁴‡‡‡Hi hetpi menmen im hentar yi mit yenke hasini. Mit han pinan ne yi mit yi yatip, “Haiu mises him me Pol.” Mit han en natip, “Haiu mises him me Apolos.” Menmen im meteikno yi yises han ki ke nipaa ein yar ke mit God Himin Yaaik kau kekreri au.

⁵‡‡‡Yi yenmak yi yenke hasini me hi hetike Apolos a? Yi han kitet Apolos hirak Mitik Iuwe kire KraiS a? Yi han kitet hi Pol hi Mitik Iuwe hipre KraiS a? Au! Hawir

‡‡† 2:12 Jo 16:13-14 ‡† 2:13 1Ko 2:4 ‡‡ 2:14 Jo 8:47, 14:17; 1Ko 1:23 ‡‡† 2:15 1Jo 2:20 ‡‡‡ 2:16 Ais 40:13; Ro 11:34 ‡‡‡‡ 3:1 Jo 6:12 18 3:2 Hi 5:12-13; 1Pi 2:2 19 3:3 1Ko 1:10-11, 11:18 20 3:4 1Ko 1:12

mitikit weinikit hawir wiriak menmen war ke God ke-himitenai haiu mit niutip niutip miriakem. Hawir wiriak menmen me God, God kekepi yi yises him mirak kere-mem. ⁶ †Hi hinin han hewepyapir him yaaim me God har ke mitik kamir rais yehes mau ni. Maain Apolos kan kisisa ketpi him meiyam me God. Menmen hirak kiriakem hiram mar ke mitik hirak keit tipar keiyim ken kewenem kempep. Mar im God hirak kenipem mewo, te hirak kikaap him mirak men mekre han ki. ⁷ Mit kerek ninin nan netpi me God hir nar ke mit namir rais yehes, hir mit weinin keriyen. Mit kerek nikaru nan netpi him ham yaaim hir nar ke mit newen tipar nempep, hir mit weinin keriyen. God kerekek hirak Iuwe kentar hirak kenipem hiram mau mekre han ki mamkepi yi yisesim werek werek. ⁸ Mit kerek ninin newepyapir him me God hir nar ke mit namir rais yehes. Mit han nikaru newepyapir him me God nar ke mit newen tipar nempep. Menmen hir kiriakem hiram mipiram. Maain God kakwet mit menmen miutip mi-utip mamrer menmen yaaim hir miriakem. ⁹ †Hawir wetike God haiu miriak menmen miutip. Yi mit yi yire ni God kamir rais yehes mekremerem o yi yire winak hirak kimaak. Te yi ap ne Apolos o hi Pol au. Yi ne God keriyen.

Mitik kewepyapir him me God hirak kire hirak kime wi-nak

¹⁰ †Hi hire mitik hi hertei werek hime winak mei yapir-we. Wi nipaa hi han yi mit, God kekepa hi hewepyapir him mirak. Menmen hi hiriakem mekre nimin ke yi mit hiram mar ke hi hemiun teinik me winak. Mit han nep-nen netpi him ham yaaim me God hir niriak menmen mar ke mit nime winak kentar teinik hi epei hekin hei yem hamir. Yi mit yi naanempre hiras me menmen yi yiriakem mises menmen hi epei hetpiyem. ¹¹ †Hi hewepyapir him me Jisas krais men yi mit, yi yisesik te hirak kerek kekepi yisesik iuwe yar ke teinik miikaap wi-nak minanek hirak kerp. ¹² Hi hetpi yi mit kerek yiriak menmen me God. Mit han ne yi mit yi yiriak menmen yaaim. Menmen im hiram mar ke yi yime winak yaaik yesisiwem yeriuwe menmen yaaim gol, silva o nan yaaim. Mit han ne yi mit kerek yiriak menmen me God te yi ap yiriakem werek werek yi yar ke mit nime winak enum yeriuwe menmen enum mire nu yipep mamip o hinaan tiwei o nepipe maa. ¹³ †Maain wi God skelim haiu mit miyapir, menmen yi yiriakem me God hiram mamwepyapir hiremes hiram yaaim o au enum mar ke nepipe maa. Me wi im si mamnen si mamitnen mamim menmen mamteikin menmen mar im: Mit hir niriak menmen yaaim me God hiram mamu mamit. Si ap te mamim au. ¹⁴ Menmen mit hir niriakem me God hiram yaaim si ap te mamim au. Maain God kakwetir menmen yaaim mamrerim. ¹⁵ Te menmen mit hir niriakem me God hiram enum si tatim tatnepim, God ap te kakwetir menmen mamrerim taau. Hir nani au,

† 3:6 Ap 18:4, 11, 19:1 †† 3:9 Mt 13:3-9; Ef 2:20-22 ‡ 3:10 1Ko 15:10; 2Pi 3:15 †† 3:11 Ais 28:16; 1Pi 2:4-6 †† 3:13 1Ko 4:5; 2Te 1:7-10

God kakikepi kaktorhis nanu nantikerek kakir ke mitik si taak winak kirak hirak kesiuknen ken nimin kekotit mite nikerek keriyei keru ketpaan ken witeik.

Haiu mit miyapir ne God haiu mire winak yaaik God kau kekrerek

¹⁶ ††Yi mit miyapir yi han kaa yi yire winak yaaik ke God a? God Himin Yaaik kan kau kekre han ki. ¹⁷ Mit kerek hir naniwaank winak eik ke God, maain God hirak kakiwaank mit in kentar winak kirak hirak yaaik. Yi hiras yi yire winak kirak keriyen. Te yi naanempre han ki te yi yiriak enum au, yi eyinke hasini au. Yi eikiyan eiyu niutip.

Haiu ap mamwenipi niuk me mitik hak au.

¹⁸ Yi ap eiwises hiras me menmen yi han kitetim hiram yaaim. Mitik kei kiutip kekre nimin ke yi mit han kitet hirak mitik iuwe, hirak kertei iuwe, hirak ekweikin sip ekwet menmen im me ti. Hirak kakriak menmen im te mit ne ti nantip hirak mitik enuk ketaritari han ken sip. Hirak kiriak menmen im te God kaktip mitik ik hirak yaaik hirak iuwe. ¹⁹ ††Hirak ekriak menmen im ekintar menmen mit ap nises God hir han kitet hiram menmen iuwe, God katip hiram menmen enum weinim. Him me God mekre tiwei nipaa mitik Jop hirak kewisim hiram matip God kewaank mit kerek hir han kitet hir iuwe, hirak kewaanki keriuwe menmen hir han kitet hiram yaaim, hirak kerekyorem kar ke mitik kenep sak kekre hei hirak kiwapinem keriuwe haak heneik o nu tiwei. ²⁰ †Mitik hak kewis him mau tiwei me God mit nekinaak Sam, hirak kewis him mei matip: "Menmen mit ne ti kerek ap nises God hir han kitet hiram iuwe, God katip hiram menmen enum weinim." ²¹ Te yi ap eiwenipi niuk me haiu mit me menmen yaaim me God haiu meteikniyem. Yi eiwenipi God kerekek me menmen yapirwe hirak kakhimitanem mamkaap yi mit. ²² Hi Pol, hirak Apolos, hirak Sifas haiu metike menmen yapirwe mau ti o nepni, menmen mamkepi yi yepu, o wit yaaik yaino ein wi yi yayi, menmen in ek mepu, menmen te maain mamu, hiram menmen yapirwe God kehimitanem hiram mamkepi. ²³ Yi yire mit ne Krais Jisas. Krais Jisas keke wit ke God kan yi mit kiriak menmen mirak, te God kakwetir menmen im menterik.

Mitik Iuwe God skelim mit narak nerekiwek wok mirak

4 stYi mit han ekitet me haiu mit mewepyapir him me God mar ik. Haiu miriak menmen me Krais, haiu naanempre menmen yaaim God han kitetim te haiu mewet mit em. ² ††Yi yapirwe yertei menmen im mit nipriakem. Mitik Iuwe kinkatin mit kerek hirak kertei hir naanmamre menmen mirak werek werek, hirak kehimiteni hir nanriakem. ³ Mar im hi hekre han kai ap han kitet yi mit ne weiwik me God o mit han ap nises him me God yi han ekiteta skelim hi me hi naan-

††† 3:16 1Ko 6:19; 2Ko 6:16 ††† 3:19 Jop 5:13 § 3:20 Sam 94:11 §† 4:1 Ta 1:7 §†† 4:2 Lu 12:42

mipre him me God werek werek o au. Hiram menmen weinim. Hi hire mitik kerekek, te hi ap skelim hirekes taau. ⁴†Hi hepitari nipaa hi han hatip mit him me God, hi herekyi yaaim o hi han kaa hetpi menmen. Menmen im mekre han ki o mekre han kai hiram ap meteikin mit hi herekyi menmen yaaim keremem au. Hi han kitet hi hiriak menmen yaaim te Mitik Iuwe God kerekek han ekitet o skelim menmen hi hiriakem. ⁵††Te yi ap skelim mit miyapir me menmen hir niriak God em au emit! Yi yemerir ere maain Mitik Iuwe pike kaknen. Me wi im, hirak kakwepyapir menmen hiram misawin mekre han ke mit, menmen hir hanhanem mekre han kir hir nanriakem. Te God kakwetir menmen yaaim o menmen enum hir niriakem mamrerim.

Mit ne wit Korin hir newenipi niuk mir han kitet hir mit iuwe

⁶†Nai yinan, hi epei hatip him im me hi hetike Apolos te yi yertei werek werek menmen hawir wiriakem weteikniyem. Hiram menmen im: Yi ap eiweikin sip eiwet him me God. Yi ap han ekitet mit han hir iuwe, yi ap einan yipir eiwirek han ekitet mit han en hir enun weinin. ⁷††Yi ap eiriak menmen im au emit! Keimin kerekyi yi yinin mit han a? Taau! God kerekek epei keweti menmen yapirwe yi yisesim yetenenim, te yi yenmak yi yatip yi hiras yiriak menmen yaaim yeriuwe menmen mi iuwe a? Hiram enum emit!

⁸††Yi mit miyapir yapirwe ne Korin han kitet yi epei yeit menmen me God werek werek. Yi han kitet yi epei yeit menmen God kewet mit em te yi yire mit iuwe yinin mit han, te haiu mit aposel au a? Taau! Yi ap iuwe au, te hi hanhan yi eire mit iuwe te yi eikepai haiu mit emtikewi te haiu yapirwe mamre mit iuwe. ⁹†††Hi han kitet God hirak kehimitenei haiu mit aposel haiu emriak menmen mirak te mit han kitet haiu mikaru. Haiu mire mit kerek mit ne gavman hir newisai mekre winak enuk netpai nar ik: "Yi yire mit enun haiu mamiwep yi yayi." Haiu mit aposel mire mit kerek mit miyapir nau ti hir netike mit ensel neit wit ke God hir nerp nirapirei, haiu mar ke mit miriak menmen me God, mit newep yink kewewei. ¹⁰††††Mit han ne ti hir natip menmen me haiu mit aposel mar im: "Yi mit enun yi yetari menmen, yi keriyen yewepyapir him me Krai." Hir netpai him mar im, te yi han kitet yi hiras yi yaain yi ne Krai." Hir netpai im, te yi han kitet yi hiras yi yaain yentar yi ne Krai. Mit han ne ti hir natip haiu aposel haiu mit enun weinin. Hir netpai him mar im, te yi han kitet God katip yi mit iuwe. Mit han ne ti hir nineinai ninan yipir newirek, te yi han kitet hir newenipi niuk mi a? taauye!

¹¹†Nipaa ere in haiu mit aposel miriak menmen me God haiu mepu enum. Haiu ninpi mewe ap maam tipar o menmen werek werek au. Haiu ap mamir laplap o klos mei yaaim au. Mit ne ti hir neit nipin newep neriuwerem nentar haiu mewepyapir him me God. Haiu

† 4:4 Sam 143:2 †† 4:5 1Ko 3:8 † 4:6 Ro 12:3 †† 4:7 Ro 12:6 †† 4:8 Rev 3:17, 21 ††† 4:9 Ro 8:36; Hi 10:33 ††† 4:10 1Ko 3:18 † 4:11 2Ko 11:23-27

wit aurei mentar haiu men in men ein mewepyapir him me God. ¹²†††Haiu miriak wok meriuwe his maiu te haiu naanmipre hiras me menmen. Wi kerek mit miyapir nereitauwin, haiu ap metpor enum au. Haiu metpor menmen yaaim. Wi hir nerekyei enum, haiu mewisi hir nerekyeyem ap merekyor enum au. ¹³††††Wi kerek mit nenei neswei him, haiu metpor him main main mamkepi hir nanises him me God. Mit miyapir ne ti hir han kitet hiu mit aposel haiu enun mar ke menmen enum heriyai mit newirem men teipe wenut eim. Nipaa ere in hir han kitetei mar im.

Pol kitehi mit miyapir ne Korin hir nanises menmen hirak kiriakem

¹⁴Hi ap hewis tiwei im eiyim hetpi yi yiriak enum keremem te hi henipi yi yink enuk au. Hi hewisim te hi hewirnak hekteni henteri yi yire nikerek nai hi hanhan heriuwi. ¹⁵†††Mit yapirwe hir naninen nanitpi him me Jisas Krai, hir ap nanre haairer ni au. Hi kiutip hire haai ki kerekek hentar yi yinin yises him me God me wi nipaa hi hinin han hetpi him yaaim me Jisas kraik. ¹⁶††††Te hi hetpi him manp, yi eiyises menmen hi hiriakem. ¹⁷†††Hi hire haai ki hi han kitetei, te hi heriuwet Timoti hirak ken yi mit te hirak kakikepi yi eiriak menmen hi epei hetpiyem. Timoti hirak kire nikan kai hi hanhan heriuwerek hentar hi hari han kirak hekepek hirak kises him me God werek. Hirak mitik yaaik kises him mirak. Hirak pike kaktip kakikekyi han ki me menmen hi hisesim me wi kerek hi hiriak menmen me God. Hi ewepyapir menmen im merer wit wit atip mit miyapir kerek nises him me God hi hetporem.

¹⁸Mit han ne yi mit hir han kitet hir mit iuwe te hir natip hi ap hanhani pike anen ari yi mit au. Te hir nari han ki neriuwe him im, te yi eiweikin sip eiwet him mai. ¹⁹†††Te hi hetpi. Mitik Iuwe God hanhan te hi anen ari yi mit, te menep hi anen. Hi anen te hi ap hemtau him me mit in hir han kitet hir mit iuwe. Hi anen ari hir niriak menmen God hirak kekepi keriuwe menmen mirak o au. ²⁰††††Haiu mertei menmen God kerekyei haiu mit miriakem hiram ap me him enum weinin wise tipar o mewisesik au. Hiram menmen iuwe me God kerekek mekepai. Mar im haiu mamirteir hir nekepi o hir mit enun wise tipar. ²¹Yi han han mekam? Yi hanhan wi kerek hi anen hi eiwep erekeyi enum eiyintar yi ap eiyises him mai, o au en, yi hanhan hi anen arekeyi menmen yaaim hanhani eiyintar yi epei yemtau him mai yi yisesim. Yi han ekitet menmen yi yiriakem, yi eiweikin sip eiwetiwem te maain hi anen hi han yaaik eriuwerem.

Him me mitik keit mite pe haai kirak keit wit Korin

5 ††††Hi hemtau mit han nan in hir netpi nisesi nanre yi mit ne God ein yi yiriak enum. Hir nir mite pitup pe mitik hak hire wiriak enum wepu wetike mitik

† 4:12 Ap 18:3; 1Ko 9:14-15; 2Te 3:8; Sam 109:28; Mt 5:44
 †† 4:13 Kra 3:45 †† 4:15 Ga 4:19 ††† 4:16 1Ko 11:1; Fl 3:17;
 1Te 1:6 †† 4:17 Ap 19:22 †† 4:19 Ap 18:21 ††† 4:20 1Ko 2:4
 ††† 5:1 Lev 18:7-8; Diu 22:30, 27:20

hak. Hir wik niriak menmen enum kerek mit ap nises him me God hir ninapen nanisesim. Mitik iuwe kiutip kekrenimim ke yi mit epei keit mite ip pe haai kirak, hirak kiwaai ketikerep hir neitan. ² Te yi yenmak yi han kitet God kaktip yi yaain a? Taauye! Yi yink enuk eiriuwe menmen im yi han ekitetik yi eikitek, yi eiyipir mitik ik kerek kiriak menmen enum hirak eknopin eikeipni.

³ †Hi ap hepu hetikewi au, te hi han kiteti. Hi epei han kitet mekam hi ariakem. Hi ekrehir ke Mitik Iuwe Jisas Krai, hi hetpi menmen hi ariak mitik ik em, kerek kiriak menmen im enum. Hi hetpi har ke hi hetikewi haiu mepu. ⁴ ††Hi han kitet menmen im. Maain yi eirerik eiyu wit kiutip eiwenipi niuk me God, hi han kiteti wi yi eirerik eiriak menmen im. Hiram mamir ke hi hahu etikewi te menmen iuwe me Mitik Iuwe kaiu Jisas mamu mamtikewai. ⁵ †Hi hetpi me wi im, yi eiyipir mitik ik eknopin ekikeipni, hirak kire hirak kakno his me Seten hirak kakiwaank yink kirak te God kakikaap himin kirak kaktiwekhis me wi Mitik Iuwe Jisas pike kaknen.

Mit ne Korin nanipir mitik enuk kiriak enum kaknopin

⁶ †Hiram enum te hi han kitet yi yaain te yi han yaaik yewis menmen im enum mekre nimin ke yi mit. Yi han kitet menmen im. Sak haak kerek ke wapik (o kewekwaai) hiram menmen kike, te hiram mamiwaank sak naan mirak mit ap te nanim taau. Hir nanwirem mamno mamkre hei mamit. Yi eiwis menmen enum mar ke mitik ik kiriakem, maain mit han nanisesim naniwaank hiras nanit. ⁷ ††Au emit! Yi eiyipir menmen enum im mekre nimin ke yi mit emno. Hiram enum mamiwaank himin ki mamir ke sak haak kerek ke wapik (o kewekwaai) kewep keneises sak naan. Yi eiyipir menmen enum im emno te yi eire sak naan yaaim. Yi eiriak menmen im eiyintar yi mit yaain. Yi eiriak menmen im eiyintar Krai hirak kewepwar hirekes kewis mit hir newenkekik kau nu tentarakit kaa kire sipsip kau kinaan te hirak kakisak menmen enum haiu mit miriakem. ⁸ ††Te haiu emweikin sip emwet menmen enum haiu miriakem hiram emno. Haiu menmen im hiram emno te hiram mar ke menmen mit ne Juda niriakem. Nipaa hir newir yis men witeik ap newisim mekre bret mir. Menmen im mehimiteni hir neweikin sip newet menmen enum me wi Pasova. Haiu mamriak menmen im mamweikin sip emwet menmen enum te haiu mit yaain, haiu ap mamtip weise tipar au. Him yaaim keremem.

⁹ †††Nipaa hi hewisi tiwei ham hi hetpi yi ap eiyises mit kerek hir netike miyapir nariyanhis neweninem au emit. ¹⁰ Hi ap hetpi einopin eikeipin mit miyapir ne ti hir ap nises God. Hir niriak menmen mar im: Hir nariyanhis neweninem o hir hemkre menepam me menmen, hir nekintip menmen me mit han, hir newenipi niuk me tipir. Au, mit miyapir narik nepu ner-

er wit wit te yi ap yainaiwiri ere maain yi yayi yainaiwir ti ik. ¹¹ †Mit in taau. Hi nipaa hewisi tiwei hi hetpi menmen im. Yi ap eiyises mit kerek natip, "Haiu mises him me Krai," te yi yiri hir niriak menmen enum mar im. Hir netike miyapir niriran o nariyanhis neweninem, hir hemkre menepam neriuwe menmen, hir wi ham nitehi tipir mamkepi te hir newenipi niuk mir, hir natip enum nesiuwe him mit han, hir naam tipar si enum ere hir netaritari menmen, hir nekintip menmen me mit han. Hi hetpi yi ap eiwepnak eiyim menmen eitike mit nar ik mei kike au emit!

¹² ††Mekam? Haiu mit han ekitet menmen mit han hir ap ne weiwik me God niriakem a? Taauye! Hiram menmen me God kerek. Haiu au. Haiu han ekitet menmen mit miyapir kerek ne weiwik me God neit wit kaiu niriakem keriyen. Him me God nipaa Moses kewisim mau tiwei matip menmen hi epei hetpiyem. Hiram im: "Yi eiyipir mitik enuk kekrenimim ke yi mit eknopin ekikeipni."

Mit kerek nises him me God ap nanri nir yinan nanino kot au emit

⁶ Me wi kerek mitik kei kiutip kekrenimim ke yi mit hirak han enuk kakri kirak yinak tatno kot, yi yenmak yi yewisik hirak ken kesiuwe him kirak yinak kenerek keit ninaan me mit ne gavman ap nises him me God a? Au emit! Hirak ekinin ekno mit kerek yises him me God yi eiyimtau him mirak te yi han ekitetim ere werek te hirakit etkiyakit etu. ² ††Yi han ekitet menmen im. Haiu mit miyapir ne God, hirak kekepau haiu iuwe te maain haiu han ekitet (o skelim) hir mit miyapir kerek ninin naanmipre mit miyapir nau ti ik. Maain yi skelim mit miyapir nau ti ik, te in ek yi yertei werek yi skelim menmen kike im mekre nimin ke yi mit. ³ Yi han ekitet menmen im. Maain haiu skelim mit ensel te ik ek haiu han ekitet haiu yaain te haiu skelim menmen mekre nimin ke haiu mit hiras. ⁴ Mitik hak han enuk keriuwe kirak yinak, yi yenmak te yi eiwisikit tatno tatirp ninaan me mit yi yertei hir enun ap ne weiwik me God tesiwor him a? Au emit. ⁵ Hi hewis him tokim mekre tiwei ik ken yi mit miyapir te yi yink enuk yeriuwerem. Mekam! Ap te mitik kei kiutip kekrenimim ke yi mit hirak ap te han ekitet menmen yaaim werek kakikepi yi eikiyan eiyu eiyit au a? ⁶ Mar im au. Mit han nekre nimin ke yi mit hir han enuk nari nir yinan nises him me God hir neri nen nanirp ninaan me mit ap nises God au neswor him, te hir nankepi nankiyan nanit.

⁷ ††Menmen im yi yiriakem hiram minini meriwaank han ki. Yi yetike ni yinan yesiuwehan him, te yi ap eikiyan eiyu han kiutip au. Ni yinan hir nerekyi enu te yi eino kot au emit. Me wi ni yinan hir nekintip menmen mi, yi ap eino kot au emit! ⁸ Te yi ap yiriak menmen im au. Yi yerekyor enum yesiwor him. Yi yiriak

† 5:3 Kl 2:5 †† 5:4 Mt 16:19; 2Ko 13:10 † 5:5 1Ti 1:20; 1Pi 4:6 †† 5:6 Ga 5:9 †† 5:7 Eks 12:21; 13:7; Ais 53:7; 1Pi 1:19 ††† 5:8 Eks 12:16-20; Diu 16:3 ††† 5:9 Mt 18:17; 2Te 3:14

§ 5:11 2Te 3:6; Ta 3:10; 2Jo 10 † 5:12-13 Mk 4:11 †† 5:12-13 Diu 13:5, 17:7, 22:24 †† 6:2 Rev 3:21 ††† 6:7 Mt 5:39; 1Te 5:15; 1Pi 3:9

menmen ham enum im yi yekintip menmen me ni yin nan kerek hir netikewi yi yises him me God.

⁹†Yi han ekitet menmen im. Mit miyapir kerek enun ap te nanino wit kerek God naanmipre mit miyapir yaain taau. Yi ap han ekitet mit enun nanino nanu nantike God au a? Yi han ekitet hir enun nanino wit kirak te yi yemipin hiras me menmen im. Mit kerek netike miyapir niriran, o newenipi niuk me tipir, o niwaai netike miyapir ne mit han, o mit kerek niwaai netike mit han hir niriak enum ap te nanu nanit wit kerek God naanmipre mit miyapir yaain taau! ¹⁰ Mit miyapir kerek han kitet nankintip menmen me mit han o hemkre menepam menmen mir o hekrit hekrit naam tipar si enum ere hir netaritari menmen, o hir natip enum nesiuwe mit han him weinim o hir nari menmen me mit miyapir han, hir mit nar ik ap te nanino nanu wit kerek God naanmipre mit miyapir yaain en taau! ¹¹††Mit han nekre nimin ke yi mit nipaa yi yipriak menmen enum mar im te God Himin Yaaik kesak menmen enum mekre han ki, kehimiteni yi mit nirak, hirak katip yi yaain yentar yi yises him me Mitik Iuwe Jisas Kraiss, yi nirak.

Yi yiriak menmen yaaim yeriuwe yink ki te mit nanwenipi niuk me God nenterim

¹²‡Yi yatip menmen yapirwe kerek God ap katip haiu mit ap mamriakem au, hiram yaaim, te hi hatip menmen ham im ap te mamkepau haiu mamu werek au. Yi yatip menmen im hiram yaaim haiu miriakem. Te hi hetpi hi ap te ariak menmen ham im au emit hentar hi hinapen menmen im hiram mamri han kai te hi hanhanem wisenum han kai kakinke kakinterim. ¹³††Yi yatip God kiriak menmen te haiu mamim. God kewetai tu te haiu emim menmen keremem. Te yi ap han ekitet menmen o tu ki hiram iuwe au. Hiram menmen weinim! Maain God kaknip menmen metike yink kaiu hiram mamu mamit. God kiriak yink kaiu te haiu mamtike mit miyapir han ap emriakan menmen enum au emit. Haiu emriak menmen me Mitik Iuwe emwenipi niuk mirak emriuwe menmen haiu miriakem meriuwe yink kaiu. Mitik Iuwe Kraiss, hirak hanhan kakikepai kaku kakikre han kaiu. ¹⁴††Mitik Iuwe Jisas kaa te God pike kikiak. Maain haiu mami, God pike kakikekyei haiu mit yink kaiu keriuwe menmen mirak iuwe.

¹⁵†††Yi han ekitet menmen im. Yink kaiu hirak pinak pinak ke yink ke Kraiss. Yi han kitet hirak yaaik te haiu meit yink kaiu hirak ke Kraiss, haiu mamno mamit mite enu rumaa haiu mamitan a? Taauye! ¹⁶†††Yi han ekitet menmen im. Mitik hirak keit mite enu wori mit his wewenem hirak ketikerep hir nire yink kiutip. Kekre tiwei mit newisim God katip me mit hir netike miyapir hir neitan. Hirak katip, "Hir wik nire yink kiutip." ¹⁷‡Te mit miyapir kerek nises Mitik Iuwe Kraiss, hir han kir ki-

utip ketikerek. ¹⁸Yi einopin eikeipin menmen enum mit netike miyapir hir niriakem, hir nariyanhis keriyen newenem niwaai yeno miutip. Menmen enum ham mit miyapir hir niriakem, hiram ap mamwaank yink kir au. Te mit miyapir kerek nariyanhis newenem, hir naniwaank hiras. ¹⁹‡†Yi han ekitet yink ki hirak kire winak God kehimitanek hirak kirak yaaik, Himin kirak Yaaik kerek hirak keweteiyek, hirak kau kekrek. Yink ki hirak ap ke yi mit keriyen au. ²⁰‡††Hirak yink ke God kentar hirak epei kesiuwe Nikan kirak kaa kentar nu tentarakit kekepau haiu mit kaktaihis. Te haiu emwenipi God emriuwe menmen haiu miriakem emintar menmen im iuwe hirak kerekyaayem kekepau keriuwerem.

Him me mit nantike miyapir nanitano

7 In ek hi hewisi him me menmen nipaa yi yewis tiwei yi yitauhiyem. Yi yatip hiram yaaim mit ap neit miyapir o au? ²Te hi hanhan yi mit niutip niutip yeit miyapir ni nereri, yi miyapir niutip eiyit mikan ni nereri. Hi etpi menmen im hentar mit miyapir nerer wit wit hir nisesan niriran, te hi hinapen yi han ekitet eiriak menmen hir nisesim au emit! ³ Mitik keit mite pirak hirak ekwisiye hir enyawan enwaai yeno miutip. Mite nepei weit mitik kire hire euwisik hir enyawan enwaai yeno miutip. ⁴ Hi hatip menmen im hentar mite hire ap naanmipre yink kire weinik au. Mitik kire naanmiprewek. Mitik hirak ap naanmipre yink kirak weinik au. Mite pirak kerep naanmiprewek. ⁵ Mitik o mite hir ap niriran nanyawan nanwaai yeno miutip au emit! Hiram yaaim hir ap nanyawan me wi mei kike au hir natipan nar ik: "Hawir ap wiyawan me wi meiyam kike au te hawir witehi God me menmen." Maain hir nitehi God me menmen im epei au, hir hanhan pike enyawan te Seten ap kakri han kir te hir nanino nariyanhis nanwenem nantike mit miyapir han. ⁶ Him im hi hetpiyem, hi ap hetpi God katip yi mit niutip niutip eitike miyapir eiyitan au. Hi hetpi han ki yi eiyisesim. ⁷††Hi hanhan mit miyapir hir nanu weinim nanir ke hi hau weinim im, te God epei kerekyei haiu mit han in han ein. God kiriak me han hir hanhan nanit miyapir. God kerekyei haiu mit han au haiu mamu weinim.

⁸ Hi hatip mit miyapir kerek ap neitan au, o miyapir kerek mikan nir epei naa. Hiram yaaim te yi yayu weinim yayir ke hi hepu weinim im. ⁹†††Yi ap te yewenin han ki yi hanhan eiwaai eitike mit o miyapir han, hiram yaaim te yi yayitan. Hiram enum te yi yayu weinim te yi hanhan eiwaai eitike mit miyapir han. Eim em au enum emit!

¹⁰††Hi hetpi yi mit miyapir kerek epei yeitan hi hetpi him iuwe yi miyapir ap einaapis mikan ni. Hi kerek hetpi him im au. Mitik Iuwe ketpo te hi hetpiyem. ¹¹ Miyapir kerek ninaapis mikan nir hir ap te nanit mit han au emit, o au en hir pike enino enit mikan nir keriyen. Yi mit ap te yainaiwir miyapir ni. ¹² Hi hirekes hetpi yi mit miyapir hanhan menmen im. Mitik Iuwe

† 6:9 Ga 5:19-21; Ef 5:5; Rev 22:15 †† 6:11 Ta 3:3-7 ‡ 6:12 1Ko 10:23 †† 6:13 1Te 4:3-5 †† 6:14 Ro 8:11; 1Ko 15:20; 2Ko 4:14 ††† 6:15 Ro 12:5; Ef 5:30 ††† 6:16 Jen 2:24; Mt 19:5 § 6:17 Jo 17:21-23; Ro 8:9-11; Ga 2:20

‡† 6:19 1Ko 3:16 ‡†† 6:20 1Ko 7:23; 1Pi 1:18-19; Fl 1:20 ‡†† 7:7 Mt 19:12 ‡†† 7:9 1Ti 5:14 ‡† 7:10 Mt 5:32, 19:9

Krais ketpewem au. Hi hirekes han kitetim. Mitik kerek kises him me God hirak epei keit mite kerek ap wises him me God, hire hanhanek hire wen wau wetikerek, hirak ap te kakneiniye kaknawirep taau. Au, hirak ek-wisiye hire ewu eutikerek. ¹³ Mite kerek wises him me God epei weit mitik kerek ap kises him me God, hirak hanhan wen kau ketikerep, hire ap waunawirek au emit! ¹⁴ Hire ap wauneinik waunawirek wawintar God epei katip mitik ik ap kises him me Krais, hirak kehimitanek kentar mite pirak hire wises him me Krais werek werek. Mitik ap kaknaain mite pirak kaknawirep kakintar God katip mite hap hire ap wises him me Krais, hirak kehimitanep wentar mitik kire hirak kises him me Krais werek werek. Him im hiram yaaim te nikerek ni God katip hir yaain. Him im hiram enum memipin hi hetpiyem te God kaktip nikerek ni hir enun nire nikerek ne mit miyapir ap nises him me Krais. Te him im hiram yaaim, God katip hir yaain. ¹⁵ Mit o miyapir ap nises him me Krais, hir hanhan naninaawir mit o miyapir nir kerek nises him me Krais, hir ap te nenipi hir nanu nantikeri au emit! Yi eiwisi hir naninaawii. Mite kerek wises him me Krais, mitik kire kinapen kaku kaktikerep, hire ap te wauri han ke mitik kire kaku kaktikerep au emit! Mitik kerek kises him me Krais mite pirak winapen wawu wautikerek ap te kakri han kire te hire wawu wautikerek au emit. God kehimitenai hiau mit miyapir nirak te hiau emises menmen yaaim emtike mit miyapir han emkiyan emu emit. ¹⁶ Mite hap hire wepitari menmen im. Hire wautike mitik kire ap kises him me Krais hir wen nekiyan nau hire wauri han kirak werek te hirak kakises him me Krais o au. Mitik hak hirak kepitari menmen im. Hirak kaktike mite pirak kerek ap wises him me Krais, hir wen nankiyan nanu, hirak kakri han kire te hire wawises him me Krais o au. Te yi han ekitet werek werek menmen God hanhan yi eiyisesim eiriakem.

Hiau emu emises menmen hiau miriakem me wi nipaa God kehimitenai hiau mit miyapir nirak

¹⁷ Hi hetpi him miutip im. Yi mit miyapir niutip niutip eiyu eiyises menmen kerek Mitik Iuwe Krais kehimitanem. Yi eiyisesik eiyu eiyir ke nipaa wi hirak kari han ki yi yisesik. Hi hatip mit miyapir kerek nerer wit wit hir nises God hi hetpor har ik. ¹⁸ Mit kerek nipaa God kari han kir hir nises him mirak, hir mit han epei nerekir yink kir, hir ap te nanisak menmen im meteikin mit hir ne weiwik me Isrel au emit. Mar im mit kerek nipaa God kari han kir hir nises him mirak, hir mit ap nerekir yink kir, hir ap hanhan nanwis mit nanrekir yink kir te hir nanre mit ne weiwik me Isrel au emit. ¹⁹ Menmen im me mit hir nerekir yink ki, hiram menmen weinim. Mit hir ap nerekir yink ki hiram menmen weinin. Hiram ap mamkepi te God kaktip yi yaain au. Menmen iuwe hiram menmen im: Yi eiyu eiyises him kerek God ketpi yi eiyisesim. ²⁰ Mit hir enu enir ke nipaa wi God kari han kir hir nises him mirak. ²¹ Yi ap

hanhan eiriuwe menmen im: Nipaa God kari han ki yi yiriak menmen me mitik hak yi yeit pewek mererim au, yi yire slev, hiram menmen weinim. Yi han enuk yeriuwe menmen im au. Te maain hir nanwisi yi yainawiri yi yayu weinim, yi eino han yaaik eiyu eiriuerem.

²² Mitik kerek hirak slev kiriak menmen me mitik iuwe kerek naanmipriwek hirak ap kakit pewek mererim au, me wi God kari han kirak hirak kises him me Krais, hirak kire mitik yaaik keit pewek me Mitik Iuwe God. Mitik kerek kepu yaaik ap mitik hak naanmiprewek, me wi God kari han kirak hirak kises him me Krais, hirak kire mitik ke Mitik Iuwe God, hirak kakriak menmen mirak weinim. ²³ Jisas kaa hemkre mewen. Me menmen im God epei kewir menmen wisenum te pike ketihis yi mit. Te yi ap eiwis mit hir nanmitipin nanriuwe him mir nanri han ki te yi eiyises han kir au emit! ²⁴ Tis, nai yinan hiau wen mamtike God mamu han kitutip, hiau wen mepu mar ke hiau mepu me wi nipaa God kari han kiau hiau misesik.

Him me miyapir hir ap neit mikan hir netike miyapir mikan nir epei naa

²⁵ In ek hi ewisi him me miyapir hir ap neit mikan. Hi ewisiyem entar yi nipaa yitauhiyem. Mitik Iuwe Krais ketpo him hi etpiyem au, te hi hetpi han kai me menmen im. God epei hanhana kerekyo yaaim kekepa hi han kitet menmen werek werek. Te yi eiyises him mai hiram yaaim. ²⁶ Hi han kitet menmen im. Hiram yaaim te mit miyapir nanu weinim nanintar him im em mit enun ne ti nerekyei menmen enum. ²⁷ Yi mit miyapir kerek epei yeitan, yi ap eipir mikan o miyapir ni nipaa yi yetor. Yi mit yau weinim o yi miyapir yau weinim, yi ap yaitike mit o miyapir han yi ap yayitan au emit! ²⁸ Yi mit o miyapir yi yeitan, yi yiriak menmen enum au. Te hi hetpi menmen im hentar mit nerekyi enum hiram mamiwaank yi mit miyapir kerek epei yeitan. Hi han han menmen enum im mamnen mamiwep au, te yi yayu weinim.

²⁹ Nai yinan, hir o as me him im hi hewisiyem hiram mar im. Wi kerek God kehimitenai hiau mit mamu ti ik hiram menep epei au. Yi han ekitet menmen im, yi eiriak menmen me God iuwe. In ere maain mit epei neit miyapir kerek niriak menmen me God nanriakem wisenum nanir ke mit kerek ap neit miyapir.

³⁰ Mit miyapir kerek niriak menmen me God, hir nikit me menmen, hir enweikin enre mit miyapir kerek ap nikit menmen. Mit miyapir kerek hir han yaaik enweikin enre mit miyapir han enuk. Mit miyapir kerek netenen menmen yapirwe enweikin enir ke mit miyapir ap netenen menmen. ³¹ Mit miyapir kerek neit menmen me ti ik hir ap hanhan iuwe neriuwerem nentar menmen me ti ik maain hiram mamiwaank mamit.

³² Hi hanhan yi han kitet mar im: Yi ap han ekitet menmen me ti yapirwe te yi han kaa menmen me God au emit! Mit kerek ap neit miyapir hir hanhan nanriak

† 7:15 Ro 14:19 †† 7:16 1Pi 3:1 ‡ 7:17 1Ko 7:20, 24 ††
7:19 Ro 2:25; Ga 5:6, 6:15

‡‡ 7:22 Fm 16; Ef 6:6; 1Pi 2:16 ††† 7:25 1Ti 1:12-13 ‡‡‡
7:28 Lu 21:23 § 7:29 Ro 13:11 §† 7:31 1Jo 2:17

menmen me God keremem. Hir hanhan nanriak God han yaaik kakriuweri.

³³ Mit kerek hir neit miyapir, hir han kitet menmen me ti hir nanriak miyapir nir han yaaik nanriuwerem.

³⁴ Mit nar ik hir han kitet menmen wik. Hir hanhan nanriak miyapir han yaaik nanriuweri. Miyapir ap neit mikan o miyapir nihan hir hanhan nanriak menmen me Mitik Iuwe. Hir hanhan yink kir ketike himin kir hirak yaaik kakriak menmen me God keremem. Te miyapir kerek epei neit mit hir hanhan nanriak mit nir han yaaik nanriuweri. Te hir hanhan neriuwe menmen me ti ik. ³⁵ Hi ap hetpi menmen im te hi heremir menmen yi yiriakem au. Hi hetpiyem hiram mamkepi yi eiriak menmen yaaim eiysesim werek werek, te menmen me ti ap te mamri han ki iuwe me wi yi yiriak Mitik Iuwe menmen mirak.

³⁶ Mitik kerek ketike mite hir nehimiteni nanitan, hirak yink enuk kentar hirak hanhan kakwaai kaktikerep, hirak kaktiwe hir nanitan. Hir ap nanriak menmen enum nanitar hir nanitan au. Hiram yaaim.

³⁷ Mitik kiutip kerek mitik hak ap kari han kirak te hirak hirekes kewenin han kirak ke menmen im, hirak han kitet ap hanhan kakwaai kaktike mite, hirak kinapen kaktike mite hir nanitan, hiram yaaim. ³⁸ Tis, mit kerek neit miyapir hir neitan, hir niriak menmen yaaim. Te mit kerek newenin han kir ap nanit miyapir, hir ninini niriak yaaim iuwe.

³⁹ [†]Miyapir netike mit nir hir nekiyan nau neit me wi mit hir nau ti ik. Maain mitik ke mite hirak kaki, hiram werek te hire pike wawit mitik hak. Hire wawit mitik hak kerek kises him me Mitik Iuwe Kraiss ek. Mitik keiyak taau. ⁴⁰ Te hi han kitet menmen im. Mite mitik kire epei kaa, hire wawu weiniye hire han yaaik wawu. God Himin Yaaik kirak hirak ketpo menmen im.

Him me menmen mit newepwarem newet tipir em

8 ^{††}In ek hi ewisi him me menmen kerek mit ne ti ap nises God newepwarem newet tipir em. Hi hewisiyem hentar yi nipaa yitauhiyem. Hi hertei yi yatip menmen im: "Hiau mertei menmen yapirwe." Hi hatip him im: Menmen haiu merteyem weinim hiram merekyei haiu menke perkenum o paan tokik, te haiu han tewenin hiram mamkepai te haiu yaain emir ke Kraiss. ² [†]Mit miyapir yapirwe hir han kitet hir nertei menmen iuwe, te God kaktip hir enun ap han kitet menmen o nertei menmen mirak werek werek wen au. ³ ^{††}Te mit miyapir hir han tewenin God hirak kaktip hirak kakirtei hir mit miyapir nirak.

⁴ ^{††}Te hi hetpi him im me menmen haiu mamim kerek nipaa mit hir newepwarem newet tipir em. Haiu mertei him im yi yetpim hiram yaaim. Haiu mertei nu mit nimaam newis ninaan mau teinik newisim merp hankiu eik, hiram mekrehir ke tipir, te hiram mire God taau. God kiutip kerekek hirak kepu. ⁵ Menmen yapirwe mau nepni metike ti te mit ap nises him me God hir natip menmen im hiram mire God. God yapirwe

† 7:39 Ro 7:2-3 †† 8:1 Ap 15:29 † 8:2 Ga 6:3 †† 8:3 Ga 4:9 †† 8:4 1Ko 10:19; Ga 4:8; Diu 4:35, 39, 6:4

netike mit iuwe yapirwe nar ek hir nepu, te haiu mit mertei menmen im. ⁶ ^{††}God kiutip kerekek hirak Haai kiau hirak kepu. Hirak as o hir ke menmen yapirwe, haiu mau ti te emisesik. Mitik Iuwe kiutip kerekek kepu. Hirak niuk mirak Jisas Kraiss. Nipaa hirak kiriak menmen yapirwe meit nepni, menmen mau ti. Hirak kerekyei haiu meit Himin Yaaik kirak hirak kekepai haiu mepu.

⁷ Te mit han kerek nises him me God hir nepitari ninaan mau teinik hiram weinim. Hir han kitet hiram mepu me wi hir naam menmen kerek nipaa mit nen newepwarem newet tipir em, hir han kitet hir naam hiram mar ke hir hiras newepwarem newet tipir em. Te hir han kitet God kaktip hir niriak enum. ⁸ ^{††}God ap han kitet haiu mamim menmen hir mit newepwarem newet tipir em o haiu ap mamim. Au hiram menmen weinim. Menmen haiu mamim ap te mamriak God han kitet haiu mit miyapir enun au. Menmen haiu ap mamim ap te mamriak God han kitet haiu mit miyapir yaain au. Menmen haiu mamim hiram menmen weinim. ⁹ [§]Hiram menmen weinim te yi naanmamre hiras me menmen yi yayim te yi ap einip mit kerek ap nises him me Kraiss werek werek wen au, hir naniwaank hiras. Hir nanir menmen yi yaam te hir yink enuk. Mar im yi yayiwaank menmen me Kraiss hir nisesim naninterim.

¹⁰ Hi hetpi menmen im hentar maain mitik hak hirak kaknen kakrit ti hau hankiu haam menmen kerek mit han epei newepwarem newet tipir em, hirak ap kertei ti han kitet menmen im hiram weinim. Hirak han kitet ninaan mau teinik hiram tipir. Hirak kakrit ti haam menmen te hirak han kitet hiram werek hirak kakim. Te hirak kakiwaank him me Kraiss hirak kisesim. ¹¹ ^{§†}Ti haam menmen im hentar ti hertei ninaan mau teinik hiram menmen weinim. Te mitik hak ap kerteiyem au, hirak kakim menmen hirak kakiwaank menmen me Kraiss hirak kisesim kakintar menmen me Kraiss hirak kisesim kakintar menmen im hirak kaam. ¹² Mar im yi epei yiriak Kraiss menmen enum yentar yi yiriak han ke ni yinan hir han kir kakiwaank me menmen yaaim me Kraiss hir nisesim nentar menmen im yi yaam. ¹³ ^{§††}Tis, hi han kitet menmen kerek hi haam hiram mamriak kai yinak hirak kakiwaank han kirak ke menmen yaaim me Kraiss hirak kisesim, hi maain ap te hahim menmen im meiyam taau. Hi hinapen ariak kai yinak kakiwaank han kirak kakinterim.

Pol han yaaik hirak nipaa ap kari pewek mei me mit ne Korin me menmen hirak kerekoyem

9 ^{§†}Him meiyam ap te mamwena me menmen hi hiriakem me God taau. Hi mitik aposel kerekek, hi epei hir Mitik Iuwe kiau Jisas Kraiss. Yi mit yises him me Kraiss yentar menmen me Mitik Iuwe Kraiss hi herekiyem. ² ^{§††}Mit han hir ap han kitet hi aposel hiram menmen weinim. Yi mit ne Korin han kitet hi

††† 8:6 Mal 2:10; 1Ko 12:5-6; Ef 4:5-6; Jo 1:3 ††† 8:8 Ro 14:17 § 8:9 Ro 14:13-15; Ga 5:13 §† 8:11 Ro 14:15, 20 §†† 8:13 Ro 14:21 §† 9:1 Ap 22:17-18, 26:16; 1Ko 15:8 §†† 9:2 2Ko 3:2-3

apospel hentar menmen hi hiriakem meteikniyem. Yi hiras yertei him me Krai te menmen im meteikni Mitik Iuwe kehimitena hi hire mitik aposel kirak. ³ Mit kerek hir natip hi Pol hi ap hire aposel hi heweninor him, hi hetpor him kerek hi epei hewisiyem. ⁴ Hi han kai hi ehit menmen me yi mit miyapir te hi ahim me menmen hi herekiyem entar hi aposel. Menmen im enum a? ⁵ Hi ap heit mite au, te hi hanhan hahit pei hire wises him me Krai hire wautikewa waunen wauri a? Mitik Pita ketike aposel han netike Jisas Krai kikrek nirak hir niriakem mar im, te hiram yaaim hi hises han kai hi ariakem. Hiram yaaim werek te hi hitihi yi naanemprowir me menmen wi hawir waunen wauri o au a? Hiram yaaim ye! ⁶ Mekam! Yi han kitet hi hetike Banabas hawir wik keretet wauriak menmen naanemprowir hirekses me menmen hawir wawim me wi hawir wetpi him yaaim me Krai, te aposel han en au a? Taau!

⁷ Mit kerek hir nire soldia ne ami hir ap naanmire hiras me menmen au. Mitik iuwe kir kewetirem. Mit ap namir ni te mit han nanitpor nanirik, "Yi eimir menmen me ni te yi ap te yayim menmen taau." Auye! Mit kerek namir ni hir hiras nanim menmen. Mit han au. Mit naanmprowir sipsip hir nanim him me sipsip. Ap te mit han naninen nanitpor au emit. Hir ap te nanises menmen mar im au. Te hi hetpi. Hiram yaaim hawir wik witihi te yi naanemprowir me menmen me wi hawir wau wetikewi waukepi.

⁸ Menmen im hir netpiyem hiram him mit keriyen nertei hiram yaaim au. Him me God mau tiwei nipaa mit newisim hiram matip mar im. ⁹ Nipaa Moses kewis him mau tiwei hiram matip: "Yi ap yayipet him ke bulmakau kerek kentirer rais haas kewenem te hirak ap kakim ham pinam au emit!" God ap han kitet bulmakau keremem me wi hirak katip Moses im. ¹⁰ Au, hirak katip him im mamkepai haiu mit mamtike bulmakau. Moses kewis him im te haiu mit yapirwe mamrte menmen im: Mitik kerek kewen ti kakmir menmen ketike mitik kerek kewen rais haas, hirakit wik tatit pewek mamrer menmen me hirakit tatriakem. ¹¹ Menmen im hiram ap enum te mit kerek namir ni o mit hir newen rais, hir nanim meiyam pinam. Mar im hiram ap enum te hawir wawitihi yi eiwetawir menmen mamkaap yink kawir yentar hawir epei wetpi him yaaim me Krai mamkaap himin ki. ¹² Hiram yaaim mit han kerek nekepi neriuwe menmen nanit menmen naanemprowir yink kir keriuwerem, te hiram yaaim iuwe hawir ewit menmen. Hawir mitikit iuwe winini!

Te nipaa ere in hawir wik ap weit menmen me yi mit au. Hawir wau enum ninpi mewewir te hawir ap wari han ki enum te yi yinapen yemtau him yaaim me Jisas Krai au. ¹³ Yi han ekitet menmen im. Mit pris ne Isrel kerek niriak menmen neit winak ke God mit newisi hir naam menmen pinam mit newisim mekre winak eik nanwet God em. Mit pris kerek neit menmen me mit

newisim mau kinaan newepwar God em, hir naam ham pinam. ¹⁴ Mar im, Mitik Iuwe God katip mit kerek newepyapir him yaaim me Krai, hir nanit menmen me mit hir nemtau him yaaim im te hir naanemprowir yink kir ekrim. ¹⁵ Hirak yaaim hi aposel hitihi me menmen, te nipaa hi ap hitihi me menmen au. In ek hi ap hewisi tiwei ik te hi itihi yi naanmamrau me menmen taau. Hi ninpi meyo wisenum ere hi hahi te hi hinapen ehit menmen me his me mitik kiutip. Hi etiwem, te hi ap atip hi hewepyapir him me God ap heit pewek mererim au. ¹⁶ Hi ap han yaaim heriuwe hirekes hentar hi hatip mit miyapir him yaaim me Krai keremem au. Mitik Iuwe Krai kehimitena hi hewepyapirem. Hi ap hewepyapirem te han kai enuk keriuwe hirekes, hi heweikin sip ewet menmen Mitik Iuwe ketpewem hi hiriakem. ¹⁷ Hi hirekes han kitet hi ano ewepyapir him yaaim me Krai te hi ehit pewek o menmen yaaim emrerim. Te hi hirekes ap han kekrit te hi hiriak menmen im au. Hi kerek hises menmen nipaa God kehimitena hi ariakem te hi ap ehit pewek o menmen emrerim au emit! Hi hiriakem weinim. ¹⁸ Hi heit mekam yaaim me hi hewepyapir him yaaim me Krai a? Hi heit menmen im. Wi kerek hi hen ein hen ein hewepyapir him yaaim me Krai, hi han yaaim hatip mit miyapir em weinim. Hi ap hari menmen mir mererim au, mar ke him me God hiram matip hi han kai ehisesim.

Pol Katip hirak kire wok mitik ke mit miyapir yapirwe

¹⁹ Hi hepu weinim mit han ap ninina naanmamrau au. Hi naanemprowir hirekes me menmen. Te hi heweikin hire wok mitik ke mit yapirwe te hi hari han kir yapirwe te hir nanises him yaaim me Krai. ²⁰ Wi kerek hi hau nimin ke mit miyapir ne Juda, hi hies him lo me Moses te hi ari han ke mit en, hir nanises him me Krai. Hi han kitet him me Moses mau tiwei hiram weinim ap te mamri han kai. Te wi hi hau hetike mit ne Juda, hi hisesim te hi ari han kir hir ap enises him me Moses meiyam au. Hi ehises him yaaim me Krai keremem. ²¹ Hi ap heweikin sip hewet him nipaa God kewet Moses em au. Hi hises him me Krai kerek. Te wi kerek hi hau hetike mit miyapir neiyam ap nises him me Moses, hi ap hises him me Moses au. Hi hiriak menmen im te hi ari han kir hir nanises him yaaim me Krai. ²² Wi kerek hi hau hekre nimin ke mit miyapir hir ap nises God werek werek, hi ap hiriak menmen mamnipi hir han enuk neriuwa. Au, hi hises menmen hir han kitet hiram yaaim te hi ari han kir hir nanises him me Krai werek werek. Me wi yapirwe hi hau hekre nimin ke mit yapirwe nerer wit wit, hi hises menmen hir han kitet hiram yaaim te hi ari han kir hir nanises him me Krai. ²³ Menmen im yapirwe hi hiriakem, hi hiriakem mamkaap mit miyapir nises him yaaim me Krai te hi atikeri haiu mamit menmen yaaim God kakwetaiyem.

† 9:4 Lu 10:8; 1Ko 9:13-14 †† 9:5 Jo 1:42 ‡ 9:9 Diu 25:4; 1Ti 5:18 †† 9:10 2Ti 2:6 †† 9:11 Ro 15:27 ††† 9:12 Ap 20:34-35; 2Ko 11:9; 1Ko 13:7 ††† 9:13 Nam 18:8, 31; Diu 18:1-3

§ 9:14 Mt 10:10; Lu 10:7; Ga 6:6 §† 9:15 Ap 18:3 §†† 9:16 Jer 10:9 §† 9:17 1Ko 4:1 §†† 9:19 Mt 20:26-27 §† 9:20 Ap 21:20-26 §† 9:21 Ga 2:3 §†† 9:22 2Ko 11:29; Ro 11:14

Haiu emises God emir ke mit nesiuknen resis hir nanit menmen

²⁴†Yi han kitet menmen im. Mit yapirwe nesiuknen te mitik kiutip kerekek kinini hirak kakit menmen. Mar im yi yises him me Kraiis werek werek yar ke mitik kiutip hirak kesiuknen kinin mit han, te yi yayit menmen yaaim God kakwetiye. ²⁵††Mit yapirwe kerek hanhan nansiukin nanit menmen, hir nesiuknen yapirwe hekrit hekrit te yink kir hirak manpenuk. Hir niriak menmen im te hir naninin mit han nanit menmen kerek mit iuwe nanwet mitik kerek kinini hir nanwetiwekem. Haiu mamriak menmen iuwe emises him me God te haiu mamit menmen mirak yaaim. Menmen God kakwetiye hiram ap te mamriwaank mamir ke menmen me ti mit nesiuknen hir netiwem au. ²⁶ Te hi hire mitik kesiuknen in kesiuknen ein au. Hi hire mitik kesiuknen kakinin kakiun mak. Hi har ke mitik kerek kewir his weinin kenep nime au. Hi har ke mitik kerek kewir his kenep mitik kepan kirak ek hirak kininek. Mar im hi hiriak menmen me God werek werek, hi naanempre hirekes me menmen hi hisesim. ²⁷†Hi hire mitik hirak kiriak menmen ere yink kirak hemkre hemkre weinik siuwan makip wisenum. Hi hewenin han kai ke menmen enum hi hanhanem, te maain wi hi hatip mit miyapir him me God epei au, hirak Mitik Iuwe ap kakit-po hi au enuk ap ehit menmen yaaim mirak taau.

Yi naanmamre hiras te yi ap eiriak menmen enum

10 †Nai yinan hi hanhan yi eiyirtei markeik God kikaap maamer nau. Wi nipaa maamer nau nises Moses neit yaank tenhaan weinik enuk menmen auri, God keruwet napi kau nepni naanmipror keteiknor yayiwe. Me wi im hirak kikaap mit miyapir yapirwe hir nen nerekir wan mit nenewek niuk mirak Wan Ninik, hir ap kei kiutip kaa au. ² Menmen maamer nau niriakem napi kau nepni kiwapin yink kir, hir nerekir wan mit nenewek Wan Ninik, hiram merekyor hir mit miyapir ne Moses, hir nisesik nar ke in mit newis mit han nikiri neriuwe tipar neteikin hir ne Mitik Iuwe Kraiis hirak naanmipror. ³ ††Hir yapirwe naam menmen hir nenewem "mana" kerek God kewetirem meke wit kirak man, hiram mekepi manpenun. ⁴ †††Hir yapirwe naam tipar miutip kerek God Himin Yaaike kewetirem meke nan man, hiram mekepi manpenun. Hir naam tipar meke nan man, kerek God Himin Yaaike kewetirem, hirak kau ketikeri neit wit kerek mit ap nei newi au. Nan ik hirak Himin ke Kraiis, hirak kikaap himin kir, kar ke tipar meke nan hir naam mikaap yink kir. ⁵ †††God kikaap hir mit yapirwe te hirak han yaaike keriuwe menmen mit han niutip niutip keriyen nekre nimin ke hir mit hir yapirwe niriakem a? Taauye! God kanip kenepi te herwe yink kir kiwaai kerer wit wit me wit mit ap newi. ⁶ †God kiriak menmen im epei man

† 9:24 Fl 3:14; 2Ti 4:7-8 †† 9:25 2Ti 2:4-5; Je 1:12; 1Pi 5:4 †
9:27 Ro 8:13, 13:14 †† 10:1 Eks 13:21-22, 14:22-29 †† 10:3 Eks
16:35 ††† 10:4 Eks 17:6; Nam 20:11 ††† 10:5 Nam 14:26-30; Hi
3:17; Ju 5 § 10:6 1Ko 10:11; Nam 11:4, 34

meteiknai haiu ap hanhan emriak menmen enum emir ke hir niriakem.

⁷ ††Haiu ap emwenipi niuk me tipir mamir ke mit han nekre nimin ke hir maamer nau en hir niriakem. Him me God mau tiwei Moses kewisim hiram matip mar im: "Mit miyapir en nau yeno naam menmen. Hir naam menmen epei au, hir nekrit niriak tipir hir nisesik hirak han yaaike keriuweri." ⁸ †††Haiu mit miyapir ap emriakan emisesan emir ke nipaa mit miyapir han nekre nimin ke hir mit hir niriakem. God han enuk keriuweri hirak kanip te mit miyapir han nar ke 23,000 mit hir naa ne wi miutip. ⁹ †††Haiu ap te mamri han ke Mitik Iuwe God ere hirak han enuk keriuwai mamir ke mit miyapir han nekre nimin ke hir mit en hir niriakem. God han enuk keriuweri te hirak keriuwet manpen (o yenmik) kanip hir naa. ¹⁰ †††Haiu ap te mamne God mamir ke mit miyapir han nekre nimin ke hir mit en hir niriakem. Hir nenerek me menmen te God keriuwet mitik ensel hirak kanip hir naa. ¹¹ ††Nipaa menmen im yapirwe epei man menep maamer nau mekepi hir nertei God han enuk keriuwe menmen hir nisesim. Maain mit newisim mau tiwei mamkepai haiu mit miyapir in. Hiram meteiknai haiu mit miyapir kerek mau ti me wi im menep Kraiis pike kaknen, haiu naanempre hiras te haiu ap mamises menmen enum kerek nipaa hir maamer nau hir niriakem.

¹² Te yi mit miyapir kerek han kitet yi yinin maamer ni yi yises him me Kraiis werek werek, yi naanmamre hiras te menmen ap mamri han ki yi yairiak menmen enum. ¹³ ††Menmen yapirwe epei man mari han ki te yi yayises menmen enum, yi ap han ekitet hiram man mari han ke yi mit keriyen au. Hiram epei man mari han ke mit miyapir yapirwe nerer wit wit. God hirak yaaike kakikepi ap kakwis menmen enum mamnen mamri han ki maminini au. Menmen enum mamnen han ki te hirak kakikepi te yi eiyininem eiyu.

Haiu ap emises him me God mamtike him me tipir au emit-God kerekek

¹⁴ †††Nai yinan yaain, yi eiweikin sip eiwet tipir te yi ap eiwenipi niuk mir au emit eiyintar God kakikepi naanmamri. ¹⁵ Hi hetpi him im men yi mit miyapir kerek yi yertei menmen im werek werek. Yi han ekitet menmen kerek hi hetpiyem. ¹⁶ †††Wi kerek haiu mitehi God me tipar me komunion mekre kap haiu mamim, haiu meteikin haiu metike Kraiis mau han kiutip me hemkre mirak nipaa mewen. Niu o bret kerek haiu mewenem mamim meteikin haiu metike Kraiis mau han kiutip me yink kirak wi nipaa hirak kaa kentar nu tentarakit. ¹⁷ ††††Haiu mit haiu mire yapirwe, te haiu maam niu o bret miutip. Haiu maam niu o bret miutip te hiram meteikin haiu yapirwe mire yink kiutip ke Kraiis.

¹⁸ †††Yi han kitet mit miyapir ne Isrel. Mit miyapir kerek naam menmen kerek mit pris nesenkekim

§† 10:7 Eks 32:6 §†† 10:8 Nam 25:1-9 §† 10:9 Nam 21:5-6
§†† 10:10 Nam 16:41-49; Hi 3:11, 17 §† 10:11 1Ko 10:6; 1Pi 4:7
§† 10:13 1Ko 1:9 §†† 10:14 1Jo 5:21 §§† 10:16 Mt 26:26-28
§§§ 10:17 Ro 12:5; Ef 4:16 18 10:18 Lev 7:6

newisim mentar kinaan namip, hiram meteikin hir netike God nau han kiutip me kinaan im. ¹⁹ †Mekam? Menmen im yi han kitet hi atip menmen mit ne ti newepwarem newet tipir rem hiram menmen iuwe a? Taauye! ²⁰ ††Menmen mit ap nises God hir newepwarem newisim mau kinaan, hir newet tipir. God au. Te hi hinapen yi yaam menmen mit newepwarem newet tipir rem au emit! Yi yiriak menmen im meteikin yi yetike herwe yi yau han kiutip. ²¹ †Yi ap yayim tipar mamikre kap mehimitan Kraiss hemkre mirak mewen mamtike tipir mamikre kap kerek mit newepwarem newet tipir rem. Yi ap yayim niu o bret kerek mehimitan yink ke Kraiss wi nipaa hirak kaa kentar nu tentarakit mamtike samiyak mit namip nesiyem newet tipir rem. Menmen im hiram enum emit! ²² ††Yi eiriak menmen im te yi eiriak Mitik Iuwe God han enuk kakir-wi kakiwep. Hirak Iuwe haiu au enun weinin. Hirak kakiwep ap te yi eiyininek taau.

Haiu emwenipi niuk me God emriuwe menmen haiu miriakem

²³ ††Yi yatip yarik, "Menmen yapirwe haiu miriakem hiram yaaim." Te hi hetpi menmen yapirwe im ap te mamkepai haiu mises God werek werek au. Hiram ap mamkepei han kiau hirak kaku tokik kakises God werek werek au. Him keremem mamkepai, te yi han ekitet werek werek menmen yi eiyisesim. ²⁴ †††Yi ap han ekitet menmen mi keremem te yi eiyu werek. Au, yi han ekitet menmen mi metike menmen me mit han yi eikepi naanmamror hir enu werek.

²⁵ †††Yi ap einapen eino eiyit samiyak kerek mau maket. Yi ap eiyitorhiyem nipaa mit newepwarem o au, te han ki ap yink enuk kakriuwere. ²⁶ †Nipaa mit newis him mau tiwei me God hiram mau Sam, hiram matip mar im: "Ti im hiram me God metike menmen yapirwe mewim." Te haiu mamim menmen yapirwe God kiriakem. ²⁷ ††Mit han kerek ap nises him me God hir nanitahi yi einen winak kir eitikeri yayim menmen, yi ap han ekitet eiyitorhi me menmen hir newetiyem mit newepwarem newet tipir rem au emit! Yi eikintip eiyim te han ki kaku werek me menmen im. ²⁸ †††Te yi eiyu eitike mitik hak hirak ketpi kar ik: "Nipaa mit newepwar menmen im newet tipir rem, yi ap eiyim menmen im emit, te yi eikaap han ke mitik kerek ketpiyem. ²⁹ Hi hatip me han kirak kerek. Han ki au. Han kirak ap kertei menmen me Kraiss werek werek au. Yi ap eiyim menmen hirak ketpiyem. Yi han kitet yar ik: "Haiu menmak haiu ap te mamim menmen mamintar mitik ap kises him me Kraiss werek werek a? ³⁰ ††Hi hatip God hirak yaaik kentar menmen im hi ahim te nenmak mit hir nantip hi enuk me menmen hi haam a?"

³¹ †††Te hi hetpi menmen im. Menmen yi eiyim, tipar samiyak o menmen ham o menmen yi yiriakem, yi yiriakem te mit miyapir nanwenipi God naninterim.

† 10:19 1Ko 8:4 †† 10:20 Diu 32:17; Rev 9:20 † 10:21 2Ko 6:15-16 †† 10:22 Diu 32:21 †† 10:23 1Ko 6:12 ††† 10:24 Ro 15:2 ††† 10:25 1Ko 8:1-13 § 10:26 Sam 24:1 †† 10:27 Lu 10:8 ††† 10:28 1Ko 8:7 §† 10:30 1Ti 4:4 §†† 10:31 Kl 3:17

³² ††Yi mit miyapir ap yairiak menmen mamnip mit miyapir ne weiwik me Isrel o ne weiwik me Grik o mit miyapir han ne weiwik me God hir han enuk neriuweri au emit!

³³ ††Hi hirekes hiriak menmen im yaaim hi hetpiyem. Hi hiriak menmen mamkaap mit miyapir yapirwe han kir. Hi ap hiriak menmen han kitet hiram mamkaap han kai kerek taau. Hi hiriak menmen mamkaap han ke mit miyapir yapirwe te God kakisak menmen enum hir niriakem kaktorhis.

11 †††Yi mit miyapir eiyises menmen hi hiriakem har ke hi hises menmen Kraiss kiriakem.

Him me miyapir nanwapin menmen mamu paan kir nanit winak ke God

² Hi hatip yi yaain yentar hekrit hekrit yi han kitet menmen yapirwe hi hetpiyem yi yisesim. ³ †††Te hi hanhan yi yertei menmen im. Mitik ke mite hirak naanmiprewe, Kraiss hirak naanmipre mitik, God naanmipre Kraiss. ⁴ Mit kerek niwapin menmen mau paan kir hir newepypir him me God o nitehi God menmen, tapin metitor paan kir. ⁵ Miyapir kerek ap nemiun menmen mamu paan kir hir natip miyapir han him me God o hir nitehi God menmen, hir tapin metitor mar ke mite hire nimk mau paan hir nimirerek. ⁶ Miyapir ninapen nanmiun menmen mamwapin paan kir, hir mit enimiwe paan kire nanteikniwe hire wiriak menmen enum. Hekrit hekrit miyapir enmiun menmen mamwapin paan kir te hir ap tapin metitor paan. ⁷ †††Mit ap nanwapin menmen mau paan kir nanwepypir him me God o nitehi God menmen nentar haiu mit mehimitan God hirak kire mekak naanmipre menmen yapirwe. Te miyapir hir au. Hir nehimitanei haiu mit haiu niuk maiu iuwe.

⁸ †††God ap kiriak yink ke mitik Adam ke yink ke mite Iv au. God kiriak yink ke mite Iv keriuwe menmen kekere yink ke mitik Adam. ⁹ †††God ap kiriak mitik Adam te kakikaap mite Iv au. God kiriak mite Iv waukaap mitik kire Adam. ¹⁰ Te, hiram yaaim te miyapir nanmiun menmen mamu paan kir. Menmen im mamteikin mit hir ninin miyapir naanempror me wi hir nau winak ke God newenipi niuk me God hir enriak menmen im nanintar mit ensel kerek hir nisawin niri, hir han yaaik natip menmen im hiram yaaim. ¹¹ Miyapir nanimtau him me mit nir te haiu mit miyapir kerek haiu ne Mitik Iuwe Kraiss, haiu mire niutip te haiu emkaapan mamu werek werek. ¹² Haiu emkaapan mamu werek werek mamintar nipaa God kinin kiriak mite Iv keriuwe menmen kekere yink ke mitik Adam. Nipaa ein ere in miyerer nine nikerek hiram hirakit. Menmen im meteiknai haiu mit miyapir emkaapan. Menmen yapirwe me ti metike haiu mit God kiriakem, te hirak Haai ke menmen yapirwe.

¹³ Yi hiras han kitet menmen im. Miyapir hir nitehi God menmen, hir ap nemiun menmen mau paan kir,

†† 10:32 Ro 14:13 †† 10:33 1Ko 9:20-22 ††† 11:1 1Ko 4:16 ††† 11:3 Jen 3:16; Ef 5:23; 1Ko 3:23 ††† 11:7 Jen 1:26-27; Je 3:9 18 11:8 Je 2:21-23; 1Ti 2:13 19 11:9 Jen 2:18

hiram yaaim o au enum a? Hiram enum ye! ¹⁴ Haiu mit miyapir in mertei menmen im. Mitik paan kirak nokik kar ke miyapir hirak tapin metitewek kenterim. ¹⁵ Te miyapir ap tapin metitor au. Paan kir nokik kentar God epei kewetir paan te hirak kakwapin paan hesnu kir. ¹⁶ Mit han hir hanhan nantikewai mamitpepan me menmen im, hi hetpor him mar im. Haiu mit aposel ap mamwis mit miyapir hir enises menmen ham au. Mit miyapir nerer wit wit ne weiwik me God hir ap enises menmen ham au. Menmen hi epei hetpim keremem.

Mit miyapir ne wit Korin hir newaank hiras me menmen me Komunion

¹⁷ Hi ap ewenipi niuk me yi mit me menmen im hi in ek etpiyem hentar menmen enum yi yiriakem hiram minin menmen yaaim yi yiriakem me wi kerek yi yererik yewenipi niuk me God. ¹⁸ †Menmen hi hinin hetpiyem hiram im. Hi nepei hemtau mit han natip yi mit miyapir en yi ap yekiyan yau niutip au. Yi yenke hasini me wi yi yewenipi niuk me God. Hi hemtewem te hi han kitet him pinam hir netpewem hiram yaaim. ¹⁹ ††Menmen im me yi mit eiynke hasini hiram mamnen te mamtekin mit miyapir han neimin ne yi mit hir nises God werewek a? Taauye! ²⁰ Te menmen yi yaam wi kerek yi yererik yewenipi niuk me God yeriuwerem, yi ap yaam menmen han tewenin menmen Mitik Iuwe Kraiss kiriakem taau. ²¹ Yi mit miyapir niutip niutip ap te yi yemeriran au. Yi yinin yeit menmen yi yayim te maain mit han nikaru nan, hir nipi maan. Yi mit han yinin yaam menmen yi yepim ere tu iuwe, yi yaam tipar si enum ere yetaritari yeit. ²² †Yi ap yayu winak ki te yi yinin yayim menmen au a? Yi winak ki keperp yi yayim yayit ein te yi au! Yi yan wit kerek yi yererik yi han kitet mit miyapir han ne Kraiss hir weinin te yi yaam menmen yeunim yerekyi (o yeriki) hir mit ap netenen menmen hir yink enuk neriuwerem. Yi han kitet hi etpi mekam me menmen im a? Yi han kitet hi ewenipi niuk mi me menmen im a? Taau!

Mitik Iuwe Jisas kewet mit disaipel nirak Komunion (Mt 26:26-29; Mk 14:22-25; Lu 20:14-20)

²³ Hi ap hetpi yi yaain hentar nipaa hi hemtau him me Mitik Iuwe Kraiss, te hi epei hetpiyem hiram him im: Mitik Iuwe Jisas keit niu o bret ketenenim ke witaan kerek mitik Judas kewepyapirek kesiuwerem ken his me mit enun. ²⁴ Hirak keit niu o bret, hirak kitehi God katip hirak yaaik kentar hirak epei kewetiwekem, te hirak kewepim kewet mit nirak em ketpor kar ik: "Menmen im mehimitan yink kai hi hahi akepi yi mit. Maain yi wen eiriakem eyim menmen im eyir ke hi hiriakem ehim han ekitet menmen in ek hi arekyiyem. ²⁵ ††Mar ke hirak kewetir niu o bret epei au, hira keit tipar wain mekre kap hirak ketpor kar ik: "Tipar wain im mekre kap hiram mehimitan him ham yaaim me God kewetiyem mamkepi hi anipem hiram mamkrit emriuwe hemkre mai mamwen. Yi yayim eiriak menmen

im han ekitet menmen hi arekyiyem." ²⁶ Te maain wi kerek yi yayik niu o bret ketike tipar mekre kap yayir ke hirak kiriakem, yi yehimitan Kraiss kaa kakikepai haiu mit ere hirak pike kaknen.

Mit kerek newaank Komunion, hir niriak menmen enum

²⁷ ††Mit miyapir han ne yi mit kerek hir naak bret o naam tipar mekre kap kerek mehimitan menmen Mitik Iuwe Kraiss kiriakem, te hir ap han ekitet menmen im werewek, God katip hir niriak enum nenip hemkre metike yink ke Kraiss hiram mire menmen (enum) weinim. ²⁸ †††Te mit miyapir eninin han ekitet menmen im werewek mekre han kir enipir menmen enum te maain hir nanik niu o bret ketike tipar mekre kap nehimitan menmen Mitik Iuwe kiriakem. ²⁹ Hir naninin nanriak menmen im nanintar mit miyapir kerek ap han kitet menmen mekre han kir werewek, hir han kitet menmen Mitik Iuwe kiriakem hiram weinim, hir nanik niu o bret ketike tipar mekre kap te God han enuk kakriuweri kaknip. ³⁰ Mit miyapir yapirwe ne yi mit yi yinap ap manpenun au, mit han ne yi mit epei naa nentar hir netikewi yaam niu metike tipar mekre kap te yi ap yinin han kitet menmen werewek au. ³¹ Haiu eminin han kitet menmen werewek te maain mamim menmen me niu o bret metike tipar mekre kap, God ap han enuk kakriuweri kakiwep taau. ³² †††God han kitet menmen haiu miriakem, hirak kakwep haiu mit mamir ke haai kenep nikan kekepik kakimtau him mirak kakriuwerem. Hirak kiriak menmen im te maain haiu mamipir menmen enum mekre han kaiu ap te mami mamtike mit miyapir kerek nises menmen me ti.

³³ Te nai yinan, yi yererik yayim menmen yi eimerir mit han naninin naninen te yi yayim menmen miutip han kakitet menmen Mitik Iuwe kerekyaayem. ³⁴ Mit han ne yi mit kerek yi nipi miwei, yi yayinin yayim menmen yayit winak ki. Te maain yi eitike mit han einen eyu eirerik eyim menmen te God ap han enuk kakiwep me menmen yi yiriakem. Maain hi anen ari, te him nipaa yi yitauhiyem, hi hetpiyem me menmen im.

Him me menmen yaaim God Himin Yaaik kewetai haiu mit em

12 Nai yinan, hi hanhan yi eyirtei werewek menmen God Himin Yaaik kewetaiyem (kerek nipaa yi yewis tiwei yitauhiyem.) ² †Yi yertei nipaa yi ap yises him me Kraiss wen au, Seten kari han ki te yi yises han ki, yi yen yewenipi niuk me tipir kerek mit newis ninaan mau teinik. Te hiram ap mamitpi him taau. ³ ††Nipaa Seten kari han ki te in ek hi hanhan yi eyirtei menmen im werewek. Mit miyapir kerek God Himin Yaaik kari han kir te hir newepyapir him ham natip nar ke profet, hir ap te nantip Jisas hirak enuk. Mit miyapir kerek God Himin Yaaik ap kakri han kir, hir

† 11:18 1Ko 1:10-12, 3:3 †† 11:19 Diu 13:3; 1Jo 2:19 †† 11:22 Je 2:5-6 †† 11:25 Eks 24:6-8; Sek 9:11; Hi 8:8-13

‡ 11:27 Hi 10:29 ††† 11:28 Mt 26:22; 2Ko 13:5 ††† 11:32 Hi 12:5-6 § 12:2 Hab 2:18-19 †† 12:3 1Jo 4:2-3

ap te nanwepyapir him mirak nantip Jisas hirak Mitik Iuwe au.

⁴ †God ketenen menmen ham mirak yapirwe me haiu mit, te God Himin Yaaik kiutip kerekek hirak kakwetaryem. ⁵ ††Haiu miriak menmen ham yapirwe me God, te hirak God kiutipen kerekek. Han en au. ⁶ Haiu mit miriak menmen ham me God meriwe menmen mirak iuwe, te God kerekek hirak kari han ke mit keriuwerem. ⁷ †God Himin Yaaik kewetai mit niutip niutip menmen mirak haiu mire hiram ham ham. Te haiu emakaap mit miyapir yapirwe kerek nises God emriuerem. ⁸ God kewet mit han menmen ham, mit han menmen meiyam. God Himin Yaaik kari han ke Mit han te hir natip him yaaim me God hirak kewepyapirem. God Himin Yaaik kerekek kari han ke mit han keteiknor menmen God kakriakem te hir newepyapirem natip mit em. ⁹ God Himin Yaaik kerekek hirak kari han ke mit han te hir nisesik nanriak menmen me God yaaim. God Himin Yaaik kari han ke mit han kekepi te hir nankaap mit miyapir ninap te hir nire yaain. ¹⁰ ††Hirak kewet mit han menmen iuwe mirak te hir miriak menmen im: Mit han newepyapir menmen maain God kakriakem hir natip mit em. Mit han nertei menmen meke God man, o au en, menmen meke Seten enum man te hir han kitetim natip mit em. Mit han natip him ham nipaa hir nerteiyem au. Mit han neweikin him im newepyapir as o hir miram natip mit em.

¹¹ ††God Himin Yaaik kiutip kerekek kewetai haiu mit em. Hirak kises han kirak kewen menmen yaaim im kewet haiu mit em.

Haiu mit yapirwe haiu mire pinak ke yink kiutip me Krai

¹² †††Haiu mertei yink ke haiu mit hirak kiutip te hirak pinak pinak. Haiu mit miyapir ne Krai haiu mire yink. Haiu yapirwe te haiu mau mire yink kiutip. ¹³ †††Haiu mit han ninin ke haiu mit haiu ne Isrel. Yi mit han au yi ne Grik. Yi mit han yi yiriak menmen me mit kerek naanmipri yi yeit pewek mererim au, te haiu mit han haiu miriak menmen im ap mit han iuwe naanmiprai au. Haiu yapirwe mau niutip nipaa wi God Himin Yaaik kan kau kekere han kau kerekyei haiu mit niutip. God keriuwet Himin Yaaik kiutip kan te hirak kaku kakikre han kau haiu mamre niutip kerekek.

¹⁴ Haiu mertei yink kau hirak ap pinak kiutip kerekek au. Hirak kire yapirwe. ¹⁵ Hit miutip me mitik hak hiram matip mar ik: "Hi ap pinak ke yink ke mitik ik hentar hi ap his mirak au." Hit mirak matip mar im hiram menmen weinim. Hirak wen pinak ke yink ke mitik ik. ¹⁶ Nikip miutip me mitik hak hiram matip mar ik: "Hi ap pinak ke yink ke mitik ik hentar hi ap nanamir kirak au." Nikip mirak matip mar im hiram menmen weinim mentar hiram wen pinak ke mitik ik. ¹⁷ Hi hetpi, yink kau kire nanamir kerekek mamirkeik te haiu mamim-

tau menmen? Yink kau kire nikip keremem, mamirkeik te haiu mamnim menmen a? Taauye!

¹⁸ God ap kiriak yink kau men niutip. Au, hirak kenip pinam maiu yapirwe kewisim kises han kirak. ¹⁹ Yink kau ken niutip keremem, haiu yink kau ap kaku werek werek au. Pinak kiutip kerekek. ²⁰ Yink kau hirak ap ken niutip au. Pinam pinam yapirwe, te yink kau hirak kire kiutip.

²¹ Tis, mitik nanamir kirak ap te kaktip his mirak kakir ik: "Ti menmen miutip hi ap hanhan heriuwit au, hi hau werek." Paan ap kaktip hit kakir ik: "Ti menmen mamritwaank hi ap hanhan heriuwit au, hi hahu werek." Hiram ap mamtip mamir im au. ²² Han ketike hiriu hiram mire weiwei, te hiram ap mau werek werek au haiu mami. ²³ Menmen ham me yink kau haiu han kitet hiram enum, haiu naanmeprewem misawinem meriwe klos. ²⁴ Menmen ham me yink kau ap te haiu mamsawinem au. God kiriak menmen te menmen ham me yink kau haiu han kitet hiram enum haiu mesisiwem meriwe menmen yaaim te hiram minin menmen ham me yink kau. ²⁵ God kiriak menmen im te yink kau hirak ap kewep pinak pinak au. Hirak hanhan keriuwe hirekes. ²⁶ Henik kinakin his o hit maiu hiram mewewei, te yink kau ap kaku werek werek au. Mar im mitik kiutip kekere ninin ke haiu mit menmen mewaank, haiu mirak yinan han etweninek. O mitik ik kiriak menmen yaaim keit niuk iuwe, haiu mirak yinan haiu metikerek haiu han yaaik mamu.

²⁷ †Yi yetikewei haiu mit haiu mire yink ke Krai. Haiu mit niutip niutip haiu mire pinak pinak ke yink kirak. ²⁸ ††God epei kehimitenai haiu mit han ne mit miyapir mirak haiu mar ik. Hirak kehimitenei haiu mit iuwe minin haiu mire aposel. Hirak kehimitan mit han iuwe nisisei hir nire mit profet hir natip mit him me Krai. Epei au, hirak God kehimitan mit han iuwe hir nises profet, hir nire tisa, hir natip mit miyapir him ham me God te hir nanu nanises God werek werek. Hirak kehimitenei epei au, hirak kehimitan mit han hir miriak menmen mirakel keteikin mit menmen iuwe God kiriakem, mit han hir nikaap mit miyapir hir ninap his hit enum te hir nire yaain. Mit han nankaap mit miyapir neiyam, mit han hir naanmipre mit miyapir me menmen. Mit han hir natip neriuwe him ham nipaa hir nerteiyem au.

²⁹ Mit yapirwe kerek God kehimitenei hir ap nire aposel au. Mit yapirwe hir ap nire profet au. Mit yapirwe hir ap tisa. Mit yapirwe ap miriak mirakel meteikin mit menmen iuwe me God au. Mit yapirwe ap nikaap mit miyapir ninaap hir nire yaain. Mit yapirwe hir ap natip him ham nipaa hir ap nerteiyem au. Mit yapirwe hir ap neweikin him nipaa hir ap nerteiyem au. Au, God kewet mit menmen ham ham hir nisesim nanriakem nankaapan nanriuerem. ³¹ †††Hi hetpi yi eyitehi God yi hanhan menmen iuwe me menmen God Himin Yaaik kewetai haiu mit em hiram yaaim minin.

† 12:4 Ro 12:6; Ef 4:4 †† 12:5 Ef 4:11 † 12:7 1Ko 14:26
 †† 12:10 Ap 2:4; 1Ko 14:5 †† 12:11 Ro 12:3; 1Ko 7:7 †††
 12:12 Ro 12:4-5; 1Ko 10:17 ††† 12:13 Ga 3:28

§ 12:27 Ro 12:5; Ef 5:30 †† 12:28 Ef 4:11-12 ††† 12:31 1Ko 14:1

Te in ek hi hetpi me menmen yaaim yi eiysesim hiram minin menmen God Himin Yaaik kakwetiyeem.

Him me haiu mit miyapir hanhan meriuwehan

13 Haiu mit mertei him me mit nerer wit wit o haiu mertei him me mit ensel haiu metpim, te haiu ap hanhan meriuwe mit miyapir han mamrekyor yaaim, haiu enun weinin mar ke mitik hirak kiriak tukin te ap kertei weiwik mirak werek werek au. Haiu mamir ke mitik kau winak kiriak wekinp weinik ap kine henye keriuwerem au. ²†Haiu mit mertei menmen me God te haiu mertei menmen nipaa God kisawinem ap keteikin mit em, te haiu mewepyapirem matip mit em, o haiu mertei menmen iuwe me God hirak kakikepai haiu matip miniu (o neiyip) hirak ekinke te hirak kakises him mai kakinke, te haiu ap hanhan mit miyapir han, haiu enun weinin. ³††Haiu mamwet mit miyapir enun ap netenen menmen auri, haiu mamwetir menmen maiu yapirwe te hir nanu werek, o haiu mewepyapir him yaaim me Kraiss mit enun nanriyei mamikre si tatwei haiu mami haiu mewisi hir nanrekyeyem, haiu ap te hanhan mit miyapir han mamrekyor yaaim, menmen im yaaim haiu miriakem ap mamkepei te God kaktip haiu yaain taau!

⁴ Haiu hanhan meriuwe mit miyapir han, haiu mit yaain mamir ik. Haiu ap te mamine han enuk waswas au. Haiu mamtip mit miyapir him yaaim mamrekyor yaaim. Haiu ap yink enuk hemkre menepam meriuwe mit miyapir han. Haiu ap mamwenipi niuk maiu haiu iuwe au, haiu ap mit paan tokik au. ⁵‡Haiu ap mamriak mit miyapir hir yink enuk nanriuwe menmen haiu mamriakem au emit. Haiu ap mamri pewek o menmen ham mamtiwem yeunim o haiu meit menmen meit yaank haiu ap te mamim yeunim au emit. Haiu ap emihyak (o emihiyik) waswas au emit! Haiu ap han ekitet menmen enum mit nerekyeyem au emit. Haiu emit hiram menmen weinim. ⁶††Haiu ap han yaaik me wi menmen enum mewaank mit han au emit. Haiu han yaaik meriuwe menmen yaaim keremem. ⁷†††Haiu mekintip ap mamtip emriuwe menmen enum yapirwe mamnen. Hekrit hekrit haiu han ekitet menmen yaaim me mit miyapir han. Haiu mamu han ekitet God kakrekyei menmen yaaim kakikepei, haiu emnakin tokim emu emriuwe menmen enum yapirwe mamnen.

⁸ Menmen me haiu hanhan meriuwe mit miyapir han mamu mamit tipmain tipmain enum eik. Te maain wi ham mamnen te haiu ap mamwepyapir him God ketpeiyem haiu mamtip mit em. Maain haiu ap te mamtip him nipaa haiu ap merteiyem. Menmen in ek haiu merteiyem, hiram mamno mamit. ⁹ Him im hiram yaaim mentar in ek haiu mertei him pinam me God keremem, te haiu matip mit em. Haiu ap mertei meiyam au. ¹⁰ Maain wi kerek God kaknen kakwepyapir menmen yapirwe, menmen in ek haiu merteiyem hiram mamno mamit. Maain menmen meiyam yaaim mamikrehir me menmen im e. ¹¹ Nipaa

haiu mire nikerek kike, haiu han kitet menmen mar ke nikerek han kitetim, haiu matip mar ke nikerek netpim, haiu mertei menmen mar ke nikerek. Te in ek haiu mit iuwe. Haiu meweikin sip mewet menmen me nikerek hir niriakem, haiu mises menmen me mit iuwe hir nisesim. ¹²†††In ek haiu mertei menmen me God kike mar ke mit miyapir nanir himin kir kekreglas enum tokim hapik mewim. Maain haiu mamno mamir God ninaan mirak, te haiu mamirte i menmen God han kitet hiram iuwe mamir ke in ek God kertei haiu mit niutip niutip werek werek. ¹³†††Te, yi han ekitet menmen im. Menmen im iuwe wikak mamu mamit. Haiu han kitet menmen God ketpaiyem. Haiu hanhan hirak kakrekyei menmen yaaim. Haiu hanhan mamriuwe mit miyapir han. Menmen miutip me menmen iuwe wikak im hiram minin. Hiram im: Haiu hanhan mit miyapir han.

Menmen God Himin Yaaik kewetiyeem hiram minin menmen ham

14 ¹†Yi mit miyapir en yi eiyeinin hanhan eiriuwe mit miyapir han. Menmen im hiram minin: Yi wen hanhan God kakweti menmen ham yaaim me God Himin Yaaik. Yi hanhan iuwe te God kakweti menmen te yi eitip mit him mirak yaaim. ² Mit nanpitip him kerek God Himin Yaaik kewetirem, te mit netariyem, hir ap nantip mit neriuwerem au. Hir nantip God kerek nanintar hir mit han ap nanirte i menmen hir nanitpim. God Himin Yaaik kekepi te hir natip menmen me God nipaa hirak kisawinem. ³ Hiram yaaim te mit kerek natip mit him me God, hir natip mit en. God au. Hir netpor nankepi nanises him me God nanrekyor hir han yaaik nanu. ⁴ Mit kerek nantip him ham kerek God Himin Yaaik kewetirem, hir nantip menmen nankaap hiras keriyen. Te neimin hir nantip mit miyapir him me God eim, hir nankaap mit miyapir ne weiwik me God nanriuwerem. ⁵ ††Hi hanhan yi yapirwe yaitip him ham mit nepitariyem kerek God Himin Yaaik kewet haiu mit em. Te hi hanhan wisenum te yi eiyeitpor him me God. Mit kerek hir natip mit him me God, him mir minin him me mit kerek natip him ham me God Himin Yaaik kewetirem, te hir mit han ap nanu nanweikin him nanwepyapir menmen hir netpim. Mit han hir nanu nanweikin him nanwepyapir menmen im te mit miyapir ne weiwik me God nanirteiyem werek werek. Im yaaim mire mit kerek natip mit miyapir him me God nikaap mit miyapir neriuwerem. ⁶ Nai yinan, maain hi anen ari te hi etpi him ariuwe him ham God Himin Yaaik kewetewem yi yepitariyem, hi ap akepi ere hi eweikin him awepyapirem hetpiyem. Hi etpi him me God me him yi yetpim, yi eiyrteiyem werek werek, o hi etpi menmen maain mamnen, menmen im yi eiymtewem hiram mamkepi yayises God werek werek.

† 13:2 Mt 17:20 †† 13:3 Mt 6:2 ‡ 13:5 Fl 2:4 †† 13:6 Ro 12:9 †† 13:7 Ro 15:1; 1Pi 4:8; 1Ko 9:12

††† 13:12 2Ko 5:7; Je 1:23 ††† 13:13 1Te 1:3; 1Jo 4:16 † 14:1 1Ko 12:31, 14:39 †† 14:5 Nam 11:29

Haiu emtip him me God mamriuwe him haiu yapirwe merteyem

⁷ Menmen mire tukin o wekinp hiram han kewim au. Hiram mire mitik katip keriuwe him ham. Mit ap niriak tukin o wekinp nine henye mei werek au, mit nepitari menmen hiram tukin o wekinp metpim. ⁸ Mit ap niriak tukin werek werek au, nanirkeik te mit hir nanirtei nanino naninepan a? Taauye! ⁹ Menmen yi mit yiriakem hiram mepir keremem. Yi eitip mit eiriuwe him ham God Himin Yaaik kewetiyem, hir mit nemtewem hir nepitariyem. Yi yayitpor menmen, te him epei au men. ¹⁰ Mit nerer wit wit natip him ham him ham. Hir ap natip him weinim au. Hir netike mit newepnak neriuwerem. ¹¹ Hi ap hertei menmen werek werek kerek mitik hak ketpewem, te hirak han kitet hi mitik ke wit hak, hi han kitet hirak ke wit hak, hawir ap wewepnak au. ¹² Te hi hetpi menmen im. Yi hanhan yayit menmen ham ham kerek God Himin Yaaik kakwetiye. Te yi eiyeinin hanhan eiyeit menmen yaaim God Himin Yaaik kakwtai haiu mit em hiram mamkaap mit miyapir ne weiwik me God te hir nanisesik werek werek. ¹³ Te mitik kerek katip keriuwe him ham me God Himin Yaaik kewetiwekem, hirak ap kerteiyem, hirak ekitehi God ekikepik hirak ekirtei him hirak epei ketpim te hirak kakwepyapirem katip mit em. Hirak kakriak menmen im kakintar him im hi hetpiyem. ¹⁴ Hi hitehi God hi ewenipi niuk mirak heriuwe him ham hi hepitariyem kerek God kewetewem, himin kai ketike God tewepnak, te han kai au kau weinik. ¹⁵ †Te hi ariak menmen im. Hi ehitehi God eriuwe himin kai ketike han kai, hi tewen aine henye ariuwe himin kai kaktike han kai. ¹⁶ Yi eiyeitehi God yi eiwenipi niuk mirak eiriuwe him ham mit ap nerteiyem au, nanirkeik te hir nanirtei him yi yetpim a? Hiram yaaim te hir nantikewi nanwenhiyem a? Taauye! ¹⁷ Yi epei yatip God him yaaim yewenipi niuk mirak te yi ap yikaap mit kerek nemtau him mi yeriwerem au. ¹⁸ Hi Pol hi hetenen menmen God Himin Yaaik kewetewem. Hi han yaaim heriuwe God hentar hi hinini hi atip God menmen heriuwe him ham hi ap herteiyem kerek nipaa hirak kewetewem.

¹⁹ Te wi kerek hi hau hetike mit miyapir ne weiwik me God, haiu mererik mewenipi niuk mirak, hi hinin hanhan atip mit menmen kike ariuwe him haiu yapirwe merteyem te hiram mamkepi hir nanu werek. Hi hinapen etpor menmen yapirwe ariuwe him ham hir nepitariyem au emit! Hiram ap mamkepi au.

²⁰ ††Nai yinan, yi ap eire nikerek eiriuwe menmen yi han kitetim au emit. Yi eire mit iuwe. Me menmen enum mit nisesim yi eiweikin sip eiwetiwem eitariyem eiyeir ke nikerek kike miyerer ninani. Te menmen yaaim yi han ekitetim werek werek eiyeir ke mit miyapir iuwe. ²¹ †Him me God mau tiwei nipaa profet Aisaia kewisim hiram matip me mit miyapir natip him ham mit nertariyem mar im:

† 14:15 Ef 5:19 †† 14:20 Ef 4:14; Fl 3:15 ‡ 14:21 Ais 28:11-12

“Mit ne wit netike mit han ap ne wit hir nantip mit in nanriuwe him ham hi God awetirem.

Hir nanwepyapir him mai nantip mit em te hir ap nanisesim au.” ²² Te him ham im kerek God Himin Yaaik kewetiyem, hiram mamkaap mit ap nises him me God te hir hanhan nanimtewem. Mit epei nises him me God hiram mamkepi au. Him me God ham mit natip mit han em hiram mamkaap han ke mit ap nisesik au. Hiram mamkaap han ke mit kerek nisesik keriyen. ²³ †Mit miyapir ne weiwik me God nanrerik nantip nanriuwe him ham hir nepitariyem kerek God Himin Yaaik kewetirem, maain mit kerek ap nises him me God o mit ap nertei menmen im, hir naninen nanimtau menmen yi eiyeitpim, hir nepitari menmen yi yetpim te hir han kitet yi enun yire mit han kir enuk. ²⁴ ††Te mit miyapir nererik natip mit him me God, maain mit kerek ap nises him me God o mit ap nertei menmen im hir naninen himin nanu nanimtau menmen yi yetpim, hir nanirtei him im te menmen im mamkekir han kir te hir nanirtei hir hiras mit enun. ²⁵ ††Him me God im mamket menmen enum mekre han kir hir han kitetim te hir newen ninip nanwenipi niuk me God nantip nar ik: “In ek hi hertei God kau kekere himin ke yi mit.”

Yi eiwenipi niuk me God yi eiyses menmen yaaim

²⁶ ††Nai yinan hi hetpi yi eiriak mekam a? Wi kerek yi yererik yewenipi niuk me God yi eiyses menmen werek werek. Mitik hak kine henye, mitik hak ketpi him, mitik hak kewepyapir him ham God epei ketpiwekem, mitik hak katip him ham hirak nipaa ap kerteiyem au. Mitik hak keweikin him im ketpi menmen me mitik hak epei ketpim em e. Yi niutip niutip eiriak menmen im yapirwe te hiram mamkaap han ke mit miyapir te yi eiyses him me God werek werek. ²⁷ Mit miyapir han ne yi mit hir nepu hir nantip him ham kerek mit nepitariyem, yi eiwis wik o wikak nanitipi him im keremem. Hir ap nantip him nanre yapirwe au emit! Mitik hak kaktip him mirak, mitik keiyak kakwepyapir menmen hirak ketpim. Epei au, mitik hak kakitpi kakriuwe him mirak ham. ²⁸ Mit han ap nepu kerek nanwepyapir him kerek mit han netpim, hir ap te nantip him im mekre himin ke yi mit miyapir kerek yererik yewenipi niuk me God au emit! Hir keriyen nantike God nantip nanikre han kir. ²⁹ †Yi eiwis mitikit wik o wikak kerek hirakit tire profet hirakit tatwepyapir him God ketpiwekitem. Hirakit tatwepyapir him me God, te yi mit han yi han ekitet him im hirakit tewepyapirem hiram yaaim o au enum. ³⁰ Mitik hak kau yeno kekere himin ke yi mit, God ketpiwek menmen, hirak ap ekmerir mitik hak ketpim au, hirak ekikrit ekno ekikreher kirak ekitpim. ³¹ Mar im yi eiwepyapir him me God eitip mit em eire kiutip kiutip te yi mit miyapir yapirwe yau en yi eiyeimtewem werek werek, hiram mamkepi han ki te yi eiyeu werek. ³² Mit

†† 14:23 Ap 2:13 †† 14:24 Jo 16:8 ††† 14:25 Ais 45:14; Sek 8:23; Jo 4:19 ††† 14:26 1Ko 12:8-10; Ef 4:12 § 14:29 Ap 17:11; 1Te 5:21

miyapir kerek hir nire profet hir newepyapir him God ketporem, hir naanmipre han kir me menmen. Han ap naanmamror au. Hir mit keriyen, te hir naanempre han kir me menmen God ketporem. ³³ Hir enriak menmen im enintar God hirak ap kaknip han ke mit nererik nemtau him mirak te hir han kakitet menmen heriyai heriyai nanitpim au. Hirak kaknipai haiu mit mamu han kiutip mamises him mirak.

Wi kerek yi mit miyapir ne God yererik yewenipi niuk me God yi eiriak menmen mar im. ³⁴ †Yi yairerik yaiwenipi niuk me God, miyapir ap te nantip menmen au, emit! Hir nankintip nanu nanises him me mit nir nanir ke him me God mau tiwei metpim. ³⁵ Miyapir hanhan nanirtei him me menmen werék werék kerek mit netpim, hir ap nanitehi mit in me menmen neit wit kerek hir newenipi God au emit! Menmen im enum. Maain hir nanu winak kir, hir nanitehi mikan nir me menmen hir nanitporem werék werék. ³⁶ Yenmak yi eiriak menmen im mar ke hi hetpiyem a? Yi han kitet God him mirak hiram mekrit meke wit Korin man a? O au en, yi han kitet him me God man yi mit miyapir keriyen te yi eiyses han ki me menmen yapirwe a? Taau! Yi ap yertei menmen yapirwe me God te yi eiymtau menmen hi hetpi yi eiysesim. ³⁷ ††Mit han nekre nimin ke yi mit hir han kitet God epei kewetir menmen mirak iuwe o hir nire profet newepyapir menmen God ketporem, hir nanwenhi menmen hi ewisiyem hiram menmen Mitik Iuwe Krai katip haiu emisesim. ³⁸ Mit kerek ap han kitet menmen hi ewisiyem hiram him me God, haiu ap han kitet hir nire mit profet newepyapir natip menmen God ketporem. Au, hir mit enun netari menmen. ³⁹ Te nai yinan, yi hanhan iuwe te yi eire profet te yi eiwepyapir eitip him God ketpiyem yi eitip mit em. Te yi eiriak menmen mar im keremem au. Yi ap eiwen mit kerek nanitpi him ham yi yepitariyem au emit! ⁴⁰ †Te menmen yi yiriakem me wi yi yererik yiriakem, yi yises menmen yaaim yi yiriakem.

Krais nipaa kaa, God pike kikiak kekrit kau

15 Nai yinan, in ek hi hanhan ekekyi han ki me him yaaim me Krai nipaa hi hetpiyem kerek yi yemteyem yi yisesim werék werék. ² Him hi nepei netpiyem yi yisesim werék werék mar ke nipaa hi hewepyapir hetpiyem, hiram mamkepi yi yayises God werék werék yi ap yayiwaank, o au en, taau!

³ †Hi hetpi him im hiram menmen iuwe minin kerek nipaa God ketpewem hi hemteyem. Him miram im: Mitik Krai kaa te kakisak menmen enum haiu miriakem, kar ke him me God mau tiwei nipaa metpim hirak kaknen kaki. ⁴ ††Hirak kaa epei au, mit han newisik kekre hei ke han hirak kinik miniu (o neiyip) Hirak kiwaai kekrerek me wi wikak epei au, God kikiak kekrit kau kar ke him me God mau tiwei metpim. ⁵ †††God kikiak kekrit kau epei au, hirak kewepyapir hirekes te Sifas (Pita) kinin kirek. Hirak kirek epei au,

† 14:34 1Ko 11:3; 1Ti 2:12; Ta 2:5 †† 14:37 1Jo 4:6 ‡ 14:40 Kl 2:5 †† 15:3 Ais 53:8-9 †† 15:4 Mt 12:40; Ap 2:24-32 ††† 15:5 Lu 24:34; Mt 28:16-17

mit han disaipel hir nirek. ⁶ Hir nirek epei au, mit miyapir nar 500 hir nirek. Mit miyapir in nipaa ere in hir nisesik. Mit yapirwe wen nau ti, te mit han niutip niutip epei naa. ⁷ †††Hir nirek epei au, hirak Jems kirek. Hirak kirek, te mit aposel yapirwe hir nirek.

⁸ †Maain hi hirekes hikaru, hirak kan te hi hirek. Hi hire mitik enuk hi hirek. ⁹ ††Hi hire mitik enuk weinik hekre nimin ke mit aposel, hi hire hikaru. God ke-himitena hi hire aposel te hi ap yaaik au! Nipaa hi hewaank mit miyapir kerek nises him me Krai. ¹⁰ †††In ek hi hire mitik yi yira te yi yerteiya hentar menmen yaaim God kerekewem kekepa keriuwerem. Hirak ap kerekewem weinim au. Mit aposel hir niriak menmen yaaim te hi hinini heriuwe menmen hi hiriakem me God. Te hi hirekes ap hiriak menmen im au. God kekepa te hi hiriak menmen hiram mire yaaim. ¹¹ Mit han aposel hir netpi him me God o hi hetpi him me God hiram weinim. Menmen iuwe hiram mar im: Haiu aposel metpi him me Krai mipiram, te yi epei yisesim.

Haiu mit yapirwe mami te maain God pike kikiak haiu mit

¹² Haiu matip mit him me Krai kaa te God pike kikiak kekrit kau. Te yi mit han niutip niutip yekre nimin ke yi mit yapirwe, yi yenmak te yi yatip mit kerek nipaa hir naa, maain hir ap pike nanikrit au? ¹³ Mit hir naa pike nanikrit au, te hiram mar ke God ap kikiak Krai hirak kekrit kepu au.

¹⁴ God ap kikiak Krai hirak pike kekrit kau au, te haiu mit metpi him enum weinim te yi yises him weinim. ¹⁵ ††Yi yises him weinim te haiu mit enun memitipin metpi menmen me God haiu merekyi enum matip hirak epei kikiak Krai kerek nipaa kaa, hirak kekrit kau. God ap kikiak Krai te maain hirak ap te kakikaan mit kerek epei naa. ¹⁶ Mit hir naa pike nanikrit au. Te God ap kikiak Krai hirak pike kekrit kepu auye! ¹⁷ God ap kikiak Krai te yi yises him mirak weinim. God ap kesak menmen enum mi yi yire mit miyapir yaain au. Yi enun. ¹⁸ God ap kesak menmen enun haiu mit miriakem, te mit kerek nipaa nises him me Krai kerek menmen enum mau han kir, hir nantike God nanu nanit au. ¹⁹ Haiu mire mit kerek nises him me Krai me wi haiu mau ti in hirak kekepai, te maain haiu mami God ap kakikepai pike kakikekyei haiu mamikrit, te mit nau ti in han kitet haiu enun metaritari hir han etweninei wisenum.

²⁰ †††Te him im hi nepei hetpim hiram au. God epei kikiak Krai hirak pike kekrit kepu. Hirak kekrit kinin mit miyapir yapirwe naa kerek maain God pike kakikian. ²¹ ††Menmen hi hetpiyem hiram yaaim hentar menmen im. Mitik kiutip Adam kiriak menmen enum kenip haiu mit miyapir yapirwe haiu mami. Mar keremem te mitik kiutip Krai hirak kaknipai haiu mit kerek mami haiu pike mamikrit kakintar hirak pike kekrit kau. ²² Haiu mit yapirwe mami mentar haiu nepenyer-

‡ 15:7 Lu 24:50 § 15:8 Ap 9:3-6; 1Ko 9:1 †† 15:9 Ef 3:8; 1Ti 1:15; Ap 8:3 ††† 15:10 2Ko 6:1, 11:5, 23 †† 15:15 Ap 1:22, 4:33, 5:32 ††† 15:20 Kl 1:18 †† 15:21 Ro 5:12, 18

er ne Adam. Mar keremem te haiu mit kerek haiu ne Krai, maain haiu mami te God kakikekyei haiu mit. ²³ †Haiu yapirwe mami, maain haiu pike mamikrit mamu me wi God kemeteiyem. Krai hirak kinin kekrit kau. Maain wi kerek hirak pike kaknen kakwepyapir hirekes, God kakikian mit kerek epei nisesik hir mit nirak.

²⁴ Me wi im menmen yapirwe maain tewen mami mamit. Wi kerek Krai kakinin kakiwaank menmen me gavman metike menmen me mit iuwe, netike menmen mir iuwe, hirak kakwis God kakinin menmen yapirwe. ²⁵ ††Krai hirak kakinin naanmamre menmen yapirwe ere God kakinin mit enun nepan nirak.

²⁶ †Hirak kakinin menmen enum yapirwe, maain menmen kerek menip haiu mit metike menmen yapirwe mami, God kakiwaankem hiram mamit, te haiu mamu mamit. ²⁷ †Him me God mau tiwei hiram matip mar im: "God kinin menmen yapirwe hiram mamises han ke Krai." Him im kerek matip "Menmen yapirwe" hiram ap matip me God hirekes au. Hirak kakinin menmen yapirwe kerek in ek mamises han ke Krai.

²⁸ Maain God kakinin menmen yapirwe mamises han ke Krai, te Krai hirak Nikan ke God, hirak kakwis God hirekes kakinnek kakintar nipaa God kekekpik kinin menmen yapirwe. Hirak kises han ke God epei au, te God hirekes kakinin haiu mit yapirwe.

²⁹ Him im hi hetpiyem me maain God kakikian mit miyapir kerek epei naa, hiram enum hi emitipin heriuwerem, mit nenmak te hir newis mit han hir nikiri neriuwe tipar mamkaap mit miyapir hir epei naa a? Hir han kitet menmen enum hir niriakem. ³⁰ †Him im hiram enum me nemitetpin keremem, menmak te haiu mit in hekrit hekrit mamwis menmen enum mamnen menep te mamraiwaank a? Au! Haiu emweikin sip emwet him me God im emrir. ³¹ ††Nai yinan, hi hetpi hekrit hekrit hi hiriak menmen me God te menep hi hahi. Menmen hi hetpiyem hiram yaaim mar ke him hi hetpiyem in ek. Hi han yaaik heriuwi hentar yi ne Krai Jisas kau Iuwe. ³² ††God ap kakikoya te hi hiriak menmen im weinim. Nipaa hi heit wit Efesas hi etike mit hir enun nire sak mit hir nakip henmik ketuk, haiu menehan te menep hir naniyep hi hahi. God ap te kakikekyei haiu mit te him im nipaa mit netpim haiu emisesim hiram mire yaaim. Hiram matip, "In ek haiu mamim menmen metike tipar si enum ere haiu han yaaik iuwe mamintar maain haiu mami."

³³ Yi ap eiwis mit han nanmitipin nanriuwe menmen hir netpiyem. Yi eitike mit enun eikiyan eiwepnak, hir naniwaank han ki me menmen yi yisesim me God pike kakikekyei haiu mit. ³⁴ †Yi han ekitet menmen werek werek eiweikin sip eiwet menmen enum. Mit han en yi mit ap yertei God yisesik au. Hi hetpi him im hiram merekyi yink enuk te yi eiweikin sip pike eiyses him yaaim.

Maain God kakikiak yink kau hirak kakweikin kakre yaaik

³⁵ Mit han nitauhi menmen im: "Mamerkeik te God kakikian mit nipaa naa? Hirak kikian mit epei au, hirak kakwetir yink kakre mekam?" ³⁶ †Mit nanitauhiyem te hi etpor ahir ik: Ti mitik enuk hepitari menmen im. Yehes me rais ti emir emit ni ap te mamwo ere haas miram mamisine te hiram mamwo. ³⁷ Yehes me rais kerek yi yamir mekre ti hiram yehes weinim me rais o menmen ham, te hiram ap haas metike nikim kere-mem maain mamwo au. ³⁸ ††God kewet rais yehes hiram mewo mire menmen ham hirak hanhan kenipem. Menmen yapirwe ap mewo mipiram au. God kehimitanem hiram mamwo mamre menmen ham. ³⁹ Yink yapirwe hiram ap miram au. Yink ke mit miyapir hirak hak. Yink ke samiyak hirak hak. Yink ke hore hirak hak, yink ke saauk hirak hak. ⁴⁰ Menmen yapirwe mau nepni, menmen ham mau ti. Menmen mau nepni hiram yaaim te hiram meweikin me menmen ham yaaim mau ti. ⁴¹ Wepni hirak kir kipre hak, wenke hirak kipir kipre hak, hir me witaan hiram mipir ham. Nimin ke hir yapirwe, ham mir iuwe, ham au mir kike.

⁴² Yink kau maain God kakikiak hirak kakir ke menmen hi nepi etpiyem. Yink kau hirak kire yehes. Yink kau maain hir nanwisik kakikre hei, hirak kaknin kakisine kakit. Te yink kau kerek God kakikiak, hirak ap te kakisine kakit au. ⁴³ †Yink kerek maain mit nanwisik kakikre hei hirak menmen enuk weinik kerekek. Te yink maain kerek God kakikiak hirak kakre yaaik. In ek yink hirak kaknap te hirak ap mampenuk. Maain hirak kakre manpenuk wisenuk. ⁴⁴ Yink kau kerek maain mit nanwisik kakikre hei, hirak menmen me ti kerekek.

Maain yink kau God kakikiak, hirak kakweikin kakre hak yaaik kerek kakikaap himin kau kaku werek kakikrerek. Yink ke hirak kepu, te haiu mertei maain haiu mamit yink hak kakikaap himin kau hirak kaku. ⁴⁵ ††Him mau tiwei me God mit newisim hiram matip mar im. Hiram matip me Adam, "God kiriakek hirak kepu." Te Krai hirak kire Adam, hirak kikaru kan kewet haiu mit Himin kirak, haiu mamu mamtikerek. ⁴⁶ Haiu eminin emu ti ik emriuwe yink kerek God naanmiprewek au. Yink ke ti kerekek. Maain God kakweikin yink kau te God Himin Yaaik hirak naanmamrai yink kau. ⁴⁷ †God kiriak mitik Adam kinin kau ti hirak yink kirak ke ti. Te Mitik Krai kerek kikaru kan, hirak keke wit ke God kan. ⁴⁸ Hir mit miyapir nau ti hir nepenyerer ne mitik Adam kerek nipaa God kiriakek ke ti te hir nar ke hirak kerekek. Maain hir mit miyapir kerek nanu wit ke God, hir nanweikin nanir ke Mitik Krai hirak nipaa keke wit ke God kan hir nanir ke nepenyerer nirak. ⁴⁹ Yink kau ik hirak kar ke mitik Adam kerek nipaa God kiriakek ke ti, te maain yink kau kakweikin kakir ke Krai kerek nipaa keke wit ke God kan.

⁵⁰ ††Nai yinan hi hetpi menmen im. Yink kau God kiriakek ke ti ap te kaku kakit wit kirak au. Menmen

† 15:23 1Te 4:16; Rev 20:5 †† 15:25 Mt 22:44 † 15:26 Rev 20:14, 21:4 †† 15:27 Sam 8:6 †† 15:30 Ro 8:36 ††† 15:31 2Ko 4:10-11 ††† 15:32 Ais 22:13; Lu 12:19-20 § 15:34 Ro 13:11; Ef 5:14; Ap 26:8; 1Ko 6:5

§† 15:36 Jo 12:24 §†† 15:38 Jen 1:11 §† 15:43 Fl 3:20-21 §†† 15:45 Jen 2:7; Jo 6:63; 2Ko 3:6, 17 §† 15:47 Jen 2:7

kerek maain kakisine ap te kakno wit kerek menmen ap mamisine au. ⁵¹†Yi eiyimtau him im hi hetpiyem me menmen nipaa mit hir nerteiyem au. Mit han nekre nimin ke haiu mit kerek mises him me Kraiss mau ti, hir ap te nani taau. Te God kakweikin yink kir waswas. ⁵²††Wi mitik ensel kaktenwo taur kirak kehimitan wi me ti nepei mesi, God kakweikin yink kir waswas kakir ke mitik nanamir hei mewen. Mitik ensel kaktenwo taur kirak epei au, God pike kakikian mit kerek nipaa naa, hirak kakweikin yink kaiu, te haiu ap pike mami taau. ⁵³†Hirak kakweikin yink kaiu kakintar yink kaiu maain kerek haiu mamnap mami hirak ekweikin ekre yink ap te haiu mamnap o mami. ⁵⁴††Maain God kakweikin yink kaiu kerek kaknipai haiu mamnapo mami, hirak kakweikin kakre yink yaaik ap te kaknipai haiu mamnap o mami au. Te him me God nipaa mit newisim mau tiwei mamnen. Hiram matip mar im:

“God epei kinin menmen enum menip haiu mit miyapir yapirwe haiu mami.

⁵⁵††In ek menmen enum hiram menipai haiu mit miyapir mamiwaank, hiram epei au enum mire henmik kewen. Menmen enum hiram menipai haiu mami hiram epei au mesi.”

⁵⁶††Menmen enum mekre han kaiu mamnipai haiu mami. Him me God mau tiwei nipaa Moses kewisim hiram mikiam menmen enum mekre han kaiu, menipai haiu miriak menmen enum te haiu mami. ⁵⁷†Tis, haiu emtip God hirak yaaik kentar hirak keriuwet Jisas Kraiss kaiu Iuwe hirak kinin menmen enum mekre han kaiu menipai haiu mami. Te haiu ap mami mamit au, haiu pike mamikrit mamu.

⁵⁸††Te nai yinan yaain yi han tokik eiyu ap eiwis him ham enum memipin mamri han ki. Yi ap einapen eiriak menmen me Mitik Iuwe Kraiss hekrit hekrit au emit eiyintar yi yertei menmen yi yiriak Mitik Iuwe em, hiram ap weinim au.

Him me pewek mit ne Korin nantiwem nanwet mit miyapir han em

16 †In ek hi ewisi him me pewek kerek yi hiras yewisim miwaai niutip. Te yi eiwet mit miyapir han kerek hir nises God neit provins Judia yi eiwetirem. Hi ewisiyem entar yi epei yitauhiyem. Yi yises menmen hi epei atip mit nises him me God neit provins Galesia em. ² Me wi Sande miutip miutip yi mit miyapir yapirwe niutip niutip eiremip pewek pinam me menmen God kekepi yi epei yetiwem me menmen yi yiriakem. Yi eiremip pewek im eiwisim emwaai niutip te maain wi kerek hi anen etiwem, yi ap eino ein eino ein eiriyam me mit miyapir en au emit! Hiram menmen yi epei yewisim hiram emwaai emimeriyo. ³ Maain hi anen hi awis tiwei keiyak kakikaap mit ne Jerusalem hir nanirtei yi neimin, hi awet mit kerek yi yehimiteni hir nantiwek kaktike pewek mi, hi ariuweti hir neiyim

‡ 15:50 1Ko 6:13 † 15:51 1Te 4:15-17 †† 15:52 Mt 24:31 † 15:53 2Ko 5:4 †† 15:54 Ais 25:8 †† 15:55 Hos 13:14 ††† 15:56 Ro 6:14, 7:13 ††† 15:58 2Kro 15:7; Rev 14:13 ‡ 16:1 Ro 15:25-26; 2Ko 8:1-9; Ga 2:10

enino wit Jerusalem. ⁴ Maain hi anen hi han kitet hiram yaaim te hi ano Jerusalem hir nantikewa haiu emriyan emno.

Pol hanhan kaknen kakir mit miyapir ne wit Korin

⁵ ††Hi ehinin ano provins Masedonia. Hi hen en apei au, te hi pike anen ari yi mit miyapir en. ⁶ †††Hi anen ehu etikewi wi mei yapirwe au en, hi ehu wi ere hawi hitan epei au. Hawi hitan epei au, yi eikepa eiriuweta hi ano wit keiyak hi hanhan anori. ⁷ ††In ek hi hinapen anen ari me wi hi ano wit hak menep entar hi ehu etikewi wi mei kike au emit. Maain mitik Iuwe Kraiss kakwisa hi anen ehu etikewi wi mei yapirwe. ⁸ Te in ek hi ahu in heit wit Efesas ere maain wi haiu mit ne Isrel menewem Pentikos hiram mamnen. ⁹ †††Hi wen ahu in entar Mitik Iuwe hirak kiriak menmen yapirwe yaaim epei man mamwisai haiu mamtip mit him mirak hir nanisesim. Te mit enun han ninapen him me God hir nau in nanraiwaank menmen haiu matip mit miyapir em.

¹⁰ ††Maain Timoti hirak kaknen yi naanemprewewek werek werek, te hirak ap kakneini au. Hirak eku werek etikewi. Hi hetpi him im hentar Timoti ketikewa hawir wiriak menmen me Mitik Iuwe hiram mipiram. ¹¹ †††Yi ap eineinik einan yipir eiwirek yi han kitet hirak mitik weinik au emit! Yi eikepik te hirak pike kaknen eku werek werek ekintar hi etike nau yinan han in haiu mameriyiwewek hirak kaknen. ¹² †††In ek hi etpi me Apolos. Hi epei hetpiwewek him iuwe hirak ektike nau yinan han in hir nanriyan nanino nanri. Te hirak au kinapen. Hirak katip kar ik: “Hi ap te in ek ano au. Maain God kakwisa hi anen, te hi anen ahiri.” Te hi hetpi, maain hirak kaknen.

Him ham pinam hiram mikaru

¹³ †††Yi naanempire hiras te yi eiyises him me God werek werek. Yi eire mit iuwe han tokik (o einakin tokim) eiyu me menmen enum mamnen mamriwaank. ¹⁴ Menmen yapirwe yi yiriakem eiyintar yi hanhan eiriuwe mit miyapir han eikepi eiriuwerem. ¹⁵ †††Nai yinan, yi yertei menmen im. Mitik Stefanas ketike mite nikerek nirak hir nemtau him me God hir ninin nisesim nekre nimin ke yi mit miyapir yapirwe nau neit provins Akaia. Hir epei nises han kir nen nikaap mit miyapir kerek nises him me God. Te hi hitihi him iuwe yi mit miyapir en. ¹⁶ ††Yi eiyimtau him mir metike him me mit hir nekepi niriak menmen iuwe mar em. ¹⁷ Hi han yaaik hentar Stefanas, Fotyunetas, tetike Akaikas epei tan tira. Hirakit tan tekepa teriuwe menmen yi ap yekepa yeriuwerem yentar hi ap hau hetikewi. ¹⁸ ††Hi han kitet hirakit terekki yi han yaaik yar ke hirakit epei terekya hi han yaaik. Yi han ekitet mitikit tar ik hirakit mitikit iuwe. ¹⁹ †††Mit miyapir kerek nises him me God

‡ 16:5 Ap 19:21 ††† 16:6 Ro 15:24; Ta 3:12 ‡ 16:7 Ap 18:21 ††† 16:9 Ap 19:8-10; 2Ko 1:12; Kl 4:3; Rev 3:8 ‡ 16:10 1Ko 4:17 ‡ 16:11 1Ti 4:12 ††† 16:12 1Ko 1:12, 3:6 ††† 16:13 Sam 31:24; Ef 6:10 ††† 16:15 Ro 16:5; 1Ko 1:16 18 16:16 1Te 5:12 19 16:18 Fl 2:29 20 16:19 Ap 18:2, 18, 26; Ro 16:3-5

neit provins Esia hir nesiuwe him netpi, "Yi yaain." Akwila ketike mite pirak Prisila hir netike mit miyapir han kerek nises him me God nererik neit winak kir in, hir yapirwe nesiwi him netpi, "Yi yaain."²⁰ †Naiu yinan yapirwe in hir nesiwi him netpi, "Yi yaain." Wi kerek yi yererik yi eitipan yi eiyewewan eiyir ke mit yaain ne God niriakem.

²¹ ††In ek hi Pol hirekes hewis him mai yinam im mau tiwei men yi mit miyapir hi hetpi, "Yi yaain."²² †Mit

† 16:20 Ro 16:16; 2Ko 13:12 †† 16:21 Kl 4:18; 2Te 3:17 †
16:22 Ga 1:8-9

miyapir han en kerek hir ap hanhan neriuwe Mitik Iuwe Kraiss hir nemipin hir han kitet maain hirak kakiwaanki. Mitik Iuwe kiau Yaaik Kraiss, ti enen.

²³ Hi hanhan Mitik Iuwe Kraiss kakrekyi menmen yaaim. Hi hanhan yi mit miyapir yapirwe en hentar haiu ne Kraiss Jisas.

Mepir keremem

2 KORIN

Menmen me tiwei ik

Pol kitehi God katip hirak yaaik ekentar hirak kekepek

r 1:1-11

r*

Pol kewepyapir menmen mau mekre han kirak ekatip mit ne Korin em

r 1:12-7:16

r*

Him me kolekta mit ne Korin nansiuwerem emamno mit ne Judia

r 8:1-9:15

r*

Pol naanmipre hirekes me hirak keit eniuk iuwe aposel

r 10:1-13:10

r*

Pol katip mit ne Korin him mikaru

r 13:11-14

r*

1 †Hi Pol hi hire mitik aposel ke Krai Jisas hatip mit him mirak. Nipaa God hanhan kewisa hi hire mitik aposel hi hiriak menmen mirak. Hi hetike kaiu yinak Timoti hawir wik wewis tiwei ik wesiuwerek kaknen yi mit miyapir ne weiwik me God yi yau wit Korin ke provins Akaia, yi yetike mit miyapir ne God yerer wit wit yeit provins eik e. ² ††Hi hanhan God Haai kaiu ketike Mitik Iuwe Jisas Krai hirakit tatreyi menmen yaaim yi eiyeu werek werek.

Pol katip God hirak yaaik kentar hirak kekepek

³ †Hau emwenipi niuk me God, hirak Haai ke Mitik Iuwe kaiu Jisas Krai. Hau mertei hirak Haai ke han teweninai, hirak Haai ke kekepai. ⁴ Hirak kakikepai han kaiu me menmen enum mamnen te haiu han etwenin mit miyapir han haiu emkepi me menmen enum mamnen. Haiu emkepi emriuwe menmen God nepei kekepai keriuwerem. ⁵ ††Him im yaaim. Menmen enum yapirwe mamnen mamriwaank mamir ke nipaa menmen mewaank Krai. Mar ke menmen enum meraiwaank, te Krai kakikepai me menmen te haiu han yaaik mamu. ⁶ ††Mit niriak hi hetike Timoti enum nerawirwaank nentar hawir wetpi him yaaim me God, hiram mekepi yi han yaaik eiyeu yi yertei God kakikepi maain kaknen kaktihis. Mit nerekyawir enum, te God kekepawir. Menmen im mamkepi yi han yaaik eiyeu

† 1:1 1Ko 1:1 †† 1:2 1Ko 1:3 † 1:3 Ef 1:3; 1Pi 1:3; Ro 15:5
†† 1:5 Sam 34:19, 94:19 †† 1:6 2Ko 4:15

eiyyintar maain menmen enum mamnen mamriwaank yi yertei God kakikepi kakir ke hirak nepei kekepawir.

⁷ Hawir wertei werek werek me yi mit. Menmen enum mamriwaank mamir ke menmen enum merawirwaank, hawir wertei God kakikepi yi han yaaik eiyeu eiyyir ke God kekepawir han yaaik wepu.

⁸ †††Nawir yinan, hawir hanhan yi yertei werek werek menmen enum nepei man mewepir weit provins Esia. Menmen enum epei man hiram mewewir han kawir te hawir han kitet hawir wawi. ⁹ Hawir han kitet hawir wawi ke mitik kerek mitik masistret hirak nepei katip hawir wawi. Menmen im nepei man mekepawir wertei hawir hirekses ap wawinin menmen im au. Hiram mekepawir te hawir wertei God kerek hirak kikian mit nipaa naa hir pike nekrit, hirak kerekek kakikepawir. ¹⁰ †††Hirak nepei kekepawir me menmen enum te hawir wawi au. Maain hirak pike kakikepawir. Hawir han kitet hirak in ere maain hirak kakikepawir naanmamrawir. ¹¹ Yi mit eikepawir eiriuwe menmen yi eiyyitehi God em kakikepawir. Yi yiriakem te maain mit miyapir yapirwe nanimtau God kemtau him hir nitiwekhi me hawir hirak kakikepawir, hir nanwenipi niuk mirak nantip hirak yaaik.

Pol keweikin han kirak te hirak ap kan wit Korin au

¹² †Hau han yaaik meriuwe menmen im. Han kaiu kitet menmen haiu miriakem haiu mises menmen

††† 1:8 Ap 19:23; 1Ko 15:32 ††† 1:10 2Ti 4:18

yaaim God kewetaiyem haiu ap mari han ke mit miyapir meriuwerem au. Menmen me ti mit nerteiyem ap mekepai haiu miriakem au. God kerekek kekepai haiu miriakem. Haiu mises menmen im mekre nimin ne mit miyapir ne ti, te haiu misesim wisenum mekre nimin ne yi mit miyapir. Te haiu han yaaik meriuwe menmen im. ¹³ †Him hi hewisiyem mau tiwei ik, as o hir hiram ap misawin mire him tok piksa au. Menmen yi yekinaam hiram keremem hi hetpiyem. Hi hanhan yi eiyirtei werek werek menmen in ek yi yerteiyem kike kike me haiu mit. Te maain wi kerek Mitik Iuwe Jisas pike kaknen kaktaihis, haiu han yaaik mamriuw yentar yi yayu yaitike Kraiss, yi han yaaik eiriuwe haiu mit aposel eiyintar haiu metpi him yaaim mekepi meriuwerem. ¹⁵ Hi han kitet yi han kiteta hi hire aposel yaaik te hi hanhan hahinin anen ari, te hi akepi yi han yaaik eiyu mei wik. ¹⁶ ††Hi nipaa han kitet hi ahinin anen ari yi yeit wit Korin me wi hi ano provins hak Masedonia. Au, hi anaiwiri hahit wit ki hi in ek han hau provins Masedonia. Maain hi anaaiwir Masedonia hi pike ano ari yi mit yeit wit Korin, te yi eikepa eiriuweta hi ano provins hak Judia, te hi ari mei wik. ¹⁷ Te yi han kitet wi kerek hi hewis tiwei hatip hi hanhan hahinin anen ari me wi hi ano provins hak Masedonia, hi ap han kitet menmen werek au. Te hi heweikin han kai a? Yi han kitet hi hire mitik enuk ke ti, hi hatip 'O, hi enen,' te hi hepakinem mekre han kai hi au hinapen a? Taauye! ¹⁸ Mar ke him me God hiram yaaim, hi ap hetpi him 'O, hi anen,' te hi hepakinem mekre han kai hi au hinapen. Taauye! ¹⁹ †Nipaa hi, Silvenes, Timoti, haiu mau metikewi haiu metpi him me Nikan ke God Jisas Kraiss. Yi yertei Kraiss hirak ap katip menmen hirak kakisesim te maain kakweikin sip kewet him nipaa hirak ketpim au. Hirak kakisesim keremem. ²⁰ ††Menmen yapirwe God katip hirak kakriakem, Jisas hirak kakisesim kakrekryiyem. Wi haiu mamwenipi niuk me God mentar menmen im yaaim, haiu matip Mitik Kraiss hirak yaaik kakises menmen hirak katip hirak kakisesim. ²¹ ††God Haai kerekek hirak kekepai haiu mit haiu metike Kraiss mau niutip. ²² †††God hirekes kehimitenai haiu nirak, hirak kewis Himin kirak Yaaik kekere han kiau, hirak kire menmen kike keteiknai menmen hirak kakwetai menmen yapirwe.

Pol ap ken kiri waswas au

²³ †††Hi hewisisiyek me menmen im te God kertei han kai kakwepyapirem. Te hi hetpi werek hi ap hewisesik me menmen au. Hi ap hinin han hiri yi mit ne wit Korin me wi hi hen provins Masedonia hentar hi hinapen heni yi mit arekyi yi han enuk. ²⁴ †Haiu ap metpi haiu minin naanmipri me menmen me God yi yisesim au. Haiu mertei yi yises God werek werek haiu miriak menmen metikewi mamkepi yi han yaaik eiyu.

§ 1:12 Hi 13:18; 2Ko 2:17; 1Ko 1:17 † 1:13-14 2Ko 5:12; Fl 2:16 †† 1:16 1Ko 16:5-6 † 1:19 Ap 18:5 †† 1:20 Rev 3:14 †† 1:21 1Jo 2:27 ††† 1:22 Ef 1:13-14; 2Ko 5:5; Ro 8:16-17 ††† 1:23 Ro 1:9; 2Ko 11:31 § 1:24 1Pi 5:3

² †Te hi epei han kai kitet hatip har ik. Hi ap anen ari yi mit etpi menmen me han enuk heriuwerem. ² Hi anen etpi menmen te yi han enuk, te neimin nankepa hi han yaaik ehu a? Taauye! Yi mit kerek hi anipi yi han enuk keriyen. ³ Hi hinapen anen ari yi mit miyapir en yi yenipa hi han enuk au. Hi hanhan yi eikepa hi han yaaik etikewi, te hi hinin hewisi tiwei men yi mit, hi hetpi menmen hi han enuk heriuwerem. Hi hertei wi kerek hi han yaaik heriuwe menmen, te yi yapirwe han yaaik yetikewa me menmen. ⁴ ††Wi hi hewis tiwei ken yi mit miyapir en, hi hewisik hirak au kerekyo han kai au toenuk te hi hikit. Hi hinapen henipi han enuk heriuwe him hi hewisiyem au. Hi epei hanhan yi eiyirtei hi han tewenini wisenum keremem.

Pol katip hir mit ne Korin pike nanithis mitik nipaa kiriak enum

⁵ ††Mitik kerek kiriak menmen enum hirak ap kenipa han enuk au. Hirak kenipi keriyen yi han enuk. Hi hinapen hemipin hatip hirak kenipi yi yapirwe han enuk au. Yi mit han keriyen. ⁶ Menmen yi mit yapirwe yerekyiwekem me menmen enum hirak kiriakem hiram werek. ⁷ Te in ek yi mit miyapir yi ap han ekitet menmen hirak kiriakem, nepei werek emit yi einaipisem. Yi eiyitpiwek him yaaim em eiyim eirekyiwek han yaaik te menmen im ap mamrekryiwek han kirak mamiwaankek. ⁸ Te hi hitihi him iuwe te yi eiteikniwek yi wen han teweninek. ⁹ ††Nipaa hi hewis tiwei ken yi mit te hi hanhan hertei yi yaain yises menmen hi hetpiyem werek werek o au me yi yepir mitik eik kiriak menmen enum kakno. ¹⁰ Yi mit miyapir yi ap han ekitet menmen enum hirak mitik hak kerekryiyem. Yi han tiwaaiyem, te hi han tiwaaiyem emit. Menmen enum hiram mepu, te hi han tiwaaiyem emit, te hi hiriak menmen im atip Kraiss em, te hiram mamkepi yi yertei hi han tiwaaiyem emit. ¹¹ ††Hi hiriak menmen im hentar hi hinapen Seten kakininai kewisisai me mitik kerek haiu nepei menerek mepirek. Haiu nepei mertei menmen enum Seten han kitet kakrekryiyem.

Pol hanhan keriuwe Taitas keit wit Troas

¹² ††Nipaa hi hiniu hen wit Troas hewepyapir him yaaim me Kraiss, Mitik Iuwe God kinin ken kekeyor han te hir hanhan nanimtau him hi hetporem. ¹³ †††Te hi han kai ap kepu werek werek au hentar hi hemerir kiau yinak Taitas te hirak ap kan kira au. Hirak ap kan kira au, te hi hanhanek hi hinaaiwir wit Troas hi hen provins Masedonia hirek hirak ketpo me yi mit en.

God kikaap mit aposel hir ninin Seten

¹⁴ Te in ek hi hitehi God hatip hirak yaaik. Hirak kekepai keriuwe menmen iuwe me Kraiss te haiu minin menmen me ti. God ketaihis kesiuwai haiu men wit heriyai heriyai haiu matip mit him yaaim me Kraiss.

§† 2:1 1Ko 4:21; 2Ko 12:21 ††† 2:4 Ap 20:31 §† 2:5 1Ko 5:1 §†† 2:9 2Ko 7:15; 10:6 §† 2:11 Lu 23:31 §† 2:12 Ap 14:27; 1Ko 16:9 §†† 2:13 Ap 20:1

Him im hiram yaaim mar ke mit hir nemiwo (o nemiwin) tipar mekre heurek, maain hir newepim hiram minin meprer wit wit heriyai heriyai. ¹⁵ † ††Haiu mit aposel haiu mire menmen minin yaaim me Krai hira keweppurem kewet God em. Haiu mire menmen minin yaaim men minin ke mit miyapir kerek God kaktorhis. Me mit miyapir kerek God kaktorhis, menmen haiu misesim hiram mire menmen minin yaaim mamkepi hir nanu werek werek. Me mit kerek God ap kaktorhis nanino si, menmen haiu misesim hiram mire menmen minin enum menipi hir nani. Mit neimin hir nanirtei menmen im werek werek a? Taauye! ¹⁷ *Yi yertei haiu mit ap mirak menmen mar ke mit yapirwe hir niriakem. Hir nepno heriyai heriyai natip mit him me God hanhan nanit pewek mererim keremem. Te hir ap nankaap mit miyapir au. Te haiu mit aposel au. Haiu mit han kau yaaik haiu matip mit him yaaim me Krai mentar God kehimitenai haiu miriakem. Haiu metike Krai mau han kiutip, God kirai haiu matip mit miyapir him mirak.

Haiu miriak menmen matip mit him lo ham yaaim me God

3 ††Menmen hawir wewisiyem menipi yi han kitet hawir wewenipi niuk mawir iuwe te yi yatip hawir yaakit a? O au en, yi han kitet hawir war ke mit han hir neweti tiwei mit han ne wit hak newisiyek netpi hir mit yaain a? O au en, yi han kitet hawir hanhan yi yewisawir tiwei te hawir wauno wit hak wewet mit han ek, te hir nertei hawir mitikit yaakit a? Taauye! Hawir winafen tiwei au! ² ††Yi mit miyapir keriyen yi yire tiwei hawir wetenenik kekere han kawir, yi yewenipi niuk mawir yeriuwe menmen yi yiriakem te mit miyapir han hir nirem nerteiyem. ³ †††Menmen yi yiriakem metekin mit miyapir han yi yire tiwei Krai hira kewisik kesiuwerek me his me haiu mit aposel. Tiwei ik Krai ap kewisik keriuwe si yeunek mau nan mar ke nipaa Moses kewis him me God mau nan au. Hira kewisik keriuwe God Himin Yaik kirak kerek kepu tipmain tipmain enum eik, hira kesiuwerek ken kekere han ki kewis him mirak mekre han ki.

⁴ Hawir watip hawir mitikit yaakit wentar hawir wertei God kehimitenawir wiriak menmen im. Krai kekepawir keriuwe menmen mirak iuwe kerek God Haai kewetiwekem, te hawir wawises menmen hawir wetpiyem. ⁵ †††Hawir ap iuwe te hawir watip hawir wiriak menmen im wises han kawir weinik au. God kerekek kekepawir kewetawir menmen mirak iuwe te hawir wiriakem. ⁶ †††God kerekek kekepawir te hawir watip mit menmen me him ham yaaim mirak. Him ham yaaim me God hiram ap him lo mau tiwei mit enisesim au. Hiram him yaaim matip mit God Himin Yaik kirak kakikepi kaktorhis hir nanu werek. Him lo mau tiwei matip mit ap nanisesim werek werek te hir

nani. Him ham yaaim me God Himin kirak Yaik hiram mamkaap haiu mit te haiu mamu werek werek. ⁷ ††God kewepyaan him lo, hira kewet Moses em mau nan. Me wi hira kiriakem, menmen me God iuwe merhihe mirius ninaan me Moses. Maain hiram pike mamre kike kike ere mamit, te mit miyapir ne Isrel ap nanirek pike te naanmewiriyapi me wi menmen me God merhihe mirius ninaan mirak. Menmen me him lo kerek menip haiu mit haiu mami, hiram man metike menmen iuwe me God merhihe. ⁸ †††Te haiu matip mit miyapir him me God Himin kirak Yaik, menmen im mirak menipai haiu han yaik mepirpir wisenum minin menmen me nipaa me him lo me Moses. ⁹ †††Him lo kerek hiram menip haiu mit mami, hiram man metike menmen iuwe me God merhihe menip mit ninaan nepirpir, te him kerek mekepai te God kaktip haiu mit haiu yaain, hiram minin him me nipaa God kewet Moses em, te haiu han yaik mepirpir iuwe. ¹⁰ †††Menmen me God iuwe merhihe mirius ninaan me Moses mar ke nipaa ein hiram men mire kike kike ere mepeit. Mar im him yaaim nipaa God kewet Moses em hiram epei men kike kike mentar him ham yaaim me Krai me in ek God kewetayem hiram mekrehir miram.

¹¹ Him lo me nipaa ein man metike menmen iuwe me God merhihe, te hiram pike mire kike kike ere meit, hiram in ek nepei au mesi. Te him in ek God kewetayem mamkepai haiu mire yaain te God kaktaihis, hiram minin him me nipaa mentar hiram ap te mamisi au. Hiram mamu mamit tipmain tipmain enum eik.

¹² Haiu mertei him ham yaaim hiram mamu mamit tipmain tipmain enum eik, haiu mamimerir menmen mirak merhihe iuwe mamnen te haiu ap mepakin him mei au. Haiu mewepyapirem te mit miyapir nerteiyem.

¹³ ††Haiu ap miriak menmen Moses hira kirakem. Hira kewis laplap pinam miwapin ninaan mirak te mit miyapir ne Isrel ap te nanir menmen yaaim me God merhihe mirius ninaan mirak men kike kike ere meit.

¹⁴ †††Moses kewis laplap pinam miwapin ninaan mirak keremem au. Mit miyapir ne Isrel han kir ap nertei menmen me God werek werek au, hiram mire laplap pinam miwapin han kir. In ek, mit miyapir ne Isrel hir nererik nekine him me Moses, hir han kir ap nertei menmen me Krai werek werek au. Hiram mar ke laplap pinam wen miwapin han kir. Mit hir nemtau him me Krai hir nisesim, hiram mar ke God keit laplap pinam miwapin han kir, hira kenemtin kewirem men.

¹⁵ Nipaa ere in, mit nekine him me Moses, menmen mire laplap pinam miwapin han kir mentar hir ap nises him me Krai. ¹⁶ †††Me wi kerek mit o miyapir neweikin han kir nises Mitik Iuwe Krai, hiram mar ke God keit laplap pinam miwapin han kir hira kenemtin kewirem men te hir nertei menmen mirak werek werek. Hiram mar ke nipaa Moses ken kekere winak ke God, hira kenemtin laplap pinam keweikin ketike Mitik Iuwe tewepnak. ¹⁷ †††Mitik Iuwe keit him im hira

† 2:15-16 1Ko 1:18 †† 2:15-16 Lu 2:34; 2Ko 3:5-6 ‡ 2:17 2Ko 1:12; 1Pi 4:11 †† 3:1 2Ko 5:12; Ap 18:27; Ro 16:1 †† 3:2 1Ko 9:2 ††† 3:3 Eks 24:12; Jer 31:33; Esi 36:26-27 ††† 3:5 2Ko 2:16 § 3:6 Jer 31:31; 1Ko 11:25; Jo 6:63; Ro 7:6

§† 3:7 Eks 34:30 ††† 3:8 Ga 3:2, 5 §† 3:9 Diu 27:26; Ro 1:17, 3:21 §†† 3:10 Eks 34:29 †† 3:13 Eks 34:33-35 §† 3:14 Ro 11:25 §†† 3:16 Ro 11:23, 26 §†† 3:17 Jo 8:32, 36; Ro 8:2; Ga 5:1

God Himin Yaaik. Hirak kepu kekre han ke mit, hir ap te nanises menmen him me Moses ketpor te hir han kitet God katip hir yaain. Au, hiram ap mamkepai te God kaktip haiu yaain au. ¹⁸†Haiu mit ap menmen miwapihan han kiau au, te menmen yaaim me Mitik Iuwe hiram mau mekre han kiau. God Himin Yaaik kau kekre han kiau keweiknai han kiau haiu pike meweikin mar ke hirak. Mit miyapir nanirtei God keweiknai han kiau, haiu mamir ke hirak te haiu mamwenipi niuk mirak maminterim.

Haiu mit aposel mewepyapir him yaaim hiram mire si

4 ††God kerekek hirak han teweninai kehimitenai haiu miriak menmen mirak matip mit miyapir him mirak, te menmen enum man merekyei han kiau haiu ap minaaian misesim iuwe au. ² †Haiu meweikin sip mewet menmen enum misawin mit nanwepyapirem haiu yink enuk meriuwerem au emit. Haiu ap mewises mit him me God haiu meweikin him mirak matip mit hir enisesim. Au, haiu merp ninaan me God, God hirak kirai haiu metpor him mirak haiu matip him yaaim, te mit kerek nerteyei han kiau, hir nertei him im hiram yaaim. ³ ††Him yaaim haiu matip mit em, mit ap nerteyem werek werek, hir keriyen nanino si hir ap nerteyem. Hir ap nises him yaaim nentar tipir enuk ke ti ik Seten hirak kewenin han kir te hir ap nisesim au. ⁴ ††Hirak kewenin han kir te hir ap nertei werek him yaaim me Krai. Him yaaim im hiram matip me menmen yaaim me Krai kerek keteiknai God kire mekak kar ke hirak kipre God. ⁵ †††Haiu ap metpi him me haiu hiras te yi eitip haiu mit yaain. Au, haiu metpi him im. Jisas Krai hirekes Mitik Iuwe kiau, te haiu mit haiu mar ke wok mit mekepi yi eiyirteiyek werek werek. ⁶ †††Haiu miriak menmen im mentar God kerek nipaa katip kar ik: “Me wit toto lait hiremes mamir,” hirak kerekek kekepai haiu mertei mekre han kiau menmen mirak yaaim merhihe nepei au man mau Krai.

⁷ ††God kewis menmen mirak iuwe hiram man mekre han ke haiu mit ne ti au haiu weinin. Hirak kewisim mekre han kiau kaktekin mit miyapir ne ti menmen yaaim haiu miriakem ap meke han kiau man. Au, hiram meke God man mekre han kiau mekepai.

⁸ ††Merer wit wit menmen enum man mewep te hiram ap meraiwaank au. Haiu ap mertei menmak menmen enum man mewep te haiu ap minaaiwir menmen haiu miriakem. ⁹ Mit enun noyiyai nanrekyei enum, te God ap kinaiwirai au. Mit hir newep haiu menke te haiu ap maa au. ¹⁰ †††Mit hir newep neriuwe nipin menmen ham yapirwe te hekrit hekrit sak mau yink kiau mar ke nipaa mit enun nenep Jisas sak mau yink kirak. Sak mau yink kiau te mit nanirem hir nanirtei Jisas Krai kepu ketikewei kakikepei te mit nanwep haiu mami au, haiu pike mamu werek. ¹¹ †††Me wi haiu mepu ti im, mit hir noyiyai nanrekyei enum, haiu mami mentar haiu

mises him me Jisas haiu matip mit em. Mit hir newep menep haiu mami, te mit nanir yink kiau kerek maain kaki, hir nertei Jisas Krai kepu kekepai haiu mami au, haiu pike mamu werek. ¹² Mit newep menep haiu mami te menmen im haiu miriakem hiram mekepi himin ki te yi yayu werek werek.

¹³ †††Him me God kerek mitik Devit kewisim mau tiwei Sam hiram matip mar im: “Hi hatip mit menmen hentar hi han kitet God naanmamprau kakikepa.” Haiu mit in keriyen haiu han kitet God kakikepai kaktaihis kar ke nipaa hirak kikaap mitik hak Devit. Te in ek haiu matip mit him mirak. ¹⁴ †††Haiu matip mit menmen mentar haiu mertei God kerek nipaa kikiak Mitik Iuwe Jisas, hirak kaktaihis haiu mamtikewi haiu mamirp ninaan mirak. ¹⁵ †††Menmen yapirwe enum man menep haiu mit aposel, mentar haiu metpi him yaaim mekepi meriuwerem. Maain him yaaim me menmen God kerekyaiyem mamno mamrer wit wit, mit nanisesim, hir nantip God hirak yaaik, hir nanwenipi niuk mirak me menmen im yapirwe hirak kiriakem.

Menmen enum im hiram mire menmen weinim mentar haiu mamit menmen yaaim

¹⁶ ††††Haiu ap han enuk minaaiwir menmen im God kehimitenai haiu miriakem mentar haiu mertei God kakikekyei haiu mit, haiu yapirwe mamwenipi niuk mirak. Maain yink kiau hirak kaki, te hekrit hekrit God kikaap himin kiau hirak kau werek werek. ¹⁷ †††Menmen im enum hiram meraiwaank hiram mar ke menmen kike keremem, te hiram mekepai haiu mamit menmen yaaim me God wisenum hiram mamu mamit tipmain tipmain enum eik. ¹⁸ ††††Tis, haiu ap te han ekitet menmen yapirwe haiu miremeriuwe nanamir kiau au. Im em hiram mamu me mi mei kike te maain hiram mamawaank mamit. Haiu han ekitet mamimerir menmen haiu ap miremeriuwe au, te maain God kakwetaiyem. Menmen in ek haiu ap miremeriuwe, hiram mamu mamit tipmain tipmain enum eik.

Menmen mit aposel hir nisesim hiram mikaap han ke mit yapirwe

5 ¹⁸†Haiu mertei maain yink kiau ke ti ik hirak kaki kakisine kakit. Haiu mami hiram mar ke mitik kau weisaak hirak ketpaan ken kewepik hirak kinaiwirek ken wit hak kekin hei weisaak hak. Haiu mami haiu mertei maain God kakrekyei yink hak yaaik kakit wit kirak kaku kakit tipmain tipmain enum eik. Menmen im hiram mar ke winak yaaik God kimaak keit wit kirak haiu mamwim. ² ¹⁹†Him im yaaim. In ek haiu mau yink kiau ke ti ik, haiu han kitet menmen enum mewep te haiu hanhan mamit yink hak yaaik God kakwetaiyem kakit wit kirak. Hirak himin kiau kakirerem te haiu mamu werek werek mamir ke mitik kau kekre winak keit ti ik hirak kekepik kau werek werek. ³ Maain haiu mami haiu mamit yink hak yaaik God kakwetaiyem,

† 3:18 Eks 16:7; 24:17 †† 4:1 2Ko 3:6 † 4:2 2Ko 2:17; 1Te 2:5 †† 4:3 1Ko 1:18 ††† 4:4 Ef 2:2; Kl 1:15; Hi 1:3 ††† 4:5 2Ko 1:24 †††† 4:6 Jen 1:3; Ais 9:2; 2Ko 3:18 † 4:7 2Ko 5:1 †† 4:8 2Ko 1:8; 7:5 ††† 4:10 1Ko 15:31 †† 4:11 Ro 8:36

††† 4:13 Sam 116:10 ††† 4:14 1Ko 6:14 ††† 4:15 2Ko 1:3-6 †††† 4:16 Ef 3:16 †††† 4:17 Ro 8:17-18 ††††† 4:18 Kl 1:16; Hi 11:1-3 18 5:1 2Ko 4:7; 2Pi 1:13-14 19 5:2 Ro 8:23

haiu ap te mamu himin weinik au. ⁴†In ek haiu mau yink kaiu ke ti ik, haiu mepu han kitet menmen yapirwe mewep mewetai han enuk. Haiu ap hanhan mami mamnaaiwir yink kaiu ke ti ik au. Haiu hanhan mamit yink hak yaaik God kakweteiyek, hirak kakikrehir ke yink kaiu ik. Te haiu hanhan yink kaiu ik hirak ap kaki au. Haiu hanhan hirak kakweikin kakre yink hak yaaik kaku kakit kaktike God. ⁵††God hirekes kerekek hirak kenipai han kaiu te haiu mamit menmen yaaim mirak im. Hirak nepei kewetai God Himin Yaaik kau kekre han kaiu keteiknai maain hirak kakwetai menmen yapirwe hirak kerekyeyem.

⁶‡Haiu mertei God kakwetai menmen yapirwe hirak kerekyeyem, te hekrit hekrit haiu han tokik mau meit. Haiu mertei wi kerek haiu mau ti mekre yink kaiu ik, te haiu ap mau metike God meit wit kirak. ⁷‡†Haiu ap mir menmen im God kerekyeyem, te haiu mertei haiu mamtiwem mentar God ap kewisesik au. Hirak katip werek werek kerekek. ⁸‡Hi hatip werek. Haiu ap minaan te haiu mami au. Haiu hanhan mamnaaiwir yink kaiu ke ti te haiu mamu mamtike Mitik Iuwe God mamit wit kirak. Hiram minin yink kaiu kau keit ti ik e. ⁹‡††Haiu mau yink kaiu me ti im e, o haiu mamit yink hak yaaik kakit wit kirak, hiram menmen weinim. Haiu eminin han ekitet emriak menmen God hanhan haiu emisesim emriakem. ¹⁰‡††Hi hetpi menmen im hentar haiu mertei maain haiu yapirwe mamirp ninaan me Kraiss hirak han kakitet menmen enum haiu miriakem mekre yink kaiu ke ti ik ek haiu miriakem. Hirak han kitet o skelim menmen haiu miriakem hirak kakrekyaai menmen yaaim o enum mamrerim.

Mit aposel nikaap mit miyapir netike God nekiyan nau neit

¹¹‡Wi kerek haiu matip mit miyapir him me God haiu miriak menmen mari han kir te hir nanisesim nentar haiu mertei maain Mitik Iuwe Kraiss skelim menmen haiu aposel miriakem. God kertei han kaiu te hi hanhan yi yertei yekre han ki hi hises menmen yaaim hekepi heriuwerem yar ke God kertei. ¹²‡†Haiu ap pike mari han ki te yi yatip him yaaim au. Haiu hanhan metpi him im te yi eiyirtei haiu menmak te haiu yaain. Te maain yi eitip mit han kerek han kitet menmen me niuk iuwe o klos yaaim hiram minin menmen mekre han ke mitik, yi yayitpor menmen im hiram yaaim au, hiram enum. ¹³ Haiu mit haiu han kaiu ken sip mar ke mit netpim, te haiu han ken sip kentar haiu hanhan miriak menmen mamkepi. ¹⁴ Kraiss hirak hanhan haiu mit, te menmen im mari han kaiu haiu miriak menmen mirak mikaap mit miyapir meriuwerem. Haiu miriak menmen im mentar haiu mertei hirak kiutipen kaa kekrehir ke haiu mit yapirwe, te hiram mar ke haiu mit yapirwe maa metikerek. ¹⁵‡††Hirak kaa kekrehir kaiu, te haiu mit keriyen haiu mepu ti ik, haiu ap emis-

† 5:4 1Ko 15:53-54 †† 5:5 Ro 8:16, 23; 2Ko 1:22 ‡ 5:6 Hi 11:13-16 †† 5:7 1Ko 13:12 †† 5:8 Fl 1:23 ††† 5:9 Kl 1:10; 1Te 4:1 ††† 5:10 Ekl 12:14; Ro 2:16, 14:10 § 5:11 2Ko 4:2 † 5:12 2Ko 3:1, 1:14 ††† 5:15 1Ti 2:6; Ro 14:7-8

es han kaiu mamriak menmen au emit. Haiu emises han ke mitik kiutipen ik kerek nipaa kaa, God kikiak pike kekrit kau kekepai haiu mit. ¹⁶‡†Nipaa haiu mit ne ti miriak menmen enum haiu han kitet me Kraiss mar im: Hirak mitik kerekek. Wi kerek mit miyapir nanises him me Kraiss nantikerek nanu niutip, hir neweikin nanir ke mit miyapir yaain. Menmen enum me nipaa hiram epei au mesi meit. Menmen yapirwe yaaim mamikrit mamikrehir ke menmen enum me nipaa ein. Te in ere maain haiu mit ap te han ekitet mit hir yaain o enun nentar hir niuk mir iuwe o hir netenen menmen yapirwe au emit! Menmen im hiram menmen enum me ti. Haiu han ekitet mit hir yaain nentar hir ne Kraiss keriyen.

¹⁸‡††Menmen im me haiu meweikin mire mit miyapir yaain, God kerekek keriakem. Kraiss hirak kaa kentar nu tentarakit. Te God keriuwe menmen im Kraiss kerekyeyem, hirak kekepai haiu mit kerek nipaa haiu enun nepan metike God. In ek haiu metikerek mekiyan mau meit. ¹⁹‡†Menmen haiu metpiyem hiram mar im. God kekepai haiu mit miyapir yapirwe mau ti meriuwe menmen Kraiss hirak keriakem. Te in ek God kehimitenai haiu nirak yaain. Hirak ap han kitet menmen enum haiu miriakem au. Hirak kesakem. In ek hirak kewetai haiu mit aposel him mirak me hirak hanhan haiu mit ne ti haiu mamtikerek mamkiyan mamu mamit. ²⁰ God kehimitenei haiu mekrehir ke Kraiss te menmen haiu metpiyem hiram mar ke God hirekes kau ketikewi ketpi. Haiu mikaap Kraiss haiu metpi him iuwe: "Yi eiwis God hirak kakikepi te yi eitikerek eikiyan eiyu werek werek." ²¹‡†Kraiss kerekek hirak ap menmen enum mamu han kirak au. Te God kekepai haiu mit hirak keit menmen enum yapirwe haiu miriakem kewisim mentar Kraiss hirak kekrehir kaiu kaa. Hirak kekrehir kaiu kaa te haiu mit miyapir kerek haiu mamises him mirak, God kaktip haiu yaain.

Menmen enum mewaank mit aposel kerek natip mit him me God

⁶‡††Hi Pol hetike Timoti hawir wetike God wiriak menmen miutip. Te hawir wetpi him manp, yi nepei yewis menmen yaaim God kerekyiem hiram mekre han ki te yi ap eiwenem ap mamkepi au emit! ²‡††Yi ap eiriak menmen im au emit! Him me God mit newisim mau tiwei matip mar im: "Me wi hi God hanhan ekepi yi yitauhi menmen hi hemtewem hekepi heriuwerem. Me wi hi himat hi atihis yi mit miyapir yau ti, hi hekepi." Yi nikip emnep eiyimtau! In ek God hanhan kakrekyaai yaaim. In ek hirak kakikepi kaktihis.

³ Haiu mit minapen mit han hir han kitet menmen haiu miriakem me God hiram enum, te ap miriak menmen miutip mamri han kir enuk te hir nantip haiu enun au. Haiu mamriak menmen enum hiram mamir

‡ 5:16-17 Ro 8:1, 10; Ga 6:15; Ais 43:18; Rev 21:5 ††† 5:18 Ro 5:10 †† 5:19 Ro 3:24-25; Kl 1:19-20 ‡ 5:21 Jo 8:46; Hi 4:15; Ga 3:13; 1Ko 1:30; Fl 3:9 ‡†† 6:1 2Ko 5:20 ‡†† 6:2 Ais 49:8; Lu 4:19-21

haiu mamwis nan mamwaai yayiwe te mitik kakitet yayiwe kaknen kakrewo nan im kakinkewin. Te haiu au minapen hir han kitet haiu miriak enum au. ⁴†Au, me menmen yapirwe haiu miriakem, haiu meteikin mit haiu mire wok mit ne God. Haiu meteiknor menmen mar im: Haiu han tokik mepu me menmen enum man mewep, me menmen enum merekyei enum metike menmen enum man meraiwaank. ⁵††Mit hir niwaai nipin newep, hir newisei mekre winak enuk ke gavman, mit enun hir nererik neweiknei nenepip nanwep. Haiu miriak menmen iuwe ere haiu meweimei. Wi ham haiu ap miwaai werek werek au, wi ham haiu mit nipi mewe. Menmen im enum yapirwe man haiu mit mentar haiu mewepyapir him mirak. ⁶†Haiu miriak menmen yaaim keremem, haiu mertei menmen yaaim me God. Haiu ap han enuk meriwe menmen waswas au, haiu han yaaik keriyen mikaap mit. Menmen im haiu miriakem meteikin mit haiu wok mit ne God. Menmen iuwe me God Himin Yaaik kau kekere han kiau, haiu han tewenin mit miyapir han. ⁷††Haiu mewepyapir him yaaim, God kekepai haiu miriak menmen mirak. Haiu mises menmen yaaim hiram mekepai menip him enum mit nesweiyem hiram mami mar ke nopen kekepai kisawin yink kiau. Him yaaim me God haiu matip mit em hiram mekepai merekir han ke mit mar ke hine yipo henmik mikaap mit nenep mit enun nepan nir neriuwerem. ⁸†Mit han hir natip haiu mit yaain miriak menmen yaaim. Mit han au hir natip haiu enun hir netpepai nisisai haiu enun. Hir han kitet haiu mit enun memipin te haiu au. Menmen im hiram menmen weinin. Haiu mises menmen haiu miriakem. Haiu matip him yaaim keremem. ⁹†Haiu ap metenen tiwei matip mit me haiu hiras haiu neimin. Te mit yapirwe nerteiyai haiu mit aposel keriyen. Mit han kitet menep haiu mami, te haiu wen au mepu. God kewis mit newep te hirak naanmiprai haiu ap mami au. ¹⁰††Menmen enum mari han kiau mamrekyei han enuk te haiu au hekrit hekrit han yaaik mepu. Haiu mire mit enun ap metenen menmen aurei. Te haiu mikaap mit hir netenen menmen me God yapirwe. Haiu mire mit metenen menmen me ti au, te haiu metenen menmen yaaim ap te mit nanriyaam mamno taau!

¹¹† Yi mit miyapir ne wit Korin. Hawir nepei wetpi wewepiyapir han kawir wepakin menmen au. Hawir han tewenini wisenum. ¹²† Hawir hirekses ap wewenin han kawir au. Hawir han tewenini wisenum. Te yi mit au, yi hiras yewenin han ki ap han teweninawir au. ¹³†††In ek, hi hetpi har ke haai katip nikerek narak, hi hetpi har ik: "Yi han teweninawir yayir ke hawir epei han tewenini yi mit miyapir."

**Haiu mit yaain ne God ap mamtike mit enun mamu ni-
utip**

¹⁴† Yi mit miyapir kerek yises him me God yi yetike mit miyapir han ap nises him me God, yi ap yaikiyan

† 6:4 2Ko 4:2 †† 6:5 2Ko 11:23-27 ‡ 6:6 1Ti 4:12 †† 6:7 1Ko 2:4 †† 6:9 2Ko 4:10; Sam 118:18 ††† 6:10 2Ko 7:4; Fl 2:17; Kl 1:24 ††† 6:13 1Ko 4:14 § 6:14 Ef 5:7, 11

yairiak menmen o eiyisesim au emit! Menmen yaaim, menmen enum ap te mamkiyam mamu werek werek taau. Mamirkeik te witaan wanewik mamkiyan mamu wi miutip a? Taauye! ¹⁵† Yi han kitet Krai ketike Seten tekiyakit a? Taauye! Mamirkeik te mitik kises him me God kaktike mitik ap kises him me God han kitet tipirakit a? Taauye! ¹⁶††Mamirkeik te mit nanwenipi God kaktike teinik mit newis ninaan mewim mekre pak? Taauye! God han enuk kakwep haiu mit! Haiu mit miyapir keriyen haiu mar ke winak ke God kerek kepu kepeit. God hirekes katip kar ik:

"Hi ano mit miyapir ehu ekleri. Hi hire God kir, te hir nanir ke mit miyapir nai." ¹⁷†††Te God katip,

"Yi einaaiwir menmen enum mit miyapir enun nisesim, yi eiweikin sip eiwetiwem. Yi einopin menmen hiram enum ap eisesim au, te hi atihis.

¹⁸†††Yi yisesim te hi hire haai ki, yi eire nikerek hirakit o nikerek hiram (o hiran) nai." God kerek hirak kiriak menmen yapirwe me ti metike nepni, hirak katip kar ik.

7 † Haiu yinan yaain, God nepei ketpai him yaaim im, te haiu emipir emnopin emkeipin menmen yapirwe haiu miriakem menipai han kiau ketike yink kiau enuk. Haiu minapen mamriak menmen mamnip God yink enuk kakriuwai te hirak kehimitenai haiu narak yaain.

Mit ne Korin neweikin han te Pol han yaaik keriuweri

²†††Yi mit miyapir yi han etweninai. Haiu ap miriak menmen enum me mitik kiutip ke yi mit au. Haiu ap mewaank mitik kiutip ke yi mit au. Haiu ap mewisesiyek me menmen mari menmen me mitik kiutip au, mar ke mit han ein netpiyem me haiu mit. ³††Hi ap hetpi him im heni heswi him wisenum hentar yi han kitet hi herekyi enum au. Hi heni kike keremem hentar nipa hi hetpi te hi hetpi heteipim, haiu mit in han tewenini wisenum. Haiu han tewenini wisenum te yi yayi, haiu hanhan mami mamtikewi, o au en, yi yayu, haiu hanhan mamu mamtikewi. Te haiu markeik miriak menmen enum im mit han netpiyem me haiu mit a? Taauye! ⁴† Hi ap hisawin menmen mekre han kai au. Hi hewepiyapirem hetpim. Hi han yaaik wisenum heriwee yi mit miyapir en. Menmen enum man mewep haiu mit, hi wen han kitet menmen yi mit yiriakem te hi han kewe hi han yaaik heriuwi.

⁵††Haiu nepei man provins Masedonia, haiu wen ap mepu werek werek au. Menmen enum nepei man mewep. Haiu metike mit han haiu menehan me menmen, haiu minaan te menmen yapirwe haiu merekyiyem mekre han ki mit han enun nanriwaankem. ⁶†††Te God kerek kerekyaai han ke haiu mit me menmen hiram meraiwaank han kiau, hirak kenipawir han yaaik keriuwe mitik Taitas kerek kan kirawir. ⁷† Hirak keriuwet mitik Taitas kan kirawir kerekyaawir

§† 6:16 1Ko 3:16; Lev 26:12; Esi 37:27 §†† 6:17 Ais 52:11; Esi 20:34; Rev 18:4 §† 6:18 2Sml 7:14; Ais 43:6; Jer 31:9; Rev 1:8 §†† 7:2 Ap 20:33; 2Ko 12:17 §† 7:3 2Ko 6:11-12 §† 7:5 2Ko 2:13 §†† 7:6 2Ko 1:3-4

han yaaik keriuwe menmen im keremem au. Hirak ketpawir hirak nepei ken kiri te yi yerekyiwek han kirak yaaik yeriuwe menmen yaa'im yi yisesim yiriakem. Hirak kan ketpawir yi hanhan yaira, yi yink enuk yeriuwe menmen yi yiriakem yi han tewenina, yi yekrehir kai yatip mit han hir natip hi enuk yi yetpor hi yaaik. Yi yiriak menmen im yenipa hi han yaaik heriuwi.

⁸ †Tiwei kerek nipaa hi hewisiyek hirak kenipi yi yink enuk yeriuwerek, hi ap han enuk heriuwe hirekes me hi hewisiyek au. Hi hinapen hewisi tiwei hentar hi hertei hirak kaknipi yi yink enuk me wi meiyam. ⁹ Te in ek hi han yaaik hi hewisiyek. Hi ap han yaaik yi yink enuk yeriuwe menmen hi hewisiyem au. Hi han yaaik yi yink enuk yi yeweikin han pike yises menmen yaa'im. God keit menmen im hi hewisiyem hirak keiyim keweikni han ki te hawir ap weriwaank au. ¹⁰ ††God keit menmen im menipi yi yink enuk hirak keiyim keweikni han ki te hirak kekepi kaktihis kakiriwerem. Menmen im hiram yaa'im te haiu ap han enuk meriuwerem au. Menmen menip mit miyapir ne ti hir han enuk hiram ap mekepi nanweikin han nanises menmen yaa'im au. Hiram mewetir han enuk neriuwe hiras keriyen. Menmen im ap mamkepi hir nanu werek werek au. Hiram mamnipi maain hir nani. ¹¹ Yi han ekitet menmen im werek werek. God kerekyi menmen yaa'im keriuwe him im hiram menipi yi yink enuk yeriuerem. Hiram mekekyi han ki yi hanhan einaiwirem eiweikin sip eiwet menmen enum hi hewisiyem nipaa ein mau tiwei hak. Hiram mekekyi han yi yene mitik hak kerek kiriak menmen enum. Yi yeperper menmen enum im nepei man, yi hanhan hi anen akepi ariuwerem. Yi hanhan eikaap mitik kerek kiriak menmen enum. Menmen yapirwe yi yisesim yiriakem me him hi hewisiyem, hiram meteikin yi yetike mitik ik enuk yi ap yau han kitip me menmen hirak kiriakem. Au, yi han enuk yeriuwerek yi yepirek ken.

¹² Hi ap han kitet mitik nipaa kiriak menmen enum te hi hewisi tiwei au. Hi ap han kitet mitik nipaa mitik hak kerekyiwek enum te hi hewisi tiwei au. God kertei han kai hi hewisi tiwei ik ek kakikepi kakteikni te yi yertei werek werek yi hiras keriyen hanhanai haiu mit aposel in. ¹³ Menmen yi nepei yiriakem hiram menipai han kewe mau meit keriyen au.

Menmen yi yiriakem hiram mikaap Taitas han kewe kau keit, te haiu metikerek haiu han yaaik wisenuk. ¹⁴ Nipaa hi hewenipi niuk mi hatip Taitas yi yaain, te menmen yi yisesim yiriakem ap menipa hi yink enuk hi hetpiwekem au. Menmen yapirwe hi hetpiwekem me yi mit miyapir en hiram yaa'im, mar ke him nipaa haiu metpiyem hiram yaa'im. ¹⁵ †Taitas hirak ken kiri, yi yinaain yeperper yi naanmiprewek, yi yapirwe yises menmen hirak ketpiyem. Hirak han kitet menmen im te hirak han tewenini wisenum. ¹⁶ In ek hi hertei yi eyises menmen yapirwe hi hetpiyem, te hi han yaaik wisenuk.

Mit miyapir ne weiwik me God hir enkaap nir yinan

8 †Naiu yinan, haiu hanhan metpi him te yi eyirtei werek werek menmen yaa'im God kiriak mit miyapir ne weiwik mirak em neit Masedonia. ² Menmen enum nepei man manip mari han kir. Hir mit enun netenen menmen au, te hir han yaaik wisenuk nentar hir nertei God kesak menmen enum mir. Hir han yaaik te hir newis pewek mir men niutip nanwet mit han em. ³ Hi hertei werek te hi hetpi hir nises han kir kerekek newis pewek im. Hir newis pewek pinam hir netenen pinam, hir hanhan nanwetir meiyam te hir newisim ere mir mesi hir netenen kike. Haiu ap mari han kir hir niriakem au, hir hiras keriyen. ⁴ ††Hir nitaihi him manp te haiu emwisi hir nanwir pewek nantike mit han ne weiwik miutip me God nerer wit wit, hir nansiuwe pewek meiyam im mamno mamkaap mit han ne weiwik me God kerek ap netenen menmen au. ⁵ Hir ninin menmen haiu han kitet hir nanriakem. Hir ninin neweikin han kir ken God. Nepei au, hir nemerir God ketpor menmen hirak hanhan hir nanisesim neriuwe him haiu metporem.

⁶ Haiu han kitet menmen im mit ne Masedonia hir niriakem, haiu matip Taitas him manp te hirak kakno kakikepi yi mit eiriak menmen im me pewek kerek yi eikaap mit eiriuerem. Nipaa Taitas kekekyi han ki te yi eiriakem, te hi hanhan pike eriuwetek hirak kakno yi mit kakikepi yi eiriakem ere werek. ⁷ †††Me menmen yapirwe, yi mit yinin yiriak menmen yaa'im. Yi mit yises God werek werek, te yi yatip mit han him mirak yeriuerem. Yi mit yertei him me God werek werek te yi yikaap mit miyapir yeriuerem. Yi han tewenina wisenum, te haiu hanhan yi eyinin mit miyapir han yi eiwis pewek emno niutip emkaap mit miyapir eiriuerem. ⁸ Hi ap hewisi him lo yi eyisesim au emit! Hi nepei heteikni mit miyapir han hir hanhan nanwir pewek nankaap mit miyapir han nanriuwerem. Hi hekekyi han ki heriuwe him hi hetpiyem me mit miyapir, te hi hertei yi han tewenin mit miyapir han werek werek yi eikepi o au. ⁹ †††Hi hanhan ekekyi han ki hentar yi nepei yertei menmen yaa'im Mitik Iuwe kau Jisas Krai hirak kiriakem. Hirak ketenen menmen yapirwe ketike God te hirak keweikin sip kewet menmen im, hirak keweikin kire mitik enuk weinik. Hirak keweikin kire mitik enuk weinik kenteri yi mit, te hirak kakikepi yi eyit menmen yaa'im em me God yapirwe. Te yi eyises menmen mirak hirak kiriakem yi eikaap mit miyapir han.

¹⁰ Hi hetpi han kai me menmen im. Tito me nipaa ein, yi yinin yari pewek yewisim men miutip. Yi yinin mit han yi hanhan yewisim men niutip waswas. ¹¹ Te in ek yi eiri pewek meiyam eiwisim mamno niutip ere werek. Yi nipaa hanhan yinin yiriak menmen im, te in ek yi yiriakem yeriuwe pewek mei yi yetenenim. ¹² ††Mit hir hanhan nanwet mit miyapir ne God menmen, God han yaaik keriuwe mit nar ik. God han kitet menmen

† 7:8 2Ko 2:4 †† 7:10 Mt 27:3-5; Hi 12:16-17 † 7:15 2Ko 2:9

†† 8:1 Ro 15:26 †† 8:4 2Ko 9:1-2 ††† 8:7 1Ko 1:5, 16:1-2
††† 8:9 Mt 8:20; Fl 2:6-7 † 8:12 Mk 12:43

mit hir netenenim, te hirak han kitet menmen mit niriakem neriwerem. Hirak ap hanhan pewek mit ap netenenim hanhan mit nanwet mit han em au. Hir mir.

¹³ †Hi ap hatip yi eiwet mit han neit Jerusalem pewek mi einemtin, te hir nanu werek, yi au yau weinim pewek auri. Au, hi hanhan yi eiwetir meiyam eiyyantar in ek yi yetenen pewek mei yapirwe, hir au pewek mir kike keremem. Maain, hir nantenen menmen yapirwe, te yi au menmen kike, maain hir naniswi pewek meiyam nankepi nanriwerem. Mar im yi yapirwe eiyu werek werek eiyyiran. ¹⁵ ††Him em God kewet Moses em kewisim mau tiwei matip mar ik: Mit kerek nen neit menmen mana yapirwe, ap mei mau au. Hir naam nenepim. Mit kerek nen neit menmen mana kike, hir ninpi maan au, hir naam ere werek." Te yi eikaap mit han kerek hir pewek auri, te hir nanu werek.

Wok mit hir naninen wit Korin nankepi

¹⁶ Hi hatip God hirak yaaik. Hirak kikiak han ke Taitas hirak hanhan pike kakikaap yi mit kar ke hawir hanhan waukepi. ¹⁷ Hawir witiwekhi hirak kaknen kakri, te hirak kewenhi. Te hawir ap wari han kirak au. Hirekes kises han kirak hirak hanhan kaknen kakri. ¹⁸ Haiu mamriuwet kiau yinak kaknen kaktike Taitas. Mit miyapir ne weiwik me God nerer wit wit menep in, hir newenipi niuk mirak nentar hirak yaaik katip mit him me God. ¹⁹ Hir newenipi niuk mirak kerekek au. Hir nehimitanek hirak kakno kaktikewai mamriyan haiu mamriak menmen im mamit pewek kerek mit miyapir newisim men niutip nanwet mit enun netenen menmen au, nanwetirem. Haiu mamriak menmen im te mit hir nanwenipi niuk me God mamriwerem, hir nanirtei haiu hanhan mamkaap mit nanriakem. ²⁰ Haiu minapen mamkiak han ke mit miyapir, te hir nantip enum nantip haiu ap mamwet mit enun pewek auri pewek im yapirwe kerek mit miyapir newisim men niutip. Te haiu nepei mari kiau yinak ik kaktikewai mamno heriyai heriyai naanmamre menmen haiu miriakem. ²¹ Haiu han kitet emriak menmen yaaim me ninaan me Mitik Iuwe God kerekek au. Haiu hanhan mit miyapir yapirwe hir nanirtei haiu miriak menmen yaaim.

²² Te haiu mamriuwet kiau yinak yaaik ik kaknen kaktike mitikit wik. Haiu nepei han kitet menmen yapirwe hirak kiriakem haiu mertei hirak kiriakem werek werek. In ek, hirak kertei yi yises menmen yaaim me menmen yi yiriakem, te hirak hanhan wisenum kaknen kakriak menmen im. ²³ Mit han nanitih me Taitas hirak keimin, yi eiyyipor hirak wariyakit kai ketikewa hawir wiriak menmen miutip wekepi weriwerem. Me mitikit wik kerek tatkiterek tatnen yi mit, yi eitip mit han hirakit taiu yinakit yaalkit kerek mit miyapir ne weiwik me God (o sios) menep in hir nehimitanewekit tatnen. Mitikit hirakit tiriak menmen me God tikaap mit miyapir teriwerem tatip mit miyapir niuk me Krai teriwe menmen hirakit tiriakem. ²⁴ †Te yi eit-eiknor yi han etweninet yi naanmampriwekit. Yi eiriak

menmen im te mit miyapir ne weiwik miutip me God heriyai heriyai nanirtei yi yaain yar ke nipaa hi hetporem me yi mit miyapir en.

Him me pewek mamno mamkaap mit miyapir neit provins Judia

⁹ †Yi nepei yertei me pewek haiu mamtiwem mamsiwerem mano mamkaap mit miyapir ne weiwik miutip me God neit provins Judia. Te hi ap hewisi tiwei nokik hetpiyem au. Kike kerekek. ² Hi hertei yi hanhan yaikaap mit miyapir ein, te hi hewenipi niuk mi hatip mit miyapir ne God neit provins Masedonia hetpor har ik: "Naiu yinan neit provins Akaia, tito nipaa ein hir nepei nankaap mit miyapir neit Judia." Hir nertei yi nepei yaikaap mit miyapir en, te menmen im yi yiriakem hiram mekekkyr han kir te hir nanriakem. ³ Hi hinapen him yaaim hi nepei hatip mit ne yi mit em hiram mire him weinim au. Te hi heriuwet kiau yinak Taitas ketike mitikit wik it tatinin tatnen yi mit tatkepi yi yaiwis pewek mamno niutip werek werek. ⁴ Haiu han kitet yi eiwis pewek werek werek te hi han kitet maain hi etike mit han ne provins Masedonia haiu mamnen mamri, yi ap yewis pewek werek werek au, yi yink enuk. Hi yink enuk hentar hi hetpor yi nepei yaiwis pewek mamno niutip. Hi yink enuk, te yi yink enuk. ⁵ Hi han kitet menmen im te hi hitehi taiu yinakit it hirakit tatinin tatnen tatkepi yi eiwis pewek mamno niutip werek werek. Maain hi anen etike mit ne provins Masedonia, menmen mamwai werek werek. Mar im hir nanirtei yi nepei yises han ki yewis pewek im, te haiu ap mari han ki meriwerem au.

⁶ †Yi han ekitet menmen im. Yi eiwet mit menmen kike te maain yi eiyyit menmen kike me God. Hiram mar ke mitik kakmir ni. Hirak kakmir ni kike, hirak kakit menmen kike. Hirak kakmir ni iuwe, hirak kakit menmen yapirwe. ⁷ ††Yi mit miyapir niutip niutip yi eiyyinin han ekitet werek werek menmen me pewek yi eiwet mit em, te maain yi yiriakem. Yi ap eiriak menmen me pewek eiwisim eiyyantar mit han nari han ki yi yink enuk au emit! Yi eiriak menmen im te maain yi han tewenin pewek mi epei yewetirem. Menmen im au emit! God hanhan yi eiwis pewek emno niutip eiyyantar yi hanhan eikaap mit eiriwerem. ⁸ God nepei Iuwe te hirak kakweti menmen yaaim heriyai heriyai maminin menmen yi yetiwem. Hekrit hekrit hirak naanmiri menmen te yi yetinen menmen naanempre hiras eiriwerem, meiyam mamu te yi eikaap mit miyapir han eiriwerem. ⁹ †††Him me God mit newisim mekre tiwei Sam hiram matip mar im:

"Mitik kerek kises him me God hirak kikaap mit enun menmen auri.

Menmen yaaim hirak kerekyorem hir han kitetim tipmain enum eik."

¹⁰ †Him im yaaim mentar God kerek kewet mit wit (o rais) yehes hir nanmir te hir nanit menmen meriwerem, hirak kakweti menmen marim, hirak kaknipem

† 8:13-14 2Ko 9:12 †† 8:15 Eks 16:18 † 8:24 2Ko 7:13-14

†† 9:1 2Ko 8:1-7 †† 9:6 Pro 11:24; 22:9 ††† 9:7 Ro 12:8 ††† 9:9 Sam 112:9 § 9:10 Ais 55:10; Hos 10:12

yapirwe te yi eikaap mit miyapir han eiriwerem yapirwe enum yapirwe. ¹¹ †God kakweti menmen yapirwe heriyai heriyai te yi eikaap mit miyapir han ne God eiriwerem yapirwe. Te maain haiu mamnen mamit pewek yi yewisim men niutip, haiu meiyim mamno mamwet mit han em, hir nanwenipi niuk me God me menmen yi yerekyorem. ¹² ††Menmen im yaa'im yi eiriakem hiram mamkaap mit miyapir ne God kerek ap netenen menmen au hiram mamkepi keremem au. Hiram mamnipi hir han yaaik nanwenipi niuk me God nanriuwere. ¹³ Menmen im yaa'im yi yairiak ni yinan em hiram mamteiknor yi yises him me God werek werek yi yewepyapir him me Krai. Hir nanir pewek yi yaitiwem mamtike mit han en, hir nanwenipi niuk me God nanriuwere. ¹⁴ Te maain hir hanhan nanri hir nantike God hirak kakikepi naanmamri kakintar hirak kerekyi han te yi yiriak menmen im yekepi yeriuw-
¹⁵ Haiu emtip God hirak yaaik kentar menmen yaa'im hirak kewetaiyem. Menmen im haiu ap te mamtip hiram yaa'im markeik? Au, hirak yaaik wetpen enuk kepeit kentar presen ik hirak jisas Krai God Nikan kirak kerekek hirak kewetaiyek.

Pol kewenin him enum me mit hir natip aposel hir enun

10 †Hi Pol hirekes hi hanhan hekeyi han ki yi han kitet menmen Krai kiriakem. Hirak kewenin han kirak me menmen, hirak kiriak menmen han yaaik ketike mit. Mit han nekre minin ne yi mit hir natip me hi nar ik. Hir natip, "Wi kerek hirak kau ketikewai, hirak kewenin han kirak katip him yaaik ketikewai, te maain hirak keit wit hak, hirak kewisai tiwei kenai ketpai him manp me menmen." Te in ek hi hitihi him manp. ² ††Maain wi hi anen ari, yi ap yenipa me menmen im te hi ani har ke hi ane mit han en natip haiu mit in mises menmen enum me ti miriak menmen mikaap mit meriuw-
³ Haiu ap mises menmen me ti miriak menmen au. Haiu mau ti miriak menmen te haiu ap miriak menmen me God meriuwe menmen mit ne ti hir nisesim au. ⁴ ††Menmen yapirwe haiu metenenim miriak menmen me God meriuw-
⁵ Haiu ap metenen menmen iuwe me God hiram mekepai haiu maminin menmen enum me Seten mewenin han ke mit ap nises him me God. (Menmen iuwe me God hiram mar ke nopen ketike hine, yipo henmik kerek mit hir netenenim nen newen paaik nen netike mit nenapan.) ⁶ ††Haiu meriuwe me God haiu metenenim hiram minin him enum me ti mit hir nisesim, o menmen hir han kitetim minin mewenin han kir te hir ap nertei God au. Meriuwe menmen iuwe me God haiu metenenim, haiu mari menmen yapirwe mekre han ke mit hiram mamises him me Krai. ⁶ ††Haiu memerir yi mit miyapir en, yi eiweikin han eyises him me God werek werek. Yi eyises God werek werek nepei au, haiu mamriak menmen enum

me mit hir ninapen nanimtau him me God haiu mamrekyor enum emrerim.

⁷ Yi mit han kitet yar ik: "Karkeik te Pol hirak mitik God kehimitanek kewepyapir him mirak hirak ap kertei katip him iuwe?" Mit han nau nekri yi mit en, kerek natip Krai kehimitenor hir natip mit him mirak, hir han ekitet menmen im. Mar ke hir ne Krai, haiu mit in haiu ne Krai. ⁸ ††Mitik Iuwe Krai kewisai haiu mekre-hir kirak, haiu miriak menmen im mamkepi yi eyisesik werek werek, haiu ap te mamriwaank au. Te hi hewenipi niuk me haiu hiras me menmen haiu miriakem, hi ap yink enuk au. Hi han yaaik. ⁹ Hi hinapen yi han kitet hi hanhan hewisi tiwei ik henipi yi yineina weinin au emit! ¹⁰ Hi hinapen yi han kitet menmen marim me hi hentar hi hertei mit han en hir natip me hi nar ik: "Pol kewisai him iuwe mau tiwei hirak kesiuwaiyeki kari han kau keriuwerek, te hirak kerp kekra ketin ke minin, hirak kineinai ketpai him manp au. Him mirak hiram menmen weinin." ¹¹ †Mit han en natip nar ik hir han ekitet him me hi hetpiyem. Menmen haiu mewisiyem mau tiwei ik metpiyem meriuwerek me wi haiu mepu yanimin, hiram him keremem haiu mamnen mamri haiu mamriakem.

¹² ††Haiu minapen han kitet haiu mar ke mit en o haiu mehimitenai haiu mire mit en kerek newenipi niuk mir natip mit han em. Mit narik hir hiras nehimitan menmen hir han kitet hiram yaa'im, hir nir menmen hir hiras niutip niutip niriakem te hir han kitet hir yaain.

Mit nar ik hir enun netaritari. ¹³ ††Te haiu mit ap mamwenipi niuk maiu mar ke hir mit en niriakem au. Haiu mamwenipi niuk maiu me menmen God kehimitenai haiu miriakem. Menmen hirak kehimitenai haiu miriakem, hiram nepei man miuni yi mit. ¹⁴ Haiu ap minin menmen God kehimitenai haiu miriakem au. Haiu minin man metpi him yaa'im me Krai, te in ek haiu mewenipi niuk maiu minin naanmipri.

¹⁵ ††Haiu ap minin menmen God kehimitenai haiu miriakem, te haiu mamwenipi niuk maiu me menmen mit han hir nepei niriakem au. Haiu han kitet menmen mar ik. Haiu han kitet yi yayises him me God wisenum te yi eikepai haiu emriak menmen wisenum kerek God kehimitenai haiu emriakem. ¹⁶ ††Yi yairiak menmen mamir im te haiu mamnaiwiri mamno mamtip mit miyapir him yaa'im me Krai mamit wit ham yanimin mit newi. Te haiu ap mamnaiwir menmen God kehimitenaiyem haiu mamriakem au. Haiu ap mamwepyapir him me God meit wit hak kerek mitik hak kinin kan nepei kiriakem, te haiu mamri menmen mirak haiu mamwenipi niuk maiu mamriuwere au. ¹⁷ ††Him em God Jeremaia kewisim mau tiwei, hiram matip mar im:

"Mit kerek hir hanhan nanwenipi hiras me menmen, hir nanwenipi Mitik Iuwe God kerek ek me menmen im. Hir hiras au emit!" ¹⁸ ††Him im yaa'im, te haiu mertei mit kerek newenipi niuk mir me hiras keriyen, God ap

† 9:11 2Ko 1:11, 4:15 †† 9:12 2Ko 8:14 † 10:1 1Ko 2:3 †† 10:2 1Ko 4:21 †† 10:4 Ef 6:13-17 ††† 10:6 2Ko 2:9

††† 10:8 2Ko 12:6, 13:10 § 10:11 2Ko 13:2, 10 §† 10:12 2Ko 3:1, 5:12 §†† 10:13 Ro 12:3 §† 10:15 Ro 15:20 §†† 10:16 Ap 19:21 §† 10:17 1Ko 1:31 §† 10:18 1Ko 4:4-5

kaktip hir mit iuwe au. Hiram menmen weinim. God hirekes kakwenipi niuk me mit, hir keriyen niuk mir iuwe. Te haiu mit aposel ap te nanwenipi niuk maiu haiu iuwe au.

Pol kewepyapir menmen enum mit enun kerek natip hir hiras aposel hir niriakem

11 Hi hanhan yi eiwisa hi hatip him kemipin kike hewenipi niuk mai. Hi hertei yi yinapen te yi eiwisa. ²†God hirak hanhan kakihimitan mit miyapir hir nirak, te mar im hi Pol hi han kiteti yi mit miyapir en. Hi nepei hehimiteni yi eyit mitik kiutip yi eitikerek eyu niutip, niuk me mitik ik hirak Krai. Hi hanhan ariuweti yi eino Krai eyir ke mite nihan yaaip ap wiwaai wetike mitik wen au. ³††In ek, hi han kitet me manpen nipaa hirak enuk kewisesik kari han ke mite Ip. Hi hinapen him enum me mit natip hir aposel hiram mamri han ki mamriwaank, te yi ap eyises Krai werek werek han ekitetik kerek. ⁴†Hi hinaain hentar menmen im. Mitik hak kaknen kakitpi him ham me Jisas ham em, him im hiram ap him haiu metpiyem me Jisas au. Mar im yi eyit himin hak, ap God Himin Yaaik kerek nipaa yi yetiwek kekre han ki au. Yi yemtau him ham yi yisesim, hiram ap him nipaa yi yemtewem yisesim au. Mitik kar ik hirak kaknen kaku niman ke yi mit, yi han yaaik eiwisik kakriakem keremem.

⁵†Mit in yi han kitet hir aposel yaain kerek netpi me hi ap aposel hir nemitipin. Hir nemitipin nentar hi han kitet hi yaaik hinin mit aposel ni ein kerek netpi hir yaain iuwe. Hir nesuwau him natip yi mit hi mitik enuk weinik. ⁶††Hi ap atip him mei yaaim, te hi hari han ke mit heriuwerem har ke hir mit aposel han en niriakem au. Hir natip werek werek me menmen im, te hi hertei menmen yapirwe me God werek werek. Hir au. Nipaa haiu men haiu meteikni haiu mertei iuwe menmen me God iuwe meriuwe menmen yapirwe haiu miriakem yi yirem.

⁷††Yi han kitet hi herekyi menmen enum a? Yi han kitet hi mitik enuk weinik hentar hi hatip mit miyapir him me God, te hi ap hari pewek mi mererim a? Hi naanmire hirekes. Hi ap hises menmen har ke aposel han niriakem nari pewek mi mererim te yi han kitet hi herekyi enum a? ⁸†††Hi hau hetikewi hiriak menmen, mit miyapir ne weiwik me God nerer wit wit ne provins Masedonia neweto pewek. Mar im hi hari menmen mir weinim. ⁹†Nipaa hi hau hetikewi hiriak menmen, wi kerek menmen mai hiram epei au mes, hi ap hitihi ari han ki me menmen o pewek au. Nai yinan neit provins Masedonia nan neweto menmen yapirwe hi hanhan em. Me menmen yapirwe nipaa ere in hi ap hitihiyem enipi yi han enuk yeriuwerem au. Maain hi ariakem mamir ek. ¹⁰††Him yaaim me Krai mau mekre han kaiu, te hi hetpi werek. Ap mitik kei kiutip hirak kakweikin han kai hi hewenipi niuk me hi hirekes me men-

men me pewek hi hisesim hiriakem heit provins ki Akaia. ¹¹ Hi henmak te hi hatip har ik a? Yi han kitet hi ap hanhan heriuwi a? Taauye! God kertei han kai hi hanhani.

¹² Hi tewen ehises menmen im nipaa hi hiriakem te hi ewepyapir mit aposel enun kerek natip hir niriak menmen yaaim nar ke haiu mit aposel haiu miriakem. Hir newenipi niuk mir hiras nerp ninaan me mit natip hir niriak menmen haiu miriakem te hi hanhan menmen hi hisesim mamwepyapir hir enun newisesik, hir him mir weinim. ¹³†††Hir ap mit aposel au. Hir mit enun newisesik. Hir newisesik me menmen hir niriakem hir nisawin han kir hir nari han ke mit miyapir te hir niri natip, "Hir mit yaain aposel ne Krai." ¹⁴ Yi han kekrit eiriuerem au emit! Hiram menmen weinim. Haiu mertei Seten hirekes kisawin han kirak kari han ke mit hir han kitet hirak ensel yaaik ke God. ¹⁵ Haiu mertei Seten kiriak menmen im te haiu ap han kekrit me mit kerek nises menmen mirak. Hir nises Seten hir nisawin han kir nari han ke mit te hir natip hir mit yaain niriak menmen yaaim. Hiram menmen weinim. Maain God kakreyor enum me menmen enum hir niriakem.

Wi Pol kiriak menmen me God menmen enum yapirwe mewankek

¹⁶††Hi pike hetpi heteipim. Hi hinapen yi han kitet hi mitik enuk hetaritari. Yi han kitet hi mitik enuk hetaritari yi eiwisa hi hewenipi niuk mai kike me menmen. ¹⁷ Hi ap hatip har ke mitik kises Krai ketpim, te hi tewen hetpi him im e. Hi hatip har ke mit aposel in hir nenwenipi niuk mir te hi hatip him manp hewenipi niuk mai. ¹⁸ Mit yapirwe aposel en hir newenipi niuk mir me menmen hir niriakem neit ti ik te hi ehises menmen hir niriakem hi awenipi niuk mai. ¹⁹ Yi mit yi han kitet yi yertei menmen yapirwe te yi han yaaik yemtau him enum mit enun netaritari netpiyem a? ²⁰ Yi yewis mit aposel en nemipin kerek hir nari han ki yi yises him mir yar ke mit nekre winak enuk nises him me gavman. Yi yewisi neit menmen mi yapirwe nepei au mes, nari han ki me him mir hir netpi newisesiyek, hir newenipi niuk mir ninin naanmipri, hir newir his nenep ninaan mi. ²¹ Yi yewisi hir nerekyi menmen enum mar im te hi yink enuk hetpi menmen im. Nipaa haiu man mau metikewi haiu minaan miriak menmen mar hir niriakem me yi mit. Mit hanhan nanwenipi niuk mir me menmen hir niriakem, hi ewenipi niuk mai etikeri. In ek, hi tewen atip har ke mitik enuk ketaritari ap kises God hi hewenipi niuk mai.

²²†††Hir mit aposel nemipin natip hir mit Hibru ne weiwik me Isrel a? Hi mitik Hibru ke weiwik me Isrel har ke hir mit en. Hir natip hir nepenyerer ne maam nipu Ebrahim a? Hi nepenyek ke maam nipu Ebrahim har ke hir mit en. ²³†††Hir natip hir wok mit ne Krai a? In ek hi pike hatip har ke mitik enuk ketaritari ap kises Krai werek werek. Hi hiriak menmen me Krai hi

† 11:2 Ef 5:26-27 †† 11:3 Jen 3:4, 13 † 11:4 Ga 1:8-9 †† 11:5 1Ko 15:10; 2Ko 12:11; Ga 2:6 †† 11:6 1Ko 2:1, 13; Ef 3:4 ††† 11:7 1Ko 9:12, 18 ††† 11:8 Fl 4:15-18 § 11:9 2Ko 12:13 † 11:10 1Ko 9:15

††† 11:13 2Ko 2:17; Fl 3:2 §† 11:16 2Ko 12:6 §†† 11:22 Fl 3:5 † 11:23 Ap 16:23; 1Ko 15:10

hinini heriuwerem. Hi hiriak menmen hi hinini, te menmen im hi are etpiyem mamteikni hi hiriak menmen iuwe me Krai te mit han nerekyo enum. Hi nepei hen hekre winak enuk ke gavman hi hinini hen yapirwe hentar hi hatip mit him yaaim me God. Mit neiyep neriuwe waai yapirwe te hi hinini hentar hi hatip mit him yaaim me God. Menep hi hahi yapirwe te yi han kitet mit aposel en nemipin hir ninina a? ²⁴†Hi wen het-eikni hi hinini. Mit iuwe ne gavman ne Isrel hir netauhis nar hispinak (5) hir niwaai nipin neiyep mar 39 nentar hi hatip mit him me Krai. ²⁵††Mit iuwe ne gavman ne Rom hir netauhis mar wikak hir niwaai nipin neiyep neriuwerek nentar hi hatip mit him me Krai. Wi ham mit netauhis newir nan neiyep menep hi hahi henterim. Nipaa hi hau sip mar wikak, hiram men wan ke nimin mewep haiu menuwe menterer tipar. Nipaa me wi im hi heniuwe henterer wan he hinkewi ere wanewik ere pike hinkewi. ²⁶‡Wi yapirwe hi hitet yayiwe hen ein ein, mani miniu menep hiram mamiyep hi hahi, mit enun nekintip menmen hir nisawin newenanaan naniyep nankintip menmen mai. Mit ne weiwik mai me Isrel hir hanhan naniyep hi hahi, mit han ap ne weiwik me Isrel hir hanhan naniyep. Hi heit wit, mit, hanhan naniyep hi hahi. Hi heit yaank weinik menmen eim sk miyak hiram menep mamiyep. Hi heit wan ke nimin menep wan kisisau yipir hi hahi. Mit han nemipin hir natip hir nai yinan ne Krai menep hir nerewaank menmen hi hiriakem. ²⁷††Hi hiriak menmen iuwe ere his hit nanamir meiyewo. Witaan yapirwe, hi ap hiwaai au, hi hepu hitehi God menmen. Wi ham hi ninpi meiyu hentar hi ap heit menmen mei au, o tipar mei te hi ahim au. Wi yapirwe hi ap heit menmen werek te hi ahim, hi nime meiyap iuwe hi heperper, hi ap hetenen klos te hi hiwapin yink kai heriuwerem werek werek au.

²⁸††Menmen im keremem meteikni hi hiriak menmen iuwe me God hinin mit aposel nemipin au. Hekrit hekrit hi han kitet mit miyapir ne weiwik miutip me God nerer wit wit hir nepu werek werek o au. ²⁹†††Nai yinan ne Krai, hir hiriak menmen enum, te hi herteiyem hi hanhani. Wi ham mitik hak kari han ke mitik hak, te hirak kiriak menmen enum, hi han enuk heriuwe mitik kerek kari han kirak.

³⁰†††Hi ewenipi niuk mai me menmen te hi awenipi niuk mai me menmen mamteikin mit hi ap hepu werek werek au, menmen enum yapirwe merewaank. ³¹§God kerek hirak Haai ke Mitik Iuwe Jisas Krai, hirak niuk mirak iuwe mamu tipmain tipmain enum eik, hirak kertei hi ap hewisesik au. Hi hiriak menmen mirak iuwe. ³²§†Nipaa wi hi hepu wit Damaskas, mitik gavman ke mitik iuwe King Aretas, hirak kinat mit hir nanino naanmamre ya weipir ke niwa meweikin wit kir hir nemeriyau hi anen, te hir nantauhis nanwisa ekre winak enuk. ³³‡Hir nantauhis nanwisa ekre winak enuk,

te nai han yinan ne Krai hir newisa hekre wapnake o basket iuwe, hir nen niwa kewekin wit, hir ninaaiwir waai hi hekiuwe ere hiun ti heik kesikekre enuk te hi hetpaan hinaaiwirek hi hirir hen.

Pol kityak kir menmen God keteikniwewem

12 Hi wen awenipi niuk mai. Hi hertei menmen im ap mekepai God kaktip haiu yaain, te hi wen hetpi menmen hi hityak hirem metike menmen misawin Mitik Iuwe Krai kewepayapirem. ² Nipaa ein 14 titu God ketauhis hi ke Krai, hirak keriya hi hen hetikerek wen wit kirak Heven. Hi hepitari hi yink kai ken o himin kerekek hirak kinaawir yink kai ken. God kerekek hirak kertei. ³ Hi hetpi heteipim. Hi hepitari hi yink kai ken o himin kerekek ken. God kerekek hirak kertei. ⁴ Hi heit wit ke God, hi hemtau menmen hi ap te hetpiyem heriuwe him mai. God ap kewisa hi hewepyapirem hatip mit em. ⁵§††Menmen im hi hirem hiram menmen yaaim te hi awenipi niuk mai menterim. Te hi au hinapen. Hi hanhan awenipi niuk mai me menmen meteikin hi ap hepu werek werek au, menmen enum yapirwe merewaank, te hi mitik enuk weinik, God kerekek hirak Iuwe.

⁶§†Hi hanhan awenipi niuk mai hentar menmen hi hirem hi ap mitik enuk hetaritari au. Hi hirem. Hi ap hewisesik au. Te hi hinapen hewenipi niuk mai te yi mit ap han ekitet hi mitik iuwe henterim. Au, hi hanhan yi han ekitet menmen hi hiriakem, menmen hi hetpiyem, te yi yerteiya hi mitik yaaik o au.

Pol katip me menmen mewaank yink kirak

⁷§††Menmen im yapirwe God keteiknewem meit wit kirak, hiram menmen yaaim iuwe. God hirak kinapen hi ewenipi niuk mai menterim, te hirak kewis Seten hirak kesiuwe menmen man mekre yink kai menipa hi hinap, te hi ap hanhan ewenipi niuk mai. ⁸ Hi hitehi God wikak te hirak kakikepa kaktip menmen enum im mekre yink kai hiram mamnopin. ⁹§†Hi hitiwekhiyem wikak hirak ketpo wikak kar ik: "Au hi ahipirem hiram emnopin au. Hi ahu atikewit te hiram werek. Mit kerek hir ap manpenun neit, menmen mai iuwe mekepi meteikin mit em." Te in ek, hi ap han enuk heriuwerem au. Hi han yaaik hewenipi niuk mai me menmen yapirwe enum merewaank, te menmen iuwe me Krai mamu mamikra. ¹⁰ Hi hertei menmen im hi hiriakem hiram mamwenipi niuk me Krai, te hi ap han enuk hi ap manpenuk, o mit hir nerekyo enum o hir nerewaank, o menmen enum man meiyep te hi hau werek werek au, hiram menmen weinim. Hi ap han enuk hentar hi hertei wi menmen im mamnen mamnipa hi ap manpenuk, Krai kakikepa hi ehit menmen mirak iuwe hi ahu werek werek.

† 11:24 Diu 25:3 †† 11:25 Ap 16:22, 14:19 ‡ 11:26 Ap 9:23, 14:5 †† 11:27 1Ko 4:11; 2Ko 6:5 †† 11:28 Ap 20:18-21, 31 ††† 11:29 1Ko 9:22 ††† 11:30 2Ko 12:5 § 11:31 2Ko 1:23 †† 11:32 Ap 9:23-25

§†† 12:5 2Ko 11:30 §‡ 12:6 2Ko 10:8, 11:16 §†† 12:7 Jop 2:6 †† 12:9 Fl 4:11-13

Pol hanhan kikaap mit ne Korin nanises him me God werek werek

¹¹ †Hi nepei hatip hire mitik enuk ketaritari hi hewenipi niuk mai. Hi hinapen te yi yenipa hi hiriakem hentar yi ap yewenipi niuk mai yatip mit han hi mitik yaaik aposel au. Hi hire mitik weinik te mit aposel han kerek yi yatip hir yaain, hir ap ninina me menmen miutip au. ¹² ††Menmen hiram meteikni hi hire mitik yaaik aposel, hi henip han kai tokik me menmen enum man meiyep, hi hiriakem nimin ke yi mit miyapir en. Menmen hi hiriakem heteikniyem hiram mar im. Hi hiriak menmen heriyai heriyai meteikni menmen God kiriakem te mit hir nirem hir han kekrit kekrit neriuwerem nir menmen iuwe me God. ¹³ †Mit miyapir ne weiwik miutip me God nerer wit wit hir nepei neit menmen mekam hi ap hewetiye a? Menmen im miutip. Hi ap hitihi yi naanemprau me menmen o winak au. Yi han kitet menmen im hiram enum te yi ap han kitet menmen enum im hi nepei herekiyem hentar hi hiriak menmen yapirwe hekepi heriuwerem.

¹⁴ ††In ek hi hanhan anen ari meiyam wikak, te hi ap ari menmen me yi mit eikepa eiriuerem au. Hi hinapen menmen mi au. Hi hanhan yi mit miyapir keriyen eyises Kraiss werek werek kerek. Nikerek hir ap neit menmen naanmire miye haai neriuwerem au. Miye haai hir neit menmen naanmipre nikerek neriuwerem. Hi hire haai ki me menmen me Kraiss, yi yire nikerek nai te hi ap ehit menmen mi au emit! ¹⁵ ††Hi han yaaik wisenuk hi hewir menmen mai yapirwe, hi hiriak menmen iuwe ere hi hahi, te hi akaap yi mit miyapir himin ki. Hi hanhan iuwe akepi, te maain yi hanhana kike emrerim a?

¹⁶ Mit han ne yi mit hir natip nar ik: "O, hiram him yaaim. Hirak ap kari menmen maiu haiu merteiyek au. Te Pol hirak mitik enuk kewisesik kari han kiau kininai keriuwe him mirak kar ke mitik kari han ke miyak keriuwe menmen mau tirpe." ¹⁷ Yi eyitpo hi hiriakem harkeik a? Hi hewisesiyek hari menmen mi heriuwe mitikit hi heriuwetet tan tiri a? Taauye! ¹⁸ †††Hi hitehi Taitas him manp te hirak kaknen kakri. Hi heriuwetek hirak kaknen kaktike kiau yinak hak ik. Taitas hirak kewisesik kari menmen mi o au a? Au. Hirak ketikewa hawir ap wises menmen mipiram au a? Yi han ekitet menmen im werek werek!

¹⁹ Hi han kitet yi yekine tiwei im yi han kitet haiu mewisi tiwei im mamri han ki, te yi han kitet haiu yain a? Auye! Naiu yinan yaain, haiu mit ne Kraiss, God kirai haiu metpi menmen im. Haiu mewisi him mekre tiwei im keremem, hiram mamkepi yi eyises him me God werek werek. ²⁰ †††Haiu mewisi tiwei im mentar menmen im. Hi han kitet yapirwe me menmen im. Hi hinapen maain hi anen ari yi mit ap yises menmen mar ke hi hanhan yi yisesim, te yi einapen menmen maain hi ehisesim akepi ariuerem. Hi han kitet hi anen ari yi

† 12:11 2Ko 11:5 †† 12:12 Ro 15:19 † 12:13 2Ko 11:9 ††
12:14 2Ko 13:1 †† 12:15 Fl 2:17 ††† 12:18 2Ko 8:6, 16-18 †††
12:20 2Ko 2:1-4

yainehan me menmen, yi hemkre menepam me menmen, yi han enuk me menmen, yi yenke yewep pinan nen in nen ein, yi eisiuwe ni yinan him enum, yi eyitpepan yayisesan me menmen, yi paan tokik, yi ap yekiyau yau han kiutip au, yi yises menmen heriyai heriyai. ²¹ †Hi han kitet maain hi anen ari, God hirak kaknipa hi yink enuk ahirp ninaan mi, hi han tewenin mit kerek hi apiri eninopin enkeipin mit miyapir ne weiwik miutip me God en. Hi apiri entar hir niriak menmen enum hir ap neweikin sip newet menmen enum mar im. Hir nises menmen enum, hir netike miyapir hir nariyanhis neweninem, hir han kir kekrit kekrit me menmen enum heriyai heriyai. Te hi hinapen ahir mit miyapir nar ik.

Pol katip mit miyapir ne Korin hir naanempre menmen hir nisesim

13 ††In ek hi anen ari meiyam wikak. Mit han ne yi eyises menmen him me God ketpim me menmen im. Mitikit wik o wikak hirakit tatwenhi me menmen im mit hir nanwepyapirem. ² Hi hanhan hatip yi mit miyapir nipaa yi yiriak menmen enum yetike yi mit han en. Nipaa hi hepu hetikewi meiyam wik, hi hetpi him manp me menmen. In ek hi wen hepu yanimin hi hetpi heteipim. Maain hi pike anen ari, hi ap ewis mitik kei kiutip hirak kau weinim kerek nipaa hirak kiriak menmen enum ap keweikin sip kewetiwem au. Hi arekyi enum entar yi hanhan hi ateikni menmen iuwe me Kraiss mewa. ³ Maain hi anen, yi eyirtei werek werek hi hekrehir ke Kraiss. Hi skelim yi mit me menmen yi yiriakem. Menmen me Kraiss hiram ap menmen kike te yi eyininem. Au, hiram menmen iuwe mamriwaank me menmen enum yi yisesim. ⁴ †††Nipaa Kraiss hirak keweikin kar ke haiu mit, te mit netiwekhis newenkekik kau nu tentarakit hirak kaa. Te in ek God kewetiwek menmen mirak iuwe mikiak hirak pike kekrit kepu. Haiu metike Kraiss haiu mau niutip haiu ap mit iuwe au. Te God kakikepai kakriuwe menmen mirak iuwe, te maain haiu mamnen, haiu mamwepyapir menmen im iuwe nimin ke yi mit en me wi haiu skelim yi mit me menmen.

⁵ †††Yi han ekitet hiras te yi eyirtei werek werek yi yises him yaaim me Kraiss mekre han ki o au. Yi han ekitet hiras. Yi ap yertei Kraiss Jisas hirak au kekre han ki a? Yi yisesik werek werek hirak kau kekre han ki, o au en, taau! ⁶ Hi han kitet yi yertei Kraiss Jisas kau kekre han kiau. Haiu ap mit enun mewisesik au. ⁷ Haiu mitehi God hirak kakikepi yi ap eiriak menmen enum eyisesim au emit! Haiu ap mitiwekhi me menmen im te mit nanir menmen iuwe me God haiu mamrekiyem mamriwaank mamriuerem, te mit nanirtei God ke-himitenei haiu mit aposel. Menmen im au, hir han ekitet haiu mit enun weinin, hiram menmen weinin. Haiu hanhan yi eiriak menmen yaaim eyises kere-mem. ⁸ †††Yi yertei haiu mit ap mamriak menmen

§ 12:21 2Ko 13:2 †† 13:1 2Ko 12:14; Mt 18:16; 1Ti 5:19 †††
13:4 Fl 2:7-8 †† 13:5 1Ko 11:28 ††† 13:8 1Ko 13:6

mamremir him yaaim au. Haiu emriak menmen keremem hiram mamkaap him yaaim. ⁹Yi yises him me Kraiis werek werek, haiu han yaaik ap mamteikin mit menmen maiu iuwe me God mamiwaank menmen enum mit nisesim. Te hir han kitet haiu mit enun weinin, hiram werek. Hekrit hekrit haiu mitehi God kakikepi te yi eiyises him mirak werek werek. ¹⁰†God keweto menmen mirak iuwe hi skelim mit miyapir ne weiwik me God neriuwerem, te hi hinapen hariwaank yi mit miyapir en ariuwerem au emit! Te yi eiyinin eiyises him mai werek werek mau tiwei ik me wi hi wen heit yanimin. Yi eiweikin sip eiwet menmen enum, te maain hi anen ari hi ap ariwaank ariuwe menmen mai iuwe me God au. Hi akepi yi eiyu werek eiriuerem keriyen.

Him ham kike mikaru

¹¹ ††Naiu yinan, in ek haiu meremir him metpi yi yaain. Yi eiweikin sip eiwet menmen enum eiyises

† 13:10 2Ko 2:3, 10:8 †† 13:11 Ro 15:33

menmen yaaim keremem. Yi eiyimtau him hi hetpiyem mau tiwei ik yi eiyisesim. Yi eikepan yi eiyu han kiutip yi eikiyan eiyu eiyit, te God kerek hirak han teweninai kekepai haiu mamu werek werek, hirak kaku kak-tikewi.

¹² ‡Yi mit miyapir ne God en, yi eiketanhis eitike ni yinan eiyitpor hir yaain.

¹³ Mit miyapir ne weiwik miutip me God in hir netpi yi yaain.

¹⁴ Hi hanhan Mitik Iuwe Jisas Kraiis hirak kakrekyi menmen yaaim, God hirak han tewenini, God Himin Yaaik hirak kaktikewi kaku kakikre han ki.

Mepir keremem

‡ 13:12 Ro 16:16

GALASIA

Menmen me tiwei ik

Pol kewepyapir menmen mau mekre han kirak

r 1:1-10

r*

Pol naanmipre hirekes me hirak keit eniuk iuwe aposel

r 1:12-2:21

r*

Him me menmen yaaim God kerekeyiem

r 3:1-4:31

r*

Menmen mit ne weiwik me God hir nanisesim enentar hir epei ninaaiwir menmen enum

r 5:1-6:10

r*

Pol katip mit ne Galesia him mikaru

r 6:11-18

r*

1 [†]Hi aposel Pol. Mit hir netpo neriuweta hi hatip mit him me God au. God ap katip mitik hak hirak kehimitena hi hatip mit him mirak yaaim. Jisas Kraiss kerekek ketike God Haai kerek nipaa hirak kikiak Jisas nipaa kaa ek, hirakit keretet tehimitena hi hire aposel hi hatip mit him yaaim me God. ²Hi Pol hetike mit nai in kerek haiu miriak menmen miutip, haiu matip yi mit ne weiwik me God yerer wit wit yau provins Galesia, yi yaain. Hi Pol hesiuwe tiwei ik ken yi mit en.

³ ^{††}Hi hanhan God Haai kiau ketike Mitik Iuwe kiau Jisas Kraiss hirakit hanhan teriuwi yi eiyu werek werek.

⁴ [‡]Kraiss hirak kises han ke God hirak Haai kiau, hirak kaa kesak menmen enum maiu kekepai keriyei haiu minaaiwir menmen enum mau ti mari han kiau me wi in ek. ⁵Hi hanhan haiu mit emwenipi niuk mirak iuwe tipmain tipmain enum eik.

Him yaaim miutip mepu keremem

⁶Hi han kekrit iuwe hentar yi yinaaiwir God nipaa kari han ki keriuwe menmen yaaim Kraiss kerekeyiem weinim nipaa wi hirak kaa. In ek yi yinaaiwir him mirak yaaim waswas, yi yises him ham yi han kitet hiram yaaim mamkepi yi yises God. ⁷ ^{††}Te him ham yaaim mepu mamkepi mar im au. Him miutip kerek nipaa hi hetpiyem hiram keremem mamkepi yi eiyises God werek werek. Hi atip menmen im hentar mit han enun

† 1:1 Ga 1:11-12 †† 1:3 Ro 1:7; Fl 1:2 ‡ 1:4 Ga 2:20; 1Ti 2:6; Ta 2:14; 1Jo 5:19 †† 1:7 Ap 15:1, 24

nari han ki, hir hanhan nanweikin him yaaim me Kraiss mamno him ham ham enum memipin. ⁸ ^{††}Te haiu hiras o mitik ensel ke wit ke God kaknen, haiu mamitpi him ham me him nipaa haiu metpiyem, neimin nanriak menmen im hi hanhan God kakrekoyor enum kakiwaanki nanikre si. ⁹Haiu epei metpiyem, te in ek haiu pike metpiyem meteipim. Mit kerek epei nan netpi him ham me him nipaa yi yemtewem yisesim, hi hanhan God kakrekoyor enum kakiwaanki nanikre si.

¹⁰ ^{††}Yi han kitet hi hewis menmen im hetpim, te mit hir han yaaik nanriuwa a? Taaye! Hi hirak menmen te God han yaaik kakiriuwa kerekek. Hi hirak menmen im enip mit hir han yaaik nanriuwa, te hi ap hirak menmen me Kraiss au. Hi hirakem me mit keriyen.

Pol keteikin mit God kerekek kehimitanek hirak kire aposel

¹¹ ^{‡‡}Nai yinan, hi hanhan te yi eiyirtei werek werek him yaaim me Kraiss hi nipaa hetpiyem mit ap neket han em netpim au. ¹² [§]Mitik hak ap ketpo him im keteiknewem au. Jisas Kraiss kerekek ketpewem keteiknewem.

¹³ ^{§†}Him im yaaim mentar yi epei yemtau menmen enum hi hirakem nipaa hi hises menmen mit ne Isrel hir nisesim. Hi epei hirak enum iuwe me mit miyapir ne weiwik me God, hi hanhan anip nani. ¹⁴ ^{§††}Hi epei

‡‡ 1:8 1Ko 16:22 ‡‡† 1:10 1Te 2:4 ‡‡‡ 1:11 Mt 16:17 § 1:12 Ga 1:1 §† 1:13 Ap 8:3 §†† 1:14 Ap 22:3

hinin nai ne watiu miutip ne mit niau ne him haiu mit ne Isrel misesim. Hi hinini hentar hi nepei hises menmen wisenum me menmen maamrer niau niriakem han kitet God han yaaik keriuwerem.

¹⁵ †Te nipaau hi hekrek tu ke miye pai, God hirak han kitet hiram yaaum te hirak kehimitena hi kirak. Maain hirak kerek yaaum ketpo menmen te hi hiriak menmen mirak. ¹⁶ ††Hirak ketpo menmen te hi hiriak menmen mirak, hirak keteikno Nikan kirak hirak keimin, te hi hatip mit him yaaum me Kraiss. Him im men mit ap ne weiwik me Isrel au. Me wi God kerek yewem, hi ap atip mit han hitorhi hiram yaaum hi hire aposel o au. ¹⁷ Hi ap hitet yayiwe hiniu hen wit Jerusalem hir mit aposel ein kerek nipaau God kehimitenor ninin hatip mit him mirak, hi hitorhi me menmen au. Wasenum, hi hen wit Arebia kerek wit enuk mit niutip miutip newiyen. Te maain, hi pike han wit Damaskas.

¹⁸ †Maan, tito wikak epei men, hi han hitet yayiwe hiniu hen hiun wit Jerusalem, hi hen hir Pita. Hi etikerek wau en wewepnak me wi hiswiyen hispinak (15) keremem. ¹⁹ ††Hi ap hir mit aposel han au, Jems hirak nikik ke Mitik Iuwe Kraiss, hi hirek kiutipen kerek. ²⁰ Menmen hi hewisiyem hiram him yaaum. God kertei hi emitipin au.

²¹ ††Hi han hiun Jerusalem epei au, hi hen ti ke provins Siria ketike provins Silisia. ²² Te in ek, mit ne weiwik me God neit Judia hir ap nira hir au netari ninaan mai au. Hir nemtau mit han netpor him weinim keremem me hi mar im: ²³ “Mitik kerek hirak kewep haiu mit ne weiwik miutip me God, hirak in ek katip mit him yaaum me Kraiss kerek hirak nipaau hanhan kakiwaaankem.” ²⁴ Hir nemtau him me menmen God kerek yewem, te hir newenipi niuk mirak.

Pol ketike mit han aposel niriak menmen miutip

2 ††Maain, tito hiswiyen tekyaaait (14) nepei man men, hi Pol hetike mitik Banabas hawir pike witet yayiwe winiu wen wit Jerusalem. Hi heithis mitik Taitas hirak kan ketikewawir. ² Hi hen ein hentar God keteikno hirak hanhan hi ano. Hi hen hatip mit ein him yaaum hi hatip mit em herer wit wit hatip mit ap ne weiwik me Isrel em, te hi ap atip mit yapirwe rem au. Hi atip mit iuwe ne weiwik miutip me God ein keriyen. Hi hanhan hir enwenhi him yaaum hi hatip mit em. Hi hinaain te menmen nipaau hi hiriakem, o in ek hi hiriakem hiram mire menmen weinim hentar hir ap newenauhi him hi hetpim. ³ ††Taitas wariyakit kai, hirak ke Grik, hirak ap ke Isrel au, te hir mit iuwe ein ap natip hir enrekir yink kirak te hirak kakre mit ne Isrel hir nantikerek nanu niutip au. ⁴ †Haiu mit matip me menmen im mentar mit han hir nemipin nare hir niau yinan, te hir ap nises him me Kraiss werek au. Hir hanhan nerekir Taitas yink kirak. Mit in hir epei nan nau nimin ke haiu mit haiu mepitari menmen hir nisesim. Hir nire mit enun newenainaan me menmen yaaum

† 1:15 Ais 49:1; Jer 1:5; Ro 1:1 †† 1:16 Ap 9:3-6; Ga 2:7 † 1:18 Ap 9:26 †† 1:19 Mt 13:55 †† 1:21 Ap 9:30 ††† 2:1 Ap 15:2 ††† 2:3 Ap 16:3 § 2:4 Ap 15:1, 24; Ga 1:7, 5:1, 13

haiu misesim. Haiu minaiwir him lo me Moses me nipaau ein mit ne Isrel nisesim mentar haiu metike Kraiss Jisas mau niutip. Te mit han in hanhan neriyei haiu emises him lo me Moses me nipaau ein, te haiu pike mamu enum mamises him me nipaau ein mamre mit nau nekre winak enuk ke gavman. ⁵ Haiu ap mises han kir mei kike au, te haiu naanempri him yaaum me Kraiss werek werek, te yi ap eiyises him ham enum mei mir mamtikerem au.

⁶ ††Mit ein hir mit niuk mir iuwe ninin mit han. (Hi han kitet hir iuwe hiram menmen weinim hentar God hirak han kitet haiu mit yapirwe haiu mipiran.) Hir mit niuk mir iuwe en, hir ap netpo him meiyam hir mit enisesim me him hi hatip mit em au. ⁷ †††Hir nertei God keweto him yaaum kehimitena keriuweta hi hatip mit ap ne Isrel him mirak, har ke God kehimitan Pita hirak katip mit ne Isrel him yaaum me Kraiss. ⁸ Nipaau God kikaap Pita hirak kewepyapir him yaaum mirak men mit ne Isrel. Mar im, hir nertei God kekepa kehimitena hi hatip mit ap ne Isrel him mirak yaaum. ⁹ Hir epei nertei menmen yaaum God kerek yewem kehimitena hi hatip mit him mirak yaaum, mit iuwe ne weiwik miutip me God neit wit Jerusalem, Jems, Sifas, tetike Jon hirakit teketawirhis teteiknawir hiram yaaum te hawir wen wit kerek mit ap ne Isrel newiyen, hawir wetpor him me God, hir nanino wit kerek mit ne Isrel newiyen hir netpor him me God. ¹⁰ †††Hir netpawir him miutip im keremem. Hir hanhan haiu mit mamit pewek mamsiuwerem mamno mit enun netenen menmen au hir nau neit Judia. Menmen im hi hanhanem, te hi hiriakem.

Pol kene Pita kentar menmen hirak kiriakem

¹¹ Hi hetike Pita hawir watip mit him me God miutip keremem, te maain wi Pita kan wit Antiok kir mit en, hi henerek herp ninaan mirak hentar hirak kiriak menmen miutip enum. ¹² †††Hi henerek hentar menmen miutip im. Nipaau mitik Jems keriuwet mit han nen wit Antiok. Pita kipaam menmen ere in ketike mit ap ne weiwik me Isrel. Maain mit kerek Jems keriuweti nan nipiun Antiok, Pita kinaaiwir mit ap ne Isrel ap kaam menmen ketikeri kentar hirak kinaain mit in ne Jerusalem. Hir wen nises him me Moses kerek nipaau matip mit kerek nises him me God hir enrekir yink kir, te Pita han kitet hir naninerek nanintar hirak ap kises him me Moses au. ¹³ Mit han ne weiwik me Isrel nepu in, hir nipaam menmen ere in netike mit ap ne Isrel, hir niriak enum ninaaiwir mit en netike Pita. Banabas hirak kirek, te hirak kises enum, hirak ap kaam menmen ketikeri au. Hirak kinaiwiri. ¹⁴ Hi hertei hir ap nises him yaaum me God werek werek au, te hi hatip Sifas me ninaan me mit miyapir yapirwe, hi hetpiwek har ik: “Ti mitik ke weiwik me Isrel, te ti ap hises menmen mit ne Isrel au. Ti hises menmen har ke mit ap ne Isrel hir nisesim. Ti henmak te in ek heriuwe menmen ti hisesim hinaaiwir mit ap ne Isrel, ti hari han kir te hir enises menmen mit ne Isrel niriakem a? Nipaau ein ti hirekes

§† 2:6 Ap 10:34 §†† 2:7 Ap 22:21 §† 2:10 Ap 11:29-30 §†† 2:12 Ap 11:3

ap hisesim au. Ti hinaain mit ne Jems epei nan keriyen."

Neimin nises him me Jisas kerekek God kaktip hir yaain kaktorhis

¹⁵ Haiu mit kerek miyerer ninai, haiu mit ne Isrel. Haiu ap mar ke mit nerer wit wit ap ne weiwik me Isrel kerek haiu matip hir ap nises him me Moses. ¹⁶ †Haiu mertei God katip mit han hir yaain kaktorhis nentar hir nises him lo me Moses au. Hirak kaktip hir yaain kaktorhis kakintar hir nises Jisas Krai. Haiu mit mises Jisas Krai kerekek, te God han kitet haiu yaain kaktaihis. Haiu mises menmen him lo me Moses metpaiyem, te haiu mire yaain taau. God ap katip mitik kiutip yaaik kaktiwekhis kakintar hirak kiriak menmen him lo me Moses metpim auye! ¹⁷ Haiu hanhan God kaktip haiu yaain kaktaihis kakintar haiu mises Krai kerekek. Te God au katip haiu emises him me Moses te hirak kaktaihis, haiu miriak menmen enum. Haiu emweikin sip emwet him me Moses, te haiu mamises him me Krai, te menmen im meteikin Krai hirak kenipai haiu mirak enum. Him im hiram yaaim a? Taauye! Krai ap kenipai haiu miriak enum au. Hirak kerekek kekepai haiu mises him me God werewek hirak kaktaihis. ¹⁸ ††Hi nipaa eweikin sip ewet him lo Moses nipaa kewisim, te in ek hi pike ehisesim, hi heteikin mit him me Moses hiram wen mamkepa God kaktaihis, te hi hirak enum. ¹⁹ †Nipaa hi hises him me God nipaa Moses kewet haiu mit em, hi hertei hi enuk God kakrewaank te hi hahi. Te Krai hirak kekrehir kai, God kewaank hirak kaa kentar nu tentarakit. Hiram mar ke hi haa hetikerek, te him lo me Moses ap naanmiprau au. Te in ek hi hises han kai, te hi hises God. ²⁰ ††Te in ek hiram mar ke hi ap hepu au, hi haa. Te Krai hirak kekrehir kai kekepa hi hepu. In ek hi hepu, te menmen hi hirakem hi han kitet God Nikan kirak Jisas kerek nipaa han tewenina kaa, hirak kakikepa hi etike God hawir waukiyakit wawu han kiutip. ²¹ Hi ap heweikin sip ewet him yaaim me Krai henip menmen yaaim God kerekyaayem hiram weinim au. God kaktip mit hir yaain nentar hir nises him mirak nipaa Moses kewet haiu mit em, te nipaa Krai ap kan au. Him me Moses mekepai te God kaktip haiu yaain taau. Krai kaa weinim au. Hirak kerekek kiriak God katip haiu mit haiu yaain. Him nipaa kerek Moses kewisim hiram taauye!

Mekam mekepi yi yau werewek- Him me Moses o Him me Krai

3 Yi yetaritari mit ne Galesia! Yi yenmak te yi yewis mit han nari han ki te yi ap yises him yaaim me Krai a? Haiu epei metpiyem werewek hiram mar ke yi epei yirek hirak kaa kentar nu tentarakit. ² Hi hare ehithi menmen ham miutip. Yi epei yeit God Himin Yaaik kan kekrehir han ki yentar yi yises him nipaa Moses

† 2:16 Ap 15:10-11; Ro 2:20-28, 4:5; 11:6; Ga 3:11 †† 2:18 Ro 4:14, 11:6 † 2:19 Ro 7:6 †† 2:20 Jo 13:1; Ga 1:4

kewet mit em o yentar yi yemtau him yaaim me Krai nipaa yi yisesim a? Him yaaim me Krai keremem! ³ Yarkeik te yi yetaritari! God Himin Yaaik kekepi kari han ki te yi yinin yises him yaaim me Krai, te in ek yi han kitet yi wen eiyises menmen mirak werewek werewek eiriuwe menmen mi manpenuk enuk a? Taauye! ⁴ Menmen yaaim iuwe God kerekyaayem kekrehir han ki hiram weinim a? Au, hiram menmen iuwe. ⁵ Kenmak te hirak God kerek keweti Himin Yaaik kirak, hirak kiriak menmen yaaim mirak mirakel me his me yi mit? Hirak kiriakem kentar yi yises him nipaa Moses kewet mit em o yi yises him yaaim me Krai nipaa yi yemteuem a? Me Krai keremem!

⁶ ††Haiu mertei menmen im mentar him me God nipaa mit profet newisim hiram matip Ebrahim kemtau him me God ketpiwekem hirak katip, "Him me God hiram yaaim. Maain hirak kakriakem." Ebrahim han kitet kar ik te God katip hirak yaaik. ⁷ Yi eiyirteim e. Mit kerek hir han kitet God kakisemes menmen hirak ketpim, hir keriyen hir hiras nepenyerer ne Ebrahim nentar hir han kitet God nar ke nipaa Ebrahim han kitetik. ⁸ ††God nipaa enum eik kertei hirak han kitet mit ap ne Isrel hir yaain nanintar maain hir han kakitet hirak kakisemes him mirak. Te hirak kinin katip Ebrahim him yaaim mirak maain mamnen hirak ketpiwekem him mar im: "Maain hi ariak yaaim me mit niutip niutip nerer wit wit henterit." Ebrahim han kitet menmen im God ketpiwekem, hirak kakrekoyem, te God katip hirak yaaik. ⁹ ††Te neimin han kitet God kakriak menmen hirak ketpim, te hirak kaktip hir yaain nanir ke nipaa hirak katip Ebrahim hirak yaaik.

¹⁰ †Te mit kerek wen nises him nipaa Moses kewet mit em, God han enuk keriuweri kakiwaanki kakintar him yaaim mirak mau tiwei matip mar im: "Mit kerek nises him me God nipaa Moses kewisim mau tiwei, hir enises him mirak enepim, o au en, God kakiwaanki."

¹¹ ††Him me God mau tiwei matip: "Mit kerek hir han kitet God kakriak menmen hirak ketpim, hirak kaktip hir yaain, hir nantike God nanu werewek werewek." In ek, haiu mertei God ap katip mitik hak kiutip hirak yaaik kentar hirak kises him nipaa hirak kewet Moses em au.

¹² ††Menmen me mit nises him me Moses, hiram ap mar ke mit han kitet God kakriak menmen hirak nepei ketpim. Au, him me God mau tiwei matip mar im: "Mit kerek nises him me God Moses kewet mit em, hir enisesim enepim te hir nanu werewek naninterim."

¹³ ††Krai hirak kekrehir kai, mit newaank hirak kaa te hirak kekepai haiu minaiwir menmen enum him me Moses matip mamwep. Him me God mau tiwei matip, "Mitik kerek mit natip hirak kaki hir nanwenkekik kaku nu, menmen im meteiknai haiu mit God kehimitanek hirak kakiwaank kakit." ¹⁴ Te God kenip mit hir newaank Krai te menmen yaaim God nipaa katip Ebrahim em Jisas Krai kekepim hiram mamnen mit ap ne weiwik me Isrel. Hirak Krai

†† 3:6 Jen 15:6; Ro 4:3 ††† 3:8 Jen 12:3; Ap 3:25 ††† 3:9 Ro 4:16 § 3:10 Diu 27:26 †† 3:11 Ro 1:17; Ga 2:16 ††† 3:12 Ro 10:5 †† 3:13 Ro 8:3; 2Ko 5:21; Ga 4:5; Diu 21:23

kiriakem mar em, te haiu mit haiu mamit Himin Yaaik kirak nipaa hirak katip kaksuwerek kaknen, mentar haiu han kitet God kakriak menmen hirak nipaa katip hirak kakisesim.

Him Moses kewetaiyem ap mekrehir him nipaa God kewet Ebrahim em au

¹⁵ Nai yinan, hi eteikni menmen im hi hetpiyem meri-
uwe menmen mit niriakem. Mitikit wik tatipakit men-
men hirakit tatisesim, hirakit tatwisim mamu tiwei me
gavman. Ap te mitik keiyak kaknen kakwis him ham ke
him im kaktip enum hirakit tewisim mau tiwei au.
Hiram mamu mamit mamir ke nipaa hirakit tewisim.
¹⁶ †Mar im God katip him yaaim men Ebrahim ketike
nepenyek kirak. Him me God mau tiwei ap matip
“nepenyerer nirak yapirwe” au. Hiram matip
“nepenyek kerekek,” te hirak nepenyek kirak kiutip
kerekek hirak Krai. ¹⁷ ††Menmen hi hetpi, han kai kar
ik. Nipaa God katip Ebrahim him yaaim, God hirekes
kakisesim. Hir mit newen tito tito neneiwewim ere God
kewet Moses him ham hiram mikaru man mar ke 430
tito. Him im ap mekrehir minin him nipaa God katip
Ebrahim em, te hiram weinim au. Hiram wen mepu.
¹⁸ Haiu mamit menmen yaaim em God nipaa katip kak-
wet Ebrahim em mamintar haiu mises him me God
hirak nipaa katip Moses em, te him yaaim God katip
Ebrahim em hiram enum memipin weinim. Au, hiram
mamkepai haiu mamit menmen au. Haiu mamit men-
men yaaim mamintar him God katip Ebrahim em. Me
Moses taau!

¹⁹ †Him im yaaim kenmak te God katip Moses him a?
God katip haiu mit him im, te hiram meteiknai men-
men haiu miriakem hiram enum. Him me Moses mau
tiwei naanmipre haiu mit ere nepenyek ke Ebrahim
kaknen kerek nipaa God katip him yaaim me hirak. Mit
ensel God kewetir him, hir natip Moses em. Moses
hirak kerp nimin ke mit netike God katip mit him mirak
hir newenhi nanisesim. ²⁰ Te God hirekes katip Ebra-
ham him yaaim. Mitik hak ap kerp nimin ketpiwek him
au. Te God hirekes katip Ebrahim menmen hirak
kakrektywewem. Mitik ap kerp nimin kenip Ebrahim
kewenhi kakises menmen au. God katip hirak
kakrektywewem weinim. Him im God katip Ebrahim
em hiram minin him God katip Moses em mentar
menmen im. (Mit ne Isrel ap nanises him nipaa hir
newenhi nanisesim, God ap te kakwetir menmen. Te
hirak kakwet Ebrahim menmen mirak weinim.)

Him me Moses naanmiprai metaihis haiu mamno mamises Jisas

²¹ ††Mekam? Him Moses kewet mit em hiram
meremir him yaaim God kewet Ebrahim em? Taau!
Him lo ham nipaa mepu hiram werek te mamkaap mit
hir nantike God nankiyan nanu han kiutip, te God kak-
tip hir yaain nentar hir nises him im em. Te hiram

† 3:16 Jen 12:7; Ap 7:5 †† 3:17 Eks 12:40 ‡ 3:19 Ro 5:20; Ap
7:38 †† 3:21 Ro 8:2-4

mepu au. ²² ††Him me God mau tiwei matip, “Mit yapir-
we kerek hir niriak enum hir naniwaank nanit.” Hiram
mamtip mar im te mit kerek hir nanises Jisas Krai,
God kaktip hir yaain nanintar hir han kitet hirak
kakises him nipaa hirak ketpim.

²³ ††Nipaa him me Krai man wen au, him me Moses
kewet mit em naanmiprai haiu emisesim ere God kak-
wepyapir menmen yaaim me Krai haiu emisesim.
²⁴ ††Te him Moses kewet mit em hiram meteiknai haiu
enun, hiram menipai haiu hanhan mirir mamno haiu
mamisesik, te God kaktip haiu yaain ap mamraiwaank
mamintar haiu han kitet hirak kakises menmen nipaa
hirak katip hirak kakisesim. ²⁵ In ek, him yaaim me
Krais epei man, te him me Moses kerek nipaa mepu
mekepai, in ek hiram nepei au meit.

Him hiram menipai mire nikerek ne God

²⁶ †Yi yapirwe yi nikerek ne God yentar yi han kitet
hirak kakises menmen nipaa hirak katip hirak kakises-
im. Yi yetike Krai yi yau han kiutip yi nikerek ne God
yentar nipaa yi mit miyapir ²⁷ ††kerek mit han nikri neri-
uwe tipar hir nekine niuk me Krai, yi yaain yire Krai.
Te God han kiteti yar ke hirak han kitet Krai. ²⁸ ††Haiu
mepu mar ik, te in ek mit hir ap nenke hasini pinan ne
weiwik me Isrel o mit ap ne Isrel, o mit hir niriak wok
ne mit hir naanmipri, o mit hir niriak wok nanit pewek
mererim. Au, God han kitet menmen im hiram weinim.
Haiu mit yapirwe haiu mipiran mentar haiu ne Krai
Jisas. ²⁹ ††Yi ne Krai, te yi nepenyerer ne Ebrahim. Te
maain yi eyit menmen yaaim nipaa God katip kakwet
Ebrahim em.

Krais kekepai haiu wok mit haiu mamre nikerek ne God

4 Him mai hiram im. Nikan ke mitik hak hirak kakit
menmen me haai irak naanmamprewem, te hirak
wen kike, hirak kaktiwem au. Hirak kire mitik kiriak
menmen me mitik iuwe naanmirewek o haai kirak
weinim. ² Hirak wen kike hirak ekises him me mit hir
naanmiprewek ketike menmen mirak ere wi haai ki-
mat hirak kaktiwem. ³ ††Nipaa haiu mire nikerek ein e.
Haiu mises him me God nipaa ensel newet haiu mit
em, hir ninin naanmiprai nar ke mit naanmire mit
nekre winak enuk. ⁴ †Te maain wi epei man nipaa God
kehimitanem, te hirak keruwet nikan kirak kan ti
keweikin kire mitik. Mite hap hire winaak hirak kire
nikan kiutip ke Isrel, te hirak ekises him nipaa Moses
katip mit ne Isrel em. ⁵ ††Hirak kiriak menmen im te
hirak kakikepai kaktaihis haiu mit kerek mises him me
Moses, te haiu mamnaaiwir him im naanmiprai haiu
mamre nikerek iuwe ne God, haiu mamit menmen
hirak nipaa ketpai kakwetiyem.

⁶ ††Yi nikerek nirak iuwe, te God keruwet God Himin
Yaaik kerek kau kekere han ke nikan kirak Jisas, hirak

‡‡ 3:22 Ro 3:9-19, 11:32 ††† 3:23 Ga 4:3 ††† 3:24 Ro 10:4
§ 3:26 Jo 1:12 †† 3:27 Ro 6:3, 13:14 ††† 3:28 Ro 10:12; 1Ko
12:13 †† 3:29 Ro 4:13 ††† 4:3 Ga 3:23; Kl 2:20 †† 4:4 Ef 1:10;
Jo 1:14; Ro 1:3 †† 4:5 Ga 3:13 ††† 4:6 Ro 8:15-16

kan kekre han ki. God Himin Yaaik kenipai haiu han yaaik matip God him iuwe mar ik: "Ti Haai kiau! Ti Haai kiau!" ⁷ †Tis, in ek yi ap yire mit enun nepu nekre winak enuk au. Yi nikerek iuwe ne God keriyen. Yi yises Krai, te yi nikerek iuwe ne God, te yi eiyit menmen yapirwe God kehimitenaiyem haiu nikerek narak.

Pol han kitet mit ne provins Galesia

⁸ †Nipaa yi ap yertei God, yi mit ap ne weiwik me Isrel. Yi yises him me tipir o menmen hiram ap te mamweikin mamre God taau. ⁹ Te in ek yi yertei God. Yi hiras yerteiyek au. Hirak kehimiteni yi narak. Te yi yenmak yi hanhan pike eiyises him weinim hiram mar ke menmen weinim me tipir nipaa yi yisesim a? ¹⁰ †Yi yises menmen im, yi han kitet God katip yi yaain yayintar menmen yi yiriakem hiram mises menmen me wi o wenke o tito nipaa Moses katip yi mit yi eiyisesim einapen menmen me wi im. ¹¹ Hi han kitet yi mit, hi hinaain menmen hi herekiyem hiram mamre weinim mentar in ek him im yi yisesim, hiram him weinim mar ke him weinim nipaa yi yisesim.

¹² Nai yinan, hi hetpi him manp. Hi hanhan yi eiweikin sip eiwet him me Moses eiyir ke hi. Hi epei heweikin sip hewetiwe, te hi har ke yi mit kerek nipaa him me Moses ap minin naanmipri au. Nipaa yi ap yerekyo enum au, te in ek hi hertei yi ap eirekyo enum. ¹³ †Yi yertei nipaa hi hinin han hiri hentar hi hinap, te hi heweikin han kai ap hen wit hak au. Hi han hetpi him yaaim me Krai. ¹⁴ Menmen enum meiyep hi hinap hiram enum me han ki, te yi ap yineina yeweikin sip yeweto au. Yi yetauhis yi yatip yar ik: "Ti yaaik har ke mitik ensel ke God." Yi yetauhis yar ke Krai Jisas kaknen yi eitiwekhis. ¹⁵ Nipaa yi han yaaik hi han hiri hekepi. In ek yi han kiteta mekam a? Hi etpi menmen im me yi mit. Nipaa hi hepu hetikewi yi hanhan yeriuwa iuwe, te yi han kitet yar ik: "Haiu emketet nanamir kiau emwet Pol em emkepik kir ein ein werek werek, te haiu emketim." ¹⁶ †Nipaa yi hanhana iuwe yar ek, te in ek hi hire mitik kepan ke yi mit hentar hi hetpi him yaaim a? Taauye!

¹⁷ Mit han ein kerek hanhan yi yerekir yink ki hir neweninipi hanhani me menmen yaaim au. Hir hanhan nanri han ki, te yi ap han kiteta au. Hir hanhan yi hanhani yaitip hir yaain yar ke hir natip hir hanhani. ¹⁸ Te yi eiyisesi yi yetike mit han hanhanan me menmen yaaim, hiram werek. Hiram yaaim te hi hepu o au, yi eiriakem. ¹⁹ Nai yinan yaain, hi pike hire mite weteiknen wawine nikan hak. Hi pike han enuk har ke nipaa hi han enuk hemerir yi mit ere yi yises Krai werek werek. In ek hi pike han enuk hemeryi yi mit pike eiyises Krai werek werek, yi eitikerek eiyu han kiutip. ²⁰ Hi hanhan hi hahu etikewi, te hi ap hetpi him manp heriuwe tiwei im keremem. Au, hi hanhan hahirp ninaan mi hertei han ki, te hi etpi him hiram mamkepi. Au, hi hepu yanimin, te hi hepitari hi heni o hi hetpi him yaaim.

Him tok piksa me Sera wetike Hega

²¹ Yi mit kerek yi hanhan eiyises him lo me Moses eiyirteiyem werek werek, hi hetpi him me him lo mirak. ²² †Him me God mau tiwei matip Ebrahim kine nikerek hirakit wik. Hega kerek hire wiriak menmen me Sera, hire wine nikan kiutip, Sera hire wine nikan hak kiutip kikaru, te hire winin mite pe Ebrahim. Hega wikaru. ²³ †Nikan kirak kerek mite Hega winaak, hire winaak wentar Ebrahim keriya kiwaai ketikerep kerep, te hire wetu. Te nikan kirak kerek Sera winaak, hire winaak wentar God katip him yaaim hirak kekepiye te maain Ebrahim kiwaai ketikerep hire wetu. ²⁴ †Him im hiram mire piksa meteiknai menmen. Miyapir wik hir nehimitan him wik nipaa God kewetei haiu mit em. Hega hire wehimitan him nipaa God kewet Moses em keit miniu (o neiyip) niuk mirak Sainai. Niuk ik Hega hiram mehimitan miniu (o neiyip) Sainai meit wit Arebia. Wit Jerusalem ke mit ne Isrel ketike mit miyapir nau nekerek hir nar ke mite ip Hega. Hega wine nikan, te hirak ekriak menmen ekir ke miye pirak wiriakem. Hirak ekriak menmen me mit te hirak ap kakit pewek emrerim au. Te mit miyapir kerek nises him me Moses hirak kehimiteni, hir nises him me Moses, hir han kitet God katip hir yaain. Te him ap mamkepi hir nire yaain au. Hiram mamiwaan-ki. ²⁶ †Sera hire wire him ham God kewet Ebrahim em. Hire wehimitan wit Jerusalem ke wit ke God. Hire wepu werek war ke mite ap wau wekre winak enuk, te hire enu tenmin (o rumaa). Wit Jerusalem keit wit ke God ap kises him me Moses au. Hirak kinaaiwir menmen im. Haiu mit miyapir kerek mises him yaaim me Krai, hire miye paiu, haiu mire nikerek nire. ²⁷ †Him me God mau tiwei matip Jerusalem keit wit ke God maain kaknen kakinin wit Jerusalem in ek kau ti. Haiu mertei him im yaaim mentar him me God Aisaia kewisim hiram matip him tok piksa mehimitan wit wik tire miyapir wik. Hiram matip mar im:

"Ti mite tenmin (o rumaa) ap nipaa ti hine nikerek, ti han yaaik ehu. Ti enepip esikeyaanmi han yaaik, ti mite ap nipaa ti epitu te ti eteiknen. Hire kerek wepu war ke mite ap weit mitik au, hire wawine nikerek yapirwe naninin nikerek ne mite wepu war ke mite kerek hire weit mitik ek wine nikerek yapirwe."

²⁸ †Nai yinan, yi yertei Aisak hirak nikan ke Ebrahim kentar him God ketpiwekem. Mar im haiu mire nikerek ne Ebrahim mentar him nipaa God ketpiwekem. ²⁹ Nipaa nikan mite Hega winaak wentar mitik kire kiwaai ketikerep weinim, hirak kiriak enum me nikan hak God kikaap mite tenmin (o rumaa) Sera te hire winaak. In ek mit nises him me Moses nerekyei haiu mit kerek God Himin Yaaik kekrai, hir nerekyei enum, nar ke nipaa nikan eik enuk kiriak enum me nikan yaaik ek. ³⁰ †Him me God mau tiwei matip mekam? Hiram matip,

† 4:7 Ro 8:17; Ga 3:29 †† 4:8 1Ko 8:4-6 † 4:10 Ro 14:5; Kl 2:16 †† 4:13 1Ko 2:3 †† 4:16 Emo 5:10

††† 4:22 Jen 16:15, 21:2 ††† 4:23 Ro 9:7-9 † 4:24-25 Ro 8:15; Ga 5:1 †† 4:26 Hi 12:22; Rev 3:12, 21:2, 10 ††† 4:27 Ais 54:1 †† 4:28 Ro 9:7; Ga 3:29 ††† 4:30 Jen 21:10; Jo 8:35

"Eiyipir mite wiriak menmen me mite hap weinim hire wetike nikan kire enuk. Nikan kire ap kakit menmen me haai kirak ketike nikan nipaa God kikaap mite enun tenmin (o rumaa) hire winaak." Te yi eiweikin sip eiwet him enum mit in enun netpiyem me yi eirekir yink ki. Him im mewaank han ki enuk mar ke mit hir nepu winak enuk. ³¹†Te nai yinan, haiu ap mire nikerek ne mite wiriak menmen me mite hap weit pewek weriuwerem weinim au. Te haiu ap emises him me nipaa mit ne Isrel nisesim. Au, haiu mire nikerek ne mite enu tenmin (o rumaa) kerek God kekepye, hire wine nikan, kentar haiu han kitet God kakises him mirak kekepapai kaktaihis kar ke nipaa hirak ketpim.

Krais keriyei haiu menpin mekeipin him lo me Moses, haiu ap pike emi

5 ††Krais epei keriyei haiu mit haiu minaiwir him me nipaa ein mar ke mit netpan minaiwir winak enuk, te haiu emu werek emises him me Krais. Te yi einakin tokim ap eiwis mit neriyei yi pike eiysesim him me nipaa eiwir ke mit pike nanino nanikre winak enuk ek au emit!

² Nikip emnep eiymtewem. Hi Pol hetpi menmen im. Yi mit kerek eiwis mit han nanrekir yink ki, te God kaktip yi yaain, menmen Krais kerekuyem kakikepi kaktihis, hiram ap mamkepi te God kaktip yi yaain au. ³ Hi etpi him manp eteipim. Mit kerek hir newis mit nerekir yink kir, te God kaktip hir yaain, hir enises him ham yapirwe me Moses keremem, kerek nipaa hirak katip mit ne Isrel em. ⁴ Yi mit kerek yi yises him me Moses, te yi hanhan God kaktip yi mit yaain, yi epei yeweikin sip yewet Krais. Yi yeweikin sip yewet menmen yaaim God kerekuyem weinim. Te in ek hirak ap kakikepi kakrekyi yaaim kakikepi au. ⁵ Haiu mit in meriuwe menmen iuwe me God Himin Yaik kekepapai, haiu han kitet hirak kakises him yaaim mirak, te haiu memeririwek hirak kaktip haiu mit haiu yaain hirak kaktaihis. ⁶ †Haiu mit metike Jisas Krais haiu niutip, te haiu merekir yink kiau o au, hiram menmen weinim ap te mamkepapai God kaktip haiu yaain au. Menmen im keremem hiram iuwe. Haiu han teweninan miriak menmen yaaim mentar haiu han kitet menmen werek werek me God haiu misesim.

⁷ Nipaa yi yises him yaaim me God werek werek, te in ek neimin neiyepet han ki, te yi ap yises him yaaim mirak werek werek au a? ⁸ ††God kerek kehimiteni te yi yisesik, hirak ap kari han ki te yi ap yises him im yaaim au. ⁹ ††Haak ke sak neniuk, hirak menmen kike, te yi yenkerek werek werek au, hirak kewep keneises sak naan, mit ap te nanik taau. Menmen enum yi yisesim me yi yekir yink ki, hiram kike, te maain hiram mamiwaank menmen yaaim in ek yi yisesim. ¹⁰ †††Hi hertei Mitik Iuwe kakikepi, te yi ap han kitet him ham me him nipaa hi etpiyem au. Te mit kerek hir nari han

ki God kakrekyor enum mamrer me menmen enum hir epei nerekiyem.

¹¹ †††Nai yinan, hi wen hatip mit heriyai heriyai hir enrekir yink kir enises him yaaim me Krais, nenmak te mit kerek nises him me Moses hir wen nerekyo enum a? Hi wen hatip mit enrekir yink kir te him me Jisas hirak kaa kentar nu tentarakit hiram ap te mamriak mit in han kir kekrit enum neriuwa au a? ¹² Hi hanhan hir mit kerek hir nari han ki hir nanrekir yink kir te mit nanriuwesisi hir ap nanu nantikewi nanri han ki neriuwe him mir, te yi yisesim au.

¹³ ††Nai yinan, God kehimiteni yi ape yinaaiwir menmen enum nipaa yi han ki hirak kisesim, hiram mar ke mitik kau winak enuk, te yi yau werek werek. God keriyei (o keryiyi) yi epei yinaaiwir menmen im, te yi ap eiwis han ki ekitet menmen enum me ti menterim au emit! Hirak keryiyi yinaaiwir menmen enum te yi eikepan eiyses menmen yaaim yentar yi han teweninan. ¹⁴ ††Him yapirwe nipaa God katip Moses em, hiram mire him miutip im mau mekrerem hirak ketpim. Hiram matip mar im: "Yi han etwenin eikaap mit miyapir nau menep yar ke yi han tewenin hiras." Yi eiriak menmen mar im, te yi eiyses menmen iuwe him mirak metpim. ¹⁵ Yi hemkre menepam me menmen yi yenehan yenehan yentar menmen, te yi naanempre hiras te yi ap eiwiwaank hiras eitike menmen yaaim me Krais yi yisesim. Mit kerek nenehan nenapan me menmen, hir enun nar ke miyaak me yaank menepam meketet patin maam naan me han em.

God Himin Yaik kiriak menmen yaaim, han kiau kiriak menmen enum

¹⁶ †††Hi hetpi him im. Yi eiwis God Himin Yaik kakikepi yi yayises him yaaim me Krais, te yi ap eiyses menmen enum han ki hanhanem. ¹⁷ ††Hi hetpi him im hentar menmen enum me ti han ke mit hanhanem, hiram ap mire menmen God Himin Yaik hanhanem. Menmen God Himin Yaik hanhanem ap mire menmen enum me ti han ke mit hanhanem. Te hiram mire mit enun nepan mari han ki heriyai heriyai. Hiram mari han ki heriyai heriyai, te yi ap eiyses menmen werek werek yi hanhan eiriakem. ¹⁸ †††Yi eiwis God Himin Yaik naanempri kakri han ki ketpi menmen yaaim yi eiysesim, te yi ap eiyses him me Moses te God kaktip yi yaain.

¹⁹ ††Menmen han ke mit kiriakem haiu merteiyem, hiram im: Mit miyapir nariyanhis neweninem, hir hanhan me menmen enum im em, hir niriak mit miyapir yink enuk neriuweri. ²⁰ Hir nises tipir newenipi niuk mir, o hir niriak nasi, o han enuk neriuwehan, o hir nenehan me menmen, o hir hemkre menepam neriuwe menmen, han kekrit te mit natip enum, mit neit menmen yeunim nanwet mit han em au. Mit nenke hasini nises menmen ham menmen ham. ²¹ Hir han kitet menmen enum me mit han o hir nenep mit nani,

† 4:31 Ga 3:29 †† 5:1 Jo 8:32, 36; Ga 2:4, 5:13; Ap 15:10 †
5:6 1Ko 7:19; Ga 6:15 †† 5:8 Ga 1:6 †† 5:9 1Ko 5:6 ††† 5:10
Ga 1:7; 2Ko 11:15

††† 5:11 1Ko 1:23 § 5:13 1Pi 2:16 §† 5:14 Lev 19:18; Mt
5:43; Ro 13:9 §†† 5:16 Ro 8:4 §† 5:17 Ro 7:15-23; 1Pi 2:11
§†† 5:18 Ro 6:14, 8:14 §† 5:19 1Ko 6:9-10

o hir naam tipar si enum ere hir netaritari, o hir nanino nanrer wit wit nanine henye me menmen enum, o menmen menmeiyam enum mar im. Nipaa hi epei etpi, te in ek hi etpi eteipim. Mit kerek hir niriak menmen mar im, hir ap nanu nantike God nanit menmen yaaim nipaa God ketpim kakwet mit em au.

²²†Te menmen God Himin Yaaik kikaap mit enisesim, hiram im: Mit han tewenina God ketike mit, hir han yaaik nanu, han kir kau werek werek, hir ap han enuk waswas au, hir niriak mit menmen yaaim, hir nikaap mit han weinim, hir nises him nipaa hir natip mit hir nanisesim. ²³††Hir hanhan neriuwe mit han, hir newenin han kir me menmen. Menmen mar im mit nisesim, him lo ap matip hiram enum au. Hiram matip hiram yaaim. ²⁴†Mit hir ne Krai Jisas, hir nar ke mit naa netike Krai nau nu tentarakit, te menmen enum me ti nipaa hir nisesim niriakem, hiram ap mau mamikre han kir au. Hiram menmen enum han ke mit niriakem o menmen enum han kir hanhan neriuwerem, te in ek hir nepirem mamno hiram mami mamit.

²⁵††God Himin Yaaik kenipai haiu metike God Haai kaiu haiu mau niutip haiu mepu mar ek. Te haiu emwisik hirak naanemprai han kaiu me menmen yapirwe. ²⁶††Haiu ap mewenipi niuk maiu haiu iuwe au, haiu ap emkiakan han emket han em me menmen au, haiu ap hemkre menepam me menmen maiu haiu miriakem o menmen meiyam au emit!

Yi eikaap ni yinan me menmen yapirwe

6 ††Nai yinan yi eiyir mitik hak kiriak menmen enum, yi mit kerek God Himin Yaaik naanmipre han ki yi hanhan eiriuwerek eikepik pike ekises menmen yaaim mar ke nipaa hirak kisesim. Te yi naanempre hiras eiwenin han ki me wi yi han kitet yi yises God werek werek, te menmen enum mamnen mamri han ki, te yi yairiak menmen enum ye. ²††Yi eikapan me menmen mamnen mamrekyi han ki enuk, te mar im yi eiyises him me Krai nipaa hirak ketpim me yi han tewenin eikapan. ³Hi hatip menmen im hentar mit kerek han kitet hir iuwe ninin mit han ap te nankepi, hir newises hiras natip nare hir iuwe. Te hir au, hir mit weinin. ⁴†Yi mit niutip niutip han ekitet menmen yi hiras yiriakem. Hiram yaaim te yi hiras han yaaik eiriuerem. Yi ap han ekitet menmen mit han niriakem, te yi eiyinini o au. Menmen im emit! ⁵††Yi ap eiriak menmen im eiyintar yi yises menmen enum mitik hak kiriakem, te maain yi niutip niutip God kakitih yenmak yi yiriak menmen yi yiriakem, hirak han ekitet menmen miutip miutip. ⁶††Hir mit kerek mitik hak kan ketpor keteiknor him yaaim me God, hir enikiwek menmen ham me menmen yaaim mir hir naanemprewk nanriuerem.

⁷Yi ap eimitetpin hiras. Yi ap eimipin God me menmen au emit! Menmen mit niriakem nisesim, maain

hir enit menmen yaaim o enum mamrerim me wi God han kakitet menmen haiu mit miriakem. Hiram mar ke mitik kamir ni. Hirak kamir menmen yaaim, maain hirak kakit menmen yaaim. Hirak kamir menmen enum mire napik tomik o menmeiyam, maain hirak kakit menmen enum mar im keremem. ⁸††Mit han niriak menmen nises han kir enuk, te maain han kir kakiwaank kakit. Menmen im hiram mar ke mitik kamir napik tomik mau ni mirak. Mit kerek hir niriak menmen nises God Himin Yaaik, maain hirak kakikepi nanu nanit nantike God tipmain tipmain enum eik. Menmen im hiram mar ke mitik kamir menmen yaaim mau ni, maain hirak kakit menmen yaaim. ⁹††Menmen yaaim yi yiriakem yisesim, te yi ap einapen eiyisesim eiyintar yi yiriakem hekrit hekrit au. Maain ere wi God kimat haiu mamit menmen yaaim, te haiu ap mamnapen mamriak menmen yaaim em. ¹⁰Tis, hekrit hekrit haiu mau ti ik e, haiu emriak mit menmen yaaim, te naiu yinan kerek nises him yaaim me Krai, haiu emrekyor menmen yaaim iuwe.

Pol han yaaik keriuwe Jisas nipaa kaa kentar nu tentarakit

¹¹Yi eiyir yaan mai iuwe hi hirekes ewisiyem heriuwe his mai, te yi eiyirtei hi Pol hirekes hewisi tiwei ik e. ¹²††Mit kerek hir hanhan mit han nanwenipi niuk mir natip hir yaain nises God werek werek, hir netpi yi eirekir yink ki. Te hir niriakem nentar hir ninapen mit ne Isrel naninip nanrekyor enum nanintar hir natip him yaaim me Jisas Krai kerek nipaa kaa kentar nu tentarakit, te God kakikaap haiu mit kaktaihis. ¹³Mit kerek hir nerekir yink kir ap nises him me Moses yapirwe au. Hir nises menmen miutip im keremem. Hir hanhan nerekir yink ki nentar hir nanit niuk iuwe me mit ne Isrel, hir nanwenipiri naninterim. ¹⁴††Te hi kerek hi han kitet hi ewenipi Jisas kerek nipaa kaa kentar nu tentarakit. Hi heriuwe menmen im me Krai, hi har ke mitik kaa, menmen enum me ti ap te mamri han kai. Hi han kitet menmen me ti mit nisesim hiram mar ke menmen epei maa au meit, te hi ap hanhan heriuwerem meiyam taau. ¹⁵††Mit hir nerekir yink ki o au, hiram menmen weinin. Hiram ap mamkaap mit te God katip hir yaain au. Hirak God kerekkenip mit hir neweikin nire mit han yaain. Menmen im hiram menmen iuwe. ¹⁶Hi hanhan yi mit kerek yi yises him hi epei hetpiyem, yi yetike mit nerer wit wit neit Isrel hir nises him yaaim me Krai. Hi hanhan God hanhani kakrekyor yaaim, te hir nanu werek werek.

¹⁷††In ere maain, hi hinapen mitik hak kiutip kaktip God kehimitena hi ap aposel au, hentar mit neiyep yapirwe hentar hi hiriak menmen me Mitik Iuwe Krai, te sak yapirwe mau yink kai meteikin mit hi mitik ke Jisas Krai kerek. ¹⁸Nai yinan, hi hanhan kaiu Iuwe Jisas Krai han yaaik kirak, hirak kaku kaktikewi kakikre han ki.

† 5:22 Ef 5:9 †† 5:23 1Ti 1:9 † 5:24 Ro 6:6; Kl 3:5; 1Pi 2:11
 †† 5:25 Ro 8:4 †† 5:26 Fl 2:3 ††† 6:1 Mt 18:15; Je 5:19 †††
 6:2 Ro 15:1 † 6:4 1Ko 11:28; 2Ko 13:5 †† 6:5 Ro 14:12 ††† 6:6
 1Ko 9:11, 14

†† 6:8 Jo 3:6, 6:63; Ro 8:13 ††† 6:9 2Te 3:13 †† 6:12 Ga
 5:11; Fl 3:18 †† 6:14 1Ko 1:31, 2:2 ††† 6:15 Ga 5:6; 2Ko 5:17
 ††† 6:17 2Ko 4:10

Mepir keremem

EFESAS

Menmen me tiwei ik

Pol katip mit ne Efesas him gude

r 1:1-2

r*

Him me Krai ketike mit narak ne sios

r 1:3-3:21

r*

Menmen mit ne weiwik me God hir nanisesim

r 4:1-6:20

r*

Pol katip mit ne Efesas him mikaru

r 6:21-24

r*

1 [†]Hi Pol nipaa God hanhana hirak kehimitena hi aposel ke Krai Jisas hi hatip mit him mirak. Hi hewis tiwei ik ken yi mit miyapir ne God yi yau yeit wit Efesas, yi yises him me Krai Jisas. ² ^{††}Hi hanhan God hirak Haai kiau, hirak ketike Mitik Iuwe Jisas Krai hirakit tatrekyi yaaim, yi eiyu werek werek.

God hirak kewetai menmen yaaim mentar Krai Jisas

³ [‡]Haiu emwenipi niuk me God hirak Haai ke Mitik Iuwe kiau Jisas Krai. Hirak kerekyei yaaim kentar haiu mit ne Krai, te God hirak kewetai menmen mirak yapirwe me wit kirak. ⁴ ^{††}Nipaa hirak ap kewis ti ketike nepni wen au, hirak kehimitenai haiu mit narak mentar haiu ne Krai, te God hirak kerekyei haiu emu han yaaik prar prar, te menmen enum mau han kiau au. ⁵ ^{‡‡}God nipaa hanhan haiu mit te hirak han kitet kakrekyei haiu nikerek narak mentar Jisas Krai. ⁶ ^{‡‡}Te haiu emwenipi niuk mirak mamintar hirak kerekyei haiu yaain iuwe keriuwe Himin Yaaik ke Krai kerek God hanhanek.

⁷ ^{‡‡‡}Krai nipaa kaa, hemkre mirak mewen, te hirak kaktaihis me menmen enum God kakriak mit em. Hirak kesak menmen enum haiu miriakem. Krai hirak kerekyeyem kentar hirak hanhan haiu mit wisenum. ⁸ [§]God kertei menmen wisenum te hirak kises menmen nipaa hirak han kitet hirak kakriakem, te hirak kewepaiyapir menmen hirak hanhan kaknipem kakriuwe Krai. ¹⁰ ^{§†}Menmen God han kitetim hiram mar im:

† 1:1 Ro 1:1, 7; 1Ko 1:1; Kl 1:1; Ap 18:19-21; 19:1 †† 1:2 2Ko 1:2; Kl 1:2 ‡ 1:3 Ef 2:6 †† 1:4 Jo 15:16, 17:24; 2Te 2:13; Ef 5:27; Kl 1:22 ‡‡ 1:5 Jo 1:12 ‡‡† 1:6 Mt 3:17; Kl 1:13 ‡‡‡ 1:7 Ef 2:7; Kl 1:14, 20 § 1:8-9 Ro 16:25 §† 1:10 Ga 4:4; Kl 1:16, 20

Maain wi hirak han kitet hiram yaaim hirak kakri menmen yapirwe me ti metike menmen me wit kirak hiram mamnen mamit niutip, te Krai kakinin kaku naanmampre menmen yapirwe.

¹¹ ^{§††}Menmen yapirwe mamnen mamir ke God han kitet hiram mamnen. God kehimitenai haiu mit narak meriuwe Krai mentar menmen hirak nipaa enum eik hirak han kitet kakriakem. ¹² God kirak menmen im te haiu mit kerek minin mises him me Krai, haiu emwenipi niuk mirak iuwe. ¹³ ^{§†}Yi yire haiu mit me wi nipaa yi yemtau him me God pike kaktihis, yi yises him me Krai. Yi yisesik epei au, God kehimiteni yi narak yeriuwe God Himin Yaaik. Hirak keriuwetek kan kau kekere yi mit kar ke nipaa hirak katip hirak kaksiuwerek. ¹⁴ ^{§††}God keteiknai maain haiu mamit menmen mirak yaaim hirak ketpim me mit hir nisesik. Hirak keteiknaiyem keriuwe Himin Yaaik kirak kerek hirak kewetaiyek. Menmen im meteiknai God kaktaihis haiu mamu mamtikerek. God kakit niuk iuwe kakintar menmen im hirak nepi kirakem.

Pol kitehi God kakikaap mit ne Efesas hir nanirtei menmen werek werek

¹⁵ ^{§†}Hi kerekek hentar hi hemtau yi yises him me Mitik Iuwe Jisas, yi han tewenin mit miyapir yapirwe ne God, ¹⁶ ^{§†}hekrit hekrit hi hatip God hirak yaaik kentar yi mit miyapir. Hi han kitet yi mit, ¹⁷ ^{§§†}te hi hitehi God hirak God ke Mitik Iuwe kiau Jisas Krai, hirak Haai kiau, haiu mewenipi niuk mirak, hi hitiwekhi hirak

§†† 1:11 Ro 8:28-29 §† 1:13 Kl 1:4-6; Ef 4:30 §†† 1:14 2Ko 1:22 §† 1:15 Kl 1:4 §† 1:16 Kl 1:3; 1Te 1:2 §§† 1:17 Kl 1:9

kakikepi yi han kitet menmen mirak werak werak, te yi eiyirtei him mirak werak werak, te yi eiyirtei God hirekes werak werak. ¹⁸ †Hi hanhan hirak God kakikepi, te yi eiyirtei eiyikre han ki hiram mekam menmen hirak kenini yi yaitiwem, yi eiyirtei menmen kerek nipaa hirak katip kakwetayem, hiram menmen yaaim iuwe. ¹⁹ ††Hi hanhan hirak kakteikni yi eiyirtei menmen mirak iuwe mamkaap haiu mit haiu kerek mises him mirak. Menmen mirak hiram iuwe, te haiu ap maminkerem au. Menmen im maamkaap haiu mit mamir ke ²⁰ †hiram mikaap Krai wi nipaa hirak kaa, te God kikiak kekrit keriuwerem, hirak kewisik kau ketikerek keit wit kirak naanmipre menmen. ²¹ ††In ek Krai kau en kinin menmen yapirwe meit wit ke God, o ti ik e. Hirak kinin tipir, herwe, gavman, menmen yapirwe mepu in metike menmen meiyam maain mamkaru mamnen. ²² ††God epei kewis menmen yapirwe mamises him me Krai, hirak God kehimitanek hirak kinin naanmipre menmen yapirwe me mit ne weiwik mirak. Hirak kire paan, ²³ ††haiu mit miyapir ne weiwik me God haiu mire yink kirak, haiu mekepek hirak kepu kire Mitik Iuwe, hirak hirekes kau kerer menmen yapirwe.

God kenip haiu mit kerek nipaa haiu mire mit naa in ek haiu mepu metike Krai

2 ††Nipaa yi mit miyapir yi yire mit epei naa yentar yi yeweikin sip yewet God, yi yiriak enum. ² †Me wi eim yi yises menmen enum me ti. Nipaa yi yises menmen enum me mitik iuwe Seten kerek kinin naanmipre tipir, teket maam, herwe, menmen enum. In ek, hirak kinin naanmipre mit kari han ke mit kerek nipaa hir neweikin sip newet God. ³ †Nipaa haiu mit haiu mar ke mit enun en. Haiu mises menmen haiu hanhanem. Haiu miriak menmen enum han kiau hanhan haiu miriakem, te maain God kakrekyei enum kakraiwaank kakir ke mit han en.

⁴ ††Menmen enum nipaa haiu miriakem hiram meraiwaank te haiu mami. Te God hirak han teweninai wisenum keriuwe menmen mirak, te hirak kenipai haiu mamu mamtike Krai. God pike ketihis kentar hirak hanhani. ⁶ †Hirak God kekekyei haiu mit metike Krai, haiu mepu en metikerek, haiu maminin naanmamre menmen. ⁷ ††God kiriak menmen im kentar wi im ere maain hirak kakteikin menmen yapirwe han kewim markeim hirak han tewenin haiu mit keriuwe menmen Jisas Krai kerekueiyem. ⁸ ††Yi epei yises him me Krai, te God hanhani hirak kaktihis. Yi ap yikaap hiras au. God kerekere kerekueiyem weinim. ⁹ ††Yi ap yiriak menmen yaaim, te God ketihis au, te mitik kiutip ap kakwenipi hirekes kaktip hirak iuwe taau! God kerekere! ¹⁰ ††God kenipai (o kerekuei) haiu mit haiu mire mit mirak mentar haiu mises him me Krai Jisas.

† 1:18 Ef 4:4; Kl 1:12 †† 1:19 Kl 1:11 † 1:20 2Ko 13:4; Kl 2:12; Hi 1:3 †† 1:21 Kl 1:16, 2:10 †† 1:22 Sam 8:6; Mt 28:18; Ef 4:15 ††† 1:23 Ro 12:5; Kl 1:18; Ef 4:10 ††† 2:1 Kl 1:21, 2:13 † 2:2 Kl 3:7; Ta 3:3; Jo 12:31; Ef 5:6, 6:12 †† 2:3 Kl 3:6 ††† 2:4-5 Lu 15:24, 32; Ro 6:13; Ef 2:1; Ap 15:11 †† 2:6 Kl 2:12 ††† 2:7 Ef 1:7 †† 2:8 Jo 4:10; Hi 6:4 †† 2:9 1Ko 1:29-31; 2Ti 1:9 ††† 2:10 Ta 2:14

Nipaa God kehimitan menmen yaaim, te hirak kenipai haiu emisesim mamriak menmen yaaim keremem.

Krais kari weiwik wik men mire miutip

¹¹ ††Yi han ekitet nipaa ein mit ne Isrel nerekir yink kir neteikin mit hir nises God. Hir newis niuk mi yi mit enun ap yerekir yink ki te yi ap yises God au. Nipaa yi yire mit ne weiwik ham. ¹² ††Nipaa yi yetari Krai, yi ap ne weiwik me mit ne Isrel au. Nipaa God kewet mit han him mirak hir netikerek nekiyan nau neit, te yi au. Yi ap yau ti ik yemerir menmen yaaim mamnen au. Te God ap kaku kaktikewi taau!

¹³ ††Te in ek yi kerek nipaa yi yetari menmen im hi epei hetpiyem, yi yire mit hir nepeit yanimin. In ek Krai keriuwe hemkre mirak mewen hirak kaa, hirak keithis yi mit miyapir, te in ek yi nepei yises him me God. ¹⁴ ††Krai hirekes kerekuei haiu mit miyapir mekiyan mau meit. Nipaa mit ne weiwik me Isrel hir enun nepan neriuwe mit ne weiwik ham nerer wit wit. Te in ek Krai kaa keriuwe yink kirak, hirak kenipai mit miyapir merer wit wit haiu mau niutip. Hirak keremir menmen miwaai ninin me haiu mit kerek nipaa menipai haiu wik mar ke mitik kewen niwa keit ni. Hirak kenipek kire ni miutip. ¹⁵ ††Nipaa Krai hirak kaa kenip him Moses kewisim mau tiwei kerek mit ne Isrel nisesim, hiram menmen weinim, te hirak kaknip mit ne weiwik wik hir nanre yink kiutip hir nekiyan nau neit. ¹⁶ ††Krai kaa kentar nu tentarakit, te hirak keremir menmen menipai haiu mire wik hiram maa. Hirak keriyei haiu mire mit miyapir ne weiwik niutip, haiu mekiyan mau meit mises God. ¹⁷ ††Krai hirak kan ti kewepyapir him yaaim katip haiu mit mamtike God mamkiyan mamu mamit. Him im epei man yi mit yi yire mit hir nerp yanimin, yi ap yises God au. Him im yi yetike mit hir nises God hir nire mit nau menep netike God. ¹⁸ ††Haiu weiwik wik haiu meriuwe God Himin Yaaik haiu niutip hirak keriyei haiu men God Haai mentar menmen Krai kerekueiyem.

Haiu mit mises God haiu mire winak kirak

¹⁹ ††Te in ek yi ap yire mit hir ap wit mei mir au. Yi yire weiwik miutip yetike mit miyapir nises God. Yi nikerek ne God. ²⁰ ††Yi yire winak God kimaak. Haiu mit aposel metike mit profet kerek mewepyapir him kerek God ketpaiyem, haiu mire teinik kerek mit nekin hei em me winak. Jisas Krai hirekes kire teinik mitik iuwe kerp ninin kinan winak siup. ²¹ ††Hirak kerekere ketenen nu me winak siup hiram tokim mau meit. Hirak kenip winak ik kakre iuwe, hirak kakre winak yaaik Mitik Iuwe Krai kaku kakikrerek. ²² ††Yi mit miyapir ne Krai, te God kiriak yi mit en, yi yetike mit han nises him mirak, yi yapirwe yar ke winak ke God kewik keriuwe God Himin Yaaik.

††† 2:11 Ef 5:8 ††† 2:12 Kl 1:21; Ro 9:4; 1Te 4:13 18 2:13 Kl 1:20 19 2:14 Ais 9:6; Kl 2:14; 1Ko 12:13 20 2:15 2Ko 5:17 21 2:16 Kl 1:20, 22 22 2:17 Sek 9:10; Ais 57:19 23 2:18 Ef 3:12 24 2:19 Ef 3:6; Hi 12:22-23 25 2:20 Mt 16:18; 1Ko 3:11 26 2:21 Ef 4:15-16; Kl 2:19; 1Ko 3:16 27 2:22 1Pi 2:5

Menmen Pol kiriakem me mit ap ne wewik me Isrel

3 [†]Hi Pol kerek hepu winak enuk ke gavman hentar hi hatip yi mit ap ne wewik me Isrel him yaaim me Krai, hi hitehi God ke yi mit miyapir. ² ^{††}Hi han kitet yi epei yemtau God hanhana kehimitena hi hiriak menmen mirak ekepi yi mit miyapir. ³ [†]God kewepyapir menmen nipaa hirak kepakinem, hirak keteiknewem, te hi herteiyem. Nipaa hi hewisiyem mau tiwei. ⁴ Yi eik-inaam, te yi eiyirtei hi hertei werek werek menmen me Krai nipaa God kisawinem meit. ⁵ Mit nipaa nepitariyem, te in ek God kewepyapirem keteikin haiu mit kerek hirak kehimitenai haiu profet metike aposel nirak hirak keteiknaiyem keriuwe God Himin Yaaik. ⁶ ^{††}Him hirak kewepyapirem hiram im: Mit ap ne wewik me Isrel, God kenipi hir netike mit ne wewik me Isrel, hir yapirwe nanit menmen miutip, hir nire yink kiutip ke menmen God katip kakwetaiyem kakintar menmen Krai kerekyeyem.

⁷ ^{††}Me him yaaim im God kenipa hi mitik ke hi hatip mit han em. Hirak hanhana kekepa keriuwe menmen mirak manpenuk, te hi hiriak menmen hirak ketpewem. ⁸ ^{†††}God hanhana kehimitena hi kerek hi hikaru ke mit yapirwe nises God, hirak kehimitena hi hatip yi mit ap ne wewik me mit ne Isrel hi hetpi him yaaim me Krai. Him yaaim me menmen yapirwe Krai kerekyeyem, mit hir ap nanirtei hir o as miram o iuwe miram marmeim te mamisi taau! ⁹ ^{†††}Hirak kehimitena hi akaap mit yapirwe hir nanirtei karkeik te God kakriak menmen nipaa hirak kepakinem. God nipaa kiriak menmen yapirwe kehanem nipaa enum eik ere in. ¹⁰ [§]Hirak kehanem te in ek hirak kakteikin tipir, herwe, tekek maam, Seten o ensel nirak yaain neit wit kirak, hirak kakteinor hirak God hirekes kertei menmen yapirwe werek werek keriuwe menmen yaaim mit miyapir ne wewik mirak hir niriakem. ¹¹ God kiriak menmen im kises han kirak nipaa hirak han kitet kakriakem keriuwe menmen Mitik Iuwe kiau Jisas Krai kiriakem me wi hirak kaa. ¹² ^{§†}Haiu mises him me Krai Jisas, te haiu ap minain God au. Haiu mertei haiu mamno mamitiwekhi me menmen, hirak ap te kakweikin sip kakwetai. ¹³ ^{§††}Hi etpi te yi ap han ekiperper eiyintar menmen enum man merewaank mentar hi ekaap yi mit au emit! Yi han yaaik eiyu eiyintar yi yayit niuk iuwe yeriuwe menmen merewaank me yi mit.

Pol hanhan mit ne Efesas hir nanirtei Jisas Krai hanhani

¹⁴ Hi han kitet menmen iuwe God kiriakem, te hi hianapipi hewen ninip hitehi God Haai menmen. ¹⁵ God hirak kewet mit ensel neit wit kirak o haiu mit meit ti kewetai niuk mirak. ¹⁶ ^{§†}Hi hitehi God te hirak kaksuwe Himin Yaaik keriuwe menmen mirak iuwe manp enum

† 3:1 Ef 4:1; Fl 1:7, 13; Fm 1:1, 9†† 3:2 Kl 1:25 † 3:3 Ef 1:9-10; Kl 1:26 †† 3:6 Ef 2:13, 16-19 †† 3:7 Kl 1:23, 25 ††† 3:8 1Ko 15:9-10; Ga 1:16; Ef 1:7 ††† 3:9 Ro 16:25; Kl 1:26 § 3:10 Ro 11:33; 1Pi 1:12 §† 3:12 Jo 14:6; Ro 5:2; Hi 4:16 §†† 3:13 Kl 1:24 §† 3:16 Kl 1:11

hirak kakno kakikre han ki, te yi han tokik eiyu eiyit. ¹⁷ ^{§††}Te yi yises him me Krai werek werek, te hirak kaku kakit kakikre han ki. Hi hitehi God hirak han tewenini te menmen mirak iuwe, hiram mamkepi yi hanhan eiriuwehan. Te yi eiyu han tokik eiyir ke nu nekenpi mekre ti metenen nu o teinik mitik kekere hei ketenen winak siup, te hirak tokik kerp. ¹⁸ ^{§†}Menmen im maamkaap yi mit miyapir yetike mit miyapir han ne God nerer wit wit, te yi eiyirtei markeik te Krai hanhani. Hiram iuwe minin nepni, hiram mamno mamre nokim, hiram mamno kesiyen. Hirak hanhanai wisenum. ¹⁹ ^{§†}Hi hanhan yi eiyirtei haiu mit ap te mamirtei werek werek marmeim te Jisas hanhanai. Hi hanhan menmen yaaim mau mekre God hiram mamnen yi mit, te yi han ki eku ekriuerem.

²⁰ ^{§††}Hi hanhan hirak God kerek kiriak menmen iuwe kekere han kiau minin menmen haiu mitiwekhiyem o han kitetim keriuwe menmen iuwe hirak kewisim mekre haiu mit. ²¹ Hi hanhan haiu mit miyapir yapirwe ne wewik me God haiu emwenipi niuk mirak mentar menmen Jisas Krai kiriakem. Haiu emwenipi niuk mirak ere tipmain tipmain enum eik. Mepir keremem.

Haiu mit miyapir kerek mises him me God haiu mire yink ke Krai

4 ^{§§†}Hi Pol kerek hepu winak enuk ke gavman hentar hi hiriak menmen me Mitik Iuwe Krai. Hi etpi him manp te yi eiyises him me God werek werek kerek nipaa God kehimiteni yi eiyisesim. ² ^{§§§}Yi ap eire iuwe au. Yi yemtau him me mit han yi eiyisesim, yi yewenin han ki me menmen mit nerekyiyem, yi ap han enuk waswas me menmen ni yinan nerekyiyem au. ³ ¹⁸God Himin Yaaik kenip yi mit yi yau han kiutip te yi wen han ekikrit eiyu han kiutip. Menmen im haiu miriakem hiram mar ke waai mesenek menmen hiram menipai haiu mire niutip. ⁴ ¹⁹Haiu mit miyapir yapirwe haiu yink kiutip ke Krai, God Himin Yaaik kau kekrai. Hiram im em miutip mire menmen miutip yi wen yemeriyiwem God kakwetiyem yentar nipaa God kehimiteni yi yisesik. ⁵ ²⁰Mitik Iuwe Krai kiutip kerekek kepu. Haiu mit mises menmen mirak miutip. Wi nipaa mit nikrai neriuwe tipar hir nekine niuk miutip nektenai. ⁶ ²¹God kiutip kerekek kepu, hirak Haai ke haiu mit, hirak kinin naanmiprai haiu mit yapirwe, hirak kiriak menmen kenimin ke haiu mit, hirak kepu kekere haiu mit. ⁷ ²²Krai epei kewetai menmen yaaim mamkaap haiu mit ne wewik me God. God epei kewet haiu mit niutip niutip me menmen mirak yaaim iuwe. ⁸ ²³Him me God nipaa mit newisim mau tiwei matip me menmen im. Hiram matip mar im:

“Me wi Krai epei ken wit ke God, hirak keithis mit miyapir yapirwe kerek nipaa hir nau netike Seten hir nar ke mit enun nau winak enuk ke gavman.

§†† 3:17 Jo 14:23; Kl 1:23, 2:7 §† 3:18 Kl 2:2 §† 3:19 Kl 2:10 §†† 3:20 Kl 1:29 §§† 4:1 Ef 3:1; Kl 1:10 §§§ 4:2 Kl 3:12-13 18 4:3 Kl 3:14-15 19 4:4 Ro 12:5; Ef 2:16, 18 20 4:5 Jo 10:16 21 4:6 1Ko 12:6 22 4:7 Ro 12:3, 6 23 4:8 Sam 68:18; Kl 2:15

Krais ketorhis keriyei keru ken kewet haiu mit menmen yaaim mirak." ⁹ †Kenmak him matip: "Hirak ken wit ke God kau niu ein?" Hiram metpim mentar hirak kinin kinaaiwir wit kirak kekiuwe kan kau kekere nimin ke ti nimin ke wit kerek mit epei naa himin kir kewi. ¹⁰ Hirak kerek kekiuwe kan ti, hirak kerekek pike ken kau niu ein kinin nepni ken wit ke God, te hirak himin kirak kau kerer wit wit. ¹¹ ††Hirak kerekek "kewet mit menmen mirak," hirak kehimitan mit han hir nire aposel, hir natip mit menmen Krais kiriakem. Mit han hirak kehimiteni hir nire profet, hir newepyapir him me God. Mit han hirak kehimiteni hir nire evanselis, hir natip mit him me God nari han kir te hir enisesim. Mit han hirak kehimiteni hir nire pasto o tisa, hir naanempre mit miyapir hir nekepi hir nises him me God. ¹² †Krais kewet haiu mit menmen im, te hiram mamkaap haiu mit miyapir haiu mamriak menmen mirak te haiu mit ne weiwik me God, haiu mamre yink ke Krais, haiu mamre mit iuwe me menmen me God. ¹³ ††Menmen im mamno ere haiu mit mau han kiutip me menmen me God haiu misesim, haiu mau han kiutip me menmen haiu merteyem me Krais, te haiu mamre mit iuwe yaain mamir ke Krais. ¹⁴ ††Haiu mar im, te haiu in ere maain ap mamre nikerek netari menmen. Haiu ap mises him enum me memitetpin. Mit nisesim hir nar ke kanu kenterer wan eik, hirak kinu kewerek kepno in kepno ein. Mit kerek nises him enum me mit kerek hir nari han ke mit neriuwe him hir hiras han kitetim netpim. ¹⁵ †††Au, haiu hanhan hiras matip him yaaim me God emisesim, te haiu mepno ere haiu mire mit iuwe haiu mar ke Krais. ¹⁶ †††Krais hirak kire paan hirak kinin naanmipre haiu mit haiu mire yink kirak, te haiu miriak menmen mire hirak kehimitan haiu niutip niutip mamriakem. Haiu mit haiu mire his, hit nekeni, naan, te haiu mamkaapan, te haiu mamu yink kiutip. Haiu mamriak menmen mar im, te haiu mamre iuwe haiu han teweninan.

Mit nises God hir enweikin sip enwet menmen me nipaa

¹⁷ †In ek hi hekrehir ke Mitik Iuwe Krais Jisas hi hetpi him manp. Yi in ere maain ap te yi eiyses menmen mit ap ne weiwik me God hir niriakem au emit. Hir han kitet menmen hiram enum weinim. ¹⁸ ††Han kir hirak kire mitik ke witaan ken ap ketenen si au. Hir niriak menmen enum nises menmen God kineinim nentar hir netari menmen me God, nekre han kir hir nineinim. ¹⁹ †††Te hir ap yink enuk au. Hir hanhan iuwe te hir nanises menmen enum me nariyanhis neweninem, han kir kekrit te hir niriak menmen enum enum nisesim wisenum.

²⁰ Yi mit miyapir ap yemtau haiu metpiyem yi yises him me Krais mar im taauye! ²¹ Hi hertei yi epei yemtau him me Krais, hir mit nan netpi him yaaim mirak.

† 4:9 Jo 3:13 †† 4:11 1Ko 12:28 † 4:12 2Ti 3:17 †† 4:13 Kl 1:28 †† 4:14 1Ko 14:20 ††† 4:15 Ef 1:22, 5:23; Kl 1:18 ††† 4:16 Kl 2:19 § 4:17 1Pi 1:14; Ro 1:21 †† 4:18 Ef 2:12 ††† 4:19 Kl 3:5

²² †††Hir netpi him mar im: "Yi nipaa yi yises han ki enum. Hiram menmen enum me memitetpin, hemkre menepam me menmen, te hiram mewaank hiremes meriuwerem." Hir mit natip menmen im yi eiweikin sip eiwetiwem einopin eikeipniwem. ²³ †††Yi yiriak menmen im, te God eknip han ki hirak yaaik ekriuwe Himin kirak Yaaik. ²⁴ †††God kiriak han ki hirak yaaik. Hirak kenip han ki kakir ke han kirak, te han ki ekises menmen yaaim ekriak God kaktike mit em.

²⁵ ††Te yi mit miyapir yapirwe niutip niutip einopin eikeipin menmen enum me memitetpin, eiwenin him menmen, eiyr ke mitik kenemtin laplap kerek hapik mewim kewirem men pin. Yi niutip niutip eitip him yaaim keremem eiriuwe ni yinan eiyyantar haiu mit yapirwe haiu niutip niutip pinan me yink kiutip ke Krais. ²⁶ †††Wi yi han enuk eiriuwe menmen enum, yi naanempre hiras eiwenin han ki te yi ap eiriak menmen enum eiyyinterim. Yi ap han enuk han ekitet menmen im yapirwe au emit. Wi miutip kerekek. ²⁷ Te haiu ap emwis Seten kakri han kiau haiu mamriak enum. ²⁸ ††††Mit miyapir kerek nipaa ere in nekintip menmen hir pike nanriakem meiyam au emit! Hiram epei au! In ek hir enriak menmen yaaim enriuwe his mir, te hir nantenen menmen yapirwe te nanwet mit enun netenen menmen auri nankepi nanriuwerem. ²⁹ ††††Yi ap eitip him enum emike him ki au. Yi eitip him yaaim hiram mamkaap mit han hir nanimtau him mi, te hir enu werek werek. ³⁰ †††Yi ap einip God Himin Yaaik han enuk ekriuwe menmen yi yiriakem kentar hirak kerekek kehimiteni, te maain God kaktihis yi yayu eitikerek. ³¹ †††Yi eiweikin sip eiwet menmen enum me yi yine han enuk hekrit hekrit, yemtaantiwo, o yi yanuni yeriuwe menmen. Yi ap eitip yehiak yene mit, o yesiuwe him, te yi hanhan eiriak mit menmen enum eiriuerem au emit. ³² †††Te yi eiriakan yaaim, han etweninan, yi eiysisak menmen enum mit han nerekyiyem, yi eitip hiram menmen weinim. Yi eiriakem eiyr ke God. Hirak kesak menmen enum haiu mit miriakem mentar menmen Krais kiriakem, te hirak katip hiram menmen weinim.

Haiu mit miyapir emises menmen yaaim

5 ²¹ God epei hanhani kesak menmen enum yi yiriakem, te yi eiysesik eiyr ke nikerek narak hir nisesik. ² ††Yi han etweninan eiyr ke Krais nipaa han teweninai hirak kaa te kekepai. Hirak kaa, te menmen im hirak kiriakem hiram mire menmen mit newepwarem hiram minin yaaim mit newet God em.

³ ††Yi mit miyapir ne God, te yi ap yimenipin yatipan me menmen enum me yisesan yiriran, o menmen enum me yink enuk o menmen me hemkre menepam au emit! ⁴ †††Yi ap eitipan me menmen enum menip mit

§† 4:22 Ro 8:13; Kl 3:9 §†† 4:23 Ro 12:2 †† 4:24 Jen 1:26; Kl 3:10 §† 4:25 Kl 3:8-9; Sek 8:16 §†† 4:26 Sam 4:4; Je 1:19-20 §†† 4:28 1Te 4:11 §§§ 4:29 Ef 5:4; Kl 3:8, 4:6 18 4:30 Ais 63:10; 1Te 5:19; Ef 1:13-14 19 4:31 Kl 3:8 20 4:32 Mt 6:14, 18:22-35; Kl 3:12-13 21 5:1 Mt 5:48 22 5:2 Ro 14:15; Ga 2:20; Hi 10:10; Eks 29:18 23 5:3 Kl 3:5 24 5:4 Ef 4:29

yink enuk neriuwerem, o him weinim weinim, o him hir han enuk neriuwerem au emit. Yi eitipan eiwenipi niuk me God keremem. ⁵†Yi epei yertei werek werek menmen im. Mit kerek hir enun nariyanhis neweninem o mit enun nises menmen enum, o mit enun hemkre menepam neriuwe menmen hiram enum mar ke mit newepwar menmen newet tipir em. Yi yertei mit nar in en, hir ap te nanino nanu nantike God ketike Jisas Kraiss taau!

⁶††Yi ap eiwis mit hir nanmitipin nanriuwe him weinim hir natip menmen im enum hi epei hetpiyem hiram yaaim au emit. Hir nemipin, te God kaknep mit kerek hir nises menmen enum hi epei hetpiyem. ⁷Yi ap eiyses eiwir ke menmen enum hir niriakem eiyyantar God kaknip. ⁸†Nipaa yi yar ke mit ne witaan yeke ti yen, te in ek yi kerek yi mit miyapir ne Mitik Iuwe Kraiss. Yi yar ke mit miyapir neke ti ne wepni (o yanm), te yi eiyses menmen yaaim keremem. ⁹Menmen yaaim mit nisesim, hiram mire wepni (o yanm) kir, hiram meteikin mekam yaaim, mekam hiram mises him me God, mekam hiram him yaaim. ¹⁰††Yi han ekitet mekam yi eiysesim hiram mamriak Mitik Iuwe God han yaaik. ¹¹††Yi ap eiyses menmen enum mire witaan toto mit enun niriakem. Au, yi eiwepyapir mit in em, yi eiyyipor menmen hir nisesim hiram enum. ¹²Menmen enum mit niriakem nepakinem, hi yink enuk te hi ap etpiyem au emit! ¹³†††Yi yewepyapir menmen yapirwe mit enun niriakem, hir nanirtei hiram yaaim o enum. Im em hiram mire wepni (o yanm) kir te mit nanir menmen. Yi yewepyapir menmen enum, hiram au mami. Im em hiram mire mitik kiman si kekere winak, menmen me toto hiram mami, si mir mepu keremem. ¹⁴†††Mar keremem te him me God mau tiwei matip mar im:

“Ti mitik kerek ti haa hiwaai, ti pike ekrit, te Kraiss kaknen kaku han kit. Hirak kire wepni (o yanm) kir kenep ein ein.”

¹⁵Te yi naanempre hiras me menmen yi yiriakem. Yi ap eiriak menmen mire mit hir nepitari menmen. Au, yi eiriakem emir ke mit hir nertei menmen yapirwe.

¹⁶§Wi im hiram enum, mit hir niriak enum, te yi naanempre wi miutip miutip te yi eitip mit him yaaim me God te mit nanirteiyek. ¹⁷§†Te yi ap eiyses menmen enum au emit! Yi eiyses menmen Mitik Iuwe God hanhan yi eiysesim.

¹⁸§††Yi ap eiym tipar si enum te yi yetaritari eiriak menmen enum. Au, yi eiwis God Himin Yaaik eku ekikre han ki akinini naanmamri me menmen yi yairiakem. ¹⁹§†Yi yetike ni yinan yi eitipan him me God, yi eiyyine henye me God. Yi eiyyine henye, yi eiwenipi niuk me Mitik Iuwe God eiriuwe him mi, yi eiriam tukin, wekinp, heurek, menmeiyam te yi han yaaik iuwe eiriuerem. ²⁰§††Menmen yapirwe kerek mamnen, hekrit hekrit yi eiwenipi niuk me God Haai kaiu

mentar Mitik Iuwe kaiu Jisas Kraiss kerek nipaa kekepai keriyei haiu men God.

Pol katip him men mit miyapir hir neitan

²¹§†Yi eiymtewan him me ni yinan yi eiysesim eiyyantar yi yises Kraiss, yi yewenipi niuk mirak.

²²§†Yi miyapir yeit mikan ni, yi yemtau him me mikan ni yar ke yi yemtau him me Mitik Iuwe Kraiss. ²³§††Yi yiriak menmen im eiyyantar mikan ni hir ninini naanempri nar ke Kraiss hirak kinin naanmipre mit miyapir hir nisesik. Hirak kaa, te pike kakithis haiu mit, hirak kire paan, haiu au haiu mire yink. ²⁴Yi miyapir yayimtau him me mikan ni yayisesim me menmen yapirwe yar ke haiu mit miyapir ne weiwik me God haiu memtau him me Kraiss haiu misesim.

²⁵§§†Yi mit epei yeit miyapir yi hanhani yar ke Kraiss hanhan haiu mit ne weiwik me God. Hirak kaa te kakikepai kaktaihis, ²⁶§§†te hirak kenip haiu mit haiu yaain mentar haiu mises him mirak, te mit han nikirai neriuwe tipar. ²⁷††Hirak kiriakem, te hirak kenip haiu mit ne weiwik miutip me God han kaiu hirak yaaik iuwe kire mit ap wikes o warep mewi au. Haiu yaain mar ke mite yaaip wetpen enu, Kraiss kaktaihis. ²⁸Kar ke Kraiss hanhan haiu mit miyapir, te yi mit hanhan miyapir ni. Yi hanhani yar ke yi hanhan yink ki. Mit kerek hanhan miyapir nir hiram mar ke hir hanhan hiras. ²⁹Mitik kei kiutip ap kinaain yink kirak kakuwaankek au. Hirak naanmiprewek kakwetiwek menmen, te hirak kaku werek werek kar ke Kraiss naanmipre haiu mit ne weiwik me God. ³⁰††Hirak naanmiprai haiu mit kentar haiu mire yink kirak. ³¹††Kraiss ketike haiu mit ne weiwik me God, haiu mau yink kiutip, mentar him me God mau tiwei matip mar im:

“Mitik keimin kakit mite, hirak kaknaaiwir miye haai, hirak kaktike mite pirak nanu niutip, hir nire yink kiutip.” ³²††Him im yaaim, hi han kitet hiram matip me Kraiss ketike haiu mit ne weiwik miutip me God. ³³Te hiram wen matip yi mit niutip niutip hanhan miyapir ni yar ke yi hanhan hiras. Miyapir yi eiwenipi niuk me mikan ni.

Pol katip him me miye haai netike nikerek nir

6 ²²Yi nikerek yi eiymtau him me miye haai ni yentar God kehimiteni hir ninini naanmipri. Im em hiram yaaim. ²††Him me God mau tiwei matip mar im: “Yi eiymtau him me miye haai ni eiyyantar hiram keremem me him me God minin matip menmen yaaim God kakriak haiu mit em.” ³Hiram matip mar im: “Yi eiysesim, yi eiyyu werek werek eiyyu ti tito yapirwe.”

⁴††Yi miye haai, yi ap eine nikerek ni eiyyipor enum enum yari han kir ere hir nine han enuk nemtaantiwo

† 5:5 1Ko 6:9-10; Kl 3:5 †† 5:6 Kl 2:4, 8; Ro 1:18 † 5:8 Ef 2:11, 13; Kl 1:13; 1Pi 2:9; Jo 12:36 †† 5:10 Ro 12:2 †† 5:11 2Jo 10-11 ††† 5:13 Jo 3:20-21 ††† 5:14 Ais 26:19, 60:1; Ro 13:11 § 5:16 Kl 4:5 §† 5:17 Ro 12:2; Kl 1:9 §†† 5:18 Lu 21:34 §† 5:19 Kl 3:16; Sam 33:2-3 §†† 5:20 Kl 3:17

§† 5:21 1Pi 5:5 §† 5:22 Jen 3:16; Kl 3:18; 1Pi 3:1 §†† 5:23 1Ko 11:3; Ef 1:22 §§† 5:25 Kl 3:19; 1Pi 3:7; Ga 1:4 §§§ 5:26 Ta 3:5; Hi 10:10 18 5:27 2Ko 11:2; Kl 1:22 19 5:30 1Ko 6:15; Ef 1:22-23 20 5:31 Jen 2:24; Mt 19:5 21 5:32 Rev 19:7 22 6:1 Kl 3:20 23 6:2 Eks 20:12; Mt 15:4 24 6:4 Kl 3:21; Diu 6:7, 20-25; Sam 78:4; Pro 22:6

neriuwi au emit! Au, yi eineri eiteiknor menmen God hanhan yi yapirwe yi eiriakem.

Pol katip him me mit hir niriak menmen me mit nir iuwe kerek ninini naanmipri

⁵†Yi wok mit kerek yi yiriak menmen me mit iuwe ni, yi eiyises him me mit hir ninini naanmipri yeit ti ik. Yi naanempre hiras te yi yerekyor yaa'im yar ke yi yiriak menmen me Krai. ⁶Yi ap eiriak menmen yaa'im te mit nantipare yi yaain keriyen au emit! Hekrit hekrit yi eiriak menmen eyir ke mit hir nises Krai enriakem, yi eiyises menmen God hanhan yi eiriakem eiriuwe han ki. ⁷Yi han yaaik eiriak menmen eyintar yi yiriak menmen me mit keriyen au. Yi yiriak menmen me God. ⁸††Yi yertei neimin hir wok mit hir niriak menmen me mit han, o neimin hir mit iuwe ninin naanmipre mit han, hir yapirwe nanriak yaa'im, te hir nanit menmen mipiram me his me Mitik Iuwe Krai.

⁹†Yi mit iuwe kerek yinin naanmipre mit weinin, yi eiriak menmen yaa'im me mit ni. Yi ap eyitpor enum eineri, te hir enineini enisesi au emit! Mitik Iuwe Krai kepeit wit ke God, hirak kinini yetike mit ni naanmipri. Maain wi God hirak skelim mit, hirak ap han kitet ke mitik hirak iuwe o hirak weinik au. Hirak han kitet menmen mit niriakem mipiram.

Mit nises him me God hir nar ke mit ne ami hir netike Seten nenapan

¹⁰††Hi etpi him im mikaru. Yi eiyu han tokik eiyiriuwe menmen iuwe manpenum ke Mitik Iuwe Krai hirak keweteiyem. ¹¹††Yi eiwapin han ki eiriuwe menmen iuwe God keweteiyem, hiram mar ke nopen kiwapin yink ki, te yi han tokik eiyu eiriuwe menmen enum me memipin Seten kakri han ki kakriwerem. ¹²†††Haiu ap menapan metike mit au. Haiu menapan metike tipir enum mau nepni, Seten, tipir, herwe, teket maam, manmin o menmei ham hiram minin naanmipre menmen enum me ti. ¹³Te yi eyit menmen me God mamkepi hiram mar ke nopen, yipo henmik menmeiyam. Te maain wi enum mamnen yi eitike Seten yi einapan, yi yenapan epei au, yi wen eyirp eiyu werek werek.

¹⁴†††Yi eiyu eyit menmen mamkepi. Yi eiriuwet him yaa'im mamu mamikre han ki eyir ke mit ne ami newis waai mau tu kir. Yi yiriak menmen yaa'im hiram mar ke yi eiremink tanik mau han pank.

¹⁵††Yi eitip mit him yaa'im me God hirak hanhan kak-tike mit nankiyan nanu nanit, hiram mar ke yurik mit nemtin mau nopen hiram miwapin hit mi te mit hir nir hit mi newir yipo nanmip au hir nanimtenim. ¹⁶Yi eiriak menmen im hi epei hetpim, yi wen han ekitet Jisas Krai eiyisesik, te hiram mar ke nopen hirak keseuni menmen enum tikaap, tinau, henmik o yipo te hiram mamiwep yi mit au. Yi han ekitetik eiyisesik. Menmen im mamkepi te Seten kakwir menmen enum mirak mire si mamnep han ki kariwerem au. Hiram mamtinpin mamno mami mamit. ¹⁷†††God keriuwet Jisas kaa, te kakithis haiu mit. Yi han ekitet menmen im, te hiram mamkepi mamre wa hesnu mit nemiun mau paan. Yi eiyises him me God hiram mamir ke hine me his God Himin Yaaik keweteiyem. ¹⁸††††God Himin Yaaik hirak kakikepi te hekrit hekrit yi eyitehi God menmen, yi eiwenipi niuk mirak. Hekrit hekrit yi naanmamre hiras, yi ap eiyu yain yain au emit! Yi eyitehi God kakikaap mit miyapir nirak. ¹⁹††††Yi eyitehi God ke hi, te hirak kakweto him, hi ap yink enuk au, hi ehirp hatip mit him yaa'im me Krai nipaa God kepakinem. ²⁰†††††Hi mitik hatip mit him yaa'im. Te hi hepu winak enuk ke gavman henterim. Yi eyitehi God kakikepa hi ap hinaain hatip mit him mirak au. Hi tewen ehitpor menmen har ke nipaa hi hiriakem.

Pol katip him mikaru

²¹†††††Tikikas, kiau yinak yaaik kaknen kakitpi menmen yapirwe nepei man hi. Hirak mitik yaaik kiriak menmen me Mitik Iuwe Krai. ²²Hi heriuwetek kaknen yi mit kakitpi menmen, te yi eyirtei haiu mepu werek werek, te yi han yaaik eiyu.

²³Hi hanhan God Haai ketike Mitik Iuwe Jisas Krai hanhani tatrekyi yi eiyu werek werek yi eiyisesik. ²⁴†††††Hi hanhan God kakriak menmen yaa'im me mit miyapir yapirwe hir hanhan Mitik Iuwe kiau Jisas Krai, hir nisesik nemtau him mirak werek werek.

Mepir keremem

† 6:5 Kl 3:22-23; Ta 2:9-10; 1Pi 2:18 †† 6:8 2Ko 5:10; Kl 3:24-25 † 6:9 Kl 4:1; Ro 2:11 †† 6:10 1Ko 16:13 †† 6:11 Ro 13:12; 2Ko 10:4; Ef 4:14 ††† 6:12 Jo 14:30; 1Pi 5:8-9

††† 6:14 Ais 11:5; 59:17; 1Te 5:8 § 6:15 Ais 40:9; Nea 1:15; Ro 10:15 †† 6:17 1Te 5:8; Ais 49:2; Hi 4:12 ††† 6:18 Lu 18:1; Kl 4:2; 1Te 5:17 †† 6:19 Ap 4:29; Kl 4:3-4; 2Te 3:1 ††† 6:20 2Ko 5:20; Fm 9 †† 6:21 Ap 20:4; Kl 4:7-8; 2Ti 4:12 †† 6:24 1Pi 1:8

FILIPAI

Menmen me tiwei ik

Pol katip hirak kitehi God ke mit me wit Filipai

r 1:1-11

r*

Menmen epei man mewaank Pol

r 1:12-26

r*

Menmen mit nanisesim nentar hir ne Krai

r 1:27-2:18

r*

Pol kewepyapir menmen Timoti ketike Epafrodaitas tiriakem

r 2:19-30

r*

Pol katip mit hir naanmipre hiras me mit enun netike menmen enum

r 3:1-4:9

r*

Him me Pol ketike nirak yinan neit wit Filipai

r 4:10-20

r*

Pol katip mit ne Filipai him mikaru

r 4:21-23

r*

Tiwei Pol kewisik ken mit ne Filipai

1 †Hi Pol hetike Timoti hawir wiriak menmen iuwe me Jisas Krai kerek. Hawir wesiuwe tiwei ik ken yi mit kerek yinin naanmipre mit miyapir ne weiwik me God yetike yi mit yekepi yeit wit Filipai, yi yetike mit yapirwe ein kerek yi yises him me Krai Jisas. ² ††Hawir hanhan God Haai kai ketike Nikan kirak Mitik Iuwe Jisas Krai hirakit tatrekyi yaaim, yi eiyu werek werek.

Pol kitehi God kakikaap mit yapirwe nankine tiwei ik

³ †Hi hatip God hirak yaaik kentar hi han kitet hirak kerek yi yaain te yi mit epei yiriak menmen yaaim. ⁴ Wi ham hi hitehi God menmen hi han yaaik hitiwekhi me yi mit yapirwe ⁵ hentar yi yekepa haiu matip mit miyapir him me God, nipaa yi yinin yemtewem ere in. ⁶ ††Hi hertei menmen im werek werek. God kerek ni-paa kerek yi yisesik hirak kakikepi yi yeipisesik werek werek ere maain wi Jisas Krai pike kaknen kak-wepyapir hirekes. ⁷ Hi hanhan yi mit yekre han kai. Im

yaaim mentar God epei kirak yaaim kikaap haiu mit nipaa wi hi hepu hekre winak enuk ke gavman o wi hi hepu witeik, hi hewepyapir him me God hi hari han ke mit te hir nisesik heriuwe menmen hi hiriakem. ⁸ ††God hirak kertei hi hanhan iuwe me yi mit yapirwe har ke Jisas Krai hanhan yi mit.

⁹ Hi hitehi God te yi mit han teweninan wisenum, yi eiyirtei menmen me God werek werek, yi eiyirtei mekam yaaim mekam au enum, ¹⁰ ††te yi eiyises menmen yaaim iuwe te menmen enum ap mamu mamikre han ki au me wi Krai pike kaknen. ¹¹ †††Te in ek Jisas Krai kakrek yi han ki yaaik kau him keriuwe menmen yaaim, yi eiriak menmen yaaim te God kakit niuk iuwe kakinterim.

Pol kepu winak enuk, menmen im mikaap him me God mamno heriyai heriyai

¹² †Nai yinan, hi hanhan te yi eiyirtei menmen im epei man merewaank hiram man mewaank him me God au. ¹³ ††Hiram men mikaap mit ne ami ne gavman

† 1:1 Ap 16:12-40 †† 1:2 Ro 1:7; Ga 1:3; Fl 3 † 1:3 Ro 1:8; 1Ko 1:4 †† 1:6 1Ko 1:8; Fl 2:13

‡ 1:8 Ro 1:9; 2Ko 1:23 ††† 1:10 Hi 5:14; Fl 2:16; 1Te 5:23 ††† 1:11 Jo 15:8 § 1:12 2Ti 2:9 §† 1:13 Ap 28:30; Ef 3:1

netike mit nau menep menep hir nertei hi hepu hekre winak enuk ke gavman ik e hentar hi hises him me Krai. ¹⁴ Nai yinan in yapirwe hir ap ninaain te hir natip mit him me God wisenum nentar hir nira hi hepu winak enuk ke gavman ik ek. Hir han kitet Mitik Iuwe Krai kakikepi.

¹⁵ Mit han natip mit miyapir him me Krai nentar hir hanhan nanri mit nanises him mir te hir nanwenipi niuk mir. Mit han newepyapir him me Krai nentar hir yaain hir hanhan niriakem nankepa. ¹⁶ Mit han yaain hir niriakem nentar hir hanhan neriuwa. Hir nertei God kehimitena hi naanmipre him mirak hewepyapirem heit in. ¹⁷ Mit han newepyapir him me Krai nentar hir hanhan neriuwa au. Hir han kitet hir nenipau hi yink enuk han enuk hentar hi hepu winak enuk ik ek hir nari mit yapirwe hir nanisesi, te hi au. ¹⁸ Hiram emirem! Hi han yaaik heriuwerem hentar mit hir newepyapir him me Krai me han kir yaaik o han kir enuk. Hi han yaaik ehu entar hi hertei.

Hi hepu ti ik, hi hewenipi niuk me Krai

¹⁹ †God himin yaaik kerek Krai epei keriuwetek kan kakikepa kakwisa hi eno witeik entar yi yitehi God kakikepa.

²⁰ ††Hi han kitet hi ap epakin him me God te hi yink enuk eriuwe hirekes hentarim te hi han tokik ehu hi hatip mit him mirak har ke nipaa ein ere in hi hewepyapirem. Hi ehu o maain mit ne ami naniyep hi hahi, hi hanhan mit nantip Krai hirak yaaik nanintar menmen hi hiriakem. ²¹ †Hi ehu te hi ehises Krai. Hi au hahi te hi ehit menmen yaaim im e: Hi ehu etikerek. ²² ††Hi hahi o ehu, te maain menmen hi hiriakem mamkaap mit nanises Krai. Hi hepitari mekam minin. Hi hahi o hi ehu. ²³ ††Hi han kai kekrit kekrit. Hi hanhan te hi hahi te hi ehu etike Krai. Hiram yaaim iuwe. ²⁴ Au, hi ami ehu te hi ekepi. Hiram minin. Hi han kitet hi hahi au ehu te hi ekepi yi eiyses him me God werek werek yi han yaaik eiyu eiyintar hi wen hepu. ²⁶ Maain hi enen ehu etikewi yi han yaaik yeriuwa wisenum te yi eiwenipi niuk me Krai.

Mit ne Filipai netike Pol hir nekiyan nanises him me Krai

²⁷ ††Mekam mamnen yi han kitet menmen im. Yi eiriak menmen yaaim mar ke mit hir nises him me God te maain hi ari o au, hi tewen ehimtau him yaaim mit nanitpim me yi mit, yi eikiyan eiyu han kiutip. ²⁸ Yi ap einaain eiriuwe mit enun nerekyi enum au emit! Yi eiyirp eitip mit him yaaim me God keremem, te menmen im meteiknor maain God hirak kakiwaanki, te meteikni yi au maain God kaktihis yi eiyu werek werek. ²⁹ God kewisi yi yises him me Krai weinim keremem au. God kewis mit enun hir nerekyi enum nentar yi yisesik. ³⁰ †††Yi yetikewa haiu mekiyan mit hir nanwep

† 1:19 2Ko 1:11 †† 1:20 1Pi 4:16 † 1:21 Ga 2:20 †† 1:22 Ro 1:13 †† 1:23 2Ko 5:8 ††† 1:27 Ef 4:1; 1Te 2:12; Fl 4:3 ††† 1:30 Ap 16:19-40; Fl 1:13

nanraiwaank nar ke nipaa ere in yi yertei hir neiyep nerewaank.

Haiu mewenin han kai han ekitet mit hir nises him me God

² Yi han ki kepu tokik kentar yi yises him me Krai. Yi han yaaik yepu yentar Krai hirak han tewenini. Yi yetike God Himin Yaaik yi yau han kiutip, yi han ekitet mit yi han etwenini. ² Menmen im epei mau han ki te yi einipa te hi han yaaik iuwe. Yi eikiyan eiyu han ekitet menmen miutip, yi han tewenin mit netike God. Yi eiyu han kiutip kerekek. ³ †Yi ap han ekitetan me yi hiras keriyen au. Yi han ekitet mit han menmen hir han kitetim. ⁴ ††Yi ap eiriak menmen te mit nantip nanwenipi yi iuwe au emit! Yi eiwenin han ki yi han ekitet mit hir ninini hir yaain.

Krai kinaaiwir menmen mirak yaaim kekepai te God kewenipiyek hirak Iuwe

⁵ Yi han ekitet menmen yar ke Krai nipaa hirak han kitetim. Hiram im: ⁶ †††Hirak kertei hirak kipre God te hirak ap hanhan kaku kakir ke hirak. Au, ⁷ ††hirak keweikin sip kewetiwem hirak hirekes keweikin his kire mitik weinik Maria winaak, hirak kepir ke haiu mit. ⁸ †††Hirak keweikin his kar ke mitik weinik, hirak kewenin han kirak kises him me God. God katip hirak eki ekikaap haiu mit, te hirak kises him mirak hirak yink kekek hirak kaa kentar nu tentarakit. ⁹ ††Hirak kaa kentar nu tentarakit kire mitik enuk, te God katip hirak enuk au. Hirak kewenipiyek katip hirak yaaik wisenuk. ¹⁰ ††Hirak Mitik Iuwe kinin menmen yapirwe. Hirak yaaik wisenuk te neimin neit wit ke God o nepu ti in o mit epei naa niwaai ti o tipir, hir nanimtau God kekine niuk me Jisas, hir yapirwe nanineinik nanwen ninip nantip nanir ik: ¹¹ ††††Hirak Yaaik au Iuwe," hir nanwenipi God Haai hirak iuwe kakintar menmen im me Krai.

Haiu mamre si mamteikin mit yayiwe ke witaan, haiu emteiknor yayiwe ke God

¹² †††Nai yinan nipaa hi hepu hetikewi yi yemtau him mai yi yisesim. In ek hi hepu hetikewi au hi heit yanimin. Yi eiysisisa eiyir ke nipaa ein yi yisisa te in ek yi eiyses him mai wisenum. Yi eiyses menmen nipaa God kerekijem te maain hirak kaktihis. Yi einaain eipirpir te yi ap einipek yink enuk ekiriuiwi. ¹³ ††††Yi eiriakem eiyintar God hekrit hekrit kiriak han ki te yi hanhan eiyses menmen hirak hanhan yi eiysesim. ¹⁴ Menmen yapirwe yi yiriakem yi ap yenehan yenapan yeriuwerem au emit! Yi eiriakem keremem. ¹⁵ †††Yi eiriakem mamir im te yi ap eiriak menmen enum au yi eiyu yaain. Yi yaire nikerek ne God yi yaain yar ke

§ 2:3 Ga 5:26; Ro 12:10 †† 2:4 1Ko 10:24, 33 ††† 2:6 Jo 1:1-2, 17:5 †† 2:7 2Ko 8:9; Jo 1:14; Ro 8:3 ††† 2:8 Jo 10:17; Hi 5:8, 12:2 †† 2:9 Ap 2:33; Ef 1:20-21; Hi 1:3-4 †† 2:10 Ro 14:11 ††† 2:11 Ro 10:9 ††† 2:12 Sam 2:11; 1Pi 1:17 ††† 2:13 Jo 15:5; 1Ko 12:6, 15:10; 2Ko 3:5; 1Te 2:13 18 2:15 Dan 12:3; Mt 5:14, 10:16; Ap 2:40

si me witaan mir, yi yau nimin ke mit hir niriak enum enum, ¹⁶†yi eiyitpor him yaaim me God mamkaap mit hir nanu werek. Yi eiriak menmen im te maain Jisas pike kaknen hi han yaaik entar hi hertei menmen hi herekyiyem hiram weinim au.

¹⁷††Yi yises him me God hiram mar ke yi yewepwar yewis menmen mau kinan yewet God em. Maain hir mit naniyep hi hahi hemkre mamwen hiram mire mit neit tipar naam nerpaasem neiyim nenke menmen. Hemkre mai mamwen hiram mamkepi yi eiyises God werek werek, te hi han yaaik wisenuk. ¹⁸‡Menmen im mamnen te yi han yaaik eitikewa eiyir ke hi han yaaik.

Pol ketpor ke Timoti

¹⁹ Hi hanhan Mitik Iuwe Jisas kakwisa hi eriuwet Timoti kaknen kakir yi mit te maain Timoti pike kaknen kakitpo hi ertei yi yepu werek yises God, te hi han yaaik eriuwi. ²⁰ Hi ap mitik kei yaaik kipir ke Timoti. Hirak kipra te hirak hanhan kakikaap yi mit eiyu werek werek. Hirak kiutip kerekek. ²¹‡Mit han hir enun han kitet hiras. Hir ninapen naanmipre menmen me Jisas Krai mit nisesim. ²² Te yi yertei Timoti au. Hirak mitik yaaik han kitet hirekes au han kitet yi mit. Hirak kekepa hawir wewepyapir him me God kepir ke nikan kikaap haai kirak. ²³ Maain hi ertei mekam mamnen hir nerekyewem te hi hare esiuwe Timoti kaknen yi mit. ²⁴ Hi han kitet Mitik Iuwe God kakikepa hi eno witeik waswas te hi hetike Timoti hawir waunen wauri.

Pol katip him me Epafrodaitas

²⁵‡†Hi han kitet hi eriuwet Epafrodaitas kaknen yi mit hirak kai yinak ki yinak, hirak ketikewa hawir wiriak menmen miutip me God war ke mit ne ami niriakem. Nipaa yi yeriuwetek kan kekepa me menmen. ²⁶ Hirak hanhan kakir yi mit kentar yi yemtau hirak kinap te hirak kinapen yi hanhanek hirak kinap. ²⁷ Nipaa menep hirak kaa te God han teweninek kekepik hirak kaa au kepu. Hirak han teweninek kerekek au. Hirak han tewenina ap kenipek kaa te menmen im ap merewaank han kai, hi wen hau hekre winak enuk. ²⁸ Te hi heriuwetek waswas kakno kakri yi mit te yi eiyirek yi han yaaik eiriuwerek. Yi han yaaik eiyu te hi han yaaik eriuwi. ²⁹‡†Hirak kakiun wit yi yayirek yi han yaaik eiriuwe Mitik Iuwe hirak kewisik ap kaa au. Mitik kar mitik ik ek yi han ekitet hirak iuwe eiyintar ³⁰ hirak ap hanhan hirak hirekes kaku au. Hirak han kitet menmen me Krai, hirak menep kaki, hirak kekrehir ki hirak kekepa wisenum te hirak kinap.

Keimin kises him me Jisas Krai hirak mitik yaaik

3 ‡†Nai yinan him im mikaru hi hetpiyem. Yi han yaaik eiyu eiriuwe Mitik Iuwe. Menmen nipaa hi hewisiyem, in ek hi hewisiyem heteipim. Hi ap hinapen

hewisim heteipim. Hi hewisim mamkepi te yi eiyu werek werek.

²‡Yi naanmamre hiras me mit ein hir enun nire nepere me yaank, hir nanri han ki te yi eiyises menmen me nipaa ein me Moses. Yi naanmamre hiras me mit in hir natip yi eirekir yink ki. ³‡†Haiu mit in haiu keriyen mire mit God kehimitenai haiu mit nirak mentar haiu mewenipi God meriuwe Himin Yaaik kirak, haiu matip Krai Jisas hirak Yaaik haiu misesik. Haiu ap han kitet haiu merekir yink kaiu hirak kakikepai haiu mamit himin yaaik haiu mamu mamtike God taau.

⁴‡†Hi hanhan te hi hises menmen me mit hir nerekir yink hi hisesim te hi au hinapen. Mit han hir han kitet hir nerekir yink te menmen im mamkepi hir nanu werek, hi hertei nipaa hi hinini me menmen im. ⁵‡†Nipaa hi hemkretuk hi hepu wi hispinak wikak (8), mit nerekir yink kai. Miye wina hi mitik ke Isrel ke weiwik me maam kai Bensamin. Hi Hibru hi ke weiwik me Abraham kerekek. Hi epei hises him me God werek werek hentar hi hises him me mit ne Farisi. ⁶‡†Hi han kitet hi hiriak menmen iuwe me God te hi hewaank mit miyapir kerek nises him me Krai hir ne weiwik me God. Mit kerek hir ninina natip hi hises him me Moses werek o au, hir natip hi yaaik, menmen enum au.

⁷‡†Nipaa hi han kitet hiram menmen iuwe te in ek hi han kitet hiram menmen weinim te hi hises Jisas Krai hirak kakikepa hahu werek werek. ⁸ Hi han kitet menmen im nipaa hi hisesim hiram weinim keremem au. Menmen yapirwe hi han kitetim hiram weinim mentar hi hertei hi hises Krai te menmen mirak minin menmen yapirwe me nipaa mamkaap mit nanu nantike God. Hi epei heweikin sip ewet menmen yapirwe marim hi han kitet hiram mire menmen enum meit teipe wenut eim te hi ehises Krai werek werek. ⁹‡†In ek hi ap hiriak menmen iuwe hises menmen me him me Moses werek werek te God katip hi mitik yaaik au. God katip hi yaaik hentar hi hemtau him me Krai hi mitik ke weiwik mirak. God kewetai menmen yaaim mekre han kaiu kentar haiu mises him me Krai keremem. ¹⁰‡†Hi hanhan menmen im. Hi hanhan hertei Jisas Krai werek werek ketike menmen iuwe mirak nipaa hirak ketiwem wi hirak kinaaiwir herwe hei hirak kekrit kepu. Hi hanhan menmen nipaa menep Krai hiram mamiyep mamkaap han kai kaki ke menmen enum me ti kakir ke wi nipaa hirak kaa kentar nu tentarakit. ¹¹‡†Hi hiriak menmen im te maain, hi hahi, hirak kakikoya hi pike ekrit ehu ekiterek.

Pol hanhan hirak kakre mitik yaaik kakir ke Jisas

¹²‡†Hi ap hatip hi epei hises menmen im me Krai werek werek o hi epei mitik yaaik. Au, hi wen hisesim te hi har ke Krai hentar hirak epei kehimitena hi mitik kirak. ¹³‡†Nai yinan hi ap han kitet hi epei yaaik hepir

† 2:16 Fl 1:10; 1Te 2:19; Ais 49:4; Ga 2:2 †† 2:17 Ro 15:16; 2Ti 4:6 ‡ 2:18 Fl 3:1, 4:4 †† 2:21 2Ti 4:10 ‡‡ 2:25 Fl 4:18 ††† 2:29 1Ko 16:16, 18; 1Ti 5:17 ‡‡‡ 3:1 Fl 4:4

§ 3:2 Sam 22:16, 20; Rev 22:15 ‡† 3:3 Ro 2:29 ‡†† 3:4 2Ko 11:18, 21 ‡‡ 3:5 Lu 1:59; Ro 11:1; 2Ko 11:22; Ap 23:6 ‡‡† 3:6 Ap 8:3 ‡† 3:7 Mt 13:44, 46 ‡‡ 3:9 Ro 3:21-22 ‡‡† 3:10 Ro 6:3-5, 8:17; Ga 6:17 ‡‡‡ 3:11 Ap 4:2; Rev 20:5-6 ‡‡‡‡ 3:12 1Ti 6:12, 19; Ap 9:5-6 18 3:13-14 1Ko 9:24

ke hirak. Au, hi hiriak menmen im: Hi heweikin sip ewet menmen me nipaa ein, h hire mitik kesiuknen resis kakit menmen, hi hises menmen me God iuwe te maain hi ehit menmen hirak kehimitan haiu mit em. Hiram menmen im em: God keninau keriuwe menmen Krai Jisas epei kiriakem te hi ano ehu etikerek.

¹⁵ †Haiu mit haiu mire iuwe me menmen me God haiu mau han kiutip me him hi epei etpiyem. Yi mit han ne yi mit ein yi han kitet menmen ham te God kakteikni hiram enum yi ap eiyisesim au. ¹⁶ ††Yi ap han ekitet menmen im yapirwe emit! Menmen me God nipaa haiu misesim, yi yetikewai haiu wen mamisesim wisenum te haiu mamre yaain mamir ke Krai.

¹⁷ †Nai yinan yi wen eiyises menmen hi hiriakem. Yi eiyihimitan mit hir nises menmen nipaa yi yir haiu mit in haiu misesim meteikniyem, te yi yises menmen mir. ¹⁸ ††Nipaa wi yapirwe hi hetpi te in ek hi menep hi hikiti hi hetpiyem heteipim. Mit han nare nises Krai te hir neriuwe menmen enum hir niriakem neteiknai hir nisesik au, hir nemipin. Hir nire mit enun nepan ne Krai. ¹⁹ ††Mit narik naniwaank hiras hir nanino si takikneni nanintar hir nises han ke yink kir keremem, God au. Hir han yaaik newepyapir menmen enum hir niriakem menip mit hir yink enuk neriuwerem. Hir han kitet menmen me ti keremem. Yi ap eiyises menmen mir au emit! ²⁰ †††Haiu mit ne ti ik e au, haiu mit ne wit ke God, haiu memerir Mitik Iuwe kiau Jisas Krai hirak kaknaaiwir wit ke God kaknen kaktaihis. ²¹ †††Hirak kaknen kaktaihis, hirak kakikrehir yink kiau maain kaki, hirak kaknipek kakweikinhis kakre yink kirak yaaik iuwe kakriuwe menmen iuwe mirak hiram werek te mamnin menmen yapirwe te hirak naanmamprewem.

Yi mit han yaaik eiyu yi han kiutip eiyu han ekitet menmen yaaim

4 [†]Te nai yinan yi han tokik eiyu eiyintar menmen hi epei hetpiyem. Hi han tewenina hi hanhan pike enen eri, hi han yaaik heriuwi hi ewenipi yi mit. Mit han nanir menmen yi yiriakem, hir natip hiram menmen yaaim hi heteikniyem.

² Yuodia hi hetput him manp. Sintiki hi hetput him manp. Yi miyapir wik yi eikiyan eiyu han kiutip eiyises Mitik Iuwe Krai. ³ †Hi hituthi ti mitik yaaik kerek nipaa hetikewa wiriak menmen miutip, ti akaap miyapir wik enu han kiutip nentar hir nekiyan nekepa natip mit miyapir him me God, hir netike Klemen. Mit miyapir han ne yi mit ein yi yetikeri yekepa te God hirak kertei niuk mi mekre han kirak yi nikerek nirak.

⁴ ††Yi han yaaik eiyu eiriuwe Mitik Iuwe Krai. Hi hetpiyem heteipim: Yi han yaaik eiyu.

⁵ ††Yi eiwis mit yapirwe hir enirtei yi mit ap yises han ki ke menmen yapirwe au. Yi yemtau him me mit han yentar Mitik Iuwe Krai kau menep, hirak kau ketikewi.

† 3:15 1Ko 2:6 †† 3:16 Ga 6:16 † 3:17 1Ko 4:16; 1Te 1:7; 1Pi 5:3 †† 3:18 1Ko 1:23; Ga 6:12 †† 3:19 Ro 16:18, 8:5-6 ††† 3:20 Ef 2:6, 19 †††† 3:21 Ro 8:29; 1Ko 15:28, 43-53 † 4:1 1Te 2:19-20 †† 4:3 Sam 69:28; Lu 10:20; Rev 20:12 ††† 4:4 Fl 3:1 †† 4:5 Hi 10:25, 37; Je 5:8-9

⁶ ††Yi ap yinaain han kitet menmen yapirwe au emit! Yi han yaaik eiriuwe God yi eiyitiwekhi me menmen yi yinaain han kitetim, ⁷ ††te God kakikepi kakriuwe menmen mirak haiu ap merteiyem hirak naanmampri kaknipi yi mit yi han yaaik eiyu yi han ekitet menmen werek werek eiyintar menmen Krai epei kiriakem.

⁸ ††Him im mikaru hi ehitpiyem. Yi han ekitet yapirwe menmen hiram ap me memipin au hiram yaaim, menmen mit han kitet hiram yaaim. Yi han ekitet menmen hiram menip God ketike mit hir han yaaik, hiram yaaim te hir mit hanhan nanisesim. Mekam hiram yaaim mire menmen im yi han kitetim keremem.

⁹ †††Menmen hi epei hetpiyem yi yira hi hisesim, yi eiyisesim te God kerek hirak kaknipi yi han yaaik eiyu, hirak kaku kaktikewi kakikre han ki.

Pol han yaaik keriuwe mit ne Filipai kentar hir newetiwek menmen mekepik

¹⁰ Hi han yaaik iuwe heriuwe Mitik Iuwe Krai hentar nipaa yi han tewenina yekepa. Nepei ein ere in yi han tewenina te yi ap yekepa au. In ek yi yekepa yeweto menmen. ¹¹ †††Hi ap hetpiyem hentar hi ap hetenen menmen au. Hi epei hertei mekam mamnen hi ap hanhan menmen emit. Hi ehu han yaaik heriuwerem. ¹² Hi hertei hepu har ke mitik ketenen menmen aurek, hi hepu har ke mitik ketenen menmen yapirwe. Hi epei hertei werek te wi mekam o wit mekam hi hau en, hi nainpi meiyu o hi tu iuwe, hi han yaaik ehu. ¹³ †††Hi werek te hi hiriak menmen yapirwe hi epei hetpiyem heriuwe menmen iuwe Krai kewetewem kewisim mekre han kai.

¹⁴ Yi yerekyo yaaim yi yekepa yeweto menmen yaaim me wi menmen enum epei man mewa. ¹⁵ ¹⁸ Nipaa me wi hi hinaaiwir provins Masedonia hewepyapir him me God yi mit ne wit Filipai keriyen yi yeweto menmen yi yire mit nirak yinan newetiwek menmen, hirak kewetir menmen. Mit nerer wit wit nekepa au. Yi keriyen. ¹⁶ Nipaa hi hepeit wit Tesalonaika yi yekepa yeriuwet menmen yi pike yeriuwetem yeteipim yekepa. ¹⁷ Hi ap hanhan menmen me yi mit yeriuwetewem au. Hi hanhan God kakweti menmen yaaim mentar menmen yi yerekyewem. ¹⁸ ¹⁹ Hi epei heit menmen yapirwe minin menmen hi hanhanem. Epafrodaitas keteninem yi yeriuwetek hirak kan kewetewem. Menmen im yi yewetewem hiram yaaim menip God hirak han yaaik keriuwi. ¹⁹ God kerek epei keriuwet Jisas hirak kan kekepai haiu mit, hirak ketenen menmen yapirwe, hirak kakwetai menmen haiu metenenim au hirak naanmampri te haiu mamu werek werek. ²⁰ Hi hanhan God kerek hirak Haai kiau, mit hir nanwenipi niuk mirak, hirak yaaik tipmain enum eik.

††† 4:6 Mt 6:25-34; 1Pi 5:7; Kl 4:2 †† 4:7 Ais 26:3; Jo 14:27; Kl 3:15 †† 4:8 Ro 12:17 †††† 4:9 Ro 16:20; 1Ko 14:33; 1Te 5:23 ††† 4:11 1Ti 6:6 †††† 4:13 2Ko 12:10; 2Ti 4:17 18 4:15 2Ko 11:9 19 4:18 Fl 2:25; Esi 20:41; Ef 5:2

Pol katip him kike mikaru

²¹ Hi hetike nai yinan in haiu matip yi naiu yinan en yises Krai Jisas niutip niutip haiu metpi yi yaain. ²² †Mit yapirwe in nises Krai Jisas hir netpi yi yaain. Mit han

† 4:22 Fl 1:13

nises Krai kerek niriak menmen me mitik iuwe Sisa, hir netpi him iuwe nar ik: "Yi yaain." ²³ Hi hanhan Mitik Iuwe Jisas Krai kerek kakrekyi yi eikiyan eiyu werek werek, hirak kaku kakikre han ki kaku kakit.

Mepir keremem

KOLOSI

Menmen me tiwei ik

Pol kitehi God katip hirak yaaik kentar mit ne Kolosi

r 1:1-14

r*

Krais hirak kire mekak te hirak kiriak mekam

r 1:15-2:19

r*

Menmen mit ne weiwik me God hir nanisesim

r 2:20-4:6

r*

Pol katip mit ne Kolosi him gude mikaru

r 4:7-18

r*

1 [†]Hi Pol hi hire aposel ke Krais Jisas. Nipaa God hanhan kewisa hi hire mitik aposel, te hirak ke-himitena hi hiriak menmen mirak. Hi hetike kiau yinak Timoti ^{2 ††}hawir mitikit wik wewis tiwei ik ken yi mit miyapir ne weiwik miutip me God yeit wit Kolosi. Yi nawir yinan yaain, yi yises Krais werek werek. Hi hanhan God Haai kakrekyi menmen yaaim yi eiyu werek werek.

Pol katip God hirak yaaik kentar mit miyapir ne Kolosi nises him me Krais

^{3 †}Hekrit hekrit hawir witehi God hawir watip God hirak yaaik kentar yi mit yisesik. God kerekek hirak Haai ke Mitik Iuwe kiau Jisas Krais. ^{4 ††}Hawir han yaaik weriuwe God watip hirak yaaik wentar hawir wemtau mit natip yi yemtau him me Krais Jisas yi yisesim werek werek. Te yi hanhan yeriuwe mit miyapir han kerek hir nises him me God, yi yekepi. ^{5 ††}Yi yemtau him me Krais yi yisesim werek werek, yi hanhan yeriuwe mit miyapir han yentar nipaa wi yi yinin yemtau him me God, hiram him yaaim metpi me menmen God kakrekiyem yi yisesim. Yi yisesim yemerir menmen God kakwetiye mamit wit kirak. Him im yaaim me God wen mepno meprer wit wit miriak mit miyapir hir nemtewem hir nire yaain. Hiram mepno mekepi mar ke nipaa him im minin men yi mit miyapir. Nipaa yi yinin yemtau menmen yaaim God epei kerekyei hiau mit em, te in ek yi yertei hiram him yaaim. Yi yerteiyem yentar ^{7 †††}Ipafras epei ken ketpiyem, te yi

† 1:1 Ef 1:1 †† 1:2 Ro 1:7 † 1:3 Ef 1:16; 1Te 1:2 †† 1:4 1Pi 1:4; Ef 1:13, 15 †† 1:5-6 Ro 1:13; 1Ti 3:16 ††† 1:7 Kl 4:12; Fm 23

yerteiyem. Hirak mitik kiau yaaik kiriak menmen me Krais. Hirak ketikewawir hiau miriak menmen miutip, hirak kekepawir katip mit him me Krais. ⁸ Hirak kan ketpawir God Himin Yaaik kekepi yi hanhan yeriuwe mit miyapir kerek hir nises him me God

Pol kitehi God hirak kakikaap mit miyapir neit Kolosi

^{9 †††}Me wi hawir winin wemtau yi yises him mirak, hawir witehi God me yi mit miyapir yentar menmen hawir epei wemtau yi yisesim. Hawir witehi God hirak kakikepi yi mit miyapir te yi eiyirtei menmen werek hirak hanhan yi yayisesim. God Himin Yaaik kakikepi yi mit miyapir han ki te yi ap yepitari me menmen mirak werek werek au. ^{10 ††}Yi eiyirtei menmen mirak werek werek, te yi yayises menmen God hirak hanhan yi yayisesim, te hirak han yaaik kakriuwari. Yi yairiak menmen yaaim heriyai heriyai, han ki kakirtei menmen me God iuwe. ^{11 ††}God hirak Iuwe te kakriak menmen yapirwe. Hawir witiwekhi hirak kakweti pinam miutip me menmen mirak iuwe hiram mamkepi yi mit miyapir, te yi han tokik eiyu me menmen enum yapirwe mamnen. ^{12 †††}Yi han yaaik eiyu eitip Haai kiau God hirak yaaik. Hirak kerekek kerekyi mit miyapir yi yire yaain, te yi yayit menmen hirak kehimiteni kakwetiye. Hirak kakweti yi mit yaitike hiau mit miyapir yapirwe rem mamit wit kirak yaaik menmen enum mekrerem au. ^{13 †††}Hiau mamtip God hirak yaaik kentar hirak kekepai hiau minaiwir menmen enum hiram mire witaan toto hiram minin han kiau, hirak keriyei

††† 1:9 Ef 1:9, 16-17; Fl 1:9 § 1:10 Fl 1:27; Ef 2:10 §† 1:11 Ef 1:19, 3:16 §†† 1:12 Ef 1:11, 18 §† 1:13 Lu 22:53; Ef 2:2

haiu men mises Nikan kirak kerek hirak God hanhan keriuwerek iuwe, hirak Nikan naanmiprai. ¹⁴†Nikan ke God kerekek hirak kekepai kaktaihis keriuwe hemkre mirak nipaa mewen, te hirak kesak menmen enum mekre han kiau keriuwerem.

Krais hirak Mitik Iuwe hirak kiriak menmen kekepai

¹⁵††Krais hirak kire God kerek haiu mit miyapir ap te mamirek taau. Hirak kerekek Iuwe kinin menmen yapirwe God kiriakem. ¹⁶†Hirak Krais kinin menmen yapirwe kentar hirak hirekes kiriak menmen mau nepni, menmen mau ti. Hirak kiriak menmen haiu mirem metike menmen haiu ap te mamirem au. Im hiram mit ensel o tipir o menmeiyam. God hirak kenip Krais hirak kiriak menmen yapirwe, te menmen yapirwe kerek mau ti o mau nepni, hiram me Krais. ¹⁷††Nipaa menmen ap mepu wen au, hirak Krais kepu. Te hirak naanmire menmen yapirwe hiram mepu werek werek menterik. ¹⁸††Hirak kire paan ke haiu mit miyapir kerek mises him me God, haiu mire yink kirak. Hirak kerekek hirak haai ke menmen God kiriakem me haiu mit miyapir haiu mises him mirak. God hirak kikiak Krais kerek nipaa kaa, hirak kekrit kinin kau te hirak kakinin naanmampre menmen yapirwe. ¹⁹†††Him im yaaim mentar God hanhan menmen yapirwe me Himin Kirak kaku kakikre Nikan kirak himin kirak. ²⁰†††God hanhan menmen yapirwe hiram mire enun nepan, hiram meweikin mamtikerek mamu han kiutip, menmen mau ti, menmen mau nepni. Hirak kiriakem kinin menmen enum keriuwe hemkre me Krais hiram mewen mentar nu tentarakit.

²¹§Nipaa yi mit yinapen God, te yi ap yisesik au. Yi yiriak menmen enum. Yi yire mit enun nepan ne God. ²²§†Te Krais epei kaa kau nu tentarakit. Mar im God in ek hirak kerekyei haiu mit metikerek mau han kiutip. Krais kerekyei haiu mit em keriuwe yink kirak me wi nipaa hirak kaa, te hirak kerekyei haiu mit yaain haiu merp ninaan me God, God han kitet han kiau hirak yaaik ap menmen enum mewik au. Mit ap te nansiuwe him mei enum au. ²³§††Yi wen han tokik eiyu eiyises him yaaim me Krais kerek kaa kekepai haiu mit, yi ap eiwis menmen enum mamri han ki yi eiweikin sip eiwet menmen God katip kakwetaiyem, te yi eire mit yaain. Him im yi yisesim hiram him yaaim nipaa haiu mit metpiyem. Hi pol hi hire mitik God kehimitena hi hiriak menmen mirak hi hen hatip mit miyapir yapirwe nerer wit wit him yaaim yi yisesim.

Pol kikaap mit miyapir ne Kolosi

²⁴§†Hi han yaaik mit newaank yink kai, te hi ekepi heriuwerem, mar ke in ek hir nerewaank. Hi hekrehir ke Krais, mit nerewaank, te hi hatip mit him mirak mamno heriyai heriyai mamkaap yi mit miyapir ne

† 1:14 Ef 1:6-7†† 1:15 Jo 1:18; 2Ko 4:4; Hi 1:3‡ 1:16 Jo 1:3, 10‡† 1:17 Jo 1:1, 8:58‡‡ 1:18 Ef 1:22-23; Ap 26:23; Rev 1:5 ‡†† 1:19 Jo 1:16; Kl 2:9‡‡‡ 1:20 Ef 1:7, 10; 2:13, 16; 1Jo 2:2; Ro 5:1§ 1:21 Ro 5:10; Ef 2:12, 4:18§† 1:22 Ef 2:14-16, 5:27§†† 1:23 Ef 3:17; Hi 3:14; Mk 16:15; 1Ti 3:16§‡ 1:24 Ef 3:13

weiwik miutip me God, yi yire yink ke Krais. ²⁵§††Nipaa God kehimitena hi hatip mit him mirak yaaim, te hi hekepi yi mit miyapir ne weiwik me God, har ke wok mit nikaap mit han. ²⁶§†Nipaa God kepakin him im me wi yapirwe ap kewepyapirem au. Te in ek hirak kewepyapirem katip haiu mit miyapir kerek haiu mis-esik hirak ketpaiyem. ²⁷§††Hirak hanhan kakteiknai haiu mit miyapir nirak, haiu mamirtei him mirak im hiram yaaim iuwe mamkaap mit ne Isrel nantike mit miyapir ap ne weiwik me Isrel. Him im hiram matip mar ik: Krais kau ketikewi yi eimeriyiwek hirak kakweti menmen yaaim me God. ²⁸§††Te haiu mit aposel mepno mit miyapir nerer wit wit han kitet werek werek him haiu metpor me Krais. Haiu metpor him manp hir enweikin sip enwet menmen enum me tipir, haiu meteiknor him yaaim me Krais. Haiu miriak menmen im, te haiu mamnip mit miyapir hir nanises him me Krais werek werek. ²⁹§§†Hi hiriak menmen im wisenum, te hir nanises him me Krais werek werek. Krais hirak kari han kai wisenum te hi hiriak menmen im.

Mit ne Kolosi enweikin sip enwet him enum me nemipin

2 Hi hanhan yi eiyirtei menmen im. Hi han kiteti yapirwe. Hi hiriak menmen yapirwe hikaap yi mit miyapir yeriowerem yeit wit Kolosi yetike mit miyapir han neit wit Leodisia, hir netike mit miyapir nau provins menep kerek nipaa hir nira ninaan mai au. ²§§§Hi hiriak menmen im, te han ki hirak kaku werek yi hanhan yeriuwahan, yi han ekitet menmen werek, te yi eiyises God werek werek. Hi hanhan yi eiyirtei menmen nipaa God kisawinek. Krais hirak hirekes kire menmen nipaa God kisawinek. ³††Hirak kerekek kekre han kirak kertei menmen yapirwe hiram mamkepai, te haiu mertei menmen me God werek werek, te haiu emises han kirak me menmen hirak hanhan haiu emisesim.

⁴†††Hi hetpi menmen im me Krais, te mit han ap nanri han ki nanriuwe him mir ham me nemitetpin. ⁵†††Hi ap hepu hetikewi au, te hi hekre han kai hi han kitet har ke hi hau hetikewi. Hi han kitet har ke hi hau hetikewi, te hi han yaaik hir menmen yi yiriakem yipiran yises han kiutip, hiram yaaim yi yises him me Krais werek werek.

Haiu emtike Krais emu han kiutip te haiu ap mamises menmen enum memitetpin

⁶Yar ke nipaa yi yemtau him me Krais yi yisesik, te in ek yi eitikerek eiyu han kiutip. ⁷†††Yi eitikerek eiyu han kiutip eiyir ke nu nekenpi ken ti kari tipar mamkaap nu kaku. Yi han ki eiyu tokik eiyisesik werek werek eiyir ke teinik mitik ketenen winak. Yi wen eiyises him yaaim

§†† 1:25 Ef 3:2, 7-8§† 1:26 Ro 16:25-26; Ef 3:3-5, 9-10§‡ 1:27 Ef 1:18; 1Ti 1:1§§† 1:28 Ef 4:13§§‡ 1:29 Ef 3:7, 20; Fl 4:13 §§§ 2:2 Ef 3:4, 18; Kl 1:26 18 2:3 Ais 45:3; 1Ko 1:24, 30; Ef 3:19 19 2:4 Ro 16:18; Ef 5:6; Kl 2:8 20 2:5 1Ko 5:3 21 2:7 Ef 3:17, 2:20-22

me Krajs nípaa haiu metpiyem, yi han yaaik eiriuwe God eiyu eiyintar menmen hirak kerekiyem.

⁸†Yi naanempre hiras. Yi ap eiwis mit han hir nani-nen nanitpi him weini keremem mit han kitetim nanri han ki hir nanir ke tirpe kari han ke sak, hir nanmitipin nanriuwere au emit! Mit nar ik natip me menmen me maamer o menmen enum me tipir me ti o me nepni. Hir ap natip menmen me Krajs au.

⁹†Yi ap eiyises him mir enum eiyintar Krajs hirak kire God, menmen mirak yapirwe mau han ke Krajs hirekes. Menmen im meteiknai God hirak kire mekak. ¹⁰*Yi yeit menmen im yapirwe me God yentar yi yetike Krajs yau han kiutip. Hirak Mitik Iuwe kinin mit ensel o tipir o herwe metike menmen yapirwe. ¹¹†Mit nerekir yink ki au, hiram menmen weinim. Yi yetike Krajs yau niutip, yi yeweikin sip yewet menmen enum yi yisesik, hiram mar ke hirak kerekir yink ki. ¹²†Nípaa wi kerek mit nikiri neriuwe tipar, menmen im hiram mar ke yi yetike Krajs yaa hir mit newisi. Hir pike nekekyi yekre tipar yerp, hiram mar ke God kerek nípaa kikiak Krajs keriuwe menmen mirak iuwe, hirak kikian yi mit yetik-eret yentar yi han kitet hirak kiriakem. ¹³†Nípaa yi ap yises him lo me God yiriak menmen enum yi yises han ki, te menmen im merekyi yi yire mit enun hir epei naa me menmen me God. Te God epei kikian yi mit yi yekrit yetike Krajs yau yentar hirak epei kesak menmen enum mekre han ki. ¹⁴†God epei kesak menmen enum mekre han kiau. Mau tiwei nípaa Moses kewisim, hiram matip haiu mit enun, te haiu mami. Hirak God epei keit him im matip haiu enun, hiram maa wi nípaa mit newenkek Jisas kau nu tentarakit hirak kaa. Him im hiram maa metikerek. ¹⁵§God hirak kinin herwe o tipir, menmen iuwe keriuwe menmen Krajs hirak kiriakem kau nu tentarakit. Hirak kininem keteikin mit miyapir hirak Iuwe, hiram au menmen weinim.

Haiu maa metike Krajs

¹⁶†Him mau tiwei matip haiu mit enun te haiu mami, hiram epei au mesi. Te yi ap eiyimtau him me mit han hir neni me menmen o tipar yi yayim o me wi holide yi ap eiyisesim eiwenipi God eiriuwere o wi me wenke kaa keit pike kewep kan te yi eiwenipi God me wi im, o me wi Sabat o menmen mar im au emit! ¹⁷†Menmen im hiram mire piksa keremem kerek nípaa meteikin maamer niau menmen maain Krajs hirak kakriakem. In ek Krajs epei kan kiriakem, te menmen me nípaa ein hiram weinim mamit. ¹⁸Yi ap te eiyimtau him me mit han nanrekyi enum nantip yi ap ne weiwik me God yentar yi ap yewenipi niuk me mit ensel. Menmen im au emit! Hir natip hir nepei nityak menmen im me ensel te hir nertei haiu mit yapirwe emwenipi niuk mir. Hir natip hir enun weinin newenipi ensel, hir natip hir iuwe, te hir mit enun paan tokik nises han kir weinim.

† 2:8 Kl 2:4 †† 2:9 Jo 1:14, 16 ‡ 2:10 Ef 1:21-22 †† 2:11 Ro 2:29 †† 2:12 Ro 6:4; Ef 1:19-20; Kl 3:1 ††† 2:13 Ef 2:1, 4-5 ††† 2:14 Ef 2:14-16; 1Pi 2:24 § 2:15 Kl 1:13 †† 2:16 Ro 14:1-12 ††† 2:17 Hi 8:5, 10:1

¹⁹†Mit nar ik hir ap netike Krajs nau niutip au nentar Krajs hirak kire paan naanmipre haiu mit kerek haiu mire yink, haiu mau niutip. Paan hirak kikaap yink ketike hemik, nekeni, naan, hiram miniuham hiram mamre iuwe mamintar God kewetai menmen mirak iuwe.

²⁰†Yi mit miyapir yi yaa yetike Krajs, te hirak kekepi yi yinaaiwir menmen enum me ti. Te yi ap eiyises menmen mit ne ti hir han kitet hir nanisesim, te God kaktip yi yaain. Te yi yenmak te yi wen yises menmen mit ne ti hir nisesim a? Yi yenmak te yi yises him lo me mit hiram matip mar ik: ²¹††Yi ap eitenen menmen ham ham, o yi ap eiyinte nin menmen im eiyim, o yi ap eitiwem eiyim einewem au emit! ²²†††Him im mit keriyen hir netpim. Hiram ap meke God man au. Hir mit keriyen newetaiyem, te haiu ap mamisinehanem au emit! Haiu emim keremem. ²³Him im hiram mari han kiau haiu han kitet hiram yaaim mamkepapai haiu mewenipi niuk me ensel, haiu mewenin han kiau me menmen haiu mewet yink kiau em, haiu mewaank yink kiau. Te menmen im ap mamkepapai haiu mit te haiu maminin menmen enum mekre han kiau taau!

God kikian yi mit miyapir yetike Krajs yi yau

3 †††Nípaa God kikiak Krajs kerek kekrehir ke haiu mit hirak kaa. Menmen im hiram mar ke God kikian yi mit miyapir yi yetike Krajs yau niutip. Te yi hanhan eiyises menmen me wit ke God kerek Krajs kau menep his yaaim me God kerek mit iuwe newi, hirak naanmipre menmen. ²†Yi han ekitet me menmen mepu wit kirak, ap menmen mau ti ik au emit! ³†Yi han ekitet me menmen mepu wit kirak Heven eiyintar yi epei yaa me menmen enum me nípaa yi yisesim. Te God kikan yi mit miyapir yetike Krajs, yi yire niutip, God naanmipre menmen im. ⁴†Krajs hirak kenipapai haiu metikerek haiu mau niutip. Maain hirak pike kaknen kakwepyapir hirekes, haiu mamtikerek mamu mamit menmen yaaim me God.

Yi epei yeit himin yaaik, te yi eiyises menmen yaaim

⁵†Yi epei yeit himin yaaik, te yi yewenin han ki me menmen enum yi hanhanem, hiram enum me ti ik e. Hi hetpi me menmen mar im. Menmen me yi mit yetike miyapir yi yariyanhis yeweninem, o mit netike mit han neyawan, o yi hanhan yeriuwe menmen enum o yi hemkre menepam me menmen, hiram menmen enum mar ke yi yeweikin sip yewet God. Hiram mekre-hir ke God. ⁶†Maain God kakiwaank mit miyapir kerek ap nises him mirak kakintar hir niriak menmen enum hi epei hetpiyem im e. ⁷Nípaa yi mit miyapir yi yises han ki enuk kar ik te yi yiriak menmen enum yar ke mit miyapir kerek maain God kakiwaanki.

§† 2:19 Ef 2:21, 4:15-16 §†† 2:20 Ga 4:3-5, 9 §† 2:21 1Ti 4:3 §† 2:21 Ef 6:4 §†† 2:22 Ais 29:13; Mt 15:9 §†† 2:22 Ef 6:5-8 §§§ 3:1 Kl 2:12; Mk 12:36, 16:19; Ef 1:20 18 3:2 Mt 6:33 19 3:3 Ro 6:2; 2Ko 5:14 20 3:4 Fl 1:21; 1Ko 15:43; 1Jo 3:2 21 3:5 Ro 6:6, 11, 8:13; Ef 4:19, 5:3-5 22 3:6 Ef 5:6

⁸†Te in ek yi eiweikin sip eiwet menmen yapirwe mar im. Yi ap han enuk eiriuwehan au, yi ap einehan eiwepnakan au, yi ap einehan eitike miye haai o mit han yi eitipan enum enum me yi yewir paan yewepik o yenke yehes yeriyaak, o menmen enum mar im au emit! ⁹†††Yi ap eiwisesanek me menmen yi yetpim au emit, eiyyintar yi epei yeweikin sip yewet menmen enum me nipaa yi yiriakem wi kerek yi ap yises God au. In ek, yi yire mit han yaain. God kerekyi yi mit han yeweikin yire yaain. Hekrit hekrit hirak keweikin han ki yi yire mit yaain, yi yayu yayir ke God, te yi yerteiyek werek werek. ¹¹††Me menmen yaaim im God kerekyeyem hiram menmen weinim, te mit hir ne weiwik me Isrel kerek nerekir yink kir, o mit ne Grik hir ap nerekir yink kir, o mit hir nen skul o au, o mit hir netenen pewek mei yapirwe, o hir mit ap netenen menmen auri. Hiram menmen weinim. Menmen hiram iuwe hiram menmen im. Krai kerekek hirak Iuwe, hirak kau kekre han ke yi mit miyapir yapirwe kerek yi yises him mirak.

Yi mit miyapir yi eiyses menmen yaaim me hanhan yeriuwehan

¹²††God epei kehimiteni yi mit miyapir nirak, hirak hanhan keriuweri iuwe. Te yi hanhan eiriuwe mit miyapir han yi eirekyor menmen yaaim. Yi ap han kitet yi yire mit iuwe au. Yi yiriak mit menmen yaaim eitpor him main main. Yi eiwis mit han hir nanises han kir me menmen te yi eiwenin han ki ap han enuk eiriueri. ¹³†††Mitik hak kekre ninin ke yi mit hirak mitik hak kerekyiwek enum ap kertei hiram enum, mitik hak eik katip, "Hiram menmen weinim. Maain hirak kakirtei." Krai epei kesak menmen enum haiu miriakem, katip hiram nepei au, te haiu emises menmen mirak hirak kiriakem. Menmen mit han nerekyeyem, haiu mamisak menmen enum hir nerekyeyem haiu ap han kitetim au. Haiu mamtip hiram nepei au mesi. ¹⁴†††Menmen ham im hiram minin. Yi hanhan yeriuwehan. Menmen im hiram mire let mitik kakir kau tu keyik kiwarm laplap mirak hitokim (o tokim). Menmen me yi hanhan yeriuwehan hiram mire let, hiram mamkaap mit miyapir nau han kiutip werek werek. ¹⁵§Krai epei kenipai haiu mekiyan mau meit, te haiu emwis menmen im. Hiram naanmamrai me menmen yapirwe haiu miriakem. Nipaa God kari han ki yi yayu yaire yink miutip, yi yayit menmen me Krai hiram mamkaap han ki kaku werek werek. Te yi han yaaik eiyu eiyyinterim. ¹⁶§†Him me Krai hiram mamu mamkre han ki iuwe hiram naanmamri, te hiram mamkepi yi mit me wi yi yaikapan yeriuwe menmen me God yi yaitip mit han em werek werek, o yi eiwirnak eiyyikteni me menmen. Yi han yaaik yeriuwe God eitpiwek hirak yaaik, te yi eiyyine henye me tiwei Sam, o yi eiyyine henye ham eiyyit winak ke God, yi eiyyine henye

te hiram mamkaap han ki kaku tokik. ¹⁷§††Menmen ham yapirwe yi yiriakem o yi yetpim, yi yekrehir ke Mitik Iuwe Jisas yi yiriakem. Yi eitip God hirak yaaik eiyyintar menmen yaaim Krai hirak kerekyiyem.

Him me mit miyapir hir neitan, him me nikerek nir

¹⁸§†Yi miyapir kerek epei yeit mikaan ni, yi eiyyimtau him mir. Menmen im hiram yaaim mentar yi yises him me Mitik Iuwe Krai. ¹⁹§††Yi mikaan nir, yi hanhan eiriuwe miyapir ni. Yi ap eirekyor enum eiyyitpor menmen him tokik tokik eiriuerem au emit!

²⁰§†Nikerek yi eiyses him me miye haai ni eiyyintar menmen im hiram menip Mitik Iuwe God hirak han yaaik keriuwi. ²¹Yi haairer yi ap eine nikerek ni eiyyitpor enum enum eiri han kir ere hir nine han enuk nentaantiwo nau neit au emit!

Him me mit iuwe netike wok mit nir

²²Yi mit kerek yiriak menmen me mit iuwe, yi yiriak menmen yaaim keremem wi kerek hir nerp menep naanmipri yi yiriakem, te hir nantip yi yaain au emit! Hekrit hekrit yi eiriakem yaaim eiyyintar yi yiriakem me mit kerek naanmipri keriyen au. Yi yiriakem eiyyintar yi yinapen einip Mitik Iuwe God hirak yink enuk kakriuw. ²³Menmen yapirwe yi yiriakem, yi hanhan yiriakem. Menmen yi yiriakem, hiram ap me mit keriyen au. Hiram me God. ²⁴Yi eiriak menmen yaaim eiyyintar yi yertei maain God kakweti menmen. Yi eiyyit menmen kerek hirak ketenenim. Yi han ekitet menmen im. Mitik Iuwe Krai hirak kinin naanmipri yi yiriak menmen mirak keremem. ²⁵§†Mit miyapir kerek hir niriak enum, maain God kakrekyor menmen enum kakinterim. Hirak han kitet haiu mit yapirwe haiu mipiran.

⁴§††Yi mit iuwe, yi yiriak menmen yaaim me mit kerek nerekyi menmen eiyyintar yi yertei Mitik Iuwe ki Krai, hirak naanmipri hirak kepu wit kirak hirak kiri.

Him me mit nitehi God menmen, hir niriak menmen yaaim

²§††Hekrit hekrit yi wen eiyyitehi God menmen. Yi yiriakem yi han ekitet menmen werek werek yi yaitip God hirak yaaik. ³§§§Yewaai meruri yi yitehi God me menmen, yi eiyyitiwekhi me haiu mit in. Yi eiyyitiwekhi te hirak kakikepai kakwisai haiu mamwepyapir him me Krai nipaa God kisawinem. Hi heit winak enuk ke gavman hentar hi hatip mit him mirak. ⁴††Yi eiyyitehi God hirak kakikepa hi tewen hatip mit him me God werek werek har ke nipaa God kehimitena hi hatip mit em.

⁵††Yi ap eiwis wi miutip mamno te yi ap eiriak menmen yaaim. Haiu ap te mamu ti ik me wi yapirwe au, te yi han ekitet werek menmen yi eiriakem mau ninin ke mit miyapir hir ap nises him me God. ⁶†††Menmen

† 3:8 Ef 4:25-31, 5:4†† 3:9-10 Ef 4:22, 25‡ 3:9-10 Ef 4:24
†† 3:11 Ga 3:28†† 3:12 1Pi 2:9; Ef 4:2, 32††† 3:13 Ef 4:32,
5:2††† 3:14 Ro 13:8-10; 1Ko 13:13; Ef 4:3§ 3:15 Ef 4:4; Fl 4:7;
1Ko 12:13, 27§† 3:16 Ef 5:19

§†† 3:17 1Ko 10:31; Ef 5:20§† 3:18 Ef 5:22§†† 3:19 Ef 5:25
§† 3:20 Ef 6:1§† 3:25 Ro 2:11§†† 4:1 Lev 25:43, 53; Ef 6:9
§§† 4:2 Ef 6:18; Fl 4:6§§§ 4:3 Ro 15:30; Ef 6:19; 1Ko 16:9 18
4:4 Ef 6:20 19 4:5 Ef 5:15-16; 1Te 4:11-12 20 4:6 Ef 4:29; 1Pi
3:15

yapirwe yi yayitpim hiram yaa'im mamkaap mit mamir ke menmen sol mewim yi yaam, te menmen mit hir nanitihi yi mit em, yi eiyirtei werek me menmen eiwen-hi eiyitpor menmen.

Pol keriuwet Tikikas ketike Onisimas tatnen Kolosi

⁷†Hi eriuwet Tikikas kaknen yi mit kakitpi yi mit me menmen hi hiriakem. Hirak kiau yaaik, te hi hanhan heriuwerek. Hirak mitik yaaik kekepa keriuwe menmen, hirak ketikewa hawir wiriak menmen me Mitik Iuwe Krai. ⁸††Hi eriuwetek kaknen yi mit te hirak kakitpi menmen im. Hirak kakitpi menmen me haiu mit, te hirak kakrekyi yi han yaaik eiyu. ⁹†Hi heriuwet Onisimas ketikerek ten yi mit en. Onisimas hirak kiau yinak yaaik, hirak mitik ke yi mit en. Maain hirakit tatiun ein epei au, hirakit tatitpi menmen yapirwe epei man haiu mit in.

Pol kesiuwe him yaa'im men mit ne Kolosi

¹⁰††Aristakas, kerek ketikewa hawir wekre winak enuk ke gavman, hirak ketike Mak hirakit tesiuwe him tetpi yi yaain. Yi yertei Mak hirak wekne ke Banabas, nipaa hi hetpi hirak kaknen yi naanmamriwek. ¹¹Josua kerek niuk mirak ham Jastas, hirak kesiuwe him ketpi yi yaain. Mitikit wikak it hirakit keretet, te weiwik me

† 4:7 Ef 6:21 †† 4:8 Ef 6:22 † 4:9 Fm 10-12 †† 4:10 Ap 12:12, 13:13, 19:29; Fm 24

Isrel hirakit tises him me Krai, hirakit tekepa haiu miriak menmen me God hirakit tenipa hi han yaaik.

¹²††Epafras keswi him ketpi yi yaain. Hirak mitik ke wit ki Kolosi, hirak kiriak menmen me Krai Jisas. Hekrit hekrit hirak kitehi God iuwe me yi mit, te yi han tokik eiyu me menmen me God, te yi eiyirtei werek werek menmen God hanhan yi eiyisesim. ¹³Hi hertei menmen im, te hi hetpiyem. Hirak kitehi God yapirwe me yi mit yetike mit han ne wit Leodisia netike mit ne wit Hirapolis. ¹⁴††Luk hirak dokta kiau yaaik, hirak ketike Dimas hirakit teswi him tetpi yi yaain.

¹⁵Yi eikrehir kai yi eisiuwe him eitip mit niau yinan neit wit Leodisia hir yaain. Hir netike mite Nimpa wetike mit miyapir han hir nererik neit winak kire hir newenipi niuk me God. ¹⁶Yi nepei yekine tiwei ik epei au, yi eisiuwerek ekno mit miyapir ne God neit Leodisia te hir nanrerik nanit winak ke God ein nankinaak. Hir naniswi tiwei kir hi hewisiyek, te yi eikinaak yayit wit ki. ¹⁷†††Yi eitip Akipas hirak kakriak menmen Mitik Iuwe God kehimitaniwekem ere epei au mamisi.

¹⁸†††Hi Pol heriuwe his mai hi hewisi him mai kike im pinam hetpi yi yaain. Yi ap han kaa hi hepu hekre winak enuk ke gavman. Hi hanhan God kakrekyi menmen yaa'im.

Mepir keremem

†† 4:12 Kl 1:7 ††† 4:14 2Ti 4:10-11; Fm 24 ††† 4:17 Fm 2 s 4:18 1Ko 16:21

1 TESALONAIIKA

Menmen me tiwei ik

Pol katip mit ne Tesalonaika gude

r 1:1

r*

Pol kewepyapir menmen mau han kirak

r 1:2-3:13

r*

Menmen mit ne weiwik me God hir nanisesim

r 4:1-12

r*

Pol katip mit him me Jisas pike kaknen

r 4:13-5:11

r*

Pol katip mit ne Tesalonaika menmen hir enisesim

r 5:12-22

r*

Pol katip mit him mikaru

r 5:23-28

r*

1 †Hi Pol hetike Silvenes, Timoti, haiu mewis tiwei ik ken yi mit miyapir ne weiwik me God yeit wit Tesalonaika. Yi ne God Haai ketike Mitik Iuwe Jisas Kraais. Haiu hanhan God Haai ketike Mitik Iuwe Jisas Kraais han yaaik kirakit hirak kaku kaktikewi yi eiyu werek werek.

Pol han yaaik mit ne Tesalonaika nises God werek werek

² ††Hekrit hekrit haiu mitehi God haiu metpiwewek haiu han yaaik meriuwerek mentar yi mit. ³ †Hekrit hekrit haiu metpiwewek hirak yaaik kentar menmen yaaim yi yiriakem yentar yi yises him mirak, yi han teweninek, yi yiriak menmen iuwe, yi han tokik yepu yemerir Mitik Iuwe Jisas Kraais pike kaknen. ⁴ Naiu yinan, God hanhahi, te haiu mit mertei hirak kehimiteni yi nirak.

⁵ ††Haiu mertei menmen im mentar yi ap yemtau him me Kraais haiu metpiyem weinim au. God Himin Yaaik kerekir han ki keriuwe him mirak te yi yertei him mirak yaaim. Yi yertei menmen nipaa haiu miriakem mamkepi yi eiyu werek.

⁶ ††Yi yeit him me God yisesim te mit neriwaank. Te yi ap han enuk au. God Himin Yaaik kikiak han ki te yi

† 1:1 Ap 17:1-10; 2Te 1:1 †† 1:2 Fl 1:3-4; Kl 1:3; 2Te 1:11 † 1:3 1Ko 13:13; Kl 1:4-6 †† 1:5 1Ko 2:4-5; 4:20

han yaaik yepu. Yi epei yiriak menmen yi yir haiumit miriakem metike menmen Mitik Iuwe hirak kiriakem. ⁷ ††Mar im yi yeteikin mit ne provins Masedonia ketike provins Akaia kerek nises him me God, yi yeteiknor menmen yaaim maain hir enisesim. ⁸ ††Him me God kerek yi yatip mit em hiram men heriyai heriyai mar ke mit hir newir tukin kerer wit wit. Him men provins Masedonia ketike provins Akaia keremem au. Him epei men merer wit wit te mit nemtau yi yises him me God. Te haiu ap metporem au. Hir hiras nemtewem. ⁹ †Mit nerer wit wit hir hiras natip me menmen mekrit nimin ke yi mit nipaa haiu mepu metikewi, yi yeweikin sip yewet tipir, yi yises God kiutipen kerekek kepu tipmain tipmain enum eik. Ninaan me tipir kerek mit natin mai teinik hiram menmen weinim. ¹⁰ ††Hir natip yi yemerir Nikan kirak kaknen kaknaaiwir wit Heven, hirak niuk mirak Jisas kerek nipaa kaa keit. Te God kikiak hirak kepu kekepai naanmiprai mamnopin mamkeipin menmen enum God kakriak mit em kakintar hir niriak menmen enum.

†† 1:6 1Ko 4:16; 2Te 3:9; Ap 17:5-9 ††† 1:7 1Pi 5:3 ††† 1:8 Ro 1:8 † 1:9 Ap 14:15 †† 1:10 Ta 2:13; Ap 17:31; 1Te 5:9

Menmen Pol kiriakem keit wit Tesalonaika

2 [†]Nai yinan, yi hiras yertei nipaa haiu man metpi him me God, hiram ap man weinim au. ² ^{††}Yi yertei nipaa haiu mepu wit Filipai mit newep nerekyei enum nereywaank. Te God kekepai haiu ap minaa in mit enun nepan naitu en. Au, haiu man metpi him yaaim me God. ³ Haiu metpi menmen im, haiu memitipin au. Haiu metpi him metari au. Haiu metpi him werek werek. Haiu han kitet haiu metpiyem te haiu mamri menmen mi au, o haiu mises menmen enum, o haiu memitipin meriuwerem au. ⁴ [†]Nipaa God skelim han kaiu epei au, hirak katip hiram werek te haiu matip mit him mirak. God kertei han kaiu te haiu matip mit him mirak haiu miriak God han yaaik meriuwai kerekek. Mit au. ⁵ [†]Yi yertei nipaa me wi haiu mepu metikewi, hekrit hekrit haiu metpi him haiu ap mari han ki ke menmen miutip au. Haiu ap miriak menmen im me God memitipin te haiu mamri menmen mi au. God kertei haiu matip werek. ⁶ ^{††}Haiu ap miriak menmen im te haiu mamit niuk iuwe me yi mit o mit han au. Krai keriuwetai haiu mit haiu aposel nirak, te haiu hanhan mitihi yi yaitip haiu mit iuwe, hiram yaaim. Te haiu au minapen. ⁷ Nipaa haiu mepu metikewi haiu naanmipri mar ke mite hire naanmipre nikerek nire. Haiu mitihi me menmen au. ⁸ Haiu hanhani haiu meweti him me God keremem au. Nipaa haiu hanhan mamkepi iuwe, te haiu han yaaik mami mamkepi te yi eiyises God werek werek.

⁹ ^{†††}Nai yinan, yi epei yertei haiu metpi him me God keremem. Haiu miriak menmen iuwe wanewik witaan me wi yapirwe te haiu mamri menmen mi mamim au.

¹⁰ Yi yetike God yi yertei menmen haiu miriakem me yi mit kerek yises him me God. Haiu miriak menmen yaaim kerek God han yaaik keriuwerem keremem. Menmen enum au. ¹¹ ^{†††}Haiu mire haai katip nikerek nirak menmen, haiu metpi him manp, haiu mekepi yi han yaaik yepu, haiu metpi him iuwe, ¹² [†]te hekrit hekrit yi eiyises God werek werek. Hirak kehimiteni yi yayu yaitikerek hirak naanmamri yi yayit menmen yaaim mirak.

Mit ne Tesalonaika han tokik nepu me menmen enum mewaanki

¹³ ^{††}Hekrit hekrit haiu mitehi God metpiwerek haiu han yaaik meriuwerek me menmen ham im. Nipaa haiu metpi him me God, yi han kitet hiram him me mit keremem au. Yi han kitet hiram him me God. Him im hiram miriak menmen iuwe mekre han ki te yi yises him mirak. ¹⁴ ^{†††}Yi mit yi epei yar ke mit ne weiwik me God neit provins Judia kerek nises Jisas Krai. Ni yinan ein hir mit ne weiwik mir Isrel hir nerekyor enum nar ke mit ne weiwik mi in hir nerekyi enum yentar yi yises

† 2:1 1Te 1:5, 9†† 2:2 Ap 16:19-24, 17:1-9‡ 2:4 1Ti 1:11; Ga 1:10; Jer 11:20†† 2:5 Ap 20:33; 2Pi 2:3; Ro 1:9; 1Te 2:10 †† 2:6 Jo 5:41, 44 ††† 2:9 Ap 20:34; 1Ko 4:12 ††† 2:11 Ap 20:31 § 2:12 Fl 1:27; 1Pi 5:10 †† 2:13 1Te 1:2; 2Te 2:13; Ga 1:11-12 ††† 2:14 Ap 17:5

him me Krai. ¹⁵ ^{††}Nipaa maamer ne mit ne Isrel nenep mit profet kerek newepyapir him me God natip mit em. Te in ek hir epei nenep Mitik Iuwe Jisas. Hir in ek nerekyei menmen enum hir niriak God han enuk keriuweri. Hir niriak mit yapirwe enum nentar menmen im. ¹⁶ ^{†††}Hir newenai haiu matip mit nerer wit wit nirapit ti me Isrel him me Krai, te hir neweikin sip newet menmen enum God kakikepi. Nipaa ere in hir mit enun niriak enum im. Te menmen iuwe enum God kakriakem epei mamnen.

Pol hanhan pike kaknen kakir mit ne Tesalonaika

¹⁷ [†]Nai yinan, mit ne Isrel nepirai haiu men minaiwiri me wi mei kike. Au, han kaiu wen kau ketikewi. Haiu mar ke nikerek nau weinin miye haai au. Haiu hanhan mamir ninaan mi, haiu han kitet mamirkeik te haiu mamnen mamri. ¹⁸ Hi Pol hirekes hi hanhan anen ari yi yapirwe. Taau, hekrit hekrit Seten hirak kerekir yayiwe kaiu. ¹⁹ ^{††}Maain Mitik Iuwe kaiu Jisas pike kaknen kak-taihis, haiu mamtikerek mamu. Maain me wi im haiu mamtip mekam? Kenmak te haiu han yaaik mamu? Haiu han yaaik menteri yi mit keriyen. ²⁰ Yi mit hiras keriyen, yi yire niuk maiu iuwe. Yi yiriak han kaiu yaaik iuwe.

Pol keriuwet Timoti kaknen kakikepi han tokik nanu

3 ^{†††}Te haiu ap wen memerir wi meiyam au. Haiu han kitet hirak yaaik te hawir wiketeret wau wit Athens, ² ^{†††}hawir weriuwet Timoti kan kiri. Hirak kaiu yinak ketikawir miriak menmen me God, hirak katip mit him yaaim me Krai. Hawir wauriuwetek kaknen kakikepi yi han tokik eiyu eiyises menmen me God. ³ ^{†††}Te yi mit eiweikin sip eiwet him me God eiyintar menmen enum im au. Yi hiras yertei God kehimiteni me menmen enum im. ⁴ ^{††}Nipaa haiu mepu metikewi, haiu metpi hir mit nanrekyei enum nanintar haiu mises him me Krai. Menmen im epei man mar ke nipaa haiu metpiyem. ⁵ [†]Te hi ap wen hemerir wi meiyam au. Hi heriuwet Timoti hirak ken kakirte i wen yises him me God werek werek o au. Hi hinaain Seten kakri han ki, te menmen haiu miriakem hiram mamre weinim.

Timoti pike kan Pol ketpiwerek mit ne Tesalonaika nises God werek

⁶ [†]In ek Timoti kinaiwiri hirak epei kan in ketpawir him yaaim im. Hirak katip yi wen yises him me God, yi hanhan mit han. Yi wen hanhanai haiu mit in, yi hanhan yairai yayir ke haiu hanhan mamri. ⁷ ^{††}Haiu mepu han yaaik mentar yi mit wen yises him me God. Mit nerekyei menmen enum, haiu ap han enuk au. Menmen haiu memtewem me yi mit mekepai haiu han yaaik mepu. ⁸ Yi wen eiyises him me God eiyu han

§† 2:15 Ap 2:23, 7:52 ††† 2:16 Mt 23:32-33 †† 2:17 1Te 3:10 †† 2:19 Fl 2:15-16, 4:1; 2Te 1:4 ††† 3:1 Ap 17:15 ††† 3:2 Ap 16:1-3 ††† 3:3 Ef 3:13; 2Ti 3:12 18 3:4 Ap 14:22 19 3:5 Fl 2:16 20 3:6 Ap 18:5 21 3:7 2Te 1:4

tokik, te haiu mamu werek werek. ⁹ Haiu matip God mekam te haiu meteikniwek haiu han yaaik wisenuk meriuwerek mentar hirak kikaap yi mit? Taauye!
¹⁰ Hekrit hekrit haiu mitehi God haiu mamri mamkepi werek iuwe yayit menmen me God.

Pol kitehi God kakikepi nanino nanir mit ne Tesalonai-ka

¹¹ †Haiu hanhan God Haai kiau kaktike Mitik Iuwe kiau Jisas hirekses tatkepai haiu mamno mamri.
¹² Haiu hanhan Mitik Iuwe kaknipi yi han tewenin ni yinan wisenum ere yi hanhan mit yapirwe yayir ke haiu mit hanhani. ¹³ ††Haiu hanhan God kakriak menmen im, hirak kaknip han ki tokik. Te maain Mitik Iuwe kiau Jisas pike kaknen kaktike mit nirak yaain hirak ke-himiteni hir nirak, yi eiyu werek werek han ki yaaik prar prar yayit ninaan me God Haai kiau.

Menmen God hanhan haiu mamriakem

4 †Naiu yinan in ek hi hewisi him ham. Nipaa haiu metpi meteikni markeik te yi eiyises God te yi eirekyiwerek han yaaik keriuwi. Haiu mertei yi yiriakem, te haiu mekrehir ke Jisas, haiu metpi him manp te yi eiriakem wisenum.

² Yi yertei him nipaa haiu metpiyem mekrehir ke Jisas.

³ ††Menmen im God hanhan yi eiyisesim. Yi eiyu han yaaik prar prar, yi yisesan yiriran au emit! ⁴ †††Yi mit yapirwe niutip niutip yi wen eiyirtei eiyit miyapir ni hiras yayir ke mit ap nertei God hir nisisan niriran. Te yi eiyisesim au emit! Yi yayit miyapir eiyises menmen yaaim God han yaaik kakiriuwerem. ⁶ ††Yi ap eiriak ni yinan menmen enum eiri miyapir nir eiriyanhis ei-weninem au emit. Yi ap eiriak menmen enum mar im mentar nipaa haiu metpi Mitik Iuwe kaknep mit nar ik.
⁷ †Nipaa God kehimitenai haiu miriran o miriak menmen enum au. Hirak kehimitenei haiu mamises menmen yaaim, te haiu mamu han yaaik prar prar.

⁸ ††Keimin keweikin sip kewet him im hirak keweikin sip kewet mit keriyen au. Hirak keweikin sip kewet God kerek kewetai Himin kirak Yaaik te haiu emu han yaaik prar prar.

⁹ †††Hi ap ewisi him mei mamno yi mit me yi hanhan yeriuwe ni yinan au. Yi epei yertei yisesim. God epei keteikni yi hanhan yeriuwe ni yinan. ¹⁰ ††Yi wen hanhan ni yinan nerer wit wit neit provins Masedonia, te haiu metpi him manp yi naiu yinan, yi hanhani yapirwe.

¹¹ †††Yi hanhan eiyu werek werek, yi eiyises menmen mi keremem. Yi eiyu yain yain au emit! Yi eiriak menmen mi mar ke nipaa haiu metpi, ¹² ††te mit kerek ap nises God hir han kitet yi yaain. Yi eiriakem te ni yinan ap te naanmamri me menmen yi yayim au emit!

† 3:11 2Te 2:16 †† 3:13 Fl 1:10; 2Te 1:7, 10 † 4:1 2Te 3:6
 †† 4:3 1Te 5:23; Hi 10:10; 1Pi 1:16 †† 4:4-5 1Ko 6:13, 15 †††
 4:4-5 Sam 79:6 ††† 4:6 Sam 94:1 † 4:7 2Te 2:13-14; 1Pi 1:15-16
 †† 4:8 Lu 10:16; Esi 36:27, 37:14; 2Ko 1:22 ††† 4:9 Jo 13:34
 †† 4:10 2Te 3:4 ††† 4:11 Ef 4:28; 2Te 3:8, 12 †† 4:12 1Ko
 5:12-13; Kl 4:5

Maain Mitik Iuwe pike kaknen kakikian mit epei naa

¹³ ††Nai yinan, haiu minapen yi mit yepitari me ni yinan hir epei naa. Haiu minapen yi han enuk me hir mit kerek epei naa yar ke mit hir ap nises God hir han enuk au. Hir ap han kitet God kakikian mit epei naa.
¹⁴ †††Haiu ap hanhan yi han enuk eiyintar menmen im. Haiu han kitet Jisas epei kaa pike kekrit, te nipaa mit nises him mirak, hir naa, maain God kakikian mit in hir nantikerek pike naninen.

¹⁵ †††Haiu matip mit menmen Mitik Iuwe ketpeiyem. Maain hirak pike kaknen, mit kerek nises him mirak hir wen nepu, hir ap naninin mit nipaa naa au. ¹⁶ †††Maain Mitik Iuwe kaktip him manp, mitik ensel hak iuwe ke God kaknap kaknine, hiram heurek me God mamtip. Me wi im, Mitik Iuwe Krai kakikiuwe wit ke God kaknen, mit nises Krai hir ape naa, hir naninin nanikrit nanu. ¹⁷ ††Epei au, mit kerek wen nepu nises Krai hir naniniu nanino nantikeri nanrerik naniun Mitik Iuwe nanit nepni (o nepneyi). Te haiu yapirwe mamu mamtikerek tipmain tipmain enum eik. ¹⁸ Te yi mit eiriak mit han yaaik eiriuwe him im yaaim.

Haiu naanmamre hiras mamimerir Jisas pike kaknen

5 ¹⁹ †Naiu yinan, haiu ap te mamwisi me wi o tito Mitik Iuwe kaknen au. ² ²⁰ Yi mit hiras yertei werek me wi Mitik Iuwe kaknen hirak kakir ke mitik enuk kekintip menmen kepakinem ke witaan. ³ ²¹ Me wi mit natip hir nepu werek werek menmen enum au, te menmen mamnip mamiwaanki mamir ke mite waswas hire wauteiknen wawine nikan. Hir nanrir nankeipin menmen im au nanir ke mite weteiknen hire ap wawine nikan au. ⁴ Te yi naiu yinan, yi ap yar ke mit ap nises God te wi mirak eim mamiwep mamir ke mitik enuk kekintip menmen kaknep mit au. ⁵ ²² Yi mit yapirwe yar ke nikerek ne God, yi yises him mirak. Yi mit ne Seten au. Yi ap yises him mirak. ⁶ Te haiu mepu mar ke mit han ap nises him me God au. Haiu mepu werek werek naanmipre hiras mises him me God. ⁷ Mit hir ap nises God hir nar ke mit niwaai ne witaan, hir nire mit ne witaan naam tipar si enum netaritari menmen. ⁸ ²³ Te haiu au. Haiu mit mises God, haiu emu emir ke mit nau wepni (o yanm) te haiu emu emir ke hirak. Haiu emises him me God, haiu hanhan meriuwe mit. Menmen im mamkepai mamir ke mit neremime nopen miwapin yink kir. Haiu emu emimerir God maain kaknen kaktaihis kakikepai ere werek. Menmen im me haiu emimerir God hiram mamkepai mamir ke hat o wa hesnu miwapin paan ke mit, te hir netike mit han naninepan. ⁹ ²⁴ God epei kehimitenai hirak han enuk keriuwai te hirak kakraiwaank au. Hirak kehimitenai maain hirak kaknen kaktaihis kakikepai kakriuwe Mitik Iuwe kiau Jisas Krai. ¹⁰ ²⁵ Nipaa hirak kaa kakikepai, te haiu mepu, o haiu epei maa, maain haiu mamu

† 4:13 Ef 2:12 ††† 4:14 Ro 14:9; 1Ko 15:3-4, 12 ††† 4:15
 1Ko 15:51 ††† 4:16 1Te 1:10; 2Te 1:7; 1Ko 15:52 18 4:17 Jo
 12:26 19 5:1 Mt 24:36 20 5:2 Mt 24:42-44; 2Pi 3:10; Rev 3:3
 21 5:3 Esi 13:10; Mt 24:39; Lu 21:34-35; Jo 16:21-22 22 5:5 Ro

mamtikerek. ¹¹ †Te yi yaitip hiras him manp eikaap hiras mamir ke in ek yi epei yiriakem.

Pol katip him ham yinam

¹² ††Nai yinan, haiu metpi him iuwe. Yi eiyimtau him yaikaap mit kerek Mitik Iuwe kehimiteni hir niriak menmen nekepi. Hir naanmipri netpi menmen me God. ¹³ Yi han kitet mit in hir yaain, yi hanhani yentar menmen hir niriakem. Yi eitike ni yinan yi eikiyan eiyu eiyit.

¹⁴ †Nai yinan, haiu metpi him iuwe, yi eitip mit nau yain yain niriak enum, yi eitpor him manp te hir naniakem epei au emit! Yi eikaap mit hir ninaain menmen te hir han yaaik nanu. Mit kerek hir han enuk, yi eiwetir hipin. Yi ap han enuk eiriuwe mit au. Yi eitpor him yaaim main main. ¹⁵ ††Yi naanempre hiras te yi niutip niutip ap eiriak mit menmen enum emrer me menmen enum hir nerekiyem. Au, Yi eiyises menmen yaaim eiriakem me mit nar ik, me yi mit hiras yetike mit yapirwe nerer wit wit.

¹⁶ † ††Hekrit hekrit yi han yaaik eiyu. Hekrit hekrit yi eiyitehi God menmen. ¹⁸ ††Yi eitip God hirak yaaik me menmen yapirwe mamnen. Yi eiriak menmen mar im

13:12; Ef 5:9 23 5:8 Ef 6:14, 17 24 5:9 1Te 1:10; 2Te 2:14 25
5:10 Ro 14:8-9; 1Te 4:14 † 5:11 Ju 20 †† 5:12 1Ko 16:18; 1Ti 5:17
‡ 5:14 2Te 3:6, 11, 15 †† 5:15 Pro 20:22; Ro 12:17; 1Pi 3:9 ††
5:16-17 Fl 4:4 ††† 5:16-17 Lu 18:1; Kl 4:2 ††† 5:18 Ef 5:20

eiwis Krajs Jisas kakikepi yi eiriakem, te God han yaaik kakirwi.

¹⁹ §Yi ap eiwenin menmen God Himin Yaaik hanhan kakriakem au emit! ²⁰ §†Yi ap yinan yipir yewirek eiwet mit kerek newepyapir him God Himin Yaaik ketporem au emit! ²¹ §††Yi eiyinin han ekitet menmen mit netpiyem hiram me God o au. Menmen mit netpiyem yi eitenen menmen yaaim. ²² §†Te yi einaain menmen yapirwe hiram enum.

²³ §††Hi hanhan God hirekes kerekek hirak Haai ke han yaaik hirak kakikepi yi eiyisesik, te yi han ki, himin ki, yink ki hiram mamu werek werek ere Mitik Iuwe Jisas Krajs hirak pike kaknen. ²⁴ §†God kerek nipaa kehimiteni yi nirak, hirak ap kakweikin han au. Hirak kakikepi te yi eire yaain.

²⁵ § †††Nai yinan, yi eiyitehi God hirak kakikepai. Yi eiyiwo ni yinan ein eiyitpor hir yaain.

²⁷ Hi hetpi him manp hekrehir ke Mitik Iuwe, yi eikine tiwei ik ekno ninaan me ni yinan yapirwe ein.

²⁸ Hi hanhan Mitik Iuwe kiau Jisas Krajs han yaaik kirak kaku kaktikewi.

Mepir keremem

§ 5:19 Ef 4:30 §† 5:20 1Ko 14:1, 39 §†† 5:21 1Jo 4:1 §‡
5:22 Jop 1:1, 8, 2:3 §†† 5:23 Ro 15:33; 2Te 3:16 §† 5:24 1Ko 1:9;
2Te 3:3 §‡ 5:25-26 Kl 4:3; 2Te 3:1 §§† 5:25-26 Ro 16:16

2 TESALONAIIKA

Menmen me tiwei ik

Pol katip mit ne Tesalonaika gude

r 1:1-2

r*

Maain God kakikepai hirak skelim mit kerek nerekeyi menmen enum

r 1:3-10

r*

Pol kitehi God kakikaap mit ne Tesalonaika

r 1:11-12

r*

Him me mitik enuk kekrehir ke God

r 2:1-12

r*

God kehimitenai haiu mit nirak

r 2:13-17

r*

Menmen mit ne weiwik me God hir enisesim

r 3:1-15

r*

Po katip mit ne Tesalonaika him mikaru

r 3:16-18

r*

¹ Hi Pol hetike Silvenes, Timoti, haiu mewis tiwei im men yi mit ne weiwik me God yeit wit Tesalonaika. Yi ne God Haai kaiu ketike Mitik Iuwe Jisas Krais.

² Haiu hanhan God Haai kaiu ketike Mitik Iuwe Jisas Krais han yaaik kirakit hirak kaku kaktikewi yi eiyu werek werek.

Pol kitehi God katip hirak yaaik

³ Naiu yinan, hekrit hekrit haiu mitehi God haiu metpiwek haiu han yaaik meriuwerek mentar yi mit in. Menmen im yaaim mentar yi mit yises God wisenum, yi niutip niutip hanhanan wisenum. ⁴ Te haiu hiras mewenipi niuk mi haiu mewepyapirem men mit ne weiwik me God nerer wit wit. Haiu metpor menmen mit nerekiyem enum. Menmen merekyi han enuk au. Yi yises God, te yi eiyu werek werek.

Maain God han kitet menmen haiu mit miriakem

⁵ Yi yau werek werek me menmen mit nerekyi enum meteiknai menmen im. God kewis mit hir ninini

† 1:1 1Te 1:1 †† 1:2 Ro 1:7 ‡ 1:3 1Te 1:2-3; 2Te 2:13 ††
1:4 2Ko 7:4; 1Te 2:19; Rev 1:9 †† 1:5 Fl 1:28

naanmipri hir nerekyi enum nentar yi yiriak menmen mirak. Maain hirak kakteikin mit yapirwe werek werek hir enun, hirak kakre yaaik, te yi eiyu eitikerek hirak naanmipri. ⁶ Maain God kakriak menmen yaaim. Hirak kakiwaank mit nipaa nerekyi enum nentar in ek hir nerawaank. ⁷ Maain God han kitet werek, te menmen enum mamrekyi yetikewai han enuk, hiram mamnaaiwirai haiu mamu werek werek. Menmen im yapirwe mamnawirai me maain Mitik Iuwe Jisas kaktike mit nirak ensel naninawir wit ke God, hir naninen nanwepaypir hiras nanikre si merhihe. ⁸ Hirak kakriak enum kakiwaank mit kerek ninapen nanirtei God, o mit han kerek ninapen nises menmen Mitik Iuwe Jisas Krai ketpeiyem. ⁹ Mit nar ik hir nanit menmen enum mar im. Mitik Iuwe kakipiri nanino naninaaiwir ninaan mirak metike menmen mirak iuwe merhihe, hir naniwaank nanit tipmain tipmain enum eik. ¹⁰ Maain menmen im mamnen me wi eim Krai hirak kaknen, te hirak kakit niuk iuwe me mit kerek nisesik. Hir nantike haiu mit haiu emwenipi niuk mirak. Te haiu mit

††† 1:6 Ro 12:19; Rev 18:6-7 ††† 1:7 Mt 25:31; 1Te 3:13, 4:16
§ 1:8 Sam 79:6; Ais 66:15; Jer 10:25; Ro 2:8; 1Pi 4:17 †† 1:9 Ais
2:10, 19, 21 ††† 1:10 Kl 3:4; 1Te 3:13

miyapir kerek haiu misesik, haiu yapirwe han yaaik mamriuwerek. Yi mi yi eitikeri eiriak menmen im me wi eim eyintar haiu merp nimin ne yi mit haiu metpi him me God, te yi yises him im yaaim.

Pol kitehi God kakikaap mit ne Tesalonaika han tokik nanu

¹¹ Haiu han kitet menmen im te hekrit hekrit haiu mitehi God hirak kakikepi kakrekyi yi yaain te yi eiriak menmen yaaim hirak kehimiteni yi eiriakem. Haiu hanhan hirak kakikepi yi eyises menmen yapirwe yi hanhan eiriakem meriuwe menmen mirak iuwe hirak kewetiyem. ¹² Mar im mit hir nantip Mitik Iuwe Jisas hirak yaaik kakintar menmen yaaim hirak kerekyyiem kekere han ki, hirak kaktip yi yaain kakinterim. Menmen im mamnen mamintar God kiau kaktike Mitik Iuwe Jisas Kraiss hanhanai tatkepai.

Him me mitik enuk kakikrehir ke God

2 ¹ Haiu yinan, in ek haiu hanhan metpi me Mitik Iuwe kiau Jisas Kraiss pike kaknen, hirak kaktaihis kakiriyei haiu mamno mamtikerek mamkiyan mamu. ² Haiu mitihi yi ap yinaain yekre han ki waswas yentar yi yemtau Mitik Iuwe epei kan. Mitik hak ketpiyem, o mitik hak kewepyapir menmen hirak han kitet God Himin Yaaik ketpiwekem, o mitik kewis tiwei kekinaam katip haiu mewisiyem. Menmen im au emit. ³ Yi ap eiwis mit hir nanwisesiyek nanriuwe him o tiwei o menmen meiyam mit natip haiu metpiyem au emit! Mitik Iuwe ap kaknen ere mit nerer wit wit hir naninin nanweikin sip nanwet God em, mitik enuk kises menmen enum keremem hirak kaknen kakwepyapir hirekes, hirak kakiwaank kakikre si enum. ⁴ Hirak kakwis hirekes kakikrehir ke God kaktike menmen memipin kerek mit newenipiyem. Hirak kaku kakikre winak iuwe ke God hirak kaktip mit hirekes God. Menmen im epei au, hirak Mitik Iuwe Jisas kaknen.

⁵ Yi ap han ekitetim au a? Nipaa hi hepu hetikewi hi hetpiyem. ⁶ In ek yi yertei menmen mewenek te hirak ap kinin kewepyapir hirekes au, ere wi God kehimitanek. ⁷ Menmen enum mitik enuk kakriakem epei man kike, te maain iuwe, te hirak hirekes kaknen au ere menmen mewenek hirekes kaknawirek kakno. ⁸ Epei au, hirak mitik enuk kises menmen enum kakwepyapir hirekes. Mitik Iuwe kakikip kakriuwe nap me him mirak, hirak Jisas kaknen kakwepyapir hirekes kaknip mitik enuk ik hirak weinik kerekek. ⁹ Hirak mitik enuk kises menmen enum kaknen kakriuwe him me Seten, hirak kakriak menmen yaaim mirakel kakmipin mit ap nises him me God. Hirak kakriak menmen mamnip mit nanpirpir nanirem. ¹⁰ Hirak kakmipin mit kakriuwe menmen enum iuwe me Seten. Nipaa mit in hir ap nises God au. Maain hir nanwiwaank nanit. Hirak kemitopin enum enum kakintar hir ni-

† 1:11 Kl 1:9; 1Te 1:2-3 †† 1:12 Ais 24:15; Mal 1:11 † 2:1 1Te 4:13-17 †† 2:3 1Ti 4:1; 1Jo 2:18, 4:3; Jo 17:12 †† 2:4 Dan 11:36; Esi 28:2 ††† 2:8 Jop 4:9; Ais 11:4; Rev 19:15 ††† 2:9 Mt 24:24; Rev 13:11-13

napi nanises him yaaim hanhan neriuwerem, te hiram mamkepi hir nanu werek werek. ¹¹ Te God kaksiuwe menmen mamitorpin, hirak kaknipi nanises menmen memipin, ¹² te mit yapirwe niutip niutip nanit menmen enum me God nanintar hir hanhan menmen enum, ninapi nanises him mirak.

God kehimiteni yi nikerek nirak

¹³ Haiu yinan kerek God hanhani, hekrit hekrit haiu mitehi God haiu matip hirak yaaik kentar yi mit. Hirak kinin kehimiteni yi nirak, hirak kekepi yi yiriak menmen yaaim yeriuwe menmen iuwe me God Himin Yaaik, te yi yises him mirak. ¹⁴ God kehimiteni me menmen im meriuwe him mirak yaaim yi yisesim nipaa me wi haiu metpiyem. Te yi yayit menmen yaaim iuwe me Mitik Iuwe Jisas Kraiss. ¹⁵ Haiu yinan, yi han tokik eyu eyises him nipaa haiu metpiyem meriuwe him mai metike tiwei haiu mewisiyek. ¹⁶ Haiu hanhan Mitik Iuwe Jisas Kraiss hirekes ketike Haai kiau God kerek nipaa hirakit hanhanai hirakit tekepai tewetai nemink (o hipin). Te haiu han yaaik emimeriyiwek kaknen kaktaihis, ¹⁷ hirak ektenyi han ki te yi eyu tokik hirak kakikepi yi eiriak menmen yaaim miutip miutip, yi eitip menmen yaaim.

Yi eitehi God hirak kakikaap haiu mit

3 ¹ In ek haiu yinan, yi eyitehi God ke haiu mit, te him me Mitik Iuwe wen emno waswas emrer wit wit te mit nanimtewem nanisesim nar ke nipaa yi mit yisesim. ² Yi eyitiwekhi te hirak kakiriyei haiu mamnaaiwir mit enun nepan niriak enum, yentar mit yapirwe niutip niutip ap nises God.

³ Te Mitik Iuwe hirak yaaik kakises him mirak. Yi yertei hirak kakikepi yi han tokik eyu hirak naanmipri ke Seten. ⁴ Mitik Iuwe kakrekyei han kiau tokik me yi mit, yi wen yiriak menmen haiu nepei metpiyem, te maain yi wen eiriakem.

⁵ Haiu hanhan Mitik Iuwe kakri han ki te yi eyirtei God hanhan yi mit, yi han ekitet nipaa menmen enum enum man Kraiss hirak han tokik kepu, te yi eiriak menmen mar im.

Yi mit eyu yain yain au emit

⁶ In ek haiu yinan, haiu metpi him manp mekrehir me Mitik Iuwe Jisas Kraiss. Keimin ke yi mit kerek hirak kau yain yain ap kises him nipaa haiu mewetiyem, yi einopin eikeipniwek. ⁷ Yi eiriak menmen im eyintar yi hiras yertei menmen yi eiriakem te yi eiriak menmen eyir ke haiu nipaa miriakem. Nipaa haiu mau metikewi, haiu mau yain yain au. ⁸ Haiu ap maam menmen me yi mit weinim au. Witaan wanewik haiu miriak menmen iuwe, te haiu ap mari menmen mi mamim au. Kenmak haiu miriak menmen im? ⁹ Haiu

§ 2:11 2Ti 4:4 †† 2:13 2Te 1:3; Jo 15:16; Ef 1:4; 1Te 4:7, 5:9 ††† 2:17 1Te 3:13 †† 3:1 1Te 5:25 ††† 3:3 1Te 5:24 †† 3:4 2Ko 7:16; Ga 5:10; 1Te 4:10 †† 3:6 Mt 18:17; Ro 16:17 ††† 3:7 Fl 3:17; 1Te 1:6 ††† 3:8 1Te 2:9 ††† 3:9 1Ko 9:4; 1Te 1:6

miriak menmen im mentar haiu ap te mamitihi menmen weinim a? Taauye! Haiu miriak menmen im mentar haiu hanhan meteikni menmen yi eiriakem te yi eiyisisai. ¹⁰ †Nipaa haiu mau metikewi, haiu metpi him manp mar im: “Keimin ap kiriak menmen au, yi ap ei-wetiwek menmen hirak kakim au.”

¹¹ ††Haiu metpiyem mentar haiu memtau mit han ne yi mit hir nau yain yain nari him me mit han natip mit han em natipan nisesan. ¹² †In ek haiu matip mit nar ik him manp metpor mekrehir ke Jisas Krais, hir han ekiwei nanriak menmen nanit menmen me hiras nanim. Mit han au.

¹³ ††Yi naiu yinan han yi ap han enuk eiriuwe menmen yaa'im yi yiriakem au emit! Yi wen yairiakem.

¹⁴ ††Neimin ninapan nanises menmen haiu metpiyem mekre tiwei ik e, yi eiyihimiteni einaiwiri, te hir yink

† 3:10 1Te 4:11 †† 3:11 1Ti 5:13 † 3:12 1Te 4:11 †† 3:13 Ga 6:9 †† 3:14 1Ko 5:9, 11

enuk. ¹⁵ ††Yi han kitet hir nire mit ni enun nepan au. Yi eiyitpor eiyir ke ni yinan keriyen.

Him ham kike mikaru

¹⁶ †††Haiu hanhan Mitik Iuwe hirekes, hirak haai ke kakriak mit nanu werek werek, te hekrit hekrit menmen yaa'im o enum mamnen, hirak kakrekyi yi eiyu werek werek. Mitik Iuwe kakikepi yi niutip niutip yi eiyu werek.

¹⁷ §Hi Pol hirekes ewis him hetpi “gude” mau tiwei heriuwe his mai. Hi heriuwe menmen im heteikni hi hewis tiwei ik e. Mar keremem hi hewisim mau tiwei yapirwe hi hewis mit ek. ¹⁸ Haiu hanhan Mitik Iuwe kiau Jisas Krais han yaaik kirak kaku kaktikewi niutip niutip.

Mepir Keremem

††† 3:15 1Te 5:14 ††† 3:16 1Te 5:23 § 3:17 1Ko 16:21

1 TIMOTI

Menmen me tiwei ik

Pol katip Timoti gude

r 1:1-2

r*

Him me mit ne weiwik me God netike mit iuwe nir naanmipri

r 1:3-3:16

r*

Pol katip Timoti menmen me wok hirak kakisesim

r 4:1-6:21

r*

1 †Hi Pol hi aposel ke Krai Jisas. Nipaa God kerek ketaihis naanmiprai ketike Krai Jisas kerek haiu wen memeryiwek kaknen kaktaihis, hirakit epei tehimitena hi aposel hirakit teriuweta hi ano hatip mit him mirak.

² ††Hi Pol hi hesiuwe tiwei ik ken ti Timoti, ti hire nikan kai kerekek ke menmen me God. Hi hanhan God Haai ketike Krai Jisas Mitik Iuwe kiau han yaaik kirakit tatu tatikewit, hirakit hanhanit tatrekyut yaaik te ti ehu werek werek.

Ti eremir him enum me memipin

³ Hi hanhan ti ehu wit Efesas har ke nipaa hi epei ano provins Masedonia hi hetputem. Mit han en hir natip mit him enum me memipin, te hi hanhan ti etpor him manp hir ap natip mit miyapir en him ham me nipaa haiu ap metporem au emit! ⁴ †Hir ap han ekitet wit tipir o tipitim mei yapirwe me nipaa maamrer nir ne Isrel nekrit neke nein nan au emit! Menmen im me memipin mikaap mit hir niriak menmen me God nisesim au. Hir newepnak netpim weinim weinim te hir nenehan neriuwerem newaank han kir keriuwerem. ⁵ ††Hi hetput him manp me menmen im hentar hi hanhan mit ein hir hanhan God ketike mit. Hi hanhan hir han yaaik prar prar nepu. Hir nepu nar ek, te hir nanirtei hir hanhan enises God. Te hir ap nemipin natip haiu emises God au. Hir nanriak im, te hir hanhan God ketike mit. ⁶ Mit han hir neweikin sip newet him im hi hetputem, hir nises him weinim nar ke mit nitet yayiwe hak nipiun wit hir netariyem. ⁷ ††Mit in nare nanteikin mit han him me God nipaa Moses kewisim mau tiwei, te hir natip, "Him maiu hiram

yaaik." Te hir ap nertei him me Moses werek werek. Hir ap nertei him im hiram matip me mekam au!

⁸ †††Haiu mertei mit nanises him me God Moses kewisim mau tiwei werek werek, hiram yaaik meteikin mit menmen enum hir niriakem. ⁹ God kewet Moses him mirak, te haiu mertei him lo hiram ap me mit yaain au. Hiram me mit kerek ninaain him mirak, neweikin sip newetiwek kerekek. Mit in hir han kitet menmen enum, hir paan tokik ap nemtau him me mit hir ninin naanmipri au. Hir han menepep God netpepik nisesik, hir newaank menmen mirak, hir nenepan netike miye haai. Hir nenep mit nani. ¹⁰ †††Hir netike miyapir nariyanhis neweninem, hir netike mit han niyewowan, hir netenen mit neriuweti nen, te hir nanit pewek mamreri. Hir newen him nenepakmenek, hir niune nerp neit. Menmen im metike menmen meiyam enum ap mises Him yaaik me God. ¹¹ †Him im yaaik kerek God kewetewem, hi hatip mit miyapir em. Hiram meteiknai mamirkeik God hirak yaaik kire si, hirak hanhan haiu mamtikerek mamu werek werek mamir ke hirak kepu.

Pol han yaaik God hanhanek

¹² ††Hi han yaaik heriuwe Mitik Iuwe kiau Krai Jisas kentar hirak kekepa kenipa hi manpenuk, hirak han kitet hi yaaik te hi hiriak menmen mirak. Hi han yaaik hentar hirak kehimitena hi hiriak menmen mirak.

¹³ †††Nipaa hi eweikin sip hewet Jisas hi hatip enum me Krai, hi hanhan hiriak enum hi hewaank mit miyapir kerek nises him mirak. Te Krai hanhana keweikin han kai te hi hisesik hentar hi hetari menmen mirak, hi han kitet hi hiriak menmen yaaik hikaap God. ¹⁴ Mitik Iuwe

† 1:1 Kl 1:27 †† 1:2 Ap 16:1-3; Ta 1:4 † 1:4 1Ti 4:7; Ta 1:14
 †† 1:5 Ro 13:10 †† 1:7 1Ti 6:4, 20; Ta 1:10

††† 1:8 Ro 7:12, 16 ††† 1:10 Ta 1:9 § 1:11 1Ti 6:15 §†
 1:12 Ap 9:15; Ga 1:15-16 §†† 1:13 1Ko 15:9-10; Ga 1:13

hanhana wisenum, te hi eisesik hanhanek. Hirak kekepai haiu yapirwe meriuwerem mentar haiu mit narak.

¹⁵ †Him im hiram yaaim, hiram werék te mit hir enisesim wisenum. Nipaa Jisas kan ti, miye pirak winaak hirak kire haiu mit, hirak kerp ti kikaap haiu mit miyapir enun. Hi han kitet hi kiutipen hiriak enum hinin mit han hentar hi ewaank mit miyapir kerek nises him mirak. ¹⁶ Hi hiriak enum hinin mit, te Krai Jisas hanhana kentar hirak kakteikin mit karkeik hirak hanhan mit wisenum kemeryor te hir enweikin sip enwet menmen enum. Hirak kerekewem te maain mit han nemtau hi enuk, te hir han kitet nar ik: "Krais hirak werék kakikepa kar ke hirak kikaap Pol." Hir enises him mirak te hir enu tipmain tipmain enum eik. ¹⁷ ††Haiu mit emwenipi niuk iuwe mirak tipmain tipmain enum eik kentar menmen hirak kerekweiyem. Nipaa ere in ere maain, hirak kinin naanmipre mit yapirwe. Hirak God kiutip kerekek kepu. Keiyak au. Mit nirek neriuwe nanamir au, te hirak karpau tipmain tipmain enum eik. God hirak yaaik wetpen!

Timoti hirak kakises him yaaim kakinin mit enun nepan kakriuwere

¹⁸ †Nikan kai Timoti, hi han kitet him nipaa God kewet mit em me ti, hir newepyapirem natip mit em. Hi hetput him im. Ti han ekitet him hir nipaa netputem, ti ewisim mamkepit ti hepu han tokik. ¹⁹ †Ti atip mit him mirak yaaim, ti ehinin mit enun hir nepan ne Krai. Ti hiriak menmen im, ti ehises God, ti han yaaik prar prar ehu. Mit han hir neweikin sip newet menmen hir nertei hiram yaaim, te hir newaank hiras me menmen yaaim me God nar ke tukin kiwaai wit haiu miriak ere hirak kewep. ²⁰ ††Haimenias ketike Aleksanda wiketeret hirakit tiriak menmen enum mar im. Hi epei hitehi Krai hirak kewis Seten kaksip, te hirakit etirtei ap tatip enum me God au emit!

Menmen mit enisesim enitehi God em

2 ††Menmen im minin hi hanhan hetputem te ti etip mit ein him manp em hiram im. Hir enitehi God me mit yapirwe nerer wit wit hirak kakikepi, hir natip God hirak yaaik kenter. ² Hir enitehi God hirak kakikaap mitik iuwe king ketike mit yapirwe kerek ninin naanmipre haiu mit te hir nanwis haiu mit mamu werék werék haiu emises menmen yaaim emwenipi God emriuwere. ³ Mit hir enitiwekhi nanir ek hiram yaaim te mit nantip haiu yaain. Menmen im mamriak God kiau hirak han yaaik. ⁴ †††Haiumitehi God me mit yapirwe mentar hirak hanhan hir nanweikin sip nanwet menmen enum nanises him yaaim nanir hirak hanhan haiu emisesim. ⁵ †God kiutip kepu kerekek. Mitik kekrehir ke haiu mit yapirwe kerp nimin kewenin God ketikewai yapirwe me menmen enum haiu miriakem. Hirak niuk mirak Krai Jisas. ⁶ ††Nipaa God ki-

† 1:15 Lu 15:2, 19:10 †† 1:17 Ro 16:27 † 1:18 1Ti 4:14, 6:12; Ju 3 †† 1:19 1Ti 3:9 †† 1:20 2Ti 2:17-18, 4:14-15; 1Ko 5:5 ††† 2:1 Ef 6:18; Fl 4:6 ††† 2:4 Esi 18:23; 1Ti 4:10; 2Pi 3:9 † 2:5 Ro 3:29-30; Hi 12:24 †† 2:6 Ga 1:4

mat wi miutipen te Jisas kaa te hirak kakikepai me menmen enum haiu mit miyapir niutip niutip miriakem, hirak kaktaihis. Hirak keteikin mit yapirwe hirak wen hanhan mit hir enweikin sip nanwet menmen enum, hir nanisesik hirak kaktorhis. ⁷ ††Mar kere mem te God kehimitena hi aposel hirak keriuweta hi hatip mit him mirak. Hi hemipin au. Hirak keriuweta hi hatip mit miyapir him mirak yaaim men mit ne weiwik me Isrel au. Hirak keriuweta hi hen mit heriyai heriyai ap ne weiwik ham te hir enirteiyek enisesik werék.

⁸ Hi hanhan mit nerer wit wit hir nanitehi God. Hi hanhan mit nar ik hir nanweikin sip nanwet menmen me han enuk o hir nenehan me menmen, hir han yaaik prar prar nepu hir nikiam his mir nitehi God menmen.

Him me miyapir hir enisesim

⁹ ††Wi miyapir nererik neit winak ke God, hir ap hanhan neremink wipe yehes nises menmen yaaim yapirwe mau paan kir o neriuwet klos yaaim te hir nari han ke mit miyapir au emit! Hir nanriuwet menmen yaaim keremem miyapir yaain neriuwetem. Te hir neses hiras mar im. Hir enriak yaaim enkaap mit miyapir han.

¹⁰ †††Im em hiram yaaim mar ke menmen yaaim hir neriuwetem mau his, o teruk o nikip mir. ¹¹ Hir miyapir hiras nankintip wire wire enu enit enimtau him me mit hir netporem me him me God hir enisesim werék werék. ¹² ††Hi ap ewis miyapir nerp natip mit him me God neit winak ke God naanmipror au emit! Hir enkin tip enu nentar menmen im. ¹³ ††Mit ninin naanmipre miyapir nentar nipaa God kinin kewis Adam. Mite niuk mire Iv hire wikaru. ¹⁴ †††Seten hirak kemipin Adam au. Iv kerepep. Hire winin wiriak menmen enum, hire weremir him me God. ¹⁵ Te hir wen nises him me God, hanhan God ketike mit han, hir han yaaik prar prar nepu. Hir naanmamre hiras te hir ap nanriak menmen enum au, te God kakikepi hir nanu werék nantikerek nanintar hir nepu witeik nanine nikerek nanteiknor him mirak.

Him me mit kerek naanmipre mit miyapir ne weiwik miutip me God

3 †††Him im yaaim. Mitik hak kerek hanhan kinin naanmamre mit miyapir ne weiwik me God, menmen im hirak hanhanem hiram yaaim. ² ††††Mitik kar ik kiriak menmen yaaim, te mit nansiuwe him enum au. Hirak ketenen mite piutip kerepep. Hirak naanmamre hirekes ke menmen hirak kiriakem. Hirak kakwen han kirak me menmen yapirwe te hirak kakiriak menmen kar ke mitik iuwe kakriakem, te mit nantip hirak yaaik te naanmipri. Hirak han yaaik kakwet mit ne wit hak menmen mamit winak kirak. Hirak ekirtei him me God te hirak kaktip mit miyapir han em werék werék.

³ Hirak ap kaam tipar si enum ere ketaritari au emit. Hirak ap ketike mit nenehan nenepan me menmen au.

††† 2:7 Ap 9:15; Ga 2:7-8; 2Ti 1:11 †† 2:9 1Pi 3:3-5 ††† 2:10 1Ti 5:10 †† 2:12 1Ko 14:34 †† 2:13 Jen 2:7, 22; 1Ko 11:8-9 ††† 2:14 Jen 3:6, 13; 2Ko 11:3 ††† 3:1 Ap 20:28 ††† 3:2 Ta 1:6-9

Hirak ketikeri enu enit werek werek. Hirak ap hanhan pewek te han kirak kenke kenterim. ⁴ Hirak naanem-pre mite wetike nikerek hirak werek werek, hir nanises him mirak, te han kir katip kar ik: "Hirak iuwe hirak yaaik te naanmiprai me menmen yapirwe." ⁵ Mitik ap naanmipre mite wetike nikerek werek werek au, kakirkeik te hirak naanmamre mit miyapir ne weiwik miutip me God werek a? Taauye! ⁶ Hirak mitik kises him me God nipaa ein ere in au, hirak ap naanmamre mit miyapir ne weiwik miutip me God. Mitik kar ik hirak han ekitet hirekes iuwe kentar mit hir nisesik, te hirak han kitet werek werek au. God kakiwaankek kakintar hirak han kitet hirak iuwe kakir nipaa Seten epei kiriakem, te God kepirek kewaankek. ⁷ Mit nerer wit wit han ekitet hirak yaaik. Au, te hir netpiwek hirak enuk hirak yink enuk kakises menmen enum, hirak seten kakiwaankek kakir saauk mit ne wit nenke hepin nekinenim.

Him me mit hir nanriak menmen me mit miyapir ne weiwik miutip me God

⁸ Mit han kerek niriak menmen me mit miyapir ne weiwik me God hir enpar ke mit ninin naanmipre mit miyapir in. Hir mit yaain enriak menmen yaaim te hir nantip hir iuwe. Hir ap nantip nanwenin him au. Him miutip keremem. Hir naam tipar si enum yapirwe au emit! Hir ap enriak menmen me God, te hir nanri pewek yapirwe me mit kerek nises him mirak au emit! ⁹ Hir han ekitet him yaaim God epei kewepyapirem kewetaiyem hiram werek te hir enisesim werek werek mekre han kir. ¹⁰ Yi yinin han ekitet menmen hir epei niriakem hiram menmen mit kerek ninin naanmipre mit miyapir ne weiwik miutip me God hir enriakem o au. Hir niriak menmen yaaim, hir enriak menmen mikaap mit miyapir ne weiwik miutip me God. ¹¹ Mit miyapir nir hir enriak menmen werek, te mit hir nantip hir iuwe nar ke mikan nir. Hir ap nantipan nanisisan enum me mit miyapir han au emit! Hir nanim tipar si enum ere netaritari au emit! Me menmen yapirwe me God, hir enriakem werek werek. ¹² Mit niriak menmen me mit miyapir ne weiwik miutip me God hir enit miyapir niutip keriyen, hir ninin naanmamre miyapir nir nantike nikerek nir werek werek, te hir enises him mir. Hir naanmipror nantike mit miyapir niriak menmen mekre winak kir. ¹³ Neimin hir niriak menmen yaaim yaaim me mit miyapir ne weiwik me God, mit han nantip hir yaain, te hir natip him yaaim me Krai Jisas wisenum.

Hir o as bilong menmen God kiriakem

¹⁴ Hi hanhan anen ari waswas. Hi hewis tiwei im, te menmen ¹⁵ mitetenina kike, ti tewen ertei hinin naanmipre mit miyapir nises him me God. Hirak God kepu kiriak menmen, mit hir ne weiwik miutip mirak. Hir netenen him mirak naanmiprewem nar ke teinik minan winak. ¹⁶ Haiu matip him iuwe me him mirak mar

im. Him hirak God kewepyapirem kewetaiyem me Krai haiu misesim hiram iuwe, te mit ap nantip hiram enum memipin au. Hiram matip mar im:

"God keriuwetek kan keweikin his kire mitik, te hirak kakteiknaiyek.

God hirak keteikin mit Krai hirak Nikan kirak, wi nipaa God Himin Yaaik kikiak kekrit kau.

Hirak keteikin mit ensel hirekes.

Mit hir nisesik newepyapirek nerer wit wit. Mit nerer wit wit nemtewek nisesik.

God kitiwekhi keyin ken wit kirak, hirak kepu ein naanmipre menmen yapirwe."

Mit enun newenin him neteikin mit menmen enum

⁴ Mit God Himin Yaaik katip kar ik: Maain mit han nanweikin sip nanwet him me God, hir nanimtau him me tipir o herwe enum kerek hanhan nanweikin han ke mit hir naninaaiwir him me God. ² Mit enun nemipin hir nantip mit miyapir him enum mar im. Hekrit hekrit mit in newenin him ere han kir kakmitorpin katip hir nemitetpin mit miyapir han, hiram menmen weinim. ³ Mit nar ik natip mit miyapir hiram enum te hir nanitan, o hir nanim menmen ham meiyam. Te haiu mit kerek mises him me God haiu mertei him mirak werek werek, haiu mertei God kiriak menmen im te haiu minin mitehi God haiu metpiwek hirak yaaik, haiu mamim. ⁴ Menmen yapirwe God kiriakem hiram yaaim. Hiram enum au. Yi yitehi God yi yaitip yi han yaaik yeriuwerek, te yi yayim. ⁵ Him me God metike him yi yewenipiyek yeriuwerem hiram miriak menmen hiram yaaim te yi yayim.

Timoti kakriak menmen yaaim me Krai

⁶ Ti atip nit yinan ein him im, te ti mitik yaaik hiriak menmen me Krai Jisas werek werek. Him yaaim me God ti hewetewem, ti eisesim. Hiram mamkepit ti eriak menmen mirak mar ke menmen mamkaap yink kit.

⁷ Ti eweikin sip ewet him me wit tipir o tipitim weinim kerek mit miyapir enun ne mit hir netpim nisesim. Hiram yaaim te mit kerek nises God hir han kitetim au emit! Ti naanmampre hirekes te han kit hirak kakises him me God kerekek. ⁸ Ti esiuken eininem, hiram mamkepit kike, te ti yink kit kaku werek. Ti yaaik eriakem, te ti ehinin eiyises him me God mekre han kit. Menmen im mamkaap himin kit wisenum me tepin in ek, hiram mamakekpik maain ti etike God yi eiyu eiyit.

⁹ Him im hi hetputem hiram yaaim mit nanimtewem nanisesim. ¹⁰ God kepu haiu memeriwek kaknen kakithis haiu mit miyapir kerek memtau him mirak misesik. Hirak hanhan kakikepei haiu mit yapire, maain hirak kaktaihis, haiu mit miyapir meperkikem mamisesim han ekitetim. ¹¹ Ti atip mit miyapir ein him manp me menmen im ti

† 3:16 Jo 1:14; Mk 16:19 †† 4:1 2Ti 3:1; 2Pi 3:3; 1Jo 2:18; Ju 18 ††† 4:3 Jen 9:3; Ro 14:6; 1Ko 10:30-31 †††† 4:4 Jen 1:31; Ap 10:15 § 4:7 1Ti 1:4, 6:20; 2Ti 2:16 §† 4:8 1Ti 6:6 §†† 4:9 1Ti 1:15 §† 4:10 1Ti 2:3-4

eteiknorem te hir enisesim. ¹²†Ti ap ewis mit hir nani-
nan yipir nanwirek nanintar ti pipiak au. Ti ehinin mit
eteiknor menmen yaaim, te hir enisisutem. Ti atip him
yaaim, eises menmen yaaim, hanhan heriuwe mit,
ehises him me God, han yaaik prar prar ehu, te hir
nanises him mit. ¹³Ti wen emeriyo hi anen, ti ekine
him mau tiwei me God etpim him iuwe eteikin mit
miyapir menmen mirak werek werek. ¹⁴††Ti naanem-
pre hirekes te ti eriak menmen nipaa God Himin Yaaik
kewepyapirem kewetitem. Hirak kewetitem me wi mit
profet natip God kewetitem, te mit iuwe kerek naan-
mipre mit miyapir ne weiwik miutip me God hir newis
his mentar paan kit, te ti hetiwem. ¹⁵†Ti ehises men-
men im ti han ekitetim iuwe te maain mit nanir men-
men ti eriakem, hir han kir katip ti epei hiriak menmen
in ek, ti hiriak menmen yaaim iuwe. ¹⁶Ti naanmipre
menmen mit ti hirekes eriakem metike menmen ti
eteikin mit em. Ti eises him im hi hetputem, ti ekaap
hirekes hetike mit kerek nemtau him mit. Te yi eiyises
him me God werek werek, maain yi eiyu eitikerek.

Him mamkaap Timoti kinin naanmipre mit miyapir

5 ††Ti ap ene ne mit au emit! Ti etpor main main
ekepi har ke ti hikaap haai kit. Ti atip ekaap pipep
yapirwe har ke ti ekaap kikrek nit. ²Ti ekaap miyapir
enun ne mit ehir ke ti hikaap miye pit. Ti hikaap
miyapir nihan har ke ti ekaap yenten pit. Te ti han
yaaik prar prar ehu. Ti ap han ekitet ari nihan au emit!

Him me miyapir mikan nir epei naa

³Mitik ke mite kerek wises God, hirak kaa, te hire
wepu weiniye, ap mitik kei naanmiprewe au, mit
miyapir ne weiwik me God nankepiye naanmamprewe
werek werek. ⁴Au ek, nikerek o nepenyerer nepu, hir
naninin nanirtei hiras naanempre miye haai o maamr-
er nir, hir naanempror emrer menmen nipaa miye,
haai o maamrer nerekyorem. Hir enriakem te God han
yaaik ekriuwari. ⁵††Mitik ke mite hire wises God hirak
epei kaa, hire wepu weiniye, mit ap naanmiprewe au,
hire wises God hekrit hekrit, hire witiwekhi hirak
kakikeye me menmen. ⁶Te mite hap kerek mitik kire
epei kaa hire wepu weiniye, hire wauriak enum wises
han kire, te hire wises menmen yapirwe me ti, hire war
ke mite epei waa wentar hire weweikin sip wewet God.
⁷Ti etip miyapir etpor him manp hir enises him im hi
epei hetputem, te mit han ap nanitpor me menmen
enum me wi hir naanmipror me menmen. ⁸Neimin hir
ap naanmamre mit nir ne weiwik miutip, o neimin hir
ap naanempre miye haai nir, hir enun. Menmen enum
im hir niriakem hiram enum minin menmen mit enun
ap ne weiwik me God hir niriakem.

⁹Mit miyapir ne weiwik me God, hir enwis niuk mir
emu tiwei me miyapir nar ik hir naanempror. Neimin
nepu weinim, hir ne miyapir, hir naninin 60 tito, nipaa
hir neit mit niutip niutip keriyen. ¹⁰†††Mit miyapir hir

entip hir epei niriak menmen yaaim mar im: Hir nine
nikerek naanmipror werek werek, hir newet mit
miyapir ne wit hak menmen, hir nekemyet hit me mit
miyapir nises him me God neteiknor hir han yaaik
nankepi. Mit miyapir nipaa menmen mewaanki, hir ni-
paa niriak menmen yaaim yapirwe nekepi. Neimin
niriak menmen mar im, te hir mit miyapir naanmam-
ror. ¹¹Hir ap enwis niuk mau tiwei hekrit hekrit
naanempre miyapir nihan netike miyapir tokek kerek
mit nir epei naa au, hir nepu weinin au emit! Maain hir
han kir kakikrit, hir han yaaik niriak menmen me Krais
au. Hir hanhan nanino nanit mit han. ¹²Te hir nanwen
him nipaa hir netpim me hir nanu weinim nanriak
menmen me mit miyapir ne weiwik me God keriyen.
Hir niriak menmen im, te mit nantip hir niriak enum.
¹³†††Miyapir nihan netike miyapir tokek mit nir epei
naa, hir niriak menmen mar eim metike menmen im.
Hir nanu yain yain nanrer winak me miyapir han, hir
nanimtau him natipan nisesan me mit miyapir han, hir
nanino nantip menmen ap yaaim, te hir nantip men-
men haiu minaan hir netpim. ¹⁴†Te hi hanhan heriuwe
miyapir nihan netike miyapir tokek kerek mit nir epei
naa, hir enit mit han, nanine nikerek, naanempre men-
men mir me wit, te hir ap enwis mit miyapir enun na-
nipei enum au, haiu emu werek werek, te haiu ap yink
enuk au. ¹⁵Miyapir han epei neweikin sip newet men-
men yaaim, hir nises menmen enum me Seten. ¹⁶Mit
miyapir nises him me God, mitik kei kir kaa, mite pirak
wepu weiniye, hir hiras naanemprewe, te mit ne wei-
wik me God au. Hir nankaap miyapir enun ne mit
weinin keriyen, nanwetir menmen naanmamror.

Him me mit iuwe ninin naanmipre mit miyapir han

¹⁷††Hiram yaaim te hir mit kerek naanmipre mit
miyapir ne weiwik me God ein, hir mit miyapir mit ein
nanrekyor yaaim. Hiram yaaim te hir enwet mit iuwe
in pewek me wi wik me menmen hir niriakem mamre
wi miutipen. Hiram yaaim iuwe te mit ninin naanmipre
mit ne weiwik me God netike mit kerek natip mit
miyapir him me God, hir enwetir pewek me wi wik me
menmen hir niriakem mamrer wi miutipen mar ke mit
han ein. ¹⁸†††Menmen im hiram yaaim mentar tiwei me
God matip mar im: "Bulmakau kentirer rais haas
keremsuwo, ti ap ehit waai eiyepet him miram au."
Hiram wen matip, "Keimin kiriak menmen, hirak kakit
pewek mamrerim." Mit kerek natip mit miyapir him me
God, hir mit ne weiwik me God naanmamror nanwetir
pewek me menmen. ¹⁹††Ti ap emtau him me mitik ki-
utip hirak katip kesiuwe him me mitik iuwe naanmipre
mit miyapir ne weiwik miutip me God ein au emit!
Mitikit wik o wikak tatnen tatsiuwe him mitik, te ti em-
tau menmen hirakit tatputem. ²⁰†††Hirak kiriak men-
men enum, ti enerek etpiwek me ninaan me mit
miyapir ne weiwik miutip me God ein, te hir eninaain
hir ap enises menmen hirak kiriakem au emit!

† 4:12 Ta 2:15 †† 4:14 2Ti 1:6; Ap 6:6, 8:17 ‡ 4:15 1Ti 5:22
†† 5:1 Lev 19:32 †† 5:5 Lu 2:37, 18:7 ††† 5:10 Hi 13:2

††† 5:13 2Te 3:11 § 5:14 1Ko 7:9 †† 5:17 1Ko 16:18 †††
5:18 Diu 25:4; 1Ko 9:9; Mt 10:10 †† 5:19 2Ko 13:1 ††† 5:20 Ga
2:14; Ef 5:11

²¹ Me ninaan me God, Jisas Krai ketike mit nira en-sel, hi hetput him manp. Ti ehises him im hi nepei hetputem. Ti eriak menmen me mit miyapir ne weiwik me God, te ti eriakem empiram empiram. ²² Ti ap ewis his mentar mitik waswas te ti ehimitanek hirak naanmipre mit miyapir ne weiwik me God neit wit hak au emit! Maain hirak kakriak menmen enum, menmen enum mirak mamwit, te ti naanmamre hirekes keimin ti ewis his menterik ehimitanek hirak kinin naanmamre it ne weiwik me God. ²³ Ti ap ehim tipar weinim au emit! Ti hinap yapirwe, te ti ehim tipar wain meiyam emnep menmen mekre tu kit.

²⁴ Menmen enum mit han niriakem, mit yapirwe hir nerteiyem, te haiu han kitetim haiu mertei hir mit enun. Mit han niriak menmen enum nisawinem au meit, haiu mepitariyem. Te God han kitetim maain hirak kakweyapirem kakteikin mit em. ²⁵ Mar im, menmen yaaim mit han niriakem, mit yapirwe nerteiyem hir han kitetim. Te menmen yaaim mit niriakem te mit nerteiyem au, God han kitetim te maain hirak kakweyapirem kakteikin mit em.

Him me mit hir niriak menmen me mit nir iuwe

6 [†]Mit kerek niriak menmen me mit nir iuwe hir han ekitet mit iuwe nir hir yaain, te hir mit iuwe ap nantip enum me niuk me God kaktike menmen mit ne weiwik me God hir niriakem. ^{††}Mit kerek niriak menmen me mit nir iuwe hir nises him me Krai, hir ap naninan yipir nanwirek han kakitet nanir ik: "Hirak kai yinak kerekek, te hi eweikin sip ewet him mirak ehises han kai kerekek." Menmen im au emit! Hir han ekitet menmen yaaim enriak menmen yaaim iuwe nankaap mit iuwe nir nentar mit iuwe nir nises him me Krai, hir hanhani nanrekyor yaaim.

Menmen yaaim yi eiyisesim te yi eiyu werek werek

Hekrit hekrit ti eteikin mit menmen im ti etporem te hir enisesim. [‡]Jisas Krai ketpai him yaaim hirak kekepapai haiu mises God. Mitik hak hirak ap kises him yaaim me Mitik Iuwe kaiu Jisas Krai, hirak katip mit him ham, ⁴ hirak mitik enuk paan tokim kertei menmen me God werek werek au. Hirak hanhan ketike mit han hir natipan naninehan nanintar him weinim. Him im mamriak mit hir han kekrit han enuk neriuwehan, hir nenehan me menmen, hir natipan enum nesiuwehan him enum, hir han kitet enum me nir yinan. ⁵ ^{††}Mit nar ik nipaa nises God, te in ek hir neweikin sip newet God, te him mirak mau mekre han kir au. Hir newaank hiras han kir enuk netari him mirak. Hir han kitet hir natip mit him me God hiram mamkepi, hir nanit pewek yapirwe, te hir nanu werek werek. Te hir au.

⁶ ^{††}Mit han yaaik nanu nanriuwe menmen hir nipaa ere in netenenim, hir nanises him me God, te menmen im mamkepi hir nanu werek werek. ⁷ ^{†††}Nipaa miyerer naiu ninai, haiu me his mepnen. Maain haiu mami,

† 6:1 Ef 6:5; Ta 2:9-10 †† 6:2 Fm 16 ‡ 6:3 2Ti 1:13; Ga 1:6-9
 †† 6:5 2Ti 3:8, 4:4; Ta 1:14 ††† 6:6 1Ti 4:8; Fl 4:11-12; Hi 13:5
 ††† 6:7 Jop 1:21; Ekl 5:15

haiu mamihis mamno. Pewek hiram ap te mamirkeik mamkepai te God kaktip haiu yaain te haiu mamu werek werek a? Taauye! ⁸ ^{†††}Haiu metenen menmen mamim mamtike menmen haiu mamriuwetem naanmamre yink kaiu, hiram werek. ⁹ [§]Te mit kerek hanhan nanit pewek yapirwe, hir nire sak ketut hapik me menmen minin hirak kakno kakim au. Hirak ketari hirak kenke kaa kekre hei. Mit kerek hanhan pewek yapirwe, hir nire sak. Han kir kakinke kakintar menmen yapirwe te hir nanises menmen enum, hir naniwaank hiras. ¹⁰ Mit han kir kenke kentar pewek, hiram hir o as me menmen enum yapirwe. Mit han hir han kir kenke kentar pewek, te hiram menipi hir neweikin sip newet God. Maain hir han tewenin hiras me menmen enum hir niriakem.

Ti naanempre menmen God kewisim mekre han kit

¹¹ Te ti mitik ke God, ti enepin menmen im enum. Ti eweikin sip ewetiwe. Ti eriak menmen yaaim ehises menmen God hanhan haiu mamisesim, ehises him mirak, ti hanhan mit, ti han tokik ehu me mit hir nerekyut menmen enum, ti ap han enuk heriuwe mit erekyor enum au emit! ¹² Ti ehises menmen God emikre han kit iuwe enum emir ke mit hir hanhan nesuiknen waswas nanit menmen. Ti hiriak menmen mar im, hiram mamkepit te ti ehises menmen mirak werek werek ere maain ti etike God yi eiyu werek werek. Nipaa God kehimitenut me menmen im, ti nepei atip mit yapirwe etpor har ik: "Hi ami ehises him yaaim me God." ¹³ Hi hetput me ninaan me God kerek kiriak menmen yapirwe mamu mamit, hirak ketike Jisas Krai kerek nipaa katip him yaaim me God kerp ninaan me mitik iuwe gavman Pontias Pailat, ¹⁴ me ninaan me God ketike Krai Jisas hi hetput, ti naanempre hirekes ehises him nipaa hi hetputem, te mit han ap nantip enum me menmen im au. Ti naanempre menmen im ere Mitik luwe kaiu Jisas Krai kaknen kakweyapir hirekes me wi God kaktip hirak werek te hirak kakriuwet Krai pike kaknen. ¹⁵ Krai pike kaknen me wi kerek God kimat hirak kaknen, God ik hirak yaaik kerekek hirak Mitik luwe kinin mit iuwe yapirwe, hirak hirekes kerekek hirak iuwe. ¹⁶ Hirak kerekek kaki au hirak kaku tipmain tipmain enum eik. Hirak kau kekre si iuwe merhihe wisenum minin wepni ap te mit nanino menep nanirek taau! Nipaa ere in mitik kiutip ap kirek, ap te haiu mit ne ti nanirek taau. Haiu mit emwenipi niuk mirak hirak iuwe, hirak kakinin naanmamre menmen yapirwe tipmain tipmain enum eik. Keremem.

Him me mit hir netenen menmen yapirwe

¹⁷ Ti atip mit kerek netenen pewek yapirwe, hir ap han kitet hiras hir yaain ninin mit han ein, au emit! Hir ap han ektip menmen mir yapirwe mamkepi taau. Hiram mamiwaank waswas. God kerek kewetai menmen yapirwe mamrekyei han yaaik, hirak kerekek

††† 6:8 Pro 30:8 § 6:9 Pro 23:4, 28:22

kakikepi. Pewek taau! ¹⁸ Ti etpor pewek mamkepi te hir nanu werek au. Menmen yaaim hir niriak mit em hiram mamkaap hiras hir nanu werek werek. Te hir enriak yaaim enkaap mit enwetir menmen mir yapirwe. ¹⁹ Hir nanriak menmen im nanir ke hir nemi menmen me maain mamkepi. Hiram yaaim mar ke teinik kikaap winak keperp, hiram mamkepi nanu werek werek nantike God tipmain tipmain enum eik. Hir nanriak menmen mar im in ek, hir enu werek werek nanir maain hir nantike God nanu. Menmen im keremem mamkepi hir nanu werek werek. Pewek taauye!

Ti naanempre menmen mit werek werek

²⁰ †Timoti, ti naanempre him yaaim me God werek werek nipaa mit han netputem, te ti atip mit han em.

Ti eweikin sip ewet him enum weinim ap mises him me Krais. Ti eweikin sip ewet him enum me meremir him yaaim haiu misesim. Mit nemipin natip nar ik: "Yi eiyises him maiu yaaim, te yi eiyirtei wisenum." Menmen im au emit! ²¹ †Mit han hir nises him mar im, te hir ninaaiwir him yaaim me Krais newaank hiras.

Hi hanhan God kakrekya menmen yaaim.

Mepir keremem

† 6:20 2Ti 1:14; 1Ti 4:7 †† 6:21 2Ti 2:18

2 TIMOTI

Menmen me tiwei ik

Pol katip Timoti gude

r 1:1-2

r*

Pol kewepyapir menmen mau mekre ehan kirak katip Timoti em

r 1:3-2:13

r*

Pol katip Timoti menmen me ewok hirak kakisesim

r 2:14-4:5

r*

Pol katip Timoti menmen mau emarkeik me hirkes

r 4:6-18

r*

Pol katip Timoti him mikaru

r 4:19-22

r*

1 †Hi Pol hi aposel ke Krai Jisas. God kehimitena hi hatip mit miyapir him mirak hentar nipaa hirak katip mit kerek nises him me Krai Jisas, hir nanit himin yaaik nanu werek werek.

² ††Timoti, ti nikan kai yaaik ke menmen me God, hi heswut tiwei ik e. Hi hanhan God Haai ketike Krai Jisas Mitik Iuwe kaiu hirakit han tewenit tatrekyut yaaim, te ti eh u werek werek.

Haiu ap yink enuk mentar him yaaim me God au emit

³ †Maamrer nai hir epei nises him me God, hir nekepa te hi hises him mirak har ke hir nisesim. Hi hertei hekre han kai hi hisesim werek werek. Witaan wanewik hi hitehi God menmen, hi han kitetit te hi hatip God hirak yaaik kenterit. ⁴ Hi han kitet nipaa hawir winaipisakit, ti hikita. Hekrit hekrit hi hanhan arit te hi han yaaik eh u. ⁵ ††Hi han kitet menmen me God ti hisesim, ti ap hemipin au. Ti hisesim werek werek. Nipaa maam pit niuk mire Lois wetike miye pit Yunis hir ninin nises God werek werek, te in ek hi hertei werek ti hisesik har ke nipaa hir nisesik. ⁶ ††Te in ek hi eketut han em te ti naanmipre menmen yaaim nipaa God kewetutem wi kerek hi hewis his mentar paan kit hitehi God me ti. Ti eriakem iuwe eh ir ke mitik ketenwo si yeunek merhihe, ti ekaap mit eriuwerem ⁷ ††hentar ti hertei God ap kewetai Himin kirak Yaaik hirak

kenipai haiu minaa in au. God Himin Yaaik kenipai haiu mamu han tokik, haiu hanhan mit, hirak kekepai haiu mamwen han kai me menmen haiu mamisesim.

⁸ †††Te ti ap yink enuk hatip mit miyapir him me Mitik kaiu Iuwe au emit! Ti yink enuk heriuwa hi hekre winak enuk ke gavman hentar hi hatip mit miyapir him mirak au emit! Mit nanrekyut enum hentar ti hatip mit miyapir him me God, hirak kakikepit te ti han tokik eh u etikewa me menmen im. ⁹ †God kekepai ketaihis keninai haiu mamre nikerek nirak. Hirak kehimitenai kentar haiu yaain au. Haiu enun. Hirak kehimitenai kentar han kirak kerekek hirak han teweninai. Nipaa God kewis ti wen au, hirak han teweninai katip maain hirak kaksuwe Krai Jisas kaknen kakikepai. ¹⁰ ††Te in ek, hirak epei keteiknai hirak han teweninai. Hirak keriuwet Jisas Krai hirak epei kan kaktaihis naanmamrai. Hirak keremir menmen menip haiu mit haiu mami, hirak keteiknai keriuwe him mirak yaaim mar kerekek haiu mamit himin yaaik haiu mamu werek werek tipmain tipmain enum eik. ¹¹ †††Me him mirak yaaim kere-mem, hirak kehimitena hi aposel kirak, hi hewep him mit miyapir hetpor him mirak. ¹² Mit nerewaank nenterim, te hi yink enuk au. Hi hertei keimin hi eisesik, hi hertei hirak naanmipre menmen hirak kehimitenewem hi hiriakem ere wi maain hirak kaknen skelim mit han kitet menmen hir niriakem.

† 1:1 Ef 1:1 †† 1:2 1Ti 1:2 † 1:3 Fl 3:5; Ap 23:1, 24:16 ††
1:5 Ap 16:1 †† 1:6 1Ti 4:14 ††† 1:7 Ro 8:15

††† 1:8 Ro 1:16 § 1:9 Ef 1:8-9; Ta 3:5 §† 1:10 1Ko 15:55-57;
Hi 2:14 §†† 1:11 1Ti 2:7

¹³ †Te ti ehises him yaaim ti hemtewem hi nġpaa hetputem. Him im hiram mire piksa meteiknut menmen yaaim. Ti wen eises Krajs Jisas ti hanhanek ketike mit har ke haiu mit yapirwe ne Krajs Jisas miriakem. ¹⁴ ††Ti naanempre werek werek him yaaim me Krajs God Himin Yaaik kerek kau kekere han kiau hirak epei kewetutem.

¹⁵ †Ti hertei werek werek hirak Fiselas, Hemosenis tetike mit han yapirwe ne provins Esia hir yink enuk neriuwa nineina ninaipisa me wi mit newisa hi hen hekere winak enuk ke gavman. ¹⁶ Hi hanhan God kakriak mitik Onesiforas ketike mit nirak menmen yaaim. Me wi yapirwe hirak kekepa kenipa han yaaik. Hirak yink enuk kentar hi ekere winak enuk au. ¹⁷ Hirak kipiun wit iuwe Rom, hirak kinketnau kinketnau ere hirak kenepya. ¹⁸ ††Ti hertei werek menmen yapirwe Onesiforas kerekewem kekepa keriuwerem keit wit Efesas. Hi hanhan Mitik Iuwe hanhanek kakrekyiwerek yaaim me wi maain hirak skelim haiu mit han kakitet menmen haiu miriakem.

Ti hiriak menmen me Krajs har ke mitik ke ami yaaik

2 Te ti nġkan kai ke menmen me God, ti hepu han tokik heriuwe menmen mamkepai kerek God keweteyem kentar haiu ne Krajs Jisas. ² Him mei yapirwe ti epei hemtau hi hetpim mit yapirwe nemtewem, ti atip mit han yaain em, te maain hir nantip mit miyapir han em.

³ ††Mit hir neriuwaank me menmen, ti wen han yaaik ehu ehises him me Jisas Krajs werek werek ehir ke mitik ke ami kises him me mitik iuwe kirak. ⁴ Mitik ke ami ap kiriak menmen me mit han au. Mitik kirak iuwe kerek. Hirak hanhan kaknip mitik iuwe kirak han yaaik kakriuwerek kerek. ⁵ †††Mitik kesiuken ketike mit han, te hirak ekises him werek werek au, hirak kakinin mit, hirak ap kakit menmen au. Hirak kakimtau him kakisesim, te hirak kakit menmen. ⁶ †††Mitik kaan ni mirak kamir menmen iuwe, maain hirak kakinin kakit menmen epei me yaaim, mit han nanisesik. ⁷ Ti han kitet menmen wikak im hi hetputem. Hiram mire piksa meteiknut menmen. Mitik Iuwe kakikepit te ti hertei menmen im werek werek.

⁸ †Hekrit hekrit ti han ekitet Jisas Krajs. Hirak kire mitik, hirak nepenyek ke mitik iuwe Devit ke Juda. Hirak Jisas hirak kire God, hirak kaa pike kekrit kepu kepeit kar ke hi hatip mit em meriuwe him mai yaaim. ⁹ ††Mit nerewaank hi hepu hekere winak enuk har ke mitik kiriak enum hentar hi hewepyapir him yaaim me Krajs. Te mit ap newenin him me God au. Hiram mepno ein ein. ¹⁰ †††Hiram mepno ein ein te hi han yaaik hepu hetike menmen im enum hentar hi hertei menmen hi hiriakem hiram mamkaap mit kerek God kehimitenor hir mit ne Krajs Jisas, hirak kakikepi kaktorhis hir nantikerek nanu werek werek tipmain tip-

† 1:13 1Ti 4:6, 6:3; Ta 1:9, 2:1 †† 1:14 1Ti 6:20 † 1:15 2Ti 4:16 †† 1:18 Ju 21 †† 2:3 2Ti 1:8; 4:5 ††† 2:5 2Ti 4:8 ††† 2:6 1Ko 9:7, 10 § 2:8 1Ko 15:4, 20; Ro 1:3 †† 2:9 Ef 3:1; Fl 1:12-14 ††† 2:10 Ef 3:13; Kl 1:24

main enum eik. ¹¹ †††Haiu mertei him im hiram matip werek. Hiram matip mar im:

“Haiu mami mamtike Krajs Jisas, te haiu mamtikerek mamu.

¹² †††Haiu mamu han tokik me menmen enum mit nerekyeyem, te maain haiu mamu mamtikerek naanmamre mit.

Haiu mepakinek te hirak kakraipakin.

¹³ †††Haiu mare mamisesik, te maain au haiu minapen, hirak wen kakises him mirak. Hirak kakweikin his taau.”

Mitik kime menmen werek werek kar ik, God kaktip hirak yaaik

¹⁴ †††Hekrit hekrit ti ekiak han ke mit miyapir nit en me him hi hetputem. Ti etporem him manp God kakirem, ti etpor hir ap eninehan me him ham him ham au emit! Menmen im mamkaap mit kerek nemtewem au. Hiram mamriwaank.

¹⁵ †††Ti hirekes eriak menmen yaaim enip God han yaaik ehir ke mitik kiriak menmen yaaim, hirak yink enuk au. Ti hewepyapir him me God eteikin mit em werek werek. ¹⁶ †††Ti enapen him enum weinim hentar him mar im mamri mit han kir te hir nanises menmen enum yapirwe. ¹⁷ †††Him im enum mar wikes teknei miwapin yink ke mit. Him me mitikit wik it Haimenias ketike Failitas hiram enum mar ke wikes teknei.

¹⁸ Hirakit tinaipis him yaaim me God, hirakit tatip God epei keithis mit kikian. Te hirakit teweikin han ke mit han te hir ap nises him yaaim au. Hir nises him enum mar hi epei hetpim.

¹⁹ ††Mit nises him me God, hir nire teinik God kamir mau winak, hir ap te nanises him enum naniwaank hiras au. Me mit in God katip him im: “Mitik Iuwe kertei neimin hir nikerek nirak, neimin au. Neimin natip Mitik Iuwe naanmipror, hir eninepin enkeipin menmen enum.”

²⁰ ††Mekre winak iuwe yaaik sar metike min yapirwe mepeit. Min ham mire gol, min ham mire silva, min ham mire toni weinim. Min yaaim mit newis menmen mekrerem newet mit em hir nanim. Min enum me toni weinim o sar, hir newis menmen enum me teipe wenut mekrerem. ²¹ ††Keimin kenpin kekeipin him enum hirak kakir ke min yaaik kerp kemerir Mitik Iuwe kakriak menmen yaaim ekriuwerek.

²² ††Ti erir enepin ekeipin menmen mit pipep hanhanem. Menmen im au emit! Ti etike mit yaain han kir yaaik prar prar, hir nitehi God menmen, yi eyises menmen yaaim me God, yi eyises him mirak, hanhan mit, yi han yaaik eiriuwe mit yi eikiyan eiyu eyit. ²³ †††Ti enaaiwir him enum kerek mit netari menmen me God hir nituthiyem au emit! Ti hertei yi yatipan me him mar im enum yi einehan me menmen im. ²⁴ †††Mitik kerek

§† 2:11 2Ko 4:11 §†† 2:12 Mt 10:33 †† 2:13 Ro 3:3-4; Nam 23:19; Ta 1:2 §† 2:14 1Ti 6:4; Ta 3:9 §†† 2:15 1Ti 4:6; Ta 2:7-8 §†† 2:16 1Ti 4:7 §†† 2:17 1Ti 1:20 18 2:19 Nam 16:5, 26; Jo 10:14; 1Ko 8:3; Ais 52:11 19 2:20 1Ko 3:12 20 2:21 2Ti 3:17 21 2:22 1Ti 6:11 22 2:23 1Ti 4:7 23 2:24 1Ti 3:3; Ta 1:7

kime menmen me Mitik Iuwe, hirak ketike mit han naninehan au emit! Hirak eku han yaaik ekriuwe mit yapirwe kakteiknor menmen me God hirak han ekiwei ekwaai, ²⁵ †kerek keteikin mit enun menmen mir enum hir nisesim. Ti ariakem haiu mepitari God kakikepi te hir nanweikin sip me menmen enum nanirtei him yaaim nanisesim o au. ²⁶ †Nipaa Seten keweikin han ke mit kar ke hirak ketorhis nekre hepin mirak, hirak kenipi nises han kirak. Te hir nanirtei him yaaim hir nanrir naninepin nankeipin hepin me Seten nanir ke saauk mirir mekeipin hepin me mit.

Wi menep Krajs Jisas pike kaknen, mit nanriak menmen enum yapirwe

3 ††Ti han ekitet menmen im. Maain wi menep Krajs Jisas pike kaknen, menmen enum iuwe mamikrit mamnen. ² †Mit hanhan hiras keriyen, hir paan tokik, hir han kitet hir hiras iuwe, hir nantip mit enum, hir nanises him me miye haai au, hir han yaaik neriuwe menmen mit nanrekyorem nankepi neriuwerem au, hir nantip hiram menmen weinim. Hir naninapen menmen yaaim. ³ †Hir hanhan mit au, hir naninapen te nanu nanit, hir nansiuwe him enum, hir nanwenin han kir me menmen enum au, hir mit enun nepan nani-naain menmen yaaim. ⁴ †Hir nanises him mir hiras au, hir han kakitet enum enum, hir han kitet hir nertei menmen yapirwe, hir hanhan menmen me Seten mamrekyor han kir yaaik. God au. ⁵ ††Hir nemipin nanises menmen me God, te mit nanirem, te menmen iuwe me God mau mekre han kir au. Ti eweikin sip ewet mit nar ik.

⁶ ††Mit han nar ik hir nen natip him yaaim meit winak me mit hir nemipin miyapir enun netari hir yink enuk neriuwe menmen nipaa hir niriakem, hir han kir kakrit hir nanises him heriyai heriyai. ⁷ †††Hir nanimtau him me mit yapirwe, te hir nertei him me God werek werek au. ⁸ †††Nipaa Janis ketike Jambris hirakit teit him me maam nipu kaiu Moses him tewirem. Mar im mit in hir neminep him yaaim me God weinim. Te hir mit han kir enuk, hir netari him yaaim me God au. ⁹ †Hir him mir mamikrit iuwe au. Mit yapirwe nanirtei menmen mir enum memipin mar ke nipaa mit nertei me menmen enum Janis ketike Jambris hirakit tiriakem.

Ti ewis him me God mekre han kit ti ehisesim

¹⁰ †Au, ti etikewa hawir wariyakit, te ti hertei him mai, ti hertei menmen hekrit hekrit hi hiriakem. Ti hertei han kai hi hises God werek werek, hi han kekrit han enuk heriuwe mit waswas au, hi hanhani. Hi hepu han tokik me menmen enum mit nerekyewem. ¹¹ †Ti hertei mit nesiuwe him neiyep te hir nerewaank iuwe. Ti hertei menmen mit nerekyewem meit wit Antiok, Aikoniam, Listra, mit en neiyep nerewaank enum. Hi haa au, God kekepa hi wen hepu. ¹² ††Mit yapirwe kerek

† 2:25 1Ti 2:4 †† 3:1 1Ti 4:1 † 3:2 Ro 1:29-31 †† 3:5 Mt 7:15, 21; Ro 2:19-20; Ta 1:16 †† 3:6 Ta 1:11 ††† 3:7 2Ti 2:25 ††† 3:8 Eks 7:11, 22; 1Ti 6:5 † 3:11 Ap 13:50, 14:5, 19; Sam 34:19 †† 3:12 Mt 16:24; Jo 15:20; Ap 14:22

hanhan nises Krajs Jisas werek werek, mit naninip nansiuwe him nanriwaank. ¹³ †Te mit enun netike mit han enun newisesik, maain hir nanriak enum iuwe, Seten hirekes kamitorpin, hir nanmitetpin mit miyapir yapirwe.

¹⁴ ††Te ti wen ehises him yaaim nipaa mit netputem ti hisesim hentar ti hertei werek mit kerek hir netputem hir yaaim. ¹⁵ ††Nipaa ti kike miye pit wetike maam pit hir netput him yaaim me God. In ek haiu mit metputem ti hisesim. Him im hiram yaaim mamteiknut menmen yaaim ti ehisesim me Krajs Jisas te maain God kakikepit kaktuthis ti nikan kirak. ¹⁶ †††Nipaa God Himin Yaaik kewep han ke mit, hir newis him mirak mau tiwei. Him im yaaim mamteikin haiu mit menmen, mamwepyapir menmen enum haiu miriakem, mamkepai haiu mamweikin han kaiu, mamteiknai menmen yaaim haiu emisesim te han kaiu yaaik prar prar. ¹⁷ ††Hiram mamkepai haiu mit ne God haiu yaaim te haiu mamriak menmen yaaim yapirwe mirak.

Ti atip mit miyapir him yaaim me God

4 †††Hi hetput him manp, God Haai ketike Jisas Krajs, hirakit tirawir teit ninaan mirakit. Hi hetput hentar Jisas Krajs pike kaknen te maain hirak skelim mit nepu nantike mit kerek epei naa. Hi hetput te ti atip mit miyapir him me God, ti eteikin mit hir nises menmen enum, ti eneri, ekekyor han kir te hir enises menmen yaaim. Ti eteiknorem werek werek han enuk eriuweri au emit! ³ †††Ti eriak menmen im hentar maain mit miyapir hir naninapen nanimtau him yaaim me God au. Hir hanhan nanimtau him enum me memipin mamnip han kir yaaik. Te hir nanri mit yapirwe nanitorhi te hir nanitpor him, hir hanhan nanimtewem. ⁴ †††Hir nanweikin sip nanwet him yaaim em, hir nanises him weinim me mit. ⁵ †Hekrit hekrit te ti naanmamre hirekes, ehirp han tokik me menmen enum enum mamnen, ti atip mit him yaaim me Krajs Jisas te hir nanimtewem. Ti eriakem iuwe, te ti ere mitik ke God yaaik.

Wok me Pol hiram menep epei au

⁶ ††Ti ehises menmen hi hetputem, te hi au. Wi epei mamnen te mit naniyep te hi hahi. ⁷ †††Hi epei hiriak menmen God nipaa kehimitea hi hiriakem. Hi hire mitik kesiuknen resis ken kipiun mak. Menmen hi hiriakem hiram epei au. ⁸ ††Te menmen yaaim me himin kai memeriyo miwaai meit wit ke God. Maain God hirak Mitik Iuwe Yaaik skelim mit, hirak kakwetewem. Te hi kiutipen au. Hirak kakwet mit han kerek nanmeriyiwek hir hanhan hirak kakwepyapir hirekes kakit ti ik, hir nantikewa haiu mamit menmen yaaim hirak kakwetaiyem.

††† 3:14 2Ti 2:2 †† 3:15 Jo 5:39 ††† 3:16 Ro 15:4; 2Pi 1:21 †† 3:17 2Ti 2:21 †† 4:1-2 Ap 10:42; Ro 14:9-10 ††† 4:1-2 Ap 20:20, 31 ††† 4:3 1Ti 4:1; 2Ti 1:13 ††† 4:4 1Ti 4:7 18 4:6 Fl 2:17 19 4:7 1Ti 6:12 20 4:8 1Ko 9:24-25; Rev 2:10

Him meiyam kike

⁹†Ti ap era era ehit yayiwe au emit! Ti enen waswas hentar

¹⁰††Dimas epei kinaipisa ken wit Tesalonaika, hirak hanhan keriuwe menmen enum mit hanhan em. Krensens epei ken wit Galesia, Taitas ken wit Dalmesia.

¹¹‡Luk kiutipen kerekewau ketikewa. Ti ehithis Jon Mak hirak kaktikewit yi enen in kakintar hirak yaaik kakikepa. ¹²‡‡Hi heriuwet Tikikas hirak epei ken wit Efasas. ¹³‡‡‡Wi kerek ti enen, ti ehit saket kai nokik kerek nipaa hi enemtin ewisim miwaai meit winak ke Kapas keit wit Troas. Te ti etiwem mamtike tiwei mei. Tiwei mit nipaa mit niriakem me miyak patin, ti etiwem eiyim enen hi hanhanem iuwe.

¹⁴‡‡‡Aleksanda, mitik kime bras ain, hirak kerekyo menmen enum enum. Mitik Iuwe kakrekyiwewek enum mamrer menmen me hirak epei kerekyewem. ¹⁵Ti naanempre hirekes me hirak hentar hirak katip enum enum me him yaaam me Kraiss haiu matip mit em.

¹⁶‡‡‡‡Wi hi hinin hen kot ke gavman hatip him naanem-

† 4:9 2Ti 1:4 †† 4:10 Kl 4:14; Ta 1:4 ‡ 4:11 Kl 4:14; Ap 15:37-39 ‡† 4:12 Ef 6:21-22 ‡‡ 4:13 Ap 20:6 ‡‡† 4:14 1Ti 1:20; Sam 62:12; Pro 24:12; Ro 2:6 ‡‡‡ 4:16 2Ti 1:15

pre hirekes, mit han nekepa au, hir ninaipisa. Hi hanhan Mitik Iuwe ap han kitet menmen im enum hir niriakem keremem. ¹⁷§Te Mitik Iuwe kekepa kerekyo hi han tokik hau. Mar im hi hatip mit him me God te mit yapirwe neit kot nemtewem. Te Mitik Iuwe kekepa, mit ap neiyep hi haa au. Hi hepu werek. ¹⁸Maain Mitik Iuwe kakikepa me menmen enum enum kakiriya kak-wisa hahit wit kirak naanmamprau. Haiu emwenipi niuk mirak hirak iuwe tipmain tipmain enum eik. Keremem.

¹⁹§†Ti atip Prisila wetike Akwila hir netike mit miyapir nikerek ne mitik Onesiforas, ti etpor hir yaain. ²⁰§††Iras-tas wen kepu wit Korin. Hi hinaipis Trofimas hirak kinap keit wit Mailitas. ²¹Te ti enen wasenum. Maain hawi hitan nime yuwerep mamnen.

Yubyulas, Pyudens, Lainas tetike mite Klodia natip ti yaaik, hir netike nit yinan yapirwe in.

²²Hi hanhan Mitik Iuwe kaku kakikre han kit. Hi hanhan Mitik Iuwe han yaaik kirak kaku kaktikewi.

Mepir keremem

§ 4:17 Ap 23:11, 27:23; Dan 6:22 §† 4:19 Ap 18:2; 2Ti 1:16-17
§†† 4:20 Ap 19:22, 20:4

TAITAS

Menmen me tiwei ik

Pol katip Taitas him gude

r 1:1-4

r*

Him me mit iuwe ninin naanmipre emit ne sios

r 1:5-16

r*

Menmen mit miyapir ne sios nanisesim

r 2:1-3:11

r*

Pol katip Taitas him mikaru

r 3:12-15

r*

1 Hi Pol hi hiriak menmen me God, Jisas Krai ke himitena hi aposel kirak. Hirak keriuweta hi hepno ekaap mit God kehimiteni hir mit nirak, te hir enises him mirak werek. Hi etpor him yaaim, te hir enirtei enises menmen me God. ² Hi ekaap mit hir nanises him me God nanmeriyiwek hirak kaknen kaktorhis, te hir nantikerek nanu nanit tipmain tipmain enum eik. God hirak kemipin au. Nipaa enum eik hirak kiriak ti wen au, hirak katip hirak hanhan mit nantikerek nanu nanit tipmain tipmain enum eik. ³ Hirak ketpim epei au, maain wi ham hirak kehimitanem, hirak kewepyapirem. Hirak kewepyapirem keriuwe him hirak kewetewem, te hi atip mit em. God katip hirak kaktaihis haiu mit keriyen, te hirak keweto him im hi atip mit em.

⁴ Hirak Taitas, hi Pol hewisut tiwei ik kan. Ti nikan kai ke menmen me God haiu yapirwe misesim. Hi hanhan God Haai ketike Krai Jisas kerek kekepai kaktaihis, hirakit tatrekyut yaaim, te ti ehu werek werek.

Him me mit iuwe naanmipre mit ne weiwik me God

⁵ Hi hinaiwirit ti hepu wit Krit, te ti eriak menmen ere werek nipaa hi hiriakem. Ti ehimitan mit iuwe naanempre mit miyapir ne weiwik me God nerer wit wit mar ke nipaa hi hetputem. ⁶ Hirak iuwe nipaa ere in hir niriak menmen enum au, hir naanmamre mit miyapir ne weiwik me God keriyen. Hir neit miyapir niutip niutip keriyen. Nikerek nir enises him me Krai, te hir mit han ap nansiuwe him nantip nikerek nir niriak

† 1:3 Ef 1:9-10; Ta 2:10, 3:4; 1Ti 1:1, 11 †† 1:4 2Ko 8:23; Ga 2:3; 2Ti 1:2; 4:10; Ro 1:7 ‡ 1:6 1Ti 3:2-7; 2Ti 2:24-26

enum nises han kir weinim ap nemtau him me miye haai au emit! ⁷ Hirak iuwe naanmipre menmen me God, te hirak nipaa ere in kiriak menmen yaaim. Hirak mitik enuk paan tokik au emit! Hirak ap han enuk waswas keriuwe menmen au emit! Hirak kaam tipar si enum ere ketaritari au emit! Hirak ketike mit han nenehan nenapan me menmen au emit! Hirak hanhan kakit pewek te han kenke kenterim au emit! ⁸ Au, hirak ekikaap mit han nan neke wit hak, hirak hanhan ekises menmen yaaim. Hirak naanempre hirekes ekriak menmen yaaim ekises him me God. Hirak ekwenin han kirak te hirak eku werek. ⁹ Hirak ekises him yaaim nipaa haiu metporem, te hirak kaktip mit kakikepi kakriuwe him im yaaim, hirak kakri han ke mit ap nises him yaaim, te hir nanirtei menmen enum hir nisesim.

Mit enun ne wit Krit natip him weinim nemipin

¹⁰ Hirak ekriak menmen im ekintar mit yapirwe ein ne weiwik me God hir ninapen nemtau him me Krai. Hir natip me menmen weinim nemitetpin mit neriuw-erem. Mit yapirwe nar ik hir nises him me mit kerek natip nar ik: "Yi eirekir yink ki, te yi yises him me God werek werek." ¹¹ Hir mit nar ik nemitetpin mit neriuwe him mir im enum. Hir nari han ke mit miyapir nikerek nir niutip niutip nerer wit wit neriwaank. Hir netpor him enum hir enisesim kerek haiu mit in haiu ap te mamriakem taau. Te hir enit pewek keremem me mit han. Te ti ewenin menmen mit nar ik hir niriakem natip mit em. ¹² Nipaa mitik kiutip ke mit ne Krit hir

†† 1:7 1Ko 4:1 ‡‡ 1:9 2Ti 4:3; Ta 2:1 ††† 1:10 1Ti 4:7 ‡‡‡ 1:11 Jo 10:12; 1Pi 5:2; 2Ti 3:6

han kitet hirak profet yaaik hirak katip kar ik: "Hekrit hekrit haiu mit ne wit Krit haiu memipin, han kaiu enuk haiu miriak enum mar ke samiyak enuk, haiu mau yain yain maam menmen weinim." ^{13 † ††}Him im hirak ketpim hiram yaaim. Ti ene mit in ne weiwik me God wisenum, te hir ap enises him me weiwik me maamrer ne mit ne Isrel au emit! Hir ap enises him weinim me mit nises him lo me nipaa te hir neweikin sip newet him yaaim me God em au emit! Hir mit ne weiwik me God hir enises him mirak werek werek keremem.

^{15 †}Mit han, han kir yaaik prar prar, hir han kitet menmen yapirwe yaaim te hir ap nineinim au. Te mit han kerek han kir enuk, hir han kitet him me Krais werek werek au, hir natip menmen yapirwe hiram enum hir nineinim. Menmen mewaank han kir te hir netari menmen enum hir niriakem nisesim. ^{16 ††}Hir natip hir netike God nau han kiutip, te menmen hir niriakem nisesim meteiknai hir nemipin. Hir netike God nau han kiutip taauye! Hir nises him me Krais au. Hir mit enun paan tokik, hir ap nanriak menmen mei yaaim miutip taauye!

Him ti atip mit miyapir iuwe em

2 ^{††}Te ti etip mit miyapir him yaaim hiram mises him me God. ² Ti atip mit enun ne mit te hir ap naam tipar wain ere hir netaritari au emit! Hir naanmampre hiras enriak menmen yaaim, te mit han natip hir yaain. Hir enwenin han kir me menmen hir nisesim. Hir enises him me Krais werek werek. Hir han tewenin mit. Mit nerekyor enum te hir han tokik enu.

^{3 †††}Ti atip miyapir epei enun ne mit te hir naanempre hiras me menmen yapirwe hir niriakem, enir ke miyapir nises him me God hir enriakem. Hir ap nantipan nanisesan au emit! Hir ap hanhan nanim tipar wain yapirwe au. Hir natip miyapir han menmen yaaim me God neteiknorem narkeik hir nanisesim. ⁴ Hir entip miyapir nihan menmen enkepi te hir han etwenin mit nir niutip niutip netike nikerek nir. ^{5 †††}Hir natip miyapir nihan menmen, te hir naanmamre hiras te hir nanriak mit miyapir menmen yaaim. Hir ap han ekitet nantike mit nanriyanhis nanweninem au emit! Hir naanmamre menmen me winak, enriak menmen yaaim enimtau him me mit nir niutip niutip keriyen, te mit han ap nantip enum me him me Krais keremem au.

Him me mit pipep

⁶ Ti atip mit pipep him manp te hir naanempre hiras nanwenin han kir me menmen hir han kitetim te hir enriak menmen yaaim keremem. ^{7 †}Menmen yapirwe ti hiriakem, hiram mire piksa meteiknor menmen hir enisesim. Wi ti etpor menmen, ti ap ari him weinim etporem metike him yaaim mit au emit, te hir nanirtei ti mitik yaaik. ^{8 ††}Ti atip him yaaim mamkaap mit keremem, te mit han ap te nantip enum me him mit. Ti

† 1:13-14 2Ti 4:2 †† 1:13-14 1Ti 4:7 † 1:15 Mt 15:11; Ro 14:20 †† 1:16 2Ti 3:5; 1Jo 1:6, 2:4 †† 2:1 Ta 1:9 ††† 2:3 1Ti 3:11 ††† 2:5 Ef 5:22 † 2:7 1Ti 4:12; 1Pi 5:3 † 2:8 1Pi 2:15

eriak menmen mar im, te mit enun nepan ne him me Krais hir yink enuk nentar hir ap natip him enum em menmen yaaim haiu mit miriakem au.

Him me wok mit

^{9 †††}Ti atip mit kerek niriak wok me mit han, te hir enises him me mit nir iuwe te hir han yaaik neriuweri me menmen yapirwe hir niriakem. Hir ap enitpor him enum au emit! ^{10 †††}Hir ap enkintip menmen me mit nir iuwe enipakinem au emit! Hir naanmamre menmen me mit nir iuwe enises him, te mit nir iuwe enirtei mit in niriak menmen yaaim. Mar im mit nir iuwe hir han kitet him me God kaiu kakikepai hiram yaaim.

¹¹ Hi hatip menmen im hentar God epei keteiknai hirak hanhan kakikepai haiu mit yapirwe kaktaihis, te hirak keriuwet Jisas hirak kan ti. ^{12 †††}Menmen im meteiknai haiu emweikin sip emwet menmen enum me ti. Haiu ap emises hiras te haiu emriak menmen yaaim emises God emir ke mit nises him me God hir enriakem. Haiu emriak menmen emir im me wi haiu mepu ti im e. ^{13 ††}Haiu emriak menmen im me wi haiu memerir wi yaaim God kaiu Iuwe Jisas Krais pike kaknen kakwepypir hirekes kakteikin mit menmen mirak iuwe. ^{14 †††}Nipaa hirak kaa kakikepai kaktaihis, te haiu emnaaiwir menmen enum, haiu emises him me God. Hirak kerekyei haiu mepu han yaaik prar prar, haiu mit nirak keriyen. Haiu hanhan wisenum mamrekyiwewek menmen yaaim. ^{15 †††}Ti wen etpor him im him manp enum. Mit hir ninapen nanises him im, ti etpor him manp hekrehir ke Jisas te hir enisesim. Te ti ap ewis mit hir ninan yipir nanwirek neweikin sip newetutem.

Haiu mit emises menmen yaaim

3 ^{†††}Hekrit hekrit ti eriak han ke mit miyapir ne weiwik miutip me God te hir nanimtau him me mit ne gavman netike mit kerek naanmipre mit nerer wit wit, hir enises him mir, enriak menmen yaaim enkepi. ^{2 ††††}Hir ap nantip enum nansiuwe him mit han au. Hir netikeri nenehan au. Hir enkiyan enu enkaap mit nanirak mit yapirwe menmen yaaim. ^{3 †††}Nipaa ein haiu hiras metari menmen me God haiu ap misesim au. Seten kemitaipin kari han kaiu, te haiu hemkre menepam me menmen haiu miriak enum, haiu mewenin han kaiu me menmen au, haiu miriak menmen mises han kaiu keremem. Haiu mises menmen enum mepu weinim miriak han kaiu yaaik. Haiu yink enuk meriuwe mit netenen menmen yaaim, o menmen me mit han, haiu mineini, hir nineinai haiu enun nepan keriyen.

^{4 ††}Te God kerek maain kaktaihis, hirak keteiknai haiu mit hirak yaaik hirak han teweninai. ^{5 ††}Te hirak keriuwet Jisas kan kekepai. Hirak kekepai kentar menmen yaaim haiu miriakem au. Hirak kekepai kentar hirak

††† 2:9 1Ti 6:1; 1Pi 2:18 †† 2:10 Ta 1:3 ††† 2:12 1Jo 2:16; Ef 1:4 †† 2:13 1Ko 1:7; Fl 3:20 †† 2:14 Ga 1:4; Sam 130:8; Eks 19:5; Diu 7:6; Esi 37:23; 1Pi 2:9; Ef 2:10 ††† 2:15 1Ti 4:12 ††† 3:1 Ro 13:1-7; 1Pi 2:13-14 ††† 3:2 Fl 4:5 18 3:3 1Ko 6:11; Ef 2:2, 5:8 19 3:4 Ta 1:3 20 3:5 2Ti 1:9; Ef 5:26; Jo 3:5

hanhanai. Wi nipaa mit hir nikrai neriuwe tipar, God Himin Yaaik kenipai haiu han yaaik prar prar mepu, hirak kenipai keweikin his himin kaiu te haiu mises menmen yaaim. ⁶†God Haai kesiuwe Himin kirak Yaaik kan kekepai iuwe kentar menmen Jisas Krai kerek kekepai kaktai his hirak kiriakem. ⁷††Hirak keriuwetek te hirak han yaaik kakikepai kakisak menmen enum haiu miriakem hirak katip haiu yaain, kehimitenai haiu eminkerek maain haiu emtikerek emu tipmain tipmain enum eik.

⁸Menmen hi etputem hiram him yaaim. Hi hanhan te ti etpor him im him manp, te hir mit kerek nises him me God naanmampre hiras nanriak menmen yaaim. Menmen mar im hiram yaaim mamkaap mit.

⁹†Ti etike mit han yi ap eitipan einehan me him enum weinim au emit! Ti ap eises him me wit tipir o menmen nipaa mit maamrer niriakem emit! Ti etikeri yi einehan me him lo Moses kewet mit ne Isrel em au emit! Menmen mar im mamkaap mit au. Hiram mamiwaanki.

¹⁰††Mitik hak kari han ke mit han ne weiwik me God hir nisesik, te ti enerek miutip o wik. Epei au, hirak wen ap kakimtau him mit, yi mit yapirwe eiweikin sip ei-wetiwek. ¹¹††Mitik kar ik han kitet menmen enum,

† 3:6 Ap 2:17-18 †† 3:7 Ro 3:24 † 3:9 2Ti 2:14, 16, 23 †† 3:10 Mt 18:15-17; 2Jo 10 †† 3:11 1Ti 6:3-5

kiriak menmen enum. Menmen enum hirak kiriakem mewepyapir hirak enuk.

Pol kewis him ham yinam

¹²††Maain te hi esiuwe mitik Atemas o Tikikas hirak kiutip kaknen kakiun ein, ti enen waswas, te hawir ewiwen yipirakit ewit wit Nikapolis. Hi ami ahu in ere hawi hitan epei au. ¹³††Ti ekaap mitik Sinas kerek kertei menmen me lo me mit ne wit Rom. Ti ekepik ketike mitik Apolos. Ti ekepikit, te hirakit tetenen menmen me hir neiyim nanino.

¹⁴§Mit miyapir nau enirtei enriak yaaim enkaap mit miyapir hir han enuk me menmen enum man mewaanki. Haiu emriak menmen im emkepi te hir enu enir ke nu hir mit ap niman au, hiram mamri yapirwe. Mar im hir ap nanu weinim au, hir enises menmen me God werek werek. ¹⁵Mit miyapir kerek netikewa haiu mau in, hir nesiuwe him natip ti yaaik. Ti atip mit miyapir ein haiu matip hir yaain. Hi hanhan God han yaaik kirak kaku kaktikewi.

Mepir keremem

††† 3:12 Ef 6:21-22 ††† 3:13 Ap 18:24; 1Ko 3:5-6, 16:12 § 3:14 Ef 4:28; Ta 2:14; Mt 7:19

FAILIMON

Menmen me tiwei ik

Pol katip mitik Failimon him gude

r 1:1-3

r*

Pol kewenipi niuk me Failimon

r 1:4-7

r*

Pol kitehi Failimon hirak naanmampre Onisimas

r 1:18-22

r*

Pol katip Failimon him mikaru

r 1:23-25

r*

1 †Hi Pol hi hepu hekre winak enuk ke gavman hentar him me Jisas Kraiss hi atip mit em. Hi hetike kaiu yinak Timoti, hawir wik wewis tiwei ik wesiuwerek ken ti Failimon. Ti kawir yaaik, haiu miriak menmen miutip. ² ††Hawir ap weswut ti kiutipen tiwei ik au. Hawir wesiuwerek kakno mit ne weiwik me God kerek nau nererik neit winak kit eik, hir netike Apia yenten pawir wetike Akipas. Hirak kiriak menmen kar ke hawir wiriakem.

³ ††Hi hanhan God Haai kaiu ketike Mitik Iuwe Jisas Kraiss han yaaik kirakit hirak kaku kaktikewi, yi eiyeu werek werek.

Failimon kises him me Mitik Iuwe

⁴ ††Hekrit hekrit hi hitehi God, hi hetpiwek hirak yaaik hentar ⁵ hi hemtau ti ehises Mitik Iuwe, ti hanhanek hirak ketike mit hir nises him mirak. ⁶ ††Hi hitehi God te hawir wetikewi wewepnak me menmen me God, hirak kakikepit te ti ertei iuwe menmen yapirwe me God haiu metiwem hiram mamkepapai wisenum, haiu emises him me Kraiss werek werek. ⁷ ††Kai yinak yaaik, hi han yaaik wisenuk hau werek werek hentar ti hanhan mit ne weiwik me God ein, ti ekepi hir han tokik nepu hir nau werek werek neriuwe menmen me God.

Failimon pike kakithis Onisimas hirak kire kirak yinak

⁸ ††[§]Hi han kitet menmen im ti hirak mit em hiram menmen yaaim. Hi amir hituthi ti eriak menmen yaaim

† 1:1 Ef 3:1 †† 1:2 Kl 4:17; 2Ti 2:3 † 1:3 Ga 1:3 †† 1:4 Ro 1:8-9 †† 1:6 Fl 1:9; Kl 1:9 ††† 1:7 2Ko 7:4 ††† 1:8-10 Fl 1 § 1:8-10 Kl 4:9; 1Ko 4:15

me nikan kai Onisimas. Hi hire haai kirak hentar hi heit winak enuk ke gavman, hi hekepik hirak kises him me God. Hiram werek te hi etput him iuwe menmen im hekrehir ke Kraiss hentar hirak kehimitena hi mitik iuwe, te ti ehisesim. Au, hi hinapen etput him iuwe au emit! Hawir hanhanakit, te hi hinapen. Hi Pol hi enuk epei he mitik hi heit winak enuk ke gavman hentar him me Jisas Kraiss hi atip mit em. Hi hare hituthi ti ariak yaaim me nikan kai Onisimas. ¹¹ Ti hertei niuk mirak matip mar im: "Hirak kikaap mit," te nipaap hirak kiriak menmen hirak ap kekepit au. In ek hirak kises him me God te hirak kiriak menmen yaaim kekepawir. Hirak kekepit, kekepa.

¹² In ek hi epei esiuwerek kan kirit. Hi han in han kitetik.

¹³ ††[§]Hi hanhan eriuwerek, te hirak kaktikewa kaku in kakikepa kerek hi wen hepu winak enuk ke gavman hentar him me God. Te hi hepu in ti ekepa. Au, ti hep-eit ein, te hi hanhan hirak kekrehir kit kekepa. ¹⁴ †††Hi epei hesiuwerek ken ein. Hirak ap kau ketikewa au. Hi ap etenenik ere hi heswut tiwei eituthi ti ewenhi hirak kaku in, te hi esiuwerek ken ein. Hi hinapen ti yink enuk hentar hi etenen mitik kit ere ti ewenhi, te hi epei hesiuwerek ken. Hi hanhan ti eriak menmen ti ehises han kit ek. ¹⁵ Hi han kai katip kar ik: "God kewisik hirak kinaiwirit kirir ken keit ein wi ham kentar maain hirak ap pike kaknen ¹⁶ ††[§]kakir ke mitik kit kiriak wok mit taau! Hirak kakre kit yinak yaaik kaku kaktikewit. Hi hanhanek iuwe. Ti au ti tewen han teweninek wisenuk

§† 1:13 Fl 2:30 §†† 1:14 2Ko 9:7; 1Pi 5:2 §† 1:16 1Ti 6:2

hentar hirak kit yinak yaaik ke menmen me Jisas, hirak mitik kit kiriak menmen mit.

¹⁷ Te ti han ektip hi wariyakit kit, te han kit ektip mitik hak eik ekpire hirak wariyakit kit ekpar kerek hi wariyakit kit. Hirak Onisimas kaknen, ti etiwekhis.

¹⁸ Hirak kerekyut menmen enum kekintip menmen kisawinem, te ti ehitauihi me menmen hirak kekintipem.

¹⁹ †Hi Pol hi hewis him im me his mai hirekes, te hi hirekes pike ewetitem. Nipaa hi ekepit, te ti eweikin han hises him me God, te ti eweto menmen me im em au. ²⁰ Te kai yinak, ti erekyo menmen yaaim im. Ti naanmipre Onisimas kar ke ti naanmimprau. Ti eriak menmen im mentar hawir wises Mitik Iuwe, te hi han yaaik eriuwit.

²¹ Hi ewisut tiwei ik ke han kai katip ti ehises menmen hi hetputem. Au, hi hertei ti ehinin menmen im hi hituthiyem. ²² ††Maain Onisimas kaknen kakiun ein, ti

† 1:19 1Ko 16:21; Ga 6:11 †† 1:22 Fl 1:25, 2:24

etiwek his ti wen naanmamriwek yaaik ti erekyiwek haau mai mamintar hi hanhan God kakimtau menmen yi yitiwekhi ke hi, te hirak kaksiupena hi anaaiwir winak enuk ke gavman, hi anen ari.

Mit hir natip gude men mitik Failimon

²³ †Hi hetike Epafra wau wekre winak enuk ke gavman wentar him me Jisas Krai. Hirak kesiuwe him ketput ti yaaik. ²⁴ ††Mak, Aristakas, Dimas tetike Luk hir netikewawir haiu miriak menmen me God. Hir nesiuwe him natip ti yaaik. ²⁵ Hi hanhan Mitik Iuwe Jisas Krai han yaaik kirak kaku kaktikewi.

Mepir keremem

‡ 1:23 Kl 1:7 †† 1:24 Kl 4:10, 14; 2Ti 4:10-11

HIBRU

Menmen me tiwei ik

Krais keteiknai God hirak kire mekak

r 1:1-3

r*

Krais Iuwe kinin mit ensel

r 1:4-2:18

r*

Krais Iuwe kinin Moses ketike Josua

r 3:1-4:13

r*

Krais Iuwe kinin mit pris

r 4:14-7:28

r*

Him me Krais hiram minin him enipaa God kewet Moses em

r 8:1-9:28

r*

Hemkre me Jisas minin hemkre me bulmakau, ehiram mesak menmen enum maiu

r 10:1-39

r*

Haiu mit han ekitet Jisas haiu emnakin tokim eemisesim

r 11:1-12:29

r*

Him me menmen mit ne weiwik me God ehir nanisesim

r 13:1-19

r*

Him mikaru

r 13:20-25

r*

God Nikan kirak kekrehir ke Haai kirak ketpai him mirak

1 Nipaa enum eik me wi ham yapirwe, God katip mit profet him mirak kenipi hir nityak. Nepei au, hirak keruweti nan natip maamrer him mirak. ²†Te in ek, wi kerek ti nepei au mamisi, God kewepaiyapir him mirak keriuwe menmen Nikan kirak ketpim. God epei kehimitanek hirak kakwetiwek menmen mirak yapirwe. Nipaa God katip Nikan kirak te hirak kises him mirak hirak Nikan kirak menmen yapirwe mau ti mau nepni, mar ke Haai kirak hanhanem. ³††Nikan kirak Jisas keteiknai menmen iuwe me God merhihe mire ti-par meteiknai himin kaiu kentar han kirak kerekek kire

† 1:2 Sam 2:8; Mt 21:38; Jo 1:3; Kl 1:16 †† 1:3 2Ko 4:4; Ap 2:33-34; Kl 1:15; Hi 8:1

God. Hirak him mirak iuwe menip menmen yapirwe hiram mises han kirak te hirak naanmipre menmen yapirwe mau merer wit wit. Hirak hirekes kaa kentar nu tentarakit kesak menmen enum mekre han ke haiu mit. Epei au, hirak ken kau wit kerek God Mitik Iuwe kewiyen, hirak kau menep his yaaim mirak kerek mit iuwe naanmipre menmen yapirwe hir newi.

Nikan ke God kinin mit ensel

⁴‡Jisas kau menep his yaaim me God kerek mit iuwe newi. Mar im God epei keteiknai hirak kiriakek hirak kinin mit ensel kar ke niuk kerek God kewetiwekem hiram minin niuk me mit ensel. ⁵††Niuk mirak iuwe minin niuk me mit ensel mentar nipaa God ap katip mit mirak ensel kar ik:

‡ 1:4 Fl 2:9 †† 1:5 Ap 13:33; Hi 5:5; 2Sml 7:14; Sam 2:7

“Petepin hi hehimitenit ti are nikan kai.” God keteipim pike ketpim kar ik:

“Maain hi ahu are Haai kirak, hirak kaku kakre Nikan kai.” God ap katip me mit ensel narak au. Hirak katip me Nikan kirak Jisas kerekek. ^{6 †}Kerek wi nipaa God kakriuwet Nikan kirak iuwe mitik kaknen ti ik, hirak keteipim pike ketpim kar ik:

“Yi mit ensel nai yi eiwenipi niuk mirak.”

^{7 ††}Hirak katip me mit ensel kar ik:

“Hi herekyor hir niriak menmen mai waswas nar ke nime, hir naniwaank menmen ap mises han kai au nar ke si merhihe.” ^{8 †}Te hirak katip me Nikan kirak kar ik:

“Ti are hi God ti Mitik Iuwe naanmipre menmen yapirwe tipmain tipmain enum eik. Ti tewen naanmamre menmen mit ti hiriakem yaaim yaaim.”

⁹Ti hanhan heriuwe menmen yaaim, ti au han enuk heriuwe menmen enum, te ti Mitik Iuwe, hi God kit hi ehimitanit ti iuwe ti han yaaik ehinin mit yapirwe.”

^{10 ††}God pike katip keteipim kar ik:

“Ti Mitik Iuwe nipaa enum eik ti hiriak ti metike nepni meriuwe his mit.

¹¹Maain ti ik ketike nepni hiram mamiwaank mamit te ti au. Ti ehu ehit tipmain tipmain enum eik. Mar ke mit neriuwet laplap ere enum hir newirem, maain ti ketike nepni hiram mamweikin his mamirem.

^{12 ††}Mar ke mit nenep laplap enum tokim newirem hir neit ham yaaim neriuwetem, te ti ehit ti ketike nepni enum ti ewirem emit, ti enip meiyam yaaim emikrehir miram. Ti hirekes au, ti ehu apar ke in ek ti hirekes hepu. Ti ap te eweikinhis are menmen enum tokim au. Ti ehu tipmain tipmain enum eik.” ^{13 †††}Nipaa God katip kar ik:

“Ti ehu menep etikewa eno menep his mai yaaim kerek mit iuwe newi, ti ehu ere hi enep mit enun nepan ni enip enepi.”

God hirak ap katip him im men mit ensel au. Hirak katip Nikan kirak em keremem. ^{14 †††}Te mit ensel hir nire mekam? Hir nire himin hir niriak menmen God ketpor, hirak keriuweti nanino nanriakem nankaap mit miyapir kerek hirak hanhan kaktorhis nanu nantikerek.

God hirak kakikepai kaktaihis-Menmen im hiram iuwe

2 Nikan ke God Jisas hirak Mitik Iuwe kinin menmen yapirwe, te haiu emises wisenum menmen kerek nipaa haiu memtewem te haiu ap emnaaiwir him im emweikin sip emwetiwem au emit! ^{2 †}Nipaa God katip mit ensel narak him mirak. Hir netiwem netipim newepyapir mit em. Menmen nepei man mar ke nipaa hir netpim. Mit kerek neweikin sip newet him yaaim me God, hir nises menmen enum God kakrekyor enum mamair ke hir niriak menmen enum. ^{3 ††}Te haiu emweikin sip emwet him iuwe me God kakikepai kaktaihis, te haiu ap te mamnopin mamkeipin men-

men enum God kakriak mit enum em taau. Nipaa Mitik Iuwe Krai hirekes kinin kewepyapir God kaktaihis. Nepei au, mit kerek nemtau him mirak hir nisesim, hir netpai nar ik: “Him im ap me memitetpin au. Hiram him yaaim.” ^{4 †††}God hirekes keteikin him mir hiram yaaim keriuwe menmen yaaim hirak kiriakem kikaap mit keriuwerem. Hirak kiriak menmen im metike hirak keriwet God himin yaaik hirak kises han kirak kan kewet mit menmen mirak yaaim.

Jisas keweikinhis kire mitik hirak kekepai kaktaihis

⁵Haiu matip me ti ham maain God kakriakem mamnen mit kerek nisesik hir nanwik. God ap kehimitan mit ensel hir naanmiprewem. ^{6 ††}Au, him me God kerek mitik hak kewisim mau tiwei Sam hiram matip mar im: “God haiu mit mire mekam te ti han teweninai naanempri? Haiu au enun weinin.

⁷Me wi yinam te ti herekyei haiu enun te mit ensel hir nininai hir iuwe. Ti ewetai menmen mit iuwe netiwem te haiu niuk maiu iuwe.

^{8 †††}Ti ehimitenai haiu maminin naanmamre menmen mit yapirwe.”

Him hiram mitik ik epei kewisim matip haiu mit maminin naanmamre menmen yapirwe. Menmen miutip ap te mamininai taau. Te in ek haiu ap minin naanmipre menmen wen au. ^{9 ††}Te in ek haiu mertei menmen me Mitik Jisas. Nipaa me wi yinam Jisas kau ti ik God kiriak Jisas au mitik weinik, te mit ensel hir iuwe nininek. In ek God kiriak hirak kire Mitik Iuwe keit menmen mirak iuwe kentar Jisas kaa kekrehir kaiu te God kakriak haiu mit menmen yaaim kakriuwe menmen im Jisas kiriakem. ^{10 †††}Hiram yaaim te hirak God kerek haai ke menmen yapirwe hirak kiriak menmen yapirwe hirak kenip Jisas hirak mitik yaaik wisenuk keriuwe menmen enum makip. Marim God kiriak Jisas yaaik te hirak kakiriyei haiu mit haiu mamre nikerek ne God haiu mamit menmen mirak yaaim. ^{11 †††}Jisas kesak menmen enum haiu mit miriakem te haiu mire yaain. Hirak ketikewai haai kiutip, te hirak ap yink enuk katip haiu “kikrek narak.” ¹²Hirak katip kar ik:

“God hi tewen awepyapir niuk mit atip kikrek nai yem. Me nimin ke mit yapirwe nererik nises him mit hi eine hentye awenipi niuk mit.” ^{13 †††}Te hirak wen katip kar ik:

“Hi han ekitet him me God hi ehisesim.” Hirak pike katip kar ik:

“Hi hepu in etike kikrek yapirwe God epei kewetori.”

Jisas keweikinhis kire mitik te hirak kekepai haiu mit

^{14 ††††}Haiu mit miyapir Jisas katip haiu kikrek narak haiu mire yink, hemkre o hemik, te hirak hirekes keweikinhis kire haiu mit te hirak kaa kewaank Seten kerek kiriak haiu mit haiu mami. ¹⁵Hirak kiriakem te haiu mit yapirwe nipaa haiu minain te mami mamno mamir God, maain haiu ap te mamnapin mei taau. ^{16 ††††}Hirak

† 1:6 Ro 8:29; Sam 97:7†† 1:7 Sam 104:4 † 1:8 Sam 45:6-7
 †† 1:10 Sam 102:25-27 †† 1:12 Sam 22:22 ††† 1:13 Sam
 110:1 ††† 1:14 Sam 34:7, 91:11 § 2:2 Ga 3:19 † 2:3 Hi 10:29,
 12:25

††† 2:4 Mk 16:20; 1Ko 12:4, 11 §† 2:6 Sam 8:4-6 §†† 2:8
 1Ko 15:27 †† 2:9 Fl 2:8-9 §† 2:10 Ro 11:36 §†† 2:11 Mt 25:40;
 Mk 3:35; Jo 20:17 §†† 2:13 Ais 8:17-18 §§§ 2:14 Jo 12:31; 1Jo 3:8;
 Rev 12:10 18 2:16 Ais 41:8-9

ap kiriak menmen kikaap mit ensel au. Hirak kiriakem kekepai haiu mit nepenyerer ne Ebrahim. ¹⁷ †Te hirak Jisas keweikinhis kar ke haiu mit kikrek nirak hirak kire mitik kerekek. Hirak keweikinhis kire mitik te hirak kiriak menmen me God kire mitik iuwe pris kerek hanhan keriuwe mit hirak kiriakem werek werek. Hirak kiriak menmen yaaim keiyim kesak menmen enum me haiu mit yapirwe. ¹⁸ ††Hirak yaaik te hirak kakikaap mit wen nanises God werek werek wi menmen enum mamnen mamiwaanki. Hirak kakikaap mit kakintar nipaa menmen enum man mewaankek te hirak ap keweikin sip kewet God au.

Jisas wisenuk kinin mitik Moses

3 †Nai yinan kerek God keit wit kirak kehimiteni te yi yisesik yayit menmen mirak, yi han ekitet Jisas werek werek. Hirak hirekes God keriuwetek kire Aposel hirak kan kewepyapir him mirak, hirak kiriak menmen mire mitik Hetpris, haiu mit misesik matip mit han ek. ² ††God kehimitanek hirak kiriak menmen mirak te hirak kiriakem kisesim werek werek, kar ke nipaa mitik Moses kiriakem kisesim kau nimin ke mit miyapir ne weiwik me God. ³ Mitik Iuwe ik Jisas God kewisik hirak keit niuk mirak wisenum kinin niuk me Moses kire mitik kime winak yaaik keit niuk mirak iuwe. Winak au, hirak kepu weinim. ⁴ Winak yapirwe ap te mamime hiremes taau. Mit keriyen nimaam, te God kinin kentar hirak kiriak menmen yapirwe. ⁵ ††Moses kiriak menmen me God nimin ke mit miyapir ne weiwik mirak. Hirak kire wok mitik kiriak menmen me mitik iuwe kirak. Hirak kewepyapir menmen God katip maain hirak hirekes kakriakem. ⁶ †††Krais hirak au. Hirak Nikan ke God kerekek, hirak kiriak menmen me God werek werek. Hirak Mitik Iuwe kinin naanmipre mit miyapir ne weiwik me God. Haiu mamu mamre mit miyapir ne weiwik me God te haiu wen han tokik emu emimerir Mitik Iuwe kanen kaktaihisi o au en, taau.

Mit ap nises him me God ap te nanu werek werek taau

⁷ †††Haiu emimtau him kerek God Himin Yaaik ketpaiyem emintar haiu ne weiwik miutip mirak. Hirak katip kar ik:
 “Petepin kerek yi yemtau God ketpi menmen, ⁸ †yi ap paan tokik (o eiyinke perkenum) eiweikin sip eiwetiwem au emit! Yi ap eiyises menmen me nipaa maamrer naitu niriakem neweikin sip newet God me wi hir nepu wit tenhaan weinik mit ap newi. Hir han enuk nari han kirak nenipiwek han enuk keriuweri.” ⁹ God katip kar ik:
 “Maamrer ni neit wit ik hir nari han kai enuk te hir nir menmen hi hiriakem me 40 tito, te hir au, hir neweikin sip neweto. ¹⁰ Hir nenipa hi han enuk heriuweri te hi hatip har ik:

† 2:17 Fl 2:7; Hi 2:14; 1Jo 2:2, 4:10 †† 2:18 Hi 4:15 † 3:1 Hi 4:14, 6:20, 7:26, 8:1, 9:11 †† 3:2 Nam 12:7 †† 3:5 Nam 12:7 ††† 3:6 Kl 1:23; Hi 3:14 ††† 3:7 Sam 95:7-11 § 3:8 Eks 17:7; Nam 20:2-5

‘Hir hekrit hekrit hir nises menmen ham enum mekre han kir. Hir au, hir nepitari menmen hi hetpim hir nipapen nisesim.’

¹¹ ††Hi han enuk heriuweri te hi hatip him iuwe har ik:
 ‘Hi ap ewisi hir naninen nanu wit kerek hi ehimitenor hir nanino nani, ap nanino ein ein au.’”

Haiu ap emweikin sip emwet him me God emir ke nipaa hir mit ne Isrel niriakem emit

¹² Nai yinan, yi naanmamre hiras te yi mit ap te eiriak han ki enuk yi eiweikin sip eiwet God kerek kakpau kakpeit nipaa ere in te maain hirak kaku tipmain tipmain enum eik. ¹³ Wi yapirwe God katip hiram mire “petepin” yi hekrit hekrit einakinan hitokim eikapan han tokik eiyu te yi ap eiwis menmen enum mamri han ki memitipin te yi eiweikin sip eiwet God au emit! ¹⁴ †††Yi eikapan eiyintar nipaa haiu mit memtau him me Krais. Haiu emisesim ere maain haiu mami te haiu mamtikerek mamu han kiutip haiu mit mamit menmen mamtikerek. ¹⁵ ††Haiu mertei him im wen mepu hiram matip mar im:

“In ek yi yemtau him me God kakitpiyem yi ap einakin tokim eiweikin sip eiwet him mirak mar ke nipaa maamrer ni niriakem.” ¹⁶ †††Neimin nemtau him God ketpim te hir ap nisesim au, neweikin sip newetiwek? Mit miyapir kerek Moses keriyei kerik ken ninaaiwir wit Isip. ¹⁷ ††God hirak han enuk keriuwe neimin me 40 tito a? Hirak han enuk keriuwe mit miyapir niriak menmen enum te hir naa neit wit tenhaan weinik mit ap nei newi. ¹⁸ ††Nipaa God katip him iuwe kar ik: “Hir ap naninen nanu wit Keinen kerek hi hehimitanek hir nanwiyen ap nanino ein ein au,” hirak katip karik hirak katip me neimin a? Hirak katip me mit ne Isrel kerek neweikin sip newetiwek. ¹⁹ Te haiu mertei hir ap nen nau wit kerek hirak epei kehimiteni hir nanwiyen nenttar hir ap nises him mirak werek werek au.

Haiu naanmamre hiras te haiu emu emtike God

4 Haiu mit miyapir naanmamre hiras emintar him nipaa God ketpim me mit naninen nanu wit kerek hirak kehimiteni nanwiyen hir nanu yaaim nantikerek nanu nanit. Him yaaim im hiram mepu. Yi naanmamre hiras te God kakitpi ap te yi yaino yayit menmen kerek hirak kehimiteni yi yaitiwem. ² Haiu memtau him yaaim me God mar ke nipaa hir mit maamrer nemtewem. Te menmen hir nemtewem ap mekepi mentar wi hir nemtiwem hir neweikin sip newetewem. ³ †††Haiu mit miyapir kerek mises him me God, haiu epei mamno wit kerek God kehimitenai haiu mamwi en mamu yaain mamtikerek mamu mamit. Nipaa God katip ke wit ik hirak katip kar ik: “Hi han enuk te hi epei hatip him iuwe har ik:
 ‘Mit miyapir kerek ap nisisa, hir ap te nanino wit kerek hi ehimiteni nanu nantikewa taau.’”

§† 3:11 Nam 14:21-23 ††† 3:14 Hi 3:6 §† 3:15 Sam 95:7-8; Hi 3:7-8 §†† 3:16 Nam 14:1-35 §† 3:17 1Ko 10:10 §† 3:18 Hi 3:11 §†† 4:3 Sam 95:11; Hi 3:11

God nipaa kiriak ti metike nepni. Me wi eim ere in hirak kau kemerir mit hir nanisesik nanino nanu nantikerek nanu nanit. ^{4 †}Me tiwei miutip nipaa mit newis him me God mekrerem, hiram matip me wi hispinak wik (7) mar im: "Wi hispinak kiutip (6) nepei au, teipmen me wi hispinak wik (7) God kau weinim ap pike kiriak menmen ham au." ^{5 ††}Me tiwei im hirak pike katip kar ik: "Mit han en ap te nanino wit kerek hi hehimiteni nanwiyen taau." ⁶ Him im hiram wen mepu, te haiu mertei mit han nanino wit kerek God kehimiteni nanu nantikerek. Nipaa mit miyapir nemtau him yaaim me God te hir ap nen wit God kahimiteni nentar hir neweikin sip newet him mirak. ^{7 †}Mar ek te God kimat wi ham te mit nanino wit kirak nanu nantikerek. Hirak katip me wi im hiram mire petepin. Maain tito yapirwe epei men me mit en neweikin sip newet God hirak pike kewepyapir him im keriuwe menmen Devit ketpim. Hirak katip,

"Petepin yi yemtau God ketpi menmen yi ap paan tokik (o yenkeperkenum) yeweikin sip yewet him me God." ^{8 ††}Wit Keinan hirak wit God kehimitan Josua keriyei mit kerik ken te hir nantike God nanu nanit te hirak ap pike katip keteipim me wi ham maain hiram mamnen te haiu mamno wit kirak mamu mamtikerek. ⁹ Mentar menmen im haiu mertei wi ham mepu memerir haiu mit ne weiwik me God haiu mamu yain yain mamir ke nipaa God kiriak menmen nepei au, me wi hispinak wik (7) hirak kau yain yain keit. ^{10 ††}Neimin hir nanino nanu nantike God nanu werek werek, hir naninaaiwir menmen nipaa hir niriakem te hir han kitet God katip hir yaain. Au hir enises him me Krai. Menmen im hir niriakem hiram mar ke hir nau yain yain nar ke nipaa God kinaaiwir menmen hirak kiriakem hirak kau yain yain. ¹¹ Te haiu yapirwe naanempre hiras werek werek te haiu mamno wit ke God haiu mamu yain yain mamtikerek mamu mamit. Haiu mit ap te emweikin sip emwet God mamir ke nipaa maamer hir niriakem.

^{12 †††}Haiu naanempre hiras me menmen im mentar him me God hiram weinim au. Hiram mepu miriak menmen. Hiram minin hine ke his tiknuk enuk, hiram mepno nimin han ketike himin ke haiu mit, hiram mewepyapir menmen mau mekrerem kerek haiu mit hanhanem o han kitetim, hiram meteiknai menmen im hiram yaaim o au enum. ¹³ Ap te menmen miutip nipaa God kirirakem hiram misawin te God ap kerteiyem au. Hirak kertei menmen yapirwe haiu miriakem hirak kirem. Maain hirak skelim haiu mit me menmen haiu miriakem.

Jisas hirak Mitik Iuwe Hetpris kau

^{14 †††}Haiu mitik kau iuwe hetpris ken kau ketike God teit wit kirak. Mitik ik hirak Jisas kerekek, hirak Nikan ke God. Te haiu han ekitet menmen wisenum me Jisas kerek haiu mewepyapirem. ^{15 †}Haiu mit ap te han tokik

† 4:4 Jen 2:2 †† 4:5 Sam 95:11 † 4:7 Sam 95:7-8 †† 4:8 Diu 31:7; Jos 22:4 †† 4:10 Jen 2:2 ††† 4:12 1Pi 1:23; Ef 6:17; Rev 1:16, 19:5; Jo 12:48 ††† 4:14 Hi 3:1, 10:23 § 4:15 Hi 2:17

mamu maminin menmen yapirwe mamnen mamri han kau haiu mamriak enum au. Hiram mamininai mamri han kau te hetpris kau hirak kire mitik han teweninai keriuwe menmen enum haiu ap te mamininem taau. Hirak han teweninai kentar nipaa menmen mari han kirak kar ke menmen mari han kau te hirak ap kisesim kiriak menmen enum au. ^{16 ††}Te haiu ap emnaain au. Haiu emitehi God hirekes emriuwe him maiu mamno nikip mirak te hirak kakisak menmen enum maiu hirak kakikepai me menmen enum mamri han kau te haiu emininem.

Jisas kire Hetpris hirak kakisak menmen enum maiu kaktaihis

5 Yi yertei mit keriyen haiu mari mitik hak kau nimin ke haiu mit haiu mehimitanek hirak kekrehir kau kitehi God ke haiu mit kewetiwek menmen maiu, hirak kewepwar menmen kewet God em me menmen enum haiu miriakem. ^{2 †††}Mitik hetpris ik hirak han tewenin mit kerek netaritari niriak menmen enum hir ap nises God werek werek au. Hirak han tewenini kentar wi ham menmen enum mari han kirak hirak kiriak menmen enum kepir ke haiu mit. ^{3 ††}Hirak ap kewepwar God kewetiwek menmen me haiu mit keriyen au. Hirak kewepwarem kewetiwek menmen mirak metike menmen me haiu mit kentar wi ham hetpris hirekes menmen enum mari han kirak hirak kiriak menmen enum te God kakisak menmen mirak enum kaktikewai. ^{4 †††}Mitik kerek hetpris, niuk mirak iuwe, te mitik ap kehimitan hirekes kakre hetpris au. God kerekek kehimitanek kiriak menmen im kar ke nipaa hirak kehimitan mitik Eron kire hetpris.

^{5 ††}Mar im Krai ap kehimitan hirekes kire mitik iuwe hetpris au. God ketpiwek kar ik:

"Ti Nikan kai. Petepin hi hire Haai kit."

^{6 ††}Me him mau tiwei ham God katip kar ik:

"Ti are mitik iuwe pris niuk mirak Melkisedek."

^{7 †††}Nipaa wi Jisas kau ti kire mitik, hirak kitehi God keriuwe him iuwe wan tipar metpenin moke nanamir kirak. God kemtau menmen hirak kitiwekhiyem, hirak kekepik. Hirak kaa te God kikiak kekrit kepu kentar hirak kewen han kirak kises han ke God. ^{8 †††}Jisas hirak Nikan ke God te hirak menmen enum makip hirak yink kirak kekek (o meiyeworek) iuwe. Menmen im makip hirak yink kirak kekek iuwe, hiram mekepik te hirak kises han ke God werek werek. ⁹ Hirak kises han ke God werek werek te hiram meteikin mit menmen enum ap mau mekre han kirak au. Hirak yaaik te hirak kenip God hirak kakikaap mit kerek nises him mirak te hirak kaktorhis nanu nanit tipmain tipmain enum eik. ^{10 †††}God kehimitanek hirak kire mitik hetpris kar ke nipaa mitik Melkisedek hirak mitik iuwe pris kentar menmen Jisas kiriakem kakisak menmen enum maiu.

§† 4:16 Hi 10:19 §†† 5:2 Hi 4:15 §† 5:3 Lev 9:7, 16:6 §†† 5:4 Eks 28:1 §† 5:5 Hi 1:5; Sam 2:7 §† 5:6 Sam 110:4; Hi 6:20, 7:1, 17 §†† 5:7 Mt 26:39-46 §§† 5:8 Fl 2:6-8 §§§ 5:10 Sam 110:4

Yi eiyu eiyir ke mit iuwe eiyises him me God

¹¹ Me menmen me Kraises ketike Melkisedek hi hare at-pi menmen yapirwe te hi ap heteikni yem hetpiyem werek werek au. Yi han enuk yetaritari yau. ¹² †In ek hiram wi me yi mit yi yepu yire tisa me him me God yentar nipaa enum eik yi yemtau him me God yisesim. Te yi ap eire tisa au. Yi ap yertei werek him nipaa yi yemtehem te mitik hak pike eknen ekteikniyem te yi eiyirteiyem werek werek. Yi yire mit iuwe yaam ninpin heriyai heriyai au. Yi yire nikerek kike yaam nim, yi ap te yises him me God werek werek wen au. ¹³ Haiu mertei mit miyapir kerek pike nemtau him me God nipaa hir ninin nemtehem, hir netari nire nikerek wen kike naam nim me miyerer nir. Hir netaritari him yaaim me God hir ap nertei mekam yaaim mekam au enum. ¹⁴ ††Mit iuwe nertei naam menmen heriyai heriyai hir nertei menmen ham yaaim menmen ham au enum. Marim mit nises him yapirwe me God werek werek hir nertei mekam yaaim mekam ham au enum.

Haiu mit naanempre hiras emises him me God werek werek

6 †Haiu ap han ekitet yapirwe him me Kraises nipaa haiu minin memtehem emit! Haiu emises him mirak ham te haiu emisesik werek werek. Haiu ap han ekitet yapirwe him nipaa haiu memtehem marim: Haiu emweikin sip emwet menmen enum menipai haiu mami haiu emises him me God, ² o him mit netpayem me mit nankir mit han neriuwe tipar o him me mit hir newis his mir emintar paan ke mit nehimiteni nanriak menmen me God, o him me haiu mami maain God pike kakikekyai haiu mit yapirwe kakinkai pinan mamno wit kirak pinan mamno wit enuk si tatin tatikneni. ³ God hanhan ekikepai te haiu emises him mirak ham te haiu emisesik werek werek.

⁴ Hi hatip menmen im hentar mit han kerek nipaa nertei him me God nisesim werek, hir neit menmen yaaim God keriuwetem meke wit kirak man. God Himin Yaaik keriuwe kan kau kekere han kir. Hir nanweikin sip nanwet God mamirkeik te haiu pike mamitpor mamri han kir te hir nanweikin sip nanwet menmen enum pike nanisesik? ⁵ ††Hir epei nertei him me God kerek hir nisesim em hiram yaaim. Hir epei nir menmen iuwe me God kerek epei man mau nimirin ke haiu mit me wi im. ⁶ ††Hir mit nanweikin sip nanwet him yaaim me God mamirkeik te haiu mamkepi hir pike enisesim? Taauye! Hir ap pike enisesim au nanintar hiram mire hir pike nenep Jisas newenkekik kau nu tentarakit te mit han ne ti nir menmen im hir natip enum me Kraises.

⁷ Mit kerek nemtau him me God hir nire ti kerek hawi kamip hirak yaaik kire tipar te hirak kaknip menmen kerek mit namir em hiram mamwo yaaim, God han yaaik keriuwerem. ⁸ †††Mit kerek nipaa nises God te in

ek neweikin sip newetiwek hir nar ke ti enuk waai enum mire tik tik yenkis enum mewim. Hirak ti enuk weinik. God han enuk kakriuweri kaktip hir enun nar ke ti enum, hirak kakwiri nanino si tatikneni.

⁹ Nai yinan hi hetpi him im me mit enun neweikin sip newet God te hi han ekitet yi mit miyapir eiriak menmen marim au. Yi eiriak menmen yaaim eisesim te God kakikepi kaktihis. ¹⁰ †††God hirak ap enuk te hirak ap han ekitet menmen yi yisesim au. Hirak kertei menmen yi epei yiriakem, yi yeteikin yi hanhan yeriuwerek yi yikaap mit miyapir kerek nises him mirak, yi yekepi nipaa ere in yentar yi yises him mirak. Hirak han kakitetim. ¹¹ †Hi hanhan yi mit miyapir niutip niutip yi wen eiyises menmen me God wisenum eimeriyiwek te maain wi Jisas pike kaknen hirak kaktihis. Yi yiriak menmen marim ere wi yi yayu ti hiram epei au. ¹² Hi hi napen yi yayu yain yain me menmen me God au emit! Yi eiyises menmen iuwe yayir ke mit kerek han kitet him me God hir nimeriyiwek pike kaknen te hir nanit menmen yaaim nipaa God katip kakwet haiu mit em.

Haiu han ekitet menmen wisenum

¹³ Nipaa wi God katip Ebrahim him mirak, hirak ketpiwek him manp hirak kakises menmen hirak epei ketpim. Hirak ketpiwek him manp keriuwe niuk mirak hirekes kentar hirak Mitik Iuwe God, mitik keiyak ap te iuwe kakineke taau. ¹⁴ ††Hirak ketpiwek kar ik: "Ebrahim, maain hi herekyut menmen yaaim hi ewetut nepenyerer nei yapirwe." ¹⁵ Epei au, Ebrahim kau kemerir menmen God ketpiwekem hiram mamnen. Hirak kemeriyiwem ere hirak ketiwem. ¹⁶ †††Menmen mitik katip hirak kakisesim hiram mar im. Hirak katip keriuwe niuk me mitik hak iuwe hirak kinineke te mit nemtehem hir nekiyan nau neit natip nar ik: "Hiram werek hirak kakises him mirak." ¹⁷ God hanhan keteiknai haiu mit kerek mamit menmen nipaa hirak katip kakwetaiyem, hirak keteiknai hirak kakises him mirak te hirak katip him iuwe keriuwe niuk mirak. ¹⁸ ††Menmen im wik me God matip him iuwe, hiram matip meriuwe niuk mirak hiram meteiknai hiram ap te mamweikin au, te God ap kemitapin keriuwerem au. Hiram mekepai merekyei haiu han yaaik tokik emu ere maain haiu mamit menmen God katip kakwetaiyem. ¹⁹ †††Haiu mertei maain Kraises kakikepai kaktaihis te menmen im mekepai haiu han tokik mepu mar ke nu nekenik metenen nu hirak kerp. Menmen im haiu mis-esim hiram mamkepai mamir ke waai o anka kewik ketenen sip kekere wan. Menmen haiu mis-esim hiram mar ke hine ken keremir laplap miwapin haau me God kewiyen te haiu metikerek mau han kiutip. ²⁰ ††Jisas hirak kinin ken wit ke God. Hirak epei ken kau kekere haau me God kewi hirak kekrehir kiau kekepai. Hirak mitik iuwe kaku kakit kakre hetpris tipmain tipmain kakir ke mitik iuwe pris Melkisedek kaku.

† 5:12 1Ko 3:1-3 †† 5:14 Ro 16:19; Fl 1:10 † 6:1 Hi 9:14
†† 6:5 1Pi 2:3 †† 6:6 Mt 12:31; Hi 10:26-27; 1Jo 5:16 ††† 6:8
Jen 3:17-18

††† 6:10 Hi 10:32-34 § 6:11 Hi 3:14 † 6:14 Jen 22:16-17
§†† 6:16 Eks 22:10-11 §† 6:18 Nam 23:19; 1Sml 15:29 §††
6:19 Lev 16:2-3, 12, 15 † 6:20 Hi 5:6

Melkisedek hirak mitik iuwe pris

7 †Jisas hirak Mitik Iuwe Hetpris kar ke Melkisedek kentar menmen im. Melkisedek hirak mitik iuwe hetpris ke God kerek kinin naanmipre menmen yapirwe. Wi nipaa Ebrahim ketike mit nirak nenep mit iuwe kerek naanmipre mit ne wit hispinak (5) hir nanip nenepi. Epei au, hir wen nepnen wit kir, mitik Melkisedek kewen yipirek ketike mit nirak, hirak ketpiwek him yaaim kar ik: 'God kerekyi menmen yaaim naanmamri.'² Ebrahim kenke menmen yapirwe hirak ketike mit nirak netiwem me mit hir nanip nenepi, hirak kewepim mar hiswiyen (10), hirak kewetiwek pinam miutip, Ebrahim keteninem mar hispinak tekyaaait (9). (Haiu meweikin niuk me Melkisedek mamre him maiu hiram matip "Mitik Iuwe kises menmen yaaim." Melkisedek hirak mitik iuwe king kinin naanmipre mit ne wit Selem. Niuk im Selem hiram matip "Wit mit nekiyan newik." Te niuk mirak ham matip hirak "Mitik iuwe king kenip mit nekiyan enu enit.")³ ††Nipaa mit ap newis tiwei netpai miye haai nirak o maamer nirak hir neimin au. Hir ap netpai mite winaak o au. Hir ap netpai hirak kaa o au te haiu han kitet hirak kire Nikan ke God kentar hirak wen kau keit. Hirak kau kire mitik iuwe pris kaku kakit tipmain tipmain enum eik.

⁴ Yi mit yi yertei hirak mitik iuwe. Ebrahim han kitet Melkisedek hirak iuwe kininek te hirak kenke menmen mirak hirak ketiwem me wi kerek hirak kenep mit, hirak kewetiwek pinam miutip, hirak ketenen pinam mar hispinak tekyaaait (9).⁵ †Mit han kerek hir nepenyerer ne mitik Livai hir niriak menmen me mit pris. Him me God Moses kewisim mau tiwei matip hir hekrit hekrit nanri pinam miutip me menmen hiswiyen (10) mit ne Isrel nantenenim me ni mir o menmen mit han nanwetirem. Hir mit yapirwe ne Isrel hir nepenyerer ne Ebrahim te mit pris nari menmen me paaprer nir. Menmen im hiram yaaim.⁶ Te Melkisedek hirak ap ke weiwik me Livai te kenmak hirak kari menmen miutip me Ebrahim a? Hirak ap ke weiwik mir te hirak kari menmen miutip me menmen mar hiswiyen (10) Ebrahim ketenenim keriyaam me mit nepei naa. Hirak keriyaam kentar hirak mitik iuwe kinin Ebrahim. Hirak keit menmen pinam nepei au, hirak ketpiwek him yaaim kar ik: "God kakrekyi menmen yaaim." Haiu mertei Ebrahim hirak iuwe kentar nipaa God ketpiwek him yaaim kakisesim kakrekyiwekem.⁷ Haiu mertei mitik kerek katip mitik hak him yaaim kar ik: "God kakrekyut yaaim," mitik ik katip menmen im hirak kinin mitik kemtau him mirak kentar hirak kekrehir ke God hirak ketpiwek menmen yaaim.⁸ Mit pris kerek nari menmen miutip me menmen mar hiswiyen (10) mit ne Isrel netenenim, maain mit han ne mit hir nani, te Melkisedek kerek kari menmen miutip me Ebrahim, him me God mau tiwei matip hirak ap te kaki au. Hirak kaku kakit.⁹ Livai maam nipu kirak Ebrahim kewet

Melkisedek menmen miutip me menmen hiswiyen hirak ketenenim. Te hiram yaaim haiu matip nipaa mitik Livai kewet mitik Melkisedek menmen. Markeik te Livai kewet Melkisedek menmen em? Miye winaak wen au me wi Ebrahim kepnen wit.¹⁰ Melkisedek hirak kewen yipir Ebrahim keit yayiwe, te Ebrahim kewetiwek menmen. Ebrahim hirak maam nipu ke Livai te hiram mar ke hirak kewet Melkisedek menmen kekrehir ke Livai. Te haiu mertei Melkisedek mitik iuwe kinin Livai.

Menmen me pris Melkisedek pike mekrit te menmen me Livai epei au mesi meit.

¹¹ Nipaa God katip mit him mirak hir newisim mekre tiwei. Him im matip maain God kakikrehir ke menmen me mit pris ne weiwik me Eron. Menmen im meteiknai menmen mit pris in hir niriakem hiram ap te mamisak menmen enum mit niriakem au. Te God kewis mitik pris hak kiriak menmen kar ke mitik pris Melkisedek nipaa kiriakem. Hirak ap kises menmen mar ke mit pris ne weiwik me Eron hir niriakem au. Him kerek God katip Moses em mit pris ne weiwik me Eron, hir nepenyerer ne maam nipu kir Livai, hir neit him im me God hir newepyapirem natip mit miyapir ne Isrel em. Hir yapirwe nisesim.¹² Te in ek mitik hak iuwe kekrehir ke mit pris me weiwik me Eron. Him me Moses mit pris natip mit em hiram ap mamu weinim au. Hiram mamisi te him ham me God mamikrehir miram.¹³ Mitik ik kerek him me God mau tiwei metpim, hirak ap ke weiwik me mit pris ne Levi au. Hirak ke weiwik ham. Mit ne weiwik mirak nipaa enum eik ere in hir ap nire pris nen newis menmen newepwarem newet God em au.¹⁴ ††Haiu mit yapirwe mertei Mitik kaiu Iuwe Jisas miye pirak winaak hirak ke weiwik me Juda. Him me Moses mau tiwei ap matip mit ne weiwik im hir nire pris au. Nepenyerer ne Livai keriyen. Te Mitik kaiu Iuwe hirak kire pris kekrehir ke mit pris ne weiwik me Livai te menmen mir hiram nepei au mesi.

Jisas hirak Mitik Iuwe Pris hekrit hekrit kar ke Melkisedek

¹⁵ In ek haiu mertei werek werek God kekrehir ke pris ne nipaa ein netike him hir nisesim me wit kerek hirak kehimitan Mitik Iuwe hak Krai hirak hetpris kises menmen ham kar ke nipaa Melkisedek hirak kisesim.¹⁶ Hirak kire hetpris kentar God ap han kitet him nipaa hirak katip Moses em matip mit pris hir ne weiwik miutip me Livai keriyen. Hirak han kitet hirak mitik iuwe ap te kaki au, te hirak kehimitanek hirak mitik hetpris.¹⁷ ††Him im yaaim mentar him me God mau tiwei matip mar im: "Ti ehu ehit tipmain tipmain enum eik. Hi ahimitenit ti are Mitik Iuwe Hetpris hises menmen har ke Melkisedek kisesim."¹⁸ God nepei kesak him mirak nipaa hirak katip Moses em mit nisesim kentar menmen me him im mit nisesim ap mekepapai menipai haiu

† 7:1 Jen 14:17-20 †† 7:3 Sam 110:4; Hi 5:5-6, 7:15-17 ‡ 7:5 Nam 18:21

‡† 7:14 Jen 49:10; Ais 11:1; Mt 2:6; Rev 5:5 †† 7:17 Sam 110:4; Hi 5:6

mit yaain te haiu mamu mamtike God taau! ¹⁹ †Him me Moses mit nisesim ap te mamnip menmen ham miutip nipaa enum hiram mamre yaaim au. In ek God kewetai him yaaim me Kraiss hiram minin him me Moses nipaa ein te haiu mertei haiu emisesim hiram mamkepapai haiu mamtike God mamkian mamu mamit.

²⁰ Haiu mertei wi God kehimitan Jisas hirak kire hetpris, hirak katip him iuwe hirak hirekes kakises menmen im, hirak ketpim. Nipaa mit hir nire pris, God ap ketpor him iuwe kar ke hirak katip Kraiss em, te hir nire pris au. ²¹ ††Te Jisas hirak kire hetpris wi kerek God katip him iuwe kehimitanek katip kar ik:

“Hi God hi Mitik Iuwe hi hetput heriuwe him mai iuwe hi ap te aweikin han kai atip menmei ham au. Ti ehu ehit har ke pris tipmain tipmain enum eik.” ²² †Haiu mertei him im God ketpim me Jisas hiram yaaim iuwe, hiram minin him me nipaa ein God kewet Moses em te mit miyapir newenhi nisesim.

²³ Menmen im hiram ham. Nipaa pris hir yapirwe nentar hir naa, mit han nekrehir kir nar kerekek kerekek me tito yapirwe. Mitik kiutip ke hir mit ein ap kaku tipmain tipmain enum eik au. ²⁴ Jisas kerekek hirak kaku kakit tipmain tipmain enum eik, te hirak hirekes kiriak menmen mit pris niriakem. Mitik hak ap te kakikrehir kirak taau kakintar hirak ap pike kaki au. ²⁵ ††Te Jisas Kraiss hirak kakikaap werek werek haiu mit miyapir kerek mises God mentar haiu mises him me Kraiss. Hirak kakikepai kakintar hirak kaki au. Hirak kaku tipmain tipmain enum eik, hirak kau ketike God kitiwekhi me haiu mit.

Jisas kire Hetpris kinin hetpris ne nipaa, hirak kakikepai haiu mit

²⁶ ††Jisas kerekek hirak Mitik Hetpris yaaik te kakikepai. Hirak mitik yaaik, han kirak yaaik prar enuk keit, menmen enum ap mau mekre han kirak au. Hirak kinaiwir haiu mit enun mau ti hirak God kenipek kau ketikerek hirak niuk mirak wisenum. ²⁷ †††Hirak ap kar ke hetpris ne nipaa ein au. Menmen hir newepwarem newet God em hiram ap yaaim te mamisak o mamwapin menmen enum me mit tipmain tipmain enum eik au. Te hekrit hekrit hir niriakem. Hir ninin newepwar menmen me menmen enum hir hiras niriakem nepei au, hir newepwar menmen newet God em me menmen enum mit han niriakem. Te Jisas ap kar ke mit en au. Hirak kiriak im miutip me wi nipaa hirak kaa kentar nu tentarakit, hirak kewepwar hirekes kewet God yink kirak hirak yaaik te kakisak menmen enum haiu mit miyapir miriakem. Te hirak ap kaknipem kakteipim au. Kiutipen kerekek. ²⁸ †††Him nipaa God kewet Moses em mit miyapir enisesim hiram mehimitan mit nire hetpris, te mit in hir yaain au, God katip hir mit enun mau mekre han kir. Te keriuwe him ham God ketpim hiram mikaru man, hirak katip him iuwe kehimitan Nikan kirak Jisas hirak kire hetpris.

† 7:19 Hi 9:9 †† 7:21 Sam 110:4; Hi 5:6 † 7:22 Hi 8:6, 12:24
 †† 7:25 Ro 8:34; 1Jo 2:1 †† 7:26 Hi 3:1 ††† 7:27 Hi 5:3 †††
 7:28 Hi 5:1-2

Hirak kerekek ap kire mit hetpris han kerek niriak enum au. Hirak nipaa ein ere in tipmain tipmain enum eik hirak yaaik kerekek.

Jisas kiriak menmen kire hetpris keit winak yaaik keit wit ke God

⁸ †Menmen hi hetpiyem hiram im. Hetpris kaiu karik hirak kepu kar ke hi nepei hetpiyem. Hirak kau ketike Mitik Iuwe God tau wit kirak kau niu. Hirak kau ken menep his yaaim mirak kerek mit iuwe naanpire menmen yapirwe newiyen. ² Hirak kewiyen kiriak menmen hetpris kiriakem. Hirak kiriakem kekrek winak God hirekes kimaak. Winak kerek nipaa God katip Moses kimaak, hirak himin ke winak ik God hirekes kimaak keit wit kirak. Mit au.

³ Him nipaa God kewet Moses em mit miyapir enisesim, hiram mehimitan mit hetpris hir newepwar menmen newet God em, hir nenep samiyak newet God em. Mitik kaiu Iuwe Hetpris ekwepwar menmen ekwet God em kar ke mit in netenen menmen newet God em. Hirak ketenen menmen au, hirak ap kire hetpris auye. ⁴ Mitik kaiu Iuwe Jisas hirak kau ti ik hirak ap kakre pris au ekintar mit nau nire pris newepwar menmen newet God em hir nises him nipaa God kewet Moses em te mit enisesim. Te hir nanwis Jisas kakriakem taau. ⁵ ††Menmen im hir niriakem nar ke pris netike winak ik kerek hir niriak menmen mekremerem, hiram himin keremem. Hiram himin mises menmen mau wit ke God. Menmen im hiram mises menmen meit wit ke God, te wi nipaa Moses kakime winak ke God, God ketpiwek him iuwe kar ik:

“Ti ehises menmen im werek mamir ke nipaa ti heit miniu (o neyip) eik hi heteiknutem.” ⁶ †††In ek Kraiss hirak kiriak menmen me hetpris hiram yaaim minin menmen mit han pris nipaa niriakem. Hirak kinini kar ke him ham God katip Jisas em kewet haiu mit em hiram yaaim minin him me nipaa maamrer niau nisesim. Hiram minin him nipaa mentar him ham im mamkepapai werek werek. Him me nipaa au, mikaap maamrer kike keremem.

Him ham yaaim minin him me nipaa ein

⁷ Him me nipaa ein God hirak kewet Moses em hirak ketpim hiram yaaim mekepapai werek werek, kenmak te hirak pike ketpai him ham? Hirak ketpai him ham haiu emisesim kentar him me nipaa ap werek werek mamkaap haiu mit miyapir haiu mamre yaain, au haiu mire enun. ⁸ ††God katip him me nipaa ap yaaim miriak mit miyapir yaain au. Haiu mertei him im yaaim mentar God katip kar ik:

“Hi Mitik Iuwe atip yi eyimtwewem. Maain wi ham mamnen te hi atip mit ne Isrel netike mit ne Juda him mai ham yaaim hir nanwenhi nanisesim. ⁹ Him mai ham yaaim mit nanisesim ap mamre him nipaa hi atip maamrer ni yem au, me wi hi hanhan heriuweri

§ 8:1 Hi 1:3, 3:1, 10:12, 12:2 † 8:5 Kl 2:17; Hi 9:23; Eks 25:40
 †† 8:6 2Ko 3:6; Hi 7:22, 9:15 †† 8:8 Jer 31:31-34

heriyei ninaaiwir Isip. Hi ap aweti him mar ke nipaa ein hi hewetirem hentar hir ap nisesim werek werek au. Te hi eweikinsip hewet maamrer ni nenterim.

¹⁰ †Maain wi him me nipaa ein hiram epei au, hi Mitik Iuwe God hi etpi yi mit ne Isrel hi aweti him mai ham yaaim yi eiwenhi eisesim marim. Hi ewisim mamu mamikre han ki te mit ap nanitpi nanri han ki yi eiysesim. Au, yi hiras hanhan eiysesim weinim. Hi are God ki yi eire mit miyapir nai.

¹¹ Maain mit niutip niutip ap nantip heiyuwerer nir o kikrek nir o nir yinan nar ik: 'Yi eiyrtei menmen me Mitik Iuwe God.' Hir ap te nanitporem au nanintar mit yapirwe niutip niutip neimin iuwe o neimin mit weinin, hir yapirwe nanirteiya werek werek.

¹² ††Hi tewen han tewenini ahisak menmen enum mei mekre han kir hi ap pike han kakitetim han enuk ari-uwerem au." ¹³ Him me nipaa ein God kewet Moses em hirak ketpim hiram enum tokim mentar in ek God ketpai hirak pike kakwetai him ham yaaim haiu emis-esim hiram mamikrehir miram ham. Haiu mertei him hiram enum tokim maain kike hiram mamno mamit mamre laplap enum tokim mit newirem meit.

Hetpris ke nipaa ein kewet God menmen

9 †Haiu wen han ekitet menmen me wi nipaa God kinin kewet maamrer nai ne Isrel kontrak ke him mirak hir enisesim. Hirak katip him manp me menmen markeik te hir enisesim enwenipi niuk mirak. Hirak katip him ham me winak mit nimaak te newenipi niuk mirak nekrerek. ² ††Hir newir sel hiram miwapin winak ik. Haau wik meit nimin. Haau kerek mau menep ya weipir hir nenewem 'Haau mit nehimitanem me God.' Menmen metenen si heureka metike kinaan niu mei kerek mit newepwarem newet God em, hiram miwaai mekre haau im. ³ ††Hir nimian laplap meiyam mau weipir miwapin haau ham mau mikaru. Hir nenewem 'haau me God kewi.' Hir neriuwesisem te mit ap naninori au emit! ⁴ †††Menmen ham im mau mekre haau im e. Hir newen gol sisi meweikin mire tipar mentar kinaan kerek hir nesi menmen mire semi yairep hiram menterim. Kinaan im mepu metike bokis hir newen gol menterik hir nenewek "bokis ke kontrak" nentar nan him me God mewim hiram miwaai mekrerek. Mit nime min kiutip kire gol hir newisik kekrerek. Mit nipaa newis menmen ham mana kerek nipaa God kewet mit ne Isrel em neit wit weinik mit auri, hir newisim mekrerek. Menmen im mau mekre bokis metike nu paap ke Eron kerek nepei kaa nipaa God kenip tiwei hiram mewo miyakirem. Im metike nan wik nipaa God kewis him mirak mewim kewet Moses em mit enisesim, menmen im yapirwe mipwaai mepikre bokis ik e. ⁵ †††Himin me mitikit ensel wik hakit niuk mirakit Serapim kerek mit newis gol miwapinem hiram merp mentir bokis mau niu naanmipre kinaan kerek God kesak menmen enum me haiu mit kentarim.

† 8:10 Hi 10:16 †† 8:12 Hi 10:17 † 9:1 Eks 26:1-30 †† 9:2 Eks 25:23-40 †† 9:3 Eks 26:31-33 ††† 9:4 Eks 30:1-6, 25:10-16, 16:33; Nam 17:8-11; Diu 10:3-5 ††† 9:5 Eks 25:18-22

Himin wik me ensel mehimitan menmen iuwe me God merhihe mau mekre haau im e. In ek hi hinapen etpi menmen yapirwe miutip miutip hir niriakem neriuw-erem au. Yi epei yerteiyem werek werek.

⁶ ††Hir nemani menmen im werek werek hi nepei het-piyem, mit pris hekrit hekrit hir nen haau iuwe me God menep ya weipir, hir newepwar menmen newet God em. ⁷ †Te mitik iuwe hetpris kiutip kerek hira ken haau kike kerek mikaru mirapit me haau iuwe, wi mi-utip me tito miutip. Hirak ken kekere haau im ketenen hemkre me samiyak hirak kewepwarem te hirak kak-wet God em hirak kakisak menmen enum hirak ketike mit ne Isrel netaritari niriakem. ⁸ †††Him me God nipaa haau kike kerek mit nehimitan God kewi au. Marim God Himin Yaaik keteiknai wi kerek mit wen nises him me Moses, hir netike God ap nekiyan nau neit au.

⁹ ††Him im me Moses meriuwesis mit nanino nanikre haau kike hiram mire himin meteiknai wi im menmen yapirwe mit pris newepwarem newet God em hiram ap mamnip han ke haiu mit enun kakre yaaik. ¹⁰ †††Him mirak im hiram naanmiprai me menmen haiu mamim o tipar haiu mamim o mamirkeik haiu mamkir te God katip haiu mit yaain. Menmen im hiram him me naan-miprai ere wi God pike kaknip menmen yapirwe hiram yaaim.

Jisas Krai kewepwar hemkre mirak kewet God em

¹¹ ††Te Krai epei kan kire Hetpris kaiu kewetai menmen mirak yaaim epei man. Hirak kiriak menmen mar ke pris hirak ken kekere winak ke God keit wit kirak, hirak yaaik kinin winak ke God kau ti me nipaa ein. Hirak kinin winak kau ti kentar it ap nimaak, hirak ap menmen me ti au. Hirak kiriak menmen me wit ke God. ¹² Me wi nipaa kerek Krai kaa ken kekere haau kerek God hirekes kewi, hirak ap keit hemkre me samiyak kewepwarem kewet God em kire pris niriakem au. Hirak keit hemkre mirak epei mewen keiyim ken haau kerek God kewi kewepwarem kewet God em. Hirak ken kekerek kewen hemkre miutipen mekrerek, hiram yaaim te hirak ap pike kaknipem au. Hiram yaaim te hirak kekepai kaktaihis haiu mamtik-erek mamu tipmain tipmain enum eik. ¹³ †††Markeik te hemkre me meme o bulmakau mamkaap haiu mit? Hiram mamkepai mamir im. Mit han hir netenen menmen God katip: "Yi mit ap yetenen menmen im," te maain God kaktip hir yink kir enuk kakinterim. Yink kir enuk ere mit pris hir eninin enit hemkre me meme metike hemkre me bulmakau, im metike si waniu (o win) me yink me bulmakau nikik hir neiyim nen newirem mentar yink ke mit in. Epei au, him me God matip hir pike yaain nentar menmen im mesak menmen enum mau yink kir. ¹⁴ ††††Hemkre me meme metike bulmakau mesak menmen mau yink kaiu keremem te

§ 9:6 Nam 18:2-6 §† 9:7 Eks 30:10; Lev 16:2-34 §†† 9:8 Hi 10:19-20 §† 9:9 Hi 10:1-2 §†† 9:10 Lev 11:2, 25, 15:18; Nam 19:11-13 §† 9:11 Hi 3:1, 10:1 §† 9:13 Lev 16:3, 14-16; Nam 19:9, 17-19; Hi 10:4 §†† 9:14 1Pi 1:18-19; 1Jo 1:7; Hi 6:1

Krais hirak iuwe kinin meme metike bulmakau, hemkre mirak yaaim minin hemkre miram, hiram mesak menmen enum mekre han kiau. God Himin Yaaik kekepik hirak kerek yaaik kiriak menmen enum au te hirak kewepwar hemkre mirak kewet God em. Te hemkre mirak yaaim mamkaap haiu mit hiram mesak menmen enum mekre han kiau, te haiu emises God werek werek kerek kaku kakit tipmain tipmain enum eik.

Hemkre me Jisas mikaap him ham yaaim God kewe-taiyem

¹⁵ †Jisas kikaap him ham yaaim mit enisesim hiram mikaru man mentar nipaa hirak kaa kesak menmen enum haiu mit kerek mises him ham me nipaa enum haiu miriakem. Jisas kau nimin ke haiu mit metike God kikaap him ham yaaim mit enisesim hiram mikaru man te haiu mit kerek God kehimiteni haiu mit nirak haiu mamtikerek mamu tipmain tipmain enum eik mamit menmen yaaim mirak mamir ke nipaa God ketpim him iuwe. Jisas kaa te haiu mamit menmen yaaim im.

¹⁶ Haiu mertei mitik hak kertei maain hirak kaki, hirak kewis menmen mau tiwei matip markeik te hirak kakinke ti metike menmen yapirwe hirak naan-miprewem kakwet nikerek nirak em. Menmen im hirak kewisim mau tiwei hiram niuk mirak "Tiwei me han." Maain kerekek wi haai kaki, nikerek nirak nanit menmen mamir ke nipaa hirak kewisim mau tiwei. ¹⁷ Haai wen kepu, te tiwei kerek hirak kewisim em hiram wen mepu weinim. Te maain hirak kaki, tiwei hiram mehimitan menmen me nikerek hir nantiwem.

¹⁸ Marim nipaa mit nenep samiyak hiram maa hemkre miram mewen hiram menop him im mekrit mau meit. Haiu matip him im hiram ap mekepai werek au kerek God kinin katip Moses em hirak hanhan mit enisesim te mit wen nenep menmen maa te him im mekrit mau meit. ¹⁹ ††Wi nipaa Moses kenip him im mekrit mau meit hirak kinin katip mit ne Isrel him yapirwe God ketpiwekem hirak kewisim mau tiwei te mit miyapir nanisesim. Hirak ketpor epei au, Moses keit hemkre me bulmakau nikim metike meme kerek hir epei namip hemkre miram mewen, hirak keit tipar metikerem, hirak kesi tepnek me sipsip mire yiwir metike timen niuk miram Hisop, keiyim ken kemtit mau hemkre hirak kewisim mentar tiwei him me God kewet Moses em mau mekrerem, kewisim mentar im metike yink ke mit miyapir yapirwe. ²⁰ †Hirak wen kewisim mentar tiwei metike mit miyapir, hirak ketpor kar ik: "Samiyak menmen nepei maa hemkre miram mewen hiram meteikni yi epei yewenhi yatip yi eiyises him me God nipaa hirak katip yi eiyisesim." ²¹ ††Marim hirak keit hemkre im metike tipar kewisim mentar winak ke God ketike menmen yapirwe mekrerek kerek mit nererik newenepi God neriuwerem. ²² ††Tis, him Moses kewisim mekre tiwei hiram matip menop menmen

yapirwe nipaa hiram ap yaaim mit newenepi God neriuwerem hemkre hiram miriakem hiram mire yaaim. Haiu mertei mit newen hemkre me menmen keremem te God kakisak menmen enum maiu mekre han kiau, o au en, taau.

Krais kewepwar hemkre mirak kakisak menmen enum me haiu mit

²³ ††Menmen weinim im mau ti hiram mar ke himin me menmen iuwe meit wit ke God, Moses kewen hemkre menterim te hiram mire yaaim. Te menmen mau wit ke God hiram iuwe te hemkre im menipem yaaim au. Hemkre ham mamininem mamnip menmen iuwe mau wit ke God hiram yaaim te haiu mit mamtike God mamkiyan mamu mamit. ²⁴ ††Krais nepei kenipem hiram yaaim kentar hirak ap ken kekere winak kerek mit nimaak kau ti nehimitanek me God au. Hirak ken wit ke God kerek in ek hirak kau keit menop ninaan me God kitiwekhi me haiu mit miyapir. ²⁵ Krais ken kekere haau me God kewi kewepwar hemkre mirak miutipen keremem. Hirak ap kewepwarem yapirwe kar ke nipaa mitik pris kiriakem au. Me wi miutip miutip me tito yapirwe hirak pris ken haau kerek mit nehimitanek me God kau kekererem hirak kewepwar hemkre me samiyak mei kewet God em. Te Krais au, miutipen keremem. ²⁶ Hirak ap ken haau me God kewi yapirwe kar ke mitik iuwe pris kiriakem au. Hirak ken kewepwar hirekes yapirwe te hirak kaki kakintar nu tentakit yapirwe me wi nipaa God kiriak ti ketike nepni ere in. Au, in ek hirak kan kau ti kaa miutipen kerekek hiram werek. Me wi menop menmen me nipaa hiram epei au mamisi, hirak kan kakisak menmen enum mau mekre han kiau keriuwe hemkre mirak mewen hirak kewepwarem kewet God em miutipen keremem. ²⁷ †Mit miyapir yapirwe nani te maain hir nanir God, hirak skelim menmen mit miyapir in niriakem. ²⁸ ††Marim Krais kaa miutip kewepwar hirekes kewet God hemkre mirak te kakisak menmen enum me maiu au. Hirak pike kaknen kakithis haiu mit miyapir kerek misesik memeriwek kaknen.

Menmen mit nipaa newepwarem hiram ap te mamisak menmen enum maiu

¹⁰ ††Him nipaa God kewet Moses em hiram mire himin weinim me menmen yaaim maain mamnen, te hiram ap menmen im yaaim hiremes au. Me tito tito mit iuwe hetpris newepwar hemkre me bulmakau o meme newet God em. Hir niriakem mar keremem keremem. Markeik te him me Moses mamriak mit kerek nises God hir yaain neriuwe menmen im mitik pris kewepwarem kewet God em? Taau! Hiram himin weinim me menmen yaaim keremem. ² Menmen mit newepwarem newet God em hiram yaaim te mamisak menmen enum mit kerek nises him me God hir niriakem te hir ap pike naninen nanriakem meiyam

† 9:15 1Ti 2:5; Hi 8:6 †† 9:19 Eks 24:3, 6-8; Lev 14:4, 6 † 9:20 Eks 24:8 †† 9:21 Lev 8:15, 19 †† 9:22 Lev 17:11; Ef 1:7

††† 9:23 Hi 8:5, 10:1 ††† 9:24 1Jo 2:1 § 9:27 Jen 3:19 †† 9:28 Hi 10:10; Ais 53:12; 1Pi 2:24; Fl 3:20; 2Ti 4:8 ††† 10:1 Hi 8:5

taau nentar hir ap menmen enum mau mekre han kir au. ³ Au, mit niriakem nar keremem me tito tito yapirwe hiram menip mit han tewenin menmen enum hir niriakem. ⁴ Hir niriakem nentar God kertei hemkre me bulmakau o meme hiram ap te mamsisak menmen enum maiu mekre han ke haiu mit au. ⁵ ††God kertei menmen im, te wi nipaa kerek Krai epei kaknen ti kaku kaktikewai, hirak katip God kar ik:

“Ti hinapen mit newepwar bulmakau o meme sipsip hir nanwetutem au. Ti epei eraumani yink kai hi ahu ekrerem awepwar hirekes ewetutem. ⁶ Ti ap han yaaik heriuwe samiyak mit nimansiyem mau nan mire kinaan menmen mit newepwarem newetitem te hiram mamsisak menmen enum mir au. ⁷ Te hi Krai hetput har ik: ‘Ti God ti hira hi hepu, hi ariak menmen ti hanhanem hi ariakem, mar ke nipaa mit newisim me hi mau tiwei ke Moses ketpim.’”

⁸ Hirak Krai kinin katip kar ik: “Ti hinapen mit newepwar menmen nanwetitem au. Ti ap hanhanem te hir nimansi samiyak mau nan mire kinaan o menmen hir newetitem te mamsisak menmen enum mau han kir au.” Krai katip menmen im te him me Moses kewisim mau tiwei hiram matip mit enisesim. ⁹ Hirak katip menmen eim epei au, maain hirak katip him kar ik: “God ti hira hi hepu. Hi ariak menmen ti hanhanem.” Him im metpai Krai kenip menmen tokim me nipaa ein me mit hir newepwar menmen newet God em, hiram nepei au mes, hirak kekrehir miram kewepwar hirekes kewet God yink kirak. ¹⁰ †Jisas Krai kises menmen God hanhan hirak kiriakem. Hirak kaa miutip kerekewepwar yink kirak kewet God ek te hirak kesak menmen mekre han kaiu te haiu mit kerek misesik haiu yaain. Haiu mewenipi niuk me God werek werek.

Menmen Krai kiriakem mesak menmen enum mekre han kaiu

¹¹ ††Hekrit hekrit mit yapirwe nire pris hir nerp niriak menmen newepwarem newet God em. Hir niriakem marem marem te menmen im ap te mamsisak menmen enum haiu mit haiu miriakem taau. ¹² ††Te Krai hirak kiriakem miutip kesak menmen enum maiu. Epei au, hirak ken kau menep his yaaim me God kentar hirak Mitik Iuwe kire God hirak naanmipre menmen. Menmen miutip Krai kiriakem hiram mamu mamit mamkepai haiu mit mamsisak menmen enum mekre han kaiu tipmain tipmain enum eik. ¹³ ††Hirak wen kau ketikerek kemeriyiwerek ere wi God kaknep mit enun nepan kaknip kaknepi. ¹⁴ Haiu mertei Krai keriuwe menmen miutip hirak kiriakem wi kerek hirak kaa kewepwar yink kirak kewet God ek, hirak kiriak mit miyapir kerek God kesak menmen enum mir, hir nire yaain nanu tipmain tipmain enum eik.

¹⁵ ††God Himin Yaaik hirak kewetai him mirak metike him Krai epei ketpim God Himin Yaaik hirak kinin katip kar ik:

“Me wi maain mamnen hi awet mit him mai im hir nanwenhi nanisesim. Hi ewisim mekre han kir te hir han ekitetim.”

¹⁷ Nepei au, hirak katip him ham mar im:

“Hi ap pike han ekitet menmen enum mau mekre han ke mit o menmen hir niriakem te hi han enuk heriuw-eri au.” ¹⁸ God epei kesak menmen enum mai te mit ap te nanwepwar menmen nanwet God em nanteipim au. Hiram epei au mesi meit.

Haiu emises him me God te haiu emu emtikerek han kiutip

¹⁹ †Te nai yinan, haiu yaain te mamno mamkre haau me God hirekes kewi mentar Jisas kaa kentar nu tatarakit hemkre mirak mewen mesak menmen enum maiu. ²⁰ †Hirak kaa te menmen im hiram mire hirak kinin ken kewep yayiwe keremir o kewep laplap me nimin hiram meiyepetai haiu mit mamno nimin kerek God kewi. Hiram mar ke hirak kewep yayiwe ik keriuwe yink kirak te haiu emisesik mentar nipaa hirak kaa pike kekrit kau keit. ²¹ Haiu Mitik kaiu Iuwe Hetpris hirak kepu naanmipre menmen meit wit ke God metike haiu mit kerek mises him me God haiu nikerek narak. ²² ††Krai kiriak menmen im te haiu emnaiwir menmen enum me memitaipin mekre han kaiu emit, haiu emises God haiu mamtikerek emu han kiutip. ²³ ††Haiu emises menmen werek werek kerek haiu matip haiu han kitetim. Haiu ap emweikin sip emwet him im emintar haiu mertei him nipaa God ketpim maain hirak kakisesim kakriakem. ²⁴ Haiu han ekitet markeik te haiu emri han ke naiu yinan te haiu yapirwe han etweninan haiu mamriakan menmen yaaim. ²⁵ ††Yi ap einapen yaino eitike ni yinan yererik yewenipi niuk me God yar ke mit han ninapen niriakem au emit! Yi eiri han ki eikiyan wisenum te yi eirerik eiwenipi niuk me God eyintar wi menep te mamnen Krai pike kaknen kakteipim.

Haiu ap emweikin sip emwet God Nikan kirak Jisas

²⁶ †Haiu mit epei mertei him me Jisas kaa te kakisak menmen enum mekre han kaiu haiu misesim werek werek te maain haiu emweikin sip emwet him im au emit! Haiu mamriak enum, menmen ham ap mepu te mit pike nanwepwarem hiram mamsisak menmen enum maiu te haiu mamre yaain taau. ²⁷ ††Haiu emweikin sip emwet him mirak au emit! Maain haiu mamnaain God skelim haiu mit, kakwirai mamno si kerek God kiman me kakwir mit narak enun nepan nanino nanikerem si tatin. ²⁸ ††Haiu mertei mitikit wik o wikak tewepyapir mitik kiutip keweikin sip kewet him me Moses, te mit iuwe ne Isrel nantiwekhis hir ap han

† 10:4 Hi 9:13 †† 10:5 Sam 40:6-8 † 10:10 Hi 9:12, 28 †† 10:11 Eks 29:38 †† 10:12 Hi 1:3 ††† 10:13 Sam 110:1

††† 10:15-16 Jer 31:33-34; Hi 8:10, 12 § 10:19 Hi 4:16 † 10:20 Mt 27:51; Hi 9:8 ††† 10:22 Lev 8:30; Esi 36:25; Ef 5:26 †† 10:23 Hi 4:14 ††† 10:25 Hi 3:13 †† 10:26 Hi 6:4-8 †† 10:27 Ais 26:11 ††† 10:28 Diu 17:6, 19:15

teweninek au, hir nankip kaki. ²⁹†Te yi han ekitet God kakiwaank mitik kerek keweikin sip kewet menmen Jisas kiriakem kakiwaankek kike keremem a? Auye! Hirak kakiwaankek wisenum kentar hirak kinaain Nikan ke God hirak katip menmen hirak kiriakem me wi kerek hirak kaa hemkre mirak mewen hiram menmen weinim. Menmen im God kewetaiyem hiram him haiu mamwenhi mamisesim te hirak kakrekyei haiu mamre yaain. Te God kakiwaank mitik ik enuk kentar hirak keweikin sip kewet Nikan ke God. Menmen im hiram mar ke hirak kinan yipir kewirek hirak keweikin sip kewet God Himin Yaaik kerek hanhan keriuwai haiu mit kerekyei menmen yaaim. ³⁰††Hi hatip menmen im hentar haiu mertei God ap kemipin me wi hirak katip kar ik: "Menmen enum mit niriakem, maain hi ewaniu-paan mir eriuwerem." Hirak wen katip him ham kar ik: "Hi Mitik Iuwe God hi skelim mit nai me menmen hir niriakem." ³¹ God kerek kaku kakit tipmain tipmain enum eik skelim mit me menmen enum hir niriakem. Menmen im hirak menmen menipi han yaaik au. Hiram menmen enum menipi hir han enuk ninaain wisenum.

Yi han tokik eiyises him me God werék werék

³² Yi pike han ekitet menmen nepei man me wi nipaa yi yinin yemtau him me Kraiis yi yisesim. Yi yisesim epei au, menmen enum man mamriwaank te menmen enum im ap te maminin han ki au. Yi han tokik eiyu eiyit. ³³ †Wi ham mit netpi enum hir nerekyi enum nerp ninaan me mit miyapir yapirwe te hir naninwesis. Wi ham yi yir mit enun niriak mit han yaain menmen enum yi eiyirp eitikeri eikepi hir han tokik nanu. ³⁴ ††Yi hanhan eiriuwe mit yaain mit enun newisi nekre winak enuk. Yi ap han enuk eiriuwe mit kerek nen nari menmen mi neiyim nen au. Yi han yaaik yewisi nari menmen mi yapirwe yentar yi epei yertei God nepei kewisi menmen ham yaaim minin menmen mit neriyaam, hiram mamu mamit tipmain tipmain enum eik. ³⁵ Ni-paa ere in yi han tokik yepu te in ek yi ap einapen menmen enum mamnen mamriwaank au emit eiyintar yi yertei maain God kakweti mit miyapir kerek yisesik werék werék kakweti menmen mirak yaaim. ³⁶ ††Yi wen han tokik eiyu eiyises him me God te maain yi eiriak menmen God hanhan yi yiriakem, yi eiyit menmen yaaim nipaa hirak katip kakwet mit miyapir kerek hir nisesik kakwetirem. ³⁷ †††Yi han tokik eiyu eiyintar him me God mau tiwei matip me Kraiis mar im: "Maain kike hirak kerekek kaknen. Hirak ap kakmerir wi yapirwe au.

³⁸ †††Te nai yinan hir han ekiteta nanises him mai hir nantikewa nanu nanit tipmain tipmain enum eik, te mit kerek nanweikin sip nanweto, hi han enuk ariuw-eri." ³⁹ Haiu mit au, haiu ap ne mit kerek neweikin sip enwet God te hirak kakraiwaank au. Yi yetikewa haiu

ne mit kerek nises him me God te hirak kakikepai kak-taihis.

Markeik te haiu han ekitet menmen werék werék

11 ¹ †Haiu han ekitet menmen God katip hiram mamnen haiu mertei maain hiram mamnen te haiu mameriyiwem mamnen. Menmen im haiu ap mirem wen au te haiu mertei hiram mepu mentar God katip hiram mepu. ² Nipaa mit maamer han hir han kitet God werék te hirak han yaaik keriuweri. ³ ††Haiu mit i han ekitet him me God hiram yaaim te haiu mertei God kiriak ti metike nepni keriuwe him mirak weinim. Te menmen haiu mirem God kiriakem keriuwe menmen haiu ap te mamirem taau.

Him me mitikit Ebel, Inok tetike Noa

⁴ ††Mitik niuk mirak Ebel hirak kises him me God te menmen hirak kewepwarem kewet God em. God katip menmen mirak kerek kewetiwekem hiram yaaim te God ketpiwek hirak mitik yaaik kentar hirak kisesik werék werék. Nipaa Ebel hirak kaa hirak wen han kitet God werék werék te him mirak mau tiwei me menmen nipaa hirak kiriakem hiram meteiknai menmen menip God han yaaik keriuwai.

⁵ ††Inok ap kaa kentar hirak han kitet God werék werék te God ketiwekhis kau ketikerek. Mit han ninet-niwek ninetniwek ap ninapinek au nentar God epei ketiwekhis keiyik ken wit kirak. Him me God mau tiwei matip God ketiwekhis wen au, menmen Inok kiriakem hiram menip God han yaaik keriuwerék. ⁶ Mit miyapir kerek ap han kitet God, menmen yapirwe hir nanriakem ap te naninip God han yaaik kakriuw-eri taau. Hir ap te naninip God han yaaik kakriuw-eri nanintar mit miyapir kerek hir hanhan nises God hir naninin han ekises God hirak kepu, maain hirak kakwet mit miyapir kerek hir hanhan nisesik kakwetir menmen yaaim.

⁷ †††Wi nipaa God katip Noa me menmen enum hawi yuwerep hiram mamnen, te Noa kir menmen im wen au. Hirak han kitet menmen God ketpim hiram mamnen te hirak kime sip. Maain hirak kimaam werék hawi yuwerep epei man, hirak ketike mite pirak nikerek nirak nen nau nekrerem, te hir ap naa au. Hirak keteikin mit yapirwe hir enun kentar hirak kises him God nipaa ketpiwekem te hir au. Te hirak God katip Noa hirak mitik yaaik kentar hirak kises him mirak.

Ebrahim kises him me God

⁸ ††Ebrahim kemtau him kerek God ketpiwekem te hirak han kitet him mirak hiram yaaim. Te hirak kinaai-wir wit kirak ken wit hak kerek God ketpiwek hirak kakwetuwekek. God ap keteikniwek ti ik te hirak kepitari hirak kakno neiyin kakit mekam au. ⁹ ††Ebrahim kises

† 10:29 Eks 24:8; Hi 13:20 †† 10:30 Ro 12:19; Diu 32:36; Sam 135:14 † 10:33 1Ko 4:9 †† 10:34 Mt 6:20, 19:21, 29 †† 10:36 Lu 21:19; Hi 6:12 ††† 10:37 Hab 2:3-4 ††† 10:38 Ro 1:17; Ga 3:11

§ 11:1 Ro 4:18; 2Ko 5:7 †† 11:3 Jen 1:1; Sam 33:6; 2Pi 3:5 ††† 11:4 Jen 4:3-10 †† 11:5 Jen 5:24 ††† 11:7 Jen 6:13-22, 7:1; 1Pi 3:20; Ro 3:22, 4:13 †† 11:8 Jen 12:1-5; Ap 7:2-4 †† 11:9 Jen 26:3, 35:12, 17

him me God te hirak ken kau wit kerek God katip hirak kakwetiwetek. Hirak kau kekere winak sel kire weisaak kar ke mitik hirak ap ti kirak au. Aisak ketike nikan kirak Jekop hirakit tetike Ebrahim tatit menmen God epei ketpiwekit kakwetiwekitem te hirakit tau winak sel tar ke Ebrahim kewik. ¹⁰ Ebrahim kau winak sel keremem kentar hirak kemerir God kakriyaak kaktiwekhis keiyik kakno wit kerek God hirekes kimaak hirak kaku kakit kakwetiwek winak yaaik.

¹¹ †Sera hire han kitet him me God te hirak kenipep hire werek te wepitu. Hire epei enu we mite. Hirak kiriakem kentar hire han kitet hirak kakises him nipaa hirak ketpim me hirak kakwetir nepenyerer nei yapirwe. ¹² ††Mitik ik hirak epei ke mitik ap te kakine nikerek au, te God kenipek hirak kine nikan. Maain nepenyerer hirak hir yapirwe nar ke تنهاان kau wan eik, o hir mau nepni. Mit ap te nanwenhisi au.

¹³ †Mit in hir yapirwe hir naa te hir han kitet God kakises menmen nipaa hirak ketpim. Hir neit menmen God ketporem au, te hirak keteiknor menmen hirak kakriakem mamnen hir han yaaik neriuwerem nertei hirak kakisesim. Hir natip nar ik: “Ti mit newi hiram ti im ap maiu au. Haiu mau in mar ke mit nau ti ke mit han.” ¹⁴ Mit kerek natip nar ik hir neteiknai te hir nanir ti mir ham yaaim hir nanwim nanu nanit. ¹⁵ Hir ap pike hanhan nanu wit kerek nipaa hir ninaiwirek au nentar hir hanhanek te hir pike nen newi. ¹⁶ ††Au, hir hanhan nanir wit hak yaaik hir nanino nanwi. Wit ik ek hirak wit ke God. God ap yink enuk hir nenewek God kir kentar hir han kitetik werek werek. Hirak epei kerekpor wit hak yaaik te hir naninen nanwi hirak keteiknai hirak ap yink enuk ke mit nenewek hirak God kir.

¹⁷ ††Wî nipaa God katip Ebrahim kininek, Ebrahim kemtau him mirak hirak keit nikan kirak Aisak kewisik kentar nan mire kinaan hirak kakikip kakwepwarek kakwet God ek. Hirak kare kaknep nikan kirak kiutip kerek God nipaa ketpiwek kakwetiwetek. ¹⁸ Nipaa God ketpiwek kar ik: “Aisak kerek kakine nikerek te hir keriyen nanre nepenyerer ne weiwik miutip mit, te nepenyerer han ne nikerek nit han au. Aisak kerekek.” ¹⁹ †††Te Ebrahim han kitet kaknep nikan kirak kaki te God tewen kakikiak kerek kaki. Hirak kar ke hirak pike ketiwekhis kentar God keit sipsip neniuk hirak kewisik kekrehir ke Aisak. Te Aisak ap kaa au. Sipsip kerekek hirak kaa.

Him me Aisak, Jekop tetike Josep

²⁰ †††Aisak han kitet God kakises him nipaa hirak ketpim te hirak katip him yaaim men Jekop ketike Iso me menmen yaaim mamnen. ²¹ †Karik Jekop menep hirak kaki hirak katip him yaaim men nikerek hirakit wik te Josep me menmen yaaim mamnen kentar hirak kises him me God hirak han kitet God kakriak menmen ni-

paa hirak ketpim. Jekop ketpor him yaaim epei au, hirak kises paap kirak keiyik kire hirekes kerp hirak kewenipi niuk me God. ²² ††Josep kises him me God han kitet God kakriak menmen nipaa hirak ketpim, te wi menep hirak kaki, hirak katip heiyuwerer nirak kar ik: “Maain God kakithis nepenyer niau naninaaiwir wit ik Isip, hir enit herwe yink kai enwisik ekikre hei me wit kerek hir nanwiyen.”

Him me menmen Moses kiriakem

²³ †††Moses miye haai nirak hir han kitet God kakikepi te miye winaak epei au, hir nirek hirak nikan kir yaaik au wetpen enuk keit. Hir hiras ap nakip nar ke nipaa mitik iuwe Fero katip hir eninep nikerek hirakit tirek au. Hir nisawinek ere wenke wikak.

²⁴ ††Moses han kitet God kakikepik kakri mit miyapir nirak ne Isrel naninaaiwir Isip te maain hirak kire mitik iuwe hirak kinapen mit hir ap eninewek hirak mitik iuwe ke Isip hirak nikan ke Fero niki pirak kerek nipaa ere in naanmiprewek au. ²⁵ Hirak hanhan kaku kaktike mit ne Isrel God nipaa kehimiteni hir mit nirak, me wi mit ne Isip newaanki nerekyor enum. Hirak kinapen keweikin sip kewet God te hirak han yaaik kaku kakre mitik iuwe ke Isip. Menmen im enum mit miyapir nis-esim hiram ap te mamrekyor hir han yaaik nanu me wi yapirwe taau. Me wi mei kike keremem. ²⁶ †††Hirak han kitet maain Kraiskaknen kakwet mit nirak menmen, te hirak kertei hirak kaku kaktike mit ne Isrel, mit ne Isip netpiwek enum. Hirak han kitet menmen im hiram minin menmen iuwe hirak ketiwem kentar hirak iuwe nikan hak ke Fero. Hirak han kitet maain Kraiskaknen kakwetiwetek menmen yaaim minin menmen meit Isip.

²⁷ ††Moses han kitet God kakinin Fero te hirak kinaaiwir Isip, hirak ap kinaain mitik iuwe Fero kerek hirak han enuk keriuwerek au. Hirak ap pike keweikin ken kau Isip au kentar hirak kertei God, kerek haiu mit ap mirek au, hirak kau ketikerek kekepik. ²⁸ †††Moses han kitet God ap kaknep nikerek hirakit te mit kerek newis hemkre mau weipir ke winak te hirak kiriak menmen me pasova kinin. Hirak katip mit miyapir ne Isrel hir enwis hemkre emu weipir te Ensel ke God kerek kaknep mit, hirak kaknep nikerek hirakit tir iuwe et.

Mit miyapir yapirwe ne Isrel nises God werek werek

²⁹ †††Mit yapirwe ne Isrel nises him me God te hir nerekir wan niuk mirak Wan Ninik, hirak kewep pinak pinak te hir nitet ke nimen nen pinak ein nire mit nitet yayiwe tipar ap mei miwaaari au. Maain mit ne Isip hir nare nanises mit miyapir ne Isrel naninip te tipar pike kewen kan kanip kenepi.

³⁰ †††Mit miyapir ne Isrel han kitet God kakikepi hir naninep mit miyapir ne wit Jeriko te hir nen neweikin wit kir me wi hispinak wik. Epei au, God kekepi te niwa kerek kisawin wit Jeriko keweikniwek kewen te hir nen

† 11:11 Jen 18:11-14, 21:2†† 11:12 Ro 4:19; Jen 15:5, 22:17; Diu 10:22 † 11:13 Jen 23:4; 1Kro 29:15; Sam 39:12; 1Pi 2:11 †† 11:16 Eks 3:6, 15; Mk 12:26 †† 11:17 Jen 11:1-14; Je 2:21-22; Ro 9:7 ††† 11:19 Ro 4:17 ††† 11:20 Jen 27:27-29, 39-40 § 11:21 Jen 48:15-16

§† 11:22 Jen 50:24-25; Eks 13:19 §†† 11:23 Eks 1:22, 2:2 §† 11:24 Eks 2:10-12 §†† 11:26 Hi 10:34-35 §† 11:27 Eks 12:51, 14:13-14; Ro 1:20; 1Ti 1:17; Hi 11:1 §† 11:28 Eks 12:21-30 §†† 11:29 Eks 14:21-31 §§† 11:30 Jos 6:12-21

nimin ein nenep mit nanip nenepi. ³¹ †Mite Rehap nipa hire mite enu wari mit his weneninem, hire han kitet God kakikaap mit ne Isrel kakinin mit kerek ap nises God nau wit Jeriko wit kire, te hire wikaap mitikit te Isrel kerek hirakit tan tisawin temiyenwonaan tir wit. Te maain mit ne Isrel nen nenep mit ein kerek ap nises God, hir ap naaup au. Hire wau weit. ³² †Hi ap etpi him ham au. Hi etpi him me Gidion, Berek, Samson, Jepta, Devit, Samyuel hirakit tetike mit profet yapirwe te him mai mamnen nokim enum nokim. ³³ ††Mit in nentar hir nises him me God hir netike mit nerer wit wit nenepan te hir ninini nanip nenepi. Hir niriak menmen yaaim te hir neit menmen nipaa God ketpim. Hir nemesis him me pusi ke yaank laion hirak iuwe kar ke sak te hiram ap manip au. ³⁴ †Mit en hir ninin si iuwe me mit enun nanip neriwerem te hiram maa. Hir mit han nan menep nanip te hir nirir te hir nanip taau. Hir mit iuwe au hir nire mit weinin te God kekepi hir nire mit iuwe manpenun. Mit nerer wit wit nan netikeri nenepan te hir nenep mit en hir pike nirir. ³⁵ ††Miyapir han pike neithis mit nir netike nikerek nipaa naa hir pike nekrit nau. Mit han nekre winak enuk ninapen neweikin sip newet God te mit hir nesiupani taau. Hir mit han nisesik te mit han nanip nerekyor enum enum hir naa, hir newis mit nanip te maain God kakikian hir nanikrit nantikerek nanu nanit. ³⁶ ††Mit enun hir nitetnaa mit han yaain hir niwaai nipin nanip, mit han hir nesenkekhis hit mir newisi nekre winak enuk. ³⁷ †††Mit han enun hir newir nan nanip, hir neit so neiyim nerenirir yinan yinan, hir neit hine me his neiyim nenep mit han neriwerem hir naa. Hir mit miyapir han yaain namir yink me sipsip o meme neiyim nen in nen ein, hir ap netenen nan au, mit newaanki nerekyor enum hir nepu enum. ³⁸ †Hir mit miyapir nen ein nen ein nitet yaank weinik, miniu (o neiyip) weinim, hir nirir nen nau ninik miniu (o neiyip) nekre han o nekre hei iuwe me ti. Hir mit yaain te mit han nau ti hir ap yaain te hir nanu nanikeri nimin au.

³⁹ †Mit miyapir in hir nises him me God te God katip hir yaain niuk mir iuwe. Te mit in ap neit menmen God nipaa ketpim kakwetai haiu mit em wen au. ⁴⁰ †God kewetirem wen au kentar hirak keraimani menmen hak kinin menmen nipaa hir nisesim. Hirak han kitet kakrekyei mamtikeri haiu mit yaain mentar menmen Krai kiriakem.

Haiu emises him me God emriak menmen nipaa Jisas kiriakem

12 †††Mit in kerek hi nepei hetpiyem hir nipaa nises him me God werek werek hir yapirwe nerp wit ke God nirai nire mit nerp nir nikerek hir nesiuken neit skul. Te haiu mit emweikin sip emwet menmen yapirwe mamraiwaank o menmen enum kerek haiu hanhan emisesim emriakem te hiram emit. Haiu emnawirem

† 11:31 Jos 2:1-21, 6:21-25; Je 2:25 †† 11:33 Dan 6:22 †
11:34 Dan 3:23-27 †† 11:35 1Kin 17:17-24; 2Kin 4:18-37 ††
11:36 1Kin 22:24-27; Jer 20:2, 37:15, 38:6 ††† 11:37 2Kro 24:21
††† 12:1 Ro 7:21; 1Ko 9:24-25; Hi 10:36

mar ke mitik kesiuknen kewenwo laplap hirak kenepim kewirem te hirak kesiuken waswas. Haiu emnawirem emit te haiu emises menmen werek werek God kehimitenai haiu emisesim. ² †Haiu han ekitet Jisas kerek hirak kinin mit han hirak kire Mitik Iuwe kises God werek werek te hirak kekepai haiu mamisesik werek werek. Hirak kerekek han kitet hirak yink enuk kaa kentar nu tentarakit hiram menmen weinim kentar hirak kertei maain hirak kakinin menmen enum kakikepai kakriuwe menmen hirak kiriakem hirak yaaik kaku. Nepei au, hirak ken kau menep his yaaim me God kire Mitik Iuwe ketikerek naanmipre menmen yapirwe.

God kewis menmen enum mamnen mamraiwaank te haiu mamisesik werek werek

³ †Yi han ekitet menmen enum mit enun nerekyiwekem te hirak kau han tokik kises menmen God kehimiteniwek kakisesim. Te yi ap han enuk waswas yeriuwe menmen enum miwep te yi yeweikin sip yewet menmen yaaim me God. ⁴ †Wi Seten kakri han ki o mit nanrekyi enum te yi eiweikin sip eiwet Krai, yi ap eiriak menmen iuwe wen au te yi yainin menmen enum ere hemkre mi mamwen te yi yayi yayir ke Krai kiriakem. ⁵ ††Yi han kaa menmen God ketpiyem mamkepi yi eiyu han yaaik a? Nipaa him me God mit newisim mau tiwei matip yi yar ke nikerek nirak mar im:

“Nikerek nai, wi kerek God kesiuwe menmen miwep kar ke haai kenep nikan kirak, yi ap han kitet menmen enum hiremes man miwep au. Yi ap han enuk yeriwerem han kitet God kineini au, wi kerek hirak kesiuwe menmen enum mamnen mamiwep. ⁶ †††Yi ap han ekitet eiyirik eiyintar mit miyapir kerek God hirak hanhan keriuweri hirak kewis menmen manip kakikepi hir enises menmen yaaim. Mit miyapir kerek hirak katip kar ik: ‘Yi nikerek nai,’ hirak kewis menmen mamnip mamkepi hir nanises menmen yaaim.” ⁷ ††Te yi han tokik eiyu eiriuwe menmen enum mamnen mamiwep. Yi han ekitet menmen im hiram mire menmen haai hirak kiriak nikerek nirak em, te hir enises him mirak werek werek. Menmen im enum mamiwep, hiram meteikni God hirak han kitet yi nikerek nirak hirak kakikepi yi yaain. Nipaa yi yertei mitik hak ap kenep nikan kirak o au a? Taau. Mit yapirwe nenep nikerek nir. ⁸ †Haai ki God hirak ap te kakrekyi menmen mi enum, menmen im hiram meteikni yi ap nikerek yaain au. Yi yire nikerek ne weiwik ham. ⁹ †Nipaa haiu yapirwe haairer niau hir nerekyei menmen enum maiu te haiu mineini han kitet hir iuwe. Te God hirak kinin haairer niau, hirak Haai ke himin kiau te haiu emisesik emwisik hirak kerekyei menmen enum maiu te haiu mamtikerek mamu mamit. ¹⁰ †Haairer niau hir nises han kir nerekyei menmen enum maiu me wi ham haiu wen kike. God hirak au. Hirak kerekyei menmen maiu enum kekepai te haiu yaain mamir ke hirak. ¹¹ †††Wi

‡ 12:2 Hi 1:3 †† 12:5 Pro 3:11-12 ††† 12:6 Rev 3:19 ††
12:7 Diu 8:5; 2Sml 7:14 ††† 12:11 Je 3:17-18

God o mit nerekyai menmen maiu enum, haiu han kitet hiram menmen enum te hiram ap menipai han yaaik meriuwerem au. Maain haiu mit kerek God kerekyei menmen mar im, hiram menipai haiu mamre mit yaain mamriak menmen yaaim haiu mamu werék werék.

Haiu naanempre hiras te haiu ap emweikin sip emwet God

¹² †Yi mit han yi yinapen yises him me Jisas Kraiss yar ke mit kerek nen yanimin hir his hit maa. Yi ap eiyu han tewenin hiras me menmen epei man miwep au emit! Yi pike hanhan eiyises him me Jisas werék werék. ¹³ ††Yi eiyises God werék werék hiram mamir ke mit nipa hit par mewers, hir nitet yayiwe yaaik kipirak te hit mir mamre yaaim. Mit han narik kerek neweikin sip nanwet Kraiss hir niri yi pike yises God werék werék te hir pike hanhan nanisesik werék werék.

¹⁴ †Yi mit miyapir yetike mit miyapir han yapirwe yi eikiyan eiyu. Yi eiyises menmen yaaim God hanhan yi eiyisesim eiyintar yi ap eiyises menmen yaaim im te yi ap yayu yaitike Mitik Iuwe God au. ¹⁵ ††Yi naanmamre hiras werék werék. Hiram ap yaaim te yi ap yayit menmen yaaim yapirwe God kakrekijem kakwetiyem au. Mitik hak hirak kar ik hirak kire hepnek ke ti enum mewo misawin mekre nimin ke yenkis te maain mit nerp nentiram nik miram meketet mau hit mir. Mitik kar ik hirak kakriak menmen enum kakri han ke mit miyapir yapirwe kakriwaank kakriuwere. ¹⁶ ††Yi naanmamre hiras te yi mit o miyapir han ap te eiriyahis eiweninem, o han kitet menmen me God hiram menmen weinim mar ke nipaa mitik Iso kiriakem. Hirak han kitet him God katip maam kirak Ebrahim hiram menmen weinim. Te hirak kewis nikik kirak kakit menmen mirak yaaim maain haai kakwetiwekem metike him yaaim God ketpim me menmen mamnen. Hirak kewisik kakit menmen im kentar hirak nimpimaak nikik kirak kewetiwek menmen mei kike hirak kaam. ¹⁷ †††Yi yertei maain hirak hanhan pike kakit menmen mirak te God kenip Jekop kekrehir kirak hirak kepirek ketpiwek kar ik: "Ti taau." Iso kikit kitiwekhi yapirwe te God kenipek ap te keweikin han mewek au.

Haiu meit him yaaim me God haiu mamno wit Saion

¹⁸ †††Nipaa wi yi yinin yises him me God yi ap yir menmen yemteiwem yar ke mit nipaa ne Isrel nirem nemteiwem. Hir nan miniu (o neiyip) niuk mirak Sainai, hiram si iuwe merhihe mau paan mirak, hir nir napi to to enum miwapin wit mar ke witaan toto, yuwerep man, ¹⁹ †hir nemtau mitik hak keit miniu (o neiyip) ketenwo taur. Epei au, hir nemtau Mitik Iuwe keit ein katip him iuwe enum. Mit miyapir ne Isrel hir nemtau him enum me Mitik Iuwe eik katip keit miniu (o neiyip), hir nepirpir nitehi Moses natip nar ik: "Haiu minapen

mamtau him menmen meiyam im au emit!" ²⁰ ††Hir nina pen nemtau him meiyam God ketporem nentar hirak katip kar ik: "Keimin mitik o mite, nikerek o samiyak hir naninen nanirp nanitet miniu (o neiyip), mit han nanit nan nanwirem neiyim naninep mitik kaki o samiyak mami." ²¹ †††Mit en nir menmen im te hir ninaain nepirpir. Moses hirekes katip kar ik: "Hi hepirpir wisenum hentar hi hinaain."

²² ††Te yi mit kerek yi yises him me God in, yi ap yan miniu (o neiyip) mar im au. Yi himin ki epei kan miniu niuk mirak Saion kerek wit iuwe ke God kewi. God hirak kaku kakit tipmain tipmain enum eik. Yi himin ki epei kan wit Jerusalem, hirak keit wit ke God kerek mit ensel yapirwe hir han yaaik nererik nau en. ²³ †††Yi himin ki epei kan ketike nikerek yapirwe ne God kerek nanit menmen yaaim mirak yi yererik han yaaik yepu. God kewis niuk mi metike niuk mir mau tiwe mirak hirak kertei yi neimin yi mit miyapir nirak. Yi himin ki epei kan kir God kerek hirak naanmipre mit yapirwe, hirak maain skelim haiu mit metike mit kerek nipaa God katip hir mit yaain hir netikerek nau wit kirak.

²⁴ ††Yi himin ki epei kan kau ketike Jisas kerek kerp nimin ke God ketike haiu mit, hirak ketpai him ham yaaim haiu mewenhi mamisesim hirak kekepai haiu metike God haiu mau han kiutip. Hirak nipaa kaa hemkre mirak mewen. Menmen im hiram meteiknai menmen nipaa mitik pris kiriakem. Hirak keit menmen mire mapik kemit mekre hemkre me bulmakau o meme kiwaaiyem mentar yink ke mit ein te God katip hir yink kir yaaik. Mar im hemkre me Jisas mesak menmen enum mekre han kiau te hirak kire yaaik. Hemkre mirak ap mar ke hemkre me Ebel nipaa hirak kaa au. Hiram yaaim minin em. God kir hemkre me Ebel hiram menipek han enuk kiriak mitik Ken menmen enum. Hemkre me Jisas au. God kirem te hiram menipek hirak hanhan keriuwai haiu mit, hirak kesak menmen enum mekre han kiau.

Haiu naanempre hiras te haiu emises God werék werék

²⁵ ††Yi naanempre hiras te yi ap eiweikin sip eiwet him Kraiss ketpiyem au emit! Nipaa God kerp miniu (o neiyip) Sainai katip mit miyapir him mirak. Mit han en neweikin sip newetiwekem hir ap te nirir natinpin ne menmen enum God kerekoyem au. Haiu mamnopin mamkeipin menmen enum mamwep mamirkeik te haiu emweikin sip emwet him me hirak mitik kerek kekiuwe wit ke God ketpai menmen? Taau. ²⁶ †††Nipaa God keit miniu (o neiyip) Sainai hirak katip keriuwe him mirak ti kitanik te in ek hirak katip him iuwe kar ik: "Hi tewen pike etanik ti eteipim. Ti weinik kerekek au. Hi tewen etanik ti ketike nepni hiram mamiwaank." ²⁷ ††Him im hiram matip "meteipim," te hiram meteiknai menmen im: Nipaa God kiriak ti te maain hirak kak-

† 12:12 Ais 35:3 †† 12:13 Pro 4:26 † 12:14 Sam 34:14; Ro 12:18 †† 12:15 Ap 8:23 †† 12:16 Jen 25:33-34 ††† 12:17 Jen 27:30-40 ††† 12:18 Eks 19:16-20; Diu 4:11-12 † 12:19 Eks 20:18-21; Diu 5:22-27

† 12:20 Eks 19:12-13 ††† 12:21 Diu 9:19 †† 12:22 Ga 4:26; Rev 5:11 ††† 12:23 Lu 10:20 †† 12:24 Hi 8:6, 10:22; 1Pi 1:2; Jen 4:10 †† 12:25 Hi 2:1-3, 10:28-29 ††† 12:26 Eks 19:18; Sam 68:8; Hag 2:6

tanik menmen im te hiram yapirwe hirak kakiwaankem mamit. Menmen ap me ti ap mamtanik, God kakiwaankem au. Hiram mamu mamit.

²⁸ Haiu han yaaik emu emintar menmen im God kakwetaiyem kakit wit kerek hirak naanmipre menmen yapirwe, wit kerek mitik hak ap te kaktanikem au. Te haiu mamwenipi God niuk mirak Iuwe mamriak menmen yaaik hirak hanhan haiu miriakem. ²⁹ †Haiu emriak menmen mar im mamintar God kiau hirak kire si tatim menmen te God kakiwaank menmen yapirwe kerek hirak ap han yaaik keriuwerem au.

Haiu han tewenin nau yinan

13 †Te yi wen han tewenin ni yinan ne Krai. ² †Yi han ekitet eikaap mit han ne wit hak nan eyintar nipaa mit han niriakem marim. Hir nepitari mitikit et hir nekepikit hirakit mitikit et hir nekepikit hirakit mitikit ensel te wit ke God, te yi yepitari hir naninen nanu winak ki. ³ †Yi han etwenin eikaap mit miyapir kerek nau nekre winak enuk ke gavman nar ke yi yekrehir kir. Yi han etwenin eikaap mit miyapir hir mit han enun newaanki nar ke yi yekrehir kir. ⁴ †Yi han ekitet menmen me yi yayitan hiram menmen yaaik. Yi mit miyapir ap eiri mit miyapir han his eiweninem au emit eyintar God skelim mit miyapir kerek niriak enum mar im.

⁵ †Yi ap hemkre mamnepam eiriuwe pewek mei yi eitiwem yapirwe au emit! Yi han yaaik eiyu eiriwe menmen yi yeteninem eyintar him me God mau tiwei matip mar im:

“Hi God ap hinaipisi au, hi ap eweikin sip ewetiyem au. Hi ekepi naanmamri me menmen.” ⁶ ††God katip menmen im haiu mertei hirak kau ketikewai, te haiu yapirwe niutip niutip matip mar im:

“Mitik Iuwe God kekepa te hi ap anapen menmen enum mit hir nanrekewem au.”

Haiu emises menmen mamir ke nipaa mit nau iuwe niriakem

⁷ †Yi han ekitet mit nipaa hir ninin naanmipri netpi him yaaik me God. Yi han ekitet menmen hir niriakem markeik te hir nises him me God hir naa te yi yayises menmen mamir ke hir niriakem. ⁸ Yi yises him me Krai nipaa yi yemtewem yentar Jisas Krai hirak nipaa ere in ere maain hirak ap te kakweikin kakre menmen ham. Hirak kaku kakit hirak ap te kakitpai him ham au. Hiram mamu mamit. ⁹ †Yi ap eiwis mit han nanri han ki eiriuwe him ham him ham mir kerek nipaa yi ap yemtewem te yi eiweikin sip eiwet him yaaik me God au emit! Menmen yaaik God kerekuyiem hiram mamkepai han kiau te haiu emisesik werek werek. Him ham mit netpiyem neriuwesis menmen te yi ap eiyim emit, hiram menmen weinim. Hiram ap

† 12:29 Diu 4:24, 9:3; Ais 33:14 †† 13:1 Jo 13:34 † 13:2 Ro 12:13; 1Pi 4:9; Jen 18:1-8, 19:1-3 †† 13:3 Mt 25:36; Hi 10:34 †† 13:4 Ga 5:19, 21; Ef 5:5 ††† 13:5 1Ti 6:8; Diu 31:6, 8; Jos 1:5 ††† 13:6 Sam 118:6 § 13:7 1Ko 4:16; Hi 6:12 §† 13:9 Ef 4:14; Ro 14:17

mamkaap mit miyapir kerek nisesim te hir nanises God werek werek au.

Menmen yaaik yi eiriakem te God han yaaik kakriuw-erem

¹⁰ Mit kerek nises him me Moses hir nenep samiyak newisim mentar kinaan me nan mit nenewek alta. Maain hir naam menmen im te hiram mamkepi hir nanu werek. Jisas Krai kewepwar hirekes hirak kaa kewet God yink kirak te hirak kekepai haiu mit miyapir kerek mises him mirak. Te mit in kerek wen nises him me Moses, hir ap yaain te hirak kakikepi taau. ¹¹ ††Hir ap yaain te hirak kakikepi kentar hirak ap kire samiyak mit newepwarem newet God em te maain hir nanim au. Hirak kire menmen mitik iuwe hetpris keit hemkre me samiyak ham hir mit pris han epei namip hirak keiyim ken kekre haau hir nehimitanem me God te hirak kewisim mau kinaan te hiram mamwapin menmen enum mit niriakem. Nepei au, hirak keit samiyak yink kewet hir mit pris han em hir neiyim nanino nanisiyem nanit pin eik. Menmen Jisas kiriakem hiram marim. ¹² ††Hirak kaa keit pin eik mit ne Isrel ap newis hemkre mirak mewen te mamisak menmen enum me haiu mit yapirwe miriakem te haiu mamre yaain. Hirak kaa keit pin eik kentar hirak kekrehir ke samiyak hirak kewepwar hirekes kewet God yink kirak. ¹³ †††Haiu emweikin sip emwet mit kerek nises him me Moses haiu emises him me Krai mentar mit kerek nises him mirak neweikin sip newet Krai hir nepirek ken hir nakip kaa. Mit nanrekyei enum mar ke nipaa hir niriak Krai em nanintar haiu misesik te haiu han ekitet hiram menmen weinim. ¹⁴ ††Haiu emweikin sip emwet menmen mit kerek nises him me Moses hir niriakem. Haiu emnawirem emintar haiu mit ap wit kiutipen kaku kakit te haiu mamu mameitai tipmain tipmain enum eik au. Haiu mamerir wit yaaik kiau maain God kakimaak haiu mamwik. ¹⁵ ††Te haiu hekrit hekrit han yaaik emu emwenipi niuk me God emintar menmen Krai kiriakem, menmen im haiu miriakem meriuwe him maiu haiu mewepyapir niuk mirak matip mit han em, hiram mire samiyak yaaik haiu mewepwarem mewet God em. ¹⁶ †††Hekrit hekrit yi han ekitet skelim menmen mi yaaik eikaapan eiriuwere. Menmen im yi yiriakem hiram yaaik mire samiyak mit newepwarem newet God em, hiram menipek han yaaik keriuweri.

¹⁷ †††Yi eiyimtau him me mit ni naanmipri yi eiyisesim. Hir naanmipri nankepi nar ke mit kerek maain God kakiri kakitorhi me hir naanmipri himin ki werek werek, o au en, te hir nenmak hir ap naanmipri. Yi eiyises him mir te hir han yaaik nanriak menmen, o au en, yi eiweikin sip eiwetir, hir han enuk nanriak menmen mir hir ap te nankepi yi mit eiyises Krai werek werek au.

§†† 13:11 Lev 16:27 §† 13:12 Mt 21:39; Jo 19:17 §†† 13:13 Hi 11:26, 12:2; Mt 7:13-14 §† 13:14 Hi 11:10, 16, 12:22 §†† 13:15 2Kro 29:31; Sam 50:14, 23; Hos 14:2 §†† 13:16 Fl 4:18 §§† 13:17 Esi 3:17; 1Te 5:12

Yi eiyitehi God kakikepai haiu mit

¹⁸ †Yi wen eiyitehi God ekikepai emintar haiu mertei mekre han kaiu haiu ap yink enuk meriuwe menmen haiu miriakem. Hekrit hekrit haiu mare mamriak menmen yaaim keremem. ¹⁹ Hi hitehi yi mit him iuwe te yi eiyitehi God ekikepa te hi pike anen eri waswas.

²⁰ ††God kerek hirak kenipai haiu mit mekiyan mau meit, hirak kikiak Jisas pike kekrit kau, hirak kehimitanek hirak Mitik Iuwe naanmiprai haiu mit kar ke mitik naanmire sipsip. God kehimitanek hirak Mitik Iuwe naanmiprai kentar nipaa hirak kaa hemkre mirak mewen. Hemkre mirak mewen menip him me God yaaim kerek nipaa hirak katip haiu mamwenhi mamisesim. Him im mamu mamit mamirek tipmain tipmain enum eik. Hirak ap te kakweikin han kirak au. God hirak yaaik kiriak menmen mar im te hirak werak kakikepi. ²¹ Hi hanhan God kakweti menmen yaaim kakikepi te yi eiyises menmen hirak hanhan yi eiyisesim. Hi hanhan menmen im mentar menmen Jisas Krai

† 13:18 Ap 24:16; 2Ko 1:12 †† 13:20 Sek 9:11; Ais 55:3; Jer 32:40; Esi 37:26; 1Pi 2:25

kiriakem te God kakriak menmen, hirak hanhan kakiriakem mamikre han kaiu. Haiu hanhan Krai kakit niuk iuwe te mit nanwenipi niuk mirak tipmain tipmain enum eik.

Mitik katip him ham yinam

²² Hi hitihi him iuwe te yi eiyimtau him mai kike im hi nepei hewisim hiram mamkepi yi einakin tokim eiyu. Hi ap ewis tiwei nokik au. Tiwei ik hirak yinak. ²³ Hi hanhan yi yertei kaiu yinak yaaik Timoti, mit enun nesupanek hirak kinaaiwir winak kir enuk ke gavman ken witeik. Hirak kaknen wit kai ik waswas te wi hi anen ari hi atiwekhis hawir waunen wauri.

²⁴ Yi eitip mit ni ein hir naanmipri hir netike mit miyapir yapirwe nises him me God en, yi eiyitpor hir yaain. Mit ni yinan in ne Itali kerek nises him me God netpi, yi yaain.

²⁵ Hi hanhan God kakrekyi menmen yaaim.

Mepir keremem

JEMS

Menmen me tiwei ik

Jems katip mit gude

r 1:1

r*

Neimin ap nertei menmen me God, ehir nanitiwekhiyem

r 1:2-8

r*

Him me mit netenen menmen yapirwe, enetike mit han menmen auri

r 1:9-11

r*

Him me menmen mamri han kiau emamitaipin haiu mamininem

r 1:12-18

r*

Him haiu memtewem haiu emisesim

r 1:19-27

r*

Haiu han ekitet mit yapirwe hir nipiran

r 2:1-13

r*

Him me mit ap niriak menmen yaaim, ehir ap nises God werék werék

r 2:14-26

r*

Haiu mit naanempre menmen haiu metpim

r 3:1-18

r*

Him me mit ne weiwik me God enetike menmen enum me ti

r 4:1-5:6

r*

Jems katip mit him mikaru

r 5:7-20

r*

1 †Hi Jems hi hiriak menmen me God ketike Mitik Iuwe Jisas Krai, hi wok mitik kirakit. Hi hesiuwe tiwei ik ken yi mit ne weiwik me Isrel yises God yi yewep yerer wit wit.

Menmen mari han kiau mekepai haiu emises God werék werék

² ††Nai yinan, me wi menmen enum me ti mamnen mamri han ki, yi ap han enuk au. ³ †Yi han yaaik eiyu eiyintar yi yertei menmen yi yisesim mamkepi yi eiyinin menmen enum im me ti te yi han tokik eiyu yi

† 1:1 Ga 1:19; Ap 15:23; 1Pi 1:1 †† 1:2 Ro 5:3-5 † 1:3 1Pi 1:7

eiyises God werék werék. ⁴ Yi han tokik eiyu keriyen au. Yi eiwis menmen im mekre han ki mamkepi te yi eiyu werék eiyir ke mit iuwe yi eiyises menmen yapirwe me God werék werék.

Mit ap nertei menmen werék werék hir enitehi God kakikepi

⁵ ††Neimin ne yi mit yi ap yertei werék werék mekam yaaim, mekam enum, yi eiyitehi God kakikepi kakinterim te hirak kakikepi yi eiyirteiyem werék werék. Yi eiyitehi God kakikepi eiyintar menmen im. God kepwetai haiu mit menmen mirak yapirwe weinim hirak ap

†† 1:5 Pro 2:3-6

kenai kakintar haiu emitiwekhi kakikepai au. Hirak han yaaik. ⁶ †Mīt nitehi God me menmen, hir han ekitet God kakikepi kakrekoyorem. Hir han ekitet God kakikepi au, hir nire wan sir nime metitwem mekrit mewen heriyai heriyai, hir ap nertei God kakikepi me menmen o au. ⁷ †Mīt narik hir ap han ekitet hirak God kakikepi kakrekoyor menmen au ⁸ kakintar hir han kitet menmen miutip miutip werek werek wen au.

Him me mit netenen menmen, mit au nau weinin

⁹ ††Neimin ne nau yinan netenen menmen au, hir han yaaik enu enintar God kakikepi kaktorhis nanino wit kirak. ¹⁰ †Neimin ne nau yinan netenen menmen yapirwe, maain hirak God kewis menmen enum mewaankem, hir han yaaik enu enintar menmen mir iuwe au. Hir han yaaik enintar God kakikepi kaktorhis hir keriyen nanino wit kirak. Maain hir naninaaiwir menmen mir hir nani nanir ke timen mamu wi mei kike hiram mami. ¹¹ Timen mewep, mesiupan, wepni kan tipar men hiram meweui maa meket. Mar im me wi mit netenen menmen yapirwe niriak menmen nisesim, hir nire timen hir nani. Te haiu ap han ekitet menmen haiu metenenim mamkepai haiu mamu werek. Au, God kerekek.

Yi naanempre hiras me menmen enum mamri han ki

¹² ††Neimin hir nanu han tokik ke menmen enum mamnen mamiwaanki, hir han yaaik enintar hir naninin menmen enum te God kakrekoyor han kir kire hirekes nantikerek nanu. Nipaa God katip neimin han tewenina, hir nantikewa nanu tipmain tipmain enum eik. ¹³ Me wi ham menmen mamri han ke mitik te hirak kiriak enum, hirak ap kaktip, "God kari han kai hi hiriak enum." Menmen im au emit! God ap te kakri han ke mit hir nanriak enum au. Menmen ap te mari God han kirak hirak kiriak enum taau. ¹⁴ ††Menmen enum mit niutip niutip hanhanem, hiram mari han kir hir niriak enum mar ke mit nemtin menmen mau tirpe mari miyak man mekrerem. ¹⁵ Menmen im enum hiram mire nu hapin nikim mikin men ti. Maain hiram mewe ere iuwe hiram menep mit mewaanki. Mit hir hanhan menmen enum hir niriakem hiram mire hapin nikim matin yapirwe. Menmen enum mekre han kir mamno ere iuwe mamnipi nani nanino si.

¹⁶ Nai yinan yaain, yi ap eiwis menmen enum im mamitipin yi han kitet hiram me God au. ¹⁷ ††Menmen yaaim yapirwe hirak God kerekek kesiuwerem haiu mit metiwem. God hirak kiriak wepni, wenke, hir. Hiram men miriak himin mire yinam, nokim o mamre witaan te God keweikin kar ek au. Hirak kepu kipirak kerekek kiriak yaaim keremem, enum au. ¹⁸ ††Hirak kises han kirak hirak kerekyei haiu nikerek nirak mentar him yaaim mirak hirak epei kewepaiyapirem haiu memtewem. Haiu mire hinaan nikim ham minin mekiute, maain ham mamkaru. Haiu mit in minin mises

† 1:6 Mk 11:24 †† 1:9 Je 2:5 † 1:10 Ais 40:6-7; 1Pi 1:24
†† 1:12 2Ti 4:8 †† 1:14 Ro 7:7-10 ††† 1:17 Mt 7:11 †††
1:18 Jo 1:13

God me mit nerer wit wit, maain hir mit han enisesim.

Menmen yaai yi eiyimtwem yi eiyisesim

¹⁹ †Nai yinan yaain, yi eiyirtei menmen im. Yi mit niutip niutip nikip emnep waswas yi eiyimtau menmen. Te maain yi eiyitpim te yi ap han enuk eiriuwe mit yi eineri waswas au emit! ²⁰ Menmen mar im ap te mamkaap mit nanises menmen yaaim God hanhan haiu emisesim emteikin mit han em au. ²¹ ††Te yi einaaiwir menmen enum mau han ki mamrekyi yi eiyises menmen enum. Yi hanhan eiyises him yaaim nipaa God kewisim mekre han ki. Te hiram mamkaap himin ki kaktike God yi eiyu werek werek.

²² †††Yi ap eimipin hiras! Yi han kitet yi eiyimtau him me God te ap eiyisesim au, hiram mamkepi. Taauye! Yi eiyimtau him mirak yayisesim te hiram mamkepi. ²³ Mīt kerek nemtau him me God keremem te hir ap nisesim au, hir nire mitik kir himin kirak kekere tipar. ²⁴ Hirak ken, waswas hirak han kaa menmen enum mau ninaan mirak. Marim mit kerek nemtau him me God keremem ap nisesim au, te hir nar ke mitik eik. Hir ap newis him me God mamkepi hir ninaaiwir menmen enum te hir nanises menmen yaaim. ²⁵ ††Mīt kerek nekine him yaaim me God mit newisim mau tiwei hir nar ke mitik kir ninaan mirak mekre tipar, hiram mamkepi naninaaiwir menmen enum. Hir han kitetim ap han kaa rem au, hir nisesim te God kakrekoyor menmen yaaim.

²⁶ ††Mīt kerek han kitet hir yaain nises God werek werek, te hir natip enum, hir nemipin hiras nises God werek werek au. Hir nisesik weinik. ²⁷ God Haai han kitet menmen im maminin mamkaap mit te hir nanisesik werek werek. Hiram menmen im: Mīt hir naanempre miyapir o nikerek kerek mit nir hir epei naa ninaiwiri. Menmen im metike hir ninaaiwir menmen enum mit ne ti nisesim, te hiram mamiwaank han kir mar ke heinut mewen menmen te mit nanim au hiram mewaankem.

Haiu hanhan mit miyapir yapirwe mipiran

2 †Nai yinan, yi eipises Mītik Iuwe kaiu Jisas Kraiss hirak Yaaik Iuwe, te yi ap eiriak mit han menmen yaaim enintar hir netenen menmen mei yapirwe, mit han netenen menmen yapirwe au, yi eirekyor enum. Menmen im au emit! Yi eirekyor menmen yaaim mipiram. ² Mītik hak niuk iuwe hirak keremink sak nikin, o hore haam, hirak kaknen kaktike mitik hak enuk ketenen menmen au, hirakit tatnen winak ke God yi yewik, ³ te yi eitip hirak yaaik niuk mirak iuwe hirak eknen eku yeno eku niu, te yi eitip hirak enuk weinik hirak eku ti weinik, ⁴ yi yiriak enum. Yi enun yenke yi hiras yises han ki enum. ⁵ †Nai yinan yaain, yi eiyimtau menmen im. God hirak kehimitan mit ap netenen menmen yapirwe au te hir enisesik entenen menmen yapirwe mirak. Hirak epei katip neimin han

§ 1:19 Ekl 7:9 † 1:21 Kl 3:8; 1Pi 2:1 ††† 1:22 Mt 7:26; Ro 2:13 †† 1:25 Ro 8:2; Je 2:12; Jo 13:17 ††† 1:26 Sam 34:13, 141:3 †† 2:1 Ap 10:34; Je 2:9 †† 2:5 1Ko 1:26-28

teweninek hirak kaktorhis hir nantikerek nanu werek werek. ⁶ Te yi yiriak mit netenen menmen au hir yink enuk nentar yi yerekyor enum. Neimin hir neriwaank nari yi mit eino mit iuwe ne gavman nemtau mit hir nesiuwe him nerekyu enum a? Hir mit netenen menmen yapirwe keriyen! ⁷ Hir mit in keriyen natip enum me niuk me Krai nipaa mit nikri nekine niuk mirak. Te yi yenmak yiriak mit netenen menmen yapirwe yerekyor yaaam a? Au emit!

⁸ †Yi eiyises him nipaa God kewisim kar ik: “Yi han tewenin mit nar ke yi han tewenin hiras,” te yi yiriak yaaam. ⁹ ††Au, yi yewep mit yi hanhan neihan, neihan au, te yi yiriak enum. Him yaaam me God meteikin yi enun yewenin him mirak. ¹⁰ †Mit kerek newenin him mei me God miutip, hir nar ke mit newenin him mirak yapirwe. God skelim mit in kakinterim hirak kaknip. ¹¹ ††Hirak God katip him im, “Yi mit yetike miyapir ap eiyiryanhis eiweninem au emit!” Hirak kerekek katip him ham mar im: “Yi mit ap einep mit han nani au emit!” Yi yetike miyapir ap eiryiryanhis eiweninem au, te yi yire yenep mitik kaki, te yi epei yewenin him me God. Te hirak skelim yi mit kakiwep kakinterim. ¹² ††Te yi eitip yaaam eiriak menmen yaaam eiyintar maain God han kakitet o skelim yi mit kakriuwe him nipaa hirak kewet haiu mit em te haiu emnaaiwir menmen enum. ¹³ †††Neimin nises him me God hir ap han tewenin mit han nerekyor yaaam au, te maain God skelim yi mit hirak ap hanhan kakriuwi yi mit au. Neimin hir han tewenin mit nanrekyor yaaam, maain me wi God skelim mit, hir nanu werek.

Mitik katip hirak kises him me God te ap kikaap mit han, hirak ap kisesik taau

¹⁴ †††Nai yinan, mitik katip kar ik: “Hi hises him me God,” te menmen hirak kirkakem keteiknaiyem au, im em mamkepek mamirkeik? Menmen im hirak kisesim hiram ap mamkepek te hirak kaktike God tatu taau! ¹⁵ †Mit o miyapir hir nises God te hir netenen menmen yapirwe mamkepi hir nanu werek au, mitik kiutip kekrenimin ke yi mit ketenen menmen yapirwe hirak kakitpor kakir ik, “Yi eiyu werek werek eiyineitin klos, o menmen te yi eiyu werek,” hirak ap kakikepi kakwetir menmen au, menmen hirak kare kisesim ap mamkepek taau! ¹⁷ Te menmen me God mit hir nisesim hiram mar im. Mitik kare kises him mirak, hirak ap kirkak menmen kikaap mit miyapir han, menmen me God hirak kisesim hiram weinim.

¹⁸ ††Mitik hak hirak kaktip, “Mitik hak kises him me God, te hak eik hirak kirkak menmen yaaam te God kaktip hirakit wik yaaikit.” Mitik ap kirkak menmen yaaam au te hirak keteikno hirak kises God akirkeik? Taauye! Hi eteikniwek hi hises God werek werek heriuwe menmen yaaam hi hiriakem. ¹⁹ †††Yi mit kerek yi yatip yi han kitet God hirak kiutipen kepu, yi han kitet werek. Te

hiram menmen weinim. Herwe hiram mertei God kerekek kepu hiram mepirpir. Te yi han ekitet hiram mamkepi hiram mamisesik a? Taauye! ²⁰ Yi yetaritari mit! Hi tewen eteikni yi yatip yi yises him me God te yi yiriak menmen yaaam au, hiram mamkepi eiyu eitike God taau! Yi han ekitet menmen im.

²¹ ††Nipaa maam kiau Ebrahim keit nikan kirak Aisak, hirak keiyik ken kewisik kentar kinaan me nan te hirak kakikip si tatik hirak kakwepwarek kakwet God ek. Hirak kirkak menmen yaaam im keteikin hirak hanhan kakises him me God. Te God katip hirak yaaik kisesik werek werek. ²² †††Yi yertei? Menmen hirak kisesim mekepek te hirak kirkak menmen yaaam. Menmen hirak kirkakem meteikin hirak kises God werek werek. ²³ ††Him nipaa God ketpim hiram epei man. Hiram matip, “Mitik Ebrahim hirak kemtau him mirak kisesim te God katip hirak yaaik kisesik werek werek. Te God katip hirak Ebrahim hirak kirak yinak kenterim.” ²⁴ †Tis, yi eiyirte i God hirak katip mitik hirak yaaik kisesik werek werek kentar hirak kisesik kirkak menmen yaaam. Hirak katip hirak yaaik kentar hirak kisesik weinik taau! ²⁵ ††Nipaa wi ham mite Rehep hire wari mitikit wik Josua hirak keriuwetet ten, hire naanmiprewakit weriuwetet teke yayiwe hak pike ten. Hire wiriak yaaam te God katip hire yaaip wisetik werek werek. ²⁶ Mitik hirak kises God, hirak kirkak menmen yaaam au, menmen hirak kisesim hiram weinim. Hiram mire mitik hak hirak kaa, himin epei ken kinaaiwir yink kirak kerekek, hirak kipwaa i.

Haiu mit naanempre hiras me menmen haiu metpim

³ †††Nai yinan, yi yapirwe ap eire mit hir ninin newepyapir him me God eiyintar yi yertei maain God hirak skelim haiu mit haiu minin mewepyapir him mirak te hirak kakninai iuwe, mit han kerek hir weinin en, au kaknini kike. ² Haiu mit yapirwe ap han kitet menmen werek werek au, haiu miriak menmen enum yapirwe. Mitik kerek hirak ap katip enum au, hirak mitik yaaik hirak kertei kewen han kirak naanempre hirekes werek werek. ³ Haiu mewis waai mari hos him kiram te hiram mises han kiau. Haiu mari waai ken pinak eik, hos hiram meweikin hiremes misesim. ⁴ Yi han ekitet sip me wan eik. Hiram wisenum nime metitiwem meminp meiyim men te mit neweikin paan miram neriuwe paap mau nimin hiram mamises han kir. Hir niriakem nar ke nu mekiuwe mani mit neweikin paan miram mamno nein mit hanhani. ⁵ Te nin kerekek hirak kike kire waai ke hos o paap kike kau sip. Nin kekrenimin hirak menmen kike te hirak kekrit menmen iuwe kinin yink kiau.

Si yeunek kike hirak si tatik yaank iuwe. ⁶ †††Nin hirak enuk kire si yeunek. Hirak kau nimin kekrenimin paan kiau hirak kises menmen enum me ti kerekyei haiu mit enun. Hirak kire si tatim menmen yapirwe, nin hirak kises menmen enum em Seten hirak kirkak kewaank

† 2:8 Mt 19:19; Ga 5:14 †† 2:9 Diu 1:17 ‡ 2:10 Mt 5:19
 †† 2:11 Eks 20:13-14; Ro 13:9 ††† 2:12 Ga 6:2; Je 1:25; 1Pi 2:16
 ††† 2:13 Mt 5:7, 18:32-35 †††† 2:14 Mt 7:21 § 2:15-16 1Jo 3:17
 §† 2:18 Ga 5:6 §†† 2:19 Mt 8:29

§† 2:21 Jen 22:9-12 §†† 2:22 Hi 11:17-18 §† 2:23 Jen 15:6;
 Ro 4:3, 9, 22; 2Kro 20:7; Ais 41:8 §† 2:25 Jos 2:4, 15, 6:25; Hi 11:31
 §†† 3:1 Lu 12:47 §††† 3:6 Mt 12:36-37, 15:11, 18-19

menmen yapirwe me mit. ⁷†Mit epei nehis newenin miyak o hore, manpen metike menmen mekre wan. Te mit hir ap naanempre nin kir kaktip menmen enum taau. Nin hirak ap kau keit au. Hirak kire miyak enuk ke niu keriyaam ken in ken ein. Hirak enuk kire manpen yehes enum, hirak kewaank himin ke haiu mit. ⁹††Haiu mit meriuwe nin kaiu mewenipi God te meriuwe nin kiutipen kerekek haiu matip him enum me mit kerek nipaa God hirak kerekeyi mit yapirwe haiu mire hirekes. ¹⁰ Me him kiutip kerekek haiu mit matip him yaaim, him enum. Nai yinan, menmen haiu miriakem mar im au enum emit! ¹¹ Hiram tipar minin metike tipar yaaim miniu mehinhin mamike hei kiutipen mamirkeik? Taauye! ¹² Nu hamis ap kakri kaku hinaan taau! Hinaan ap kakri kaku hamis taau. Mar im tipar yaaim miniu mehinhin mamike hei me tipar minin taau! Te haiu mit ap mamtip him yaaim him enum au emit! Him yaaim keremem meke him maiu mamnen.

God kekepai haiu mertei menmen mirak yaaim

¹³ Keimin ke yi mit hirak kinin kertei menmen yaaim menmen enum? Mitik kar ik hirak ekteiknai menmen hirak kerteiyem ekriuwe menmen hirak kiriakem. Hirak ap kises menmen hanhan hirekes au. Hirak kises menmen me han tewenin mit, im metike menmen me han kitet God. ¹⁴ Yi hemkre menepam yentar menmen me mit han o yi han enuk yeriuwe mit han, yi han kitet yi yaain yi yinin mit han, te yi ap han kitet God kaktip yi yaain yi yertei menmen werek werek au. Yi han kitet menmen mar im te yi yemipin. Him me God katip yi enun. ¹⁵ †Menmen im hiram ap me God au. Hiram me mit ne ti keremem. Seten hirak kinin kiriakem te hir mit ne ti hir nisesik niriakem. ¹⁶ Yi hemkre menepam yentar menmen me mit han o yi han enuk yeriuwe mit han, yi han kitet yi yaain yi yinin mit han, te yi hiras yenehan yi eiriak menmen enum yapirwe. ¹⁷ Te mit hir nises han kir yaaik God hirak kewetirem, hir ninin niriak menmen yaaim mire mani nemnok enuk. Namin au. Hir ninin niriak im metike menmen im. Hir nankiyan nanu nanit, hir nanimtau him me mit han neweiknor han, hir han tewenin mit nankepi, hir nanriak menmen yaaim keremem. Hir nanriak mit yapirwe menmen yaaim mipiram, hir ap mit ne him pinak him pinak au. ¹⁸ ††Mit kerek hir nankaapan nankiyan nanu nanit keriyen hir te nanir ke mit hir namir nu yehes. Neimin nanriak menmen im hir nenip mit hir hanhan nises menmen yaaim mir. Menmen im hiram mire nu yehes mewo.

Mit nises menmen enum me ti ik hir nire nepan ne God

⁴ ††Mekam hiram hir o as me menmen hiram mekeyi han ki menipi yi yatip enum yi yenehan yenehan a? Han ki kekrit kises han kirak te yi yenehan

† 3:7-8 Ro 3:13 †† 3:9 1Ko 11:7 † 3:15 Je 1:5, 17 †† 3:18 Mt 5:9; Ais 32:17; Hi 12:11 †† 4:1 Ro 7:23; 1Pi 2:11

yenehan. ² Yi hanhan menmen yi eitiwem au, te yi hanhan einep mit te yi eitiwem. Yi hemkre menepam eiriuwe menmen eitiwem taau, te yi yetpim yenehan yenehan. Yi ap te eiyit menmen eiyintar yi ap eiyitehi God em. ³ Maain yi eiyitehi God menmen, yi ap eitiwem au eiyintar han ki enuk. Yi hanhan yayit menmen te yi eiyises han ki yi eiriak enum eiriuerem. ⁴ ††Yi mit miyapir enun yi yeweikin sip yewet God. Menmen im hiram mar ke mite winaaiwir mitik kire, hire wetike mitik hak nariyanhis neweninem. Yi hanhan menmen enum me ti ik e, yi yire mit nepan ne God. Yi eiyirtei menmen im o au a? Neimin hir hanhan menmen me ti hir nire mit nepan ne God. ⁵ ††Yi han kitet him me God mit newisim mau tiwei hiram matip weinim marim? Hiram matip, "Himin kaiu God kewisik kekren yink kaiu hirak hemkre menepam hanhan menmen wisenum."

⁶ †Te God hirak iuwe kakikepai maminin menmen im mekre han kaiu. Him mirak mau tiwei matip mar ik: "God hirak keweikin sip kewet mit kerek han kitet hir iuwe ninin mit, te hirak kakikaap mit hir ap hanhan hiras, hir natip, 'Hi mitik weinik God kerekek hirak Iuwe.'" ⁷ †Te yi mit ap hanhan hiras yi eiyises God. Seten kakri han ki yi eiyu han tokik eiweikin sip eiwet menmen enum te hirak kaknawiri kakno. ⁸ ††Yi hanhan God yi yisesik te hirak kaknen menep naanmam-pri. Yi mit enun yi yatip him pinak him pinak yi eiweikin sip eiwet menmen enum yi han yaaik eiyu eiyir ke mit nankemyet his prar prar mamit. ⁹ Yi mit yi eiyinweswis au. Yi eikit. Yi ap te han yaaik eiyu au. Yi yink enuk kerekek, han etwenin menmen enum yi yiriakem. ¹⁰ ††Yi mit yink enuk te yi yewepyapir yi enun me ninaan me God hirak kakrekyi yaaim yi eiyu werek werek.

Haiu ap emkan naiu yinan

¹¹ Nai yinan, yi ap eitipan enum eiyisesan au emit! Keimin katip enum kesiuwe him kirak yinak, hirak keweikin sip kewet him iuwe me God. Menmen im hirak kiriakem hiram mar ke hirak katip him mirak minin him lo me God te hirak kekrehir ke God. Ti keimin ti hiriak menmen mar im ti ap hises him me God au, ti atip him mit minin mirak. ¹² ††God kerekek hirak kewis him iuwe mau tiwei. Hirak kerekek kaksiuwe him mamno haiu mit, hirak kakikepai o au en, hirak kakwep mami mamno si. Ti han kitet ti God te ti hesiuwe him mamno kit yinak a? Taauye! Ti mitik weinik kerekek.

Yi han ekitet menmen God hanhan yi eiriakem

¹³ †Nikip emnep yi eiyimtwewek. Yi mit kerek yi yatip, "Petepin o teipmen haiu mamno in o mamno ein mamu tito miutipen mamisiuwe menmen iuwe mamit pewek mamrerim." ¹⁴ ††Yi yatip yar ke mit hir nertei

††† 4:4 Ro 8:7; 1Jo 2:15 ††† 4:5 Eks 20:3, 5 § 4:6 Pro 3:34; Mt 23:12; 1Pi 5:5 †† 4:7 Ef 6:12; 1Pi 5:8-9 ††† 4:8 Sek 1:3; Mal 3:7; Ais 1:16 †† 4:10 Jop 5:11; 1Pi 5:6 ††† 4:12 Ro 2:1, 14:4 †† 4:13 Lu 12:18-20 †† 4:14 Pro 27:1; Sam 39:5, 11

mekam maain mamnen te yi yepitari teipmen mekam mamnen taau! Yi yepu yire napi. Hirak kiwapin ti kike, maain kakwen kakno. Yi yayu kike, maain yi yayi yaire napi ik ek. ¹⁵†Yi ap eitip emir em au. Yi eitip emir im. Yi eitip, “God hirak hanhan haiu mamu mamit, haiu mamriak im o em.” ¹⁶ Te yi mit wen yatip han kitet yi hiras epei yiriak menmen, God kakikepi au. Yi yatip han kitet marim, hiram enum. Yi ap yewis God ketpi menmen yi eiyisesim au. ¹⁷††Tis, mit kerek hir nertei mekam yaaim, hir ap nisesim au, hir niriak enum.

Hirak Jems kene mit hir netenen menmen yapirwe

5 †Yi mit kerek yetenen menmen yapirwe, nikip emnep eiyimtau. Yi einepip eikit me menmen enum mamnen mamriwaank. ²††Menmen mi, yurik henye mi hiram minin heinut mewenem, mesik yipep meremirir miyak patin. ³ Tekei, suwau mi ni menterim te hiram mamwep. Ni mentar pewek winak meteikni yi ap yikaap mit yewetirem au. Yi yisawinem mekre winak. Menmen im maain hira mamriwaank himin ki mamre si tatik yink ki. Yi epei yetenen winak pewek menmen yapirwe yaaim yisawinem meit me wi menep Jisas hirak pike kaknen. Menmen im hiram ap yaaim au. ⁴††Yi eiyimtau! Mit hir niriak ni namir menmen mewim, te yi yetenen pewek mir yi yisawinem yemipin yewetirem au. Menmen enum im metike him me mit hir neket menmen mi mau ni, hir natip me menmen enum yi yiriakem, hiram epei men nikip me God hirak iuwe hirak kemtewem. ⁵††Yi epei yau werek werek in ek yaam menmen yapirwe, yi yises han ki ke menmen yapirwe. Menmen im enum yi yisesim, hiram mar ke mit newet sak menmen maam maam ere iuwe, maain hir nanmip. Mar im wi epei man menep te God kaksuwe menmen enum mamiwep yi yayi yayir ke mit hir nenep sak hiram mami. God kakriak menmen im kakintar menmen enum yi yisesim. ⁶ Yi epei yewepyapir mit yaain yanip naa, te hir ap nikaap hiras nar ik hir natin mesik nerp.

Yi eiyu han tokik eimerir Mitik Iuwe Jisas kaknen

⁷††Nai yinan, yi han tokik eiyu me menmen enum mamnen mamiwep me wi yi yemerir Mitik Iuwe kaknen. Yi han ekitet im e. Mitik kamir ni, hirak kemeriyiwem hiram mamri mamine nikim. Hirak han tokik kau kemeriyiwem ere maain wepni yaaik ketike hawi hitan epei man, hiram mamri. ⁸ †Yi eire mitik kamir ni, yi han tokik eiyu me menmen enum mamnen mamiwep me wi yi eimerir Mitik Iuwe eiyintar hirak menep pike kaknen. ⁹ †Nai yinan, yi ap einahan eitipan enum emit eiyintar God kerek kertei menmen yapirwe kiri, menep hirak pike kaknen. ¹⁰ Nai yinan yi han ekitet mit profet nipaa God keriuweti newepyapir natip him mirak. Hir mit nerekyor enum te hir han

† 4:15 Ap 18:21 †† 4:17 Lu 12:47 † 5:1 Lu 6:24 †† 5:2 Mt 6:19 †† 5:4 Diu 24:14-15; Mal 3:5 ††† 5:5 Lu 16:25; Jer 12:3, 25:34 ††† 5:7 Lu 21:19; Diu 11:14; Jer 5:24; Joe 2:23 † 5:8 Ro 13:11-12; Hi 10:25; 1Pi 4:7 †† 5:9 Mt 24:33

tokik natin mesik nerp. Haiu emises menmen hir niriakem. ¹¹ †††Haiu matip hir mit hir yaain nentar hir han tokik nau neit. Yi nepei yertei mitik Jop hirak nipaa han tokik kau keit kises God ke menmen enum epei man mewaank te God hirak kerekuyewek yaaim kentar God hanhan haiu mit yapirwe te hirak han tewenina. Te haiu han tokik emu me menmen enum mamnen mamwep.

Haiu ap mamtip mit him “Tru Antap”

¹² ††Nai yinan, menmen im hiram minin te hi hetpiyem mar im, yi yiriak menmen me mit yi ap eitip “Tru Antap” au emit! Yi eitip, “O, hi hiriakem,” hiram werek o yi eitip, “Au, hi hinapen,” hiram werek. Him ham emit te yi ap eiriak God han enuk kakirwi. Mitik yaaik kitehi God menmen hirak kakimtewem.

Mitik yaaik kitehi God menmen, hirak kakimtewem kakikepik

¹³ †††Neimin ne yi mit menmen enum mewaanki, yi eiyitehi God em. Neimin ne yi mit yi han yaaik, yi eiyine henye me eiwenipi God eiriuwerem. ¹⁴ ††Neimin ne yi mit yi yinap, yi einine mit iuwe ninin naanmipre menmen me God te hir naninen nanitehi God ke yi mit hir nanwen hiwer maminteri nankine niuk me Mitik Iuwe. ¹⁵ ††Hir nitehi God me yi mit, hir han kitet hirak kakikepi, te Mitik Iuwe kakikepi kakikekyi yi yayikrit manpenun yayu. Yi yiriak menmen enum te God kakisak menmen enum yi yiriakem mamno. ¹⁶ Te yi mit eiwepyapiran menmen enum yi yiriakem, yi eiyitehiyan God te hirak kakikepi te yi eiyikrit eiyu. Mitik kises God werek werek, hirak kitehi God menmen, hirak God kakimtewem kakikepik me menmen. ¹⁷ †††Iaisa hirak nipaa hirak mitik kepir ke haiu mit, hirak kitehi God iuwe te hawi ap kaknen au. Hawi ap kan me tito wikak im metike wenke hispinak kiutip (6). ¹⁸ †††Epei au, hirak pike kitehi God te hirak kesiuwe hawi kan ti ik kewet tipar menmen te hiram mewe. Te haiu mit emitehi God menmen iuwe hirak kakimtewem kakikepai kakir ek.

Keimin kinaaiwir God kises han kirak, haiu pike emtiwekhis pike kaknen kakises God

¹⁹ ††††Nai yinan, keimin ke yi mit hirak kaknawir him yaaim me God, mitik hak kaktiwekhis eknen, ²⁰ ††††hirak han ekitet menmen im. Keimin hirak kakithis mitik hirak kinaaiwir him yaaim me God hirak kaknen, hirak kakikaap himin kirak ap te kaki, hirak kakriak God hirak kakisaak menmen enum nipaa mitik kinaiwirek hirak kiriakem.

Mepir keremem

††† 5:11 Eks 34:6; Sam 103:8, 111:4 †† 5:12 Mt 5:34-37 ††† 5:13 Kl 3:16 †† 5:14 Mk 6:13 †† 5:15 Mk 16:18 ††† 5:17 1Kin 17:1; Lu 4:25 ††† 5:18 1Kin 18:42-45 ††† 5:19 Ga 6:1 18 5:20 Sam 51:13; Pro 10:12; 1Pi 4:8

1 PITA

Menmen me tiwei ik

Pita katip mit ne sios gude

r 1:1-2

r*

Him me God Haai kaktaihis mamno wit kirak

r 1:3-12

r*

Pita katip mit hir ap nanwis menmen enum emamiwaank menmen yaaim in ek hir nisesim

r 1:13-2:10

r*

Him me menmen mit ne weiwik me God nanisesim eme wi menmen enum mamnen mamiwaanki

r 2:11-4:19

r*

Him me menmen mit ne sios hir nanisesim

r 5:1-11

r*

Pita katip mit him mikaru

r 5:12-14

r*

1 †Hi Pita nipaa Jisas Krai keriuweta hi hen hewepyapir him mirak, hi hewis tiwei ik ken yi mit. Nipaa mit han nepiri yi yinaaiwir Jerusalem yi yen yau provins Pontas, provins Galesia, provins Kapadosia, provins Esia metike provins Bitinia. Yi yar ke mitik keke wit hak kan ketikewi kaku kike, maain hirak pike kakno wit kirak eik. Mar im yi yau ti in me wi kike te maain yi yayi yi yaino yayu wit ki yaaik eik God kewik. ² ††God Haai kehimiteni yi mit nirak yentar hirak nipaa kerteiri han kitet kerekyi han ki yaaik prar prar yire tipar nemnok. Hirak kirak menmen im keriuwe God Himin Yaai te yi yises him me Jisas Krai, hemkre mirak merekyi yi yaain. Hi hanhan God han yaaik kirak kaku kaktikewi te yi eiyu werek werek. Hi hanhan menmen im yaaim mamu mamtikewi wisenum.

Maain haiu mamu mamtike God haiu mamit menmen yaaim

³ †Haiu emwenipi niuk me God hirak Haai ke Mitik Iuwe kaiu Jisas Krai. Haiu emwenipiyek mamintar hirak han teweninai wisenum kerekyei haiu han kaiu yaaik keriuwe Jisas Krai nipaa hirak kaa te God kikiak kekrit kepu. ⁴ ††Te in ek haiu memerir menmen

mamkaap himin kaiu God kakwetaiyem. Hirak naanmipraiye meit wit kirak, menmen mamiwaankem au. Hiram yaaim prar prar, hiram mamu werek werek tipmain tipmain enum eik. ⁵ ††Menmen im hiram me yi mit kerek yi han kitet God naanmipri kentar hirak wisenuk ere yi yayit menmen God kemerir kakwepyapirem me wi maain Jisas pike kaknen ti.

⁶ ††Yi han yaaik eiyu eiyintar menmen im God kakrekyiyem te in ek me wi kike yi han enuk kike yeriuwe menmen ham enum mamnen mamriwaank. ⁷ ††Menmen im mamnen te God kakir han ki kakirteyi yisesik yeriuwe han ki karkeik. Mit hir newir gol mekre si ere meweikin mire tipar, hir neit menmen enum mewim mamno te gol keremem mepu. Mar im God kewis menmen enum mamnen mamriwaank te hiram mampar menmen enum mekre han kaiu mamno ere menmen yaaim mekre han kaiu, haiu mamises God werek werek. Menmen yaaim mekre han ki minin gol. Maain gol mamiwaank mamit te menmen mekre han ki au. Maain Jisas Krai pike kaknen kakwepyapir hirekes, yi eiyit niuk iuwe, God kaktip yi yaain, hirak kakweti menmen mirak yaaim iuwe. ⁸ †Yi ap yir Jisas Krai wen au, te yi han teweninek. In ek yi ap yirek wen

† 1:1 Je 1:1 †† 1:2 Ro 8:29; 2Te 2:13; Hi 12:24 † 1:3 2Ko 1:3 †† 1:4 Kl 1:12

†† 1:5 Jo 10:28, 17:11 ††† 1:6 1Pi 5:10; Je 1:2 ††† 1:7 Jop 23:10; Pro 17:3; Ais 48:10; Sek 13:9; Mal 3:3; Je 1:3 § 1:8 Jo 20:29; 2Ko 5:7

au, te yi yisesik yepu han yaaik wisenuk. Yi han yaaik wisenuk ⁹ †him ap te mamwepyapir werek werek menmen mekre han ki. Yi han yaaik eiyintar menmen im: Yi yises God te hirak kaktihis, maain yi eiyu eitikerek.

¹⁰ ††Me menmen im nipaa mit profet hir han kitet yapirwe nanirtei menmen werek werek hir newepyapirem me menmen im God kakrekuyiem kakwetiyem. ¹¹ †Himin Yaaik ke Kraisk kekereri kewepyapir menmen enum mamiwaank Kraisk te maain hirak kakit niuk iuwe. Hir profet han kitetim nitehiyan nar ik: "Maain wi mamirkeim hirak kaknen? Mekam mamnen me wi im?" ¹² ††Nipaa God epei keteiknor menmen hir newepyapirem hiram ap mamkepi au. Him im maain mamkaap yi mit keriyen me menmen im mit kerek newepyapir him yaaim me God hir netpiyem. In ek God Haai kesiuwe God Himin Yaaik kan kikaap mit in te hir netpi him im yaaim. Mit ensel hir mit God keriuweti niriak menmen mirak. Nipaa hir hanhan nertei menmen im me Kraisk, te hir au. God ketpor au hirak kepakinem.

Yi mit eiriak menmen yaaim eiyu han yaaik prar prar

¹³ Te yi han ekitet eiyu naanempre hiras. Yi han ekitet iuwe menmen yaaim God kakwetiyem wi maain Jiskas Kraisk pike kaknen kakwepyapir hirekes. ¹⁴ ††Yi yises God yire nikerek yaain nises him me miye haai. In ek yi ap han ekitet menmen enum mar ke nipaa yi yetari God yi hanhan yiriakem au. Em emit! ¹⁵ Te yi yire God hirak kari han ki yi eiyit menmen mirak yaaim. Hirak kepu han yaaik prar prar te yi yaipau han yaaik prar prar me menmen yapirwe yi yiriakem. ¹⁶ ††Yi eiriakem eiyintar God kewis him mau tiwei matip mar im: "Yi han yaaik prar prar eiyu eiyintar hi God hi han yaaik prar prar."

God ketahis keriuwe menmen iuwe

¹⁷ ††Hirak God skelim haiu mit yapirwe mipiran me menmen haiu mamriakem. Te yi mit kerek yi yenewek "Haai," yi yetikerek yewepnak, yi naanempre hiras me menmen yi yiriakem. Me wi kike yi yau ti ik e, yi ap einip God han enuk kakirwi. ¹⁸ †Yi eiriak menmen im hi hetpiyem eiyintar yi yertei God epei ketihis me menmen enum weinim nipaa yi yisesim, yi yetenenim me nipaa maamrer ein niriakem neteikniyem. God ap kaktihis keriuwe winak pewek hiram mamiwaank au. ¹⁹ ††Hirak ketihis keriuwe hemkre yaaim me Kraisk. Kraisk hirak kire miyak sipsip wikes teknei makip au, yink hirak yaaik prar prar keit kar ke him me God Moses kewisim hiram metpim. ²⁰ ††Nipaa God kewis ti wen au, hirak kehimitan Kraisk kaknen te hirak kemerir ere wi mikaru im e, hirak kakwepyapir hirekes kakikepi. ²¹ ††Te yi yises God yentar Kraisk. Hirak kaa te God kikiak

kekrit kepu, hirak kewisiwek niuk iuwe te yi yisesik yemerir hirak maain kaktihis yi yayu yaitikerek.

Yi han tewenin ni yinan

²² ††Yi epei yiriak han ki yaaik prar prar yeriuwe him yaaim me God yi yisesim, te yi yemipin ni yinan au. Yi han tewenini. Yi han etweninan iuwe eiriuwe han ki yaaik prar prar. ²³ ††God kerekuyi yi yaain yeriuwe him mirak mamu tipmain tipmain enum eik yi yisesim. Him mirak mamiwaank au, te yi himin ki ap mamiwaank au. Yi yire nikerek ne Mitik Iuwe ap te kaki au. ²⁴ ††Him im yaaim mentar him me God mau tiwei matip: "Mit yapirwe hir nire yenkis, niuk iuwe mir hiram mire timen. Maain mar ke yenkis meweiwei mami, timen mamnep mamno ti mamisine mamit, te niuk iuwe me mit ne ti au mamit. ²⁵ Te him yaaim me Mitik Iuwe hiram mamu tipmain tipmain enum eik." Him im hiram him keremem nipaa haiu epei metpiyem.

Mitik Iuwe hirak kire teinik mitik kinan winak

² ††Yi eiyipir menmen enum mekre han ki, him me memipin, eitip him weise tipar, hemkre menepam me menmen, yesiuwe him an. Menmen mar im emit! ² ††Yi yire nikerek hemkre tuk hanhan nim, yi hanhan him yaaim me God te yi eire iuwe eiyirtei menmen me God werek werek. Yi hanhan him yaaim eiyisesim, ³ ††eiyintar yi epei yertei Mitik Iuwe hirak yaaik nepei kekepi kesak menmen enum yi yiriakem.

⁴ ††Yi eiyises Jiskas menep menep. Hirak kire teinik yaaik mit ne ti ninapen nepirek, te God han kitet hirak yaaik kehimitanek kime winak keriuwerek. Hirak kesak menmen enum haiu miriakem, hiram mire hirak kime winak ke God. ⁵ ††Yi mit yi yire teinik yaaik te God kaktihis kakrekuyi yi yire winak kirak, yi yen niutip yire weiwik miutip mirak. Yi eire mit pris. Nipaa hir nenep samiyak newisim mentar nan nesiyem newepwarem newet God em. Mar im menmen yaaim yapirwe yi yiriakem hiram me God yi eiwet God hiras yetike menmen yaaim yi eiriakem te God hanhanem kakintar menmen yaaim Jiskas Kraisk epei kerekuyiem hirak kesak menmen enum mi. ⁶ ††Him me God mau mekre tiwei matip mar im:

"Yi eiyimtwem. Hi ehimitan teinik mitik hewisik keit wit Saion kerp nimin kinan winak. Neimin nanisesik hir ap yink enuk nanriuwerek au." Kraisk hirak teinik mitik kinan winak, hirak kakikepi kaktorhis. ⁷ ††Yi mit kerek yi yises Kraisk, yi han kitet hirak yaaik iuwe. Te neimin au, him me God matip mar im:

"Hirak kire teinik mit newep winak hir natip hirak enuk. Au, God katip hirak yaaik iuwe." (Hirak kire teinik mitik kerp nimin kinan winak siup.) ⁸ ††Mit kerek hir ap nisesik au neweikin sip newetiwek, Kraisk hirak kire nan

† 1:9 Ro 6:22 †† 1:10 Mt 13:16-17 † 1:11 Sam 22; Ais 53; Lu 24:26-27 †† 1:12 Ef 3:10 †† 1:14 Ro 12:2; Ef 2:3, 4:17-18 ††† 1:16 Lev 11:44-45; Mt 5:48 ††† 1:17 Mt 6:9; Ro 2:11; 2Ti 4:14; Rev 2:23 † 1:18 1Ko 6:20 †† 1:19 Ap 20:28; Hi 9:12-14; 1Pi 1:2 ††† 1:20 Ap 2:23; Ef 1:4 †† 1:21 Jo 14:6; Ro 4:24, 5:1-2, 10:9

††† 1:22 Jo 13:34; Ro 12:10 †† 1:23 Jo 1:13; Hi 4:12 †† 1:24 Ais 40:6-8; Je 1:10-11 ††† 2:1 Ef 4:22; Je 1:21 ††† 2:2 Mt 18:3; 1Ko 3:2 ††† 2:3 Sam 34:8 18 2:4 Sam 118:22; Mt 21:42; Ais 28:16 19 2:5 Ef 2:21-22; Eks 19:6; Ais 61:6; Rev 1:6; Ro 12:1 20 2:6 Ais 28:16; Ro 9:33; Ef 2:20 21 2:7 Mt 21:42 22 2:8 Ais 8:14; Ro 9:33

kenip mit nar ek nankenpetip minwik te hir naninkewin naniwaank hiras. Him me God mau tiwep matip me menmen im. Hiram matip mar ik: "Ik ek hirak nan te mit nankenpetip maminkewin naninkewin."

Haiu mit miyapir ne weiwik miutip me God

⁹†Te yi yar ik au. Yi ne weiwik miutip nipaa God kehimiteni, yi yire mit pris nirak kerek newenipi niuk mirak iuwe. Yi yire mit miyapir yiriak menmen me God keremem. Yi yire mit miyapir nirak te yi eiwepyapir menmen yaaim iuwe hirak kiriakem. Hirak kerekyi te yi yeweikin sip me menmen enum mire witaan toto, yi yises him mirak yaaim hiram mire wepni kir. ¹⁰††Yi nipaa mit weinin te in ek yi ne weiwik me God. Yi nipaa God ap kekepi au, te in ek hirak kekepi wisenum.

Haiu emu emire mit miyapir ne God emriak menmen mirak

¹¹†Nai yinan yaain, yi ne ti ik au. Yi yau in me wi kike keremem. Te hi etpi him manp, yi einaaiwir menmen enum mekre han ki au emit! Menmen im hekrit hekrit mari han ki te yi yisesim yiriak enum. ¹²††Yi yau yetike mit han hir ap nises God au. Te yi eiyises menmen yaaim yapirwe yi eiriakem keremem. Te mit enun hir nansiuwe him nantip yi enun, maain wi God pike kaknen skelim mit, hir nanwenipi niuk mirak nanintar menmen yaaim yi yiriakem.

¹³††Yi eiyises him me mit iuwe hir naanmipri eiyintar yi yises Mitik Iuwe God. Yi eiyises mitik iuwe ke gavman o ¹⁴ mitik hirak keriuweti naninen naanmamri. Hir nenep mit niriak enum te hir newenipi mit hir niriak yaaim. ¹⁵††Yi eiriak menmen im eiyintar God hanhan yi yairiak mit enun him enum mir mami mamriuwe menmen yaaim yi yiriakem. ¹⁶††Yi mit yepu yar ke mit ninaaiwir winak enuk menmen enum me ti meteneni au. Te yi ap yairiak enum eiyintar yi yepu yar ik au emit! Yi yire mit ne God yi yiriak menmen mirak te yi eiriak menmen yaaim keremem. Menmen enum au emit! ¹⁷†Yi eiwenipi niuk me mit yapirwe, yi han etenin ni yinan, yi einaain einip God yink enuk ekirwi, yi eiwenipi niuk me mitik iuwe ke gavman kerek naanmipri me menmen.

Haiu emises Krai me menmen hirak kiriakem

¹⁸†Yi mit kerek yiriak menmen me mit uwe ni, yi eiyimtau him mir yi eiyisesim te yi ap einipi hir yink enuk han enuk enriuwu. Mit han hir hanhani o hir han au enun naniwep, yi eiriakem eiyir ik. ¹⁹ Mitik hak iuwe kakiwep kakintar yi yises him me God, yi ap pike eikip emrerim au emit! Yi eiriak menmen im hi hetpiyem te God han yaaik kakirwi. ²⁰††Yi eiriak enum te mit iuwe hir naniyep te yi einip emrerim au, hiram menmen

weinim. Te yi eiriak menmen yaaim, mit iuwe hir naniwep yi einip emrerim au, God kakrekyi yaaim eiyinterim. ²¹††God hirak kehimiteni te yi eiyises menmen hi hetpiyem. Yi eiyisesim eiyintar nipaa Krai kaa kenteri, te hirak kire himin yaaik yi eiyisesim eiyir ke mitik kitet sak himin. ²²††Krais kiriak enum au, hirak ap kewenin him katip menmen enum au. ²³††Me wi nipaa mit hir netpiwek enum me nerekyiwek yink enuk, hirak ap keneri keriuwe him enum au. Mit hir nakip, hirak ap keneri kanip au. Hirak katip au. Hirak katin mesik kerp keit. Hirak han kitet God hirak maain skelim mit werek kaknip nanrerik. ²⁴††Hirak hirekes kaa kentar nu tentarakit ke menmen enum haiu miriakem te haiu mit mamnaaiwir menmen me ti enum te hiram ap mamri han kaiu. Hiram mar ke mitik kaki, himin kirak kaknaaiwir yink kirak te hirak ap pike kakriak menmen meiyam au. Te haiu mamu mamises menmen yaaim me God. Hirak kaa te kakikepai haiu mamu werek. ²⁵††Yi nipaa yire miyak sipsip yinaaiwir yayiwe yeit yaank yi yetaritari te in ek yi epei yan yises Krai, hirak naanmipri himin ki kar ke mitik naanmipre sipsip.

Mit netike miyapir neitan, hir enises menmen im

³††Yi miyapir yi eiyises him me mikan ni te hir han en ap nises him me God, te yi eiri han kir eiriuwe menmen yaaim yi yiriakem te hir enisesik. Yi ap eitip him au. ² Hir enir yi miyapir yiriak yaaim yemtau him mir te hir enweikin han enises him me God. ³†††Yi ap eises hiras eiriuwe wipe yehes, winak, pewek pitau keremem te mit natip yi yaain, au emit! ⁴ Menmen mekre han ki me yi yau werek werek yemtau him, hiram mire wipe yehes o pitau mau yink. Menmen mekre han mamiwaank mamir ke wipe yehes o pitau au. Te God hanhan menmen yaaim marim mekre han ki. ⁵ Marim, nipaa ein miyapir yaain hir nemerir menmen nipaa God ketpim kakwetirem. Hir neses hiras nar ik. Hir nemtau him me mikan nir hir nisesim. ⁶†Sera hire wiriak menmen mar ik. Hire wemtau him me Ebrahim mitik kire, hire wisesim, hire watip, "Ti mitik kai iuwe." Maain yi eiriak yaaim eiyises God, yi einaain au, te yi miyapir keriyen yi eire nikerek ne Sera.

⁷††Mar im, yi mit epei yeit miyapir yi yau yetikeri yertei hir ap manpenun nar ke yi te yi naanmipror werek werek yentar yi yetikeri yayit menmen yaaim maain God kakweteiyem. Yi eiriak yaaim mar im te menmen enum ap meiyepet menmen yi yitehi God em kakweteiyem.

Yi mit miyapir eikiyan eiyu eiyises menmen yaaim im

⁸ Hi hetpi him kike keremem me menmen im. Yi yapirwe eiyu han kiutip hanhanan. Yi han etweninan, eiriakan yaaim, yi han ekitet yi yipiran. ⁹††Mit hir

† 2:9 Ais 43:20-21, 9:2; 1Pi 2:5; Ta 2:14; Ap 26:18; Ef 5:8 †† 2:10 Ro 9:25; Hos 2:23 † 2:11 Sam 39:12; Ga 5:17, 24; Je 4:1 †† 2:12 Mt 5:16; Lu 19:44 †† 2:13 Ro 13:1-7; Ta 3:1 ††† 2:15 1Pi 3:16 ††† 2:16 Ga 5:13 § 2:17 Ro 12:10; Pro 24:21; Mt 22:21 †† 2:18 Ef 6:5 ††† 2:20 1Pi 3:14, 17, 4:14

§† 2:21 Mt 16:24; Jo 13:15 §†† 2:22 Ais 53:9; Jo 8:46 §† 2:23 Ais 53:7; 1Pi 3:9 §† 2:24 Hi 9:28; Ro 6:2, 11; Ais 53:5 §†† 2:25 Ais 53:6; Esi 34:5-6; Mt 9:36; Jo 10:14 §§† 3:1 Ta 2:5; Mt 5:16; Ef 5:22 §§§ 3:3 Ti 2:9 18 3:6 Jen 18:12 19 3:7 Ef 5:25 20 3:9 Mt 5:44; 1Te 5:15; 1Pi 2:23

nerekyi enum, yi ap pike eirekyor enum emrerim au emit! Hir netpi enum newen henye, yi ap pike eirekyorem emrerim au emit! Yi eiyitehi God hirak kakrekkyor yaaim eiyintar God epei kehimiteni yi eiyit menmen yaaim mirak. ¹⁰†Yi eiriakem eiyintar him me God mau tiwei matip mar im:

“Mit kerek hir hanhan nanu ti ik werek werek me tito yapirwe, hir eninaaiwir menmen enum me netpim newenin him. ¹¹ Hir enweikin sip enwet menmen enum, hir enriak menmen yaaim. Hir hanhan nantike mit enkiyan enu enit. ¹² Hir enriak menmen im enintar God hirak kir mit hir han kir yaaik, hirak hekrit hekrit kemtau menmen hir nitiwekhiyem hirak kakikepi. Te hirak keweikin sip kewet mit enun nises menmen enum, hirak kakrekkyor enum mamrerim.”

Mit neraiwaank nentar menmen yaaim haiu misesim

¹³ Yi hanhan eiriak menmen yaaim yi han kitet mit hir nanrekyi menmen enum a? Taau! ¹⁴††Yi eiriak menmen yaaim te mit nerekyi enum, yi han yaaik eiyu. Yi ap einapen mit han ekitetim au. ¹⁵ Yi hanhan Krai hirak ekinin eku han ki, hirak iuwe. Hekrit hekrit yi han etwenin mit kerek hir nitihi yi yenmak yi yises menmen me God mekre han ki, te yi eitporem han emikpep au. Yi einaain eiriak God yink enuk ekirwi. ¹⁶‡Han ki hirak yaaik keriuwe menmen yi yiriakem te maain mit hir neswi him me menmen yaaim yi yiriakem yentar yi yises Krai, hir yink enuk me menmen enum hir netpiyem. ¹⁷††Mit hir nerekyi enum me menmen enum yi yiriakem, hiram enum emit! Te God hirak kewis mit hir nerekyi enum me menmen yaaim yi yiriakem, hiram werek yi eiwisi nanrekyiyem.

Krais kaa kakisak menmen enum haiu miriakem

¹⁸‡†Menmen im hiram werek mentar nipaa Krai kiriak yaaim te mit enun nakip hirak kaa kentar menmen enum maiu. Hirak yaaik kaa miutip keremen ke haiu mit enum te hirak kaktaihis, haiu mamnen God. Hirak mitik hirak kaa, te himin kirak kau keit. ¹⁹ Keriuwe himin kirak, Krai ken wit enuk mit epei naa himin kir kewik, hirak kewepyapir him mirak. ²⁰†††God kemeriror nisesik te hir ap nises him mirak me wi nipaa Noa kime sip iuwe au. Me wi im hir mit miyapir hispinak wikak (8) keriyen God kekepi te hir ap naa nentar tipar miniu au. ²¹†††Tipar im hiram mire himin o piksa me mit hir nikiri neriuwe tipar. In ek tipar im mekepi ap mekemyetiti hapik mau yink ki au. Hiram me mit hir nitehi God kesak menmen enum mir hirak kakrekkyor han kir yaaik, nentar Jisas Krai kaa pike kekrit kepu. ²²‡Hirak Krai epei ken wit ke God hirak kau menep his yaaim me God kerek hirak kehimitan mit iuwe nanwim. Mit ensel, herwe enum, himin yapirwe, hirak Krai kininem naanmiprewem.

† 3:10 Sam 34:12-16 †† 3:14 Mt 5:10; 1Pi 2:20, 4:14; Ais 8:12-13 ‡ 3:16 1Pi 2:12 †† 3:17 1Pi 2:20 ††† 3:18 Ro 6:10; Ef 2:18 ††† 3:20 Jen 7:7, 23 †††† 3:21 Hi 10:22 § 3:22 Mt 22:44; Ef 1:20-21

Yi eiyises han ke God me menmen yi yiriakem

⁴ ‡†Krais hirak kire mitik hirak kaa te yi han ekitet eiyir ke nipaa hirak han kitet menmen. Krai kewis mit enun hir nakip newaankek. Mit hir naniwep nanriwaank nanintar yi yises him me God, menmen im hiram werek mentar mit kerek hir yink kir kenen (o meiyewor) mit newaanki, menmen im mamkepi nainaiwir menmen enum nipaa hir niriakem. ²††In ek yi ap eiyises han ki ke menmen yi yau ti ik yi yiriakem au emit! Yi eiyises God han kirak kerekek. ³‡†Wi nipaa haiu mises menmen enum yapirwe mit ne ti hir niriakem. Hiram mar im: Haiu mises menmen enum haiu hanhanem iuwe. Haiu mariyanhis meweninem, haiu maam tipar si enum ere metaritari, haiu maam menmen iuwe, te haiu men winak ke mit haiu maam tipar si enum keremem, haiu meweikin sip mewet him me God, haiu mewenipi niuk me tipir. ⁴ In ek mit han hir wen nises menmen enum im, han kir kekrit te yi yetikeri yisesim au. Hir natip enum nenipi yink enuk yi yetikeri yisesim meiyam au. ⁵††Te wi maain God skelim mit nepu, nantike mit nipaa naa, mit in hir enwepyapir nenmak hir niriak menmen enum mar im te maain hirak God kakiwaanki. ⁶††Hirak Krai kewepyapir him mirak yaaim men mit nipaa God kanip hir naa, nar ke God nipaa katip mit yapirwe maain hir nani. Krai kewepyapir him te mit kerek epei naa hir nemtau him mirak nanisesim, maain hir nantike God nanu nanit.

Yi naanmipre menmen yaaim God kewetiyem

⁷ ‡†Epei menep te menmen o ti haiu mewik hiram mamiwaank mamit, te yi han ekitet werek werek naanempre hiras me menmen yi yiriakem te yi yitehi God menmen werek werek. ⁸†††Menmen im minin menmen yapirwe yi yisesim: Yi han etweninan eiyintar menmen im mamkepi yi ap han kitet menmen enum mit nerekyiyem. ⁹†††Yi naanempre ni yinan nan nau netikewi me menmen o yeno, o menmen meiyam te yi ap han emikpep au emit! ¹⁰ Menmen yaaim God kekepi yi eiriakem, hiram mamkaap mit te yi eire mit yaain naanmipre menmen ham God kewetiyem. Hiram mar im: Mit han ne yi mit ¹¹ kerek hir natip mit him me God, hir enwepyapir him me God keremem. Mit kerek hir niriak menmen nikaap mit neriuwerem, hir enriakem enir ke mit God kekepi hir niriakem. Te mit nanwenipi niuk me God nentar menmen Jisas Krai kerekkiyem. Hi hanhan mit nanwenipi niuk mirak hirak iuwe, hirak naanmipre mit ne ti ik netike menmen yapirwe tipmain tipmain enum eik. Yi ap han kekrit eiyintar menmen enum mamiwep mar ke menmen nipaa menep Krai.

§† 4:1 Ro 6:2, 7 §†† 4:2 1Jo 2:16 §‡ 4:3 Ef 2:2-3 §†† 4:5 Ap 10:42 §† 4:6 Ro 8:10; 1Ko 5:5 §‡ 4:7 Ro 13:11-12; 1Ko 10:11; 1Jo 2:18 §†† 4:8 1Pi 1:22; Je 5:20 §§† 4:9 Hi 13:2

**Menmen enum mamnen mamraiwaank mamir ke
menmen mewaank Kraiss**

¹² †Nai yinan yaain, yi ap han kekrit eiriuwe menmen enum maain mamnen yi mit mamnini han ki te yi yises God werek werek o au. Yi ap han ekitet hiram menmen enum ham epei minin man au. Nipaa menmen im menep Kraiss. ¹³ ††Yi ap eihinhin au. Menmen enum nepei mepnen miwep mar ke hiram menep Kraiss. Yi han yaaik eiyu eiyintar maain Kraiss pike kaknen kakwepyapir hirekes, yi han yaaik iuwe eiriuwerek. ¹⁴ †Mit hir netpi enum neni nentar yi yises Kraiss, yi han yaaik eiyu eiyintar Himin Yaaik Iuwe ke God kau kekleri. (Mit enun hir netpiwek enum te yi yewenipi niuk mirak.) ¹⁵ Yi ap eiriak menmen enum te mit ne gavman naniwep me menmen enum yi yiriakem mar im: Me yi yenep mit nani o yi yekintip menmen, o yi yiriak mit han enum enum o mitik hak ke yi mit hirak hanhan hirekes iuwe naanmipre mit han netike menmen mir. Menmen mar im au emit! ¹⁶ ††Mitik kerek mit enun nankip nanintar hirak kises him me God, hirak ap yink enuk au emit! Hirak ekwenipi niuk me God ekintar hirak kisesik.

¹⁷ ††Wi epei mamnen God hirak skelim mit. Hirak kinin skelim mit nises him mirak. Hirak kinin skelim haiu mit te maain mekam mamnen mit hir neweikin sip newet him yaaim me God? Hir naniwaank nanit.

¹⁸ †††Him me God mau tiwei matip,

“Mit nises him me God, hiram menmen enum mamnen mamiwaanki menep te mamri han kir te hir ap nanises God werek werek au. Menmen im mamnen mit kerek nises him me God, te mekam mamnen mit kerek niriak enum neweikin sip newet God? Hir naniwaank nanit.”

¹⁹ †††Te mit kerek menmen enum manip mewaanki nentar God hanhani, hir enriak menmen yaaim han emikpep au. Hir han kitet God. Hirak nipaa kiriak haiu mit yapirwe te hirak kakikepi naanemprai kentar hirak kakises him nipaa hirak ketpim.

Yi mit iuwe naanempre mit miyapir ne weiwik me God

5 [§]Te hi hatip yi mit han ne yi mit miyapir ne weiwik me God yi yinin naanempre mit. Hi hetpi him manp. Hi hipre yi mit, haiu mit iuwe, hi nipaa hir Kraiss hirak kaa. Hi hetikerek hawir wawit menmen yaaim iuwe maain wi God kakwepyapirem. ² ††Hi hetpi him manp: Yi naanempre mit miyapir ne God neit wit ki, hir nire sipsip nirak. Yi naanempror werek werek eiyir ke God hanhan yi eiriakem. Yi ap eiriakem eiyintar mit netpiyem keremem au. Yi eiriakem eiyintar yi hanhanem. Yi ap eiriakem te yi eiyit pewek yapirwe emrerim au. Yi eiriakem eiyintar yi hanhan eiriakem. ³ †††Yi ap eiriakem eiyintar yi hanhan eiyinin mit miyapir neit

† 4:12 1Pi 1:6-7 †† 4:13 Ap 5:41; Ro 8:17; 2Ti 2:12; Je 1:2 † 4:14 Sam 89:50-51; 1Pi 2:20 †† 4:16 Ap 11:26; Fl 1:20 †† 4:17 Jer 25:29; 2Te 1:8 ††† 4:18 Pro 11:31; Lu 23:31 ††† 4:19 Sam 31:5 § 5:1 Ro 8:17 §† 5:2 Jo 21:15-17; Ap 20:28; Fm 14; Ta 1:11 §†† 5:3 2Ko 1:24; Fl 3:17; Ta 2:7

wit ki te yi eiyitpor hir enriak menmen au emit! Menmen yi yiriakem hiram mire himin mamteikin mit miyapir ein menmen yaaim hir enisesim. ⁴ ††Maain wi Jisas Kraiss hirak kire Mitik Iuwe kinin naanmiprai haiu mit haiu mire sipsip nirak, maain hirak kakwepyapir hirekes, yi eitikerek eiyit menmen yaaim mamiwaank au. Hiram mamu mamit tipmain tipmain enum eik.

Haiu mamimtau him me mit hir ninin naanmiprai haiu mit

⁵ †††Mar im hi hatip yi pipep him manp: Yi eiyimtau him me mit kerek hir iuwe naanmipri yi eiyisesi. Yi yapirwe eiyimtau him me yi hiras eiyintar him me God mau tiwei matip, “God keweikin sip kewet mit hir han kitet hiras iuwe, te hirak kikaap mit hir nau werek werek nemtau him nisesim, hirak kakrekoyor yaaim.” ⁶ ††Him me God ketpim, te yi han kitet God hirak iuwe yi eiyimtau him mirak eiyisesim te maain wi kerek hirak kimat hirak kakrekyi yaain, yi eire iuwe. ⁷ ††Menmen enum mamri han ki yi han ekitetim, yi eitip God em eiyintar hirak hanhani kakikepi naanmipri.

⁸ †††Yi han ekitet werek werek naanempre hiras. Hirak kepan ki Seten hirak kire hiwaak kepno in kepno ein kisawin kewanaan mitik hak kakikip kakiwaankek, hirak kinkatin mit kerek hirak kaknipi hir enweikin sip enwet God naniwaank hiras. ⁹ †††Yi han tokik eiyu eiweikin sip eiwet Seten eiriuwe him yaaim me God yi yisesim. Yi eiriak menmen im eiyintar yi yertei mit nises God nerer wit wit, menmen enum mewaanki nar ke hiram mewaank yi mit. Te menmen im mamkepi yi han tokik eiyu. ¹⁰ †††Te maain wi meiyam menmen mamriwaank epei au, God hirak Haai ke menmen yaaim, hirak kehimiteni yi eiyit menmen yaaim mirak mamu tipmain tipmain enum eik eiriuwe Kraiss, God hirekes kakrekyi yi yaain kakrekyi han tokik kakikepi. ¹¹ Hi hanhan God hirak kinin naanmipre menmen yapirwe tipmain tipmain enum eik.

Hi Pita hetpi him mei yinam kike

¹² Mitik Sailas hi han kitet hirak kaiu yinak yaaik, hirak kekepa kewis tiwei yinak ik ek. Hi hetpi him manp, hi hirekes heriuwe tiwei ik ek hi heteikni him yi yisesim hiram menmen yaaim me God. Yi han tokik eiyu eiyisesim.

¹³ ††Ni yinan neit wit Babilon, God kehimiteni hir nirak, hir natip, “Yi yaain.” Mak hirak kire nikan kai hirak ketikewa hawir wises God, hirak katip, “Yi yaain”. ¹⁴ †††Me wi yi eirerik eiyir ni yinan eitipan yi yaain yi yapirwe ein yeiyewewan. Hi hanhan yi mit miyapir ne Kraiss yi eiyu werek werek.

Mepir keremem

§† 5:4 Hi 13:20; 1Ko 9:25 §†† 5:5 Ef 5:21; Je 4:6; Pro 3:34; Mt 23:12 §† 5:6 Je 4:10 §† 5:7 Sam 55:22; Mt 6:25-30 §†† 5:8 1Te 5:6 §§† 5:9 Ef 6:11-13; Je 4:7 §§§ 5:10 1Te 2:12; 1Pi 1:6 18 5:13 2Ti 4:11 19 5:14 1Ko 16:20

2 PITA

Menmen me tiwei ik

Pita katip mit ne sios gude

r 1:1-2

r*

God kehimitenai haiu nīrak

r 1:3-21

r*

Him me menmen enum me mit tisa enemitaipin him me God

r 2:1-22

r*

Him me wi maain Mitik kiau Iuwe ehirak kaknen

r 3:1-18

r*

1 Hi Saimon Pita, hi hiriak menmen me Jisas Krai, hīrak kehimitena hi aposel kirak hewepyapir him mirak. Hi kerekek hesiuwe tiwei ik ken yi mit keriyen yi yetike haiu mit aposel haiu mises him yaaim iuwe hiram mekepai mipiram. Hiram mekepai mentar God ketike Jisas Krai kesak menmen enum maiu, tenipai haiu mit yaain. Marim hirakit tekepai tetaihis mipiran.

² †Hi hanhan God ketike Jisas Krai tatrekyi menmen yaaim te yi han yaaik eiyu, yi eiyu werek werek wisenum eiyintar yi yertei God ketike Mitik Iuwe kiau Jisas Krai werek werek.

God kehimitenai haiu nīrak

³ ††God hirak wisenuk epei kewetai menmen yapirwe me mamkepai haiu mamisesik werek werek. Haiu mamisesik werek werek mamitar hirak kekepai haiu merteyek kerek nipaa kehimitenai haiu mamtikerek mamit menmen mirak yaaim iuwe te haiu yaain mamir ke hirak yaaik. ⁴ Mar im hirak epei kewetai menmen yaaim iuwe mirak nipaa hirak ketpim kakwetai haiu mit em. Te yi mit eiriuwe menmen hirak epei kewetiyem, yi eirir einaaiwir menmen enum mit ne ti hir niriakem te yi yayit menmen mirak yaaim yi eire God.

⁵ Me menmen mar im yi epei yetiwem yi hanhan eiriak menmen yaaim, hiram mamkaap him yaaim me God mekre han ki nipaa yi yisesim. Menmen yaaim yi yiriakem hiram mamkepi yi eiyirtei menmen me God werek werek. ⁶ †Menmen yi eiyirteiyem werek werek hiram mamkepi yi naanmamre hiras eiwenin han ki. Yi

eiwenin han ki hiram mamkepi yi han tokik eiyu me menmen yapirwe mamnen. Yi eiwenipi niuk me God hiram mamkepi yi han tokik eiyu. ⁷ Yi eiwenipi niuk me God hiram mamkepi yi hanhan ni yinan. Yi hanhan ni yinan, hiram mamkepi yi han tewenin mit miyapir yapirwe.

⁸ Menmen mar im mamu mamikre han ki te hiram mamnen iuwe mamkepi te yi eiyu weinim au. Yi yayirtei Mitik Iuwe kiau Jisas Krai werek werek yi eiyis-esik iuwe. ⁹ Mit kerek menmen marim mekre han kir au, hir nekre han kir hir nar ke mit ap nir ein ein au. Hir nanamir toto. Mit nar ik han kaa nipaa God kesak menmen enum hir niriakem te in ek hir nau han yaaik prar prar.

¹⁰ Te nai yinan, God epei kenini kehimiteni yi nīrak te yi eikiak han ki eiriak menmen yaaim. Yi eiriak menmen yaaim te hiram mamkepi yi eiyirtei God maain kaktihis. Yi eiriak menmen im te yi eiyu eitikerek eiyit wit kirak. ¹¹ Yi eiyises menmen mar im hiram mire God kikaisiu weipir te yi eino wit ke Mitik Iuwe Krai kerek kinin naanmipre mit, hirak nipaa kaa te kekepi kaktihis yi eiyu eitikerek tipmain tipmain enum eik.

¹² ††Yi yertei menmen hi epei hetpim yi yau han tokik yeriuwe him me God nipaa yi yemtewem yi yisesim. Te hi hekrit hekrit hanhan hikiak han ki yi han ekitetim.

¹³ ††Hi han kitet hiram yaaim te hi wen hepu hire mitik ik e, hi pike etpiyem hikiak han ki te yi han ekitetim.

¹⁴ †††Hi hertei menep hi hahi har ke Jisas Krai Mitik Iuwe kiau nipaa ketpo. ¹⁵ Te hi hewis tiwei ik te maain

hi hahi hirak hekrit hekrit kakikepi yi han ekitet menmen im nipaa hi hetpiyem.

Haiu mit epei mir Jisas Kraiss menmen mirak iuwe

¹⁶ †Me wi nipaa haiu mewepyapir him me Jisas Kraiss, haiu metpi hirak iuwe, hirak pike kaknen, haiu ap mises tipitim o wit tipir me him weinim au. Haiu epei mir menmen mirak iuwe. ¹⁷ Nipaa God Haai kewenipi niuk me Jisas kewetiwek niuk iuwe keriuwe him, haiu mit aposel memtau hirak ketpiwek kar ik: "Mitik ik hirak Nikan kai yaaik hi hanhanek." ¹⁸ Haiu hiras memtau him im meke wit ke God man mentar haiu metikerek merp miniu (o neiyip) kerek God kan kewik.

¹⁹ Haiu han ekitet iuwe him me nipaa mit profet hir natip him me Kraiss hir newepyapirem, mentar menmen nipaa haiu mirem. Te yi mit eiyises him im, yi eiriak yaaim. Him me God mit profet netpim hiram mire si mir meit wit toto ere menep wanewik saur kir keteiknai menep kaksiupan. Him mit profet nipaa netpim hiram mire si me witaan mekepai haiu mises him me God werek werek ere Jisas Kraiss kan. Hirak kire wepni kewep kan kekepai. ²⁰ Te yi eiyinin eiyirtei menmen im. Haiu mit ap mises han kaiu mewepyapir menmen me him nipaa mit profet netpim au. ²¹ ††Him im hi hetpiyem hiram yaaim mentar nipaa hir mit profet ap nises han kir newis him mau tiwei au. God Himin Yaaik kerekek kikiak han ke mit ein te hir natip him God ketporem, hir newisim mau tiwei.

Menmen enum mit enun netpi him me memipin hir niriakem

2 †Nipaa mit profet enun ne nemipin nau nekre mit ne Isrel. Mit nar ik naninen nanu nantikewi, hir nanri him enum me nemipin naniwaank mit miyapir han ne weiwik me God. Hir nanweikin sip nanwet Mitik Iuwe Kraiss nipaa hirak kaa, te kakikepi kaktorhis te hirak kakiwaanki waswas. ² Mit yapirwe nanises menmen mir enum te hiram mamiwaanki. Hir natip mit miyapir hir nariyanhis neweninem hiram werek. Maain mit han nantip enum me him yaaim me God nanintar menmen im enum mit enun nar ik niriakem. ³ ††Hir hanhan neriuwe him me nemipin hir nanri pewek mi. Me nipaa ein God kemerir wi maain hirak skelim mit nar ik. God kerek kakriak menmen enum me mamiwaanki, hirak kiwaai au. Hirak kemerir wi kere-mem mamnen hirak kakiwaanki keriyen. Menmen im nipaa God kiriakem meteiknai hirak kiwaai au hirak kakiwaank mit enun.

⁴ ††God ap kewis mit nirak ensel hir niriak enum hir nepu netikerek au. Hirak kepiri keriuweti nen wit enuk ke kewaank mit hir nepu nekre hei enum nemerir wi God skelim mit ne ti. ⁵ †††Nipaa God ap kewis mit enun nipaa nau ti hir nepu au. Hirak kanip kenepi keriuwe wan kiniu tipar manip. Hirak mitik Noa kerek kewepyapir mit enises menmen yaaim, hirak ketike

† 1:16 Mt 17:1-5 †† 1:21 2Ti 3:16; 1Pi 1:11 † 2:1 Mt 24:11; Ju 4 †† 2:3 Ro 16:18; 1Te 2:5 †† 2:4 Ju 6 ††† 2:5 Jen 6:11-8:19; 2Pi 3:6

mit miyapir hispinak wik (7) keriyen God ap kanip au. ⁶ †††God epei kenep mit miyapir ne wit Sodom ketike Gomora, hirak kesiri netike wit hir newi. Menmen im mire himin o piksa meteikin mit kerek nikaru nises menmen enum mekam mamnen mamnip. ⁷ ††God epei keithis mitik Lot hirak mitik yaaik han enuk keriuwe menmen enum me neiyewewan niriran mit enun neweikin sip newet menmen yaaim hir niriakem. ⁸ Hirak mitik yaaik Lot hirak kau ketikeri hekrit hekrit hirak kir menmen enum mit niriakem, hirak kemtau menmen enum hir netpim, te hirak han enuk iuwe keriuwe menmen enum mir. ⁹ †††Menmen im meteiknai God kertei kikaap mit yaain ketorhis me menmen enum mamnen, hirak han kaa mit enun te hir ap naninaaiwir menmen enum mamiwaanki me wi hirak skelim mit taau! ¹⁰ ††††Hirak kertei iuwe ap te han kaa kakiwaank mit kerek hir nises han kir me niriran neiyewewan, hir ninan yipir newirek me menmen iuwe me God. Mit profet enun nemipin hir enun han tokik nises han kir kerekek, hir ap ninaain natip enum me mit ensel au. ¹¹ ††††Mit ensel ne God hir enun manpenun ninin mit enun in te hir ap natip enum nesiuwe him me ninaan me God au.

¹² ††††Te mit in en hir enun nar ke miyak han aurem te mit namip mami. Hir mit enun weise han auri hir natip enum me menmen hir nepitariyem. Maain God kaknip nanir ke miyak me yaank mit namip. ¹³ †††Menmen mamriwaank mentar menmen enum hir niriakem. Hir han kitet netikwi naam hiram menmen yaaim menipi tu iuwe keremem, hir nire wikes mau yink ke yi mit neriwaank, hir han yaaik nises menmen mir me nemipin. ¹⁴ Hir nipir miyapir hir hanhan nanwaai nantik-eri te hir han kir kenke kenterer ap te nanweikin sip newetirem au. Hir nari han ke mit miyapir te hir nises menmen enum. Hir han kitet yapirwe hir nanri pewek o menmen me mit miyapir hir nises him mir mamirkeik. God kakiwaank mit han narik. ¹⁵ †††Hir neweikin sip newet him yaaim, hir nises menmen enum nar ke mit ninaaiwir yayiwe yaaim, hir netaritari neit yaank. Hir nises menmen nipaa mitik niuk mirak Belam nikan ke Beo hirak kiriakem. Hirak hanhan pewek mit han nanwetiwekem me menmen enum hirak kiriakem. ¹⁶ ††††Te donki kirak (hirak kire hos) kerekek ketaritari ap han kewik, hirak katip keriuwe him ke mitik kenerek kewenek me menmen enum merekiriwek han. ¹⁷ ††††Mit in hir enun ap nankaap mit nar ke hei tipar epei au menke. Hir nises him ham him heriyai heriyai nar ke napi yuwerep metiwem. God epei kehimitenor wit hak enuk kire wit enum toto. ¹⁸ †††††Hir natip him iuwe weinim, hir nari han ke mit neriuwe menmen enum han ke mit hanhan nanisesim. Hir pike nari mit kerek nempei ninaaiwir menmen enum im mit han enun wen nisesim han kir kenke kenterim. ¹⁹ †††††Mit enun hir natip hiram werek te mit

††† 2:6 Jen 19:24; Ju 7§ 2:7 Jen 19:1-16 ††† 2:9 1Ko 10:13; Ju 6 †††† 2:10 Ju 7-8, 16 §† 2:11 Ju 9 †††† 2:12 Ju 10 †† 2:13 Ju 12 §† 2:15 Nam 22:7; Ju 11; Rev 2:14 †††† 2:16 Nam 22:28-35 †††† 2:17 Ju 12-13 †††† 2:18 Ju 16 18 2:19 Jo 8:34

yapirwe enises han kir. Te hir hiras menmen enum merekiror han kir te hir ap enises him yaaim taau. Mekam mari han ke mitik te han kirak kenke kenterim, hirak ap kakininem kaknawirem taau. Hiram mam-ininek. ²⁰ †Mit hir epei ninaaiwir menmen enum me ti mit niriakem nentar hir epei nertei menmen yaaim nisesim me Jisas Kraiss, nipaa kaa te kesak menmen enum me haiu mit kaktaihis, te hir pike nanises menmen eim enum han kir kenke kenterim, hir naniwaank wisenum minin menmen enum mamir ke nipaa hir niriakem. ²¹ ††Hiram yaaim te nipaa hir ap nemtau him me God mit netporem te hir epei nemtewem nisesim, te maain hir neweikin sip newetiwek pike nanises menmen enum. Maain God kakiwaanki wisenum. ²² †Menmen marim epei man mar ke him yaaim nipaa profet netpim mar im: “Nepere kenikin menmen, te hirak pike ken kaam menmen epei kenikinem. Sak kerek nipaa mit epei nikirek, hirak pike ken kewen toni.” Him im meteiknai mit in nipaa nises him me God te in ek hir neweikin sip newetiwek.

Haiu mit mertei Jisas Kraiss pike kaknen

3 ††Nai yinan yaain, hi hewis tiwei hak ik kises ke nipaa hi nepei heswiyeke. Me tiwei ik hi hikiak han ki yaaik te yi han kitet ² ††him nipaa mit yaain profet hir newepyapirem, him im metike him me Mitik Iuwe kerek nipaa kaa pike kekrit ketpai kaktaihis, hirak ketpiyem keriuwe him haiu mit aposel ni haiu metpiyem. ³ †††Yi eiyirtei menmen im eminin. Me wi menep Jisas pike kaknen, mit han enun nitetnaan hir naninen nanises han kir weinik. ⁴ †††Hir nemipin nantip nanir ik: “Nipaa Jisas katip hirak pike kaknen, te hirak keik a? Nipaa him maamrer netpim me ti im mamiwaank ap man au, te hir epei naa. Me wi nipaa enum eik God kiriak ti ik ere in menmen mepu mepir kerekek mepeit. Menmen hir netpim ap te mamnen au. Hir nemipin.” ⁵ †Te hir ninapen han kitet menmen im. Nipaa God katip te nepni metike ti mau meit. God kiriak ti me tipar ke wan hirak hawi kikaap ti kepu kepeit. ⁶ ††God katip kenip tipar miniu miwapin ti ik ek, menmen mau ti maa meit. ⁷ Nepni metike ti ik e kerek in ek hiram mepu, him me God metenenim ere maain me wi God skelim mit enun neweikin sip newetiwek, hirak kakisiyem. ⁸ †††Nai yinan yaain yi ap han kaa menmen miutipen im e. God ap han kitet wi mar ke haiu mit han kitetim, au. Hirak han kitet wi miutip hiram mire tito yapirwe. ⁹ ††Mitik iuwe kaiu hirak ap kiriak menmen waswas kakiwaank ti kakir nipaa hirak katip hirak kakriakem kire mit han hir han kitet hirak kakriakem au. Hirak kemerir haiu mit yapirwe mamweikin sip mamwet menmen enum mamisesik kentar hirak kinapen mitik kiutip kerekek kaki kakikre si enum au.

† 2:20 Mt 12:45 †† 2:21 Lu 12:47-48 † 2:22 Pro 26:11 †† 3:1 2Pi 1:13 †† 3:2 Ju 17 ††† 3:3 1Ti 4:1; Ju 18 ††† 3:4 Ais 5:19; Esi 12:22; Mt 24:48 § 3:5 Jen 1:6-9 §† 3:6 Jen 7:11-21; 2Pi 2:5 §†† 3:8 Sam 90:4 §† 3:9 Hab 2:3; 1Ti 2:4

Hirak hanhan mit niutip niutip nanweikin sip nanwet menmen enum hir nanisesik.

Ti ketike nepni hiram mamiwaank mamit

¹⁰ †††Wi Mitik Iuwe kaknen kakwepyapir hirekes, hiram mamnen mamir ke mitik hirak kekintip menmen me mitik hak. Mit nepitari wi maain hirak kaknen te hir ap nemeriyiwek au. Wi hirak kaknen nepni mam-pupu mamiwaank mamit, menmen yapirwe me ti metike menmen yapirwe mit niriakem hiram si tatim mamweikin mamre tipar weinim au mamit pike mamweikin mamre nime. ¹¹ Menmen yapirwe me ti si tatim mamiwaank mamit te yi eire mekam a? Yi han yaaik prar prar eiyu eiyises menmen me God, ¹² ††eiriak menmen te mamkaap wi mamnen waswas. Wi ik Mitik Iuwe pike kaknen nepni si tatim mamiwaank, saur metike hir hiram si tatim mamweikin mamre tipar mamit pike mamweikin mamre nime. ¹³ ††God epei katip hirak kakriak nepni ham mamtike ti ham te haiu memeriyiwem. Mit nanriak menmen enum me nipaa au, enriak menmen yaaim in keremem.

Haiu naanmampre hiras emimerir Mitik Iuwe pike kaknen

¹⁴ Nai yinan yaain yi wen eimerir menmen im mamnen te yi han yaaik prar prar eiyu ap eiriak menmen enum au, te God han kitet yi yaain yi eitikerek eiyu han kiutip. ¹⁵ †††Yi han ekitet Mitik Iuwe kaiu kaknen waswas skelim mit au, hirak keteiknai hirak kinapen haiu mamiwaank au. Hirak hanhan kakikepai kaktaihis. Kaiu yinak yaaik Pol hirak keriuwe him yaaim God kewetiwekem hirak epei kewisi tiwei me menmen im. ¹⁶ Me wi Pol kewis tiwei katip me wi Mitik Iuwe pike kaknen, hirak kewis menmen mar kerek hi epei hetpiyem. Him ham mau tiwei mirak hiram haiu ap merteiyem werek werek au. Te mit han enun netaritari neweikin him me Pol, hir newisesik neriuwerem nar ke hir neweikin him ham me God nipaa mit profet newisim mau tiwei newisesik neriuwerem te hir mit enun naniwaank hiras nanriuwerem.

¹⁷ †††Nai yinan yaain, in ek yi yerteiyem. Yi naanempre hiras te maain yi ap eiyises menmen enum me mit neweikin sip newet God hir nisesim, te yi ap einaaiwir him yaaim me God. Hiram mekepi mar ke teinik mikaap winak minanek. ¹⁸ †††Yi eiyu werek te Mitik Iuwe kaiu Jisas Kraiss nipaa kaa kakikepai kaktaihis, hirak han yaaik kakriuwu iuwe kakrekyi yaain. In ek yi yerteiyek kike, maain yi eiyirteiyek wisenuk. Hi hanhan hirak kakit niuk iuwe in ere tipmain tipmain enum eik.

Mepir keremem

§†† 3:10 1Te 5:2; Mt 24:29, 35 §† 3:12 Ais 34:4 §† 3:13 Ais 65:17, 66:22; Rev 21:1, 27 §†† 3:15 Ro 2:4; 2Pi 3:9 §§† 3:17 Mk 13:5, 33; 1Ko 10:12 §§§ 3:18 Ju 25

1 JON

Menmen me tiwei ik

Jon katip mit menmen hirak epei kirem, emenmen hirak epei kemtewem

r 1:1-4

r*

Haiu mamises menmen me God hiram mire esi merhihe

r 1:5-2:29

r*

Him me nikerek ne God netike enikerek ne Seten

r 3:1-24

r*

Menmen me him yaaim metike him enum

r 4:1-6

r*

God hanhan haiu mit te haiu hanhanan

r 4:7-21

r*

Haiu mit kerek mises him me God haiu emaminin menmen enum me ti

r 5:1-21

r*

Him mamkepai haiu mamu tipmain tipmain enum eik

1 [†]Nipaa enum eik mitik hirak kire him kerek kakikepai haiu mamu tipmain tipmain enum eik, hirak kepu. Krais hirak Haai ke him ik. Haiu in ek epei memtau him mirak, haiu hiras mirek meteninwekhis. ^{2 ††}Me wi God kewepyapir Krais, haiu mirek. Hirak kekepai te haiu mit miyapir emu tipmain tipmain enum eik. Haiu epei mirek haiu mewepyapirek metpiyek. Nipaa hirak kau ketike Haai kirak ere hirak keruwetek kan ti hirak kewepyapirek. ³ Menmen haiu mirem haiu metpiyem, te yi yaitikewei haiu mamtike God mamu han kiutip mamir ke haiu hiras epei metike God Haai ketike Nikan kirak Jisas Krais haiu mau han kiutip. ^{4 ††}Haiu mewisi tiwei ik te yi eiyirtei menmen im werek werek, yi eitikewei haiu emu han yaaik wisenuk.

Haiu emises menmen yaaim me God

^{5 ††}Krais ketpei him im te haiu metpiyem. God hirak kire wepni. Hirak ap kipre witaan au. ^{6 †††}Haiu matip haiu metike God mau han kiutip, te haiu miriak menmen enum, hiram mar ke mitik keke ti ke witaan toto. Haiu mipin ap te mises him yaaim me God mar ke

mitik kerek keke ti ke wepni au. ^{7 †††}Te haiu miriak menmen yaaim mar ke God kiriakem, haiu hiras mau han kiutip, hemkre me Nikan kirak Jisas nipaa mewen hiram mamisak menmen enum maiu yapirwe mamno, haiu han kiau yaaik prar prar. ^{8 †}Te haiu matip haiu miriak menmen enum au, haiu mipin hiras him yaaim me God mau mekre han kiau au. ⁹ Haiu mewepyapir menmen enum haiu miriakem, God hirak yaaik kakises menmen nipaa ketpaiyem, hirak katip kakisak menmen enum haiu miriakem, te haiu han kiau yaaik prar prar. ¹⁰ Haiu matip haiu ap miriak menmen enum au, hiram mar ke haiu matip God hirak kemipin. Haiu matip haiu miriak menmen enum au, him yaaim mirak mau mekre han kiau au.

Krais hirak kiau yaaik kekepai

2 ^{††}Nai yinan yaain, yi yire nikerek nai, hi hewisi him im te yi ap eiriak menmen enum au. Keimin ke haiu mit hirak kiriak menmen enum, Jisas Krais hirak mitik yaaik hirak kakikepik. Hirak kau ketike God, hirak kitiwekhi ke mitik ik. ^{2 †††}Jisas kewet God hirekes hirak kaa kentar nu tentarakit kewenin Haai kirak han te

† 1:1 Jo 1:1-2, 4; 1Jo 2:13-14 †† 1:2 Jo 1:14 † 1:2 Jo 1:14
†† 1:4 Jo 16:24 †† 1:5 1Ti 6:16; Je 1:17 ††† 1:6 1Jo 2:4; Jo 3:21

††† 1:7 Ais 2:5; Hi 9:14; Rev 1:5, 7:14 § 1:8 Sam 32:5; Pro 28:13 †† 2:1 Hi 7:25, 9:24 ††† 2:2 1Jo 4:10, 14; Jo 1:29, 11:52; Kl 1:20

hirak han enuk keriuwai me menmen enum haiu miriakem au. ³ Haiu mises him mirak te haiu merteyek werek werek, haiu narak. ⁴ †Mitik kiutip katip kar ik: "Hi hertei God werek werek hi kirak," te hirak ap kises him mirak au, te mitik ik kemipin. Him me God ap mau mekre han kirak au. ⁵ ††Keimin kises him me God, hirak hanhanek wisenum. Mar im haiu mertei haiu mises God werek werek. ⁶ †Keimin katip hirak kises God te hirak ekriak menmen emir ke nipaa Kraiss kiriakem.

Keimin hanhan narak yinan, hirak kises him me God

⁷ ††Nai yinan yaain, him im hi hewisiyem hiram me petepin kerekek au. Me nipaa ein hiram mepu. Him im nipaa yi yinin yises God yi yemtehem. ⁸ †Au, him im hi hewisiyem hirak Kraiss kiriakem, in ek hiram mewep wisenum. Nipaa Kraiss kiriakem te in ek yi yisesim. Him im matip mar ik: Haiu hanhanan nau yinan. Menmen enum hiram mire mitik keke ti ke witaan, hiram mau han kaiu, te hiram mamno mamit. Menmen yaaim mar ke mitik keke ti ke wepni hiram mekrehir miram. ⁹ †††Keimin katip hirak kises him me God te hirak han enuk keriuwe kirak yinak, hirak ap kises him me God au. Hirak kire mitik hak ap kenke si au kitet yayiwe ke witaan kepno. ¹⁰ †††Keimin hanhan kirak yinak, hirak kises him me God. Hirak kire mitik kitet yayiwe ke wepni hirak kir yayiwe werek werek ap te kakikenpet tip maminwik kakinkewin au. ¹¹ †Keimin han enuk keriuwe kirak yinak, hirak kertei menmen me God au. Hirak kises menmen enum kar ke mitik kitet yayiwe ke witaan. Witaan wi mekrewek nanamir (o naan) te hirak ketari yayiwe hirak kitetim. ¹² †Nikerek nai, hi hewisi tiwei ik hentar menmen enum yi yiriakem God epei kesakem. Hirak kesakem kentar menmen yaaim nipaa Jisas kiriakem. ¹³ †††Hi hewisi tiwei ke yi haairer hentar yi yertei hirak keimin kepu nipaa ere in. Hi hewisi tiwei ke yi pipep hentar him me God mau han ki yi yinin Seten. ¹⁴ †Nikerek nai hi hewisi tiwei ik hentar yi yertei God Haai. Hi hewisi tiwei ke yi haairer hentar yi yertei hirak God kerek kepu nipaa ere in. Hi hewisi tiwei ke yi pipep hentar yi manpenun yeit, him me God mau han ki yi yinin Seten.

Yi ap hanhan menmen enum me ti

¹⁵ ††Yi ap hanhan eiyses menmen enum mit niriakem o menmen enum me ti au emit! Keimin hanhan menmen enum me ti, hirak ap hanhan God Haai au. ¹⁶ †††Menmen me ti hiram mar im: Menmen enum me ti mit hir hanhanem nanisesim, menmen mit nirem hir hemkre menepam neriuwerem, mit han kitet hiras netenen menmen yapirwe ninin mit han. Menmen im hiram ap menmen me God au. Hiram menmen me ti keremem. ¹⁷ ††Menmen me ti metike menmen enum

† 2:4 1Jo 1:6, 8 †† 2:5 Jo 14:21, 23; 1Jo 4:12, 17, 5:3 † 2:6 Jo 13:15 †† 2:7 2Jo 5-6; 1Jo 2:24, 3:11 †† 2:8 Jo 1:9, 13:34; Ro 13:12 ††† 2:9 1Jo 3:10, 15, 4:20 ††† 2:10 Ro 14:13; Jo 11:9 † 2:11 Jo 11:10; 12:35 †† 2:12 1Ko 6:11 ††† 2:13 1Jo 1:1; Jo 1:1 †† 2:15 Ro 8:7; Je 4:4 ††† 2:16 Ro 13:14; 1Pi 2:11 †† 2:17 1Ko 7:31; Mt 7:21

me hemkre menepam meriuwerem mamno mamawaank mamit, te neimin niriak menmen God hanhan hir nanisesim, hir nanu nanit tipmain tipmain enum eik.

Mit nepan ne Kraiss newepyapir hiras

¹⁸ ††Nikerek nai yaain, wi epei man menep te mitik enuk kepan kinapen Kraiss hirak kaknen. Mit yapirwe nepan ne Kraiss epei newepyapir hiras te haiu mertei wi epei man menep. ¹⁹ †††Mit han ne mit in nipaa nau netike haiu mit ne weiwik me God. Te in ek hir ninai-wirai nen nentar hir ap nises him me God au. Hir nipaa nises him mirak werek te hir wen netikewei mepu in. Hir epei ninaiwirei nen te haiu mertei hir ap nises God nar ke haiu mit in misesik au. Hir nemipin. ²⁰ †††God kesiuwe Himin kirak Yaaike kan kekere han ki te yi yapirwe yertei him mirak werek werek. ²¹ Hi hewisi tiwei ik hentar yi ap yertei him yaaim me God au. Hi hewisiyek hentar yi yertei him mirak yaaim. Keimin ap kises him mirak hirak kemipin. ²² †††Hirak keimin? Hirak mitik kerekek katip Jisas hirak ap Mitik Kraiss nipaa God ke-himitanek au. Mitik ik hirak kepan ke Kraiss kerekek. Hirak keweikin sip kewet God Haai ketike Nikan kirak. ²³ †††Mit kerek natip Jisas hirak ap Nikan ke God au, God Haai kau ketikeri au. Mit han kerek natip Jisas hirak Nikan ke God, God Haai kau ketikeri.

God Himin Yaaike keteiknai him yaaim

²⁴ Te yi wen eiyses menmen yi nipaa yemtehem hiram emikre han ki. Hiram mekre han ki te God Haai ketike Nikan kirak hirakit tatpau tatpitikewi. ²⁵ ††Nipaa Kraiss katip kakises him im: Hirak kakikepai haiu mamu mamit tipmain tipmain enum eik. ²⁶ Hi epei hewisi tiwei ik hetpi me mit hir nepakin Jisas hir enun nemipin nanri han ki. ²⁷ ††Nipaa hirak keweti Himin kirak Yaaike kau han ki te yi ap eiyyithis mit han hir nanteikni mekam yaaim o mekam enum au. God Himin Yaaike hirekes kerekek kakteikni menmen yapirwe. Him mirak yaaike kemipin au. Menmen Himin kirak Yaaike keteikniyem, yi eiysesim te yi eiyses Kraiss. ²⁸ ††Te in ek, nikerek nai, yi eiysesik te maain wi hirak kaknen kakwepyapir hirekes, haiu ap yink enuk mamneinik mamno mamsawin au. Haiu mamirp ninaan mirak. ²⁹ ††Yi epei yertei God hirak mitik yaaike, te neimin niriak menmen yaaim, yi yertei hir nikerek ne God.

In ek haiu nikerek ne God

3 ²³Yi eiyyimtau. God Haai hanhanai wisenum, te hirak kenewai haiu nikerek narak. Him im yaaim. Haiu nikerek narak. Mit nises menmen me ti hir nipaa ere in ap nertei God au. Markeik te hir netari menmen haiu misesim au. ² ††Nai yinan yaain, in ek haiu epei mire nikerek ne God. Maain hirak Jisas kaknen haiu

†† 2:18 1Pi 4:7; Mt 24:5, 24; 2Jo 7 ††† 2:19 Ap 20:30; 1Ko 11:19 ††† 2:20 1Ko 2:15; 1Jo 2:27 ††† 2:22 1Jo 4:3; 2Jo 7 18 2:23 Jo 5:23, 15:23; 1Jo 4:15, 5:1; 2Jo 9 19 2:25 Jo 3:15, 6:40 20 2:27 Jo 14:26, 16:13 21 2:28 1Jo 3:2, 4:17 22 2:29 1Jo 3:7, 10 23 3:1 Jo 1:12-13, 16:3 24 3:2 2Ko 3:18; Fl 3:21

mamweikin his mamir ke hirak mamintar haiu mamirek. Te in ek haiu metari maain menmen im mamre mekam au. ³ Mit neimin hir nemerir menmen im mamnen, hir hekrit hekrit ap niriak menmen enum te hir han yaaik prar prar nanu nanir ke Krai hirak kepu. ⁴ Neimin hir niriak menmen enum, hir neweikin sip newet him me God. Him im hiram yaaim mentar menmen enum hiram meremir him me God. ⁵ Yi yertei Krai epei kan kesak menmen enum haiu miriakem. Menmen enum mekre han kirak au. ⁶ ††Te neimin nises Krai, hirak kau kekere han kir te hir ap niriak enum au. Neimin niriak enum hekrit hekrit hir netari Krai, hir nisesik au. ⁷ †Nai yinan yi naanempre hiras. Yi ap eiwis mit han hir nanmitipin au emit! Keimin hirak kiriak menmen yaaim hirak yaaik kire Krai. ⁸ ††Keimin kiriak menmen enum hirak kises han ke Seten. Hirak kises han ke Seten kentar nipaa ere in Seten kiriak enum. Nikan ke God Jisas kan kewepyapir hirekes te hirak kakiwaank menmen enum Seten kiriakem. ⁹ ††Neimin hir nikerek ne God, hir wen niriak menmen enum yapirwe au. Menmen iuwe me God mekre han kir. God hirak Haai kir te hir ap nanriak menmen enum taau. Hir nikerek ne God te hir wen nanriak menmen enum au emit! ¹⁰ Mar im haiu mertei neimin nikerek ne God, neimin au hir nikerek ne Seten. Neimin niriak menmen enum, hir ap nikerek ne God au. Neimin ap hanhan nir yinan, hir ap nikerek ne God au.

Yi hanhan ni yinan

¹¹ ††Him im hi hetpiyem hiram menmen nipaa yi yinin yises God yi yemtewem. Hiram im: Yi hanhanan. ¹² †††Haiu ap han enuk mamriuwe naiu yinan mamir ke mitik niuk mirak Ken au. Hirak ke Seten hirak kenep nikik kirak kaa. Kenmak te hirak kakip? Hirak kakip kentar menmen hirak kiriakem hiram enum, menmen nikik kirak kiriakem hiram yaaim. Hirak han enuk keriuwerek te hirak kakip. ¹³ †Nai yinan, yi ap han kekrit eiymtar mit ap nises God hir han enuk neriuwi au emit! ¹⁴ ††Haiu hanhan naiu yinan te haiu mertei han kaiu kaa keit me menmen enum me ti. Han kaiu kekrit kepu me menmen me God. Neimin ap hanhan nir yinan, han kir wen kises menmen enum me ti. ¹⁵ †††Keimin han enuk keriuwe kirak yinak, hirak kire mitik enuk kenep mit. Yi yertei mitik kar ik han kirak ap kises menmen me God, hirak ap te kaku kaktikerek tipmain tipmain enum eik au. ¹⁶ ††Nipaa Jisas kaa kentirai haiu mit. Mar im hirak keteiknai hirak han tewenai. Te haiu emises menmen Jisas kiriakem. Haiu han etwenin naiu yinan, haiu ap te minaain mami mamkepi au. Haiu mamkepi keriyen. ¹⁷ †††Keimin kau ti ik keit menmen yapirwe te hirak kertei kirak yinak kepu weinik, hirak kewen han kirak kakikepik ap kak-

† 3:5 2Ko 5:21; 1Pi 2:22-24; 1Jo 2:2 †† 3:6 Ro 6:1-2, 14 †
3:7 1Jo 2:29 †† 3:8 Jo 8:44 †† 3:9 1Jo 5:18 ††† 3:11 Jo 13:34
††† 3:12 Jen 4:8 † 3:13 Mt 5:11-12; Jo 15:18-19 †† 3:14 Jo
5:24; 1Jo 2:11 ††† 3:15 Mt 5:21-22; Rev 21:8 †† 3:16 Jo 13:1; Ga
1:4; 1Te 2:8 ††† 3:17 Diu 15:7

wetiwek menmen, kenmak te mitik ik hirak katip hirak hanhan God kises him mirak? Taauye! ¹⁸ ††Nai yinan, haiu ap emtip weinim haiu hanhan mit keriyen au. Haiu emkepi emteiknor haiu hanhani iuwe.

Mit nises him me God ap yink enuk nanirp ninaan mirak

¹⁹ Haiu mamkepi mamir im te haiu mertei haiu mises him yaaim me God. Han kaiu ketpai haiu enun me menmen te haiu ap yink enuk me ninaan me God au. Menmen mar ik God hirak ²⁰ Iuwe enuk kinin han kaiu kertei menmen yapirwe. Hirak kertei haiu misesik werek werek te haiu enun au emit! ²¹ ††Nai yinan yaain haiu han kaiu ap ketpai haiu enun au, haiu merp ninaan me God haiu han tokik mamirp mamit. ²² Haiu mitehi God me menmen, hirak kakwetaiyem mentar haiu mises him mirak, haiu miriak menmen yaaim hirak hanhan haiu miriakem. ²³ †††Nipaa God ketpai him im. Haiu emises him me Nikan kirak Jisas Krai, haiu hanhanan. ²⁴ †††Keimin kises him me God kerek, hirak ketike God tau han kiutip. God Himin Yaaik kirak kerek hirak kewetayek, hirak keteiknai God Haai kau kekere han kaiu.

God Himin Yaaik ketike himin enum memipin

4 †††Nai yinan, mit yapirwe newepyapir him enum me memipin hir epei nen nerer wit wit. Yi ap eiymtau him me mit yapirwe hir natip God Himin Yaaik kau ketikeri au. Yi han ekitet werek him yapirwe mit netpim te yi eiyrtehi him mir hiram me herwe o hiram me God. Him me mit in hiram me herwe te yi eiweikin sip eiwetiwem. ² ††Mar ik yi eiyrtehi God Himin Yaaik kau ketikewi. Keimin katip God keriuwet Jisas Krai hirak kan keweikin his kire mitik, hirak God Himin Yaaik kau ketikerek. ³ ††Keimin ap katip ke Jisas kar ik, "herwe kau ketikerek," hirak ap ke God au. Herwe (o tipir) hirak ke mitik kepan ke Krai. Yi epei yemtau maain hirak kaknen. In ek menmen mirak enum epei man. ⁴ ††Nai yinan yaain, yi ne God te yi epei yinini yentar hirak iuwe kerek kekere han ki hirak kinin hirak kerek kekere han ke mit ne ti enun nemipin. ⁵ ††Mit enun nemipin hir ne God au. Hir ne ti keriyen. Menmen hir netpim hiram me ti te mit ne ti nemtewem nisesim. ⁶ ††Te haiu mit ne God. Neimin nertei God hir nemtau him maiu. Neimin au, hir nemtau him maiu au. Emir im haiu mertei God Himin Yaaik katip mit him yaaim, haiu mertei herwe au matip mit him enum me memipin.

God hirekes Haai ke han teweninai haiu mit

⁷ ††Yi nai yinan, haiu hanhanan. Menmen im me haiu hanhanan hiram menmen me God keremem. Keimin hanhan nirak yinan, hirak nikan ke God, hirak

†† 3:18 Je 2:15-16 †† 3:21 Hi 4:16 ††† 3:23 Jo 6:29, 13:34
††† 3:24 Ro 8:9; 1Jo 4:13 ††† 4:1 Mt 7:15; 1Jo 2:18; 2Jo 7; 1Te
5:21 18 4:2 1Ko 12:3 19 4:3 2Jo 7; 1Jo 2:18 20 4:4 1Jo 5:4-5;
Mt 12:29 21 4:5 Jo 15:19 22 4:6 Jo 8:47 23 4:7 1Jo 2:29

kerteiyek werek. ⁸†Keimin han tewenin narak yinan au, hirak ap kertei God kentar hirak God hirekes hirak Haai ke han tewenin mit. ⁹††God hirak keteiknai hirak hanhanai kar ik: Hirak kesiuwe Nikan kirak kiutip kerekek hirak kan kekepai te haiu mamu werek werek. ¹⁰‡Menmen me han teweninem hiram mar im. Haiu han tewenin God im em ap minin meteikin mit em au. God kinin hanhanai kesiuwe Nikan kirak te hirak kesak menmen enum haiu miriakem, menmen im meteikin mit menmen me han tewenini. ¹¹‡†Yi nai yinan, menmen mar im God keteiknai hirak han tewenina, te haiu hanhanan. ¹²‡‡Haiu ap nipaa mitik keyak kir God au. Haiu hanhanan te God kau kekere han kiau haiu han teweninek werek werek. Haiu mertei hirak han tewenina. ¹³‡‡‡Haiu mertei haiu metike God haiu mau han kiutip mentar hirak nipaa kewetai Himin kirak Yaaik ketikewai kepu. ¹⁴‡‡‡‡Haiu epei mir Jisas te haiu mewepyapir him im: God Haai kesiuwe Nikan kirak te hirak kakikaap mit miyapir niutip niutip me ti ik e, kakremir menmen enum hir niriakem. ¹⁵‡Keimin katip Jisas hirak Nikan ke God, hirak ketike God tau han kiutip. ¹⁶‡†God hirekes Haai ke han tewenin, te haiu mertei hirak han tewenina. Mitik kerek han tewenin mit, hirak ketike God tepu han kiutip. ¹⁷‡††Haiu mertei God hanhan haiu han tewenin mit werek werek. Haiu miriakem te maain wi God skelim mit, haiu ap mineinik au. Menmen haiu miriakem in, hiram mire menmen nipaa Krai kiriakem. ¹⁸Keimin kertei God han teweninek, hirak ap kineinik au. Keimin han tewenin God werek werek hirak ap kinaain menmen au. Mitik kinaain kenmak? Hirak kinaain kentar hirak God kakiwaankek me menmen enum nipaa hirak kiriakem. Keimin kinaain God, hirak han tewenin God ketike mit werek werek au. ¹⁹Haiu han tewenin God ketike mit mentar nipaa enum eik God kinin han tewenina, haiu mikaru han tewenin nau yinan. ²⁰Mitik hak katip kar ik: "Hi han tewenin God," te hirak han enuk keriuwe kirak yinak, hirak mitik enuk kewenin him. Haiu mit ap mir God au. Keimin kir kirak yinak te hirak ap han teweninek au, kakirkeik te hirak han tewenin God kerek hirak ap kerek wen au? Hirak han enuk keriuwe kirak yinak, hirak han tewenin God taauye! ²¹‡†Him im haiu metpiyem meke him me Krai man. Hiram mar im: Keimin han tewenin God hirak han tewenin kirak yinak.

Mit nises him me God naninin menmen enum me ti

5 ‡††Neimin han kitet Jisas hirak mitik God kehimitanek kakikaap haiu mit, hir nire nikerek ne God. Neimin han tewenin God Haai, hir han tewenin Nikan kirak. ²Haiu han tewenin God haiu mises him mirak te haiu mertei haiu han tewenin nikerek narak. ³‡†Haiu mses him me God te haiu han teweninek. Haiu han

teweninek te him mirak hiram menipai han enuk au. ⁴‡††Haiu han enuk au mentar haiu nikerek ne God te haiu maminin menmen enum me ti. Mamirkeik te haiu maminin menmen enum me ti? Haiu mises him me God hirak kekepai haiu mamininem. ⁵‡††Neimin naninin menmen enum me ti? Mit kerek han kitet Jisas hirak Nikan ke God kerekek hir keriyen naninin menmen enum me ti.

God kewepyapir menmen me Krai werek werek

⁶‡†††Haiu mertei Jisas hirak Nikan ke God kentar nipaa God keteiknaiyek me wi mitik Jon ketenen Jisas kikerek keriuwe tipar. Hirak pike keteiknaiyek me wi Jisas kaa hemkre mirak mewen. God Himin Yaaik hirak Haai ke him yaaim. Hirak kemipin au. Hirak katip Jisas hirak Nikan ke God. ⁷‡‡‡Menmen wikak meteiknaiyek. God Himin Yaaik keteiknaiyek. Menmen mitik Jon kiriakem wi kerek nipaa hirak ketenen Jisas kikerek keriuwe tipar hirak hiram meteiknaiyek. Im metike haiu han tewenin wi Jisas kaa hemkre mirak mewen. Menmen wikak im meteiknai menmen miutip me Jisas. Hiram matip Jisas hirak Nikan ke God. ⁹‡†††Haiu memtau him mit netpayem haiu misesim. Haiu memtau him me mit te haiu mamimtau him God ketpayem me Nikan kirak mentar him mirak minin him me mit. ¹⁰‡†††Te neimin nises him me God hir nertei nekre han kir him me God hiram yaaim. Nipaa God ketpim me Jisas kar ik: "Hirak Nikan kai." Neimin ap nises him me God hir ap nemtau him nipaa God ketpim me Nikan kirak. Mit in natip God kemipin. ¹¹God ketpai him im e. Hirak epei kekepei haiu mamu tipmain tipmain enum eik. Hirak kekepei keriuwet Nikan kirak kan kaa kentar nu tatarakit kesak menmen enum haiu miriakem. ¹²‡†††Keimin ketike Jisas tau han kiutip, hirak kaku tipmain tipmain enum eik. Keimin au, ap te kaku kaktikerek au.

Haiu emirtei haiu mamu tipmain tipmain enum eik

¹³‡†††Hi hewisi tiwei ik te yi mit kerek yises Nikan ke God yi eiyirtei yi yayu tipmain tipmain enum eik. ¹⁴‡†††Haiu ap yink enuk te haiu mitehi God me menmen mentar menmen im. Haiu mertei haiu mitiwekhi me menmen mises han kirak, hirak kakimtau him maiu. ¹⁵Haiu mertei hirak kakimtau menmen haiu mitiwekhiyem, te haiu mertei hirak kakweteiyem. ¹⁶‡†††Keimin kir kirak yinak kiriak menmen enum ap te mamriak hirekes kaki, hirak ekitehi God te hirak kakikepik te hirak kaku werek werek. Menmen ham mitik kiriakem hiram mamriakek kaki. Keimin kakriakem hirak kaki, te yi ap eiyitehi God ke mitik ik au emit! ¹⁷Menmen enum yapirwe mit niriakem meremir him me God. Te menmen enum im hir niriakem hiram mamnip God han enuk waswas te hirak kakriuwet mit nanino si waswas au. ¹⁸‡†††Haiu

† 4:8 1Jo 4:16 †† 4:9 Jo 3:16 ‡ 4:10 Ro 5:8-10; 1Jo 2:2 †† 4:11 Mt 18:33 ††† 4:12 Jo 1:18; 1Jo 2:5-6 †††† 4:13 2Ko 1:22; 1Jo 3:24 †††† 4:14 Jo 3:17 § 4:15 1Jo 5:5 ‡† 4:16 1Jo 4:8 ‡††† 4:17 1Jo 2:28 ‡† 4:21 Mt 5:44-45; Mk 12:29-31 ‡††† 5:1 1Jo 4:15 ‡† 5:3 Jo 14:15, 23-24; 2Jo 6; Mt 11:30

§† 5:4 Jo 16:33 ‡††† 5:5 Ro 8:37; 1Jo 4:4 ‡††† 5:6 Jo 1:29-34; 1Jo 1:7 ‡††† 5:7-8 Jo 15:26 18 5:9 Jo 5:32-37, 8:18 19 5:10 Ga 4:6 20 5:12 Jo 3:36 21 5:13 Jo 20:31 22 5:14 Jo 14:13, 16:23; 1Jo 3:21-22 23 5:16 Mt 12:31 24 5:18 1Jo 3:9; Jo 17:15

mertei keimin hirak Nikan ke God hirak kiriak menmen enum yapirwe au. God Nikan kirak hirak naanmipre mitik kar ik te Seten kakrekyiwek enum au. ¹⁹†Haiu mertei haiu ne God te mit han yapirwe nau ti Seten naanmipror hir nises him mirak. ²⁰††Haiu mertei Nikan ke God epei kan kekepei te haiu mertei God kiutip en kerekek. Ap keiyak au. Haiu metike God kiutip en

† 5:19 1Jo 4:6 †† 5:20 Jo 17:3

kerekek, haiu mau han kiutip en kerekek kepu hirak kekepai, haiu mamu tipmain tipmain enum eik. ²¹‡Nai yinan, yi eiweikin sip eiwet tipir.

Mepir keremem

‡ 5:21 1Ko 10:14

2 JON

Menmen me tiwei ik

Jon katip gude

r 1:1-3

r*

Yi eiyises menmen me han tewenin mit

r 1:4-6

r*

Yi naanempre hiras me him eenum me memipin

r 1:7-11

r*

Jon katip him mikaru

r 1:12-13

r*

1 †Hi mitik iuwe ke mit ne weiwik me God, hi hewis tiwei ik ken ti mite nipaa God kehimitenut ti niki pirak. Te ti kerepau. Ti hetike nikerek nit. Hi han tewenini iuwe. Hi kerekau. Hi hetike mit miyapir keriyen nises him me God. ² Haiu han tewenini mentar him yaaim me God mau mekre han kiau, mamu mamtikewai tipmain tipmain enum eik. ³ Hi hanhan God Haai ketike Nikan kirak Jisas Krai hiraakit han yaaik kirakit kaku kaktikewai. Hiraakit han teweninai te haiu mamu werek werek, mentar haiu mises him yaaim mirak haiu han teweninan.

Haiu hanhan mit

⁴ ††Hi hemtau nikerek nit han hir nises him me God mar ke nipaa hirak God ketpaiyem, te hi han yaaik iuwe. ⁵ †Te in ek mite yaaip hi pike hetput, "Haiu mit hanhanan." Him im me petepin au. Nipaa ein hiram mepu haiu memtewem me wi haiu mit minin mises him me God. ⁶ ††Haiu hanhan God te haiu emises him mirak. Nipaa him im hirak ketpaiyem hiram im: Haiu hanhanan.

Haiu emises him me Krai

⁷ ††Mit yapirwe epei newep nerer wit nemipin mit miyapir. Hir nepakin Jisas hirak keit yink kar ke haiu

† 1:1 1Pi 5:1; 3Jo 1 †† 1:4 3Jo 3 † 1:5 1Jo 2:7, 3:11 †† 1:6 1Jo 5:3 †† 1:7 1Jo 4:1-3

mit keriyen hirak kan ti ik. Mit nar ik hir enun newisesik, hir nepan ne Krai. ⁸ Yi naanempre hiras te yi ap eiyises menmen yar ke hir nisesim, te yi eiyiwaank menmen yaaim God kewisim mekre han ki. Yi eiriak menmen im te maain yi eiyit menmen yaaim yapirwe God kakwetiye. ⁹ †††Neiyin newis him ham mekre nimin me him me Krai, God ap kau ketikeri au. Neimin nises him im keremem me Krai, hirak God Haai ketike Nikan kirak tatu tatkiteri. ¹⁰ †††Neiyin nanin ap nises him me Krai mar im au, hir nises him ham, yi ap eiyitpor nanin nanikre winak ki au. Yi ap eiyitpor: "God kakikepi yi eiyu werek werek." Menmen im au emit! ¹¹ Keiyin kaktip mitik enuk kar ik: "Ti ehu werek werek," hirak kire wariyakit kirak ke menmen enum mitik ik hirak kakriakem.

Him ham hiram mikaru

¹² ††Hi hanhan hetpi menmen yapirwe te hi hinapen hewisim mau tiwei ik au. Hi hanhan anen ari te haiu emtipan menmen haiu emu han yaaik. ¹³ Nikerek ne heiyiuwe pit hir nesiuwe him netpi "Yi yaain."

Mepir keremem

††† 1:9 1Jo 2:23 ††† 1:10 Ef 5:11; 2Te 3:6 † 1:12 3Jo 13-14

3 JON

Menmen me tiwei ik

Jon katip mitik Gaias gude

r 1:1-4

r*

Jon kewenipi Gaias me menmen eyaaim hirak kiriakem

r 1:5-8

r*

Jon kene mitik Daiotrefis

r 1:9-10

r*

Jon kewenipi Demitrias me menmen eyaaim hirak kiriakem

r 1:11-12

r*

Jon katip him mikaru

r 1:13-15

r*

1 †Hi mitik iuwe ke mit ne weiwik me God, hi hewis tiwei ik ken ti Gaias. Hi han tewenit iuwe. ² Ti kai yaaik hi hanhan God kakikepit te ti ehu werek werek me menmen ti hiriakem. Hi hanhan ti yink kit kaku werek kar ke himin kit kepu werek werek, ti hises God. ³ ††Hi hertei menmen ti hisesim hentar nai yinan han nan netpo ti hises him me Kraiis werek werek. Hekrit hekrit ti hises menmen yaaim mar ik. ⁴ Menmen ham ti hiriakem hiram menipa hi han yaaik. Ti hises God werek werek te menmen im menipa hi han yaaik wisenuk.

Mit natip Gaias hirak yaaik kiriak menmen yaaim

⁵ Ti kai yaaik, ti hiriak menmen yaaim me God. Ti naanmipre mit nerer wit wit kerek newepyapir him me God. Ti hetari ninaan mir te ti epei hekepi. ⁶ †Naiu yinan han hir pike nan in natip haiu mit in ne weiwik me God hir netpai ti epei hekepi. Hi hanhan ti wen ekepi ewetir menmen me wi hir naninen te hir nanino nanrer wit wit nanwepyapir him me God. Menmen mar im ti erekyorem mamnip God han yaaik. ⁷ ††Hir ninaaiwir wit kir ik nen newepyapir him me Kraiis te hir ap nari menmen miutip me mit hir nises him me God au. ⁸ Te haiu hiras emkepi naanempror te haiu mamtikeri mamriak menmen miutip me him me God.

Him me Daiotrefis ketike Demitrias

⁹ Hi hewis him mau tiwei hesiuwerek ken mit ein ne weiwik me God. Te Daiotrefis hirak hanhan kakinin mit naanmamri. Hirak ap kemtau him mai kisesim au. ¹⁰ Maain hi anen arit, hi ewepyapir menmen hirak kiriakem. Hirak kesiuwe him weinim katip haiu mit in enum enum. Te im keremem au. Hirak ap kari naiu yinan han newepyapir him me God kewisi nen winak kirak au. Te mit han hir hanhan nanwisi nanikre winak kir, hirak keweni. Hirak keweni keriyen au, hirak kepiri nenpin nekepin winak mit nererik newenipi God neitak.

Demitrias kiriak menmen yaaim keremem

¹¹ ††Kai yinak ti eriak menmen enum ehisesim au emit! Ti eriak menmen yaaim ehisesim keremem. Keimin kiriak menmen yaaim kisesim, hirak mitik ke God. Keimin au, hirak au. ¹² †††Mit yapirwe in hir natip Demitrias hirak yaaik. Him hirak kewpyapirem hirekes kisesim. Haiu mit in matip hirak yaaik. Ti hertei menmen haiu metpiyem hiram yaaim.

Him ham hiram mikaru

¹³ †††Hi hanhan etput him yapirwe te hi hinapen ewisim mau tiwei ik au. ¹⁴ In ek hi anen arit te hawir

† 1:1 2Jo 1 †† 1:3 2Jo 4 † 1:6 Ta 3:13 †† 1:7 1Ko 9:12, 15

†† 1:11 1Jo 3:6-10 ††† 1:12 Jo 19:35 ††† 1:13 2Jo 12

watipakit menmen. ¹⁵ Hi hanhan ti ehu werek werek.
Nit yinan in netput nar ik: "Ti yaaik." Ti atip niau yinan
ein "Hir yaain."

Mepir keremem

JUT

Menmen me tiwei ik

Jut katip mit ne weiwik me God gude

r 1:1-2

r*

Him me menmen enum mit enun enemitetpin hir nisesim

r 1:3-13

r*

Maain God kakiwaank mit enun ekerek hir nemitetpin

r 1:14-16

r*

Jut katip mit hir nenises him eme God werek werek

r 1:17-23

r*

Jut kitehi God naanmampre mit

r 1:24-25

r*

1 [†]Hi Jut, hi hiriak menmen me Jisas Kraiss, hi nikik ke mitik niuk mirak Jems. Hi hewis tiwei ik hesiuwerek ken yi mit nipaa God kehimiteni yi yisesik, hirak han tewenini, Jisas Kraiss hirak naanmipri. ^{2 ††}Hi hanhan God hirak kakrekyi yaaim, han tewenini, yi eiyu werek werek wisenum.

Mit neweikin sip newet him yaaim me God hir niriak enum mar im

^{3 †}Nai yinan yaain, hi hanhan hewis tiwei hesiuwerek ke menmen yaaim God hirak kerekyeyem kaktaihis, te hi han kitet hetpi menmen ham hetpi him manp. Yi han tokik eiyu eiyises him yaaim nipaa God kewet haiu mit nisesik, hirak keweteyem miutip. ^{4 ††}Hi hewisiyem hentar mit han nisawin menmen hir nisesim mekre han kir nan nau netikewi nekre winak ke yi yewenipi niuk me God yekrerek. Nipaa him me God mit newisim mau tiwei matip mit nar ik God kakiwaanki. Mit nar ik neweikin sip newet God neweikin him mirak yaaim mamkepi, hir niriak enum neriuwerem hir nises menmen enum me neiyewewan. Hir neweikin sip newet Jisas Kraiss, hirak kerekek naanmiprai hirak kaiu Iuwe. ^{5 ††}Yi epei yertei werek him yaaim me God hir mit nepei netpiyem te hi hanhan pike ekekyi han ki heriuwe him im. Nipaa Mitik Iuwe kari mit ne weiwik me Isrel neit wit Isip, ketorhis kerik ken. Te maain, hirak kenep mit

han hir nisesik au. ^{6 †††}Nipaa mit ensel han hir ap nises menmen werek God epei kehimitenorem au. Hir ninaaiwir menmen God kehimitenorem metike wit hir newik, te God kewisi naanmipror nekre wit enuk toto nire mit enun nekre winak enuk ke gavman, hir nemerir wi God skelim mit. ^{7 †††}Hi hikiak han ki hetpi him me mit ne wit Sodom, wit Gomora netike mit ne wit kike meweikin wit iuwe. Hir enun nire mit enun in ek hir nau netikewi. Hir niwaai netike mit han, miyapir au, te menmen enum im merekiror han. God kewaanki keriuwe si enum mar ke si enum mamu tipmain tipmain enum eik. Menmen im em God kerekyorem hiram mire himin meteiknai mekam maain mamnen mamnep mit enun. ^{8 †}Mit enun nau netikewi nekre winak yi yewenipi God yekrerek, hir niriak enum nar ke mit enun ne wit Sodom. Mit in nentar menmen hir nityak nirem, hir niriak enum me neiyewewan, hir neweikin sip newet God kerek naanmipri, hir natip netawin mit ensel ne wit ke God. Te ensel kerek ninin mit in hir ap niriak menmen mar im au. ^{9 ††}Nipaa Maikel hirak mitik ensel iuwe kinin, hirak ketike Seten tatipakit tenehakit keimin kakit yink ke Moses hirak kaa. Maikel kertei hirak ap yaaik te hirak kene Seten kesiuwe him enum au. Hirak kerekek katip kar ik: "Mitik Iuwe God kaknit me him mit enum." ^{10 †††}Te mit enun nau netikewi nekre winak yi yewenipi niuk me

† 1:1 Mt 13:55 †† 1:2 2Pi 1:2 † 1:3 1Ti 1:18 †† 1:4 Ga 2:4; 2Pi 2:1 †† 1:5 2Pi 1:12; Eks 12:51; 1Ko 10:5

††† 1:6 2Pi 2:4, 9 ††† 1:7 Jen 19:1-25; 2Pi 2:6, 10 † 1:8 2Pi 2:10 †† 1:9 Dan 10:13, 21, 12:1; Rev 12:7; 2Pi 2:11; Sek 3:2 ††† 1:10 2Pi 2:12

God yekrerek, hir natip enum me menmen hir nepi-tariyem. Me menmen hir nerteiyem nisesim nar ke miyak hir neke yaank nises han kir niriakem, menmen im hir mit niriakem nisesim hiram mamiwaanki. ¹¹ †Hir naniwaank hiras. Hir nises menmen enum mitik Ken nipaa kiriakem, hirak han tewenin God o mit au. Mit in neweikin han kir nises menmen enum nipaa mitik Belam kisesim kempin mit ne Isrel keriuwerem te hir nises menmen enum. Hirak kiriak menmen ik kentar hirak hanhan kakit pewek. Hir naniwaank hiras nentar hir niriak enum nar ke nipaa Kora kiriakem me wi hirak kare kakikrehir ke mitik Moses, hirak katip kakininek te God au kakip kaa. ¹² ††Mit in nemipin hir nire nan misawin mekre wan te sip mamnen mamnep nan te hiram mamwep. Mit nar ik netikewi yaam menmen me han tewenin nipaa Kraiss kaa, hir ap nineini yi yaineri au. Hir naanmipre hiras keriyen. Hir nises him ham him ham hir nar ke napi hawi kewik au te nime metitiwek meriuwetek kakno. Mit hir enun ap nankaap mit nar ke nu mari nikim au me wi maain mit nertei hiram mamri. Hir mit nire nu epei kaa, mit han niwaai hine newepuk puk mirak nentar hiram ap mari mekepi au. ¹³ †Mit in nemipin hir nire mani sir iuwe. Menmen enum hir niriakem hiram mire tiwerpek me mani sir mit nirem. Mit hir neweikin sip newet him yaaim me God te hir nire hir mau nepni minaiwir kerek epei mewiyen, hiram menep men han han. God kehimitan wit kire wit toto enum ke mit in te hir enu enit tipmain tipmain enum eik.

God kakrekoyor enum me menmen enum hir mit nisesim

¹⁴ ††Nipaa enum eik mitik niuk mirak Inok hirak Adam nepenyek kirak, hirak kewis him mau tiwei katip kar ik: "Yi eiyimtwem. Mitik Iuwe kaknen kaktike mit narak yaain ensel, ¹⁵ hir naninen skelim mit nanwepyapir menmen enum hir niriakem nanwepyapir him enum nipaa hir netpim men God." ¹⁶ ††Mit in nemipin hir netpepan nemipinan han enuk neriuwe menmen epei man. Hir nises han kir keriyen. Hir natip him iuwe newenipi hiras natip hir yaain, hir nemitetpin nanri han ke mit han te hir enit menmen mir hir hanhanem.

† 1:11 Jen 4:3-8; 1Jo 3:12; 2Pi 2:15; Nam 31:16; Nam 16:1-35
 †† 1:12 2Pi 2:13, 17; Esi 34:8 † 1:13 Ais 57:20; 2Pi 2:17 ††
 1:14 Jen 5:21-24; Diu 33:2; Mt 25:31 †† 1:16 2Pi 2:10, 18

Yi han tokik eiyu eiyises him yaaim me God

¹⁷ ††Te yi mit au. Yi wen han ekitet menmen nipaa mit aposel kerek Jisas Kraiss kehimiteni hir newepyapir him mirak haiu epei metpi hiram mamnen. ¹⁸ †††Hir netpi wi maain menep Jisas pike kaknen, mit han naninwesis nanitetnaan mit kerek hir nises him me God, hir nanises han kir enuk. ¹⁹ †Mit in keriyen hir nanwep haiu mit miyapir ne weiwik me God maminke hasinaiu. Hir nanises menmen mit ne ti hir hanhanem. God Himin Yaaik kaku han kir au. ²⁰ ††Te yi nai yinan yi eikaapan hiras eiyises him yaaim iuwe me God in ek yi yisesim. Yi yitehi God menmen, yi yewis God Himin Yaaik kirak kakikepi. ²¹ Yi eiyises God werek werek te hirak kakteikni hirak han tewenini. Yi yemerir wi maain Mitik Iuwe kaiu Jisas Kraiss pike kaknen kakrekoyi yaaim te yi yayu yaitikerek tipmain tipmain enum eik. ²² Yi han twein yikaap mit kerek nises God te mit han nari han kir nanises menmen enum. ²³ †††Yi yekepi yari mit han kir te hir enaiwir menmen enum eiyir ke mitik hirak kekin menmen yaaim minatn mekre si waswas. Mit han yi han tewenini yekepi yari han kir te hir enaiwir menmen enum, yi naanempre hiras te menmen enum hir nisesim ap te mamri han ki yi eiyisesim au emit!

Jut kewenipi niuk me God

²⁴ ††Hi hanhan God hirak Iuwe te kakikepi yi ap eiyises menmen enum, hirak iuwe te kakwisi yi han yaaik prar prar einen eiyirp ninaan mirak me wi hirak skelim mit te yi yink enuk eiyu au. Yi han yaaik iuwe eiyu. ²⁵ †††Hi hanhan haiu mewenipi niuk me God hirak kiutip kerek epei kekepai ketaihis keriuwe menmen yaaim nipaa Mitik Iuwe kaiu Jisas Kraiss kerekoyiyem. Hi hanhan hirak kakre Mitik Iuwe kaku, hirak naanmipre menmen, hirak yaaik kinin menmen yapirwe, niuk mirak iuwe. Nipaa enum eik hirak kepu karik. Nipaa ein ere in ek ere maain tipmain tipmain enum eik, hirak kakpau kakpar ik.

Mepir keremem

††† 1:17 2Pi 3:2 ††† 1:18 2Pi 3:3 § 1:19 1Ko 2:14 †† 1:20
 Kl 2:7; 1Te 5:11 ††† 1:23 Emo 4:11; Sek 3:2; Rev 3:4 §† 1:24 Fl
 1:10; 2Pi 3:14; 1Te 5:23 §†† 1:25 Ro 16:27; 2Pi 3:18

REVELESEN

Menmen me tiwei ik

Jon katip mit ne sios gude

r 1:1-8

r*

Jon kinin kityak kir menmen, ehirak kewis him men sios mar 7

r 1:9-3:22

r*

Him me tiwei ketike tirhin mar 7

r 4:1-8:1

r*

Him me taur mar 7

r 8:2-11:19

r*

Him me kirin ketike miyak wik

r 12:1-13:18

r*

Menmen ham Jon kityak kirem

r 14:1-15:8

r*

Sar mar 7 menmen mekrerem emeteiknai God han enuk

r 16:1-21

r*

God kewaank wit Babilon, miyak enuk wik etetike Seten

r 17:1-20:10

r*

Him me God skelim mit yapirwe

r 20:11-15

r*

Him me nupela nepni, metike ti, metike ewit hak Jerusalem

r 21:1-22:5

r*

Him me Jisas pike kaknen

r 22:6-17

r*

Jon katip mit him mikaru

r 22:17-21

r*

Him me tiwei ik

1 †Tiwei ik hirak ke him nipaa misawin meit, te in ek God kewepyapirem katip Jisas Krai em. Hirak kewepyapirem ketpiwewem te Jisas kakteikin mit kerek nisesik kakteiknorem kakitpor menmen te menep

† 1:1 Dan 2:28-29; Rev 1:19, 22:6

mammen. Krai hirak keriuwet mitik ensel kiutip kewepyapirem ketpo hi Jon em, hi hirak menmen me Mitik Iuwe Jisas Krai. ²Hi Jon hi hewis menmen yapirwe hi epei hirem. Hi hetpi him manp hi hemipin au. Him im hiram him God ketpim mekite him Jisas Krai hirak keriuwet mitik ensel kirak kan kewepyapirem ketpewem.

³ †Mitik kerek hirak kakikine him im mamno nikip me mit miyapir ne God, hirak han yaaik kaku. Mit miyapir kerek hir nemtau him im kerek God kewepyapirem maain hiram mamnen, hir enisesim werak werak, hir han yaaik nanu. Hir han yaaik nanu nanintar wi menep te menmen im mamnen.

Jon kewis tiwei ik ken mit nises God neit wit hispinak wik (7)

⁴ ††Hi Jon hi hewis tiwei ik ken yi mit miyapir han yi ne weiwik me God yi yeit wit hispinak wik(7) me provins Asia. Hi hanhan God kerek nipaa kepu ere in kepu maain kakpau, hirak kakrekyi yaaim yi eiyu werak werak. Himin hispinak wik (7) yaain nerp ninaan mirak menep yeno hirak kewim naanmirai haiu mit hir nanrekyi yaaim yi eiyu werak werak. Hi hanhan hir nantike Jisas Kraiss hir nanrekyi yaaim yi eiyu werak werak.

⁵ †Krais hirak kewepyapir werak werak him me God. Hirak Mitik ik kerek kaa God kinin kikiak hirak kekrit kau keit. Hirak Mitik Iuwe kakinin naanmamre mit iuwe kerek naanmamre mit nanu ti. Hirak hanhan keriuwai, hirak kesak menmen enum mekre han kiau kentar hirak kaa hemkre mirak mewen. ⁶ ††Hirak kenipai haiu mit haiu mire mit iuwe ne weiwik mirak, haiu mit niutip niutip haiu mitehi God kakikaap mit mamir ke pris nanriakem te haiu mamrirak menmen me Haai kirak God. Hi hanhan Jisas Kraiss kakit niuk iuwe, hirak naanmipre mit, hirak kakre iuwe tipmain tipmain enum eik.

⁷ ††Yi eiyimtwem! Hirak Kraiss kaknen kakrau napi. Mit miyapir yapirwe maain nanirek nanriuwe nanamir kir. Hir nantike mit ne Isrel kerek maamrer nir nipaa hir nakip nau hirepit mirak, hir nanirek, te hir yapirwe nau ti nankitek nanintar hir nanineinik kakriyei nanino ninaan me God. Hi hanhan menmen im mamnen. Hi hetpi werak.

⁸ ††“Hi God kerekek hi hiriak menmen yapirwe te menmen yapirwe mamwenipi niuk mai.” God iuwe naanmipre menmen yapirwe kerek nipaa kepu ere in kepu maain kakpau, hirak katip menmen im.

Jon kepu kityak kir Kraiss

⁹ ††Hi Jon hi ki yinak. Hi etikewi haiu mit ne Jisas. Hi etikewi mit han neraiwaank te haiu mises menmen me God haiu minakin tokim emisesik. Hir mit ne Gavman nepira newisa hi heit winak enuk heit wit wan kimaak keketik niuk mirak Patmos, hentar hi ewepyapir him me God hi hatip mit hi hises menmen nipaa Jisas hirak ketpim. ¹⁰ Me wi Sande hiram wi me Mitik Iuwe, God Himin Yaaik kan kentar han kai te hi hepu hityak hi hemtau him ke mitik keit sip kai hirak katip him iuwe kewen ken yanimin kire tukin. ¹¹ Hi hemtau mitik eik katip kar ik: “Ti ewis menmen yapirwe ti ehirem hiram mamu tiwei. Epei au, ti esiuwerek kakno mit miyapir

† 1:3 Rev 22:7, 10 †† 1:4 Eks 3:14-15; Rev 3:1, 4:5, 8, 5:6, 11:17, 16:5 † 1:5 Jo 18:37; Rev 3:14, 17:14; Kl 1:18; Sam 89:27; 1Jo 1:7, 4:10 †† 1:6 1Pi 2:5, 9; Rev 5:10, 20:6 †† 1:7 Mt 24:30; Jo 19:34-37 ††† 1:8 Rev 4:8, 15:3, 21:6, 22:13 ††† 1:9 Rev 6:9

ne weiwik me God hir nises him mirak hir nau neit wit hispinak wik (7) im e: Wit Efesas, wit Smena, wit Pegamam, wit Taiataira, wit Sadis, wit Filadelfia mekite wit Leodisia.”

¹² Hi heweikin ehir keimin kerek ketpo him. Hi heweikin epei au, hi hir gol miwapin lam hispinak wik (7) hiram mau. ¹³ †Kekre nimin ke lam me gol keiyak kerp keweikin kire mitik. Hirak kamir laplap iuwe nokim ere miwapin hit mirak; Hirak kakir let me gol hiram meweikin hirepit mau han pank kirak. ¹⁴ ††Maat kirak ketike paan kirak hirak hike kire napi o hore hike yiwau. Nanamir kirak kerhihe kire si te hirak kakir menmen yapirwe mekre han ke haiu mit. ¹⁵ †††Hit mirak mire ain mit newisim mekre si maain metir hir nesim ere hiram mir. Hi hemtau him kirak hirak katip him iuwe kewen ke yanimin kar ke hitik siurik mirire.

¹⁶ ††Hirak ketenen hir mar hispinak wik (7) mekre his yaaim mirak. Menmen mire hine me his katin ken pinak ken pinak metpaan moke him kirak. Ninaan mirak hiram mir mar ke wepni kir kau niminiuwe ek.

¹⁷ †††Hi hirek, hi henkewin menep hit mirak har ke mitik epei kaa. Te hirak kewis his yaaim mirak mentera hirak ketpo kar ik: “Ti ap enapen. Hi mitik kerek nipaa menmen ap mepu, au hi hepu, hi maain apau. Hi Jisas kerekek. ¹⁸ Hi kerekek hi hepu. Nipaa mit neiyep hi haa te in ek ti hira. Hi ahu tipmain tipmain enum eik. Hi kerekek hi iuwe te hi enip mit miyapir kerek naa hir nanino si o au en, hir nanino wit ke God nanu werak.

¹⁹ ††Te ti ewis menmen mamu tiwei maain ti ahirem. Menmen in ek mepu metike menmen maain mamnen. ²⁰ ††Hir mar hispinak wik (7) ti hirem mau his yaaim mai hiram metike lam gol mar hispinak wik (7), hiram mire tok piksa im. Hir hiram mire mit iuwe hir naanmipre mit miyapir ne weiwik me God nau wit hispinak wik (7). Lam gol hiram mire mit miyapir ne God nau neit wit hispinak wik (7).

Jisas katip him men mit miyapir ne God nau neit wit Efesas

² †††Ti ewis him meiyam im mamno mitik iuwe kerek naanmipre mit miyapir ne sios o weiwik me God nau neit wit Efesas. Ti ewis him im:

“Him im hiram him me hi Mitik Iuwe kerek hi hetenen hir mar hispinak wik (7) mau mekre his yaaim mai. Hi heke ti hepno in hepno ein hitet nimin ke yi mit miyapir ne God yapirwe ne provins Asia yi yire lam gol mar hispinak wik (7). Hi etpi him im.

² †††Hi hertei menmen yi yiriakem. Hi hertei menmen enum epei man yi mit te yi yinakin tokim yisisa yewepyapir menmen mai yi yiriakem yapirwe. Hi hertei yi yinapen mit enun kerek hir netpi nar ik: ‘Haiu mit haiu aposel mire mit han!’ Yi epei yemtau menmen hir netpim, menmen hir niriakem, te yi epei han kitet

§ 1:13 Dan 7:13, 10:5 †† 1:14 Dan 7:9, 10:6; Rev 2:18, 19:12 ††† 1:15 Rev 14:2 †† 1:16 Rev 1:20, 2:12, 16, 19:15, 21; Hi 4:12 ††† 1:17 Ais 44:6, 48:12; Rev 2:8, 22:13 †† 1:19 Rev 1:1 †† 1:20 Rev 2:1, 3:1 ††† 2:1 Rev 1:16, 20 ††† 2:2 Rev 2:19, 3:1, 8, 15; 1Jo 4:1

mit in te yi yertei hir ap mit aposel au. Hir mit enun nemipin. ³ Menmen enum epei man menep yi mit mentar yi yises him mai. Yi ap yinapen menmen im te yi yeweikin sip yeweto au. Yi yinakin tokim yi wen eiyises him mai. ⁴ Te hi han enuk heruwi hentar menmen im. Nipaa yi yinin yises him mai, yi hanhan yeriua wisenum, te in ek au kike. ⁵ †Yi han ekitet nipaa yi hanhan yeriua wisenum te in ek yi pike hanhan yeriua yar ke nipaa yi yisesim. Yi yire mit hir nau niu hir nenke nen ti heik. Yi pike eiyises menmen yaaim nipaa yi yinin yisesim, o au en, hi pike anen eiwep eriwaank. Menmen in hiram mar ke hi enen enke lam mi me wit hiram mewi hi eiyim eno. ⁶ ††Te menmen miutip yaaim hi han yaaik yi yisesim hiram im. Yi yinapen menmen enum mit kerek nises him me Nikolas hir niriakem. ⁷ †Yi eiyimtau han ekitet werek menmen God Himin Yaaik ketpim men yi mit miyapir yapirwe ne weiwik me God. Yi mit miyapir kerek yisisa werek werek ere yi yayi yi hekrit hekrit eiyinin menmen enum mamnen mamri han ki te maain God kawisi yi eiyu ni mirak yi yayim nikim me nu kerek kakikaap himin ki te yi mit yayu yayit tipmain tipmain enum eik.

Jisas katip him men mit nises him me God nau neit wit Smena

⁸ †Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Smena. Ti ewis him im mar ik: "Him im hiram him me hi mitik kerek nipaa menmen ap mepu wen au hi hepu, maain hi apau. Hi kerekek nipaa mit neiyep hi haa, hi pike hekrit hau.

⁹ †Hi hertei yi mit enun ap yetenen menmen yapirwe au, mit nerekyi enum yentar yi yises him mai (te yi yetenen menmen yapirwe yaaim me God.) Hi hertei him enum mit netpiyem. Hir natip hir ne weiwik me Isrel, te hir keriyen God kehimiteni hir nirak te hir ap nisesik au. Hir nererik nau winak kir nekine him me Moses, te hir ap nises God au. Seten kari han kir hir mit nirak. ¹⁰ ††Yi ap yinapen menmen enum mit menep nanrekyiyem. Eiyimtwem! Seten kakri han ke mit te hir nantihis mit han ne yi mit nanwiri yaino winak enuk, te hir naninin han ki yi yayisisa werek werek o au. Hir nanriwaank me wi hiswiyen (10). Yi eiyisisa werek werek te mit naniwep yi yayi, te maain hi ewisi yi yayu yaitikewa tipmain tipmain enum eik.

¹¹ †††Yi eiyimtwem han ekitet werek werek menmen God Himin Yaaik hirak ketpim me yi mit miyapir ne weiwik me God. Yi mit miyapir kerek hekrit hekrit eiyinin menmen enum mamri han ki, maain menmen enum me si tatiknen mit ap te mamiwep yi mit yaain narik au. Yi eiyu werek werek.

Jisas katip him men mit nises him me God nau neit wit Pegamam

¹² †Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Pegamam. Ti ewis him im mar ik: "Him im hiram him me hi mitik kerek hi hetenen hine ke his katin keke pinak keke pinak hirak tiknuk enuk.

¹³ ††Hi hertei wit kerek yi yewi hirak wit enuk kerek Seten kan kinin naanmipre mit. Yi yapirwe yi yises him mai werek werek. Me wi mit enun nenep mitik kai yaaik Antipas kerek hirak kewepyapir him mai katip mit em, hir nakip keit wit yi yewi, hirak wit kerek Seten kan kinin naanmipre mit. Yi ap yeweikin sip yeweto au, yi wen eiyisisa. ¹⁴ †††Yi yaain te hi han enuk heriuwi me menmen ham im e. Mit han ne yi mit yeit Pegamam hir nises menmen me Belam. Nipaa enum eik hirak keteikin mitik Belek karkeik te hirak kakri han ke mit ne Isrel te hir niriak menmen enum. Hir naam menmen mit newepwarem newet tipir em, hir netike miyapir hir nariyanhis neweninem. ¹⁵ Mar im yi yewis mit enun narik hir nau ninin ke yi mit. Hir nises him enum mit ne Nikolas hir netpiyem. ¹⁶ ††Yi eiweikin sip eiwet mit enun nises him me Nikolas hirak ketpim yi eipiri eninopin, o au en, hi enen waswas anep mit in nises him enum. Hi atip him meke him kai mamnen mamriwaank mamir ke hine ke his kaknep mit hir nani.

¹⁷ †††Yi eiyimtau han ekitet werek menmen God Himin Yaaik hirak ketpim men yi mit miyapir ne weiwik me God.

"Yi mit kerek yayinin menmen enum mamri han ki maain hi eweti menmen yaaim ham mire menmen mana misawin meit wit kai. Hi eweti niutip niutip menmen im metike nan mire hike hiram meteikni hi hanhani. Niuk ham yaaim mamwik mit han ap te nanirtei niuk miram au. Mitik kerek hirak kakit nan, hirak kerekek kakirteiyem.

Jisas katip him men mit nises him me God nau neit wit Taiataira

¹⁸ †Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Taiataira. Ti ewis him matip mar ik:

"Him im hiram him me hi Nikan ke God. Hi nanamir kai kir kar ke si merhihe te hi hir menmen yapirwe mekre han ke mit, hit mai tokim hiram yaaim mar ke kapa yaaik hike enuk.

¹⁹ †Hi hertei menmen yi yiriakem. Hi hertei yi hanhan yeriuwe mit han. Hi hertei yi yises him mai werek werek, yiriak menmen yaaim, yi yinakin tokim me menmen enum epei man o menmen enum mit nerekyiyem. Hi hertei menmen in ek yi yiriakem hiram yaaim iuwe minin menmen yaaim nipaa yi yinin yisisa yi yiriakem. ²⁰ ††Menmen yi yiriakem hiram yaaim te hi

† 2:5 Rev 2:16, 22, 3:3, 19 †† 2:6 Sam 139:21 † 2:7 Jen 2:9; Rev 22:2, 14, 19 †† 2:8 Rev 1:17 †† 2:9 Je 2:5; 2Ko 11:14-15; Rev 3:9 ††† 2:10 Mt 10:28; 2Ti 4:8; Je 1:12; Rev 3:11 ††† 2:11 Rev 20:14, 21:8

§ 2:12 Ais 49:2; Rev 1:16 † 2:13 Rev 3:8 †† 2:14 Nam 25:1-2, 31:16; 2Pi 2:15 † 2:16 Rev 1:16, 3:11, 22:7, 12, 20 ††

han enuk heriuwi me menmen miutip im. Yi wen yewis mite enu eip hire wire mite hap enu niuk mire jesebel, hire wewisesik watip hire wire profet, hire wen wau wetikeri. Hire watip hire profet te hire wari han ke mit weriuwe him hire wetpim. Hire watip wenip mit miyapir han kerek nises him mai, hir niriak enum nariyanhis neweninem, hir naam menmen mit hir epei newepwarem newet tipir em. ²¹ Hi himat wi ham te hire weweikin sip wewet menmen enum im, te hire au winapen. ²² Hire au winapen weweikin sip wetikeri niriak menmen enum hir nisesim te maain hi anip mite ip wetike mit miyapir han hir nises him mire, hi anipi hir naninap naniwaank hir han enuk wisenum. ²³ Hi anep nikerek nire hir nani naninektin (o witenun) te yi mit miyapir ne weiwik miutip me God yerer wit wit yi yayirtei hi kerekek hi hertei menmen mekre han ke yi mit te hi areyki menmen yaaim o enum mamrer menmen enum yi yiriakem.

²⁴ "Te yi mit han yeit Taiataira, yi ap yises him mire enum au. Yi ap yises menmen im mit nekinaam hiram menmen iuwe te hiram menmen enum me Seten hiram misawin meit mire henye enum. Hi ap hetpi hi hanhan yi eiriak menmen ham mamtike menmen in ek yi yiriakem. Hi hinapen yi han enuk eiriuwere. Au, hi hetpi him im: ²⁵ "Yi wen eiyises him yaaim im kerek in ek yi yisesim ere hi pike anen awepyapir hirekes. ²⁶ Yi mit miyapir kerek hekrit hekrit yi eiyinin menmen enum mamnen mamri han ki yi mit in hi eweti menmen mai iuwe te yi yayinin naanmamre mit nanrer wit wit. ²⁷ Menmen hi ehimiteni yi eiriakem hiram mamir ke menmen Haai kai kehimitenewem hi wen hipriakem. Yi mit yayinin naanmamre mit hir nanikre-hir ki naninini au. Yi eiyinini eiwaanki eiyir ke mitik hirak ketenen paap yoki keiyik kaknep min hirak kereprir kike kike. ²⁸ Hi ewisi yi eiriak menmen im metike hi eweti saaur me nepni. ²⁹ Yi eiyimtau han ekitet werek werek menmen God Himin Yaaik hirak ketpim men yi mit miyapir ne weiwik me God.

Jisas katip him men mit miyapir ne weiwik me God nau neit wit Sadis

3 ³ "Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Sadis. Ti ewis him matip mar ik:

"Him im hiram him me hi kerek himin yaaik mar hispinak wik (7) me God mewa, hi naanmipre hir mar hispinak wik (7) hir nire mit iuwe naanmipre yi mit ne weiwik me God. Hi hetpi him im. Hi hertei mit yapirwe hir han kitet yi yiriak menmen yaaim yi yisisa werek werek te yi au. Yi yire mit epei naa. Yi yiriak menmen mai au. ² Yi eiyikrit han ekitet menmen werek werek. Menmen me him me God yi wen yisesim, yi einakin tokim eiyisesim werek werek. Menmen mekre han ki yi yisesim

^{2:17} Jo 6:48-50; Ais 62:2; Rev 3:12, 19:12 §† 2:18 Rev 1:14-15 §† 2:20 1Kin 16:31; 2Kin 9:22; Rev 2:14 † 2:23 Sam 7:9; Jer 11:20, 17:10; 2Ti 4:14; Rev 20:12-13 †† 2:25 Rev 3:11 † 2:26 Sam 2:8-9 †† 2:27 Rev 12:5 †† 2:28 Rev 22:16 ††† 3:1 Rev 1:4, 16, 2:2

hiram mar ke mitik menep te kaki. Hirak ap kakriak menmen werek werek au. Hi hetpiyem hentar hi ap hir menmen miutip me menmen yapirwe yi yiriakem te God kai kaktip hiram yaaim werek werek au. ³ ³ Yi han ekitet kerek nipaa yi yinin yemtau him mau yaaim, yi hanhan yisesim werek werek. In ek yi eiweikin sip ei-wet menmen enum, yi eiyises him yaaim mar ke nipaa yi yisesim, o au en, hi hire mitik enuk kekintip menmen, hi ap etpi wi kerek hi anen. Hi anen erekyi yi mit miyapir en menmen enum ehiwaanki. ⁴ ⁴ Te mit han ne yi mit yeit wit Sadis yi ap yiriak menmen enum au. Yi yaain yire klos kere mit neriuwetem ap hapik mewim au. Yi mit yar ik maain yi yaitikewa haiu mamriuwet menmen yaaim mire hike mamu mamit. Maain yi eiriak menmen im eiyintar yi mit yaain yises him me God werek werek. ⁵ ⁵ Yi mit miyapir kerek hekrit hekrit yi eiyinin menmen enum mamnen mamri han ki te God kakwisi yi eiriuwet klos mire hike. Hi ap ahisak niuk mi mau tiwei meit wit te God matip mit miyapir kerek hir nisesik au. Maain hi ehit niuk mi atip God Haai kaktike mit nirak ensel har ik: 'Mit in hir mit nises him mai hir mit nai.'

⁶ "Yi mit eiyimtwem han ekitet werek werek menmen God Himin Yaaik ketpim men yi mit miyapir ne weiwik me God.

Jisas katip him men mit miyapir ne weiwik me God nau neit wit Filadelfia

⁷ ⁷ "Ti ewis him im mamno mitik iuwe kerek naanmipre mit miyapir ne weiwik me God nau neit wit Filadelfia. Ti ewis him matip mar ik:

"Him im hiram him me hi kerek hi Mitik yaaik God kehimitena hi kirak hi Haai ke menmen yaaim. Hi hetenen ki mekre his mai hi hatip neimin hir nanino nimin ke wit Jerusalem hak har ke nipaa hirak mitik iuwe King Dovit ketenenim katip neimin nanino nimin wit Jerusalem hirak kewik. Ki im emkaiu weipir ke wit yaaik Jerusalem hak keit wit ke God. Hi ekaiu weipir mit ap te hir naniyepetek au. Hi aiyepetek te mit han ap te nankaiuwek taau. Hi kerekek hi hetpi him mai im:

⁸ ⁸ "Hi hertei menmen yi yiriakem. Yi eiyimtwem. Hi hari han ke mitik hirak kar ke hi epei enke weipir te yi mit eino eirer wit wit eiwepyapir him me God. Mit han ap te naniyepet weipir nanweni yi eiriak menmen im. Hi hertei yi ap yetenen menmen mai iuwe au, kike keremem, te yi yises him mai werek. Yi ap yepakin yi yisisa au. Yi yewepyapirem ⁹ ⁹ Yi eiyimtwem! Yi yertei mit hir nererik nau winak nekine him me Moses. Hir natip hir keriyen God kehimiteni hir nirak nentar hir ne weiwik me Isrel, hir nises God werek werek. Hir au, Seten kari han kir hir mit nirak. Hir nises menmen enum me Seten. Maain hi anep mit in hir naninen nanwen ninip nanu menep hit mi nantip hi hanhan heriuwi yi mit yi keriyen nai. Hir mit en au. ¹⁰ ¹⁰ Maain wi enum mamnen te God skelim mit miyapir ne ti te hir

††† 3:3 Rev 2:5; 1Te 5:2 § 3:4 Ju 23 §† 3:5 Rev 7:9; Lu 10:20; Mt 10:32 §†† 3:7 Ais 22:22 §† 3:8 Rev 2:2; 1Ko 16:9

enweikin sip enwet menmen enum hir enisesik. Me wi im, hi naanmipri me menmen im yi yayu werek yayintar yi epei yises him mai hi nipaa hetpiyem. Nipaa hi hetpi har ik: "Mit nanrekyi enum yi einakin tokim eyisisa werek werek. ¹¹ Hi pike anen waswas. Yi wen eyises menmen werek werek in yi yisesim te mit han kerek nisisa werek werek hir ap nanikrehir ke yi mit nanit menmen yaaim hi awetiyem te yi yaitikewa haiu mamu mamit wit ke God. ¹² Mit miyapir kerek hekrit hekrit hir naninin menmen enum mamri han kir, maain hi arekyor hir nanu nanit winak ke God nanir ke teinik mitik hirak ketenen pak, hir mit nanu winak yaaik God kewik ap te naninaiwirek taau. Maain hi awis niuk me God kai ketike niuk me wit ke God kaiu emu yink kir. Wit ke God kaiu hirak Jerusalem hak kerek maain kakikiuwe wit ke God kaknen. Hi awis niuk mai yaaim ham emu yink kir. Menmen im meteikin yi mit nai.

¹³ "Yi mit eyimtau han ekitet werek werek menmen God Himin Yaaik ketpim men yi mit miyapir ne weiwik me God.

Jisas katip him men mit miyapir ne weiwik miutip me God nau neit wit Leodisia

¹⁴ Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Leodisia. Ti ewis him matip mar ik: "Him im hiram him me hi kerek Haai ke him yaaim. Hi hewepyapir werek werek him yaaim me God. Hi kerekek hi hirak menmen yapirwe me ti metike nepni kerek nipaa God hanhan hiram mamikrit mamnen. Hi kerekek hi hetpi him mai im:

¹⁵ Hi hertei menmen yi yirakem, hiram ap enum au te hiram ap yaaim au yi yau ke ninin. Hi hanhan yi eyisisa werek werek, o au en, yi eiweikin sip eiweto, te maain yi eiweikin han eyisisa werek werek. Yi han kitet yi yisisa werek werek, te yi auye! Yi yau ke ninin te yi enun yar ke tipar sisi kike mekre sar miwaai wepni (o yanm) te hi eneini enikni eyoke him kai yaino ti. ¹⁷ Hi eneini hentar menmen im. Yi yekre han ki han kitet yarik. Yi yatip, "Haiu mit metenen pewek mei yapirwe haiu mamir terwe yiwir mas mentar menmen iuwe haiu meriuwe his maiu haiu miriakem. Haiu mau werek werek." Te yi ap yertei han ki enuk kau werek werek au, te mit hir nertei hir hanhan neriuwi. Yi han ki ap yetenen menmen mai yaaim yapirwe. Yi yekre han ki yi yar ke mit enun hir nepu weinim ap netenen menmen au. Nanamir mi hiram ap mir werek werek au, yi yar ke mit nanamir toto, yi yire mit klos au, hir nepu yink weinik. Yi yau enum yar ik yekre han ki te yi yepitariyem. ¹⁸ Hi hetpi him manp. Yi einaaiwir pewek mi yi einen te hi eweti menmen mai yaaim hiram yaaim minin pewek mamkaap han ki. Yi eyit

§† 3:9 Rev 2:9; Ais 45:14; Ais 49:23, 60:14 §† 3:10 Lu 21:19; 2Ti 2:12† 3:11 Rev 2:10, 16†† 3:12 Rev 14:1, 21:2, 22:4; Esi 48:35; Ais 62:2, 65:15 † 3:14 Rev 1:5, 19:11; Kl 1:15 †† 3:15-16 Rev 2:2; Ro 12:11 †† 3:17 Hos 12:8; 1Ko 4:8; Lu 12:21; Je 2:5 ††† 3:18 Ais 55:1; Rev 3:5, 4:4, 16:15

menmen im te han ki kaku werek werek. Yi eyit menmen mai yaaim hiram mire klos yaaim mire hike kerek eiwapin han ki yi eiriuwetem hiram meteikin han ki hirak yaaik prar prar. Yi eyit menmen mai yaaim hiram mire nekip mit newisim mekre nanamir te yi pike eyir menmen mai werek werek. ¹⁹ Yi mit miyapir kerek hi han han heriuwi hi eni aiwep. Te yi einakin tokim eiweikin sip eiwet menmen enum eyisisa werek werek te hi aiwep au. ²⁰ Yi eyira. Hi herp weipir ke han ki eket teruk har ke mitik kerp weipir ke winak ke mitik hak hirak keket teruk. Mit kerek hir nemtau him mai hir naninen nankaisiu weipir ke han kir hi ano ninin atikeri, haiu mamu han kiutip mamir ke mit hir nekiyan nau naam menmen. ²¹ Mit kerek hir nises him mai naninin menmen enum nar ke nipaa hi hises him me Haai kai God, hi hinin menmen enum, maain hi ewisi hir nanu yeno nantikewa nanit niuk iuwe naanmamre mit, nar ke nipaa God Haai kai kewisa hi etikerek wau yeno mirak. ²² Yi mit miyapir eyimtau han ekitet menmen God Himin Yaaik ketpim men yi mit miyapir ne weiwik me God.

Mit neit wit ke God hir newenipi niuk mirak

4 ^{§††} Jisas ketpo him men mit iuwe naanmipre mit miyapir ne sios o weiwik me God nerer wit wit epei au, hi herenaan hir weipir ke wit ke God kewep hirak kihi. Hi hemtau mitik ketpo him kar ke nipaa hi hinin hemtau him kirak iuwe ketpo kire mitik ketenwo taur kewen ken yanimin. Hirak ketpo kar ik: "Ti eniu enen in hi ateiknut menmen maain mamnen." ² Hirak ketpo menmen epei au, God Himin Yaaik ketenen himin kai te hi hir yeno yaaim kerek mit iuwe ninin naanmipre menmen yapirwe hir newi. Hi hir yeno kiutip, hi hir mitik hak kewik. ³ Hi hir ninaan mirak hiram mir mar ke nan yaaim jasper kekite nan mire yiwir konilian. Hi hipir menmen mire manpen kewep him hiram meweikin yeno me mitik iuwe. Menmen im mir mar ke nan yaaim emeral hiram yinamin. ⁴ Hi hir 24 yeno meweikin yeno me mitik iuwe. Yeno im hiram yeno kerek mit iuwe ninin naanmipre mit miyapir hir newim. Hir 24 mit iuwe hir nau yeno im. Hir neriuwet klos mire gol mau paan kir meteikin hir mit iuwe. ⁵ Menmen mire nepni mewenin moke yeno kiutip ik men in men ein, mekite him miram matip mesikeyaanmi. Hi hir si mar hispinak wik (7) hiram mir meit yeno mirak. Si im hiram Himin Yaaik mar hispinak wik (7) me God. ⁶ Menep yeno im, menmen iuwe mire wan eik mepu. Hiram nemnok enum mire glas.

Hi hir menmen im nepei au, hi hir menmen tekyaaait (4) hiram mepu. Hiram meweikin yeno me mitik iuwe men pinak men pinak men yinak men yinak. Menmen im tekyaaait (4) hiram mepu, nanamir yapirwe mau mitet ninaan mir, mau men yak mir. ⁷ Menmen ik

‡‡‡ 3:19 1Ko 11:32; Rev 2:5 § 3:20 Jo 14:23; 1Jo 2:24 §† 3:21 Mt 19:28 §†† 4:1 Rev 1:1, 10 §† 4:2 Sam 47:8; Ais 6:1; Esi 1:26; Rev 19:4 §†† 4:3 Esi 1:28 §† 4:4 Ais 24:23; Rev 3:18; 6:11 §† 4:5 Rev 1:4, 8:5, 11:19, 16:18; Esi 1:13 §†† 4:6 Esi 1:5-10, 22; 10:14

kerek kepu hirak kinin kau menep hirak ninaan mirak mire pusi ke yaank wisenuk kinin sak, niuk mirak laion. Menmen ik kerek kepu, hirak kisesik keit yinak ik, hirak ninaan mirak hiram mire bulmakau neniuk. Menmen keyyak kepu yinak eik, hirak ninaan mirak mar ke mitik. Menmen mikaru meit sip, hirak ninaan mirak mar ke hore him keniuwe kau niu. ⁸ †Menmen im tekyaaait (4) mepu, hiram miutip yapir mar hispinak kiutip (6) mewi. Nanamir yapirwe mau merer yink kir, han kinik yapir keit nimin. Witaan wanewik hir ap nekintip au. Hir natip nar ik: "Mitik Iuwe God hirak wisenuk hirak yaaik yaaik ap kire menmen ham au, hirak kinin menmen yapirwe. Nipaa hirak kepu ere in hirak kepu, maain hirak kakpau."

⁹ ††Menmen tekyaaait (4) im hiram mepu, hir nine henye newenipi niuk me God Iuwe kerek kau yeno ke mitik iuwe. Hirak kaku tipmain tipmain enum eik. Hir nine henye natip hirak iuwe, hir natip hirak yaaik. ¹⁰ †Menmen tekyaaait (4) kerek hiram mepu hiram mine henye, te hir mit iuwe in nar 24 hir newen ninip niwaa ti menep ninaan me God kerek kau yeno mirak. Hir newenipi niuk mirak hirak God kerek kaku tipmain tipmain enum eik. Hir newir hat gol mir miwaa menep yeno mirak neteikin hirak iuwe kewetir menmen mirak iuwe te hir ninin naanmipre mit miyapir han. Hir niwaa en hir nine henye natip nar ik: ¹¹ "Ti Mitik Iuwe kaku ti God. Ti Yaaik te haiu yapirwe mamwenipi niuk mit, haiu matip ti Yaaik, haiu hanhan ti ahinin naanemprai ehintar ti epei hiriak menmen yapirwe me ti metike nepni. Ti kerekek hanhan hiram mepu te ti epei hiriakem."

Jon kir tiwei nipaa God keiyepetek

5 ††Hi hir mitik kerek kau yeno me mitik iuwe, hirak kentenen tiwei nokik kekere his yaaim mirak. Hir epei newis him mau ke pinak ke pinak. Hir epei newis tirhin mar hispinak wik (7) neiyepetek, hir newisyaan mewim te mit weinin han ap te nankaisiu tiwei ik naniwaankek au. ² Hi hir menmen im epei au, hi hir mitik ensel wisenuk. Hirak katip him iuwe kitehi kar ik: "Keimin yaaik hirak kakwep tirhin te kakinke tiwei ik?" ³ Hirak katip epei au, hir nen nerer wit wit me wit ke God, wit mit ne ti newi o wit kerek mit nipaa naa himin kir kewi, te hir ap ninapin mitik kei kiutip hirak yaaik te kakwep tirhin kakinke tiwei ik. ⁴ Hi hikit yapirwe hentar hir ap ninapin mitik kei hak hirak yaaik te kakwep tirhin kakinke tiwei kakir menmen mekrerek. ⁵ ††Hi hikit te mitik iuwe kiutip kan kewena ketpo kar ik: "Ti ap ekit. Ti ahir mitik yaaik ik e kerek kinin naanmipre mit miyapir yapirwe. Hirak nepenyek iuwe ke Devit ke weiwik miutip niuk miram Juda. Hirak epei kinin menmen enum te hirak yaaik kakwep tirhin kakinke tiwei ik e."

Jon kir mitik hirak ke God

⁶ ††Hirak ketpo epei au, hi hir sak mau yink ke Mitik kewekin kire Sipsip hirak kehimitan mitik ik hirak kaa kesak menmen enum me haiu mit, hirak kerp menep yeno me Mitik Iuwe. Menmen tekyaaait kerek hiram mepu, hiram metike mit iuwe nar 24 mit hir neweikniwek. Hi hir kom mire kom me bulmakau mar hispinak wik (7) mau paan kirak meteikin hirak Mitik Iuwe naanmipre menmen yapirwe. Hi hir nanamir mar ke hispinak wik (7) mau paan kirak. Nanamir im hiram mehimitan himin yaaik hispinak wik (7) kerek God keriuweti nen nerer wit wit mit ne ti newi. ⁷ ††Mitik kewekin kire Sipsip hirak ken keit tiwei kekere his yaaim me Mitik Iuwe kerek kau yeno me mitik iuwe king. ⁸ †Hirak ken kakit tiwei, mit iuwe nar 24 hir netike menmen tekyaaait kerek hiram mepu, hir yapirwe newen ninip menep Mitik kewekin kire Sipsip ik. Hir niutip niutip netenen menmen me henye mire gita mekrite dis me gol meriuwe menmen mire paura minin yaaim mekrerek ere mau him. Menmen im hiram mehimitan him yapirwe mit miyapir kerek nises him me God hir nitehi God em. ⁹ ††Hir nine henye yaaim nipaa mit ninaam au. Hir natip nar ik: "Ti yaaik te ti ahit tiwei ik awep tirhin meiyepetek. Ti yaaik ariakem antar nipaa mit nitep ti haa, te ti heriuwe hemkre mit mewen ti pike heithis mit miyapir hir ne God. Ti heithis mit miyapir ne weiwik yapirwe, mit miyapir natip him ham yapirwe, mit miyapir yink mir ham ham, hir ne weiwik yapirwe nau nerer wit wit me ti. ¹⁰ ††Ti epei atorhis hir nire weiwik miutip, hir nire mit pris ne God hir niutip niriak menmen mirak nitiwekhi hirak kakikaap mit. Maain hir naanmamre mit miyapir nanu ti."

Mit newenipi niuk me Mitik kewekin kire Sipsip

¹¹ †††Hir nine henye epei au, hi hiwaainaan hir ensel enun yapirwe yapirwe. Hir neweikin yeno iuwe me God mekrite menmen tekyaaait kerek mepu, hiram mekrite mit iuwe nar 24. Hir neweiknor, hi hemtau hir nine henye natip him iuwe nar ik: "Sipsip ik kehimitan Mitik kerek nipaa mit nakip, hirak yaaik. Hirak yaaik kakit menmen iuwe te kakinin naanmamre mit miyapir netike menmen yapirwe. Hirak kakit manmen yaaim yapirwe, hirak kakirtei menmen yapirwe. Mit miyapir yapirwe nantip hirak yaaik haiu hanhan hir nanwenipi niuk mirak, hir natip hirak iuwe keit menmen yaaim me God." ¹³ ††Hi hemtau menmen hir netpim epei au, hi hemtau menmen yapirwe meit wit ke God, mau meit ti metike menmen yapirwe mekre wan mekrite menmen yapirwe meit wit kerek mit naa himin kir kewiyen. Hi hemtau menmen yapirwe hir netpim natip nar ik: "God hirak kau yeno iuwe mirak, hirak kekite

† 4:8 Ais 6:2-3; Esi 1:18, 10:12; Rev 1:4-8 †† 4:9 Rev 19:4; Dan 4:34, 6:26, 12:7 † 4:10 Rev 5:1, 7, 13, 6:16, 7:10, 15, 19:4, 21:5 †† 5:1 Rev 4:2, 10; Esi 2:9-10; Ais 29:11 †† 5:5 Jen 49:9; Ais 11:1, 10; Rev 22:16

††† 5:6 Jo 1:36; Rev 1:4, 5:12, 13:8; Sek 4:10 ††† 5:7 Rev 4:2, 10 § 5:8 Rev 8:3-4, 14:2, 15:2; Sam 141:2 §† 5:9 Sam 33:3, 40:3, 96:1, 98:1, 144:9; Rev 14:3 §†† 5:10 Eks 19:6; Ais 61:6; Rev 1:6, 20:6, 22:5 §† 5:11-12 Dan 7:10; Hi 12:22 §†† 5:11-12 Rev 5:6; 1Kro 29:11 §† 5:13 Rev 4:2, 10

Mitik hirak kire Sipsip. Hirakit teit menmen iuwe naanmipre menmen yapirwe. Haiu yapirwe matip hirakit yaaikit, haiu mewenipi niuk mirakit, haiu matip hirakit iuwe teit menmen yaaim iuwe." ¹⁴ Menmen yapirwe hiram matip epei au, menmen tekyaaait (4) kerek mepu hiram matip mar im: "Menmen im yaaim." Epei au, mit iuwe nar 24 hir newen ninip niwaai ti newenipi niuk mirakit.

Mitik keweikin kire Sipsip hirak kewep tirhin mau tiwei

6 [†]Hir nine henye newenipiyet epei au, hi hir Mitik keweikin kire Sipsip kehimitan mitik nipaa kaa kesak menmen enum maiu hirak keit tiwei tirhin hispinak wik (7) mewik, hirak kewep hak. Hirak kewep hak, hirak kiutip ke menmen tekyaaait (4) kerek hiram mepu hirak katip him iuwe kire nepni mewenin, hirak katip kar ik: "Ti enen!" ² ^{††}Hirak katip epei au, hi hir hos hak ke hike kiutip kan. Mitik keit wit ke God kau sip kirak hirak ketenen hine ke yipo henmik. Hir mit en newetiwek menmen mar ke hore haam hirak kewirem mekiuwe sip kentar hirak mitik enuk iuwe kakno kaknin mit kaknip. ³ Hirak epei ken, hi hir Mitik keweikin kire Sipsip kewep tirhin hak (namba 2) kau tiwei ik. Hirak kewep tirhin hak kau tiwei ik, hi hemtau menmen hak ke menmen kerek hiram mepu, hirak katip kar ik: "Ti enen!" ⁴ Hira katip epei au, hos hak epei kan hirak kire ninik. Mitik hak keit wit ke God hirak kau sip kirak. Hir newetiwek menmen iuwe te hirak kaknip mit nau naninepan hir naninep hiras nani. Hir newetiwek hine iuwe te hirak ken. ⁵ Hirak ken epei au, hi hir Mitik keweikin kire Sipsip kewep tirhin hak (namba 3) kau tiwei ik. Hirak kewep tirhin hak kau tiwei ik, hi hemtau menmen ham me menmen kerek mepu hirak katip kar ik: "Ti enen!" Hirak katip epei au, hi hir hos kire nipiak kan. Mitik hak keit wit kerek God kewik, hirak ketenen skel mekre his mirak. ⁶ Hirak ketenen skel mekre his mirak, hi hemtau him ninin ke menmen tekyaaait (4) kerek mepu, hirak katip kar ik: "Mit nansiuwe rais mire hike mekre wa hesnu kiutip kerek nanit pewek me wok me wi miutip mererim. Mit nansiuwe rais mire braunpela mekre wa hesnu wikak keremem, te hir nanit pewek me wok wi miutip mererim. Te ti ap ehiwaank wel mekite tipar wain." Hirak ketpiwekem epei au, hirak mitik kau hos hirak kinatin ken ti kakriakem kakisesim.

⁷ Hirak katip epei au, hi hir Mitik keweikin kire Sipsip kewep tirhin hak (namba 4) kau tiwei ik. Hirak kewep tirhin (namba 4) kau tiwei ik, hi hemtau menmen ham me menmen tekyaaait (4) kerek hiram mepu, hirak kiutip katip: "Ti enen!" ⁸ [†]Hirak katip epei au, te hi hir hos hak kire kono kan. Mitik hak keit wit ke God kau sip kirak niuk mirak "Mit nani." Mitik hak niuk mirak "Si enum tatin mit" hirak kau hos kisesik. Hir netpor hiram yaaim te hirakit tatno tatnep mit miyapir niutip niutip nerer wit wit. Hirakit tatinkeri nar ke weiwik tekyaaait nerer wit wit te hirakit tatnep mit miyapir ne weiwik

† 6:1 Rev 5:1, 4:6 †† 6:2 Sek 1:8, 6:1-6 † 6:8 Jer 15:1-3; Esi 5:12, 17, 14:21, 33:27

miutip nerer wit wit, hir nani. Hirakit tatnip tatir ik: Han naninepan nani, han naninap nani, han ninpi mamn nani, han miyak enum me yaank mamnip hir nani. Hir netpiwekit nepei au, hirakit ten tintatin ten ti tiriakem tisesim. ⁹ Hirakit epei ten, mitik keweikin kire sipsip kewep tirhin hak (namba 5) kau tiwei. Hirak kewep tirhin epei au, hi hir himin ke mit minik kinaan kerek mit newepwar menmen newet God em. Nipaa mit in hir natip mit miyapir him me God, te hir mit enun nanip naa. Hir naa nire sipsip mit nanip, te hir nan nau ninik kinaan im e.

¹⁰ ^{††}Hir ninik neit kinaan, hir ninap natip, "Mitik Iuwe God, ti yaaik, ti Haai ke him yaaim. Ewaai meruri te ti skelim mit nau ti anip nanintar hir nipaa newep haiu maa?" ¹¹ ^{††}Hir natip epei au, God katip hir nanit laplap mire hike nentar han kir hirak prar prar. Hir nepei netiwem, hirak ketpor kar ik: "Yi wen eimerir wi meiyam ere maain mit enun naninep ni yinan nantike mit han nisisa nar ke nipaa yi hiras yisisa hir niwep. Maain hir naninep mit kerek hi hehimiteni te hi skelim mit enum in anip."

¹² ^{†††}Hirak katip epei au, Mitik keweikin kire Sipsip kewep tirhin hak (namba 6) kau tiwei ik. Hirak kewepim epei au, hi hir ti kitanik wisenum. Hi hir wepni (o yanm) keweikin kire nipiak kar ke wa yirak meket mesine miwaai ti. Wenke kewis pakin te hirak kire hemkre. ¹³ ^{†††}Hir yapirwe mau nepni menke men ti mire hinaan herpek menepep miwaai ti wi kerek yuwerep miniu man menepepim. ¹⁴ [§]Hir yapirwe mau nepni menke men ti epei au, hi hir nepni hiremes mewen men misawin mire miyapir hir newen hause nesenkekim men niutip. Miniu (o neiyip) yapirwe kiutip kiutip kenke kiwaai ti mire meri mewen. Wit wan kimaam keketim hiram yapirwe mewenin mekre tipar. ¹⁵ ^{§†}Menmen im epei man, te hi hir mit iuwe ninin naanmipre mit nau ti, hir netike mit iuwe gavman, mit iuwe ne ami, mit iuwe netenen pewek iuwe, mit han niuk mir iuwe, hir mit yapirwe niriak menmen ap neit pewek mererim, hir mit han au nau werek werek. Hir yapirwe niriak nen nisawin. Han nisawin nekre miniu (o neiyip) o han iuwe me ti, han nisawin ninik nan iuwe me miniu (o neiyip). ¹⁶ ^{§††}Hir nisawin neit ein hir hanhan nitehi nan metike miniu hir natip nar ik: "Haiu hanhan yi yayinke eiwep haiu mami te yi eisonai te haiu ap mamir ninaan me God kerek kau yeno mirak iuwe, hirak ketike Mitik keweikin kire Sipsip kerek han enuk keriuwai kakwep. ¹⁷ ^{§†}Wi enum epei man te God skelim haiu mit kakintar menmen enum haiu mit miriakem. Neimin hir nepu hir naanmampre hiras ne mitikit wiketeret kerek hirakit han enuk tatnip? Taau!"

†† 6:10 Rev 16:7; Diu 32:43; Sam 79:10 ††† 6:11 Rev 3:4-5, 7:9, 13, 19:14 †††† 6:12 Mt 24:29; Ap 2:20; Rev 8:12 †††† 6:13 Ais 34:4 § 6:14 Rev 16:20 §† 6:15 Ais 2:10, 19, 21 §†† 6:16 Lu 23:30; Rev 4:2, 10 §† 6:17 Joe 2:11; Nea 1:6; Mal 3:2

Mit ne Isrel nar 144,000 hir ensel ne God newis mak mau maat kir

7 [†]Maain hi hir mitikit ensel tekyaaait (4) terp teweikin ti mit newim. Hirakit terp tewen nime te hiram ap miniu meit wit o wan au. Hiram ap miniu menep nu memenep tiwei au. ² Hi horet epei au, hi hir ensel hak ke God kerek kepu, hirak keke wit wepni kokai kan, hirak ketenen mak ke God kekre his mirak. Hirak kinap kenine him iuwe katip ensel tekyaaait (4) kerek God ketpiwekit hirakit tatiwaank ti mit newik kekite wan. ³ ^{††}Hirak ketpiwekit kar ik: “Yi ap yayiwaank ti o wan o nu mau ti ere haiu ensel in haiu mamwis mak me God mamu maat ke mit miyapir kerek nises him me God meteikin hir nirak te menmen mamiwaanki au. Maain yi yayiwaank menmen.” ⁴ [†]Hirak katip epei au, hi hemtau hir newis mak me God mau maat ke mit miyapir. Hir netpo hir newis mak me God mau maat ke mit miyapir ne Isrel nar ke 144,000 mit. ⁵ Hir ne weiwik miutip me Juda 12,000 neit mak. Hir ne weiwik miutip me Ruben 12,000 neit mak. Hir ne weiwik miutip me Gat 12,000 neit mak. ⁶ Hir ne weiwik miutip me Asa 12,000 mit neit mak. Hir ne weiwik miutip me Naptalai 12,000 mit neit mak. Hir ne weiwik miutip me Manasa 12,000 mit neit mak. ⁷ Hir ne weiwik miutip me Simion 12,000 mit neit mak. Hir ne weiwik miutip me Livai 12,000 mit neit mak. Hir ne weiwik miutip me Isaka 12,000 mit neit mak. ⁸ Hir ne weiwik miutip me Sebyulan 12,000 mit neit mak. Hir ne weiwik me Josep 12,000 mit neit mak. Hir ne weiwik miutip me Bensamin 12,000 mit neit mak. Hir mit yapirwe in e hir neit mak me God mewi.

Mit miyapir yapirwe newenipi niuk me God

⁹ ^{††}Maain, hi hir mit miyapir yapirwe te hi ap hewen-hisi au. Hir nerer wit wit, yink mir ham ham, hir ne weiwik ham ham yapirwe, hir natip him ham him ham yapirwe. Hir nerp ninaan me Mitik Iuwe kau yeno mirak ketike Mitik keweikin kire Sipsip. Mit miyapir in hir namir laplap nokim mire hike, hir netenen wapnake mekre his mir meteikin hir ninin menmen enum. ¹⁰ ^{†††}Hir netenen wapnake mekre his mir, hir ninap natip him iuwe, “God kiau kerek kau yeno mirak, hirak ketike Mitik kerek keweikin kire Sipsip hirakit epei tekepai pike tetaihis haiu mepu werek werek.” ¹¹ Mit yapirwe ensel nerp neweikin yeno me Mitik Iuwe ketike menmen tekyaaait kerek hiram mepu, metike mit iuwe nar 24. Ensel hir newen ninip niwaai ti menep yeno im newenipi niuk me God. ¹² ^{†††}Hir natip nar ik: “Haiu matip werek. Haiu han yaaik iuwe mamriuwe God kiau. Haiu matip me menmen yaaim mirak. Hirak kerekek kertei menmen werek werek, haiu matip hirak yaaik. Hirak niuk mirak iuwe, hirak mitik enuk manp enuk kinin menmen yapirwe. Haiu hanhan menmen

yapirwe hiram mamwenipi niuk mirak tipmain tipmain enum eik.”

Mit ninaaiwir menmen enum nipaa manip neit ti te hir nepu werek

¹³ ^{†††}Mitik iuwe kiutip ninin ke mit iuwe nar ke 24 hirak kan kitauhi kar ik: “Ti hertei mit ein kerek namir laplap mire hike? Hir nei ne nein? Hir neke nein nan?” ¹⁴ [†]Hi hewenhi hetpiwek har ik: “Ti kerekek ti herteiri. Hi au.” Hirak katip, “Mit miyapir in hir mit enun nepan hir nerekyor enum nanip naa. Hir nises him me God werek werek, te menmen im hiram mar ke hir neke-myet laplap mir meriuwe hemkre me Mitik keweikin kire Sipsip te laplap mir hiram mire hike enum meit meteikin han kir hirak yaaik prar prar. ¹⁵ ^{††}Hir wen nises him me God mit nanip naa, te hir in ek hir nerp ninaan me God kau yeno mirak, hir witaan wanewik hir niriak menmen mirak neit winak kirak yaaik neit ninin en. Hirak God kerek kau yeno mirak hirak naanmampror. ¹⁶ ^{†††}Maain hir ap ninpi mamn meiyam o hanhan nanim tipar meiyam nanu enum nanir ik ek au. Wepni (o yanm) ap kaknip o siwaan ap mamn au. ¹⁷ ^{††}Hir nanu werek nanintar Mitik keweikin kire Sipsip kerek kerp ninin me yeno me God, hirak naanmamror kire mitik naanempre sipsip. Hirak keriyei kerik kakno wit kerek hitik tipar miwaai mekremer. Mar im hirak naanmamre mit miyapir hir hekrit hekrit hir han yaaik nanu nanit menmen yaaim. God kaksuunen wan tipar mau nanamir kir te maain hir ap pike nankit meiyam au.”

Mitik keweikin kire Sipsip kewep tirhin hispinak wik (7) mau tiwei

8 ^{†††}Hi hir menmen im epei au, hi hir Mitik keweikin kire Sipsip pike kewep tirhin namba 7. Hirak kewep tirhin ik kau tiwei, maain kike, menmen yapirwe meit wit ke God kekintip wire wire meit. ² Menmen mekintip wire wire meit ere werek, hi hir ensel hispinak wik (7) kerek nerp ninaan me God. Hir nari taur hispinak wik (7) netenenim, maain hir netenwim niram. ³ ^{††}Hir neit taur hispinak wik (7) nepei au, hi hir ensel hak kan kerp menep kinaan alta ketenen menmen mire min hiram me gol. Min im hiram menmen me metenen waniu (o win) maain hir si tatim, si tiwekre miram hiram minin yaaim. Hirak keit waniu (o win) yapirwe, te hirak kakisiyem mamriuwe him kerek nipaa mit nises God hir nitiwekhi menmen meriuwerem. Hirak kakisiyem kakintar kinaan merp menep yeno God kewim te hirak han yaaik keriuwerem. ⁴ ^{††}Hirak kesiyem, si tiwekre miram, metike him nipaa mit nises God hir nitiwekhi menmen meriuwerem, hiram miniu menep ninaan me God me his me ensel keit ninaan mirak. ⁵ ^{†††}Si tiwekre miniu men, ensel keit si mau kinaan kewisim mekre min me gol, keteikin in ek God kemtau menmen mit ninik kinaan

† 7:1 Jer 49:36; Dan 7:2 †† 7:3 Esi 9:4, 6; Rev 9:4 † 7:4 Rev 14:1, 3 †† 7:9 Rev 5:9, 6:11 †† 7:10 Rev 12:10 ††† 7:12 Rev 5:12, 11:17

††† 7:13 Rev 7:9 § 7:14 Mt 24:21 †† 7:15 Rev 3:12 ††† 7:16 Ais 49:10 §† 7:17 Rev 5:6, 21:4; Jo 10:11; Sam 23:2; Ais 25:8 §†† 8:1 Hab 2:20 †† 8:3 Rev 5:8, 9:13; Eks 30:1-3 §† 8:4 Rev 5:8 §†† 8:5 Lev 16:12; Eks 19:16-19; Rev 4:5, 11:19, 16:18

nitiwekhiyem hirak kaknep mit kakriuwere, hirak keiyim kewirem men ti. Hirak kewirem men ti mit newik, hiram nepni mewenin mir mire si, si men in men ein, menmen iuwe mepupu mekre nepni, ti kitanik enuk.

Ensel tekyaaait (4) te ensel hispinak wik (7) tetenwo taur mirakit.

⁶ Hirak ensel kewir min mire gol men ti, ensel nar hispinak wik (7) kerek netenen taur, hir newis taur mau him kir nantenwewim. ⁷ Hirak ensel kiutip ketenwo taur kirak te hawi kire ais ketike si hemkre mekre erem hiram men ti. Ham miutip merer wit wit me ham wikak merer wit wit me ti, hiram si taam te nu pinam metike yenkis mewim hiram si taam ere mesi. ⁸ Menmen im man nepei au, hirak ensel hak (namba 2) hirak ketenwo taur kirak te mitik ensel hak kewir menmen mire miniu (o neiyip) hiram metnen mire si men miripe wan. Ham miutip me ham wikak me wan hiram meweikin mire hemkre. ⁹ Menmen yapirwe mepu mekre wan kerek si miripe wan im meweikin mire hemkre, hiram yapirwe maa. Sip yapirwe menterer wan kerek si miripe wan hiram mewaank meit. ¹⁰ Nepei au, hirak ensel hak (namba 3) ketenwo taur kirak, te hi hir menmen mire hir mau nepni hiram metnen mire wapnake hiram minatin meke nepni miripe mani metike hitik. ¹¹ Ham miutip me wikak me mani yapirwe merer wit wit hiram meweikin mire tipar enum menip mit miyapir nani merekir nin mire tiuwe hirip. Mit miyapir yapirwe naa nentar hir naam tipar enum im. ¹² Hir naam tipar enum epei au, hi hir ensel hak (namba) ketenwo taur kirak. Hirak ketenwewik te ham miutip me wikak me wepni, wenke, hir, hiram ap mir au. Wepni (o yanm) ap kir mei miutip me wi kerek hirak kir kau ti ik au. Wenke ke witaan ketike hir hiram mises menmen me wepni kirakem ap mir mei miutip me witaan. ¹³ Hi hir menmen im epei au, hi hir hore him keniuwe kau niu te hi han kitet har ik: "Menmen enum mamnen." Hirak keniuwe kau niu hi hemtewek katip him iuwe kar ik: "Menmen enum menmen enum menmen enum mamnen mit miyapir ne ti mamiwaan-ki me wi mitikit ensel hirakit wikak tatenwo taur mirakit mikaru."

Ensel hak (namba 5) ketenwo taur kirak

⁹ Hore him keniuwe ken epei au, hi hemtau ensel hak (namba 5) ketenwo taur kirak. Hirak ketenwewik, hi hir saur hak kinatin keke nepni kan ti. Hirak kehimitan mitik ensel hak. God kewetiwek ki me weipir hiram miwapin hei enuk kesikekre te hir mit ap te nannanaan nanir ti niman ein au. ² Hirak kikaisiu weipir ke hei enuk ik, si tiwekre iuwe mire mit nesi ni hiram miniu mekre hei man ere miwapin wepni ketike nepni hiram toto. ³ Nepni hiram toto, hi hir wise meke si

† 8:7 Eks 9:23-26; Esi 38:22; Joe 2:30 †† 8:8 Eks 7:20-21 † 8:11 Jer 9:15 †† 8:12 Rev 6:12-13 †† 8:13 Rev 9:12, 11:14 ††† 9:1 Rev 20:1 ††† 9:2 Jen 19:28; Joe 2:2, 10; Eks 19:18 § 9:3 Eks 10:12, 15

tiwekre menetnen man ti. God keweikin his em hiram menep mit mar ke mispenepnam (o nikipinepnam). ⁴ God epei ketpor kar ik: "Yi ap yayim yenkis o nu tiwei menmen yapirwe mewe mau ti te yi yayiwaankem au emit! Yi einep mit kerek mak me God ap mau maat kir, yi einip keriyen. ⁵ Yi einep mit in eiyiwaanki me wenke hispinak (5) keremem te yi ap einip nani au emit!" Weise im menep mit te yink kir kenen (o meiyewor) mar ke henik manip minwo. ⁶ Me wi wise mau ti, mit miyapir yapirwe hanhan iuwe te nani, te God kaknipi ap nani taau. ⁷ Hi hir wise im hiram menmen mau yink mir mire hos mit hir newir menmen niwapin nanino nantike mit han naninepan. Hi hir menmen mire hat me gol mau paan kir. Ninaan mir mire ninaan me mit, paan mir nokim mire paan ke miyapir. Mekre him mir hi hir yehes mir hiram iuwe mar ke sak nikin. ⁹ Hi hir menmen mire nopen kike miwapin han pank miram. Yapir miram matip menuwe mar ke hore haam yapirwe menuwe mariyaam yapir matip. ¹⁰ Hi hir ponik kir kire ponik ke mispenepnam (o nikipenepnam) nikin kewik hir nenep mit neriuwerem. Hiram menep mit ere wenke hispinak (5) meriuwe ponik kir meriuwet nap minwi. ¹¹ Mitik iuwe kinin naanmamre wise enum im hirak mitik iuwe kerek naanmipre hei enuk kerek kesikekre te hir mit ap nanir ti niman ein au. Niuk mirak me him me Isrel "Abadon." Niuk mirak me him Grik, hiram "Apolyon" o "Mitik enuk kewaank menmen."

¹² Menmen enum im miutip mewaank mit hiram nepei au. Yi eiyirek! Hi hir menmen enum wik mikaru epei mamnen kerek hore him nipaa ketpim hiram mamnen.

Ensel hak (namba 6) ketenwo taur kirak

¹³ Hi hir menmen im epei au, hi hemtau ensel (namba 6) ketenwo taur kirak. Epei au, hi hemtau him me mitik katip niman ke kom tekyaaait (4) kau kentat kinaan me gol kerek ensel niman si menmen minin yaaim newet God em. ¹⁴ Hirak katip ensel hak (namba 6) kerek ketenwo taur, hirak ketpiwek kar ik: "Ti esiuapan ensel tekyaaait (4) enukit kerek God nipaa kesenkikit hirakit tau teit mani iuwe Yufretis. Ti esiuapanet hirakit tato." ¹⁵ Hirak ken kesiuapanet hirakit ten tehimitan hir mit miyapir yapirwe nau ti nar weiwik wikak nerer wit wit, maain hirakit tatnep mit miyapir ne weiwik miutip nerer wit wit. Nipaa God kehimitenikit hirakit tau teit temerir wenke ik, wi im me titito im te hirakit patriak menmen im. ¹⁶ Hir ensel hir ninin, mit niriak menmen mir hir nau hos nisesi. Hi hemtau mitik hak katip hir yapirwe nire 200 milion mit. ¹⁷ Hi wen hityak hir mit netike hos mir. Hiram marim: Mit han in netike hos hir neriuwet ain mire ninim mau han pank, han neriuwet ain mire yinamin, han mire kono. Hos paan kir hirak kire pusi ke yaank laion hirak wisenuk kinin sak niuk mirak laion. ¹⁸ Si tiwekre metike

§† 9:4 Rev 7:3 §†† 9:6 Jop 3:21; Jer 8:3; Rev 6:16 §† 9:7-8 Joe 2:4 §†† 9:7-8 Joe 1:6 §† 9:9 Joe 2:5 §† 9:12 Rev 8:13 §†† 9:13 Rev 8:3 §§† 9:14 Rev 16:12 §§§ 9:15 Rev 8:7-12

si, si me nan sulfa meke him mir man. Marim hir nenep mit miyapir yapirwe ne weiwik miutip nerer wit wit nipaa hir nehimitenor. ¹⁹ Hiram menep mit meriuwe him kiram keremem au. Hiram menep mit meriuwe him ketike ponik kiram. Ponik hiram mire manpen (o yenmik) paan kewim te hir nenep mit neriuwe menmen im hir naa neit.

²⁰ Hir nenep mit miyapir yapirwe meriuwe menmen mir enum te mit miyapir wen nau ti ap neweikin sip newet menmen enum, nises him me God au. Hir ap neweikin sip newet tipir, teinik ninaan me nu hir ni-maam me gol o silva o nan au. Menmen im hir newenipi niuk mir hiram ap miriak menmen kike au. Hiram ap mamir menmen o memtau menmen o mekrit men in men ein taau. ²¹ Hir ap neweikin sip newet menmen enum me tipir au, hir ap neweikin sip newet menmen enum me hir nenep mit naa, menmen me nasi o nari miyapir his newenem niriran, o nekintip menmen. Au, hir wen nisesim nau neit.

Ensel kewet Jon tiwei hirak ketiwek kaak

10 Menmen im epei man, hi hir ensel hak wisenuk keke wit ke God kan. Napi miwapinek mar ke klos mit neriuwetem miwapin yink kir, manpen (o yenmik) kewep him kau paan kirak kau niu, ninaan mirak mir mire wepni, hit mirak merhihe mar ke si. ² Hirak ketenen buk hak kike kekere his mirak hirak kewep (o keyi) kiwaai. Hirak kewis hit yaaim mentar wan, hit henkik merp ti, ³ hirak in ek kinap kenine him iuwe, him kewen ken yanimin. Hirak kenine him iuwe te nepni mewenin mar ke hispinak wik (7) matip him.

⁴ Hiram matip epei au, hi hare ewis menmen im mamu tiwei, te hi hemtau him me mitik hak meke wit ke God man hirak ketpo kar ik: "Him me nepni mewenin hiram metpim ti ap ewisim mau tiwei kit emit! Ti hisawinem ap ewepyapirem emit!"

⁵ Hirak katip epei au, hi hir ensel kerek nipaa kerp kentar wan metike ti, hirak kikiam his yaaim mirak men niu. ⁶ Hirak kikiam his yaaim mirak men niu, hirak katip kar ik: "Hi hatip werek hekrehir ke God kerek nipaa kikiam nepni, ti ketike wan, menmen yapirwe mewim, hirak kerek kaku tipmain tipmain enum eik. Hi hatip haiu ap mamerir wi meiyam mamnen au. ⁷ Maain yi yayimtau ensel hak kar ke hispinak wik (7) hirak kaktenwo taur kirak, menmen God kikiakem kisawinem hiram epei au mesi. Nipaa God katip mit nirak profet menmen im hir newisim mau tiwei. Te hiram mamnen mar ke nipaa hirak ketpor."

⁸ Mitik ensel ik katip epei au, mitik keit wit ke God nipaa ketpo menmen, hirak pike ketpo him ketpo kar ik: "Ti eno ehit buk kewep (o keyi) kiwaai his yaaim me mitik ensel kerek kerp wan metike ti." ⁹ Hirak katip epei au, hi hen hir mitik ensel hi hetpiwek har ik: "Ti eweto buk kewep (o keyi) kiwaai his mit." Hirak kewen-

hi ketpo kar ik: "Ti etiwek ehik. Ti ehik hirak yaaik katin him, te maain mekre tu kit hirak enuk him sisi." ¹⁰ Hirak ketpo epei au, hi heit buk ik ke his me mitik ensel hi haak. Hi haak hirak yaaik katin him kire hinaan, te maain hi haak henektin, hirak kekere tu kai enuk him sisi kentar him enum mekreker maain mamnen mamnep mit. ¹¹ Hi haak henektin, mitik ketpo kar ik: "Buk ik ti nepei haak hirak kakikepit te ti pike atip awepyapir him me God me menmen yapirwe mamnen mit miyapir kerek natip him ham him ham nerer wit wit, yink kir hak hak, hir netike mit iuwe nir naanmipror."

Him me mitikit wiketeret ten ti tewepyapir him me God

11 ¹ Hirak ketpo epei au, hir neweto henmik netpo nar ik: "Ti eno enin mak ke winak iuwe ke God keit ti ketike kinaan mit newepwar menmen newet God menmen menterim. Epei au, ti ewenhis mit miyapir kerek newenipi niuk me God neitai. ² Te ti ap enin mak ke niwa hiram meit witeik meweikin winak iuwe ke God au ekit! Ti ap enin mak ke niwa im mentar God kakwis mit ap ne weiwik me Isrel hir naninen wit Jerusalem me 42 wenke hir naanmamre mit nanu en, hir naniwaank menmen meitai. ³ Hi God awet mitikit wik tai menmen mai iuwe te hirakit tatno tatwepyapir him mai. Hirakit tatmir laplap mire bek rais tatiteikin mit hirakit yink enuk teriuwe menmen enum mir te hirakit tatu tatwepyapir him mai me tito wikak wenke hispinak kiutip (o 42 wenke).

⁴ Mitikit wik it hirakit tire nu Oliv wik tetike lam wik kerek nipaa mitik profet Sekaraia ketpim, terp ti tiriak menmen te Mitik Iuwe God kerek kinin naanmipre mit nau ti hirak kiret. ⁵ Mit han hir hanhan naniksip, si mamike him kirakit si tatin mit enun in. Neimin hir naniksip hir nani nanriuwe si enum im. ⁶ Hi awisikit hiram yaaim me hirakit tatnip nepni te hawi ap kaknen me wi hirakit terp ti tewepyapir him mirakit. Hirakit iuwe te hirakit tertei teweikin his tipar hiram mire hemkre, o tatiwaank mit miyapir ne ti hir naninap nanriuwe menmen enum. Wi hirakit hanhan tatriakem, hirakit tatriakem.

⁷ Maain mitikit wiketeret hirakit tatitip him mirakit tatwepyapirem epei au, tipir enuk keweikin kire miyak hirak kakniu kakoke hei enuk kesikekre, hirak kakniu kaknen kaktikeret tatnepakit kakinet kakiksip tati.

⁸ Hirak kakinet kakiksip tati, herwe yink mirakit mamwaai yayiwe ke wit Jerusalem. Haiu matip tok piksa haiu menewem wit Sodom o Isip mentar wit im mit newi hir mit enun nepan ne God. Hirak wit kerek Mitik Iuwe kir mit newenkekik kau nu tentarakit. ⁹ Mit miyapir han natip him ham him ham nerer wit wit kerek mit nau ti, hir nanir herwe yink mirakit me wi wikak metike wi ham pinam kike. Hir ap nanwis mit nanwisikit tatikre hei au nentar hir han enuk neriuw-

† 9:20 Rev 16:9, 11; Ais 2:8, 20; 1Ko 10:19-20; Sam 115:4-7, 135:15-17; Dan 5:23 †† 10:4 Dan 8:26, 12:4, 9 † 10:5 Diu 32:40; Dan 12:7 †† 10:6 Nia 9:6; Sam 146:6 †† 10:7 Dan 9:6, 10; Emo 3:7 ††† 10:9 Esi 2:8, 3:1-3

††† 11:1 Esi 40:3; Sek 2:1-2 § 11:2 Lu 21:24; Rev 12:6, 13:5 §† 11:4 Sek 4:3, 11-14 §†† 11:5 2Sml 22:9; 2Kin 1:10; Sam 97:3; Jer 5:14 §† 11:6 1Kin 17:1; Eks 7:17-20; 1Sml 4:8 §†† 11:7 Dan 7:21; Rev 12:17, 13:1, 7, 17:8 §† 11:8 Lu 13:34

eret hir hanhan nanrekiwewekit enum. ¹⁰ Mit miyapir yapirwe nau ti hir han yaaik nanintar hirakit tati. Hir han yaaik te hir nanrire nanwetan menmen nanintar mitikit profet wiketeret hirakit tewaank mit miyapir nau ti terekyor enum hirakit taa.

¹¹ †Hirakit tatwaai me wi wikak metike wi ham pinam kike, God kaksuwe nap mamnen mamu mamikreret te hirakit pike tatikrit tatirp. Hirakit pike tatikrit tatirp, mit miyapir kerek naniret hir nanipirpir wisenum.

¹² ††Hir nanipirpir wisenum hir nanimtau him me mitik keit wit ke God hirak kaktip kakir ik: "Yi wiketeret yi einiu einen in." Hirak kakitpiwewekit mit enun nepan nirakit naniret tatniu tatikre napi tatno wit ke God.

¹³ †Hirakit tatno wit ke God, waswas ti kaktanik wisenuk, pinak kiutip ke wit kiutip hir nenke pinam mar hiswiyen (10), hirak kakwep te mit miyapir nanir ke 7,000 nani nanit ein. Mit han wen nanu wit Jerusalem hir nanipirpir wisenum nanwenipi niuk me God kerek kau wit kirak iuwe.

¹⁴ ††Menmen im mamnen te menmen enum namba 2 hiram mamisi. Yi eiymtau. Maain kike menmen enum namba 3 mamnen."

Ensel hak (namba 7) hirak ketenwo taur kirak

¹⁵ ††Hirak ketpo menmen im epei au, hi hemtau ensel hak (namba 7) ketenwo taur kirak. Hirak ketenwo taur kirak, hi hemtau him me ensel neit wit ke God hir ni- nap natip: "Mit miyapir nerer wit wit nau ti, in ek Mitik Iuwe kiau ketike Mitik Krais kerek hirak kehimitanek ken kikaap mit ne ti hirakit tatinin naanmamre mit miyapir yapirwe. Hirak kaku kakit tipmain tipmain enum eik naanmamri." ¹⁶ †††Hir natip epei au, mit iuwe nar 24 kerek nau yeno me mit iuwe menep ninaan me God, hir newen ninip niwaai newis maat ken ti newenipiyek. ¹⁷ †††Hir newenipiyek natip nar ik:

"Hiau matip hiau han yaaik merwit. Ti God kiau mitik iuwe. Nipaa ti hepu ere in ti hepu. Hiau han yaaik mentar ti epei heit menmen mit iuwe naanmipre mit miyapir heriuwerem.

¹⁸ †Mit nerer wit wit hir epei han enuk nerwit nentar in ek ti han enuk heriuwi (o herweri). Wi epei man te ti skelim mit miyapir kerek nipaa naa. Wi in ti ewet mit kerek niriak menmen mit netike mit profet netike mit miyapir kerek newenipi niuk mit nises him mit, ti ewetir menmen. Hir mit niuk iuwe, hir au weinin, ti ewetir menmen mit yaaim. Wi epei man te ti ehwaank mit miyapir kerek newaank mit miyapir nau ti."

¹⁹ ††Hir natip epei au, hi hir winak iuwe ke God keit wit kirak kewep kahi kerp keit te hi hir bokis kontrak kehimitan him God nipaa kewet mit ne Isrel em, hirak keit nimin kiwaai yaain. Hi hir bokis keit nimin kiwaai yaain, hi hir nepni mewenin hemtewem hiram

mewenin, hi hir ti kitanik, hawi yuwerep mire ais man ti.

Him me mite wetike kirin enuk

12 Menmen im epei man, hi hir menmen wisenum meit nepni. Hi hir menmen mire mite. Hire weri- uwet klos mirius mire wepni mau yink kire. Wenke kau kinik hit mire, hire wewis hir mar hiswiyen wik (12) mire hat kerek mit iuwe hir nemun, hire wemun mau paan kire. ² ††Hire wepitu tu himir ketniniwe weteik- nen wawine nikan te hire wenepip. ³ ††Hi hir menmen im epei au, hi hir menmen ham wisenum meit nepni mire kirin. Hirak yink kirak kire ninik, hirak paan kirak kar hispinak wik (7), kom mar hiswiyen (10) mewim. Hirak kewis hat me mit iuwe mar hispinak wik (7) mau paan mirak im. ⁴ †††Hirak kiwaai ponik kirak keiyik kari hir ham miutip me pinam wikak mau nepni. Hiram lain miram mar wik mepu nepni, miutip au hirak keriyaam keiyim ken ti. Hirak kerp menep ninaan me mite wepi- tu kemeruwe hire wawine nikan. Hirak kemeruwe waw- ine nikan te hirak kakikip kakik. ⁵ ††Maain hire sip newenep hire wine nikan hirak kakinin naanmamre mit miyapir yapirwe nerer wit wit naanmamror werek werek wisenum. Hire wine nikan epei au, kirin kakikip kakik au. Hir mit ensel ne God netiwekhis neiyik nen yeno kerek God kewim. ⁶ ††Mite ip au wirir wen yaank weinik ap mit newik au, wit kerek God nipaa epei kenipek his yaaim te hire wawu werek wawit en. Hir mit ensel nirak naanmamrewe me tito wikak metike wenke hispinak kiutip (o 42 wenke).

⁷ †††Hi hir menmen im epei au, mit ensel neit wit ke God hir nenapan. Maikel ketike mit ensel nises him mirak hir netike kirin ketike mit ensel enun nirak hir yapirwe nenapan. ⁸ Hir yapirwe nenapan te kirin ketike ensel enun nirak ap ninini au. Maikel ketike ensel nirak ninini te hir ap newisi nanu nanit wit ke God me wi meiyam au. ⁹ †††Hir nepir kirin ketike ensel nirak ninaai- wir wit ke God. Kirin, hirak manpen (o yenmik) ke ni- paa enum eik kepu, mit nenewek Seten, hirak kepno menep ninaan me God kesiuwe him katip God hiau mit enun. Hirak mitik enuk kewises mit miyapir nerer wit wit nau ti. Hir ensel yaain ne God nepirek ketike mit ensel nirak enun, hir newirek ketikeri nen ti.

¹⁰ †††Hir newirek ketikeri nen ti, hi hemtau him ke mitik keit wit ke God. Hirak katip kar ik: "In ek God kiau hirak ketahis hirak kinin menmen yapirwe keriuwe menmen mirak iuwe. Mitik kerek hirak kehimitanek kan ti kikaap mit hirak keit menmen iuwe me God, hirak Mitik Iuwe. Hirak Mitik Iuwe kentar mit ensel epei nepir mitik enuk kerek witaan wanewik hirak kep- nen menep ninaan me God kesiuwe him katip God mit niau yinan nau ti kerek nises him mirak hir enun.

¹¹ Niau yinan hir epei nininek neriuwe hemkre me Krais hirak kire Sipsip kerek nipaa hemkre mewen men

† 11:11 Esi 37:5, 10†† 11:12 2Kin 2:11 † 11:13 Rev 8:5, 16:18†† 11:14 Rev 9:12†† 11:15 Eks 15:18; Sam 10:16; Dan 2:44; Oba 21††† 11:16 Rev 4:4, 10††† 11:17 Rev 1:4, 8, 15:3 § 11:18 Sam 2:1, 46:6, 115:13; Ro 2:5; Rev 10:7, 19:5, 20:11-13 †† 11:19 Rev 8:5, 15:5, 16:21; Hi 9:4

††† 12:2 Mai 4:10 §† 12:3 Dan 7:7††† 12:4 Dan 8:10 †† 12:5 Ais 7:14; 66:7; Sam 2:9; Rev 19:15 §† 12:6 Rev 11:2-3 ††† 12:7 Ju 9 §§† 12:9 Lu 10:18, 22:31; Jen 3:1, 14; Rev 20:2 §§§ 12:10 Jop 1:11; Sek 3:1

ti. Him God kerek hir netpim newepyapirem hiram mekepi te hir nininek. Hir ap ninaain nani te hir hanhan nanu ti au. Hir newis mit enun nanip naa nentar hir nises God him mirak. ¹²†Te yi mit yeit wit ke God yetike menmen yapirwe yi han yaaik eiyou. Te yi mit miyapir yetike menmen yapirwe me ti yi naanmamre hiras. Seten epei kakikiuwe kaknen ti han enuk wisenuk kakriwaan kakintar hirak kertei wi epei man menep te God kakiwaankek kakwirek kakikre si.”

¹³ Kirin kertei hir nepirek, hirak ken ti, hirak kekrit koyei mite kerek nipaa wine nikan hirak. ¹⁴††Hirak koyei mite ip te kaaup au. Hir mit ensel newetiwe yapir mei me hore him te hire weiyim weniuwe wen yaank weinik mit ap newi au, hire waunaaiwir kirin enuk ek hire wen wawu wawit yanimin. Hire wawu wawit en titito wikak metike hawi hitan kiutip (o 42 wenke), hir naanmamprewe me menmen. ¹⁵ Hire wirir weniuwe wen, kirin kewep him kirak, tipar wisenum mire mani mekiuwerek men. Tipar mekiuwerek men mises mite ip e, te sir miram mamnanep meiyip mamno hire wawi. ¹⁶ Sir miram mamnanep meiyip mamno, ti hirak kekepiye kewep te tipar mekiuwerek men nimir kerek nipaa kirin kenikinem meke him kirak minanep meiyip men. ¹⁷†Ti kekepiye kewep te tipar men nimir kerek nipaa kirin kenikinem, hirak kirin han enuk wisenuk keriuwe mite ip, te hirak kinaiwirep kirir ken kaknep nikerek han hire nipaa winen. Nikerek in hir mit miyapir kerek nises him me God hir natip newepyapir hir nises him me Jisas. ¹⁸ Kirin ken kerp تنهاان ke wan.

Miyak wiketeret tewepyapir hirekses

13 †Kirin kerp تنهاان me wan eik, hi hir mitik keweikin kire miyak wisenuk hak kinu keke wan kan. Hirak kom mirak mar hiswiyen (10) mepu, paan mar hispinak wik (7) mewik. Hat me mit iuwe mar hiswiyen (10) mau kom mirak, niuk enum mau paan mirak mar hispinak wik (7). Niuk im hiram him enum metawin God. ² †Miyak wisenuk kerek hi hirek keke wan kan, hirak yink kirak kire pusi ke yaank niuk mirak lepat, hit mirak mire miyak enuk kinin sak niuk mirak bea, him kirak kire pusi ke yaank kinin sak niuk mirak laion. Kirin kewetiwek menmen mirak iuwe, hirak kewisik hirak naanmamre mit miyapir nerer wit wit nau ti, hirak kinin menmen yapirwe mau ti. ³ ††Hi hir paan kiutip ke miyak wisenuk nipaa menmen makip wisenuk te hirak kaki. Au, hiram mekiwo hirak kepu werek. Mit miyapir yapirwe nir sak mau paan kirak hir nepirpir natip hirak iuwe te hir nisesik nemtau him mirak. ⁴ Mit miyapir newenipi kiri nentar hirak kewet miyak wisenuk menmen mirak iuwe te kakinin menmen yapirwe mau ti. Hir newenipi miyak kektikerek nentar hir han kitet hirak iuwe. Hir natip nar ik: “Keimin hirak iuwe kire miyak enuk ik e? Keimin hirak iuwe te kakininnek kaktikerek tatnepakit? Taauye!”

⁵ ††God kewis miyak enuk ik katip him enum hirak ketawin God. Hirak kewisik hirak kinin naanmamre menmen yapirwe mau ti me titito wikak metike hawi hitan keiyak. ⁶ God kewisik te hirak kewep him kirak katip enum hirak ketawin God, wit ke God ketike hir yapirwe kerek nau wit kirak. ⁷ †God kewisik hirak ketike mit miyapir kerek nises him me God hir nenapan te hirak kinini. Hirak keit menmen iuwe te hirak kinin naanmipre mit miyapir natip him ham him ham, yink kir ham ham hir ne weiwik yapirwe nerer wit wit. ⁸ ††Mit miyapir yapirwe nau ti nerer wit wit nanwenipi niuk me miyak enuk wisenuk. Te mit miyapir kerek nipaa God ap kirkak ti ketike nepni wen au, hirak kewis niuk mir mau tiwei mirak kehimiteni hir nanu nantikerek, hir ap newenipi niuk me miyak ik au. Tiwei ik hirak tiwei ke Mitik keweikin kire Sipsip nipaa mit nakip hirak kaa.

⁹ Yi eiyimtau menmen mai! Neimin hir nemtau him im hir han ekitetim werek werek! ¹⁰ ††Mit kerek God kehimiteni mit han hir nanwisi nekre winak enuk, hir nanino nanikre winak enuk. Mit han kerek God kehimiteni mit han hir nanwaai hine me his naninip, maain hir nanwaai hine me his naninip nani keriyen. Mit miyapir kerek nises him me God hir naninakin tokim nanises God werek werek nanintar menmen enum im mamnen.”

¹¹ Menmen im epei man, hi hir ti kewep, miyak wisenuk hak kinu ti kan niu ein. Miyak ik kom mirak wik mau paan kirak, hiram mire kom me sipsip te hirak katip enum kar ke kirin katip. ¹² Miyak wisenuk kerek kises keiyak kinin kan, hirak keit menmen mirak iuwe kekrehir kirak kekepik kenip mit miyapir nau nerer wit wit newenipi niuk me miyak kerek nipaa menmen menep paan kirak ketnen te kaki, au hiram mekiwo hirak kepu werek. ¹³ †Miyak kerek kinu ti kan, hirak kirkak menmen iuwe mit niriakem nipaa taau. Hirak kirkak menmen ham ham yapirwe, hirak kari si meke nepni man ti te hir mit miyapir nerp en nirek hirak kirkak menmen im. ¹⁴ ††Hirak kewises mit miyapir yapirwe nan nerer wit wit keriuwe menmen iuwe miyak wisenuk kewisik hirak kirkakem menep ninaan mirak. Hirak kewisorek ketpor kari han kir keriuwerek te hir nime nu ninaan mewim mar ke yink ke miyak kerek hine kenep paan kirak metnen kaki au hiram mekiwo, hirak kepu kepeit.

¹⁵ †Miyak kinin kan kewis miyak kerek kisesik hirak kirkak nu mire yink ke miyak kinin kan. Hirak kekrit kepu kari nap. Yink ik hirak kekrit kepu kari nap hirak katip kire mitik. Mit miyapir kerek ninapen newenipi niuk mirak, hirak kaknipi hir nani.

¹⁶ Hirak kirkak menmen ik ketike menmen hak enuk. Hirak kenip mit miyapir yapirwe niuk mir iuwe, niuk weinim, mit kerek netenen pewek yapirwe, mit han au hir nepu weinin, mit niriak menmen neit pewek

† 12:12 Ais 44:23, 49:13 †† 12:14 Dan 7:25, 12:7 † 12:17 Rev 11:7, 14:12 †† 13:1 Rev 12:3, 17:3, 7-12 †† 13:2 Dan 7:4-6 ††† 13:3 Rev 17:8

††† 13:5 Dan 7:8, 25, 11:36; Rev 11:2 § 13:7 Rev 11:7 §† 13:8 Sam 69:28; Rev 3:5, 5:6, 17:8, 20:12, 15, 21:27 §†† 13:10 Jer 15:2, 43:11; Mt 26:52; Rev 14:12 §† 13:13 Mt 24:24; 2Te 2:9-10 §†† 13:14 Rev 19:20; Diu 13:1-4 §† 13:15 Dan 3:4-6

mererim, mit han au niriak menmen me mit iuwe naanmipri niriakem weinin. Hirak kenipi hir enwisaan mak emu his yaaim o emu maat kir. ¹⁷†Mit miyapir kerek hir ap newisaan mak me miyak enuk o namba mirak mau his yaaim or maat kir, hir ap te nansiuwe menmen mir nanit pewek mamrerim o nanino nanwir pewek nanit menmen taau. ¹⁸Haiu han ekitet menmen im werek werek. Mit miyapir kerek nertei menmen werek werek, hir nanwenhis namba me miyak enuk. Namba im hiram niuk me mitik. Namba im mirak hiram mar 666.

Mit nar ke 144,000 nine henye

14 ††Hi hir menmen im epei au, hi hir Mitik keweikin kire Sipsip hirak kerp wit Jerusalem, niuk mirak ham miniu (o neiyip) Saion. Hirak ketike 144,000 mit miyapir kerek niuk mirak metike niuk me Haai kirak God mau maat kir, hir nerp ein. ²†Hi epei hiri nerp ein, hi hemtau menmen meke nepni man. Hiram matip him iuwe mire hitik siurik me sirsir men ti o mire nepni mewenin. Menmen hi hemtewem hiram mire mit hir niram gita mir. ³††Hir mit yapirwe nar ke 144,000 hir nerp menep yeno kerek Mitik Iuwe God kewik. Hir nerp ein nine henye hak yaaik menep menmen tekyaaik (4) hiram mepu hiram metike mit iuwe nar 24. Mit han nertei nine henye im au. Hir mit miyapir keriyen nipaa God ketorhis ne mit nau ti. ⁴††Mit miyapir in hir yaain nire mite ap wiwaai wetike mitik wen au, hir nises God werek werek. Hir yaain nire mit ap nari miyapir his newenem niriran au, hir ap newenipi niuk me tipir enum o miyak enuk au. God kerekek. ⁵†††Hir mit miyapir yaain. Hir ap natip him newisesik mei me wi hir nau ti au.

Mitikit ensel wikak tatip him mirakit

⁶Hi hir menmen im epei au, hi hir mitik ensel hak ke-niuwe keke niu kan. God epei keriuwetek kan ti kak-wepyapir him yaaim mirak mamu mamit tipmain tipmain enum eik. Hirak kan kaktip him im mamno mit miyapir hir yink hak hak, hir natip him ham, him ham, hir ne weiwik yapirwe nau nerer wit wit. ⁷†††Hirak kinap katip kar ik: "Yi einain God eiyises him mirak eiwenipi niuk mirak eiyintar wi epei man te God kakinke mit miyapir nau ti. Yi eiwenipi niuk me Mitik Iuwe God kerek kewis ti ketike nepni, wan metike mani, hitik, heipun. Yi eiwenipi keiyak au ekit! ⁸†Hi hirek epei kan ken, hi hir mitik ensel hak kisesik kinap katip kar ik: "Eiyimtewek! Wit iuwe niuk mirak Babilon epei ke-waank. Mit miyapir nau wit Babilon hir epei nari han ke mit miyapir nau nerer wit wit hir nisesi niriak menmen enum newenipi niuk me tipir, neweikin sip newet God. Mit nau Babilon hir nire mite hire wetenen kap wain mekrerem, hire wari han ke mit te hir nanim te hir nanwaai nantikerep."

† 13:17 Rev 14:9, 11, 16:2, 19-20, 20:4 †† 14:1 Rev 3:12, 7:3-4 ‡ 14:2 Esi 1:24, 43:2; Rev 1:15, 19:6 †† 14:3 Sam 149:1; Ais 42:10; Rev 5:9, 7:4 †† 14:4 Ef 5:27 ††† 14:5 Sam 32:2; Sef 3:13 ††† 14:7 Rev 10:6 § 14:8 Ais 21:9; Rev 17:2, 18:2, 3; Jer 51:7, 8

⁹††††Ensel ik epei kan ken, hi hir ensel hak kikaru kekiuwe kan kinap katip kar ik: "Mit miyapir kerek hir newenipi niuk me miyak enuk o nu mire yink ke miyak wisenuk o hir neit mak mau his mir o maat kir, hir nanim tipar wain enum him sisi mekre kap me God. Wain im hiram mehimitan menmen enum God kakriak mit em kakintar hir nenipek han enuk wisenum. Mit narik God kakwisi nanikre si metnen metike nan salfa mikap si, hir yink kir kaknen (o mamiyewor) wisenuk te ensel yaain netike Mitik keweikin kire Sipsip hir nanirp naniri hir nanikre si. ¹¹††Si tiwekre me si kerek miriak yink kir kaknen (o mamiyewor), hiram mamno niu tipmain tipmain enum eik. Mit miyapir kerek newenipi miyak enuk ketike yink kar ke yink ke miyak enuk o mit neit mak mirak mau his mir o maat kir, si im mamnip yink kir kaknen (o mamiyewor) te si im hiram ap mami witaan o wanewik au, mamu mamit te hir mit miyapir nanu werek werek au."

¹²†††Menmen enum me miyak enuk mamnen te mit miyapir nises him me God o nises him me Jisas werek werek, hir naninakin tokim nanirp.

¹³††Hirak katip epei au, hi hemtau him me mitik ensel keit wit ke God katip kar ik:

"Ti ewis menmen im mau tiwei: Mit miyapir kerek nises Mitik Iuwe God, hir nani in ere maain te hir han yaaik enu." God Himin Yaaik katip, "Him im hiram yaaim. Hir nani naninaaiwir menmen hir epei niriakem, hir nanu yain yain. Hir nanu yaain yaain nanintar menmen nipaa hir niriakem hiram mamnen mamtikeri."

Ensel neithis mit miyapir neriyei neri nan God

¹⁴††Hirak katip epei au, hi hir napi kire hike kau nepni. Hi hir napi kire hike kau nepni, mitik kire Krai hirak kewik hirak kekun hat gol ke mit iuwe kau paan kirak. Hirak ketenen hine ke his tiknuk enuk. ¹⁵†††Hi hirek epei au, mitik ensel hak ketpaan keke winak iuwe ke God kan kenine mitik kerek kau napi ketpiwek him iuwe kar ik: "Ti ehit hine ke his kit ewaaiyek eremir menmen. Wi epei man menmen mau ti hiram epei maa te ti eremir." ¹⁶Hirak katip epei au, mitik kau nepni hirak kiwaai hine ke his kirak. Hirak kiwaai hine kirak keremir menmen yapirwe mau ti.

¹⁷Hirak keremir menmen mau ti, mitik ensel hak keke winak iuwe ke God ketpaan kan, kire mitik kau nepni hirak ketenen hine ke his tiknuk enuk. ¹⁸Hirak kan witeik, ensel hak kerek naanmipre si, hirak kinaaiwir kinaan kerek mit newepwar menmen newet God em. Hirak kinaaiwir kinaan kenine ensel ketenen hine ke his tiknuk enuk ketpiwek him iuwe kar ik: "Ti ewaai hine kit eremirir waai wain nikim miram mau ti entar nikim hiram epei mewinki." ¹⁹†††Hirak katip epei au, ensel ketenen hine ke his kirak kiwaaiyek keremirir nikim

† 14:9-10 Rev 13:12-17 †† 14:9-10 Sam 75:8, 11:6; Ais 51:17, 22; Jer 25:15; Rev 15:7, 16:19, 19:20, 20:10, 21:8; Jen 19:24; Esi 38:22 ‡ 14:11 Ais 34:10; Rev 13:12-17 ††† 14:12 Rev 13:10, 12:17 † 14:13 1Ko 15:58; Hi 4:10 ‡ 14:14 Dan 7:13 ††† 14:15 Joe 3:13; Mt 13:39-40 ††† 14:19 Ais 63:3, Kra 1:15; Rev 19:15

hiram mewinki. Hirak keremirir hiram mewinki, hirak ketiwem keiyim ken kewirem mekre sar te hir mit ensel neit henkip (o henpik) nesestim tipar mamno. Sar im hiram tok piksa mehimitan God han enuk hirak kaknep mit nau ti. ²⁰ Hir nesese nikim im mekre sar meit menpin me wit. Hir nesestim, hemkre meke sar hei kirak men mire mani kiniu men yanimin mar ke 320 kilomita. Hiram men mau niu mar ke waai mau teruk me hos.

Ensel nar ke hispinak wik (7) netenen menmen enum mar hispinak wik (7).

15 [†]Hi hir menmen me hemkre epei au, hi hir menmen ham iuwe meit wit ke God. Hi hir mit ensel nar hispinak wik (7) naninap mit. Menmen im enum mamno ti mamnep mit te maain God han enuk epei au, menmen enum epei au mesi. ² ^{††}Hi hir mit ensel epei au, hi hir menmen mire wan hirak kire glas si merhihe mekretek. Hi hir wan metike mit miyapir kerek epei netike miyak enuk, nu mire yink mirak ketike namba me niuk mirak, hir netikeri hir nenapan, te mit miyapir ninini nentar hir ap newenipi niuk mir. Hir nerp menep wan hir netenen gita kerek God kewtirem. ³ [‡]Hir netenen gita hir nine henye nipaa Moses mitik kerek kirak menmen me God hirak kewisim metike him me Mitik keweikin kire Sipsip. Hir nine henye natip nar ik:

“God kiau Iuwe ti Mitik Eruk Manpenuk, menmen ti hiriakem hiram yaaim iuwe.

Ti kerek naanempre haiu mit metike menmen yapirwe nipaa ein ere in ere maain, ti hiriak menmen yaaim hiram werek werek. ⁴ ^{‡†}Neimin hir ap nanwenipi niuk mit a?

Au, hir yapirwe naninen nanwenipi niuk mit. Hir nanwenipi niuk mit ti kiau Iuwe, nantip ti Mitik Eruk Manpenuk nanintar ti kiutipen ti kerekek wetpen enuk heit.

Te mit miyapir nerer wit wit naninen nanwenipi niuk mit nanintar hir yapirwe nir menmen yaaim ti herekyorem.”

⁵ ^{‡††}Hir nine henye epei au, hi hir haau iuwe mit nehimitanem hiram me God keit nimin ke winak kirak kihi kerp yaain, hi hir haau God kewim. ⁶ ^{‡††}Hi hir haau God kewim, te hi hir ensel nar hispinak wik (7) kerek netenen menmen enum mar hispinak wik (7) hir neke winak ke God netpaan nen. Hir namir klos hiram mirius mire hike mir himin. Ni mire gol meweikin han pank kir. ⁷ ^{‡‡‡}Hir epei nen witeik, te menmen miutip me menmen tekyaait (4) kerek mepu yeno me God, hirak kewetir min mar hispinak wik (7). God kerek kaku tipmain tipmain enum eik, hirak wen han enuk te han enuk mirak meweikin his mire tipar miwaai mekre min im. ⁸ [§]Hiram mire tipar miwaai mekre min im, si tiwekre me menmen iuwe me God metike menmen

† 15:1 Lev 26:21; Rev 15:6-7 †† 15:2 Rev 4:6, 5:8 ‡ 15:3 Eks 15:1; Rev 11:17, 16:7; Sam 92:5; 139:14, 145:17 †† 15:4 Jer 10:6-7; Sam 86:9 ‡† 15:5 Eks 38:21 ††† 15:6 Rev 15:1 ‡‡† 15:7 Rev 14:10 § 15:8 1Kin 8:10-11; Ais 6:4; Esi 44:4

mirak merhihe hiram miwapin winak ke God keit nimin. Hiram miwapin winak ke God, keiyak kiutip keit wit ke God ap te kakno nimin en ere menmen enum mar hispinak wik (7) eim kerek ensel nar hispinak wik (7) hir netenenim hiram epei au mesi.

Mit ensel neit menmen enum mekre min neiyim nen newirem mamno ti

16 ^{§†}Si tiwekre miwapin winak ke God, hi hemtau him me mitik hak kekerek katip him iuwe kar ik: “Yi eyit min kerek menmen enum me han enuk me God meweikin his mire tipar mekrerem, yi eyim eino eiwenem emno ti.” ² ^{§††}Hirak katip epei au, hirak mitik ensel kiutip kinin keit min mirak keiyim ken kewir menmen enum mekrerem men ti. Hiram men ti menep mit miyapir kerek newenipi niuk me miyak enuk ketike teinik mit nesipaak mire yink kirak, hir newis mak mau yink kir. Hiram menep yink kir ketnen hirak kenen (o meiyewor).

³ ^{§††}Menmen im epei menep mit, hi hir ensel hak (namba 2) kisesik ken kewen menmen enum mekre min hiram men wan iuwe. Men wan iuwe meweikin mire herwe hemkrik te menmen yapirwe mau mekre wan maa.

⁴ ^{§††}Menmen yapirwe mau mekre wan maa, hi hir mitik ensel hak (namba 3) hirak kan kewen menmen enum mekre min mirak men mani metike hitik, hiram meweikin mire hemkre. ⁵ ^{§†}Hiram meweikin mire hemkre, hi hemtau mitik ensel kerek naanmipre mani metike hitik hirak katip kar ik: “God ti kerekek ti yaaik. Nipaa ere in ti hepu hepeit. Menmen enum ti hiriakem hewaank tipar hiram meteikin ti yaaik. ⁶ ^{§†}Ti yaaik hentar nipaa hir mit nau ti nenep mit miyapir kerek nises him mit netike mit profet nit hemkre mir mewen. Te in ek ti heweikin tipar mire hemkre hir nanim ti enip enrerim me menmen nipaa hir niriakem.” ⁷ ^{§††}Hirak katip epei au, hi hemtau him ke mitik hak kerp kinaan kerek ensel newepwar menmen newet God em, hirak katip kar ik: “Mitik Iuwe God ti enuk manpenuk. Menmen enum ti erekyorem enip enrerim me menmen enum nipaa hir niriakem, hiram yaaim.”

⁸ Hirak katip epei au, hi hir mitik ensel hak (namba 4) hirak kewen menmen enum mekre min kirak men wepni. Men wepni te hiram si taak mit miyapir yink kir. ⁹ ^{§§†}Hirak si taak yink kir hir nene God netpiwek enum me menmen im manip nentar God hirak kari menmen im man menep mit. Hir ninapen neweikin sip newet menmen enum hir nisesim, hir ap newenepi niuk me God hirak Iuwe. Au, hir nenerek wen nises han kir enuk.

¹⁰ ^{§§§}Menmen im epei man hi hir mitik ensel hak (namba 5) kewen menmen enum meke min kirak men yeno kerek miyak enuk kewim, te menmen mire wi-

§† 16:1 Ais 66:6; Rev 16:17; Sam 69:24; Jer 10:25; Esi 22:31; Sef 3:8 §†† 16:2 Eks 9:10; Diu 28:35; Rev 13:12-17 §† 16:3 Eks 7:17-21 §†† 16:4 Sam 78:44 §† 16:5 Rev 1:4; Sam 119:137 §† 16:6 Sam 79:3; Ais 49:26 §§† 16:7 Rev 15:3, 19:2; Sam 19:9 §§† 16:9 Rev 9:20-21, 16:21 §§§ 16:10 Eks 10:22; Ais 8:22

taan toto miwapin ti merer wit wit kerek miyak enuk hirak naanmipre mit miyapir. Witaan toto miwapin ti merer wit wit te mit miyapir ninakin nin kir nentar yink kir kenen (o meiyewor). ¹¹ †Hir ninakin nin kir te hir han kitet menmen enum mau yink kir te hir nene God neriuwerem. Hir ap neweikin sip newet menmen enum au. Hir nises han kir.

¹² Menmen im epei au, hi hir mitik ensel hak (namba 6) kan kewen menmen enum mekre min kirak men mani iuwe Yufretis. Hiram men mani Yufretis, hirak kenke keweikin kire yayiwe te mit iuwe naanmipre mit miyapir nau ti kerek wepni kewep kn hir neke mani wi kirak naninen. ¹³ Mani Yufretis kenke epei au, hi hir himin enum wikak hiram meweikin mire pato o mi-naap. Hiram metpaan meke him ke kirin, miyak enuk tetike miyak enuk keiyak niuk mirak profet enuk kewisesik. ¹⁴ †Himin im hiram me herwe kerek hiram miriak menmen yaaim mirakel nipaa mit nirem au. Himin wikak im men mit iuwe ninin naanmipre mit nerer wit wit nau ti, hiram mari han kir te hir nererik nantike God naninepan me wi hirak God kerek hirak Iuwe Manpenuk kehimitan mit hir nantikerek naninepan.

¹⁵ †Hi Jisas hi etpi! Hi anen waswas me wi yi yepitariyem yar ke mitik enuk kekintip menmen. Mit kerek hir naanmamre werek werek menmen maain mamnen, hir han yaaik nanu. Hir ap yink enuk me menmen im mamnen mamre mit kerek klos au hir ne puk weinik nen witeik."

¹⁶ †Himin enum wikak meithis mit iuwe ninin naanmipre mit miyapir nau ti, hir nan nererik neit wit niuk mirak me him Hibru hiram Amagedon.

¹⁷ †Hir nererik epei au, hi hir mitik ensel hak (namba 7) kewen menmen enum mekre min kirak men mire nime. Epei au, mitik keke winiak iuwe ke God menep yeno me mitik iuwe, hirak ketip him iuwe kar ik: "Menmen God kiriakem kenep mit keriuwerem hiram epei au meit." ¹⁸ †Hirak katip epei au, hi hir nepni mewenin mari winen men ein men ein, hiram mewinin wisenum ti kitanik wisenum. Nipaa God kiriak ti ere in ap ti kitanik karik au. Ti kitanik hiram minin ti me nipaa ein. ¹⁹ †Ti kitanik wisenum te wit iuwe Babilon kewep pinak pinak ere wikak, wit iuwe me wit yapirwe mewaank. God ap han kaa menmen enum mit ne Babilon niriakem te hirak han enuk kanip keriuwe menmen im, hirak kewaanki kire mit hir naam tipar si enum wisenum minin hir ninap. ²⁰ †Ti kitanik wisenum te miniu (o neiyip) iuwe metike ti wit wan kimaak keketik, hiram yapirwe mewep menke. Miniu (o neiyip) mewep menke miwaai, wit wan kimaak keketik mewep minatin men misawin mekre wan meit nimen. ²¹ †Menmen im wen mepnen, hi hir ais iuwe mire nan hiram nimenum mire 50 kilogram hiram meke nepni man menep mit miyapir nerer wit wit nau ti, hiram

mewaanki. Mit miyapir nene God nentar ais enum im kerek manip hiram menmen enum enum.

Him me mite enu wari mit his wewenem

17 ††Menmen im man menep mit epei au, ensel ki-utip ke mitikit ensel tar ke hispinak wik (7) kerek tetenen min mar hispinak wik (7), hirak kan ketpo kar ik: "Ti etikewa euno hi ateiknut menmen enum God kakriak mite enu wari mit his weweninem. Hire wehimitan wit iuwe kipwaaai menep mani yapirwe. ² †Mit iuwe kerek ninin naanmipre mit miyapir nerer wit wit nau ti, hir netike mite ip hir neiyewewan. Hire wenip mit miyapir yapirwe nau ti hir nire mit epei naam tipar si enum hir netaritari. Hire wenipi narik neriuwe menmen hire wari han kir keriuwerem (te hir newenipi niuk me tipir enum)."

³ †Hirak ketpo epei au, hirak ketauhis himin kai, hawir wen wiun wit weinik mit auri en. Hawir wiun en, hi hir mite piutip wau miyak wisenuk kire yiwir. Niuk yapirwe mau yink kirak te hiram niuk enum matip enum metawin God. Paan mar hispinak wik (7) mewik, kom mar hiswiyen (10) mau menterim. ⁴ †Mite hire weriuwet klos mire wenip, klos mire ninim, hire weseweriuwe menmen yaaim me gol o pewek o wipe yehes. Hire wetenen kap me gol mekre his mire wauri han ke mit han weriuwerem. Menmen enum menip God han enuk metike menmen enum hire wiriakem me wari mit his weweninem hiram miwaai mekre kap mire hiram meweikin mire tipar. ⁵ †Hi hir niuk mau maat kire hiram tok piksa hiram matip mar im: "Mite ip e hire wehimitan wit Babilon Iuwe. Hire miye pe miyapir yapirwe nari mit his neweninem. Hire miye pe menmen enum yapirwe mit miyapir nerer wit wit nau ti hir niriakem." ⁶ †Hi hirep hire wetaritari wire mitik kaam tipar si enum wentar hire waam hemkre me mit miyapir kerek nises him me God ketike him me Jisas kerek newepyapir hir nisesik te mit nanip hir naa. Hi hirep te hi han kai kekrit hi han kitet har ik: "Hire peimin?"

⁷ †Hi wen han kitet mite ip, te mitik ensel ketpo kar ik: "Ti henmak te ti han kitet mite ip e yapirwe? Hi etput ewepyapir mite ip wetike miyak kerek hirak paan hispinak wik (7) kom mar hiswiyen (10), mite ip wau sip kirak, hir neimin. ⁸ †Miyak enuk ti epei hirek, hirak nipaa kepu ti te in ek au, hirak kinaiwirek. Hiram menep te hirak kakitpaan kakike hei enuk kesikekre, hirak kano kakiwaank kaki kakikrerek. Mit miyapir nau ti kerek God ap kewis niuk mir mau tiwei mirak nipaa wi hirak ap kiriak ti metike nepni wen au, mit miyapir in hir nanirek hir han kekrit. Hir han kekrit nentar miyak ik nipaa kepu ti te in ek au. Maain hirak pike kaku te hir nanirek nanipirpir.

⁹ "Mit kerek nertei menmen werek werek hir han ekitet menmen im. Paan mirak mar hispinak wik (7)

† 16:11 Rev 9:20-21, 16:12; Ais 11:15; Jer 50:38 †† 16:14 1Te 5:2; Rev 19:6, 15, 19 † 16:15 Rev 3:3, 18 †† 16:16 Het 5:19; Sek 12:11 †† 16:17 Rev 16:1 ††† 16:18 Rev 8:5 ††† 16:19 Rev 14:8, 10 § 16:20 Rev 6:14 †† 16:21 Eks 9:24; Rev 11:19, 16:9, 11

††† 17:1 Jer 51:12-13; Rev 17:15 §† 17:2 Ais 23:17; Rev 14:8 §†† 17:3 Rev 13:1 †† 17:4 Esi 28:13, 16; Rev 18:16; Jer 51:7 §† 17:5 Rev 14:8 §†† 17:6 Rev 18:24, 19:2 §†† 17:7 Rev 13:1 §§§ 17:8 Rev 11:7, 13:8; Dan 12:1

hiram wit iuwe kiutip mit nimaak kau miniu (o neiyip) mar hispinak wik (7). Mite ip wau sip kirak hire wau weit wit iuwe eik. ¹⁰ Paan hispinak wik (7) im hiram mehimitan wit iuwe kiutip ketike mit iuwe hispinak wik (7) naanmipre mit miyapir nau ti. Mit iuwe hispinak (7) hir epei nen naa. Kiutip hirak wen kepu, keiyak ap kan naanmamre mit wen au. Maain hirak kaknen hirak kaku kike keremem. ¹¹ Miyak enuk nipaa kepu ti te in ek au, hirak mitik iuwe hak ke hir nar hispinak wikak (8) hirak ketike mit han en nar ke hispinak wik (7) hir ninin naanmamre mit miyapir nau ti. Maain hirak kakno kakiwaank kaki.

¹² ††Kom mar hiswiyen (10) ti epei hirem, hiram mehimitan mit iuwe nar hiswiyen (10). Hir ap nire mit iuwe wen au, te maain hir nanit menmen iuwe nantike miyak enuk te hir naninin naanmamre mit miyapir nanu ti me wi mei kike. ¹³ Mit nar hiswiyen (10) hir nau han kiutip te hir nanwet miyak enuk menmen mir iuwe te hirak kakikrehir kir naanmamre menmen mir. ¹⁴ ††Hir mit nar hiswiyen (10) nantike Mitik keweikin kire Sipsip hir naninepan te hirak kaktike mit kerek hirak kari han kir keninor hir nises him mirak, hir naninin mit enun in. Hir naninini nanintar hirak kerekek Mitik Iuwe kerek God kewetiwek menmen mirak iuwe kinin mit iuwe yapirwe nerer wit wit, hirak naanmamre mit iuwe kerek naanmipre mit miyapir han.”

¹⁵ †Mitik ensel ik hirak wen ketpo kar ik: “Mani tipar kerek ti hir mite enu wari mit his weweninem hire wau menep in, hiram mehimitan mit miyapir natip him ham him ham, yink kir hak hak, hir ne weiwik yapirwe nau nerer wit wit. ¹⁶ ††Kom mar hiswiyen(10) mehimitan mit nipaa ti hiri netike miyak enuk hir han enuk nnapen mite enu ip kerek wari mit his wewenorem. Hir naninen nanri menmen mire yapirwe te hir nanwir mite wawi puk weinik wawu wawit. Epei au, hir nanip nanik yink kire. Hir nanik yink te hir nanman si menmen mei kike wen mepu. ¹⁷ Hir nanriak menmen enum im nanintar God kakri han kir te hir ap nertei hir nanises han kirak. Hir nepitari hir nanises han kirak hir nanu han kiutip hir nanwis miyak enuk naanmamror ere him nipaa God ketpim hiram mamnen. ¹⁸ Mite kerek ti epei hirep hire wehimitan wit iuwe kerek naanempre mit iuwe nau ti nerer wit wit.”

God kewaank wit iuwe Babilon

18 Maain hi hir mitik ensel hak keke wit ke God kan. God epei ketpiwek menmen mirak iuwe te menmen mewik merhihe mir wisenum men ti. ² ††Hirak kan kinap katip him iuwe kar ik: “Mite kerek wehimitan wit iuwe Babilon God kewaankep.

Hire epei waa. In ek herwe, himin enum, tipir metike hore ham ham enum yapirwe menmen enum hiram man mewik.

³ ††Menmen im epei man mentar mit miyapir nerer wit wit epei newenipi niuk me tipir.

Hiram mar ke hir netikerep niriran, hir naam tipar si enum mire.

Hiram mar ke hir mit iuwe nerer wit wit niwaai netikerep.

Mit nerer wit wit kerek nesiuwe menmen neit pewek yapirwe nentar hire hanhan weit menmen yapirwe te hire wau werek werek wises han kire enuk.”

⁴ ††Hirak katip epei au, hi hemtau him ke mitik hak keit wit ke God hirak katip kar ik:

“Yi mit miyapir nai. Yi eino eikeipin mite enu eip e. Yi ap eikiterep eiriak menmen enum au emit! Hi hnapen ap eiyuwep eitikerep au.

⁵ †Hi ehip entar menmen enum yapirwe hire wiriakem.

Menmen enum mire hiram yapirwe mire tiu mite wenipaam, te God epei kirem ap han kaa rem.”

⁶ ††Hi pike hemtau hirak katip mit han kar ik: “Yi pike eirekiuwe menmen enum mamir ke hire nipaa wiriak mit miyapir han em.

Te menmen miutip hire wiriakem yi eirekiwerem wik.

Hire nipaa weweti tipar si enum miutip yi yaam, te in ek yi eiwetiwe tipar si enum wik hire wawim.

⁷ ††Nipaa hire niuk mire hiram iuwe hire wises han kire wau werek werek.

Te in ek yi eirekiuwe enum ere yink kire kakwo kakir ke nipaa hire wises han kire wau werek werek.

Yi eirekiwerem mamir im eiyintar hire nipaa watip hirehes war ik: ‘Hi hau in hi mite iuwe hinin mit miyapir yapirwe. Hi ap hire mite kerek mitik kire kaa kinaiwirep au. Hi ap te han enuk ekit eriuwe menmen taau.’

⁸ ††Hire watip enum warik te menmen enum im mamnip ep me wi miutip keremem.

Hire waunap, hire waukit, hire ninpi mami, mit han nanisi yink kire kekere si.

Menmen im enum mamnep wit Babilon mentar mitik iuwe God kerek kakinke mit miyapir newik, hirak manpenuk wisenuk kakises han kirak kakriakem.”

⁹ ††Maain mit iuwe kerek ninin naanmipre mit miyapir nerer wit wit hir nanir si tiwekre me yink kire si taak. Nipaa hir netikerep hir nises han kir hir nau werek werek, te in ek hir nanirp te hir han enuk nankitep. ¹⁰ ††Hir nanirp yanimin nanintar hir ninaain si menmen enum maaup. Hir nanirp nankit nantip nanir ik: “Haai o! Menmen im menep wit Babilon hiram enum. Ti wit iuwe niuk mit wisenum te waswas menmen enum yi mit miyapir en yi yiriakem God keriwaank kenterim.”

¹¹ ††Mit nerer wit wit kerek nesiuwe menmen kago mir nanit pewek mererim neit wit Babilon, hir nanirek nepei kewaank, hir nankitek nanintar hir mit newik ap nanit menmen mir au. Hir epei newaank. ¹² ††Menmen kago mir hiram im: Gol, silva, nan mirius yaaim, bis me

††† 18:3 Rev 14:8 ††† 18:4 Ais 48:20; Jer 50:8, 51:6, 45; 2Ko 6:17 § 18:5 Jen 18:20-21; Jer 51:9 †† 18:6 Sam 137:8; Jer 50:15, 29; 2Te 1:6 ††† 18:7 Ais 47:7-9 §† 18:8 Rev 17:16; Jer 50:34 §†† 18:9 Rev 17:2; Esi 27:30-35 †† 18:10 Esi 26:17; Dan 4:30 §† 18:11 Esi 27:36 §†† 18:12 Esi 27:12-13, 22

† 17:12 Dan 7:24 †† 17:14 1Ti 6:15 † 17:15 Ais 8:7; Jer 47:2 †† 17:16 Rev 18:8 †† 18:2 Rev 14:8; Ais 13:21, 34:11; Jer 50:39

pewek iuwe, laplap yaaim mire hike, laplap mei mire ninim metike yinamin metnenam, laplap slika. Nu ham hiram miutip miutip meit yaank minin yaaim metike menmen yapirwe mit nesipaam me miyak elefan nikin miram o nu yaaim me pewek nan iuwe, o ain, o bras, o nan yaaik kewir mutmut. ¹³ Hir neit nu meruk yink miram metike nekip, siyak me niu, semi, yeirep, kono, miyak wipink, meruk o mir kerek mit nesiyem hiram minin yaaim, tipar wain metike gris, plaua metike rais, bulmakau, sipsip, hos metike karis, hiram metike mit miyapir hir niriak menmen me mit ap neit pewek mererim au. ¹⁴ Hir mit nerp en natip nar ik: "Nipaa ti mite nihan enu wirau hanhan menmen yapirwe, te in ek ti enu he mite. Menmen yaaim mit newir pewek yapirwe nantiwem metike menmen yaaim ti heses heriuwerem, hiram epei men. Hiram ap pike mamnen te ti etiwem taau."

¹⁵ †Mit kerek nesiuwe menmen mir neit pewek mererim, hir nanirp yanimin naninapen menmen mamnip mamir ke hiram menep wit Babilon te hir nankitep. ¹⁶ ††Hir nankitep nantip nanir ik: "Ke miye o! Nipaa wit ik Babilon hirak yaaik kire mite kerek wamir laplap hike metike laplap ham mire ninim metike yinamin metnenam. Ti heses heriuwe gol, nan yaaim metike bis me pewek iuwe. ¹⁷ †Te in ek wasenum menmen yaaim yapirwe epei mewaank."

Mit kerek ninin naanmipre sip, hir nantike mit boskru kerek niriak menmen me sip, hir nantike mit nau sip o neit nan me menmen hir netiwem mekre wan newet mit em, hir yapirwe nanirp yanimin nanir wit Babilon. ¹⁸ ††Hir nanirp yanimin nanir wit Babilon si taak hir nantip him iuwe nanir ik: "Ap wit kei yaaik kar ke ik e nipaa ere in taau." ¹⁹ Hir nanwen toni nankitek nantip nanir ik: "Hiau mamkit han tewenin wit iuwe ik e mamintar mit nerer wit wit kerek neriuwet sip mir man in, hir neit pewek yapirwe meriuwe menmen hir nesiuwerem man in. Te in ek wasenum wit yaaik ik kewaank."

²⁰ †††Yi mit kerek yi yau wit ke God, yi han yaaik eiyu. Yi mit kerek God kehimiteni yi yiriak menmen mirak o yi profet yi yewepyapir him mirak o yi mit miyapir kerek yi yises him me God, yi han yaaik eiyu! God epei kiriak wit Babilon enum kakrer menmen enum nipaa hir nerekyiyem."

²¹ †††Hir natip epei au, hi hir mitik ensel wisenuk ken kekin nan wisenuk kewis pakin kire heipun. Hirak kekinik keiyik ken kewirek kekere wan kesikekre hirak katip kar ik: "Mar ke hi hewir nan ik ken kekere wan kesikre, te God kakiwaank wit Babilon. Maain wit eik hirak pike kakikrit kaku taauye. ²² †††Mit kerek niram gita nine henye o netenwo taur o niram heurek, hir maain ap naninen nanriakem au. Mit kerek niriak menmen ham ham ap pike naninen nanu wit Babilon au. Mit ap pike nemtau nan iuwe kakwen rais haas miram meit wit Ba-

bilon taau. ²³ †Mit ap pike naniksiu si keyiak nanit wit Babilon taau. Mit ap pike nanimtau him me mitik o mite hir nanitan. Mit kerek nan nesiuwe menmen kago mir, hir mit iuwe ne ti nerer wit wit. Yi mit ne wit Babilon, yi epei yari han ke mit miyapir nerer wit wit yeriuwe menmen enum me memipin yi yiriakem."

²⁴ ††God kewaank wit Babilon kerek kehimitan wit iuwe yapirwe kentar hir nenep profet ne God netike mit miyapir nises him mirak hemkre mir mewen miwaai ti. Hemkre mir metike hemkre me mit miyapir yapirwe ne ti hir mit nipaa nanip naa.

Mit miyapir neit wit ke God han yaaik nentar God kewaank wit Babilon

19 Maain hi hemtau menmen mire mit miyapir yapirwe neit wit ke God hir natip him iuwe nar ik: "Hiau emwenipi niuk me God kaiu. Hirak kerek epei ketaihis. Hirak niuk mirak iuwe hirak manpenuk wisenuk. ² †††God skelim mit nises menmen yaaim. Hirak epei skelim mite enu kerek wari mit his weweninem. Hire wewaank mit miyapir ne ti yapirwe weriuwe menmen enum hire wiriakem. God kaaup kerer menmen enum nipaa hire wiriak mit miyapir kerek nises him mirak. Hire wanip naa." ³ ††Hir pike natip neteipim nar ik: "Hiau emwenipi niuk me God. Si tiwekre me wit Babilon hiram mamno niu tipmain tipmain enum eik." ⁴ †††Hir natip epei au, mit iuwe nar ²⁴ kerek nau yeno me mit iuwe, hir netike menmen tekyaa (4) kerek mepu hir newen ninip nitehir nau ti menep ninaan me God kerek kau yeno kirak. Hir natip nar ik: "Hiram him yaaim hiau emwenipi niuk mirak." ⁵ ††Hir natip epei au, hi hemtau him ke mitik hak kerp kirapit yeno me God hirak katip him iuwe kar ik: "Yi mit miyapir niuk iuwe o niuk weinim kerek yises him me God yi hanhanek. Yi eiwenipi niuk mirak."

Mitik keweikin kire Sipsip keit mite, te hir yapirwe nererik naam menmen

⁶ †††Hirak katip epei au, hi hemtau mit miyapir yapirwe hir nererik natip him iuwe nar ke mani sir menep o nepni mewenin. Hir natip him iuwe nar ik: "Hiau emwenipi niuk me God. Hirak kerek Manpenuk Wisenuk hirak kinin naanmipre menmen yapirwe. ⁷ †††Hiau han yaaik emu emwenipi niuk mirak mamintar Mitik keweikin kire Sipsip kakit mite pirak hir nanitan. Hire epei wemani menmen mire. ⁸ †††Hir mit ensel newetiwe laplap yaaim mire hike hapik mewim au te hire waumir." (Laplap yaaim mire hike hiram menmen yaaim kerek mit miyapir nises him me God hir niriakem.)

⁹ ††††Hir natip epei au, mitik ensel kerek kerp ketikewa hirak ketpo kar ik: "Ti ewis menmen im. Mit miyapir kerek God keninor naninen nanim menmen me Mitik

† 18:15 Esi 27:31, 36 †† 18:16 Rev 17:4 ‡ 18:17 Esi 27:27-29 †† 18:18 Esi 27:32 †† 18:20 Ais 44:23; Diu 32:43; Jer 51:48 ††† 18:21 Jer 51:63-64; Esi 26:21 ††† 18:22 Ais 24:8; Esi 26:13

§ 18:23 Jer 7:34, 16:9, 25:10; Ais 47:9 †† 18:24 Jer 51:49; Mt 23:35; Rev 17:6 ††† 19:2 Rev 6:10, 16:7 †† 19:3 Rev 14:11 ††† 19:4 Rev 4:2, 10 †† 19:5 Sam 22:23, 134:1, 135:1; Rev 11:18 †† 19:6 Rev 11:15, 14:2, 15:3 ††† 19:7 Rev 21:2 ††† 19:8 Ais 61:10 ††† 19:9 Mt 22:2-3

keweikin kire Sipsip kakit mite pirak, hir han yaaik nanu." Hirak wen ketpo, "Him im hiram him me God hirekes." ¹⁰ Hi hemtau menmen hirak ketpo, te hi ewen ninip hitehir ewenipi niuk mirak. Hirak kewena ketpo kar ik: "Ti ap ewenipi niuk mai au emit! God kerekek. Hi hiriak menmen me God har ke ti etike nit yinan kerek yises him me Jisas yewepyapir him mirak yatip mit em. Menmen Jisas kewepyapirem, hiram menmen mikaap mit profet natip newepyapir him me God."

Him me mitik kau hos kire hike

¹¹ Hirak ensel ketpo menmen epei au, hi hir weipir ke wit ke God kenke, hos hike kerp en. Mitik kau sip kirak hir nenewek niuk mirak "Mitik kerek naanmimpren menmen mirak werek werek." Hirak ketike mit hir naninepan, hirak ¹² skelim mit, hirak kises menmen yaaim kiriakem keremem. Nanamir kirak hirak kir kire si keteikin mit hirak kertei menmen mekre han kir. Hat yapirwe me mit iuwe hiram mau paan kirak. Niuk mirak ham mau maat kirak te mit neiyen ap nerteiyem au. Hirak kirak kerekek. ¹³ Hirak kamir laplap nokim kerek nipaa hir newermaam mekre hemkre. Hir ne wit ke God nenewek niuk mirak "Him me God." ¹⁴ Mit yapirwe ne ami ne wit ke God hir nisesik nau hos mire hike yapirwe namir laplap yaaim mire hike hapik mewim au. ¹⁵ Hi hir hine ke his nokik tiknuk enuk koke him mirak kan. Hirak kaknep mit miyapir nerer wit wit kakriuerem. Epei au, hirak kakinin naanmamror wisenum te mit han ap nanikrehir kirak taau. Hirak taau. Hirak naanmamror kakir ke mitik ketenen paap keiyik naanmimpren bulmakau. Hirak kakinin mit yapirwe kakiwaank mit kerek ap nises God kakir ke mitik keit henpik (o henkip) keiyim kekpep yiwir kekre sar kehimitan God hirak han enuk keriuweri. ¹⁶ Him ham mau laplap mirak, mau hit naap kirak matip him miutip marik: "Mitik ik hirak kinin naanmipre mit iuwe kerek naanmipre mit miyapir yapirwe nau ti."

Hirak Mitik Iuwe kinin mit iuwe yapirwe.

¹⁷ Hi hirek epei au, hi hir mitik ensel hak kerp nimen ke wepni kenine hore yapirwe kerek meniuwe mau niu, keninewem keriuwe him iuwe hirak katip kar ik: "Yi hore yi yainen eikiyan eiyit niutip yi eiyim menmen God kakrimaniyem. ¹⁸ Yi einen eiyim naan me mit yapirwe. Mit iuwe ninin naanmipre ami, mit iuwe ne ami kerek nises han kir, hir netike mit weinin nekepi nenepan, mit iuwe, mit weinin, mit nepu werek, mit han niriak menmen me mit iuwe naanmipri. Hir naan kir ketike naan me hos metike mit newim, menmen yapirwe."

¹⁹ Hirak katip epei au, hi hir mitik keweikin kire miyak enuk ketike profet enuk kewenin him menmen

† 19:10 Ap 10:25-26; Rev 22:8-9 †† 19:11 Rev 1:5, 6:2; Sam 96:13; Ais 11:4 † 19:12 Rev 1:14, 2:17 †† 19:13 Ais 63:1-3; Jo 1:1, 14 †† 19:15 Rev 1:16, 4:8, 12:5, 14:19-20, 21:22 ††† 19:16 Rev 17:14 ††† 19:17 Esi 39:17-20 § 19:19 Esi 27:30-34 §† 19:19 Sam 2:2

kerek kiriak menmen yapirwe nipaa mit nirem au kikaap miyak wisenuk keriuwerem. Hirak kikaap miyak enuk keriuwerem kari mit miyapir han kir te hir neit mak mirak mau yink kir, hir newenipi nu hir nimaak nar ke miyak enuk. ²⁰ Hirakit wen tepu te hir netiwekithis newiret ten tekre hei iuwe mire wan si metnen meriuwe nan sulfa mekrekek. ²¹ Te mit han kerek netikeri nenepan, Mitik Iuwe kerek kau hos, hine keke him kirak kan kanip kenepi. Hirak kan kanip kenepi, hore man maak yink kir ere tu iuwe.

Seten kau kekre hei 1,000 tito

²⁰ Hi hir hore maak yink kir epei au, hi hir mitik ensel hak kekiuwe wit ke God kan. Hirak kekiuwe wit ke God kan ketenen ki metike sen ain wisenum. Ki hiram me mikaisiu weipir ke hei enuk wisenuk kesikekre. ² Hirak kan keithis kirin kerek niuk mirak ham mar im: "Manpen (o yenmik) ke nipaa, hirak Seten, hirak mitik enuk kerp menep ninaan me God kesiuwai him." Hirak mitik ensel ketiwekhis kininek kesenkekik keriuwe sen ain kewirek ken kekre hei. Kewirek ken kekre hei kesikekre, hirak keiyepet weipir kehuruwek hit tokim me tito 1,000. Hirak kehuruwek hit tokim te Seten ap kakno ein ein kakri mit miyapir han kir kakwisorek ere 1,000 tito hiram epei au. 1,000 tito hiram epei au, maain hirak kaknaipisek kakno ein ein me wi kike. ⁴ Epei au, hi hir yeno me mit iuwe. Mit han newim. God kewisi hir skelim mit. Hi hiri netike himin ke mit miyapir kerek mit nerekir teruk kir kewen keket kentar hir ap newenipi niuk me miyak enuk o menmen hir nesipaam mau his o maat kir au. God kikian hir nekrit nau, hir nantike Krai hir naninin naanmampre mit miyapir me 1,000 tito. ⁵ Mit han ap nises God nipaa epei naa, hir ap pike nanikrit in au. Maain 1,000 tito hiram epei mamnen, hir pike nanikrit. Im em hiram namba wan taim God kikian mit miyapir nipaa naa te hir pike nekrit nepu. ⁶ Mit miyapir kerek God kinin kikian te hir nekrit nau, hir mit yaain, hir han yaaik nanu. Hir han yaaik nanu nanintar hir ap pike nani nanteipim nanino nanikre si au. Hir nanre mit pris kerek newepwar menmen nanwet God kaktike Krai em, hir nantike Krai naninin naanmampre menmen me 1,000 tito.

God kewaank Seten hirak kewirek kekre si enum

⁷ Maain 1,000 tito hiram epei au, mitik ensel hirak kikaisiu weipir ke hei kesikekre kesiuapan sen ain kaknaaiwir Seten kakno. ⁸ Hirak kakno kakwenin him mit miyapir yapirwe ne ti nerer wit wit, naninen wit iuwe Gok ketike Megok. Hirak kakweninor him te hir naninen nanrerik nantike mit han naninepan. Mit ne ami nirak hir nanire tenhaan ke wan hir yapirwe. ⁹ Hir nanike ti nanino yanimin nanweikin wit Jerusalem kerek mit miyapir ne God nanwik, wit kerek God han-

§†† 19:20 Rev 13:12-17, 20:10, 15; Ais 30:33 §† 19:21 Rev 19:17-18 §†† 20:1 Rev 9:1 §† 20:2-3 Rev 12:9 §† 20:2-3 Ju 6 §§† 20:4 Dan 7:9, 22, 27; 1Ko 6:2; Rev 13:17 §§† 20:6 Rev 1:6 §§§ 20:8 Esi 38:2, 9, 15-16 18 20:9 2Kin 1:10; Esi 39:6

hanek. Hir nanweiknor naninip te si maminke mamke wit ke God mamnen si tatin mit ne ami in. ¹⁰ †Si tatin mit ne ami in, te God kakithis Seten kakwirek kakno hei o wan si metnen mekrerek meriuwe nan salfa. Hirak kakno hei o wan si metnen mekrerek kerek miyak enuk ketike profet enuk kewisesik tewiyen. Hirakit tatu tatit en yink kirakit kaknen (o kakises) tip-main tipmain enum eik.

God skelim mit miyapir yapirwe

¹¹ Menmen im epei man, hi hir yeno me mitik iuwe kire hike, mitik iuwe kewik. Ti ketike nepni mirir mekeipin ninaan mirak ap minmatin wit keiyak te hiram misawin mau meit en au. (Te hiram meweikin mire napi). ¹² ††Hiram meweikin mire napi epei au, hi hir mit miyapir niuk mir iuwe, mit miyapir au weinin kerek nipaa naa. Hir nan nerp menep ninaan ke mitik kau yeno mirak, mit ensel nan nenke tiwei ham miwaai en. Epei au, hir neit tiwei kiutip hak, kerek niuk me mit kerek nises him me God nanu nantikerek mewik. God skelim mit in nipaa naa keriuwe menmen hirak kirem mekre tiwei im me menmen hir niriakem. ¹³ †God kikian mit miyapir kerek naa nekre wan netike mit miyapir kerek epei naa nerer wit wit hir nerp menep ninaan mirak, hirak skelim mit miyapir me menmen hir niriakem nau ti. ¹⁴ ††Epei au, God keit menmen menip mit nani metike wit kerek himin ke mit naa niwaai en, hirak kewirem men mekre hei o wan si metnen mekrerem hiram nepei au mau meit. Hei si metnen mekrerem hiram enum mar ke mit hir pike nani. ¹⁵ ††Mit miyapir kerek God ap kir niuk mir mekre tiwei ik kerek ketpiwek niuk me mit miyapir hir nanu nantikerek, hirak kewiri nekre hei wan si metnen mekrerek.

Jon kir ti ketike nepni meiyam man mekrehir me ti ketike nepni nipaa mepu

21 ††God kewiri nekre hei si metnen mekrerek epei au, hi hir ti keiyak ketike nepni meiyam mepu mekrehir ke ti keiyak ketike nepni meiyam nipaa mepu. Hiram metike wan epei au mesi. ² ††Epei au, hi hir wit kerek God kehimitanek hirak wit kirak. Hirak wit Jerusalem keiyak kekrehir ke wit Jerusalem ke nipaa. Hirak keit wit ke God kinaiwirek kekiuwe kan. God kemaniyek yaaik kire mite wesewetike mitik nanitan. ³ †Hi epei hirek, hi hemtau him ke mitik keit yeno me mitik iuwe hirak katip kar ik: "Eiyimtwem! God winak kirak kau nimin ke mit miyapir te hirak kaku kaktikeri. Hir nanu nanre mit nirak, hirak kaku kaktikeri kakre God kir. ⁴ ††God kaknip mit miyapir en han yaaik nanu. Hir ap pike nani o han enuk o nankit o yink kir kaknen au. Menmen im me nipaa ein hiram epei au."

† 20:10 Jen 19:24; Sam 11:6; Rev 19:20; 21:8 †† 20:12 Dan 7:9-10; Mt 25:31-46; Rev 13:8; Ap 17:31; 2Ko 5:10 † 20:13 Ro 2:6; 1Pi 1:17; Rev 2:23, 22:12 †† 20:14 1Ko 15:26, 55 †† 20:15 Mt 25:41; Rev 13:8, 19:20 ††† 21:1 2Pi 3:13 ††† 21:2 Ais 52:1, 61:10; Hi 11:16, 12:22; Rev 3:12 † 21:3 2Kro 6:18; Sek 2:10; 2Ko 6:16 †† 21:4 Rev 7:17; Ais 35:10, 65:19

⁵ ††Mitik kerek kau yeno me mitik iuwe ketpo kar ik: "Ti emtewek. Hi anip menmen yaa'im mamikrehir me menmen nipaa." Hirak wen ketpo, "Ti ewis menmen im hi nepei hetputem emu tiwei entar menmen hi hetpi yi mit em hiram yaa'im." ⁶ ††Hirak katip, "Menmen im hiram nepei au. Hi mitik kerek nipaa menmen ap mepu au, hi hepu, maain hi apau. Hi hiriak menmen yapirwe te menmen yapirwe mit miyapir kerek hanhan nanim tipar hi awetirem weinin tipar mai mamkepi hir nanu nanit tipmain tipmain enum eik. ⁷ †††Yi mit kerek yi yises him mai werek ere yi yayi, yi wen yiriak menmen mai yaa'im yinin menmen enum mamri han ki enuk, yi mit in hi aweti menmen im yapirwe hi et-piyem. Hi are God ki, yi eire nikerek nai.

⁸ ††Te mit kerek hir nipaa nisisa hi God, in ek au nnapen nentar mit nanip nentar hir nisisa, hir netike mit neweikin sip newet God, mit kerek niriak menmen enum enum, mit kerek nenep mit han hir nani, mit kerek nari miyapir his neweninem, mit kerek niriak nasi, mit kerek newepwar menmen newet tipir em, hir nantike mit enun newisesik, hir yapirwe nanino hei iuwe mire wan si metnen meriuwe nan salfa mekrerek. Menmen im hiram enum mire mit hir pike nani nanikrerem."

Him ke wit Jerusalem hak yaaik

⁹ ††Hi hemtau him im nepei au, mitik ensel kiutip ke ensel nar hispinak wik (7) kerek netenen min mar hispinak wik (7) menmen enum menep mit mekrerem, hirak mitik ensel ik kan menep ketpo kar ik: "Ti enen etikewa hi ateiknut mite yaaip kerek hire wautike Mitik keweikin kire Sipsip hir nanitan. ¹⁰ †††Hirak ketpo epei au, hirak ketauhis himin kai hawir wen werp miniu (o neiyip) wisenuk. Hawir werp en, hirak keteikno wit Jerusalem, wit God kehimitanek hirak kirak keke wit ke God kekiuwe kan. ¹¹ †††Hirak kir keriuwe menmen yaa'im me God, hirak kire nan yaa'im niuk mirak jasper kerek mit newir pewek yapirwe netiwem, nan kerek hir newisim mau wepni hiram mir wisenum mar ke glas. ¹² †††Niwa hirak keweikin wit hirak nokik ken niu, weipir hiswiyen wik (12) mewik, mit ensel niutip niutip nerp nersisem naanmipre weipir. Niuk me weiwik hiswiyen wik (12) me Isrel mau weipir im. ¹³ Wit wepni kokai kan weipir wikak tewik. Wit wepni kewen ken weipir tar wikak tewik. Wit ken niu in weipir tar wikak tewik. Wit ken min in weipir tar wikak tewik. ¹⁴ Hir nime niwa im mentar nan iuwe mar hiswiyen wik (12). Niuk me mit aposel nar hiswiyen wik (12) ne Mitik keweikin kire Sipsip niuk mir mau nan im.

¹⁵ †††Mitik ensel kerek ketpo menmen ketenen si me gol kaknin mak ke wit iuwe ik e, ketike weipir mirak, niwa mirak. ¹⁶ Wit ik e hirak nokik yinak ik yinak ke wit hiram mipiram. Ensel ik kinin mak ke wit keriuwe si

††† 21:5 Rev 4:2, 10; 2Ko 5:17 ††† 21:6 Rev 1:8, 17, 22:17; Jo 7:37; Sam 36:9 ††† 21:7 2Sml 7:14 ††† 21:8 Hi 10:38-39; Mt 25:41; Rev 19:20, 21:27, 22:15 ††† 21:9 Rev 15:1 ††† 21:10 Esi 40:2; Rev 21:2 †††† 21:11 Ais 60:1-2, 19 †††† 21:12 Esi 48:30-35 18 21:15 Rev 11:1

mīrak. Wit hīrak nokik mīrak hīram mar 2400 kilomita. Wit kau niu kīrak ketike nokik kīrak hīrak yaaik kīpīrak. ¹⁷ Hīrak kinin mak ke wit epei au, hīrak kinin mak ke niwa kau niu kīrak keriuwe si mire mit ninin mak neri-uwerem, te hīrak kīrem hīram mire 65 mita.

¹⁸ God kime niwa keweikin wit ik, hīrak kimaak me nan jasper. Wit hirekes God kimaak me gol hīram mir mire tipar mar ke mani katin nemnok. ¹⁹ †Nan iuwe kerek God kime niwa menterim hīram marim. Nan namba 1 hīrak jasper. Nan hak (namba 2) hīrak sapaia kire yinamin. Nan hak (namba 3) hīrak nan hike niuk mīrak agat. Nan hak (namba 4) hīrak kire yinamin niuk mīrak emeral. ²⁰ Nan hak (namba 5) hīrak nan kire hike ketike ninik niuk mīrak sadonikis. Nan hak (namba 6) hīram nan kire ninik niuk mīrak konilian. Nan hak (namba 7) hīrak kire kono niuk mīrak krisolait. Nan hak (namba 8) hīrak kire yinamin niuk mīrak beril. Nan hak (namba 9) hīrak kire kono niuk mīrak topas. Nan hak (namba 10) hīrak kire yinamin ketike kire kono niuk mīrak krisopres. Nan hak (namba 11) hīrak kire yinamin niuk mīrak haiasin. Nan hak (namba 12) hīrak kire ninik niuk mīrak ametis. ²¹ Ya weipir ke niwa mar hiswiyen wik (12) God kimaam me bis me nan iuwe. Ya weipir miutip miutip hīram me klamsel me bis miutip miutip wisenuk kerekek. Yayiwe kerekir wit iuwe ik hīrak ke gol mir yaaim mire mani katin nemnok.

²² ††Hi ap hir winak iuwe kiutip ke God keit wit iuwe keteikin mit God kau ketikeri eik e au. Mitik iuwe God hirekes kerek manpenuk wisenuk hīrak ketike Mitik keweikin kire Sipsip hīrakit tepu wit ik te mit miyapir niret tepu. Te hir ap nime winak neteikin hīrakit tepu tetikeri au. ²³ †Wepni o wenke ap te mamir mamit wit ik e taau. Menmen iuwe me God merhihe mire si, menmen iuwe me Mitik keweikin kire Sipsip mamir te hīram mamir mamnep wit mamikrehir ke wepni te hir mit nanir ein ein. ²⁴ ††Mit miyapir nerer wit wit hir nanin nanir menmen iuwe mīrakit mir menep wit, te hir nanitet yayiwe nanino in nanino ein. Mit iuwe ninin naanmīpre mit miyapir nau ti hir nanit pewek mire yapirwe neiyim naninen wit ik. ²⁵ ††Hir ap te naniyepet weipir me niwa mamit in nanintar wit ap toto mamtai au. Wepni kerekek. ²⁶ Menmen mit hir neses neri-uwerem metike pewek mir, hir mit nerer wit wit nau ti neiyim naninen nanwisim mamit witeik. ²⁷ ††Te menmen enum o mit miyapir kerek niriak menmen enum o newisesik nanino ninin wit ik e au. Mit miyapir kerek Mitik keweikin kire Sipsip kewis niuk mir miwaai mekre tiwei kerek mehimitan mit miyapir nanu nantike God, hir keriyen nanino nanikre wit ik e.

Him me nu metike tipar mamkaap mit miyapir nanu werak

22 †††Hi hir wit yaaik nepei au, mitik ensel keteikno mani kerek tipar mīrak mīkaap mit miyapir hir

† 21:19 Ais 54:11-12 †† 21:22 Rev 15:3 † 21:23 Ais 60:19-20; Rev 22:5 †† 21:24 Ais 60:3, 5 †† 21:25 Ais 60:11; Sek 14:7; Rev 22:5 ††† 21:27 Ais 52:1; 1Ko 6:9-10; Rev 13:8, 21:8 ††† 22:1 Esi 47:1; Joe 3:18; Sek 14:8

nanu werak. Tipar im meke yeno kerek Mitik Iuwe God kewim metike yeno Mitik keweikin kire Sipsip kewim. ² ††Tipar im hīram nemnok hīram mekiuwe wi miram mitet yayiwe ke ninin. Nu kerek mīkaap mit miyapir nanu nanit hīram merp menep mani kekiuweri, ham merp pinak, ham merp pinak. Hīram mari mine nīkim me wenke kiutip wenke kiutip, tiwei miram hīram mīkaap mit miyapir nerer wit wit nipa hir ninap te hir nanre yaain. ³ Menmen yapirwe kerek nipaa mewaank ti God kakriakem nepei au meit kakintar hīrak ketike Mitik keweikin kire Sipsip hīrakit tatu wit ik naanmamre mit, te hir nanwenipi niuk mīrak. ⁴ ††Mit hir nanir niwaan mīrak, hīrak kakwis niuk mīrak mamu maat kir. ⁵ †††Witaan ap te pike mamnen taau. Mit ap nanit si te nanir yayiwe o wepni kau nepni kir au. Mitik luwe God hīrak kaku kakrehir ke wepni kakir te mit nises him mīrak hir nanu nanire mit iuwe tipmain tipmain enum eik.

Jisas pike kaknen waswas

⁶ ††Mitik ensel hīrak ketpo kar ik: "Him im yapirwe ti hewisim hīram yaaam maain mamnen. Mitik luwe God kerek hīrak epei kiriak mit profet himin kir kekrit te hir newepyapir him mīrak, hīrak epei keriuwet mit ensel nīrak te hir nan newepyapir natip mit nises him mīrak menmen te menep mamnen." ⁷ †††Jisas ketpi kar ik: "Yi eiyimtau! Menep te hi pike anen. Mit miyapir kerek nanimtau him mau tiwei im nanisesim, hir han yaaik nanu."

⁸ ††Hi Jon kerekek hi hir menmen im hi hemtau him miram. Hi hir menmen im, hemtewem nepei au, hi hewen ninip hiwaai hit me mitik ensel kerek keteikno menmen im. ⁹ Te hīrak ketpo kar ik: "Ti ap hīriak menmen im au emit! Hi hīriak menmen me God har ke yi mit yetike mit nit yinan hir profet hir netike mit yapirwe kerek nemtau him mau tiwei im nanisesim. Te ti ap ewenaunipi au emit! Ti ewenipi God kerekek." ¹⁰ Hīrak wen ketpo kar ik: "Ti ap epakin him me God mekre tiwei im au emit, entar wi epei man menep te menmen im mamnen. ¹¹ ††Menmen im menep te mamnen. Te mit kerek niriak enum hir wen nanriakem. Mit kere han kitet enum enum, hir wen han ekitetim. Mit kerek niriak menmen yaaam hir wen enriakem. Mit kerek hir yaain wen enu anirek."

¹² †††"Yi eiyimtewek! Menep te hi Jisas hi pike anen. Hi anen etenen menmen yaaam me mit miyapir yapirwe te hi awetirem me menmen nipaa ein ere in hir niriakem. ¹³ †††Hi kerekek hi hinin, maain te hi pike ekaru. Nipaa hi hinin hīriak menmen te maain hi pike ariakem yaaam.

¹⁴ †††"Mit miyapir kerek nises him me God hir nire mit epei nekemyet laplap mir hīram pike yaaam. Mit miyapir narik hir han yaaik nanu nanintar God kakwisi

§ 22:2 Jen 2:9; Esi 47:12; Rev 22:14, 19 §† 22:4 Sam 42:2; Mt 5:8; Rev 3:12 §†† 22:5 Rev 5:10, 20:6, 21:23, 25; Dan 7:18, 27 §† 22:6 Rev 1:1 §†† 22:7 Rev 1:3, 2:16 §† 22:8 Rev 1:3, 10:4 §† 22:11 Dan 12:10 §†† 22:12 Rev 2:16, 23; Ais 40:10; 2Ko 11:15 §§† 22:13 Rev 1:8, 17, 21:6 §§§ 22:14 Rev 22:2

hir nanino nanitet ya weipir ke wit nanino niman nanim nikim me nu kerek mikaap mit miyapir nanu werek werek nanu nanit. ¹⁵ †Te mit enun nises han kir enuk, hir nantike mit kerek nari si newir pikoker niriak nasi, o mit nari miyapir his neweninem, mit kerek nenep mit han nani, mit kerek newepwar menmen newet tipir em, o mit kerek newenin him nises him mir hiras, mit miyapir nar ik hir ap te nanino nanitet ya weipir ke wit iuwe au. Hir enu enit witeik. ¹⁶ ††Hi Jisas kerekek hi epei heriuwet mitik ensel kai hirak kan kewepyapir him im men yi mit ne weiwik miutip me God yerer wit. Hi kerekek hi ke weiwik me Devit, hi nepenyek kirak hi hire saaur kau nepni kir wisenum ere wanewik.”

¹⁷ ††“God Himin Yaaik ketike mit miyapir nises him me hi Mitik keweikin hire Sipsip hir natip nar ik: ‘Ti enen!’ Mit miyapir kerek nanimtau him im hir entip, ‘Ti enen.’ Mit miyapir kerek him niu enuk (o hir mar kewenkikor him), hir eninen enim tipar mikaap mit miyapir hir nanu werek werek nanu nanit. Hir nanwir pewek nanit tipar im nanim au. Hir nanim weinim.

† 22:15 Rev 21:27 †† 22:16 Ro 1:3; Rev 2:28; 5:5; Nam 24:17
‡ 22:17 Rev 21:6

¹⁸ ††Hi Jon hi hetpi yi mit miyapir yapirwe kerek yayimtau him me God me menmen mamnen mau tiwei im, hi hetpi him manp har ik: “Mit han kerek nanwis him ham mamu mamtike him im mau tiwei, te God kaknip kakriuwe menmen enum hirak kenep mit keriuwerem hi epei hewisim mau tiwei im. ¹⁹ ††Mit han hir nanisak him ham mau tiwei kerek hi hewisim te God kakri menmen mir mau nu mikaap mit hir nanu werek werek nanu nanit, hirak kakwisi nanu wit kirak yaaik taau.”

²⁰ ††Mitik kerek kewepyapir him im hirak katip kar ik: “O, hi Jisas hi anen waswas.”

Mitik luwe Jisas haiu mewenhi matip mar ik: “Ti enen waswas.”

²¹ Hi Jon hanhan Mitik luwe kiau Jisas Krais hirak kakriak yi mit miyapir kerek yises him mirak kakrekyi menmen yaaam.

Mepir keremem

†† 22:18 Diu 4:2, 12:32; Rev 15:1 †† 22:19 Rev 22:2 †††
22:20 Rev 3:11